

ਅਧਿਆਤਮਿਕ ਰਾਮਾਇਣ

# ਅਧਿਆਤਮ ਰਾਮਾਇਣ



ਸੰਨ ੧੯੦੩ ਈ:

ਰਾਇ ਸਾਹਿਬ ਮੁਨਸ਼ੀ ਗੁਲਾਬਸਿੰਘ ਐਂਡ ਸਨਜ਼

ਪਿੰਡਰਜ਼, ਪਬਲਿਸ਼ਰ, ਬੁਕਸੇਲਰ,

ਮਾਲਕਾਨ ਪੰਜਾਬ ਸੈਂਟਰਲ ਬੁਕਸਿਪੋ ਦ ਮੁਢੀਵਾਮਾਮ ਪ੍ਰੈਸ

ਲਾਹੌਰ



੧ ਓਸਤਿਗੁਰਪ੍ਰਸਾਦਿ ॥

ਅਥ ਅਧਯਾਤਮ ਰਾਮਾਇਣ ਲਿਖਯਤੇ

॥ ਦੋਹਰਾ ॥

ਦੇਵੀ ਮਾਤਾ ਸਾਰਦਾ ਸਰਦ ਇੰਦੁ ਸਮ ਹਾਸ ॥

ਬੰਦੋਂ ਪਦ ਪੰਕਜ ਸਦਾ ਕਰੇ ਸੁਮੱਤਿ ਪ੍ਰਕਾਸ ॥ ੧ ॥

॥ ਸ਼ੀਕਰਛੰਦ ॥

ਗਣ ਨਾਥ ਦਾਸ ਨਿਵਾਇ ਮਸਤਕ ਬੰਦਨਾ ਪਗਧਾਰ। ਕਰਿਯੋ  
ਚਹੇ ਉਰ ਰਾਮਕੇ ਜਸ ਦੇਹੁ ਬੁਝਿ ਉਦਾਰ। ਸੁਰਗੁਰ ਕਰੇ ਸੁਰ  
ਰਾਜ ਕਾਰਜ ਪਾਦ ਕੰਜ ਮਨਾਇ। ਹੇ ਰੰਬ ਨਾਥ ਅਨਾਥ ਕੇ  
ਮੇ ਧੀਰ ਬੀਰ ਸਹਾਇ ॥ ੨ ॥ ਸਵੈਯਾ ॥ ਅਜ ਸੂਰਜ ਵੰਸ  
ਵਿਖੇ ਨਿਪਜੇ ਰਿਖ ਯੱਗ ਬਿਨਾਸਿਕ ਪ੍ਰਾਨ ਨਿਕਾਰੇ। ਰਿਖਨਾਰਿ  
ਉਧਾਰਿਕਰੀ ਖਿਨ ਮੈਂ ਜਿਹ ਬੀਚ ਸਮੁੰਦਰ ਭੂਧਰ ਤਾਰੇ। ਰਣ  
ਰਾਵਣਕੇ ਦਸ ਸੀਸ ਕਟੇ ਜਿਨ ਦਾਸ ਬਿਭੀਖਨ ਕਾਜ ਸਵਾਰੇ।  
ਜਨਕਾਤਮਜਾ ਪਤਿ ਰਾਮ ਵਹੀ ਮਤਦਾਇਕ ਹੈਂ ਅਵਿਲੰਬ  
ਹਮਾਰੇ ॥ ੩ ॥ ਸਵੈਯਾ ॥ ਪਰਮਾਤਮ ਰਾਮ ਰਤੇ ਜਗ ਸੇ  
ਸਭ ਲੋਕ ਜਿਨ੍ਹੇ ਪਗ ਬੰਦਨ ਧਾਰੇ ॥ ਜਿਨ ਨਾਮ ਮੁਕੰਦਹ ਸੇਤ  
ਬਨਾਇ ਸੁ ਸੇਵਕ ਕੇ ਗਨ ਪਾਰ ਉਤਾਰੇ। ਜਿਹ ਕੀਰਤਿ  
ਪੂਰਿ ਰਹੀ ਅਵਨੀ ਗੁਨ ਸਿੰਧ ਕਹਾਂ ਬਰਨੇ ਹਮ ਥਾਰੇ। ਗੁਰ  
ਨਾਨਕ ਵੈ ਪਦ ਮੰਜੁਲਕੇ ਕਰ ਜੋਰ ਸਦਾ ਅਭਿਬੰਦ ਹਮਾਰੇ ॥  
੪ ॥ ਅਨੰਗ ਸੇਖਰ ਛੰਦ ॥ ਗੁਰੂ ਗੁਬੰਦ ਸਿੰਘ ਕੋ ਨਮੋ



ਸੁ ਹਾਥ ਜੇਰਕੈ ਕੁਸਤ੍ਰ ਤੇਜ ਤੋਰ ਜਾਂਹਿ ਪਾਲਿਓ ਹਿੰਦਾਨਿਕੇ  
 । ਕ੍ਰਿਪਾਲ ਸੀਸ ਹਾਥ ਦੈ ਸੁ ਕੀਟ ਤੈ ਕਰੇ ਮ੍ਰਿਗੰਦ ਇੰਦ੍ਰ  
 ਚਾਪ ਲਾਜ ਪੇਖ ਨਾਥ ਕੀ ਕਮਾਨਿ ਕੇ । ਅਪਾਰ ਦੂਖ ਟਾਰਕੈ  
 ਨਿਵਾਰ ਕੈ ਕਲੇਸ਼ ਦਾਸ ਬਾਸਤੇ ਬਿਕੁੰਠ ਤੇਜ ਪੂਰਿਯੋ ਜ  
 ਹਾਨਿ ਕੇ । ਭੁਜਾ ਭੁਜੰਗ ਰਾਜਸੀ ਬਿਰਾਜ ਸੀਸ ਕੇਸ ਚੰਦ  
 ਸਾਮਤਾ ਨ ਹੋਇ ਤੇ ਮੁਖਾਰਬਿੰਦ ਜਾਨਿ ਕੇ ॥ ੫ ॥ ਛਪੈ  
 ਛੰਦ ॥ ਨਿਪਜੇ ਪੰਕ ਸੁ ਬੀਚ ਜਰੇ ਕੰਟਕ ਤਿਨ ਅੰਗਾ ।  
 ਵਿਧੁ ਅੰਰਤਿ ਪਰਮੰਦ ਭ੍ਰਮਰ ਮਰਦੇ ਸਰਬੰਗਾ । ਗੁਰ ਪਦ  
 ਕੰਜ ਸੁਨਿਰਖ ਪ੍ਰਭਾ ਤਿਹ ਹਸੇ ਨਿਰੰਤਰ । ਖਿਰੇ ਰਹੇਦਿਨਰੈਨ  
 ਸਦਾ ਨਹਿ ਪਰੇ ਸੁ ਅੰਤਰ । ਸ੍ਰੀ ਮਾਨਸਿੰਘ ਗੁਰ ਕੇ ਚਰਨ  
 ਭਯ ਭੰਜਨ ਉਰ ਤਮ ਹਰਣ । ਜਨ ਅਰਥ ਭੁਗਤਿ ਅਪ  
 ਵਰਗ ਕਰ ਸਭ ਲਾਇਕ ਸੇਵਕ ਸ਼ਰਣ ॥ ੬ ॥ ਸਵੈਯਾ ॥  
 ਰਘੁਬੀਰ ਕੀ ਕੀਰਤਿ ਸਿੰਧੁ ਕਹਾਂ ਹਮਸੇ ਮਤਿ ਮੰਦ ਕਹਾਂ  
 ਬਗ ਬਾਰੇ । ਸੁ ਮਰਾਲ ਬਡੇ ਕਵਿ ਮੰਡਲ ਜੋ ਤਿਹ ਬੀਚ  
 ਫਿਰੇ ਨਹਿ ਪਾਵਤ ਪਾਰੇ । ਬਗ ਪੈਰਨ ਪੇਖ ਮਰਾਲ ਹਸੇਂ ਤੁ  
 ਹਸੇਂ ਨਹਿ ਹੈ ਕਛੁ ਹਾਨਿ ਹਮਾਰੇ । ਰਸ ਅੰਮ੍ਰਿਤ ਕੀਰਤਿ  
 ਪਾਇ ਭਲੇ ਸਮ ਹੰਸਨ ਕੇ ਬਗ ਕਾਲ ਨਿਵਾਰੇ ॥ ੭ ॥ ਸ੍ਰੈਃ  
 ॥ ਬਡ ਬੋਲ ਸੁਨੇ ਲਘੁ ਬਾਲ ਜਬੈ ਤਿਮ ਬੋਲਨ ਕੇ ਮਨਮੈ  
 ਉਮਗਾਵੇਂ । ਵੱਹ ਯਦਪਿ ਨਾ ਤਿਮ ਬੋਲ ਸਕੈ ਸੁਨਿ ਬਾਲਕ  
 ਬੈਨ ਬਡੇ ਬਿਗਸਾਵੇਂ । ਤਿਮਹੀ ਮਮ ਛੰਦਨ ਗਯਾਨ ਨਹੀਂ  
 ਪੁਨਿ ਜਾਨਿਤ ਨਾ ਲਘੁ ਦੀਰਘ ਨਾਵੇਂ । ਕਰੁਣਾਨਿਧ



ਕੇਵਿਦ ਕਾਨ ਪਰੇ ਮਮ ਬਾਲਕ ਬੈਨ ਸਦਾ ਹਰਖਾਵੇ ॥ ੯ ॥  
 ਨਰਾਜ ਛੰਦ ॥ ਕਥੈਂ ਕਵਿੰਦ ਪੁੰਜ ਜਾਂ ਅਪਾਰ ਉਜਲੰਜਸੰ ।  
 ਗਨੇਸ਼ ਐ ਮਹੇਸ਼ ਸੇਸ ਭਾਖਿ ਹੈਂ ਦਿਵਾ ਨਿਸੰ । ਸੁਨੇ ਸੁ ਰਾਮ  
 ਕਾਲਕੀ ਕ੍ਰਿਪਾਲ ਮੋਹਿ ਬਾਲਕੀ । ਹਸੇ ਮੁਖਾਰਬਿੰਦ ਤੇ ਕਟੇ  
 ਸੁ ਫਾਸ ਕਾਲਕੀ ॥ ੯ ॥

### ॥ ਅਥ ਕਥਾ ਪ੍ਰਸੰਗ ॥

ਸੂਤਉਵਾਚ ॥ ਚੌਃ ॥ ਏਕ ਸਮੇ ਨਾਰਦ ਮੁਨਿ ਯੋਗੀ । ਸਭ  
 ਲੋਗਨ ਕੇ ਹਿਤ ਉਦਯੋਗੀ । ਕ੍ਰਮਕਰ ਸਗਲ ਲੋਕ ਮੈਂ ਗਏ  
 । ਸੱਤ ਲੋਕ ਪੁਨ ਜਾਵਤ ਭਏ ॥ ੧੦ ॥ ਸਵੈਯਾ ॥ ਸੁਭ  
 ਮੂਰਤਿ ਵੰਤ ਸੁ ਦੇਵ ਜਹਾਂ ਚਤੁਰਾਨਨ ਜੂ ਤਿਹ ਮੱਧਿ ਬਿਰਾਜੇ  
 । ਰਵਿ ਬਾਲ ਪ੍ਰਭਾ ਸੁ ਲਸੇ ਗ੍ਰਿਹ ਸੁੰਦਰ ਪੇਖਤ ਮਿਸਰ ਦੂਰ  
 ਸੁ ਭਾਗੇ । ਰਿਖ ਮਾਰਕੰਡੇ ਲੋ ਸਭੈ ਮਿਲਕੈ ਚਤੁਰਾਨਨ ਕੇ  
 ਗੁਨ ਗਾਵਤ ਆਗੇ । ਸਭ ਗੋਚਰ ਗਯਾਨ ਸਦਾ ਜਿਨ ਕੇ  
 ਸਭ ਦੇਵ ਸਦਾ ਜਿਨਕੇ ਪਗ ਲਾਗੇ ॥ ੧੧ ॥ ਚੌਪਈ ॥  
 ਸਾਰਸੁਤੀ ਜਿਹ ਸੰਗ ਬਿਰਾਜੇ । ਜਗੰਨਾਥ ਚਤੁਰਾਨਨ ਛਾਜੇ  
 । ਭਗਤ ਅਭੀਸ਼ਟ ਫਲ ਪਰਦਾਤਾ । ਬ੍ਰਹਮਾ ਤ੍ਰਈ ਲੋਕ  
 ਬਿਖਯਾਤਾ ॥ ੧੨ ॥ ਤਾਕੇ ਪਿਖ ਨਾਰਦ ਮੁਨਿਗਯਾਨੀ । ਵੰਡ ਪ੍ਰ-  
 ਣਾਮ ਭਲੀ ਬਿਧਿ ਠਾਨੀ । ਪਿਖ ਪ੍ਰਸੰਨ ਬ੍ਰਹਮਾ ਅਤਿ ਖਿਰੇ ।  
 ਨਾਰਦ ਪ੍ਰਤਿ ਪੁਨਿ ਬੈਨ ਉਚਰੇ ॥ ੧੩ ॥ ਦੋਹਰਾ ॥ ਕੌਨ  
 ਬਾਤਿ ਪੂਛੀ ਚਹੇ ਹੇ ਮੁਨਿ ਦੇਹੁ ਸੁਨਾਇ । ਉੱਤਰ ਤਾਕੇ ਹੋਇ  
 ਜੇ ਤੋਕੇ ਦੇਉਂ ਬਤਾਇ ॥ ੧੪ ॥ ਸੁਨਿ ਬ੍ਰਹਮਾ ਕੇ ਬਚਨ ਕੇ



ਨਾਰਦ ਹਰਖ ਅਪਾਰ । ਬ੍ਰਹਮਾ ਪ੍ਰਤਿ ਕਰ ਜੇਰ ਕੈ ਕੀਨੋ  
 ਪ੍ਰਸ਼ਨ ਉਚਾਰ ॥ ੧੫ ॥ ਨਾਰਦੋਵਾਰ ॥ ਚੌਪਈ ॥ ਸੁਭ  
 ਆਸੁਭ ਅਹੇ ਜਗ ਜੋਈ । ਤੁਮਤੇ ਸੁਨੇ ਪ੍ਰਿਥਮ ਮੈ ਸੋਈ । ਸੁਰ  
 ਸੱਤਮ ਇਕ ਸੰਸੇ ਅਹੇ । ਮੇਰੇ ਉਰ ਅੰਤਰ ਕੋ ਦਹੇ ॥ ੧੬  
 ॥ ਸੁਨਨੇ ਯੋਗ ਵਹੀ ਅਬ ਦਯਾਲ । ਤਾਕੇ ਉੱਤਰਿ ਕਹੇ  
 ਬਿਸਾਲ ॥ ਗੋਪ ਹੋਇ ਜੋ ਸੋਇ ਤੁਮਾਰੇ । ਤੋਭਿ ਕਹੇ ਜੋ ਦਯਾ  
 ਹਮਾਰੇ ॥ ੧੭ ॥ ਸਵੈਯਾ ॥ ਯੁਗ ਜੋ ਕਲਿ ਆਵਹਿ ਗੋ  
 ਜਗ ਮੈਂ ਨਰ ਪੁੰਨ ਤਿਆਗਹ ਪਾਪ ਪਿਆਰੇ । ਮੁਖ ਝੂਠ ਬਕੇਂ  
 ਸਗਲੇ ਜਗ ਮੈਂ ਦੁਰ ਚਾਰ ਰਤੇ ਨਹਿ ਸਾਰੁ ਉਚਾਰੇਂ ॥ ਪਰਕੇ  
 ਅਪਵਾਦ ਕਰੇਂ ਸਦਹੀ ਪਰ ਦੁੱਬ ਸਦਾ ਮਨਿ ਮਾਂਹਿ ਚਿ-  
 ਤਾਰੇਂ । ਪਰਨਾਰਿ ਬਿਖੇ ਰਤਿ ਨੀਤਿ ਕਰੇਂ ਅਤਿ ਕੂਰ ਬਡੇ  
 ਪਰ ਪ੍ਰਾਣ ਨਿਕਾਰੇਂ ॥ ੧੮ ॥ ਚੌਪਈ ॥ ਪੰਚ ਭੂਤ ਤਨ  
 ਆਤਮ ਜਾਨੇ । ਪਸੁ ਬੁਧੀ ਨਹ ਬੇਦਨ ਮਾਨੇ । ਮਾਤ ਪਿਤਾਕੀ  
 ਕਰੇਂ ਨ ਸੇਵਾ ॥ ਕਾਮ ਦਾਸ ਨਾਰੀ ਤਿਨ ਦੇਵਾ ॥ ੧੯ ॥ ਬਿੱਪਰ  
 ਲੋਭ ਪਿਸਾਰਹਿ ਗਿਰੇ ॥ ਬੇਦ ਬੇਚ ਤਨ ਜੀਵਨ ਕਰੇ ॥ ਵਿ  
 ਦਯਾ ਪੜੇ ਸੁ ਧਨਹਿ ਨਿਮਿੱਤਾ । ਮਦ ਮੋਹੇ ਨਹਿ ਹਰਿ ਮੈਂ  
 ਚਿੱਤਾ ॥ ੨੦ ॥ ਦੇਹਰਾ ॥ ਤਿਆਗੇਂ ਗੇ ਨਿਜ ਜਾਤਿਕੇ ਕ  
 ਰਮ ਪੁਰਾਤਨ ਰੀਤਿ ॥ ਹਰਿ ਵੇਮੁਖ ਪਰ ਬੰਚਨਾ ਕਰੇ ਨਿ  
 ਰੰਤਰਿ ਚੀਤਿ ॥ ੨੧ ॥ ਚੌਪਈ ॥ ਪ੍ਰਜਾ ਨ ਪਾਲੈਂ ਕਲਿ ਮੈਂ  
 ਰਾਜਾ । ਦੰਡ ਪ੍ਰਜਾ ਨਿਜ ਕਰ ਹੈਂ ਕਾਜਾ ॥ ਵੈਸ ਧਰਮਕੇ  
 ਤਿਆਗੇ ਸਾਰੇ ॥ ਸੁਦਰਿ ਕਲਿਮੈ ਕੋਲ ਬਿਚਾਰੇ ॥ ੨੨ ॥ ਵੇ:



॥ ਵਿੱਖੁ ਕਰਮ ਸੂਦਰ ਕਰੇਂ ਸੂਦਰ ਕੇ ਭੂਦੇਵ । ਘੋਰ ਕਲੀ  
 ਜਬ ਆਇ ਗੋ ਮਾਨੇਂਗੇ ਨਹਿ ਦੇਵ ॥ ੨੩ ॥ ਚੌਪਈ । ਨਾਰਿ  
 ਹੋਹਿਗੀ ਭ੍ਰਸ਼ਟੀ ਸਾਰੀ । ਭਰਤਾ ਭਜੇ ਨ ਕਲਿ ਮੇਂ ਨਾਰੀ ॥  
 ਸਾਸੂ ਦੋਹ ਕਰੇਂਗੀ ਨਾਰੀ । ਜੇ ਕਲਿਆਵੈ ਗੋ ਜਗ ਭਾਰੀ ॥  
 ੨੪ ॥ ਯਾ ਬਿਧ ਨਸ਼ਟ ਬੁੱਧਿ ਜਗ ਜੇਤੇ । ਸੁਰਗ ਜਾਂਹਿਗੇ  
 ਕਿਹ ਬਿਧ ਤੇਤੇ । ਯਾਚਿੰਤਾ ਸੇਂ ਬਿਆਕੁਲ ਚਿੰਤਾ । ਸਦਾ ਰਹੇ  
 ਮਮ ਲੋਕ ਨਮਿੰਤਾ ॥ ੨੫ ॥ ਤੁਮ ਸਰਬੰਗ ਸਦਾ ਸਭ ਜਾਨੋ  
 । ਲਘੁ ਉਪਾਇ ਸੇ ਮੋਹਿ ਬਖਾਨੋ । ਜਾਕਰ ਜੀਵ ਲਹੇਂ ਪਰ  
 ਲੋਕ । ਸਗਲ ਨਿਵਾਰੇਂ ਉਰਕੇ ਸ਼ੋਕ ॥ ੨੬ ॥ ਸੁਨਿ ਯਾ ਬਿਧ  
 ਨਾਰਦ ਕੀ ਬਾਨੀ । ਬਹੁਤ ਭਲੀ ਕਮਲਾਸਨ ਮਾਨੀ । ਅਬ  
 ਜਾਸਨ ਪੁਨ ਬੈਨ ਉਚਰੇ । ਨਾਰਦ ਪ੍ਰਸ਼ਨ ਪ੍ਰਸੰਸਾ ਕਰੇ ॥  
 ॥ ੨੭ ॥ ਬ੍ਰਹਮੋ ਵਾਰ ॥ ਚੌਪਈ ॥ ਨਾਰਦ ਧਨਿ ਧੰਨਿ  
 ਤਵਬਾਨੀ । ਪਰਹਿਤ ਪ੍ਰਸ਼ਨ ਕਰੇ ਜਗ ਗਜਾਨੀ । ਸੁਨਿ  
 ਨਾਰਦ ਅਬ ਤੋਹਿ ਬਤਾਉਂ । ਤੇਰੇ ਸਬ ਸੰਦੇਹ ਮਿਟਾਉਂ ॥  
 ੨੮ ॥ ਦੋਹਰਾ ॥ ਪੂਰਬ ਗਿਰਜਾ ਜੇਰ ਕਰ ਕੀਨੋ ਪ੍ਰਸ਼ਨ  
 ਸਨੇਹ । ਸ੍ਰੀਰਾਮ ਤਤੁ ਤਿਪੁਰਾਰਜੁ ਕਹੀਯੇ ਵਾਂਛਾ ਏਹ ॥ ੨੯ ॥  
 ਨਿਜ ਪਤਨੀ ਪ੍ਰਤਿ ਗੂਢ ਜੇ ਕੀਨੋ ਸ਼ਿਵਹਿ ਬਖਾਨ । ਅਧਯਾ  
 ਤਮ ਰਾਮਾਇਣ ਤਿਹ ਪੁਰਾਣੋਤਮ ਪਹਿਚਾਨ ॥ ੩੦ ॥  
 ਸਵੈਯਾ ॥ ਸੇਵਤ ਪਾਰਬਤੀ ਦਿਨ ਰੈਨ ਸੁਪੂਜ ਸਦਾ ਕਰ  
 ਜੇਰ ਜੁਹਾਰੇ । ਪਾਰਬਤੀ ਮਗਨਾ ਪੁਨਿ ਆਨੰਦ ਰੈਨ ਦਿਨਾ  
 ਨਿਤ ਤਾਹਿ ਬਿਚਾਰੇ । ਜੀਵਨ ਸੁਕ੍ਰਿਤ ਪੁੰਜ ਜਬੈ ਵਹ ਗੰਥ



ਮਹੀਤਲ ਮਾਹਿ ਬਿਥਾਰੇ । ਕੇਵਲ ਤਾਹਿਸੁ ਪਾਠ ਕਰੇ ਗਤਿ  
 ਉਤਮ ਪਾਵਹਿੰਗੇ ਜਨ ਸਾਰੇ ॥ ੩੧ ॥ ਚੌਪਈ ॥ ਬ੍ਰਹਮ  
 ਹਨਨ ਲੋ ਪਾਪ ਸੁ ਜੇਤੇ । ਗਰਜੇਂ ਯਾ ਜਗ ਤੋਲੋ ਤੇਤੇ । ਜੋਲੋ  
 ਯਹਿ ਰਾਮਾਇਣ ਜੋਈ । ਜਗਤੈ ਮਾਂਹਿ ਉਦੇ ਨਹਿ ਹੋਈ ॥  
 ੩੨ ॥ ਬਿਚਰੇਂ ਨਿਰਭੈ ਯਮਭਟ ਤੋਲੋ । ਨਾਹਿ ਰਾਮਾਇਣ  
 ਉਦੇ ਸੁ ਜੋਲੋ । ਕਲਿ ਉਤਸਾਹੁ ਰਹੇਗੋ ਤੋਲੋ । ਨਾਹਿ ਰਾਮਾ  
 ਇਣ ਉਦੇ ਸੁ ਜੋਲੋ ॥ ੩੩ ॥ ਤੋਲੋ ਸ਼ਾਸਤ੍ਰ ਕਰੇਂ ਵਿਵਾਦਾ  
 । ਪਰਸ ਪਰੰ ਮਤ ਮਹਾਂ ਬਿਖਾਦਾ । ਰਮਾਇਣ ਜੋਲੋ ਉਦੇ ਨ  
 ਹੋਈ । ਬਹੁਰ ਬਿਵਾਦ ਨ ਹੋਸੀ ਕੋਈ ॥ ੩੪ ॥ ਦੋਹਰਾ ॥  
 ਤੋਲੋ ਰਾਮ ਸਰੂਪ ਜੋ ਦੁਰਵਿਗੋਇ ਅਤਿ ਆਹਿ । ਜੋ ਲੋ ਉ  
 ਦੇ ਨ ਹੋਵਈ ਰਾਮਾਇਣ ਜਗ ਮਾਂਹਿ ॥ ੩੫ ॥ ਸਵੈਯਾ ॥  
 ਤਾਂਹਿ ਪੜ੍ਹੇ ਨਰ ਜੇ ਜਗ ਮੈਂ ਪੁਨਿ ਤਾਂਹਿ ਸੁਨੇ ਨਰ ਜੇ ਜਗ  
 ਮਾਂਹੀ । ਜੋ ਫਲੁ ਵੈ ਜਨ ਪਾਵਤ ਹੈਂ ਕਹੁ ਨਾਰਦ ਕੋਨ ਕਹੇ  
 ਜਗਮਾਹੀਂ ॥ ਮੈਂ ਚਤੁਰਾਨਨ ਭਾਖਸਕੋਂ ਨਹਿ ਔਰਨਕੀ ਗਨਤੀ  
 ਕਿਨ ਮਾਹੀਂ । ਕਿੰਚਿਤ ਤੋਹਿ ਕਹੈਂ ਸੁਨਿ ਨਾਰਦ ਜੋ ਸ਼ਿਵ  
 ਮੋਹਿ ਕਹਿਓ ਸੁਰ ਮਾਹੀਂ ॥ ੩੬ ॥ ਸਵੈਯਾ ॥ ਏਕ ਸਲੋਕ  
 ਰਮਾਇਣ ਕੋ ਪੁਨਿ ਆਧ ਪੜ੍ਹੇ ਉਰ ਪ੍ਰੇਮ ਬਢਾਏ । ਸੋ  
 ਵਹ ਪਾਪ ਸਮੂਹਨ ਕੋ ਖਿਨ ਏਕ ਬਿਖੇ ਜਗ ਮਾਂਹਿ ਮਿਟਾਏ  
 । ਨੀਤ ਪੜ੍ਹੇ ਜੁ ਰਮਾਇਣ ਕੋ ਮਨਲਾਇ ਜਿਤੇ ਪਠਯੋ ਤਿਨ  
 ਜਾਏ । ਸੋ ਵਹ ਬੰਧਨ ਤੋਰ ਸਭੈ ਜਗ ਭੀਤਰ ਜੀਵਨ ਮੋਖ  
 ਕਹਾਏ ॥ ੩੭ ॥ ਨਰਾਜਛੰਦ ॥ ਜੁ ਅਰਚਤੇ ਰਮਾਇਣ



ਨਿਰੰਤਰੰ ਮੁਨੀਵਰੇ ॥ ਦਿਨੇ ਦਿਨੇ ਤੁਰੰਗ ਮੇਧ ਯਾਗ ਪੁੰਨਿ  
 ਸੋ ਕਰੇ। ਬਿਨੇਛਯਾ ਸੁਨੇ ਰਮਾਇਣੰ ਨਰੋ ਅਨਾਦਰੇ। ਅਨੇਕ  
 ਪਾਪ ਪੁੰਜ ਕੇ ਖਿਣੇਕ ਮਾਂਹਿ ਸੋ ਦਰੇ ॥ ੩੮ ॥ ਕਰੇ ਸੁਬੰਦਨਾ  
 ਰਮਾਇਣੰ ਮੁਨੰ ਸਮੀਪ ਜੋ। ਸਭੈ ਸੁਦੇਵ ਅਰਚਨਾ ਫਲੰ  
 ਅਪਾਰ ਪਾਇ ਸੋ ॥ ਲਿਖੇ ਸੁ ਪੁਸੁਕੰ ਸਮਸਤ ਬ੍ਰਾਹਮਣੰ  
 ਦਦਾਤਿ ਜੋ। ਵਦਾਮਿ ਪੁੰਨਿ ਤਾਹਿ ਕੇ ਫਲੰ ਸੁਨੋ ਉਦਾਰ ਸੋ  
 ॥ ੩੯ ॥ ਪਵੇਸਮਸਤ ਬੇਦਕੇ ਅਨੇਕ ਗ੍ਰੰਥਕੇ ਕਹੇ। ਸੁ ਜੋ  
 ਫਲੰ ਨ ਪਾਇ ਹੈ ਸੁ ਯਾਹਿ ਦਾਨ ਤੇ ਲਹੇ। ਇਕਾਦਸੀ ਦਿਨੇ  
 ਰਮਾਇਣੰ ਪਵੇ ਧਰੇ ਬ੍ਰਤੰ। ਸੁ ਰਾਮ ਭਗਤ ਲੋਕ ਮੈਂ ਸੁਨੋ ਸੁ  
 ਤਸ੍ਯ ਸੁਕ੍ਰਿਤੰ ॥ ੪੦ ॥ ਦੋਹਰਾ ॥ ਪੁਰਸ਼ ਚਰਯਾ ਜੋ  
 ਗਾਇਤ੍ਰੀ ਭਾਖੀ ਬੇਦਨ ਜੋਇ। ਪ੍ਰਤ ਅੱਖਰ ਯਾ ਪਾਠ ਤੇ ਤਾਂ  
 ਫਲ ਪਾਵੈ ਸੋਇ ॥ ੪੧ ॥ ਚੋਃ ॥ ਸ੍ਰੀ ਰਾਮ ਨਵਮੀ ਦਿਨ ਮਾਂਹੀ।  
 ਕਰ ਉਪਵਾਸ ਰਾਮ ਮਨ ਮਾਹੀਂ। ਪਵੇ ਰਮਾਇਣ ਜਾਗੇਰਾਤ।  
 ਤਾਂਹਿ ਪੁੰਨ ਫਲ ਸੁਨ ਬਿਖਯਾਤ ॥ ੪੨ ॥ ਕੁਰਖੇਤ੍ਰਾਦਿ  
 ਤੀਰਥ ਜਗ ਸਾਰੇ। ਸੂਰਯ ਗ੍ਰਹਣ ਖਿਰੇ ਨਭ ਤਾਰੇ। ਆਤਮ  
 ਤੁਲ ਧਨੰ ਸਰ ਦੀਨੇ। ਬਿਆਸਾਦਿਕ ਬਿਪਰ ਕਰ ਚੀਨੇ  
 ॥ ੪੩ ॥ ਜੋ ਫਲ ਤਾਹਿ ਦਾਨ ਤੇ ਹੋਈ। ਸੋ ਫਲ ਸੱਤ ਲਹੇ  
 ਜਨ ਸੋਈ। ਹੋਇ ਪ੍ਰਸੰਨ ਗਾਇ ਮੁਖ ਖਿਰੇ। ਰਾਮ ਰਮਾਇਣ  
 ਅੰਮ੍ਰਿਤ ਭਰੇ ॥ ੪੪ ॥ ਦੋਹਰਾ ॥ ਇੰਦ੍ਰ ਪੁਰੋਗਮ ਦੇਵ ਜੇ ਹੈਂ  
 ਅਮਰਾਪੁਰ ਮਾਂਹਿ। ਗਾਇਕ ਆਇ ਸੁ ਜੋਰ ਕਰ ਹੇਰੈਂ ਨਿਜ  
 ਮਨਮਾਂਹਿ ॥ ੪੫ ॥ ਚੌਪਈ ॥ ਪੜ੍ਹੇ ਰਮਾਇਣ



ਪ੍ਰਤਿ ਦਿਨ ਜੋਈ । ਜੋ ਜੋ ਕਰਮ ਕਰੇ ਪੁਨਿ ਸੋਈ । ਸੋ ਸੋ  
 ਕੋਟਿ ਗੁਣਤ ਜਗ ਹੋਵੈ । ਯਾ ਭੀਤਰ ਸੰਸਾ ਨਹਿ ਜੋਵੈ ॥ ੪੬ ॥  
 ਰਾਮ ਰਿਦੇ ਤਿਨ ਭੀਤਰ ਜੋਈ । ਤਾਹਿਪੜੇ ਸੁ ਮਹਾਤਮ ਕੋਈ ।  
 ਬ੍ਰਹਮ ਹਨੀ ਸੁ ਮਹਾ ਅਘ ਜੋਈ । ਤੀਨ ਦਿਨਾ ਮੈਂ ਟਾਰੇ ਸੋਈ  
 ॥ ੪੭ ॥ ਸਵੈਯਾ ॥ ਪ੍ਰਤਿਮਾ ਹਨੂਮਾਨ ਸਮੀਪ ਪਢੇ  
 ਪੁਨਿ ਰਾਮ ਰਿਦੇ ਨਰ ਜੋ ਜਗ ਮਾਂਹੀ । ਮੁਖ ਮੌਨ ਸੁ ਪਾਠਹ  
 ਤੀਨ ਕਰੇ ਸਭ ਵਾਂਛਤ ਭਾਜਨ ਸੋ ਜਗ ਮਾਂਹੀ । ਮੁਖ ਪਾਠਕਰੇ  
 ਅਰੁ ਦੈ ਪਰਦੱਛਨ ਜੋ ਤੁਲਸੀ ਅਰ ਪੀਪਲ ਮਾਂਹੀ । ਜਗ ਮੈਂ  
 ਸਭ ਪਾਪਨ ਕੀ ਸਿਰਦਾਰ ਜੁ ਬ੍ਰਹਮ ਹਨੀ ਸੁ ਮਿਟੈ ਖਿਨ  
 ਮਾਂਹੀ ॥ ੪੮ ॥ ਚੌਃ ॥ ਸ੍ਰੀ ਰਾਮ ਗੀਤਾ ਮਹਾਤਮ ਜੋਈ । ਨਿਖ  
 ਲ ਪਛਾਨੇ ਸੰਕਰ ਸੋਈ । ਤਿਹ ਆਧੋ ਗਿਰਜਾ ਉਰ ਭਾਸੇ ।  
 ਅਰਧ ਅਰਧ ਮੁਨਿ ਮੋਹ ਪ੍ਰਕਾਸੇ ॥ ੪੯ ॥ ਤਾਮੋ ਕਿੰਚਤ ਦੇਓਂ  
 ਬਤਾਇ । ਸਮਸਤ ਨ ਮੋ ਪੈ ਭਾਖਿਓ ਜਾਇ । ਤਾਂਹਿ ਮਹਾਤਮ  
 ਜਾਂ ਖਿਣ ਜੋਵੈ । ਭਲੀ ਬੁਧਿ ਜਨ ਪ੍ਰਾਪਤਿ ਹੋਵੈ ॥ ੫੦ ॥ ਦੋਃ  
 ॥ ਰਾਮਗੀਤਾ ਜਿਹ ਪਾਪ ਕੋ ਨਾਹਿ ਨਿਵਾਰੇ ਲੋਇ । ਨਾਰਦ  
 ਦੂਡੇ ਮੈਂ ਸਦਾ ਪਾਵੈ ਨਾਹੀਂ ਸੋਇ ॥ ੫੧ ॥ ਬੇਦ ਸਿੰਧ ਮਥ  
 ਰਾਮਜੀ ਸੁਧਾ ਨਿਕਾਰੀ ਜੋਇ । ਗੀਤਾ ਲਖਮਣ ਕੋ ਦਈ ਪੀਵ  
 ਅਮਰ ਭਯੋ ਸੋਇ ॥ ੫੨ ॥ ਕਾਰਤ ਵੀਰਯ ਨਾਸ ਹਿਤ ਜਮ  
 ਦਿੰਗਨ ਸੁਤ ਰਾਮ । ਧਨੁਖ ਵਿਦਿਆ ਪੜਨ ਹਿਤ ਵਸੇ ਮਹੇ  
 ਸੁਰ ਧਾਮ ॥ ੫੩ ॥ ਸੰਖਨਾਰੀ ਛੰਦ ॥ ਤਹਾਂ ਰਾਮ ਗੀਤਾ  
 । ਪੜੇ ਏਕ ਚੀਤਾ । ਭਵਾਨੀ ਸਿਆਨੀ ॥ ਤਿਹੂੰ ਲੋਕ ਮਾਨੀ ।



॥ ੫੪ ॥ ਤੋਮਰ ਛੰਦ ॥ ਢਿਗ ਰੇਣੁਕਾ ਸੁਤ ਜਾਇ । ਕਰ  
 ਜੋਰ ਪਾਇ ਮਨਾਇ । ਗਹਿ ਰਾਮ ਚੰਦਹ ਗੀਤ । ਸੁ ਪਢੀ ਤਿਨੇ  
 ਇਕ ਚੀਤ ॥ ੫੫ ॥ ਨਰਾਜ ਛੰਦ ॥ ਕਲਾ ਨਰਾਇਣ  
 ਲਹੀ ਤਿਨੇ ਸੁ ਤਾਂਹਿ ਪਾਠਤੇ । ਹਨੇ ਰਿਪੂ ਕਮਾਨਿ ਤਾਨ ਧਾਮ  
 ਹੀਨ ਬਾਟਤੇ । ਸੁ ਭੂਮ ਦੇਵ ਹੱਤਯਾ ਮਿਟੇ ਸੁ ਮਾਸ ਪਾਠ ਤੇ  
 । ਪਢੇ ਸੁ ਰਾਮ ਗੀਤ ਜੋ ਸਮਸਤ ਪਾਪ ਕਾਟਤੇ ॥ ੫੬ ॥  
 ਮਧੁਭਾਰ ਛੰਦ ॥ ਜਗ ਗਹਿ ਕੁਦਾਨ । ਦੁਰ ਅੰਨ ਆਨ ।  
 ਦੁਰ ਬੈਨ ਗੋਇ । ਜੋ ਪਾਪ ਹੋਇ ॥ ੫੭ ॥ ਭੁਜੰਗਪ੍ਰਯਾਤ  
 ਛੰਦ ॥ ਪਢੇ ਰਾਮ ਗੀਤਾ ਯਥਾ ਏਕ ਬਾਰੰ । ਮਿਟੇ ਪਾਪ ਸਾਰੇ  
 ਲਗੇ ਨਾ ਸੁ ਬਾਰੰ । ਸਿਲਾ ਸਾਲਗ੍ਰਾਮੰ ਪੜ੍ਹੇ ਰਾਖ ਆਗੇ ।  
 ਤੁਲੱਸਯਾ ਸੁਖੰ ਕੈ ਯਤੀ ਨਾ ਸਮਾਜੇ ॥ ੫੮ ॥ ਗੀਯਾ ਮਾਲ-  
 ਤੀਛੰਦ ॥ ਫਲ ਜੋ ਨ ਬਾਣੀ ਕਹਿ ਸਕੇ ਤਿਹ ਪਾਇ ਹੈ ਜਨ  
 ਸੋਇ । ਮੁਨਿ ਰਾਮ ਗੀਤਾ ਜੋ ਪਢੇ ਯਹਿ ਭਾਂਤਿ ਯਾ ਜਗ  
 ਕੋਇ । ਕਰ ਸ੍ਰਾਧ ਬ੍ਰਾਹਮਣ ਦੇਇ ਭੋਜਨ ਬਿਸਨ ਭਗਤ  
 ਉਦਾਰ ॥ ਪੁਨਿ ਪਿਤਰ ਤਾਂਕੇ ਬਿਸਨ ਕੇ ਪਦ ਜਾਂਹਿ ਹਰਖ  
 ਅਪਾਰ ॥ ੫੯ ॥ ਨਰਾਜ ਛੰਦ ॥ ਇਕਾਦਸ਼ੀ ਦਿਨੇ ਬ੍ਰਤੰ  
 ਸੁਨੇਤ ਦੁਆਦਸ਼ੀ ਦਿਨੇ ॥ ਅਗਸਤ ਬ੍ਰਿਖ ਮੂਲ ਬੈਠ ਰਾਮ  
 ਗੀਤਕਾ ਭਨੇ । ਤਿਸੇ ਸੁ ਰਾਮਚੰਦ ਮੈਂ ਨ ਭੇਦ ਰੰਚ ਆ-  
 ਨਿਯੋ ॥ ਸਮਸਤ ਦੇਵ ਪੂਜ ਹੈਂ ਸੁਰੇਸ ਲੋਕ ਮਾਨਿਯੋ ॥ ੬੦  
 ॥ ਸੋਰਠਾ ॥ ਬਿਨਾ ਦਾਨ ਬਿਨ ਧਯਾਨ ਬਿਨ ਤੀਰਥ ਅ-  
 ਵਗਾਹਨੰ । ਰਾਮ ਗੀਤ ਕਾ ਗਾਨ ਸੋ ਅਨੰਤ ਫਲ ਪਾਵਹੀ ॥



੬੧ ॥ ਵੇਹਰਾ । ਨਾਰਦ ਬਹੁਤਾ ਕਿਆ ਕਹੈ ਸੁਨੀਯੇ ਤੱਤੁ  
ਪ੍ਰਕਾਸ਼ । ਸਿੱਮ੍ਰਿਤ ਬੇਦ ਪੁਰਾਨ ਪੁਨਿ ਐ ਆਗਮ ਇਤਿਹਾਸ

॥ ੬੨ ॥ ਯਹ ਰਾਮਾਇਣ ਗ੍ਰੰਥ ਕੀ ਕਲਾ ਸੋਲਵੀਂ ਜੋਇ ॥  
ਤਾਂਹਿ ਸਮਾਨ ਨ ਵੈ ਪੁਜੇ ਜੇ ਸੋ ਆਵੈ ਸੋਇ ॥ ੬੩ ॥

ਸੂਤਉਬਾਰ ॥ ਸਵੈਯਾ ॥ ਯਾਹਿ ਮਹਾਤਮ ਆਪ ਸੁਨੋ ਮੁਨਿ  
ਨਾਰਦ ਪੈ ਚਤੁਰਾਨਨ ਗਾਏ । ਜੋ ਨਰ ਯਾਹਿ ਪਢੇ ਜਗਮੈਂ ਪੁਨਿ  
ਜੋਇ ਸੁਨੇ ਮਨ ਪ੍ਰੇਮ ਬਢਾਏ ॥ ਪੂਜਤ ਤਾਂ ਸੁਰ ਬ੍ਰਿੰਦ ਸਦਾ  
ਹਰਿ ਕੀ ਪਦਵੀ ਸੁਖ ਸੋਂ ਵਹਿ ਪਾਏ । ਰਾਮ ਕਥਾ ਕਹਿ ਸਿੰਘ  
ਗੁਲਾਬ ਯਥਾ ਮਤਿ ਗਾਇ ਸਭੈ ਸੁ ਸੁਨਾਏ ॥ ੬੪ ॥

ਇਤਿ ਸ੍ਰੀਮਤ ਅਧਯਾਤਮ ਰਾਮਾਇਣੇ ਸ੍ਰੀ ਰਾਮਾਇਣ

ਮਹਾਤਮੇ ਨਾਮ ਪ੍ਰਿਥਮੋਂ ਧਯਾਇ ॥ ੧ ॥

॥ ਸਵੈਯਾ ॥ ਸੂਰਜ ਬੰਸ ਵਿਖੇ ਤਨ ਮਾਨੁਖ ਜਾਹਿ  
ਲਯੋ ਹਰਿ ਜੀ ਅਬਿਨਾਸੀ ॥ ਅਵਨੀ ਬਹੁਭਾਰਿ ਨਿਵਾਰਨਿ  
ਕੋ ਸੁਰ ਬ੍ਰਿੰਦ ਸਭੈ ਬਿਨਵੈ ਸੁਖਰਾਸੀ ॥ ਸਭ ਰਾਕਸ਼ਮੰਡਲ  
ਕੋ ਹਨਕੈ ਜਿਹ ਪਾਵਨ ਕੀਰਤਿ ਭੂਮਿ ਪ੍ਰਕਾਸੀ ॥ ਵੈ ਜਨ-  
ਕਾਤਮਜਾ ਪਤਿ ਕੋ ਉਰ ਮਾਂਹਿ ਭਜੋ ਪਰਬ੍ਰਹਮ ਬਿਲਾਸੀ ॥  
੧ ॥ ਚੌਪਈ ॥ ਜਗ ਉਤਪਤਿ ਪਾਲਨ ਸੰਗਾਰਾ ॥ ਮਾਇ  
ਆ ਆਸ਼੍ਰੈ ਹੈ ਅਧਿਕਾਰਾ । ਅਚਿੰਤ ਰੂਪ ਆਨੰਦ ਸਰੂਪਾ । ਸੀ  
ਤਾ ਪਤਿ ਨਿਜ ਰੋਧ ਅਨੂਪਾ ॥ ੨ ॥ ਵਿੱਦਤ ਤੱਤੁ ਅਮਲ  
ਤਨੁ ਜੋਈ । ਰਾਮਭ ਜੋ ਪਰਿ ਪੂਰਣ ਸੋਈ । ਪੁਰਾਣੋਤਮ ਰਾਮਾ-  
ਇਣ ਸਾਰ । ਯਾਹਿ ਪਢੇ ਜੇ ਲੋਕ ਉਦਾਰ ॥ ੩ ॥ ਅਥਵਾ ਸੁਨੇ



ਨਿਰੰਤਰ ਜੇਈ । ਧੋਇ ਪਾਪ ਹਰਿ ਪਾਵੇ ਸੇਈ । ਭਵਬੰਧਨ  
 ਜੇ ਛੁਟਯੋ ਚਹੇ । ਨਿੱਤ ਰਮਾਇਣ ਕੋ ਮੁਖ ਕਹੇ ॥ ੪ ॥  
 ਸੋਰਠਾ ॥ ਧੇਨ ਸਹੱਸਰ ਦਾਨ ਆਯੁਤ ਕੋਟਿ ਸੁ ਜੋ ਕਰੇ ।  
 ਸੁਨੇ ਰਮਾਇਣ ਕਾਨ ਵੈ ਫਲ ਸੋ ਨਰ ਪਾਵਈ ॥ ੫ ॥ ਏਃ  
 ॥ ਤ੍ਰਿਪੁਰਾਰੀ ਗਿਰਤੇ ਭਈ ਮਿਲੀ ਰਾਮ ਨਿਧ ਵਾਰ । ਅਧਯਾ-  
 ਤਮ ਰਾਮ ਸੁ ਗੰਗ ਯਹਿ ਤੀਨ ਭਵਨ ਮਲ ਹਾਰ ॥ ੬ ॥  
 ਚੌਪਈ ॥ ਏਕ ਸਮੇ ਸ਼ਿਵ ਗਿਰ ਕੈਲਾਸ । ਰਤਨ ਪੀਠ ਬੈਠੇ  
 ਸੁਖਰਾਸ ॥ ਰਵਿ ਸਤ ਵਿਮਲ ਪੀਠ ਵਹੁ ਛਾਜੇ । ਧਯਾਨ  
 ਨਿਸ਼੍ਰ ਸ਼ਿਵ ਤਹਾਂ ਬਿਰਾਜੇ ॥ ੭ ॥ ਸੇਵੇ ਸਿੱਧ ਸਦਾ ਪਦ ਮੰ  
 ਜੁਲ । ਵਾਮ ਅੰਗ ਦੇਵੀ ਕਰ ਅੰਜੁਲ । ਪਾਰਬਤੀ ਭਗਤੀ ਭਰ  
 ਭਰੀ । ਸਗਲ ਹਿਤਾਰਥ ਪ੍ਰਸ਼ਨ ਸੁ ਕਰੀ ॥ ੮ ॥ ਪਾਰਬਤੀ  
 ਵਾਰ ॥ ਅਭਿ ਬੰਦਨ ਤੇ ਭੇਵ ਦਯਾਲ । ਸਰਬਾਤਮ ਦ੍ਰਿਕ  
 ਈਸ ਅਕਾਲ । ਪੁਰਖੋਤਮ ਤੱਤੁ ਸਨਾਤਨ ਜੇਈ । ਸਨਾਤਨ  
 ਮੋਹ ਬਤਈਯੇ ਸੇਈ ॥ ੯ ॥ ਗੋਪ ਵਸਤ ਜਗ ਭੀਤਰ ਜੇਈ  
 । ਮਹਾਨ ਭਾਵ ਜਨ ਭਾਖੇ ਸੇਈ । ਮੈਂ ਤੁਮਰੀ ਅਤਿ ਭਗਤ  
 ਸੁਦੇਵ । ਹੇ ਪਤਿ ਮੋਹ ਬਤਈਏ ਭੇਵ ॥ ੧੦ ॥ ਸੱਤਿ ਗਿਆਨ  
 ਗਯਾਨ ਹੈ ਜੇਈ । ਭਗਤਿ ਵੈਰਾਗ ਯੁਗਤਿ ਪੁਨਿਸੇਈ । ਜਾਕਰ  
 ਤਰੇ ਸੁਭਵਨਿਧਿ ਭਾਰੋ । ਕਰਸੰਖੇਪ ਪ੍ਰਭ ਮੋਹਿ ਉਚਾਰੋ ॥ ੧੧ ॥  
 ਪਰਮ ਗੋਪ ਇਕ ਪੂਛੋਂ ਆਨ । ਜਲਜ ਨੈਨ ਸੋ ਕਰੋ ਬਖਾਨ ॥  
 ਸ੍ਰੀ ਰਾਮ ਮੈਂ ਭਗਤਿ ਹਮਾਰੀ । ਹੈ ਪ੍ਰਸਿੱਧ ਸਭ ਜਗਤ ਮਝਾ  
 ਰੀ ॥ ੧੨ ॥ ਭਗਤਿ ਮੁਕਤਿ ਕਾਰਣ ਜਗਮਾਂਹੀ । ਅਵਰ ਨ



ਸਾਧਨ ਕੋ ਭਵ ਮਾਹੀ । ਤੱਦਪਿਮੇ ਇਕ ਸੰਸੇ ਆਹਿ । ਅਮਲ  
 ਉਕਤਿ ਕਰ ਹਨੋ ਸੁ ਨਾਹਿ ॥ ੧੩ ॥ ਸਵੈਯਾ ॥ ਕੇਚਿਤ  
 ਰਾਮ ਕਹੇ ਪਰਮਾਤਮ ਮਾਇਕ ਨਾਂਹਿ ਛੁਹੇ ਗੁਨ ਕੇਈ । ਸਿੱਧ  
 ਨਿਰੰਤਰ ਰਾਮ ਭਜੇ ਪਰਿ ਪੂਰਣਤਾ ਪਦ ਪਾਵਤ ਤੇਈ । ਹੈ  
 ਪਰਮਾਤਮ ਸੱਤ ਸਹੀ ਤਮ ਆਬ੍ਰਿਤ ਭਾਖਤ ਹੈਂ ਪੁਨ ਕੇਈ ।  
 ਯਾਹੀ ਤੇ ਆਨ ਕਹੇ ਪਰਮਾਤਮ ਰਾਮ ਲਖੇ ਨ ਸੁਤੇ ਪਿਖ  
 ਲੇਈ ॥ ੧੪ ॥ ਚੌਪਈ ॥ ਜੋ ਪਰਮਾਤਮ ਜਾਨਤ ਆਪ ।  
 ਸੀਤਾ ਹਿਤ ਕਿਉਂ ਕੀਨ ਵਿਲਾਪ । ਜੋ ਨਹਿ ਜਾਨਤ ਤੱਤੁ ਸੁ  
 ਸੋਈ । ਸਮ ਸਭ ਜੀਵਨ ਭਜੇ ਨ ਕੋਈ ॥ ੧੫ ॥ ਯਾਮੈਂ ਕੋ ਉ-  
 ਤਰ ਪ੍ਰਭ ਕਹੋ । ਮੇਰੇ ਉਰਕੇ ਸੰਸੇ ਦਹੋ । ਔਰ ਸਮਰਥ ਨ  
 ਕੋ ਜਗ ਆਹਿ । ਵਿਸ਼ੁ ਹਿਤਾਰਥ ਪੂਛੋ ਨਾਹਿ ॥ ੧੬ ॥  
 ਈਸ਼ਰੋ ਵਾਰ ॥ ਚੌਪਈ ॥ ਰਾਮ ਤੱਤ ਜਾਨਨ ਕੀ ਚਾਹ ॥  
 ਧੰਨਿ ਧੰਨਿ ਤੂੰ ਯਾ ਜਗ ਮਾਹਿ । ਪਰਮ ਗੋਪ ਯਹ ਆਹਿ ਭ  
 ਵਾਨੀ । ਕਿਨੇ ਨ ਪੂਛੀ ਨਾਹਿ ਬਖਾਨੀ ॥ ੧੭ ॥ ਤੈਂ ਅਬਪੂਛੀ  
 ਕਰੋਂ ਬਖਾਨ । ਸਿਰੀਰਾਮ ਪਦ ਬੰਦਨ ਠਾਨ । ਰਾਮਏਕ ਆਨੰਦ  
 ਸਰੂਪਾ । ਪ੍ਰਕ੍ਰਿਤ ਪਰੇ ਪੁਨਿ ਪੁਰਖ ਅਨੂਪਾ ॥ ੧੮ ॥ ਨਿਜ  
 ਮਾਇਆ ਕਰਿ ਜਗ ਉਪਜਾਇ । ਬਾਹਰ ਭੀਤਰ ਰਹਯੋ ਸ  
 ਮਾਇ । ਹੈ ਸਭ ਅੰਤਰ ਆਤਮ ਗੂੜ । ਨਾਂਹਿ ਪਿਖੇ ਤਾਕੋ ਨਰ  
 ਮੂੜ ॥ ੧੯ ॥ ਜਿਉਂ ਚੁੰਬਕ ਜਗ ਲੋਹ ਚਲਾਵੈਂ । ਤਿਉਂ  
 ਵਹਿ ਰਾਮ ਜਗਤ ਭਰਮਾਵੈਂ । ਏਹੁ ਨ ਜਾਨੇ ਮੂਰਖ ਲੋਕਾ ।  
 ਅਵਰਿ ਅਵਿਦਯਾ ਪਾਵੈਂ ਸੋਕਾ ॥ ੨੦ ॥ ਨਿਜ ਅਗਯਾਨ



ਆਹਿ ਤਿਨ ਜੋਈ । ਈਸੁਰ ਮਾਂਹਿ ਅਰੋਪੇਂ ਸੋਈ । ਦਾਰਾ ਪੁਤ੍ਰ  
 ਕਰਮ ਅਤਿ ਲਾਗੇ । ਤੇ ਜਾਮੈ ਪੁਨਿ ਮਰੇ ਅਭਾਗੇ ॥ ੨੧ ॥  
 ਚਾਮੀਕਰ ਜਿਉ ਕੰਠ ਨ ਜਾਨੇ । ਹਿਰਦੇ ਰਾਮ ਨ ਤਥਾ ਪ  
 ਛਾਨੇ ॥ ਜੋਤ ਰੂਪ ਰਵਿ ਮੈ ਤਮ ਨਾਹੀਂ । ਤਿਉਂ ਅਗਿਆਨ ਨ  
 ਰਾਘਵ ਮਾਹੀਂ ॥ ੨੨ ॥ ਵਿਸੁਧ ਗਿਆਨ ਪਰਮਾਤਮ ਰਾਮ ।  
 ਤਾਮੈਂ ਕਥਿ ਅਵਿਦਯਾ ਨਾਮ । ਭ੍ਰਮ ਕਰਭ੍ਰਮੈ ਨੈਨ ਜਿਹ ਬਾਰੇ  
 । ਭ੍ਰਮਤ ਨਿਹਾਰੇ ਵਹੁ ਗ੍ਰਹਿ ਸਾਰੇ ॥ ੨੩ ॥ ਤਿਉਂ ਕ੍ਰੁਤੰਤ  
 ਤਨੁ ਇੰਦ੍ਰੀ ਮਾਹੀਂ । ਮੂਰਖ ਕਹੇਂ ਪਰਾਤਮ ਮਾਹੀਂ । ਪ੍ਰਕਾਸ਼  
 ਰੂਪ ਸੂਰਯ ਜਗ ਆਹਿ।ਦਿਨ ਰਾਤ੍ਰ ਤਿੰਹਦੋਉ ਨਾਹਿ ॥ ੨੪  
 ਤਿਉਂ ਅਗਿਆਨ ਗਿਆਨ ਦੋਉ ਨਾਹੀਂ । ਸੁਧ ਗਿਆਨ ਹਰਿ  
 ਰਾਮ ਸੁਮਾਹੀਂ । ਤਾਂਤੇ ਪਰਾ ਨੰਦ ਹੈਂ ਰਾਮ । ਤਾਮੈ ਅਹੇ ਨ  
 ਤਮ ਕੋ ਨਾਮ ॥ ੨੫ ॥ ਦੋਹਰਾ ॥ ਸਾਖੀ ਹੈਂ ਅਗਿਆਨ ਕੇ  
 ਕਮਲ ਨੈਨ ਸ੍ਰੀਰਾਮ । ਮਾਇਆ ਆਸ੍ਰੈ ਆਪ ਹੈਂ ਮਾਇਆ  
 ਮੋਹਨ ਨਾਮ ॥ ੨੬ ॥ ਬ੍ਰਹਮਾ ਜੂ ਬਿਨਤੀ ਕਰੀ ਲੀਨੋ ਨਰ  
 ਅਵਤਾਰ ॥ ਅਵਨੀ ਭਾਰ ਉਤਾਰ ਹਿਤ ਕ੍ਰੀੜਾ ਕਥਾ ਉਦਾਰ  
 ॥ ੨੭ ॥ ਸ੍ਰੀ ਮਹਾ ਦੇਵਉਦਾਰ ॥ ਦੋਹਰਾ ॥ ਪਾਰਬਤੀ ਤੇ  
 ਪ੍ਰਸ਼ਨ ਮੈਂ ਉਤਰ ਏਕ ਅਨੂਪ ॥ ਪਰਮ ਗੋਪ ਦੁਰਲਭ ਮਹਾ  
 ਸੁਨੇ ਮਿਟੇ ਤਮ ਕੂਪ ॥ ੨੮ ॥ ਨਰਾਜ ਛੰਦ ॥ ਸੁਰਾਮ ਔ  
 ਵਿਦੇਹਜਾ ਪ੍ਰਭੰਜਨੰ ਕੁਮਾਰ ਕੋ । ਸੁਨੋ ਸੰਵਾਦ ਅਦਭੁਤੰ  
 ਸਮਸਤ ਮੋਖ ਕਾਰਕੋ । ਪੁਰਾ ਰਮਾਇਣੇ ਸੁਰਾਮ ਰਾਵਣੰ ਵਿ  
 ਦਾਰ ਕੈ । ਸਸੈਨ ਪੁਤ੍ਰ ਬਾਹਨੰ ਰਣੇ ਸਮਸਤ ਮਾਰ ਕੈ ॥ ੨੯



॥ ਵਿਦੇਹਜਾ ਕਪੀਸ ਔ ਸੁਮਿਤ੍ਰ ਪੂਤ ਕੇ ਸਮੰ ॥ ਸਕੇਤ ਆ  
 ਵਤੇ ਭਯੋ ਸਮਸਤ ਵੈਰ ਕੋ ਦਮੰ । ਹਨੂਮਤੰ ਸੁ ਆਦਿ ਲੈ  
 ਸਮਸਤ ਬਾਨਰੰ ਬ੍ਰਿਤਾ । ਬਸਿਸ੍ਰ ਆਦਿ ਬਿਪ੍ਰ ਭੀ ਸੁ ਭਾਲ  
 ਟੀਕ ਜੋ ਕ੍ਰਿਤਾ ॥ ੩੦ ॥ ਨ੍ਰਿਪਾਸਨੇ ਅਸੀਨ ਕੋਟ ਸੂਰ ਕੀ  
 ਪ੍ਰਭਾ ਧ੍ਰਿਤੰ । ਤਦਾ ਹਨੂਮਤੰ ਨਿਹਾਰ ਅਗ੍ਰ ਅੰਜੁਲੀ ਕ੍ਰਿਤੰ ।  
 ਕ੍ਰਿਤੰ ਸਮਸਤ ਕਾਰਯੰ ਨ ਚਾਹਿ ਤਾਹਿ ਆਨਕੀ । ਮਹਾਮਤੀ  
 ਕੁਮਾਰ ਵਾਯੂ ਚਾਹਿ ਤਾਹਿ ਗਯਾਨ ਕੀ ॥ ੩੧ ॥ ਸੁ ਰਾਮ ਜਾ  
 ਨਕੀ ਕਹਿਯੋ ਸੁ ਤੱਤ ਕੋ ਬਖਾਨੀਯੇ । ਅਪਾਪ ਗਯਾਨ ਭਾ  
 ਜਨੰ ਸੁ ਭਗਤ ਹੂੰ ਪਛਾਨੀਯੇ । ਵਿਦੇਹ ਜਾਤ ਥੇ ਤਿਪ੍ਰਾਹ ਰਾਮ  
 ਤਤੁ ਨਿਸਚਤੰ । ਹਨੂਮਤੇ ਪ੍ਰਪੰਨ ਕੋ ਸੁਲੋਕ ਮੋਹਨੀ ਸਿਤੰ ॥  
 ੨੩ ॥ ਸੀਤਾਉਵਾਚ ॥ ਭੁਜੰਗ ਪ੍ਰਯਾਤ ਛੰਦ ॥ ਪਰੰ ਬ੍ਰਹਮ  
 ਰੂਪੰ ਵਿਜਾਨੀਹਿ ਰਾਮੰ ॥ ਅਨਾਸੀ ਸਦਾ ਸੱਚਿਦਾ ਨੰਦ  
 ਨਾਮੰ । ਵਿਨੋਪਾਧਿ ਰੂਪੰ ਨ ਬਾਨੀ ਬਖਾਨੇ । ਅਨੰਦੰ ਸੁ ਸ਼ਾਂਤੰ  
 ਮਲੰ ਹੀਨ ਮਾਨੇ ॥ ੩੩ ॥ ਨਰਾਜ ਛੰਦ ॥ ਨਿਰੰਜਨੰ ਬਿ  
 ਕਾਰ ਹੀਨ ਵਿਆਪਕੰ ਪਛਾਨੀਯੇ । ਸੁ ਆਤਮਾ ਅਕਲਮਖੰ  
 ਪ੍ਰਕਾਸ਼ ਰੂਪ ਜਾਨੀਏ ॥ ਜਗੱਤ ਮੂਲ ਕਾਰਣੰ ਪ੍ਰਕ੍ਰਿਤ ਮੋਹਿ  
 ਮਾਨੀਯੇ । ਉਪਾਇ ਪਾਲ ਸੰਹਰੇ ਨ ਰਾਮ ਹੇਤ ਠਾਨੀਯੇ ॥ ੩੪  
 ॥ ਸੁਰਾਮ ਸੰਨਧਾਸਤੀ ਸ੍ਰਿਜਾਮ ਮੈਂ ਨਿਰਾਲਸਾ । ਅਰੋਪ ਰਾਮ  
 ਚੰਦ ਮੈਂ ਕਥੈ ਸੁ ਜੀਵ ਬਾਲਸਾ । ਸਕੇਤ ਜਨਮ ਰਾਮਕੋ ਪਤੰਗ  
 ਵੰਸ ਨਿਰਮਲੇ । ਸੁਗਾਧ ਪੂਤ ਯਾ ਗੁਪਾਲ ਸਤ੍ਰੁ ਮੰਡਲੰ ਦਲੇ  
 ॥ ੩੫ ॥ ਨਿਵਾਰ ਸ੍ਰਾਪ ਗੋਤਮਾ ਸੁ ਨਾਰਿ ਪਾਵਨੀ ਕਰੀ ॥



ਮਹੇਸ ਚਾਂਪ ਤੇੜ ਰਾਮ ਪਾਣ ਜਾਨਕੀ ਹਰੀ । ਸੁ ਰੇਣਕਾ ਪ੍ਰ  
 ਪੂਤ ਰਾਮ ਰਾਮਜੀ ਮਦੰ ਹਰੇ । ਸਕੇਤ ਵਾਸਮੇ ਸਮੰ ਸਮਾ  
 ਦੁਆਦਸੰ ਕਰੇ ॥ ੩੬ ॥ ਸੁ ਦੰਡਕਾ ਬਨੰ ਗਮੰ ਵਿਰਾਧ ਦੈਤ  
 ਮਾਰਣੰ । ਮਰੀਚ ਪ੍ਰਾਣ ਛੇਦਨੰ ਕੁਰੰਗ ਰੂਪ ਹਾਰਣੰ । ਸੁ ਛਾਇ  
 ਸੀਯ ਕੀ ਹਿਰੀ ਜਟਾਯੁ ਮੋਖਹੁੰ ਲਹੇ । ਕਬੰਧ ਦੈਤ ਮੋਖ ਕੈ  
 ਸੁ ਭੀਲਨੀ ਫਲੰ ਗਹੇ ॥ ੩੭ ॥ ਸੁਗ੍ਰੀਵ ਸੋ ਸਮਾਗਮੰ ਸੁਬਾਲਿ  
 ਪ੍ਰਾਣਹਾਰਣੰ ॥ ਵਿਦੇਹਜਾ ਪ੍ਰਸੋਧਨੰ ਸਮੁੰਦ ਸੇਤਕਾਰਣੰ । ਨਿਰੋਧ  
 ਲੰਕ ਰਾਵਣੰ ਰਣੰ ਸੁਪੁਤ੍ਰ ਮਾਰਣੰ । ਬਿਭੀਖਣੰ ਬੁਲਾਇ  
 ਭਾਲ ਰਾਜ ਟੀਕ ਕਾਰਣੰ ॥ ੩੮ ॥ ਵਿਮਾਨ ਪੁਸਪਕੰ ਸੁ ਬੈਠ  
 ਮੇ ਸਮੰ ਵਿਜੈ ਰਰੇ । ਸਕੇਤ ਆਵਨੰ ਸੁ ਭਾਲ ਰਾਜ ਟੀਕਹੁੰ  
 ਕਰੇ । ਇਨੇ ਸੁ ਆਦਿ ਕਰਮ ਜੇ ਸਮਸਤ ਜਾਨਕੀ ਕਰੇ ।  
 ਅਰੋਪ ਰਾਮਚੰਦ ਮੈ ਸੁ ਲੋਕ ਮੁਢਹੁੰ ਧਰੇ ॥ ੩੯ ॥ ਵਿਕਾਰ  
 ਹੀਨ ਆਤਮਾ ਸਮਸਤ ਰਾਮ ਜਾਨੀਯੇ । ਚਲੇ ਨ ਬੈਠਤੋ ਨਹੀ  
 ਨ ਸੋਕ ਰੰਚ ਠਾਨੀਯੇ । ਨ ਵਾਛ ਹੈ ਨ ਤਿਆਗ ਹੈ ਕਰੇ ਨ  
 ਰੰਚ ਕਾਰਯੰ । ਅਨੰਦ ਰੂਪ ਆਚਲੋ ਪ੍ਰਣਾਮਹੀ ਨ ਧਾਰਯੰ ॥ ੪੦  
 ॥ ਦੋਹਰਾ ॥ ਮਾਇਆ ਗੁਣ ਅਨੁਗਤ ਭਏ ਲੀਲਾ ਵਿਗ੍ਰਹ  
 ਰਾਮ । ਕਰਤਾ ਭਾਸੇ ਜਗਤ ਮੈਂ ਤਰੇਂ ਜਾਹਿ ਭਜਨਾਮ ॥ ੪੧  
 ॥ ਮਹਾਦੇਵਉਵਾਚ ॥ ਨਰਾਜ ਛੰਦ ॥ ਹਨੂਮਤੰ ਤਤੋ ਸੁ ਰਾਮ  
 ਤੱਤੁ ਕੋ ਬਖਾਨਿਯੋ । ਸੁ ਆਤਮਾ ਅਨਾਤਮਾ ਪ੍ਰਮਾਤਮਾ ਪ੍ਰਭਾ  
 ਨਿਯੋ । ਅਕਾਸ਼ ਕੀ ਯਥਾਭਿਦਾ ਤ੍ਰਿਧਾ ਸੁ ਲੋਕ ਮੈਂ ਪਿਖੀ । ਜ  
 ਲਾਸ ਏ ਨਿਹਾਰੀਯੋ ਸਮਸਤ ਲੋਕ ਹੁੰ ਦਿਖੀ ॥ ੪੨ ॥ ਮਹਾ



ਅਕਾਸ਼ ਏਕਸੋ ਵਛਿੰਨ ਆਨ ਜਾਨੀਯੇ । ਅਕਾਸ਼ ਭਾਸ਼ ਤੀਸਰੇ  
 ਪ੍ਰਤਿਬਿੰਬ ਨਾਮ ਮਾਨੀਯੇ ॥ ਸੁ ਬੁਧਿ ਮੋ ਵਛਿੰਨ ਏਕ ਚੇਤਨੰ  
 ਨਿਹਾਰੀਯੇ । ਸੁ ਪੂਰਣੰ ਕਹੇ ਤਿਸੇ ਦੁਤੀਅਭਾਸ ਧਾਰੀਯੇ ॥  
 ੪੩ ॥ ਸੁਬਿੰਬਰੂਪ ਤੀਸਰੇ ਤਿਧਾਚਿਤੀ ਸੁਯੋਂ ਪਿਖੇ । ਸਭਾਸਬੁ  
 ਧ ਕਾਰਯੋ ਵਛਿੰਨ ਚੇਤਨੰ ਵਿਖੇ । ਵਿਕਾਰ ਹੀਨ ਸਾਖਣੀ ਅਰੋਪ  
 ਤੇ ਭ੍ਰਮੀ ਯਥਾ । ਅਰੋਪ ਹੈ ਸੁਜੀਵਤਾ ਸੁ ਸਾਖਣੀ ਭ੍ਰਮੀ ਤਥਾ  
 ॥ ੪੪ ॥ ਅਭਾਸ ਸੋ ਮਿਖਾ ਸਦਾ ਤਮੋ ਵਿਕਾਰ ਭਾਨੀਯੇ । ਸੁ  
 ਬੁਧਿ ਮੋ ਵਛਿੰਨ ਸੋ ਪਰਮਾਤਮਾ ਪਛਾਨੀਯੇ ॥ ਵਛੇਦ ਤੋ ਵਿ  
 ਕਲਪਤੰ ਨ ਰੰਚ ਭੇਦ ਲੇਖੀਯੇ । ਪ੍ਰਪੂਰਣੰ ਸਮੰ ਤਿਸੇ ਇਕ-  
 ਤ੍ਵਤਾ ਪ੍ਰਪੇਖੀਯੇ ॥ ੪੫ ॥ ਸੁਤੰਤ੍ਰਮੱਸ੍ਯ ਵਾਕ ਕੈ ਸਭਾਸ  
 ਜੀਵਕੀ ਤਥਾ । ਇਕੱਤ ਬੇਦ ਭਾਖ ਹੈ ਸਮਸਤ ਬੇਦ ਮੈ ਕਥਾ  
 । ਪਰਾਤਮਾ ਸੁ ਜੀਵ ਕੋ ਇਕੱਤੁ ਗਿਆਨ ਹੋ ਯਦਾ । ਅਵਿ  
 ਦਯਾ ਸਕਾਰਯਾ ਮਰੇ ਸੁਨੋ ਹਨੂ ਤਦਾ ॥ ੪੬ ॥ ਵਿਜਾਨ ਮੋਹ  
 ਭਗਤ ਏ ਸੁ ਮੋਹ ਭਾਵ ਕੋ ਲਹੇ । ਵਿਹੀਨ ਭਗਤ ਯੇ ਨਰਾ  
 ਕ੍ਰਿਆ ਕਲਾਪ ਮੇਂ ਬਹੇ । ਜਮੈਸਤੰ ਸਮਾਨ ਗਯਾਨ ਮੋਖਤੇ  
 ਸੁ ਪਾਇ ਹੈਂ । ਜਗਤ ਸਿੰਧ ਨੀਰ ਮੈਂ ਸਦਾ ਬਹੇ ਸੁ ਜਾਇ ਹੈਂ  
 ॥ ੪੭ ॥ ਸੁ ਗੋਪ ਮੇ ਰਿਦੇ ਸੁਨੋ ਸੁ ਆਪ ਮੋਹ ਗਾਇਓ ।  
 ਅਪਾਪ ਪੁੰਨ ਸੀਲਤੇ ਹਨੂਮਤੇ ਸੁਨਾਇਓ । ਅਭਗਤ ਮੇ  
 ਸਠੰ ਤਥਾ ਨ ਤਾਹਿ ਪੈ ਬਖਾਨੀਯੇ । ਸੁਰੇਸ਼ ਲਾਜ ਲਖਮੀ  
 ਨ ਯਾ ਸਮੰ ਪਛਾਨੀਯੇ ॥ ੪੮ ॥ ਮਹਾਦੇਵਉਵਾਚ ॥ ਸ੍ਰੀਯਾ  
 ॥ ਪਾਰਬਤੀ ਯਹ ਰਾਮ ਰਿਦੇ ਅਤਿ ਗੋਪ ਮਯਾ ਤੁਮ ਪਾਸ



ਉਚਾਰੇ । ਆਹਿ ਸੁ ਪਾਵਨ ਐ ਰਿਦ ਅੰਗਮ ਪਾਪ ਸੁਨੇ ਖਿਨ  
 ਮਾਹਿ ਨਿਵਾਰੇ । ਆਪ ਸੁ ਰਾਮ ਕਹੇ ਮਥ ਕੈ ਸਭ ਬੇਦਨ ਮੈ  
 ਜੁ ਅਹੇ ਕਛੁ ਸਾਰੇ । ਜੋ ਕਰ ਪ੍ਰੇਮ ਪਢੇ ਨਿਤਹੀ ਨਰ ਸੋ ਭਵ  
 ਬੰਧਨ ਮੂਲ ਉਪਾਰੇ ॥ ੪੯ ॥ ਚੌਪਈ ॥ ਬ੍ਰਹਮ ਹਨੀ ਲੋ  
 ਪਾਪ ਹਜਾਰ । ਬਹੁ ਜਨਮੀ ਜੋ ਕਰੇ ਅਪਾਰ । ਬਿਨ ਸੰਦੇਹ  
 ਸਭੈ ਤੇ ਮਰਹੈਂ । ਰਾਮ ਬਚਨ ਜਿਉਂ ਸੱਤ ਉਚਰ ਹੈਂ ॥੫੦॥  
 ਜਾਤ ਭ੍ਰਸ਼ੁ ਪੁਨ ਪਾਪੀ ਜੋਈ । ਪਰ ਧਨ ਪਰ ਦਾਰਾ ਰਤਿ  
 ਹੋਈ । ਚੋਰੀ ਕਰੇ ਬਿਪ੍ਰ ਪੁਨ ਮਾਰੇ । ਮਾਤ ਪਿਤਾ ਕੇ ਪ੍ਰਾਣ  
 ਨਿਕਾਰੇ ॥ ੫੧ ॥ ਯੋਗਿ ਝੰਦ ਕੋ ਜੋ ਅਪਕਾਰੀ । ਯਾਬਿਧ  
 ਕੋ ਜੋ ਮਹਾ ਬਿਕਾਰੀ । ਸੋ ਵਹ ਰਾਮ ਪੂਜ ਜਗ ਮਾਹੀ । ਰਾਮ-  
 ਰਿਦੇ ਜੋ ਪੜੇ ਮੁਖ ਮਾਹੀ ॥ ੫੨ ॥ ਜਾਂ ਪਦ ਕੋ ਯੋਗੀਸ ਨ  
 ਪਾਵੇ । ਤਾਂ ਪਦ ਕੋ ਸੁਖ ਸੋ ਵਹੁ ਜਾਵੇ । ਪੂਜੇਂ ਤਾਂ ਅਮਰੇਸੁਰ  
 ਸਾਰੇ । ਰਾਮ ਭਗਤ ਗਣ ਬਡੇ ਉਦਾਰੇ ॥ ੫੩ ॥ ਨਰਾਜ  
 ਛੰਦ ॥ ਸੁ ਜਾਨਕੀ ਸਮੇਤ ਰਾਮ ਚੰਦ ਜੋ ਪ੍ਰਗਾਇਓ । ਮਹੇਸ  
 ਜਾਂ ਮਹਾਤਮੇ ਨਿਜੇਪਿਯਹਿ ਸੁਨਾਇਓ । ਸਮੇਤ ਸੀਯ ਰਾਮਕੇ  
 ਰਿਦੇ ਸੁ ਰਾਮਚੰਦ ਕੋ ॥ ਗੁਲਾਬ ਸਿੰਘ ਦਾਸਕੇ ਮੁਖੈ ਬਸੋ  
 ਅਨੰਦ ਕੋ ॥ ੫੪ ॥

ਇਤਿ ਸ੍ਰੀਮਤ ਅਧਯਾਤਮ ਰਾਮਾਇਣੇ ਉਮਾ ਮਹੇਸੁਰ  
 ਸੰਬਾਦੇ ਸ੍ਰੀਰਾਮ ਰਿਦਯੰ ਨਾਮ ਦੁਤਿਯੋ ਧਰਮਾਇ ॥ ੨ ॥

ਪਾਰਬਤੀ ਉਵਾਰ ॥ ਚੌਪਈ ॥

ਧੰਨਿ ਆਜੁ ਮੈ ਯਾ ਜਗ ਮਾਹਿ । ਈਸ ਅਨੁਗ੍ਰਹ ਮੇ ਪਰ



ਆਹਿ। ਆਜੁ ਕ੍ਰਿਤਾਰਥ ਮੈ ਜਗਮਾਹੀ। ਸੰਦੇਹ ਗ੍ਰੰਥ ਟੂਟੀ ਉਰ  
 ਮਾਹੀ॥੧॥ ਰਾਮਤੱਤਅੰਮ੍ਰਿਤਰਸੁਜੋਈ। ਪ੍ਰਭ ਭਾਖਯੋ ਕਰਨਾ  
 ਕਰ ਸੋਈ। ਪੀਵਤ ਮੇ ਮਨ ਦੇਵ ਦਯਾਲ। ਤ੍ਰਿਪਤ ਨ ਹੋਵੇ ਰਸ  
 ਹ ਬਿਸਾਲ॥੨॥ ਸਿਰੀਰਾਮ ਕੀ ਕਥਾ ਪੁਰਾਨੀ। ਸੁਨੀ ਸੰਖੇਪਜੁ  
 ਮੋਹ ਬਖਾਨੀ। ਅਬਵਿਸਤਾਰ ਸੁਨਨ ਕੀ ਚਾਹ। ਪ੍ਰਗਟ ਬਖਾਨੋ  
 ਮੋ ਪ੍ਰਤਿ ਨਾਹ॥੩॥ ਮਹਾ ਦੇਵ ਉਵਾਚ॥ ਚੌਪਈ॥  
 ਸੁਨੋ ਭਵਾਨੀ ਕਰੋਂ ਬਖਾਨ। ਗੋਪਨ ਤੇ ਅਤਿ ਗੋਪ ਪਛਾਨ।  
 ਅਧਯਾਤਮ ਰਾਮ ਚਰਿਤਰ ਜੋਈ। ਰਾਮ ਬਖਾਨੋ ਭਾਖੋਂ ਸੋਈ  
 ॥੪॥ ਤੀਨ ਤਾਪ ਕੇ ਕਰੇ ਨਿਵਾਰ। ਸੋ ਅਬ ਦੇਵੀ ਕਰੋਂ ਉ  
 ਚਾਰ॥ ਜਾਂਹਿ ਸੁਨੇ ਸੁ ਮਿਟੇ ਭਵ ਭਾਰੇ। ਹੋਇ ਜੀਵ ਕੇ ਭਵ  
 ਨਿਸਤਾਰੇ॥੫॥ ਪਰਮ ਰਿਧਿ ਕੇ ਪ੍ਰਾਪਤਿ ਹੋਵੇ। ਦੀਰਘ  
 ਆਯੁ ਸੁਖੀ ਤਨ ਜੋਵੇ। ਪੁਤ੍ਰਾਦਿਕ ਸੁਭ ਸੰਤਤਿ ਜੋਈ। ਤਾਹਿ  
 ਨਿਰੰਤਰਿ ਹੋਵੇ ਸੋਈ॥੬॥ ਸਵੈਯਾ॥ ਰਾਵਣ ਲੋ ਸੁ ਮਹਾ  
 ਗਣ ਰਾਖਸ ਭਾਰ ਭਰੀ ਧਰਣੀ ਜਬ ਭਾਰੀ। ਗੋ ਤਨ ਧਾਰ  
 ਤਬੈ ਮੁਨਿ ਦੇਵਨ ਸੰਗ ਮਿਲੀ ਬਿਧ ਲੋਕ ਸਿਧਾਰੀ। ਜਾਇ  
 ਤਹਾਂ ਉਰਕੇ ਦੁਖ ਜੋ ਧਰਣੀ ਬਿਧ ਪਾਸ ਸੁ ਰੋਇ ਪੁਕਾਰੀ।  
 ਧਯਾਨ ਧਰੇ ਤਿਨ ਦੇ ਘਟਿਕਾ ਦੁਖ ਕਾਰਣ ਜੋ ਸੁ ਪਿਖੇ  
 ਮੁਖ ਚਾਰੀ॥੭॥ ਨਿਧ ਖੀਰ ਗਏ ਸੁਰ ਸੰਗ ਲਏ ਧਰਣੀ  
 ਕਮਲਾਸਨ ਸੰਗ ਲਵਾਈ। ਸੁਤਿ ਸਿਧ ਭਲੇ ਪਦ ਉੱਜਲ ਕੈ  
 ਹਰਿ ਈਸ਼ਰਕੀ ਮੁਖ ਕੀਰਤਿਗਾਈ। ਰਿਖ ਬੀਚ ਪੁਰਾਨਨ ਭਾਖ  
 ਤਜੋ ਬਿਧਗਾਇ ਸਭਾ ਹਰਿ ਤੀਰ ਸੁਨਾਈ॥ ਹਰਿ ਭਾਵ ਭਰੇ ਦ੍ਰਿਗ



ਨੀਰਬਹੇ ਮੁਖ ਆਨੰਦਵਾਕ ਗਦਾ ਗਦ ਆਈ ॥ ੮ ॥  
 ਤਬ ਸੂਰ ਹਜਾਰ ਸਮਾ ਲਸਕੈ ਦਿਸ ਪੂਰਬ ਮੈ ਪ੍ਰਗਟੇ ਹਰਿ  
 ਰਾਈ । ਤਮ ਦੂਰਕਰੇ ਵਿਗ ਮੰਡਲ ਕੇ ਤਨ ਦੀਪਤ ਨਾ  
 ਬਰਨੀ ਮੁਖ ਜਾਈ । ਕਮਲਾਸਨ ਏਕ ਪਿਖੇ ਹਰਿ ਪਾਵਨ  
 ਔਰਨ ਨਾਹਿ ਲਖੀ ਗਤਿ ਕਾਈ । ਸਮ ਨੀਲ ਮਣੀ ਤਨ  
 ਮੰਦ ਹਸੇ ਵਿਗ ਕੰਜਨ ਸੇ ਜਨਕੋ ਸੁਖ ਦਾਈ ॥ ੯ ॥ ਕੁੰਡਲ  
 ਅੰਗਦ ਹਾਰਹ ਕ੍ਰੀਟ ਸੁਹੇ ਕਰ ਕੰਕਨ ਸੁੰਦਰ ਭਾਰੇ । ਸ੍ਰੀ  
 ਭ੍ਰਿਗ ਪਾਦ ਮਣੀ ਲਸਕੈ ਉਰਭ੍ਰਾਜਤ ਸੁੰਦਰਤਾ ਵਰ ਧਾਰੇ ।  
 ਹੈਂ ਵਿਗਨੰਦ ਸੁ ਨੰਦ ਖਰੇ ਗੁਨ ਗਾਵਤ ਹੈਂ ਸਨਕਾਦਿਕ  
 ਚਾਰੇ ॥ ਸੰਖਰਥਾਂਗ ਗਦਾ ਕਰ ਨੀਰਜ ਹੈ ਬਨ ਮਾਲ ਗਲੇ  
 ਬਿਸਤਾਰੇ ॥ ੧੦ ॥ ਚੌਪਈ ॥ ਹੇਮ ਜਨੇਉ ਉਰ ਮੈ ਸੋਹੇ ।  
 ਸੂਰਣ ਵਰਣ ਅੰਬਰ ਤਨ ਮੋਹੇ । ਪਦਮਾਭੂਮਿ ਸਹਿਤ ਹਰਿ  
 ਛਾਜੇ । ਗਰਝ ਬਿਹੰਗਮ ਉਪਰ ਰਾਜੇ ॥ ੧੧ ॥ ਹਰਖ ਭਰੇ  
 ਉਰ ਗਦ ਗਦ ਬਾਨੀ । ਬ੍ਰਹਮ ਦੇਵ ਤਬ ਉਸਤਤਿ ਠਾਨੀ ॥  
 ਬ੍ਰਹਮੋ ਬਾਰ ॥ ਤੇ ਪਦ ਪੰਕਜਕੋ ਪਰਣਾਮ ॥ ਕਰੋ ਨਿਰੰਤਰ  
 ਪੂਰਨ ਧਾਮ ॥ ੧੨ ॥ ਪ੍ਰਾਣ ਬਧਿ ਇੰਦ੍ਰੈ ਮਨ ਲਾਈ । ਮੋਖੀ  
 ਜੋ ਚਿਤਵੇ ਸੁਖ ਦਾਈ । ਤ੍ਰਿਗੁਣੀ ਮਾਇਆ ਕੇ ਅਨੁਸਾਰ ।  
 ਭਵ ਉਤਪਤਿ ਪਾਲਨ ਸੰਹਾਰ ॥ ੧੩ ॥ ਕਰੋ ਨਿਰੰਤਰਲੇਪ  
 ਨ ਹੋਈ । ਨਿਜਾਨੰਦ ਅਨੁਭਵ ਤੁਮ ਸੋਈ । ਦਾਨ ਅਧੈਨ  
 ਕਰਮਕੋ ਕਰੇ । ਦਸਟ ਜੀਵ ਤਿਉ ਪਾਪਨ ਹਰੇ ॥ ੧੪ ॥ ਤੇ  
 ਯਸ ਮੈ ਜਿਉਂ ਭਗਤਿ ਕਮਾਇ । ਸੰਤ ਦੇਹ ਖਿਣ ਪਾਪ



ਮਿਟਾਇ । ਤੇ ਪਦਪੰਕਜ ਦੇਖਯੋ ਜੋਈ । ਮੇਉਰ ਦੋਖਹਰੇ ਪ੍ਰਭ  
 ਸੋਈ ॥ ੧੫ ॥ ਐਸੇ ਚਰਣ ਤੁਮਾਰੇ ਦੇਵਾ । ਧਾਰ  
 ਰਿਦੇ ਮੁਨਿ ਕਰੇ ਸੁ ਸੇਵਾ । ਤਵ ਪਦ ਪੰਕਜ ਪੂਜਾ ਜੋਈ  
 । ਤੁਲਸੀ ਮਾਲ ਧਰੇ ਜਨ ਕੋਈ ॥ ੧੬ ॥ ਸੁਪਤਨੀ ਜਿਉ  
 ਪਦਮਾ ਤਿਹ ਸਾਥ । ਕਰੇ ਸਪਰਧਾ ਹੇ ਹਰਿਨਾਥ । ਤੇ ਭਗ  
 ਤਨ ਮੈ ਭਗਤਿ ਬਿਸਾਲ । ਸ੍ਰੀ ਸਪਰਧੇ ਧਰੇ ਸੁਮਾਲ ॥ ੧੭  
 ॥ ਯਾਂਤੇ ਭਗਤਿ ਤੁਮਾਰੇ ਜੋਈ । ਭਗਤਿ ਨਿਰੰਤਰ ਚਾਂਹੇ ਤੇਈ  
 । ਤੇਪਦ ਪੰਕਜ ਭਗਤਿ ਉਦਾਰੀ । ਹੋਇ ਨਿਰੰਤਰ ਮੋਹ ਮੁ  
 ਰਾਰੀ ॥ ੧੮ ॥ ਭਵ ਯਾਮੈ ਜੇ ਤਪੇ ਸੁਭਾਰੂ । ਭਗਤਿ ਏਕ  
 ਤਿਨਕੋਜਗਦਾਰੂ । ਯਾ ਬਿਧ ਬ੍ਰਹਮਾ ਭਾਖਯੋ ਜਬਹੀ । ਬੇ-  
 ਲਤ ਭਏ ਨਾਰਾਇਣ ਤਬਹੀ ॥ ੧੯ ॥ ਕਿੰਕਰੋਮਿ ਨਾਰਾ-  
 ਇਣ ਬਾਨੀ । ਸੁਨੀ ਬਿਧਾਤਾ ਹਰਖ ਬਖਾਨੀ । ਭਗਵਨ  
 ਰਾਵਨ ਨਾਮ ਬਖਾਨੇ । ਪਉਲਸਤ ਤਨੈ ਸੁਰਨਰਸਭ ਜਾਨੇ ॥  
 ੨੦ ॥ ਹੈ ਸਭ ਰਾਖਸ ਕੇ ਵਹੁ ਰਾਈ । ਮੋ ਵਰ ਕੈ ਗਰਬਯੋ  
 ਅਧਿਕਾਈ । ਤਿਲੋਕੀ ਲੋਕ ਪਾਲ ਸਭ ਜੇਤੇ । ਵਿਸੁ ਸਮੇਤ  
 ਦੁਖਾਏ ਤੇਤੇ ॥ ੨੧ ॥ ਮਾਨਸ ਕੈ ਮਰਣਾ ਤਿਹ ਜੋਈ । ਮੈਂ  
 ਕਲਯਾਨ ਕਲਪਯੋ ਸੋਈ । ਯਾਂਤੇ ਤੁਮ ਮਾਨੁਖ ਤਨੁ ਧਾਰੀ ।  
 ਹਨੋ ਦੇਵ ਰਿਪੁ ਜਾਇ ਮੁਰਾਰੀ ॥ ੨੨ ॥ ਸ੍ਰੀ ਭਗਵਾਨ ਉਵਾ  
 ਚ ॥ ਕੱਸਪ ਮੇ ਹਿਤ ਤਪਕੋ ਕੀਨੋ । ਹੋਇ ਪ੍ਰਸੰਨ ਤਬੈ ਵਰ  
 ਦੀਨੋ । ਮੋ ਸੁਤ ਯਾਚਯੋ ਤਿਨੇ ਉਦਾਰਾ । ਤਬ ਕੀਓ ਮੈਂ ਅੰ  
 ਗੀਕਾਰਾ ॥ ੨੩ ॥ ਸੋ ਅਬ ਕੱਸਪ ਦਸਰਥ ਨਾਮਾ ॥ ਭੂਤ-



ਲ ਮੈ ਹੈ ਅਜ ਕੇ ਧਾਮਾ ॥ ਕੋਸਲਯਾ ਨਾਮ ਤਾਹਿ ਪਟਰਾਨੀ  
 । ਤਾਹਿ ਪੁੱਤ੍ਰ ਤਾ ਮੈ ਉਰ ਮਾਨੀ ॥ ੨੪ ॥ ਚਾਰ ਪ੍ਰਕਾਰ ਆਪਕੇ  
 ਕਰੋਂ । ਏਕ ਕੋਸਲਯਾ ਕੇ ਗ੍ਰਹ ਧਰੋਂ । ਤੀਨ ਇਤਰ ਦੋਨੋ  
 ਮੈ ਧਾਰੋਂ । ਭੂ ਕੇ ਨਿਖਲ ਸੁ ਭਾਰ ਉਤਾਰੋਂ ॥ ੨੫ ॥ ਯੋਗ  
 ਮਾਇਯਾ ਸੀਤਾ ਇਤ ਨਾਮਾ । ਉਪਜੇਗੀ ਮਿਥਲਾ ਪਤਿ ਧਾ-  
 ਮਾ । ਤਿਨ ਸਮੇਤ ਬਿਧ ਕਾਰਜ ਥਾਰੋ । ਕਰੋਂ ਸੰਪੂਰਣ ਯੋਂ  
 ਉਰ ਧਾਰੋ ॥ ੨੬ ॥ ਯਾ ਬਿਧ ਬਿਸਨ ਸੁ ਬੈਨ ਬਖਾਨਾ ।  
 ਭਯੋ ਭਹਾਂ ਪੁਨਿ ਅੰਤਰ ਪ੍ਰਾਨਾ । ਬ੍ਰਹਮਾ ਦੇਵਨ ਬੈਨ ਉਚਾਰੋਂ  
 । ਰਘੁ ਕੁਲ ਮੈਂ ਹਰਿ ਨਰ ਤਨ ਧਾਰੋਂ ॥ ੨੭ ॥ ਤੁਮ  
 ਸਭ ਅੰਸਨਕੈ ਜਗ ਮਾਹੀ । ਬਾਨਰ ਤਨ ਧਾਰੋਬਨ ਮਾਹੀ ।  
 ਬਿਸਨ ਸਹਾਇ ਕਰੋ ਜਗ ਤੋਲੋਂ । ਬਿਸੁ ਰਹੇਗੋ ਭੂਤਲ  
 ਜੋ ਲੋ ॥ ੨੮ ॥ ਯਾ ਬਿਧ ਦੇਵਨ ਆਇਸੁ ਦੀਨੋ । ਧਰਣੀ  
 ਕੇ ਅਸ੍ਰਾਸੁਨਿ ਕੀਨੋ । ਕਮਲਾਸਨ ਨਿਜ ਭਵਨੇ ਗਯੋ ।  
 ਉਰ ਜੂਰ ਦੂਰ ਸੁਖੀ ਅਤਿ ਭਯੋ ॥ ੨੯ ॥ ਸੰਕਰ ਛੰਦ ॥  
 ਧਰ ਦੇਵ ਬਾਨਰ ਰੂਪ ਕੇ ਬਿਚਰੋਂ ਅਰੰਨਨ ਮਾਹਿ ।  
 ਸੁ ਸਹਾਇਤਾ ਜਗਦੀਸ ਕੀ ਯੋ ਧਾਰ ਨਿਜ ਮਨ ਮਾਹਿ ।  
 ਬਲਵੰਤ ਭੂਧਰ ਪਾਲਕੋ ਸੰਗ੍ਰਾਮ ਮੈਂ ਪਰਬੀਨ । ਯਹ ਕਥਾ  
 ਪਾਵਨ ਈਸ ਕੀ ਸ਼ਿਵ ਆਪ ਬਰਨਨ ਕੀਨ ॥ ੩੦ ॥

ਇਤਿ ਸ੍ਰੀਮਤ ਅਧਯਾਤਮ ਰਾਮਾਇਣੇ ਉਮਾਮਹੇਸੁਰ  
 ਸੰਬਾਦੇ ਬਾਲ ਕਾਂਡੇ ਨਾਮ ਤ੍ਰਿਤਿਯੋ ਧਰਮਾਇ ॥ ੩ ॥

ਸ੍ਰੀ ਮਹਾਦੇਵ ਉਵਾਚ ॥ ਚੌਪਈ ॥ ਅਬ ਰਾਜਾ ਵਸਰਥ



ਵਰ ਜੋਈ । ਸੱਤ ਪਰਾਕ੍ਰਮ ਸ੍ਰੀ ਮਤਿ ਸੋਈ । ਅਯੋਧਯਾਪਤੀ  
 ਵੀਰ ਇਕ ਆਹਿ । ਵਿਸ੍ਰੁਤ ਸਭ ਲੋਕਨ ਕੇ ਮਾਹਿ ॥ ੧ ॥  
 ਨਿਤ ਸੰਤਾਨ ਦੁਖ ਤਿਨ ਭਾਰਾ ॥ ਵਸਿਸ੍ਰੁ ਸਮੀਪ ਗਯੋ ਇਕ  
 ਬਾਰਾ । ਮੁਨਿ ਸਰਦੂਲ ਬੰਦ ਪਦ ਮੰਜੁਲ । ਪ੍ਰਸ਼ਨਕਰੀ ਨ੍ਰਿਪ  
 ਕਰ ਕਰ ਅੰਜੁਲ ॥ ੨ ॥ ਸਭ ਲੱਖਣ ਲੱਖਣ ਸੰਤਾਨ ।  
 ਕਿਹ ਬਿਧਿ ਹੋਵੇ ਹੇ ਮੁਨਿ ਭਾਨ । ਪੁੱਤ੍ਰ ਹੀਨ ਰਾਜ ਸਭ ਜੇ  
 ਤੈ । ਕੇਵਲ ਮੇ ਦੁਖ ਕਾਰਣ ਤੇਤੈ ॥ ੩ ॥ ਬਸਿਸ੍ਰੁ ਕੀਯੇ ਪੁ  
 ਨਿ ਬੈਨ ਉਚਾਰਾ । ਹੋਵੇਂਗੇ ਨ੍ਰਿਪਵਰ ਸੁਤ ਚਾਰਾ । ਮਾਨੋ ਲੋ  
 ਕ ਪਾਲ ਤਨੁ ਧਾਰੇ । ਹੋਵੇਂਗੇ ਬਲ ਬੁਧਿ ਉਦਾਰੇ ॥ ੪ ॥  
 ਸਿੰਝੀ ਰਿਖ ਸਾਂਤਾ ਕੇ ਭਰਤਾ । ਨ੍ਰਿਪਆਨੀ ਜੇਤਪ ਧਨ ਧਰ  
 ਤਾ । ਪੁੱਤ੍ਰ ਕਾਮ ਯਾਗ ਜਗ ਜੋਈ । ਹਮ ਸਮੇਤ ਕਰੀਯੇ ਨ੍ਰਿਪ  
 ਸੋਈ ॥ ੫ ॥ ਯਾ ਬਿਧਿ ਸੁਨਿ ਮੁਨਿਵਰਕੀ ਬਾਨੀ । ਮੰਤ੍ਰੀ ਪ੍ਰਤਿ  
 ਨ੍ਰਿਪ ਵਰਹਿ ਬਖਾਨੀ । ਸੁਨ ਮੰਤ੍ਰੀ ਸਿੰਝੀ ਰਿਖ ਲਿਆਏ  
 । ਪਦ ਬੰਦਨ ਬਹੁ ਭਾਂਤ ਮਨਾਏ ॥ ੬ ॥ ਸਹਿਤ ਅਮਾਤ  
 ਯਾਗ ਨ੍ਰਿਪ ਕਰੇ । ਅਮਲ ਮੁਨੀਸੁਰ ਮੰਤ੍ਰ ਉਚਰੇ । ਸ੍ਰਯਾ  
 ਹਵਨ ਕਰੇ ਨ੍ਰਿਪ ਜਬਹੀ । ਹੱਬ ਵਾਟ ਪ੍ਰਗਟੇ ਤਹਿ ਤਬਹੀ  
 ॥ ੭ ॥ ਤਪਤ ਜਾਂਬੁ ਨਦ ਪ੍ਰਭਾ ਉਦਾਰੀ ॥ ਪਾਇਸੁ ਸ੍ਰੁਰਣ ਪਤ੍ਰ  
 ਕਰ ਧਾਰੀ । ਪਾਇਸੁ ਲੀਜੇ ਹੇ ਨਰ ਦੇਵ । ਤੇ ਪੁੱਤ੍ਰ ਹਿਤ ਰ  
 ਚੀ ਸੁਸੇਵਾ ॥ ੮ ॥ ਨਿਹ ਸੰਦੇਹ ਪ੍ਰਮਾਤਮਾ ਜੋਈ । ਪੁੱਤ੍ਰ ਭਾਵ  
 ਕਰ ਪਾਵੇ ਸੋਈ । ਯੋ ਨ੍ਰਿਪਵਰ ਪ੍ਰਤਿ ਬੈਨ ਬਖਾਨ । ਅ  
 ਗਿਨ ਭਯੋ ਤਬਿ ਅੰਤਰ ਧਯਾਨ ॥ ੯ ॥ ਮੁਨਿ ਸਰਦੂਲੋਂ ਕੇ ਪ



ਦ ਵਾਰਜ । ਨਿਪ ਬੰਦੇ ਨਿਜ ਪਾਇ ਸੁ ਕਾਰਜ । ਗੁਰ ਸਿੰਝੀ  
 ਰਿਖ ਆਇਸੁ ਕੀਨੀ । ਨਿਪ ਪਾਇਸ ਨਿਜ ਭਾਮਨਿ ਦੀਨੀ ॥  
 ੧੦ ॥ ਅਰਧ ਕੋਸਲਜਾ ਕੇ ਕਰ ਦਯੋ ॥ ਕੇਕਈ ਅ ਧ ਸੁ  
 ਦੇਵਤ ਭਯੋ । ਬਹੁਰ ਸੁਮਿੱਤ੍ਰਾ ਪ੍ਰਾਪਤ ਭਈ । ਪੁਤ੍ਰ ਹੇਤ ਪਾ  
 ਇਸ ਤਿਨ ਲਈ ॥ ੧੧ ॥ ਦੋਹਰਾ ॥ ਕੋਸਲਜਾ ਅਰਧ ਸੁ ਭਾਗ  
 ਤਿਨ ਦੀਨੋ ਪ੍ਰੇਮ ਬਢਾਇ । ਕੇਕਈ ਅਰਧ ਸੁ ਆਪਨੋ ਦਯੋ  
 ਪ੍ਰੇਮ ਮੈ ਆਇ ॥ ੧੨ ॥ ਚੌਪਈ ॥ ਖਾਯੋ ਵਿੱਬ ਚਰੂ ਤਿਨ  
 ਜਬਹੀਂ । ਗਰਭ ਸਮੇਤ ਭਈ ਤੇ ਤਬਹੀਂ । ਦੇਵਤਾ ਜਿਉ  
 ਰਾਜੇਂ ਤੇ ਨਾਰੀ । ਨਿਪ ਮੰਦਰ ਮੈਂ ਕਰ ਉਜਿਆਰੀ ॥ ੧੩ ॥  
 ਕੋਸਲਜਾ ਦਸ ਮਾਸਨ ਭਏ । ਅਬਨਾਸੀ ਨਿਜ ਪੁੱਤ੍ਰ ਸੁ  
 ਜਏ । ਨਵਮੀ ਸੁਕਲ ਪੱਖ ਮਧੁ ਮਾਸ । ਕਰਕ ਲਗਨ ਸੁਭ  
 ਭਏ ਪ੍ਰਕਾਸ਼ ॥ ੧੪ ॥ ਪੁਨਰਬਸੁ ਨਾਮ ਨਿਖੱਤ੍ਰ ਆਏ । ਉਚਠੌਰ  
 ਗ੍ਰਹ ਪੰਚ ਸੁਹਾਏ । ਮੇਖ ਬਿਖੇ ਰਵਿ ਬ੍ਰਿਖ ਮੈ ਚੰਦਾ । ਕੰਨ ।  
 ਮੈ ਬੁਧ ਮਹਾ ਅਨੰਦਾ ॥ ੧੫ ॥ ਗੀਯਾ ਮਾਲਤੀ ਛੰਦ ॥ ਕਰਕ  
 ਮੈ ਗੁਰ ਮੀਨ ਮੈ ਭ੍ਰਿਗੁ ਦੇਵ ਫੂਲ ਵਸਾਵਈ । ਪ੍ਰਗਟੇ  
 ਨਾਰਾਯਣ ਭੂਤਲੇ ਪਿਖ ਦੇਵ ਬਲਿ ਬਲਿ ਜਾਵਈ । ਪਰ  
 ਮਾਤਮਾ ਜਿਹ ਬੇਦ ਭਾਖੇ ਆਵ ਹੈ ਨਹਿ ਧਿਆਨ ਮੈ । ਵਹ  
 ਭਗਤ ਕੇ ਵੱਸ ਨੈਨ ਗੋਚਰ ਆਜੁ ਦਸਰਥ ਧਾਮਮੈ ॥ ੧੬ ॥  
 ਨੀਲ ਕੰਜ ਸਮਾਨ ਸੁੰਦਰ ਸ਼ਾਮ ਮੂਰਤਿ ਮੋਹਨੀ । ਭੁਜ ਚਾਰ  
 ਪੀਤ ਪਟੰਬਰਾ ਜਗ ਭਰਤ ਕਾਰਜ ਦੋਹਨੀ । ਅਰੁਣ ਕੰਜ  
 ਸਮਾਨ ਨੇਤਰ ਪ੍ਰਾਂਤ ਦੇਸ ਬਿਰਾਜਹੀ । ਮਕਰ ਕੁੰਡਲ ਕਾਨ



ਲਸਕੈਂ ਹੇਰ ਮਕਰ ਸੁ ਲਾਜਹੀ ॥ ੧੭ ॥ ਹਜਾਰ ਸੂਰ ਸਮਾਨ  
 ਲਸਕੈ ਭੂਪ ਮੰਦਰ ਜਾਲ ਮੈ । ਕੁਟਿਲ ਅਲਿਕ ਕਪੋਲ  
 ਸੁੰਦਰ ਹੇਮ ਕ੍ਰੀਟ ਸੁ ਭਾਲ ਮੈ । ਕਰ ਗਾਦਾ ਪਦਮ ਸੁ  
 ਚਕਰੰ ਬਨ ਮਾਲ ਸੁੰਦਰ ਸੋਭਈ । ਸੁਵਿਸਾਲ ਸੋਭਾ ਹੇਰ ਕੈ  
 ਮਨ ਦੇਵਤਾ ਸਭ ਲੋਭਈ ॥ ੧੮ ॥ ਜਨ ਕ੍ਰਿਪਾਚੰਦ ਰਿਦਸਬ  
 ਜੇ ਮੁਸਕਾਵਨਾ ਤਿੰਹ ਚਾਂਦਨੀ । ਕਰੁਣਾ ਰਸੀਲੇ ਨੈਨ ਸੋਭਾ  
 ਲੀਨ ਕੰਜਨ ਮਾਦਨੀ । ਸ੍ਰੀ ਵਸਤ ਹਾਰ ਕਿਯੂਰ ਨੂਪਰ ਪਾਦ  
 ਮੈ ਝਨ ਝਨ ਕਰੇ । ਪਿਖ ਤਾ ਕੋਸਲਯਾ ਰੂਪ ਕੈ ਬਿਸਮਾ-  
 ਕੁਲਾ ਉਰ ਮੈ ਡਰੇ ॥ ੧੯ ॥ ਦੋਹਰਾ ॥ ਹਰਖ ਨੀਰ ਨੈਨਾ  
 ਭਰੇ ਕਰ ਅੰਜੁਲਿ ਹਰਿ ਮਾਨ । ਅਦਭੁਤ ਰੂਪ ਕੋਸਲਯਾ  
 ਪਿਖ ਬੋਲੀ ਭਗਵਾਨ ॥ ੨੦ ॥ ਕੋਸਲਯਾ ਉਵਾਰ ॥ ਚੌਪਈ  
 ॥ ਦੇਵ ਦੇਵ ਪਦ ਬੰਦਨ ਬਾਰੇ । ਸਿਖ ਗਾਦਾ ਕਰ ਚੱਕ੍ਰ ਸੁਧਾਰੇ ।  
 ਪਰਮਾਤਮ ਅਚੁਤ ਆਨੰਤ । ਪੁਰਖੋਤਮ ਪੂਰਨ ਭਗਵੰਤ ॥  
 ੨੧ ॥ ਗੀਯਾਮਾਲਤੀਛੰਦ ॥ ਬਾਨੀ ਅਗੋਚਰ ਤੇਹਿ ਕੋਮੁਨਿ  
 ਬੇਦ ਵਾਦੀ ਗਾਵ ਹੈਂ । ਮਨ ਬੁਧਿ ਇੰਦ੍ਰੀ ਨਾ ਪਿਖੇਂ ਸਤ  
 ਗਿਆਨ ਰੂਪ ਸੁਨਾਵ ਹੈਂ । ਤੁਮ ਹੀ ਸੁ ਮਾਇਆ ਵਿੱਸੁ ਕੋ  
 ਉਪਜਾਇ ਪਾਲ ਸੰਘਾਰ ਹੋ । ਸਤ੍ਰੰਦਿ ਗੁਣ ਸੰਯੁਕਤ ਹੋ ਨਹਿ  
 ਲੇਪ ਰੰਚਕ ਧਾਰਹੋ ॥ ੨੨ ॥ ਚੌਪਈ ॥ ਨਾਹਿ ਕਰੋ ਕਰਤਾ  
 ਸੇ ਭਾਸੋ । ਚਲੋ ਨਾਹਿ ਜਨ ਚਲਤ ਪ੍ਰਕਾਸੋ । ਨਾਹਿ ਸੁਨੋ ਜਨੁ  
 ਸੁਨਤ ਸਮਾਨਾ । ਦੇਖੋ ਨਾ ਦੇਖਤ ਸੇ ਭਾਨਾ ॥ ੨੩ ॥ ਅੱਪ੍ਰਮਾਨ  
 ਮਨ ਬੁਧਿ ਨਿਆਰੇ । ਰੂਪ ਤੁਮਾਰੋ ਬੇਦ ਉਚਾਰੇ । ਸਮ ਸਭ



ਭੂਤਨ ਮੈ ਤੁਮ ਦੇਵ । ਲਖੇ ਨ ਜਾਵੇ ਅਲਖ ਅਭੇਵ ॥ ੨੪ ॥  
 ਅਗਜਾਨ ਅਵਰੇ ਚਿਤ ਜਿਨਕੇਰੇ । ਕੈਸੇ ਰੂਪ ਤੁਮਾਰੇ ਹੇਰੇ  
 । ਸੁੱਧ ਬੁੱਧ ਜਿਨਕੀ ਜਗ ਅਹੇ । ਵੈ ਜਨ ਰੂਪ ਤੁਮਾਰੇ  
 ਲਹੇ ॥ ੨੫ ॥ ਬ੍ਰਹਮਾਂਡ ਪ੍ਰਮਾਣੂ ਸੇ ਉਰ ਤੇਰੇ । ਧਰਮ ਧਰੇ  
 ਯੋਗੀਸ਼ੁਰ ਹੇਰੇ । ਤੂੰ ਮੇ ਉਦਹ ਬਿਖੇ ਤਨ ਧਰੇ । ਯਾ ਬਿਧ  
 ਲੋਕ ਬਿਡੰਬਨ ਕਰੇ ॥ ੨੬ ॥ ਭਗਤਨ ਮੈ ਪਰ ਵਸਤਾ ਤੇਰੀ  
 । ਆਜ ਰਘੂਤਮ ਮੈਂ ਉਰ ਹੇਰੀ । ਸੰਸਾਰ ਸਮੁੰਦਰ ਮੈ ਅਤਿ  
 ਮਗਨਾ । ਪਤਿ ਪੁੱਤਰ ਧਨ ਮਾਹਿ ਸੁਲਗਨਾ ॥ ੨੭ ॥ ਤੇ  
 ਮਾਇਆ ਜਗ ਭ੍ਰਮ ਬਹੁ ਬਾਰਾ । ਅਬ ਤੇ ਅੰਘਰ ਮੂਲ  
 ਨਿਹਾਰਾ । ਦੇਵ ਤੁਮਾਰਾ ਏਹੁ ਸਰੂਪਾ । ਮੇਂ ਮਾਨਸਿ ਨਿਤਰਹੇ  
 ਅਨੂਪਾ ॥ ੨੮ ॥ ਵਿਸੁ ਵਿਮੋਹਨਿ ਮਾਇਆ ਥਾਰੀ । ਨਾਹਿ  
 ਅਵਰੇ ਸੁ ਮੋਹਿ ਮੁਰਾਰੀ । ਏਤਤ ਰੂਪ ਅਲੋਕਿਕ ਜੋਈ । ਉ  
 ਪ ਸੰਹਰੇ ਸਨਾਤਨ ਸੋਈ ॥ ੨੯ ॥ ਬਾਲਕ ਭਾਵ ਅਤਿ ਕੋ-  
 ਮਲ ਅੰਗਾ । ਰੂਪ ਦਿਖਾਵੇ ਮਹਾਂ ਅਨੰਗਾ । ਬੋਲ ਅਲਿੰਗਨ  
 ਲਲਨ ਸੁਧਾਰ । ਉਤ ਕਟ ਤਮ ਮੈਂ ਤਰੇਂ ਸੁਪਾਰ ॥ ੩੦ ॥  
 ਸ੍ਰੀ ਭਗਵਾਨ ਉਵਾਚ ॥ ਮਾਤਾ ਜੋ ਜੋ ਇਸੁ ਤੁਮਾਰੇ । ਸੋ-  
 ਈ ਸੋ ਨਹਿ ਔਰ ਨਿਹਾਰੇ ॥ ਭੂਮ ਭਾਰ ਅਪਨਯਨ ਨਿਮਿੱਤਾ  
 । ਬ੍ਰਹਮਾਂ ਬਿਨਤੀ ਕਰ ਸੁਨ ਚਿੰਤਾ ॥ ੩੧ ॥ ਰਾਵਨ ਮਾਰਨ ਹੇਤ  
 ਸੁਮਾਤਾ । ਧਾਰਜੇ ਮੇਂ ਭੂਭਲ ਨਰ ਗਾਤਾ । ਦਸਰਥ ਤੇਮਮ  
 ਹਿਤ ਤਪ ਕੀਨੋ । ਹੋਇ ਪ੍ਰਸੰਨ ਮੋਹਿ ਵਰ ਦੀਨੋ ॥ ੩੨ ॥  
 ਮਮ ਪੁੱਤਰ ਕਰ ਯਾਚਯੋ ਜੋਈ । ਪੂਰਣ ਕੀਯੋ ਆਜ ਮੈ ਸੋਈ



। ਯਹ ਮੈ ਰੂਪ ਨਿਹਾਰਜੋ ਜੋਈ । ਪੂਰਬ ਤਪ ਫਲ ਜਾਨੋ  
 ਸੋਈ ॥ ੩੩ ॥ ਦੁਰਲਭ ਮੇਰੇ ਵਰਸ਼ਨ ਆਹਿ । ਮੋਖ ਨਮਿੱਤ  
 ਪਛਾਨੋ ਤਾਹਿ । ਸੰਵਾਦ ਹਮਾਰਾ ਬਾਰੇ ਜੋਈ । ਪੜੇ ਸੁਨੇ ਯਾ  
 ਕੋ ਨਰ ਕੋਈ ॥ ੩੪ ॥ ਸੋ ਨਰ ਮਮ ਸਰੂਪਤਾ ਪਾਵੈ । ਮਰ  
 ਨ ਸਮੇ ਮਮ ਸਿਮ੍ਰਿਤਿ ਆਵੈ । ਮਾਤਾ ਪ੍ਰਤਿਯੋਂ ਰਾਮ ਉਚਾਰ । ਰੋ  
 ਵਤ ਭਏ ਬਾਲ ਤਨ ਧਾਰ ॥ ੩੫ ॥ ਇੰਦ੍ਰਨੀਲ ਮਣਿ ਤਨ  
 ਦੁਤਿ ਸੋਹੇ । ਵਿਸਾਲ ਨੈਨ ਸੁੰਦਰ ਸਭ ਮੋਹੇ । ਬਾਲ ਅਰਣ  
 ਸਮ ਪ੍ਰਭਾ ਉਦਾਰ । ਲਾਲਤ ਲੋਕਪਾਲ ਬਲ ਧਾਰ ॥ ੩੬  
 ॥ ਸੁਤ ਕੇ ਜਨਮ ਸੁਨਯੋ ਨਿਪੁ ਜਬਹੀ । ਸੁੱਖ ਸੁਮੰਦ ਮਗਨ  
 ਭਯੋ ਤਬਹੀ । ਗੁਰ ਸਮੇਤ ਆਯੋ ਪੁਨਿ ਤਹਾਂ । ਕਮਲ ਪੱਤ੍ਰ  
 ਦ੍ਰਿਗ ਰਾਮ ਸੁ ਜਹਾਂ ॥ ੩੭ ॥ ਪਿਖ ਆਨੰਦ ਨੀਰ ਦ੍ਰਿਗ ਆ  
 ਏ । ਗੁਰ ਸੋ ਜਾਤ ਕਰਮ ਕਰਵਾਏ । ਕੇਕਈ ਜਨੇ ਸੁ ਭ  
 ਰਤ ਕੁਮਾਰਾ । ਕਮਲ ਨੈਨ ਤਨ ਪ੍ਰਭਾ ਅਪਾਰਾ ॥ ੩੮ ॥ ਸੁ  
 ਮਿਤ੍ਰ ਜੂ ਸੁ ਯਮਲ ਸੁਤ ਜਾਏ । ਪੂਰਣ ਇੰਦ ਸਮ ਬਦਨ  
 ਸੁਹਾਏ । ਤਾਹਿ ਸਮੇ ਰਾਜਾ ਹਰਖਾਨਾਂ । ਗ੍ਰਾਮ ਹਜ਼ਾਰ ਦਏ  
 ਦਿਜ ਦਾਨਾਂ ॥ ੩੯ ॥ ਹੇਮ ਰਤਨ ਸੁਰਭੀ ਪਟ ਘਨੇਂ । ਬ੍ਰ  
 ਹਮਣ ਪਾਇ ਅਸੀਸਾਂ ਭਨੇਂ । ਵਿਦਯਾ ਗਯਾਨ ਸਪੂਰਣ ਭ  
 ਰੇ । ਜਾਹਿ ਬਿਖੇ ਮੁਨਿ ਰਮਣ ਸੁ ਕਰੇ ॥ ੪੦ ॥ ਤਾਂਕੋ ਗੁਰ  
 ਪੁਨਿ ਰਾਮ ਉਚਾਰਾ । ਰਮਣ ਰੂਪ ਤੇ ਰਾਮ ਨਿਹਾਰਾ । ਭਰਤ  
 ਭਰਨ ਤੇ ਕੀਯੋ ਉਚਾਰਾ । ਲਖਮਨ ਸੁਭ ਲੱਖਣ ਆਧਾਰਾ  
 ॥ ੪੧ ॥ ਸਤ੍ਰ ਹਨਨ ਸਤ੍ਰ ਘਨ ਭਾਨੇ । ਯਾ ਬਿਧ ਗੁਰ ਸਭ



ਨਾਮ ਬਖਾਨੇ । ਲਖਮਨ ਰਾਮਚੰਦ ਕੇ ਸੰਗੀ । ਸਤ੍ਰਘਨ ਭਏ  
ਪੁਨਿ ਭਰਤ ਪ੍ਰਸੰਗੀ ॥ ੪੨ ॥ ਪਾਇਸੁ ਅੰਸਨ ਕੇ ਅਨੁਸਾ  
ਰੀ । ਦੁੰਦੀ ਭੁਇ ਫਿਰੇ ਵਹਚਾਰੀ ॥ ਲਖਮਨ ਸੰਗ ਮਿਲੇ  
ਸ੍ਰੀ ਰਾਮਾਂ । ਲੀਲਾ ਬਾਲ ਕਰੇ ਸੁਖ ਧਾਮਾਂ ॥ ੪੩ ॥

॥ ਸਵੈਯਾ ॥ ਮਾਤ ਪਿਤਾ ਸੁਨ ਕੋਕਲ ਬੈਨ ਸੁ ਪੇਖ  
ਮੁਖਾਂਬੁਜ ਕੋ ਬਿਗਸਾਏ । ਭਾਲਬਿਖੇ ਮੁਕਤਾ ਮਣਿ ਹੇਮ  
ਸੁ ਪੀਪਲ ਪਾਤ ਅਨੂਪ ਸੁਹਾਏ । ਕੰਠ ਬਿਖੇ ਮਣ ਬ੍ਰਾਤ  
ਧਰੇ ਬ੍ਰਿਕ ਕੋ ਨਖ ਤਾਹਿ ਸੁਬੀਚ ਜਰਾਏ ॥ ਕਾਂਚਨ ਕੁੰਡਲ  
ਕਾਨ ਲਸੈਂ ਰਤਨਾ ਗਣ ਸੁੰਦਰ ਪੂਰ ਲਗਾਏ ॥ ੪੪ ॥

॥ ਚੌਪਈ ॥ ਸਭਦਾਇ ਮਾਣ ਮਣ ਪਰਮ ਉਦਾਰੇ ।  
ਪਟ ਭੂਖਣਿ ਤਿਹ ਸੰਗ ਸਵਾਰੇ । ਕਟ ਸੂਤਰ ਅੰਗਦ ਭੁਜ  
ਧਰੇ । ਅਲਪ ਦਸਨ ਹਸਤਾਮੁਖਿ ਖਿਰੇ ॥੪੫॥ ਇੰਦ੍ਰ ਲੀ  
ਨ ਮਣ ਦੇਹ ਸੁਹਾਏ । ਅੰਕੁਣ ਰਿੰਗ ਮਾਣ ਬਿਗਸਾਏ ।  
ਆਗੇ ਬਾਲਕ ਪਾਛੇ ਰਾਮਾ । ਦੇਹ ਕੋਸਲਯਾ ਦਸਰਥ ਧਾਮਾਂ  
॥੪੬॥ ਪਰਮ ਅਨੰਦ ਭਏ ਮਨ ਮਾਹੀਂ । ਤਾਂ ਸੁਖਕੀ  
ਗਿਨਤੀ ਕਛੁ ਨਾਹੀਂ । ਦਸਰਥ ਭੋਜਨ ਕਰੇ ਸੁ ਜਬਹੀਂ ।  
ਰਾਮ ਬੁਲਾਏ ਭੂਪਤਿ ਤਬ ਹੀਂ ॥ ੪੭ ॥ ਲੀਲਾ ਸਕਤ ਭਏ  
ਸੁਖ ਧਾਮਾ । ਨਾਹਿ ਬੁਲਾਏ ਆਵਹੇ ਰਾਮਾਂ । ਆਂਨ  
ਕੋਸਲਯਾ ਭੂਪ ਬਖਾਨੀ । ਬਹੁਤ ਭਲੀ ਕੋਸਲਯਾ ਮਾਨੀ ॥  
੪੮॥ ਹਸਤ ਮਾਤ ਦੌਰੀ ਰਘੁ ਨਾਥੇ । ਆਏ ਨਾ ਜਨਨੀ ਹਰਿ  
ਹਾਥੇ । ਮਹਾਂ ਯਤਨ ਕਰ ਯੋਗੀ ਧਿਆਵੇਂ । ਵਹੁ ਕੈਸੇ ਕਰ ਭੀ



ਤਰ ਆਵੇਂ॥੪੯॥ ਹਸਤ ਰਾਮਾਇਣ ਆਪੇ ਆਏ । ਕਰ  
 ਦਮ ਦੱਖਣ ਪਾਨ ਲਗਾਏ । ਕਿੰਚਤ ਗ੍ਰਾਸ ਗਹੇ ਮੁਖਮਾਹਿੰ  
 । ਦੌਰ ਚਲੈ ਲੀਲਾ ਮਨ ਮਾਹਿੰ॥੫੦॥ ਯਾ ਬਿਧ ਪਰਾਨੰਦ  
 ਸ੍ਰੀ ਰਾਮਾਂ । ਸਭ ਜੀਵਨ ਕੇ ਸੁਖ ਕੇ ਧਾਮਾਂ । ਮਾਇਆਬਾਲ  
 ਸਰੀਰਹਿ ਲੀਨੋਂ । ਜਨਨੀ ਤਾਤ ਪਰਮ ਸੁਖ ਦੀਨੋਂ ॥  
 ੫੧ ॥ ਮਾਸ ਮਾਸ ਕੋਸੱਲਯਾ ਮਾਤਾ । ਵਾਪਨ ਬਹੁ ਬਿਧ ਕਰੇ  
 ਸੁ ਤਾਤਾ । ਧਰ ਸੁਤ ਭੂਖਨ ਬਹੁਤ ਲਡਾਵੇ । ਬਹੁ ਬਿਧ ਮੰ  
 ਗਲ ਸੇ ਮੁਖਿ ਗਾਵੇ ॥੫੨॥ ਮੋਦਕ ਔਰ ਅਪੂਪ ਬੁਲਾਏ ।  
 ਕਰਣ ਸਸਕਲੀ ਅਤਿ ਸੁਖਦਾਏ । ਕਰਣ ਪੂਰ ਪੁਨਿ ਵਿ  
 ਵਿਧ ਪ੍ਰਕਾਰੇ। ਵਰਖ ਬ੍ਰਿਧ ਅਤਿ ਮੰਗਲ ਧਾਰੇ ॥ ੫੩ ॥  
 ਗ੍ਰਹ ਕਾਰਯ ਸਭ ਤਾਹਿ ਤਿਆਗੇ ॥ ਰਾਮ ਜਬੈ ਬਹੁ ਖੇਲਨ  
 ਲਾਗੇ ॥ ਮਾਤ ਸਮੀਪ ਗਏ ਇਕ ਬਾਰਾ । ਭੋਜਨ ਦੈ ਰਘੁਨਾ  
 ਥ ਉਚਾਰਾ ॥ ੫੪ ॥ ਕਾਰਯ ਸਕਤਿ ਤਾਹਿ ਖਿਨ ਹੋਈ । ਸੁ  
 ਨਯੋ ਨ ਰਾਮ ਬਖਾਨਯੋ ਜੋਈ । ਕ੍ਰੋਧ ਭਰੇ ਕਰ ਦੰਡ ਉਠਾ  
 ਏ । ਛੀਕੇ ਭਾਂਜਨ ਧਰਤ ਗਿਰਾਏ ॥੫੫॥ ਲਛਮਨਕੋ ਨਵ  
 ਨੀਤਹ ਦਯੋ । ਭਰਥ ਬਹੁਰ ਸਤ੍ਰਹਿ ਘਨ ਲਯੋ । ਦੂਧ ਦਹੀ  
 ਬਹੁ ਭਾਂਤਿ ਖਵਾਏ । ਸੂਦ ਤਬੈ ਤਿਨ ਮਾਤ ਬਤਾਏ ॥੫੬॥  
 ॥ ਦੌਰੀ ਮਾਤ ਸੁ ਮੁਖ ਬਿਗਸਾਨੇਂ । ਤਾਂਹਿ ਵਿਲੋਕਤ ਸਰਬ  
 ਪਲਾਂਨੇਂ । ਪਦ ਪਦ ਹੁਤੀ ਕੁਸੱਲਯਾ ਜਬਹੀ । ਭਏ ਨਾਰਾ  
 ਇਣ ਲਘੁ ਗਤਿ ਤਬਹੀ ॥ ੫੭ ॥ ਰਘੁਨਾਥਹਿ ਕਰ ਭੀਤ  
 ਰ ਗਹੇ । ਕਿੰਚਤ ਭਾਮਨਿ ਬੈਨ ਸੁ ਕਹੇ । ਬਾਲਕ ਭਾਵ ਸੁ



ਅੰਗੀ ਕਰੇ । ਮੰਦ ਮੰਦ ਰੋਵਹਿ ਹਰਿ ਖਰੇ ॥ ੫੮ ॥ ਤਬ  
 ਮਾਤਾ ਸਭ ਕੰਠ ਲਗਾਏ । ਸਿਰ ਚੁੰਮੇ ਬਹੁ ਭਾਂਡਿ ਲਡਾਏ ॥  
 ਬਾਲਕਤੇ ਪੁਨਿ ਭਏ ਕੁਮਾਰੇ । ਵਸਿਸ੍ਵ ਸਭਨ ਸੁ ਜਨੇਉ ਡਾਰੇ  
 ॥ ੫੯ ॥ ਸਰਬ ਵਿੱਦਯਾ ਮਾਹਿ ਵਿਸਾਰਦ । ਧਨੁਰਵੇਦ ਮੈ  
 ਪਰਮ ਸੁ ਸਾਰਦ । ਲੀਲਾ ਕਰ ਹਰਿ ਨਰ ਤਨ ਧਾਰੇ । ਸਭ  
 ਸ਼ਾਸਤ੍ਰਨ ਕੇ ਅਰਥ ਬਿਚਾਰੇ ॥ ੬੦ ॥ ਲਖਮਣ ਰਘੁਬਰਕੇ  
 ਅਨੁਸਾਰੀ । ਸੇਵ ਜਾਨ ਹੋਵਾ ਉਰਧਾਰੀ । ਸਤ੍ਰਘਨ ਭਰਥ  
 ਕੇ ਪਰਮ ਪਿਆਰੇ । ਸੇਵਕ ਭਾਈ ਸੀਲ ਉਦਾਰੇ  
 ॥ ੬੧ ॥ ਸਵੈਯਾ ॥ ਰਾਮ ਲਏ ਕਰ ਚਾਂਪ ਮਹਾਂ ਬਲ ਤੂੰਣ  
 ਕਸੇ ਕਟ ਬਾਲ ਸੁਧਾਰੇ । ਸੰਗ ਲਏ ਲਘੁਬੀਰ ਤੁਰੰਗਮ  
 ਰੂਢ ਮਹਾਂ ਬਨ ਮਾਹਿ ਸਿਧਾਰੇ । ਖੇਲ ਸ਼ਿਕਾਰ ਤਹਾਂ ਬਲ  
 ਧਾਰ ਸੁ ਬਿਆਘਰ ਸਿੰਘ ਘਨੇ ਚੁਨ ਮਾਰੇ । ਆਨ ਨਵੇਦ  
 ਕਰੇ ਬਣ ਬਾਤਨ ਰਾਮ ਦੇਉ ਕਰ ਤਾਤ ਜੁਹਾਰੇ ॥ ੬੨ ॥  
 ਉਠ ਪ੍ਰਾਤ ਸਮੈ ਕਰ ਮੱਜਨਜੂਪਿਤ ਮਾਤਨ ਕੇ ਅਭਿਬੰਦਨ  
 ਧਾਰੇ । ਪੁਰ ਕਾਰਯ ਫੇਰ ਕਰੇ ਸਗਰੇ ਅਤ ਨਿਮ੍ਰਤਭਾਵ ਸੁ  
 ਰਾਮ ਮੁਰਾਰੇ । ਮਿਲ ਬਾਂਧਵ ਸੰਗ ਕਰੇ ਪੁਨਿ ਭੋਜਨ ਸੰਗ  
 ਮੁਨੀਸਰ ਗ੍ਰੰਥ ਬਿਚਾਰੇ । ਮੁਨਿ ਪੁੰਗਵ ਤੇ ਸੁਨਿ ਆਪਭਲੇ  
 ਲਘੁ ਭ੍ਰਾਤਨ ਮੈ ਪੁਨਿ ਆਪ ਉਚਾਰੇ ॥ ੬੩ ॥ ਤੋਮਰ ਛੰਦ ॥  
 ਧਰ ਰਾਮ ਜੀ ਅਵਤਾਰ । ਇਹ ਭਾਂਤ ਕਾਰਜ ਸਾਰ । ਨਰ  
 ਲੋਕ ਮੈ ਸੁਖਕਾਰ । ਪਰਨਾਮ ਹੀਨ ਨਿਹਾਰ ॥ ੬੪ ॥ ਦੋਹਰਾ  
 ॥ ਸਨਕਾਦਿਕ ਜਾਕੇ ਭਜੈਂ ਮੁਨਿ ਜਨ ਅਰ ਮੁਖ ਚਾਰ । ਵੈ



ਪਰਮਾਤਮ ਲੋਕ ਮੈ ਭਏ ਮਨੁਜ ਅਵਤਾਰ ॥ ੬੫ ॥

ਇਤਿ ਸੀਮਤ ਅਧਿਆਤਮ ਰਾਮਾਇਣੇ ਉਮਾਮਹੇਸੁਰ  
ਸੰਬਾਦੈ ਬਾਲ ਕਾਂਡੇ ਚਤੁਰਥੇ ਧਿਆਇ ॥ ੪ ॥

ਸ੍ਰੀ ਮਹਾਂਦੇਵ ਉਵਾਚ ॥

॥ ਸਵੈਯਾ ॥

ਏਕਸਮੇ ਮੁਨਿ ਕੋਸਕ ਜੇ ਪੁਰ ਔਧਬਿਖੇ ਬਨਤੇ ਚਲਆਏ ।  
ਜਾਨ ਇਹੇ ਮਨ ਮੱਧ ਮੁਨੀ ਪਰਮਾਤਮ ਭੂਪਤਿ ਮੰਦਰ  
ਗਾਏ ॥ ਪਾਵਕ ਕੇ ਸਮ ਤੇਜ ਲਸੇ ਪਿਖ ਤਾ ਅਜ ਨੰਦਨ ਜੂ  
ਹਰਖਾਏ । ਆਸਨ ਤੇ ਉਠ ਲੇਨ ਚਲੇ ਗੁਰ ਔਰ ਬਸਿਸ੍ਰ  
ਸੁ ਸੰਗ ਬੁਲਾਏ ॥ ੧ ॥ ਪੂਜਨ ਕੈ ਤਿਨਕੋ ਤਿਨਕੋ ਮੁਨਿ  
ਪ੍ਰੰਗਵ ਸੋ ਨਿਪ ਬੈਨ ਉਗਾਰੇ । ਜੋਰ ਦੇਉ ਕਰ ਆਜ ਕ੍ਰਿ  
ਤਾਰਥ ਧੰਨ ਭਏ ਮੁਨਿ ਭਾਗ ਹਮਾਰੇ । ਸੰਪਤ ਆਇ ਬਸੈ ਤੁ  
ਮਰੇ ਘਰ ਜਾਂ ਘਰ ਮੈ ਤੁਮ ਸੇ ਪਗਧਾਰੇ । ਜਾਂ ਹਿਤ ਆਵਨ  
ਸਾਰ ਕਹੋ ਵਹ ਕਾਜ ਕਰੋਂ ਹਮ ਸੇਵਕ ਥਾਰੇ ॥ ੨ ॥ ਸੁਨ  
ਭੂਪਤਿ ਬੈਨ ਪ੍ਰਸੰਨ ਭਏ ਮੁਨਿ ਆਪ ਮਹਾਤਮ ਬੈਨ ਅਲਾਏ  
। ਜਬ ਯਾਗ ਲਗੋ ਕਰਨੇ ਬਨ ਮੈ ਸੁਰ ਪਿਤ੍ਰਨ ਕੇ ਹਿਤ ਪੁੰਨ  
ਸਮਾਏ । ਨਿਪ ਦੈਤ ਵਿਧਿਸ ਕਰੇ ਤਬ ਹੀ ਤਿਹ ਸੁੰਨਤ ਕੀ  
ਬਰਖਾ ਬਰਖਾਏ । ਤਿਨ ਨਾਮ ਮਰੀਚ ਸੁਬਾਹੂ ਕਹੇ ਪੁਨ  
ਔਰ ਘਨੇ ਤਿਨ ਸੰਗ ਲਵਾਏ ॥੩॥ ਮਮ ਕਾਜ ਇਹੈ ਨਿਪ  
ਤਾਂ ਬਧ ਕੇ ਹਿਤ ਰਾਮ ਦਿਜੇ ਅਹਿ ਨਾਥ ਸੁਸੰਗੇ । ਇਹ ਕਾ



ਜ ਕਰੈ ਕਲਯਾਨ ਤੁਮੇ ਨਿਪ ਹੋਵਹਿਗੀ ਪੁਨਿ ਵੰਸ ਪਤੰਗੇ ॥  
 ਮਿਲ ਸੰਗ ਬਸਿਸ੍ਵ ਬਿਚਾਰ ਕਰਯੋ ਨਿਪ ਰਾਮ ਕਹਯੋ ਮੁਨਿ  
 ਕੋਸਕ ਮੰਗੇ । ਨਿਪ ਜੋ ਰੁਚਿ ਹੋਇ ਤੁ ਦੇਹ ਹਮੇ ਮਮ ਯਾਗ  
 ਕਰਾਇ ਕਰੇ ਅਰਜੰਗੇ ॥ ੪ ॥ ਮਹਾਂ ਦੇਵ ਉਵਾਚ ॥  
 ॥ ਦੋਹਰਾ ॥ ਭੂਪਤਿ ਕੋ ਚਿੰਤਾ ਭਈ ਗੁਰ ਇਕਾਂਤ ਢਿਗ  
 ਜਾਇ । ਪੂਛਨ ਲਾਗੇ ਜੋਰ ਕਰ ਬਹੁ ਬਿਧ ਪਾਦ ਮਠਾਇ  
 ੫ ॥ ਦਸਰਥ ਉਵਾਚ ॥ ਸਵੈਯਾ ॥ ਗੁਰ ਕੋਨ ਉ  
 ਪਾਇ ਕਰੋਂ ਅਬ ਮੈਂ ਮੁਨਿ ਕੋਸਕ ਰਾਮ ਸੁ ਲੇਵਨ ਆਏ ॥  
 ਨਹਿ ਰਾਮ ਬਿਛੋਹ ਸਹਾਰ ਸਕੋਂ ਮੁਨ ਵਰਖ ਹਜ਼ਾਰ ਗਏ ਸੁ  
 ਤ ਪਾਏ । ਸੁਤ ਚਾਰ ਸੁਰੇਸਰ ਤੁਲ ਭਏ ਅਤਿ ਰਾਮ ਬਿਖੇ ਮ  
 ਨ ਮੋਹ ਲਗਾਏ । ਅਜ ਨੰਦਨ ਤਾਂ ਖਿਣ ਪ੍ਰਾਣ ਤਜੇ ਰਘੁ ਨੰ  
 ਦਨ ਜੋ ਮੁਨਿਕੇ ਸੰਗ ਜਾਏ ॥ ੬ ॥ ਗੀਯਾਮਾਲਤੀ ਛੰਦ ॥  
 ਮੁਨਿ ਕੋਨ ਦੇਵੇਂ ਰਾਮ ਜੋ ਵਹਿ ਸ੍ਰਾਧ ਮੋਹਿ ਲਗਾਇ ਹੈਂ । ਮਮ  
 ਸੰਗ ਸੂਰਯ ਵੰਸ ਕੋ ਖਿਣ ਏਕ ਮਾਹਿ ਜਲਾਇ ਹੈਂ ॥ ਕਿਹ  
 ਭਾਂਤ ਮੇ ਕਲਯਾਨ ਹੋਵੇ ਸੋ ਉਪਾਵੈਂ ਭਾਖੀਯੈ । ਜਿਹ ਭਾਂਤ  
 ਝੂਠ ਨ ਮੇ ਛੁਹੇ ਗਿਰਾਸਤ ਮੇਰੇ ਰਾਖੀਯੈ ॥ ੭ ॥ ਵਸਿਸ੍ਵ  
 ਉਵਾਚ ॥ ਸਵੈਯਾ ॥ ਸੁਨ ਰਾਜਨ ਬਾਤ ਬਖਾਨਤ  
 ਗੋਪ ਨ ਔਰਨ ਪੈ ਇਹ ਬਾਤ ਬਤਯੋ । ਸੁਤ ਮਾਨੁਖ ਨਾਹ  
 ਪਿਖੋਮਨ ਮੈਪਰਮਾਤਮਰਾਮ ਸਨਾਤਨ ਹਯੋ । ਅਵਨੀਭਰਭਾਰ  
 ਨਿਵਾਰਨ ਕੀ ਬਿਨਤੀ ਚਤੁਰਾਨਨ ਕੀ ਇਨ ਪਯੋ ॥ ਭਗਵਾਨ  
 ਜਏ ਮਹਖੀ ਤੁਮਰੀ ਸੁਨਿ ਭੂਪਤਿ ਸੰਕ ਨ ਰੰਚ ਕਰਯੋ ॥



੮ ॥ ਤੂੰ ਚਤੁਰਾਨਨ ਕੇ ਸੁਤਿ ਪੂਰਬ ਕੱਸਪ ਨਾਮ ਕਹੇ ਸੁਰ  
 ਸਾਰੇ । ਆਦਿਤ ਦੈਵਨਕੀ ਜਨਨੀ ਯਹ ਰਾਘਵ ਮਾਸ ਮਹਾਂ  
 ਯਸ ਧਾਰੇ। ਤਾਂਹਿ ਸਮੈ ਬਹੁ ਕਾਲ ਕਰੀ ਤਪਸਾ ਪੁਨਿ ਪੂਜਨ  
 ਨੀਤ ਮੁਰਾਰੇ । ਸੁ ਧਿਆਨ ਸਦਾ ਹਰਿ ਕੋਮਨ ਮੈ ਬਿਖ  
 ਸੇ ਬਿਖਯਾ ਸਭ ਦੂਰ ਨਿਵਾਰੇ ॥ ੯ ॥ ਭਗਵਾਨ ਪ੍ਰਸੰਨ  
 ਭਏ ਤਬਹੀ ਵਰ ਮਾਂਗ ਇਹੈ ਮੁਖ ਮਾਹਿ ਉਚਾਰੇ । ਤਬ ਤੈਂ  
 ਮੁਖ ਤੇ ਇਹ ਭਾਂਤਿ ਕਹਯੋ ਹਰ ਤੂੰ ਸੁਤ ਹੋਹੁ ਸੁ ਆਪ ਹਮਾ  
 ਰੇ । ਸੁਨਿ ਯਾ ਬਿਨਤੀ ਭਗਵਾਨ ਤਬੈ ਸੁਤ ਹੋਵਹਿੰਗੇ ਹਮ  
 ਆਏ ਤੁਮਾਰੇ । ਅਬ ਰਾਮ ਵਹੀ ਤਵ ਪੂਤ ਭਏ ਮੁਰਸੇ ਜਿਨ  
 ਦਾਨਵ ਕੋਟ ਪਛਾਰੇ ॥ ੧੦ ॥ ਗੀਯਾਛੰਦ ॥ ਰਾਮ  
 ਕੈ ਅਨਯਾਇ ਜੇ ਉਰ ਸੇਸ ਲਖਮਣਿ ਜਾਨੀਯੇ ॥ ਭਰਤ ਔ  
 ਅਰ ਸਤ੍ਰਘਨ ਮਨ ਸੰਖ ਚੱਕਰ ਮਾਨੀਯੇ ॥ ਜੋਗ ਮਾਇਆ  
 ਜਾਨਕੀ ਉਪਜੀ ਸੁਜਨਕ ਬਿਦੇਹ ਕੇ ॥ ਮੁਨਿ ਰਾਮ ਬਿਆਹਨ  
 ਆਇਯੋ ਨਿਸ ਯਾਗ ਬਚਨ ਸਨੇਹ ਕੇ ॥ ੧੧ ॥  
 ਯਹ ਗੋਪ ਬਾਤ ਸੁ ਧਾਰ ਮਨ ਮੈਂ ਔਰ ਪੈ ਨਹਿ ਭਾਖੀਯੇ ।  
 ਕਰ ਪ੍ਰੀਤ ਪੂਜ ਸੁਕੋਸਕੇ ਸੁਤ ਰਾਮ ਦੈ ਸੁਤ ਰਾਖੀਯੇ । ਤਿਨ  
 ਸੰਗ ਦੀਜੈ ਲਖਮਣੇ ਕਲਯਾਨ ਹੋਵੇਗੀ ਸਹੀ । ਇਹ ਭਾਂਤ  
 ਭੂਪਤਿ ਦਸਰਥੇ ਮੁਨਿ ਗੁਰ ਵਸਿਸ਼ਟਹਿ ਜੋ ਕਹੀ ॥ ੧੨ ॥  
 ਚੌਪਈ ॥ ਤਬ ਭੂਪਤਿ ਕਿਰਤਾਰਥ ਮਾਨਿਯੋ । ਮਨਆਨੰਦ  
 ਬਦਨ ਬਿਗਸਾਨਿਯੋ । ਰਾਮ ਲਖਣ ਨਿਪ ਆਪ ਬੁਲਾਏ ॥  
 ਅਤਿ ਆਦਰ ਕਰ ਕੰਠ ਲਗਾਏ ॥ ੧੩ ॥ ਸਵੈਯਾ ॥



॥ ਸਿਰ ਚੰਮ ਦੇਉ ਸੁਤ ਬਾਰਨ ਕੇ ਮੁਨਿ ਕੌਸਿਕ ਕੋ ਨਿਪ  
 ਆਨ ਮਿਲਾਏ । ਤਬ ਪਾਇ ਮਹਾਂ ਬਲ ਬੀਰਨ ਕੇ ਭਗਵਾਨ  
 ਰਿਖੀ ਅਤਸੈ ਹਰਖਾਏ । ਸੁ ਅਸੀਸ ਦਈ ਅਜ ਨੰਦਨ  
 ਕੇ ਯੁਗ ਬੀਰਨ ਕੇ ਕਟਿ ਤੂੰ ਕਸਾਏ । ਧਰ ਚਾਂਪ ਅਸੀ  
 ਪਿਤ ਬੰਦ ਪਦਾਂਬੁਜ ਬੀਰ ਭਲੀ ਮੁਨਿ ਸੰਗ ਸਿਧਾਏ ॥  
 ੧੪ ॥ ਸ਼ੰਕਰਛੰਦ ॥ ਕਛੁ ਦੂਰ ਦੇਸਹਿ ਜੇ ਗਏ ਪੁਰ ਤੇ ਮੁਨੀ  
 ਵਰ ਸੋਇ । ਬਲਾ ਚਾਤਿ ਬਲ ਵਿੱਦਯਾ ਦਈ ਤਬ ਰਾਮ  
 ਲਖਨ ਸੁ ਦੋਇ । ਦੇਵਤਾ ਦੇਨੋ ਰਚੀ ਤਿਹ ਗਹੇ ਯਾ ਜਗ  
 ਕੋਇ । ਤਿਹ ਖੁਧਾਐ ਪੁਨਿ ਕਾਮ ਕੇ ਦੁਖ ਨਾਂ ਕਦਾ ਚਿਤ ਹੋਇ  
 ॥ ੧੫ ॥ ਤਬ ਪਾਰ ਗੰਗਾ ਤੇ ਗਏ ਮੁਨਿ ਸੰਗ ਲਖਮਣ  
 ਰਾਮ । ਤਹਿ ਘੋਰ ਵਿਪਨ ਨਿਹਾਰਿਯੋ ਜਗ ਤਾੜਕਾ ਬਨ  
 ਨਾਮ । ਮੁਨਿ ਰਾਮ ਕੇ ਤਬ ਭਾਖਿਯੋ ਇਹ ਰਾਖਸ਼ੀ ਇਕ ਆ-  
 ਹਿ । ਕਾਮ ਰੂਪੀ ਤਾੜਕਾ ਇਹ ਨਾਮ ਭਾਖਯੋ ਤਾਹਿ ॥ ੧੬ ॥  
 ਨਰਾਜ ਛੰਦ ॥ ਸਮਸਤ ਲੋਕ ਕੰਟਕ ਹਨੋਂ ਸੁ ਰਾਮ  
 ਤਾਂ ਅਬੈ ॥ ਤਬੈ ਤ ਰਾਮ ਚਾਂਪ ਲੈ ਗੁਣਿ ਅਰੋਪਿਓ ਤਬੈ ।  
 ਠਣਤ ਕਾਰ ਚਾਂਪ ਕੈ ਬਨੰ ਸਮਸਤ ਪੁਰਿਯੋ । ਸੁਨੰਤਤਾੜਕਾ  
 ਤਬੈ ਕਰੈ ਸੁ ਨੈਨ ਕ੍ਰਿਯੋ ॥ ੧੭ ॥ ਸੁਘੋਰ ਕਾਮ  
 ਰੂਪਣੀ ਪ੍ਰਕੋਪ ਘੋਰ ਮੈ ਭੈਰੀ । ਪਰੀ ਸੁ ਰਾਮ ਦੋਰ ਕੈ ਸੁ  
 ਅੰਗ ਅੰਗ ਮੈ ਜਰੀ । ਸੁ ਏਕ ਬਾਨ ਰਾਮ ਕੇ ਸੁ ਤਾਂਹਿਕੋ ਲਗੋ  
 ਜਬੈ । ਗਿਰੀ ਸੁ ਘੋਰ ਕਾਂਨਨੇ ਸੁ ਸ਼੍ਰੇਣਤੀ ਵਮੈ ਤਬੈ ॥  
 ੧੮ ॥ ਤਤੋਤਿ ਸੁੰਦਰੀ ਭਈ ਸੁ ਯੱਖਣੀਂ ਅਭੂਖਤਾ । ਕ੍ਰਿਪਾ



ਸੁਰਾਮਚੰਦ ਕੀ ਛੁਟੇ ਸੁ ਸ੍ਰਾਪ ਦੁਖਤਾ । ਪ੍ਰਣਾਮ ਰਾਮ ਪਾਦ  
 ਕੈ ਕਰੀ ਸੁ ਤਾਂ ਪ੍ਰਦੱਛਣਾ । ਵਿਧੁਯ ਪਾਪ ਪੁੰਜ ਕੇ ਗਈ  
 ਦਿਵੰ ਵਿਚੱਖਣਾ ॥ ੧੯ ॥ ਪ੍ਰਸੰਨ ਤੇਮੁਨੀ ਭਏ ਸੁ ਰਾਮ  
 ਕੰਠ ਲਾਇਯੋ । ਸੁ ਚੁੰਮ ਰਾਮ ਮਸਤਕੇ ਹੁਲਾਸ ਚਿੱਤ  
 ਆਇਯੋ । ਸਮਸਤ ਅਸਤ੍ਰ ਜਾਲ ਜੋ ਸੁਰਾਮ ਕੇ ਬਤਾਇਓ  
 । ਸੁ ਗੋਪ ਮੰਤ੍ਰ ਪੁੰਜ ਕੇ ਸੁ ਕਾਨ ਮੈ ਸੁਨਾਇਓ ॥ ੨੦ ॥

ਇਤਿ ਸ੍ਰੀਮਤ ਅਧਯਾਤਮ ਰਾਮਾਇਣਣੇ ਬਾਲ ਕਾਂਡੇ  
 ਉਮਾ ਮਹੇਸ਼ੁਰ ਨਾਮ ਸੰਬਾਦੇ ਪੰਚਮੇ ਧਿਆਇ ॥੫॥

ਮਹਾਂਦੇਵ ਉਵਾਚ  
 ਸਵੈਯਾ ॥ ਰਤਿ ਕੇ ਪਤਿ ਕਾਨਨ ਰਾਤ ਵਸੇ ਪਰਭਾਤਿ  
 ਭਏ ਤਹਿੰਸੇ ਸੁ ਸਿਧਾਏ । ਸਿਧ ਚਾਰਣ ਸੇਵਤ ਜੋ ਸਿੱਧ ਆ  
 ਸ੍ਰਮ ਤਾਂਹਿੰ ਬਿਖੈ ਕਰਣਾਂ ਕਰ ਆਏ । ਮੁਨਿ ਕੋਸਕ ਤਾ ਸੁਨਿ  
 ਮੰਡਲ ਕੇ ਅਜ ਨੰਦਨ ਕੇ ਸੁਤ ਰਾਮ ਜਨਾਏ । ਤਬ ਪੁਜਨਕੇ  
 ਯੁਗ ਭ੍ਰਾਤਨ ਕੇ ਮੁਨਿ ਮੰਡਲ ਜੂ ਬਹੁਭਾਂਤਿ ਮਨਾਏ ॥ ੧ ॥ ਤਬ  
 ਰਾਮ ਕਹਯੋ ਮੁਨਿ ਕੋਸਕ ਕੇ ਅਬ ਯੱਗ ਅਰੰਭ ਕਰੋ ਬਲ  
 ਧਾਰੇ । ਵਹਿ ਰਾਖਸ ਨੀਚ ਸੁ ਆਹਿ ਕਹਾਂ ਮੁਨਿ ਦੇਹੁ ਦਯਾ  
 ਕਰ ਮੋਹਿ ਦਿਖਾਰੇ । ਸੁਨ ਕੈ ਇਹ ਬਾਤ ਪ੍ਰਸੰਨ ਭਏ ਮੁਨਿ  
 ਹੋਇ ਤਥਾ ਯਹ ਬੈਨ ਉਚਾਰੇ । ਤਬ ਯੱਗ ਅਰੰਭ ਕਰਯੋ  
 ਮੁਨਿ ਮੰਡਲ ਬੈਠ ਭਲੇ ਮਖ ਭੂਮਿ ਸਵਾਰੇ ॥ ੨ ॥ ਮੁਨਿ  
 ਰਿੱਤੁ ਜਤਾ ਮਖ ਮਾਹਿ ਕਰੇ ਗਨ ਕੈ ਸਗਲੇ ਇਕਬੀਸ ਹਜ਼ਾਰੇ  
 । ਸੁਕੁਲੀਨ ਬਡੇ ਭੁਵਿ ਮੰਡਲ ਮੈਂ ਸਭ ਬੇਦਨ ਕੇ ਸੁ



ਲਯੋ ਜਿਨ ਪਾਏ। ਦਿਨ ਮੱਧ ਭਏ ਵਹਿ ਰਾਖਸ ਜੇ ਅਤਿਸੈ  
 ਬਿਕਰਾਲ ਸੁ ਰਾਮ ਨਿਹਾਰੇ। ਸੁਮਰੀਚ ਸੁਬਾਹੁ ਧਰੇ ਕਰ  
 ਹਾਡ ਸੁ ਸੋਲਤ ਕੀ ਬਰਖਾ ਬਰਖਾਰੇ ॥ ੩ ॥ ਰਾਮ ਸੁਧੀ  
 ਕਰ ਚਾਂਪ ਲਯੋ ਯੁਗ ਬਾਂਣ ਭਲੇ ਤਿਨ ਮਾਂਹਿ ਲਗਾਏ।  
 ਕਾਨਨ ਲੋ ਤਬ ਖੈਂਚ ਕਮਾਨ ਸੁ ਰਾਮ ਦੇਉ ਸਰ ਤਾਹਿ  
 ਚਲਾਏ। ਏਕ ਮਰੀਚ ਭ੍ਰਮਾਇ ਭਲੇ ਸਤ ਜੋਜਨ ਬੀਚ  
 ਸਮੁੰਦ ਗਿਰਾਏ। ਦੂਸਰ ਪਾਵਕ ਬਾਣ ਤਬੈ ਸੁ ਸੁਬਾਹੁ ਬ  
 ਲੀ ਇਨ ਮਾਂਹਿ ਜਲਾਏ ॥ ੪ ॥ ਅਪਨੇ ਅਹਿ ਨਾਥ ਕ  
 ਮਾਨ ਲੈਹਾਥ ਸਭੈ ਖਿਣ ਮਾਂਹਿ ਸੁ ਮਾਰ ਗਿਰਾਏ। ਤਿਹਿ  
 ਤਾਹਿ ਸਮੈ ਯੁਗ ਬੀਰਨ ਕੈ ਸਿਰ ਦੇਵਨ ਜੂ ਬਹੁ ਫੂਲ ਵ  
 ਸਾਏ। ਸਭ ਚਾਰਨ ਸਿਧ ਸਰਾਹ ਕਰੈ ਅਰਦੇਵਨ ਜੂ ਨਿਜ  
 ਦੰਦਭ ਵਾਏ। ਕਰ ਯੱਗ ਮੁਨੀ ਰਘੁਬੀਰਨ ਪੂਜ ਸੁ ਅੰਕ  
 ਬਿਖੇ ਕਰ ਪ੍ਰੇਮ ਬਢਾਏ ॥ ੫ ॥ ਪੱਕ ਫਲਾਵਿਕ ਭੋਜਨ  
 ਦੇ ਸੁਤ ਗਾਧ ਭਬੈ ਇਹ ਬੈਨ ਉਚਾਰੇ ॥ ਰਾਮ ਸੁਨੋ ਜਗਨਾਥ  
 ਅਬੈ ਸਿਧ ਦਾਇਕ ਜੂ ਇਹ ਬਾਕ ਹਮਾਰੇ ॥ ਆਜ  
 ਭਯੋ ਮਖ ਪੂਰਣ ॥ ਮੇ ਬਲ ਤੇ ਭੁਜ ਦੰਡ ਸੁ ਕਾਜ  
 ਸਵਾਰੇ ॥ ਵਾਸ ਕਰੇ ਕਛੁ ਕਾਲ ਇਹਾਂ ਹਮ ਸੰਗ ਭਲੇ ਪਦ  
 ਪਾਵਨ ਥਾਰੇ ॥ ੬ ॥ ਸ੍ਰੀ ਰਾਮ ਉਵਾਰ ॥ ਦੇਵ ਸਮੀਪ  
 ਪਦਾਂਬੁਜ ਤੇ ਹਮ ਵਾਸ ਕਰੇ ਕਰਣਾਂ ਬਡ ਥਾਰੀ। ਰਾਮ  
 ਬਖਾਨ ਸੁਨਯੋ ਮੁਖ ਤੇ ਤਹਿ ਬਾਸ ਕੀਯੋ ਮੁਨਿ ਸੰਗ ਮੁ  
 ਰਾਰੀ। ਬਾਸ ਕਰੇ ਦਿਨਤੀਨ ਤਹਾਂ ਮੁਨਿ ਨੀਤ ਪੁਰਾਂਨ ਕਥਾ



ਵਿਸਤਾਰੀ । ਕੌਸਿਕ ਰਾਮ ਤੁਰੀ ਦਿਨ ਮੈ ਢਿਗ ਬੈਠ ਅਪੂਰ  
 ਬ ਬਾਤ ਉਚਾਰੀ ॥ ੭ ॥ ਚਿਤ੍ਰਪਦ ਛੰਦ ॥ ਰਾਮ ਮਹਾਂ  
 ਮਖ ਦੇਖਨ ਕੈ ਹਿਤ ਜਾਵਹਿ ਗੇ ਮਿਥਲਾ ਪਤਿ ਦੇਸ ॥  
 ਰਾਮਵਿਦੇਹ ਪੁਰੇ ਇਕ ਚਾਂਪਸੁ ਆਪਨੀ ਆਸ ਧਰੇ ਜੁ ਮਹੇ  
 ਸ ॥ ਦੇਖਹੁ ਚਾਂਪ ਮਹਾਂ ਭੁਜ ਰਾਮ ਸੁਪੂਜਹਿ ਗੇ ਤੁਮਕੇ ਮਿਥ  
 ਲੇਸ ॥ ਵਾਕ ਵਖਾਨ ਚਲੇ ਮੁਨਿ ਪੁੰਗਵ ਸੰਗ ਚਲੇ ਯੁਗ ਪੂਤ  
 ਨਰੇਸ ॥ ੮ ॥ ਗੰਗ ਸਮੀਪ ਗਏ ਮੁਨਿ ਪੁੰਗਵ ਰਾਮ  
 ਪਿਖੇ ਰਿਖ ਗੋਤਮ ਨਾਮ । ਨਾਰਿ ਤਹਾ ਰਿਖ ਗੋਤਮ ਕੀ  
 ਨਿਤ ਬਾਸ ਕਰੇ ਤਪ ਕੇ ਨਿਤ ਧਾਮ । ਫੂਲ ਫਲਾਦਿਕ ਪਾ  
 ਦਪ ਮੈ ਬਹੁ ਪੂਰ ਰਹੇ ਨਿਵੜੀ ਅਤਿਛਾਮ । ਨਾਹਿ ਵਿਹੰਗਮ  
 ਨਾਮਗਵ ਕਛੁ ਨਾ ਪਿਖੀਯੇ ਤਹਿ ਜੀਵਨ ਨਾਮ ॥ ੯ ॥  
 ਵਾਰਜ ਨੈਨ ਸੁ ਰਾਮ ਪੁਛੇਂ ਕਿਹ ਆਸ੍ਰਮ ਮੋਹਿਕਹੇ ਮੁਨਿ  
 ਦਜਾਲ । ਫੂਲ ਫਲਾਦਿਕ ਪੂਰ ਰਹੇ ਕਿਹ ਠੌਰ ਗਈ ਇਹ  
 ਜੰਤਨ ਮਾਲ । ਚਿੱਤ ਪ੍ਰਸੰਨਭਏ ਹਮਰੇ ਯਹਿ ਆਸ੍ਰਮ ਪੇਖ  
 ਸੁ ਪੁੰਨਵਿਸਾਲ । ਰਾਘਵ ਬੈਠ ਸੁਨੇ ਮੁਨਿ ਕੌਸਿਕ ਆਪ  
 ਕਹੇ ਪੁਨਿ ਵਾਕ ਰਸਾਲ ॥ ੧੦ ॥ ਵਿਸ੍ਵਾਮਿਤ੍ਰ ਉਵਾਰ  
 ॥ ਸਵੈਯਾ ॥ ਸੁਨਿ ਰਾਮ ਬ੍ਰਿਤਾਂਤ ਸੁ ਪੂਰਬ ਲੋ ਇਕ  
 ਗੋਤਮ ਨਾਮ ਹੁਤੇ ਰਿਖ ਭਾਰੀ । ਵਹਿ ਲੋਕ ਪ੍ਰਸਿਧ ਮਹਾਂ ਧ  
 ਰਮਾਤਮ ਤਾਂ ਹਰਿ ਕੀ ਤਪਸਾ ਬਿਸਥਾਰੀ । ਅਹਿੱਲਯਾਨਾਮ  
 ਕਹੇ ਜਿਹ ਕੇ ਪੁਨਿ ਤਾਹਿ ਦਈ ਦੁਹਤਾ ਮੁਖਚਾਰੀ । ਪਿਖਤਾ  
 ਤਪਸਾ ਪਰਸੰਨ ਭਏ ਰਿਖ ਸੇਵਨ ਕੀ ਚਤੁਰਾਨਨ ਧਾਰੀ ॥



੧੧॥ ਮਿਲਿ ਤਾਂ ਪਤਨੀਂ ਰਿਖ ਗੋਤਮ ਜੇ ਇਹ ਵਾਸ ਕੀਯੋ  
 ਤਪ ਦੀਰਘ ਧਾਰੇ । ਰਿਖਕੀ ਪਤਨੀ ਉਪ ਭੋਗਨ ਕੇ ਉਰ  
 ਐਸਰ ਨੀਤ ਸੁਰੇਸ ਨਿਹਾਰੇ । ਮੁਨਿ ਏਕਸਮੇ ਘਰ ਸੇ ਨਿਕ  
 ਸੇ ਸੁਰਨਾਥ ਤਬੈ ਮੁਨਿ ਭੇਸ ਸਵਾਰੇ । ਵਹਿਤਾਂਉਪਭੋਗ ਚਲੇ  
 ਤਬਹੀਂ ਮੁਨਿ ਤਾਂ ਖਿਣ ਮੇਂ ਘਰਮੇਂ ਪਗ ਧਾਰੇ ॥ ੧੨ ॥  
 ਪਿਖਤਾਂ ਮੁਨਿ ਪੁੰਗਵ ਕੋਪ ਭਰੇ ਸੁਰਨਾਇਕ ਕੇ ਇਹ ਵਾਕ  
 ਉਚਾਰੇ । ਸੁਨਿ ਨੀਚ ਮਹਾਂ ਅਪਕਾਰ ਕਰੇ ਤੁਮ ਕੋਨ ਅਹੋ  
 ਮਮ ਰੂਪ ਸਵਾਰੇ । ਮੁਖਿ ਸਾਰ ਕਹੋ ਨਹਿੰ ਭਸਮ ਕਰੋਂ ਕਹਿ  
 ਜਾਹ ਚਲੇ ਅਤਸੈ ਅਧਮਾਰੇ । ਮੁਨਿ ਪਾਹਿ ਤਬੈ ਸੁਰ ਨਾਥ  
 ਕਹਯੋ ਹਮ ਹੈਂ ਸਭ ਦੇਵਨ ਕੇ ਸਿਰਦਾਰੇ ॥ ੧੩ ॥ ਮੁਨਿ  
 ਵਾਸ ਮਨੋਜ ਸੁ ਮੋਹਿ ਪਿਖੇ ਹਮ ਕੱਸਪਕੇ ਗ੍ਰਹਿ ਨੀਚ ਜਏ ।  
 ਮੁਹਿ ਨੀਚ ਮਨੋਰਥ ਹੋਹਿਸਦਾ ਅਤਿ ਨੀਚ ਕੁਕਾਜ ਸੁ ਮੋਹਿ  
 ਕਏ । ਲਖ ਦੇਵ ਪਤੀ ਦ੍ਰਿਗ ਲਾਲ ਕਰੇ ਮੁਨਿ ਤਾਂ ਖਿਣ ਮੈਂ  
 ਅਤਿ ਕੋਪ ਭਏ । ਭਗ ਲੰਪਟਿ ਹੋਹਿ ਹਜ਼ਾਰ ਭਗਾ ਭਵਯੋ ਮੁ  
 ਨਿ ਪੁੰਗਵ ਸ੍ਰਾਪ ਦਏ ॥ ੧੪ ॥ ਇਹ ਭਾਂਤ ਪੁਰੰਦਰ  
 ਸ੍ਰਾਪ ਦਏ ਪੁਨਿ ਪਰਣ ਕੁਟੀ ਮੁਨਿ ਬੇਗ ਸੁ ਆਏ । ਤਹਿੰ  
 ਕਾਂਪਤਿ ਅੰਜੁਲ ਭੀਤ ਮਹਾਂ ਮੁਨਿ ਹੇਰ ਅਹਿਲਯਾ ਬੈਨ  
 ਅਲਾਏ । ਦੁਸ਼ਟੇ ਦੁਰਾਚਾਰ ਰਤੇ ਅਪਕਾਰਣ ਹੋਹੁ ਸਿਲਾ  
 ਮੁਨਿ ਸ੍ਰਾਪ ਲਗਾਏ । ਦਿਨ ਰਾਤ ਅਹਾਰ ਬਿਨਾ ਤਪੁ ਦਾ  
 ਰਣ ਆਤਪ ਤੇ ਤਨੁ ਨੀਤ ਤਪਾਏ ॥ ੧੫ ॥

ਦੋਹਰਾ ॥ ਵਾਤ ਵਰਖ ਤਨ ਪੈ ਸਹੋ ਧਿਆਵੇ ਈਸਰ



ਨੀਤ । ਰਾਮ ਕਮਲ ਦਲਨੈਨ ਜੋਧਾਰਿਦੈ ਇਕਚੀਤ ॥ ੧੬ ॥  
 ॥ ਬਹੁਰ ਅਹਿੱਲਯਾ ਜੋਰ ਕਰ ਪੁਛੇ ਸ੍ਰਾਪ ਸੁ ਅੰਤ । ਪਿਖ ਪ੍ਰ  
 ਸੰਨ ਗੋਤਮ ਤਿਨੇ ਅੰਤ ਬਖਾਨੇ ਕੰਤ ॥ ੧੭ ॥ ਗੋਤਮ ਉ  
 ਵਾਚ ॥ ਸਵੈਯਾ ॥ ਅਜ ਨੰਦਨ ਕੇ ਸੁਤ ਹੋਹਿ ਜਬੈ ਹਰ  
 ਰਾਮ ਬਲੀ ਭਵ ਭੂਤਲ ਆਏ । ਤਬ ਹੋਇਗੋ ਸ੍ਰਾਪ ਸੁ ਅੰਤ  
 ਸੁਨੋ ਜਬ ਰਾਮ ਤੁਮੇ ਨਿਜ ਪਾਦ ਛੁਹਾਏ । ਸਭਜੀਤ ਬਿਹੀਨ  
 ਸੁ ਆਸ੍ਰਮ ਮੇ ਯਹ ਹੋਵਹਿਗੋ ਮੁਨਿ ਤਾਹਿ ਬਤਾਏ । ਬਿਧ ਯਾ  
 ਹਿ ਹਜਾਰ ਬਿਤੇ ਬਰਖਾ ਸਮੁਦਾਇ ਘਨੋ ਜੁ ਗਨੋ ਨਹਿਜਾਏ  
 ॥ ੧੮ ॥ ਤਬ ਸਾਨੁਜ ਰਾਮ ਸੁ ਆਵਹਿਗੋ ਪਿਖ ਆਸ੍ਰਮ  
 ਪੁੰਨਿ ਮਹਾਂ ਬਿਗਸਾਵੇ । ਪਿਖ ਰਾਮ ਸਿਲਾ ਮਮ ਆਸ੍ਰਮ ਮੈ  
 ਜਬ ਪਾਵਨ ਵੈ ਪਦ ਕੰਜ ਛੁਹਾਵੇ । ਤਬ ਪਾਪ ਮਿਟੇ ਸਗਰੇ  
 ਤੁਮਰੇ ਮਮ ਸ੍ਰਾਪਕੇ ਅੰਤ ਸੁ ਤਾਂ ਖਿਣ ਪਾਵੇ । ਪੁਨਿ ਪੂਜ ਪ੍ਰ  
 ਠਾਂਮ ਪ੍ਰਦੱਛਣ ਗਾਇ ਸੁ ਰਾਮ ਬਲੀ ਪਿਖ ਮੋਪਹਿ ਆਵੈ ॥  
 ੧੯ ॥ ਸ਼ੰਕਰ ਛੰਦ ॥ ਛੁਟਿ ਸ੍ਰਾਪ ਤੇ ਸੁਨਿ ਭਾਮਨੀ ਪੂਰਬ  
 ਜਿਮੇ ਮਮ ਸੇਵ । ਕਰੇਗੀ ਮਿਲ ਸੰਗ ਮੇਰੇ ਯੋਂ ਕਹਯੋ ਮੁਨਿ  
 ਦੇਵ । ਵਹਿ ਆਪ ਹਿਮ ਵਤ ਪਰਬਤੇ ਰਿਖ ਗਯੋ ਹੋਇ ਉ  
 ਦਾਸ । ਯਹਿ ਆਹਿ ਆਸ੍ਰਮ ਤਾਂਹਿਕੇ ਜੋ ਪੁਛਿਯੋ ਮੁਨਿ ਪਾਸ  
 ॥੨੦॥ ਲੈ ਤਾਂ ਦਿਨਾਂ ਅਹਿੱਲਯਾ ਸਿਲ ਰੂਪ ਯਾ ਬਨ ਮਾਂਹਿ  
 । ਅਦ੍ਰਿਸ਼ ਭੂਤਨ ਹੋਇ ਗਈ ਨਹਿ ਹੇਰ ਹੈ ਕੇ ਤਾਹਿ । ਰਜਤੇ  
 ਪਦਾਂਬੁਜ ਪਾਵਨੀ ਉਰ ਚਾਹਤੀ ਸੁਨਿ ਰਾਮ । ਕਰ ਪਾਦਕੰ  
 ਜ ਸਪਰਸ਼ ਕੈ ਰਘੁਨਾਥ ਪੂਰਣ ਕਾਮ ॥ ੨੧ ॥ ਵਹਿ ਹੈ



ਬਿਧਾਤਾ ਕੀਸੁਤਾ ਮੁਨਿ ਭਾਰਯਾ ਸੁਨ ਰਾਮ । ਇਮ ਭਾਖ  
 ਰਾਮ ਸੁ ਹਾਥ ਗਹਿ ਮੁਨਿ ਵੈ ਦਿਖਾਏ ਠਾਮ । ਜਿਹਠਾਂ ਅਹ  
 ਲੱਯਾ ਥੀ ਸਿਲਾ ਤਪਸਾ ਬਡੀ ਤਨ ਧਾਰ । ਫੁਹਾਇ ਰਾਮ  
 ਤਪੋ ਧਨਾ ਪਦ ਕੰਜ ਕਿਲ ਵਿਖ ਤਾਰ ॥ ੨੨ ॥ ਰਾਮ ਤਾ  
 ਪਰਣਾਮਕੈ ਮੈ ਰਾਮ ਕੀਨ ਉਚਾਰ । ਤਨ ਪੀਤ ਰਾਮ ਪਦੰ  
 ਬਰਾ ਭੁਜ ਚਾਰ ਲੀਨੀ ਧਾਰ । ਸੰਖ ਚੱਕਰ ਵੈਗਦਾ ਕਰਧਾਰ  
 ਕਮਲ ਬਿਸਾਲ । ਧਨੁਰ ਬਾਣ ਬਿਰਾਜਈ ਪੁਨਿ ਭ੍ਰਾਤ  
 ਲਛਮਣ ਨਾਲਿ ॥ ੨੩ ॥ ਭ੍ਰਿਗਲਤਾ ਕੋ ਤਨ ਚਿਹਨ ਸੁੰਦਰ  
 ਦੇਖ ਸ੍ਰੀ ਰਘੁਬੀਰ । ਮੰਦਹਾਸ ਸੁ ਕੰਜ ਨੈਨਾਂ ਨਾਸਕਾ ਮੁਖ  
 ਕੀਰ । ਨੀਲ ਮਣਿ ਸੰਕਾਸ ਔਦਸ ਦਿਸਾਂ ਦਯੋਤੀ ਦੇਹ । ਨਿਹਾਰ  
 ਰਾਮ ਸਰੀਰ ਕੋ ਸਭ ਮਾਧੁਰੀ ਕੋ ਗੇਹ ॥ ੨੪ ॥ ਚੌਪਈ ॥  
 ਰਾਮ ਰਮਾਂ ਪਤਿ ਤਾਂਹਿ ਪਛਾਨੇਂ । ਭਈ ਪ੍ਰਸੰਨ ਨੈਨ ਬਿਗਸਾ  
 ਨੇਂ । ਗੋਤਮਕੋ ਤਬ ਬਚਨ ਚਿਤਾਰਾ । ਰਾਮ ਨਾਰਾਇਣ ਉਰ  
 ਮੇਂ ਧਾਰਾ ॥ ੨੫ ॥ ਅਰਘਾਦਿਕ ਬਿਧ ਪੂਜਾ ਕਰੀ । ਹਰਖ  
 ਨੈਨ ਜਲ ਆਯੋ ਖਰੀ । ਬਹੁਰ ਕਰੀ ਤਿਨ ਦੰਡ ਪ੍ਰਣਾਮਾ ॥  
 ਹੇਰੇ ਕੰਜ ਨੈਨ ਸ੍ਰੀ ਰਾਮਾਂ ॥ ੨੬ ॥ ਦੋਹਰਾ ॥ ਉਠੀ ਬਹੁਰ  
 ਅਹਿੱਲਯਾ ਪੁਲਕਤ ਸਭ ਅੰਗ ਹੋਇ । ਰਾਮ ਬਡਾਈ ਤਾਂ  
 ਕਰੀ ਗਦ ਗਦ ਬਾਣੀ ਹੋਇ ॥ ੨੭ ॥ ਅਹਿੱਲਯਾ ਉਵਾਰ ॥  
 ਸਵੈਯਾ ॥ ਆਜ ਕ੍ਰਿਤਾਰਥ ਰਾਮ ਅਹੋ ਬਲ ਤੇ ਪਦ ਪੰਕਜ  
 ਕੀ ਰਜ ਪਾਏ । ਸੰਕਰ ਔ ਚਤੁਰਾਨਨ ਲੋ ਜਿਹ ਚੁੰਡਤ ਨੀਤ  
 ਸਮਾਧਿ ਲਗਾਏ । ਆਹਿ ਵਚਿੱਤ੍ਰ ਤੇ ਚਰਯਾ ਨਰ ਕੋ ਤਨ ਯਾ



ਜਗ ਮਾਂਹਿ ਬਨਾਏ । ਮੋਹਤ ਹੋ ਸਭ ਲੋਗਨ ਕੇ ਨਹਿ ਤੋਹਿ  
 ਬਿਡੰਬਨ ਕੇ ਜਗ ਪਾਏ ॥ ੨੮ ॥ ਨਰਾਜ ਛੰਦ ॥ ਨ ਪਾਦ  
 ਆਦਿ ਤੇ ਗਹੇ ਚਲੇ ਨਿਰੰਤਰੰ ਸਹੀ । ਅਨੰਦ ਕੰਦ ਪੂਰਣੰ  
 ਅਮਾਇ ਮਾਇ ਤੇ ਨਹੀਂ । ਭਗੀਰਥੀ ਪਦਾਰਥੰਦ ਤੇ ਰਜੰ  
 ਸੁਹਾਵਨੀਂ । ਵਿਰੰਚ ਸੰਭੁ ਆਦਿ ਵੈ ਕਰੇ ਸਮਸਤ ਪਾਵਨੀ  
 ॥ ੨੯ ॥ ਪ੍ਰਤੱਖ ਅਖ ਗੋਚਰਾ ਯਦਾ ਸੁ ਰਾਮ ਮੇ ਭਏ ।  
 ਬਖਾਨ ਨਾਂ ਸਕੋਂ ਪੁਰਾ ਸੁ ਕੋਨ ਪੁੰਨਿ ਮੈਂ ਕਏ । ਨਰਾਵਤਾਰ  
 ਜੋ ਹਰੀ ਸੁ ਰਾਮ ਨਾਮਕੋ ਧਰੇ । ਸੁ ਸਾਮ ਸੁੰਦਰੀ ਮਹਾਂ ਕੁੰਦੰਡ  
 ਬਾਲ ਜਾ ਕਰੇ ॥ ੩੦ ॥ ਬਿਸਾਲ ਨੈਨ ਕੰਜ ਸੇ ਭਜੋਂ ਸੁ ਤਾਂ  
 ਨਿਰੰਤਰੰ । ਨ ਔਰ ਕੋ ਭਜੋ ਕਦੀ ਪਰੇ ਨ ਰੰਚ ਅੰਤਰੰ । ਸ੍ਰੁਤੀ  
 ਵਮ੍ਰਿਗ ਹੈ ਸਦਾ ਸੁਰੇਣ ਪਾਦ ਕੰਜ ਕੇ । ਸੋਜਾਹਿ ਨਾਭ  
 ਕੰਜ ਤੇ ਭਯੋ ਬਿਰੰਚਰੰਜ ਕੇ ॥ ੩੧ ॥ ਸੁਜਾਹਿ ਨਾਮ ਸਾਰ  
 ਕੇ ਰਸੀ ਪੁਰਾਰਿ ਸ਼ੰਕਰ ॥ ਭਜੋ ਸੁ ਰਾਮਚੰਦਕੋ ਰਿਦੇ ਸਦਾ  
 ਨਿਰੰਤਰਾ । ਸੁ ਜਾਂਵਤਾਰ ਕੀ ਕਥਾ ਵਿਰੰਚ ਲੋਕ ਗਾਇ ਹੈ ॥  
 ਸੁ ਨਾਰੰਦ ਵਿਰੰਚ ਸੰਭੁ ਪ੍ਰੇਮਕੈ ਸੁਨਾਇ ਹੈ ॥ ੩੨ ॥ ਅਨੰਦ  
 ਨੀਰ ਨੈਨ ਕੈ ਸੁ ਸਿੰਚਤੀ ਕੁਚਾਂਗਰਾ । ਵਗੀਸੁਰੀ ਪ੍ਰਗਟਾਇ  
 ਹੈ ਗੁਣੰ ਸੁ ਜਾਇ ਕਾਗਰਾ । ਸ਼ਰਨ ਤਾਹਿ ਰਾਮ ਕੀ ਅਹਿੱਲਯਾ  
 ਸਦਾ ਗਹੇ । ਪੁਰਾਣ ਔ ਪੁਰਾਤਮਾਂ ਸੁਬੇਦ ਬਾਕ ਜਾਂ ਕਹੇ  
 ॥ ੩ ॥ ਸੁਯੰ ਪ੍ਰਕਾਸ਼ ਅੰਤ ਨਾਂ ਬਿਅੰਤ ਬੇਦ ਗਾਇ ਹੈ ।  
 ਧਰੀ ਸੁ ਮਾਨਵੀ ਤਨੂੰ ਸੁ ਮਾਇਆ ਸੁਹਾਇਕੈ । ਕ੍ਰਿਪਾ ਸ  
 ਮਸ਼ਤ ਉਪਰੇ ਸ਼ਰਨਿ ਨਾਥ ਤੋਰੀਆ । ਕਟੀ ਸੁ ਸ੍ਰਾਪ ਸਿੰਖ



ਲਾ ਨਿਵਾਰ ਮੈਲ ਮੋਰੀਯਾ ॥ ੩੪ ॥ ਚੌਪਈ ॥ ਨਿਖਲ  
 ਵਿੱਸੁ ਉਪਜਾਵੇ ਜੋਈ । ਪਾਲੇ ਬਹੁਰ ਸੰਘਾਰੇ ਸੋਈ ॥ ਮਾਇ-  
 ਆ ਗੁਣ ਬਿੰਬਤ ਸੁਖ ਧਾਮਾ । ਸਿਵ ਬਿਰੰਚ ਬਿਸ਼ਨ ਧਰ  
 ਨਾਮਾ ॥ ੩੫ ॥ ਆਹਿ ਸੁਤੰਤਰ ਪੂਰਨ ਰੂਪਾ । ਨਮੋਂ ਨਮੋਂ  
 ਪਦ ਕੰਜ ਅਨੂਪਾ । ਜੋ ਪਦ ਪੰਕਜ ਸਿਰੀ ਲਡਾਏ । ਧਰਵੱਖ  
 ਸਥਲ ਪ੍ਰੇਮ ਜਨਾਏ ॥ ੩੬ ॥ ਪੂਰਬ ਜਾਂਹਿ ਤਿਲੋਕੀ ਸਾਰੀ ।  
 ਏਕ ਪਾਦ ਕਰ ਮਿਨੀਂ ਮੁਰਾਰੀ । ਮੁਨੀਸ਼ਰ ਜੋ ਪਦ ਧਿਆ  
 ਏ ਨੀਤ ॥ ਤਜਿ ਅਭਿਮਾਨ ਇਕਾਗਰ ਚੀਤ ॥ ੩੭ ॥ ਰਾਮ  
 ਤੁਹੀਂ ਜਗ ਆਦਿ ਮੁਰਾਰੇ । ਜਗਤਿ ਸਰੂਪ ਪੁਨਿ ਜਗਤ  
 ਅਧਾਰੇ । ਸਭ ਭੂਤਨ ਮੈ ਤੁਮੇ ਪ੍ਰਕਾਸ਼ੇ । ਬਿਨ ਬਿਬੇਕ ਨਹਿ  
 ਲੋਗਨ ਭਾਸ਼ੇ ॥ ੩੮ ॥ ਓਅੰਕਾਰ ਵਾਚ ਤੂ ਆਹਿ । ਬਾਣੀਕੋ  
 ਪੁਨਿ ਗੋਚਰ ਨਾਂਹਿ । ਵਾਚਕ ਵਾਚ ਭੇਦ ਇਹ ਜੋਈ । ਤੁ ਮੈਂ  
 ਜਗਤ ਮੈ ਔਰ ਨ ਕੋਈ ॥ ੩੯ ॥ ਕਾਰਯ ਕਾਰਣ ਜਗਤ  
 ਮਝਾਰ । ਫਲ ਸਾਧਨ ਕਰ ਤੱਤ ਵਿਕਾਰ । ਤੁਮ ਸਮਸਤ ਨ  
 ਹਿੰ ਤੁਮ ਬਿਨ ਆਂਨ । ਨਿਜ ਮਾਇਆਕਰ ਹੋਵੋ ਭਾਨਾ ॥੪੦॥  
 ਤਵ ਮਾਇਆ ਕਰਿ ਜਾਂ ਮਤਿ ਹਾਨੇਂ । ਤੇਨਹਿੰ ਤੱਤ ਤੁਮਾਰਾ  
 ਜਾਨੇਂ । ਮਾਨੁਖ ਕਿਵ ਮਾਨੈ ਮਤਿ ਮੰਦਾ ॥ ਤੁਮ ਪਰਮੇਸੁਰ ਏਕ  
 ਅਨੰਦਾ ॥੪੧॥ ਤੁਮ ਸਭਿ ਅੰਦਰ ਬਾਹਰਿ ਦੇਵ । ਨਭ ਜਿੰਉ  
 ਅਮਲ ਅਨੰਦ ਅਭੇਵ । ਅਚਲ ਅਸੰਖ ਨਿੱਤ ਅਤਿ ਸੁਧਾ ।  
 ਸਦਾ ਅਨਾਸ਼ੀ ਸਦਾ ਪ੍ਰਬੁੱਧਾ ॥ ੪੨ ॥ ਜੋਖਤ ਅੰਗਯਾ  
 ਮੈਂ ਅਤਿ ਮੁੜਾ । ਤੱਤ ਤੁਮਾਰਾ ਅਤਿਸੈ ਗੁੜਾ । ਕਿੰਹ ਬਿਧਿ



ਨਾਥ ਪਛਾਨੋਂ ਤਾਹਿੰ । ਮਨ ਬਾਣੀਂ ਕੋ ਗੋਚਰ ਆਹਿ ॥੪੩॥  
 ਤਾਂਤੇ ਤੇਮੈਂ ਬੁਧਿ ਲਗਾਇ ॥ ਬਾਰੰਬਾਰ ਨਮੋਂ ਤੇ ਪਾਇ । ਜ  
 ਹਾਂ ਜਹਾਂ ਜਾਵੇਂ ਮੈਂ ਦੇਵ । ਤੁਮਰੀ ਰਹੇ ਨਿਰੰਤਰਿ ਸੇਵਾ ॥੪੪॥  
 ਤੇਰੇ ਪਾਦ ਕੰਜ ਜਗ ਜੋਇ । ਤਾਂਕੀ ਭਗਤਿ ਸਦਾਮਮ ਹੋਇ  
 । ਨਮੋਂ ਨਮੋਂ ਹੇ ਪੁਰਖ ਧਿਅੱਖਕ । ਨਮੋਂ ਨਮੋਂ ਭਗਤਨ ਕੇ  
 ਰੱਖਕ ॥ ੪੫ ॥ ਰਿਖੀਕੇਸ਼ ਤਾਂਕੋ ਪਰਿਣਾਮਾ । ਨਮਸਕਾਰ  
 ਨਾਰਾਯਣ ਨਾਮਾ । ਭਵ ਭਯ ਨਿਖਲ ਕਰੇ ਜਗ ਨਾਸ । ਕੋਟਿ  
 ਭਾਨ ਸਮ ਆਹਿ ਪ੍ਰਕਾਸ਼ ॥ ੪੬ ॥ ਕਰੁਧਿਤਸਰ ਅਰੁ ਚਾਪ  
 ਉਦਾਰਾ । ਕਾਲ ਮੇਘ ਸਮ ਪ੍ਰਭਾ ਅਪਾਰਾ । ਕਨਿਕ ਰੁਚਿਰ  
 ਅੰਬਰ ਤਨ ਧਰੇ । ਕੁੰਡਲ ਕਾਂਨ ਰਤਨ ਅਤਿਜਰੇ ॥ ੪੭ ॥  
 ਕਮਲ ਨੈਨ ਸਾਨੁਜ ਸ੍ਰੀ ਰਾਮ । ਹੈ ਸਭ ਉਪਰਿ ਸਭ ਸੁਖ  
 ਧਾਮ । ਯੋਂ ਉਸਤਤਿ ਕਰ ਜੇਰੇ ਹਾਥ । ਆਗੇ ਖਰੇ ਸੁ ਸ੍ਰੀ ਰ  
 ਘੁਨਾਥੁ ॥ ੪੮ ॥ ਕਰ ਪ੍ਰਣਾਮ ਪਰਦੱਛਨ ਵਈ । ਹਰਿ ਆ  
 ਇਸੁ ਲੈ ਪਤਿ ਪਹਿ ਗਈ । ਗੋਤਮ ਸੰਗ ਮਿਲੀ ਪੁਨਿ ਜਾਇ  
 । ਸ੍ਰੀ ਰਘੁਬੀਰ ਪਦਾ ਰਜੁ ਪਾਇ ॥ ੪੯ ॥ ਅਹਿੱਲਯਾ ਕਰਜੇ  
 ਸਤੋਤਰ ਜੋਈ । ਭਗਤਿ ਸਮੇਤ ਪਢੇ ਤਿੰਹ ਕੋਈ । ਜੀਵਤ  
 ਨਿਖਲ ਸੁ ਪਾਪ ਮਿਟਾਵੇ । ਅੰਤ ਸਮੈਂ ਪਾਰਬ੍ਰਹਮ ਸੁ ਪਾਵੇ ॥  
 ੫੦ ॥ ਪੁੱਤ੍ਰਿ ਅਰਥ ਜੇ ਪਢੇ ਨਿਰੰਤਰਿ । ਸ੍ਰੀ ਰਘੁਨਾਥ ਧਾਰ  
 ਉਰ ਅੰਤਰ । ਜੱਦਪਿ ਬੰਧਯਾ ਸਾ ਜਗ ਹੋਇ । ਵਰਖ ਮਾਹਿੰ  
 ਸੁਤ ਪਾਏ ਸੋਇ ॥ ੫੧ ॥ ਦੋਹਰਾ ॥ ਪਾਵੇ ਸਰਬ ਸੁ  
 ਕਾਮਨਾਂ ਜੇ ਜੇ ਚਾਹੇ ਧੀਰ । ਹੋਇ ਪ੍ਰਸੰਨ ਜਗੱਤ ਮੈਂ ਸੀਤਾ



ਪਤਿ ਰਘੁਬੀਰ ॥ ੫੨ ॥ ਨਰਾਜਛੰਦ ॥ ਹਨੇਂ ਸੁ ਬ੍ਰ  
 ਹਮਣੇ ਹਠੀ ਗੁਰੋ ਸੁ ਨਾਰਿ ਸੇਵਈ ॥ ਮਹਾਂ ਕੁਰੀਤ ਰੀਤ ਕੈ  
 ਧਨੰ ਚੁਰਾਇ ਲੇਵਈ । ਸੁਮਾਤ ਭ੍ਰਾਂਤਿ ਹਿੰਸ ਕੋ ਕੁਭੋਗ ਏਕ  
 ਆਤੁਰੋ । ਕਹਯੋਜੁ ਯਾਹਿ ਭ੍ਰਾਂਤਿਕੋ ਜਗੱਤ ਮੈਂ ਕੁਪਾਤਰੋ ॥ ੫੩  
 ॥ ਪਢੇ ਸਤੋਤਰੰ ਜਿਸੇ ਸੁ ਰਾਮ ਚਿੱਤ ਧਾਰਿ ਕੈ ॥ ਪ੍ਰਪਾਇ ਸੋਇ  
 ਮੋਖ ਕੋ ਸਮਸਤ ਪਾਪ ਡਾਰਕੈ । ਅਚਾਰ ਯੁਗਤ ਜੇ ਨਰੋ ਪਢੇ  
 ਸਤੋਤਰੰ ਯਥਾ । ਲਹੇ ਉਦਾਰ ਮੋਖ ਕੋ ਗੁਲਾਬ ਸਿੰਘ ਕਾ  
 ਕਥਾ ॥ ੫੪ ॥

ਇਤਿ ਸ੍ਰੀ ਮਤ ਅਧਯਾਤਮ ਰਾਮਾਇਣੇਂ ਉਮਾਂਮਹੇਸੁਰ ਸੰਬਾਦੇ  
 ਬਾਲਕਾਂਡੇ ਖਸਟਮੋ ਧਿਆਇ ॥ ੬ ॥

ਸ੍ਰੀ ਮਹਾਂ ਦੇਵ ਉਦਾਰ

ਚੋਪਈ ॥ ਰਾਮ ਲਖਨ ਦੋਨੋ ਤਿਹਿ ਖਰੇ ॥ ਵਿਸ੍ਰਾਮਿਤ੍ਰ ਬੈਠ  
 ਉੱਚਰੇ । ਮਿਥਲਾ ਨਾਮ ਜਨਕ ਰਜ ਧਾਨੀ । ਤਾਹਿੰਚਲੋ ਯੋ  
 ਮੁਨੀ ਬਖਾਨੀ ॥ ੧ ॥ ਪ੍ਰਿਥਮੈ ਕ੍ਰਤਵਰ ਦੇਖੋ ਰਾਮਾ ਪਾਛੇ ਜਾਹੁ  
 ਅਯੁੱਧਯਾ ਧਾਮ । ਰਾਮ ਮੁਨੀ ਪੁਨਿ ਲਖਮਣ ਭ੍ਰਾਤਾ । ਸੋਭੇ  
 ਜਿਉਂ ਘਨ ਰਵਿ ਬੁਧਿ ਤਾਤਾ ॥ ੨ ॥ ਦੋਹਰਾ ॥ ਯੋ  
 ਮੁਨਿ ਭਾਗ ਸੁ ਜੋ ਚਲੇ ਗੰਗਾ ਉਤਰਨ ਪਾਰ । ਦੇਵੀਨਾਵਿਕ  
 ਤਾ ਸਮੈਂ ਰਾਮਹਿ ਕਹਯੋ ਪੁਕਾਰ ॥ ੩ ॥ ਨਾਵਕੋ ਵਾਰ ॥  
 ਸ੍ਰੈਯਾ ॥ ਦੂਰ ਰਹੋ ਰਘੁਬੀਰ ਖਰੋ ਮਮ ਨਾਵਹਿ ਨਾਹਿੰ ਸੁ  
 ਪਾਦ ਛੁਹਾਵੇ । ਆਪਨੇ ਚਰਨ ਕੋ ਨਾਵ ਲਗਾਇ ਸੁ ਦੀਨ  
 ਦਯਾਲੁ ਨ ਕਾਜ ਗਵਾਵੇ । ਰਾਜ ਕੁਮਾਰ ਪਖਾਰ ਲਯੋ ਪਦ



ਤੇ ਮਮ ਨਾਂਵਨਕੀ ਢਿਗ ਆਵੇ । ਪਾਇਨ ਲਾਗ ਪਖਾਨਉਡੇ  
 ਮਮ ਨਾਵ ਉਡੇ ਕੈਹਤੇ ਤੁਮ ਪਾਵੇ ॥ ੪ ॥ ਇਹ ਭਾਂਤ ਉਚਾਰ  
 ਪਖਾਰ ਦੇਉ ਪਦ ਨਾਵ ਚਢਾਇਕੇ ਪਾਰ ਉਤਾਰੇ ॥ ਰਘੁਨਾਥ  
 ਮਹਾਂ ਮੁਨਿ ਭ੍ਰਾਤ ਭਲੇ ਮਿਥਲਾਪੁਰ ਕੀ ਪੁਨਿ ਓਰ ਸਿਧਾਰੇ।  
 ਪੁਰ ਕੀ ਢਿਗ ਆਇ ਖਰੇ ਜਬਹੀ ਮਿਥਲੇਸਹਿ ਦੂਤਨ ਵਾ  
 ਕ ਉਚਾਰੇ ॥ ਆਵਤਹੈ ਰਿਖ ਰਾਜ ਮੁਨੀ ਜੁਗ ਬਾਲਕ ਸਾਥ  
 ਹੈਂ ਰਾਜ ਕੁਮਾਰੇ ॥ ੫ ॥ ਸੁਨਿਕੈ ਯਹਿ ਬਾਤ ਪ੍ਰਸੰਨ ਭਏ ਮਿਥ  
 ਲੇਸੁ ਸੁ ਪੂਜਨ ਦਰਬ ਮੰਗਾਏ ॥ ਸੁ ਪਰੋਹਤਿ ਸੰਗ ਲਏ  
 ਤਬਹੀ ਮੁਨਿ ਪੁੰਗਵ ਪੂਜਨ ਕੇ ਹਿਤ ਆਏ । ਕਰ ਦੰਡ ਪ੍ਰ  
 ਣਾਮ ਸੁ ਪੂਜਨ ਕੈ ਕਰ ਜੇਰ ਦੇਉ ਇਹ ਬੈਨ ਅਲਾਏ । ਪਿ  
 ਖ ਭ੍ਰਾਤ ਦੁਉ ਸੁ ਮਨੋ ਦਿਸਕੇ ਤਮ ਵਾਰਨ ਕੇ ਬਿਧ ਸੂਰ  
 ਸੁਹਾਏ ॥ ੬ ॥ ਜਨਕੇ ਵਾਚ ॥ ਸ੍ਰੈਯਾ ॥ ਕਿਨਕੇ ਯਹਿ ਪੂਤ  
 ਸੁ ਪੂਤ ਦੇਉ ਮਮਭਾਸਤ ਦੇਵਨ ਪੂਤ ਸਮਾਨੇ । ਨਰ ਔਰ ਨਾਰਾ  
 ਇਣ ਕੇ ਸਮ ਹੈਂ ਇਨ ਪੇਖਨ ਤੇ ਮਨ ਮੈਂ ਬਿਗਸਾਨੇ । ਸੁਨਕੇ  
 ਯਹਿ ਬਾਤ ਪ੍ਰਸੰਨ ਭਏ ਮਿਥੁਲਾਪਤਿ ਕੇ ਮੁਨਿ ਬੈਨ ਬਖਾਨੇ ।  
 ਅਜਨੰਦਨਕੇ ਸੁਤਿ ਭ੍ਰਾਤ ਦੇਉ ਮਖ ਪਾਲਨ ਕੇ ਹਿਤ ਮੈਂ ਨਿ  
 ਪ ਆਨੇ ॥ ੭ ॥ ਸਰ ਏਕ ਹਨੀ ਪਥ ਤਾੜਿਕ ਰਾਮ ਸੁਵਾਕ  
 ਜਬੈ ਨਿਪ ਮੋਹ ਉਚਾਰੇ । ਮਮ ਆਸ੍ਰਮ ਆਇ ਸੁ ਯੱਗ ਬਿਨਾ  
 ਸ਼ਕ ਸੰਗ ਸੁਬਾਹ ਸੁ ਰਾਖਸ ਮਾਰੇ । ਪੁਨਿ ਔਰ ਮਰੀਚ ਮ  
 ਹਾਂ ਬਲ ਜੋ ਇਕ ਬਾਨ ਉਡਾਇ ਸੁ ਸਾਗਰ ਡਾਰੇ । ਤਟਿ  
 ਗੰਗ ਸੁ ਆਸ੍ਰਮ ਗੋਤਮਕੇ । ਇਨ ਗੋਤਮ ਨਾਰਿਕੇ ਸ੍ਰਾਪਨਿਵਾਰੇ



॥੮॥ ਸਿਲਰੂਪਹੁਤੀਰਿਖਗੋਤਮਕੀ ਪਤਨੀ ਤਿਨ ਕੇ ਪਦ ਕੰਜ  
 ਛੁਹਾਏ । ਇਨ ਮਾਨੁਖ ਰੂਪ ਕਰੀ ਖਿਨਮੈਰਿਖ ਸ੍ਰਾਪ ਮਹਾਬਲ  
 ਰਾਮ ਮਿਟਾਏ । ਅਹਿੱਲਯਾ ਆਪ ਗਈ ਰਿਖ ਪੈ ਚਲਤੀ  
 ਪਦਬੰਦ ਸੁ ਰਾਮ ਮਨਾਏ । ਨਿ੍ਪ ਤੇ ਗ੍ਰਹਿਮੈ ਰਵਿਵੰਸ ਮਣੀ  
 ਸੁਣਿ ਚਾਂਪ ਮਹੇਸ਼ੁਰ ਦੇਖਨ ਆਏ॥੯॥ ਪੂਜਤ ਰਾਜ ਸਮੂ  
 ਹ ਸਭੈ ਨ ਉਠਾਇ ਸਕੈ ਸੁਨਿਕੈ ਮੁਸਕਾਨੇ । ਰਾਜਨ ਕੋਤਕ  
 ਦੇਖਹਿ ਭ੍ਰਾਤ ਮਹੇਸ਼ੁਰ ਚਾਂਪ ਦਿਖਾਵਹੁ ਆਂਨੇ।ਫੇਰ ਅਯੋਧਿਆ  
 ਜਾਹਿ ਚਲੇ ਪਿਤ ਪੇਖਨ ਕੇ ਬਹੁਤੇ ਉਮਗਾਨੇ । ਜੋ ਮੁਨਿ  
 ਰੀਤਿ ਕਹੀ ਤਿਨਕੀ ਨਿ੍ਪ ਤੇ ਵਹ ਪੂਜਨ ਯੋਗ ਪਛਾਨੇ ॥  
 ੧੦॥ ਬਿਧਿ ਸੇਂ ਤਿਨ ਪੂਜਨ ਭੂਪ ਕੀਓ ਪੁਨਿ ਮੰਤ੍ਰਨ ਸੇ  
 ਤਿਨ ਮੰਤ ਸੁਨਾਏ ॥ ਸਿਵ ਚਾਂਪ ਮਿਲਾਵਹੁ ਜਾਇ ਅਬੈ  
 ਨਿ੍ਪ ਧੀ ਮਤਿ ਵੈ ਕਰ ਬੇਗ ਪਠਾਏ । ਆਪ ਤਬੈ ਮਿਥਲਾ  
 ਪਤਿ ਜੂ ਮੁਨਿ ਕੋਸਿਕ ਕੋ ਇਹ ਬੈਨ ਅਲਾਏ । ਮੁਨਿ ਰਾਮ  
 ਜਬੈ ਸਿਵ ਚਾਂਪ ਉਠਾਇ ਸੁ ਕੋਟਨ ਮੈਂ ਗੁਣ ਦੇਇ ਚਵਾਏ  
 ॥੧੧॥ ਤਬ ਨਾਮ ਸੀਆ ਮਮ ਜੋ ਦੁਹਿਤਾ ਮੁਨਿ ਰਾਮਹਿ  
 ਹਾਥ ਧਰੋਂ ਸੇ ਵਹੀ॥ਮੁਨਿਕੋਸਿਕ ਮਾਨ ਸੁ ਬਾਤ ਭਲੀ ਹਸਿ  
 ਰਾਮ ਕੀ ਓਰ ਸੇਂ ਬਾਤ ਕਹੀ । ਨਿ੍ਪ ਚਾਂਪ ਦਿਖਾਵਹੁ ਰਾਮ  
 ਅਬੈ ਬਲਵੰਤ ਗੁਣੀ ਕਛੁਢੀਲਨਹੀਂ ॥ ਇਹਭਾਂਤਿ ਕਹੇ ਮੁਨਿ  
 ਪੰਗਵ ਜੋ ਤਬ ਚਾਂਪ ਲਏ ਗਨ ਆਏ ਤਹੀਂ ॥ ੧੨ ॥ ਪਾਂਚ  
 ਹਜਾਰ ਜੁਆਨ ਬਲੀ ਵਹਿ ਚਾਂਪ ਉਠਾਇ ਸੁਪੀੜਤ ਆਏ  
 । ਪਾਟਮਣੀ ਬਹੁ ਭਾਂਤਿ ਲਸੇ ਪੁਨਿ ਘੰਟਕ ਸੇਂ ਤਿਨ ਸੰਗ



ਸੁਹਾਏ । ਰਾਮਸਮੀਪ ਸੁ ਆਨਧਰੇ ਸ਼ਿਵ ਚਾਂਪ ਇਹੇ ਨਿਪ  
 ਰਾਮ ਦਿਖਾਏ । ਪੇਖ ਪ੍ਰਸੰਨ ਸੁ ਰਾਮ ਭਏ ਕਸਿ ਪੀਤ ਪਿਤੰ  
 ਬਰ ਤਾਂ ਕਟਿ ਲਾਏ ॥ ੧੩ ॥ ਵਾਂਮ ਕਰੇ ਧਨੁ ਰਾਮ ਲਯੋ  
 ਹਸਿ ਤੋਲਨ ਤਾ ਧਨੁ ਕੇ ਹਰਿ ਕੀਨੋ ॥ ਰਾਮਨਿਵਾਇ ਸੁ ਕੋਟ  
 ਦੋਉ ਹਸਿ ਤਾਂਹਿ ਕੇ ਬੀਚ ਤਬੈ ਗੁਣ ਦੀਨੋ । ਦੱਖਣ ਪਾਂਣ  
 ਸੁ ਅੰਚਨ ਜੋ ਰਘੁਬੀਰ ਕਰਜੋ ਤਬਹੀਂ ਧਨੁ ਛੀਨੋ । ਚਾਂਪ  
 ਵਿਭੰਜਣੁ ਕੀ ਧੁਨਿ ਕੈ ਤਿਨ ਪੂਰ ਦਏ ਸਗਲੇ ਪੁਰ ਤੀਨੋ ॥  
 ੧੪ ॥ ਭੂਮ ਅਕਾਸ ਰਸਾਤਲ ਲੈ ਸੁਨਿ ਤਾਂ ਧੁਨਿਕੋ ਸਗਲੇ  
 ਬਿਸਮਾਏ । ਦੇਵ ਸਰਾਹਿ ਕਰੇਂ ਨਭਮੈ ਕਰ ਫੂਲਨਕੀ ਬਰਖਾ  
 ਬਰਖਾਏ ॥ ਰੀਝ ਅਪੱਛਰ ਨਾਚ ਕਰੇ ਅਰਿ ਦੇਵਨ ਕੇ  
 ਕੁਲਿ ਦੁੰਦਭਿ ਵਾਏ । ਪੇਖ ਦੁਟੂਕ ਪਰੇ ਹਰਿ ਚਾਂਪ ਸੁ  
 ਰਾਮ ਤਬੈ ਨਿਪ ਕੰਠ ਲਗਾਏ ॥ ੧੫ ॥ ਕਬਿੱਤ ॥ ਅੰਤਹਿ  
 ਪੁਰਾਨ ਰਾਨੀ ਸੀਯਾ ਮਾਤ ਸਭੈ ਮਾਨੀ ਈਸਕੀ ਕਮਾਨੀ  
 ਲਘੁ ਬਾਲ ਤੋਰ ਡਾਰੀ ਹੈ । ਜਾਨਕੀ ਸੁ ਹੇਮਮਾਲ ਦੱਛ  
 ਕਰ ਲਈ ਭਾਲ ਬਾਲ ਹੇਮ ਮੁਕਤ ਜਾਲ ਦਾਂਮ ਚਮਕਾਰੀ  
 ਹੈ ॥ ਹੇਮ ਹੀਂ ਸੋ ਗਾਤ ਹੇਮ ਹੇਮ ਹੀਕੋ ਕਾਨ ਪਾਤ ਹੇਮ  
 ਜਲਜਾਤ ਕੀ ਪ੍ਰਫੁਲ ਕੰਜ ਬਾਰੀ ਹੈ । ਮੁਕਤ ਹਾਰਗਰੇ ਪਾਇ  
 ਨੇਵਰਾਂ ਸ਼ਬਦ ਕਰੇਂ ਪਾਟ ਕੇ ਦੁਕੂਲ ਧਰੇ ਮੰਦ ਮੁਸਕਾ  
 ਰੀ ਹੈ ॥ ੧੬ ॥ ਸਵੈਯਾ ॥ ਮਾਲਦਈ ਹਸਿ ਰਾਮ ਗਲੇ  
 ਪਿਖ ਰਾਘਵ ਰੂਪ ਸੁ ਸੀ ਬਿਗਸਾਨੀ । ਬੈਠ ਗਵਾਖ ਸੁਰਾਮ  
 ਨਿਹਾਰ ਪ੍ਰਸੰਨ ਭਈ ਮਿਥਲਾ ਪਤਿ ਰਾਨੀ । ਕੌਸਿਕ ਕੋ



ਮਿਥਲੇਸ ਤਬੈ ਅਭ ਬੰਦਨ ਕੈ ਇਕ ਬਾਤ ਬਖਾਨੀ ॥ ਆਜ  
 ਸਿਤਾਬ ਸੁ ਕਾਜ ਬਨੇ ਲਿਖ ਪੱਤ੍ਰ ਪਠੇ ਮਨੁ ਕੀ ਰਜਧਾ  
 ਨੀ ॥ ੧੭ ॥ ਬੇਗ ਕੁਮਾਰ ਸੁ ਸੰਗ ਲਏ ਅਜ ਨੰਦਨ ਜੂ  
 ਮਿਥਲਾਪੁਰਿ ਆਵੇ । ਸੰਗ ਸੁ ਦਾਰਨ ਆਇ ਇਹਾਂ ਸੁ ਕੁ  
 ਮਾਰਨ ਕੇ ਇਹ ਬਯਾਹ ਕਰਾਵੇ । ਤੌਮੁਨਿ ਦੂਤ ਪਠੇ ਤਬਹੀ  
 ਪੁਨਿ ਔਰ ਕਹੀ ਨਿਪ ਢੀਲ ਨ ਲਾਵੇ । ਦੂਤ ਕਹੀ ਅਜਨੰ  
 ਦਨ ਕੇ ਮੁਨਿ ਕੌਸਿਕ ਤੋਹਿ ਸੁ ਬੇਗ ਬੁਲਾਵੇ ॥ ੧੮ ॥ ਕਃ ॥  
 ਦੂਤ ਬੇਗ ਗਏ ਦੌਰ ਜਾਇ ਖਰੇ ਭੂਪ ਪੌਰ ਕੌਰ ਰਾਮਚੰਦਕੀ  
 ਅਨੰਦ ਬਾਤ ਗਾਈ ਹੈ । ਦਸਰਥ ਜੂ ਬੁਲਾਇਕੈ ਬੈਠਾਇ ਪਾਸ  
 ਦੂਤ ਪੂਤ ਰਾਮਚੰਦ ਭੂਪਰੀਤਿ ਸੁਨ ਪਾਈ ਹੈ । ਹੀਏ ਹਰਖਾਇ  
 ਭੂਪਮੰਤਰੀ ਬੁਲਾਇ ਰਾਮਚੰਦ ਕੀ ਕਹਾਨੀ ਤਾਹਿ ਕਾਨ ਮੈਂ  
 ਸੁਨਾਈ ਹੈ । ਚਲੇ ਮਿਥਲੇਸ ਦੇਸ ਦੇਖੀਏ ਨਰੇਸ਼ ਏਸ ਗਾਧ  
 ਕੇ ਸਪੂਤ ਮੋਹਿ ਪਤ੍ਰਕਾ ਪਠਾਈ ਹੈ ॥ ੧੯ ॥ ਚੌਪਈ ॥  
 ਅਬ ਸਭ ਚਲੇ ਮਿਥਲਾਪਤਿ ਗੇਹਾ । ਜਹਿੰ ਰਾਜਾ ਹੈ ਜਨਕ  
 ਬਿਦੇਹਾ । ਗਜ ਬਾਜੀ ਰਥ ਔਰ ਪਦਾਤੀ । ਬੇਗ ਚਲੇ ਬਨ  
 ਰਾਮ ਬਰਾਤੀ ॥ ੨੦ ॥ ਵਸਿਸ਼੍ਟ ਗੁਰੂ ਭਗਵਾਨ ਹਮਾਰਾ ॥ ਆ  
 ਗੇ ਚਲੇ ਸੰਗ ਨਿਜ ਦਾਰਾ । ਅਗਨੀ ਅਗਨ ਹੋਤ੍ਰ ਕੀ ਜੋ  
 ਈ । ਲੇਵੇ ਸੰਗ ਮੁਨੀਂ ਵਰ ਸੋਈ ॥ ੨੧ ॥ ਰਾਮ ਮਾਤ ਹੱਯੇ ਪੁਨ  
 ਜੇਤੀ । ਸੰਗ ਵਸਿਸ਼੍ਟ ਚਲੇ ਸਭ ਤੇਤੀ । ਯਾ ਬਿਧ ਸਭਨ  
 ਪ੍ਰਸਥਾਨਾ ਕੀਨੋਂ । ਭੂਪਤਿ ਆਪ ਬਡੇ ਰਥ ਲੀਨੋਂ ॥ ੨੨ ॥  
 ਸੈਨਾਲਈ ਬਡੀ ਤਿਨਸਾਥਾ । ਸਜੰਦਨ ਬੈਠ ਚਲੇ ਨਰਨਾਥਾ



। ਦਸਰਥ ਆਏ ਪੁਰ ਢਿਗ ਜਬਹੀਂ । ਭੂਪ ਬਿਦੇਹ ਸੁਨੀ  
 ਗਤ ਤਬਹੀਂ ॥ ੨੩ ॥ ਆਗੇ ਹੁਇ ਲੇਨੇ ਕੇ ਆਯੋਪਰੋਹਤ  
 ਸਦਾਨੰਦ ਸੰਗ ਲਯਾਯੋ । ਦਸਰਥ ਕੇ ਪੂਜਨ ਨਿਪ ਕਰਿਯੋ  
 । ਧੰਨ ਭਾਗ ਯੈਂ ਮੁਖੇ ਉਚਰਿਯੋ ॥ ੨੪ ॥ ਰਾਮ ਲਖਣ  
 ਦੋਨੋਂ ਚਲਿਆਏ । ਪਦ ਬੰਦੇ ਪਿਤ ਕੰਠ ਲਗਾਏ । ਦਸਰਥ  
 ਮਨ ਮੈ ਅਤਿ ਹਰਖਾਨੇਂ । ਰਾਮਚੰਦ ਪ੍ਰਤਿ ਬੈਠ ਬਖਾਨੇ ॥  
 ੨੫ ॥ ਆਜੁ ਅਨੰਦ ਭਯੋ ਸੁਤਿ ਮੇਰੇ । ਫੂਲ ਕਮਲ ਸਮ ਪਿਖ  
 ਮੁਖ ਤੇਰੇ । ਮੁਨੀ ਅਨੁਗ੍ਰਹ ਭਯੋ ਉਦਾਰਾ । ਸੋਭਨ ਭਯੋ ਸੁ  
 ਕਾਜ ਹਮਾਰਾ ॥ ੨੬ ॥ ਯਾ ਬਿਧ ਭਾਖ ਬਹੁਰ ਗਰ ਲਾਏ ।  
 ਸਿਰ ਚੁੰਮੇ ਅਤਿਸੈ ਸੁਖ ਪਾਏ । ਹਰਖਭਯੋ ਨਿਪਵਰਕੇ ਐਸੇ  
 । ਬ੍ਰਹਮਾਨੰਦ ਮਗਨ ਕੇ ਜੈਸੇ ॥ ੨੭ ॥ ਬਹੁਰ ਜਨਕ  
 ਨਿਪ ਗ੍ਰਹਿ ਲੈਗਯੋ । ਡੇਰਾ ਤਿਨੇਂ ਕਰਾਵਤ ਭਯੋ ਸਭਸੋਭਾ  
 ਜਾਂ ਘਰ ਕੇ ਮਾਂਹਿੰ । ਦਾਰਾ ਸਹਿਤ ਵਸੇ ਨਰ ਨਾਹਿ ॥ ੨੮ ॥  
 ਦਿਨੁ ਅਰੁ ਲਗਨ ਜਬੈ ਸੁਭ ਆਏ । ਜਨਕ ਤਬੈ ਗ੍ਰਹਿ ਰਾਮ  
 ਲਿਆਏ । ਭਾਈ ਮਾਤ ਪਿਤਾ ਰਘੁਨਾਥ । ਜਨਕ ਲਿਆਏ  
 ਸਭ ਕੇ ਸਾਥ ॥ ੨੯ ॥ ਰਤਨ ਬੰਭ ਜਾਂ ਮੰਦਰ ਲਾਏ । ਬਹੁਤ  
 ਚੰਦੋਏ ਤਹਾਂ ਤਨਾਏ । ਤੋਰਨ ਬਾਧੇ ਬਹੁ ਪਰਕਾਰਾ । ਸਭ  
 ਸੋਭਾ ਜਿਹ ਬਨੀ ਉਦਾਰਾ ॥ ੩੦ ॥ ਹੇਮ ਸੂਤ ਮੁਕਤਾਵਲ  
 ਜਾਲੀ । ਮੰਦਰ ਦੁਆਰ ਪ੍ਰਭਾ ਸੁਬਿਸਾਲੀ । ਹੇਮ ਜਨੇਊ  
 ਜਾਕੇ ਗਰੇ । ਬ੍ਰਹਮਾਂ ਤਹਾਂ ਢੇਦ ਧੁਨਿ ਕਰੇ ॥ ੩੧ ॥ ਭਲੇ  
 ਪਟੰਬਰ ਤਨ ਮੈ ਲਾਏ । ਨਿਕਸ ਕੰਟ ਅਤਿ ਭੂਖਨ ਪਾਏ ॥



। ਯਾ ਬਿਧ ਕੀ ਤਰੁਣੀ ਸੁਖ ਭਰੁਣੀ । ਰਤੁਰੁ ਈਸ ਮਹਾਂ  
ਜਗ ਬਰੁਣੀ ॥ ੩੨ ॥ ਭੇਰੀ ਦੁੰਦਭਿ ਗੀਤ ਉਦਾਰਾ । ਨਿਰਤ  
ਹੋਇ ਜਹਿ ਬਹੁ ਪਰਕਾਰਾ । ਦਿੱਬ ਰਤਨ ਜਾਮਾਹਿ ਜਰਾਏ ।  
ਸੁਰਨ ਪੀਠ ਨਿਪੁ ਜਨਕ ਲਿਆਏ ॥ ੩੩ ॥ ਤਾਂ ਉਪਰ  
ਰਘੁਨਾਥ ਬੈਠਾਏ । ਸੋਭਾ ਕੁਛ ਬਰੁਣੀ ਨਹੀਂ ਜਾਏ । ਉਭੈ  
ਪਾਸ ਮੁਨਿ ਬੈਠੇ ਦੋਉ । ਗੁਰ ਬਸਿਸੁ ਮੁਨਿ ਕੋਸਿਕ ਜੋਉ ॥  
੩੪ ॥ ਸੁਤਾਨੰਦ ਕ੍ਰਮ ਕਰਵੈ ਪੂਜੈ । ਮੁਨਿ ਵਸਿਸੁ ਪੁਨਿਕੋਸਕ  
ਦੂਜੈ । ਅਗਨ ਸਥਾਪਨ ਤਬ ਤਹਿ ਕਰੀ । ਵੇਦੀ ਤਹਾਂ  
ਬਨਾਈ ਖਰੀ ॥ ੩੫ ॥ ਕਬਿੱਤ ॥ ਆਨੀ ਜਾਨਕੀ ਕੁਰੰਗ  
ਨੈਨ ਅਲਿਕੈ ਭੁਜੰਗ ਹੇਮ ਰੰਗ ਹੈ ਰਤਨ ਅੰਗ ਭੂਖਨ ਸੁਹਾ  
ਵਨੀ । ਜਨਕ ਦਾਰਾ ਸੰਗ ਔ ਪਖਾਰ ਰਾਮ ਪਾਦ ਕੰਜ  
ਗੰਗ ਨੀਰ ਸੀਸ ਧਾਰ ਕਰੀ ਦੇਹ ਪਾਵਨੀ । ਜੋਈ ਰਾਮ ਪਾਦ  
ਵਾਰ ਸੀਸ ਈਸ ਗੰਗ ਧਾਰ ਬ੍ਰਹਮ ਔ ਮੁਨੀਸ਼ ਕੇ ਕੁਪਾਪ ਕੇ  
ਮਿਟਾਵਨੀ । ਸੋਈ ਜਨਕ ਸੀਸ ਧਰੇ ਜਾਨਕੀ ਕੇ ਲੀਓ  
ਖਰੇ ਅੱਖਤ ਉਦੱਖ ਜੋਈ ਚੀਤ ਹੈ ਸੁਹਾਵਨੀ ॥ ੩੬ ॥ ਜਾਨ  
ਕੀ ਸੁ ਰਾਮ ਦੀਨੀ ਪਾਣਿ ਗ੍ਰਹਣ ਰੀਤ ਕੀਨੀਂ ਮਿਲੀਨਿਧ  
ਨੀਰ ਮੀਨੀ ਭਾਖਿਓ ਨਰੇਸ਼ ਜੂ । ਸੀਅ ਰੂਪ ਕੀ ਅਗਾਰ  
ਨੈਨ ਪੂਤ ਮ੍ਰਿਗਵਾਰ ਗਰੇ ਹੇਮ ਮੁਕਤਿਹਾਰ ਸਾਖੀ ਹੈ ਦਨੇਸ਼  
ਸੇਸ਼ ਜੂ । ਪ੍ਰਸੰਨ ਰਾਮ ਹੋਇ ਤੋਹਿ ਦਯੋ ਸੀਯਾ ਸੋਇ ਜੋਇ  
ਪਾਣਿਕੈ ਬਿਦਾਰਿਓ ਸੁ ਚਾਂਪ ਜੋਮਹੇਸ਼ ਜੂ । ਪ੍ਰਸੰਨ ਭੂਪਭਏਸਭ  
ਸ਼ੋਕ ਦੂਰ ਗਏ ਮਨੋ ਬਿਸੁ ਕੇ ਦਈ ਰਮਾਂ ਬਿਚਾਰ ਕੈ ਸੁਰੇਸ਼



ਜੁ ॥ ੩੭ ॥ ਚੌਪਈ ॥ ਔਰ ਸਕੰਨਜਾ ਉਰਮਿਲ ਨਾਮਾਂ  
 ਲਖਮਣ ਦਈ ਜਨਕ ਸੁਖ ਧਾਮਾਂ । ਸੁਤ ਕੀਰਤਿ ਪੁਨਿ  
 ਮਾਂਡਵ ਜੋਈ । ਭ੍ਰਾਤ ਸੁਤਾ ਸੁਭ ਲੱਖਣ ਦੇਈ ॥ ੩੮ ॥ ਚੌਪਈ  
 ॥ ਏਕ ਭਰਤ ਕੇ ਅਰਪਨ ਕੀਨੀ । ਦੁਤੀ ਸ਼ਤ੍ਰੁਘਨ ਨਿਪਵਰ  
 ਦੀਨੀ । ਚਾਰੋਂ ਭਏ ਸੁ ਦਾਰ ਸਮੇਤਾ । ਸੁਭ ਲੱਖਣ ਕੇ ਚਾਰੁ  
 ਨਿਕੇਤਾ ॥ ੩੯ ॥ ਚਾਰੋ ਰੂਪ ਬਿਰਾਜੇ ਐਸੇ । ਲੋਕ ਪਾਲ ਭਵ  
 ਭੀਤਰ ਜੈਸੇ । ਮੁਨਿ ਵਸਿਸ਼ਠ ਪੁਨਿ ਕੌਸਿਕ ਓਰੇ । ਮੈਥਲ ਜਨ  
 ਦੇਉ ਕਰਜੋਰੇ ॥ ੪੦ ॥ ਸੁਤਾ ਉਦੰਤ ਭਾਖਿਯੋ ਸੋਇ । ਨਾਰਦ  
 ਮੁਨਿ ਭਾਖਿਯੋ ਥੋ ਜੋਇ । ਮੁਨਿ ਲਾਗਲ ਮੈਂ ਲੈ ਇਕ ਵਾਰੀ ।  
 ਯੱਗ ਨਮਿੱਤ ਸੁ ਭੂਮ ਸਵਾਰੀ ॥ ੪੧ ॥ ਸੀਤਾ ਮੁਖ ਤੇ  
 ਉਪਜੀ ਕੰਨਜਾਂ । ਜਿਹਸਮਾਨ ਦੂਜੀ ਨਹੀ ਅੰਨਜਾਂ । ਤਾਹਿੰਦੇਖ  
 ਮੁਨਿ ਆਨੰਦ ਲਯੋ । ਪੁਤ੍ਰੀ ਭਾਵ ਤਾਹਿ ਮੈਂ ਕਯੋ ॥ ੪੨ ॥  
 ਪ੍ਰਿਯ ਨਾਰੀ ਸੋ ਅਰਪਨ ਕਰੀ ॥ ਸਰਦ ਚੰਦ ਸੋਭਾ ਮੁਖਿਵਰੀ  
 । ਮੈ ਇਕੰਤ ਬੈਠੋ ਇਕ ਕਾਲ । ਤਹਿ ਆਏ ਨਾਰਦ ਮੁਨਿ  
 ਦਯਾਲ । ੪੩ ॥ ਮਹਤੀ ਬੀਣਾਂ ਕਰੇ ਬਜਾਵੇਂ । ਨਾਰਾਇਣ  
 ਕੇ ਗੁਣ ਮੁਖ ਗਾਵੇਂ । ਮੈਂ ਪੂਜਨ ਤਿਨ ਕੋ ਤਬ ਕੀਨੋਂ । ਆਦਰ  
 ਕਰ ਸੁਖ ਆਸਨ ਦੀਨੋਂ ॥ ੪੪ ॥ ਤਬ ਮੈਂ ਪ੍ਰਤਿ ਤਿਨ  
 ਬੈਠ ਉਚਾਰੇ । ਗੋਪ ਬਚਨ ਸੁਨ ਭੂਪ ਹਮਾਰੇ । ਹੋਵੇ ਜਾਂ ਕਰ ਤੇ  
 ਕਲਯਾਨ ॥ ਮੇਰੇ ਬਚਨ ਭਲੇ ਉਰ ਮਾਨ ॥ ੪੫ ॥ ਰਿਖੀਕੇਸ਼  
 ਪਰਮਾਤਮ ਜੋਈ । ਭਗਤ ਅਨੁਗ੍ਰਹ ਕਾਰਕ ਸੋਈ । ਵੈ ਉਪਜੇ  
 ਰਾਵਣ ਕੇ ਕਾਜਾ । ਭਾਖੇਂ ਰਾਮ ਨਾਮ ਸੁਨਿ ਰਾਜਾ ॥ ੪੬ ॥



ਮਾਯਾ ਕਰ ਜਿਨ ਨਰ ਤਨ ਧਾਰੇ । ਦਾਸਰਥੀ ਵਹਿ ਭਏ  
 ਮੁਰਾਰੇ । ਚਾਰ ਪ੍ਰਕਾਰ ਭਏ ਹਰਿ ਸੋਈ । ਜੋਗ ਮਾਇਆ  
 ਤਿਨਕੀ ਪੁਨਿ ਜੋਈ ॥ ੪੭ ॥ ਸੀਤਾ ਨਾਮ ਭਈ ਘਰਤੇਰੇ  
 । ਰਾਜ ਬਿਦੇਹ ਸੰਭਾਰ ਸਵੇਰੇ । ਯਾਂਤੇ ਸੀਤਾ ਰਾਮਹਿ ਦੀਜੇ  
 । ਯਤਨ ਬਹੁਤ ਯਾ ਭੀਤਰ ਕੀਜੇ ॥ ੪੮ ॥ ਕਬਿੱਤ ॥  
 ਪੂਰਬ ਨਾਰਿ ਰਾਮਕੀ ਸੁ ਹੇਰ ਭੂਪਿ ਜਾਨਕੀ ਨ ਆਨਕੀ  
 ਪਛਾਨ ਬਾਤ ਕਹੀ ਤੋਹਿ ਕਾਨਮੈਂ । ਯੋ ਬਖਾਨਿ ਕੈ ਮੁਨੀ  
 ਸੁਦੇਵ ਰਿਖ ਜੋਗਨੀ ਬਜਾਇ ਬੀਨ ਕੀ ਧੁਨੀ ਗਯੋ ਸੁਰੇਸ਼  
 ਥਾਨ ਮੈਂ । ਲੈ ਤਾਂ ਬਿਨਾ ਬਿਚਾਰ ਸੀਯ ਲੱਖਮੀਂ ਨਿਹਾਰ  
 ਯਹਿ ਆਹਿ ਬਿਸਨ ਨਾਰਿ ਜਗ ਕਾਰਣੀ ਸੁਮਾਨ ਮੈਂ । ਕੌਨ  
 ਭਾਂਤ ਜਾਨਕੀ ਸੁਦਯੋ ਰਾਮ ਮਾਨਕੀ ਮਹਾਨ ਕੀ ਨਿਹਾਰ ਚਿੰਤ  
 ਬਡੀ ਗਲਤਾਂ ਮੈਂ ॥ ੪੯ ॥ ਚੌਪਈ ॥ ਕਾਰਯਏਕ  
 ਬਿਚਾਰਣ ਕਰਿਯੋ । ਮੈਂ ਦਾਜੁ ਗ੍ਰਹਿ ਸਿਵਧਨ ਧਰਯੋ ਤਿਪੁਰ  
 ਦੈਤ ਕੋ ਦਾਹਨ ਕਰਿਯੋ । ਧਨੁਖ ਅਮਾਨ ਹਮਾਰੇ ਧਰਿਯੋ ॥  
 ੫੦ ॥ ਧਨੁਖ ਸਮੀਪ ਸੀਯ ਇਕ ਕਾਲਾ । ਸਖੀ ਸਮੇਤ ਖੇਲਤ  
 ਥੀ ਬਾਲਾ । ਸੀਤਾ ਸੋ ਧਨੁ ਹਸਤ ਉਠਾਯੋ । ਦੇਖ ਅਚੰਭੋ  
 ਮੈਂ ਮਨ ਆਯੋ । ੫੧ ॥ ਕੰਨਯਾਂ ਬਲ ਮੁਹਿ ਹੇਰਿਯੋ ਜਬਹੀਂ  
 । ਚਿੰਤਾ ਬਢੀ ਸੁ ਮੇ ਮਨ ਤਬਹੀਂ । ਕਾਂਕੋ ਸੀਤਾ ਦਯੋ ਬਿਸਾਲਾ ।  
 ਬਡੇ ਬਿਚਾਰ ਮੋਹਿ ਮੁਨਿ ਦਜਾਲਾ ॥ ੫੨ ॥ ਧਨੁਖ ਬਿਚਾਰ  
 ਸੁ ਪ੍ਰਨਹਿ ਠਰੁਇਓ । ਯੋ ਬਿਚਾਰ ਮੇਰੇ ਮਨ ਆਇਯੋ ।  
 ਸੀਤਾ ਪਾਲ ਗ੍ਰਹਿਣ ਕੋ ਕਾਰਣ । ਸਭ ਭੂਪਨ ਕੋ ਮਾਨ ਬਿ



ਦਾਰਣ ॥ ੫੩ ॥ ਤੋਹਿ ਕ੍ਰਿਪਾ ਕਰ ਹੇ ਮੁਨਿ ਦਯਾਲਾ ।  
 ਰਾਮਕਮਲ ਦਲਨੈਨ ਵਿਸਾਲਾ । ਆਏ ਧਨੁਖ ਨਿਹਾਰਨ ਕਾਜ  
 । ਭਏ ਮਨੋਰਥ ਮੇਰੇ ਆਜ ॥੫੪॥ ਸਫਲਜਨਮ ਹੋਏ ਅਬ  
 ਮੇਰੇ । ਰਾਮ ਸੀਆ ਇਕ ਆਸਨ ਹੇਰੇ । ਸਿੰਘਾਸਨ ਰਾਮ  
 ਸੀਆ ਦੁਇ ਐਸੇ । ਦੀਪਤਿਮਾਨ ਰਵੀ ਜਗ ਜੈਸੇ ॥੫੫॥  
 ਤੇ ਪਦ ਅੰਬੁਜੁ ਵਾਰ ਸੁਧਰਤਾ । ਬ੍ਰਹਮਾ ਭਯੋ ਜਗਤ ਕੋ  
 ਕਰਤਾ । ਤੇ ਪਦ ਸਲਿਲ ਧਾਰ ਬਲਿ ਰਾਜਾ । ਦੇਵਨ ਕੋ  
 ਹੋਇਯੋ ਅਧਿਰਾਜਾ ॥ ੫੬ ॥ ਅਹੱਲਯਾ ਤੇ ਪਦ ਕੀ ਰਜ  
 ਪਾਏ । ਭਰਤਾ ਕੇ ਤਨ ਸ੍ਰਾਪ ਮਿਟਾਏ । ਮੇਟਤ ਸ੍ਰਾਪ ਨ  
 ਬਾਰ ਲਗਾਈ । ਰਾਮ ਕੋਨ ਤੁਮ ਤੇ ਅਧਿਕਾਈ ॥ ੫੭ ॥ ਤੇ  
 ਪਦ ਪੰਕਜ ਰੇਣੁ ਸਨੇਹਾ । ਕਰ ਜੋਗੇਸ਼ਰ ਆਨੰਦ ਗੇਹਾ ।  
 ਭਵ ਭਯ ਜਿਨੇ ਜਿਨੇ ਨਿਜ ਕਾਲਾ । ਵਿਚਰੇ ਆਨੰਦ ਰੂਪ  
 ਬਿਸਾਲਾ ॥ ੫੮ ॥ ਤੇ ਭਜ ਨਾਮ ਤਜੇ ਸਭ ਸ਼ੋਕਾ । ਸੁਰਗ  
 ਮਾਂਹਿ ਸੁਰ ਪਾਇਓ ਓਕਾ । ਐਸੇ ਚਰਣ ਤੁਮਾਰੇ ਗਾਯੋ ।  
 ਤਾਂਕੀ ਸ਼ਰਣ ਜਨਕ ਅਬ ਆਯੋ ॥੫੯॥ ਯਾ ਬਿਧ ਉਸ-  
 ਤਤਿਭੂਪਤਿਕਰੀ । ਮੂਰਤਰਾਮ ਸੁ ਉਰਮੇਂ ਧਰੀ । ਸੌ ਕਰੋੜ  
 ਦੀਨੀ ਨਿਪੁ ਦਾਸੀ । ਦਸ ਹਜਾਰਰਥ ਹੇਮ ਪ੍ਰਕਾਸ਼ੀ ॥੬੦॥  
 ਦਸੈਲਾਖ ਦੀਨੋ ਨਿਪੁ ਬਾਜੀ । ਦਸਹਜਾਰ ਹੇਮ ਰਾਜਸਾਜੀ  
 । ਏਕ ਲਾਖ ਪੈਦਲ ਬਲ ਧਾਰੀ । ਤ੍ਰੈ ਤ੍ਰੈ ਦਾਸ ਦਯੋ ਸੁਖ  
 ਕਾਰੀ ॥੬੧॥ ਦਿੱਬ ਪਟੰਬਰ ਹਾਰ ਅਪਾਰਾ । ਰਤਨਮਣੀ  
 ਭਯ ਪ੍ਰਭਾ ਉਦਾਰਾ । ਸੀਤਾ ਕੋ ਯਾ ਬਿਧ ਦਯੋ ਦਾਜਾ ।



ਜਨਕ ਬਿਦੇਹ ਮਹਾਂ ਬਲ ਰਾਜਾ ॥ ੬੨ ॥ ਵਸਿਸ੍ਠ ਆਦਿ  
 ਬ੍ਰਹਮ ਰਿਖ ਜੇਤੇ । ਭਰਤ ਸੁਮਿਤ੍ਰੀ ਰੂਪ ਅਮੇਤੇ । ਰਾਜਾ ਦਸ  
 ਰਥ ਲੋਥੇ ਜੇਤੇ । ਜਨਕ ਬਿਦੇਹ ਸੁ ਪੂਜੇ ਤੇ ਤੇ ॥ ੬੩ ॥ ਬ  
 ਹੁਰੇ ਜਨਕ ਬਿਦਾਇਸੁ ਦੀਨੇ । ਚਲੇ ਰਘੂਤਮ ਆਨੰਦ ਭੀਨੇ  
 । ਸਜਲ ਨੈਨ ਸੀ ਕੰਠ ਲਗਾਈ । ਮਾਤਾ ਨੇ ਮਿਲ ਦਈ  
 ਬਿਦਾਈ ॥ ੬੪ ॥ ਸਾਸ ਸਸੁਰਕੀ ਕੀਜੋ ਸੇਵਾ । ਰਾਮ ਨਿ  
 ਰੰਤਰ ਮਾਨੋ ਵੇਵਾ । ਪਤਿਬ੍ਰਤ ਉਰ ਅੰਤਰ ਹੀ ਗਹੋ ॥ ਪੁਤ੍ਰੀ  
 ਸੁਖ ਸੇਤੀ ਤੁਮਰਹੋ ॥ ੬੫ ॥ ਸਵੈਯਾ ॥ ਰਾਮਚਲੇ ਮਿਥੁਲਾ ਪੁਰ  
 ਤੇ ਤਬ ਬਾਜਨ ਕੀ ਧੁਨ ਹੋਤ ਅਪਾਰਾ । ਭੇਰਿ ਮ੍ਰਿਦੰਗ ਸੁ  
 ਆਨਕ ਤੂਰ ਗਰੂਰ ਬਡੇ ਕਛੁ ਆਹਿ ਨ ਪਾਰਾ । ਦੇਵ  
 ਪੁਰੀ ਘਨ ਭੇਰ ਤੁਰੀ ਧੁਨਿ ਮੰਗਲ ਰੂਪ ਭਯੋ ਜਗ ਸਾਰਾ ॥  
 ਭੂਮ ਅਕਾਸ਼ ਕੇ ਬਾਦ ਮਿਲੇ ਧੁਨਿ ਪੂਰ ਰਹਯੋ ਸੁ ਭਯੰਕਰ ਭਾ  
 ਰਾ ॥ ੬੬ ॥ ਇਤਿ ਸ੍ਰੀ ਮਤ ਅਧਯਾਤਮ ਰਾਮਾਇਣੇ ਉਮਾ  
 ਮਹੇਸੁਰ ਸੰਬਾਦੇ ਬਾਲਕਾਂਡੇ ਸਪਤਮੇ ਧਰਮਾਇ ॥ ੭ ॥

### ਮਹਾਂਦੇਵਉਵਾਰ

ਦੋਹਰਾ ॥ ਮਿਥੁਲਾ ਤੇ ਜਬ ਰਾਮ ਜੀ ਗਏ ਸੁ ਜੋਜਨ  
 ਤੀਨ । ਨਿਮਿਤ ਸੁਭਾਵੀ ਭੀਤ ਕੇ ਹੇਰੇ ਨ੍ਰਿਪ ਪਰਬੀਨ ॥ ੧ ॥  
 ਅਨੰਗਸੇਖਰ ਛੰਦ ॥ ਪ੍ਰਣਾਮ ਕੈ ਬਸਿਸ੍ਠ ਕੋ ਸੁ ਪੁਛਿਯੋ  
 ਨਦੇਸ਼ ਦੇਵ ਦੇਖਿਯੋ ਨਮਿੱਤ ਘੋਰ ਚੀਤਦੇ ਬਿਸਾਰੀਏ ।  
 ਬਸਿਸ੍ਠ ਤੋ ਬਿਚਾਰ ਕੈ ਬਖਾਨਿਯੋ ਮਹੀਪ ਕੋ ਅਗਾਮ  
 ਭੀਤ ਹੋਇਗੋ ਨਿਰੇਸ਼ ਜੁ ਨਿਹਾਰੀਯੋ ॥ ਅਭੀਤ ਫੇਰ ਹੋਇਗੋ



ਸੁ ਬੇਗ ਭੂਪ ਮੈਂ ਕਹੋਂ ਅਨੰਦ ਸੋਂ ਰਹੋ ਸਦਾ ਨ ਸੀਕ ਚਿੱਤ  
 ਡਾਰੀਯੇ ॥ ਸਿੰਗ ਪ੍ਰਦੱਖਣਾਂ ਕਰੇ ਸੁ ਪੇਖ ਤੇਹਿ ਭੂਪਤੇ ਸੁਭੰ  
 ਸੁ ਸੂਚਭੇ ਸਦਾ ਸੁ ਨੈਨ ਕੈ ਨਿਹਾਰੀਯੇ ॥ ੨ ॥ ਜਬੈ ਵਸਿ  
 ਸੁ ਯੈਂ ਕਹਯੋ ਵਵਾਤਿ ਘੋਰ ਭੇ ਨਿਲਾ ਸੁ ਨੈਨ ਸਰਬ ਕੇ ਮੁੰ  
 ਦੇ ਸੁ ਧੂਰ ਧਾਰਿਯੋ ਤਬੀ । ਤਤੇਜ ਗ੍ਰਾਮ ਅੱਗ੍ਰਤਾਸੁ ਤੇਜ  
 ਰਾਸਿ ਕੇ ਸਮੰ ਨਿਹਾਰ ਪਰਸਰਾਮ ਕੋ ਪ੍ਰਤਾਪ ਪੁੰਜ ਹੈ ਸਹੀ  
 । ਸੁ ਦੇਹ ਨੀਲ ਸੋਂ ਘਸੀ ਜਟਾਂ ਕਲਾਪ ਸੀਸ ਮੈ ਕੁਠਾਰ  
 ਐ ਕਮਾਨਿ ਪਾਨਿ ਕੋਪ ਦਾਹਨੇ ਗਹੀ । ਮਨੋ ਸੁ ਪ੍ਰੇਤ ਰਾ  
 ਟ ਕੋਪ ਕੂਰ ਦ੍ਰਿਸ਼ਟ ਈਡ ਲੈ ਹਨੇ ਸਮਸਤ ਲੋਕ ਕੋ ਕ੍ਰਿਪਾ  
 ਸੁ ਰੰਚ ਹੂੰ ਨਹੀ ॥ ੩ ॥ ਦੋਹਰਾ ॥ ਕਾਰਤਵੀਰਯ ਜਿੰਹ  
 ਹਨੋਂ ਕਾਟੀ ਭੁਜਾ ਹਜਾਰ । ਤਿਸਪਤਿ ਵਾਰ ਖਤ੍ਰੀ ਹਨੋਂ  
 ਵੈ ਆਏ ਬਲ ਧਾਰ ॥ ੪ ॥ ਦੋਹਰਾ ॥ ਦਸਰਥ ਕੋ  
 ਸਨਮੁਖ ਗਯੋ ਕਾਢੇ ਕਠਨ ਕੁਠਾਰ । ਕਾਲ ਮਿਤ ਆਈ  
 ਮਨੋਂ ਦਸਰਥ ਡਰ ਉਰ ਭਾਰ ॥ ੫ ॥ ਸਵੈਯਾ ॥  
 ਦੇਖ ਸੁ ਭੂਪ ਡਰੇ ਤਿਨਕੋ ਸਭ ਭੂਲ ਗਈ ਅਰਘਾਦਿਕ ਪੂ  
 ਜਾ । ਤ੍ਰਾਹਿ ਸੁ ਤ੍ਰਾਹਿ ਕਹੋ ਮੁਖਤੇ ਨਿਪ ਕੇ ਮੁਖ ਬੋਲ ਨ  
 ਆਵਤ ਦੂਜਾ । ਡੰਡ ਪ੍ਰਣਾਮ ਸੁ ਭੂਪ ਕਰੀ ਤਨ ਕਾਂਪਤਿ ਪੇ  
 ਖ ਸੁ ਰਾਮ ਮਹੂਜਾ । ਐਰ ਹਨੋਂ ਤੁ ਹਨੋਂ ਦਿਜ ਰਾਜ ਸੁਦਾਨ  
 ਕਰੋ ਮਮ ਰਾਮ ਤਨੂੰਜਾ ॥ ੬ ॥ ਇਹ ਭਾਂਤਿ ਬਖਾਨਤ  
 ਭੂਪਤ ਕੋ ਸੁਅਨਾਦਰ ਕੈ ਕਰ ਧਾਰ ਕੁਠਾਰਾ । ਦ੍ਰਿਗ ਕੋਪ  
 ਸੁਲਾਲ ਫਿਰੇਂ ਅਤਿਸੈ ਤਿਨ ਰਾਮ ਸੋਂ ਨਿਠੁਰ ਵਾਕ ਚਿਚਾਰਾ



। ਤੁਮ ਬਾਹਜ ਨੀਚ ਸੁ ਰਾਮ ਇਹੇ ਮਮ ਨਾਮ ਕਹੋ ਤਨ ਮੈਂ  
 ਕਿਮ ਧਾਰਾ । ਯੱਦਿਪ ਬਾਹੁਜ ਹੈਂ ਕਰ ਯੁੱਧ ਹਮੈਂ ਨਿਜ ਸੀਸ  
 ਸਹੇ ਸੁ ਕੁਠਾਰਾ ॥ ੭ ॥ ਚਾਂਪ ਪੁਰਾਤਨ ਸੰਕਰ  
 ਕੋ ਤੁਮ ਤੋਰ ਕਹਾਂ ਮਨ ਮੈਂ ਗਰਬਾਵੇ । ਬਿਸਨ ਸੁਚਾਂਪ ਇਹੈ  
 ਪਿਖ ਰਾਮ ਸੁ ਯੋ ਗੁਨ ਯਾਹਿੰਕੇ ਬੀਚ ਚਢਾਵੇ । ਤੋ ਤੁਮ  
 ਸੰਗ ਸੁ ਯੁਧ ਕਰੋਂ ਭਿਰ ਮੋ ਸੰਗ ਰਾਮ ਨ ਜੀਵਤ ਜਾਵੇ । ਨਾਹਿ  
 ਚਢੇ ਤੋ ਹਨੋਂ ਸਭ ਕੋ ਯਮ ਕੇ ਪੁਰ ਕੀ ਅਬਿ ਸਾਸਨਾ  
 ਪਾਵੇ ॥ ੮ ॥ ਇਹ ਭਾਂਡ ਕਹਯੋ ਜਬ ਤਾਂ ਦਿਜਰਾਜ ਸੁ  
 ਕਾਂਪ ਉਠੀ ਵਸੁਧਾਤਬ ਸਾਰੀ । ਦ੍ਰਿਗ ਮੁੰਦ ਗਏ ਸਭ ਲੋਗਨ  
 ਕੇ ਤਮ ਭੂਰ ਭਯੋ ਸੁ ਮਨੋਂ ਨਿਸ ਕਾਰੀ । ਪਿਖ ਰਾਮ ਸੁ  
 ਤਾਂ ਭ੍ਰਿਗ ਨੰਦਨ ਕੋ ਅਤਿ ਕੋਪ ਭਰੇ ਸੁ ਮਹਾਂ ਬਲ ਧਾਰੀ ।  
 ਧਨੁ ਤਾਂ ਕਰ ਤੇ ਹਰਿ ਛੀਨ ਲਯੋ ਗੁਣ ਰੋਪ ਦਯੋ ਨ ਲਗੀ  
 ਕਛੁਬਾਰੀ ॥ ੯ ॥ ਕਾਢਿ ਨਿਖੰਗ ਤੇ ਬਾਨ ਲਯੋ ਧਨੁ  
 ਬੀਚ ਦਯੋ ਪੁਨਿ ਐਂਚ ਕਮਾਨਾ । ਰਾਮ ਕਹਯੋ ਦਿਜ ਰਾਜ  
 ਸੁਨੋ ਯਹਿ ਪੇਖਤ ਹੋ ਧਨੁ ਬੀਚ ਸੁ ਬਾਨਾਂ । ਆਹਿ ਅਮੋਘ  
 ਸੁਸਾਇਕ ਰਾਮ ਸ਼ਿਤਾਬ ਦਿਖਾਇ ਸੁ ਯਾਹਿਨਿਸ਼ਾਨਾਂ । ਪਾਦ  
 ਹਨੋ ਤਬ ਲੋਕ ਹਨੋਂ ਬਕ ਬੇਗ ਸੁ ਬਾਮਨ ਢੀਲ ਨ  
 ਮਾਨਾ ॥ ੧੦ ॥ ਸੰਕਰ ਛੰਦ ॥ ਸੁਨ ਰਾਮ ਕੀ ਯਹਿ  
 ਬਾਤ ਕੋ ਦਿਜ ਭਯੋ ਬਦਨ ਮਿਲਾਨ । ਕਰ ਯਾਦ ਪੂਰਬ  
 ਕਥਾ ਕੋ ਦਿਜ ਰਾਮ ਕੀਨਬਖਾਨ । ਸੁਨਿ ਰਾਮ ਬਾਹੁ ਬਿਸਾਲ  
 ਨੈਨਾਂ ਜਾਨਿਯੋ ਤੁਵ ਭੇਵ । ਹਰਿ ਪੁਰਖ ਪੂਰਣ ਬਿਸਨ



ਤੂੰ ਜਗ ਕਾਰਣੋਂ ਸੁਨਿ ਦੇਵ ॥ ੧੧ ॥ ਮੈਂ ਬਾਲ ਤਪਸਾ  
 ਬਿਸ਼ਨ ਕਰ ਆਰਾਧਿਯੋ ਹਰਿ ਨਾਥ । ਚੱਕ੍ਰ ਤੀਰਥ ਜਾਇ  
 ਕੈ ਪ੍ਰਭ ਬਿਸ਼ਨ ਕੀ ਰਘੁਨਾਥ । ਮਮ ਭਏ ਤੁਸ੍ਰ ਨਾਰਾਇਣਾ  
 ਆਨੰਨ ਕੀਨੀ ਸੇਵ । ਸੰਖ ਚੱਕ੍ਰ ਨੰਦ ਕੈ ਕਰ ਗਦਾ  
 ਧਾਰੀ ਦੇਵ ॥ ੧੨ ॥ ਦੇਹਰਾ ॥ ਮੈ ਪ੍ਰਤਿ ਬਚਨ  
 ਬਖਾਨਿਯੋ ਸੁਨੋ ਰਾਮ ਦੈ ਕਾਨ । ਮੁਖ ਪੰਕਜ ਅਤਿਸੈ  
 ਖਿਰੇ ਭਵ ਭੰਜਨ ਭਗਵਾਨ ॥ ੧੩ ॥ ਸ੍ਰੀ ਭਗਵਾਨ  
 ਉਵਾਚ ॥ ਚੌਪਈ ॥ ਬ੍ਰਹਮਨ ਉਠੋ ਤਪੱਸਯਾ ਧਾਰੀ  
 ॥ ਸਫਲ ਭਈ ਤਪਸਾ ਅਬ ਬਾਰੀ । ਮੈ ਚਿਦ ਅੰਸੁ ਯੁਕਤ  
 ਤੁਮ ਭਏ । ਹਨੋ ਰਿਪੂ ਤਵ ਕਿਲ ਬਿਖ ਗਏ ॥ ੧੪ ॥  
 ਕਾਰਤਿਵੀਰਯ ਅਰਜਨੁ ਭਾਰਾ । ਤਾਤ ਤੁਮਾਰਾ ਜਾਨੇ ਮਾਰਾ ।  
 ਤਾਂ ਕੋ ਹਨੋ ਤੋਹਿ ਬਰਦੀਨਾ । ਜਾਹਿ ਨਮਿੱਤ ਮਹਾਂ ਤਪੁ ਕੀਨਾ  
 ॥ ੧੫ ॥ ਬਾਰ ਇਕੀਸ ਹਨੋ ਸਭ ਖੱਤੀ । ਭੂਮੀ ਹੋਇ  
 ਸੁ ਨਿਖਲ ਅਖੱਤੀ । ਭੂਮੀ ਨਿਖਲ ਕੱਸਪ ਦੈ ਦਾਨਾਂ ਬਹੁਰੇ  
 ਸਾਂਤ ਹੋਹੁ ਬਲਵਾਨਾ ॥ ੧੬ ॥ ਤ੍ਰੇਤਾ ਯੁਗ ਆਵੈ  
 ਗੋ ਜਬਹੀ । ਦਾਸਰਥੀ ਹੋਵੋਂ ਮੈ ਤਬਹੀ । ਰਾਮ ਨਾਮ ਭਾਖੇਂਗੇ  
 ਸਾਰੇ । ਤਬ ਦਿਜਵਰ ਪੁਨਿ ਮੋਹਿ ਨਿਹਾਰੇ ॥ ੧੭ ॥  
 ਮੈਂ ਤੋਕੇ ਦਯੋ ਤੇਜ ਸੁ ਜੋਈ । ਦੇਵੋਗੇ ਮੋਕੇ ਪੁਨਿ ਸੋਈ ।  
 ਪੁਨਿਤਪ ਧਰ ਤਨ ਮਾਹਿ ਸੁਭਾਰਾ । ਤਿਸ੍ਰ ਬ੍ਰਹਮ ਦਿਨ ਜਗਤ  
 ਮਝਾਰਾ ॥ ੧੮ ॥ ਯੋਂ ਬਖਾਨ ਭਏ ਅੰਤਰ ਧਯਾਨਾ ।  
 ਪਰ ਪੂਰਣ ਵੈ ਪੁਰਖ ਪੁਰਾਨਾਂ । ਜੋ ਜੋ ਹਰਿ ਆਇਸੁ ਮੁਹਿ



ਦੀਨੀ ॥ ਸੋ ਸੋ ਰਾਮ ਸਗਲ ਮੈ ਕੀਨੀ ॥ ੧੯ ॥ ਜੋਈ  
 ਬਿਸ਼ਨ ਰਾਮ ਤੁਮਹਰੀ ॥ ਅਵਤਾਰ ਲਯੋ ਬਿਧਿ ਬਿਨਤੀ ਕਰੀ  
 ॥ ਮੋ ਮੈ ਤੇਜ ਹੁਤੇ ਤਵ ਜੋਈ ॥ ਤੋਹਿ ਲਹੋਂ ਪੁਨ ਤੇਜ ਸੁ ਜੋਈ  
 ॥ ੨੦ ॥ ਆਜ ਸਫਲ ਭਯੋ ਜਨਮ ਹਮਾਰਾ ॥ ਪ੍ਰਭ  
 ਪੂਰਣ ਹਰਿ ਨੈਨ ਨਿਹਾਰਾ ॥ ਬ੍ਰਹਮਾਦਿਕ ਜਾਂਕੋ ਨਹਿ ਪਾਵੈਂ  
 ॥ ਪ੍ਰਕ੍ਰਿਤ ਪਰੇ ਜਿਹਿੰ ਬੇਦ ਬਤਾਵੈਂ ॥ ੨੧ ॥ ਜਨਮਾਦਿਕ  
 ਖਟ ਭਾਵ ਵਿਕਾਰਾ । ਤੇ ਮੈਂ ਨਹਿੰ ਅਗਿਆਨ ਵਿਕਾਰਾ  
 । ਨਿਰਵਿਕਾਰ ਪਰ ਪੂਰਣ ਰਾਮ । ਗਮਨਾਦਿਕ ਨਹਿੰ ਤੇਮੈਂ  
 ਨਾਮ ॥ ੨੨ ॥ ਜਿਉਂ ਜਲ ਭੀਤਰ ਫੇਨ ਅਪਾਰਾ । ਧੂਮ  
 ਹੋਇ ਜਿਉਂ ਅਗਨ ਮਝਾਰਾ । ਤਿਉਂ ਤਵ ਭੀਤਰ ਮਾਇਆ  
 ਆਹਿ । ਨਿਖਲ ਸੁ ਜਗਤ ਬਨਾਇਆ ਤਾਹਿ ॥ ੨੩ ॥  
 ਮਾਇਆ ਕਰ ਆਵਰੇ ਸੁ ਲੋਕਾ । ਤੋਹਿ ਨ ਜਾਨੇ ਪਾਵੇ ਸੋਕਾ  
 । ਬਿਨ ਬਿਚਾਰ ਯੇ ਮਾਇਆ ਅਹੇ । ਕੀਏ ਬਿਚਾਰ ਨ ਰੰ-  
 ਚਿਕ ਰਹੇ ॥ ੨੪ ॥ ਅਵਿੱਦਯਾ ਨਾਮ ਸੁ ਯਾਹਿ ਬਖਾਨੇਂ  
 । ਵਿੱਦਯਾ ਸਾਬ ਵਿਰੋਧ ਸੁ ਠਾਨੇਂ । ਅਵਿੱਦਯਾ ਕ੍ਰਿਤ ਸੰ-  
 ਘਾਤ ਵਿਕਾਰਾ । ਚਿੱਤ ਪ੍ਰਤਿਬੰਧ ਸੁ ਤਾਹਿ ਮਝਾਰਾ ॥ ੨੫  
 ॥ ਜੀਵ ਨਾਮ ਸੋ ਤਾਹਿ ਕਹਾਇਓ । ਆਪ ਭੁਲਾਇ ਜਗਤ  
 ਦੁਖ ਪਾਇਓ । ਦੇਹ ਬੁੱਧ ਮਨਿ ਪ੍ਰਾਨਨ ਬੀਚ । ਜੋਲੈ ਹੈ ਅ-  
 ਭਿਮਾਨ ਸੁਚੀਤ ॥ ੨੬ ॥ ਤੋਲੈ ਕਰੇ ਕਰਤੱਤ ਵਿਕਾਰ  
 । ਭੋਗੇ ਸੁਖ ਦੁਖ ਜਗਤ ਮਝਾਰ । ਆਤਮ ਕੋ ਨਹਿੰ ਜਨਮ  
 ਸੁ ਹੱਯੇ । ਬੁਧਿ ਮਾਹਿੰ ਨਹੀਂ ਗਯਾਨ ਸੁ ਪੱਯੇ ॥ ੨੭ ॥ ਬਿ-



ਨ ਬਿਬੇਕ ਦੋਨੋ ਮਿਲਿ ਗਏ । ਸੰਸਾਰ ਅਨਰਥ ਸੁ ਯਾਤੇ  
 ਭਏ । ਜੜ ਕੇ ਚੇਤਨ ਜੋਗ ਸੁ ਜਬਹੀਂ । ਚੇਤਨਤਾ ਤਿੰਹ ਹੋਵੇ  
 ਤਬਹੀ ॥ ੨੮ ॥ ਚੇਤਨ ਜੋ ਜੜ ਸੰਗਤਿ ਪਾਈ । ਤੋ  
 ਜੜਤਾ ਚੇਤਨ ਮੈ ਆਈ । ਜਲ ਅਗਨੀ ਕੋ ਮੇਲ ਨ ਜੈਸੇ ।  
 ਮਿਲੇ ਸੁਚੇਤਨ ਜੜ ਪੁਨਿ ਤੈਸੇ ॥ ੨੯ ॥ ਤਵ ਪਦ ਭੰਗ  
 ਸੰਗ ਸੁਖ ਜੋ ਲੋ । ਪਵੈ ਨਾਹਿ ਸੰਸਾਰੇ ਸੁ ਤੋ ਲੋ । ਤਵ  
 ਭਗਤਨ ਕੀ ਸੰਗਤਿ ਪਾਏ । ਬਹੁਰੋ ਤੇ ਪਦ ਭਗਤ ਕਮਾਏ  
 ॥ ੩੦ ॥ ਤਬ ਯਹਿ ਮਾਇਆ ਹੈ ਯੇ ਜੋਈ । ਸਨੇ ਸਨੇ  
 ਤਨੁ ਹੋਵੈ ਸੋਈ । ਪੁਨ ਤਵ ਗਿਆਨ ਸਪੰਨ ਅਚਾਰਯ । ਪਾਵੈ  
 ਤਾਂ ਮਤਿ ਹੋਵੇ ਆਰਯ ॥ ੩੧ ॥ ਬ੍ਰਹਮ ਗਿਆਨ  
 ਸੁ ਗੁਰ ਤੇ ਲਹੈ । ਤਵ ਕਿਰਪਾ ਕਰ ਬੰਧਨ ਦਹੈ । ਜੇ ਜਨ  
 ਭਗਤਿ ਤੁਮਾਰੀ ਹੀਨਾਂ । ਸਦਾ ਰਹੇ ਤੇ ਯਾ ਜਗ ਦੀਨਾਂ ॥  
 ੩੨ ॥ ਕਲਪ ਕੋਟ ਜੋ ਜਾਂਹਿ ਅਨੇਕਾ । ਨਾਂ ਤਿਨ ਮੁਕਤਿ  
 ਨ ਹੋਇ ਬਿਬੇਕਾ । ਸੁਖਨਹਿ ਲਹੇ ਕਦਾਚਿਤ ਤੇਈ । ਭਗਤ  
 ਬਿਹੀਨ ਅਹੇ ਜਨ ਜੋਈ । ੩੩ । ਯਾਂ ਤੇ ਤਵ ਪਦਕੰਜ  
 ਸੁ ਜੋਈ । ਤਾਂਕੀ ਭਗਤਿ ਸਦਾ ਮਮ ਹੋਈ । ਜਹਿ  
 ਜਹਿ ਹੋਵੇ ਜਨਮ ਹਮਾਰਾ । ਸੇਵੋਂ ਤਹਿ ਪਦਕੰਜ ਤੁਮਾਰਾ  
 ॥ ੩੪ ॥ ਤਵ ਭਗਤਨ ਕਾ ਸੰਗ ਉਦਾਰਾ । ਜਾਂ ਕਰ  
 ਮਿਟੇ ਅਵਿੱਦਯਾ ਭਾਰਾ । ਤੇਰੀ ਭਗਤ ਨਿਰਤ ਜਨ ਜੋਈ ।  
 ਧਰਮ ਅੰਮ੍ਰਿਤ ਕੋ ਵਰਖੇ ਤੇਈ ॥ ੩੫ ॥ ਅਖਿਲ ਲੋਕ ਵਹਿ  
 ਪਾਵਨ ਕਰੇ । ਸੋ ਕਲ ਮਲ ਨਹਿ ਕਿਉਂ ਪਰਹਰੇ । ਜਗੀ-



ਨਾਥ ਤੋਕੋ ਪਰਣਾਮਾਂ ॥ ਭੂਤ ਉਪਾਵਨ ਹੇ ਸੁਖ ਧਾਮਾਂ ॥ ੩੬  
 ॥ ਕਰੁਣਾ ਕਾਂਤਿ ਨਮੋ ਪਦ ਥਾਰੇ। ਰਾਮਚੰਦ ਪਰਣਾਮ ਹਮਾਰੇ  
 । ਜੋ ਜੋ ਪੁੰਨ ਕੀਏ ਮੈਂ ਨਾਥ । ਲੋਕ ਜਗੀਖਾ ਕੈ ਰਘੁਨਾਥ ॥  
 ੩੭ ॥ ਸੇ ਹੋਵੇ ਤਬ ਬਾਂਣ ਨਿਸਾਨਾ । ਬੰਦਨ ਕੈ ਦਿਜ ਰਾਮ  
 ਬਖਾਨਾ । ਭਏ ਪ੍ਰਸੰਨ ਤਬੀ ਭਗਵਾਂਨ । ਸਿਰੀ ਰਾਮ ਕਰਣਾਂ  
 ਪਰਧਾਨੁ ॥ ੩੮ ॥ ਸ੍ਰੀ ਰਾਮੋ ਵਾਰ ਚੌਪਈ ॥ ਤੋਪੈ  
 ਤੁਸ਼ਟਭਯੋ ਮੈ ਬ੍ਰਹਮਨ । ਮਾਂਗੋ ਵਰ ਭੀਤਰ ਜੋਹੈ ਮਨੁ । ਦੇਵੋਂ  
 ਅਖਲੁ ਵਸਤੁ ਹੈ ਜੋਈ । ਸੰਸਾ ਯਾਮੈ ਕਰੈ ਨ ਕੋਈ ॥ ੩੯ ॥  
 ਪ੍ਰੀਤ ਮਨਾ ਭ੍ਰਿਗੁ ਨੰਦਨ ਭਏ ॥ ਪੁਨਿ ਰਾਘਵ ਪ੍ਰਤਿ ਬੰਨ  
 ਅਲਏ ॥ ਯੱਦਪਿ ਮੋ ਪਰ ਦਯਾ ਤੁਮਾਰੀ ॥ ਮਧ ਸੂਦਨ ਹਰਿ  
 ਰਾਮ ਮੁਰਾਰੀ ॥ ੪੦ ॥ ਤੈ ਤਵ ਭਗਤਨ ਕੋ ਸਤਸੰਗਾ ॥ ਮੋਕੋ  
 ਹੋਇ ਸੁ ਸਦਾ ਅਭੰਗਾ ॥ ਤਵ ਪਦ ਪੰਕਜ ਪਰਮ ਰਸਾਲ ॥  
 ਤਾਂਕੀ ਭਗਤਿ ਹੋਇ ਮਮ ਦਯਾਲ ॥ ੪੧ ॥ ਸਤੋਤ੍ਰ ਯਾਹਿ  
 ਪਢੇ ਜਨ ਜੋਈ ॥ ਭਗਤਿ ਹੀਨ ਯੱਦਪਿ ਵਹ ਚੋਈ ॥ ਤਾਕੋ  
 ਭਗਤਿ ਤੁਮਾਰੀ ਹੋਵੈ ॥ ਗਿਆਨ ਪਾਇ ਦੁਖ ਸਗਲੇ ਖੋਵੈ ॥  
 ੪੨ ॥ ਮਰਣਾਂ ਤਾਂਕੇ ਹੋਵੇ ਜਬਹੀ ॥ ਤੇਰੀ ਸਿੰਮ੍ਰਿਤਿ ਆਵੇ  
 ਤਬਹੀਂ । ਮੋਕੋ ਦੀਜੇ ਯਾਹਿ ਬਰ ਵਾਨਾ ॥ ਰਾਮਚੰਦ ਪੂਰਣ  
 ਭਗਵਾਨਾ ॥ ੪੩ ॥ ਤਥਾ ਹੋਇ ਰਘੁਬੀਰ ਬਖਾਨੀਂ ॥ ਤਬਦਿਜ  
 ਵਰ ਪਰਕਰਮਾਂ ਠਾਨੀ ॥ ਬਹੁਰ ਪ੍ਰਣਾਮ ਰਾਮ ਕੋ ਕਰੀ ॥  
 ਤਬ ਰਘੁਵਰ ਪੂਜੈ ਦਿਜਵਰੀ ॥ ੪੪ ॥ ਬਹੁਰ ਰਾਮ ਤੇ  
 ਆਗਯਾ ਪਾਈ ॥ ਗਯੋ ਮਹੇਂ ਦ੍ਰਾਚਲਿ ਦਿਜਰਾਈ ॥ ਪਿਖ ਰਾਘ



ਵ ਦਸਰਥ ਹਰਖਾਏ ॥ ਮਾਨੋ ਮ੍ਰਿਤਕ ਭਏ ਪੁਨਿਆਏ ॥ ੪੫  
 ॥ ਪੁਨਿ ਪੁਨਿ ਰਾਮ ਸੁ ਕੰਠ ਲਗਾਏ ॥ ਆਨੰਦ ਨੈਠ ਚਲਯੋ  
 ਜਲ ਜਾਏ ॥ ਅਤਿ ਪ੍ਰਸੰਨ ਨਿਪ ਮਨਮੈ ਭਏ ॥ ਸ੍ਰੁਸਤਿ  
 ਚਿੱਤ ਪੁਰ ਭੀਤਰ ਗਏ ॥ ੪੬ ॥ ਵੋਹਰਾ ॥ ਰਾਮ  
 ਲਖਨ ਸਤ੍ਰਘਨ ਜੂ ਭਰਥ ਮਹਾ ਬਲਵਾਨ ॥ ਅਦਤਭੁ ਰੂਪ  
 ਬਿਰਾਜਈ ਨਰ ਵਰ ਅਮਰ ਸਮਾਨ ॥ ੪੭ ॥ ਅਪਨੀ ਅ  
 ਪਨੀ ਦਾਰ ਲੈ ਨਿਜ ਨਿਜ ਮੰਦਰ ਮਾਹਿ । ਰਮੈਂ ਅਯੁਧਯਾ  
 ਨਗਰ ਮੈਂ ਮਹਾਂ ਅਨੰਦ ਮਨ ਮਾਹਿ ॥ ੪੮ ॥ ਚੌਪਈ ॥  
 ਮਾਤ ਪਿਤਾ ਹਰਖਾਨੇ ਪੇਖ ॥ ਰਾਮ ਸੀਯ ਲਖ ਮਿਲੇ ਬਿਸੇਖ ॥  
 ਸੀਤਾ ਰਾਮ ਰਮੇਂ ਗ੍ਰਹਿ ਐਸੇ ॥ ਬੈਕੁੰਠ ਭਵਨ ਮੈਂ ਸ੍ਰੀਹਰਿ ਜੈਸੇ  
 ॥ ੪੯ ॥ ਯੁਧਾਜਿੱਤ ਨਾਮ ਕੈਕਈ ਭਾਈ ॥ ਭਰਤ ਮਾਤੁਲਾ  
 ਅਤਿ ਸੁਖ ਦਾਈ ॥ ਆਯੋ ਭਰਤ ਲੈਨਿ ਹਿਤ ਸੋਈ ॥ ਪ੍ਰੰਤ  
 ਬਡੀਮਨ ਭੀਤਰ ਹੋਈ ॥ ੫੦ ॥ ਰਾਜਾ ਦਸਰਥ ਭਰਥ ਪਠਾਏ ॥  
 ਸਤ੍ਰਘਨੁ ਭ੍ਰਾਤ ਤਿਨ ਸੰਗਿ ਲਵਾਏ ॥ ਯੁਧਾਜੀਤ ਕੋ ਪੂਜਨ  
 ਕੀਨੋ ॥ ਦਸਰਥ ਭੂਪ ਬਿਦਾਇਸੁ ਦੀਨੋ ॥ ੫੧ ॥ ਰਾਮਪੂਤ  
 ਸੀਤਾ ਨੁਖ ਪਾਈ ॥ ਕੁਸਲਯਾ ਦੇਵੀ ਪਰਮ ਸੁਹਾਈ ॥ ਸੰਕੂ  
 ਸਪੂਤ ਪਲੋਮੀ ਰਾਨੀ ॥ ਪਾਇ ਯਥਾ ਸੁਰਸਾਥ ਸੁਹਾਨੀ ॥ ੫੨  
 ॥ ਸ੍ਰੈਯਾ ॥ ਜਾਂ ਗੁਣ ਪੁਰ ਰਹੀ ਅਵਨੀ ਅਰ ਕੀਰਤਿ  
 ਜਾਹਿ ਸਭੈ ਜਨ ਗਾਵੈ ॥ ਔਰਨਕੀ ਅਬ ਬਾਤ ਕਹਾਂ ਸੁਰ  
 ਜਾਂਹਿ ਅਲੰਬਨ ਤੇ ਸੁਖ ਪਾਵੈ ॥ ਨਾਮ ਉਚਾਰਤ ਜਾਂ ਜਗਮੈ  
 ਸੁਭ ਸੰਤ ਸਭੈ ਦੁਖ ਬੰਧ ਮਿਟਾਵੈ ॥ ਰਾਮ ਵਹੀ ਪੁਰ ਐਧ



ਬਿਖੈ ਮਿਲ ਜਾਨਕੀ ਸੰਗ ਬਿਨੋਦ ਕਮਾਵੈ ॥ ੫੩ ॥ ਨੀਤ  
 ਰਹੇ ਜਿਨਕੈ ਲਖਮੀ ਪੁਨਿ ਨਾਹਿ ਬਿਕਾਰ ਕਬੀ ਜਿਨ ਮਾਹੀ ।  
 ਪੂਰਣ ਵੈ ਭਵ ਜਾਹਿ ਸਦਾ ਘਨਚੇਤਨ ਮੂਰਤਿਜਾਂ ਜਗ ਮਾਹੀ  
 ॥ ਮਾਇਕ ਕਾਰਯ ਕੇ ਅਨੁਸਾਰ ਸੁ ਮਾਨਸ ਸੇ ਜਗ ਮਾਹਿ  
 ਦਿਖਾਹੀ ॥ ਹੈਂ ਅਖਿਲੇਸ ਪਰਾਤਮ ਰਾਮ ਸੁ ਦੇਵਨ ਮੈਂ ਜਿਨ  
 ਕੇ ਸਰ ਨਾਹੀ ॥ ੫੪ ॥ ਨਰਾਜ ਛੰਦ ॥ ਸੁਖੇਦ ਬਿਆਸ  
 ਜਾਂਹਿਕੋ ਅਨੰਤ ਭਾਵ ਗਾਵਈ ॥ ਮਹੇਸ਼ ਐ ਹਿਮਾਲਜਾ  
 ਸਦਾ ਸੁਜਾਂਹਿ ਧਰਮਾਵਈ ॥ ਸੁ ਤਾਹਿ ਰਾਮਚੰਦ ਕੀ ਸੁ ਬਾਲ  
 ਲੀਲ ਕੀ ਕਥਾ ॥ ਗੁਲਾਬਸਿੰਘ ਦਾਸ ਪਾਪ ਹਾਰਣੀ ਕਹੀ  
 ਤਥਾ ॥ ੫੫ ॥ ਇਤਿ ਸ੍ਰੀ ਮਤਿ ਅਧਯਾਤਮਰਾਮਾਇਣੇ ਉਮਾ  
 ਮਹੇਸੁਰ ਸੰਬਾਦੇ ਬਾਲ ਕਾਂਡੇ ਅਸ੍ਰਮੇਂ ਧਿਆਇ ਸਮਾਪਤੰ ॥੮॥

ਇਤੀ ਬਾਲ ਕਾਂਡੇ ਸਮਾਪਤੰ ॥ ੧ ॥

### ਅਥ ਅਜੁਧਯਾਕਾਂਡ

ਸ੍ਰੈਯਾ ॥ ਤਜਿ ਰਾਮ ਬਿਭੂਤ ਲਯੋ ਬਨਬਾਸ ਸੁ ਤਾਤ ਕੋ  
 ਵਾਕ ਅਖੰਡਿਤ ਕੀਨੋਂ ॥ ਬਨ ਜਾਇ ਸੁ ਭ੍ਰਾਤ ਮਨਾਇ ਰਹੇ  
 ਨਹਿ ਰਾਜ ਬਿਖੈ ਮਨ ਰੰਚਿਕ ਦੀਨੋਂ ॥ ਭਵ ਭਾਰ ਮਿਦੇ ਜਿਹ  
 ਨਾਮ ਭਜੇ ਭਵ ਫੇਰ ਨ ਹੋਵਤ ਬੰਧਨ ਜੀਨੋ ॥ ਬਹੁਬੰਦਨ  
 ਵੈ ਰਘੁਨਾਇਕ ਕੋ ਜਿਨ ਕੋ ਜਸ ਪੂਰ ਰਹਯੋ ਪੁਰਭੀਨੋ ॥ ੧ ॥  
 ਮਹਾਂਦੇਵ ਉਵਾਰ ॥ ਚੌਪਈ ॥ ਏਕ ਸਮੇਂ ਸੁਖ ਬੈਠੇ ਰਾਮਾ ॥  
 ਰਤਨ ਸਿੰਘਾਸਨ ਨਿਜਵਰ ਧਾਮਾ ॥ ਸਰਬ ਸੁ ਭੂਖਣ  
 ਤਨਮੈਂ ਧਾਰੇ ॥ ਨੀਲਕਮਲ ਤਨ ਪ੍ਰਭਾ ਅਪਾਰੇ ॥ ੨ ॥ ਕੌਸਤਕ



ਕੰਠ ਬਿਖੈ ਅਤਿ ਸੋਹੇ ॥ ਮੁਕਤਾ ਹਾਰ ਪ੍ਰਭਾ ਸੁਰ ਮੋਹੇ ॥  
 ਰਤਨਦੰਡ ਚਾਮਰ ਸੁਖਕਾਰੀ ॥ ਸੀਸ ਫਿਰਾਵੇ ਜਨਕ ਕੁਮਾਰੀ  
 ॥ ੩ ॥ ਕਰੇ ਬਿਨੋਦ ਤੰਬੂਲ ਸੁ ਖਾਵੇ ॥ ਹੇਰ ਪਰਸਪਰ ਅਤਿ  
 ਮੁਸਕਾਵੇ ॥ ਦਸਰਥ ਗ੍ਰਹਿ ਲਖ ਹਰਿ ਅਵਤਾਰਾ ॥ ਨਾਰਦ  
 ਆਇਓ ਰਿਖਹਿ ਉਦਾਰਾ ॥ ੪ ॥ ਭਗਵਾਨ ਰਘੂਤਮ ਦੇਖਨ  
 ਕਾਜੇ ॥ ਸਫਟਕ ਮਣੀ ਸਮ ਪ੍ਰਭੂ ਬਿਰਾਜੇ ॥ ਮਾਨੈ ਸਰਦ ਚੰਦ  
 ਤਨਧਾਰੇ ॥ ਰਿਖਵਰ ਆਇਓ ਪਰਮ ਉਦਾਰੇ ॥ ੫ ॥ ਅਤਰ  
 ਕਿਤ ਅੰਬਰ ਪੰਥ ਸੁਹਾਏ ॥ ਨਾਰਦ ਦਿੱਬ ਗਜਾਨ ਸੁਖਦਾਏ ॥  
 ਤਿਨ ਕੇ ਦੇਖ ਉਮਾਂ ਰਘੂਨਾਥੂ ॥ ਸ਼ੀਘਰਉਠੇ ਜੋਰ ਨਿਜ ਹਾਥੂ  
 ॥ ੬ ॥ ਸੀਤਾ ਸਹਿਤ ਸੁਦੰਡ ਪ੍ਰਣਾਮਾਂ ॥ ਮੁਨਿਕੋ ਕਰੀ ਭਵਾਨੀ  
 ਰਾਮਾਂ ॥ ਨਾਰਦ ਪ੍ਰਤਿ ਪੁਨਿ ਬੈਨ ਉਚਾਰੇ ॥ ਪ੍ਰੀਤਿ ਭਗਤਿ  
 ਰਘੁਵਰ ਉਰਧਾਰੇ ॥ ੭ ॥ ਸੰਸਾਰੀ ਜਨਕੋ ਮੁਨਿ ਦਯਾਲ ॥ ਦੁਰ  
 ਲਭ ਤੇਰੇ ਦਰਸ ਬਿਸਾਲ ॥ ਹਮ ਜੇ ਹੈਂ ਵਿਖਿਅਨ ਕੇ ਪਿਆ  
 ਰੇ ॥ ਤਿਨ ਕੇ ਕਹਾਂ ਸੁਦਰਸ ਤੁਮਾਰੇ ॥ ੮ ॥ ਅਥਵਾ ਮੈਂ ਪੂਰ  
 ਬ ਕ੍ਰਿਤ ਭਾਗਾ ॥ ਭਏ ਸੁ ਮੁਨਿਵਰ ਆਜ ਸੁਜਾਗਾ ॥ ਸੰਸਾਰ  
 ਅਵਸਥਾ ਮਾਂਹਿ ਸੁਘੋਰਾ ॥ ਮੁਨਿਵਰ ਪਾਇਓ ਦਰਸਨ ਤੋਰਾ ॥  
 ੯ ॥ ਮੁਨਿਤੇ ਦਰਸਨ ਪਰਮ ਪਦਾਰਥ ॥ ਤਾਂਕੋ ਪਾਇ ਸੁ ਭਏ  
 ਕ੍ਰਿਤਾਰਥ ॥ ਕਾਰਯ ਕੌਨ ਸੁ ਕਹੇ ਤੁਮਾਰੇ ॥ ਮੁਨਿ ਭਾਖੇ ਮੈਂ ਸੇ  
 ਵਕ ਥਾਰੇ ॥ ੧੦ ॥ ਪੁਨਿ ਨਾਰਦ ਮੁਨਿ ਰਾਮ ਬਖਾਨੇ ॥ ਭ  
 ਗਤ ਪਿਆਰੇ ਰਘੁਵਰ ਜਾਨੇ ॥ ਲੋਕਨ ਜਿਉ ਹਰ ਬਚਨ ਬ  
 ਖਾਨ ॥ ਕਜੋਂ ਮੋਹੇ ਮੋਕੇ ਭਗਵਾਨ ॥ ੧੧ ॥ ਸੰਸਾਰੀ ਰਾਮ ਬ-



ਖਾਨਿਯੋ ਜੋਈ । ਸੱਤ ਤੁਮਾਰਾ ਬਚਨ ਸੁਹੋਈ । ਸਭ ਜਗਤਨ  
 ਕੋ ਜੋ ਹੋ ਆਇ ॥ ਗ੍ਰਹਣੀ ਤੁਮਰੀ ਸੀਯ ਅਨਾਇ ॥ ੧੨ ॥  
 ਤਵ ਸੰਬੰਧਕਰ ਰਾਮ ਉਦਾਰਾ ॥ ਬ੍ਰਹਮਾਦਿਕ ਸੁਤ ਜਨੇ ਅਪਾ  
 ਰਾ ॥ ਤ੍ਰੈਗੁਣ ਮਾਇਆ ਰਘੁਵਰ ਜੋਈ ॥ ਤਵ ਆਸ੍ਰੇ ਨਿਤ  
 ਭਾਸੇ ਸੋਈ ॥ ੧੩ ॥ ਸੁਕਲ ਕ੍ਰਿਸ਼ਨ ਅਰ ਲੋਹਤ ਰੂਪਾ ॥  
 ਤ੍ਰੈਬਿਧਿ ਪਰਜਾ ਜਨੇ ਅਨੂਪਾ ॥ ਲੋਕ ਤੀਨ ਮਹਿ ਮਹਿਲਸੁ  
 ਮੰਦਰਿ ॥ ਰਾਮ ਗ੍ਰਿਹਸਤਿ ਤੁਮ ਤਿਨਕੇ ਅੰਦਰਿ ॥ ੧੪ ॥ ਬਿ  
 ਸ਼ਨ ਮਹੇਸ਼ੁਰ ਤੁਮ ਰਘੁਰਾਮ ॥ ਪਦਮਾ ਉਮਾ ਜਨਕਜਾ ਜਾਨ  
 ॥ ਬ੍ਰਹਮਾ ਤੁਹੀ ਜਾਨਕੀ ਬਾਣੀ ॥ ਰਵ ਤੁਮ ਸੀਤਾ ਪ੍ਰਭਾ  
 ਵਖਾਣੀ ॥ ੧੫ ॥ ਦੋਹਰਾ ॥ ਰੋਹਣੀ ਸੀਯਾ ਸੁ ਜਾਨੀਯੇ  
 ਤੁਮ ਸਸਾਂਕ ਰਘੁਨਾਥ ॥ ਆਹਿ ਪਲੋਮੀ ਜਾਨਕੀ ਸ਼ਕ੍ਰ  
 ਤੁਮੈ ਸੁਰਨਾਥ ॥ ੧੬ ॥ ਚੌਪਈ ॥ ਤੁਮ ਅਗਨੀ ਸੀਤਾ  
 ਪੁਨਿ ਸੁਆਹਾ ॥ ਯਮਨੀ ਸੀਆ ਯਮਨ ਤੁਮ ਆਹਾ ॥ ਨਿਰ  
 ਰਿਤ ਤੁਮ ਜੰਗਨਾਥ ਸੁ ਰਾਮ ॥ ਤਾਮਸੀ ਹੈ ਸੀਤਾ ਕੋ ਨਾਮ ॥  
 ੧੭ ॥ ਵਰਣੁਰਾਮ ਤੁਮ ਜਗਮੈ ਪੱਯੇ ॥ ਭਾਰਗਵੀ ਸੀਯਜਨਕ  
 ਜਾ ਹੱਯੇ ॥ ਵਾਯੁ ਸੁ ਤੁਮ ਸੀਤਾਹੈ ਗਤੀ ॥ ਕੁਬੇਰ ਰਾਮ ਸੰਪਤਿ  
 ਸੀਯਮਤੀ ॥ ੧੮ ॥ ਦੋਹਰਾ ॥ ਰੁਦ੍ਰਾਣੀ ਸੀਯ ਬਖਾਨੀਯੇ  
 ਸਭ ਗੁਣ ਸੀਲ ਪ੍ਰਧਾਨ ॥ ਲੋਕ ਬਿਨਾਸਕ  
 ਰੁਦ੍ਰ ਤੁਮ ਭਵ ਭੰਜਨ ਭਗਵਾਨ ॥ ੧੯ ॥  
 ਇਸਤ੍ਰੀ ਵਾਚਕ ਲੋਕਮੈ ਸਭੀ ਜਾਨਕੀ ਆਹਿ ॥ ਪੁਰਖ ਨਾਮ  
 ਜੋ ਜਗਤ ਮੈ ਰਾਮ ਤੁਮੇਂ ਬਿਨ ਨਾਂਹਿ ॥ ੨੦ ॥ ਚੌਪਈ ॥



ਤਾਂਤੇ ਲੋਕ ਤੀਨ ਕੇ ਮਾਂਹੀਂ ॥ ਰਾਮ ਸੀਯਾ ਬਿਨ ਔਰ  
 ਸੁ ਨਾਹੀਂ ॥ ਤੁਮਰੇ ਭਾਸ਼ ਯੁਕਤਿ ਅਗਿਆਨ ॥ ਅਬ ਆਕ੍ਰਿਤ  
 ਸੋ ਆਹਿ ਪ੍ਰਧਾਨ ॥ ੨੧ ॥ ਤਾਂਤੇ ਭਇਓ ਮਹਿਤੱਤੁ  
 ਉਦਾਰਾ ॥ ਸੂਤਰ ਭਇਓ ਸੁ ਜਾਹਿੰਬਿਕਾਰਾ ॥ ਅਹੰਕਾਰ ਬੁ  
 ਧਿ ਪੁਨਿ ਪਾਂਚੇ ਪ੍ਰਾਣ ॥ ਦਸ ਇੰਦ੍ਰੇ ਜਗਕਰੇ ਬਖਾਨ ॥  
 ੨੨ ॥ ਯਾ ਕੋ ਲਿੰਗ ਸਰੀਰ ਭਨੀਜੇ । ਜਨਮ ਮ੍ਰਿਤ ਪੁਨਿ  
 ਤਾਹਿ ਕਹੀਜੇ ॥ ਸੋਈ ਜਗ ਮੈ ਜੀਵ ਕਹਾਵੈ ॥ ਨਾਨਾ ਰੂਪ  
 ਜਗਤ ਦਿਖਲਾਵੈ ॥ ੨੩ ॥ ਆਵਾਰ ਅਨਾਦਿ ਅਵਿੱਦਿਆ  
 ਜੋਈ ॥ ਕਾਰਣ ਉਪਾਧ ਕਹੀਜੇ ਸੋਈ ॥ ਸਬਲ ਸੁ ਸੁਖਮ  
 ਕਾਰਣ ਨਾਮਾ ॥ ਤੀਨ ਅਵਸਥਾ ਸੰਸ੍ਰਿਤ ਧਾਮਾਂ ॥ ੨੪ ॥  
 ਇਨ ਵਸਿਸ਼ਟ ਚਿਤ ਜੀਵ ਬਖਾਨੇ ॥ ਇਵ ਵਿਮੁਕਤ ਪਰ  
 ਮੇਸੁਰ ਭਾਨੇ ॥ ਜਾਗ੍ਰਤ ਸੁਪਨ ਸਖੋਪਤਿ ਨਾਮ ॥ ਤੀਨ ਅਵਸ  
 ਥਾ ਸੰਸ੍ਰਿਤ ਧਾਮ ॥ ੨੫ ॥ ਤਾਹਿ ਵਿਲੱਖਣ ਸਾਖੀ ਜੋਈ ॥  
 ਰਾਮ ਰਘੂਤਮ ਵੈ ਤੁਮ ਸੋਈ ॥ ਤੁਮਤੇ ਭਯੋ ਜਗਤ ਯਹਿ  
 ਸਾਰਾ ॥ ਤੁਮਰੇ ਨਿਖਲ ਜਗਤ ਆਧਾਰਾ ॥ ੨੬ ॥ ਤੁਮਰੇ  
 ਬਿਖੇ ਲੀਨ ਪੁਨਿ ਹੋਈ ॥ ਰਾਮ ਸਰਬ ਕਾਰਣ ਤੁਮ ਸੋਈ ॥  
 ਰੱਜੁ ਮਾਹਿ ਜਿਉਂ ਸਰਪ ਸੁ ਮਾਨ ॥ ਹੋਵੇ ਲੋਕ ਮਹਾਂ ਭੈ  
 ਮਾਨ ॥ ੨੭ ॥ ਤਿਉਂ ਅਗਿਆਨ ਕਰ ਜੀਵ ਸੁ ਹੋਵੇ ॥  
 ਆਪ ਭੁਲਾਇ ਮਹਾਂ ਦੁਖ ਜੋਵੇ ॥ ਪਰਮਾਤਮ ਆਪ ਜਾਨ ਹੈ  
 ਜਬਹੀ ॥ ਭਯ ਦੂਖੋਂ ਤੇ ਛੂਟੇ ਤਬਹੀ ॥ ੨੮ ॥ ਚਿੰਨ ਮਾਤ੍ਰ  
 ਜੋ ਰਾਮ ਤੁਮ ਜੋਈ ॥ ਸਭ ਠਨਿ ਬੁਧਿ ਪ੍ਰਕਾਸ਼ਕ ਸੋਈ ॥



॥ ਤਾਂਤੇ ਤੁਮ ਸਰਬਾਤਮ ਹੱਯੇ ॥ ਤੁਮ ਬਿਨ ਔਰ ਨ ਕੋਈ  
 ਘੱਯੇ ॥ ੨੯ ॥ ਦੋਹਰਾ ॥ ਰਜੂਮਾਹਿੰ ਭੁਜੰਗ ਜਿਉਂ  
 ਤਿਉਂ ਯਹ ਸਭ ਸੰਸਾਰ ॥ ਭਇਓ ਸੁ ਤਵ ਅਗਿਆਨ ਤੇ  
 ਨਿਖਲ ਸੁ ਤਵ ਆਧਾਰ ॥ ੩੦ ॥ ਤਵ ਜਾਨੇ ਜਾਤੇ ਮਿਟੇ  
 ਤਾਤੇ ਤੇਰੇ ਗਿਆਨ ॥ ਸੇਵੇ ਨੀਤ ਸੁ ਜੋ ਚਹੇ ਯਾ ਭਵ  
 ਬੰਧਨ ਹਾਨ ॥ ੩੧ ॥ ਚੌਪਈ ॥ ਤਵ ਪਦ ਭਗਤਿ  
 ਯੁਗਤਿ ਜਨ ਜੇਈ ॥ ਗਿਆਨ ਲਹੇ ਕ੍ਰਮ ਕਰ ਜਨ  
 ਤੇਈ ॥ ਤਾਂਤੇ ਜੇ ਤਵ ਭਗਤਿ ਸੁ ਯੁਗਤ ॥ ਤੇਈ ਹੈਂ ਭਵ  
 ਬੰਧਨ ਮੁਕਤ ॥ ੩੨ ॥ ਦੋਹਰਾ ॥ ਤਵ ਭਗਤਨ  
 ਕੇ ਭਗਤ ਜੇ ਪੁਨਿ ਤਿਨ ਭਗਤਿ ਸੁਨਾਥ ॥ ਤਾਂ ਕਿੰਕਰ ਨਾਰ  
 ਦ ਸਦਾ ਜਾਨੋਂ ਸ੍ਰੀ ਰਘੁ ਨਾਥ ॥ ੩੩ ॥ ਚੌਪਈ ॥  
 ਮੋ ਪੈ ਕਰੇ ਅਨੁਗ੍ਰਹਰਾਮਾਂ ॥ ਮੋਹਨ ਕੋ ਨਹੀ ਮੋਮੈ ਕਾਮਾਂ ॥ ਨਾਭਿ  
 ਕਮਲ ਕਮਲਾਸਨ ਭਏ ॥ ਜਿਨਤੇ ਨਾਥ ਮੋਹਿ ਭਵ ਲਹੇ  
 ॥ ੩੪ ॥ ਯਾਂਤੇ ਤਵ ਨਾਤੀ ਜਨ ਨਾਰਦ ॥ ਰੱਖਯਾ ਕਰੇ ਸੁ  
 ਮੋਹ ਬਿਸਾਰਦ ॥ ਯੋਂ ਨਾਰਦ ਬਹੁ ਭਾਖ ਭਵਾਨੀ ॥ ਦੰਡ ਪ੍ਰ  
 ਠਾਮ ਸੁ ਸਾਨੰਦ ਠਾਨੀ ॥ ੩੫ ॥ ਪੁਨਿ ਨਾਰਦ ਇਹ  
 ਬਰਨ ਉਚਾਰੇ ॥ ਬ੍ਰਹਮਾ ਜੇਹੈ ਜਨਕ ਹਮਾਰੇ ॥ ਤਿਨਕੋ ਸੁਨੋ  
 ਸੰਦੇਸੇ ਰਾਮ ॥ ਕਰੇ ਜਨਕ ਕੇ ਪੂਰਣ ਕਾਮ ॥ ੩੬ ॥ ਰਾਵਣ  
 ਬਧ ਹਿਤ ਨਰ ਤਨ ਧਾਰੇ ॥ ਭੂਮ ਬਿਖੇ ਰਘੁਬੀਰ ਉਦਾਰੇ ॥  
 ਅਬ ਤਵ ਪਿਤਾ ਰਾਜ ਕੇ ਕਾਜਾ ॥ ਕੀਨੋ ਤਵ ਅਭਿਖੇਕ  
 ਸੁ ਸਾਜਾ ॥ ੩੭ ॥ ਜੋ ਤੁਮ ਰਾਜ ਬਿਖੇ ਮਨ ਧਾਰੇ ॥ ਰਾਵਣ



ਕੋ ਰਾਘਵ ਨਹਿ ਮਾਰੋ ॥ ਖੀਰ ਨਿਧੀ ਹਰਿ ਬਚਨ ਤਿਹਾ  
 ਰੋ ॥ ਭੂ ਕੋ ਭਾਰ ਹਰੋਗੋ ਸਾਰੋ ॥ ੩੮ ॥ ਤਾਂਕੋ ਕਰੋ ਸੱਤ ਨਰ  
 ਦੇਵ ॥ ਸਾਂਤਿ ਸਿੰਧ ਤੁਮ ਅਲਖ ਅਭੇਵ ॥ ਸੁਨਿ ਯਾ ਬਿਧਿ  
 ਨਾਰਦ ਕੀ ਬਾਨੀ ॥ ਹਸ ਬੋਲੇ ਪੁਨਿ ਰਾਮ ਭਵਾਨੀ ॥ ੩੯ ॥  
 ॥ ਦੋਹਰਾ ॥ ਸੁਨ ਨਾਰਦ ਯਾ ਲੋਕ ਮੈ ਮੋ ਪ੍ਰਤਿ ਕਛੁ ਅਗਯਾ  
 ਤ ॥ ਤਵ ਜਾਨਯੋ ਉਰ ਆਪਨੇ ਮੈਂ ਜਾਨਯੋ ਬਿਖਯਾਤ  
 ॥ ੪੦ ॥ ਚੌਪਈ ॥ ਖੀਰ ਨਿਧਿ ਮੈ ਭਾਖੀ ਜੋਈ ॥  
 ਸੱਤ ਕਰੋ ਪਰਤੱਗਯਾਸੋਈ ॥ ਹੁਇ ਕੈ ਨਾਰਦ ਸਮੈ ਅਨੁਸਾਰ  
 ॥ ਨਿਖਲ ਨਿਵਾਰੋਂ ਭੂ ਕੋ ਭਾਰ ॥ ੪੧ ॥ ਕ੍ਰਮ ਕਰ ਮਾਰੋਂ  
 ਰਾਖਸ਼ ਸਾਰੇ ॥ ਨਿਖਲ ਨਿਵਾਰੋਂ ਭੂ ਕੋ ਭਾਰੇ ॥ ਨਾਰਦ ਮਾਰਨ  
 ਹੇਤ ਦਸ਼ਾਨਨ ॥ ਪਾਤ ਜਾਉਂ ਮੈ ਚੰਡ ਕਿ ਕਾਨਨ ॥ ੪੨ ॥  
 ਚੌਦਾਂ ਬਰਸ ਬਾਸ ਬਨ ਕਰੋਂ ॥ ਫਲ ਭਖਨ ਤਨ ਬਲਕਨ  
 ਧਰੋਂ ॥ ਕੁਲ ਸਮੇਤ ਰਾਵਣ ਹੈ ਜੋਈ ॥ ਸੀਤਾ ਮਿਸ ਕਰ ਹ  
 ਨੋਂ ਸੁ ਸੋਈ ॥ ੪੩ ॥ ਯਾ ਬਿਧਿ ਰਾਮ ਬਖਾਨਯੋ ਜਬਹੀ  
 ॥ ਭਯੋ ਪ੍ਰਸੰਨ ਸੁ ਨਾਰਦ ਤਬਹੀ ॥ ਤੀਨ ਪ੍ਰਦੱਖਣ ਕਰੀ ਭ  
 ਵਾਨੀ ॥ ਦੰਡ ਪ੍ਰਣਾਮ ਰਾਮ ਪ੍ਰਤਿ ਠਾਨੀ ॥ ੪੪ ॥ ਰਾਮ  
 ਦਈ ਤਿਨ ਆਗਯਾ ਜਬਹੀ ॥ ਗਯੋ ਸੁਵਰਗ ਲੋਕ ਮੁਨਿ  
 ਤਬਹੀ ॥ ਨਾਰਦ ਰਾਮ ਸੰਬਾਦ ਸੁਜੋਈ ॥ ਤਾਂਹਿਪਢੇ ਜਗਮੈਂ  
 ਨਰ ਕੋਈ ॥ ੪੫ ॥ ਅਥਵਾ ਸੁਨੇ ਸਿਮਰਨ ਮਨ ਕਰੇ ॥  
 ਰਾਮ ਭਗਤਿ ਉਰ ਭੀਤਰਿ ਭਰੇ ॥ ਦੁਰਲਭ ਪਦਵੀ ਮੋਖ ਸੁ  
 ਜੋਈ ॥ ਕਰ ਵੈਰਾਗ ਲਹੈ ਨਰ ਸੋਈ ॥ ੪੬ ॥



ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
 ਸੰਬਾਦੇ ਅਧਯਯਾ ਕਾਂਡੇ ਪ੍ਰਿਥਮੋ ਧਰਮਾਇ ॥ ੧ ॥

ਸ੍ਰੀ ਮਹਾਂਦੇਵ ਉਵਾਚ ॥

ਸਵੈਯਾ ॥ ਅਜ ਨੰਦਨ ਭੂਪ ਸੁ ਏਕ ਸਮੈ ਕੁਲ  
 ਚਾਰਯ ਆਪ ਵਸਿਸਟ ਬੁਲਾਏ । ਮੁਨਿ ਰਾਮ ਸਰਾਹ ਕਰੇ  
 ਸਭਹੀਂ ਪੁਰ ਲੋਕ ਇਹੈ ਗੁਰ ਬੈਨ ਸੁਨਾਏ । ਨੈਗਮ ਬ੍ਰਿਧ  
 ਅਮਾਤ ਸਭੈ ਗੁਨ ਗਾਵਤ ਭੂਪ ਬਿਸੇਖ ਜਨਾਏ । ਅਬ ਰਾਜ  
 ਦਯੋ ਸੁਤ ਰਾਮ ਮਹੀ ਗੁਣ ਪੁੰਜ ਸਭੈ ਇਨ ਭੀਤਰ ਆਏ ।  
 ੧ ॥ ਚੌਪਈ ॥ ਬ੍ਰਿਧ ਭਯੋ ਮੁਨਿ ਦੇਹ ਹਮਾਰਾ । ਕਮਲਨੈਨ  
 ਸੁਤ ਰਾਮ ਉਦਾਰਾ । ਤਾਂਤੇ ਤਾਕੋ ਤਿਲਕ ਸੁ ਦੀਜੈ ।  
 ਮੰਗਲ ਕਾਰਯ ਬੇਰ ਨ ਕੀਜੈ ॥ ੨ ॥ ਸੱਤ੍ਰਘਨ ਸਹਤ  
 ਭਰਥ ਥੋ ਜੋਈ । ਮਾਤਲ ਦੇਖਨ ਗਯੋ ਸੁ ਸੋਈ । ਮੈ  
 ਅਭਿਖੇਕ ਸੁ ਕਰੋ ਸੁਕਾਰੇ । ਮੁਨਿ ਅਨਮੋਦਨ ਚਾਹੋਂ ਥਾਰੇ  
 ॥ ੩ ॥ ਸੰਭਾਰ ਕਰੋ ਇਕੱਤਰ ਸਾਰੇ । ਜਾਇ ਨਿਮੰਤੋ ਰਾਮ  
 ਪਿਆਰੇ । ਨਾਨਾ ਵਰਣ ਪਤਾਕਾ ਜੋਈ । ਕਰੋਂ ਉਥਾਪਨ  
 ਸਗਲੀ ਤੇਈ ॥ ੪ ॥ ਬੰਦਨ ਵਾਰ ਸਵਾਰੋ ਸਾਰੇ । ਸੁਵਰਣ  
 ਮੁਕਤਿ ਮਯ ਸਰਬ ਦੁਆਰੇ । ਯਾ ਬਿਧ ਭੂਪ ਬਸਿਸਟ  
 ਅਲਾਏ । ਮੰਤ੍ਰੀ ਬਹੁਰ ਸੁਮੰਤ੍ਰ ਬੁਲਾਏ ॥ ੫ ॥ ਆਗਯਾ ਕਰੋਂ  
 ਮੁਨੀਵਰ ਜੋਈ । ਲਿਆਵੋ ਵਸਤੁ ਸਗਲ ਭੁਮ ਸੋਈ ।  
 ਯੇਵਰਾਜ ਮੈ ਰਾਮ ਸੁ ਟੀਕੋ । ਪ੍ਰਾਤ ਕਰੋਂ ਮੰਤ੍ਰੀ ਮੈ ਨੀਕੋ ॥  
 ੬ ॥ ਸੁਨਿ ਮੰਤ੍ਰੀ ਭੂਪਤਿ ਕੀ ਬਾਤਾ । ਪੁਲਕਤ ਭਯੋ ਸਰ



ਤ ਤਿਨ ਗਾਤਾ । ਭਾਖੇ ਮੰਤ੍ਰੀ ਦੋ ਕਰ ਜੋਰੇ । ਆਗਯਾ ਕਰੋ  
 ਮੁਨੀ ਵਰ ਮੋਰੇ ॥ ੭ ॥ ਤਬ ਬਸਿਸ੍ਵ ਮੁਨਿ ਬੋਲੇ ਗਯਾਨੀ ।  
 ਆਗਯਾ ਯਾ ਬਿਧ ਕਰੀ ਭਵਾਨੀ । ਕੰਨਯਾ ਸ੍ਰੁਰਣ ਮੰਡਨ  
 ਨਿਜ ਗਾਤ । ਮੱਧ ਕੱਖ ਠਾਢੀ ਕਰਿ ਪ੍ਰਾਤ ॥ ੮ ॥  
 ਸੁਵਰਣ ਤਰਨ ਜਿਨ ਕੇ ਤਨ ਧਾਰੇ । ਖੋੜਸ ਲਿਆਵਹੁ  
 ਗਜਹ ਉਦਾਰੇ । ਐਰਾਵਤ ਕੀ ਕੁਲ ਮੋ ਜਾਏ । ਚਤਰ ਦੰਤ  
 ਜਿਨ ਤੁੰਡ ਸੁਹਾਏ ॥ ੯ ॥ ਨਾਨਾ ਤੀਰਥ ਕੇ ਜਲ ਜੇਤੇ  
 । ਸੁਵਰਣ ਕੁੰਭ ਆਨੀਜੇ ਤੇਤੇ । ਬਹੁਤ ਸਹੰਸਰ ਕੁੰਭ  
 ਲਿਆਵੇ । ਕਰੋ ਸਥਾਪਨ ਬੇਰ ਨ ਲਾਵੇ ॥ ੧੦ ॥ ਸ਼ੰਕਰ  
 ਛੰਦ ॥ ਤੀਨ ਬਿਆਘਰ ਚਰਮ ਮੰਤ੍ਰੀ ਆਨੀਯੇ ਮਨ ਲਾਇ  
 ॥ ਸੁਭ ਸ੍ਰੇਤ ਛੱਤ੍ਰ ਰਤਨ ਦੰਡ ਮੋਤੀ ਮਣੀ ਸੁਖ ਦਾਇ ।  
 ਦਿੱਬ ਮਾਲ ਸੁਮਾਨੀਯੇ ਪੁਨਿ ਦਿੱਬ ਪਾਟ ਅਪਾਰ । ਬਿਬਧ  
 ਭੂਖਨ ਆਨੀਯੇ ਪੁਨਿ ਜਾਹਿ ਕ੍ਰਾਂਤ ਉਦਾਰ ॥ ੧੧ ॥  
 ਮੁਨਿ ਹੋਇ ਠਾਢੇ ਤਹਾਂ ਸਾਦਰ ਲੈ ਕੁਸ਼ਾ ਨਿਜ ਪਾਨ । ਵਾਰ  
 ਮੁਖਯਾ ਨਰਤ ਕੀ ਪੁਨਿ ਗਾਇ ਕਾ ਕਰ ਗਯਾਨ । ਨਾਨਾ  
 ਵਜਿੰਤ੍ਰ ਕੁਸਲ ਜੇ ਸੁ ਵਜਾਹਿ ਨਿੱਪ ਅਗਾਰ । ਗਜ ਅਸ੍ਰੁ ਰੱਥ  
 ਪਾਦਾਂਤਿ ਸਾਯੁਧ ਰਹੇ ਬਾਹਰ ਵਾਰ ॥ ੧੨ ॥ ਨਗਰ ਮੈ  
 ਜੇ ਦੇਵਤਾ ਕੇ ਆਹਿ ਆਇਤ ਨਾਨ । ਕਰੋ ਪੂਜਾ ਤਾਹਿ  
 ਕੀ ਦੈ ਬਲੀ ਬਹੁ ਸਨਮਾਨਿ । ਬੇਗ ਰਾਜਾ ਆਵ ਹੈ ਪੁਨਿ  
 ਲੈ ਉਪਾਇਨ ਹਾਥ । ਦੈ ਉਮਾ ਇਹ ਭਾਂਤ ਆਇਸੁ ਵਸਿਸ੍ਵ  
 ਜੋ ਮੁਨਿ ਨਾਥ ॥ ੧੩ ॥ ਬੈਠ ਰਥ ਭਗਵਾਨ ਮੁਨਿ ਪੁਨਿ ਗਯੇ ਰਾਮ



ਅਗਾਰ । ਤੀਨ ਕਾਂਖਯਾ ਲਾਂਘ ਕੈ ਪੁਨਿ ਭਯੋ ਮੁਨਿ ਪਦ ਚਾਰ ॥  
 ਰਾਮ ਗੁਰ ਮਨ ਜਾਨਕੈ ਨਹਿ ਕੀਨ ਦੁਆਰ ਪਵਾਰ। ਇਹ ਭਾਂਤ  
 ਆਪ ਮੁਨੀਸਰਾ ਪੁਨਿ ਗਏ ਭੈਨ ਮੰਝਾਰ ॥ ੧੪ ॥ ਆਏ ਗੁਰੂ  
 ਉਰ ਜਾਨ ਕੈ ਪੁਨਿ ਰਾਮ ਜੋਰ ਸੁ ਹਾਥ । ਜਾਇ ਸਨਮੁਖ ਦੰਡ  
 ਵਤ ਪਰਣਾਮ ਕੈ ਰਘੁਨਾਥ । ਸੁਵਰਣ ਪਾਤ ਸੁਨੀਰ ਕੋ ਕਰ  
 ਜਾਨਕੀ ਅਨਵਾਇ । ਕਰ ਭਗਤਿ ਵੈਰਤ ਨਾ ਸਨੈ ਪੁਨਿ ਰਾਮ  
 ਗੁਰ ਬੈਠਾਇ ॥ ੧੫ ॥ ਸੀਤਾ ਸੰਯੁਕਤ ਸੁ ਧੋਇ ਪਦ ਜਲ  
 ਸੀਸ ਰਘੁਵਰਧਾਰ । ਮੈਂ ਧੰਨ ਰਾਮ ਬਖਾਨਿਯੋ ਮੁਨਿ ਪਾਇ ਤੇ  
 ਪਦ ਵਾਰ । ਰਾਮ ਕੋ ਯਹਿ ਬਚਨ ਸੁਨਿ ਮੁਨਿ ਕੀਨ ਆਪ  
 ਬਖਾਨ । ਤੇ ਪਦਾਂਬੁਜ ਸਗਲ ਗਿਰਧਰ ਜਾਂ ਪਤੀ ਭਗਵਾਨ  
 ॥ ੧੬ ॥ ਧੰਨਿ ਹੋਇਓ ਲੋਕ ਮੈਂ ਬ੍ਰਹਮਾਂ ਜਿ ਤਾਤਿ ਹਮਾਰ ।  
 ਤੇ ਪਾਦ ਤੀਰਥ ਸਲਲ ਕਰ ਤਿਨ ਕਰੇ ਕਿਲ ਵਿਖ ਤਾਰ ।  
 ਅਬ ਬਖਾਨੇ ਰਾਮ ਜੋ ਵਹ ਕਰੇ ਜਨ ਉਪਦੇਸ਼ । ਹੈ ਪਰਾਤਮ  
 ਰਾਮ ਤੂੰ ਪੁਨਿ ਭਗਤਿ ਹਰਣ ਕਲੇਸ਼ ॥ ੧੭ ॥ ਦੇਵਕਾਰਯ ਸਿੱਧ  
 ਹਿਤ ਪੁਨਿ ਭਗਤਿ ਭਗਤ ਕਮਾਹਿ । ਰਾਵਣ ਬਧਾਰਥ ਤੂੰ  
 ਭਯੋ ਮੈਂ ਜਾਨਿਯੋਂ ਉਰ ਮਾਂਹਿ । ਤਦਪ ਦੇਵ ਨ ਭਾਖਿਯੋ ਯਹਿ  
 ਗੋਪ ਅਮਰ ਸੁ ਕਾਜ । ਜੈਸੇ ਤੁਮੇ ਖਿਸਤਾਰਿਯੋ ਯਹਿ ਨਿਖਲ  
 ਮਾਯਾ ਸਾਜ ॥ ੧੮ ॥ ਜੋ ਕਹੇ ਤੂੰ ਰਘੁਨਾਥ ਪੂਰਬ ਮੈਂ ਕਰੋਂ  
 ਪੁਨਿ ਸੋਇ । ਤੂੰ ਸਿੱਖ ਮੈਂ ਗੁਰ ਹੋਇਓ ਨਹਿ ਕਰੇ ਮਾਲਮ  
 ਕੋਇ । ਗੁਰਨ ਕੋ ਗੁਰਦੇਵ ਤੂੰ ਪੁਨਿ ਪਿਤਾ ਕੋ ਪਿਤ ਆਹਿ ।  
 ਜੁਗਦਯੰਤਰ ਵਾਹ ਕੋ ਪੁਨ ਰਾਮ ਤੁਮ ਬਿਨ ਨਾਹਿ ॥ ੧੯ ॥



ਸੁਬਿਸਾਤਿਕ ਦੇਹ ਤੂੰ ਪੁਨਿ ਧਾਰ ਨਿਜ ਆਧੀਨ। ਨਿਜ ਸ਼ਕਤਿ  
 ਨਰ ਜਿਉਂ ਭਾਸ਼ ਹੈ ਨਹਿ ਸਕੇ ਕੋ ਤਵ ਚੀਨ ॥ ਹੋਨੇ  
 ਪਰੋਹਿਤ ਜਗਤ ਮੈਂ ਯਹਿ ਆਹਿ ਨਿੰਦ ਮਹਾਨ। ਇਖਵਾਕੁ  
 ਕੁਲ ਪਰਮਾਤਮਾ ਹਰਿ ਉਪਜ ਹੈ ਭਗਵਾਨ ॥ ੨੦ ॥ ਚੌਪਈ ॥  
 । ਯਹ ਬਿਧ ਰਾਮ ਪ੍ਰਥਮ ਮੈ ਜਾਨੀ। ਬ੍ਰਹਮਾ ਮੋ ਪ੍ਰਤਿ ਆਪ  
 ਬਖਾਨੀ। ਨਿੰਦਤ ਕਰਮ ਪਰੋਹਤ ਜੋਈ। ਤਵ ਗੁਰ ਆਸ  
 ਕਰਜੇ ਮੈ ਸੋਈ ॥ ੨੧ ॥ ਤਾਂਤੇ ਭਯੋ ਮਨੋਰਥ ਮੇਰਾ। ਭਯੋ  
 ਅਚਾਰਯ ਜਗ ਮੈਂ ਤੇਰਾ। ਸਭ ਲੋਕਨ ਕੇ ਮੋਹਨ ਹਾਰੀ।  
 ਮਾਇਆ ਸ਼ਕਤਿ ਜੋ ਆਹਿ ਤੁਮਾਰੀ ॥ ੨੨ ॥ ਯਥਾ ਨ ਮੋਹੇ  
 ਮੋਕੇ ਰਾਮ। ਕਰੇ ਤਥਾ ਬਿਧ ਪੂਰਨ ਕਾਮ। ਗੁਰ ਨਿਸ ਕ੍ਰਿਤ  
 ਇੱਛਾ ਜੋ ਤੇਰੀ। ਯਹੀ ਦੱਖਣਾਂ ਦੀਜੇ ਮੇਰੀ ॥ ੨੩ ॥ ਪ੍ਰਸੰਗ  
 ਕ ਤੋਹਿ ਬਖਾਨੀ ਬਾਤ। ਔਰ ਠੌਰ ਨਹਿੰ ਭਾਖੋਂ ਤਾਤ। ਰਾਜਾ  
 ਦਸਰਥ ਮੋਹਿ ਪਠਾਯੋ। ਰਾਮ ਨਿਮੰਤ੍ਰਨ ਤੋਕੋ ਆਯੋ ॥  
 ੨੪ ॥ ਕੱਲ ਸਵੇਰੇ ਤੋਕੋ ਰਾਜ। ਦੇਵੇਂਗੇ ਦਸਰਥ ਸਿਰਤਾਜ  
 । ਅਬ ਤੂੰ ਸੀਯ ਸਹਿਤ ਭੂਸਾਈਂ। ਕਰ ਉਪਵਾਸ ਰਹੋ ਰਘੁ  
 ਰਾਈ ॥ ੨੫ ॥ ਸੁਚਿ ਪੁਨਿ ਇੰਦ੍ਰ ਜੀਤੋਰਾਮ। ਮੈਂ ਜਾਵੇਂ ਦਸ  
 ਰਥ ਨਿਪ ਧਾਮ। ਮੰਗਲ ਹੋਸੀ ਕਾਲ ਸਕਾਰੇ। ਤਬ ਆਵੇਗੇ  
 ਰਾਮ ਪਿਆਰੇ ॥ ੨੬ ॥ ਰਾਜ ਗੁਰੂ ਇਹ ਭਾਂਤ ਬਖਾਨ ।  
 ਸਿਯੰਦਨ ਬੈਠ ਗਯੋ ਭਗਵਾਨ। ਉਮਾ ਹੇਰ ਲਖਮਣ ਨਿਜ  
 ਬੀਰ। ਹਸ ਬੋਲੇ ਪੁਨਿ ਸ੍ਰੀ ਰਘੁਬੀਰ ॥ ੨੭ ॥ ਲਖਮਣ  
 ਸੁਨੇ ਹਮਾਰੀ ਬਾਤ। ਯੇਵਰਾਜ ਹੋਸੀ ਮੋਹਿ ਪ੍ਰਾਤ। ਨਿਮਿਤ



ਮਾਤ੍ਰੁ ਹੈ ਨਾਮ ਹਮਾਰੋ । ਕਰਨੋਂ ਕਾਮ ਨਿਖਲ ਹੈ ਬਾਰੋ ॥ ੨੮ ॥  
 ਮੇਰੇ ਬਹੁਰ ਪ੍ਰਾਣ ਤੂੰ ਆਹਿ । ਸੀਸਾ ਯਾ ਮੈਂ ਰੰਚਕ ਨਾਹਿ ।  
 ਯਾ ਵਿਧ ਲਖਮਣ ਪ੍ਰਤਿ ਹਰ ਭਾਂਨਯੋ । ਬਹੁਰ ਕਰਯੋ ਜੋ  
 ਮੁਨਹਿ ਬਖਾਨਯੋ ॥ ੨੯ ॥ ਸੀਯ ਸਮੇਤ ਭਏ ਭੂਸਾਈਂ । ਮਨੋ  
 ਘਰੇਮੁਨਿਰੀਤਿ ਬਨਾਈ । ਬਸਿਸ੍ਰੁ ਗਏ ਪੁਨਿ ਨ੍ਰਿਪ ਵਰ  
 ਪਾਸ । ਕਹੀ ਰੀਤ ਸੋ ਕਰੀ ਪ੍ਰਕਾਸ ॥ ੩੦ ॥ ਦੋਹਰਾ ॥ ਰਾਮ  
 ਤਿਲਕ ਜਬ ਭਾਖਿਯੋ ਨ੍ਰਿਪਵਰਿ ਮੁਨਿਵਰ ਪਾਸ । ਸੁਨਿ ਕੇ  
 ਇਕ ਜਨ ਆਇਓ ਰਾਜ ਭਵਨ ਧਰ ਆਸ ॥ ੩੧ ॥ ਚੌਪਈ  
 ॥ ਕੌਸ਼ਲਯਾ ਔਰ ਸੁਮਿੱਤ੍ਰਾ ਸੁੰਦਰਿ । ਰਾਮ ਲਖਨ ਮਾਤਾ  
 ਨ੍ਰਿਪ ਮੰਦਰ । ਤਿਨ ਕੇ ਪਾਸ ਬਖਾਨੀ ਬਾਤ । ਸੁਨ ਹਰਖਾਨੀ  
 ਪੁਲਕਤ ਗਾਤ ॥ ੩੨ ॥ ਜਨ ਕੋ ਉਤਮ ਹੇਮ ਸੁ ਦਯੋ ।  
 ਕੌਸ਼ਲਯਾ ਬਹੁਤ ਹਰਖ ਉਰ ਭਯੋ । ਲਖਮੀਕੀ ਪੂਜਾ ਬਿਸ  
 ਥਾਰੀ । ਰਾਮ ਰਾਜ ਉਰ ਅੰਤਰ ਧਾਰੀ ॥ ੩੩ ॥ ਸੱਤ ਵਾਕ  
 ਦਸਰਬ ਵਰ ਰਾਜਾ । ਕਰਸੀ ਸੱਤਿ ਕਹਯੋ ਮੁਖ ਕਾਜਾ ।  
 ਕੈਕਈ ਵਸਿ ਨ੍ਰਿਪ ਕਾਮਕ ਸੋਇ । ਕਿਆ ਕਰ ਹੈ ਨਹਿ  
 ਜਾਨੈ ਕੋਇ ॥ ੩੪ ॥ ਯਾ ਬਿਧਿ ਬਿਆਕੁਲ ਦਿਤਿ ਸੁ ਭਈ ।  
 ਪੁਨਿ ਦੁਰਗਾ ਪੂਜਾ ਨਿਰਮਈ । ਯਾ ਅੰਤਰਿ ਪੁਨਿ ਅਮਰ  
 ਭਵਾਨੀ । ਮਿਲ ਬਾਣੀ ਪ੍ਰਤਿ ਬਾਤ ਬਖਾਨੀ ॥ ੩੫ ॥ ਭੂ  
 ਮੰਡਲ ਬਾਨੀ ਤੁਮ ਜਾਵੋ । ਐਧ ਪੁਰੀ ਮੈ ਨਿਜ ਪਦ ਪਾਵੋ ।  
 ਬ੍ਰਹਮ ਵਾਕ ਉਰ ਅੰਤਰ ਧਰੋ । ਰਾਮ ਤਿਲਕ ਬਿਧਿਸਨ ਕਰੋ  
 ॥ ੩੬ ॥ ਪ੍ਰਿਥਮ ਮੰਥਰਾ ਕਰੋ ਪ੍ਰਵੇਸ਼ । ਬਹੁਰ ਕੈਕਈ



ਹਰੇ ਕਲੇਸ਼ । ਹੋਵੇ ਬਿਘਨ ਤਿਲਕ ਮੇਂ ਜਬਹੀ । ਆਵੇ ਸੁ  
 ਰਗ ਲੋਕ ਪੁਨਿ ਤਬਹੀ ॥ ੩੭ ॥ ਯਾ ਬਿਧ ਦੇਵਨ ਕੀਨ  
 ਉਚਾਰ । ਬਾਣੀ ਕਰ ਉਰ ਅੰਗੀਕਾਰ । ਕਰਯੋ ਪ੍ਰਵੇਸ਼ ਮੰਥਰਾ  
 ਮਾਹੀਂ । ਭਯੋ ਹੁਲਾਸ ਕੁਬਜ ਮਨ ਮਾਹੀ ॥ ੩੮ ॥ ਕੁਬਜਾਂ  
 ਚੜੀ ਮਹਿਲ ਪੁਨਿ ਵੇਰੇ । ਅਲੰਕਤ ਨੱਗ੍ਹ ਹੇਰ ਚਹੁ ਓਰੇ  
 । ਨਾਨਾ ਤੋਰਣ ਜਾਮੋਂ ਧਰੀ । ਬਹੁਤ ਪਤਾਕਾ ਕੀਨੀ ਖਰੀ  
 ॥ ੩੯ ॥ ਸਭ ਉਤਸਵ ਕੈਹ ਨੱਗ੍ਹ ਸੁਹਾਇਓ । ਕੁਬਜਾਂ  
 ਮਨਹਿ ਅਚੰਭਾ ਆਇਓ । ਉਤਰੀ ਬੇਗ ਮਹਲ ਤੇ ਧਾਇ ।  
 ਯਾਤ੍ਰੀ ਕੋ ਤਿਨ ਪੂਛਯੋ ਜਾਇ ॥ ੪੦ ॥ ਮਾਤਾ ਨੱਗ੍ਹ ਅਲੰਕ੍ਰਿਤ  
 ਸਾਰੇ । ਕਾਂਹਿ ਨਮਿੱਤ ਭਯੋ ਸੁ ਉਚਾਰੇ । ਨਾਨਾ ਉਤਸਵ ਹਰਖ  
 ਅਪਾਰੀ । ਕਰੇ ਕੋ ਸ਼ਲਯਾ ਰਾਮ ਮਹਿਤਾਰੀ ॥ ੪੧ ॥ ਬ੍ਰਾਹਮਣ  
 ਕੋ ਦੇਵੇ ਬਹੁ ਦਾਨਾ । ਰਤਨ ਪਟੰਬਰ ਹੇਮ ਸੁ ਨਾਨਾਂ । ਯਾਤ੍ਰੀ  
 ਹਰੀ ਕਹੀ ਤਬ ਬਾਤ । ਰਾਮ ਤਿਲਕ ਹੋਵੈਗੋ ਪ੍ਰਾਤ ॥ ੪੨ ॥  
 ਯਾਤੇ ਨੱਗ੍ਹ ਅਲੰਕ੍ਰਿਤ ਭਰਿਯੋ । ਭੂਪਤਿ ਆਪ ਸੁ ਬਚਨ  
 ਉਚਰਿਓ । ਸੁਨਿ ਯਹਿ ਬਾਤ ਮੰਥਰਾ ਬੈਰੀ । ਕੈਕਈ ਕੇ ਢਿਗ  
 ਆਇ ਸੁ ਵੈਰੀ ॥ ੪੩ ॥ ਸੇਜ ਕੁਕੇਈ ਸੋਈ ਪਰੀ  
 । ਨੈਨ ਜਾਂਹਿ ਮ੍ਰਿਗ ਹੈ ਮਦ ਹਰੀ । ਤਾਂ ਪ੍ਰਤ ਕੁਬਰੀ ਕੀਯੋ  
 ਬਖਾਂਨ । ਕਿਉਂ ਸੋਵੇ ਮੂੜੇ ਸੁਖ ਮਾਨ ॥ ੪੪ ॥ ਦੁਰਭਾਗੇ ਭੈਯ  
 ਆਯੋ ਭਾਰੀ । ਨਾ ਜਾਨੇ ਭਨ ਰੂਪ ਖੁਮਾਰੀ । ਰਾਮ ਰਾਜ ਕੋ  
 ਤਿਲਕ ਉਦਾਰੇ । ਭੂਪ ਅਨੁਗ੍ਰਹ ਹੋਇ ਸਕਾਰੇ ॥ ੪੫ ॥  
 ਸੁਨਿ ਯਹਿ ਬਾਤ ਕੈਕਈ ਰਾਨੀ । ਬੇਗ ਉਠੀ ਉਰ ਮੈਂ ਹਰ



ਖਾਨੀ ॥ ਰਤਨ ਜੜੀ ਨੂਪਰ ਪਦ ਤਾਰ ॥ ਦਈ ਮੰਥਰਾ ਹਰਖ  
 ਅਪਾਰ ॥ ੪੬ ॥ ਬਹੁਰ ਕੇਕਈ ਬਾਤ ਵਖਾਨੀ । ਤੁਮ ਨੀਕੇ  
 ਵਹੁ ਸੁਨੋਂ ਭਵਾਨੀ । ਹਰਖ ਅਸਥਾਨ ਬਡੋ ਯਹਿ ਆਇਓ ॥  
 ਤੈਂ ਮੋਕੋ ਕ੍ਰਿਉਂ ਭਯ ਦਿਖਰਾਇਓ ॥ ੪੭ ॥ ਭਰਤ ਹੁਤੇ ਮੁਹਿ  
 ਅਧਕ ਸੁ ਰਾਮ । ਪ੍ਰੇਵਾਦੀ ਮੁਹਿ ਕਰੇ ਸੁਕਾਮ ॥ ਮੋਹਿ ਕੋਸ਼  
 ਲਜਾ ਸਮ ਉਰ ਪੇਖ । ਮੇਰੀ ਸੇਵਾ ਕਰੇ ਬਿਸੇਖ ॥ ੪੮ ॥  
 ਮੂੜ ਮੰਥਰਾ ਭਾਖੋ ਮੋਹਿ । ਰਾਮ ਕਹਾਂ ਭੈ ਦੀਨੋ ਤੋਹਿ । ਸੁਨੀ  
 ਬਾਤ ਯਹਿ ਕੁਬਰੀ ਜਬਹੀਂ ॥ ਭਇਓ ਵਿਖਾਧ ਮਨ ਭੀਤਰ  
 ਤਬਹੀਂ ॥ ੪੯ ॥ ਸੁਨ ਰਾਨੀ ਯਹਿ ਬਚਨ ਹਮਾਰੇ । ਯਾਂਤੇ  
 ਭਯ ਯਹਿ ਭਇਓ ਤੁਮਾਰੇ । ਰਾਜਾ ਪ੍ਰੇ ਬਾਤਾਂ ਤਵ ਕਹੈ ॥ ਕਾਮ  
 ਕੁਅਰਥ ਆਪਨੋ ਗਹੈ ॥ ੫੦ ॥ ਤੋਕੋ ਬਾਤਨ ਮਾਹਿ ਸੰਤੋ  
 ਖੇ । ਕਾਰਯ ਕੋਸ਼ਲਜਾ ਕੋ ਪੋਖੇ । ਰਾਮ ਰਾਜ ਮਨ ਭੀਤਰ  
 ਆਏ । ਤੋ ਪੇਕੇ ਤਵ ਭਰਤ ਪਠਾਏ ॥ ੫੧ ॥ ਅਨੁਜ ਤਾਹਿ  
 ਕੇ ਸਾਥ ਲਵਾਏ । ਮਾਤੁਲ ਕੁਲ ਮੈਂ ਬੇਗ ਪਠਾਏ ॥ ਆਜ  
 ਸੁਮਿਤ੍ਰਾ ਹਰਖ ਪ੍ਰਸੰਗਾ ॥ ਰਾਮ ਰਾਜ ਲਛਮਣ ਤਿਨ ਸੰਗਾ  
 ॥ ੫੨ ॥ ਰਾਮ ਲਖਣ ਲਯੋ ਰਾਜ ਸੁ ਸਾਰੇ । ਦਾਸ ਹੋਇਗੋ  
 ਪੂਤ ਤੁਮਾਰੇ । ਕੈ ਦੇਵੇਗਾ ਨਗਰ ਨਿਕਾਰ । ਕੈ ਪ੍ਰਾਨਨ ਤੇ ਡਾਰੇ  
 ਮਾਰ ॥ ੫੩ ॥ ਤੂੰ ਦਾਸੀ ਕੋਸ਼ਲਜਾ ਕੇਰੀ । ਹੋਵੇਂਗੀ ਜਿਉਂ ਔਰ  
 ਸੁ ਚੇਰੀ । ਸੋਕਨ ਕਰੇ ਪਰਾਭਵ ਥਾਰਾ । ਤਾਂਤੇ ਭਲੋ ਸੁ ਮਰਣ  
 ਤੁਮਾਰਾ ॥ ੫੪ ॥ ਗੀਯਾ ਮਾਲਤੀ ਛੰਦ । ਕਰ ਯਤਨ ਭਾਮਨ  
 ਬੇਗ ਤੂੰ ਜਿਉਂ ਭਰਤ ਰਾਜ ਸੁ ਹੋਵਈ । ਦਸ ਚਾਰ ਬਰਸ ਸੁ



ਬਾਸ ਬਨ ਮੇਂ ਰਾਮ ਨੀਕੈ ਜੋਵਈ । ਪੁਨਿ ਭਰਤ ਰੂਢ ਸੋ ਹੋਇ  
 ਗੋ ਵਹੁ ਰਾਜ ਪਾਲੇ ਭੁਜ ਬਲਾ । ਉਪਾਇ ਤਾਂਕੇ ਭਾਖਹੋਂ ਮਨ  
 ਮੇਂ ਧਰਾ ਜੋ ਮੈਂ ਭਲਾ ॥ ੫੫ ॥ ਚੌਥੇ ॥ ਪੂਰਬ ਦੇਸ ਅਸੁਰ  
 ਸੰਗ੍ਰਾਮਾਂ । ਭਇਓ ਅਪਾਰ ਸੁ ਭੈਰਵ ਨਾਮਾ ॥ ਸੁਰਪਤਿ ਭੂਪਤਿ  
 ਯਾਚਯੋ ਆਇ । ਸਰਬ ਭਇਓ ਸੁਤਾਂਹਿ ਸਹਾਇ ॥ ੫੬ ॥ ਲੈ  
 ਕਰ ਚੜ੍ਹਯੋ ਰਥ ਮੈਂ ਭਾਰੇ । ਸੈਨਾ ਸਹਿਤ ਬਜਾਇ ਨਗਾਰੇ ।  
 ਤੂੰ ਤਾਂਕੇ ਪੁਨਿ ਸੰਗਿ ਸਿਧਾਨੀ । ਸਭਹੂੰ ਮਾਹਿ ਮਨੋਹਰ ਰਾਨੀ  
 ॥ ੫੭ ॥ ਰਣ ਆਸ਼ਕਤ ਭਇਓ ਨਿਪੁ ਜਬਹੀਂ ॥ ਰਥਕੀ ਕੀਲ  
 ਟੂਟੀ ਤਿਨ ਤਬਹੀ । ਰਾਜੇ ਕੀਲ ਨਾ ਜਾਨਯੋ ਟੂਟਾ । ਲੈਕਰ  
 ਧਨੁਖ ਅਸੁਰ ਸੰਗ ਜੂਟਾ ॥ ੫੮ ॥ ਤੈਂ ਰਣ ਮੈਂ ਅਤਿ ਧੀਰਜ  
 ਕਰਿਯੋ । ਕੀਲ ਛੇਕ ਮੈਂ ਨਿਜ ਕਰ ਧਰਿਯੋ ॥ ਨੀਲ ਕਮਲ ਨੈਨੀ  
 ਤੈਂ ਪਿਯਾਰੀ ॥ ਪਤਿ ਪ੍ਰਾਨਨ ਰਛਾ ਉਰ ਧਾਰੀ ॥ ੫੯ ॥ ਅਸੁਰ  
 ਸੰਗ ਨਿਪੁ ਰਣ ਮੈਂ ਮਾਰਿਯੋ ॥ ਬਹੁਰ ਨਾਹਿੰਦਮ ਤੋਹਿ ਨਿਹਾ  
 ਰਿਯੋ । ਅਚਰਜ ਤੋਹਿ ਪੇਖ ਨਿਪੁ ਆਇਓ । ਪ੍ਰੇਮ ਭਰੇ ਤੋਕੋ  
 ਗਲ ਲਾਯੋ ॥ ੬੦ ॥ ਵਰਮਾਂਗੋ ਮੋਤੇ ਤੁਮ ਵੋਈ । ਜੋ ਤੇਰੇ ਮਨ  
 ਭੀਤਰ ਹੋਈ । ਯਾ ਬਿਧਿ ਭੂਪਤਿਕੀ ਸੁਨਿ ਬਾਨੀ । ਤੈਂ ਭਾਮਨਿ  
 ਪੁਨਿ ਆਪਿ ਬਖਾਨੀ ॥ ੬੧ ॥ ਭੂਪਤਿ ਤੈਂ ਵਰ ਵੋਇ ਬਖਾਨੇ  
 । ਮੋਹਿ ਦਏ ਸੋ ਸਭ ਸਰ ਜਾਨੇਂ । ਜੋ ਮੇਰੀ ਆਮਾਂਨਤ ਹੋਈ ।  
 ਤੋ ਮੈਂ ਰਹੈ ਚਿਰੰਵਰ ਸੋਈ ॥ ੬੨ ॥ ਅਵਸਰ ਹੋਇਹ ਮਾਰੋ ਜਬ  
 ਹੀਂ । ਮਾਂਗੋਂਗੀ ਦੇਵੋ ਵਰ ਤਬਹੀਂ । ਰਾਜਾ ਮੁਖ ਤੇ ਕਥਾ ਬਖਾ  
 ਨੀਂ । ਚਲ ਆਇਓ ਅਪਨੀ ਰਜਧਾਨੀ ॥ ੬੩ ॥ ਯਹ ਮੈ ਕਥਾ



ਕਹੀ ਤਵ ਜੋਈ । ਤੁਮਤੇ ਸੁਨੀ ਪ੍ਰਿਥਮ ਮੈਂ ਸੋਈ । ਸਿਮਰਣ  
 ਭਈ ਆਜ ਵਹਿ ਮੋਕੇ । ਕਰੇ ਉਪਾਇ ਕਹੈਂ ਜੋ ਤੋਕੇ ॥ ੬੪ ॥  
 ਕ੍ਰੋਧਾਗਾਰ ਬੇਗ ਤੁਮ ਜਾਵੇ । ਨਿਜ ਮਨ ਭੀਤਰ ਰੋਖ ਬਢਾਵੇ  
 । ਤਜਾਗੋ ਤਨ ਕੇ ਭੂਖਨ ਸਾਰੇ । ਚਾਰੋਂ ਓਰ ਸੁ ਦੇਹੁ ਖਿਲਾਰੇ ॥  
 ੬੫ ॥ ਭੂਮਿ ਸੈਨ ਮੁਖ ਮੋਨ ਗਹੀਜੇ । ਪੂਛੇ ਭੂਪ ਨ ਉਤਰ ਦੀਜੇ  
 । ਕਰੇ ਪ੍ਰਤਗਯਾ ਜੋਲੈ ਰਾਜਾ । ਸੱਤ ਕਰੋਂਗੋ ਬਾਂਛਤ ਕਾਜਾ ॥  
 ੬੬ ॥ ਤੋ ਪਾਛੇ ਪੁਨ ਬੋਲ ਕੈਕੇਈ । ਮੇਰੀ ਸਿੱਛਾ ਜਾਨ ਸੁ  
 ਏਈ । ਗਿਰਜਾ ਸੁਨਿ ਯਹਿ ਕੁਬਰੀ ਬਾਨੀ । ਸੱਤ ਕੈਕਈ  
 ਉਰ ਮੈਂ ਮਾਨੀ ॥ ੬੭ ॥ ਖੇਟਨ ਸੰਗਤਿ ਜਿਉਂ ਭਰਮਾਏ ।  
 ਤਜੋਂ ਕੈਕਈ ਲਯੋ ਬੁਲਾਏ । ਪੁਨਿ ਕੈਕਈ ਬਚਨ ਉਚਾਰੇ ।  
 ਯਹਿ ਮਤਿ ਕਹਿਤੇ ਭਈ ਤੁਮਾਰੇ ॥ ੬੮ ॥ ਤੇਰੀ ਬੁਧਿ  
 ਨ ਮੋਹਿ ਪਛਾਨੀ । ਤੂੰਹੈਂ ਕੁਬਰੀ ਪਰਮ ਸਿਆਨੀ । ਭਰਤ  
 ਹੋਇਗੋ ਰਾਜਾ ਜਬਹੀਂ । ਸੈ ਪੁਨਿ ਗਾਂਉ ਦਯੋਂ ਤੁਮ ਤਬਹੀਂ  
 ॥ ੬੯ ॥ ਤੂੰ ਮੇਰੀ ਹੈ ਪ੍ਰਾਣ ਪਿਆਰੀ । ਯਹ ਤੋਕੈ ਮੈਂ ਸੱਤ  
 ਉਚਾਰੀ । ਯਾਬਿਧ ਤਾਂਕੋ ਭਾਖ ਭਵਾਨੀ । ਕ੍ਰੋਧਾਗਾਰ ਧਸੀ  
 ਰੁਖਮਾਨੀ ॥ ੭੦ ॥ ਭੂਖਨ ਤਨ ਕੇ ਸਭੁ ਪਰ ਹਰੇ । ਚਾਰੋਂ ਓਰ  
 ਵਿਕੀਰਣ ਕਰੇ । ਸੋਈ ਭੂਮਿ ਮਲਨ ਤਨ ਅੰਬਰ । ਭਰਤ  
 ਰਾਜ ਹਿਤ ਕਰਜੋ ਅਡੰਬਰ ॥ ੭੧ ॥ ਕੁਬਜੇ ਸੁਨੀਏ ਬਚਨ  
 ਹਮਾਰੇ । ਜੋਲੈ ਰਾਮ ਸੁ ਬਨੋ ਸਿਧਾਰੇ । ਤੋਲੈ ਭੂਮਿ ਬਿਖੈ ਮੈਂ  
 ਸੋਵੈਂ । ਨਾਤਰੁ ਅਪਨੇ ਪ੍ਰਾਨਨ ਖੋਵੈਂ ॥ ੭੨ ॥ ਨਿਹਚੈ ਯੋਂ  
 ਤੂੰ ਕਰੁ ਕਲਿਆਨੀ । ਤਉ ਕਲਿਆਨ ਹੋਇਗੀ ਰਾਨੀ



ਯਾ ਬਿਧ ਭਾਖ ਕੁਬਜਾਗ੍ਰਹਿਗਈ । ਰਾਨੀ ਵਹਿ ਬਿਧ ਕਰਤ  
 ਸੁ ਭਈ ॥ ੭੩ ॥ ਸਵੈਯਾ ॥ ਧੀਰ ਬਡੇ ਉਰ ਮਾਂਹਿ ਵਯੋ  
 ਗੁਣ ਔਰ ਅਚਾਰ ਸੁ ਨੀਤ ਉਦਾਰੀ । ਜੋ ਬਿਧਿ ਬੇਦਨ ਕੋ  
 ਉਪਦੇਸ਼ਕ ਔਰ ਬਿਬੇਕ ਸੁ ਜਾਹਿ ਅਪਾਰੀ । ਜੇ ਵਹੁ ਖੋਟਨ  
 ਸੰਗ ਕਰੇ ਪੁਨਿ ਪਾਪ ਬਡੇ ਜਿਨ ਆਹਿ ਪਿਆਰੀ । ਸੋ  
 ਤਿਨ ਕੇ ਸਮ ਵੇਤ ਹੈ ਕ੍ਰਮ ਕੈ ਜਗ ਮੈ ਗਿਰਨਾਥ ਕੁਮਾਰੀ  
 ॥ ੭੪ ॥ ਇਤਿ ਸ੍ਰੀਮਤਿ ਅਧਯਾਤਮ ਰਾਮਾਇਣੇ ਉਮਾਂ  
 ਮਹੇਸ਼ੁਰ ਸੰਬਾਦੇ ਅਯੁਯਯਾ ਕਾਂਡੇ ਦੁਤੀਯੇ ਧਿਆਇ ॥ ੨ ॥

### ਸ੍ਰੀ ਮਹਾਂਦੇਵਉਵਾਰ

ਚੌਪਈ ॥ ਬਹੁਰ ਭਵਾਨੀ ਦਸਰਥ ਰਾਈ । ਨਿਜ ਮੰਤ੍ਰੀ  
 ਕੋ ਲੀਯੋ ਬੁਲਾਈ । ਬਸਿਸ੍ਰੁ ਬਖਾਨਿਓ ਤੁਮ ਕੋ ਚੌਈ ॥  
 ਰਾਮ ਰਾਜ ਹਿਤ ਸੁਨਿਓ ਸੋਈ ॥ ੧ ॥ ਸੋ ਵਹੁ ਵਸਤੂ ਬੇਗ  
 ਲਿਆਵੋ । ਮੰਤ੍ਰੀ ਵਰੁ ਕਛੁ ਢੀਲ ਨ ਲਾਵੋ । ਯਾ ਬਿਧ ਮੰਤ੍ਰੀ  
 ਆਇਸੁ ਵਯੋ । ਆਨੰਦ ਭੂਪ ਸੁ ਨਿਜ ਗ੍ਰਹ ਗਯੋ ॥ ੨ ॥  
 ਦੋਹਰਾ ॥ ਭਾਵੀ ਮ੍ਰਿਤੁ ਅਧੀਨ ਵਹੁ ਉਮਾਂ ਚਲੇ ਗ੍ਰਹਿ  
 ਰਾਇ ॥ ਹੋਨੀ ਮੇਟ ਨ ਕੋ ਸਕੈ ਅਬ ਕੌਨ ਹਟਾਵੇ ਜਾਇ ॥  
 ੩ ॥ ਚੌਪਈ ॥ ਭੂਪਤਿ ਗਏ ਸੁ ਜਬ ਨਿਜ ਧਾਮਾਂ । ਦੇਖੀ  
 ਨਾਹਿ ਤਾਹਿ ਨਿਜ ਭਾਮਾਂ । ਬਜਾਕੁਲ ਮਨ ਭੂਪਤਿ ਇਹ  
 ਆਈ । ਆਜ ਕੈਕੇਈ ਕਹਾਂ ਸਿਧਾਈ ॥ ੪ ॥ ਆਗੇ ਜੋ  
 ਆਵੋ ਮੈਂ ਮੰਦਰ । ਹਸਤ ਸਮੀਪ ਆਇ ਵਹੁ ਸੁੰਦਰ ।



ਆਜ ਨ ਵਹੁ ਗ੍ਰਹਿ ਭੀਤਰ ਦੇਖੀ । ਭੂਪਤਿ ਮਨਿ ਯਹਿ ਚਿੰਤ  
 ਬਿਸੇਖੀ ॥ ੫ ॥ ਭੂਪਤਿ ਮਨ ਕਾਂਧੇ ਜਿਉਂ ਦਾਮਨ । ਦਾਸੀ  
 ਭਾਖ ਕਹਾਂ ਤੁਮ ਸੁਆਮਨਿ । ਮੇਰੀ ਪਿਆਰੀ ਕਿਉਂ ਨਹਿ  
 ਆਵੇ । ਪੂਰਬ ਜਿਉਂ ਨਹਿ ਬਦਨ ਦਿਖਾਵੇ ॥ ੬ ॥ ਦਾਸੀ  
 ਬਚਨ ਬਖਾਨੇ ਆਪ ॥ ਸੁਨੀਏ ਭੂਪਤਿ ਰਵਿ ਪਰਤਾਪ ।  
 ਕ੍ਰੋਧਾਗਾਰ ਧਸੀ ਰੁਖਮਾਨੇ । ਕਾਰਣ ਦੇਵ ਨ ਹਮ ਕੁਛ ਜਾਨੇ  
 ॥ ੭ ॥ ਤੁਮ ਭੂਪਤਿ ਵਰ ਲੇਹੁ ਬਿਚਾਰਾ । ਕਾਰਣ ਤਹਾਂ  
 ਨਿਕਟ ਪਗ ਧਾਰਾ । ਦਾਸੀ ਗਨ ਯੋ ਭਾਖਿਯੋ ਜਬਹੀਂ । ਤ੍ਰਸਤ  
 ਭਯੋ ਭੂਪਤਿ ਵਰ ਤਬਹੀਂ ॥ ੮ ॥ ਰਾਜਾ ਤਾਹਿ ਸਮੀਪਹਿ  
 ਗਯੋ ॥ ਤਾਹਿ ਨਿਹਾਰ ਦੁਖੀ ਅਤਿ ਭਯੋ । ਨਿਜ ਹਾਥਨ  
 ਕਰ ਤਾਂਕੋ ਦੇਹ । ਕਰਿਯੋ ਵਿਸਰਜਨ ਭੂਪ ਸਨੇਹ ॥ ੯ ॥  
 ਰਾਜਾ ਤਾਂਕੋ ਬਚਨ ਬਖਾਨੇ ॥ ਕਿਉਂ ਸੋਈ ਭੂ ਮੈਂ ਰੁਖਸਾਨੇ  
 ॥ ਸੁਖ ਪਲੰਘ ਤੈਂ ਦੂਰ ਤਿਆਗੇ ॥ ਤੁਹਿ ਕੇ ਹੇਰ ਮੋਹਿ ਦੁਖ  
 ਲਾਗੇ ॥ ੧੦ ॥ ਸਵੈਯਾ ॥ ਭਾਮਨ ਕਿਉਂ ਨਹਿ ਬੋਲਤ  
 ਮੋਹਿ ਸੁ ਭੂਖਨ ਕਿਉਂ ਧਰ ਭੀਤਰ ਡਾਰੇ । ਡਾਰ ਕਿਪਾਟ  
 ਪਟੰਬਰ ਤੈ ਮਲਨਾਂਬਰ ਕਿਉਂ ਤਨ ਉਪਰ ਧਾਰੇ । ਸਾਚ  
 ਕਹੇ ਤਵ ਵਾਛਤ ਜੋ ਵਹ ਕਾਜ ਕਰੋਂ ਇਹ ਨੇਮ ਹਮਾਰੇ ।  
 ਨਾਰਿ ਕਿਧੋਂ ਨਰ ਹੋਇ ਸੁਨੋ ਕਹੁ ਸੁੰਦਰ ਜਾਂ ਤਵ ਕਾਜ  
 ਬਿਗਾਰੇ ॥ ੧੧ ॥ ਦੰਡ ਦਿਓਂ ਤਿਨ ਕੇ ਗਜ ਗਾਮਨ ਕੈ  
 ਪੁਨਿ ਪ੍ਰਾਨਨ ਤੈ ਦਯੋਂ ਮਾਰੇ ॥ ਜਾਂ ਪਰ ਤੂੰ ਅਤਿ ਕੋਪ ਭਈ  
 ਵਹਿ ਪੀਨ ਪਯੋਧਰ ਦੇਹਿ ਦਿਖਾਰੇ । ਜੋ ਦੁਰਲੱਭ ਅਹੈ



ਜਗ ਕਾਰਯ ਸੇ ਵਹਿ ਕਾਜ ਕਰੋਂ ਖਿਣ ਬਾਰੇ ॥ ਚੰਦ ਮੁਖੀ  
 ਉਰ ਜਾਨਤ ਹੈ ਯਹਿ ਭੂਪਤਿ ਆਹਿ ਅਧੀਨ ਤੁਮਾਰੇ ॥ ੧੨  
 ॥ ਨਰਾਜ ਛੰਦ ॥ ਨ ਖੇਦ ਮੋਹਿ ਕੀਜੀਏ ਬਤਾਇ ਬਾਤ  
 ਜੇ ਅਹੇ । ਧਨੀਂ ਕੰਗਾਲ ਕੇ ਕਰੋਂ ਪ੍ਰਸੰਨ ਹੋਇ ਤੂੰ ਕਹੇ ।  
 ਜਿਨੇ ਹਨੇ ਸੁ ਤੋਹਿ ਕਾਜ ਹੋਇ ਜੇ ਧਨੀ ਘਨੋਂ । ਖਿਨੇਕ  
 ਮਾਹਿ ਤਾਹਿ ਕੇਂ ਸਮਸੁ ਮੈ ਧਨੰ ਹਨੋਂ ॥ ੧੩ ॥ ਕਰੇ ਅਬਧ  
 ਕੇ ਬਧੋਂ ਬਧਾਹ ਕੇ ਵਿਧੋਖ ਹੋਂ । ਕਹਾਂ ਬਖਾਨ ਹੋ ਘਨੋ ਸੁ  
 ਪ੍ਰਾਣ ਤੋਹਿ ਤੋਖਹੋਂ । ਸੁ ਪ੍ਰਾਣ ਪ੍ਰੀਤਮੋ ਸੁ ਰਾਮ ਮੋਹਿ ਲੋਕ  
 ਮੈ ਅਹੇ ॥ ਕਰੋਂ ਸੁਗੰਦ ਤਾਹਿ ਕੀ ਕਰੋਂ ਸੁ ਕਾਜ ਜੇ ਕਹੋਂ  
 ॥ ੧੪ ॥ ਜਬੈ ਸੁ ਭੂਪ ਯੋਂ ਕਹਿਯੋ ਸੁਗੰਦ ਰਾਮ ਕੀ ਕਰੀ ।  
 ਤਬੈ ਵਿਸਰਜ ਨੈਨ ਕੇ ਉਠੀ ਮਨੋਂ ਲਤਾ ਹਰੀ । ਕਹੇ ਸੁਭੂਮ  
 ਪਾਲ ਕੇ ਸੁਨੋ ਸੁ ਬਾਤ ਮੇਰੀਯਾ । ਸੁ ਸੱਤਿ ਵਾਕ ਭੂਪਤਿ  
 ਸੁਗੰਦ ਰਾਮ ਕੇਰੀਯਾ ॥ ੧੫ ॥ ਚੌਪਈ ॥ ਮੇਰੀ ਬਾਣੀ  
 ਸਫਲ ਸੁ ਕੀਜੈ । ਭੂਪਤਿ ਬੇਗ ਸੁ ਆਪ ਭਨੀਜੈ । ਪੂਰਬ  
 ਦੇਵ ਅਸੁਰ ਤਿਨ ਸੰਘਰ । ਭਇਓ ਭੂਪ ਭਵ ਮੰਡਲ  
 ਅੰਦਰਿ ॥ ੧੬ ॥ ਮੈਂ ਤੋ ਤਨ ਤਬ ਰਖਣ ਕੀਨੇ । ਤੋਹਿ  
 ਤੁਸੁਟ ਮੈਂ ਦੇ ਵਰ ਦੀਨੇ ॥ ਤੇ ਦੋਨੋਂ ਵਰ ਆਹਿ ਨਿਆਸ ॥ ਮੈ  
 ਸੁਬੱਤ ਰਾਖੇ ਤਵ ਪਾਸ ॥ ੧੭ ॥ ਇਨ ਮੈ ਏਕ ਸੁ ਯਹ  
 ਵਰ ਦੀਜੈ । ਰਾਜਾ ਪੂਤ ਹਮਾਰਾ ਕੀਜੈ ॥ ਯਹਿ ਜੇ ਕਰੇ  
 ਇਕਤ੍ਰ ਭਾਰਾ । ਤਾਕਰ ਦੀਕੋ ਭਰਤ ਹਮਾਰਾ ॥ ੧੮ ॥ ਦੂਜੇ  
 ਯੇ ਮਾਂਗੋਂ ਤਵ ਪਾਸ । ਰਾਮ ਕਰੇ ਦੰਡਕ ਬਨਬਾਸ । ਸੁੰਦਰ



ਤੇ ਮੁਨਿ ਭੇਖ ਸੁ ਕਰੇ। ਸੀਸ ਜਟਾ ਤਨ ਬਲਕਲ ਧਰੇ ।  
 ੧੯ ॥ ਚੌਦਾ ਬਰਖ ਬਸੈ ਬਨ ਭਾਰੇ। ਕੰਦ ਮੂਲ ਫਲ ਕਰੇ  
 ਅਹਾਰੇ। ਬਹੁਰੇ ਆਇ ਅਯੁਯਾ ਮਾਹੀਂ। ਕੈ ਰੁਚ ਹੋਇ  
 ਰਹੇ ਬਨ ਮਾਹੀਂ ॥ ੨੦ ॥ ਬਨ ਕੋ ਜਾਵੈਂ ਵੈਂ ਪਰਭਾਤ ।  
 ਰਾਮ ਕੰਜ ਦ੍ਰਿਗ ਸੁੰਦਰ ਗਾਤ। ਜੋ ਕੁਛ ਤਹਾਂ ਬਿਲੰਬਹਿ ਜੋ  
 ਵੈਂ। ਤੋ ਭੂਪਤਿ ਮੈ ਪ੍ਰਾਨ ਸੁ ਖੋਵੈਂ ॥ ੨੧ ॥ ਸਤ ਪ੍ਰਤਗਯਾ  
 ਤੂੰ ਜਗ ਅਹੇ। ਦੀਜੇ ਭੂਪ ਸੁ ਜੇ ਵਰ ਕਹੇ। ਸੁਨ ਕੈਕੇਈ  
 ਦਾਰਣ ਬਾਨੀ। ਭੂਮਿ ਗਿਰੇ ਨਿਪ ਹੋਇ ਮਲਾਨੀ ॥ ੨੨ ॥  
 ਜਿਉਂ ਤਰੁ ਗਿਰੇ ਬੱਜ੍ਰਕੇ ਮਾਰੇ ॥ ਤਿਉਂ ਭੂਪਤਿ ਨਹਿ ਰਹੀ  
 ਸੰਭਾਰੇ। ਸਨੇ ਸਨੇ ਨਿਪ ਆਂਖ ਉਘਾਰੀ। ਮਨ ਕੇ ਮਾਹਿ  
 ਭਯੋ ਭਯਕਾਰੀ ॥ ੨੩ ॥ ਕਿੰਵਾਦੁਹ ਸੁਪਨਾ ਭਉ ਭਾਨੇ। ਕਿੰਵਾ  
 ਚਿਤ ਸੁ ਮੋਹਿ ਭ੍ਰਮਾਨੇ। ਯੋਂ ਮਨ ਭੀਤਰ ਕੀਨ ਬਿਚਾਰੀ।  
 ਬਾਘਨ ਜਿਉਂ ਪੁਨਿ ਨਾਰ ਨਿਹਾਰੀ ॥ ੨੪ ॥ ਕਿਯਾਕਲਹਿ  
 ਣੀਂ ਵਾਕ ਬਖਾਨੇ ॥ ਜਾਂਕਰ ਹੋਹੁਪ੍ਰਾਨ ਮਮ ਹਾਨੇ ॥ ਰਾਮ ਕਿ  
 ਕੀਨੋ ਤੋ ਅਪਰਾਧੂ। ਕਮਲੇਖਣ ਅਤਿ ਰਾਮ ਸੁ ਸਾਧੂ।  
 ੨੫ ॥ ਤੂੰ ਮਮ ਆਗੇ ਕਰੀ ਬਡਾਈ। ਰਾਮ ਗੁਨਨ ਕੀ ਹੈ  
 ਸੁਖ ਦਾਈ ॥ ਮੋਹਿ ਕੋਸਲਯਾ ਕੋ ਸਮ ਹੇਰੀ ॥ ਕਰੇ ਨਿਰੰਤਰ  
 ਸੇਵਾ ਮੇਰੀ ॥ ੨੬ ॥ ਯਾ ਬਿਧ ਪੂਰਬ ਤੂੰ ਮਮ ਭਾਨੇ। ਅਬ  
 ਕਾਹੇਤੂ ਬ੍ਰਿਥਾ ਬਖਾਨੇ। ਰਾਜ ਗਹੀਜੇ ਸੁਤ ਹਿਤ ਸੁੰਦਰ। ਰਾਮ  
 ਰਹੇ ਪੁਨ ਅਪਨੇ ਮੰਦਰਿ ॥ ੨੭ ॥ ਮੋਧੈ ਯਹੀ ਅਨੁਗ੍ਰਹ  
 ਕੀਜੇ ॥ ਰਾਮਭੀਖ ਮੇਰੈ ਕਰ ਦੀਜੇ। ਰਾਮਹਿ ਤੇ ਨਹੀਂ ਤੇ



ਡਰ ਹੋਈ । ਰਾਮ ਨਹੀ ਦੁਖਦਾਤਾ ਕੋਈ ॥ ੨੯ ॥ ਦੋਹਰਾ ।  
 ਯਾ ਬਿਧਿ ਭੂਪ ਬਖਾਨਿਯੋ ਚਲਯੋ ਨੀਰ ਦ੍ਰਿਗ ਜਾਇ । ਕਰ  
 ਜੋਰੇ ਅਤਿ ਦੀਨ ਹੁਇ ਪਰੈ ਕਕੋਈ ਪਾਇ ॥ ੨੯ ॥  
 ਚੌਪਈ । ਬਹੁਰ ਕਕੋਈ ਬਚਨ ਓਚਰੇ ॥ ਕੋਪ ਭਈ ਦ੍ਰਿਗ  
 ਲਾਲ ਸੁ ਕਰੇ । ਭੂਪਤਿ ਕਿਆ ਭ੍ਰਮ ਭਯੋ ਤੁਮਾਰੇ । ਤੈਂ ਬਿ  
 ਅਰਥ ਕਿੰਉਂ ਵਾਕ ਉਚਾਰੇ ॥ ੩੦ ॥ ਮਿੱਥਯਾ ਕਰੇ ਪ੍ਰਤਗਯਾ  
 ਕਰੀ । ਨਰਕ ਹੋਇ ਤੁਹਿਕੋ ਨਰਵਰੀ । ਜੋ ਬਨ ਜਾਇ ਨ  
 ਰਾਮ ਪ੍ਰਭਾਤਾ । ਅਚਿਨ ਚੀਰ ਧਰ ਸੁੰਦਰ ਗਾਤਾ ॥ ੩੧ ॥ ਤੈਂ ਉ  
 ਧ ਬੰਧਨ ਮੈ ਤਨ ਕਰੋਂ । ਕੈ ਬਿਖ ਖਾਏ ਤਵਾਰੇ ਮਰੋਂ ॥ ਸੱਤ  
 ਪ੍ਰਤੱਗਯਾ ਮੈਂ ਜਗ ਰਾਜਾ । ਠਾਂਗੇ ਸਰਬ ਸਭਾਂਤਰ ਕਾਜਾ ॥  
 ੩੨ ॥ ਕਰੀ ਸੁਗੰਧ ਰਾਮ ਸੁਤ ਕੇਰੀ ॥ ਮਿੱਥਯਾ ਅਹੇ ਪ੍ਰਤ-  
 ਗਯਾ ਤੇਰੀ । ਨਰਕ ਹੋਇ ਤੇਕੋ ਨ੍ਰਿਪ ਭਾਰਾ । ਯੋ ਕੈਕੋਈ  
 ਜਬੈ ਉਚਾਰਾ ॥ ੩੩ ॥ ਭੂਪਤਿ ਦੀਨ ਮਨਾ ਤਬ ਭਯੋ ॥ ਦੂਖ  
 ਸਮੁੰਦਹਿ ਗੋਤਾ ਲਯੋ । ਮੁਰਛਤ ਹੋਇ ਗਿਰਯੋ ਧਰ ਮਾਹੀਂ ॥  
 ਮਨੋਂ ਪਰੇ ਸ਼ਵ ਸਾਸ ਸੁਨਾਹੀ ॥ ੩੪ ॥ ਸਵੈਯਾ ॥ ਇਹ  
 ਭਾਂਤਿ ਬਿਤੀਤ ਭਈ ਨ੍ਰਿਪ ਰਾਤ ਸੁ ਦੂਖ ਬਡੇ ਜਨ ਬਰਖ  
 ਸਮਾਨੀ । ਪੁਨਿ ਜੋ ਪਰਭਾਤ ਭਯੋ ਜਗਮੈ ਮਿਲ ਬੰਦਨ  
 ਗਾਇਕ ਕੀਰਤਿ ਠਾਨੀ । ਸੁਨਕੈ ਬਹੁ ਬਾਦ ਕਬਿੱਤਨ ਕੋ  
 ਉਰ ਕੋਪ ਭਈ ਨ੍ਰਿਪ ਕੀ ਵਹ ਰਾਨੀ । ਚਲ ਜਾਹੁ ਵਜਾਹੁ  
 ਨ ਵਾਦ ਘਨੇਂ ਇਹ ਭਾਂਤਿ ਨਿਵਾਰ ਸੁ ਤਾਹਿ ਭਵਾਨੀ ॥  
 ੩੫ ॥ ਚੌਪਈ ॥ ਮੱਧ ਹਵੇਲੀ ਭਏ ਪ੍ਰਭਾਤ ॥ ਠਾ



ਢੇ ਭਏ ਸੁ ਗਨ ਬਖਿਆਤ । ਬ੍ਰਹਮਣ ਖੱਤੀ ਵੈਸ ਸੁ ਧਨ  
 ਵਰ । ਰਿਖ ਕੰਨਯਾ ਪੁਨਿ ਛੱਤ੍ਰ ਸੁ ਚਾਂਮਰ ॥ ੩੬ ॥ ਗਜ  
 ਬਾਜੀ ਪੁਨਿ ਔਰ ਪਦਾਂਤੀ । ਵਾਰ ਵਿਲਾਸਨ ਪੌਰ ਜਨਾ  
 ਤੀ । ਵਸਿਸ੍ਰੁ ਸੁ ਜਿਉਂ ਜਿਉਂ ਬਿਧਹ ਬਤਾਈ । ਮੰਤ੍ਰੀ ਤਿਉਂ  
 ਤਿਉਂ ਸਗਲ ਬਨਾਈ ॥ ੩੭ ॥ ਸ਼ਸਤ੍ਰੀ ਬਾਲ ਬ੍ਰਿਧਿ  
 ਪੁਰ ਮਾਹੀਂ ॥ ਰਾਤਸੁ ਨਿੰਦ੍ਰਾ ਲਈ ਨ ਕਾਹੀ । ਰਾਮਚੰਦ ਕੋ  
 ਕਦੋਂ ਨਿਹਾਰੇਂ । ਪੀਤ ਪਟੰਬਰ ਤਨ ਮੈ ਧਾਰੇਂ ॥ ੩੮ ॥  
 ਸਰਬ ਅਭਰਨ ਧਰੇ ਮਨ ਮੋਹੇ । ਹੇਮ ਕ੍ਰੀਟ ਕਰ ਕੰਕਣ  
 ਸੋਹੇ ॥ ਕੋਸਤਕ ਮਣਿ ਗਲ ਲਸੇ ਉਦਾਰੇ ॥ ਸੋ ਮਨੋਜ ਸੁੰਦ  
 ਰ ਤਨ ਧਾਰੇ ॥ ੯੩ ॥ ਰਾਜ ਤਿਲਕ ਕੋ ਭਾਲ ਸੁਹਾਏ ।  
 ਗਜਾ ਰੂਢ ਮੁਸਕਾਵਤ ਆਏ । ਲਖਮਣ ਕੇ ਕਰ ਛੱਤ੍ਰ  
 ਸੁਹਾਏ ॥ ਸੀਸ ਰਾਮ ਕੇ ਭ੍ਰਾਤ ਝੁਲਾਏ ॥ ੪੦ ॥ ਸਵੈਯਾ ॥  
 ਕਬ ਹੋਇ ਪ੍ਰਭਾਤ ਸੁ ਯਾ ਜਗ ਮੈਂ ਕਬ ਆਵਤ ਰਾਮ  
 ਸੁ ਨੈਨ ਨਿਹਾਰੇਂ ॥ ਇਮ ਰਾਤ ਬਤੰਤ ਭਈ ਸਗਲੀ  
 ਉਤਕੰਠਤ ਹੈਂ ਪੁਰਕੇ ਜਨ ਸਾਰੇ ॥ ਅਬਲੋ ਨਹਿ ਭੂਪਉਠੇ  
 ਘਰ ਤੈ ਇਹ ਕਾਰਣ ਕੌਣ ਸੁਮੰਤ ਬਿਚਾਰੇ ॥ ਹਰਏ ਹਰਏ  
 ਕਹਿ ਭੂਪ ਹੁਤੇ ਸੁ ਸੁਮੰਤ ਤਹੀ ਘਰ ਮਾਂਹਿ ਸਿਧਾਰੇ ॥ ੪੧ ॥  
 ਜਯ ਸਬਦ ਉਚਾਰ ਨਿਵਾਇ ਸੁ ਨਾਰਿ ਸੁ ਭੂਪਤਿ ਕੋ ਤਿਨ  
 ਬੰਦਨਠਾਨੀ । ਅਤਿ ਖੇਦ ਨਿਹਾਰ ਸੁ ਭੂਪਤਿ ਕੋ ਕਰਿ ਜੋਰਿ  
 ਵੋਊ ਪੁਨਿ ਪੁਛਤ ਰਾਨੀ । ਦੇਵ ਕੇਕਈ ਸੁਨੀਤ ਬਧੋ ਤੁਮ  
 ਭੂਪਤਿ ਕੋ ਮੁਖ ਕਾਹਿ ਮਲਾਨੀ । ਬਲਆਹਿ ਚਲਾਚਲ ਭੂਪ



ਮੁਨੀ ਬਲੀ ਵਿੱਕ੍ਰਿਤ ਆਜੁ ਭਇਓ ਮੁਹਿਭਾਨੀ ॥ ੪੨ ॥ ਬੋ  
 ਲ ਕਕੇਈ ਸੁਮੰਤ ਕਹਿਯੋ ਨਿਪੁ ਰਾਤ ਨਾ ਨੀਂਦ ਕਰੀ ਵਿਗ  
 ਮਾਂਹੀ । ਔਰ ਨ ਭਾਖਤ ਹੈ ਮੁਨਤੇ ਇਕ ਰਾਮਹਿ ਰਾਮ ਬਕੇ  
 ਮੁਖਮਾਹੀ । ਜਾਗਤਿਰਾਤ ਰਹਿਓ ਸਗਲੀ ਇਹ ਕਾਰਣ ਭੂਪ  
 ਚਲਾਚਲਆਹੀ । ਭੂਪ ਪਿਖੇ ਸੁਤ ਰਾਮ ਭਲੇ ਤੁਮ ਜਾਉ  
 ਸੁਮੰਤ ਲਿਆਉ ਇਹਾਂਹੀ ॥ ੪੩ ॥ ਸੁਮੰਤੇ ਵਾਰ ॥ ਵੇਹਰਾ ॥  
 ਰਾਨੀ ਭੂਪ ਨ ਭਾਖਿਓ ਕਿਹ ਬਿਧ ਜਾਵੇਂ ਲੈਨ ॥ ਸੁਮੰਤ ਲਿ  
 ਆਵੈ ਰਾਮ ਕੇ ਜੋ ਭੂਪ ਬਖਾਨੇਂ ਬੈਨ ॥ ੪੪ ॥ ਸੁਨਿ ਮੰਤ੍ਰੀ  
 ਕੇ ਬੋਲ ਕੇ ਬੋਲੇ ਦਸਰਥ ਰਾਇ । ਸੁਮੰਤ ਨਿਹਾਰੇਂ ਰਾਮਕੇ  
 ਬੇਗ ਲਿਆਵਹੁ ਜਾਇ ॥ ੪੫ ॥ ਯਾ ਬਿਧ ਭੂਪ ਬਖਾਨਿਯੋ  
 ਚਲੇ ਸੁਮੰਤ ਸੁ ਵੇਰ । ਰਾਮ ਭਵਾਨੀ ਕੇ ਗਏ ਕਿਨੇ ਨਵਾਰੇ  
 ਪੈਰ ॥ ੪੬ ॥ ਚੌਪਈ ॥ ਰਾਮ ਕੰਜ ਵਿਗ ਤੇ ਕਲਿਆਨੁ ।  
 ਬੇਗ ਚਲੇ ਨਿਪੁ ਗਹਿ ਕਰ ਆਨ । ਰਾਜਾ ਤਵ ਦੇਖਣ ਕੇ  
 ਚਹੇ । ਚਲੇ ਬੇਗ ਕਛੁ ਢੀਲ ਨ ਅਹੇ ॥ ੪੭ ॥ ਯਾਬਿਧ  
 ਕਹਿਯੋ ਸੁਮੰਤ ਸੁ ਜਬਹੀ । ਰਾਮ ਚਲੇ ਰਥ ਬੈਠਸੁ ਤਬਹੀ ।  
 ਲਖਮਣ ਸੰਗ ਸੁ ਲਏ ਬੁਲਾਇ । ਮੱਧ ਡੇਵਢੀ ਪਹੁਚੇ ਆਇ  
 ॥ ੪੮ ॥ ਬਸਿਸੁ ਪਾਸ ਨਹਿ ਢੀਲ ਲਗਾਈ । ਦੇਖਤ ਚਲੇ ਗਏ  
 ਰਘੁਰਾਈ । ਪਿਤਾ ਸਮੀਪ ਸੁ ਜਾਇ ਭਵਾਨੀ । ਬੇਗ ਰਾਮ  
 ਪਦ ਬੰਦਨ ਠਾਨੀ ॥ ੪੯ ॥ ਵੇਹਰਾ ॥ ਰਾਮ ਅਲਿੰਗਨ ਹੇਤ  
 ਨਿਪੁ ਉਠੇ ਸੁ ਜਬ ਹੁਲਸਾਇ ॥ ਬਾਹੁ ਪਸਾਰ ਸੁ ਬੀਚਹੀ  
 ਗਿਰੇ ਮੂਰਛਾ ਖਾਇ ॥ ੫੦ ॥ ਚੌਪਈ ॥ ਹਾਹ ਰਾਮ



ਭਾਖ ਮੁਖ ਮਾਹੀਂ । ਬੇਗ ਭੂਪ ਲੀਨੇ ਅੰਗ ਮਾਹੀਂ । ਭੂਪਤਿ  
 ਪੇਖ ਮੂਰਛਾ ਭਾਰੀ । ਰੋਵਨ ਲਗੀ ਸਗਲ ਤਹਿ ਨਾਰੀ ॥ ੫੧  
 ॥ ਰੋਵਨ ਕੈਸੇ ਗ੍ਰਹਿ ਮੈ ਭਇਓ । ਸੰਕ ਬਸਿਸ੍ਰ ਤਹਾਂ ਪੁਨਿ  
 ਗਇਓ । ਪੂਛਤ ਭਏ ਰਾਮ ਸੁਤ ਤਾਰਣ । ਕੌਨ ਭਇਓ ਭੂਪਤਿ  
 ਦੁਖ ਕਾਰਣ ॥ ੫੨ ॥ ਯਾ ਬਿਧ ਰਾਮ ਸੁ ਪੂਛਿਯੋ ਜਬ ਹੀ ।  
 ਉੱਤਰ ਦਯੋ ਕੈਕਈ ਤਬ ਹੀ । ਤੁਮਹੀ ਕਾਰਣਿ ਹੋ ਸੁਨ ਰਾਮ  
 । ਤੁਮ ਅਧੀਨ ਕਛੁ ਭੂਪਤਿ ਕਾਮ ॥ ੫੩ ॥ ਪਿਤਾ ਦੁਖ ਰਘੁ  
 ਵਰ ਪਰਹਰੇ । ਭੂਪਤਕੋ ਵਹੁ ਕਾਰਜ ਕਰੇ । ਸੱਤ ਪ੍ਰਤੱਗਿਯਾ  
 ਰਾਮ ਤਵ ਤਾਤ । ਸੱਤ ਪ੍ਰਤੱਗਿਯਾ ਰਾਮ ਬਖਿਆਤ ॥ ੫੪ ॥  
 ਰਾਜਾ ਦੇ ਵਰ ਮੋਕੇ ਦਏ । ਸੰਤੁਸ਼ ਚਿੱਤ ਜਬ ਮੋਪਰ ਭਏ ।  
 ਤਵ ਅਧੀਨ ਵੇਨੋਂ ਤੇ ਅਹੇ । ਤਵ ਭਾਖਤ ਨਿਪ ਲੱਜਾ ਗਹੇ ॥ ੫੫  
 ॥ ਸਤਿ ਫਾਸ ਮੈ ਭੂਪਤਿ ਪਰੇ । ਰਾਮ ਤੁਮੇ ਤਿਨ ਮੋਚਨ ਕਰੇ ।  
 ਪੁਤ੍ਰ ਕਹੀਜੇ ਸਾਚੇ ਸੋਇ । ਪਿਤ ਪੁੰ ਨਰਕ ਤੇ ਰਾਖੇ ਜੋਇ ॥  
 ੫੬ ॥ ਦੋਹਰਾ ॥ ਯੋ ਕੈਕਈ ਭਾਖਿਓ ਭੂਪਤਿ ਕੋ ਦੁਖ ਮੂਲ  
 ॥ ਸੁਨਤ ਰਾਮ ਦੁਖ ਉਰ ਭਯੋ ਮਨੋ ਹਨੇ ਕਰ ਸੂਲ ॥ ੫੭ ॥  
 ਚੌਪਈ ॥ ਦੁਖਤ ਰਾਮ ਕੈਕਈ ਭਾਨੇ । ਮੇ ਪ੍ਰਤ ਕਿਯੋਂ ਯੋ  
 ਬਚਨ ਬਖਾਨੇ । ਪਿਤਾ ਹੇਤ ਜੀਵਨ ਪਰਹਰੇ । ਘੋਰ ਹਲਾ  
 ਹਲ ਪੀਵਨ ਕਰੇ ॥ ੫੮ ॥ ਸੀਯ ਕੁਸੱਲਿਆ ਕਰੇਂ ਸੁ ਤਿਆਗ  
 । ਤਜੋ ਰਾਜ ਨਹਿ ਕਰੇਂ ਸੁ ਰਾਗ । ਬਿਨ ਭਾਖੇ ਪਿਤਕਾਰਯ  
 ਕਰੇ । ਉਤਮ ਪੂਤ ਸੁ ਵਹੀ ਉਚਰੇ ॥ ੫੯ ॥ ਭਾਖੇ ਕਰੇ  
 ਪਿਤਾ ਕੋ ਕਾਯਰ । ਮੱਧਮ ਪੂਤ ਕਹੇ ਵਹਿ ਆਰਯ । ਭਾਖੇ



ਕਰੋ ਨ ਕਾਰਯ ਜੋਇ । ਪਿਤਾ ਪੂਤ ਮਲ ਭਾਖਿਯੋ ਸੋਇ॥੬੦  
 ॥ ਯਾਂਤੇ ਕਰੋ ਸਕਲ ਨਿਪ ਕਾਰਯ । ਜੋ ਮੋ ਪ੍ਰਤਿ ਭਾਖੇ ਜਗ  
 ਆਰਯ । ਸੱਤ ਕਰੇਂਗੋ ਸੰਕ ਨ ਮਾਨੇ । ਰਾਮ ਬਚਨ ਨਹਿ  
 ਦੋਇ ਬਖਾਨੇ ॥ ੬੧ ॥ ਦੋਹਰਾ ॥ ਯਾਂ ਬਿਧ ਰਾਮ ਪ੍ਰਤੱ  
 ਗਿਯਾ ਸੁਨੀ ਕੈਕਈ ਕਾਨ ॥ ਉਮਾਂ ਹਰਖ ਉਠ ਬੈਠ ਕੈ  
 ਲਾਗੀ ਕਰਨ ਬਖਾਨ ॥ ੬੨ ॥ ਕੈਕਈ ਵਾਚ ॥ ਦੋਹਰਾ ॥  
 ਰਾਮ ਸੁ ਤੇਰੇ ਤਿਲਕ ਹਿਤ ਕਰੇ ਇਕੱਤਰ ਭਾਰ । ਤਿਨਹੀ  
 ਕਰ ਅਬ ਟੀਕੀਏ ਭਰਤ ਸੁ ਪੂਤ ਹਮਾਰ ॥ ੬੩ ॥ ਏਕ  
 ਸੁ ਯਹਿ ਵਰ ਜਾਨੀਏ ਦੂਜੇ ਸੁਨ ਨਿਰਧਾਰ । ਤੁਮ ਬਨ  
 ਜਾਵੋ ਬੇਗ ਅਬ ਚੀਰ ਬਸਨ ਜਟ ਧਾਰ ॥ ੬੪ ॥ ਪਿਤ  
 ਆਇਸ ਸਿਰ ਪਰ ਧਰੋ ਚੋਦਹ ਬਰਖ ਸੁ ਆਹਿ । ਬਨੋ ਬਾਸ  
 ਤਨ ਮੈਂ ਧਰੋ ਮੁਨਿ ਭੋਜਨ ਮੁਖ ਮਾਹਿ ॥ ੬੫ ॥ ਯਹੀਕਾਜ  
 ਹੈ ਪਿਤਾ ਕੋ ਕਰੋ ਰਾਮ ਉਰਮਾਨ । ਰਾਜਾ ਉਰ ਲਜਾਬਢੀ  
 ਕਰੇਨ ਤੋਹਿ ਬਖਾਨ ॥ ੬੬ ॥ ਸ੍ਰੀ ਰਾਮੋ ਵਾਚ ॥ ਦੋਹਰਾ ॥ ਭਰਤ  
 ਲਏ ਸਭ ਰਾਜ ਕੋ ਮੈਂ ਜਾਣੋ ਬਨ ਮਾਹਿ । ਪਰ ਰਾਜਾ ਭਾਖੇ  
 ਨਹੀਂ ਕਾਰਨ ਜਾਨੋ ਨਾਹਿ ॥ ੬੭ ॥ ਸੁਨਤ ਰਾਮਕੇ ਬਚਨ  
 ਕੋ ਦਸਰਥ ਨੈਨ ਉਘਾਰ । ਚੰਦ ਬਦਨ ਦਿਗ ਕੰਜ ਸੇ  
 ਠਾਂਢੇ ਰਾਮ ਨਿਹਾਰ ॥ ੬੮ ॥ ਦੁਖੀ ਸੁ ਦੁਖਤ ਬਚਨ ਤਬ  
 ਭੂਪਤ ਕੀਨ ਬਖਾਨ । ਮੈਂ ਨਾਰੀ ਵਸਿ ਭ੍ਰਾਤ ਸੁਤ ਉਨ ਮਾਰਗ  
 ਗਤਿ ਮਾਨ ॥ ੬੯ ॥ ਸਿੰਖਲ ਮੇਂ ਪਗ ਡਾਰਕੈ ਰਾਜ ਕਰੋ ਪੁਰ  
 ਮਾਹਿ । ਮੋਕੋ ਝੂਠ ਸੁ ਨਾਂ ਛੁਹੇ ਤੋਂਕੋ ਪਾਪ ਸੁ ਨਾਹਿ ॥ ੭੦ ॥



ਯਾ ਬਿਧ ਭੂਪ ਬਖਾਨਿਯੋ ਉਰਮੈਂ ਦੁਖ ਸੰਤਾਪ । ਤਪਤ ਰਿਦੇ  
 ਅਤਿ ਹੋਇਓ ਲਾਗੋ ਕਰਨ ਵਿਲਾਪੁ ॥ ੭੧ ॥ ਚੌਪਈ ॥  
 ਹਾ ਰਾਮ ਹਾ ਨਾਥ ਉਦਾਰੇ । ਹਾ ਮੇਰੇ ਸੁਤ ਪ੍ਰਾਣ ਪਿਆਰੇ ।  
 ਮੋਕੋ ਤਿਆਗ ਘੋਰ ਬਨ ਮਾਹੀਂ । ਜਾਵਨ ਕਿਉਂ ਚਾਹੋ ਮਨ  
 ਮਾਹੀਂ ॥ ੭੨ ॥ ਯਾ ਬਿਧ ਭਾਖ ਰਾਮ ਗਲਲਾਏ । ਰਾਜਾ ਰੋਇ  
 ਨੈਨ ਜਲ ਜਾਏ । ਨਿਜ ਪਾਨਨ ਕਰ ਰਾਮ ਉਦਾਰੇ । ਭੂਪਤਿ  
 ਕੇ ਦ੍ਰਿਗ ਨੀਰ ਨਿਵਾਰੇ ॥ ੭੩ ॥ ਨੈ ਕੋਵਿਦ ਸੁਤ ਧੀਰਜ  
 ਧਰਿਯੋ । ਭੂਪਤਿਕੋ ਅਸ੍ਰਾਸਨ ਕਰਿਯੋ । ਕਿਉਂ ਨਿਪਦੁਖ ਉਰ  
 ਭਯੋ ਉਦਾਰੇ । ਰਾਜੁ ਕਰੇਂਗੇ ਅਨੁਜ ਹਮਾਰੇ ॥ ੭੪ ॥  
 ਤੇਰੇ ਬਚਨ ਪਾਲ ਬਨਮਾਹੀਂ । ਮੈਂ ਆਵੋਂ ਬਹੁਰੇ ਪੁਰਮਾਂਹੀ  
 । ਰਾਜ ਕੋਟਿ ਗੁਣ ਸੁਖਿ ਬਨਮਾਂਹੀ । ਰਾਜ ਨ ਹੋਇ ਸੁਮੇ ਮਨ  
 ਮਾਹੀਂ ॥ ੭੫ ॥ ਤੇਰੇ ਸੱਤਿਪਾਲ ਤਹਿ ਕਰੇ । ਦੇਵਕਾਜ ਸਭ ਯਾ  
 ਬਿਧ ਸਰੇ । ਮਾਤ ਕਕੇਈ ਕਹਿਯੋ ਬਨਬਾਸਾ । ਮੇਰੇ ਹੈ ਬਹੁ  
 ਗੁਣ ਪਰਗਾਸਾ ॥ ੭੬ ॥ ਅਬਹੀ ਬਨ ਜਾਨੋਂ ਮੈਂ ਚਹੋਂ  
 । ਢੀਲ ਨਹੀਂ ਉਰ ਅੰਤਰ ਗਹੋਂ । ਤਿਲਕ ਹੇਤ ਜੋ ਆਨੇ ਭਾਰ ।  
 ਤੇ ਸਭ ਧਾਰੋ ਭਵਨ ਮਝਾਰ ॥ ੭੭ ॥ ਦੋਹਰਾ ॥ ਜਨਕ  
 ਨੰਦਨੀ ਤੋਖ ਕਰ ਮਾਤਾ ਕੋ ਅਸ੍ਰਾਸ । ਤਵ ਪਦ ਪੰਕਜ  
 ਬੰਦਕੈ ਮੈ ਜਾਵੋਂ ਬਨਬਾਸ ॥ ੭੮ ॥ ਚੌਪਈ ॥ ਯਾ ਬਿਧ  
 ਰਾਮ ਉਚਾਰਣ ਕੀਨੋਂ । ਭੂਪਤਿ ਕੋ ਪਰਕਰਮਾ ਦੀਨੋਂ । ਮਾਤ  
 ਕੋ ਸੱਲਯਾ ਦੇਖਨ ਹੇਤ । ਆਵਨ ਭਯੋ ਸੁ ਧਰਮ ਨਿਕੇਤ ॥  
 ੭੯ ॥ ਸੰਕਰੁ ਛੰਦ ॥ ਕੋ ਸੱਲਯਾ ਹਰਿ ਪੂਜ ਕੈ ਉਰ ਰਾਮ



ਕਾਰਜਧਾਰ। ਧਨਬਾਮਨਾਂ ਬਹੁਦਾਨਦੈ ਪੁਨਿਹੋਮਕੀਨ ਅਪਾਰ  
 । ਕਰਮਨ ਇਕਾਗਰ ਆਪਨੋਂ ਉਰ ਬਿਸ਼ਨ ਧਿਆਨ ਉਦਾਰ ।  
 । ਤਿਨਿ ਨੈਨ ਦੇਨੋ ਮੀਰਕੈ ਮੁਖਿ ਮੋਨ ਲੀਨੋ ਧਾਰ ॥ ੯੦  
 ॥ ਹੈ ਸੁ ਅੰਤਰਿ ਸਰਬ ਕੇ ਪੁਨਿ ਏਕ ਰੂਪ ਅਨੂਪ । ਘਨ ਚਿਤ  
 ਪ੍ਰਕਾਸ਼ ਅਨੰਦ ਸਤ ਪੁਨਿ ਸਰਬ ਅਧਿਕ ਸਰੂਪ । ਯਾ ਬਿਧ  
 ਅਨੂਪਸਰੂਪਜੋਹਰਿਧਾਰਯੋਉਰਧਾਮ । ਨੈਨਦੋਨੋਹੈਮਿਏਤਿਨ  
 ਨਾਂਹਿਪੇਖੇਰਾਮ ॥ ੯੧ ॥ ਇਤਿਸ੍ਰੀਮਤਿਅਧਯਾਤਮਰਾਮਾਇਣੇ  
 ਉਮਾਂਮਹੇਸ਼ੁਰ ਸੰਬਾਦੇ ਅਜੁਧਿਆ ਕਾਂਡੇ ਤ੍ਰਿਤੀਯੋਧਿਯਾਇ ॥ ੩ ॥

॥ ਸ੍ਰੀਮਹਾਂਦੇਵੇਵਾਰ ॥ ਸੰਕਰਛੰਦ ॥

ਪਿਖ ਸੁਮਿੱਤ੍ਰਾ ਰਾਮ ਕੋ ਦ੍ਰਿਗਕੰਜ ਸੋਭ ਅਪਾਰ । ਕੋਸ਼ਲਿਆ ਕੋ  
 ਭਾਖਿਯੋਪਿਖ ਰਾਮਖਰੇਉਦਾਰ। ਸੁਨਿਰਾਂਮਨਾਮਕੁਸ਼ਲਿਯਾਦ੍ਰਿਗ  
 ਲਏ ਤਾਹਿਉਘਾਰ । ਬਿਸਾਲ ਨੈਨ ਸੁਰਾਮਕੋ ਪਿਖਗੋਦਲੀਨ  
 ਬੈਠਾਰ ॥ ੧ ॥ ਗੀਯਾ ਮਾਲਤੀ ਛੰਦ ॥ ਸਿਰ ਚੁੰਮ ਕੰਠ  
 ਲਗਾਇਕੇ ਸੁਤ ਜੋ ਚਹੇ ਸੋ ਲੀਜੀਏ । ਉਪਵਾਸਿਕੀ ਉਰ ਭੂਖ  
 ਹੈ ਮਿਸ਼ਟਾਨ ਭੋਜਨ ਕੀਜੀਏ । ਸੁਨਿ ਰਾਮ ਆਪ ਬਖਾਨਿਯੋ  
 ਨਹਿ ਕਾਲ ਭੋਜਨ ਕੋ ਅਹੇ । ਅਬ ਬੇਗ ਮਾਇ ਸੁ ਮੈਂ ਚਲੋਂ  
 ਮੈਬਾਸ ਦੰਡੁਕ ਬਨ ਗਹੇ ॥ ੨ ॥ ਕੈਕੇਈ ਕੋ ਵਰਦਾਨ ਕੈ ਪੁਨਿ  
 ਸੱਤਿ ਵਾਦੀ ਭੂਪਤੀ । ਭਰਤ ਕੋ ਦਯੋ ਰਾਜ ਪੁਰ ਕੋ ਮਮ  
 ਅਰੰਨ ਮਹਾਂ ਮਤੀ ॥ ਬਰਖ ਚੋਦਾਂ ਬਾਸਕੈ ਮੁਨਿ ਸੰਗਿ ਨੀਕੇ  
 ਜੀਜੀਯੇ । ਪੁਨਿ ਬੇਗ ਆਵੋਂ ਮਾਇ ਮੇਰੀ ਚਿੰਤ ਰੰਚ ਨ ਕੀ-



ਜੀਯੇ ॥ ੩ ॥ ਸਵੈਯਾ ॥ ਸੁਨਿ ਰਾਮ ਕੀ ਬਾਤ ਸੁਦੁੱਖ ਬਢਿਯੋ  
 ਤਨ ਮੂਰਛ ਜਾਇ ਪਰੀ ਧਰਿ ਮਾਹੀ । ਉਠਿ ਵੇਰ ਸੁ ਰਾਮਹਿ  
 ਬਾਤ ਕਹੀ ਮਨ ਡੂਬਤ ਤਾ ਦੁਖ ਸਾਗਰਮਾਹੀਂ । ਬਨਜਾਹਿ  
 ਸੁ ਜੋ ਤੁਮ ਰਾਮ ਬਲੀ ਸੁਤਿ ਸੰਗਿ ਚਲੋਂ ਤਵ ਮੈਂ ਬਨ ਮਾਹੀਂ  
 । ਬਿਛਰੀ ਤੁਮ ਤੇ ਸੁਤ ਰਾਮ ਸੁਨੋ ਖਿਨ ਆਧ ਨ ਜੀਵਤ  
 ਹੋਂ ਜਗ ਮਾਹੀਂ ॥ ੪ ॥ ਗੀਯਾਮਾਲਤੀ ਛੇਦ ॥ ਜਿਉਂ  
 ਗਊ ਬਾਲਕ ਪੂਤ ਤਜਿ ਨਹੀਂ ਔਰ ਠੌਰਹਿ ਸੋ ਰਹੇ । ਤਿਯੋ  
 ਰਾਮਤੋਹਿ ਨ ਤਜੋਂ ਮੈਠੂੰ ਪ੍ਰਾਣ ਪਿਆਰੇ ਮੇ ਅਹੇ । ਪਰਸੰਨਿ ਭੂ  
 ਪਤਿ ਜੋ ਭਏ ਦੇ ਭਰਤ ਰਾਜ ਸਿੰਘਾਸਨੰ । ਕਿਸ ਹੇਤ ਭੂਪਤਿ  
 ਭਾਖ ਹੈ ਪੁਨਿ ਰਾਮ ਤਵ ਬਨ ਬਾਸਨੰ ॥ ੫ ॥ ਕੈਕਈ ਕੇ  
 ਵਰ ਦਾਨ ਦੇ ਸਰਬੰਸ ਦੇਵੇ ਤਾਹਿਕੋ । ਤੈਂਕੋ ਕੈਕਈ ਭੂਪ  
 ਕੇ ਅਪਰਾਧ ਕੀਨੋ ਨਾਹਿਕੋ । ਪਿਤਾ ਜਿਉਂ ਗੁਰ ਰਾਮ ਹੈ  
 ਤਿਉਂ ਮਾਤ ਅਧਿਕ ਪਛਾਨੀਯੇ । ਪਿਤਾ ਤੇ ਬਨਬਾਸ ਭਾਖਯੋ  
 ਮੈਂ ਹਟਾਵੇ ਮਾਨੀਯੇ ॥ ੬ ॥ ਸਵੈਯਾ ॥ ਮਮ ਵਾਕ ਉਲੰਘਨ  
 ਕੈ ਬਨ ਕੋ ਤੁਮ ਜਾਹੁ ਸੁ ਭੂਪਤਿ ਕੇ ਬਚ ਮਾਨੇ । ਤਬ ਮੈਂ  
 ਯਮ ਕੇ ਘਰ ਜਾਉਂ ਅਬੈ ਸੁਨਿ ਰਾਮ ਕਰੋਂ ਨਿਜ ਪ੍ਰਾਨਨ  
 ਹਾਨੇਂ । ਲਖਮੰਨ ਸੁਨੇ ਇਹ ਵਾਕ ਜਬੈ ਉਰ ਕੋਪ ਬਢਿਯੋ  
 ਜਨੁ ਆਗ ਸਮਾਨੇਂ । ਜਨ ਲੋਕ ਸੁ ਤੀਨ ਜਲਾਵਤ ਹੈਂ ਇਮ  
 ਯੇਖ ਤਬੈ ਤਿਨ ਬੈਨ ਬਖਾਨੇ ॥ ੭ ॥ ਲਖਮਣੋਂ ਵਾਚ ॥  
 ਹੈ ਉਨਮੱਤਿ ਸੁਨਾਰਿ ਅਧੀਨ ਸੁਭ੍ਰਾਤ ਮਹਾਂ ਉਰ ਭੂਪ  
 ਨਿਹਾਰੋਂ । ਬਾਂਧ ਤਿਨੋਂ ਘਰਿ ਰਾਖਤ ਹੋਂ ਉਰ ਰਾਮ ਬਡੀ ਪਗ



ਸਿੰਖਲ ਡਾਰੋਂ । ਬੰਧੁ ਸਮੇਤ ਚੁ ਮਾਤੁਲ ਮੈਂ ਭਰਤੈਂ ਪਥ ਅੰ  
 ਵਤ ਬਾਨਨ ਮਾਰੋਂ । ਦੇਖਹਿ ਮੈਂ ਬਲ ਦੇਵ ਸਭੈ ਸਭ ਲੋਕਨ  
 ਕੇ ਖਿਨ ਭੀਤਰ ਜਾਰੋਂ ॥ ੯ ॥ ਗੀਯਾਮਾਲਤੀ ਛੰਦ ॥ ਰਾਮ  
 ਤੂੰ ਕਰ ਤਿਲਕ ਭਾਲ ਸੁ ਬੈਠ ਰਾਜ ਸਿੰਘਾਸਨੰ ॥ ਬਿਘਨ  
 ਕਾਰੀ ਲੋਕ ਮੈਂ ਕਰ ਚਾਪ ਕਰੋਂ ਸੁ ਸਾਸਨੰ । ਇਮ ਕਹੈ ਲ  
 ਖਮਣ ਕੋਪ ਕੈ ਤਬ ਰਾਮ ਗਰੇ ਲਗਾਇਯੋ । ਉਮਾ ਤਾਂਸਿਰ  
 ਰੂਮ ਕੈ ਤਬ ਰਾਮ ਆਪ ਸੁਨਾਇਯੋ ॥ ੯ ॥ ਸ੍ਰੀ ਰਾਮੋਵਾਰ  
 ॥ ਚੌਪਈ ॥ ਰਘੁ ਸਰਦੂਲ ਭੁਜਾ ਬਲ ਧਾਰੀ । ਤੂੰ ਮੇਰੇ  
 ਅਤਿਸੈ ਹਿਤਕਾਰੀ । ਤਵ ਬਲ ਪਿਖੋਂ ਸਗਲ ਮਨ ਮਾਂਹੀਂ ।  
 ਲਖਮਨ ਸੁਨੋਂ ਸਮੈਂ ਅਬ ਨਾਹੀਂ ॥ ੯੦ ॥ ਵਿੱਸੁ ਸਰੀਰ ਰਾ  
 ਜ ਪੁਨਿ ਜੋਈ । ਜੋ ਲਖਮਣ ਯਹਿ ਸਾਰੇ ਹੋਈ । ਤੈ ਤਾਂ ਹੇਤ  
 ਸੁ ਯਤਨ ਤੁਮਾਰਾ । ਸਫਲ ਹੋਇ ਯਾ ਜਗਤ ਮਝਾਰਾ ॥ ੯੧  
 ॥ ਮੇਘਨ ਮਾਂਹੀਂ ਸੁ ਬਿਜੁਲੀ ਜੈਸੇ । ਭੋਗ ਸਭੈ ਜਗ ਚੰਚਲ  
 ਤੈਸੇ । ਤਪਤ ਲੋਹ ਜਗ ਬਿੰਦ ਸੁ ਜੈਸੀ । ਆਯੁ ਪਿਖੇ ਖਿਣ  
 ਭੰਗਰ ਤੈਸੀ ॥ ੯੨ ॥ ਜਿਉਂ ਮੇਂਡਕ ਕਉ ਅਹਿ ਮੁਖ ਗਹੇ ।  
 ਵਹਿ ਅਤ ਮੂਰਖ ਦੰਸਨ ਚਹੇ । ਕਾਲ ਸਰਪ ਤਿਉਂ ਲੋਕਨ  
 ਗ੍ਰਾਸੇ । ਮੂਰਖ ਕਰੇ ਭੋਗ ਉਰ ਆਸੇ ॥ ੯੩ ॥ ਜਾਕਰ ਮਨ  
 ਤੇ ਅਤਿ ਦੁਖ ਪਾਵੇਂ । ਤਾਂ ਸੁਖ ਹਿਤ ਵੈ ਕਰਮ ਕਮਾਵੇਂ । ਸੋ  
 ਤਨ ਆਤਮ ਤੇ ਅਤਿ ਨਿਆਰੇ । ਭੋਗ ਸੁ ਕਿੰਹਿ ਬਿਧ ਹੋਇ  
 ਬਿਚਾਰੇ ॥ ੯੪ ॥ ਮਾਤ ਪਿਤਾ ਭਾਈ ਸੁਤ ਦਾਰਾ ॥ ਜਾ ਸੰਗ  
 ਮ ਕਰ ਕਰੇ ਬਿਕਾਰਾ ॥ ਪ੍ਰਪਾਜੰਤ ਜਿਉਂ ਨਦੀਅਨ ਕਾਠ ॥



ਤਿਉਂ ਖਿਣ ਚੰਚਲ ਸੰਗਮ ਠਾਠ ॥ ੧੫ ॥ ਪਦਮਾ ਛਾਇਆ  
 ਜਿਉਂ ਅਤਿ ਚਲਾ । ਤਰਣ ਅਵਸਥਾ ਉਰਮ ਜਲਾ । ਸੁਪਨ  
 ਤੁਲ ਇਸਤ੍ਰੀ ਸੁਖ ਅਹੇ ॥ ਤੱਦਪ ਨਰ ਅਭਿਮਾਨਹਿ ਗਹੇ  
 ॥ ੧੬ ॥ ਸੁਪਨ ਤੁਲ ਯਹਿ ਸਭ ਸੰਸਾਰਾ ॥ ਸਦਾ ਰੋਗ  
 ਦੁਖ ਜਾਹਿ ਮਝਾਰਾ ॥ ਗੰਧਰਬ ਨਗਰ ਕੇ ਸਮ ਜਗਗਰੇ ॥  
 ਮੂਰਖ ਤਾਂ ਅਨੁਵਰਤਨ ਕਰੇ ॥ ੧੭ ॥ ਰਵਿ ਕੀ ਗਤਿ ਆ  
 ਗਤੀ ਆਧੀਨਾ ॥ ਆਯੁਰ ਹੋਇ ਨਿਰੰਤਰਿ ਖੀਨਾਂ ॥ ਜਰਾ ਮਰ  
 ਨ ਔਰਨ ਕੇ ਦੇਖੇ ॥ ਮੂਰਖ ਅਪਨੋ ਨਾਹਿ ਸੁਲੇਖੇ ॥ ੧੮ ॥  
 ਸੋਈ ਦਿਨ ਅਰੁ ਸੋਈ ਰਾਤਿ ॥ ਮੂਢ ਧਰੇ ਮਨ ਮੈਂ ਬਖਿਆਤ  
 ॥ ਭੋਗਨ ਕੇ ਅਨੁਧਾਵਨ ਕਰੇ ॥ ਕਾਲ ਬੇਗ ਕੀ ਖਬਰ ਨ ਪਰੇ  
 ॥ ੧੯ ॥ ਕਾਚੇ ਘਟ ਕੇ ਨੀਰ ਸੁ ਜੈਸੇ ॥ ਉਮਰਾ ਜਾਇ ਸੁ  
 ਖਿਣ ਖਿਣ ਤੈਸੇ ॥ ਸਫਲ ਬਾਣ ਜਿਉਂ ਕਰੇ ਪ੍ਰਹਾਰਾ । ਤਿਉਂ  
 ਤਨ ਰੋਗ ਸੁ ਕਰੇ ਸੰਘਾਰਾ ॥ ੨੦ ॥ ਬਾਘਨ ਜਿਉਂ ਜਗ  
 ਜਰਾ ਡਰਾਵੇ ॥ ਸਮੇਂ ਨਿਹਾਰ ਮਿਰਤ ਸੰਗ ਆਵੇ ॥ ਤੁਚ  
 ਪੁਨਿ ਮਾਸ ਹਾਡ ਅਰੁ ਵਿਸ਼ਾ ॥ ਮੂਤ੍ਰ ਰੇਤ ਰਕਤ ਜਿਹ ਨਿਸ਼ਾ  
 ॥ ੨੧ ॥ ਐਸੇ ਤਨ ਮੈਂ ਕਰ ਅਭਿਮਾਨ ॥ ਮੈਂ ਰਾਜਾ ਜੋ ਲੇਵੇ  
 ਮਾਨ ॥ ਅੰਤ ਸਮੇਂ ਤਨ ਬਿਸ਼ਾ ਹੋਈ ॥ ਕੈ ਪੁਨਿ ਭਸਮ ਕ੍ਰਿ  
 ਮਾਦਿਕ ਸੋਈ ॥ ੨੨ ॥ ਵਿਕਾਰੀ ਔਰ ਪ੍ਰਣਾਮੀ ਜੋਇ ॥ ਆ  
 ਤਮ ਦੇਹ ਕਦਾਪਿ ਨ ਹੋਇ । ਲਖਮਣ ਜੋ ਤਨ ਆਤਮ ਮਾਨ  
 ॥ ਲੋਕ ਦਹਨਿ ਕੇ ਚਹੇ ਭਵਾਨ ॥ ੨੩ ॥ ਦੋਖ ਅਹੇ ਜਗ ਭੀ  
 ਤਰ ਜੇਤੇ । ਤਨ ਅਭਿਮਾਨ ਹੋਇ ਸਭ ਤੇਤੇ ॥ ਦੇਹੋ ਹੀ ਯਦਿ



ਬੁਧਿ ਸੁ ਜੋਈ ॥ ਨਾਮ ਅਵਿਦਿਆ ਭਾਖੀ ਸੋਈ ॥ ੨੪ ॥ ਨਾਹਿ  
 ਦੇਹ ਚਿਦਾਤਮ ਹੱਥੇ । ਯਾ ਬਿਧਿ ਕੀ ਮਤਿ ਵਿੱਦਯਾ ਕੱਹੀਯੇ ॥  
 ਅਵਿੱਦਯਾ ਕਰ ਹੋਵੇ ਸੰਸਾਰ ॥ ਵਿਦਯਾ ਤਾਂਹਿ ਸੁ ਦਏ ਨਿਵਾਰ  
 ॥ ੨੫ ॥ ਤਾਂਤੇ ਭ੍ਰਾਤ ਮੋਖ ਉਰ ਧਰੇ । ਵਿਦਯਾ ਭਯਾਸ ਯਤਨ  
 ਬਹੁ ਕਰੇ ॥ ਕਾਮ ਸੁ ਕ੍ਰੋਧਾਦਿਕ ਹੈਂ ਜੇਤੇ ॥ ਮੋਖ ਪੰਥਕੇ ਬੈਰੀ  
 ਤੇਤੇ ॥ ੨੬ ॥ ਸਤੁ ਸੁਦਨ ਤਾਹਿ ਨਿਵਾਰੇ ॥ ਮੇਰੇ ਬਚਨ ਭਲੇ  
 ਉਰ ਧਾਰੇ ॥ ਤਿਨੈ ਮੈਂ ਕ੍ਰੋਧ ਅਹੇ ਜਗ ਜੋਈ ॥ ਮੋਖ ਬਿਨਾਸਕ  
 ਏਕੋ ਸੋਈ ॥ ੨੭ ॥ ਕ੍ਰੋਧ ਸੰਗ ਜਗੁ ਜੋ ਨਰ ਕਰੇ ॥ ਸੁਹਿਰਦ  
 ਭ੍ਰਾਤ ਤਾਤ ਸਿਹਰੇ ॥ ਕ੍ਰੋਧ ਮੂਲ ਤਨ ਤਾਪ ਪਛਾਨੇ ॥ ਕ੍ਰੋਧ  
 ਮੂਲ ਜਗ ਬੰਧਨ ਜਾਨੇ ॥ ੨੮ ॥ ਕ੍ਰੋਧ ਕਰੇ ਨਿਜ ਧਰਮ ਸੁ  
 ਘਾਤ । ਤਾਂਤੇ ਕ੍ਰੋਧ ਤਜੋ ਮਮ ਭ੍ਰਾਤ । ਕ੍ਰੋਧ ਬਡੇ ਜਗ ਸਤੁ ਸੁ  
 ਹੱਥੇ । ਵੈਤਰਣੀ ਨਦੀ ਸੁ ਤਿਸ਼ਨਾਂ ਪੱਥੇ ॥ ੨੯ ॥ ਸੰਤੋਖ ਨਾਮ  
 ਨੰਦਨ ਬਨ ਜਾਨੇ । ਸ਼ਾਂਤਿ ਸੁ ਕਾਮਧੇਨ ਪਹਿਚਾਨੇ । ਤਾਂਤੇ  
 ਸ਼ਾਂਤਿ ਭਜੇ ਉਰ ਮਾਹੀ ॥ ਸਤੁ ਤੇਰੇ ਕੋਇਕ ਨਾਹੀ ॥ ੩੦ ॥  
 ਪ੍ਰਗੱਯਾ ਤਨ ਮਨ ਇੰਦ੍ਰੇ ਪ੍ਰਾਨੈ ॥ ਆਤਮ ਇਨ ਤੇ ਭਿੰਨ ਪਛਾ  
 ਨ ॥ ਸੁਯੇ ਜੋਤ ਅਤਿ ਸੁਧ ਸੁਆਹਿ ॥ ਵਿਕਾਰ ਹੀਨ ਆਕ੍ਰਿਤ  
 ਕਿਛੁ ਨਾਂਹਿ ॥ ੩੧ ॥ ਤਨਿ ਇੰਦ੍ਰੇ ਪੁਨਿ ਪ੍ਰਾਣ ਨਿਆਰੇ । ਜੋ ਲੋ  
 ਨਹਿ ਆਤਮ ਨਿਰਧਾਰੇ ॥ ਤੋਲੋ ਪਾਵੇ ਦੂਖ ਅਪਾਰਾ । ਮਾਹਿ  
 ਸੰਸਾਰ ਮਰੇ ਬਹੁ ਬਾਰਾ ॥ ੩੨ ॥ ਤਾਂਤੇ ਪ੍ਰਾਣਾਦਿਕ ਤੇ ਨਜਾਰੇ ।  
 ਲਖਮਣ ਉਰ ਆਤਮ ਨਿਰਧਾਰੇ ॥ ਬਾਹਿਰ ਕਰੇ ਸੁ ਸਭ  
 ਵਿਵਹਾਰੇ । ਖੇਦ ਨ ਹੋਇ ਸੁ ਰੰਚ ਤੁਮਾਰੇ ॥ ੩੩ ॥ ਪਰਾਰਬਧ ਸਭ



ਭੋਗੋ ਭ੍ਰਾਤ । ਸੁਖ ਦੁਖ ਜੋ ਜਗ ਮੈਂ ਬਖਯਾਤ । ਕਾਰਜ ਕਰੇ  
 ਅਹੇ ਜਗ ਜੋਈ । ਲੇਪ ਨ ਤੋਕੋ ਰੰਚਕ ਹੋਈ ॥ ੩੪ ॥ ਬਾਹ  
 ਰਿ ਕਰ ਕਰਿਤੱਤੁ ਵਿਕਾਰ । ਅੰਤਰਿ ਸੁਧ ਸੁਭਾਵ ਨਿਹਾਰ ।  
 ਕਰਮ ਅਹੇ ਜਗ ਭੀਤਰ ਜੋਈ । ਤੇ ਮਹਿ ਲੇਪ ਕਰੇ ਨਹਿ  
 ਤੇਈ ॥ ੩੫ ॥ ਮੇਰੋ ਕਹਯੋ ਗਯਾਨ ਯਹ ਸਾਰ । ਤੂੰ ਲਖਮਣ ਉਰ  
 ਅੰਤਰਧਾਰ । ਸੰਸਾਰ ਦੁਖ ਕੀ ਪੀੜਾ ਜੋਈ । ਤੇ ਮੈਂ ਨਾਹਿ  
 ਕਦਾਚਿਤ ਹੋਈ ॥ ੩੬ ॥ ਦੋਹਰਾ ॥ ਗਿਰਜਾ ਯਾ ਬਿਧ ਰਾਮ  
 ਜੀ ਕਹਯੋ ਭ੍ਰਾਤ ਪ੍ਰਤਿ ਗਿਆਨ । ਪੁਨਿ ਮਾਤਾ ਪ੍ਰਤਿ ਭਾਖਿਯੋ  
 ਸੁਨੋ ਸਗਰ ਦੇ ਕਾਨ ॥ ੩੭ ॥ ਚੌਪਈ ॥ ਮਾਤਾ ਮੈਂ ਯਹਿ  
 ਭਾਖਯੋ ਜੋਈ । ਤੁਮ ਉਰ ਅੰਤਰ ਧਾਰੋ ਸੋਈ । ਮਮ ਆਗਮਨ  
 ਪ੍ਰਤੀਖਨ ਕਰੋ । ਦੂਖ ਸਗਲ ਉਰ ਕੇ ਪਰਹਰੋ ॥ ੩੮ ॥ ਕਰਮ  
 ਪੰਥ ਮੇਂ ਆਏ ਜੋਈ । ਸਦਾ ਇਕਤ੍ਰ ਰਹੇ ਨਾ ਤੇਈ । ਨਦ ਪਰ  
 ਵਾਹਿ ਯਥਾ ਸਰ ਭਾਰੇ । ਕਬੀ ਮਿਲੇ ਕਬ ਜਾਹਿ ਨਿਆਰੇ ॥  
 ੩੯ ॥ ਚੌਦਹ ਬਰਖ ਕਾਲ ਹੈ ਜੇਤੇ । ਆਧੋ ਖਿਣ ਜਿਉਂ ਭਾਵੇ  
 ਤੇਤੇ । ਦੂਖ ਸਗਲ ਉਰ ਕੇ ਪਰਹਰੋ । ਮਾਇ ਮੋਹਿ ਅਨਮੋਦਨ  
 ਧਰੋ ॥ ੪੦ ॥ ਦੋਹਰਾ ॥ ਯਾ ਬਿਧ ਕਰੋ ਸੁ ਮਾਤ ਅਬ ਮੇ ਪਰ  
 ਕਰੁਣਾ ਧਾਰ । ਤੈ ਬਨਬਾਸ ਸੁ ਮੋਹਿ ਕੋ ਹੋਵੇਗੋ ਸੁਖਕਾਰ ॥  
 ੪੧ ॥ ਸ੍ਰੈਯਾ ॥ ਇਮ ਰਾਮ ਉਚਾਰ ਉਮਾਂ ਮੁਖਤੇ ਤਬ ਦੰਤ  
 ਪ੍ਰਣਾਮ ਕਰੀ ਧਰਮਾਹੀਂ । ਚਿਰਕਾਲ ਪਰੇ ਧਰ ਉਪਰ ਵੈ  
 ਅਰੁ ਮਾਤ ਕੇ ਪਾਦ ਗਹੇ ਕਰ ਮਾਹੀਂ । ਤਬ ਮਾਤ ਉਠਾਇ ਸੁ  
 ਗੋਦ ਲਏ ਸਿਰ ਚੁੰਮਤਨੀਰ ਬਹੇ ਦ੍ਰਿਗ ਮਾਹੀਂ । ਬਨ ਰਾਮ



ਚਲੇ ਪਿਖ ਮਾਤ ਤਬੈ ਸੁ ਅਸੀਸ ਕਹੇ ਅਪਨੇ ਮੁਖ ਮਾਹੀਂ ॥  
 ੪੨॥ ਸੁਰ ਸਾਧ ਕਹੇਂ ਜਿਨਕੇ ਜਗ ਮੇਂ ਅਰ ਹੈ ਪਿਤਰਾ ਭੁਵ  
 ਮੈ ਬਿਖਯਾਤਾ । ਪੁਨਿ ਔਰ ਮਹਾਂ ਰਿਖ ਪੂਖ ਭਯੋ ਯਮ ਔ ਵਰ  
 ਣਾਂ ਪੁਨ ਜੇ ਵਸਯਾਤਾ । ਦਿਸ ਮਿਤ੍ਰ ਆਦਿਕ ਖਿਪਾ ਦਿਨ  
 ਸੰਬਤ ਮਾਸ ਸਮੇਤ ਸੁ ਰੁਦ੍ਰ ਬਿਯਾਤਾ । ਸੁਤ ਤੇ ਬਨਮੈ ਕਲਯਾਨ  
 ਕਰੇਂ ਇਮ ਭਾਖਤ ਹੈ ਰਘੁਬੀਰ ਕੀ ਮਾਤਾ ॥ ੪੩ ॥ ਬਿਤਰਾ—  
 ਸੁਰ ਮਾਰਨਕੇ ਜਬਹੀ ਗਜਰਾਜ ਚੜੇ ਸੁਰ ਰਾਜ ਪਧਾਰੇ ।  
 ਸੁਰ ਮੰਗਲ ਜੋ ਹਿਤ ਤਾਹਿਂ ਕਰੇ ਵਹਿ ਮੰਗਲ ਹੇਤ ਸੁ ਹੋਇ  
 ਤੁਮਾਰੇ । ਅਮੀ ਰਸ ਲੈ ਸੁ ਚਲੇ ਬਿਨਤਾ ਸੁਤ ਸੀਸ ਜਬੈ  
 ਬਿਨਤਾ ਪਗ ਧਾਰੇ । ਬਿਨਤਾ ਤਬ ਮੰਗਲ ਜੋਇ ਕਰੇ ਵਹਿ  
 ਮੰਗਲ ਤੇ ਰਘੁਬੀਰ ਪਧਾਰੇ ॥ ੪੪ ॥ ਧ੍ਰਿਤਸਿਮ੍ਰਤ ਬੇਦ ਸੁ  
 ਬਿਦਯਾ ਸਭੈ ਪੁਨਿ ਬੇਦਨ ਕੇ ਰਿਖ ਅੰਗ ਉਚਾਰੇ । ਰਿਖ ਦੇ  
 ਵ ਸੁ ਮੰਤ੍ਰ ਅਥਰਬਣ ਜੂ ਸਭਹੀ ਯਹਿ ਰੱਖਕ ਹੋਇ ਹਮਾਰੇ ।  
 ਰਿਖ ਸਾਤ ਸੁ ਨਾਰਦ ਸਿਧ ਮਹਾਂ ਸੁਰ ਚਾਰਯ ਸ਼ੁਕ੍ਰ ਸੁ ਸੋਮ  
 ਉਦਾਰੇ । ਗ੍ਰਹ ਔਰ ਨਿਖਤ੍ਰ ਸੁ ਦੇਵ ਸਭੈ ਬਨ ਮੈਂ ਸੁਤ ਪਾਲਕ  
 ਹੋਹਿ ਤਿਹਾਰੇ ॥ ੪੫ ॥ ਸੁ ਮਹਾ ਬਿਖ ਨਾਗ ਪਿਸਾਚ ਬਡੇ  
 ਪੁਨਿ ਰਾਖਸ਼ ਯਖ ਭਯਾਨਕ ਸਾਰੇ । ਗਜ ਸਿੰਘ ਬਯਾਘਰ  
 ਕੋਲ ਬਡੇ ਪੁਨਿ ਕੀਟ ਪਤੰਗ ਸੁ ਗੰਡ ਉਚਾਰੇ । ਤਰਖਾ  
 ਰਛ ਏਸ ਮਹਾਂ ਬਿਛੁਆ ਅਤਿਕੂਰ ਸੁਭਾਵ ਨਾ ਜਾਂਹਿ ਨਿਹਾਰੇ  
 ॥ ਸਭ ਕੂਰ ਸੁਭਾਵ ਜੇ ਬਨ ਮੈਂ ਸੁਤ ਤੇ ਹਿਤ ਸੋਮ ਸੁਭਾਵ  
 ਸਵਾਰੇ ॥ ੪੬ ॥ ਚੰਪਈ ॥ ਅੰਤਰ ਰਿਖ ਵਾਸੀ ਹੈਂ ਜੇਤੇ ।



ਤੇ ਕੱਲ੍ਹਾਨ ਕਰੇਂ ਸੁਤ ਤੇਤੇ । ਭੂਤਲ ਔਰ ਪਤਾਲ ਨਿਵਾਸੀ ।  
 ਸੁਅਸਤਿ ਕਰੇ ਤੁਮਕੋ ਸੁਖ ਰਾਸੀ ॥ ੪੭ ॥ ਦੋਹਰਾ  
 ॥ ਬ੍ਰਹਮਾ ਬਿਸ਼ਨ ਮਹੇਸ਼ ਜੇ ਦੇਵਨ ਮੈਂ ਪਰਧਾਨ । ਸੋਏ ਬੈਠੇ  
 ਪਥ ਚਲੇ ਤੇਰੀ ਕਰੇਂ ਕੱਲ੍ਹਾਨ ॥ ੪੮ ॥ ਨਰਾਜ ਛੰਦ ॥  
 ਸਦਾ ਸੁਖੀ ਰਹੇ ਬਨੇ ਨ ਪੂਤ ਦੂਖ ਕੋ ਲਹੇ । ਅਰਾਂਤ ਪੁੰਜ  
 ਜੀਤਕੈ ਬਿਭੂਤ ਤੇਜ ਕੇ ਗਹੇ । ਸਕੇਤ ਸੰਖ ਦੁੰਦਭੀ ਬਜਾਇ  
 ਸੰਖ ਕੈ ਬਰੇ । ਸੁ ਮਾਤ ਤਾਤ ਦਾਸ ਕੇ ਕਲੇਸ਼ ਪੁੰਜ ਕੇ ਹਰੇ  
 ॥ ੪੯ ॥ ਸਵੈਯਾ ॥ ਇਹ ਭਾਂਤ ਅਸੀਸ ਦਈ ਜਨਨੀ ਤਬ  
 ਰਾਮ ਚਲੇ ਬਨ ਸੀਸ ਨਿਵਾਏ । ਤਬ ਰੋਇ ਸੁ ਮਾਤ ਲਏ  
 ਗਲ ਮੈਂ ਸਿਰ ਚੁੰਮ ਸੁ ਅੱਛਤ ਭਾਲ ਲਗਾਏ ॥ ਇਹ ਰਾਮ  
 ਅਸੀਸ ਪੜ੍ਹੈ ਨਰਜੋ ਉਠ ਪ੍ਰਾਤ ਸਮੈਂ ਮਨ ਪ੍ਰੇਮ ਬਢਾਏ । ਕਬਿ  
 ਸਿੰਘ ਗੁਲਾਬ ਸਦਾ ਸੁਖ ਸੋ ਤਨ ਅੰਤ ਸਮੈਂ ਹਰਿਕੇ ਪੁਰ ਜਾਏ  
 ॥ ੫੦ ॥ ਚੌਪਈ ॥ ਲਖਮਣ ਤਾਂਹਿ ਸਮੈ ਰਘੁਨਾਥ  
 । ਕਰ ਪਰਣਾਮ ਜੋਰ ਨਿਜ ਹਾਥੇ । ਹਰਖ ਨੈਨ ਜਲ ਗਦ  
 ਗਦ ਬਾਨੀ । ਰਾਮਚੰਦ ਪ੍ਰਤਿ ਕਹਯੋ ਭਵਾਨੀ ॥ ੫੧ ॥  
 ਰਾਮ ਮੋਹਿ ਉਰ ਸੰਸਾ ਜੋਈ । ਤੈ ਕਰਣਾਂ ਕਰ ਕਾਟਿਯੋ  
 ਸੋਈ । ਮੈਂ ਸੇਵਾ ਹਿਤ ਚਾਲੋਂ ਸਾਥਾ । ਆਗਯਾ ਦਿਜੇ ਸੁ  
 ਮਮ ਰਘੁਨਾਥਾ ॥ ੫੨ ॥ ਦੋਹਰਾ ॥ ਮੋਹ ਅਨੁਗ੍ਰਹ  
 ਕੀਜੀਯੇ ਸੰਗ ਚਲੋਂ ਵਡ ਭਾਗ । ਨਾਤਰ ਅਪਨੇ ਪ੍ਰਾਣ ਜੋ  
 ਦੇਵੋਂ ਸਨਮੁਖ ਤਯਾਗ ॥ ੫੩ ॥ ਦੋਹਰਾ ॥ ਲਖਮਣ ਕੋ ਹਠ  
 ਪੇਖ ਕੈ ਰਾਮ ਕਹਿਯੋ ਚਲ ਬੀਰ । ਸੀਤਾ ਕੇ ਸਮਝਾਨ ਕੋ



ਬਹੁਰ ਗਏ ਰਘੁ ਬੀਰ ॥ ੫੪ ॥ ਭੁਜੰਗ ਪ੍ਰਯਾਤ ਛੰਦ ॥  
 ਜਬੈ ਰਾਮ ਆਏ ਤਬੈ ਸੀਯ ਜਾਨੇ । ਲਯੋ ਹੇਮ ਭਾਂਡੋ ਜਲੰ  
 ਆਪ ਤਾਨੇ । ਭਲੇ ਪਾਦ ਧੋਏ ਪੁਨਾਂ ਬੈਠ ਆਗੇ । ਪੁਛੇ ਸੀਯ  
 ਬਾਤੈਂ ਬਡੇ ਭਾਗ ਜਾਗੇ ॥ ੫੫ ॥ ਕਹਾਂ ਨਾਥ ਸੇਨਾਂ ਬਿਨਾ ਸੈਨ  
 ਆਏ । ਸਸੀ ਸੇਤ ਛੱਤ੍ਰ ਨਹੀਂ ਸੀਸ ਛਾਏ । ਨਹੀਂ ਵਾਦ ਬਾਜੇ  
 ਭਯੋ ਕੌਨ ਹੇਤੂ । ਨਹੀਂ ਕ੍ਰੀਟ ਸੀਸਿ ਕਹਾਂ ਧਰਮਕੇਤੂ ॥ ੫੬ ॥ ਬਡੇ  
 ਰਾਜ ਪਾਯੋ ਭਯੋ ਹਰਖ ਤੋਕੇ । ਚਲੇ ਬੇਗ ਆਏ ਕਹੋ ਸਰਬ ਮੋਕੇ  
 । ਹਸੇ ਰਾਮ ਬੋਲੇ ਕਹੋ ਸੀਯ ਤੋਕੇ । ਦਯੋ ਵੰਡ ਆਰੰਠ ਦੈ  
 ਰਾਜ ਮੋਕੇ ॥ ੫੭ ॥ ਮਹਾਂ ਸੱਤਵਾਦੀ ਸੁ ਰਾਜਾ ਦਯਾਲੰ । ਦਯੋ  
 ਰਾਜ ਜੋਈ ਕਰੋਂ ਜਾਇਪਾਲੰ । ਅਬੈ ਬੇਗ ਜਾਂਉਂ ਬਨੰ ਸੀਯ  
 ਪਯਾਰੀ । ਕਹੀ ਬਾਤ ਸਾਚੀ ਨ ਝੂਠੀ ਹਮਾਰੀ ॥ ੫੮ ॥ ਜਹਾਂ  
 ਮਾਤ ਮੇਰੀ ਰਹੇ ਤਾਤ ਰਾਜਾ । ਤਹਾਂਨੀਤ ਠਾਢੀ ਰਹੀਂ ਸੇਵ  
 ਕਾਜਾ । ਭਲੀਭਾਂਤ ਨੀਕੇ ਤੂੰ ਸਸਧਾਮ ਰਹੀਯੋ । ਮਿਲੋਂ ਆਨ  
 ਸੁਖ ਸੋਂ ਯਹੀ ਸਮਝ ਲਹੀਯੋ ॥ ੫੯ ॥ ਸੰਕਰ ਛੰਦ ॥  
 ਸੁਨਿਰਾਮ ਕੀ ਯਹਬਾਤ ਸੀਤਾ ਭਈ ਉਰਮੈ ਭੀਤ । ਬਾਖਾਨਿਓ  
 ਤਬ ਆਪ ਸੀਤਾ ਬਜਾਕੁਲੇ ਅਤਿਚੀਤ । ਕਿਹ ਹੇਤ ਤੇ ਬਨ  
 ਬਾਸ ਭੂਪਤਿ ਦਯੋ ਆਪ ਉਦਾਰ । ਇਹਰਾਮ ਮੋਹਿ ਬਖਾਨੀਏ  
 ਮਨ ਤਪਤ ਭਯੋ ਹਮਾਰ ॥ ੬੦ ॥ ਤਬ ਰਾਮ ਆਪ  
 ਬਖਾਨਿਯੋ ਸੁਨ ਜਾਨਕੀ ਦੈ ਕਾਨ । ਸੰਤੁਸਟ ਭੂਪਤਿ ਕੇਕਈ  
 ਵਰ ਦੇਨਕੀਨ ਬਖਾਨ । ਭਰਤ ਕੋ ਦਯੋ ਰਾਜ ਭੂਪਤ  
 ਮੋਹਿ ਕੋ ਬਨਬਾਸ । ਬਰਖ ਚੰਦਹਿ ਮੈਂ ਬਸੋਂ ਬਨ ਸੁਖ



ਸੌਂ ਮੁਨਿ ਪਾਸ ॥ ੬੧ ॥ ਕੈਕੇਈ ਨੇ ਵਰ ਮਾਂਗਯੋ ਦਯੋ  
 ਸੱਤਵਾਦੀ ਭੂਪ ॥ ਮੈਂ ਜਾਉਂ ਬੇਗ ਸੁ ਭਾਮਨੀ ਨਹਿੰ ਵਿਘਨ  
 ਕਰੋ ਅਨੂਪ ॥ ਸੁਨਿ ਰਾਮ ਕੇ ਯਹ ਵਾਕ ਸੀਤਾ ਪ੍ਰੇਮ ਕੇ ਬਸ  
 ਹੋਇ ॥ ਮੈਂ ਜਾਉ ਆਗੇ ਰਾਮ ਜੀ ਤੁਮ ਆਹੁ ਪਾਛੇ ਸੋਇ ॥  
 ੬੨ ॥ ਜੋਗ ਨਾ ਬਨ ਜਾਵਨੋ ਤਵ ਮੋ ਬਿਨਾ ਸੁਨ ਰਾਮ ॥  
 ਪ੍ਰਸਨ ਸੁਨਿ ਰਘੁਨਾਥ ਸੀਤਾ ਕਹੇ ਕਰਣਾ ਧਾਮ ॥ ਕੈਸੇ  
 ਲਜਾਵੋਂ ਤਵ ਬਨੰ ਸੁਨਿ ਜਾਨਕੀ ਦੇ ਕਾਨਿ ॥ ਬਹੁ ਬਜਾਲ  
 ਜਾਂ ਬਨ ਮਾਹਿ ਢੁਕੇ ਮ੍ਰਿਗ ਬਯਾਕੁਲ ਜਾਨ ॥ ੬੩ ॥  
 ਅਤਿ ਘੋਰ ਰਾਖਸ਼ ਜਾਹਿ ਮੈ ਪੁਨ ਖਾਹਿ ਮਾਨਸ ਨੀਤ ॥ ਸਿੰਘ  
 ਬਿਆਘਰ ਸੂਕਰਾ ਬਹੁ ਫਿਰੋਂ ਅਤਿ ਨਿਰਭੀਤ ॥ ਕਟਿ ਅਮਲ  
 ਫੂਲ ਫਲਾਦਿਕਾ ਤਹਿ ਬਨੇ ਭੋਜਨ ਕਾਜ ॥ ਆਪੁਪਿ ਬਿੰਜਨ  
 ਨਾ ਮਿਲੇ ਜੋ ਦੇਖੀਏ ਘਰ ਸਾਜ ॥ ੬੪ ॥ ਮਿਲੇ  
 ਕਬਹੂੰ ਨਾ ਮਿਲੇ ਫਲ ਮੂਲ ਭਾਖੇ ਜੋਇ ॥ ਅਤਿ ਘੋਰ ਬਣ  
 ਭਯ ਦਾਇਕੋ ਨਹਿ ਰਾਹ ਪੇਖੇ ਕੋਇ ॥ ਸਰਕਰਾ ਪੁਨ ਕੰਟ  
 ਕਾ ਖਗ ਦੰਸ ਜਾਹਿ ਘਨੇਰ ॥ ਗੁਹਾ ਗਹਵਰ ਹੈ ਘਨੀ ਸਮ  
 ਰਾਤਿ ਜਾਹਿ ਅੰਧੇਰ ॥ ੬੫ ॥ ਇਹ ਭਾਂਤਿ ਹੈ ਤਿਹ ਦੁਖ  
 ਘਨਾ ਜਿਹੰ ਦੰਡਕਾ ਬਨ ਨਾਮ ॥ ਪਾਦ ਕੈ ਤਿਹ ਜਾਵਨੋਂ  
 ਤਨ ਸੀਤ ਹੈ ਤਨ ਘਾਮ ॥ ਰਾਖਸ਼ਾਂ ਕੇ ਹੇਰ ਕੇ ਤੂੰ ਤਜੇਂ ਸੀਤੇ  
 ਪ੍ਰਾਨ ॥ ਘਰਬੀਚ ਰਹੁ ਭੂੰ ਭਾਮਨੀਂ ਉਰ ਕਹਿਓ ਮੇਰੇ ਮਾਨ ॥  
 ੬੬ ॥ ਮੈਂ ਬੇਗ ਆਵੋਂ ਸੁੰਦਰੀ ਉਰ ਸ਼ੰਕ ਰੰਚ ਨ ਧਾਰ  
 ॥ ਪੁਨਿ ਬੇਗ ਪੇਖੇ ਮੋਹਿ ਕੇ ਇਮ ਰਾਮ ਕੀਨ ਉਚਾਰ ॥ ਸੁਨਿ



ਰਾਮ ਕੀ ਯਹਿ ਬਾਤ ਸੀਤਾ ਭਇਓ ਦੁਖ ਉਰਮਾਹਿੰ । ਕਛੁ  
 ਕੋਪ ਕੈ ਮੁਖਿ ਤਾਂ ਫੁਰੇ ਪੁਨਿ ਕਹੇ ਸੀਤਾ ਨਾਹਿੰ ॥ ੬੭ ॥  
 ਕਿਉਂ ਰਾਮ ਮੇ ਕੋ ਤਿਆਗ ਹੈਂ ਮੈਂ ਧਰਮ ਪਤਨੀ ਦੇਵ ॥  
 ਪਤਿਬ੍ਰਤਾ ਨਿਰਦੋਖ ਮੈਂ ਆਨੰਨ ਕਰਤੀ ਸੇਵ । ਧਰਮੰਗ ਤੂੰ  
 ਜਗ ਭਾਖੀਏ ਪੁਨਿ ਦਯਾ ਤੋਹਿ ਅਪਾਰ ॥ ਸਮੀਪ ਤੇਰੇ ਮੈਂ  
 ਰਹੋਂ ਬਨ ਕੇ ਕਰੇ ਅਪਕਾਰ ॥ ੬੮ ॥ ਫਲ ਮੂਲ ਜੋ  
 ਭੋਜਨ ਬਨੇ ਤਵ ਖਾਇ ਛੋਡੋਂ ਜੋਇ ॥ ਤਿਹ ਖਾਇ ਬਿਚਰੋਂ  
 ਸੁਖੀ ਪੁਨਿ ਮੇਂ ਸੁਧਾ ਸਮ ਹੈ ਸੋਇ ॥ ਤਵ ਸਾਥ ਬਿਚਰੋਂ ਰਾਮ  
 ਮੈਂ ਕੁਸ ਕਾਸ ਕੰਟਕ ਜੋਇ । ਸਮ ਫੂਲ ਕੇ ਸੁ ਬਿਛਾਵਨੇ  
 ਮਮ ਹੋਂਹਿਗੇ ਬਨ ਸੋਇ ॥ ੬੯ ॥ ਸਵੈਯਾ ॥ ਰਾਮ  
 ਕਲੇਸ ਨ ਤੋਹਿ ਦਯੋਂ ਤਵ ਕਾਰਯ ਮੈਂ ਕਰਹੋਂ ਬਨਮਾਹੀਂ ॥  
 ਔਰ ਸੁਨੋ ਜਬ ਬਾਲ ਹੁਤੀ ਇਕ ਜੋਤਕ ਆਇ ਪਿਤਾ ਘਰ  
 ਮਾਹੀਂ ॥ ਰਾਮ ਕਹਿਓ ਮਮ ਪੇਖ ਤਿਨੇ ਪਤਿ ਸੰਗ ਵਸੇ  
 ਕਬਹੀ ਬਨ ਮਾਹੀਂ ॥ ਵਾਕ ਸੁ ਬ੍ਰਹਮਨ ਹੋਇ ਤਬੈ ਤਵ ਸੰਗ  
 ਚਲੋਂ ਜਬ ਮੈਂ ਬਨ ਮਾਹੀਂ ॥ ੭੦ ॥ ਕਛੁ ਔਰ ਕਹੋ ਮਮ  
 ਸੰਗ ਲਯੋ ਸੁਨਿ ਕੈ ਮਨਿ ਭੀਤਰ ਆਇ ਜਬੀ ॥ ਸੁ  
 ਰਾਮਾਇਣ ਜਾਂ ਬਹੁ ਬਾਰ ਸੁਨੇਂ ਤਿਨ ਬਾਮਨ ਕੋ ਤੁਮ ਪੂਛ  
 ਅਬੀ ॥ ਦਿਜ ਰਾਜ ਕਹਯੋ ਪੁਰ ਔਧਹੁ ਤੇ ਬਨ ਰਾਮ  
 ਗਏ ਬਿਨ ਸੀਅ ਕਬੀ ॥ ਦਿਜ ਰਾਜ ਬਖਾਨਤ ਜੋ  
 ਮੁਖ ਤੇ ਤੁਮ ਰਾਮ ਤਿਆਗਹੁ ਮੋਹਿ ਤਬੀ ॥ ੭੧ ॥ ਤਵ  
 ਸੰਗ ਚਲੋਂ ਸੁਨ ਰਾਮ ਅਬੈ ਤਵ ਕਾਰਯ ਕੀ ਬਨ ਨੀਤ ਸ-



ਹਾਈ ॥ ਜਬ ਮੇ ਤਜ ਰਾਮ ਸੁ ਜਾਹਿ ਚਲੇ ਤਬ ਪ੍ਰਾਨ ਦਯੋ  
 ਖਿਨ ਮਾਹਿ ਬਹਾਈ ॥ ਇਹ ਭਾਂਤਿ ਹਠੀ ਉਰ ਸੀਯ ਜਬੈ  
 ਤਬ ਜਾਨ ਲਯੋ ਮਨ ਮੈਂ ਰਘੁਰਾਈ ॥ ਮਮ ਸੰਗ ਚਲੋ ਤਵ  
 ਕਾਜ ਕਹਯੋ ਅਬ ਕਾਜ ਬਨੇਂ ਨਹਿ ਢੀਲ ਲਗਾਈ ॥ ੭੨ ॥  
 ਚੌਪਈ ॥ ਹਾਰ ਅਭਰਣ ਅਹੇ ਤਵ ਜੇਤੇ ॥ ਬੇਗ ਅਰੁੰਧਤ  
 ਦੀਜੇ ਤੇਤੇ ॥ ਬ੍ਰਹਮਣ ਕੋ ਵੈ ਧਨਹਿ ਅਪਾਰਾ ॥ ਹਮ ਚਾਲੇ  
 ਅਬ ਵਿਪਨ ਮਝਾਰਾ ॥ ੭੩ ॥ ਲਖਮਣ ਤੁਮ ਅਬ ਬੇਗ  
 ਸੁ ਜਾਵੋ ॥ ਭਗਤਿ ਸਹਿਤ ਤੁਮ ਦਿਜਵਰ ਲਯਾਵੋ ॥ ਅਪਨੋ  
 ਧਨ ਅਬ ਦੇਵੇਂ ਤਾਹਿ ॥ ਹਮ ਸੋਂ ਚਲੋ ਅਬੀ ਬਨ ਮਾਂਹਿ ॥  
 ੭੪ ॥ ਵੋਹਰਾ ॥ ਯਾ ਬਿਧ ਰਾਮਹਿ ਜੋ ਕਹਯੋ ਤੋ ਲਖਮਣ  
 ਤਿਹਿ ਕਾਲ ॥ ਭਗਤਿ ਸਮੇਤ ਬੁਲਾਇ ਕੈ ਆਨੇ ਬਿੱਪੁ ਬਿ-  
 ਸਾਲ ॥ ੭੫ ॥ ਚੌਪਈ ॥ ਗੋ ਸੋ ਝਿੰਦ ਧਨੰ ਬਸੁ ਅੰਬਰ  
 ॥ ਦਿਬ ਅਭਰਣ ਹੁਤੇ ਜੇ ਮੰਦਰ ॥ ਕੁੰਦੰਬੀ ਸੀਲਵੰਤ ਦਿਜ  
 ਜੇਤੂ ॥ ਤਿਨ ਕੋ ਦਯੋ ਸੁ ਰਘੁ ਕੁਲ ਕੇਤੂ ॥ ੭੬ ॥ ਮੁਖ  
 ਆਭਰਣ ਆਹਿ ਤਿਨ ਜੇਈ ॥ ਦਯੋ ਅਰੁੰਧਤਿ ਸੀਤਾ ਤੇਈ  
 ॥ ਰਾਮ ਮਾਤ ਸੇਵਕ ਜੇ ਆਹਿ ॥ ਰਾਮ ਦਯੋ ਧਨ ਬਹੁ  
 ਬਿਧ ਤਾਹਿ ॥ ੭੭ ॥ ਸੰਕਰ ਛੰਦ ॥ ਆਪਨੇ ਪੁਨਿ ਸੇਵਕਾ  
 ਧਨੁ ਦਯੋ ਰਾਮ ਅਪਾਰ ॥ ਪੁਰ ਬਾਸ ਐ ਪੁਨਿ ਦੇਸ ਕੇ ਜੇ  
 ਹੁਤੇ ਬਿੱਪੁ ਹਜ਼ਾਰ ॥ ਦਯੋ ਤਾਹਿ ਕੋ ਧਨੁ ਬਹੁ ਬਿਧਾ ਉਰ  
 ਪ੍ਰੀਤਿ ਚਿਤ ਉਦਾਸ ॥ ਪੁਨਿ ਰਾਜ ਰਾਮ ਤਿਆਗ ਕੋ ਪੁਨ  
 ਲਯੋ ਵੈ ਬਨਬਾਸ ॥ ੭੮ ॥ ਲਖਮਣ ਤਬੈ ਨਿਜ ਮਾਝ ਕੋ



ਕੋਸ਼ਲਿਯਾ ਵਿਗਿਆਣ । ਸਮਰਧ ਮਾਤਾ ਤਾਹਿਕੋ ਪੁਨਿ ਚਾਪ  
 ਲੈ ਨਿਜ ਪਾਂਣ । ਆਇ ਰਾਮ ਸੁ ਸਨਮੁਖੰ ਪੁਨਿ ਰਹਿਯੋ  
 ਠਾਢੋ ਹੋਇ । ਰਾਮ ਸੀਤਾ ਲਖਮਣੋ ਨਿਪ ਧਾਮ ਚਾਲੇ  
 ਸੋਇ ॥ ੭੯ ॥ ਫੁਪੈ ਛੰਦ ॥ ਸਾਨੁਜ ਰਾਮ ਸੁ ਸੀਯ ਚਲੇ  
 ਨਿਪ ਪਥ ਮੇਂ ਸੋਹੇ । ਸਭ ਲੋਕਨ ਕੀ ਓਰ ਰਾਮ ਪੁਨਿ  
 ਸਾਨੰਦ ਜੋਹੇ । ਸ਼ਾਮ ਵਰਣ ਤਨ ਕਾਂਮ ਕੋਟ ਦੁਤਿ ਅਤਿ  
 ਸੁਖ ਦਾਈ । ਦਿਸ ਹਨੇ ਅੰਧੋਰੋ ਕਾਂਤਿ ਕਰੇ ਗਤਿ ਮੰਦ  
 ਸਹਾਈ । ਸੁ ਪਾਦ ਆਸ ਜਗ ਪਾਵਨੋਂ ਪਦ ਪਦ ਮੈਂ ਰਘੁ  
 ਵਰ ਕਰੇ । ਇਹ ਭਾਂਤ ਭਵਾਨੀ ਰਾਮਜੀ ਸਤ ਪਿਤ ਮੰਦਰ  
 ਮੇਂ ਬਰੇ ॥ ੮੦ ॥ ਇਤਿ ਸ੍ਰੀ ਅਧਯਾਤਮ ਰਾਮਾਇਣੇ ਉਮਾਂ  
 ਮਹੇਸੁਰ ਸੰਬਾਦੇ ਅਯੁਧਿਆ ਕਾਂਡੇ ਚਤੁਰਥੋ ਧਯਾਇ ॥ ੪ ॥

---  
 ਸ੍ਰੀ ਮਹਾਂਦੇਵ ਉਵਾਰ ॥

ਦੋਹਰਾ ॥ ਸਾਨੁਜ ਸੀਯ ਸਮੇਤ ਹਰਿ ਆਵਤ ਪਿਖ  
 ਮਗ ਮਾਹਿੰ । ਬੋਲੇ ਨਾਗਰ ਪਰਸਪਰ ਮਨ ਮੈਂ ਅਤਿ ਬਿ-  
 ਸਮਾਹਿੰ ॥ ੧ ॥ ਕੈਕਈ ਕੋ ਵਰ ਦਾਨ ਸੁਨਿ ਭਏ ਦੁਖਤ  
 ਸਭ ਲਇ । ਸੱਤ ਸੰਧ ਭੂਪਤਿ ਭਏ ਯਾ ਜਗ ਮੈ ਸਭ ਕੋਇ  
 ॥ ੨ ॥ ਇਸਤ੍ਰੀ ਹੇਤ ਤਿਆਗਿਓ ਜਾਨੋ ਪਿਆਰੋ ਕੋਰ ।  
 ਸਤਿ ਸੰਧਿ ਭੂਪਤਿ ਨਹੀਂ ਭਯੋ ਕਾਮ ਵਸਿ ਬੋਰ ॥ ੩ ॥  
 ਕਥੰ ਕਕੇਈ ਦੁਸੁ ਨੇ ਰਾਮ ਭਯੋ ਬਨਬਾਸ । ਕਰੂਰ ਕਰਮ



ਅਤਿ ਮੂੜਧੀ ਕਰੇ ਸਗਲ ਸੁਖ ਨਾਸ ॥ ੪ ॥ ਹੇ ਜਨ  
 ਈਹਾਂ ਨਹਿ ਬਸੇ ਚਲੇ ਅਬੀ ਬਨ ਮਾਹਿੰ। ਰਾਮ ਸੁ ਸੀਤਾ ਸਾ  
 ਨੁਜੋ ਜਹਾਂ ਜਨ ਕੇ ਚਾਹਿੰ ॥ ੫ ॥ ਸਵੈਯਾ ॥ ਦੇਖਹੁ  
 ਸੀਯ ਚਲੇ ਪਦ ਸੋਂ ਕਬਹੂੰ ਨਹਿੰ ਲੋਗਨ ਜੋਇ ਨਿਹਾਰੀ ॥  
 ਰਾਮ ਚਲੇ ਪਦ ਸੋ ਪਥਿ ਮੈਂ ਅਜੁ ਨਾ ਗਜ ਵਾਜਨ ਕੀ  
 ਅਸਵਾਰੀ। ਜਾਵਤ ਰਾਮ ਪਿਖੇ ਦ੍ਰਿਗ ਕੈ ਤਨ ਕੋਟ ਮਨੋਜਨ  
 ਕੀ ਅਸਵਾਰੀ ॥ ਜਾਂ ਇਨ ਕੋ ਬਨਬਾਸ ਦਯੋ ਵਹਹੈ ਜਗ  
 ਕੂਰ ਮਹਾਂ ਨਿਪ ਨਾਰੀ ॥ ੬ ॥ ਚੌਪਈ ॥ ਕੈ  
 ਕੈਈ ਨਾਮ ਰਾਖਸੀ ਆਹਿ। ਸਰਬ ਬਿਨਾਸ ਕੀਯੋ ਪੁਨਿ ਤਾਹਿ  
 ॥ ਸੀਤਾ ਪਦ ਸੋਂ ਚਲੈ ਕੁਮਾਰੀ। ਰਾਮ ਪੇਖ ਦੁਖ ਹੋਸੀ ਭਾਰੀ  
 ॥ ੭ ॥ ਬਲੰਵਾਨ ਬਿਧ ਹੈ ਜਗ ਮਾਹੀਂ। ਪੁਨਿ ਪ੍ਰਯਤਨ  
 ਕੋ ਬਲੁ ਕਛੁ ਨਾਹੀਂ। ਯਾਬਿਧ ਦੁਖ ਬਜਾਕੁਲ ਜਨ  
 ਭਏ। ਬਾਂਮਦੇਵ ਤਬ ਵਾਕ ਅਲਏ ॥ ੮ ॥ ਰਾਮ ਸੀਯਾ  
 ਲਖਮਣ ਪਤਿ ਪੇਖਾ। ਮਤਿ ਤੁਮ ਸੋਚ ਕਰੇ ਸੁ ਬਿਸੇਖਾ। ਰਾਮ  
 ਪਿਖੇ ਤੁਮ ਪਥਮੈ ਜੋਈ। ਆਦਿ ਨਾਰਾਇਣ ਬਿਸ਼ਨ ਸੁ  
 ਸੋਈ ॥ ੯ ॥ ਇਹ ਜਨਕ ਨੰਦਨੀ ਲਖਮੀ ਆਹਿ। ਜੋਗ  
 ਮਾਇਆ ਭਾਖੇ ਰਿਖ ਭਾਹਿ। ਸੀ ਪਤਿ ਕੋ ਅਨੁਗਾਮੀ ਜੋਈ।  
 ਸੇਸ ਪਛਾਨੋਂ ਲਖਮਣ ਸੋਈ ॥ ੧੦ ॥ ਰਾਮ ਸੁ ਮਾਇਆ  
 ਗੁਣ ਅਨੁਸਾਰ। ਭਾਸਤ ਹੈ ਨਾਨਾ ਆਕਾਰ। ਰਜ ਗੁਣ  
 ਯੁਗਤਿ ਰਾਮ ਬਿਧ ਭਏ। ਨਿਖਲ ਜਗਤ ਪੁਨਿ ਜਾਂ ਨਿਰਮਏ  
 ॥ ੧੧ ॥ ਸਤ ਗੁਣ ਸਹਿਤ ਬਿਸ਼ਨ ਤਨੁ ਧਾਰੇ। ਤੀਨਲੋਕ



ਭੁਜ ਬਲੁ ਪ੍ਰਤ ਪਾਰੇ। ਤਮ ਸੰਯੁਕਤ ਰੁੱਦ੍ਰ ਬਪੁ ਧਰੇ। ਅੰਤ  
 ਸਮੈ ਸਭ ਜਗ ਸੰਹਰੇ ॥ ੧੨ ॥ ਸਵੈਯਾ ॥ ਮੁਨੁ ਸੂਰਯ  
 ਕੋ ਸੁਤਿ ਸੇਵਕ ਥੋ ਤਿਨ ਆਪਦ ਪੇਖ ਸੁ ਮੀਨ ਭਏ। ਤਿਨ  
 ਪਾਲਨ ਰਾਮ ਸੁ ਕੀਨ ਤਬੀ ਪਰਲੈ ਜਲ ਨਾਵ ਚਵਾਇ ਲਏ  
 ਪ। ਸੁਰ ਨੀਰਵ ਪੂਰਬ ਜੋ ਮਥਏ ਗਿਰ ਮੰਦਰ ਭੂਬ ਪਤਾਲ  
 ਗਏ। ਗਿਰ ਪੀਠ ਸੁ ਧਾਰਿ ਲਯੋ ਤਬ ਹੀ ਇਨ ਕੂਰਮ  
 ਰੂਪ ਤਬੈ ਸੁ ਕਏ ॥ ੧੩ ॥ ਧਰਣੀ ਜਬ ਭੂਬ ਪਤਾਲ ਗਈ  
 ਇਨ ਸ਼ੁਕਰ ਰੂਪ ਸੁ ਰਾਮ ਸਵਾਰੇ। ਰਘੁ ਨੰਦਨ  
 ਤੋਲਨ ਕੀਨ ਤਬੀ ਧਰਣੀ ਪੁਨਿ ਰੋਪ ਸੁ ਦਾਢ ਕਨਾਰੇ।  
 ਨਰ ਸਿੰਘ ਭਏ ਭਵ ਪੂਰਬ ਏ ਪ੍ਰਹਲਾਦ ਦਏ ਵਰਕੈ ਪ੍ਰਤਿ  
 ਪਾਰੇ। ਸਭ ਲੋਕਹਿ ਕੰਟਕ ਰਾਕਸ ਜੋ ਜਗ ਰਾਮ ਵਹੀ ਨਖ  
 ਸਾਬ ਵਿਦਾਰੇ ॥ ੧੪ ॥ ਸੁਤਰਾਜ ਹਰੇ ਪਿਖ ਆਦਿਤ ਜੋ ਅਤਿ  
 ਦੀਨ ਭਈ ਹਰਿ ਯਾਚਨ ਕੀਨੋਂ। ਬਨ ਬਾਮਨ ਰਾਜ ਲਏ  
 ਬਲ ਤੇ ਤਿਨ ਕੇ ਸੁਤਕੋ ਇਨ ਫੇਰ ਸੁਦੀਨੋਂ। ਜਬ ਬਾਹੁਜ  
 ਨੀਚ ਟਏ ਜਗ ਮੈਂ ਧਰਣੀ ਪਰ ਭਾਰ ਕਰਜੋ ਤਿਨ ਪੀਨੋਂ।  
 ਭ੍ਰਿਗੁ ਵੰਸ ਬਿਖੈ ਤਬ ਰਾਮ ਜਏ ਧਰ ਬਾਹੁਜ ਭਾਰ ਕਰਜੋ  
 ਸਭ ਛੀਨੋ ॥ ੧੫ ॥ ਸ਼ੰਕਰ ਛੰਦ ॥ ਵਹੀਈ ਸੁਰ ਰਾਮਜੀ  
 ਅਬ ਭਏ ਨਰ ਅਵਤਾਰ। ਰਾਵਣਾਦਿ ਸੁਕੋਟ ਰਾਖਸ਼ ਹਨੇਂਗੇ  
 ਬਲ ਧਾਰ। ਮਾਨੁਖ ਕੈ ਮਰਣਾ ਤਿਸੇ ਬਿੱਧ ਆਪ ਕੀਨ ਬ  
 ਖਾਨ। ਯਾਂਤੇ ਭਏ ਹਰਿ ਆਪ ਮਾਨੁਖ ਨਾ ਸਮਰਥ ਸੁ ਆਣ  
 ॥ ੧੬ ॥ ਭੂਪ ਦਸਰਥ ਕੀਨ ਤਪਸਾ ਰਾਧਿਯੋ ਹਰਿਗਾਇ। ਪੁੱਤ੍ਰ



ਕੀ ਇੱਛਾ ਕਰੀ ਹਰਿ ਭਯੋ ਪੂਤ ਸੁ ਆਇ । ਸੋਇ ਬਿਸ਼ਨਸੁ  
 ਰਾਮ ਜੀ ਦਸਕੰਧ ਕੇ ਬਧ ਕਾਜ । ਸੰਗ ਲਖਮਣ ਜਾਹਿੰਗੇ  
 ਬਨ ਲੋਕ ਪੇਖੇ ਆਜ ॥ ੧੭ ॥ ਬਿਸ਼ਨ ਮਾਇਆ ਜਾਨਕੀ  
 ਕਰ ਪਾਲ ਬਹੁਰ ਸੰਸਾਰ । ਰਾਜ ਕੈਕਈ ਕਾਰਣੇਂ ਬਨ ਨਾਹਿ  
 ਕੀਨ ਬਿਚਾਰ । ਕਾਲ ਪੂਰਬ ਨਾਰਦੇ ਕਹਿ ਗਯੋ ਆਪ  
 ਬਿਚਾਰ । ਬਨ ਜਾਇਕੇ ਅਬ ਰਾਮ ਜੀ ਤੁਮ ਹਰੇ ਧਰਣੀਭਾਰ  
 ॥੧੮॥ ਰਾਮ ਆਪ ਬਖਾਨਿਯੋ ਬਨ ਜਾਉ ਪ੍ਰਾਤ ਸੁਕਾਲ । ਰਾਮ  
 ਹਿਤ ਚਿੰਤਾ ਤਜੋ ਤੁਮ ਸੁਨੋਂ ਲੋਕ ਸੁ ਬਾਲ । ਰਾਮ ਰਾਮ ਸੁ ਜੇ  
 ਜਪੇਂ ਪੁਨਿ ਲੋਕਯਾ ਜਗਮਾਹਿੰ । ਤਿਨੋਂ ਮ੍ਰਿਤਭਯ ਆਦਿਕਾ ਜਗ  
 ਕਦੇ ਹੋਵੇ ਨਾਹਿ ॥੧੯॥ ਕੈਸੇ ਪੁਰਾਤਨ ਰਾਮਕੋ ਪੁਨਿ ਦੂਖ ਸ਼ੰਕਾ  
 ਹੋਇ । ਰਾਮ ਨਾਮ ਸੁ ਮੁਕਤਿ ਦੇਵੇ ਔਰ ਕਲੂ ਨ ਕੋਇ ॥  
 ਮਾਯਾ ਮਨੁਖ ਸਰੂਪ ਕੈ ਬਿਚਰੈ ਸੁ ਲੋਕਨ ਮਾਹਿੰ । ਬਿਡੰਬ  
 ਹੈ ਸਭ ਲੋਕ ਕੋ ਨਹਿ ਜਾਨ ਹੈ ਕੋ ਤਾਹਿੰ ॥ ੨੦ ॥ ਸਾਤਤੋਂ ਕੇ  
 ਭਜਨ ਹਿਤ ਦਸ ਕੰਧਕੇ ਬਧ ਕਾਜ । ਭੂਪ ਵਾਛਤ ਦੈਨ ਹਿਤ  
 ਇਨ ਲਯੋ ਮਾਨੁਖ ਸਾਜ । ਇਹ ਭਾਂਤਿ ਭਾਖਸੁ ਮੋਨ ਲੀਨੀ  
 ਵਾਂਮ ਦੇਵ ਰਖੀਸੁ । ਸੁਨ ਬਿੱਪ ਕੇ ਮੁਖ ਕਥਾ ਲੋਕਨ ਰਾਮ  
 ਜਾਨਯੋ ਈਸੁ ॥ ੨੧ ॥ ਦੋਹਰਾ ॥ ਤਬ ਲੋਗਨ ਸੰਸਾ  
 ਗਯੋ ਚਿਤ ਵੈ ਉਰ ਹਰਿ ਰਾਮ । ਤਬੈ ਮੁਨੀ ਵਰ ਔਰ  
 ਕਛੁ ਭਾਖੇ ਕਰਣਾ ਧਾਮ ॥ ੨੨ ॥ ਰਹਸਸੁ ਸੀਤਾ ਰਾਮ ਕੋ  
 ਜੋ ਚਿਤਵੇ ਨਰ ਕੋਇ । ਰਾਮ ਭਗਤਿ ਤਿਨਕੋ ਸਦਾ ਗਾਨ  
 ਸਹਿਤ ਪੁਨਿ ਹੋਇ ॥੨੩॥ ਤੁਮ ਰਾਘਵਕੇ ਪਯਾਰਯੋ ਪਰਮ



ਗੋਪ ਯਹਿ ਜਾਨ । ਰਾਖੋ ਪਰਮ ਦੁਰਾਇ ਕੈ ਕੀਜੋ ਨਾਹਿ  
 ਬਖਾਨ ॥ ੨੪ ॥ ਇਹ ਬਿਧ ਤਹਾ ਬਖਾਨ ਕੈ ਗਏ ਮੁਨੀ  
 ਸੁਰ ਧਾਮ । ਲੋਕਨ ਕੇ ਪੁਨਿ ਤਾਂ ਸਮੇਂ ਲਖੇ ਪਰਮਾਤਮ ਰਾਮ  
 ॥ ੨੫ ॥ ਸਵੈਯਾ ॥ ਤਬ ਰਾਮ ਗਏ ਪਿਤ ਕੇ ਨਿਜ  
 ਮੰਦਰ ਨਹਿ ਤਹਾਂ ਕਿਨ ਜਾਤ ਹਟਾਏ । ਵਹ ਸਾਨੁਜ ਸੀਯ  
 ਸਮੇਤ ਤਹਾਂ ਢਿਗ ਜੋਇ ਕਕੇਈ ਸੁ ਬੈਨ ਅਲਾਏ । ਬਨਬਾਸ  
 ਕਹਯੋ ਹਮਕੋ ਜਨਨੀ ਤਹਿ ਜਾਵਨ ਕੇ ਹਿਤ ਹੈਂ ਹਮ ਆਏ  
 । ਅਬ ਭੂਪ ਕਹੈ ਅਪਨੇ ਮੁਖਤੇਂ ਹਮ ਜਾਹਿ ਸਤਾਬ ਨ ਢੀਲ  
 ਸੁਹਾਏ ॥ ੨੬ ॥ ਵੋਹਰਾ ॥ ਗਿਰਜਾ ਯਾ ਬਿਧ ਰਾਮ  
 ਜੀ ਜਬੈ ਸੁ ਕੀਨ ਬਖਾਨ । ਤਬੈ ਕਕੇਈ ਬੇਗ ਕੈ ਉਠੀ  
 ਹਰਖ ਉਰਿ ਮਾਨ ॥ ੨੭ ॥ ਸਵੈਯਾ ॥ ਸਾਨੁਜ ਰਾਮ  
 ਸੁ ਚੀਰ ਦਏ ਤਿਨ ਜਾਨਕੀ ਕੋ ਪੁਨਿ ਚੀਰ ਫਰਾਏ । ਰਾਮ  
 ਪਦੰਬਰ ਤਾਰ ਤਬੈ ਬਨ ਚੀਰ ਭਲੀ ਬਿਧ ਸੋ ਤਿਨ ਲਾਏ  
 । ਭ੍ਰਾਤ ਕਰੀ ਲਘੁ ਰੀਤ ਵਹੈ ਨਹਿ ਜਾਨਕੀ ਜਾਨਤ ਰੀਤ  
 ਸੁ ਕਾਏ । ਰਾਮ ਮੁਖਾਂਬੁਜ ਉਰ ਪਿਖੇ ਕਰ ਚੀਰ ਮਹਾਂ ਉਰ  
 ਮਾਹਿ ਲਜਾਏ ॥ ੨੮ ॥ ਰਾਮ ਲਏ ਕਰ ਚੀਰ ਵਹੀ ਧਰ  
 ਜਾਨਕੀ ਅੰਗਨ ਆਪ ਮੁਰਾਰੀ । ਵੇਖ ਸੁ ਚੀਰ ਝਰੇ ਤਿਨ  
 ਕੇ ਪੁਨਿ ਰੋਇ ਉਠੀਂ ਸਗਲੀ ਨਿਪ ਨਾਰੀ । ਵੈ ਸੁਨ ਆਪ  
 ਵਸਿਸ਼੍ਣੁ ਤਬੈ ਪੁਨਿ ਕੈਕਈ ਸੋਂ ਰੁਖ ਵਾਕ ਉਚਾਰੀ ॥ ਦੁਸ਼ੈ ਬਨ  
 ਬਾਸ ਸੁ ਰਾਮ ਵਏ ਕਿਉਂ ਸੀਯਕੁ ਦੇਵਤ ਚੀਰ ਸੁਬਾਰੀ ॥ ੨੯  
 ॥ ਪਤਿਬ੍ਰਤ ਸੀਯ ਚਲੀ ਪੁਨਿ ਸੰਗ ਸੁ ਆਪ ਬਡੇ ਜਬ ਪ੍ਰੇਮ



ਬਢਾਏ । ਤਬ ਧਾਰ ਦਿਗੰਬਰ ਭੂਖਨ ਸੋ ਅਤਿ ਭੂਖਤ  
 ਹੀਂ ਬਨ ਭੀਤਰ ਜਾਏ । ਪਤਿ ਸੰਗ ਫਿਰੋਂ ਬਨ ਭੀਤਰ ਏ  
 ਰਮਿ ਕਾਨਨ ਕੇ ਸਭ ਦੂਖ ਮਿਟਾਏ । ਇਮ ਭਾਖ ਬਸਿਸ੍ਰੁ ਸੁਮੰਨ  
 ਗਹੀ ਨਿਪ ਆਪ ਤਬੈ ਸੁ ਮੰਤ ਬੁਲਾਏ ॥ ੩੦ ॥ ਰਬ  
 ਆਨ ਸੁਮੰਤ ਸੁ ਰੋਇ ਕਹੀ ਚਢ ਜਾਂਹਿ ਬਨੇ ਬਨ ਜੀਵਨ  
 ਪਿਆਰੇ । ਇਹ ਭਾਂਤਿ ਉਚਾਰ ਸੁ ਰਾਮ ਪਿਖੇ ਪੁਨਿ ਸੀਯ  
 ਸੁਮਿਤ੍ਰਜ ਓਰ ਨਿਹਾਰੇ । ਦ੍ਰਿਗ ਨੀਰ ਬਹੇ ਅਤਿ ਰੋਵਤ ਹੈ  
 ਦੁਖ ਭਾਰ ਭਯੋ ਸੁ ਗਿਰੇ ਧਰ ਭਾਰੇ । ਰਬ ਸੀਯ ਚਢੀ ਪਤਿ  
 ਰਾਮ ਪਿਖੇ ਕਰ ਜੋਰ ਸੁ ਭੂਪਤਿ ਸੀਯ ਜੁਹਾਰੇ ॥ ੩੧ ॥  
 ਸੰਕਰ ਛੰਦ ॥ ਰਾਮ ਕਰ ਪਰਦਖਣਾਂ ਭੂਪਤਿ ਚਢੈ ਰਬ ਮਾਹਿ  
 । ਲਖਮਣ ਦੇਉ ਧਨ ਖੜਗ ਭੂਣੀ ਧਾਰ ਨਿਜ ਭੁਜ ਮਾਹਿ ।  
 ਰਬ ਬੈਠ ਕੇ ਪੁਨਿ ਬੋਲਿਓ ਸੁਨਿ ਸਾਰਥੀ ਮਨ ਮਾਹਿ । ਬੇਗ  
 ਰਬ ਕੋ ਹਾਂਕੀਏ ਅਬ ਢੀਲ ਕੀਜੇ ਨਾਹਿ ॥ ੩੨ ॥ ਸਵੈਯਾ  
 ॥ ਰਬ ਠਾਂਢ ਕਰੋ ! ਰਬ ਠਾਂਢ ਕਰੋ ! ਇਮ ਭੂਪਤਿ ਆਪ ਸੁਮਤ  
 ਉਚਾਰੇ । ਸੁ ਚਲਾਇ ਚਲਾਇ ਸੁ ਰਾਮ ਕਹੀ ਰਬ ਤਾਹਿ ਹਕੇ  
 ਅਤਿਸੈ ਹਠ ਧਾਰੇ । ਕਛ ਦੂਰ ਗਏ ਹਰਿ ਜੋ ਪੁਰਤੇ ਨਿਪ  
 ਖਾਇ ਤਵਾਰ ਗਿਰੇ ਭੁਵ ਭਾਰੇ । ਪੁਰ ਬਾਲਕ ਬਿੰਧਯੁਵਾਦਿਜ  
 ਸੱਤਮ ਵੈ ਰਬਕੇ ਪੁਨਿ ਸੰਗ ਸਿਧਾਰੇ ॥ ੩੩ ॥ ਗੀਯਾਮਾਲਤੀ  
 ਛੰਦ ॥ ਤਿਸ੍ਰੁ ਤਿਸ੍ਰੁ ਸੁ ਰਾਮ ਜੀ ਮੁਖ ਭਾਖਤੇ ਜਨ ਜਾਵਹੀਂ ।  
 ਰਬ ਬੇਗ ਮਾਰ ਚਲਾਇਯੋ ਨਹਿ ਤਾਂਹਿ ਸੰਗਤ ਪਾਵਹੀਂ ।  
 ਰਾਜਾ ਸੁ ਬਹੁ ਚਿਰ ਰੋਇ ਕੈ ਪੁਨਿ ਸੇਵਕਾਂ ਯੋ ਕਹੀ । ਰਾਮ



ਮਾਤ ਕੁਸੱਲਯਾ ਘਰ ਲੇ ਚਲੇ ਮੋਕੇ ਸਹੀ ॥ ੩੪॥ ਕਛੁਕਾਲ  
 ਮੇਰੇ ਜੀਵਨੇ ਤਿੰਹ ਹੋਇ ਪ੍ਰਾਣ ਉਡਾਨਿਯੋ । ਅਬ ਨਾਂ ਜੀਯੋ  
 ਬਿਨ ਰਾਮ ਮੈਂ ਚਿਰ ਕਾਲ ਯਾ ਜਗ ਜਾਨਿਯੋਂ । ਜਬ ਬਰੇ  
 ਭੂਪਤਿ ਮੰਦਰੇ ਧਰ ਗਿਰੇ ਬਯਾਕੁਲ ਹੈਂ ਸਹੀ । ਚਿਰਕਾਲ  
 ਸੰਗਯਾ ਪਾਇਕੈ ਬੈਠੇ ਮਹੀ ਬੋਲੇ ਨਹੀ ॥ ੩੫॥ ਦੋਹਰਾ ॥ ਯਾ  
 ਬਿਧਿ ਭੂਪਤਿ ਧਰ ਪਰੇ ਬਯਾਕੁਲ ਉਰ ਪਛੁਤਾਇ । ਰਾਮ  
 ਕਥਾ ਗਿਰਜਾ ਸੁਨੋਂ ਸੁਨਤ ਪਾਪ ਮਿਟਿ ਜਾਇ ॥ ੩੬॥ ਸ੍ਰੀਯਾ  
 ॥ ਤਬ ਰਾਮ ਗਏ ਤਮਸਾ ਤਟ ਮੈ ਸੁਖ ਸੰਗ ਵਸੇ ਤਰ ਕੀ  
 ਪਰਛਾਹੀਂ । ਜਲਪਾਨ ਕਰੇ ਨਹਿ ਨਾਜ ਗਹੇ ਧਰ ਸੋਇਰਹੇ  
 ਹਰਿ ਸੀਯ ਸਮਾਹੀਂ । ਲਘ ਭ੍ਰਾਤ ਸੁਮੰਤ ਸਮੇਤ ਤਹਾਂ  
 ਨਿਸਪਾਲ ਕਰੀ ਧਨ ਲੈ ਕਰ ਮਾਹੀਂ । ਪੁਰਲੋਕ ਸਭੈ ਢਿਗ  
 ਰਾਮਹਿ ਕੀ ਨਿਸ ਬਾਸ ਕੀਯੋ ਪੁਨਿ ਜਾਇ ਤਹਾਂ ਹੀਂ ॥ ੩੭  
 ॥ ਰਾਮ ਲਿਜਾਵਹਿੰਗੇ ਪੁਰਮੈ ਨਹਿ ਜਾਇ ਤਬੈ ਹਮਹੂੰ ਬਨਜਾ  
 ਵੈਂ । ਲੋਕਨ ਕੀ ਮਤ ਯੋਂ ਲਖਿ ਕੈ ਰਘੁਬੀਰ ਮਹਾਂ ਉਰ ਮੈਂ  
 ਬਿਸਮਾਵੈਂ । ਨਾਹਿ ਚਲੋਂ ਜਬ ਮੈ ਪੁਰਮੈ ਤਬ ਲੋਕ ਸਭੈ ਉਰ  
 ਮੈ ਦੁਖ ਪਾਵੈਂ । ਰਾਮ ਸੁਮੰਤ ਬੁਲਾਇਕਹੀ ਰਥ ਆਨ ਸੁਮੰਤ  
 ਅਬੈ ਬਨ ਜਾਵੈਂ ॥ ੩੮ ॥ ਦੋਹਰਾ ॥ ਸੋਏ ਜਨ ਸਭ  
 ਹੇਰਕੈ ਰਾਮ ਸੁ ਆਇਸ ਦੀਨ । ਜੋੜਯੋ ਤਬੈ ਤੁਰੰਗ ਸਿਉਂ  
 ਰਥ ਸੁਮੰਤ ਅਤਿ ਚੀਨ ॥ ੩੯॥ ਰਾਮ ਸੀਯਾ ਲਖਮਣ ਚੜ੍ਹੇ  
 ਬੇਗ ਚਲਾਯੋ ਸੋਇ । ਲੋਗਨ ਛਲ ਬਨ ਕੋ ਗਏ ਅਯੁਧਯਾ  
 ਪ੍ਰਤਿ ਕਛੁ ਹੋਇ ॥ ੪੦ ॥ ਪ੍ਰਾਤ ਉਠੇ ਜਨ ਦੁਖ ਉਰ



ਰਾਮ ਨਿਹਾਰੇ ਨਾਹਿ। ਰਥਨੇਮੀ ਮਾਰਗ ਪਿਖਤ ਗਏ ਸੁ ਪੁਰ  
 ਕੇ ਮਾਹਿ ॥ ੪੧ ॥ ਸਵੈਯਾ ॥ ਇਤ ਲੋਕ ਚਿਤਾਰਤ ਰਾਮ  
 ਸੀਯਾ ਉਤ ਸੰਦਨ ਬੇਗ ਸੁਮੰਤ ਚਲਾਏ । ਬਡ ਦੇਸ ਨਿਹਾ  
 ਰਤ ਰਾਮ ਸੀਯਾ ਬਲਿ ਜਾਇ ਕਵੀ ਤਟ ਗੰਗ ਸੁ ਆਏ ।  
 ਜਗ ਪਾਵਨ ਗੰਗ ਨਿਹਾਰਤ ਹੀ ਹਰਿ ਰਾਮ ਸੀਯਾ ਨਿਜ  
 ਸੀਸ ਨਿਵਾਏ । ਮਨ ਸਾਨੰਦ ਤੀਰ ਨਿਵਾਸ ਕਰੇ ਜਲ ਪਾਵਨ  
 ਕੈ ਸਗਲੇ ਪੁਨ ਨਾਏ ॥ ੪੨ ॥ ਵੋਹਰਾ ॥ ਗੰਗਾ ਕੇ ਤਟ  
 ਸਿੰਸਪਾ ਤਰੁ ਤਲ ਕੀਨ ਨਿਵਾਸ । ਰਾਮ ਲਖਨ ਸੀਤਾ ਭਲੇ  
 ਸਿੰਗਵੇਰ ਕੇ ਪਾਸ ॥ ੪੩ ॥ ਆਏ ਰਾਮ ਸੁ ਗੁਹ ਸੁਨੋਂ ਲੋਕਨ  
 ਕਹਯੋ ਸੁ ਜਾਇ । ਸਖਾ ਸੁਆਮੀ ਜਾਨਕੈ ਢਿਗ ਆਯੋ ਗੁਹ  
 ਧਾਇ ॥ ੪੪ ॥ ਚੌਪਈ ॥ ਭਗਤਿ ਸਹਿਤ ਉਰਮੈ  
 ਉਮਗਾਯੋ । ਫਲਫੁਲਾਦਿ ਉਪਾਇਨ ਲਿਆਯੋ । ਆਗੇ ਆਨ  
 ਧਰੀ ਗੁਹ ਰਾਮ । ਬਹੁਰ ਕਰੀ ਤਿਨ ਦੰਡ ਪ੍ਰਣਾਮ ॥ ੪੫ ॥  
 ਗੀਯਾ ਮਾਲਤੀ ਛੰਦ ॥ ਉਠਾਇ ਰਾਮ ਸੁ ਬੇਗਹੀ ਕਰਿ  
 ਪ੍ਰੇਮ ਨਿਜ ਗਰਿ ਲਾਇਓ । ਰਾਮ ਕੁਸਲ ਸੁ ਪੁਛਿਯੋ ਗੁਹ ਹਾਥ  
 ਜੋਰ ਸੁਠਾਇਓ । ਮੈਂ ਧੰਨ ਮੇਰੇ ਜਨਮ ਆਜ ਨਿਖਾਦ ਲੋਕ ਸੁ  
 ਪਾਵਨੋਂ । ਭਯੇ ਪਰਮਾਨੰਦ ਤੇਰੇ ਅੰਗ ਸੰਗ ਸੁਹਾਵਨੋ ॥ ੪੬ ॥  
 ਨਿਖਾਦ ਰਾਜ ਸੁ ਰਾਮਜੀ ਤਵ ਦਾਸਕੋ ਉਰ ਜਾਨੀਯੇ । ਇਹ  
 ਆਹਿ ਤੇਰੇ ਰਾਮਜੀ ਹਮ ਪਾਲ ਬਾਤ ਸੁਮਾਨੀਯੇ । ਨਗਰ  
 ਮੈਂ ਚਲ ਦੇਵ ਤੂੰ ਕਰ ਦਾਸ ਕੇ ਗੁਹ ਪਾਵਨੀ । ਫਲ ਮੂਲ  
 ਲੀਜੈ ਰਾਮਜੀ ਤਵ ਅਰਥ ਰਾਖੇ ਭਾਵਨੀ ॥ ੪੭ ॥ ਮੈਂ ਦਾਸ



ਤੇਰੇ ਰਾਮਜੀ ਭਗਵਾਨ ਕਿਰਪਾ ਕੀਜੀਏ । ਇਹ ਠੋਰਕਰੋ ਸੁ  
 ਬਾਸ ਨੀਕੇ ਨੀਰ ਪਾਵਨ ਪੀਜੀਏ । ਰਾਮ ਤਾਂਕੋ ਭਾਖਿਯੋ ਮਮ  
 ਸਖੇ ਬਚਨ ਸੁਨੀਜੀਏ । ਪਰਸੰਨ ਅਤਿਸੈ ਮੈਂ ਭਇਓ ਕਛੁ  
 ਕਹੋ ਬਾਤ ਸੁ ਕੀਜੀਏ ॥ ੫੦ ॥ ਸ਼ੰਕਰਛੰਦ ॥ ਗ੍ਰਹ ਨਗਰ  
 ਮਾਹਿ ਨ ਮੇਂ ਬਰੋਂ ਸੁ ਬਰਖ ਚੌਦਾਂ ਜਾਨ । ਫਲ ਫੂਲ ਖਾਵੋਂ ਨਾਂ  
 ਕਬੀ ਜੋ ਔਰ ਦੇਵੇ ਆਨਿ । ਅਤਿ ਸਖਾ ਤੂੰ ਮਮ ਬੱਲਭੋ ਤਵ  
 ਰਾਜ ਆਹਿ ਸੁ ਜੋਇ । ਵਹਿ ਸਗਲ ਮੇਰੇ ਮੈਂ ਪਿਖੋਂ ਨਹਿ ਆਹਿ  
 ਅੰਤਰ ਕਇ ॥ ੫੧ ॥ ਬਟਖੀਰ ਲਿਆਵੋ ਜਾਇਕੈ ਇਮ  
 ਭਾਖਿਯੋ ਰਘੁਰਾਇ । ਬਟਖੀਰ ਸੁੰਦਰ ਸੰਪਦੇ ਤਿਨ ਲਏ  
 ਤੁਰਤ ਮੰਗਾਇ । ਬਟਖੀਰ ਕੈ ਕਚ ਕੁੰਚ ਤਾਂਕੀ ਜਟਾ ਲੀਨ  
 ਬਨਾਇ । ਰਾਮ ਲਖਮਣ ਭ੍ਰਾਤ ਕੇ ਤਿਹ ਹੇਰ ਗੁਹ ਬਿਸਮਾਇ  
 ॥ ੫੨ ॥ ਜਲ ਪਾਨਕੇ ਸਹਿ ਸੀਤ ਯਾ ਤ੍ਰਿਣ ਕੁਸ਼ਾ ਪਾਤ  
 ਬਛਾਇ । ਰਚ ਸੇਜ ਲਖਮਣ ਨੈ ਦਈ ਤਹਿ ਸੋ ਰਹੇ ਰਘੁ  
 ਰਾਇ । ਜੈਸੇ ਸੁ ਸੋਵੇਂ ਨਗਰ ਮੈ ਪ੍ਰਯੋਕ ਮਹਲ ਉਦਾਰ ।  
 ਤੈਸੇ ਸੁ ਸੋਏ ਸੀਯ ਸੋਂ ਤਰਿ ਜਾਇ ਕਵਿ ਬਲਿਹਾਰ ॥ ੫੩ ॥  
 ਸਵੈਯਾ ॥ ਲਖਮੰਨ ਤਬੈ ਧਨੁ ਲੈ ਕਰਮੈ ਕਰਿ ਬਾਨਿ ਨਿਖੰਗ  
 ਕਸੇ ਕਟਿ ਮਾਹੀਂ । ਦ੍ਰਿਗ ਚਾਰ ਨਿਹਾਰਤ ਚਾਰ ਦਿਸ਼ਾ ਰਘੁ  
 ਬੀਰ ਸੁ ਪਾਲ ਕਰੀ ਨਿਸ ਮਾਹੀਂ । ਗੁਹਸੰਗ ਭਲੇ ਤਿਨਕੇ  
 ਨਿਸਮੈਂ ਪੁਨਿ ਆਪ ਸਰਾਸਨ ਲੈ ਕਰ ਮਾਹੀਂ । ਨਿਧਖੀਰ ਸਵੇਂ  
 ਅਹਿ ਉਪਰ ਜੇ ਸੁਰ ਕਾਜ ਪਰੇ ਗਿਰਜਾ ਧਰ ਮਾਹੀਂ ॥ ੫੪ ॥  
 ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸੁਰ ਸੰ



ਬਾਦੇ ਅਯੁਧਿਆ ਕਾਂਡੇ ਪੰਚਮੇ ਧਿਆਇ ॥ ੫ ॥

ਸ੍ਰੀ ਮਹਾਂਦੇਵ ਉਵਾਚ ॥ ਦੋਹਰਾ ॥

ਗਿਰਜਾ ਰਾਮ ਨਿਹਾਰ ਕੈ ਗੁਹ ਨੈਨੋ ਜਲ ਜਾਇ । ਲਖਮਣ  
 ਕੋ ਤਬ ਬੋਲਿਓ ਪਰਮ ਸੁ ਨਿਮਰ ਭਾਇ ॥ ੧ ॥ ਸੰਕਰ ਛੰਦ  
 ॥ ਭ੍ਰਾਤ ਦੇਖੋ ਰਾਮ ਕੋ ਸਹ ਸੀਯਾ ਸੁੰਦਰ ਸ਼ਾਮ । ਧਰ ਕੁਸ਼ਾ  
 ਪਲਵ ਸੇਜ ਮੈਂ ਅਬ ਰਹੇ ਸੋਇ ਸੁ ਰਾਮ । ਜੋ ਸੋਵਤੇ ਪਰਯੰਕ  
 ਹੇਮ ਸੁ ਭਵਨ ਪਾਟ ਬਿਛਾਇ । ਕੈਕਈ ਕਾਰਣ ਦੂਖਕੋ ਬਿਧਿ  
 ਦਈ ਰਾਮ ਬਨਾਇ ॥ ੨ ॥ ਮੰਥਰਾ ਮਤਿ ਮਾਨ ਕੈਕਈ  
 ਪਾਪ ਤਾਹਿ ਸੁ ਕੀਨ । ਉਮਾ ਸੁਨ ਗੁਹਕ ਮਨੋ ਲਖਮਣ ਪ੍ਰਾਹ  
 ਪ੍ਰਬੀਨ । ਸੁਨਿ ਸਖੇ ਮੇਰੇ ਵਾਕ ਕੋ ਗੁਹ ਆਪਨੇ ਮਨ ਮਾਹਿੰ ।  
 ਸੁਖ ਦੂਖ ਕਾਰਣ ਜਗਤ ਮੈਂ ਸੁਨਿ ਔਰ ਕੋਈ ਨਾਹਿੰ ॥ ੩ ॥  
 ਨਿਜ ਕਰਮ ਪੂਰਬ ਜੋ ਕਰੇ ਨਰ ਲਾਇ ਨੀਕੇ ਪ੍ਰੀਤ । ਸੁਖ  
 ਦੂਖ ਕਾਰਣ ਹੋਇਸੋ ਜਗ ਧਾਰ ਮਨ ਮੈ ਮੀਤ । ਸੁਖ ਦੁਖਾਂ  
 ਦਾਤਾ ਔਰ ਕੋ ਯਹਿ ਹੈਂ ਕੁਬੁਧਿ ਅਪਾਰ । ਮੈਂ ਕਰੋਂ ਅਭਿਮਾਨ  
 ਝੂਠੋ ਗਨੇ ਸਗਲ ਵਿਕਾਰ ॥ ੪ ॥ ਸੁਕਰਮ ਸੂਤਰਮੈ ਫਸੇ ਇਕ  
 ਜੀਤ ਜਗ ਮੈ ਆਪ । ਸੁਹਿਰਦ ਮੀਤ ਉਦਾਸ ਬੈਰੀ ਲਏ ਆਪ  
 ਸੁਥਾਪ । ਜੋ ਕਰਮ ਕਰੇ ਸੁ ਜਗਤ ਮੈਂ ਫਲ ਭੋਗ ਹੈ ਪੁਨ  
 ਸੋਇ । ਯਹਿ ਨੇਮ ਨੀਤ ਪਛਾਨੀਏ ਨਹਿੰ ਅੰਨਥਾ ਯਹਿ ਹੋਇ  
 ॥ ੫ ॥ ਚੋਪਈ ॥ ਸੁਖ ਦੁਖ ਯਾ ਜਗ ਭੀਤਰ ਸੋਈ । ਕਰਮ  
 ਅਧੀਨ ਸਦਾ ਨਰ ਹੋਈ । ਜੋ ਜੋ ਫਲ ਆਵੈ ਜਗ ਮਾਹੀਂ  
 । ਭੋਯੇ ਤਾਹਿ ਸੁਸਤ ਮਨ ਮਾਹੀਂ ॥ ੬ ॥ ਭੋਗ ਅਗਮਨ ਵਿ



ਵਰਜਨ ਸੋਈ । ਚਾਹੇ ਨਾ ਮਨ ਭੀਤਰ ਦੋਈ । ਆਗਛਤੁ  
 ਗਛਤਵਾ ਸੋਈ । ਭੋਗ ਵਸਤ ਜਗ ਭੀਤਰ ਹੋਈ ॥ ੭ ॥ ਦੇਸ  
 ਕਾਲ ਕੀ ਸੰਗਤ ਪਾਇ । ਯਾ ਬਿਧ ਕੇ ਨਰ ਕਰਮ ਕਮਾਇ  
 । ਸੁਭਾ ਸੁਭ ਤਾਂ ਫਲ ਭੋਗੇ ਸੋਈ । ਨਾਂਹਿ ਕਵਾਚਿਤ ਉਲਟੇ  
 ਹੋਈ ॥ ੮ ॥ ਭਲੇ ਬੁਰੇ ਫਲੁ ਜੋ ਕਛੁ ਹੋਈ । ਹਰਖ ਵਿਖਾਦ  
 ਕਰੇ ਨਹਿ ਕੋਈ । ਬਿਧਾਤਾਨੇਂ ਰਚਿਦੀਨੇਂ ਜੋਈ । ਸੋ ਆਲੰਘ  
 ਸੁਰਾਸੁਰ ਹੋਈ ॥ ੯ ॥ ਸੂਖ ਦੂਖ ਜਗ ਭੀਤਰ ਭਾਰੇ । ਸਦਾ  
 ਹੋਹਿ ਨਰ ਜਗਤ ਮਝਾਰੇ । ਪੁੰਨ ਪਾਪ ਤੇ ਉਪਜੈ ਦੇਹ । ਸੋਹੈ  
 ਸੁਖ ਅਰ ਦੁਖ ਕੇ ਗੋਹ ॥ ੧੦ ॥ ਸੂਖ ਅਨੰਤਰ ਹੋਵੇ ਦੂਖ ।  
 ਦੂਖ ਅਨੰਤਰ ਹੋਇ ਸੁ ਸੂਖ । ਦੋਨ ਅਲੰਘ ਸਰਬ ਕੇ ਅਹੇ ।  
 ਦਿਨ ਰਾਤਰ ਜਿਉ ਨਰ ਉਰ ਗਹੇ ॥ ੧੧ ॥ ਸੁਖਕੇ ਬੀਚ  
 ਰਹੇ ਦੁਖ ਮੀਤ । ਦੁਖ ਕੇ ਬੀਚ ਸੁ ਸੁਖ ਧਰ ਚੀਤ । ਦੋਉ ਪਰ  
 ਸਪਰ ਮਿਲੇ ਸੁ ਐਸੇ । ਜਲੁ ਅਰੁ ਪੰਕ ਮਿਲੇ ਜਗ ਜੈਸੇ ॥  
 ੧੨ ॥ ਗਿਆਨੀ ਧਰ ਧੀਰਯ ਉਰ ਮਾਹੀਂ । ਇਸ੍ਰੁ ਅਨਿਸ੍ਰੁ  
 ਪਾਇ ਜਗ ਮਾਹੀਂ । ਹਰਖ ਵਿਖਾਦ ਨ ਤਾਮੈਂ ਕਰੈ । ਮਾਇਆ  
 ਸਰਬ ਸੁ ਯੋਂ ਮਨ ਧਰੈ ॥ ੧੩ ॥ ਦੋਹਰਾ ॥ ਗੁਹ ਲਖਮਣ  
 ਇਹ ਭਾਖਤੇ ਭਯੋ ਸੁ ਵਿਮਲ ਅਕਾਸ਼ । ਰਾਮ ਸੁਨੀਰ ਸਪਰਸ਼  
 ਕੈ ਭਏ ਸੁਚੇਤ ਉਦਾਸ ॥ ੧੪ ॥ ਸ੍ਰੈਯਾ ॥ ਰਾਮ ਕਹਿਯੋ ਵਿਛ  
 ਨਾਵ ਅਬੈ ਗੁਹ ਜਾਇ ਲਿਆਵਹੁ ਮੀਤ ਹਮਾਰੇ । ਜਾਵਹਿ  
 ਬੇਗ ਸੁ ਪ੍ਰਾਤ ਭਯੋ ਚਢ ਨਾਵ ਭਲੀ ਬਿਧਿ ਗੰਗ ਸੁ ਪਾਰੇ ।  
 ਸੁਨਿ ਰਾਮਕੇ ਵਾਕ ਨਿਖਾਦ ਪ੍ਰਤੀ ਚਲਿ ਆਪਗਏ ਨ ਲਗੀ



ਕਛੁ ਬਾਰੇ । ਸੁਭ ਲੱਖਣ ਨਾਵ ਸੁ ਬੀਨ ਲਈ ਤਹਿ ਲੈ ਪਹੁੰਤੇ  
 ਜਹਿ ਰਾਮ ਮੁਰਾਰੇ ॥ ੧੫ ॥ ਮਮ ਨਾਥ ਸੁ ਸਾਨੁਜ ਸੀਯ  
 ਸਮੇਤ ਸੁ ਆਪ ਚੜ੍ਹੇ ਇਹ ਨਾਵ ਸੁ ਆਈ । ਅਬ ਆਪ  
 ਚਲਾਵਤ ਹੈ ਬਿਧ ਸੋ ਪੁਨਿ ਔਰ ਚਲਾਵਹਿੰਗੇ ਮਮ ਭਾਈ ।  
 ਗੁਹ ਰਾਮ ਤਬੇਤਿ ਬਖਾਨ ਤਬੀ ਭੁਜ ਥਾਂਭ ਸੁ ਜਾਨਕੀ ਆਪ  
 ਚਢਾਈ । ਗੁਹ ਹਾਥ ਅਲੰਬਨ ਕੈ ਗਿਰਜਾ ਪੁਨਿ ਆਂਚਤ  
 ਨਾਵ ਚੜ੍ਹੇ ਰਘੁਰਾਈ ॥ ੧੬ ॥ ਸਭ ਆਯੁਧ ਲੈ ਅਪੁਨੇ ਕਰਮੈਂ  
 ਪੁਨਿ ਨਾਵ ਚੜ੍ਹੇ ਰਘੁਬੀਰਕੇ ਭਾਈ । ਗੁਹ ਜਾਤਿ ਸਮੇਤ ਸੁ  
 ਨਾਵ ਵਹੀ ਅਤਿ ਪਾਵਨ ਨੀਰ ਮੈਂ ਬੇਗ ਚਲਾਈ । ਕਰ ਜੋਰ  
 ਕਰੀ ਬਿਨਤੀ ਤਬ ਸੀ ਅਧਬੀਚ ਜਬੈ ਚਲ ਨਾਵ ਸੁਆਈ  
 । ਅਭਿ ਬੰਦਨ ਤੇ ਪਦ ਪੰਕਜ ਕੇ ਸੁਨਿ ਗੰਗ ਭਲੇ ਬਿਨਤੀ  
 ਮਮ ਮਾਈ ॥ ੧੭ ॥ ਦੋਹਰਾ ॥ ਬਨੋਬਾਸਤੇ ਮੈ ਜਬੀ  
 ਆਵੋਂਗੀ ਘਰ ਮਾਂਹਿ । ਰਾਮ ਲਖਨ ਕੇ ਸੰਗ ਪੁਨ ਪੂਜੋਂਗੀ  
 ਤਵ ਪਾਇ ॥ ੧੮ ॥ ਸੁਰਾ ਮਾਸ ਉਪਹਾਰ ਕੈ ਨਾਨਾ ਭਲੀ  
 ਅਪਾਰ । ਪੂਜੋਂਗੀ ਮੈਂ ਗੰਗਤਟ ਪਰਮ ਸੁ ਆਦਰ ਧਾਰਾ ॥ ੧੯  
 ॥ ਯਾ ਬਿਧ ਭਾਖਯੋ ਜਾਨਕੀ ਗਏ ਸੁ ਪਰਤਟ ਮਾਂਹਿ । ਪਾਵਨ  
 ਕਰੇ ਸੁ ਭੂਮ ਪਦ ਸਨੇ ਸਨੇ ਪਥਜਾਂਹਿ ॥ ੨੦ ॥ ਗੁਹ ਰਘੁ  
 ਪਤਿ ਪ੍ਰਤਿ ਭਾਖਿਯੋ ਸੰਗ ਚਲੋਂ ਸ੍ਰੀ ਰਾਮ । ਆਗਯਾ ਮੋਕੋ  
 ਦੀਜੀਏ ਰਾਜਿੰਦਰ ਰਘੁਰਾਮ ॥ ੨੧ ॥ ਦੇਹੁ ਨ ਆਇਸ ਰਾਮ  
 ਜਬ ਤਜੋਂ ਪ੍ਰਾਣ ਸੁਖ ਦੈਨ । ਸੁਨਿ ਨਿਖਾਧ ਕੇ ਬਚਨ ਯਹ  
 ਬੋਲੇ ਕਰੁਣਾਂ ਐਨ ॥ ੨੨ ॥ ਸਵੈਯਾ ॥ ਘਰ ਬੀਚ ਰਹੋ ਸੁ



ਨਿਖਾਦ ਪਤੀ ਮਮ ਆਵਨਪੰਥ ਸੁ ਨੀਤ ਨਿਹਾਰੋ । ਦਸਰਾਰ  
 ਸਮਾ ਬਸ ਦੰਡਕ ਮੈਂ ਪੁਨਿ ਆਵਹੁ ਬੇਗ ਸੁ ਮੈ ਉਰਧਾਰੋ ।  
 ਨਹਿੰ ਰਾਮ ਸੁ ਬੁਠ ਬਖਾਨਤ ਹੈ ਯਹਿ ਸੱਤ ਭਲੇ ਉਰ ਮਾਹਿ  
 ਬਿਚਾਰੋ । ਇਮ ਭਾਖ ਸੁ ਰਾਮ ਮਿਲੇ ਗਲ ਮੈ ਧਰਧੀਰਸਖੇ  
 ਨਹਿ ਫੇਰ ਉਚਾਰੋ ॥ ੨੩ ॥ ਇਹ ਭਾਂਤਿ ਬਖਾਨ ਹਟਾਇ ਦਏ  
 ਗੁਹ ਸੇ ਦੁਖ ਸੇਂ ਘਰ ਮਾਹਿ ਗਏ । ਤਿੰਹ ਠੌਰ ਬਿਖੈ ਮ੍ਰਿਗ  
 ਪਾਵਨ ਏਕ ਸੁ ਰਾਮ ਸਰਾਸਨਤਾਂਨ ਹਏ । ਬਨ ਪਾਵਕਮਾਹਿ  
 ਪਕਾਇ ਤਿਨੇਂ ਪੁਨਿ ਦੇਵਨਕੇ ਹਿਤ ਹੋਮਕਏ । ਕਰ ਭੋਜਨ  
 ਸੇਖ ਸੁ ਤੀਨ ਜਨੇ ਤਰ ਮੂਲ ਸੁਖੀ ਨਿਸ ਕਾਲ ਨਏ ॥ ੨੪ ॥  
 ॥ ਦੋਹਰਾ ॥ ਲਖਮਨ ਰਾਮ ਸੁ ਜਾਨਕੀ ਗਹਿਬਰ ਬਨਕੇ  
 ਰਾਸ । ਭਾਰਦਵਾਜ ਆਸ਼੍ਰਮ ਗਏ ਬਾਹਰ ਖਰੇ ਸੁਪਾਸ ॥ ੨੫ ॥  
 ਤਹਿੰ ਇਕ ਬਟੂ ਨਿਹਾਰਕੈ ਰਾਮ ਕਹਯੋ ਬਟ ਬਾਲ ॥  
 ਦਾਸਰਥੀ ਇਕ ਰਾਮ ਹੈ ਸੀਤਾ ਲਖਮਣ ਨਾਲ ॥ ੨੬ ॥  
 ਬਾਹਰ ਬਨਕੇ ਹੈਂ ਖੜੇ ਜਾਇ ਕਹਯੋ ਮੁਨਿ ਪਾਸ । ਸੁਨਿ ਰ  
 ਘੁਵਰ ਕੀ ਬਾਤ ਕੋ ਬਟ ਉਰ ਭਯੋ ਹੁਲਾਸ ॥ ੨੭ ॥ ਬੇਗ  
 ਗਯੋ ਮੁਨਿ ਪਾਸ ਵਹੁ ਪਦ ਬੰਦੇ ਅਭਿਰਾਮ । ਸੁਆਮਨਿ  
 ਬਾਹਰ ਹੈਂ ਖਰੇ ਲਖਮਨ ਸੀਤਾ ਰਾਮ ॥ ੨੮ ॥ ਮੋ ਪ੍ਰਤਿ  
 ਤਾਹਿੰਬਖਾਨਿਯੋ ਹੇ ਬਟੁ ਬੇਗ ਸੁ ਜਾਇ । ਭਾਰ ਦਵਾਜ ਮੁਨਿ  
 ਪਾਸ ਤੂੰ ਮਮ ਬਿਰਤਾਂਤ ਸੁਨਾਇ ॥ ੨੯ ॥ ਸਵੈਯਾ ॥ ਸੁਨਿ  
 ਕੈ ਯਹਿ ਬਾਤ ਮੁਨੀਸ਼ ਗੁਨੀ ਉਠਿ ਆਸਨ ਤੇ ਹਰਿ ਕੀ  
 ਢਿਗ ਆਏ । ਮੁਨਿ ਰਾਮ ਨਿਹਾਰ ਸੁ ਪੂਜਨ ਕੈ ਉਠ ਪ੍ਰੇਮ



ਭਰੇ ਪੁਨਿ ਬੈਨ ਅਲਾਏ । ਕਰ ਪਾਵਨ ਪਰੁਣ ਕੁਟੀ ਚਲਕੇ  
 ਦਿਗ ਵਾਰਜ ਪਾਇਨ ਕੀ ਰਜ ਲਾਏ । ਇਮ ਭਾਖ ਮੁਨੀਸਰ  
 ਰਾਮ ਸੀਆ ਲਘੁ ਭ੍ਰਾਤ ਸਮਾ ਘਰ ਭੀਤਰ ਆਏ ॥ ੩੦ ॥  
 ਚੌਪਈ ॥ ॥ ਭਗਤ ਭਰੇ ਪੁਨਿ ਪੂਜਨ ਕਰਿਯੋ । ਕੀਯੋ  
 ਅਥਿਤਿ ਹਰਖ ਉਰ ਭਰਿਯੋ । ਤਵ ਸੰਗਤ ਤੇ ਰਾਮ ਉਦਾਰ  
 । ਆਜ ਲਹਯੋ ਮੈ ਤਪਕੋ ਪਾਰ ॥ ੩੧ ॥ ਤੇਰੇ ਆਹਿ ਉਦੰਤ  
 ਸੁ ਜੋਈ । ਪੂਰਬ ਭਯੋ ਬਹੁਰ ਕਛੁ ਹੋਈ । ਸੋ ਮੈਂ ਜਾਨਯੋ  
 ਸਗਲੋ ਰਾਮ । ਤੁਮ ਪਰਮਾਤਮ ਪੂਰਣ ਧਾਮ ॥ ੩੨ ॥ ਮਾਇ  
 ਆ ਕਰ ਜਗ ਮਨੁਜ ਅਕਾਰ । ਜਾ ਹਿਤ ਤੇਰੇ ਹੈ ਅਵਤਾਰ  
 । ਬ੍ਰਹਮਾ ਕਰੀ ਸੁ ਬਿਨਤੀ ਥਾਰੀ । ਤਾਂਤੇ ਆਯੋ ਭੂਮ  
 ਮਝਾਰੀ ॥ ੩੩ ॥ ਜਾਂ ਹਿਤ ਤੈਂ ਲੀਨੋ ਬਨ ਬਾਸ । ਸੋ ਮੇਰੇ  
 ਮਨ ਭਯੋ ਪ੍ਰਕਾਸ਼ । ਆਗੇ ਕਰੇ ਰਾਮ ਪੁਨਿ ਜੋਈ । ਮੈਂ ਜਾਨੋ  
 ਸਗਲੋ ਪੁਨਿ ਸੋਈ ॥ ੩੪ ॥ ਤੇਰੀ ਕਰੀ ਉਪਾਸ਼ਨ ਜਾਂਤੇ ।  
 ਗਯਾਨ ਦਿਸ਼ਟਿ ਕਰ ਜਾਨੋਂ ਤਾਂਤੇ । ਇਤਹ ਪਰੰਤੇ ਭਨੋਂ  
 ਮਹਾਂ ਰਬੁ । ਆਜੁ ਭਯੋ ਮੈਂ ਰਾਮ ਕ੍ਰਿਤਾਰਥ ॥ ੩੫ ॥ ਪ੍ਰਕ੍ਰਿਤ  
 ਪਰੇ ਤੂੰ ਪੁਰਖ ਪੁਰਾਨਾ ਰਾਮ ਭਯੋ ਮਮ ਨੈਨਨ ਭਾਨ ॥ ਯਾਬਿਧ  
 ਮੁਨਿਵਰ ਭਾਖਜ ਜਬ ਹੀਂ । ਬੋਤਲ ਭਏ ਰਾਮ ਪੁਨਿ ਤਬਹੀਂ  
 ॥ ੩੬ ॥ ਸੀਤਾਲਖਮਣ ਸੋ ਯੁਤਰਾਮ । ਪ੍ਰਥਮਕਰੀ ਪੁਨਿ  
 ਪਦਮ ਪ੍ਰਣਾਮ । ਕਰੁਣਾ ਭਾਜਨ ਹੈਂ ਮੁਨਿ ਥਾਰੇ । ਹਮ ਹੈਂ  
 ਖੱਤ੍ਰੀ ਬੁਧਿ ਬਿਚਾਰੇ ॥ ੩੭ ॥ ਸੰਕਰ ਛੰਦ ॥ ਇਮ ਭਾਖ  
 ਮੁਨਿ ਹਰਿ ਪਰਸਪਰ ਮੁਨਿ ਪਾਸ ਰਾਮ ਨਿਵਾਸ । ਨਿਸ



ਮਾਂਹਿ ਕੀਨੋਂ ਪ੍ਰਾਤ ਉਠੇ ਭਏ ਅਰਣ ਪ੍ਰਕਾਸ਼ । ਮੁਨਿ ਸਿੱਖ  
 ਕੀਨੋਂ ਪਲਵ ਰਾਮ ਸੁ ਗਏ ਯਮਨਾਂ ਪਾਰ । ਮੁਨਿ ਦ੍ਰਿਸ਼੍ਟ  
 ਮਾਰਗ ਰਾਮ ਜੀ ਗਏ ਚਿਤ੍ਰ ਕੂਟ ਪਹਾਰ ॥ ੩੮ ॥ ਬਾਲ  
 ਮੀਕ ਮੁਨੀਸ਼ ਕੇ ਜਹਿ ਆਹਿ ਪਰਮ ਸਥਾਨ । ਵਹਿ ਆਹਿ  
 ਆਸ਼੍ਰਮ ਸੁੰਦਰੇ ਮੁਨਿ ਰਹੇ ਜਾਂਹ ਮਹਾਨ । ਸਰ ਕਮਲ ਫੁਲੇ  
 ਮਾਲਤੀ ਮ੍ਰਿਗ ਐ ਵਿਹੰਗ ਹਜ਼ਾਰ । ਫਲ ਪੁਸ਼ਪਜਾਮੈਂ ਨੀਤ  
 ਹੈਂ ਮਨ ਹਰਨ ਉਜਲ ਵਾਰ ॥ ੩੯ ॥ ਤਹਿ ਪੇਖਬੈਠੇ ਰਾਮ  
 ਜੀ ਮੁਨਿ ਬਾਲਮੀਕ ਬਿਲਾਸ । ਸਿਰ ਸੋਂ ਕਰੀ ਅਭਿਬੰਦਨਾ  
 ਸ੍ਰੀ ਭ੍ਰਾਤ ਲਖਮਣ ਨਾਲ । ਰਮਾਨਾਥ ਸੁ ਰਾਮ ਜੀ ਤ੍ਰਈਲੋਕ  
 ਸੁੰਦਰ ਰੂਪ । ਜਾਨਕੀ ਲੱਖਣ ਮਿਲੇ ਸਿਰ ਜਦਾ ਮੁਕਟ  
 ਅਨੂਪ ॥੪੦॥ ਕੰਦਰਪ ਸੁੰਦਰ ਵੈ ਤਨੂੰ ਦ੍ਰਿਗ ਕਮਲ ਸੋਭ  
 ਅਪਾਰ । ਤਿੰਹ ਪੇਖ ਮੁਨਿ ਸਹਿਸਾ ਉਠੇ ਉਰ ਬਿਸਮ ਨੈਨ  
 ਉਘਾਰ । ਗਲਿ ਲਾਇ ਪਰਮਾਨੰਦ ਰਾਮ ਸੁ ਹਰਖ ਦ੍ਰਿਗ  
 ਜਲ ਜਾਇ । ਅਰਘਾਦਿ ਪੂਜਨ ਭਗਤਿ ਕੈ ਪੁਨਿ ਕਰੇ ਰਾਮ  
 ਬੈਠਾਇ ॥੪੧॥ ਲਾਲਨ ਕੀਯੋ ਬਹੁ ਭਾਂਤਿ ਮੁਨਿ ਫਲ ਮੂਲਿ  
 ਮਿਸ੍ਰ ਖਵਾਇ । ਤਬ ਰਾਮ ਦਿਜ ਕਰ ਜੋਰ ਕੈ ਮੁਹਿ ਕਹਜ  
 ਆਪ ਸੁਣਾਇ । ਦੰਡਕਾਬਣ ਹਮ ਅਏ ਪਿਤ ਆਗਿਆ ਉਰ  
 ਮਾਨ । ਤੁਮ ਜਾਨਹੋ ਮੁਨਿ ਆਪ ਕਾਰਣ ਕਿਆ ਕਰੋਂ  
 ਬਾਖਾਨ ॥ ੪੨ ॥ ਸਵੈਯਾ ॥ ਕਿੰਚਤ ਕਾਲ ਸੁ ਸੀਯ ਸਮੇਤ  
 ਜਹਾਂ ਸੁਖਵਾਸ ਸੁ ਮੋ ਮਨ ਹੋਈ । ਆਪ ਬਿਚਾਰ ਕਹੋ ਮੁਨਿ  
 ਪੁੰਗਵ ਮੋ ਪ੍ਰਤਿ ਸੁੰਦਰ ਠੋਰ ਸੁ ਸੋਈ । ਸੁਨਿ ਕੈ ਯਹ ਬਾਤ



ਹਸੇ ਮੁਨਿ ਪੁੰਗਵ ਉਤਮ ਠੌਰ ਸੁਨੋ ਅਬ ਜੋਈ । ਤੁਮਹੀਂ  
 ਸਭ ਲੋਕਨ ਵਾਸ ਜਗਾ ਜਗ ਭੀਤਰ ਔਰ ਨਾ ਭਾਸਤ ਕੋਈ  
 ॥ ੪੩ ॥ ਚੌਪਈ ॥ ਜੀਵ ਅਹੇਂ ਜਗ ਭੀਤਰ ਜੇਤੇ ।  
 ਸਦਨ ਤੁਮਾਰੇ ਰਾਮ ਸੁ ਤੇਤੇ । ਯਹ ਅਸਥਾਨ ਸਧਾਰਣ  
 ਜੋਈ । ਰਘੁਨੰਦਨ ਮੈਂ ਭਾਖਯੋ ਸੋਈ ॥ ੪੪ ॥ ਸੀਤਾ ਸਹਿਤ  
 ਜਹਾਂ ਸੁਖ ਹੋਈ । ਰਾਮ ਵਸੇਖ ਸੁ ਪੂਛਯੋ ਜੋਈ । ਸੋ ਅਬ  
 ਤੋਹਿ ਬਖਾਨੋਂ ਰਾਮ । ਸੀਤਾ ਸਹਿਤ ਵਸੋ ਜਨ ਧਾਮ ॥ ੪੫ ॥  
 ਸਮਦ੍ਰਿਸ਼ੀ ਉਰ ਸ਼ਾਂਤਿ ਉਦਾਰੇ । ਜੀਵਨ ਮਾਂਹਿ ਸੁ ਦ੍ਰਿਖ ਨ  
 ਧਾਰੇ । ਤੋਕੋ ਭਜੇ ਨਿਰੰਤਰ ਨੀਤ । ਰਾਮ ਤੁਮਾਰੋ ਗ੍ਰਹ ਤਿਨ  
 ਚੀਤ ॥ ੪੬ ॥ ਧਰਮਾ ਧਰਮ ਦੇਉ ਜਿਨ ਤਯਾਗੇ । ਤੇਰੇ  
 ਭਜਨ ਬਿਖੇ ਨਿਤ ਲਾਗੇ । ਸੀਤਾ ਸਹਿਤ ਰਾਮ ਤਿਨ ਚੀਤ ।  
 ਤੇਰੇ ਮੰਦਰ ਅਹੇ ਸੁਨੀਤ ॥ ੪੭ ॥ ਤੇਰੇ ਮੰਤਰ ਜਪੇ ਸੁ ਜੋਈ ।  
 ਤੇਰੀ ਸ਼ਰਣ ਸਦਾ ਉਰ ਹੋਈ । ਨਿਰ ਦੁੰਦੇ ਨਿਰਬਾਸ  
 ਉਦਾਰ ॥ ਤਾਂਕੋ ਰਿਦੇ ਸੁ ਤੋਹਿ ਅਗਾਰ ॥ ੪੮ ॥ ਨਰਾਜ  
 ਛੰਦ ॥ ਅਹੰਭਿਮਾਨ ਨਾ ਜਿਨੇਂ ਸੁ ਸਾਂਤ ਚੀਤ ਜੇ ਧਰਾਂ ।  
 ਅਕਾਮ ਲੋਕ ਸਰਬ ਮੈਂ ਨ ਦ੍ਰਿਖ ਰੰਚਿ ਜੇ ਕਰੇਂ । ਡਿਲੀ ਸਿਲੀ  
 ਸੁ ਕਾਚਨੀ ਨਿਹਾਰ ਹੈ ਬਰੋਬਰੰ । ਸਮੇਤ ਸੀਯ ਰਾਮ ਕੇ  
 ਰਿਦੇ ਸੁ ਤਾਹਿ ਕੋ ਘਰੰ ॥ ੪੯ ॥ ਸੁ ਬੁਧਿ ਔ ਮਨੀ ਸਦਾ  
 ਜੁ ਤੋਹਿ ਮੈ ਲਗਾਇ ਹੈਂ । ਸੁ ਤੋਹਿ ਧਯਾਨ ਧਾਰ ਕੈ ਸਦਾ  
 ਅਨੰਦ ਪਾਇ ਹੈਂ । ਸਮਸਤ ਕਰਮ ਤੇ ਹਿਤੰ ਕਰੇ ਨਿਰੰਤਰੰ  
 ਜਨੋ । ਗ੍ਰਹੰਸ ਤੇ ਨਿਹਾਰਿਯੋ ਸੁ ਸੀਯ ਰਾਮ ਤਾ ਮਨੋ ॥ ੫੦ ॥



ਅਨਿਸ੍ਰ ਵਸਤੁ ਪਾਇਕੈ ਨ ਦੈਖ ਜੋ ਕਦੇ ਕਰੇ । ਸੁ ਇਸ਼ਟ  
 ਵਸਤੁ ਪਾਇਕੈ ਨ ਹਰਖ ਚਿੰਤ ਮੈਂ ਧਰੇ । ਸੁ ਮਾਇਆ ਸਮ-  
 ਸਤ ਹੇਰ ਤੇ ਭਜੇ ਨਿਰੰਤਰੀ । ਬਸੋ ਸੁ ਰਾਮਚੰਦ ਤੂੰ ਸੁ ਤਾਂ ਜਨੋਂ  
 ਮਨੰਤਰੀ ॥ ੫੧ ॥ ਵਿਕਾਰ ਸਰਬ ਦੇਹ ਮੈਂ ਨ ਆਤਮਾਂ  
 ਬਿਖੇ ਪਿਖੇ । ਖੁਧਾ ਤ੍ਰਿਖਾ ਸੁਖੀ ਭਯੰ ਸੁ ਪ੍ਰਾਣਿ ਬੁਧਿ ਮੈ ਲਖੈ  
 । ਵਿਮੁਕਤ ਜੋ ਜਗਤ ਤੇ ਸਦਾ ਅਸੰਗ ਜੋ ਰਹੇ । ਗ੍ਰਹਿ ਸੁ ਰਾਮ  
 ਤਾ ਮਨੋਂ ਸੁ ਬੇਦ ਆਪ ਤੇ ਕਹੇ ॥ ੫੨ ॥ ਪਿਖੇ ਜੁ ਸਰਬ  
 ਭੂਤ ਕੇ ਗੁਹਾ ਸੁਖੀ ਸੁ ਚੇਤਨੀ । ਅਲੇਪਕੀ ਅਨੰਤ ਸੱਤ ਸਰ  
 ਬਦੀ ਸੁ ਏਕਨੀ । ਇਸੇ ਜਗਤ ਥਾਰਿਯਾ ਸੁ ਤਾਂ ਰਿਦਾਂ ਬੁਜੇ  
 ਗ੍ਰਹੇ । ਸਮੇਤੀਯਾ ਬਸੋ ਸਦਾ ਬਿਸਾਲ ਮੰਦਰੀ ਅਹੇ ॥ ੫੩ ॥  
 ਦਿਵਾਤਮਾਂ ਸਦਾ ਭਿਆਸ ਜੇ ਕਰੇ ਨਿਰੰਤਰੀ । ਸਦਾ ਸੁ ਤੋਹਿ  
 ਸੇਵ ਹੈ ਕਰੇ ਨ ਰੰਚ ਅੰਤਰੀ । ਸੁ ਤੋਹਿ ਨਾਮ ਕੇ ਜਪੇ ਮਿਟੇ  
 ਸੁ ਪਾਪ ਜਾਹਿ ਕੇ । ਸੁਖੀ ਵਸੋ ਸੁ ਸੀਯ ਰਾਮਨੀਤ ਚਿੰਤ  
 ਤਾਹਿ ਕੇ ॥ ੫੪ ॥ ਦੋਹਰਾ ॥ ਰਾਮ ਤੁਮਾਰੇ ਨਾਮ ਕੀ  
 ਮਹਿਮਾ ਕਹੀ ਨ ਜਾਇ । ਜਾਂ ਪ੍ਰਭਾਵ ਤੇ ਮੈ ਰਿਖੀ ਭਯੋ ਰਾਮ  
 ਸੁਖ ਦਾਇ ॥ ੫੫ ॥ ਚੌਪਈ ॥ ਪ੍ਰਥਮੈਂ ਮੈਂ ਸੁ  
 ਕਿਰਾਂਤਨ ਮਾਹੀ । ਕਿਰਾਂਤਨ ਸੰਗ ਬਧਯੋ ਜਗ ਮਾਹੀ ।  
 ਜਨਮ ਮਾਤ੍ਰ ਮੇ ਦਿਜ ਤੇ ਭਯੋ । ਔਰ ਅਚਾਰਯ ਸੂਦਰ ਕਯੋ ॥  
 ੫੬ ॥ ਬਹੁਤ ਸੂਦਰੀ ਮੈ ਉਪਜਾਏ । ਚੋਰਨ ਮਿਲ ਪਰ  
 ਦਰਬ ਚੁਰਾਏ । ਧਨੁਖ ਬਾਲ ਕਰ ਭੀਤਰ ਧਰੋਂ । ਜੀਵਨ ਕੋ  
 ਅੰਤਕ ਸਮ ਹਰੋਂ ॥ ੫੭ ॥ ਏਕ ਸਮੇਂ ਮੁਨਿ ਸਪਤ ਉਦਾਰੇ



। ਕਾਨਨ ਮਾਹਿ ਸੁ ਮੋਹਿ ਨਿਹਾਰੇ । ਤੱਤ ਗਿਆਨੀ ਦੀਪਤ  
 ਮਾਨ । ਅਗਨਿ ਅਰਕ ਸੀ ਪ੍ਰਭਾ ਮਹਾਨ ॥ ੫੮ ॥ ਤਿਨ ਕੈ  
 ਪਾਛੈ ਮੈਂ ਉਠ ਧਾਇਓ । ਲੋਭ ਬਡੇ ਮੇਰੇ ਉਰ ਆਇਓ ਤਾ  
 ਕੇ ਬੇ ਤਨ ਬਸਤ੍ਰ ਸੁ ਜੇਤੇ । ਉਰ ਮੈ ਚਹੋਂ ਉਤਾਰੇ ਜੇਤੇ ॥  
 ੫੯ ॥ ਤਿਸ੍ਰੁ ਤਿਸ੍ਰੁ ਕਰ ਜਾਹਿ ਸੁ ਭਾਗੇ । ਮੋਕੇ ਪਿਖ ਮੁਨਿ  
 ਪੂਛਨ ਲਾਗੇ । ਦਿਜਬਰ ਤੂੰ ਕਿਉਂ ਆਵੇਂ ਧਾਇ । ਤਬ ਮੈਂ  
 ਤਿਨ ਪ੍ਰਤਿ ਦਯੋ ਸੁਨਾਇ ॥ ੬੦ ॥ ਮੁਨੀਸ਼ਰ ਮੈਂ ਕਛੁ ਤੁਮ  
 ਤੇ ਲੇਵੋਂ । ਸੁਤ ਦਾਰਾਪ੍ਰਤਿ ਮੈਂ ਗਹਿ ਦੇਵੋਂ । ਬਹੁਤੇਹੈਂ ਸੁਤ  
 ਮੇਰੇ ਦਾਰਾ । ਭੂਖੇ ਕਰੇਂ ਸੁ ਭਵਨ ਪੁਕਾਰਾ ॥ ੬੧ ॥ ਤਿਨਕੀ  
 ਰਛਾ ਧਰ ਉਰ ਮਾਹੀਂ । ਬਿਚਰੋਂ ਮੁਨਿ ਮੈਂ ਕਾਨਨ ਮਾਹੀਂ  
 । ਤਬ ਮੇਰੇ ਪ੍ਰਤਿ ਵੈ ਮੁਨਿ ਬੋਲੇ । ਸਾਵਧਾਨ ਨਹਿ ਅੰਤਰਿ  
 ਡੋਲੇ ॥ ੬੨ ॥ ਜਾਇ ਕੁਟੰਬ ਪੁਛੇ ਤੁਮ ਨੀਚ । ਜੋ ਜੋ ਪਾਪ ਕਰੇ  
 ਦਿਨ ਬੀਚ । ਤੁਮ ਤਿਨ ਭਾਗੀ ਹੋਹੁ ਕਿ ਨਾਹੀਂ । ਭਿੰਨ ਭਿੰਨ  
 ਪੁਛੇ ਘਰ ਮਾਹੀਂ ॥ ੬੩ ॥ ਹਮ ਨਹਿ ਯਾਹਿ ਠੌਰ ਤੇ ਜਾਵੈਂ  
 । ਜਬ ਲਗ ਤੂੰ ਨਹੀਂ ਘਰ ਤੇ ਆਵੈਂ । ਤਬ ਮੈ ਕਹੋ ਤਬਾ  
 ਮੁਨਿ ਜਾਵੋਂ । ਪੁਛ ਸਭ ਨ ਕੇ ਘਰ ਤੇ ਆਵੋਂ ॥ ੬੪ ॥ ਸੁਤਦਾਰਾ  
 ਮੈਂ ਪੁਛੇ ਜਬਹੀ । ਮੈ ਪ੍ਰਤਿ ਕਹਯੋ ਰਾਮ ਤਿਨ ਤਬਹੀ । ਹਮ  
 ਨਹੀਂ ਕਹਤੇ ਪਾਪ ਕਮਾਵੇ । ਆਪਨ ਕੀਆ ਆਪ ਤੁਮ ਪਾ  
 ਵੇ ॥ ੬੫ ॥ ਸੋ ਸੁਨਿ ਮੈ ਉਰ ਬਢੇ ਬਿਰਾਗ । ਜਾਗਯੋ ਕੇ  
 ਪੂਰਬ ਕ੍ਰਿਤ ਭਾਗ । ਕਰੁ ਬਿਚਾਰ ਮਨ ਤਹਿ ਚਲ ਆਯੋ ।  
 ਜਹਿ ਤੇ ਮੋਕੇ ਮੁਨਿਨ ਪਠਾਯੋ ॥ ੬੬ ॥ ਕਰਨਾ ਪੂਰਬ ਮੁਨਿ



ਮੁਨਿ ਸਾਰੇ । ਤਹਿ ਠਾਢੇ ਮੁਨਿ ਮੋਹਿ ਨਿਹਾਰੇ । ਮੁਨਿਕੋ ਦਰ  
 ਸ਼ਨ ਪਾਯੋ ਜਬਹੀਂ । ਸੁਧ ਭਯੋ ਮੇਰੇ ਮਨ ਤਬਹੀਂ ॥ ੬੭ ॥  
 ॥ ਕਰ ਤੇ ਤਯਾਗੇ ਮੈਂ ਧਨੁ ਬਾਨੁ । ਮੁਨਿ ਪਦ ਪਰਯੋਸੁ ਦੰ  
 ਡ ਸਮਾਨ । ਨਰਕ ਸਮੁੰਦ ਗਿਰੋ ਮੈਂ ਭਾਰੀ । ਹੇ ਮੁਨਿ ਲੀ  
 ਜੋ ਮੋਹਿ ਉਬਾਰੀ ॥ ੬੮ ॥ ਆਗੇ ਕੀਯੋ ਦੇਖ ਮੁਨਿ ਦਯਾਲ  
 । ਮੋ ਪ੍ਰਤਿ ਬੋਲੇ ਬਚਨ ਰਸਾਲ । ਉਠੋ ਉਠੋ ਤੇਰੀਕਲਿਆਨ  
 । ਸਫਲ ਭਇਓ ਸਤਿ ਸੰਗ ਮਹਾਨ ॥ ੬੯ ॥ ਕਛੁ ਤੋਕੋ ਹਮ  
 ਮੰਤ੍ਰ ਬਤਾਵੇਂ । ਤਾਹੀਂ ਕਰ ਤੂੰ ਮੁਕਤਿ ਸੁਪਾਵੇਂ । ਪੁਨਿ ਮੁਨਿ  
 ਪਰਸ ਪਰੰ ਸੁ ਨਿਹਾਰ । ਮਮ ਦੁਰਬ੍ਰਿਤ ਬਿਜਾਧਮ ਧਾਰ  
 ॥ ੭੦ ॥ ਉਪੇਖਯਾ ਜੋਗ ਅਹੇ ਯਹਿ ਨੀਚ । ਏਕ ਸੁ ਭਾਖੇ  
 ਯੋਂ ਮੁਖ ਬੀਚ । ਅਪਰ ਕਹੇ ਸ਼ਰਣਾਗਤਿ ਆਇਓ । ਮੋਖ  
 ਪੰਥ ਕਹਿ ਬਨੇ ਛਡਾਇਓ ॥ ੭੧ ॥ ਯਾ ਬਿਧ ਭਾਖ ਪਰਸ  
 ਪਰ ਰਾਮ । ਭਏ ਕ੍ਰਿਪਾਲ ਮੁਨੀ ਨਿਹ ਕਾਮ । ਤੇਰੇ ਰਾਮ  
 ਨਾਮ ਹੈ ਜੋਈ । ਬਿਯਸੁ ਵਰਣ ਕਰ ਭਾਖਯੋ ਸੋਈ ॥ ੭੨ ॥  
 ਯਹੀ ਠੋਰ ਮਨ ਕਰੋ ਇਕਾਗਰ । ਮਰਾ ਮਰਾ ਯੋਂ ਜਪੋਸੁ ਸਾ  
 ਵਰ । ਬਹੁਰੋ ਹਮ ਆਵੇਂਗੇ ਜੋ ਲੋ । ਜਪੋ ਨਿਰੰਤਰ ਯਹ ਤੁਮ  
 ਤੋ ਲੋ ॥ ੭੩ ॥ ਦਿੱਬ ਗਯਾਨੀ ਵੈ ਮੁਨਿ ਜੋਈ । ਯੋਂ ਮਮਭਾਖ  
 ਗਏ ਪੁਨਿ ਤੇਈ । ਤਿਨ ਕੀਓ ਉਪਦੇਸ ਸੁ ਜੈਸੇ । ਜਪੋਂ ਨਿ  
 ਰੰਤਰ ਮੈਂ ਪੁਨਿ ਤੈਸੇ ॥ ੭੪ ॥ ਜਪਤ ਇਕਾਗਰ ਮੈਂ ਮਨ  
 ਭਇਓ । ਬਾਹਰ ਗਯਾਨ ਭੂਲ ਸਭ ਗਇਓ । ਯਾ ਬਿਧ ਕਾਲ  
 ਬਹੁਤ ਬਿਤ ਗਏ । ਮੇਰੇ ਤਨ ਮਨ ਨਿਹਚਲ ਭਏ ॥ ੭੫ ॥



ਜਨ ਸੰਗਤ ਮੇਰੀ ਮਿਟਗਈ । ਬਾਲਮੀਕ ਮਮ ਉਪਰਭਈ  
। ਯੁਗਹਜ਼ਾਰ ਸੁ ਬੀਤਯੋ ਜਬਹੀ । ਆਏ ਮੁਨਿ ਕਰਣਾਂ ਕਰ  
ਤਬਹੀ ॥ ੭੬ ॥ ਨਿਕਸੋ ਯੋ ਭਾਖਯੋ ਮੁਨਿ ਜਬਹੀ । ਸੁਨ ਕੈ  
ਬੇਗ ਉਠਯੋ ਮੈਂ ਤਬਹੀ । ਬਾਲਮੀਕ ਤੇ ਨਿਕਸਯੋ ਐਸੇ ।  
ਫੇਰੁ ਕੁਹੀਰ ਤਰੁਣਿ ਰਵਿ ਜੈਸੇ ॥ ੭੭ ॥ ਮੋਕੇ ਪੇਖ ਬਹੁਰ  
ਮੁਨਿ ਭਾਖਯੋ । ਬਾਲਮੀਕ ਮਮ ਨਾਉ ਸੁ ਰਾਖਯੋ । ਬਾਲ  
ਮੀਕ ਤੇ ਨਿਕਸਯੋ ਜਾਂਤੇ । ਦੂਸਰ ਜਨਮ ਭਯੋ ਤਵ ਤਾਂਤੇ  
॥ ੭੮ ॥ ਯੋ ਮਮ ਭਾਖ ਗਏ ਸੁਰਲੋਕ । ਰਘੁਵੰਸੋਤਮ ਮੁਨੀ  
ਅਸ਼ੋਕ । ਮੈਂ ਤੇ ਰਾਮ ਨਾਮ ਇਕ ਲਯੋ । ਜਾਂ ਪ੍ਰਭਾਵਤੇ ਐਸੇ  
ਭਯੋ ॥ ੭੯ ॥ ਅਬ ਸਾਖਯਾਤ ਨਿਹਾਰੋਂ ਰਾਮ । ਸਾਨੁਜ ਸੀਯ  
ਸਮੰਮੁਖ ਧਾਮ । ਵਾਰਜ ਨੈਨ ਮੁਕਤਿ ਮੈ ਭਯੋ । ਯਾਹਿਬਿਖੇ  
ਨਾ ਸੰਸਾ ਰਹਿਯੋ ॥ ੮੦ ॥ ਦੋਹਰਾ ॥ ਯੋਂ ਪਰਮਾਰਥ  
ਭਾਖ ਕੈ ਪੁਨਿ ਬੋਲੇ ਸ੍ਰੀ ਰਾਮ । ਭਗਤ ਹਿਤਾਰਥ ਨਰ ਭਯੋ  
ਪੂਛੋ ਠੋਰ ਅਕਾਮ ॥ ੮੧ ॥ ਚੌਪਈ ॥ ਆਵੋ ਰਾਮ ਦਿਖਾਵੋਂ  
ਸੋਇ । ਨੀਕੀ ਠੋਰ ਅਹੇ ਪੁਨ ਜੋਇ । ਨੀਕੇ ਜਹਾਂ ਵਾਸ ਤੁਮ  
ਹੋਈ । ਨਿਜ ਨੈਨੋਂ ਕਰ ਹੇਰੋ ਸੋਈ ॥ ੮੨ ॥ ਸ਼ੀਕਰ ਛੰਦਾ ॥  
ਇਮ ਭਾਖ ਮੁਨਿ ਵਰ ਜਾਇ ਕੈ ਪੁਨਿ ਬੀਚ ਪਰਬਤ ਗੰਗ  
। ਰਾਮ ਕੋ ਲਘੁ ਭ੍ਰਾਤ ਐ ਪੁਨਿ ਸਿੱਖ ਲੀਨੇ ਸੰਗ । ਸ਼ਾਲਾ  
ਬਡੀ ਇਕ ਤਹਿ ਕਰੀ ਰਿਖ ਨੀਠ ਭੂਮ ਸਵਾਰ । ਮੰਦਰ  
ਬਨਾਏ ਦੋਇ ਤਿਹ ਸੋਭਾ ਸੁ ਜਾਹਿ ਅਪਾਰ ॥ ੮੩ ॥ ਮੁਖ  
ਏਕ ਕੋ ਪੂਰਬ ਕਰੇ ਪੱਛਮ ਦਿਸ਼ਾ ਕਰ ਪੀਠ । ਦੱਖਣ



ਪਿਛਾ ਵਰ ਉਤਰੇ ਮੁਖ ਆਨ ਕੀਨ ਸੁ ਨੀਠ । ਸੋ ਸੀਯ  
 ਲਖਮਣ ਸੋ ਮਿਲੇ ਤਹਿੰ ਬਾਸ ਕੀਨ ਸੁ ਰਾਮ । ਸਮ ਦੇਵਤਾ  
 ਵੈ ਤੀਨ ਹੈਂ ਪੁਨਿ ਬਸੇ ਸੁੰਦਰ ਧਾਮ ॥ ੮੪ ॥ ਬਾਲਮੀਕ ਸੁ  
 ਪੂਜਤੋ ਰਘੁ ਨਾਥ ਹਰੇ ਕਲੇਸ਼ । ਸੋ ਸੀਯ ਨੀਕੈ ਤਹਿੰ ਬਸੇ  
 ਸਿਰ ਜਟਾ ਮੁਨਿ ਵਰ ਭੇਸ਼ । ਦੇਵ ਮੁਨਿ ਗਣ ਪੂਜ ਤੇ  
 ਸੁਰਲੋਕ ਸੁੰਦਰ ਦੇਸ਼ । ਪਲੋਮਿ ਜਾਂਕੇ ਸੰਗ ਮਿਲ ਜਿਉਂ  
 ਬਸੇ ਆਪ ਸੁਰੇਸ਼ ॥ ੮੫ ॥ ਇਤਿ ਸ੍ਰੀ ਮਤਿ ਅਧਯਾਤਮ  
 ਰਾਮਾਇਣੇ ਉਮਾ ਮਹੇਸ਼ੁਰ ਸੰਬਾਦੇ ਅਜੋਧਯਾ ਕਾਂਡੇ ਖਸ਼ਟਮੋਂ  
 ਧਯਾਇ ॥ ੬ ॥

ਸ੍ਰੀ ਮਹਾਂਦੇਵ ਉਵਾਰ

ਦੋਹਰਾ ॥ ਇਤ ਸੁਮੰਤ ਸਾਯੰ ਸਮੇਂ ਬਹੇ ਅਯੁਧਯਾ  
 ਮਾਹਿੰ । ਮੁਖ ਬਸਤਰ ਕਰ ਢਾਂਪਿਯੋ ਨੀਰ ਬਹੇ ਦ੍ਰਿਗਮਾਹਿੰ  
 ॥ ੧ ॥ ਸਵੈਯਾ ॥ ਰਥ ਬਾਹਰ ਥਾਪ ਸੁਮੰਤ ਤਬੈ ਨਿਪ  
 ਭਉਨ ਗਏ ਨਹਿੰ ਬਾਰ ਲਗਾਈ । ਜੈ ਭਾਖ ਮੁਖੋਂ ਨਿਪ  
 ਕੀਰਤ ਕੈ ਪਰਨਾਮ ਕਰੀ ਨਿਪਕੇ ਢਿਗ ਜਾਈ । ਅਜਨੰਦਨ  
 ਤਾਂ ਅਭਿ ਬੰਦਤ ਕੋ ਮਨ ਬਿਯਾਕੁਲ ਏਕ ਸੁ ਬਾਤ ਅਲਾਈ ।  
 ਕਿੰਹ ਠੌਰ ਸੁਮੰਤ ਰਹੇ ਰਘੁਬੀਰ ਸੁ ਜਾਨਕੀ ਭ੍ਰਾਤ ਸੁ ਜਾਹਿੰ  
 ਸਗਾਈ ॥ ੨ ॥ ਗੀਯਾਮਾਲਤੀ ਛੰਦ ॥ ਕਿੰਹ ਠੌਰ  
 ਛੇਡੇ ਰਾਮ ਤੁਮ ਕਿਆ ਕਹੇ ਥੇ ਮਮ ਪਾਪਨੰ । ਕਿਆ ਕਹੇਥੀ  
 ਮਮ ਜਾਨਕੀ ਸੁ ਸਮੰਤ ਦੂਖ ਉਤਾਪਨੰ । ਨਿਰਦਈ ਮਮ ਅ



ਘਵੰਤ ਕੋ ਲਖਮਣ ਬਖਾਨਯੋ ਕਯਾ ਕਹੋ। ਇਮ ਭਾਖ ਭੂਪਤਿ  
 ਰੋਵਈ ਕਿਹ ਠੋਰ ਸ੍ਰੀ ਰਘੁਵਰ ਰਹੋ ॥ ੩ ॥ ਸ਼ੰਕਰ ਛੰਦ ॥  
 ਹਾ ਰਾਮ ਹਾ ਗੁਣ ਸਾਗਰੋ ਹਾ ਸੀਤਪ੍ਰਿਯਬਚਤੋਰ। ਦੁਖਸਿੰਧ  
 ਭੂਬੋ ਮੈ ਮਰੋਂ ਕਿਉਂ ਨਾ ਪਿਖੋ ਮਮ ਓਰ। ਇਹ ਭਾਂਤ ਭੂਪ  
 ਬਿਲਾਪ ਕੈ ਦੁਖ ਸਿੰਧ ਮੈ ਗਲਤਾਨ। ਪਿਖ ਤਾਂ ਸੁਮੰਤ  
 ਸੁ ਭੂਪਤਿ ਕਰ ਜੋਰ ਕੀਨ ਬਖਾਨ ॥ ੪ ॥ ਚੌਪਈ ॥  
 ਸੀਤਾ ਰਾਮ ਸੁ ਲਖਮਣ ਭਾਈ। ਮੈਂ ਤੀਨੋਂ ਤੇ ਰਥੇ ਚਢਾਈ  
 ਸ੍ਰੀਗਵੇਰ ਨਗਰ ਢਿਗ ਗਯੋ। ਗੰਗਾ ਤੀਰ ਉਤਾਰਤ ਭਯੋ  
 ॥ ੫ ॥ ਫਲ ਮੂਲਾਦਿਕ ਗੁਹ ਲੇ ਆਏ। ਰਾਮ ਗਹੇ ਨਹਿੰਪਾ  
 ਨ ਛੁਹਾਏ। ਪਰਮ ਪ੍ਰਸੰਨ ਰਾਮ ਤਬ ਭਏ। ਫਲ ਮੂਲਾਦਿ  
 ਵਿਸਰਜਨ ਕਏ ॥ ੬ ॥ ਬੱਟ ਖੀਰ ਗੁਹ ਹਾਥ ਮੰਗਾਯੋ।  
 ਜਟਾ ਮੁਕਟ ਰਘੁਨਾਥ ਬਨਾਯੋ। ਬਹੁਰ ਕਹੀ ਸੁਮੰਤ ਤੁਮ  
 ਜਾਵੋ। ਰਾਜਾ ਪ੍ਰਤਿ ਮਮ ਕੁਸ਼ਲ ਬਤਾਵੋ ॥ ੭ ॥ ਮਮਨਮਿੱਤ  
 ਨਹਿੰ ਸ਼ੋਕ ਕਰੀਜੇ। ਮਮ ਬੰਦਨ ਕਰ ਭੂਪ ਕਹੀਜੇ। ਐਧ  
 ਪੁਰੀ ਤੇ ਮਮ ਮਨ ਮਾਹੀਂ॥ ਸੁਖ ਹੈ ਅਧਿਕ ਵਿਪਨ ਕੇ ਮਾਹੀਂ  
 ॥ ੮ ॥ ਮਮ ਮਾਤਾ ਕੋ ਕਹੀਂ ਸੰਦੇਸ। ਮਮ ਨਮਿੱਤ ਨਹਿੰ  
 ਕਰੋ ਕਲੇਸ਼। ਰਾਜਾ ਬ੍ਰਿਧ ਸ਼ੋਕ ਨਿਧ ਪਰੋ। ਤਾਂਕੋ ਤੁਮ  
 ਅਸ੍ਰਾਸਨ ਕਰੋ ॥ ੯ ॥ ਸੀਤਾ ਨੈਨ ਭਰੀ ਬਹੁ ਬਾਰਾ। ਨਿਪਸ  
 ਤਮਤਿ ਨ ਮੋਹਿ ਉਚਾਰਾ। ਦੁਖ ਸੋਂ ਬਾਣੀਂ ਗਦਗਦ ਭਈ।  
 ਰਾਮ ਓਰ ਕਿੰਚਤ ਨਿਰਖਈ ॥ ੧੦ ॥ ਸਾਸੁ ਸੁਸਰ ਪਦ  
 ਕਮਲ ਮਝਾਰਾ। ਕਹੀਂ ਸੁਮੰਤ ਪ੍ਰਣਾਮ ਹਮਾਰਾ। ਯਾਬਿਧਮੁਖ



ਰੁਦਤ ਅਤਿ ਭਈ । ਕਿੰਚਤ ਪੰਖ ਅਧੋ ਮੁਖ ਗਈ ॥ ੧੧ ॥  
 ਤੀਨੋਂ ਨੈਨ ਭਰੇ ਜਲ ਧਾਰਾ । ਭੂਪ ਚੜੇ ਵੈ ਨਾਵ ਮਝਾਰਾ ।  
 ਜੋ ਲੋ ਗੰਗਾ ਪਾਰ ਸੁ ਗਏ । ਤੋ ਲੋ ਭੂਪਤ ਮੈ ਨਿਰਖਏ ॥  
 ੧੨ ॥ ਵੈ ਤੀਨੋਂ ਬਨ ਪੰਥ ਪਧਾਰੇ । ਮੈਂ ਦੁਖ ਸੋਂ ਪੁਰ ਆਯੋ  
 ਥਾਰੇ ॥ ਸੁਨ ਰੋਈ ਕੋਸਲਯਾ ਰਾਨੀ । ਭੂਪਤਿ ਪ੍ਰਤਿ ਪੁਨਿ  
 ਕਹਯੋ ਭਵਾਨੀ ॥ ੧੩ ॥ ਨਿਪ ਕੈਕਈ ਪਯਾਰੀ ਰਾਨੀ । ਤੈਂ  
 ਪ੍ਰਸੰਨ ਵਰ ਕੀਨ ਬਖਾਨੀ । ਤੋਂ ਦੇਨੋਂ ਥੋ ਰਾਜ ਅਪਾਰਾ । ਮਮ  
 ਪੁਤਰ ਕਿਉਂ ਬਨੇ ਨਿਕਾਰਾ ॥ ੧੪ ॥ ਨਿਖਲ ਕਰਮ  
 ਯਹਿ ਕੀਨੋ ਤੋਹੀ । ਅਬ ਕਿਉਂ ਰੋਇ ਸੁਨਾਵਤ ਮੋਹੀ ।  
 ਕੋਸਲਯਾ ਬਚਨ ਸੁਨਤ ਦੁਖ ਭਯੋ । ਮਨੋਂ ਘਾਵ ਮੈਪਾਵਕ ਦਯੋ  
 ॥ ੧੫ ॥ ਦਸਰਥ ਉਵਾਰ ॥ ਚੋਪਈ ॥ ਕਿਆ  
 ਤੂੰ ਭਾਖੇ ਮਮ ਕੱਲਯਾਨੀ । ਹੋਵਨਹਾਰ ਨ ਕਿਨੇਂ ਮਿਟਾਨੀ ।  
 ਮੈਂ ਅਤਿ ਦੁਖਤਿ ਭਇਓ ਸੁਨਿ ਰਾਨੀ ॥ ਤੁਮ ਕੋ ਜੋਗ ਨ ਐਸ ਬ  
 ਖਾਨੀ ॥ ੧੬ ॥ ਕੋ ਇਕ ਪਾਪ ਸੁ ਮੋਹ ਕਮਾਇਓ । ਜਾਂਕਰ  
 ਯਹ ਸੰਤਾਪ ਸੁ ਪਾਯੋ । ਸੋਕ ਨੀਰਵ੍ਰਿਗ ਪੂਰਨ ਭਏ । ਕੋਸਲਯਾ  
 ਪ੍ਰਤਿ ਭੂਪ ਅਲਏ ॥ ੧੭ ॥ ਦੁੱਖ ਕਰ ਮਰਣ  
 ਭਇਓ ਅਬ ਮੇਰੇ । ਤੁਮ ਮਮ ਦੁਖ ਨ ਦੇਹ ਘਨੇਰੇ ।  
 ਪੁਨਿ ਕੋਸਲਿਯਾ ਭੂਪਤਿ ਭਨੇਂ । ਕਾਰਣ ਦੁਖਕੇ ਸੁਗਮ  
 ਸੁ ਗਨੇਂ ॥ ੧੮ ॥ ਤੁਮ ਕੈਕਈ ਦੋਨੋ ਹੇਤੂ । ਤਾਕਰ ਮਮ ਸੁਤ  
 ਬਨੇ ਨਿਕੇਤੂ । ਸੁਨਿ ਭੂਪਤਿ ਕੋਸਲਿਯਾ ਬਾਨੀਂ । ਪਰਮਦੁਖੀ  
 ਯਹਿ ਕੀਨ ਬਖਾਨੀਂ ॥ ੧੯ ॥ ਅਬ ਨਿਕਸੇਂਗੇ ਪ੍ਰਾਣ ਹਮਾਰੇ



॥ ਸੁਣ ਦੇਵੀ ਮੈ ਹੇਤੁ ਬਿਚਾਰੇ । ਪੂਰਬ ਮੁਨਿ ਮਮ ਸ੍ਰਾਪਹਿ  
 ਦਯੋ । ਤਾਂਕਰ ਮਰਣ ਹਮਾਰਾ ਭਯੋ ॥ ੨੦ ॥ ਪੂਰਬ ਮੈ ਜੋ  
 ਬਨ ਬਲ ਮਾਹੀ । ਬਾਨ ਸਰਾਸਨ ਲੈ ਕਰ ਮਾਹੀ । ਮਿੰਗਮਾ  
 ਰਨ ਹਿਤ ਨਦੀ ਕਨਾਰੇ । ਬਿਚਰੋਂ ਨਿਸ ਮੈ ਬਿਪਨ ਮਝਾਰੇ  
 ॥ ੨੧ ॥ ਆਧੀਰਾਤ ਸਮੇਂ ਇਕ ਬਾਰਾ । ਤ੍ਰਿਖਾਵੰਤ ਇਕ  
 ਮੁਨੀ ਕੁਮਾਰਾ । ਮਾਤ ਪਿਤਾ ਤਿਨ ਪਰਮ ਤਿਸਾਏ । ਤਾਂ ਹਿਤ  
 ਵਹਿ ਜਲ ਲੇਨੇ ਆਏ ॥ ੨੨ ॥ ਜਲ ਮੇਂ ਕੰਭ ਡੁਬਾਯੋ ਜਬਹੀ  
 । ਸ਼ਬਦ ਭਯੋ ਤਾਤੇ ਪੁਨਿ ਤਬਹੀ । ਮੈਂ ਜਾਨਯੋ ਗਜ ਪੀਵਤ  
 ਪਾਨੀ । ਬਾਨ ਦਯੋ ਮੁਖਿ ਮਾਹਿਕਮਾਨੀ ॥ ੨੩ ॥ ਸਬਦਿ ਬੇਧਵਹਿ  
 ਬਾਨ ਉਦਾਰ । ਮੋਹ ਚਲਾਯੋ ਨਿਸਾ ਮਝਾਰ । ਹਾ ਮੈਂ ਮੁਯੋ !  
 ਸ਼ਬਦ ਤਹਿ ਭਯੋ । ਮਾਨੁਖ ਲੱਖਣ ਸੂਚਨ ਕਯੋ ॥ ੨੪ ॥  
 ਗੀਯਾਮਾਲਤੀ ਛੰਦ ॥ ਮੈ ਨਾ ਕੀਯੋ ਅਪਰਾਧ ਕਾਹੂੰ  
 ਮਾਰਿਯੋ ਬਿਧ ਕਯੋ ਕਿਨੇ । ਪਿਤ ਮਾਤ ਮੇਰੀ ਬਾਟ ਦੇਖੇਂ ਨੀਰ  
 ਦੇਵੇ ਕੋ ਤਿਨੇਂ । ਸੁਨਿ ਸ਼ਬਦ ਮਾਨੁਖ ਸੂਚਕੋ ਭੈਭੀਤ ਹੋਇਓ  
 ਮੈਂ ਮਨੇ । ਕੋਸਲਯਾ ਤਿਹਠੋਰਿ ਮੈਂ ਨਿਸਕੋ ਗਿਓ ਸੁ ਸ਼  
 ਸਨੇ ॥ ੨੫ ॥ ਸੁਆਮ ਦਸਰਥ ਭੂਪ ਮੈਂ ਢਿਗ ਜਾਇ ਤਾਂ  
 ਬਜਾਕੁਲ ਕਹੀ । ਅਜਾਨਮੇਂ ਅਪਰਾਧ ਕੀਨੋ ਤ੍ਰਾਹਿ ਮੋਕੋ ਮੁਨ  
 ਸਹੀ । ਇਮ ਭਾਖ ਤਾਂ ਪਦ ਮੈਂ ਗਿਰਯੋ ਮੁਖਿ ਬੋਲ ਗਦ ਗਦ  
 ਹੈ ਤਮਾ । ਪੁਨਿ ਤਾਹਿ ਮੋ ਪ੍ਰਤਿ ਭਾਖਿਓ ਮਤ ਡਰੋ ਭੂਪਤਿ  
 ਸੱਤਮਾ ॥ ੨੬ ॥ ਸੰਕਰ ਛੰਦ ॥ ਤਵ ਬ੍ਰਹਮ ਹੱਤਯਾ ਨਾਂ ਛੁਹੇ ਮੈ  
 ਵੈਸ ਭੁਪ ਮੇਂ ਆਹਿ । ਪਿਤ ਮਾਤ ਮੇਰੇ ਤਰਸਤੇ ਤਿਖ ਭੂਖ ਤਾਂ



ਤਨ ਮਾਹਿ। ਤਜ ਚਿੰਤ ਬੇਗ ਸੁ ਜਾਇਕੈ ਤੂੰ ਨੀਰ ਤਿਨਕੋ ਦੇਹ  
 । ਨਹਿ ਦੇਹ ਮੇਂ ਪਿਤਕੋ ਪਕੈ ਤਨੁ ਕਰੇ ਤੇਰੇ ਖੇਹ ॥ ੨੭ ॥ ਜਲਿ ਤਾਹਿ  
 ਦੈ ਪਦ ਬੰਦਕੈ ਨਿਜ ਕਰਮ ਕਰੀ ਬਖਾਨ । ਸਰ ਕਾਢ ਮੇਰੀ  
 ਦੇਹ ਤੇ ਤਨ ਪੀੜ ਤਜਾਗੋਂ ਪ੍ਰਾਣ । ਇਹ ਭਾਂਤਿ ਮੇ ਮੁਨਿ ਜੋ  
 ਕਹਯੋ ਮੈਂ ਕੀਨ ਬਾਨ ਉਧਾਰ । ਪੁਨਿ ਗਯੋ ਜਹਿ ਵਹਿ ਦੰਪਤੀ  
 ਲੈ ਕੁੰਭ ਭੀਤਰ ਵਾਰ ॥ ੨੮ ॥ ਸ੍ਰਾਂਤਿ ਬ੍ਰਿਧਸੁ ਅੰਧ ਭੂਖੇ  
 ਨੀਰ ਕੀ ਤਨ ਦਾਹ । ਕੋ ਭਯੋ ਕਾਰਣ ਨੀਰ ਲੈ ਅਬ ਪੂਤ  
 ਆਇਉ ਨਾਹਿ । ਅਨੰਨ ਰਾਤਿ ਹਮ ਬ੍ਰਿਧ ਹੈਂ ਤਨ ਤ੍ਰਿਖਾਪੀੜ  
 ਅਪਾਰ । ਕਿੰਵ ਉਪੇਖਯਾ ਤਿਨ ਕਰੀ ਨਹਿ ਭਗਤ ਵਾਨ  
 ਹਮਾਰ ॥ ੨੯ ॥ ਇਹ ਭਾਂਤ ਚਿੰਤਾ ਬੇਕਰੇ ਮਮ ਪਾਦ ਧੁਨ ਸੁਨ  
 ਲੀਨ । ਸੁਨਿ ਤਾਂ ਪਿਤਾ ਮੁਨਿ ਭਾਖਿਓ ਸੁਤ ਕਿਉਂ ਬਿਲੰਬ  
 ਸੁ ਕੀਨ । ਦੇਹ ਪੂਤ ਸੁ ਨੀਰ ਹਮਕੋ ਆਪ ਨੀਕੇ ਪੀਵ । ਇਹ  
 ਭਾਂਤਿ ਤਾਹਿ ਵਿਲਾਪ ਸੁਨਿ ਅਤਿ ਕੰਪਿਓ ਮਮ ਜੀਵ ॥ ੩੦  
 ॥ ਢਿਗ ਜਾਇ ਤਾਂ ਪਦ ਬੰਦਕੈ ਪੁਨ ਮੁਖੇ ਕੀਨ ਬਖਾਨ ।  
 ਮੈਂ ਨਾਹਿ ਤਵ ਸੁਤ ਅੰਧ ਕੋ ਪਤਿ ਭੂਪ ਦਸਰਬ ਮਾਨ । ਮੈਂ  
 ਰਾਤ ਮਿੱਗ ਵਿਹੀਸ ਕੋ ਬਹੁ ਕਰੋ ਪਾਪ ਅਪਾਰ । ਜਲ ਘਾਟ  
 ਦੂਰੇ ਖੜੋ ਧੁਨਿ ਭਈ ਭੀਤਰਿ ਵਾਰਿ ॥ ੩੧ ॥ ਗਜ ਜਾਨਕੈ  
 ਸਰ ਛੋਡਿਓ ਤਨ ਮਾਹਿ ਗਾਡਿਯੋ ਜਾਇ । ਮੈਂ ਮੁਇਓ  
 ਮਾਨੁਖ ਸਬਦ ਸੁਨਕੈ ਡਰਤ ਆਇਓ ਧਾਇ । ਸਿਰਜਟਾ ਫੈਲੀ  
 ਕਿਰਣਸੀ ਪਿਖ ਪਰੇ ਮੁਨੀਕੁਮਾਰ । ਮਨ ਭੀਤਮੈ ਪਦਤਾਂ ਗਏ  
 ਮੁਨਿ ਰੱਖ ਰੱਖ ਉਚਾਰ ॥ ੩੨ ॥ ਮਤੁ ਡਰੋ ਇਮ ਮੁਨਿ ਭਾਖਿਓ



ਮੁਨਿ ਪਰਮ ਕਰੁਣਾ ਧਾਰਾ॥ ਬ੍ਰਹਮ ਹੱਤਯਾ ਭੈ ਨਹੀਂ ਤਵ ਕਹਯੋ  
 ਮਾਨ ਹਮਾਰ । ਮਮ ਮਾਤ ਤਾਤ ਸੁ ਨੀਰਵੈ ਕਰ ਜੋਰਤਾਂ ਪਦ  
 ਬੰਦ । ਨਵਨ ਨੂੰਤਨ ਦੇਹ ਕੋ ਲੈ ਜੀਵਨੋਂ ਤੂੰ ਮੰਗ ॥ ੩੩॥  
 ਚੋਪਈ ॥ ਯਾ ਬਿਧਿ ਤਿਨਿ ਮੁਨਿ ਮੋਹਿ ਬਤਾਇਓ । ਮੁਨਿ  
 ਹਿੰਸਕ ਮੈਂ ਤੁਮ ਪੈ ਆਯੋ । ਦਯਾ ਯੁਕਤ ਤੁਮ ਪਰਮ ਉਦਾਰ  
 । ਸਰਣਾਗਤਿ ਮਮ ਲੇਹੁ ਉਬਾਰ ॥ ੩੪ ॥ ਯਾ ਬਿਧਿ ਸੁਨਯੋ  
 ਸੁ ਮੋਢੇ ਜਬਹੀਂ । ਦੁਖਾਰਤਿ ਸੋਚਤ ਭਏ ਤਬਹੀਂ । ਪਰਯੋ  
 ਜਹਾਂ ਸੁਣਿ ਪੂਤ ਹਮਾਰੋ । ਤਹਿ ਲੈ ਚਲੋ ਬਿਲੰਬ ਨ ਧਾਰੋ ॥  
 ੩੫ ॥ ਤਬ ਲੇ ਗਿਓ ਜਹਾਂ ਸੁਤ ਆਹਿ । ਬ੍ਰਿਧ ਦੰਪਤੀ ਦੁਖ  
 ਮਨ ਮਾਹਿ । ਸੁਤ ਕੋ ਛੁਹਿ ਨਿਜ ਹਾਥ ਨ ਸੰਗਾ ॥ ਬਹੁ ਬਿਲਾਪ ਕਰ  
 ਬਯਾਕੁਲ ਅੰਗਾ ॥ ੩੬ ॥ ਹਾਹਾ ਰੁਦਨ ਕਰੇਂ ਤੇ ਭਾਰੀ । ਪੂਤ ਪੂਤ  
 ਮੁਖ ਮਾਂਹਿ ਉਚਾਰੀ । ਜਲ ਦੀਜੇ ਹਮਕੇ ਸੁਤ ਸੋਇ । ਨਹਿ ਦੇਵੇ  
 ਅਬ ਕਾਰਣ ਕੋਇ ॥ ੩੭ ॥ ਪੁਨ ਮੋ ਪ੍ਰਤਿ ਤਿਨ ਕੀਨ  
 ਉਚਾਰਾ । ਚਿਤਾ ਰਚੇ ਮੁਨਿ ਬੇਗ ਸਵਾਰਾ । ਮੈਂ ਤਬਹੀਂ ਤਹਿ  
 ਚਿਤਾ ਬਨਾਈ । ਵਹਿ ਤੀਨੋਂ ਤਹਿ ਦਏ ਬੈਠਾਈ ॥ ੩੮ ॥  
 ਸ਼ੰਕਰ ਛੰਦ ॥ ਪੁਨਿ ਅਗਿਨ ਤਿਨਕੇ ਕਹੇ ਤੇ ਮੈਂ ਦਈ  
 ਤਾਂਹਿ ਲਗਾਇ । ਦਿਵ ਲੋਕ ਤੀਨੋਂ ਵੈ ਗਏ ਤਨੁ ਭੂਮਿ ਮਾਂਹਿ  
 ਜਲਾਇ । ਪੁਨਿ ਜਾਨ ਅਵਸਰ ਤਾਂ ਪਿਤਾ ਮਮ ਦਯੋ ਏਹ  
 ਸਰਾਪੁ । ਮਮ ਵਚਨ ਪੁਤ੍ਰ ਸ਼ੋਕ ਕੈ ਤੂੰ ਮਰੈਂਗੋ ਨਿਪ ਆਪ ॥ ੩੯ ॥  
 ਵਹਿ ਸ੍ਰਾਪ ਅਵਸਰ ਆਇਓ ਮਮ ਵਾਰ ਹੈ ਨਹਿ ਕੋਇ । ਇਸ  
 ਭਾਂਤ ਭਾਖ ਬਿਲਾਪ ਕੀਨੋਂ ਸ਼ੋਕ ਬਯਾਕੁਲ ਹੋਇ । ਹਾ ਰਾਮ



ਸੁਤ ਹਾ ਜਾਨਕੀ ਹਾ ਲੱਖਮਣ ਗੁਣ ਧਾਮ । ਵਿਓਗ ਥਾਰੇ ਮੈਂ  
 ਮਰੋਂ ਕੈਕੇਈ ਕਾਢੇ ਪ੍ਰਾਣ ॥ ੪੦ ॥ ਇਮ ਵਿਦਤ ਭੂਪਤਿ ਪ੍ਰਾਣ  
 ਤਜਿ ਪੁਨਿ ਗਏ ਸੁਰ ਪਤਿ ਲੋਕ । ਰਾਮ ਲਛਮਣ ਮਾਤ ਲੋ  
 ਨ੍ਰਿਪ ਨਾਰਿ ਕਰੇ ਸੁ ਸੋਕ । ਕਰਿ ਤਾੜ ਛਾਤੀ ਰੋਵਈ ਮੁਖ  
 ਭੂਪਕੇ ਗੁਣ ਗਾਇ । ਐਧ ਅੰਮ੍ਰਿਤ ਕੁੰਭ ਮੇ ਬਿਧ ਦੀ ਹਲਾਹ  
 ਲ ਪਾਇ ॥ ੪੧ ॥ ਬਸਿਸ੍ਰੁ ਲੈ ਸਭ ਮੰਤ੍ਰੀ ਤਹਿ ਪ੍ਰਾਤ ਪਹੁਤੇ  
 ਜਾਇ। ਤੈਲ ਦੋਣੀਂ ਭੂਪ ਧਰ ਸਬ ਦੂਤ ਲਏ ਬੁਲਾਇ । ਯੁਧਾ  
 ਜਿਤਕੇ ਨਗਰ ਪ੍ਰਤਿ ਤੁਮ ਦੂਤ ਬੇਗ ਸੁ ਜਾਹੁ । ਘੋਰਿਓ ਪਰ  
 ਜਾਇਓ ਤਹਿ ਭਰਤਿ ਸਾਜੁਨ ਲਿਆਹੁ ॥ ੪੨ ॥ ਤਿੰਹ ਕਹੋ  
 ਮੇਰੇ ਬਚਨ ਤੇ ਗੁਰ ਬੇਗ ਆਇ ਸੁ ਕੀਨ । ਨਿਜ ਨਗਰ ਆ  
 ਵੇ ਬੇਗ ਤੁਮ ਜਗ ਭਰਤਿ ਬੁਧਿ ਪ੍ਰਬੀਨ । ਐਰ ਦਸਰਥ  
 ਰਾਜ ਕੇ ਨਿਜ ਮਾਤ ਪੇਖੇ ਆਇ । ਬਸਿਸ੍ਰੁਕੇ ਯਹਿ ਵਾਕ ਸੁਨਿ  
 ਪੁਨਿ ਗਏ ਦੂਤ ਸੁ ਧਾਇ ॥ ੪੩ ॥ ਯੁਧਾਜਿਤ ਪੁਨਿ ਭਰਤ ਕੇ  
 ਪਰਿਣਾਮ ਕੀਨੋ ਜਾਇ । ਰਾਜਨ ਬਸਿਸ੍ਰੁ ਬੁਲਾਇਓ ਪੁਰਿ  
 ਭਰਤ ਐ ਤਿਨ ਭਾਇ । ਆਵੈ ਸੁ ਪੁਰ ਅਯੁਧਯਾ ਨਹਿ ਕਰੋ  
 ਰੰਚ ਵਿਚਾਰ । ਯਹਿ ਵਾਕ ਸੁਨਿ ਰੋਮਾਂਚ ਭਰਤ ਸੁ ਭਯੋ ਭੈ  
 ਉਰਭਾਰ ॥ ੪੪ ॥ ਗੁਰ ਬਚਨ ਸਾਨੁਜ ਸੰਗ ਦੂਤ ਨ ਭਰਤ  
 ਚਾਲੇ ਦੇਸ । ਭੂਪ ਐ ਰਘੁਨਾਥ ਕੋ ਕਛੁ ਭਯੋ ਨਗਰ ਕਲੇਸ ।  
 ਇਹ ਭਾਂਤ ਚਿਤਵਤ ਮਾਰਗੇ ਪੁਨਿ ਨਗਰ ਪਹੁਤੇ ਆਇ ।  
 ਜਨ ਭੀਰ ਨਾ ਕਛੁ ਨਗਰ ਮੈਂ ਸਭ ਪ੍ਰਭਾ ਗਈ ਬਿਲਾਇ ।  
 ੪੫ ॥ ਉਤਸਵ ਨਹੀਂ ਕੇ ਨਗਰ ਮੈਂ ਪਿਖ ਭਰਤ ਚਿੰਤ ਅ



ਪਾਰ। ਪੁਨਿ ਗਯੋ ਨਿਪ ਕੇ ਭਵਨ ਮੈਂ ਨਹਿ ਲੱਖਮੀ ਨਿਪ  
 ਦੁਆਰ। ਦੇਖੀ ਕਕੇਈ ਏਕਲੀ ਬੈਠੀ ਸੁ ਪਲੰਘ ਵਿਛਾਇ  
 । ਸਿਰ ਸੋ ਪ੍ਰਣਾਮ ਸੁਮਾਤ ਕੇ ਪੁਨਿ ਭਰਤ ਕੀਨੋ ਪਾਂਇ ॥ ੪੬ ॥  
 ਆਯੋ ਨਿਹਾਰ ਸੁ ਭਰਤ ਕੇ ਕੈਕਈ ਆਦਰ ਕੀਨ। ਉਠਾਇ  
 ਭਰਤ ਲਗਾਇ ਗਰ ਪੁਨਿ ਗੋਦ ਭੀਤਰ ਲੀਨ। ਸਿਰ ਰੁੰਮ  
 ਕੈ ਨਿਜ ਵੇਸਕੇ ਪੁਨਿ ਕੁਸਲ ਪੂਛਯੋ ਤਾਹਿ। ਪਿਤਾ ਮਾਤਾ  
 ਮਾਤ ਮੇਂ ਸਭ ਕੁਸਲ ਹੈ ਪੁਰ ਮਾਹਿ ॥ ੪੭ ॥ ਆਜਮਮ  
 ਆਨੰਦ ਸੁਤ ਤਬ ਕੁਸਲ ਡੀਲ ਨਿਹਾਰ। ਇਹ ਭਾਂਤਿ ਤਾਹਿ  
 ਸੁ ਪੁਛਿਓ ਨਿਜ ਪੇਵਕੋ ਪਰਵਾਰ। ਕਹਿ ਭਰਤ ਬਿਆਕੁਲ  
 ਚਿੰਤ ਅਤਿ ਮਨਕੰਪ ਪੂਛੀ ਮਾਇ। ਮਾਤ ਤੁਮ ਬਿਨ ਮੇਂ ਪਿਤਾ  
 ਕਿਹ ਠੋਰ ਆਹਿ ਬਤਾਇ ॥ ੪੮ ॥ ਤੁਮ ਬਿਨਾਂ ਨਹਿ ਮੇਂ ਪਿ  
 ਤਾ ਏਕੰਤ ਬੈਠੋ ਸੋਇ ॥ ਅਬ ਨਹਿ ਦਿਖਾਈ ਦੇਤ ਹੈ ਕਹੁ ਭਯੋ  
 ਕਾਰਣ ਕੋਇ। ਤਾਤ ਕੇ ਆ ਦੇਖਨੇਂ ਮਮ ਦੁਖ ਭਯੋ ਅਤਿ ਆ  
 ਹਿ ॥ ਕਿੰ ਦੁਖ ਸੋ ਅੱਪਾਪ ਸੁਤ ਕੈਕਈ ਭਾਖੇ ਤਾਹਿ ॥ ੪੯ ॥  
 ਧਰਮ ਸੀਲੀ ਜੋਗਤੀ ਕ੍ਰਿਤ ਅੱਸੁ ਮੇ ਧੀਪਾਹਿ। ਤਾਂ ਗਤੀਕੋ ਤਾਤ  
 ਤੇਰੋ ਗਯੋ ਯਾ ਜਗਮਾਹਿ। ਇਹ ਬਾਤ ਸੁਨਿ ਭੂ ਭਰਤ  
 ਗਿਰਿਓ ਸ਼ੋਕ ਬਜਾਕੁਲ ਹੋਇ। ਹਾ ਤਾਤ ਕਹਿ ਤੁਮ ਗਏ ਮੋਕੋ  
 ਦੁਖ ਸਮੁੰਦਰ ਛੋਇ ॥ ੫੦ ॥ ਨਾ ਸਮਰਪਯੋ ਮਮ ਰਾਮ ਰਾਜੇ  
 ਆਪ ਗਏ ਸਿਧਾਇ। ਇਹ ਭਾਂਤਿ ਭਰਤ ਖਿਲਾਪ ਕਰਿ ਸਿ  
 ਰ ਕੇਸ ਦੀਨ ਖਿਲਾਇ। ਉਠਾਇਕੈ ਕੈਕਈ ਤਾਂ ਨਿਜ ਪਾਟ  
 ਕੈ ਦ੍ਰਿਗ ਪੋਰ। ਸਮਾਂ ਧਾਨ ਸਤਾ ਕਰੇ ਸੁਤ ਕਿਉ ਕਰੈ ਤੂੰ



ਸੋਚ ॥ ੫੧ ॥ ਕਲਜਾਣ ਤੇਰੀ ਪੂਤ ਮੈਂ ਸਭ ਸਿੱਧ ਕੀਨੋ ਕਾਜ।  
 ਕਰਤੱਬ ਤੋਕੋ ਨਾ ਕਛੁ ਸੁਤ ਰਹਜੇ ਸੇਖ ਸੁ ਆਜੁ। ਭਰਤ ਤਾ  
 ਕੋ ਭਾਖਯੋ ਪੁਨਿ ਮਰਨ ਅਵਸਰ ਮਾਹਿੰ। ਮਮ ਪਿਤਾ ਭੂਪ  
 ਸਿਰੋਮਣੀ ਪੁਨਿ ਕਜਾ ਕਹਯੋ ਮੁਖਿ ਮਾਹਿੰ ॥ ੫੨ ॥ ਸ੍ਰੀਰਾਮ  
 ਕੋ ਪੁਨਿ ਕਜਾ ਕਹਯੋ ਵਹ ਨਿਖਲ ਭਾਖੋ ਮੋਹਿ। ਕੈਕਈ ਨਿਰਭੈ  
 ਤਾਂ ਕਹੈ ਸੁਤ ਸੁਨੋ ਭਾਖੋਂ ਤੋਹਿ। ਹਾ ਰਾਮ ਸੀਤਾ ਲਖਮਣਾਂ  
 ਇਹ ਭਾਂਤਿ ਬਾਰੰਬਾਰ। ਬਿਲਾਪ ਚਿਰ ਕਰ ਤਜਾਗ ਤਨੁ  
 ਕੋ ਗਇਓ ਸੁਰਗ ਮਝਾਰ ॥ ੫੩ ॥ ਦੋਹਰਾ ॥ ਭਰਤ  
 ਬਖਾਨੇ ਤਾਹਿੰ ਕੋ ਰਾਮ ਲਖਨ ਸੀਯ ਮਾਤ। ਨਹਿ ਸਮੀਪ  
 ਤਬ ਕਹਿੰ ਗਏ ਜੋ ਬਿਲਪੇ ਮਮ ਤਾਤ ॥ ੫੪ ॥ ਕੈਕਈ ਵਾਰ  
 ॥ ਸ਼ੰਕਰਛੰਦ ॥ ਰਾਮ ਕੇ ਜੁਵਰਾਜ ਹਿਤ ਤਵ ਤਾਤ ਉਦਮ  
 ਕੀਨ। ਤਬ ਰਾਜ ਕ ਹਿਤ ਪੂਤ ਮੈਂ ਤਿਹੰ ਮਾਹਿ ਬਿਘਨ  
 ਸੁ ਕੀਨ। ਪੂਰਬ ਕਬੀ ਵਰਦੇਨ ਮੋਕੋ ਦੋਇ ਭੂਪਤ ਥੇਦਏ। ਸੋ  
 ਇਦਾਨੀ ਦੇਨ ਹੀ ਮੈਂ ਮਾਂਗ ਨਿਪਤੇ ਹੈਲਏ ॥ ੫੫ ॥ ਏਕ ਕੈ  
 ਤਵ ਰਾਜ ਦੂਸਰ ਰਾਮ ਕੋ ਬਨਬਾਸ। ਸੱਤ ਵਾਦੀ ਭੂਪਤੇ ਭਵ  
 ਰਾਜ ਕੀਨ ਪ੍ਰਕਾਸ਼। ਰਾਮ ਕੋ ਬਨ ਭੇਜਿਯੋ ਤਵ ਪਿਤਾ ਧਰਮ  
 ਉਦਾਰ। ਰਾਮ ਪਾਛੇ ਸੀਯ ਗਈ ਜਗ ਪਤਿਬ੍ਰਤਿ ਸੁ ਧਾਰ ॥  
 ੫੬ ॥ ਸੁ ਭ੍ਰਾਤ ਭਾਵ ਦਿਖਾਵਨੇਂ ਹਿਤ ਗਯੋ ਲਖਮਣ ਆਪ।  
 ਬਨ ਗਏ ਸਰਬ ਸੁ ਯਾ ਬਿਧੀ ਪੁਨਿ ਭੂਪ ਕੀਨ ਬਿਲਾਪ। ਰਾਮ  
 ਰਾਮ ਸੁ ਭਾਖਿਯੋ ਮੁਖਮੁਯੋ ਭੂਪਤਿ ਸੋਇ। ਗਿਰਜਾ ਸੁਨੋ ਇਹ  
 ਭਾਂਤਿ ਮਰਣੋਂ ਭਾਗ ਬਿਨ ਨਹਿੰ ਹੋਇ ॥ ੫੭ ॥ ਸ਼ੰਕਰ



ਛੰਦ ॥ ਇਹ ਭਾਂਤਿ ਮਾਤਾ ਬਚਨ ਸੁਨਿ ਸੁਤਿ ਗਿਰਜੇ ਭੂਮਿ  
 ਮਝਾਰ। ਵੱਜੁ ਹਤ ਦੁਮ ਜਿਉਂ ਗਿਰੇ ਕਛੁ ਰਹੀ ਨਾਹਿ ਸੰਭਾਰ  
 । ਪਿਖ ਤਾ ਕੈਕੇਈ ਦੁਖੀ ਹੋਈ ਬਹੁਰ ਕੀਨ ਉਚਾਰ । ਕਜੋਂ  
 ਸੋਕ ਮੇਰੇ ਸੁਤ ਕਰੇ ਅਜੁ ਭਇਓ ਰਾਜ ਤੁਮਾਰ ॥ ੫੮ ॥ ਦੁਖ  
 ਅਵਸਰ ਨਾ ਕਛੁ ਇਹ ਭਾਂਤਿ ਭਾਖਿਯੋ ਮਾਇ । ਕੋਪ ਭਰਤ  
 ਬਿਲੋਕ ਤਾਂ ਪ੍ਰਤਿ ਮੋਨਿ ਦੇਤ ਜਲਾਇ । ਅਸ ਭਾਖ ਹੈ ਤੂੰ ਪਾ  
 ਪਨੀ ਤਵ ਕੀਨ ਭਰਤਾ ਘਾਤ । ਦੁਰਭਾਗ ਤੇ ਮੈਂ ਜਨਮ ਲੀਨੋਂ  
 ਅਪੀ ਮੈਂ ਬਖਯਾਤ ॥ ੫੯ ॥ ਅਗਨਿ ਮੈਂ ਮੈਂ ਜਰੋਂ ਗੋ ਕੈ ਮਰੋਂ  
 ਗੋ ਬਿਖ ਖਾਇ । ਖੜਗ ਸੋਂ ਤਨ ਕਾਟ ਅਪਨੋਂ ਜਾਉਂ ਜਮ  
 ਪੁਰ ਧਾਇ । ਭਰਤ ਘਾਤਿਨ ਦੁਸ਼ ਤੇਰੇ ਕੁੰਭਿ ਪਾਕ ਸੁ ਗੋਨ ।  
 ਕੈਕੇਈ ਕੋ ਯੋਂ ਡਾਟਕੈ ਪੁਨਿ ਗਯੋ ਕੁਸੱਲਯਾ ਭੋਨ ॥ ੬੦ ॥ ਸੋ ਪਿਖਤ  
 ਭਰਤ ਨਿਹਾਰ ਰੁੰਨੀ ਉਚ ਕੰਠ ਪੁਕਾਰ । ਭਰਤ ਤੈਸੋ ਰੋਵਈ  
 ਤਿਨ ਪਾਦ ਮਸਤਕ ਧਾਰ । ਅਲਿੰਗ ਭਰਤੰ ਧਰਮ ਸੀਲਾ ਰਾਮ  
 ਮਾਤ ਸੁਹਾਇ । ਕ੍ਰਿਸ ਦੀਨ ਬਦਨਾ ਭਾਖਈ ਬਹੁ ਨੈਨ ਤੇ  
 ਜਲਜਾਇ ॥ ੬੧ ॥ ਗਏ ਦੂਰ ਤੇਰੇ ਪੂਤ ਯੋਂ ਸਭ ਗਿਓ ਕਾਰਣ  
 ਕੋਇ । ਸਭ ਸੁਨਯੋ ਮਾਤ ਬਖਾਨਿਯੋ ਤਵ ਮਾਤ ਕੀਨੋਂ ਜੋਇ  
 । ਸਹ ਜਾਨਕੀ ਸਹ ਲਖਮਣੋਂ ਸੁਤ ਰਾਮਚੰਦ ਹਮਾਰ ।  
 ਦੁਖ ਸਿੰਧ ਮਗਨਾ ਮੈ ਰਹੀ ਬਨ ਗਏ ਚੀਰ ਸੁ ਧਾਰ ॥ ੬੨  
 ॥ ਚੋਪਈ ॥ ਹਾ ਰਾਮ ਰਘੁਵੰਸ ਸੁਨਾਇਕ । ਤੂੰ ਪਰ  
 ਮਾਤਮ ਸਭ ਵਰ ਦਾਇਕ । ਯੱਦਪਿ ਤੂੰ ਮਮ ਉਦਰ ਸੁ ਭਯੋ  
 । ਤੱਦਪ ਦੁਖ ਨਹਿ ਮੇਰੋ ਗਇਉ ॥ ੬੩ ॥ ਤਾਤੇ ਬਿਧ ਹੈ ਬਹੁ ਬਲ



ਵਾਨ । ਯਹਿ ਮੋਕੇ ਉਰ ਭਯੋ ਸੁਭਾਨ । ਯੋ ਬਿਲਾਪ ਕੰਸੱਲਯਾ  
 ਕੀਨ । ਤਾਂ ਪਿਖ ਭਰਤ ਭਯੋ ਅਤਿ ਦੀਨ ॥ ੬੪ ॥ ਪਾਦ ਗਹੇ  
 ਕਰ ਭਾਖੇ ਏਹ । ਮਾਤਾ ਬਚਨ ਸੁ ਮੇ ਸੁਨ ਲੇਹ । ਰਾਮ ਰਾਜ  
 ਅਭਿ ਖੇਕਨ ਬੀਚ । ਕੈਕਈ ਕਰਮ ਕਰਜੇ ਜੋ ਨੀਚ ॥ ੬੫ ॥  
 ਅੰਨਤ ਵਾਤਨ ਕੀਨ ਸੁ ਜੋਈ । ਭਰਤ ਸੁ ਜੋ ਉਰ ਜਾਨਤ  
 ਹੋਈ । ਅਥਵਾ ਮੈਂ ਪ੍ਰੇਰੀ ਜੋ ਸੋਇ । ਤੇ ਮੋਕੇ ਯਾ ਬਿਧ ਅਘ ਹੋਇ  
 ॥ ੬੬ ॥ ਬ੍ਰਹਮਣ ਤੇ ਮਾਰੇ ਤੇ ਜੈਸੇ । ਮੋਕੇ ਪਾਪ ਹੋਇ ਪੁਨਿ  
 ਤੈਸੇ ਸਮ ਅਰੁੰਧਤੀ ਗੁਰ ਕੋ ਮਾਰ । ਜੋ ਹੋਵੈ ਪੁਨਿ ਪਾਪ ਅਪਾਰ  
 ॥ ੬੭ ॥ ਮੈਂ ਜੋ ਜਾਨਤ ਥੋ ਪੁਨਿ ਸੋਈ । ਤੋ ਮੋਕੇ ਵਹਿ ਸਗਲੇ ਹੋਈ  
 । ਯਾ ਬਿਧ ਭਰਤ ਸਪਤ ਬਹੁ ਭਾਖ । ਰੋਇ ਉਮਾ ਤ ਚਰਣ ਸਿਰ  
 ਰਾਖ ॥ ੬੮ ॥ ਵੋ ॥ ਉਮਾ ਕੁ ਸੱਲਯਾ ਤਾਂ ਹਿਕੋ ਲੀਨੋਂ ਕੰਠ ਲਗਾ  
 ਇ । ਸੁਤ ਜਾਨੋਂ ਮੈ ਸਕਲ ਬਿਧਿ ਮਤ ਸੋਚੇ ਸੁਖ ਦਾਇ ॥  
 ੬੯ ॥ ਮਹਾਂ ਦੇਵ ਉਵਾਚ ॥ ਸ੍ਰੀ ਵਾ ॥ ਪੁਨਿ ਤਾਹਿ ਸਮੇਂ ਭਰਤਾ  
 ਗਮ ਕੇ ਸੁਨਿ ਆਪ ਬਸਿਸ੍ਰ ਤਹਾਂ ਚਲਿ ਆਏ । ਨਿਪ  
 ਮੰਦਰ ਮੈ ਵਹਿ ਰਾਜ ਗੁਰੂ ਸਹਿ ਮੰਤ੍ਰਨ ਕੇ ਬਹੁ ਭਾਂਤਿ ਸੁਹਾਏ  
 ॥ ਪਿਖ ਰੋਵਤ ਰਾਜ ਕੁਮਾਰ ਮਹਾਂ ਤਿਹ ਸਾਦਰ ਆਪ ਬਸਿਸ੍ਰ  
 ਅਲਾਏ । ਵਹੁ ਭੂਪਤਿ ਥੇ ਅਤਿ ਤੱਗ ਬਡੇ ਪੁਨਿ ਸੱਤ  
 ਪਰਾਕ੍ਰਮ ਥੇ ਜਰਠਾਏ ॥ ੭੦ ॥ ਮਾਨਵ ਕੇ ਸੁਖ ਭੋਗ ਸਭੈ  
 ਅਸਮੇਧਨ ਲੋ ਬਹੁ ਯਾਗ ਕਰਾਏ । ਬਹੁ ਦੱਖਣ ਤਾਂ ਮਖ  
 ਮਾਹਾਂ ਦਈ ਹਰਿ ਰਾਮ ਮਹਾਂ ਸੁਤ ਸੁੰਦਰ ਜਾਏ । ਅੰਤ ਗਏ  
 ਸੂਰ ਲੋਕ ਬਿਖੇ ਸੂਰ ਨਾਇਕ ਕੇ ਅਰਧਾਸਨ ਪਾਏ । ਮੋਖ



ਕਿ ਭਾਂਜਨ ਵੈ ਨਿਪੁ ਬੇ ਸੁ ਬਿਥਾ ਤੁਮ ਸੋਚਤ ਨੀਰ ਬਹਾਏ।  
 ੭੧ ॥ ਚੌਪਈ ॥ ਆਤਮ ਨਿੱਤ ਅਨਾਸੀ ਜਾਨੈ । ਜਨਮ  
 ਨਾਸ ਨਹਿ ਤਾਮੈ ਮਾਨੈ । ਤਨ ਜੜ ਅਤਿ ਅਪਵਿਤਰ ਅਹੇ  
 । ਪ੍ਰਾਣਨਿਵਾਸੁ ਸੁ ਖਿਣ ਖਿਣ ਗਹੇ ॥ ੭੨ ॥ ਭਲੇ ਪ੍ਰਕਾਰ ਬਿਚਾਰਾ  
 ਕਰੇ । ਸੋ ਕਠੋਰ ਕਹ ਨਦਰ ਨ ਪਰੇ । ਪਿਤਾ ਤਨੁ ਜ ਜਗ  
 ਭੀਤਰ ਮਰੇ । ਮੂਰਖ ਸੋਚੇ ਉਰ ਪਰ ਹਰੇ ॥ ੭੩ ॥ ਸ਼ੰਕਰ  
 ਛੰਦ ॥ ਅਸਾਰ ਖਲ ਸੰਸਾਰ ਮੈ ਵਿਯੋਗ ਜਬੇ ਸੁ ਹੋਇ । ਤੱਗ  
 ਕੇ ਵੈਰਾਗ ਔ ਸੁਖ ਸ਼ਾਂਤ ਦੇਵੈ ਕੋਇ । ਜਨਮਵਾਨ ਸੁ ਜੋ ਅਹੇ  
 ਤਿੰਹ ਮਿਰਤੁ ਚਾਲੇ ਸੰਗ । ਪਰਹਾਰ ਨਹਿ ਕਰ ਕੇ ਸਕੇ ਯਹ  
 ਜਨਮ ਮਰਨ ਪ੍ਰਸੰਗ ॥ ੭੪ ॥ ਸੁਕਰਮ ਕੇ ਆਧੀਨ ਜੰਤੂ  
 ਜਨਮ ਮਰਣ ਸੁ ਪਾਹਿ । ਜਾਨਕੈ ਵਵੇਕ ਜਨ ਕਿਉ ਸੰਚ ਹੈਂ  
 ਪੁਨਿ ਤਾਹਿ । ਬ੍ਰਹਮੰਡ ਕੋਟ ਸੁ ਨਸ਼ਟ ਹੋਏ ਗਈ ਸ੍ਰਿਸ਼੍ਟ  
 ਅਪਾਰ । ਸੁਕ ਸੁਸਾਗਰ ਨੀਰ ਕੇ ਕਾ ਅਸਥਾ ਤਨੁ ਖਾਰੁ ॥ ੭੫ ॥  
 ਚਲਤ ਪਤ੍ਰ ਸੁ ਲਗਨ ਜਿਉ ਜਲੁ ਬਿੰਦੁ ਭੰਗੁਰ ਹੋਇ ॥  
 ਤਿਉ ਆਯੁ ਜਾਵੇ ਲੋਕ ਕੀ ਤਵ ਭਯੋ ਨਿਸਚੇ ਕੋਇ । ਜੀਵ  
 ਪੂਰਬ ਕਰਮ ਕਰ ਜਿਉਂ ਲਈ ਦੇਹ ਸੁ ਏਹ । ਤਿਉਂ ਵਰਤ  
 ਮਾਨ ਸੁ ਕਰਮ ਕਰ ਪੁਨਿ ਔਰ ਲੇਵੇ ਦੇਹ ॥ ੭੬ ॥ ਜਿਉਂ ਤਜੇ  
 ਜੀਰਣ ਪਾਟ ਕੇ ਪੁਨਿ ਗਹੇ ਨੂਤਨ ਚੀਰ । ਤਿਉ ਤਜੇ  
 ਜੀਰਣ ਦੇਹ ਕੇ ਪੁਨਿ ਗਹੇ ਨਯੋ ਸ਼ਰੀਰ । ਸ਼ੋਕ ਅਵਸਰ  
 ਹੈ ਕਹਾਂ ਇਹ ਭਾਂਤਿ ਤਨ ਸਦ ਹੋਇ । ਨਹਿ ਮਰੇ ਆਤਮ  
 ਨਹਿ ਜਮੇ ਪੁਨ ਵਰਧ ਹੈ ਨਹਿ ਕੋਇ ॥ ੭੭ ॥ ਚੌਪਈ ॥



ਖਟਭਾਵ ਸੁ ਵਿਕਾਰ ਨ ਕੋਈ । ਸਕਤਿ ਗਜਾਨ ਵਿਗ੍ਰਹਿ ਪੁਨ  
 ਸੋਈ । ਆਨੰਦ ਰੂਪ ਬੁਧਿ ਕੋ ਸਾਖੀ । ਲਯ ਬਿਹੀਨ ਇਕ  
 ਸੂਤਿ ਸੁ ਸਾਖੀ ॥ ੭੯ ॥ ਆਤਮ ਪਰੋ ਅਦੁਤੀ ਅਨੂਪਾ । ਸਮ  
 ਇਸਥਿਤ ਹੈ ਜਾਂਕੋ ਰੂਪਾ । ਯਾ ਬਿਧ ਸਾਤ ਵਿਛ ਉਰ ਧਰੋ  
 । ਸੋਕ ਤਜੋ ਸੁਤ ਕ੍ਰਿਯਾ ਸੁ ਕਰੋ ॥ ੮੦ ॥ ਤੈਲ ਦੋਣ ਮੈ ਪਿਤ  
 ਤਨ ਪਰੋ । ਲੈ ਸਭ ਸਰਵ ਉਦਰ ਸੇ ਕਰੋ । ਹਮ ਸੋਂ ਮਿਲ  
 ਰਘੁਨੰਦਨ ਬੀਰ । ਯਥਾ ਨਜਾਇ ਕ੍ਰਿਤ ਕਰੋ ਸੁ ਧੀਰ  
 ॥ ੮੧ ॥ ਦੋਹਰਾ ॥ ਦਿਨ ਅਠਤਾਲੀ ਹੈਂ ਭਏ ਮਰਨ  
 ਅਨੰਤਰ ਭੂਪ । ਯਾ ਬਿਧ ਉਮਾ ਜਨਾਇਓ ਭਰਤ ਬਸਿਸਟ  
 ਅਨੂਪ ॥ ੮੨ ॥ ਤਜ ਅਗਿਆਨ ਜੁ ਸੋਕ ਕੋ ਬਿਧਵਤ ਕ੍ਰਿਯਾ  
 ਸੁ ਕੀਨ । ਆਹਿਤ ਅਗਨੀ ਕੀ ਬਿਧੀ ਜੋ ਗੁਰ ਆਇਸ  
 ਦੀਨ ॥ ੮੩ ॥ ਸ਼ਿਸ਼ਕਾਰ ਵਿਧਵਤ ਕਰੇ ਦੀਨੀ ਅਗਨਿ  
 ਲਗਾਇ । ਦਿਨ ਇਕਾਦਸ ਕੇ ਭਏ ਲੀਨੇ ਬਿਪ੍ਰੁਲਾਇ ॥ ੮੪  
 ॥ ਪਿਤ ਉਦੇਸ ਕਰਿ ਤਾਹਿ ਕੋ ਭੋਜਨ ਦਏ ਅਪਾਰ । ਵਿਧਿ  
 ਵਤ ਬ੍ਰਾਹਮਣ ਜੇਵਈ ਸੈ ਸੈ ਕਈ ਹਜਾਰ ॥ ੮੫ ॥ ਬ੍ਰਾਹ  
 ਮਣ ਕੋ ਧਨ ਬਹੁ ਦਯੋ ਗਊਆਂ ਕਈ ਹਜਾਰ । ਰਤਨਪਟੈ  
 ਬਰ ਬਹੁ ਦਏ ਗ੍ਰਾਮ ਸੁ ਦਏ ਉਦਾਰ ॥ ੮੬ ॥ ਸਵੈਯਾ ॥  
 ਇਹ ਭਾਂਤ ਕ੍ਰਿਯਾ ਕਰਕੈ ਸਗਲੀ ਪਿਤ ਕੋ ਰਿਣ ਬੋ ਵਹਿ  
 ਤਾਹਿ ਉਤਾਰੇ । ਮਿਲ ਸੰਗ ਪਰੋਹਿਤ ਸਾਨੁਜ ਵੈ ਪੁਨਿ  
 ਕੈਕੇਈ ਨੰਦਨ ਆਇ ਅਗਾਰੇ । ਨਿਸ ਬਾਸ ਕੀਓ ਘਰਿ ਭੀਤਰ  
 ਠਾਂ ਉਰ ਭੀਤਰ ਥਾਮਹਿ ਥਾਮ ਚਿਤਾਰੇ । ਗੁਰ ਬ੍ਰਾਤ



ਅਮਾਤ ਸਭੈ ਵਿਗ ਹੈਂ ਸੁ ਮਨੋ ਨਿਸਮੈ ਸਸਿ ਹੈ ਪਰਵਾਰੇ ॥  
 ੮੬ ॥ ਸੁਖ ਨਾਹਿ ਲਹਯੋ ਉਰ ਭੀਤਰ ਤਾਂ ਇਹ ਚਿੰਤ ਬਢੀ  
 ਤਿਨਕੇ ਉਰ ਮਾਹੀਂ । ਮਿਲ ਜਾਨਕੀ ਔਲਖਮੰਨ ਸਮੰ ਰਘੁ  
 ਨਾਥ ਗਏ ਸੁ ਬਡੇ ਬਨ ਮਾਹੀਂ । ਮਮ ਮਾਤ ਸੁ ਰਾਖਸ਼ਚੀਤ  
 ਦਹੇ ਮੁਖ ਪੇਖਨ ਤੇ ਸੁ ਪੁਰੇ ਖਿਨ ਮਾਹੀ । ਬਨ ਜਾਉਂ ਅਬੈ  
 ਮਤਿ ਏਹ ਕਰੀ ਤਜ ਰਾਜ ਸਭੇ ਨਿਪ ਕੋ ਘਰ ਮਾਹੀ ॥  
 ੮੭ ॥ ਵੋਹਰਾ ॥ ਮੰਦਹਾਸ ਮੁਖ ਸੁੰਦਰੇ ਸੀਯ ਸਮੰ ਸ੍ਰੀ  
 ਰਾਮ । ਤਾਂ ਪਦ ਪੰਕਜ ਸੇਵ ਸੀ ਭਰਤ ਸੁ ਆਠੇ ਜਾਮ ॥ ੮੮ ॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾ ਮਹੇਸ਼ੁਰ  
 ਸੰਬਾਦੇ ਅਯੋਧਯਾ ਕਾਂਡੇ ਸਪਤਮੇ ਧਰਮਾਇ ॥ ੭ ॥

ਸ੍ਰੀ ਮਹਾਦੇਵ ਉਵਾਰ ॥

ਸਵੈਯਾ ॥ ਪ੍ਰਾਤ ਬਸਿਸ਼੍ਰੁ ਸਭੈ ਮੁਨਿ ਸੰਗ ਸੁਮੰਤ ਸਭੈ  
 ਪੁਰ ਵਾਸ ਬੁਲਾਏ । ਰਾਜਸਭਾ ਜਨ ਦੇਵ ਸਭਾ ਤਿਹ ਮਾਹਿ  
 ਬਸਿਸ਼੍ਰੁ ਮੁਨੀ ਚਲ ਆਏ । ਮਧਿ ਸਿੰਘਾਸਨ ਕੈ ਮੁਨਿ ਸੋ  
 ਜਨੁ ਹੈ ਚਰੁ ਰਾਨਨ ਜੂ ਸੁਖਦਾਏ । ਆਨ ਸੁ ਭੂਪਤਿਕੇ ਸੁਤ  
 ਕੋ ਪੁਨਿ ਸਾਨੁਜ ਤਾਹਿ ਕੇ ਬੀਚ ਬਠਾਏ ॥ ੧ ॥ ਚੌਪਈ  
 ॥ ਦੇਸ਼ ਕਾਲ ਕੋ ਜੋਗ ਸੁ ਜੋਇ । ਮੁਨਿ ਵਰ ਬਚਨ ਬਖਾਨਿ  
 ਓ ਸੋਇ । ਭਰਤ ਅਹੇ ਤਵ ਪਿਤ ਅਨੁ ਸਾਸਨੁ । ਤਿਲਕ  
 ਦੇਹਿ ਹਮ ਬਹੋ ਸਿੰਘਾਸਨ ॥ ੨ ॥ ਕੈਕੇਈ ਯਾਚਨ ਰਾਜ  
 ਸੁ ਕੀਨੋ । ਭਰਤ ਸੁ ਤਵ ਹਿਤ ਯੋ ਉਰ ਚੀਨੋ । ਸੱਤ ਸੰਧ  
 ਦਸਰਥ ਵਰ ਗਾਈ । ਰਾਜ ਦਯੋ ਤਿਨ ਮੁਖੋਂ ਅਲਾਈ ॥



੩ ॥ ਅਬ ਦੇਤੇ ਤਵ ਤਿਲਕ ਬਨਾਇ । ਮੁਨਿ ਵਰ ਮੰਤਰ  
 ਬੇਦ ਮੁਖ ਗਾਇ । ਸੁਨਿ ਕੈ ਭਰਤ ਸੁ ਯਾ ਬਿਧ ਬਾਨੀ ।  
 ਮਮ ਨਹਿ ਰਾਜ ਸੁ ਤਾਹਿ ਬਖਾਨੀ ॥ ੪ ॥ ਰਾਜਾ ਰਾਮ ਸੁਅਹੇ  
 ਉਦਾਰੇ । ਹਮ ਤਿਨਕੇ ਹੈਂ ਦਾਸ ਬਿਚਾਰੇ । ਪ੍ਰਭਾਤ ਸਮੇ  
 ਮੁਨਿਵਰ ਮੈ ਜਾਵੇਂ । ਰਾਮਚੰਦ ਕੋ ਨਗਰ ਲਿਆਵੇਂ ॥ ੫ ॥  
 ਤੁਮ ਸਭ ਮਾਤ ਹਮਾਰੀ ਜੇਤੀ । ਬਿਨ ਕੈਕੇਈ ਚਲੋ ਸੁ ਤੇਤੀ  
 । ਮਾਤ ਗੰਧਨੀ ਨਾਮ ਕੈਕੇਈ । ਅਬਹੀ ਹਨੋ ਆਇ ਮਨ  
 ਏਈ ॥ ੬ ॥ ਪਰ ਮੋਕੋ ਰਘੁਵਰ ਨਹਿ ਦੇਖੇ । ਇਸਤ੍ਰੀ ਬਧ  
 ਹ ਕਲੰਕ ਸੁ ਪੇਖੇ । ਪਾਦ ਚਾਰ ਦੰਡਕ ਬਨ ਜਾਵੇਂ । ਕਾਲ  
 ਪ੍ਰਾਤ ਨਹਿ ਬਿਲਮ ਲਗਾਵੇਂ ॥ ੭ ॥ ਗੀਯਾ ਮਾਲਤੀ ਛੰਦ  
 ॥ ਸੱਤ੍ਰਘਨ ਸਹਿਤ ਮੈ ਚਲੋਂ ਤੁਮ ਜਾਹੁ ਭਾਵੇ ਮਤ ਚਲੋ ।  
 ਰਾਮ ਜਿਉਂ ਬਨ ਮੈ ਗਿਓ ਤਿਉਂ ਧਾਰ ਮੈ ਬਨ ਬਲਕਲੋ  
 । ਫਲ ਮੂਲ ਭੋਜਨ ਮੈ ਕਰੋਂ ਸੱਤ੍ਰਘਨ ਨੀਕੇ ਲਿਆਵਈ ।  
 ਸਿਰ ਜਟਾ ਅਵਨੀ ਮੈ ਸਵੇਂ ਨਹੀਂ ਰਾਮ ਜਬ ਲਗ ਆਵਈ  
 ॥ ੮ ॥ ਸ਼ੰਕਰ ਛੰਦ ॥ ਇਹ ਭਾਂਤ ਭਰਤ ਸੁ ਧਾਰ ਮਨ ਮੈ  
 ਮੋਨ ਲੀਨੀ ਧਾਰ । ਸਭ ਲੋਕ ਭਰਤ ਸਰਾਹਹੀ ਸਭ ਸਾਧ  
 ਸਾਧੁ ਉਚਾਰ । ਧਰਮ ਸੀਲ ਪ੍ਰਭਾਤ ਬਨ ਪ੍ਰਤਿ ਭਰਤ  
 ਕੀਨ ਪਯਾਨ । ਸੁਮੰਤ ਸਭੈ ਬੁਲਾਇ ਸੈਨਕ ਏਹ ਕੀਨ  
 ਬਖਾਨ ॥ ੯ ॥ ਚਤੁਰੰਗਨੀ ਸਭ ਸੈਨ ਜੇਤੀ ਭਰਤ ਕੇਅਨੁ  
 ਗਾਮ । ਅੱਸੁ ਕੁੰਜਰ ਰਥ ਪਦਾਤੀ ਰਹੇ ਆਠੋ ਜਾਮ । ਕੋਸ  
 ਲਿਆ ਲੋ ਰਾਜ ਦਾਰ ਬਸਿਸੁ ਲੋ ਦਿਜ ਰਾਜ । ਭਰਤ



ਕੇ ਸੰਗ ਸਰਬ ਚਾਲੇ ਰਾਮ ਦੇਖਨ ਕਾਜ ॥ ੧੦ ॥ ਦੋਹਰਾ  
 । ਗੰਗਾ ਤੀਰ ਸਿੰਗਵੇਰਪੁਰ ਸੈਨਾ ਕੀਨ ਨਿਵਾਸ । ਸੱਤ੍ਰਘਨ  
 ਬਖਾਨਯੋ ਸਰਬ ਕੋ ਇਹਾਂ ਕਰੋ ਨਿਸਬਾਸ ॥ ੧੧ ॥  
 ਸਵੈਯਾ ॥ ਸੁਨਿ ਕੇ ਭਰਤਾਗਮ ਕੇ ਮਨ ਮੈ ਅਤਿ ਸੰਕ  
 ਭਈ ਗੁਹ ਏਹ ਬਿਚਾਰੇ । ਬਹੁ ਸੈਨ ਸਮੇਤ ਸੁ ਕੇਕਈ  
 ਨੰਦਨ ਆਇ ਪਰੋ ਯਹਿ ਗੰਗ ਕਿਨਾਰੇ । ਨਹਿ ਜਾਨ ਪਰੇ  
 ਸੰਗ ਸੈਨ ਲਈ ਯਹਿ ਰਾਮ ਪਰਾਤਮ ਕੋਨ ਹਮਾਰੇ । ਸਭ  
 ਲੋਕਨ ਕੇ ਇਹ ਬਾਤ ਕਹੀ ਚਲ ਸਾਯੁਧ ਯਾ ਮਨ ਲੇਹੁ  
 ਨਿਹਾਰੇ ॥ ੧੨ ॥ ਜੋ ਮਨ ਭੀਤਰ ਸੁੱਧ ਅਹੇ ਤਬ ਲੇ ਮਮ  
 ਨਾਵਨ ਸੈਨ ਉਤਾਰੇ । ਜੋ ਮਨ ਭੀਤਰ ਪਾਪ ਕਛੂ ਤਵ ਨਾਵਨ  
 ਖੈਚ ਸੁ ਲਾਹੁ ਕਨਾਰੇ । ਜਾਤਿ ਭਾਈ ਮਮ ਸੰਗ ਚਲੇ  
 ਗਹੇ ਆਯੁਧ ਐ ਦਿਸ ਚਾਰ ਨਿਹਾਰੇ । ਇਹ ਭਾਂਤਿ ਬਖਾਨ  
 ਸੁ ਲੋਗਨ ਕੇ ਗੁਹ ਤੂਣ ਕਸੇ ਕਰ ਮੈ ਧਨੁ ਧਾਰੇ ॥ ੧੩ ॥  
 ਬਹੁ ਭਾਂਤਿ ਉਪਾਇਨ ਤਾਹਿ ਲਈ ਪੁਨ ਸੰਗ ਲਏ ਬਹੁ  
 ਸਾਯੁਧ ਬੀਰਾ । ਭਰਤੰ ਪਿਖ ਤਾਹਿ ਉਪਾਇਨ ਲੈ ਗੁਹ ਆਨ  
 ਧਰੀ ਲਖ ਰਾਮ ਸੁ ਬੀਰਾ । ਪਿਖ ਮੰਤ੍ਰ ਸਮੰ ਪੁਨਿ ਸਾਨੁਜਤਾ  
 ਸਿਰ ਮੈ ਜਟ ਹੈ ਤਨਮੈ ਬਨ ਚੀਰਾ । ਉਰ ਭੀਤਰ ਰਾਮਕੀ  
 ਸੋਚ ਕਰੇ ਮੁਖ ਰਾਮ ਭਨੇ ਦ੍ਰਿਗ ਜਾਵਤ ਨੀਰਾ ॥ ੧੪ ॥  
 ਅਭਿ ਬੰਦਨ ਕੈ ਸੁ ਨਿਖਾਦ ਪਤੀ ਬਹੁਰੋ ਮੁਖਿ ਮਾਹਿ ਸੁ  
 ਏਹ ਬਖਾਨੇ । ਤਬ ਕੈਕਈ ਨੰਦਨ ਬੇਗ ਉਠਾਇ ਸੁ ਸਾਦਰ  
 ਵੈ ਗਲ ਮਾਹਿ ਲਗਾਨੇ । ਕਲਿਯਾਨ ਪੁਛੀ ਗੁਹ ਕੀ ਮੁਖਤੇ



ਪਿਖ ਭ੍ਰਾਤ ਸਖਾ ਮਨ ਮੈ ਬਿਗਸਾਨੇ । ਯਹਿ ਰਾਮ ਸਖਾ ਪੁਨ  
 ਕੈਕੇਈ ਨੰਦਨ ਲੋਗਨ ਕੋ ਮੁਖਿ ਆਪ ਬਖਾਨੇ ॥ ੧੫ ॥  
 ਭਰਤ ਹੁ ਵਾਚ ॥ ਸਵੈਯਾ ॥ ਭ੍ਰਾਤ ਤੁਮੇ ਰਘੁਨਾਥ ਕੇ ਸੰਗ ਸੁ  
 ਬਾਸ ਕੀਓ ਇਹ ਠੌਰ ਸੁਹਾਈ । ਰਾਮ ਪਰਾਤਮ ਪ੍ਰੇਮ ਭਰੇ  
 ਬਿਗਸੇ ਤੁਮਕੋ ਗਲਿਮਾਹਿ ਲਗਾਈ । ਧੰਨ ਭਯੋ ਕ੍ਰਿਤ ਕ੍ਰਿਤ  
 ਭਯੋ ਤਵ ਰਾਘਵ ਸੇਂ ਮੁਖ ਬਾਤ ਅਲਾਈ । ਰਾਮ ਸੀਯਾ ਲਖ  
 ਮੱਨ ਸਮੰ ਜਿਹ ਠੌਰ ਪਿਖੇ ਵਹੁ ਦੇਹੁ ਦਿਖਾਈ ॥ ੧੬ ॥ ਅਬ  
 ਭ੍ਰਾਤ ਸੁ ਲੇ ਚਲ ਮੋਹਿ ਤਹਾਂ ਜਿਹ ਸੈਨ ਕੀਯਾ ਸੀਯ ਸੇਂ ਮਮ  
 ਬੀਰਾ । ਤੁਮ ਸੇਵਕ ਰਾਮ ਕੀ ਪ੍ਰੀਤਿ ਸਖਾ ਤਵ ਭਾਗ ਮਹਾਂ  
 ਜਗ ਮਾਂਹਿ ਗਹੀਰਾ । ਇਹ ਭਾਂਤਿ ਚਿਤਾਰ ਚਿਤਾਰਤ ਹੀਂ  
 ਦ੍ਰਿਗ ਕੈਕੇਈ ਨੰਦਨ ਜਾਵਤ ਨੀਰਾ । ਗੁਹ ਸੰਗ ਮਿਲੇ ਤਿੰਹ  
 ਠੌਰ ਗਏ ਜਹਿ ਰਾਮ ਵਸੇ ਨਿਸ ਗੀਰਾ ਸੁ ਤੀਰਾ ॥ ੧੭ ॥ ਚੌਃ ॥  
 ਸੈਨ ਸਥਾਨ ਪਿਖੇ ਤਿਨ ਜਾਈ । ਜਿਹ ਸੋਏ ਥੇ ਕੁਸ਼ਾ  
 ਬਿਛਾਈ । ਸੀਤਾ ਭਰਣ ਬਿੰਦੁ ਅਤਿ ਸੁੰਦਰ । ਅਰਚਿਤ ਭੂਮਿ  
 ਭਈ ਗੁਣ ਮੰਦਰ ॥ ੧੮ ॥ ਦੁਖ ਸੰਤਪਤਿ ਰਿਦੇ ਅਤਿ ਹੋਯੇ  
 । ਭਰਤ ਬਿਆਕੁਲ ਉਰ ਅਤਿ ਰੋਇਓ ॥ ਆਹਿ ਕੁਮਾਰੀ  
 ਸੀਤਾ ਨਾਮਾ । ਜਨਕ ਨੰਦਨੀ ਗੁਣਕੀ ਧਾਮਾ ॥ ੧੯ ॥  
 ਰਤਨ ਪਲੰਘ ਪੁਨਿ ਮਹਿਲ ਉਦਾਰੇ । ਕੋਮਲ ਉਪਰ ਪਾਟ  
 ਸਵਾਰੇ । ਰਾਮ ਸਹਿਤ ਸੇਵਤ ਥੀ ਤੈਸੇ । ਸੋ ਕੁਸ਼ ਵਿਸਤਰ  
 ਸੋਈ ਕੈਸੇ ॥ ੨੦ ॥ ਦੋਹਰਾ ॥ ਸੀਤਾ ਰਾਮ ਸੁ  
 ਦੁਖ ਭਰੇ ਬਨ ਕੁਸ਼ ਪਾਤਨ ਮਾਂਹਿ । ਮੇਰੇ ਹੀ ਅਪਰਾਧ ਹੈ



ਔਰ ਸੁ ਕਾਰਣ ਨਾਹਿ ॥ ੨੧ ॥ ਸ਼ੰਕਰ ਛੰਦ ॥ ਧ੍ਰਿਗ  
 ਮੋਹਿ ਪਾਪਨ ਕੇਕਈ ਮੈ ਜਨਮਿਯੋ ਉਰਮਾਹਿ ॥ ਮਮ ਨਮਿੱਤ  
 ਕਲੇਸ਼ ਬਨ ਮੈ ਰਾਮ ਸੀਤਾ ਪਾਹਿ । ਧੰਨ ਲਖਮਣ ਜਨਮ  
 ਹੈ ਜਗ ਰਾਮ ਕੇ ਸੰਗ ਜੋਇ । ਬਨ ਗਯੋ ਹਰਖ ਉਦਾਰ  
 ਉਰ ਨਹਿ ਗਯੋ ਘਰਿ ਮੈ ਸੋਇ ॥ ੨੨ ॥ ਗੀਯਾ ਮਾਲਤੀ ਛੰਦ  
 ॥ ਮੈ ਰਾਮ ਦਾਸਨ ਦਾਸ ਕੇ ਪੁਨਿ ਦਾਸ ਹੋਵੋਂ ਗੋ ਜਬੀ ।  
 ਤਬ ਜਨਮ ਮੇਰੋ ਸਫਲ ਹੋਵੇ ਸ਼ੰਕ ਨਾਹਿ ਕਰੋਂ ਕਬੀ । ਭ੍ਰਾਤ  
 ਜਿਹ ਰਘੁਨਾਥ ਹੈਂ ਵਹਿ ਠੌਰ ਜਾਨਤ ਹੈ ਅਬੈ ॥ ਕਹੁਮੋਹਿ  
 ਰਾਮ ਅਨੈਨ ਕੈ ਹਿਤ ਬੇਗ ਜਾਵੋਂ ਮੈ ਅਬੈ ॥ ੨੩ ॥ ਸਵੈਯਾ  
 ॥ ਗੁਹ ਪੇਖ ਤਿਨੇ ਅਤਿ ਸੁਧ ਮਹਾਂ ਮਨ ਪ੍ਰੇਮ ਭਰੇ ਇਹ  
 ਭਾਂਤ ਉਚਾਰੀ । ਤੁਮ ਧੰਨ ਭਏ ਜਗ ਮਾਹਿ ਸੁਨੋਂ ਰਘੁਬੀਰ  
 ਬਿਖੇ ਇਹ ਪ੍ਰੀਤ ਤੁਮਾਰੀ । ਜਨਕਾਤਮਜਾ ਲਖਮੰਨ ਬਿਖੇ  
 ਅਤਿ ਆਹਿ ਸਨੇਹ ਸੁ ਤੋਹ ਉਦਾਰੀ । ਗਿਰ ਚਿੱਤ੍ਰ ਸੁ ਕੂਟ  
 ਬਿਰਾਜਤ ਹੈ ਜਹਿ ਹੈਂ ਕਦਲੀ ਬਨ ਸਾ ਫੁਲਵਾਰੀ ॥ ੨੪ ॥

ਨਰਾਜ ਛੰਦ ॥ ਮੰਦਾਕਿਨੀ ਸਮੀਪ ਰਾਮ ਸੀਯ  
 ਸਾਨੁਜੋ ਰਹੇ । ਅਨੰਦ ਕੰਦ ਪੂਰਣੇ ਅਪਾਰ ਸੂਖ ਹੂੰ ਲਹੇ ।  
 ਤਹਾਂ ਚਲੇ ਸਮਸਤ ਹੂੰ ਸੁਸੈਨ ਗੰਗ ਕੇ ਤਰੇ । ਨਿਖਾਧ ਰਾਜ  
 ਭਾਖਿਯੇ ਕਹਯੋ ਬਿਲੰਬ ਨਾ ਕਰੇ ॥ ੨੫ ॥ ਅਨਾਇ ਨਾਵ  
 ਪਾਂਚ ਸੈ ਮਹਾਂ ਨਦੀ ਤਰਾਵਨੀ । ਸੁ ਆਪ ਰਾਜ ਨਾਵਕੇ ਸੁ  
 ਲਿਆਇਓ ਸੁਹਾਵਨੀ । ਚਢਾਇ ਰਾਮ ਮਾਤ ਭ੍ਰਾਤ ਸਾਨੁਜੰ  
 ਉਦਾਰ ਧੀ । ਬਸਿਸੁ ਕੇ ਚਢਾਇਓ ਨਿਖਾਵ ਰਾਜ ਸੀਲਹੀ



॥ ੨੬ ॥ ਚੌਪਈ ॥ ਕੈਕਈ ਔਰ ਜੋਖਤਾ ਜੇਤੀ । ਔਰਨ  
 ਨਾਵ ਚਵਾਇ ਸੁ ਤੇਤੀ । ਯਾ ਬਿਧ ਗੰਗਾ ਉਤਰੇ ਪਾਰ ।  
 ਭਰਤ ਨਿਖਾਦ ਪਤੀ ਸੁ ਉਦਾਰ ॥ ੨੭ ॥ ਭਾਰਦਵਾਜਕੋ  
 ਆਸ਼੍ਰਮ ਜਹਾਂ । ਬੇਗ ਗਏ ਵਹ ਸਗਲੇ ਤਹਾਂ । ਸੈਨਾ ਦੂਰ  
 ਸੁ ਥਾਪ ਪਛਾਰੀ । ਸਾਨੁਜ ਭਰਤ ਸੁ ਗਯੋ ਅਗਾਰੀ ॥ ੨੮ ॥  
 ਆਸ਼੍ਰਮ ਮਾਹਿ ਸੁ ਮੁਨੀ ਬਿਰਾਜੇ । ਤਪੋਕ੍ਰਾਂਤ ਪਿਖ ਪਾਵਕ  
 ਲਾਜੇ । ਪੇਖ ਭਰਤ ਰਿਖ ਭਰਤ ਉਦਾਰੀ । ਸਾਸ਼ਾਂਗ ਪਗ  
 ਬੰਦਨ ਧਾਰੀ ॥ ੨੯ ॥ ਦਸਰਥ ਕੋ ਸੁਤ ਜਾਨ ਮੁਨੀਸ਼ਰ ।  
 ਪੂਜਨ ਕੀਯੋ ਤਾਹਿ ਯੋਗੀਸ਼ਰ । ਸੀਸ ਜਟਾ ਤਨ ਬਲਕਲ  
 ਧਾਰੀ । ਭਰਤ ਪੇਖ ਰਿਖ ਕੀਨ ਉਚਾਰੀ ॥ ੩੦ ॥ ਕੁਸ਼ਲ  
 ਛੇਮ ਤੁਮ ਭਰਤ ਕੁਮਾਰੇ । ਰਾਜ ਪਾਇ ਕਿਉਂ ਬਲਕਲ  
 ਧਾਰੇ । ਕਾਹਿ ਨਮਿੱਤ ਵਿਪਨ ਤੁਮ ਆਏ । ਪੁਨਿ ਆਸ਼੍ਰਮ  
 ਸਿਰਜਟਾ ਬਢਾਏ ॥ ੩੧ ॥ ਭਾਰਦਵਾਜ ਵਚਨ ਸੁਨ  
 ਪਾਇਓ । ਭਰਤ ਨੈਨ ਭੀਤਰ ਜਲ ਆਇਓ । ਭਗਵਨ ਸਭ  
 ਭੂਤਨ ਉਰਜੋਈ । ਤੁਮ ਜਾਨਤ ਹੋ ਸਗਲੇ ਸੋਈ ॥ ੩੨ ॥  
 ਤੰਦਪ ਤੁਮ ਪੂਛਯੋ ਪ੍ਰਭ ਜੋਇ । ਭਯੋ ਅਨੁਗ੍ਰਹ ਮੋਪਰ ਸੋਇ ।  
 ਤੁਮ ਸਰਬੰਗ ਸਬੈ ਬਿਧ ਅਹੋ । ਭਾਖਨ ਤੇ ਜਨ ਕੇ ਅਘ  
 ਦਹੋ ॥ ੩੩ ॥ ਸ਼ੰਕਰਛੰਦ ॥ ਰਾਮ ਰਾਜ ਵਿਘਾਤ ਲੋ  
 ਕੈਕਈ ਕੀਨੋ ਜੋਇ । ਬਨਬਾਸ ਪੁਨਿ ਸਹ ਸੀਯ ਕੇ ਮੈ  
 ਨਾਹਿ ਜਾਨੋ ਕੋਇ । ਤਵ ਪਾਦ ਯੁਗਲ ਸੁਗੰਧ ਮੋਹੇ ਹੇ  
 ਮੁਨੀਸ਼ਰ ਆਹਿ । ਇਮ ਭਾਖ ਭਰਤ ਸੁ ਪਾਵ ਪਕਰੈ ਭਯੋ



ਦੁਖ ਉਰ ਮਾਹਿ ॥ ੩੪ ॥ ਦੋਹਰਾ ॥ ਤੁਮ ਹੀ ਜਾਨਨ  
 ਜੋਗ ਹੋ ਹੇ ਮੁਨਿ ਪਰਮ ਦਯਾਲ ॥ ਸੁਧ ਅਸੁਧ ਸੁ ਮੇਮਨੋ  
 ਤੁਮ ਹੋ ਗਯਾਨ ਬਿਸਾਲ ॥ ੩੫ ॥ ਸਵੈਯਾ ॥ ਮਮ  
 ਰਾਜ ਸੁ ਨਾਹਿ ਪਰੋਜਨ ਹੈ ਰਘੁਨਾਥ ਬਲੀ ਜਗ ਰਾਜਨ  
 ਰਾਈ ॥ ਹਮ ਕਿੰਕਰ ਹੈਂ ਮੁਨਿ ਪੁੰਗਵਜੂ ਰਘੁਨਾਥ ਬਲੀ  
 ਪਦ ਕੇ ਸਿਵਕਾਈ ॥ ਇਹ ਤੇ ਹਮ ਜਾਵਤਹੈਂ ਬਨਮੈਂ ਮੁਨਿ  
 ਰਾਮ ਪਦਾਂਬੁਜ ਕੀ ਸ਼ਰਨਾਈ ॥ ਤਹਿ ਰਾਜ ਸੰਭਾਰ ਨਵੇਦ  
 ਭਲੇ ਹਮ ਲਯਾਵਹਿ ਰਾਮ ਸੁਪਾਦ ਮਨਾਈ ॥ ੩੬ ॥ ਸੰਕਰ  
 ਫੰਦ ॥ ਬਸਿਸ਼੍ਰੁ ਐ ਪੁਰ ਵਾਸਿਯੋਂ ਪੁਨਿ ਦੇਸ਼ ਲੋਕ  
 ਅਪਾਰ ॥ ਮਿਲਕੈ ਸਭੈ ਹਮ ਰਾਮਕੈ ਦੈਂ ਭਾਲ ਡਿਲਕ ਸਵਾਰ  
 ॥ ਔਰ ਨਗਰੀ ਲੇ ਚਲੋਂ ਪਦ ਸੇਵ ਹੋਂ ਪੁਰਮਾਹਿ ॥ ਇਹ  
 ਭਾਂਤਿ ਬਾਨੀ ਭਰਤ ਸੁਨਿ ਮੁਨਿ ਹਰਖਯੋ ਉਰ ਮਾਹਿ ॥ ੩੭ ॥  
 ॥ ਗਰ ਲਾਇ ਭਰਤ ਸੁ ਚੁੰਮਿ ਮਸਤਕ ਮੁਨਿ ਬਡਾਈ ਕੀਨ  
 ॥ ਮਾ ਜਾਨਿਯੋ ਭਵਿੱਖ ਪੂਰਬ ਕਿਉਂ ਭਇਓ ਮਨਦੀਨ ॥ ਤੂੰ  
 ਸੁਮਿੱਤ੍ਰਾਂ ਪੂਤ ਤੇ ਹੈ ਰਾਮ ਭਗਤ ਉਦਾਰ ॥ ਅਤਿਥ ਕੀਨੋਂ ਮੈਂ  
 ਚਹੋਂ ਸਹਿ ਸੈਨ ਸਹਿ ਪਰਵਾਰ ॥ ੩੮ ॥ ਚੋਪਈ ॥ ਸੈਨਾ  
 ਸਹਿਤ ਸੁਨ ਭਰਤ ਕੁਮਾਰਾ ॥ ਅਬ ਤੁਮ ਭੋਜਨ ਕਰੋ ਹਮਾਰਾ  
 ॥ ਰਾਤਿ ਬਸੋ ਤੁਮ ਇਹਾਂ ਹਮਾਰੇ ॥ ਰਾਮ ਸਮੀਪ ਸੁ ਜਾਹੁ  
 ਸਕਾਰੇ ॥ ੩੯ ॥ ਮੁਨਿ ਵਰ ਜਿਉਂ ਆਇਸ ਹੈ ਥਾਰੇ ॥ ਤਿਉ  
 ਕਹ ਹੈਂ ਹਮ ਵਾਸ ਤੁਮਾਰੇ ॥ ਭਾਰਦੁਆਜ ਸੁਨ ਭਰਤ ਸੁ  
 ਬਾਨੀ ॥ ਜਾਇ ਫੁਹਯੋ ਘਰ ਭੀਤਰ ਪਾਨੀ ॥ ੪੦ ॥ ਮੈਨ



ਗਹੀ ਘਰ ਭੀਤਰਿ ਬਰਿਯੋ ॥ ਕਾਮ ਧੇਨ ਕੋ ਧਯਾਨ ਸੁ ਧਰਿ  
 ਯੋ ॥ ਸਿਮਰਨ ਕਰਜੋ ਸੁ ਮੁਨਿਵਰ ਜਬਹੀਂ ॥ ਆਈ ਕਾਮਧੇ  
 ਨੁ ਤਹਿ ਤਬਹੀਂ ॥੪੧॥ ਆਲੋਕਿਕ ਸਰਬ ਕਾਮ ਥੇ ਜੇਈ ॥  
 ਧੇਨ ਰਚੇ ਤਿਹ ਠੌਰ ਸੁ ਤੇਈ ॥ ਸੈਨਾ ਸਹਿਤ ਭਰਤ ਕੋ ਜੋ ਜੋ  
 ॥ ਵਾਂਛਤ ਥੇ ਰਚਿਓ ਤਿਨ ਸੋ ਸੋ ॥੪੨॥ ਬਿੰਜਨ ਗੀਤ ਨਿਰ  
 ਤ ਬਹੁ ਭਾਂਤੀ ॥ ਮਾਨੋ ਸੂਰਗ ਵਸੇ ਵਹਿ ਰਾਤੀ ॥ ਭੂਪਤਿ ਸੁਤ  
 ਪੁਨਿ ਸੈਨਕ ਜੇਈ ॥ ਤ੍ਰਿਪਤ ਭਏ ਮੁਨਿ ਆਸ਼੍ਰਮ ਤੇਈ ॥੪੩  
 ॥ ਦੋਹਰਾ ॥ ਪ੍ਰਿਥਮੇ ਬਸਿਸ੍ਰ ਪੂਜਕੈ ਮੁਨਿਵਰ ਭਾਰ  
 ਦੁਆਜ ॥ ਸੈਨਾ ਸਹਿਤ ਜੁਭਰਤ ਕੋ ਪੁਨਿ ਪੂਜਯੋ ਮੁਨਿਰਾਜ  
 ॥੪੪॥ ਸਵੈਯਾ ॥ ਮੁਨਿ ਆਸ਼੍ਰਮ ਨਾਕ ਸਮਾਨ ਬਿ  
 ਖੈ ਦਿਨ ਰਾਤ ਸੁਖੀ ਇਹ ਭਾਂਤਿ ਬਤਾਈ ॥ ਅਭਿਬੰਦ ਪਦਾਂ  
 ਬੁਜ ਪ੍ਰਾਤ ਸਮੈ ਸੁ ਚਲੇ ਸਗਲੇ ਮੁਨਿ ਆਇਸ ਪਾਈ ॥  
 ਗਿਰ ਚਿੱਤ੍ਰ ਸੁ ਕੂਟ ਗਏ ਸਗਲੇ ਤਿਹ ਸੈਨ ਸਭਾ ਕੁਛ  
 ਦੂਰ ਠਹਿਰਾਈ ॥ ਗੁਹ ਔਰ ਸੁਮੰਤ੍ਰ ਸੁ ਭ੍ਰਾਤ ਦੁਉ ਸੁ ਅਗਾ  
 ਰੀ ਗਏ ਬਨਿ ਭੂਮਿ ਸੁਹਾਈ ॥੪੫॥ ਚੌਪਈ ॥  
 ਮੁਨਿ ਮੰਡਲ ਲਖਰਾਮ ਉਦਾਰੀ ॥ ਢੁੰਢੇ ਰਾਮ ਤਹਾਂ ਵਰ ਚਾਰੀ  
 ॥ ਰਾਮ ਭਵਨ ਨਹਿ ਨਦਰਿ ਸੁ ਪਰਜੋ ॥ ਮੁਨਿ ਮੰਡਲ ਕੋ  
 ਪੂਛਨ ਕਰਜੋ ॥੪੬॥ ਹੇ ਮੁਨਿ ਸੀਤਾ ਸਹਿਤ ਸੁ ਰਾਮਾਂ ॥  
 ਲਖਮਣਸੰਗਵਸਹਿਕਹਿ ਧਾਮਾਂ ॥ ਤਬ ਬੋਲੇ ਮੁਨਿ ਯੋਂ ਮੁਖ ਮਾ  
 ਹੀਂ ॥ ਗੰਗਾ ਕੇ ਉੱਤਰ ਤਟ ਮਾਹੀਂ ॥੪੭॥ ਰਾਮ ਭਵਨ  
 ਸੁ ਇਕੰਤ ਸੁਹਾਏ ॥ ਸੁੰਦਰ ਕਾਨਨ ਚਹੁੰਦਿਸ ਛਾਏ ॥ ਕਦ



ਲੀ ਕਟਕ ਸੁਫਲ ਪਰਵਾਰੇ ॥ ਭੂਮ ਬਿਖੈ ਲਟਕੇ ਨਿਜ ਡਾ  
 ਰੇ ॥ ੪੮ ॥ ਯਾ ਬਿਧ ਮੁਨਿ ਗਣਿ ਜਬੈ ਦਿਖਾਏ ॥ ਭਰਤ ਅ  
 ਗਾਰੀ ਗਏ ਸੁ ਧਾਏ ॥ ਮੰਤ੍ਰੀ ਸਹਿਤ ਅਨੁਜ ਪੁਨਿ ਸੰਗਾ ॥  
 ਭਰਤ ਭਏ ਅਤਿ ਪੁਲਕਤ ਅੰਗਾ ॥ ੪੯ ॥ ਸਵੈਯਾ ॥ ਆਸ਼੍ਰਮ  
 ਸੁੰਦਰ ਰਾਘਵ ਕੇ ਅਤਿ ਸੇਵਤ ਤਾਹਿ ਮਹਾ ਮੁਨਿ ਗਜਾਨੀ  
 ॥ ਰੂਖਨ ਮੈ ਬਨ ਚੀਰ ਸੁਕੈ ਮ੍ਰਿਗ ਛਾਲ ਭਲੇ ਤਰ ਸੋਂ ਲ  
 ਟਕਾਨੀ ॥ ਫੂਲਲਤਾ ਤਰੁ ਸੋ ਲਪਟੀ ਜਨੁ ਹੈ ਪਤਨੀ ਪਤਿ  
 ਸੋਂ ਲਪਟਾਨੀ ॥ ਕੇਕਈ ਨੰਦਨ ਸਾਨੁਜ ਵੈ ਅਤਿ ਦੂਰਤੇ ਹੇ  
 ਰ ਲਏ ਸੁ ਭਵਾਨੀ ॥ ੫੦ ॥ ਦੋਹਰਾ ॥ ਬ੍ਰਹਮਾਦਿਕ  
 ਜਾਕੋ ਭਜੇਂ ਮੁਨਿ ਗਨ ਐ ਸਨਕਾਦਿ ॥ ਵੈ ਸੋਏ ਤਰੁ ਤਰੁ  
 ਵਿਖੈ ਭ੍ਰਾਤ ਪਲੋਟੇ ਪਾਦ ॥ ੫੧ ॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
 ਸੰਬਾਦੇ ਅਯੋਧਯਾ ਕਾਂਡੇ ਨਾਮ ਅਸ਼ਟਮੋਂ ਧਿਆਇ ॥ ੮ ॥

---

ਮਹਾਂਦੇਵ ਉਵਾਚ ॥

ਸਵੈਯਾ ॥ ਰਾਮ ਕੇ ਆਸ਼੍ਰਮ ਕੀ ਢਿਗ ਜਾਇ ਕੈ ਕੈਕਈ  
 ਨੰਦਰ ਰਾਮ ਪਿਆਰੇ ॥ ਵੰਜੂ ਧੁਜਾ ਕੁਸਵਾਰਜ ਸੇ ਪਦ  
 ਚਿੰਨ ਭਲੇ ਧਰ ਮਾਹਿ ਨਿਹਾਰੇ ॥ ਸਾਨੁਜ ਤਾਂ ਰਜੁ ਲੇਟ ਪਰੇ  
 ਸੁ ਅਹੋ ਹਮ ਧੰਨ ਸੁ ਆਪ ਉਚਾਰੇ ॥ ਰਾਮ ਪਦਾਂਬੁਜ ਚਿੰਨ  
 ਤਜੇ ਵਹਿ ਭੂਤਲ ਯਾ ਬਨ ਮਾਂਹਿ ਨਿਹਾਰੇ ॥ ੧ ॥ ਜਾਂ ਪਦ  
 ਖੰਕਜ ਕੀ ਰਜਕੋ ਚਤੁਰਾਨਨ ਲੋ ਸੁਰਿ ਢੂੰਡਤ ਸਾਰੇ ॥ ਬੇਦ



ਬਿਚਾਰਤ ਨੀਤ ਫਿਰੇ ਪੁਨਿ ਵੁੰਡਤ ਵੈ ਸਨਕਾਦਿਕ ਚਾਰੇ ।  
 ਪ੍ਰੇਮ ਭਰੇ ਇਹ ਭਾਂਤ ਉਮਾਂ ਅਤਿ ਕੇਕਈ ਨੰਦਨ ਰਾਮ ਪਿ  
 ਆਰੇ ॥ ਜਾਤਭਏ ਵਿਗ ਆਸ਼੍ਰਮ ਕੀ ਉਰ ਆਨੰਦ ਨੀਰ ਕੇ  
 ਜਾਹਿ ਪਨਾਰੇ ॥ ੨ ॥ ਤਹਿ ਖੇਪ ਰਮਾ ਪਤਿ ਰਾਮ ਬਲੀ ਤਨੁ  
 ਸ਼ਾਮ ਭਲੇ ਦ੍ਰਿਗ ਵਾਰਜ ਸੇ ॥ ਸੁਭ ਸੀਸ ਜਟਾ ਤਰੁ ਛਾਲ  
 ਨਦੀ ਤਨ ਅੰਬਰ ਐ ਮੁਖ ਵਾਰਜ ਸੇ ॥ ਤਰਣਾਰੁਣ ਸ੍ਰੀਦੁਤ  
 ਸੋਭਤ ਹੈ ਮਰਦੇ ਪਦ ਸੀਯ ਸੁਵਾਰਜ ਸੇ ॥ ਜਨਕਾ ਤਨੁਜਾਸੁ  
 ਵਿਨੋਦਕਰੇ ਸੁ ਖਿਰੇ ਮੁਖ ਪੰਕਜ ਵਾਰਜ ਸੇ ॥ ੩ ॥ ਚੌਪਈ ॥  
 ਲਖਮਣ ਸੇਵੇ ਜਾ ਪਦ ਵਾਰਜ ॥ ਭਰਤ ਹੇਰ ਤਿਹ ਦੌਰੇ ਆ  
 ਰਜ ॥ ਹਰਖ ਸੋਚ ਯੁਗ ਪਦ ਤਿਨ ਆਯੋ ॥ ਰਾਮ ਪਦਾਂਬੁਜ  
 ਮੈ ਲਪਟਾਯੋ ॥ ੪ ॥ ਰਾਮ ਭੁਜਾ ਗਹਿ ਕੀਨ ਉੱਧਾਰ ॥ ਗ  
 ਰਲਾਏ ਦ੍ਰਿਗ ਜਾਏ ਵਾਰ ॥ ਅੰਕ ਬੀਚ ਪੁਨਿ ਭਰਤ ਬਠਾਏ  
 ॥ ਪੁਨਿ ਪੁਨਿ ਰਾਮ ਗਰੇ ਨਿਜ ਲਾਏ ॥ ੫ ॥ ਬਹੁਰ ਰਾਮ ਕੀ  
 ਮਾਤਾ ਜੇਤੀ ॥ ਜਾਇ ਪਹੂਤੀ ਬੇਗ ਸੁ ਤੇਤੀ ॥ ਤ੍ਰਿਖਾਵੰਤ ਗ  
 ਉਆਂ ਜਗ ਜੇਸੇ ॥ ਰਾਮ ਪਿਖਨ ਹਿਤ ਗਈਂ ਸੁ ਤੈਸੇ ॥ ੬ ॥  
 ਰਾਮ ਸੁਮਾਤ ਨਿਹਾਰੀ ਜਬਹੀਂ ॥ ਉਠਿਬੰਦੇ ਤਿਨਚਰਨ ਸੁ  
 ਤਬਹੀਂ ॥ ਮਾਤਾ ਸੁਤ ਕੋ ਕੰਠ ਲਗਾਏ ॥ ਕੀਨ ਵਿਰਲਾਪ  
 ਦ੍ਰਿਗਨ ਜਲ ਜਾਏ ॥ ੭ ॥ ਇਤਰ ਸੁ ਮਾਤ ਮਾਤ ਇਤ ਨਾਂ  
 ਮਾ ॥ ਸੀਯ ਸਹਿਤ ਤਿਨਕੀਨ ਪ੍ਰਣਾਮਾ ॥ ਬਹੁਰ ਬਸਿਸ੍ਰੁ ਤਹਾ  
 ਚਲ ਆਏ ॥ ਰਾਮ ਪੇਖ ਗੁਰ ਅਤਿ ਹਰਖਾਏ ॥ ੮ ॥ ਸਾਸ਼੍ਰਾਂ  
 ਗ ਪਦ ਕਰੇ ਪ੍ਰਣਾਮਾਂ ॥ ਆਜ ਧੰਨ ਹਮ ਭਏ ਸੁ ਰਾਮਾਂ ॥ ਯਥਾ



ਯੋਗ ਆਸਨ ਬੈਠਾਏ । ਪੁਨਿ ਰਘੁਵਰ ਇਹ ਬੈਠ ਅਲਾਏ ॥  
 ੯ ॥ ਸਵੈਯਾ ॥ ਹੈ ਮਮ ਤਾਤ ਮਹਾਂ ਕੁਸ਼ਲੀ ਅਤਿ ਦੁਖਤਿ  
 ਕਿੰ ਪੁਨਿ ਮੋਹਿ ਬਖਾਨੇ । ਰਾਮ ਕੀ ਬਾਤ ਸੁਨੀ ਜਬ ਹੀ ਤਬ  
 ਆਪ ਬਸਿਸ੍ਰੁ ਸੁ ਵਾਕ ਅਲਾਨੇ । ਵਿਰਹੀ ਤਵ ਰਾਮ ਸੁ  
 ਭੂਪਤਿ ਪੈ ਤਵ ਚਿੰਤੁ ਸੁ ਸਿੰਧ ਭਏ ਗਲਤਾਨੇ । ਰਾਮ ਸੀਯਾ  
 ਲਖਮਨ ਭਏ ਮੁਖਿ ਭੂਪ ਕੇ ਪ੍ਰਾਨ ਭਨੇ ਪੁਰ ਹਾਨੇ ॥ ੧੦ ॥  
 ਸੁਨਿ ਕੈ ਗੁਰ ਵਾਕ ਸੁ ਰਾਮ ਬਲੀ ਜਨੁ ਕਾਨ ਤਿਸੂਲ ਲਗੇ  
 ਅਤਿ ਭਾਰੀ । ਅਤਿ ਰੋਇ ਪਰੇ ਮੁਖ ਹਾਇ ਕਹਯੋ ਧਰ  
 ਮਾਹਿ ਗਿਰੇ ਅਤਿ ਖਾਇ ਤਵਾਰੀ । ਤਬ ਰਾਮ ਬਿਹਾਲ ਸੁ  
 ਪੇਖਤਹੀ ਸਭਰੋਤ ਭਈ ਨਿਪ ਕੀ ਤਹਿ ਨਾਰੀ । ਪੁਨਿ ਰਾਮ  
 ਬਖਾਨ ਸੁਹਾ ਮੁਖਤੇ ਕਰ ਤਾਹਿ ਗਏ ਤਜਮੇ ਘਿਣੁ ਕਾਰੀ  
 ੧੧ ॥ ਤਾਤ ਅਨਾਥ ਕੀਯੋ ਹਮਕੋ ਅਬ ਕੋ ਧਰ ਗੋਦ  
 ਸੁ ਮੋਹਿ ਲਡਾਵੈ । ਸੀਯ ਸੁਮਿੱਤ੍ਰਜ ਰੋਇ ਉਠੇ ਤਨ ਬਯਾਕੁਲ  
 ਐ ਦ੍ਰਿਗ ਤੇ ਜਲ ਜਾਵੈ । ਤਬ ਆਪ ਬਸਿਸ੍ਰੁ ਸੁ ਸ਼ਾਂਤ ਕਰੇ  
 ਮੁਖ ਸ਼ਾਂਤਹਿ ਕੇ ਬਹੁ ਵਾਕ ਸੁਨਾਵੈ । ਸੁਨਿ ਤਾਤ ਕੀ ਮ੍ਰਿਤ  
 ਸੁ ਪੂਤ ਬਲੀ ਧਰ ਧੀਰਜ ਤਾਹਿ ਕੀ ਕ੍ਰਿਤ ਕਰਾਵੈ ॥ ੧੨  
 ॥ ਚੌਪਈ ॥ ਪ੍ਰਿਥਮੈ ਵਪੁਨਿ ਕਰਾਏ ਪੂਤ । ਬਹੁਰ ਦਸਾਹ  
 ਕਰਮ ਕੋ ਸੂਤ । ਤਿਲੋਦਿਕ ਦਾਨ ਕਰੇ ਹਿਤ ਲਾਵੈ । ਦਸ  
 ਗਾਤਰ ਪੁਨਿ ਪੂਤ ਕਰਾਵੈ ॥ ੧੩ ॥ ਯਾ ਬਿਧ ਕਰਮ ਕਰੇ  
 ਏਹ ਜਿਉਂ ਜਿਉਂ । ਪਰ ਲੋਕਿਕ ਦੇਹ ਹੋ ਇਹ ਤਿਉਂ  
 ਤਿਉਂ । ਦਿਨ ਦਿਨ ਪਿੰਡ ਦਾਨ ਇਕ ਕਰੇ ਪ੍ਰੇਤ ਸੁਧਾਮੁਖ



ਮੰਤ੍ਰ ਉਚਰੇ ॥ ੧੪ ॥ ਦੋਹਰਾ ॥ ਭਰਤ ਕਰਾਈ ਹਿਯਾ  
 ਸਬ ਨਾਹਿ ਸਪਿੰਡੀ ਕੀਨ । ਅਨੁਜ ਕਰੀ ਭੀ ਪੁਨਿ ਕਰੇ  
 ਸਪਿੰਡੀ ਤੁਮ ਪਰਬੀਨ ॥ ੧੫ ॥ ਚੌਪਈ ॥ ਯਾ  
 ਬਿਧਿ ਮੁਨਿਵਰ ਭਾਖਯੋ ਜਬਹੀ । ਗਏ ਮੰਦਾਕਨੀ ਹਰਿ  
 ਪੁਨਿ ਭਬਹੀ । ਕਰਿ ਇਸਨਾਨ ਸਭ ਕਲਮਖ ਟਾਰੇ । ਰਾਮ  
 ਲਯੋ ਕਰਿ ਭੀਤਰਿ ਵਾਰੇ ॥ ੧੬ ॥ ਜਲ ਕਾਂਖੀ ਰਾਜਾਥੇ ਜੋਈ  
 । ਦਯੋ ਰਾਮ ਤਾਕੋ ਜਲ ਸੋਈ । ਲਖਮਣ ਸਹਿਤ ਰਾਮ  
 ਬਲਿ ਧਾਰੀ । ਪਿੰਡ ਬਨਾਏ ਆਪ ਸਵਾਰੀ ॥ ੧੭ ॥ ਇੰਗਦ  
 ਫਲ ਪੁਨਯਾਚਨ ਕਰੈ । ਮਧੁਰ ਧਾਰ ਅਤਿਸੈ ਸੰਚਰੈ ॥ ਹਮਰੋ  
 ਅੰਗ ਅਹੇ ਜਗ ਜੋਈ । ਪਿਤਰਨ ਕੋ ਪੁਨਿ ਭਾਖਯੋ ਸੋਈ ॥  
 ੧੮ ॥ ਯਾ ਬਿਧਿ ਦੂਖ ਨੀਰ ਦ੍ਰਿਗ ਜਾਏ । ਕਰ ਇਸਨਾਨ  
 ਬਹੁਰ ਗ੍ਰਹਿ ਆਏ । ਚਿਰੰ ਰੋਇ ਸਭ ਆਏ ਤਹਾਂ । ਰਾਮਚੰਦ  
 ਕੋ ਆਸ਼੍ਰਮ ਜਹਾਂ ॥ ੧੯ ॥ ਤਾ ਦਿਨ ਮੈ ਕੀਨੋ ਉਪਵਾਸ ।  
 ਆਗ੍ਰਮ ਦਿਨ ਸੁ ਗਏ ਜਲ ਪਾਸ । ਮੰਦਾਕਿਨ ਉਜਲ ਜਲ  
 ਮਾਹੀਂ । ਨਾਇ ਰਾਮ ਬੈਠੇ ਤਟ ਮਾਹੀਂ ॥ ੨੦ ॥ ਭਰਤ  
 ਸਮੀਪ ਰਾਮਕੇ ਗਏ । ਹਾਥ ਜੋਰ ਯਹ ਬਚਨ ਅਲਏ । ਰਾਮ  
 ਰਾਮ ਹੇ ਪ੍ਰਗਟਾ ਧਾਰੀ । ਰਾਜ ਤਿਲਕ ਤੁਮ ਗਹੇ ਮੁਰਾਰੀ  
 ॥ ੨੧ ॥ ਤਾਤ ਰਾਜ ਯਹਿ ਆਹਿ ਤੁਮਾਰੋ । ਤੁਮ ਜੇਸੁ ਜਿਉਂ  
 ਪਿਤਾ ਹਮਾਰੋ । ਖਤ੍ਰਿਨ ਕੋ ਯਹਿ ਧਰਮ ਕਹੀਜੇ । ਜੋ ਨਿਜ  
 ਪ੍ਰਜਾ ਸੁ ਪਾਲਿਨ ਕੀਜੇ ॥ ੨੨ ॥ ਸੰਕਰ ਛੰਦ ॥ ਬਹੁ ਭਾਂਤਿ  
 ਯਾਗ ਸੁ ਤੁਮ ਕਰੇ ਪੁਨਿ ਪੂਤ ਨਿਜ ਉਪਜਾਹੁ । ਰਾਜਮੈ ਸੁ



ਤ ਬਾਪ ਕੈ ਪੁਨਿ ਰਾਮ ਤੁਮ ਬਨ ਜਾਹੁ । ਬਨ ਬਾਸ ਕੇ ਅਬ  
 ਕਾਲ ਨਾਹੀਂ ਰਾਮ ਹੋਹੁ ਦਯਾਲ । ਮਮ ਮਾਤ ਦੁਕ੍ਰਿਤ ਜੋ ਕਰੇ  
 ਮਨ ਮਾਹਿ ਤਾਹਿ ਸਮਾਲ ॥ ੨੩ ॥ ਇਹ ਭਾਂਤਿ ਭਰਤ  
 ਬਖਾਨ ਕੈ ਸਿਰ ਰਾਮ ਚਰਨ ਨ ਦੀਨ । ਕਰ ਜੋਰ ਸਭ ਕੇ ਪੇਖਤੇ  
 ਅਸ਼੍ਰਾਂਗ ਬੰਦਨ ਕੀਨ । ਤਬ ਰਾਮ ਤਾਹਿ ਉਠਾਇ ਕੈ ਨਿਜ  
 ਗੋਦ ਲੀਨ ਬੈਠਾਰਿ । ਪੁਨਿ ਰਾਮ ਭਰਤ ਬਖਾਨਯੋ ਵਿਗ  
 ਬਹੇ ਪ੍ਰੇਮ ਸੁ ਵਾਰਿ ॥ ੨੪ ॥ ਚੌਪਈ ॥ ਸੁਨੋ ਭਰਤ  
 ਅਬ ਤੋਹਿ ਬਖਾਨੋ । ਜੋ ਤੂੰ ਕਹੈਂ ਸਾਚ ਮੈ ਜਾਨੋ । ਕਿੰਤੁ ਤਾਤ  
 ਮੁਹਿ ਆਪ ਬਖਾਨੀ । ਚੌਦਾਂ ਵਰਖ ਅਵਧ ਉਰਿ ਠਾਨੀ ॥  
 ੨੫ ॥ ਸ਼ੰਕਰ ਛੰਦ ॥ ਦੰਡਕਾ ਬਨਬਾਸ ਕਰ ਤੁਮ  
 ਆਹੁ ਪਾਛੇ ਗ੍ਰਾਮ । ਭਰਤ ਕੇ ਦਯੇ ਰਾਜ ਸਗਲੋ ਜੇ ਅਹੇ ਧਨ  
 ਧਾਮ । ਇਮ ਆਪ ਭੂਪ ਬਖਾਨਿਯੋ ਤਵ ਰਾਜ ਹੋਇਓ ਸੋਇ ।  
 ਦੰਡਕਾ ਬਨ ਮੋ ਦਇਓ ਯਹ ਜਾਨ ਹੈ ਸਭ ਕੋਇ ॥ ੨੬ ॥  
 ਨਰਾਜ ਛੰਦ ॥ ਸੁ ਤਾਤ ਵਾਕ ਵੋਨਕੋ ਅਲੰਘ ਭ੍ਰਾਤ ਜਾਨੀਏ  
 ॥ ਕਹਯੋ ਕਰੇ ਸੁ ਤਾਤ ਕੋ ਹਠੰ ਨ ਭ੍ਰਾਤ ਠਾਨੀਏ । ਸੁ  
 ਤਾਤ ਵਾਕ ਲੰਘ ਕੈ ਸੁਤੰਤਰੰ ਕਰੇ ਸੁ ਜੋ । ਸੁਜੀਵਤੰ ਮਿਤੰ  
 ਭਯੰ ਮੁਇਓ ਨੱਰਕ ਪਾਇ ਸੋ ॥ ੨੭ ॥ ਚੌਪਈ ॥  
 ਤਾਂਤੇ ਰਾਜ ਕਰੇ ਤੁਮ ਭਾਈ । ਹਮ ਦੰਡਕ ਬਨ ਪਾਲੇ ਜਾਈ ।  
 ਬਹੁਰ ਰਾਮ ਪ੍ਰਤਿ ਭਰਤ ਬਖਾਨੀ । ਸੋ ਤੁਮ ਨੀਕੇ ਸੁਨੋ  
 ਭਵਾਨੀ ॥ ੨੮ ॥ ਤਾਤ ਮੂੜ ਮਤਿ ਕਾਮਕ ਆਹਿ । ਇਸਤ੍ਰੀ  
 ਜੀਤਿ ਭ੍ਰਾਤਿ ਉਰ ਤਾਹਿ । ਉਨ ਮਤ ਤਾਤ ਭਾਖ ਜਗ ਜੋਈ ॥



ਸੱਤ ਗਹੀਜੇ ਨਾ ਉਰ ਸੋਈ ॥ ੨੯ ॥ ਦੋਹਰਾ ॥  
 ਕਾਕ ਵਾਕ ਜਿਉ ਨਾ ਗਹੇ ਲੋਕ ਵਿਖੇਧੀ ਮਾਨ ॥ ਤਿਉ  
 ਭੂਪਤਿ ਕੇ ਵਾਕ ਯਹ ਹਮਕੇ ਨਾਹਿ ਪ੍ਰਮਾਨ ॥ ੩੦ ॥ ਸ੍ਰੀ  
 ਰਾਮ ਉਵਾਚ ॥ ਨਰਾਜ ਛੰਦ ॥ ਨ ਤਾਤ ਨਾਰਿ ਜੀਤੀਯੋ  
 ਤਨੁ ਭ੍ਰਾਤ ਹੋਇ ਤਾ ਕਹੀ । ਨ ਕਾਮ ਕੇ ਨ ਮੂੜਧੀ ਸੁ  
 ਪੂਰਬਿ ਪਿਤਾ ਕਹੀ । ਸੁ ਸੱਤ ਵਾਕ ਭੂਪਤੀ ਵਰੰ ਸੁ ਦੋਨ ਤਾ  
 ਦੀਏ । ਅਸੱਤ ਤੇ ਡਰੰ ਬਡੇ ਨਰੱਕ ਤੇ ਅਧੰਕੀਏ ॥ ੩੧ ॥  
 ਚੋਪਈ ॥ ਕਰੋ ਸੱਤ ਜੋ ਮੋਹਿ ਉਚਾਰੀ । ਭੂਪਤਿ ਸੁਨਤ  
 ਸੁ ਭਵਨ ਮਝਾਰੀ । ਮੈ ਰਘੁਵੰਸ ਵਿਖੇ ਜਗ ਜਯੋ । ਬਨੇ  
 ਅਸੱਤ ਨ ਵਾਕ ਸੁ ਕਯੋ ॥ ੩੨ ॥ ਯਾ ਬਿਧ ਰਾਮ ਬਖਾਨਯੋ ਜਬ  
 ਹੀ । ਬੋਲਤ ਭਏ ਭਰਤ ਪੁਨਿ ਤਬਹੀ । ਜੋ ਬਨ ਬਾਸ  
 ਅਵੱਸ਼ਕ ਅਹੇ । ਤੋ ਤੁਮ ਸੁਨਹੁ ਭਰਤ ਜੋ ਕਹੇ ॥ ੩੩ ॥ ਮੈਂ  
 ਬਨ ਜਾਉਂ ਚੀਰ ਤਨ ਧਰੋਂ । ਚੋਦਾਂ ਬਰਸ ਬਾਸ ਬਨ ਕਰੋਂ ।  
 ਤੁਮ ਪੁਰ ਰਾਜ ਕਰੋ ਸੁਖ ਜਾਈ । ਸੁਨ ਬੋਲੇ ਗਿਰਜਾ ਰਘੁ  
 ਰਾਈ ॥ ੩੪ ॥ ਸ੍ਰੀ ਰਾਮ ਉਵਾਚ ॥ ਪਿਤਾ ਰਾਜ ਤੋ  
 ਕੇ ਹੈ ਦਯੋ । ਬਨੋ ਬਾਸ ਤਿਸ ਮੋਹਿ ਅਲਯੋ । ਉਲਟੋ ਕਰਜੋਂ  
 ਬਨੇਂ ਅਬ ਨਾਹੀਂ । ਹੋਇ ਅਸੱਤ ਵਚਨ ਪੁਨਿ ਨਾਹੀਂ ॥ ੩੫  
 ॥ ਭਰਤ ਉਵਾਚ ॥ ਮੈਂ ਭੀ ਚਲੋਂ ਸੰਗ ਬਨਬਾਸ ।  
 ਸੇਵੋਂ ਲਖਮਣ ਜਿਉਂ ਤਵ ਪਾਸ । ਸੰਗ ਲਿਚਲੋ ਨ ਜੋ ਰਘੁ  
 ਰਾਈ । ਤੋ ਮੈਂ ਤਜੋਂ ਕਲੇਵਰ ਭਾਈ ॥ ੩੬ ॥ ਯੋ ਉਰ ਭੀਤਰ  
 ਭਰਤ ਸੁ ਧਾਰੀ । ਲੈਕਰ ਕੁਸ਼ਾ ਸੁ ਧਰਣ ਖਿਲਾਰੀ । ਮ



ਰਣ ਆਪਨੇ ਉਰ ਮੈਂ ਧਰਿਯੋ । ਬੈਠ ਕੁਸ਼ਾ ਪੂਰਬ ਮੁਖ ਕਰਜੋ  
 ॥ ੩੭ ॥ ਦੋਹਰਾ ॥ ਹੇਰ ਹਠੀਲੇ ਭਰਤ ਕੋ ਰਾਮ ਭਏ  
 ਬਿਸਮਾਦ । ਨੇਤਰਾਂਤਾ ਸੈਨਨ ਕਰੀ ਗੁਰ ਬਸਿਸ੍ਰ ਪ੍ਰਤਿ  
 ਤਾਦ ॥ ੩੮ ॥ ਚੌਪਈ ॥ ਬਸਿਸ੍ਰ ਅਹੇ ਜੋ ਮੁਨਿ ਵਰ  
 ਗਯਾਨੀ । ਇਕੰਤ ਭਰਤ ਪ੍ਰਤਿ ਤਾਂਹਿ ਬਖਾਨੀ । ਅਬ ਜਾਸਨ  
 ਜੋ ਕੀਨ ਬਖਾਨ । ਸੋ ਤੁਮ ਸੁਨ ਉਰ ਅੰਤਰ ਮਾਨ ॥ ੩੯ ॥  
 ਸ਼੍ਰੀਯਾ ॥ ਕਮਲਾਸਨ ਕੀ ਬਿਨਤੀ ਵਸ ਹੈ ਯਹ ਰਾਮ  
 ਨਾਰਾਇਣ ਭੂਤਲ ਆਏ । ਸੁਨ ਰਾਵਨ ਕੇ ਬਧ ਕਾਜ ਜਏ  
 ਅਜ ਨੰਦਨ ਕੇ ਸੁਤ ਰਾਮ ਕਹਾਏ । ਸੁ ਵਿਦੇਹ ਸੁਤਾ ਯਹ  
 ਜਾਨਕੀ ਜੋ ਸਭ ਲੋਕਨ ਕੀ ਜਨਨੀ ਯਹ ਮਾਏ । ਢਿਗ ਰਾਮ  
 ਕੀ ਜੋ ਲਘੁ ਭ੍ਰਾਤ ਇਹੈ ਯਹ ਸੇਸ ਬਲੀ ਨਿਤ ਰਾਮ ਸੁਹਾਏ  
 ॥ ੪੦ ॥ ਸਵੈਯਾ ॥ ਰਾਵਨ ਕੇ ਬਧ ਕਾਜ ਚਲੇ ਬਨ ਕੈਕੇਈ  
 ਕੇ ਅਪਰਾਧ ਨਹੀਂ । ਜੋ ਵਰ ਯਾਚਨ ਤਾਹਿ ਕਰੈ ਕਛੁ  
 ਨਿੱਠਰ ਵਾਕ ਸੁ ਤਾਹਿ ਕਹੀ । ਦੇਵਨ ਕੋ ਕ੍ਰਿਤ ਆਹਿ ਸੁਭੇ  
 ਨਹਿ ਰਾਮ ਕੋ ਭਾਖਤ ਏਵ ਵਹੀ । ਰਾਮ ਹਟਾਵਨ ਕੋ ਹਠ  
 ਜੋ ਤੁਮ ਦੂਰ ਤਜੋ ਉਰਮਾਨ ਕਹੀ ॥ ੪੧ ॥ ਸਵੈਯਾ ॥  
 ਕੁਲ ਸੰਗ ਸੁ ਰਾਵਣ ਮਾਰ ਰਣੇ ਯਹਿ ਬੇਗ ਸੁ ਆਵਹਿੰਗੇ  
 ਪੁਰ ਮਾਹੀਂ । ਸੁਨ ਕੈ ਗੁਰ ਵਾਕ ਸੁ ਕੈਕੇਈ ਨੰਦਨ ਹੋਇ ਰਹੇ  
 ਬਿਸਮੈ ਉਰਮਾਹੀਂ । ਢਿਗ ਰਾਮ ਕੀ ਜਾਇ ਸੁ ਬਾਤ ਕਹੀ  
 ਉਰ ਆਨੰਦ ਨੈਨ ਖਿਰੇ ਮੁਖ ਮਾਹੀਂ । ਨਿਜ ਪਾਦਕ ਦੇਹ  
 ਸੁ ਰਾਮ ਬਲੀ ਵਹਿ ਰਾਜਤ ਰਾਜ ਸਿੰਘਾਸਨ ਮਾਹੀਂ ॥ ੪੨ ॥



ਸਵੈਯਾ ॥ ਤਿਨਕੋ ਤਹਿ ਸੇਵਨ ਨੀਤ ਕਰੋਂ ਉਰ ਕਾਲ  
 ਪਿਖੋਂ ਤਵ ਆਵਨ ਕੋ । ਇਹ ਭਾਂਤਿ ਉਚਾਰ ਸੁ ਪਾਦਕ ਵੈ  
 ਤਿਨ ਜੋਰ ਦਈ ਪਦ ਪਾਵਨ ਕੋ । ਪਦ ਰਾਮ ਉਤਾਰ ਸੁ ਆਪ  
 ਦਈ ਅਤਿ ਸੁੰਦਰਤਾ ਮਨਿ ਭਾਵਨ ਕੋ । ਗਹਿ ਕੈਕੇਈ ਨੰਦਨ  
 ਪਾਦਕ ਵੈ ਉਰ ਆਸ ਕਰੀ ਪੁਰ ਜਾਵਨ ਕੋ ॥ ੪੩ ॥ ਕਰ  
 ਰਾਮ ਪ੍ਰਦੱਖਨ ਬੰਦਨ ਜੂ ਪੁਨਿ ਕੈਕੇਈ ਨੰਦਨ ਏਹ ਬਖਾਨੀ  
 । ਉਰ ਪ੍ਰੇਮ ਭਰੇ ਦ੍ਰਿਗ ਵਾਰ ਵਹੇ ਮੁਖਿ ਮਾਹਿੰ ਭਈ ਸੁ ਗਦਾ  
 ਗਦ ਬਾਨੀ । ਕ੍ਰਿਤ ਐਧ ਸਮਾਪਤਿ ਆਵਿ ਦਿਨਾ ਨਹਿ  
 ਆਵਹੁ ਜੋ ਮਨ ਕੀ ਰਜਧਾਨੀ । ਮੁਖਿ ਸਾਰ ਕਹੋਂ ਸੁਨ ਰਾਮ  
 ਬਲੀ ਜਰ ਪਾਦਕ ਦੇਹ ਕਰੋਂ ਨਿਜ ਹਾਨੀ ॥ ੪੪ ॥ ਮੁਖ ਨੇਮ  
 ਕਰੇ ਰਘੁਬੀਰ ਬਲੀ ਕਰ ਪ੍ਰੇਮ ਭਲੇ ਲਘੁਬੀਰ ਹਟਾਏ ।  
 ਸਹਿ ਸੈਨ ਬਸਿਸ੍ਰੁ ਸੁ ਭ੍ਰਾਤ ਸਮੰ ਬਿਨ ਕੈਕੇਈ ਔਰ ਸਭੈ  
 ਤਿਨ ਮਾਏ । ਪੁਨਿ ਔਰ ਅਮਾਤ ਬਜ਼ੀਰ ਬਡੇ ਪੁਰ ਜਾਵਨਕੇ  
 ਹਿਤ ਤਾਹਿ ਚਲਾਏ । ਦ੍ਰਿਗ ਨੀਰ ਬਿਆਕੁਲ ਜੋਰ ਦੋਉ ਕਰ  
 ਕੈਕੇਈ ਰਾਮ ਇਕੰਤ ਸੁ ਜਾਏ ॥ ੪੫ ॥ ਕੈਕੇਈ ਉਵਾਰ ॥  
 ਸਵਯਾ ॥ ਤਵ ਰਾਜ ਵਿਘਾਤ ਨ ਰਾਮ ਕੀਓ ਮਮ ਦੁਸ਼ਟ  
 ਮਤੀ ਤਵ ਮੋਹਤ ਮਾਯਾ । ਖਿਮ ਮੇਂ ਅਪਰਾਧ ਸੁ ਰਾਮ  
 ਬਲੀ ਸੁ ਖਿਮਾਂ ਗੁਣ ਤੇ ਜਗ ਸਾਧਨ ਗਾਯਾ । ਤਵ ਬ੍ਰਹਮ  
 ਸਨਾਤਨ ਬੇਦ ਕਹੇ ਨਹਿ ਬਾਪ ਨਹੀ ਤਵ ਰਾਮ ਸੁ ਮਾਯਾ ।  
 ਧਰੁ ਮਾਨੁਖ ਰੂਪ ਸੁ ਮਾਇਕਏ ਹਰਿ ਮੋਹਤ ਹੈਂ ਇਹ ਲੋਕ  
 ਸਬਾਯਾ ॥ ੪੬ ॥ ਜਿਮ ਪ੍ਰੇਰਤ ਰਾਮ ਸੁ ਤੂੰ ਜਗ ਮੈ ਤਿਮ  
 ਲੋਕ ਸੁਭਾ ਸੁਭ ਨੀਤ ਕਮਾਵੈ । ਤਬ ਨੀਤ ਅਧੀਨ ਸੁ ਵਿਸੁ



ਅਹੈ ਯਹਿ ਨਾਹਿ ਸੁਤੰਤਰ ਹੋਨ ਸੁਪਾਵੈ॥ ਕ੍ਰਿਤ ਕੰਚਨੀ ਤਿਉ  
 ਜਗ ਨਾਚ ਕਰੈ ਕਪਟੀ ਜਿਹ ਭਾਂਤਿ ਸੁ ਤਾਂਹਿ ਨਚਾਵੈ ।  
 ਤਵ ਲੋਕ ਉਪਾਵਨ ਕੀ ਸ਼ਕਤੀ ਤਿਮ ਨਾਚ ਕਰੈ ਬਹੁ ਰੂਪ  
 ਦਿਖਾਵੈ ॥ ੪੭ ॥ ਦੇਵਨ ਕੇ ਹਿਤ ਕਾਜ ਤੁਮੈ ਮਮ ਪ੍ਰੇਰ ਇਹੈ  
 ਮੁਖ ਬਾਤ ਕਹਾਈ । ਮੈ ਮਮ ਪਾਪਨ ਪਾਪ ਕੀਯੋ ਵਰ ਮਾਂਗ  
 ਲਈ ਸਿਰ ਮੈ ਬੁਰਿਆਈ । ਦੇਵਨ ਪੇਖ ਸਕੇ ਤੁਮ ਕੋ ਅਜ  
 ਮੇ ਉਰ ਮੈ ਪਰਤੀਤ ਸੁਆਈ । ਆਹਿ ਨਾਰਾਇਣ ਤੂੰ ਜਗ  
 ਮੈ ਜਗਨਾਥ ਨਮੋਂ ਮਮ ਤੇ ਸ਼ਰਨਾਈ ॥ ੪੮ ॥ ਕਟਿ ਮੋਹਿ  
 ਸਨੇਹ ਸੁ ਫਾਸ ਮਹਾਂ ਸੁਤ ਐ ਗ੍ਰਹ ਗੋਚਰ ਜੋ ਅਧਿਕਾਈ  
 । ਤਵ ਗਯਾਨ ਅਸੀ ਅਤਿ ਉੱਜਲਕ ਰਘੁਬੀਰ ਗਹੀ ਤੁਮਰੀ  
 ਸ਼ਰਨਾਈ । ਸੁਨਿ ਕੈਕੇਈ ਕੀ ਯਹ ਬਾਤ ਤਬੈ ਗਿਰਜਾ  
 ਮੁਖ ਭੀਤਰ ਰਾਮ ਅਲਾਈ । ਤੁਮ ਸਾਚ ਕਹੀ ਨਹਿ ਝੂਠ  
 ਅਹੈ ਇਹ ਰੀਤਿ ਸਭਾ ਜਗ ਮੋਹਿ ਬਨਾਈ ॥ ੪੯ ॥ ਮਮ  
 ਪ੍ਰੇਰਤ ਸਾਰਸੁਤੀ ਜਗ ਮੈ ਸੁਨਿਤੇ ਮੁਖਤੇ ਨਿਕਸੀ ਇਹ  
 ਭਾਂਤੀ ॥ ਹਿਤ ਦੇਵਨ ਕੇ ਏਹ ਕਾਜ ਕਰੇ ਇਨ ਭੀਤਰ ਦੇਖ  
 ਨਹੀਂ ਤਵਜਾਤੀ । ਘਰਿ ਜਾਹਿ ਰਿਦੇ ਮਮ ਧਿਆਨ ਧਰੋ ਉਰ  
 ਭਾਵਨ ਮੋਹ ਕਰੋ ਬਿਨ ਰਾਤੀ । ਸਭ ਠੌਰ ਸਨੇਹ ਮਿਟੇ  
 ਤੁਮਰੋ ਮੁਕਤੀ ਤੁਮ ਹੋਵਹਿਗੀ ਸੁਖ ਦਾਤੀ ॥ ੫੦ ॥ ਚੌਪਈ  
 ॥ ਮੈ ਸਮ ਦ੍ਰਿਸਟ ਸਰਬ ਮੈ ਅਹੇ । ਵੈਖ ਪਿਆਰੋ ਕੋ ਮਮ  
 ਨਹੇ । ਕਲਪ ਰੂਪ ਜਿਉ ਮੇਰੀ ਰੀਤਿ । ਜਿਉ ਮਮ ਭਏ ਭਜੋ  
 ਤਿਉ ਚੀਤ ॥ ੫੧ ॥ ਮੁਖ ਮਾਇਆ ਕਰ ਮੋਹਤ ਗਯਾਨ ।



ਮਨੁਜਾ ਕ੍ਰਿਤ ਮੁਹਿ ਲੇਹੁ ਸਮਾਨ । ਸੁਖ ਦੁਖ ਕੇ ਅਨੁਸਾਰੀ  
 ਜਾਨੇ । ਤੇ ਨਹੀਂ ਮੇਰੇ ਤੱਤ ਪਛਾਨੇ ॥ ੨੫ ॥ ਭਲਾ ਭਇਆ  
 ਮਮ ਗੋਚਰ ਗਯਾਨ । ਤੋਹ ਭਯੋ ਤਵ ਬੰਧਨ ਹਾਨ । ਗ੍ਰਹਮੈਂ  
 ਭਜੋ ਸੁ ਪਾਵ ਹਮਾਰੇ ॥ ਕਰਮ ਛੋਹਿੰਗੇ ਨਾਹਿ ਤੁਮਾਰੇ ॥ ੨੬  
 ॥ ਦੋਹਰਾ ॥ ਇਹ ਭਾਂਤਿ ਬਖਾਨਯੋ ਰਾਮਜੀ ਉਮਾ ਕੈਕੇਈ  
 ਪਾਸ । ਮੁਖ ਪੰਜਕ ਤਾਂਕੇ ਖਿਰੇ ਭਇਓ ਸੁ ਮਨਹਿ ਹੁਲਾਸ ॥  
 ੨੭ ॥ ਕੈਕੇਈ ਉਵਾਰ ॥ ਚੋਪਈ ਸੁੱਧ ਬੁੱਧ ਪਰਮਾਤਮ  
 ਰਾਮ । ਮੇਰੀ ਹੈ ਤੇ ਪਦ ਪਰਣਾਮ । ਸਰਬੱਗ ਰਾਮ ਤੂੰ ਆਹਿ  
 ਅਨੰਤਾ । ਤੂੰ ਨਿਰਗੁਣ ਤੂੰ ਸਰਬ ਨਿਯੰਤਾ ॥ ੨੮ ॥  
 ਦੋਹਰਾ ॥ ਇਹ ਭਾਂਤਿ ਬਡਾਈ ਤਾਂ ਕਰੀ ਕਰ ਪਰਦੱਛਨ  
 ਰਾਮ ॥ ਸੋਬੰਦਨ ਭੂ ਮੇ ਕਰੀ ਮੁਦਤ ਗਈ ਨਿਜ ਧਾਮ ॥ ੨੯ ॥  
 ॥ ਚੋਪਈ ॥ ਭਰਤ ਸੁ ਸੈਨਾ ਸਹਿਤ ਬਜ਼ੀਰ । ਭ੍ਰਾਤ ਸਮੇਤ  
 ਸਹਿਤ ਗੁਰ ਧੀਰ । ਸੀਘਰ ਗਇਓ ਅਜੁਧਯਾ ਮਾਹੀਂ । ਰ  
 ਘੁਵਰ ਕੋ ਚਿਤਵੇ ਉਰ ਮਾਹੀਂ ॥ ੩੦ ॥ ਪੁਰ ਕੇ ਲੋਗ ਸੰਗ  
 ਥੇ ਜੇਤੇ । ਪੁਰੀ ਅਯੋਧਯਾ ਥਾਪੇ ਤੇਤੇ । ਨੰਦ ਗਾਉਂ ਮੈਂ ਗਏ  
 ਸੁ ਆਪ । ਪਾਦਕ ਧਰੀ ਸਿੰਘਾਸਨ ਥਾਪ ॥ ੩੧ ॥ ਭਗਤ  
 ਸਮੇਤ ਸੁ ਪੂਜੇ ਨੀਤ । ਰਾਮ ਬਰੋਬਰ ਤਾਮੈਂ ਰੀਤ । ਆਫਤ  
 ਰੀਧ ਸੁ ਫੁਲ ਚਵਾਵੇਂ । ਰਾਜ ਉਪਜਾਰਸੁ ਤਾ ਵਿਗ ਲਯਾਵੇਂ  
 ॥ ੩੨ ॥ ਸਵੈਯਾ ॥ ਫਲ ਮੂਲ ਅਹਾਰ ਕਰੇ ਨਿਸ ਕੇ  
 ਮਨੁ ਦਾਤ ਜਟਾ ਸਭ ਸੀਸ ਬਨਾਈ ॥ ਬਟੁ ਬ੍ਰਿਤਧਰੀ ਤਹਿ  
 ਭ੍ਰਾਤ ਸਮੰ ਪੁਨਿ ਆਪ ਭਯੋ ਧਰਿ ਭੀਤਰਿ ਸਾਈ । ਭਵ ਭੂਤ



ਲ ਰਾਜ ਕੇ ਕਾਰਯ ਤੇਬਿਨ ਪਾਦਕ ਬਾਤ ਕਰੇ ਨਹਿੰ ਕਾ  
 ਈ । ਜਗਦੰਡ ਇਨਾਮ ਸੁ ਹੋਇ ਜਿਤੋ ਰਘੁਬੀਰਕੀ ਪਾਦਕ  
 ਮਾਹਿ ਜਨਾਈ ॥ ੬੦ ॥ ਚੌਪਈ ॥ ਰਾਮ ਆਗਮਨ ਆਸ  
 ਉਰ ਮਾਹੀਂ । ਗਨੇ ਭਰਤ ਦਿਨ ਨਿਜ ਮਨ ਮਾਹੀਂ । ਰਾਮ  
 ਬਿਖੇ ਮਨੁ ਤਾਂਕੋ ਜੂਟੇ । ਮਨੋ ਬ੍ਰਹਮ ਮੁਨਿ ਧਿਆਨ ਨ ਛੂਟੇ  
 ੬੧ ॥ ਸਵੈਯਾ ॥ ਇਤ ਕੇਕਈ ਨੰਦਨ ਆਇ ਭਲੇ  
 ਨੰਦ ਗਾਉਂ ਬਿਖੇ ਮੁਨਿ ਰੀਤ ਬਨਾਈ । ਉਤ ਰਾਮ ਬਲੀ  
 ਗਿਰ ਚਿਤ੍ਰ ਬਿਖੇ ਮੁਨਿ ਸੋਂ ਮਿਲਿ ਬਾਸ ਕੀਯੋ ਸੁਖਦਾਈ ।  
 ਸੁਭ ਸੀਯ ਸੋਂ ਭ੍ਰਾਤ ਸਮੇਤ ਬਸੇ ਸਭ ਲੋਕਨ ਬਾਤ ਇਹੈ ਸੁ  
 ਨ ਪਾਈ । ਬਨ ਰਾਮਨਿਹਾਰਨਕੇ ਹਿਤ ਜੂ ਸੁ ਲਗੀ ਤਹਿ  
 ਆਵਨ ਨੀਤ ਲੁਕਾਈ ॥ ੬੨ ॥ ਰਾਮਨਿਹਾਰਸੁ ਭੀਰ ਤਹਾਂ  
 ਉਰ ਧੀਰ ਬਡੇ ਮਨ ਏਹ ਬਿਚਾਰੀ । ਰਾਮ ਤਜੇ ਗਿਰ ਚਿਤ੍ਰ  
 ਤਬੈ ਬਨ ਦੰਡਕ ਕੀ ਮਨ ਭੀਤਰ ਧਾਰੀ । ਅਤ੍ਰਿ ਮੁਨੀਸ਼ਰ  
 ਆਸ਼੍ਰਮ ਮੈ ਚਲਿ ਆਪ ਗਏ ਸੁ ਮੁਕੰਦ ਮੁਰਾਰੀ । ਧੀਰ  
 ਨਹੀਂ ਜਨਕੀ ਸੁ ਜਹਾਂ ਫਲ ਫੂਲ ਜਰੀ ਲਟਕੀ ਤਰਡਾਰੀ  
 ॥ ੬੩ ॥ ਤੋਟਕ ਛੰਦ ॥ ਵਿਗ ਜਾਇ ਪਿਖੇ ਮੁਨਿ ਰਾਮ  
 ਤਪੀ । ਸੁ ਤਪੇ ਬਨ ਮੈਂ ਜਨੁ ਕੋਟਿ ਪਪੀ । ਅਭਿ ਬੰਦਨ  
 ਰਾਮ ਸੁ ਜਾਇ ਕਹੀ । ਮਮ ਰਾਮ ਇਹੈ ਮੁਖ ਮਾਹਿ ਕਹੀ ॥  
 ੬੪ ॥ ਸ੍ਰੀ ਰਾਮ ਉਵਾਚ ॥ ਤੋਟਕ ਛੰਦ ॥ ਸੁਨਦੇਵ ਕਹੋ  
 ਕਰ ਮੋਹਿ ਮਏ । ਪਿਤ ਆਇਸੁ ਲੈ ਬਨ ਮਾਹਿ ਅਏ ।  
 ਬਨ ਦੰਡਕ ਘਾਸ ਸੁ ਮੋਹਿ ਗਏ । ਅਜੁ ਧੰਨ ਭਯੋ ਤਵ



ਦਰਸ ਲਹੇ ॥ ੬੫ ॥ ਦੋਹਰਾ ॥ ਰਾਮ ਵਾਕ ਮੁਨਿ ਸੁਨਤ  
 ਹੀ ਉਮਾ ਸੁ ਉਰ ਹਰਖਾਨ । ਜਾਨੇ ਰਾਮ ਪਰਾਤਮਾ ਭਵ  
 ਭੰਜਨ ਭਗਵਾਨ ॥ ੬੬ ॥ ਅਤਿ ਉਵਾਚ ॥ ਸ਼ੰਕਰ  
 ਛੰਦ ॥ ਰਾਮ ਤੂੰ ਜਗ ਪੂਜ ਹੈਂ ਆਨੰਦ ਕਾਰਕ ਆਹਿੰ ।  
 ਮਮ ਪੁੰਨ ਆਸ਼੍ਰਮ ਕਰਨ ਹਿਤ ਤੂੰ ਆਇਓ ਬਨ ਮਾਹਿੰ । ਇਹ  
 ਭਾਂਤਿ ਤਾਂ ਮੁਨਿਭਾਖਿਕੈ ਲੈਪੀਠ ਰਾਮ ਬਠਾਇ । ਕਰਅਰਘ  
 ਪੂਜਾ ਰਾਮ ਕੀ ਬਨ ਮੀਠ ਫਲਹ ਖਵਾਇ ॥ ੬੭ ॥  
 ਸੀਯ ਲਖਮਣ ਕੇ ਦਏ ਬਹੁ ਭਾਂਤਿ ਕੀਨ ਸਨੇਹ । ਸੰਤੁਸ਼ਟ  
 ਮੁਨਿਵਰ ਹੋਇਕੈ ਮੁਖਿ ਭਾਖਿਯੋ ਪੁਨਿ ਏਹ । ਭਾਰਯਾ ਮੈਂ  
 ਬਿਰਧ ਅਤਿ ਅਨਸੂਯਾ ਇਹ ਨਾਮ । ਧਰਮਵੰਤੀ ਕੀਨ  
 ਤਪ ਏਹ ਕੰਦਰਾ ਚਿਰਰਾਮ ॥ ੬੮ ॥ ਅੰਤਰ ਰਮੇ ਤਿਹ ਜਨ  
 ਕਜਾ ਪੇਖੇ ਸੁ ਮੰਦਰ ਮਾਂਹਿ । ਕੰਜ ਨੈਨਾ ਰਾਮ ਜੀ ਭਾਖਯੋ  
 ਤਬੈ ਸੀਯ ਜਾਂਹਿ । ਬੰਦਨ ਕਰੀ ਪਦ ਜਾਇ ਕੈ ਪੁਨਿ ਬੇਗ  
 ਆਇ ਸੁ ਠੌਰ । ਤਬੇ ਤਿ ਰਾਮ ਬਖਾਨ ਸੀਤਾ ਗਈ ਤਾਂ ਢਿਗ  
 ਦੌਰ ॥ ੬੯ ॥ ਦੰਡਵਤ ਬੰਦਨ ਕਰੀ ਅਨ ਸੂਯਾ ਸੀ ਚੀਨ ।  
 ਗਰਿ ਲਾਇ ਸੀ ਉਰ ਹਰਖ ਕੈ ਮੁਖ ਬੋਲ ਆਦਰ ਕੀਨ ।  
 ਦਿੱਬ ਕੁੰਡਲ ਦੋ ਦਏ ਜੋ ਵਿਸੁ ਕਰਮਾ ਕੀਨ । ਦਿੱਬ ਦੋਨ ਪ  
 ਦੰਬਰਾ ਤਿਨ ਦਏ ਆਪ ਨਵੀਨ ॥ ੭੦ ॥ ਅੰਗ ਰਾਗ ਲਗਾ  
 ਇਓ ਸੀ ਅੰਗ ਨੀਠ ਸਵਾਰ । ਨਹਿੰ ਕ੍ਰਾਂਤਿ ਕੇ ਤਨ ਕੋ ਤਜੇ  
 ਕਮਲਾਨਨੋ ਬਲਿਹਾਰ । ਪਤਿਬ੍ਰੁੱਤ ਸੁ ਦਾਰ ਕੈ ਰਹਿ ਰਾਮ  
 ਕੇ ਅਨੁਸਾਰ । ਤਵ ਸੰਗ ਕੁਸਲੀ ਰਾਮ ਜੀ ਪੁਨਿ ਜਾਉਂ



ਨਗਰ ਮਝਾਰ ॥ ੭੧ ॥ ਦੋਹਰਾ ॥ ਲੈ ਅਸੀਸ ਮੁਨਿ  
 ਨਾਰ ਤੇ ਸੀਤਾ ਬਾਹਰ ਆਇ । ਬੈਠੀ ਰਾਮ ਸਮੀਪ ਮੈ ਸੋਭਾ  
 ਕਹੀ ਨ ਜਾਇ ॥ ੭੨ ॥ ਲਖਮਣ ਸੀਤਾ ਰਾਮ ਕੋ ਬਹੁਰ  
 ਸੁ ਫਲਹਿ ਖੁਵਾਇ । ਬੋਲੇ ਮੁਨਿ ਕਰ ਜੋਰਿ ਕੈ ਪਰਮ ਹਰਖ  
 ਉਰ ਆਇ ॥ ੭੩ ॥ ਸਵੈਯਾ ॥ ਰਾਮ ਤੁਮੇ ਭੁਵਿਨਾਨ ਰਚੇ  
 ਤਿਨ ਰਖਣ ਕੇ ਹਿਤ ਦੇਹ ਧਰੇ । ਵਾਮਨ ਤੂੰ ਸੁਰ ਮਾਹਿ  
 ਭਯੋ ਨਰ ਰਾਮ ਇਹੈ ਸੁ ਵਰਾਹ ਕਰੇ । ਤੋਹਿ ਨਹੀ ਗੁਣਲੇਪ  
 ਕਛੂ ਮਹਿ ਮਾਇ ਸਦਾ ਤੁਮ ਤੇ ਸੁ ਡਰੇ । ਅੱਭ੍ਰ ਮੁਨੀਵਰ  
 ਯੋਂ ਮੁਖ ਤੇ ਹਰਿ ਪੁੰਨ ਕਥਾ ਬਨ ਮ ਇਸਥਰੇ ॥ ੭੪ ॥  
 ਕਵਿ ਉਵਾਰ ॥ ਸਵੈਯਾ ॥ ਜਿਨ ਕੇ ਗੁਣ ਗਾਵਤ ਹੈਂ ਸਨ  
 ਕਾਦਿਕ ਔ ਮੁਖ ਸੈ ਚਤੁਰਾਨਨ ਗਾਵੈ । ਗੁਨ ਗਾਵਤ ਨਾ  
 ਰਦ ਬੀਨ ਲਏ ਸ਼ਿਵ ਪਾਰਬਤੀ ਪ੍ਰਤਿ ਨੀਤ ਸੁਨਾਵੈ । ਸੁ  
 ਉਚਾਰਤ ਸੇਸ ਹਜ਼ਾਰ ਮੁਖਾ ਨਹਿ ਅੰਤ ਕਬੀ ਜਗ ਭੀਤਰ  
 ਪਾਵੈ । ਕਵਿਸਿੰਘ ਗੁਲਾਬ ਸੁ ਤਾ ਰਘੁਨੰਦਨ ਪੁੰਨ ਕਥਾ ਸੁਨ  
 ਪਾਪ ਮਿਟਾਵੈ ॥ ੭੫ ॥ ਜਿਨਕੇ ਯੁਗ ਭ੍ਰਾਤ ਬਸੇ ਨੰਦਗਾਉ  
 ਸ ਏਕ ਭਏ ਸੰਤ ਸੰਗ ਸਹਾਈ । ਜਿਨ ਰਾਜ ਬਿਭੂਤ ਤਜੀ  
 ਛਿਨ ਮੈਂ ਤਨ ਭੀਤਰ ਵੈ ਮੁਨਿ ਰੀਤਿ ਬਨਾਈ । ਜਿਨ ਕੀ  
 ਅਤਿ ਗੋਪ ਕਥਾ ਜਗ ਮੈਂ ਸ਼ਿਵ ਔ ਰਿਖ ਮੰਡਲ ਗੋਪ ਜਨਾਈ ।  
 ਕਵਿ ਸਿੰਘ ਗੁਲਾਬ ਸੁ ਤਾਂ ਰਘੁਨੰਦਨ ਔਧ ਕਥਾ ਜਨ ਭਾਖ  
 ਸੁਨਾਈ ॥ ੭੬ ॥ ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ  
 ਉਮਾਂ ਮਹੇਸ਼ਰ ਸੰਬਾਦੇ ਅਯੁਧਯਾ ਕਾਂਡੇ ਨਵਮੇ ਧਰਮਾਇ ॥੬॥



## ਅਥ ਆਰੰਭ ਕਾਂਡ

ਸਵੈਯਾ ॥ ਬਨ ਦੰਡਕ ਜਾਂ ਹਰਿ ਬਾਸਕਰੋ ਮੁਨਿਮੰਡਲ  
 ਕੇ ਸਭ ਦੂਖ ਮਿਟਾਏ । ਕਰ ਤਾਂਨ ਕਮਾਨ ਵਿਰੁਧ ਹਨੇ  
 ਖਰਦੂਖਰ ਸੇ ਸੁ ਘਨੇ ਅਰਿ ਘਾਏ । ਜਿਹ ਬ੍ਰਹਮ ਸਨਾਤਨ  
 ਬੇਦ ਭਨੇਂ ਸ਼ਿਵ ਐ ਚਤੁਰਾਂਨਨ ਕੀਰਤ ਗਾਏ। ਪਦਪਾਵਨ  
 ਵੈ ਮਨਿ ਭਾਵਨ ਕੀ ਹਮ ਬਾਲਕ ਹੂੰ ਸ਼ਰਨਾਗਤਿ ਆਏ ॥  
 ੧ ॥ ਸ੍ਰੀ ਮਹਾਂਦੇਵ ਉਵਾਚ ॥ ਸਵੈਯਾ ॥ ਪਰਮਾਤਮ ਸੁੰਦਰ  
 ਤਾਂ ਰਿਖ ਮੰਦਰਿ ਰਾਤ ਬਸੇ ਪਰਭਾਤਿ ਭਏ । ਹਰਿ ਪਾਵਨ  
 ਪਾਵਨ ਨੀਰ ਬਿਖੇ ਭਰ ਅੰਜਲ ਐ ਇਸ਼ਨਾਨਕਏ । ਕਰ ਜੇਰ  
 ਭਲੇ ਮਨ ਭਾਵ ਭਰੇ ਮੁਨਿ ਪੁੰਗਵ ਕੀ ਢਿਗ ਰਾਮਗਏ। ਬਨ  
 ਦੰਡਕ ਜੋ ਮੁਨਿ ਮੰਡਿਤ ਹੈ ਪੁਨਿ ਪੁੰਗਵ ਜੂ ਹਮ ਚਾਹਿ ਜਏ  
 ॥ ੨ ॥ ਤੁਮ ਆਇਸੁ ਦੇਹੁ ਮਹਾ ਮੁਨਿ ਜੂ ਪਥ ਦੇਖਨ ਕੇ  
 ਹਿਤ ਏਹ ਸੁ ਕੀਜੇ । ਪਥਿ ਜਾਨਤ ਜੇ ਤਵ ਸਿਖ ਭਲੇ ਕਰਿ  
 ਆਇਸ ਵੈ ਹਮ ਸੰਗ ਸੁ ਦੀਜੇ । ਸੁਨਿ ਰਾਮ ਕੇ ਵਾਕ ਸੁ  
 ਅਤ੍ ਮੁਨੀ ਹਸ ਬਾਤ ਕਹੀ ਸੁ ਉਮਾਂ ਸੁਨਿ ਲੀਜੇ । ਸਭਕੋ  
 ਤੁਮ ਪੰਥ ਦਿਖਾਵਤ ਹੋ ਤੁਮਰੇ ਹਿਤ ਔਰ ਸੁ ਕੋਨ ਕਹੀਜੇ ॥  
 ੩ ॥ ਨਰਾਜ ਛੰਦ ॥ ਤਥਾਪਿ ਰਾਮ ਲੋਕ ਕੇ ਨੁਸਾਰ ਤੂੰ  
 ਭਯੋ ਤਬੈ । ਦਿਖਾਇ ਤੋਹਿ ਪੰਥ ਕੋ ਮੁਰਾਰ ਸਿੱਖ ਮੇ ਅਬੈ ।  
 ਬੁਲਾਇ ਸਿੱਖਵੈ ਮੁਨੀ ਸੁ ਆਪ ਸੰਗ ਹੂੰ ਭਏ । ਸੁ ਰਾਮ  
 ਪ੍ਰੇਮ ਵਾਰਿਯੋ ਮੁਨੀ ਸੁ ਭੋਨ ਕੋ ਗਏ ॥ ੪ ॥ ਸੁ ਕੋਸ ਰਾਮ  
 ਜੋ ਗਏ ਪਿਖੀ ਤਹਾਂ ਮਹਾਂ ਨਦੀ । ਮੁਨੀ ਸੁ ਸਿੱਖਰਾਮਜੀ ਬ



ਖਾਨਿਯੋਂ ਸੁ ਯੋ ਤਬੀ । ਉਪਾਇ ਪਾਰਜਾਨ ਕੋ ਕਹੋ ਕੁਮਾਰ  
 ਆਹਿਕੋ । ਨਦੀ ਤਰੇਂ ਸੁ ਕਾਹਿ ਸੋਂ ਪਿਖੇ ਉਪਾਇ ਨਾਹਿ ਕੋ ॥  
 ੫ ॥ ਮੁਨੀ ਸੁ ਸਿੱਖ ਯੋਂ ਕਹੀ ਸੁ ਨਾਵ ਏਕ ਹੈ ਭਲੀ । ਤਰਾ  
 ਹਿੰਗੇ ਖਿਣੇਕ ਮੈ ਸੁਨੋ ਸੁ ਰਾਮ ਜੂ ਬਲੀ । ਚਢਾਇ ਰਾਮ  
 ਸੀਯ ਭ੍ਰਾਤ ਨਾਵਮੈ ਕੁਮਾਰਕਾ । ਚੁਫੇਰ ਨਾਵ ਕੇ ਲਗੇ ਬਨਾਇ  
 ਨੀਠ ਤਾਰਿਕਾ ॥ ੬ ॥ ਸਵੈਯਾ ॥ ਜਿਹ ਨਾਮ ਉਚਾਰ ਤਰੇ  
 ਭਵ ਸਾਗਰ ਨਾਹਿ ਲਗੇ ਕਛੁ ਰੰਚਕ ਬਾਰੇ । ਜਿਹ ਨਾਮ ਸੁਨੇਂ  
 ਭਵ ਬੰਧਿ ਟੁਟੇ ਸੁ ਮਿਟੇ ਭਵ ਭੀਤਰ ਕੇ ਅਘ ਭਾਰੇ । ਅਬ  
 ਚੇਤਨ ਬਾਤ ਕਹਾਂ ਕਹੀਏ ਸੁਨ ਜਾ ਗਿਰਜਾ ਗਿਰਜਾ ਹਰਿ  
 ਤਾਰੇ। ਰਘੁਨਾਥ ਬਲੀ ਸੁਨਿ ਪਾਰਬਤੀ ਮੁਨਿ ਦਾਰਿਕ ਵੈ ਖਿਣ ਮਾ  
 ਹਿੰ ਉਤਾਰੇ ॥ ੭ ॥ ਅਭਿ ਨੰਦਨ ਕੈ ਰਘੁਨਾਥ ਬਲੀ ਮੁਨਿ  
 ਦਾਰਕ ਵੈ ਪੁਨਿ ਆਪ ਹਟਾਏ। ਮੁਨਿਆ ਸੁਮਵੈ ਮੁਨਿ ਬਾਲ ਗਏ  
 ਪੁਨਰਾਮ ਬਲੀ ਬਨ ਪੰਥ ਸਿਧਾਏ । ਬਨਘੋਰ ਮਹਾਂ ਬਨ ਕਾਰਤ  
 ਝੀਲ ਸੁਡੀਲ ਬਡੇ ਮ੍ਰਿਗ ਪੁੰਜ ਸੁਹਾਏ । ਇਤ ਸਿੰਘ ਬਜਾਘਰ ਕੋਲ  
 ਬਡੇ ਇਤ ਰਾਕਸ਼ ਹੈਂ ਤਪਸੀ ਜਿਨ ਖਾਏ ॥ ੮ ॥ ਚੌਪਈ  
 ॥ ਰਾਮ ਪ੍ਰਵੇਸ਼ ਕੀਯੋ ਬਨ ਵਾਰੀ । ਲਖਮਣ ਪ੍ਰਤਿ ਯੋਂ ਕਹਿ ਓ  
 ਮੁਰਾਰੀ । ਲਖਮਣ ਸਾਵਧਾਨ ਅਬ ਚਾਲੋ । ਮੇਰੇ ਬਚਨ ਨ  
 ਮਨ ਤੇ ਟਾਲੋ ॥ ੯ ॥ ਧਨੁਖ ਮਾਹਿ ਗੁਨ ਲੋਹ ਚਢਾਈ ।  
 ਕਰ ਭੀਤਰ ਸਰ ਲੇਵਹੁ ਭਾਈ । ਆਗੇ ਚਾਲੋਂ ਮੈ ਪਥਮਾਹੀਂ  
 । ਪਾਛੇ ਤੂੰ ਧਨੁਲੇਕਰ ਮਾਹੀਂ ॥ ੧੦ ॥ ਵੇਨੋ ਮੈ ਸੀ ਚਾਲੇ ਐਸੇ  
 । ਜੀਵ ਈਸ ਮੈਂ ਮਾਯਾ ਜੈਸੇ । ਦ੍ਰਿਸ਼ੁ ਪਸਾਰੋ ਚਾਰੋਂ ਓਰਾ ।



ਬਨ ਮੈਂ ਰਾਖਸ਼ਕੋ ਭਯੋ ਘੋਰਾ॥੧੧॥ ਮੈਸੁਨਿਓਪੁਰਬਹੀਂ ਭਾਈ  
 । ਤੇਹਿ ਅਰਿੰਦਮ ਦਯੋ ਸੁਨਾਈ । ਯਾਬਿਧਭਾਖਤਦੋਨੋਂ ਭਾਈ॥  
 ਜੋਜਨ ਭੇਢ ਗਏ ਸੁਖਦਾਈ ॥ ੧੨ ॥ ਸ੍ਰੈਯਾ ॥ ਤਹਿੰ ਏਕ  
 ਤਲਾਵ ਸੁ ਰਾਮ ਪਿਖੇ ਬਹੁ ਫੂਲ ਰਹੇ ਜਹਿੰ ਤਾਮਰਸਾ ।  
 ਬਹੁ ਭਾਂਤਿ ਬਿਹੰਗ ਸੁਗੰਜਤ ਹੈਂ ਅਤਿਸੁੰਦਰ ਹੈ ਯੁਗ ਸਾਰ  
 ਰਸਾ । ਅਤਿ ਗੰਜਤ ਭਿੰਗ ਚੁਫੇਰ ਤਿਸੇ ਜਲ ਸੀਤਲ ਐਮ  
 ਧ ਜਾਹਿੰ ਰਸਾ॥ ਸਰ ਤੀਰ ਗਏ ਅਚਿਨੀਰ ਭਲੇ ਤਰੁ ਛਾਹਿ  
 ਬਿਖੇ ਰਘੁਬੀਰ ਬਸਾ॥੧੩॥ ਪੁਨਿ ਆਵਤ ਰਾਮ ਪਿਖੇ ਇਕ  
 ਰਾਕਸ਼ ਦੀਰਘ ਦੇਹ ਭਯਾਨਕ ਭਾਰੀ । ਮੁਖ ਦਾੜ ਕਰਾਲ  
 ਸੁ ਗਾਜਤ ਹੈ ਜਿਹ ਪੇਖ ਸਭੈ ਸੁ ਡਰੈਂ ਨਰ ਨਾਰੀ । ਜਿਹ ਮਾ  
 ਨੁਖ ਆਹਿ ਅਨੇਕ ਗ੍ਰਸੇ ਅਥਵਾ ਮਸੁਕੰਧ ਤ੍ਰਿਸੂਲ ਸੁਕਾਰੀ ।  
 ਮੈਹਖਾ ਗਜ ਬਯਾਘਰ ਖਾਵਤ ਹੈ ਤਿਨ ਪੇਖ ਸੁ ਰਾਮਕਮਾਨ  
 ਸੰਭਾਰੀ ॥ ੧੪ ॥ ਰਾਮ ਅਰੋਪ ਕੁਵੰਡ ਗੁਣਿ ਲਘੁ ਭ੍ਰਾਤਹਿ  
 ਕੇ ਇਕ ਬਾਤ ਉਚਾਰੀ । ਭ੍ਰਾਤ ਪਿਖਯੋ ਯਹਿ ਰਾਖਸ਼ ਆਵਤ  
 ਦੀਰਘ ਪੀਨ ਜਿਸੈ ਤਨੁ ਧਾਰ । ਸਾਮਨੋ ਆਵਤਹੈ ਹਮਕੋ  
 ਜਗ ਭੀਰੁਣ ਕੇ ਭਯ ਦੇਵਤ ਭਾਰੀ । ਲੇਹੁ ਅਰੋਪ ਕੁਵੰਡ ਗੁਣਿ  
 ਭਯ ਦੂਰ ਤਜੋ ਸੁ ਵਿਦੇਹ ਕੁਮਾਰੀ ॥ ੧੫ ॥ ਇਮ ਰਾਮ  
 ਬਖਾਨ ਲਏ ਸਰ ਪਾਨ ਸੁ ਆਪ ਖੜੇ ਗਿਰਜਾ ਗਿਰਸੇ ।  
 ਪਿਖ ਰਾਮ ਰਮਾ ਪ੍ਰਤਿ ਭ੍ਰਾਤ ਸੀਯਾ ਗਿਰਜਾ ਵਹਿ ਰਾਖਸ਼  
 ਘੋਰ ਹਸੇ । ਭੈ ਦੇਵਨ ਕੇ ਹਿਤ ਬੋਲ ਉਠੇ ਤੁਮ ਕੋਣ ਅਹੋ  
 ਕਟ ਤੂੰ ਕਸੇ । ਸੁਭ ਸੀਸ ਜਟਾ ਤਰੁ ਛਾਲ ਨਈ ਮੁਨਿ



ਭੇਸ਼ ਧਰੇ ਬਨਮਾਹਿੰ ਧਸੇ ॥ ੧੬ ॥ ਤੁਮ ਨਾਰਿ ਸਹਾਇ ਮਹਾ  
 ਮਦ ਸੁੰਦਰ ਮੇ ਮੁਖ ਭੀਤਰ ਆਇਪਰੇ । ਮਮ ਗ੍ਰਾਸ ਮਨੋ  
 ਬਿਧ ਨੀਠ ਰਚੇ ਕਿਹ ਹੇਤ ਕਹੇ ਬਨ ਮਾਹਿੰ ਬਰੇ । ਪੁਨਿ  
 ਰਾਖਸ਼ ਵਾਕ ਉਮਾਂ ਹਰਿਜੀ ਮੁਸ਼ਕਾਵਤ ਹੀ ਇਹ ਵਾਕ ਕਰੇ ।  
 ਮਮ ਰਾਮ ਅਯੰ ਮਮ ਭ੍ਰਾਤ ਪਿਖੋ ਲਖਮੰਨਿ ਕਹੇ ਬਲਰੂਪ  
 ਵਰੇ ॥ ੧੭ ॥ ਇਹ ਸੀਯ ਅਹੇ ਮਮ ਪ੍ਰਾਣ ਪ੍ਰਿਯਾ ਪਿਤੁ  
 ਆਇਸੁ ਲੈ ਬਨ ਭੀਤਰ ਆਏ । ਤੁਮਸੇ ਖਲ ਰਾਖਸ਼ ਘੋਰ  
 ਬਡੇ ਤਿਨਕੀ ਰਛਨਾਰਥ ਤਾਤ ਪਠਾਏ । ਸੁਨਿ ਕੈ ਯਹ  
 ਰਾਘਵ ਵਾਕ ਉਮਾਂ ਖਲ ਹਾਸ ਉਠੇ ਮਨ ਮੈਂ ਹਰਖਾਏ । ਕਰ  
 ਧਾਰਿ ਤ੍ਰਿਸੂਲ ਪਸਾਰ ਮੁਖੰ ਪੁਨਿ ਰਾਘਵਕੋ ਯਹਿ ਵਾਕ  
 ਅਲਾਏ ॥ ੧੮ ॥ ਮੋਹ ਨ ਜਾਨਤ ਰਾਮ ਤੁਮੇ ਸੁ ਬਿਰਾਧ  
 ਬਲੀ ਸਭ ਲੋਕ ਸੁਨਾਏ । ਭਾਜਿਗਏ ਮੁਨਿ ਮੇਂ ਡਰਤੇ ਬਨ  
 ਤਿਆਗ ਸੁਨੋ ਅਬਲੋ ਨਹਿੰ ਆਏ । ਜੋ ਮਨਿ ਜੀਵਨਿ ਆਸ  
 ਤੁਮੇਂ ਇਹ ਛੋਡ ਸੀਯਾ ਤੁਮ ਜਾਹੁ ਪਲਾਏ । ਨਾਹਿ ਤ ਰਾਮ  
 ਕਰੋਂ ਤਨ ਭੁਛਨ ਦੁਛਨ ਦੇਸ ਕਹੋ ਇਮ ਆਏ ॥ ੧੯ ॥ ਰਾਖਸ਼  
 ਯਾ ਬਿਧਿ ਭਾਖ ਉਮਾ ਪੁਨਿ ਜਾਨਕੀ ਲੇਵਨ ਕੇ ਹਿਤ ਧਾਏ  
 । ਕਾਟ ਦਈ ਭੁਜ ਦੇ ਤਿਨਕੀ ਹਸਿ ਰਾਮ ਬਲੀ ਸਰ ਏਕ  
 ਚਲਾਏ । ਕ੍ਰੋਧ ਭਰੇ ਸੁਨਿ ਰਾਖਸ਼ ਸੁ ਵੈ ਪਸਾਰ ਮੁਖੰ ਹਰਿਕੀ  
 ਢਿਗ ਆਏ । ਰਾਮ ਦਏ ਸਰ ਤਾਨਿ ਤਿਨੇ ਕਟਿ ਪਾਦ ਦੁਊ  
 ਅਤਿ ਦੂਰ ਬਗਾਏ ॥ ੨੦ ॥ ਮਾਨ ਅਚੰਭ ਸੁ ਰਾਖਸਵੈ ਅਹਿ  
 ਸੇ ਮੁਖਸੇਂ ਹਰਿ ਖਾਵਨ ਆਏ । ਰਾਘਵ ਤਾਂ ਕਸ ਮੁੰਡ ਤਿਨੇ



ਪੁਨਿ ਆਧਸਸੀ ਸਰ ਏਕ ਚਲਾਏ । ਸ੍ਰੋਣਤ ਧਾਰ ਅਕਾਸ਼  
 ਗਈ ਸਿਰ ਰਾਖਸ ਰਾਮ ਸੁ ਕਾਟ ਗਿਰਾਏ । ਸੀਯ ਸਰਾਹ  
 ਕਰੇ ਤਬ ਰਾਮਹਿ ਪ੍ਰੇਮ ਭਰੀਸੁ ਉਮਾਂ ਗਲਿ ਲਾਏ ॥੨੧॥  
 ਤਬ ਦੁੰਦਭ ਦੇਵਨ ਕੇ ਸੁ ਬਜੇ ਨਭ ਕੋਟਿ ਅਪੱਛਰ ਨਿਰਤ  
 ਦਿਖਾਵੈਂ । ਉਰ ਆਨੰਦ ਐ ਉਤਸਾਹ ਭਰੇ ਗਣ ਗੰਧੂਬ  
 ਕਿੰਨਰ ਬਾਜ ਬਜਾਵੈਂ । ਸੁ ਬਿਲਾਧਹਕੇ ਤਨਤੇ ਇਕ ਦੁੰਦਰ  
 ਐਰ ਭਏ ਅਤਿ ਰੂਪ ਸੁਹਾਵੈਂ । ਵਿਮਲਾਂਬਰ ਕਾਂਚਨ ਭੂਖਨਹੈ  
 ਸੁ ਮਨੋ ਰਵਿ ਐਰ ਭਇਓ ਇਮ ਆਵੈ ॥ ੨੨ ॥ ਵਿਦਯਾ  
 ਧਰੋਵਾਚ ॥ ਸਵੈਯਾ ॥ ਅਭਿ ਬੰਦਨ ਬੰਦਤ ਆਰ ਤਹਾਂ  
 ਭਵਿ ਫੰਧਨ ਹਾ ਅਤਿ ਦੀਨ ਦਯਾਲਾ । ਅਭਿ ਬੰਦਨਬੰਦਨ  
 ਦੰਡ ਸਮੰ ਸਰਣਾਂਗਤਿ ਹਾਂ ਸੁ ਪ੍ਰਸੰਨ ਬਿਸਾਲਾ । ਜਲਜਾਇਤ  
 ਨੈਨ ਸੁ ਰਾਮ ਬਲੀ ਵਿਦਯਾ ਧਰ ਹੋ ਸੁ ਪ੍ਰਕਾਸ ਬਿਸਾਲਾ ।  
 ਦੁਰਬਾਸਸ ਕਾਰਣ ਕ੍ਰੋਧ ਭਰੇ ਮੁਹਿ ਸ੍ਰਾਪ ਦਯੋ ਅਤਿਸੈ  
 ਸੁ ਕਰਾਲਾ ॥ ੨੩॥ ਤੇ ਪਦ ਸਿੰਮ੍ਰਿਤ ਨੀਤ ਚਹੈ ਭਵ ਫੰਧਨ  
 ਜੋ ਜਗ ਭੀਤਰ ਟਾਰੇ । ਰਾਮ ਕਥਾ ਤੁਮਰੀ ਮਮ ਵਾਕ ਕਹੈ  
 ਸੁਨਿ ਹੈ ਪੁਨਿ ਕਾਨਿ ਹਮਾਰੇ । ਦੋ ਕਰਤੇ ਪਦ ਸੇਵ ਕਰੇ  
 ਸਿਰਤੇ ਪਦ ਪੰਕਜ ਬੰਦਨ ਧਾਰੇ । ਮੈਂ ਭਗਵਾਨਨਮੋ ਤੁਮਕੋ  
 ਜਗ ਆਨੰਦ ਜੋ ਯਹਿ ਰੂਪ ਤੁਮਾਰੇ ॥ ੨੪ ॥ ਆਤਮਰਾਮ  
 ਸਿਯਾ ਰਮਣੇ ਜਗ ਕਾਰਕਮੈਂ ਸਰਣਾਂਗਤਿ ਆਯੋ । ਮੈਂ ਭਵ  
 ਸਿੰਧ ਸੁ ਮਾਹਿ ਬਹੋਂ ਅਬ ਤੋਹਿ ਬਨੋ ਹਰ ਲਹ ਛਡਾਯੋ ।  
 ਆਇਸੁ ਦੇਹ ਸਮੋ ਹਰਿ ਜੀ ਉਰ ਚਾਹਤ ਹੋਂ ਸੁਰਲੋਕ ਸੁ



ਜਾਯੋ ॥ ਰਾਮ ਇਹੈ ਵਰ ਮੋਹਿ ਵਿਜੇ ਮਮ ਬੋਧ ਹਰੇ ਨਹਿ ਤੇ  
 ਪ੍ਰਭ ਮਾਯੋ ॥ ੨੫ ॥ ਦੋਹਰਾ ॥ ਇਹ ਭਾਂਤ ਉਮਾਂ ਵਰ ਮਾਗਿਯੋ  
 ਦਯੋਰਾਮਪੁਨਿਸੋਇ ॥ ਵਿਦਯਾ ਧਰਕੇ ਵਾਕ ਸੁਨਿ ਪਰਮ ਪ੍ਰਸੰਨ  
 ਹਰਿ ਹੋਇ ॥ ੨੬ ॥ ਸ੍ਰੀ ਰਾਮੋ ਵਾਚ ॥ ਚੌਪਈ ॥ ਵਰ ਮਾਂਗੋ  
 ਉਰ ਚਾਹੋ ਜੋਈ ॥ ਤਵ ਕਲਜਾਨ ਦੇਉ ਮੈਂ ਸੋਈ ॥ ਵਿਦਯਾ  
 ਧਰੋ ਵਾਚ ॥ ਦੀਜੇ ਭਗਤਿ ਨਿਰੰਤਰਿ ਰਾਮ ॥ ਆਨ ਵਰਨ  
 ਸੋ ਨਾਹੀਂ ਕਾਮ ॥ ੨੭ ॥ ਸ੍ਰੀ ਰਾਮੋ ਵਾਚ ॥ ਸਵੈਯਾ ॥ ਵਿਦਯਾ  
 ਧਰ ਜਾਂਹਿ ਸੁ ਦੇਵ ਪੁਰੀ ਨਹਿ ਮਾਇਕ ਤੇ ਗੁਣ ਲੇਪ ਕਰੇ  
 ॥ ਮਮ ਪੇਖਨ ਤੇ ਤਵ ਮੋਖ ਭਈ ਤੁਮ ਹੋ ਸਭ ਤੱਗਨ ਮਾਹਿ  
 ਵਰੇ ॥ ਜਗ ਮੋਖ ਪ੍ਰਦਾਇਕ ਮੋ ਭਗਤੀ ਸੁ ਅਹੋ ਬਿਰਲੀ ਜਗ  
 ਕੋਈ ਕਰੇ ॥ ਅਬ ਤੂੰ ਮਮ ਸੈਵ ਸਪੁੰਨ ਭਯੋ ਮਮ ਆਇਸੁ ਤੇ  
 ਸਭ ਬੰਧ ਹਰੇ ॥ ੨੮ ॥ ਰਾਖਸ ਰਾਮ ਹਨੇ ਬਨ ਮੈ ਪੁਨਿ  
 ਸ੍ਰਾਪ ਵਿਮੁਕਤਿ ਕਰੇ ਖਿਨ ਮਾਹੀਂ ॥ ਰਾਮਦਯੋ ਵਰਤਾਹਿ ਪੁਨਾ  
 ਬਿਦਿਆ ਧਰ ਹੋਇ ਗਯੋ ਨਭ ਮਾਹੀਂ ॥ ਰਾਮ ਕੇ ਨਾਮ ਲਏ  
 ਅਖਲਾਰਥ ਪਾਵਤ ਹੈਂ ਜਨ ਯਾ ਜਗ ਮਾਹੀਂ ॥ ਕਿਉਂ ਨਾ ਭਜੇਂ  
 ਗਿਰਜਾ ਵਹਿ ਰਾਮ ਸੁ ਕੋਵਿਦ ਜੇ ਭਵ ਮੰਡਲ ਮਾਹੀਂ ॥ ੨੯ ॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
 ਸੰਬਾਦੇ ਆਰੰਠ ਕਾਂਡੇ ਪ੍ਰਥਮੋ ਧਿਆਇ ॥ ੧ ॥



॥ ਸ੍ਰੀ ਮਹਾਂ ਦੇਵੋ ਵਾਰ ॥  
 ਚੌਪਈ ॥ ਗਏ ਵਿਰਾਧ ਸੁਰਗ ਮੈਂ ਜਬਹੀ ॥ ਰਾਮ ਸੀਯਾ  
 ਸੰਗ ਲਖਮਣ ਤਬਹੀਂ ॥ ਸਰਭੰਗ ਰਿਖੀ ਆਸ਼੍ਰਮ ਮੈਂ ਗਏ ।  
 ਸਰਬ ਸੂਖ ਜਹਿੰ ਭੀਤਰਿ ਨਏ ॥ ੧ ॥ ਆਵਤ ਸੀਤਾ ਲਖਮਣ  
 ਰਾਮ ॥ ਪੇਖ ਉਠੇ ਮੁਨਿ ਤਪਕੋ ਧਾਮ ॥ ਪੂਜਨ ਕੀਨੋ ਸਨ  
 ਮੁਖ ਜਾਏ ॥ ਉਤਮ ਆਸਨ ਮਹਿੰ ਬੈਠਾਏ ॥ ੨ ॥ ਕੰਦਮੂਲ  
 ਫਲ ਭੋਜਨ ਦੀਨੋ ॥ ਤਾਹਿ ਅਤਿਥ ਭਲੀ ਬਿਧ ਕੀਨੋ ॥  
 ਸਰਭੰਗ ਰਿਖੀਸੁਰ ਭਗਤ ਪਰਾਇਨ ॥ ਬੋਲੇ ਰਘੁਵਰ ਪ੍ਰਤਿ  
 ਤਪ ਆਇਨ ॥ ੩ ॥ ਤਪਕੀ ਨਿਹਗ ਮੈਂ ਉਰਧਾਰੀ ॥ ਬਹੁਤ  
 ਕਾਲ ਇਹਾਂ ਵਸਾ ਮੁਰਾਰੀ ॥ ਤਵ ਦਰਸਨ ਕੀ ਇਛਾ ਰਾਮ  
 ॥ ਤੂੰ ਪਰਮੇਸੁਰ ਪੂਰਨ ਧਾਮ ॥ ੪ ॥ ਤਪੋ ਸਿਧ ਬਹੁ ਪੁੰਨ ਸੁ  
 ਕੀਨੋ ॥ ਸੋ ਸਭ ਰਾਮ ਤੋਹਿ ਮਮ ਦੀਨੋ ॥ ਮੈ ਅਬਮੁਕਤ ਭਯੋ ਤਵ  
 ਹੇ ਜੋ ॥ ਯਾ ਬਿਧ ਉਮਾਂ ਰਖੀਸੁਰ ਦੇਰਜੋ ॥ ੫ ॥ ਸਵੈਯਾ ॥  
 ਸਭ ਪੁੰਨ ਦਏ ਰਘੁਬੀਰ ਬਲੀ ਸਰਭੰਗ ਭਯੋ ਫਲ ਮਾਂਗ  
 ਅਸੰਗਾ ॥ ਸੁ ਬਨਾਇ ਚਿਤਾ ਤਹਿੰ ਮਾਹਿੰ ਚਢੇ ਰਘੁਨਾਥ ਪ੍ਰ  
 ਣਾਮ ਕਰੀ ਸਰਭੰਗਾ ॥ ਪੁਨਿ ਰਾਮ ਧਯਾਨ ਧਰਜੋ ਉਰਮੈਂ ਤਨੁ  
 ਸਜਾਮ ਮਹਾਂ ਵਿਠਾ ਕੰਜ ਉਤੰਗਾ ॥ ਤਨ ਚੀਰਧਰੇ ਸੁਭ ਸੀਸ  
 ਜਟਾ ਸੋ ਸਰਾਸਨਿ ਔ ਕਟਿ ਮਾਹਿੰ ਨਿਖੰਗਾ ॥ ੬ ॥ ਕੋਨ  
 ਦਯਾਲ ਸੁ ਰਾਮ ਬਿਨਾ ਯਹ ਕਾਮ ਕੋਊ ਜਗ ਮਾਹਿੰ ਨਿਹਾਰੇ  
 ॥ ਮੋਹ ਭਜੇ ਦਿਨ ਰਾਤ ਸਦਾ ਮ੍ਰਿਤ ਪੇਖ ਸੁ ਮੇ ਹਰਿ ਆਪਿ  
 ਪਧਾਰੇ ॥ ਜਾਰ ਤਨੂੰ ਬਿਧ ਲੋਕ ਜਊ ਅਬ ਦਾਸਰਥੀ ਰਘੁ



ਬੀਰ ਨਿਹਾਰੇ ॥ ਐਧ ਖਤੀ ਯਹਿ ਰਾਘਵ ਜੋ ਸਹ ਸੀਯ ਬਸੇ  
 ਉਰ ਮਾਂਹਿ ਹਮਾਰੇ ॥ ੭ ॥ ਚੌਪਈ ॥ ਵਾਮ ਅੰਕ ਜਿਨ  
 ਸੀਯ ਸੁਹਾਈ ॥ ਮਨੋ ਮੇਘ ਸਹਿ ਤੜਤਾ ਆਈ ॥ ਯਾ ਬਿਧ ਧਿ  
 ਯਾਨ ਚਿਰੰਤਹਿ ਧਾਰੇ ॥ ਸਨਮੁਖ ਚੜੇ ਸੁ ਰਾਮ ਨਿਹਾਰੇ ॥  
 ੮ ॥ ਬਹੁਰੇ ਅਗਨਿ ਸੁ ਚਿਤਾ ਲਗਾਈ ॥ ਪਾਂਚਭੂਤ ਤਨ ਦਯੋ  
 ਜਲਾਈ ॥ ਦਿੱਬ ਦੇਹ ਧਰ ਰਿਖ ਤਪਧਾਰੇ ॥ ਲੋਕ ਮਤੀ ਕੇ  
 ਲੋਕ ਪਧਾਰੇ ॥ ੯ ॥ ਦਿੱਬ ਬਿਮਾਨ ਚੜ੍ਹੇ ਰਿਖ ਐਸੇ ॥ ਬ੍ਰਾਜ  
 ਮਾਨ ਦੂਸਰਰਵਿ ਜੈਸੇ ॥ ਦਿੱਬ ਨਾਰ ਨਰ ਚਾਮਰ ਕਰੇ ॥ ਬੀਂਜਨ  
 ਚਾਰ ਓਰ ਤੇ ਫਿਰੇ ॥ ੧੦ ॥ ਬਿਸ਼ਨ ਦੂਤ ਚੌਤਰਫੀ ਜਾਵੈ ॥  
 ਵਿਦਯਾ ਧਰ ਆਗੇ ਜਸ ਗਾਵੈ ॥ ਦਿੱਬ ਫੂਲਮਾਲਾ ਗਲਿ ਸੋਹੇ  
 । ਤੇਜ ਤਪੱਸਯਾ ਸਭ ਜਗ ਮੋਹੇ ॥ ੧੧ ॥ ਸਰਭੰਗ ਗਏ ਪਿਖ  
 ਯੋ ਨਭ ਮਾਹੀ ॥ ਭਏ ਸੁ ਵਿਸਮੈਂ ਰਿਖ ਮਨ ਮਾਹੀ ॥ ਦੰਡਿਕ  
 ਵਾਸੀ ਰਿਖ ਗਣ ਸਾਰੇ ॥ ਸਰਭੰਗ ਨਿਵੇਸਰ ਬਹੁਰਸਿਧਾਰੇ  
 ॥ ੧੨ ॥ ਆਏ ਪੇਖ ਰਖੀਸੁਰ ਸਾਰੇ ॥ ਰਾਮ ਸੀਯਾ ਲਖਮ  
 ਨ ਸੁਖਕਾਰੇ ॥ ਗਿਰਜਾ ਬੰਦਨ ਤੀਨੋ ਕੀਨੋ ॥ ਮਾਇਆ ਕਰੁ  
 ਮਾਨਵ ਤਨ ਲੀਨੋ ॥ ੧੩ ॥ ਦੇਹ ਅਸੀਸ ਰਿਖੀਸੁਰ ਸਾਰੇ ॥  
 ਰਾਮ ਬਸੇ ਸਭ ਰਿਦੇ ਮਝਾਰੇ ॥ ਹਾਥ ਜੋਰ ਰਿਖਿ ਰਾਮ ਬਖਾਨੇ  
 । ਧਨੁ ਨਿਖੰਗ ਜਾਕੇ ਕਰਿ ਬਾਨੇ ॥ ੧੪ ॥ ਦੋਹਰਾ ॥  
 ਭੂਮਿ ਭਾਰਕੇ ਹਰਣ ਹਿਤ ਤੁਮ ਉਪਜੇ ਰਘੁਨਾਥ ॥ ਬ੍ਰਹਮਾਂ  
 ਜੂ ਬਿਨਤੀ ਕਰੇ ਜੋਰਿ ਦੋਊ ਨਿਜ ਹਾਥ ॥ ੧੫ ॥ ਚੌਪਈ  
 ॥ ਹਮਜਾਨੇ ਤੁਮ ਬਿਸ਼ਨ ਸੁਰੇਸ ॥ ਸੀ ਕਮਲਾ ਲਖਮਣ ਯ



ਹਿ ਸ਼ੇਸ਼ । ਰੁਦ੍ਰ ਅਵਤਾਰ ਭਰਤ ਉਰ ਜਾਨੇ । ਚੱਕਰਕੋ ਸੱਤ੍ਰ  
 ਘਨੂ ਪਛਾਨੇ ॥ ੧੬ ॥ ਰਾਮ ਪ੍ਰਥਮ ਪ੍ਰਭ ਏਹ ਸੁਦੀਜੈ । ਰਿਖ  
 ਗਣਕੋ ਦੁਖ ਦੂਰਿ ਕਰੀਜੈ । ਆਹੁ ਰਘੂਤਮ ਆਪ ਨਿਹਾਰੇ  
 । ਮੁਨਿ ਸੇਵਤ ਬਨਮੈ ਪਗ ਥਾਰੇ ॥ ੧੭ ॥ ਲਖਮਣ ਸੀਤਹਿ  
 ਚਾਲੇ ਜਬਹੀਂ । ਦਯਾ ਹੋਇਗੀ ਹਮ ਪਰ ਤਬਹੀਂ । ਯਾ ਬਿਧ  
 ਮੁਨਿ ਗਣ ਬਿਨਤੀ ਕਰੀ । ਜੋਰੇ ਹਾਥ ਰਾਮ ਤਬਹਰੀ ॥ ੧੮  
 ॥ ਜਾਤਿਭਏ ਪੁਨਿ ਮੁਨਿ ਕੇ ਸੰਗਾ ॥ ਲੇਕਰਧਨੁ ਕਟਿਕੱਸਿ  
 ਨਿਖੰਗਾ । ਪਏਹਾਡ ਸਿਰਘਨੇ ਨਿਹਾਰ । ਰਾਮਕੀਓ ਮੁਖਏਹ  
 ਉਚਾਰਾ ॥ ੧੯ ॥ ਕਿਨਕੇਹਾਡ ਪਰੇ ਕਿਹਕਾਰਣਾ । ਕਿਨਕਾਟੇ ਮੁਨਿ  
 ਕਰੇ ਉਚਾਰਣ । ਤਬ ਰਿਖ ਗਣ ਇਹ ਕੀਨ ਬਖਾਨ । ਹੈ  
 ਰਿਖਹਾਡ ਸੁਨੋ ਭਗਵਾਨ ॥ ੨੦ ॥ ਜੋ ਹਰਿ ਧਯਾਨ ਪ੍ਰੇਮ ਤਹਿ  
 ਭਏ । ਰਾਖਸ਼ ਤਹਿ ਸਿਰ ਕਾਟ ਸੁ ਗਏ । ਦੇਖਤਫਿਰੇ ਸੁ ਬ  
 ਨ ਮੈਂਸਾਰੇ । ਜੇ ਰਾਖਸ਼ਹੈਂ ਨੀਚਮੁਰਾਰੇ ॥ ੨੧ ॥ ਸੁਨਿ ਮੁਨਿ  
 ਵਾਕ ਸੁ ਭਯ ਅਤਿ ਦੀਨ । ਰਾਮ ਤਬੈ ਸੁ ਪ੍ਰਤੱਗਯਾ  
 ਕੀਨ । ਰਾਖਸ਼ ਜੇ ਭਵ ਮੰਡਲਮਾਹੀਂ । ਸਭਿਮਾਰੋਂ ਮੁਨਿ ਡਰੇ  
 ਸੁ ਨਾਹੀਂ ॥ ੨੨ ॥ ਸ੍ਰੀ ਰਾਮੋ ਵਾਰ ॥ ਚੌਪਈ ॥ ਅਬ ਮਮ  
 ਸੁਨੋ ਰਖੀਸ਼ਰ ਬਾਨੀ । ਸਕਲਕਰੋਂ ਅਬ ਰਾਖਸ਼ ਹਾਂਨੀ । ਅਬ  
 ਰਿਖ ਦੰਡਕ ਜਾਂਹਿ ਅਵਾਸੂ । ਸੁਖੀ ਹੋਇ ਦੁਖ ਹੋਇ ਸੁਨਾਸੂ  
 ॥ ੨੨ ॥ ਯਾ ਹਿਤੁ ਮੈ ਅਵਤਾਰ ਸੁ ਲੀਨੋ । ਬ੍ਰਹਮਾਮੋਹ ਪ੍ਰਾਰਥ  
 ਨ ਕੀਨੋ । ਜਨਕ ਨੰਦਨੀ ਸੀਤਾ ਨਾਮ । ਯਿਹ ਮਮ ਮਾਯਾ  
 ਕਰੇ ਸੁ ਕਾਮ ॥ ੨੩ ॥ ਇਨ ਲਖਮਣ ਮਿਲ ਮੈ ਸਬ ਥਾਰੇ ।



ਕਾਰਯ ਕਰੇ ਸੁ ਰਾਖਸ਼ ਮਾਰੇ । ਯਾਬਿਧ ਭਾਖ ਮੁਨਿਨ ਸੰਗ  
 ਰਾਮ । ਕਿੰਚਤ ਕਾਲ ਵਸੇ ਸੁਖ ਧਾਮ ॥ ੨੫ ॥ ਪੂਜਨ ਕਰੇ  
 ਰਖੀਸੁਰ ਸਾਰੇ । ਬਨ ਦੰਡਕ ਹੈ ਜਾਹਿ ਅਗਾਰੇ । ਲਖਮਣ  
 ਰਾਮ ਜਨਕਜਾ ਰਾਨੀ । ਕਿਤਕ ਬਰਸ ਤਹਿ ਬਸੇ ਭਵਾਨੀ  
 ॥੨੬॥ ਦੇਖਤ ਹੈ ਰਿਖ ਆਸ੍ਰਮ ਸਾਰੇ । ਕ੍ਰਮ ਹੀ ਕ੍ਰਮ ਬਨ  
 ਮਾਂਹਿ ਮੁਰਾਰੇ । ਸੁਤੀਖਣ ਰਿਖ ਕੇ ਆਸ੍ਰਮ ਆਏ । ਪ੍ਰਖਯਾ  
 ਰਿਖੀ ਜਾਂ ਮਾਂਹਿ ਸੁਹਾਏ ॥ ੨੭ ॥ ਸਭ ਰਿਤ ਕੇ ਫਲੁ ਜਾਕੇ  
 ਮਾਹੀਂ । ਹੈ ਸੁਖ ਦਾਇਕ ਸਭ ਰਿਤ ਮਾਂਹੀਂ । ਰਾਮ ਅਗਮਨ ਸੁ-  
 ਨਿਯੋ ਤਿਨ ਜਬਹੀਂ । ਅਗਸਤ ਮੁਨੀ ਸੁਤ ਤੀਖਨ ਤਬਹੀਂ ॥  
 ੨੮ ॥ ਆਸਨ ਤੇ ਉਠ ਲੇਵਨ ਆਏ ॥ ਰਾਮ ਮੰਤ੍ਰ ਜਿਹ ਉਰੇ  
 ਸਮਾਏ । ਬਿਧਵਤ ਪੂਜਨ ਰਾਮਹਿ ਕਰੇ । ਭਗਤਿ ਉਤਕੰਠ  
 ਦੁਊ ਦ੍ਰਿਗ ਖਿਰੇ ॥ ੨੯ ॥ ਸੁਤੀਖਣੋਂ ਵਾਚ ॥ ਚੌਪਈ ॥  
 ਗੁਣ ਅਨੰਤ ਸੀਤਾ ਪਤਿ ਰਾਮ ॥ ਤੋਹਿ ਜਧੋਂ ਮੈਂ ਆਠੋਜਾਮ ।  
 ਸ਼ਿਵ ਵਿਰੰਚ ਤਵ ਪਾਦ ਲਗਾਨੇਂ । ਸਾਰ ਸਿੰਧੁ ਪੋਤ ਮੈਂ ਜਾਨੇ  
 ॥ ੩੦ ॥ ਯਾਤੇ ਪਰੋਂ ਸੁ ਤੇ ਪਦ ਮਾਂਹੀਂ । ਰਾਮ ਦਾਸ ਮੇ ਤੇ  
 ਜਗ ਮਾਹੀ ॥ ਤੁਮ ਸਭ ਜੀਵਨ ਦੇਖਨ ਹਾਰੇ । ਕੁਟੰਬ ਕੂਪ  
 ਮੁਹਿ ਪਰੋ ਨਿਹਾਰੇ ॥ ੩੧ ॥ ਮਲ ਮੈਂ ਤਨੁ ਮੁਹਿ ਬਧੋ ਨਿ-  
 ਹਾਰ । ਤੁਮ ਮੋਖਿਣ ਹਿਤ ਆਏ ਮੁਰਾਰ ॥ ਤੁਮ ਸਭ ਭੂਤਨ  
 ਮੈਂ ਸਮ ਅਹੈ । ਤੋਹਿ ਵਿਮੁਖ ਤਬ ਮਾਯਾ ਗਹੈ ॥ ੩੨ ॥ ਤਵ  
 ਮੰਤਰ ਸਾਧਨ ਧਰ ਜੇਈ । ਤਵ ਮਾਇਆ ਤੇ ਮੁਕਤੇ ਤੇਈ ॥  
 ਸੇਵ ਸਫਲ ਹਮ ਦੇਹ ਮੁਰਾਰੀ । ਤੁਮਹੋ ਕਲਪ ਤਰਨ ਕੀ



ਬਾਰੀ ॥੩੩॥ ਅਨੰਯਸੇਖਰਛੰਦ ॥ ਤੁਹੀ ਤੋ ਉਪਾਇ ਕੈ ਖਪਾਇ  
 ਹੈ ਜਗਤ ਕੋ ਸੁ ਮਾਇਆ ਬਿਰੰਚ ਈਸ ਨਾਮ ਤੋਹਿ ਜਾਨੀ  
 ਯੈ । ਸੁ ਨੀਰ ਕੁੰਭ ਜਿਉਂ ਰਵੀ ਸੁ ਭਿੰਨ ਤੋਹਿ ਮਾਨੀਯੈ ਵਿਸ੍ਰੁ  
 ਤਾਂ ਮਤੀ ਭਈ ਸੁ ਰਾਮ ਯੋਂ ਪਛਾਨੀਯੈ । ਪ੍ਰਤੱਖ ਅੱਖ ਗੋਚਰੀ  
 ਪਿਖੇ ਸੁ ਤੇ ਪਦਾਂਬੁਜੰ ਸੁ ਅੰਧਕਾਰ ਤੇ ਪਰੇ ਪਦੰ ਸੁ ਤੇ ਬਖਾ-  
 ਨੀਯੈ । ਗਿਆਨਰੂਪ ਤੂੰ ਸਦਾ ਅਸੰਤ ਤੋਹਿ ਨਾ ਪਿਖੇਂ ਸੁ ਸੰਤ  
 ਮੰਤ ਪੂਤ ਜੇ ਸਦਾ ਰਿਦੇ ਸੁ ਠਾਂਨੀਯੈ ॥੩੪॥ ਤੁਹੀ ਤੋ ਅਰੂਪ  
 ਰੂਪ ਰਾਮ ਤੋਹਿ ਮੈ ਪਿਖੇਂ ਮਨੁੱਖ ਵੇਸ ਹੈ ਕਰੇ ਅਚੰਭ ਏਹ  
 ਧਾਰੀਏ । ਸਦਾ ਸੁ ਨੈਨ ਭੀਨਿਯਾਂ ਮੁਖਾਰਬੰਦ ਸੁੰਦਰੀ ਸੁ  
 ਚਾਪ ਬਾਂਣ ਹੈ ਧਰੇ ਮਨੋਜ ਕੋਟ ਵਾਰੀਏ । ਸੁ ਜਾਨਕੀ ਸਮੇਤ  
 ਛਾਲ ਏਣ ਕੀ ਤਨੂੰ ਲਏ ਸੁ ਭ੍ਰਾਤ ਪਾਦ ਸੇਵ ਹੈ ਰਖੀਸ਼  
 ਦੂਖ ਟਾਰੀਏ । ਗੁਣਿ ਅਨੰਤ ਸਜਾਮ ਸ਼ਾਂਤਿ ਭਾਗ ਯੇਯ ਤੋਹਿ  
 ਕੋ ਸੁ ਜੋਰ ਕੈ ਕਰੰ ਦੁਊ ਸੁ ਬੰਦਨਾ ਹਮਾਰੀਏ ॥ ੩੫ ॥  
 ਸਵੈਯਾ ॥ ਦਿਗ ਦੇਸ਼ ਸੁ ਕਾਲ ਉਪਾਧਿ ਬਿਨਾਂ ਰਿਖ ਜਾ  
 ਨਤ ਕੇਚਿਤ ਰੂਪ ਤੁਮਾਰੇ । ਘਨ ਚੇਤਨ ਪੂਰਣ ਬ੍ਰਹਮ ਕਹੇ  
 ਨਿਗਮਾਗਮ ਗਾਵਤ ਹੈਂ ਗੁਣ ਬਾਰੇ । ਹਮ ਔਰ ਨਹੀਂ ਕਛੁ  
 ਚਾਹਿਤ ਹੈਂ ਬਨ ਮਾਂਹ ਪਿਖੇ ਯਹਿ ਰੂਪ ਮੁਰਾਰੇ । ਕਚ ਕੁੰਚਤ  
 ਸੀਸ ਕਲਾਪ ਜਟਾ ਇਹ ਰੂਪ ਬਸੈ ਉਰ ਮਾਹਿੰ ਹਮਾਰੇ ॥  
 ੩੬ ॥ ਇਹ ਭਾਂਤਿ ਕਹੀ ਰਿਖ ਪੁੰਗਵ ਜੋ ਹਸ ਰਾਮ ਤਬੈ ਯਹ  
 ਬਾਤ ਬਖਾਨੀ । ਮਮ ਤੋਹਿ ਉਪਾਸਨ ਨੀਠ ਕਰੀ ਉਰ ਉੱਜਲ  
 ਹੇਤ ਭਯੋ ਮਮ ਜਾਨੀ । ਹਮ ਹੈਂ ਤਵ ਪੇਖਨ ਹੇਤ ਅਏ



ਮਮ ਸੇਵਨ ਸਾਧ ਨ ਜਾਨਤ ਗਿਆਨੀ । ਸ਼ਰਣਾਂਗਤਿ ਤੇ ਮਮ  
 ਮੰਤ੍ਰ ਜਪੇਂ ਨਿਰ ਪੇਖਨ ਕੋ ਹਮ ਹੋਵਤ ਭਾਨੀ ॥ ੩੭ ॥  
 ਚੋਪਈ । ਤੋਹਿ ਕਰਿਯੋ ਸਤੋਤਰ ਜੋਈ ॥ ਯਾਹਿ ਪਢੇ ਜਗ ਭੀ  
 ਡਰ ਕੋਈ । ਮੇਰੀਭਗਤਿ ਲਏ ਜਨਿ ਸੋਇ । ਨਿਰਮਲ  
 ਗਿਆਨ ਤਾਹਿ ਉਰ ਹੋਇ ॥ ੩੮ ॥ ਵੋਹਰਾ ॥ ਤੂ ਮਮ ਸੇਵ  
 ਨ ਤੇ ਭਯੋ ਮੁਕਤਿ ਸੁ ਯਾ ਜਗ ਮਾਹਿ । ਦੇਹ ਅੰਤ ਮਮ  
 ਰੂਪ ਕੋ ਪਾਵੇਂ ਸੰਸੇ ਨਾਹਿ ॥ ੩੯ ॥ ਸਵੈਯਾ ॥ ਤੇ ਗੁਰ ਜੋਇ  
 ਅਗਸੁ ਮੁਨੀ ਮੁਨਿ ਨਾਇਕ ਪੇਖਨ ਕੀ ਮਨ ਆਈ । ਕਛੁ  
 ਕਾਲ ਤਹਾਂ ਹਮ ਵਾਸ ਕਰੈਂ ਵਹੁ ਠੋਰ ਸੁਨੀ ਅਤਿਸੈ ਸੁਖਦਾ  
 ਈ । ਗਿਰਜਾ ਸੁਨਿ ਕੈ ਯਾਹਿ ਰਾਮ ਮਤੋ ਸੁ ਸੁਤੀਖਣ ਨੈਂ  
 ਇਹ ਬਾਤ ਅਲਾਈ । ਤੁਮ ਪ੍ਰਾਤ ਚਲੇ ਹਮ ਸੰਗ ਚਲੇਂ ਚਿਰ  
 ਕਾਲ ਪਿਖੇ ਹਮ ਹੂੰ ਮੁਨਿ ਰਾਈ ॥ ੪੦ ॥ ਸਵੈਯਾ ॥  
 ਗਿਰਜਾ ਪਰਭਾਤਿ ਭਏ ਹਰਿ ਜੀ ਮੁਨਿ ਸੰਗ ਚਲੇ ਪਥ ਪੂਛਤ  
 ਜਾਵੈਂ । ਸੁ ਅਗਸੁ ਸੰਭਾਖਣ ਕੇ ਹਿਤ ਵੈ ਰਘੁਬੀਰ ਬਲੀ  
 ਮਨ ਮੈ ਹੁਲਸਾਵੈਂ । ਗਤਿ ਮੰਦ ਚਲੇ ਪਥ ਪਾਵਨ ਤੈਂ ਘਨ  
 ਬਿੱਜੁਲ ਸੂਰ ਸਸੀ ਛਬਿ ਪਾਵੈਂ । ਸੁ ਅਗਸੁ ਕੇ ਆਨੁਜ ਮੰਦਰ  
 ਕੋ ਵਹਿ ਜਾਤ ਭਏ ਮੁਖ ਬਾਤ ਅਲਾਵੈਂ ॥ ੪੧ ॥ ਇਤਿ  
 ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ  
 ਆਰੰਠ ਕਾਂਡੇ ਦੁਤੀਯੋ ਧਰਮ ॥ ੨ ॥



## ਸ੍ਰੀ ਮਹਾਂਦੇਵ ਉਵਾਚ

ਦੋਹਰਾ ॥ ਅਗਸੁ ਅਨੁਜ ਰਿਖ ਤਾਪਸੀ ਅਗਨ ਜਿਹਬ  
 ਤਹਿ ਨਾਮ । ਸੁਤੀਖਣ ਸੀਤਾ ਲਖਮਣੇ ਗਏ ਤਿਨੇਂ ਸ੍ਰਮ  
 ਰਾਮ ॥ ੧ ॥ ਚੌਪਈ ॥ ਅਗਸੁ ਅਨੁਜ ਕੋ ਜੋ ਅਸਥਾਨ  
 । ਤਿਹ ਪਹੁੰਚੇ ਤੇ ਦਿਨ ਮੱਧਯਾਨ । ਬਿਧ ਸੇਂ ਤਾਂ ਰਿਖ  
 ਪੂਜਨ ਕੀਨੇਂ । ਮੂਲ ਫਲਾਦਿਕ ਭੋਜਨ ਦੀਨੇਂ ॥ ੨ ॥ ਪ੍ਰਭਾਤ  
 ਭਏ ਅਗਲੇ ਦਿਨ ਮਾਹੀਂ । ਨ੍ਰਾਤ ਭਏ ਪਾਂਵਨ ਜਲ ਮਾਹੀ  
 । ਅਗਸੁ ਅਸਥਾਨ ਜਾਤ ਭਏ ਸਾਰੇ । ਸਭ ਰਿਤ ਕੇ ਫਲ ਜਾ  
 ਹਿ ਮਝਾਰੇ ॥ ੩ ॥ ਸੁੰਦਰ ਮਿਰਗ ਚੁਫੇਰੇ ਫਿਰੇਂ । ਵੈਰ ਭਾਵ  
 ਮਨਿ ਮੈਂ ਨਹਿ ਧਰੇਂ । ਪੰਖੀ ਨਾਦ ਕਰੇ ਚਹੂੰ ਓਰਾ । ਮੋਰਨ  
 ਕੀ ਜਾ ਮੈਂ ਘਨਘੋਰਾ ॥ ੪ ॥ ਨੰਦਨ ਬਨ ਜਿਹ ਪੇਖ ਲਜਾਏ  
 । ਬ੍ਰਹਮ ਰਿਖੀ ਘਨ ਜਹਾਂ ਸੁਹਾਏ । ਦੇਵ ਰਿਖੀ ਗਣ ਭੂਖਤ  
 ਭਯੋ । ਮਨੋ ਬਿਧਾਤਾ ਲੋਕ ਸੁ ਨਯੋ ॥ ੫ ॥ ਰਾਮ ਸੁ ਬਾਹਰ  
 ਆਸ਼੍ਰਮ ਖਰੇ । ਮੁਨਿ ਕੇ ਪ੍ਰਤਿ ਯਹਿ ਬਚਨ ਉਚਰੇ ।  
 ਸੁਤੀਖਣ ਤੁਮ ਅਬ ਬੇਗ ਸੁਜਾਵੇ । ਮਮ ਆਗਮਨ ਸੁ ਗੁਰਹਿ  
 ਸੁਨਾਵੇ ॥ ੬ ॥ ਸੀਤਾ ਲਖਮਣ ਸੰਗ ਸੁ ਰਾਮ । ਬਾਹਰ  
 ਖਰੇ ਨਿਵੇਦੋ ਧਾਮ । ਮਹਾਂ ਪ੍ਰਸੰਨ ਸੁ ਤੀਖਣ ਭਾਖ ॥ ਗਯੋ  
 ਗੁਰੁ ਢਿਗ ਪਦ ਅਭਿਲਾਖ ॥ ੭ ॥ ਰਿਖ ਸਮੂਹ ਜਿਹ ਠੈਰ  
 ਸੁਹਾਏ । ਬੈਠੇ ਸਨਮੁਖ ਕੁਸ਼ਾ ਵਿਛਾਏ । ਰਾਮ ਭਗਤਿ ਬੈਠੇ  
 ਕਰ ਜੋਰੇ । ਅਗਸਤ ਬਖਾਨੇ ਤਿਨ ਕੀ ਓਰੇ ॥ ੮ ॥ ਰਾਮ  
 ਮੰਤ੍ਰ ਕੇ ਅਰਥ ਸੁਨਾਵੇ । ਸਿੱਖਨ ਕੇ ਸੰਦੇਹ ਮਿਟਾਵੇ । ਪੇਖ



ਅਗਸੁ ਮੁਨੀ ਵਰ ਆਸਨ । ਦੰਡ ਪ੍ਰਣਾਮ ਕਰੀ ਪਦ ਪਾਸ  
 ਨ ॥ ੯ ॥ ਸੁਤੀਖਣ ਨਿਮਿਰ ਹੋਇ ਭਵਾਨੀ । ਮੁਖ ਭੀਤਰ  
 ਯਹਿ ਬਾਤ ਬਖਾਨੀ । ਬ੍ਰਹਮਨ ਸੀਤਾ ਲਖਮਣ ਰਾਮ । ਬਾ  
 ਹਰ ਆਇ ਖਰੇ ਤਵ ਧਾਮ ॥੧੦॥ ਤੇ ਦਰਸਨ ਕੇ ਹਿਤ ਵ  
 ਹਿ ਆਏ । ਬਾਹਰ ਖਰੇ ਸੁ ਅੰਜੁਲ ਕਾਏ । ਸੁਨ ਅਗਸਤ  
 ਮਨ ਮੈ ਹਰਖਾਨੇ । ਸੁਤੀਖਣ ਪ੍ਰਤਿ ਯਹਿ ਵਾਕ ਬਖਾਨੇ ॥  
 ੧੧ ॥ ਅਗਸਤ ਉਵਾਰ ॥ ਚੋਪਈ ॥ ਸ਼ੀਘਰ ਲਿਆਵ  
 ਤੁਮੇ ਕਲਿਆਨ । ਰਾਮ ਵਸੇ ਮੇ ਰਿਦ ਅਸਥਾਨ । ਤਿਨ ਕੇ  
 ਧਿਆਨ ਸੁ ਮੈ ਨਿਤ ਕਰੋਂ । ਪੇਖਨ ਕੀ ਉਰ ਆਸਾ ਧਰੋਂ  
 ॥ ੧੨ ॥ ਸਵੈਯਾ ॥ ਯਹਿ ਭਾਂਤਿ ਬਖਾਨ ਸੁ ਆਪ ਉਠੇ  
 ਰਿਖ ਸੰਗ ਲਏ ਨਹਿ ਬਾਰ ਲਗਾਈ । ਉਰ ਭਾਵ ਭਰੇ  
 ਤਹਿ ਠੌਰ ਗਏ ਜਹਿ ਆਪ ਖੜੇ ਗਿਰਜਾ ਰਘੁਰਾਈ । ਕਲਿ  
 ਆਨ ਤੁਮੇ ਗ੍ਰਹ ਰਾਮ ਚਲੇ ਸੁਭ ਆਜੁ ਭਯੋ ਮੁਖ ਏਹੁ ਅ  
 ਲਾਈ । ਮਮ ਪ੍ਰੀਤਮ ਆਜ ਅਤਿਥ ਅਏ ਸੁਫਲੰ ਦਿਨ ਆ  
 ਜੁ ਭਯੋ ਸੁਖਦਾਈ ॥ ੧੩ ॥ ਰਾਮ ਨਿਹਾਰ ਉਮਾਂ ਮੁਨਿ ਕੇ  
 ਮਨ ਭੀਤਰ ਵੈ ਅਤਿਸੈ ਹਰਖਾਏ । ਸੀਯ ਸੁ ਭ੍ਰਾਤ ਸਮੇਤ  
 ਭਲੇ ਧਰ ਦੰਡ ਪ੍ਰਣਾਮ ਕਰੀ ਰਿਖ ਪਾਏ । ਬੇਗ ਉਠਾਇ ਉ  
 ਮਾਂ ਮੁਨਿ ਰਾਜ ਸੁ ਰਾਮ ਪਰਾਤਮ ਜੂ ਗਲਿ ਲਾਏ ॥ ਰਾਮਕੀ  
 ਸੰਗਤਿ ਪਾਇ ਮੁਨੀਸ਼ਰ ਆਨੰਦ ਕੇ ਜਲ ਨੈਨ ਬਹਾਏ ॥  
 ੧੪ ॥ ਕਰ ਸੋਂ ਕਰੁ ਰਾਮ ਗਹੇ ਮੁਨਿ ਪੁੰਗਵ ਜਾਤਿ ਭਏ  
 ਨਿਜ ਮੰਦਰ ਮਾਹੀਂ । ਬਹੁ ਪੂਜਨ ਤਾਂ ਰਿਖ ਰਾਜ ਕਰੇ ਪੁਨਿ



ਰਾਮ ਬਿਠਾਇ ਸੁ ਆਸਨ ਮਾਹੀਂ । ਫਲ ਮੂਲ ਖਵਾਇ  
 ਭੋਜਨ ਜੁ ਸੁਭ ਜੋ ਨਿਪਜੇ ਅਪਨੇ ਬਨ ਮਾਹੀਂ । ਸਸਿ ਆਨਨ  
 ਰਾਮ ਇਕੰਤ ਜਬੈ ਪੁਨਿ ਬੈਠ ਰਹੇ ਸੁਖ ਆਸਨ ਮਾਹੀਂ ॥  
 ੧੫ ॥ ਕਰ ਜੋਰ ਰਿਖੀਸਰ ਏਹੁ ਕਹੀ ਤਵ ਆਵਨ ਕੀ  
 ਨਿਤ ਬਾਟ ਨਿਹਾਰੋਂ । ਚਤੁਰਾਨਨ ਖੀਰ ਨਿਧੀ ਬਿਨਤੀ ਦਿਨ  
 ਜਾਂਹਿ ਕਰੀ ਵਹਿ ਨੀਤ ਚਿਤਾਰੋਂ । ਧਰ ਭਾਰ ਨਿਵਾਰਨ ਕੇ  
 ਉਰ ਮੈਂ ਪੁਨਿ ਰਾਵਨ ਕੇ ਬਧ ਨੀਤਿ ਬਿਚਾਰੋਂ । ਇਹ ਕਾਜ  
 ਦੁਊ ਹਰਿ ਆਵਹਿਗੇ ਮਨ ਆਇਸ ਹੈ ਹਰਿ ਰੂਪ ਨਿਹਾਰੋਂ  
 ॥ ੧੬ ॥ ਚੋਪਈ ॥ ਮੈਂ ਤਪ ਇਹਾਂ ਸੁ ਕੀਓ ਨਿਰੰਤਰ ।  
 ਮਨ ਸਮੇਤ ਨਹਿ ਪਾਯੋ ਅੰਤਰ । ਤੇਰੇ ਚਿੰਤਨ ਮੈਂ ਉਰ ਕੀਨੋਂ  
 । ਤਬ ਕਰੁਣਾਂ ਕਰ ਵਰਸ਼ਨ ਦੀਨੋਂ ॥੧੭॥ ਸਿੰਘ ਪ੍ਰਾਕ ਤੂ  
 ਹੈਂ ਇਕ ਆਹੀਂ । ਨਿਰਵਿਕਲਪ ਉਪਾਧਿ ਸੁਨਾਹੀਂ । ਮਾਯਾ  
 ਸ਼ਕਤਿ ਸੁ ਤੋਹਿ ਕਹੀਜੇ । ਤਵ ਆਸ਼੍ਰੇ ਪੁਨਿ ਤੋਹਿ ਵਿਖੀਜੇ  
 ॥ ੧੮ ॥ ਤੂੰ ਨਿਰਗੁਣ ਤੋਕੇ ਸੁ ਅਵਰੇ । ਯਦਾ ਸ਼ਕਤਿ  
 ਤਬ ਨਾਮ ਸੁ ਪਰੇ । ਕੇਚਿਤ ਅਬਯਾ ਕ੍ਰਿਤ ਬਖਾਨੇ । ਮੂਲ  
 ਪ੍ਰਕਿਰਤ ਔਰ ਪੁਨ ਠਾਨੇ ॥ ੧੯ ॥ ਕੇਚਿਤ ਕਹੇ ਸੁ ਮਾਯਾ  
 ਨਾਮ । ਕੇ ਸੰਸ੍ਰਿਤ ਕੇ ਬੰਧਨ ਧਾਮ । ਯਾ ਬਿਧ ਬਹੁਤੇ ਨਾਮ  
 ਬਖਾਨੈ । ਬਿਨ ਬਿਬੇਕ ਨਾ ਹੋਇ ਸੁ ਹਾਨੈ ॥੨੦॥ ਤੁਹੀਂ ਕਰੇ  
 ਸੰਖੇਭਨ ਜਬਹੀਂ । ਮਹਤੱਤ ਉਪਾਵੇ ਮਾਯਾ ਤਬ ਹੀਂ । ਤਾਂਤੇ  
 ਜਨੇ ਸੁ ਪੁਨਿ ਹੰਕਾਰ । ਤੀਨ ਪ੍ਰਕਾਰ ਸੁ ਕਰੇ ਉਚਾਰ ॥੨੧॥  
 ਸਵੈਯਾ ॥ ਸਾਂਤਕ ਰਾਜਸ ਤਾਮਸ ਔ ਜਗ ਭੀਤਰ ਵੈ ਪੁ



ਨਿ ਨਾਮ ਕਹਾਏ । ਤਾਮਸ ਤੇ ਤਨ ਮਾਤਰ ਐ ਤਨ ਮਾਤ੍ਰ ਤੇ  
 ਮਹ ਭੂਤ ਉਪਾਏ । ਰਾਜਸ ਤੇ ਸਭ ਇੰਦ੍ਰੇ ਰਚੇ ਪੁਨਿ ਸਾਂਤਕ  
 ਤੇ ਸਭ ਦੇਵ ਬਨਾਏ । ਲਿੰਗ ਮਈ ਤਨੁ ਸੂਤ੍ਰ ਕਹੇ ਤਿਨ  
 ਮੇਲਨਤੇ ਪੁਨਿ ਏਹੁ ਬਨਾਏ ॥ ੨੨ ॥ ਚੌਪਈ ॥ ਅਸਥੂਲ  
 ਭੂਤ ਤੇ ਭਯੋ ਵਿਰਾਟ । ਤਾਂਤੇ ਥਾਵਰ ਜੰਗਮ ਥਾਟ । ਦੇਵ  
 ਤ੍ਰਿਯਕ ਪੁਨਿ ਮਾਨੁਖ ਕਰੇ । ਕਾਲ ਕਰਮ ਕੇ ਹੋਇ ਅਨੁਸਰੇ  
 ॥ ੨੩ ॥ ਤੂੰ ਰਜ ਗੁਣ ਤੇ ਬ੍ਰਹਮਾਂ ਭਯੋ । ਨਿਖਲ ਜਗਤ  
 ਪੁਨਿ ਜਾ ਨਿਰਮਯੋ । ਸ਼ਾਂਤਕ ਤੇ ਤੁਮ ਬਿਸ਼ਨ ਕਹੀਜੇ ।  
 ਨਿਖਲ ਜਗਤ ਕੇ ਪਾਲਨ ਕੀਜੇ ॥ ੨੪ ॥ ਰੁੱਦ੍ਰ ਤੁਹੀ ਸੋ ਤਮ  
 ਅਨੁਸਾਰ । ਨਿਖਲ ਜਗਤ ਕੇ ਕਰੇ ਸੰਹਾਰ । ਜਾਗ੍ਰਤ ਸੁਪਨ  
 ਸਖੋਪਤਿ ਜੇਤੀ । ਬੁਧ ਬ੍ਰਿਤਿ ਗੁਣ ਕੀਨੀ ਤੇਤੀ ॥ ੨੫ ॥  
 ਤਾਂਹਿ ਵਿਲੱਖਣ ਤੂੰ ਜਗ ਸਾਖੀ । ਚਿਤ ਅਬਿਨਾਸੀ ਬੇਦ  
 ਸੁ ਸਾਖੀ । ਉਰ ਮੈਂ ਸ੍ਰਿਸ਼੍ਟ ਕਰਜੋ ਜਬ ਚਹੈਂ । ਤੂੰ ਰਘੁਨੰ-  
 ਦਨ ਮਾਯਾ ਗਹੈ ॥ ੨੬ ॥ ਕੁਣਵਾਨਨ ਇਵ ਤਬ ਤੂੰ ਭਾਸੈਂ  
 । ਸਿਮਰਨ ਤੇ ਜਨਕੇ ਅਘ ਨਾਸੈ । ਦੋ ਬਿਧ ਕੀ ਮਾਯਾ ਵਡ  
 ਭਾਗਾ । ਵਿਦਯਾਵਿਦਯਾ ਤਾਂਹਿ ਵਿਭਾਗਾ ॥ ੨੭ ॥ ਪ੍ਰਵਿਰਤ  
 ਪੰਥ ਮੈ ਵਰਤੇ ਜੇਈ । ਭਏ ਅਵਿਦਯਾ ਵਸ ਪੁਨਿ ਤੇਈ ।  
 ਨਿਵਿਰਤ ਪੰਥਕੋ ਜੋ ਅਨੁਸਰੇਂ । ਅਰਥਬਿਦਾਂਤਵਿਚਾਰਨਕਰੇਂ  
 ॥ ੨੮ ॥ ਤੇਰੀ ਭਗਤਿ ਨਿਰਤ ਜਨ ਜੇਈ । ਵਿਦਯਾ ਮੈ  
 ਭਾਖੇ ਪੁਨਿ ਤੇਈ । ਵਿਦਯਾ ਕੇ ਜੇਈ ਅਨੁਸਾਰੀ । ਤੇਈ  
 ਹੈਂ ਭਵਮੈ ਸੰਸਾਰੀ ॥ ੨੯ ॥ ਵਿਦਯਾ ਭਿਆਸ ਕਰੇ ਜਨ ਜੇਈ



। ਮੁਕਤ ਭਏ ਭਵ ਭੀਤਰ ਤੇਈ । ਤੇਰੇ ਭਗਤ ਸੁ ਜੇ ਜਗ  
 ਅੰਤਰ । ਜਪੇਂ ਨਿਰੰਤਰ ਤੇਰੇ ਮੰਤਰ ॥ ੩੦ ॥ ਵਿਦਯਾ ਪ੍ਰਗਟ  
 ਸੁ ਤਿਨ ਕੋ ਹੋਈ । ਇਤਰ ਕਦਾਚਿਤ ਲਹੇ ਨ ਕੋਈ । ਤਾਂਤੇ  
 ਜਿਨ ਤਵ ਭਗਤ ਸੁ ਗਹੀ । ਮੁਕਤਿ ਤਿਨੇਂ ਭਵ ਤੀਤਰ  
 ਲਹੀ ॥ ੩੧ ॥ ਵੇਮੁਖ ਜੇ ਤਵ ਭਗਤਿ ਰਸਾਇਨ ॥ ਤਿਨ  
 ਕੋ ਮੁਕਤਿ ਨ ਕਰਨਾਂ ਆਇਨ । ਰਾਮ ਬਹੁਤ ਅਬ ਕਾਹਿ  
 ਬਖਾਨੋ । ਕਿੰਚਤ ਸਾਰ ਕਰੇਂ ਅਬ ਭਾਨੋਂ ॥ ੩੨ ॥ ਸੰਤਨ  
 ਕੀ ਸੰਗਤ ਹੈ ਜੋਈ । ਮੁਕਤ ਹੇਤ ਭਵ ਰਾਖੀ ਸੋਈ ।  
 ਸਮ ਦਿਸ਼ਟੀ ਨਿਰ ਬਾਸੀ ਜੇਈ । ਸੰਤ ਕਹੀਜੇ ਯਾ ਭਵ ਤੇਈ  
 ॥ ੩੩ ॥ ਸ਼ਾਂਤਿ ਦਾਇ ਤਵ ਭਗਤਿ ਸੁ ਧਾਰੇ । ਉਰਕੀ ਕਾਮ  
 ਨ ਸਗਲ ਨਿਵਾਰੇ । ਇਸੁ ਅਨੁਸ਼ਟ ਪਾਇ ਜਗ ਮਾਹੀਂ ।  
 । ਹਰਖ ਵਿਖਾਵ ਭਜੇ ਉਰ ਨਾਹੀਂ ॥ ੩੪ ॥ ਸਬ ਕਰਮਨ ਕੋ  
 ਕਰ ਸੰਨਯਾਸ । ਸਦਾ ਨਿਰੰਤਰ ਬ੍ਰਹਮਾ ਭਯਾਸ । ਸਮ ਦਮਾਦ  
 ਗੁਣ ਉਰ ਮੈ ਧਰੇਂ । ਸਦਾ ਤੁਸ਼ਟ ਨਾ ਚਿੰਤਾ ਕਰੇਂ ॥ ੩੫ ॥  
 ਤਿਨਕੋ ਸੰਗ ਸੁ ਹੋਵੇ ਜਬਹੀਂ । ਕਥਾ ਸ੍ਰਵਣ ਤੇ ਰੁਚ ਜਨ  
 ਤਬਹੀਂ । ਉਪਜੇ ਭਗਤ ਸੁ ਥਾਰੇ ਮਾਹੀਂ । ਤੁਹੀ ਸਨਾਤਨ  
 ਯਾ ਜਗ ਮਾਹੀਂ ॥ ੩੬ ॥ ਤੇਰੀ ਭਗਤ ਵੰਤ ਜਨ ਜੇਈ ।  
 ਗਯਾਨ ਵਿਪੁਲ ਪਾਵੇ ਪੁਨਿ ਤੇਈ । ਮੋਖ ਪੰਥ ਯਹਿ ਆਹਿ  
 ਨਿਰੰਤਰ । ਕੋਵਿਦ ਭਜੇ ਨ ਪਾਵੇਂ ਅੰਤਰ ॥ ੩੭ ॥  
 ਤਾਂਤੇ ਰਾਮ ਭਗਤਿ ਯਹ ਥਾਰੀ । ਪ੍ਰੇਮ ਲਖਮਣਾਂ ਮੋਹ ਮੁਰਾ  
 ਰੀ । ਹੋਇ ਸਦਾ ਤਵ ਭਗਤਨ ਸੰਗਾ । ਕਰੇ ਨਿਰੰਤਰ ਜੋ



ਭਵ ਭੰਗਾ ॥ ੩੮ ॥ ਆਜ ਜਨਮ ਮੇਂ ਸੁਫਲ ਸੁਰਾਮ । ਤੇਹਿ  
 ਪਿਖੇ ਹਰਿ ਪੂਰਣ ਧਾਮ । ਆਜ ਸੁਫਲ ਮਮ ਭਯੇ ਸੁ  
 ਯਾਗਾ । ਤੇਹਿ ਪਿਖੇ ਹਰਿ ਮੈਂ ਵਡਭਾਗਾ ॥ ੩੯ ॥ ਦੀਰਘ  
 ਕਾਲ ਸੁ ਮੈ ਤਪ ਕੀਨੋਂ । ਤੇਹਿ ਬਿਖੇ ਮਨ ਆਨਨ ਦੀਨੋਂ  
 । ਤਾਂਕੇ ਫਲ ਮੈ ਆਜੁ ਸੁ ਪਾਏ । ਤੇ ਪਦ ਪੰਕਜ ਵਾਰ ਕਢਾਏ  
 ॥ ੪੦ ॥ ਰਾਘਵ ਸੀਯ ਸਮੇਤ ਦਯਾਲ ॥ ਮੇ ਉਰ ਮੰਦਰ  
 ਬਸੇ ਬਿਸਾਲ । ਉਠਤ ਬੈਠਤ ਚਲੇ ਨਿਰੰਤਰ । ਤੇ ਸਿੰਮ੍ਰਿਤਮਮ  
 ਪਰੇ ਨ ਅੰਤਰ ॥ ੪੧ ॥ ਮਦਰ ਛੰਦ ॥ ਇਹ ਭਾਂਤਿ ਉਮਾਂ  
 ਸੁ ਅਗਸਤ ਮੁਨੀ ਮੁਖ ਰਾਘਵ ਕੀ ਅਭਿ ਭਾਖ ਬਡਾਈ  
 ॥ ਚਾਂਪ ਨਿਖੰਗ ਦਯੋ ਹਰਿ ਕੇ ਘਰ ਭੀਤਰ ਨਿਆਸ ਧਰੇ  
 ਸੁਰ ਰਾਈ ॥ ਰਾਮ ਜਰਾਉ ਸੁ ਖੱਗ ਦਏ ਭੂ ਤਾਰ ਹਨੋਂ ਤੁਮ  
 ਰਾਖਸ਼ ਰਾਈ । ਜਾਂ ਹਿਤ ਤੈਂ ਅਵਤਾਰ ਲਏ ਮਨੁਜਾ ਕ੍ਰਿਤ ਕੀ  
 ਤਵ ਦੇਹ ਬਨਾਈ ॥ ੪੨ ॥ ਸਵੈਯਾ ॥ ਜੋਜਨ ਦੇ ਇਤ  
 ਤੇ ਸੁਨਿ ਰਾਮ ਸੁ ਪਾਵਨ ਕਾਨਨ ਜਾਹਿ ਮਝਾਰੀ । ਹੈ ਇਕ ਪੰ  
 ਚ ਬਣੀ ਇਸਥਾਨ ਸੁ ਗੋਤਮ ਕੇ ਗ੍ਰਹ ਮਾਹਿ ਮੁਰਾਰੀ । ਆ-  
 ਸ਼੍ਰਮ ਤਾਂ ਤੁਮ ਬਾਸ ਕਰੇ ਸਹ ਭ੍ਰਾਤ ਸਮੇਤ ਬਿਦੇਹ ਕੁਮਾਰੀ ।  
 ਦੇਵਨ ਕੇ ਸੁਭ ਕਾਜ ਤਹਾਂ ਬਸ ਆਪ ਕਰੇ ਤੁਮ ਰਾਮ ਉਦਾ  
 ਰੀ ॥ ੪੩ ॥ ਨਰਾਜ ਛੰਦ ॥ ਅਗਸਤ ਭਾਖਤੀ ਵਚੋ ਸੁ-  
 ਨੋਂ ਸਤੋਤ੍ਰ ਉਤਮਾਂ । ਮੁਨੀਸ਼ ਭਾਖਕੈ ਚਲੇ ਉਮਾ ਸੁ ਵੈ ਰਘੂਤ  
 ਮਾ ॥ ਅਗਸਤ ਪੰਥ ਜੋ ਕਹੇ ਸੁ ਜਾਹਿ ਤਾਹਿ ਮੈਂ ਚਲੇ । ਸੁ  
 ਮਸਤ ਪੰਥ ਆਪ ਹੀਂ ਸੁ ਜਾਨ ਹੈ ਉਮਾਂ ਭਲੇ ॥ ੪੪ ॥ ਤਮ



ਇਤਿ ਸ੍ਰੀ ਮਤਿ ਅਧਿਆਤਮਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ  
 ਆਰੰਠ ਕਾਂਡੇ ਤ੍ਰਿਤੀਯੋਧਯਾਇ ॥ ੩ ॥

— — —  
 ॥ ਸ੍ਰੀ ਮਹਾ ਦੇਵ ਉਵਾਚ ॥ ਅਨੰਗ ਸੇਖਰ ਛੰਦ ॥  
 ਸੁਜਾਹਿ ਰਾਮ ਪੰਥਮੈਂ ਸੁ ਸੈਲ ਸਿੰਗਕੇ ਸਮੰ ਜਟਾਯੁ ਪੱਥਰਾ  
 ਇਕੋ ਸੁ ਰਾਮਜੀ ਨਿਹਾਰਕੈ । ਕਿ ਆਹਿਚੰਭੋ ਹੋਇਕੈ ਕੁਵੰਡ  
 ਆਨ ਭ੍ਰਾਤਜੂ ਸੁ ਰਾਖਸੋ ਨਿਹਾਰਿਯੋ ਕਹਜੋ ਹਰੀ ਪੁਕਾਰਿਕੈ ॥  
 ਇਸੇ ਬਖਾਨ ਲਖਮਣੈ ਕਹਜੋ ਹਨੋ ਸੁ ਯਾਹਿਕੋ ਰਖੀਸ  
 ਦੰਡਕਾ ਬਨੇਂ ਭਖੇ ਇਨੇ ਸੁ ਮਾਰਕੈ । ਸੁਨੇ ਜਟਾਯੁ ਕਾਨ  
 ਮੈਂ ਸੁ ਰਾਮ ਵਾਕ ਯੋਂ ਕਹੇ ਭਯੋ ਸੁ ਭੀਤ ਚਿੱਤਮੈਂ ਕਹੇ ਸੁ  
 ਤਾਂ ਉਚਾਰਕੈ ॥ ੧ ॥ ਸੁਰਾਮ ਮੋਹਿ ਨਾ ਹਨੋ ਸਖਾ ਸੁ ਤੋਹਿ ਤਾ  
 ਤ ਕੋ ਜਟਾਯੁ ਨਾਮ ਮੇ ਕਹੇ ਸੁ ਗੀਝ ਮੋ ਪਛਾਨੀਯੇ । ਬਸੇ ਗੁ  
 ਪੰਚ ਬੱਟਕਾ ਕਰੋ ਜੁ ਕਾਜੁ ਥਾਰਿਯਾ ਕਮਾਨਬਾਨ ਕਿਜੋਂ ਧ  
 ਰੋ ਕਰੋ ਨ ਪ੍ਰਾਨ ਹਾਨੀਯੇ । ਸ਼ਿਕਾਰਕੋ ਸੁ ਜਾਹੁ ਜੋ ਕਬੀ  
 ਸਮੇਤ ਲਖਮਣਾਂ ਸੁ ਸੀਯ ਪ੍ਰਾਣ ਪਾਣ ਲੋ ਸੁ ਰੱਛ ਮੋਹਿ ਠਾ  
 ਨੀਯੇ । ਉਮਾਂ ਸੁ ਗੀਝ ਬਾਕਕੋ ਸੁਨੇ ਰਘੂਤਮਾਂ ਜਬੈ ਸਨੇਹ  
 ਵਾਕ ਯੋਂ ਕਹੇ ਕਹੋ ਸੁ ਗੀਝ ਮਾਨੀਯੇ ॥ ੨ ॥ ਸ੍ਰੈਯਾ ॥ ਇੰਹ  
 ਬਾਸੁ ਕਰੋ ਸੁ ਜਟਾਯੁ ਭਲੇ ਬਨ ਭੀਤਰਹੂੰ ਹਮਕੇ ਨਿਕਟਾਈ  
 । ਇਮ ਭਾਖ ਗਏ ਪੁਨਿ ਪੰਚ ਬਟੀ ਸੁ ਉਮਾਂ ਗਲ ਮਾਹਿ  
 ਜਟਾਯੁ ਲਗਾਈ । ਸਹ ਸੀਯ ਸਮੇਤ ਭਰਾਤ ਗਏ ਰਘੁਵੰਸ  
 ਮਣੀ ਗਿਰਜਾ ਰਘੁਰਾਈ ॥ ਸੁਭ ਪੰਚਬਟੀ ਸੁ ਗੁਦਾਵਰ



ਤੀਰ ਕਰੇ ਨਿਜ ਮੰਦਰ ਵਾਸ ਬਠਾਈ ॥ ੩ ॥ ਚੌਪਈ ॥  
 ਤਾਹਿ ਨਦੀ ਉਤ੍ਰ ਤਟ ਮਾਹੀਂ । ਤੀਨੋਂ ਵਸੁ ਭਏ ਬਠ ਮਾਹੀਂ ।  
 ਜਾਹਿ ਸ੍ਰੀ ਪਿਖ ਨੰਦਨ ਲਾਜੇ । ਰਾਮ ਰਮਾਂ ਪਤਿ ਤਹਾਂ ਬਿਰਾਜੇ  
 ॥੪॥ ਤੋਟਕ ਛੰਦ ॥ ਘਨ ਛਾਹਿ ਕਦੰਬਸੁ ਜਾਹਿ ਘਨੇ । ਪਨਸਾ  
 ਕਦਲੀ ਸਫਲਾਹਿ ਬਨੇ । ਘਨ ਆਂਬ ਸਮਾਂਕੁਲ ਦੇਸ ਭਏ  
 । ਸਭ ਕਾਲਹਿਕੇ ਫਲ ਜਾਹਿ ਨਏ ॥ ੫ ॥ ਅਤਿਆਹਿ ਇਕੰਤ  
 ਸੁ ਰੋਗ ਨਹੀਂ । ਜਨਕਾ ਤਨਜਾ ਲਖਮੰਨ ਸਹੀ । ਤਹਿ ਰਾਮ  
 ਸੁ ਵਾਸ ਸੁਖੇਨ ਕਰੇ । ਸੁਰਲੋਕ ਸੁਰੇਸ਼ ਸਮਾਂਨ ਵਹੇ ॥ ੬ ॥  
 ਫਲ ਮੂਲ ਲਿਆਵਤ ਭ੍ਰਾਤ ਬਨੰ । ਰਘੁਬੀਰ ਸੀਯਾ ਪਦਸੇਵ  
 ਮਨੰ । ਧਨੁ ਬਾਨ ਨਿਖੰਗ ਸੁ ਧਾਰ ਵਰੰ । ਨਿਸ ਮਾਹਿ ਕਰੇ  
 ਅਤਿ ਜਾਗਰਣੰ ॥ ੭ ॥ ਨਿਤ ਨ੍ਰਾਇ ਗੁਦਾਵਰੀ ਨੀਰ ਭਲੇ ।  
 ਪਥ ਦੋਨਹੁ ਬੀਚ ਸੁ ਸੀਯ ਚਲੇ । ਲਘੁ ਭ੍ਰਾਤ ਗੁਦਾਵਰੀ ਨੀਰ  
 ਅਨੇਂ । ਕਰ ਪ੍ਰੇਮ ਸੁ ਸੇਵਤ ਪਾਦ ਤਿਨੇਂ ॥ ੮ ॥ ਚੌਪਈ ॥  
 ਏਕ ਸਮੇਂ ਸ੍ਰੀ ਲਖਮਨ ਨਾਮਾਂ । ਜਾਇ ਇਕੰਤ ਜਹਾਂ ਸ੍ਰੀ ਰਾਮਾਂ  
 । ਵਿਨੈ ਵੰਤ ਜੋਰੇ ਤਿਨ ਹਾਥ । ਪੂਛਤ ਭਯੋ ਉਮਾ ਰਘੁਨਾਥ  
 ॥੯॥ ਭਗਵਨ ਮੋਖ ਗਤੀ ਹੈ ਜੋਈ ॥ ਤੁਮਤੈ ਸੁਨਯੋ ਚਹੋਂ ਮੈਂ  
 ਸੋਈ । ਕਮਲ ਨੈਨ ਤੁਮ ਕਰੋ ਬਖਾਨ । ਗਯਾਨ ਸੈਹਤ ਜੋਈ  
 ਹੈ ਗਯਾਨ ॥ ੧੦ ॥ ਭਗਤਿ ਸਹਿਤ ਅਤਿ ਦਿਢ ਬੈਰਾਗ । ਮੋ  
 ਪ੍ਰਤਿ ਕਹੋ ਸੁ ਤੁਮ ਵਡਭਾਗ । ਤੁਮ ਬਿਨ ਵਕਤਾ ਔਰ ਜੁ ਹੋਈ  
 । ਭੂਤਲ ਮਾਂਹਿ ਪਿਖੋਂ ਨਹਿ ਕੋਈ ॥ ੧੧ ॥ ਸ੍ਰੀ ਰਾਮੋ ਵਾਚ  
 ॥ ਅਹੋ ਭ੍ਰਾਤ ਨੀਕੇ ਸੁਨਿਲੀਜੇ । ਗੋਪਨ ਤੇ ਅਤਿ ਗੋਪ ਕਹੀਜੇ



। ਜਾਹਿ ਗਿਆਨ ਕੋ ਨਰ ਪਹਿਚਾਨੇ । ਕਰੇਂ ਸਗਲ ਨਿਜ  
 ਬੰਧਨ ਹਾਨੇਂ ॥ ੧੨ ॥ ਪ੍ਰਿਥਮੈਂ ਕਹੇ ਸੁ ਮਾਯਾ ਰੂਪ ॥ ਬਹੁਰ  
 ਗਿਆਨ ਕੈ ਹੇਤ ਅਨੂਪ । ਬਹੁਰੋ ਗਿਆਨ ਸਹਿਤ ਵਿਗਿਆਨ  
 । ਬਹੁਰ ਪਰਾਤਮ ਕਰੇਂ ਬਖਾਨ ॥ ੧੩ ॥ ਜਾਕੋ ਜਾਨ ਮਿਟੇ ਭਯ  
 ਭਾਰੋ ॥ ਯਹ ਲਖਮਣ ਉਰ ਅੰਤਰ ਧਾਰੋ । ਅਨਾਤਮ ਤਨ  
 ਮੈਂ ਆਤਮ ਗਿਆਨ । ਯਹੀ ਸੁ ਮਾਯਾ ਕਰੀ ਬਖਾਨ ॥ ੧੪ ॥  
 ਤਾਂਹੀ ਕਰ ਹੋਵੈ ਸੰਸਾਰ । ਤਾਂਕੇ ਰੂਪ ਸੁ ਦੁਇ ਉਰ ਧਾਰ । ਵਿਖੇ  
 ਪਾਵਨ ਦੋਨੋਂ ਪਹਿਚਾਨ । ਵਿਖੇਪਤ ਸੁਕਲਪੇ ਜਗਤ ਮਹਾਨ  
 ॥ ੧੫ ॥ ਲਿੰਗਾਦਿਕ ਜਗਤ ਹੈਂ ਜੇਤੇ । ਸੂਖਮ ਬੂਲਰਚੇਤਿਨ ਤੇਤੇ  
 । ਦੂਸਰ ਗਿਆਨ ਰੂਪ ਆਵਰਿਓ । ਆਤਮ ਮਾਹਿ ਸੁ ਬੰਧਨ  
 ਕਰਿਓ ॥ ੧੬ ॥ ਰਜੁ ਭੁਜੰਗ ਭ੍ਰਾਤ ਕਰ ਜੈਸੇ । ਕੀਏ ਬੀਚਾਰ  
 ਰਹੇ ਨਹਿ ਤੈਸੇ । ਕਾਨ ਨੈਨ ਮਨ ਕਰ ਜਗ ਭਾਸੇ । ਸਰਬ  
 ਅਸੱਤ ਸੁਪਨ ਜਯੋਂ ਨਾਸੇ ॥ ੧੭ ॥ ਸੰਸਾਰ ਬਿਰਖ ਕੀ ਜੜ  
 ਅਗਿਆਨ । ਤਾਂਹੀ ਕਰ ਹੈ ਤਨ ਅਭਿਮਾਨ । ਤੱਤ ਮੁਲਕ  
 ਬੰਧਨ ਸੁਤ ਦਾਰਾ । ਆਤਮ ਮਾਹਿ ਸੁ ਭਯੋ ਵਿਕਾਰਾ ॥ ੧੮  
 ॥ ਤਨ ਅਸਬੂਲ ਭੂਤ ਤਨ ਮਾਤ । ਭਯੋ ਭ੍ਰਾਤ ਲਖਮਣ ਬਿਖਿ  
 ਆਤ । ਯਾ ਬਿਧ ਤਨ ਅਸਬੂਲ ਉਪਾਯੋ । ਜਾਮੈਂ ਆਤਮ ਅਤਿ  
 ਦੁਖ ਪਾਯੋ ॥ ੧੯ ॥ ਅਹੰਕਾਰ ਬੁਧ ਇੰਦ੍ਰੇ ਦਸਪ੍ਰਾਣ । ਚਿਦਾਕਾਸ  
 ਮਨ ਮਾਯਾ ਜਾਨ । ਯਹਿ ਖੇਤ੍ਰ ਤਨ ਕੋਵਿਦ ਭਾਨੇ ॥ ਇਨੇ ਵਿ  
 ਲਖਣ ਆਤਮ ਜਾਨੇ ॥ ੨੦ ॥ ਯਹੀ ਪਰਾਤਮ ਜਾਨ ਸੁ ਬੀਰਾ  
 । ਸਾਧਨ ਤਾਂਹਿ ਸੁਨੋ ਅਬ ਧੀਰਾ । ਜੀਵਪਰਾਤਮ ਹੈ ਪਰਯਾ



ਇ । ਕੀਏ ਬਿਚਾਰ ਭੇਦ ਨਹਿ ਪਾਇ ॥ ੨੧ ॥ ਮਾਨਾਭਾਵ  
 ਦੰਭ ਨਹਿ ਕੀਜੇ । ਹਿੰਸਾ ਮਾਹਿ ਨਹੀਂ ਮਨ ਦੀਜੇ । ਪਰਖੇ  
 ਪਾਦਕ ਸਹੇ ਨਿਰੰਤਰ । ਵਕ੍ਰਤਾਗਤ ਕਰੇ ਨ ਅੰਤਰ ॥ ੨੨ ॥  
 ਮਨ ਬਾਲੀ ਪੁਨਿ ਤ੍ਰਿਤੀਯ ਸ਼ਰੀਰ । ਕਰੇ ਭਗਤਿ ਸੇਵੇ ਗੁਰ  
 ਧੀਰ । ਬਾਹਰ ਭੀਤਰ ਉਜਲ ਰਹੇ । ਭਲੀ ਕ੍ਰਿਯਾ ਮਹਿ  
 ਬਿਰਤਾ ਗਹੇ ॥ ੨੩ ॥ ਮਨੋਵਾਕ ਕਾਇਆ ਪਰ ਦੰਡਾ । ਵਿਖੇ  
 ਵਾਸਨਾਂ ਕਰੇ ਸੁ ਖੰਡਾ । ਨਿਰਹੰਕਾਰ ਬਿਕਾਰਨ ਧਾਰੇ । ਜਨਮ  
 ਜਰਾਦਿਕ ਦੋਖ ਨਿਹਾਰੇ ॥ ੨੪ ॥ ਦਾਰਾ ਪੁਤ੍ਰ ਧਨਾਦਿਕ ਸਾਰੇ  
 । ਕਰੇ ਸਨੇਹ ਨ ਜਗਤ ਮਝਾਰੇ । ਇਸ੍ਰ ਅਨਿਸ੍ਰ ਅਹੇ ਜਗ  
 ਜੋਈ ॥ ਪਾਇ ਬਿਕਾਰ ਭਜੇ ਨਹਿ ਕੋਈ ॥ ੨੫ ॥ ਮਮ ਸਰ  
 ਬਾਤਮ ਆਤਮ ਰਾਮ । ਬੁਧਿ ਲਗਾਇ ਤਜੇ ਸਭ ਕਾਮ ।  
 ਜਨਕੀ ਭੀਰ ਜਹਾਂ ਨਹਿ ਹੋਈ । ਸੇਵੇ ਸੁੱਧ ਦੇਸ ਅਤਿ ਸੋਈ  
 ॥ ੨੬ ॥ ਪ੍ਰਾਕ੍ਰਿਤ ਜਨ ਕੀ ਸੰਗਤਿ ਜੋਈ । ਕਰੇ ਕਦਾਚਿਤ  
 ਭੂਲ ਨ ਸੋਈ । ਆਤਮ ਗਿਆਨਹਿ ਉੱਦਮ ਧਾਰੇ । ਬੇਦਾਂਤਿਨ  
 ਕੇ ਅਰਥ ਬਿਚਾਰੇ ॥ ੨੭ ॥ ਇਨ ਕਰ ਲਹੇ ਸੁ ਆਤਮ  
 ਗਿਆਨ । ਇਨ ਵਿਪਰੀਤ ਸੁ ਹੈ ਅਗਿਆਨ । ਬੁਧ ਪ੍ਰਮਾਣ  
 ਮਨ ਤਨ ਹੰਕਾਰ । ਇਨ੍ਹੇ ਵਿਲੱਖਣ ਆਤਮ ਸਾਰ ॥ ੨੮ ॥  
 ਚਿਦਾਨੰਦ ਆਤਮ ਨਿਜ ਜਾਨੇ । ਨਿੱਤ ਸੁੱਧਿਅਤਿ ਬੁੱਧਿ  
 ਪਛਾਨੇ । ਜਾਂਹਿ ਗਿਆਨ ਕਰ ਜੋ ਉਰਜਾਨੇ । ਸੋਈ ਗਿਆਨ ਭ੍ਰਾਤ  
 ਮੈਂ ਮਾਨੇ ॥ ੨੯ ॥ ਵਿਗਿਆਨ ਯਹੀ ਉਰ ਅੰਤਰ ਜਾਨ ।  
 ਸਖਯਾਤ ਕਾਰ ਹੁਇ ਆਤਮ ਭਾਨ । ਆਤਮ ਪੂਰਣ ਸਰਬ



ਨਿਵਾਸੀ । ਸਤਿ ਚਿਤਿ ਆਨੰਦ ਹੈ ਅਬਿਨਾਸੀ ॥ ੩੦ ॥  
 ਬੁੱਧਜਾਦਕ ਉਪਾਧਿ ਬਿਹੀਨੋਂ । ਨਾਹਿਪ੍ਰਣਾਮ ਸੁ ਰੰਚਕ ਚੀਨੋਂ ।  
 ਸੁਖੰਪ੍ਰਕਾਸ਼ ਅਨਾਬ੍ਰਿਤ ਜੋਈ । ਦੇਹਾਦਿਕ ਕੇ ਭਾਸੇ ਸੋਈ ॥ ੩੧ ॥  
 ॥ ਏਕ ਅਦੁਤੀ ਸਤੰਪੁਨਿ ਗਿਆਨ । ਸੁੱਪਰਕਾਸ਼ ਅਸੰਗ ਸੁਜਾਨ  
 । ਦ੍ਰਸ਼ਾ ਪੂਰਣ ਲੱਖਣ ਗਾਏ । ਬਿਨ ਵਿੱਗਿਆਨ ਨ ਜਾਨਯੋ  
 ਜਾਏ ॥ ੩੨ ॥ ਸੋਤ੍ਰੀ ਆਹਿ ਅਚਾਰਯ ਜੋਈ । ਕਰ ਉਪਦੇਸ਼  
 ਨਿਗਮ ਕੇ ਸੋਈ । ਏਕ ਗਿਆਨ ਤਬ ਉਰਮੈਂ ਭਾਸੇ । ਜੀਵ  
 ਪਰਾਤਮ ਭੇਦ ਬਿਨਾਸੇ ॥ ੩੩ ॥ ਤਬਹੀਂ ਮੂਲ ਅਵਿਦਯਾ  
 ਜੋਈ । ਲੀਨਹੋਇ ਆਤਮਮਹਿ ਸੋਈ । ਕਾਰਯ ਕਾਰਣ ਹੋਇ  
 ਸੁ ਹਾਨੀਂ । ਯਹੀ ਅਵਸਥਾ ਮੁਕਤਿ ਬਖਾਨੀ ॥ ੩੪ ॥ ਰਘੁ  
 ਨੰਦਨ ਯਹਿ ਮੋਖ ਸਰੂਪ । ਤੋ ਪ੍ਰਤਿ ਭਾਖਯੋ ਭ੍ਰਾਤ ਅਨੂਪ ।  
 ਵਿੱਗਿਆਨ ਗਿਆਨ ਪੁਨਿ ਦ੍ਰਿੜ ਵੈਰਾਗ । ਮੈਪਰਾਤਮ ਕਹਯੋ  
 ਸੁਭਾਗ ॥ ੩੫ ॥ ਪਰ ਮਮ ਭਗਤਿ ਬਹੀਨ ਸੁ ਜੇਤੇ । ਯਾਕੋ  
 ਲਹੇ ਕਦਾਪਿ ਨ ਤੇਤੇ । ਯਦਪ ਨੈਨ ਵੰਤ ਨਰ ਹੋਈ । ਸੰਮਕ  
 ਰਾਤਿ ਨ ਪੇਖੇ ਸੋਈ ॥ ੩੬ ॥ ਜੋ ਦੀਪਕ ਨਿਜ ਕਰ ਮੇਂ ਗਹੇ ।  
 ਨਿਖਲ ਪਦਾਰਥ ਸੋ ਨਿਸ ਲਹੇ । ਯੋਹੀ ਜੋ ਮਮ ਭਗਤ ਸੁ  
 ਯੁਕਤਾ । ਲਹੇਂ ਪਰਾਤਮ ਤੇਈ ਮੁਕਤਾ ॥ ੩੭ ॥ ਮੇਭਗਤੀਕੇ  
 ਕਾਰਣ ਜੋਈ । ਕਿੰਚਤ ਕਹੋਂ ਸੁਨੋ ਅਬ ਤੇਈ । ਮੇਰੀਭਗਤਿ  
 ਵੰਤ ਜੇ ਅਹੇ । ਪ੍ਰਿਥਮੇਂ ਸੰਗਤਿ ਤਿਨਕੀ ਗਹੇ ॥ ੩੮ ॥  
 ਏਕਾਦਸ਼ੀ ਮਹਿ ਕਰੇ ਉਪਵਾਸ । ਮਮ ਪਰਬਨ ਕੇ ਦ੍ਰਿਢ  
 ਅਭਿਆਸ । ਜਬ ਸ੍ਰੀ ਰਾਮ ਨੌਮਿ ਦਿਨ ਆਵੇ । ਕਰ ਉਪਵਾਸ ਮੋਹ



ਮਨਲਾਵੇ ॥ ੩੯ ॥ ਮੇਰੀ ਕਥਾ ਸੁਣੇ ਅਰ ਕਹੇ । ਕਰ  
 ਬਖਯਾਨ ਪ੍ਰੀਤ ਮਮ ਗਹੇ । ਮੋਮੈ ਨਿਸ਼ਚਾ ਮੇਰੀ ਪੂਜਾ । ਮੋਹਭਜੇ  
 ਮੁਖ ਔਰ ਨ ਦੂਜਾ ॥ ੪੦ ॥ ਯਾ ਬਿਧ ਕਰੇ ਨਿਰੰਤਰ ਜੋਈ । ਮੇਰੀ  
 ਭਗਤਿ ਅਖੰਡਤ ਹੋਈ । ਤਾਂਤੇ ਪਰੇ ਨ ਸਾਧਨ ਆਨ । ਮੇਰੀ  
 ਭਗਤਿ ਬਡੀ ਪਹਿਚਾਨ ॥ ੪੧ ॥ ਮੇਰੀ ਭਗਤਿ ਯੁਗਤ ਜਨ  
 ਜੋਈ । ਗਯਾਨ ਬਿਗਯਾਨ ਲਹੇ ਪੁਨਿ ਸੋਈ । ਦ੍ਰਿਫ ਵੈਰਾਗ  
 ਲਹੈ ਪੁਨਿ ਸੋਇ । ਤਾਂਤੇ ਮੁਕਤਿ ਬੇਗ ਵਹੁ ਹੋਇ ॥ ੪੨ ॥  
 ਤੇਰੇ ਪ੍ਰਸ਼ਨਨ ਕੇ ਅਨੁਸਾਰ । ਭ੍ਰਾਤ ਕੀਯੋ ਮੈਂ ਸਰਬ ਉਚਾਰ ।  
 ਯਾਹਿ ਬਿਖੇ ਮਨ ਜੋ ਜਨ ਲਾਵੇ । ਸੋਖਿਣ ਭੀਤਰ ਬੰਧ ਮਿਟਾਵੇ  
 ॥ ੪੩ ॥ ਮੇਰੀ ਭਗਤਿ ਵਿਮੁਖ ਮਨ ਜਾਕੇ । ਲਖਮਨ ਏਹ  
 ਕਹੀਂ ਨਹਿੰ ਤਾਕੇ । ਮੇਰੀ ਭਗਤਿ ਵਾਨ ਜਨੁ ਜੋਇ । ਕਹੀਂ  
 ਬੁਲਾਇ ਤਾਹਿੰਕੋ ਸੋਇ ॥ ੪੪ ॥ ਮਮ ਉਪਦੇਸ਼ ਪਢੇ ਜਨ  
 ਕੋਈ । ਭਗਤੀ ਸਹਿਤ ਸ੍ਰਧਾ ਉਰ ਹੋਈ । ਅੱਗਯਾਨ ਪਟਲ  
 ਵਹ ਦੂਰਿ ਨਿਵਾਰੇ । ਖਿਨ ਭੀਤਰ ਸਭ ਬੰਧਨ ਟਾਰੇ ॥ ੪੫  
 ॥ ਮਮ ਭਗਤਿ ਜੋ ਅਹੇ ਜੁਗੀਸ਼ਰ । ਵਿਮਲ ਗਿਆਨ ਸ਼ਾਂਤਿ  
 ਜਿਨਕੇ ਉਰ ॥ ਮੇਰੀ ਸੇਵ ਨਿਰੰਤਰ ਕਰੇ । ਵਿਮਲਗਯਾਨ  
 ਉਰ ਅੰਤਰ ਧਰੇ ॥ ੪੬ ॥ ਤਿਨਕੋ ਸੰਗ ਕਰੇ ਸਦਜੋਈ ।  
 ਉਦਮ ਵੰਤ ਸਦਾ ਮਤ ਹੋਈ । ਮੇਰੀ ਸੇਵਾ ਮੈਂ ਧੀ ਲਾਵੈ । ਮੁਕਤ  
 ਵਹੀ ਕਰ ਭੀਤਰ ਪਾਵੈ ॥ ੪੭ ॥ ਦੋਹਰਾ ॥ ਮੈਂ ਪਰਮਾਤਮ  
 ਰਾਮ ਜੋ ਬੇਦ ਬਖਾਨੇ ਜਾਹਿੰ । ਭਗਤਿ ਗਯਾਨ ਕਰ ਮੋ ਪਿਖੇ  
 ਬਿਨਾਂ ਨਿਹਾਰੇ ਨਾਹਿੰ ॥ ੪੮ ॥ ਕਬਿਵਾਰ ॥ ਸ੍ਰੈਯਾ ॥ ਸਿੰਮ੍ਰਤ



ਬੇਦ ਪੁਰਾਨਨ ਕੈ ਪਰਮਾਤਮ ਮੈਂ ਜਿਨ ਕੇ ਜਗ ਗਾਯੋ । ਸੰਭੂ  
 ਭਜੇ ਜਿਨਕੇ ਪਦ ਪੰਕਜ ਐ ਚਤੁਰਾਨਨ ਨਾਰਦ ਗਾਯੋ ।  
 ਬਿਆਸਬਸਿਸ਼੍ਰੁਅਗਸਤਰਿਖੀਸੁਰਭਾਂਤਿਅਨੇਕਅਨੇਕਸੁਨਾਯੋ  
 । ਸੋ ਕਬਿ ਸਿੰਘ ਗੁਲਾਬ ਪਰਾਤਮ ਰਾਮ ਧਰੇ ਤਨੁ ਭ੍ਰਾਤ ਬਤਾਯੋ  
 ॥ ੪੯ ॥ ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇਂ ਉਮਾ  
 ਮਹੇਸ਼ੁਰ ਸੰਬਾਦੇ ਆਰੰਠ ਕਾਂਡੇ ਚਤੁਰਥੇ ਧਿਆਇ ॥ ੪ ॥

॥ ੫੪ ॥ ਤੀਰੰ ਹੁਭੁ ਚਿੰਤਿ ਚੀਨੁ ਏਵ । ਤੀਰੰ ਨੀਪੁ ਚਿੰਤਿ  
 । ਚਾਚਉ ਚਚਸੁ ਸ੍ਰੀ ਮਹਾਂ ਦੇਵ ਉਵਾਚ ॥

ਸਵੈਯਾ ॥ ਤਿਹਕਾਲ ਬਿਖੇ ਰਜਨੀ ਚਰਨੀ ਇਕ ਡੋਲਤਥੀ  
 ਤਿਹ ਕਾਨਨ ਮਾਹੀਂ । ਵਿਗ ਪੰਚਬਟੀ ਸੁਭ ਤੀਰ ਨਦੀ ਮੁਨਿ  
 ਵਾਸ ਜਿਨੇਂ ਸਭ ਥਾਨਨ ਮਾਹੀਂ । ਕਮਲਾਂਕੁਸ ਵੱਜੁ ਧੁਜਾ  
 ਹਰਿ ਕੇ ਪਦ ਚਿੰਨ੍ਹੁ ਪਿਖੇ ਸੁ ਉਮਾਂ ਧਰ ਮਾਹੀਂ । ਪਦ ਸੁੰਦਰ  
 ਰੇਖ ਨਿਹਾਰਉਠੀ ਅਤਿ ਕਾਮ ਬਢਜੋ ਤਿਨਕੇ ਉਰਮਾਹੀਂ ॥  
 ੧ ॥ ਚੌਪਈ ॥ ਸ਼ਨੇਂ ਸ਼ਨੇਂ ਪਦ ਰੇਖ ਨਿਹਾਰੇ । ਗਈ ਰਾਮ  
 ਕੇ ਭੌਨ ਮਝਾਰੇ । ਪੇਖ ਰਾਮਾ ਪਤਿ ਰਾਮ ਹਠੀਲੇ । ਸੀਯ  
 ਸਮੇਤ ਸੁ ਪਰਮ ਰਸੀਲੇ ॥ ੧ ॥ ਮਨੋ ਮਨੋਜ ਰਾਮ ਇਹ ਭਾਂਤੀ  
 । ਪੇਖ ਮਨੋਜ ਲਗੋ ਤਿਰ ਛਾਤੀ । ਉਮਾਂ ਰਾਖਸ਼ੀ ਰਾਮ ਅਲਾਏ  
 ॥ ਕਿਨਕੋ ਕੌਰ ਕ ਹਿਤ ਬਨ ਆਏ ॥ ੩ ॥ ਸੀਸਜਟਾ ਤਨ  
 ਬਲਕਲ ਧਾਰੀ । ਕਾਮ ਕੌਨ ਤੇ ਵਿਪਨ ਮਝਾਰੀ ॥ ਸ੍ਰੀਰਾਮੋ  
 ਵਾਚ ॥ ਕੌਨ ਅਹੇ ਤੂੰ ਸੁਭਰ ਅਚਾਰੇ । ਕਿਸਕੀ ਹੈਂ ਸੁੰਦਰ  
 ਤਨ ਧਾਰੇ ॥ ੪ ॥ ਕਿੰਤੂ ਇਛੱਤਹੈ ਕਲਿਯਾਨੀ । ਆਈ



ਅਰਥ ਕਹੈ ਕਿਮ ਬਾਨੀ । ਸੁਪਨਖੇਵਾਰ । ਸੁਪਨਖਾ ਮਮ  
 ਕਰੇਂ ਬਖਾਨ । ਰਾਖਸ਼ੀ ਕਾਮ ਰੂਪਨੀ ਜਾਨ ॥ ੫ ॥ ਸਵੈਯਾ ॥  
 ਮੈਂ ਭਗਨੀ ਬਲ ਰਾਵਣ ਕੀ ਸਭਿ ਰਾਖਸ਼ ਕੋ ਜਗ ਮੈਂ ਵਹੁਰਾਈ  
 । ਕਾਨਨ ਮੈਂ ਖਰ ਭ੍ਰਾਤ ਸਮੇਤ ਬਸੋਂ ਬਨ ਭੂਪਤਿ ਆਪ  
 ਪਠਾਈ । ਭੋਜਨ ਮੈ ਪੁਨਿ ਮਾਸਕਰੇਂ ਲਿਖ ਭ੍ਰਾਤ ਦਈ ਬਨ  
 ਕੀ ਠਕੁਰਾਈ । ਸੁੰਦਰ ਤੂੰ ਕਹੁ ਕੌਨ ਅਹੇ ਪਦ ਪੇਖਤ ਮੈਂ  
 ਤਮਰੀ ਵਿਗਆਈ ॥ ੬ ॥ ਤਬ ਰਾਮ ਕਹਯੋ ਗਿਰਜਾ ਮੁਖਤੇ  
 ਇਕ ਉੱਤਰ ਕੋਸਲ ਦੇਸ ਬਖਾਨੇਂ । ਇਕ ਐਧ ਪੁਰੀ ਤਿਨ  
 ਮੱਧ ਬਿਰਾਜਤ ਤਾਂ ਪਤਿ ਭੂਪ ਸੁਰਾਸੁਰ ਜਾਨੇ । ਹਮਹੈਂ ਤਿਨ  
 ਕੇ ਸੁਤ ਨਾਰਿ ਇਹੈ ਜਨਕਾ ਤਨਜਾ ਸਭ ਲੋਕ ਬਖਾਨੇ ।  
 ਲਘੁ ਭ੍ਰਾਤ ਇਹੈ ਲਖਮੰਨ ਕਹੈਂ ਅਤਿ ਸੁੰਦਰ ਪੇਖ ਮਨੋਜ ਲ  
 ਜਾਨੇ ॥ ੭ ॥ ਹਮ ਸੋਂ ਕਛੁ ਕਾਮ ਅਹੈ ਤੁਮਰੇ ਅਤਿ ਸੁੰਦਰ  
 ਤੂੰ ਮਮ ਦੇਹ ਬਤਾਈ । ਸੁਨਿਰਾਮ ਕੇ ਵਾਕ ਉਮਾਂ ਮਦਰਾਰਿਤ  
 ਰਾਕਸ਼ੀ ਯੋ ਮੁਖ ਮਾਹਿ ਅਲਾਈ । ਮਮ ਸੰਗ ਰਮੋਂ ਗਿਰ  
 ਕਾਨਨ ਮੈਂ ਮਦਨਾਰਿਤਿ ਮੈ ਤੁਮਰੀ ਵਿਗ ਆਈ । ਵਿਗ ਕੰਜ  
 ਨਹੀਂ ਤਵ ਤਜਾਗ ਸਕੋਂ ਮਦਨਾਗ ਲਗੀ ਤਨ ਦੇਹਿ ਬੁਝਾਈ  
 ॥ ੮ ॥ ਤਬ ਰਾਮ ਕਟਾਖਨ ਸੀਯ ਪਿਖੀ ਹਸ ਕੈ ਮੁਖ ਭੀਤਰ  
 ਯੋਂ ਤਿਨ ਭਾਖੇ । ਮਮਨਾਰਿ ਇਹੈ ਅਤਿ ਸੁੰਦਰਿ ਹੈ ਤੁਮ ਨਾਹਿ  
 ਕਰੇ ਹਮਰੀ ਅਭਿਲਾਖੇ । ਤੁਮ ਸੌਕਨ ਜੋ ਦੁਖਨੀਤ ਦਹੇ ਅਬ  
 ਨਾਹਿ ਬਨੇਂ ਤੁਮ ਕੋ ਘਰ ਰਾਖੇ । ਅਤਿ ਸੁੰਦਰ ਮੇਂ ਲਘੁ ਭ੍ਰਾਤਿ  
 ਅਹੈ ਵਿਗ ਜਾਹਿ ਤਿਨੇਂ ਸੁ ਵਹੀ ਦੁਖ ਨਾਖੇ ॥ ੯ ॥ ਤੁਮਰੇ



ਅਨੁਸਾਰ ਸੁ ਹੈ ਭਰਤਾ ਤਿਨ ਸੰਗਰਮੋਂ ਗਿਰ ਕਾਨਨ ਮਾਹੀਂ  
 । ਇਹ ਭਾਂਤਿ ਕਹਯੋ ਹਰ ਜੀ ਜਬਹੀਂ ਨੁਮਕੱਤ ਗਈ ਲਖ  
 ਮੱਨ ਜਹਾਹੀਂ । ਉਰ ਭ੍ਰਾਤ ਕੀ ਆਇਸ ਮਾਨ ਅਬੇ ਭਵਮੈ  
 ਭਰਤਾ ਸੁ ਕਹੇ ਮੁਖ ਮਾਹੀਂ । ਅਬ ਢੀਲ ਕਰੋ ਨਹਿ ਸੰਗ  
 ਚਲੋ ਅਬ ਕੇਲ ਕਰੇਂ ਬਨਕੀ ਪਰਛਾਹੀਂ ॥ ੧੦ ॥ ਬਨ  
 ਘੋਰ ਨਿਸਾਰਰੀ ਕਾਮ ਮੁਠੀ ਇਹ ਭਾਂਤਿ ਬਕੇ ਅਪਨੇਂ ਮੁਖ  
 ਮਾਹੀਂ । ਹਸ ਰਾਮ ਕੇ ਭ੍ਰਾਤ ਕਹਯੋ ਮੁਖ ਤੇ ਸੁ ਮਹੋਦਰ ਤੂ  
 ਸੁਨਿ ਯੋ ਮਨ ਮਾਹੀਂ । ਸੁ ਪੱਤਿਬ੍ਰਤਿ ਤੂ ਦਸਕੰਧਰਕੀ ਭਗਨੀ  
 ਹਮ ਤੋ ਇਨ ਦਾਸ ਕਹਾਹੀਂ । ਪੁਨਿ ਦਾਸਨ ਤੂ ਜਗ ਹੋਵਹਿ  
 ਗੀ ਬਨ ਮੋਹਿ ਬਰੇ ਦੁਖ ਤੇ ਉਰ ਮਾਹੀਂ ॥ ੧੧ ॥ ਕਲਿਯਾ  
 ਨ ਤੁਮੇਂ ਤਿਨ ਕੀ ਢਿਗ ਜਾਇ ਵਹੀ ਜਗ ਭੀਤਰ ਰਾਜਨ  
 ਰਾਈ । ਸੁਨ ਕੈ ਯਹਿ ਬਾਤ ਉਮਾ ਕੁਟਲਾ ਮਨ ਦੋਰਤ ਸੋ  
 ਹਰਿ ਕੀ ਢਿਗ ਆਈ । ਅਤਿ ਕ੍ਰੋਧ ਭਰੀ ਮੁਖ ਰਾਮ ਭਨੇਂ  
 ਕਿਮ ਮੋਹ ਭ੍ਰਮਾਵਤ ਤੂ ਦੁਖਦਾਈ । ਤੁਮ ਸੋਕਨ ਕੋ ਮਮ ਦੂਖ  
 ਕਹੋ ਤੁਮ ਹੇਰਤਿ ਯਾਹਿ ਸੁ ਜਾਉਂ ਚਬਾਈ ॥ ੧੨ ॥ ਇਹ  
 ਭਾਂਤਿ ਬਖਾਨ ਭਈ ਗਿਰ ਸੀ ਗਿਰਜਾ ਸਠ ਸੀਯ ਸੁ ਖਾਵਨ  
 ਆਈ । ਤਬ ਰਾਮ ਕੀ ਆਇਸ ਪਾਇ ਸੁਮਿੱਤ੍ਰਜ ਨਾਰ ਗਹੀ  
 ਖਗ ਧਾਰ ਦਿਖਾਈ । ਕਟਿ ਕਾਨ ਦੁਊ ਪੁਨਿ ਨਾਕ ਕਟੀ  
 ਲਘੁ ਵਿਕ੍ਰਮ ਪੀਠ ਸੁ ਲਾਤ ਲਗਾਈ । ਕਰ ਘੋਰ ਧੁਨੀ ਤਨ  
 ਸੋਨ ਬਹੇ ਅਤਿ ਰੋਵਤ ਸੋ ਖਰ ਓਰ ਸਿਧਾਈ ॥ ੧੩ ॥  
 ਜਾਇ ਪਰੀ ਖਰ ਕੇ ਪਦ ਮੈਂ ਮੁਖ ਮਾਹਿੰ ਬਕੇ ਪਰੁਖਾ ਖਰ



ਬਾਣੀਂ । ਕਾਨ ਸੁ ਨਾਕ ਕਟੇ ਕਿਨਹੂੰ ਭਗਨੀਂ ਪ੍ਰਤਿ ਯੋ ਖਰ  
 ਆਪ ਬਖਾਣੀਂ । ਤੇਹਿ ਕਰਜੇ ਜਿਨ ਯੋਂ ਜਗ ਮੈਂ ਜਮ ਕੈ ਮੁਖ  
 ਜਾਇ ਪਰਜੇ ਹਮ ਜਾਣੀਂ । ਭਾਖ ਤਿਨੇ ਖਿਨ ਪ੍ਰਾਣ ਹਨੋਂ  
 ਯਮ ਸੋਂ ਵਹੁ ਹੋਇ ਸੁ ਭਾਨ ਕਮਾਣੀਂ ॥ ੧੪ ॥ ਸੂਪਨਖ  
 ਉਵਾਰ ॥ ਸਵੈਯਾ ॥ ਲਿਖ ਜੋ ਬਨ ਭ੍ਰਾਤ ਦਏ ਹਮਕੋ ਅਬਤਾਂ  
 ਬਨ ਮੈਂ ਸੁਨਿ ਰਾਮ ਸੁ ਆਏ । ਲਖਮੰਨ ਤਿਨੋਂ ਸਹ ਛਾਜਤ  
 ਭ੍ਰਾਤ ਸੁ ਸੀਯ ਭਲੀ ਰਤਿ ਸੀ ਛਬਿ ਪਾਏ । ਅਬ ਤੀਰ  
 ਗੁਦਾਵਰੀ ਵਾਸ ਕਰੇ ਬਨ ਦੰਡਕ ਕੇ ਭਯ ਦੂਰ ਮਿਟਾਏ ।  
 ਤਿਨ ਭ੍ਰਾਤ ਸੁ ਪ੍ਰੇਰ ਸੁਨੇ ਖਰ ਭ੍ਰਾਤ ਸੁ ਯੋਂ ਹਮਰੇ ਕਨ ਨਾਕ  
 ਕਟਾਏ ॥ ੧੫ ॥ ਤੂੰ ਤੇ ਭਯੋ ਕੁਲ ਰਾਖਸ਼ ਕੀ ਅਰ ਬੀਰ  
 ਕਹਾਵਤ ਹੈਂ ਜਗ ਮਾਹੀਂ । ਮਾਰ ਤਿਨੇ ਤਿਨ ਮਾਸ ਭਖੋਂ ਅਰ  
 ਸੋਨਤ ਪਾਨ ਕਰੋਂ ਮੁਖ ਮਾਹੀਂ । ਨਾਤਰ ਪ੍ਰਾਣ ਤਜੋਂ ਅਬਹੀ  
 ਖਰ ਜਾਵਤ ਮੈਂ ਜਮ ਕੇ ਘਰ ਮਾਹੀਂ । ਬੇਗ ਚਢੇ ਸੁਨਕੈ ਖਰ  
 ਯੋਂ ਅਰ ਕ੍ਰੋਧ ਭਯੋ ਤਿਨਕੇ ਉਰ ਮਾਹੀਂ ॥ ੧੬ ॥ ਦਸ ਚਾਰ  
 ਹਜ਼ਾਰ ਸੁ ਰਾਖਸ਼ ਕੀ ਬਲ ਕ੍ਰੋਧ ਭਰੇ ਤਿਨ ਪ੍ਰੇਰ ਚਲਾਈ  
 । ਖਰ ਤੀਨ ਸਿਰਾ ਪੁਨ ਦੂਖਨ ਜੋ ਸਿਰਦਾਰ ਬਡੇ ਹਰਿ ਕੀ  
 ਢਿਗ ਆਈ । ਧੁਨਿ ਬਾਜਨ ਕੀ ਘਨਘੋਰ ਭਈ ਧਰ ਧੂਰ  
 ਉਡੀ ਰਵਿ ਮੰਡਲ ਛਾਈ । ਤਬ ਰਾਮਕੀ ਓਰ ਗਏ ਸਗਲੇ  
 ਸਮ ਬਿੱਜੁਲ ਆਯੁਧ ਕੀ ਚਮਕਾਈ ॥ ੧੭ ॥ ਸੁਨਿ ਰਾਮ  
 ਕੁਲਾਹਲ ਦੈਂਤਨ ਕੋ ਲਖਮੰਨ ਇਹੈ ਮੁਖ ਬਾਤ ਅਲਾਈ ।  
 ਧੁਨਿ ਘੋਰ ਸੁਨੇ ਬਨ ਦੈਂਤਨ ਕੀ ਯਹਿ ਰਾਖਸ਼ ਕੀ ਧੁਜਨੀ



ਚਢਿ ਆਈ । ਅਬ ਹੋਇਗੋ ਸੰਘਰ ਘੋਰ ਇਹਾਂ ਮਮ ਸੰਗ  
 ਇਹੈ ਅਰਿ ਕੀ ਬਲਿ ਆਈ । ਸੁ ਮਹਾਬਲ ਤੂੰ ਜਨਕਾ ਤਮ-  
 ਜਾ ਗਹ ਕੰਦਰ ਜਾਹਿ ਰਹੋ ਸੁਖਦਾਈ ॥ ੧੮ ॥ ਮੈਂ ਬਧ ਆਜ  
 ਕਰੋਂ ਖਿਨ ਮੈਂ ਯਹਿ ਰਾਖਸ਼ ਕੀ ਬਲ ਆਵਤ ਸਾਰੀ । ਤੂੰ  
 ਯਹਿ ਬਾਤ ਨ ਭਾਖ ਕਛੁ ਬਲ ਤੋਹਿ ਸੁਗੰਧ ਸੁ ਆਹ ਹਮਾਰੀ  
 । ਮਾਨ ਤਬੈ ਸਹਿ ਸੀਯ ਲਈ ਲਖਮੰਨ ਗਯੋ ਗਿਰ ਖੋਹ  
 ਮਝਾਰੀ । ਰਾਮ ਨਿਖੰਗ ਕਸੇ ਕਟਿ ਮੈ ਪੁਨ ਲੀਨ ਕੁਵੰਡ  
 ਸੁ ਬਾਣ ਸੰਭਾਰੀ ॥ ੧੯ ॥ ਰਾਖਸ਼ ਆਇ ਪਰੇ ਤਬਹੀ ਕਰ  
 ਆਯੁਧ ਕੀ ਬਰਖਾ ਬਰਖਾਈ । ਕੇਚਿਤ ਮਾਰਤ ਹੈਂ ਤਵਰਾ  
 ਅਰ ਕੇਚਿਤ ਸੈਲ ਸੁ ਦੇਹ ਚਲਾਈ । ਰਾਮ ਸੁ ਆਯੁਧ ਧਾਰ  
 ਸਭਾ ਕਟਿ ਤੀਰਨ ਸੋ ਅਤਿ ਦੂਰ ਬਗਾਈ । ਬਾਨ ਹਜ਼ਾਰ  
 ਲਏ ਕਰ ਮੈਂ ਸਭ ਰਾਖਸ਼ ਸੈਨ ਸੁ ਮਾਰ ਗਿਰਾਈ ॥ ੨੦  
 ॥ ਖਰ ਦੂਖਨ ਐ ਪੁਨਿ ਤੀਨ ਸਿਰਾ ਪਹਿਰਾਧਕ ਮੇਂ ਸਭ  
 ਨਾਇਕ ਮਾਰੇ । ਤਬ ਲੈ ਲਘੁ ਭ੍ਰਾਤ ਬਿਦੇਹ ਸੁਤਾ ਪੁਨ  
 ਆਇ ਤਹਾਂ ਜਹਿ ਆਪ ਮੁਰਾਰੇ । ਅਰਪੀ ਤਬ ਸੀਯ ਸੁ ਰਾ  
 ਘਵ ਕੋ ਹਤ ਰਾਖਸ਼ ਪੇਖ ਭਏ ਬਿਸਮਾਰੇ । ਮੁਖ ਕੰਜ ਪ੍ਰਭਾ  
 ਅਵਨੀ ਦੁਹਤਾ ਬਿਗਸੀ ਮਿਲ ਰਾਮ ਪਤੰਗ ਨਿਹਾਰੇ ॥ ੨੧  
 ॥ ਆਯੁਧ ਘਾਵ ਸੁ ਰਾਮ ਕਲੇਵਰ ਧੋਵਤ ਹੈ ਇਤ ਸੀਯ  
 ਸੁਹੇਲੀ । ਸੂਪਨਖਾ ਗਤਿ ਰਾਖਸ਼ ਪੇਖ ਸੁ ਦੌਰ ਗਈ ਉਰ ਲੰਕ  
 ਇਕੇਲੀ । ਜਾਇ ਸਭਾ ਮਹਿ ਰਾਵਨ ਕੇ ਪਦ ਪਾਸ ਪਰੀ  
 ਦੁਖ ਮਾਹਿ ਦੁਹੇਲੀ । ਰਾਵਨ ਕੀ ਭਗਨੀ ਤਰਫੈ ਧਰ ਧੀਰ



ਨਦੀ ਮਛਲੀ ਜਨ ਮੇਲੀ ॥ ੨੨ ॥ ਰਾਵਨ ਪੇਖ ਤਥਾ ਭਗਨੀ  
 ਅਤਿ ਰੋਵਤ ਨੈਨ ਸੁ ਨੀਰ ਪਨਾਰੇ । ਉਠ ਸੁ ਉਠ ਕਹਯੋ  
 ਮੁਖ ਤੇ ਕਿਨ ਨਾਕ ਕਟੀ ਪੁਨਿ ਕਾਨ ਤੁਮਾਰੇ । ਸ਼ਕੁ ਕੁਬੇ  
 ਰ ਯਮੋ ਵਰਣਾਤਨੁ ਖੇਹ ਕਰੋਂ ਤਿਨਕੀ ਕਟ ਨਾਰੇ । ਰਾਵਣ  
 ਕੀ ਸੁਨਿ ਏ ਬਤੀਯਾਂ ਤਬ ਸੂਪਨਖਾਂ ਮਨ ਮਾਹਿ ਉਚਾਰੇ ॥  
 ੨੩ ॥ ਤੂੰ ਮਤ ਮੂੜ ਪ੍ਰਮੱਤ ਸਦਾ ਮਦ ਪਾਨ ਕਰੇ ਕਛੁ ਸਾਰ  
 ਨ ਪਾਵੇਂ । ਨਾਰਿ ਅਧੀਨ ਸੁਦੀਨ ਭਯੋ ਸਠ ਚਾਰਨ ਕੋ ਨਹਿ  
 ਦੇਸ ਪਠਾਵੇਂ । ਤੂੰ ਚਖ ਚਾਰ ਬਿਹੀਨ ਸਦਾ ਸਠ ਰਾਜ ਕਹੋ  
 ਕਿਹ ਭਾਂਤਿ ਕਮਾਵੇਂ । ਮਾਰ ਲਏ ਤ੍ਰਿਸਰਾ ਖਰ ਦੂਖਰ  
 ਤੂੰ ਘਰ ਭੀਤਰ ਮੰਗਲ ਗਾਵੇਂ ॥ ੨੪ ॥ ਖਿਨ ਆਧਿ ਬਿਖੇ  
 ਬਲਵੰਤ ਬੜੇ ਦਸ ਚਾਰ ਹਜਾਰ ਸੁ ਰਾਖਸ਼ ਮਾਰੇ । ਅਸੁਰਾਰਿ  
 ਬਡੇ ਜਗ ਰਾਮ ਭਏ ਜਨ ਥਾਨ ਬਿਖੇ ਮੁਨਿਕੇ ਡਰ ਟਾਰੇ ।  
 ਨਹਿ ਜਾਨਤ ਤੂੰ ਇਹ ਬਾਤ ਕਛੁ ਇਨਤੇ ਮਤ ਮੂਢ ਸੁ ਮੋਹਿ  
 ਉਚਾਰੇ । ਪਿਖ ਲਾਜ ਭਈ ਦਸ ਕੰਧਰ ਕੋ ਪੁਨਿ ਪੂਛਤ  
 ਰਾਵਣ ਆਪ ਬਿਚਾਰੇ ॥ ੨੫ ॥ ਕੌਨ ਸੁ ਰਾਮ ਹਤੇ ਕਿਮ  
 ਰਾਖਸ਼ ਕੌਨ ਨਿਮਿੱਤ ਭਯੋ ਬਨ ਮਾਂਹੀਂ । ਭਾਖਭਲੇ ਤਿਨ ਮੂਲ  
 ਹਨੋਂ ਅਬ ਕ੍ਰੋਧ ਭਯੋ ਹਮਰੇ ਉਰ ਮਾਂਹੀਂ । ਬੀਰਨ ਮੈਂ ਜਨ  
 ਥਾਨ ਕਦਾਚਿਤ ਆਪ ਗਈ ਸੁ ਨਦੀ ਤਟ ਮਾਂਹੀਂ । ਪੰਚ  
 ਬਟੀ ਇਕ ਥਾਨ ਅਹੇ ਸੁਨਿ ਪੂਰਬ ਬਾਸ ਕਰੋਂ ਜਿਨਮਾਂਹੀਂ  
 ॥ ੨੬ ॥ ਤਹਿ ਆਸ਼੍ਰਮ ਏਕ ਮਨੋਹਰ ਥੇ ਮਮ ਜਾਇ  
 ਪਿਖੇ ਤਹਿ ਰਾਮ ਹਠੀਲੇ । ਦ੍ਰਿਗਕੀਜ ਪ੍ਰਭਾ ਧਨੁ ਬਾਂਣ ਧਰੇ



ਤਨ ਚੀਰ ਜਟਾ ਰਸ ਮਾਂਹਿ ਰਸੀਲੇ । ਲਘੁ ਭ੍ਰਾਤ ਤਿਨੇ ਲਖ  
 ਮੰਨ ਕਹੇ ਅਤਿ ਸੁੰਦਰ ਤਾਂਹਿ ਤਬਾ ਬਿਧ ਡੀਲੇ । ਕਮਲਾ  
 ਸਮ ਸੁੰਦਰਿ ਤਾਂ ਪਤਨੀਂ ਦ੍ਰਿਗ ਵਾਰਜ ਸੇ ਤਨ ਕਾਰਨ ਕੀ  
 ਲੇ ॥ ੨੭ ॥ ਗੰਧੂਪ ਦੇਵ ਨਹੀਂ ਨਰ ਨਾਗਨ ਤਾਂਹਿ ਤਬਾ  
 ਬਿਧ ਕੀ ਹਮ ਦੇਖੀ । ਰਾਜਨ ਨਾਂਹਿ ਸੁਨੀ ਕਬਹੂੰ ਬਨਦੇਤ  
 ਤਿਥੀ ਹਮ ਯਾ ਬਿਧ ਲੇਖੀ । ਮੈ ਤੁਮਰੇ ਹਿਤ ਲੇਨ ਲਗੀ  
 ਤਿਨ ਰਾਮ ਇਹੈ ਮਨ ਜਾਨ ਬਿਸੇਖੀ । ਰਾਮਹ ਪ੍ਰੇਰੁ ਸੁ ਭ੍ਰਾਤ  
 ਬਲੀ ਮਮ ਨਾਕ ਕਟਾਇ ਦਈ ਤੁਮ ਪੇਖੀ ॥ ੨੮ ॥ ਤਬ ਮੈ  
 ਦੁਖ ਰੋਵਤ ਦੌਰ ਗਈ ਖਰ ਭ੍ਰਾਤ ਸਮੀਪ ਸੁ ਜਾਇ ਪੁਕਾਰੀ ।  
 ਰਣ ਕੇ ਹਿਤ ਰਾਖਸ਼ ਲੈ ਬਹੁਤੇ ਤਹਿ ਦੌਰ ਗਏ ਜਹਿ ਰਾਮ  
 ਹੀਕਾਰੀ । ਖਿਨ ਮੇਂ ਵਹੁ ਨਾਸ਼ ਕਰੇ ਸਗਲੇ ਰਣ ਰਾਖਸ਼ ਜੇ  
 ਸੁ ਹੁਤੇ ਬਲ ਭਾਰੀ । ਸੁਨ ਮੇ ਮਨ ਯੋਂ ਜਬ ਰਾਮ ਚਹੇਂ ਖਿਨ  
 ਮਾਂਹਿ ਹਨੇਂ ਬਿਧ ਕੀ ਬਿਸ ਸਾਰੀ ॥ ੨੯ ॥ ਜੀਵਨ ਤੈ ਸਫਲੋ  
 ਤੁਮਰੋ ਜਬ ਹੋਵਤ ਸੀਯ ਸੁ ਨਾਰਿ ਤੁਮਾਰੀ । ਉੱਦਮ ਤੂੰ  
 ਇਹ ਭਾਂਤਿ ਕਰੋ ਜਿਹ ਭਾਂਤਿ ਮਿਲਾਵਹੁ ਪ੍ਰਾਣ ਪਿਆਰੀ ।  
 ਜਾਨਕੀ ਕੰਜ ਪ੍ਰਭਾ ਦ੍ਰਿਗਨੀ ਸਭ ਅੰਗਨ ਭੀਤਰ ਸੁੰਦਰ  
 ਸਾਰੀ । ਰਾਮਹੁ ਤੇ ਨਹਿ ਆਂਨ ਸਕੇਂ ਕਛੁ ਪੇਖਤ ਨਾ ਬਲ  
 ਬੁੱਧਿ ਤਿਹਾਰੀ ॥ ੩੦ ॥ ਫਲ ਕੇ ਰਘੁਬੀਰਹਿ ਤੂਰਨ ਏ ਤਬ  
 ਪਾਵਹਿਗਾ ਵਹਿ ਪ੍ਰਾਣ ਪਿਆਰੀ । ਸੁਨਿ ਕੈ ਯਹਿ ਬਾਤੁ ਦ  
 ਯੋ ਧਨੁ ਤਾਂ ਅਰ ਮਾਨ ਕਹਯੋ ਭਗਨੀਂ ਹਿਤਕਾਰੀ । ਕਰ ਕੈ  
 ਅਸੁਆਸਨ ਯੋਂ ਤਿਨ ਕੇ ਪੁਨਿ ਆਪ ਗਯੋ ਨਿਜ ਭੋਨ ਮਝਾ



ਰੀ । ਉਰ ਚਿੰਤ ਬਢੀ ਵਿਗ ਨੀਂਦ ਨਹੀਂ ਇਹ ਭਾਂਤ ਬਿਤੀਤ  
 ਭਈ ਨਿਸ ਸਾਰੀ ॥ ੩੧ ॥ ਰਾਮ ਅਹੇ ਇਕ ਤਾਪਸਿ ਮਾਨੁਖ  
 ਮਾਰ ਦਏ ਖਰ ਸੇ ਕਿਹ ਭਾਂਤੀ । ਥੇ ਬਲਵੰਤ ਬੜੇ ਜਗ  
 ਮੇਂ ਕਰੁ ਆਯੁਧ ਔ ਤਰੁਣਾਂ ਤਿਨ ਗਾਤੀ । ਕੈ ਨਹਿ ਰਾਮ ਨ-  
 ਰਾਧਪ ਕੇ ਸੁ ਤੁਮੇਂ ਬਧ ਚਾਹਿ ਲਗੀ ਤਿਨ ਛਾਤੀ ॥ ਹੈ ਚਤੁਰਾ-  
 ਨਨ ਕੀ ਬਿਨਤੀ ਹਰਿ ਮਾਨੁਖ ਰੂਪ ਲਯੋ ਮਮਜਾਤੀ ॥ ੩੨  
 ॥ ਰਘੁ ਕੀ ਕੁਲ ਮੈਂ ਹਰਿ ਜੀ ਨਿਪਜੇ ਮੋਹ ਮਾਰਹਿ ਜੋ ਪਰ  
 ਮਾਤਮ ਰਾਮਾ । ਇਹ ਭੂਮਹਿ ਰਾਜ ਤਜੋਂ ਖਿਨ ਭੰਗਰ ਰਾਜ  
 ਬਿਕੁੰਠ ਲਹੇ ਨਿਜ ਧਾਮਾਂ । ਨਹਿ ਰਾਖਸ਼ ਰਾਜ ਕਰੋਂ ਜਗ  
 ਮੈਂ ਹਨ ਰਾਮ ਲਹੇਂ ਸੁਭ ਸੀਯ ਸੁ ਵਾਮਾਂ । ਇਹ ਭਾਂਤ ਬਿਚਾਰ  
 ਕਰਜੇ ਘਰ ਮੇਂ ਖਲ ਰਾਖਸ਼ ਰਾਜ ਸੁ ਰਾਵਣ ਨਾਮਾ ॥ ੩੩ ॥  
 ਸ਼ਿਕਰਛੰਦ ॥ ਗਿਰਜਾ ਪਰਾਤਮ ਰਾਮ ਕੇ ਹਰਿ ਜਾਨਕੀਨ  
 ਵਿਰੋਧ । ਬਿਨ ਵੈਰ ਬੇਗ ਨ ਹਰਿ ਮਿਲੇ ਤਿਹ ਦੇਖਯੋ ਉਰ  
 ਸੋਧ । ਕਰਿ ਭਕਤਿ ਜੋ ਹਰਿ ਸੇਵ ਹੈ ਨਹਿ ਬੇਗ ਪਾਵੈ ਸੋਇ  
 । ਮੈਂ ਭਜੋਂ ਤਾਂ ਅਤਿ ਵੈਰ ਕਰਹਰਿ ਬੇਗ ਰਾਜੀ ਹੋਇ ॥ ੩੪ ॥  
 ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇਂ ਉਮਾਂ ਮਹੇਸੁਰ  
 ਸੰਬਾਦੇ ਆਰੰਠ ਕਾਂਡੇ ਪਾਂਚਵੇਂ ਧਯਾਇ ॥ ੫ ॥

ਸ੍ਰੀ ਮਹਾਦੇਵਉਵਾਚ

॥ ਸਵੈਯਾ ॥ ਇਹ ਭਾਂਤ ਬਿਚਾਰ ਕਰਜੇ ਨਿਸ ਮੈ ਪਰਭਾਤ  
 ਭਏ ਚਢ ਕੈ ਰਥ ਮਾਹੀਂ । ਸੁ ਮਰੀਚ ਕੇ ਆਸੂਮ ਜਾਤ ਭਯੋ



ਇਕ ਕਾਰਯ ਧਾਰ ਮਤੀ ਮਨ ਮਾਹੀਂ । ਸੁਮਰੀਚ ਤਹਾਂ ਮੁਨਿ  
 ਸੇਅਤਿਰਾਜਤਚੀਰਧਰੇਜਟਹੈਂ ਸਿਰਮਾਹੀਂ । ਗੁਣਭਾਸਕਜੋਗੁ  
 ਣਹੀਨਸਦਾ ਪਰਮਾਤਮਯਯਾਵਤਹੈਉਰਮਾਹੀਂ ॥੧॥ ਸੁਸਮਾਧ  
 ਵਿਰਾਮਭਈਤਿਨਕੀਤਬਤਾਹੀਂ ਪਿਖੇ ਘਰ ਰਾਵਣ ਆਏ । ਤਬ  
 ਪੂਜਨਤਾਹੀਂ ਕਰਜੋ ਤਿਨਕੋ ਅਤਿਆਦਰਕੈ ਗਲਿਮਾਂਹਿ ਲਗਾਏ  
 । ਅਤਿੱਥ ਕਰਿਓ ਸੁਖ ਆਸਨ ਮਾਂਹਿ ਬਠਾਇ ਮਰੀਚ ਸੁ ਬੈਠ  
 ਅਲਾਏ । ਇਹ ਆਵਨ ਤੇ ਰਬ ਬੈਠ ਇਕਾ ਕਿਨ ਰਾਵਨ ਮੋਂ  
 ਕਛੁ ਕਾਜ ਜਨਾਏ ॥ ੨ ॥ ਕਛੁ ਚਿੰਤ ਪਰਾਇਨ ਤੋ ਮਨ ਭਾ  
 ਸਤ ਕਾਰਜ ਤੂੰ ਚਿਤਵੈਂ ਮਨ ਮਾਹੀਂ । ਅਬ ਮੋਹਿ ਕਹੋ ਵਹਿ  
 ਕਾਜ ਕਰੋਂ ਅਤਿ ਗੋਪ ਨਹੀਂ ਜਬਵੇ ਮਨ ਮਾਹੀਂ । ਕਛੁ  
 ਨਜਾਇ ਅਹੇ ਤਬ ਨਾਥ ਕਹੋ ਕਛੁ ਪਾਪ ਨ ਹੋਵਤ ਮੋ ਜਗ  
 ਮਾਹੀਂ । ਸੁਨਿਕੈ ਇਹ ਭਾਂਤਿ ਮਰੀਚ ਕਥਾ ਪੁਨਿ ਰਾਵਨ ਬੋਲਿ  
 ਉਠੇ ਮੁਖ ਮਾਹੀਂ ॥ ੩ ॥ ਰਾਵਨੋਵਾਚ ॥ ਸ੍ਰੈਯਾ ॥ ਹੈ ਦਸਰਥ  
 ਸਕੇਤ ਪਤੀ ਅਤਿ ਭੂਪ ਬਲੀ ਬਿਦਤਾ ਖਿਲ ਮਾਹੀਂ । ਰਾਮ  
 ਅਹੇ ਤਿਨਕੇ ਸੁਤ ਜੇਸੁ ਸੱਤ ਪਰਾਕ੍ਰਮ ਲੋਕਨ ਮਾਹੀਂ । ਭੂਪ  
 ਦਯੋ ਤਿਨਕੋ ਬਨਬਾਸ ਸੁ ਆਇਬਸੇ ਬਨ ਦੰਡਕ ਮਾਹੀਂ ।  
 ਨਾਰਿ ਸਮੇਤ ਸੁਭਾਤ ਅਹੇ ਵਹਿ ਤੀਨ ਮਿਲੇ ਸੁ ਫਿਰੇ ਜਗ  
 ਮਾਹੀਂ ॥ ੪ ॥ ਹੈ ਅਬਲੋ ਬਨ ਘੋਰ ਬਿਖੇ ਸੁਭ ਆਸ਼੍ਰਮ ਬੀਚ  
 ਸੁ ਪੰਚ ਬਟੀ । ਨਾਰੀ ਅਹੇ ਅਤਿ ਸੁੰਦ੍ਰ ਤਾਂ ਬਿਧਨਾ ਇਹ ਭਾਂਤਿ  
 ਨ ਔਰ ਠਟੀ । ਰਾਮ ਹਨੇ ਅਪਰਾਧ ਬਿਨਾਂ ਬਨ ਰਾਖਸ਼  
 ਮੋਹ ਲਗੀ ਉਚਟੀ । ਮਾਰਖਰੰ ਸੁਖਸੋਂ ਬਿਚਰੇ ਭਗਨੀਂ ਗਹਿ



ਮੇ ਤਿਨ ਨਾਕ ਕਟੀ ॥ ੫ ॥ ਨਿਰ ਦੋਖਨਿ ਸੀਲਵਤੀ ਭਗਨੀ  
 ਦੁਸ੍ਰਾਤਮ ਤਾਂ ਗਹਿ ਕਾਨ ਕਟਾਏ । ਕਛੁ ਮੋਹਿ ਸਹਾਇ ਕਰੇ  
 ਬਨ ਮੈਂ ਅਬ ਮੋਹਿ ਬਨੇ ਤਿਹ ਨਾਰਿ ਲਿਆਏ । ਬਨਤੂ ਬਨ  
 ਕੰਚਨ ਕੇ ਮ੍ਰਿਗਵਾ ਜਬ ਰਾਘਵ ਕੇ ਛਲ ਦੂਰ ਲਜਾਏ ।  
 ਲਖਮੰਨ ਚਲੇ ਤਿਨ ਪੀਠ ਪਿਛੇ ਤਬ ਰਾਵਣ ਜਾਨਕੀ ਕੇ  
 ਬਨ ਪਾਏ ॥ ੬ ॥ ਕਰਕੈ ਸੁ ਸਹਾਇਤ ਸੋ ਇਤਨੀ ਤੁਮ  
 ਪੂਰਬ ਜਯੋਂ ਸੁ ਬਸੋ ਘਰ ਮਾਹੀਂ । ਸੁਨਿ ਰਾਵਣਕੀ ਏਹ ਬਾਤ  
 ਤਬੈ ਸੁ ਮਰੀਚ ਕਹੈ ਅਪਨੇ ਮਨ ਮਾਹੀਂ । ਕਿਨ ਤੈਂ ਉਪਦੇਸ਼  
 ਸੁ ਏਹ ਕਰੇ ਵਹਿ ਮੂਲ ਉਪਾਰਤ ਤੇ ਜਗ ਮਾਹੀਂ । ਤੁਮ  
 ਤਾਹਿ ਹਨੋਂ ਵਹੁ ਸ਼ਤ੍ਰੁ ਤੁਮੈ ਵਹਿ ਨਾਸ ਚਹੈ ਤੁਮਰੋ ਭਵ ਮਾਹੀਂ  
 ॥ ੭ ॥ ਰਾਮ ਪਰਾਕ੍ਰਮ ਯਾਦ ਭਏ ਸੁਨਿ ਰਾਵਣ ਮੈਂ ਡਰ ਹੋਂ  
 ਮਨ ਮਾਹੀਂ । ਬਾਲ ਹੁਤੇ ਜਬ ਰਾਮ ਬਲੀ ਮਖ ਕੋਸਿਕ ਰਾ-  
 ਖਸ ਆਯੋ ਤਹਾਂਹੀ । ਏਕਹਿ ਬਾਨ ਸੁਬਾਹੁ ਹਨੇ ਪੁਨਿ ਦੂਸਰ  
 ਮੈਂ ਇਹ ਸਾਗਰ ਮਾਹੀਂ । ਯੋਜਨ ਸੋ ਇਹ ਆਇ ਪਰੇ ਮਨ  
 ਬਜਾਕੁਲ ਐ ਤਨ ਕੀ ਸੁਧ ਨਾਹੀਂ ॥ ੮ ॥ ਵਹਿ ਬਾਨ  
 ਚਿਤਾਰ ਚਿਤਾਰਤ ਹੀਂ ਮਮ ਰਾਮ ਵਿਖੇ ਸਭ ਠੌਰ ਮਝਾਰੀ ।  
 ਬਨ ਦੰਡਿਕ ਪੂਰਬ ਵੈਰ ਚਿਤਾਰ ਸੁ ਰਾਜਨ ਫੇਰ ਗਯ ਇਕ  
 ਬਾਰੀ । ਅਤੀ ਤੀਖਨ ਮ੍ਰਿਗ ਭਯੋ ਮ੍ਰਿਗ ਸੈ ਮਮ ਸੇਂ ਮ੍ਰਿਗਵਾ  
 ਬਹੁਤੇ ਪਰਵਾਰੀ । ਜਨਕਾ ਤਮਜਾ ਰਘੁਬੀਰ ਬਲੀ ਲਖਮੰਨ  
 ਸਭੈ ਸੁ ਪਿਖੇ ਬਨ ਕਾਰੀ ॥ ੯ ॥ ਮਾਰਨ ਕੇ ਮਨ ਮੋਹਨ ਕੇ  
 ਤਬ ਰਾਮ ਬਿਲੋਕ ਸੁ ਮੇ ਮਨ ਮਾਹੀਂ । ਮੈਂ ਉਰ ਬਾਨ ਹਨੇ



ਰਘੁ ਨੰਦਨ ਸ੍ਰੋਣਤ ਜਾਵਤ ਮੇਂ ਮੁਖ ਮਾਂਹੀ । ਔਰ ਗਏ ਬਨ  
 ਭਾਗ ਸਭੈ ਪੁਨਿ ਮੈਂ ਗਿਰਿਓ ਇਹ ਸਾਗਰ ਮਾਂਹੀਂ । ਤਾਂ ਦਿਨ  
 ਤੇ ਇਸ ਠੌਰ ਬਸੋਂ ਮੁਨਿ ਭੇਖ ਧਰਿਓ ਸੁ ਡਰੋਂ ਉਰ ਮਾਂਹੀਂ  
 ॥੧੦॥ ਅਬ ਰਾਮ ਕੋ ਧਿਆਨ ਧਰੋਂ ਨਿਸ ਬਾਸੁਰ ਭੋਗਨ ਤੇ  
 ਸੁ ਜਰੋਂ ਉਰ ਮਾਂਹੀਂ । ਰਤਨਾਰਥ ਰਾਜ ਤਥਾ ਰਮਣੀ ਇਹ  
 ਕਾਨ ਪਰੇਤੁ ਡਰੋਂ ਉਰਮਾਂਹੀਂ । ਇਹ ਸੰਕ ਉਠੇ ਇਹਰਾਮ ਅਏ  
 ਸਭ ਕਾਰਯ ਮੋਹ ਤਜੇ ਜਗ ਮਾਂਹੀਂ । ਜਬ ਸੋਇ ਰਹੋਂ ਨਿਸ  
 ਮਾਂਹਿੰ ਤਬੈ ਅਤਿ ਰਾਮ ਚਿਤਾਰਤ ਹੈ ਬਨਮਾਂਹੀਂ ॥੧੧॥ ਸੁਪਨੇ  
 ਜਬ ਰਾਮ ਨਿਹਾਰਤ ਹੋਂ ਸਰ ਤਾਨ ਡਰਾਇ ਸੁ ਮੋਹ ਜਗਾਏ  
 । ਅਬ ਤੂੰ ਸੁਨਿ ਬਾਤ ਕਹੋਂ ਹਿਤ ਕੀ ਸੁਭ ਹੋਵਤ ਰਾਮ ਸੋ  
 ਬੈਰ ਮਿਟਾਏ । ਦਸ ਕੰਧਰ ਰਾਖਸ਼ ਕੋ ਕਲ ਜੋ ਤੁਮ ਪਾਲ  
 ਕਰੋ ਬਹੁ ਭਾਂਤਿ ਸੁਹਾਏ । ਤਵ ਹੀਤ ਕਹੋਂ ਉਰ ਮਾਂਨ ਕਹਯੋ  
 ਮਤੁ ਰਾਮ ਪਰਾਤਮ ਬੈਰ ਬਢਾਏ ॥੧੨॥ ਤਜਿ ਵੈਰ ਭਜੋ ਕਰ  
 ਪੇਮ ਭਲੇ ਕਰੁਣਾਂ ਨਿਧ ਰਾਮ ਪਰਾਤਮ ਗਾਏ । ਯੁਗੁ ਆਦਿ  
 ਬਿਖੇ ਮੁਨਿ ਵਾਕਨ ਤੇ ਸੁ ਉਦੰਤ ਸਭੈ ਹਮਹੈ ਸੁਨ ਪਾਏ । ਪਰ-  
 ਮੇਸੁਰ ਰਾਮਹ ਪੈ ਬਿਨਤੀ ਚਤੁਰਾਨਨ ਆਪ ਕਰੀ ਢਿਗ ਜਾ  
 ਏ । ਤਬ ਈਸ਼ ਕਹਯੋ ਤਵ ਕਾਰਯ ਜੋ ਸੁ ਕਰੋਂ ਬਿਧਿ ਜਾਹਿੰ  
 ਨਮਿੱਤ ਸੁ ਆਏ ॥੧੩॥ ਚਤੁਰਾਨਨ ਤੇ ਮੁਖ ਏਹ ਕਹੀ  
 ਕਮਲਾ ਇਤ ਲੋਚਨ ਭੂਮ ਪਧਾਰੋ । ਤੁਮ ਦਾਸਰਥੀ ਵਪੁ ਧਾਰ  
 ਹਰੀ ਦਸਕੰਧਰ ਕੋ ਰਣ ਮੰਡਲ ਮਾਰੋ । ਇਨਤੇ ਹਰਿ ਮਾਨੁ-  
 ਖ ਰਾਮ ਭਏ ਵਹਿ ਆਹਿ ਨਾਰਾਇਣ ਯੋਂ ਉਰ ਧਾਰੋ ॥



ਨਿਜ ਆਇ ਭਏ ਵਹਿ ਮਾਨੁਖ ਸੇ ਤਿਨ ਕੇ ਬਨ ਭੀਤਰ ਨਾਂ  
 ਡਰ ਭਾਰੇ ॥ ੧੪ ॥ ਦੋਹਰਾ ॥ ਭੂਮੀਂ ਭਾਰ ਮਿਟਾਨ ਹਿਤ  
 ਮਨੁਜ ਭਏ ਜਗਦੀਸ਼ । ਤੁਮ ਸੁਖ ਸੇਂ ਨਿਜ ਘਰ ਵਸੋ ਵੈਰ  
 ਤਜੇ ਅਵਨੀਸ਼ ॥ ੧੫ ॥ ਸੁਨਿ ਮਰੀਚ ਕੇ ਬਚਨ ਕੇ ਬੋਲੇ  
 ਰਾਵਨ ਫੇਰ । ਮਾਨੀ ਨਾ ਤਿਨ ਕੀ ਕਹੀ ਲੀਨੋ ਕਾਲ ਸੁ  
 ਹੇਰ ॥ ੧੬ ॥ ਮਕਰਾਛੰਦ ॥ ਜੇ ਪਰਮਾਤਮ ਰਾਮ ਅਹੇ  
 ਬਿਨਤੀ ਬਿਧਨਾ ਤਿਨ ਜਾਇ ਕਰੀ । ਮਾਰਨ ਕੇ ਹਿਤ ਆ-  
 ਇ ਇਹਾਂ ਪੁਨਿ ਮਾਨਵ ਕੀ ਤਿਨ ਵੇਹ ਧਰੀ । ਸੋਇ ਕਰੇ  
 ਵਹਿ ਢੀਲ ਨਹੀਂ ਕਛੁ ਸਿੱਧ ਮਨੋਰਥ ਈਸ਼ ਹਰੀ ॥ ਮੈ ਅਬ  
 ਢੀਲ ਕਰੋਂ ਨ ਕਛੁ ਬਨ ਜਾਉ ਬਨੇਂ ਮੁਹਿ ਸੀਯ ਹਰੀ ॥ ੧੭  
 ॥ ਸਵੈਯਾ ॥ ਬਧ ਰਾਮ ਕਰੇ ਰਣ ਭੀਤਰ ਜੇ ਤਬ ਮੈਂ ਪਰ  
 ਮਾਤਮ ਕੇ ਪਦ ਪਾਉਂ । ਨਹਿੰ ਰਾਮ ਹਨੇਂ ਰਣ ਭੀਤਰ ਜੇ  
 ਤਬ ਜਾਨਕੀ ਕੇ ਘਰ ਭੀਤਰ ਲਿਆਉਂ । ਅਬ ਤੂੰ ਮ੍ਰਿਗ  
 ਰੂਪ ਸੁਧਾਰਤਹਾਂ ਪੁਨਿ ਮੈਂ ਬਨਮੈ ਤਿਨਕੀ ਢਿਗ ਜਾਉਂ । ਤੁਮ  
 ਆਸ਼੍ਰਮ ਤੇ ਨਹਿੰ ਦੂਰ ਤਿਨੇਂ ਪੁਨਿ ਸਾਨੁਜ ਰਾਮ ਸੁ ਏਹ ਬ  
 ਤਾਂਉਂ ॥ ੧੮ ॥ ਪੁਨਿ ਪੂਰਬ ਜਿਉਂ ਘਰ ਮਾਹਿੰ ਬਸੋ ਇਤ  
 ਨੇਂ ਪਰ ਤੇ ਕਛੁ ਹੋਤ ਨ ਹਾਨੇਂ ॥ ਅਬ ਤੂੰ ਭੈਯ ਦਾਇਕ ਫੇਰ  
 ਕਛੁ ਬਨ ਕੋਵਿਦ ਮੋਹਿ ਮਰੀਚ ਬਖਾਨੇਂ । ਤਬ ਤੇ ਸਿਰ  
 ਕਾਟ ਦੁਟੂਕ ਕਰੋਂ ਅਸਿਧਾਰ ਹਨੇਂ ਤੁਮਰੇ ਤਨ ਪ੍ਰਾਨੇਂ । ਸੁ  
 ਨ ਵਾਕ ਮਰੀਚ ਸੁ ਮ੍ਰਿਤ ਲਖੀ ਅਬ ਬਾਤ ਬਨੇਂ ਖਲਕੇ ਬ  
 ਚ ਮਾਨੇਂ ॥ ੧੯ ॥ ਜਬ ਰਾਮ ਹਨੇਂ ਬਨਭੀਤਰ ਮੈ ਤਬ ਮੈਂ



ਭਵ ਸਾਗਰ ਤੇ ਛੁਟ ਜਾਵੇਂ । ਦੁਸ਼੍ਰਾਤਮ ਰਾਵਣ ਮੋਹ ਹਨੇਂ  
 ਤਬ ਮੈਂ ਨਰਕਾਗਨ ਕੀ ਗਤਿਪਾਵੇਂ । ਇਹ ਭਾਂਤਿ ਵਿਚਾਰ  
 ਕੀਯੋ ਗਿਰਜਾ ਉਠ ਬੇਗ ਕਹਜੋ ਤੁਮ ਸੰਗ ਸਿਧਾਵੇਂ । ਪ੍ਰਭ  
 ਰਾਵਣ ਜੋ ਕਛੁ ਮੋਹਿ ਕਹੋ ਸਿਰ ਜੋਰ ਕਰੋਂ ਨਹਿ ਨਾਥ ਹ  
 ਟਾਵੇਂ ॥੨੦॥ ਇਹ ਭਾਂਤ ਉਚਾਰ ਸੁ ਬੈਠ ਰਖਿ ਤਬ ਰਾਘਵ  
 ਆਸ਼੍ਰਮ ਕੀ ਢਿਗ ਆਏ । ਸੁ ਮਰੀਚ ਭਯੋ ਮ੍ਰਿਗ ਕਾਂਚਨ  
 ਕੋ ਸੁਭ ਰਾਜਤ ਬਿੰਦਸੁ ਬੀਚ ਸੁਹਾਏ ॥ ਰਤਨਾਂ ਸਿਰਸੀਂਗ  
 ਕਰੇ ਛਲਕੈ ਸੁਭ ਨੀਲ ਮਣੀਂ ਮੁਖ ਨੈਨ ਬਨਾਏ । ਦੁਤਿ  
 ਦਾਮਨਿ ਸੀ ਤਨ ਪੈ ਲਸਕੈ ਬਨ ਬੀਚ ਫਿਰੇ ਸੀਯ ਰੂਪ ਦਿਖਾ  
 ਏ ॥ ੨੧ ॥ ਖਿਣ ਧਾਵਤ ਐ ਪੁਨਿ ਆਸ਼੍ਰਮ ਕੀ ਢਿਗ ਆਇ  
 ਤਹਾਂ ਖਿਨ ਮੇਂ ਟਿਕ ਜਾਏ । ਪੁਨਿ ਆਇ ਸਮੀਪ ਡਰੇ  
 ਉਰਮੈਂ ਭਯਭਾਰ ਭਏ ਕਛੁ ਦੂਰ ਪਲਾਏ । ਇਹ ਭਾਂਤਿ ਭਯੋ  
 ਮ੍ਰਿਗ ਵਾ ਛਲਕੈ ਪੁਨਿ ਸੀਯ ਸਮੀਪਪੁਨਾਂ ਪੁਨ ਆਏ । ਇਹ  
 ਭਾਂਤਿ ਫਿਰੇ ਢਿਗ ਆਸ਼੍ਰਮ ਕੀ ਉਰ ਚਾਹਤ ਹੈ ਖਲ ਸੀਯ  
 ਲੁਭਾਏ ॥ ੨੨ ॥ ਇਤਿ ਸ਼੍ਰੀਮਤਿ ਅਧਿਆਤਮ ਰਾਮਾਇਣੇ  
 ਉਮਾਂ ਮਹੇਸ਼ੁਰ ਸੰਬਾਦੇ ਅਰੰਨ ਕਾਂਡੇ ਖਸ਼ਮੋ ਧਿਆਇ ॥ ੬ ॥

ਸ਼੍ਰੀ ਮਹਾਂਦੇਵ ਉਵਾਚ ॥

॥ ਸਵੈਯਾ ॥ ਅਬ ਰਾਮ ਪਰਾਤਮ ਰਾਵਣ ਕੋ ਕ੍ਰਿਤ ਜਾਨ  
 ਲਯੋ ਸਗਲੋ ਮਨ ਮਾਹੀਂ । ਪੁਨਿ ਰਾਮ ਇਕੰਤ ਕਹਜੋ ਸੀਯ  
 ਕੋ ਸੁਨ ਸੀਯ ਕਹੋਂ ਤੁਮ ਕੋ ਕਨ ਮਾਹੀਂ । ਦਸਕੰਦਰ ਭਿੱਖਕ



ਰੂਪਧਰੇ ਤੁਮਰੀ ਢਿਗ ਆਵਹਿਗੋ ਬਨ ਮਾਹੀਂ । ਅਬ ਤੂੰ  
 ਕਰ ਛਾਹ ਕੀ ਸੀਯ ਭਲੇ ਪੁਨਿ ਆਪ ਰਹੋ ਦੁਰ ਪਾਵਕ ਮਾਹੀਂ  
 ॥ ੧ ॥ ਮਮ ਆਇਸ ਮਾਨ ਦੁਆਇਸ ਤੂੰ ਬਸ ਪਾਵਕ ਮੈਂ  
 ਉਰ ਮਾਨ ਕਹੀ । ਪੁਨ ਰਾਵਨ ਕੇ ਬਧ ਤੇ ਉਪਰੰਤ ਸੁ ਮੋਹ  
 ਮਿਲੇ ਏਹ ਝੂਠ ਨਹੀ । ਸੁਨਿ ਰਾਮ ਕੇ ਵਾਕ ਰਚੀ ਛਲ  
 ਕੀ ਸੀਯ ਸੋ ਹਰਿ ਕੇ ਢਿਗ ਆਇ ਬਹੀ । ਤਬ ਆਪ ਧਸੀ  
 ਵਹੁ ਪਾਵਕ ਮੈ ਅਤਿ ਲੀਨ ਭਈ ਨਹਿਜਾਤ ਲਹੀ ॥ ੨ ॥  
 ਛਲ ਕੀ ਸੀਯ ਸੋ ਛਲ ਕੋ ਮ੍ਰਿਗਵਾ ਪਿਖ ਹਾਸ ਉਠੀ ਅਪਨੇ  
 ਮੁਖ ਮਾਹੀਂ । ਢਿਗ ਰਾਮਕੀ ਜਾਇ ਅਧੀਨ ਭਈ ਪੁਨਿ  
 ਏਹੁ ਕਹਯੋ ਨਿਜ ਆਨਨ ਮਾਹੀਂ । ਇਹ ਰਾਮ ਪਿਖੋ ਮ੍ਰਿਗ  
 ਕਾਂਚਨ ਕੋ ਰਤਨਾਗਰ ਭੂਖਨ ਹੈ ਤਨ ਮਾਹੀਂ । ਬਹੁ ਬਿੰਦ  
 ਬਿਰਾਜਤ ਯਾ ਤਨ ਮੈਂ ਡਰਤੋ ਨਹਿ ਰੰਚ ਸੁ ਕਾਨਨ ਮਾਹੀਂ  
 ॥ ੩ ॥ ਅਬ ਫਾਂਧ ਤਿਨੇਂ ਮੁਹਿ ਦੇਹਪਤੀ ਕਰ ਖੇਲਨ ਘਾਸ  
 ਚੁਗੇ ਫੁਲਵਾਰੀ । ਤਬ ਰਾਮ ਸਰਾਸਨ ਲੈ ਕਰਮੈਂ ਲਘੁਭ੍ਰਾਤ  
 ਸਮੀਪ ਸੁ ਏਹੁ ਉਚਾਰੀ । ਬਨਤੂੰ ਯਤਨਾਂ ਕਰ ਸੀਯ ਰਖੀਂ  
 ਜਨਕਾ ਤਨੁਜਾ ਮਮ ਪ੍ਰਾਣ ਪਿਆਰੀ । ਇਹ ਹੈਂ ਛਲਵੰਤ  
 ਵਡੇ ਖਲ ਰਾਖਸ਼ ਸੀ ਮੁਗਧਾ ਤੁਮਰੀ ਰਖਵਾਰੀ ॥ ੪ ॥ ਇਹ  
 ਹੋਇ ਇਕਾਗਰ ਸੀਯ ਰਖੀਂ ਸੁ ਆਨੰਦਤ ਆਹਿ ਪਤਿਬ੍ਰਤ  
 ਬਾਰੀ । ਲਖਮੰਨ ਕਹਯੋ ਮ੍ਰਿਗ ਪੇਖ ਤਬੈ ਮ੍ਰਿਗਨਾਂਹਿ ਸੁਨੋਂ  
 ਤੁਮ ਰਾਮ ਮੁਰਾਰੀ । ਸੁ ਮਰੀਚ ਅਹੇ ਨ ਸੰਦੇਹ ਕਛੂ ਮ੍ਰਿਗ  
 ਯਾ ਬਿਧ ਕੇ ਨ ਰਚੇ ਮੁਖ ਚਾਰੀ । ਗਿਰਜਾ ਸੁਨਿ ਭ੍ਰਾਤ ਮੁ-



ਖਾਂਬੁਜ ਤੇ ਤਬ ਰਾਮ ਰਮਾਪਤਿ ਏਹ ਉਚਾਰੀ ॥ ੫ ॥ ਸ੍ਰੀ  
 ਰਾਮੋ ਵਾਚ ॥ ਜੁ ਮਰੀਚ ਅਹੇ ਤੁ ਹਨੋ ਖਿਨ ਮੈਂ ਮ੍ਰਿਗ ਜੋ ਤੁ  
 ਬਨੇਂ ਸੀਯ ਕੇ ਹਿਤ ਆਨੇਂ । ਤੁਮ ਸੀਯਾ ਕੋ ਪਾਲਨ ਨੀਠ  
 ਕਰੋ ਇਮ ਭਾਖ ਲਈ ਕਰ ਮਾਹਿੰ ਕਮਾਨੇਂ । ਮ੍ਰਿਗ ਕੋ ਅਨਧਾ  
 ਵਨ ਰਾਮ ਕੀਯੋ ਅਬ ਲੋ ਨਿਗਮਾਗਮ ਨੀਤ ਬਖਾਨੇਂ ।  
 ਜਿਨ ਮਾਹਿੰ ਰਹੇ ਨਿਤ ਮਾਇ ਸਦਾ ਜਗਦਾ ਕ੍ਰਿਤ ਜਾਸ ਬਿ  
 ਲੋਕ ਭੁਲਾਨੇਂ ॥ ੬ ॥ ਸੁ ਬਿਕਾਰ ਬਿਹੀਨ ਚਿਦਾਤਮ ਜੋ ਪਰਿ  
 ਪੂਰਣ ਐ ਮ੍ਰਿਗ ਕੇ ਹਿਤ ਧਾਏ । ਹਰਿ ਸੇਵਕ ਕੇ ਅਨਕੂਲ  
 ਸਦਾ ਗਿਰਜਾ ਭੁਵ ਮੰਡਲ ਬੇਦਨ ਗਾਏ । ਛਲ ਜਾਨ ਉਮਾਂ  
 ਸੀਯਾ ਕੇ ਹਿਤ ਰਾਮ ਧਏ ਮ੍ਰਿਗ ਕੋ ਬਲ ਪਾਦ ਉਠਾਏ ।  
 ਬਲ ਨਾਂਤਰ ਰਾਮ ਪਰਾਤਮ ਜੋ ਮ੍ਰਿਗ ਜਾਨਕੀ ਤੇ ਕਛੁ ਚਾ  
 ਹਤ ਪਾਏ ॥ ੭ ॥ ਸੁਸਮੀਪ ਕਦਾਚਿਤ ਡੀਠ ਪਰੇ ਖਿਣ ਧਾਵ  
 ਤ ਲੀਨ ਕਦਾਚਿਤ ਹੋਈ । ਪੁਨਿ ਦੂਰ ਦਿਖਾਵਤ ਰੂਪ ਉਮਾ  
 ਹਰਿ ਧਿਆਨ ਧਰੇ ਦ੍ਰਿਗ ਹੇਰਤ ਓਈ । ਜਗ ਧੰਨ ਮਰੀਚ  
 ਸੁ ਭਾਗ ਜਗੇ ਪਰਮਾਤਮ ਢੂੰਡਤ ਤਾਂ ਤਨ ਜੋਈ । ਤਬ ਰਾਮ  
 ਨਿਹਾਰ ਉਮਾ ਮਨ ਮੈਂ ਹਰਿ ਜਾਨ ਲਯੋ ਖਲ ਰਾਖਸ਼ ਸੋਈ ॥  
 ੮ ॥ ਸਰ ਏਕ ਹਨੇ ਮ੍ਰਿਗ ਰੂਪ ਵਹੀ ਧਰ ਪੂਰਬ ਰੂਪ ਗਿਰੇ  
 ਧਰਮਾਹੀਂ । ਮੁਖ ਮਾਹਿੰ ਮਰੀਚ ਕੇ ਸੋਨ ਬਹੇ ਸੁਰ ਹੇਰ ਤਬੇ  
 ਸਗਲੇ ਨਭ ਮਾਹੀਂ । ਬਿਧ ਹਾ ਮ੍ਰਿਤ ਮੋਹ ਭਈ ਇਨਤੇ  
 ਲਖਮੰਨ ਰਖੋ ਤੁਮ ਮੋ ਬਨ ਮਾਹੀਂ । ਇਹ ਭਾਂਤਿ ਉਚਾਰਗਿਰੇ  
 ਮੁਹਿਭਾਰ ਸੁ ਸੋਣਤ ਪੀਵਤ ਜਾ ਮੁਖ ਮਾਹੀਂ ॥ ੯ ॥ ਮਰਣੇਂ



ਜਿਹ ਨਾਮ ਚਿਤਾਰਤ ਹੀ ਤਜ ਦੇਹ ਮਿਲੇ ਨਰ ਰਾਮ ਪਿਆਰੇ  
 । ਅਬ ਕਜੋ ਨ ਮਿਲੇ ਵਹਿ ਰਾਖਸ਼ ਜੋ ਹਰਿ ਹੇਰਤਿ ਹੈ  
 ਹਰਿ ਹੀ ਤਿਨ ਮਾਰੇ । ਤਿਨਕੇ ਤਨਤੇ ਇਕ ਜੋਤ ਉਠੀ  
 ਸਭ ਕੇ ਪਿਖਤੇ ਮਿਲੀ ਰਾਮ ਮਝਾਰੇ । ਬਿਸਮੈਂ ਸੁਰ ਹੋਇ  
 ਰਹੇ ਸਗਲੇ ਮਿਲਕੈ ਇਹ ਭਾਂਤ ਬਿਚਾਰ ਬਿਚਾਰੇ ॥ ੧੦ ॥  
 ਸੁਕ੍ਰਿਤ ਕੌਨ ਕਰਜੇ ਇਨ ਰਾਖਸ਼ ਕੌਨ ਲਯੋ ਪਦ ਯਾ ਜਗ  
 ਮਾਹੀਂ । ਮੁਨਿ ਹਿੰਸਕ ਨੀਚ ਮਹਾਂ ਕਪਟੀ ਸੁ ਮਿਲਯੋ ਤਨ  
 ਛੋਰ ਪਰਾਤਮ ਮਾਹੀਂ । ਅਬਵਾ ਇਹ ਰਾਮ ਪ੍ਰਭਾਵ ਅਹੇ ਕਛੁ  
 ਰਾਖਸ਼ ਕੀ ਕ੍ਰਿਤ ਕੇ ਬਲੁ ਨਾਹੀਂ । ਸਰ ਰਾਮ ਸਰੀਰ ਹਨੇਂ  
 ਇਨਕੇ ਪੁਨਿ ਰਾਮ ਚਿਤਾਰਤ ਬੋ ਉਰ ਮਾਹੀਂ ॥ ੧੧ ॥ ਡਰ  
 ਰਾਮ ਕੇ ਛੋਰ ਦਈ ਸਗਲੀ ਗ੍ਰਹ ਕੀ ਕ੍ਰਿਤ ਰਾਮ ਭਜੇ ਉਰ  
 ਮਾਹੀਂ । ਰਿਦ ਰਾਮ ਕੇ ਧਿਆਨ ਧਰੇ ਸਦਹੀਂ ਸਭ ਪਾਪ  
 ਮਿਟਾਇ ਦਏ ਤਨ ਮਾਹੀਂ । ਦ੍ਰਿਗ ਰਾਮ ਨਿਹਾਰਤ ਰਾਮ  
 ਮਿਲੇ ਜੋ ਮਰੀਚ ਹਨੇਂ ਹਰਿ ਜੀ ਬਨ ਮਾਹੀਂ । ਦਿਜ ਰਾਖਸ਼  
 ਸੁਕ੍ਰਿਤਿ ਦੁਕ੍ਰਿਤ ਕੀ ਗਨਤੀ ਕਛੁ ਹੈ ਹਰਿ ਕੇ ਘਰ ਮਾਹੀ  
 ॥ ੧੨ ॥ ਅੰਤ ਕਲੇਵਰ ਰਾਮ ਤਜੇ ਵਹਿ ਰਾਮ ਮਿਲੇ ਯਹਿ  
 ਸਾਚੁ ਨਿਹਾਰੀ । ਆਪਸ ਮੈਂ ਇਮ ਭਾਖ ਸੁਰਾਸੁਰ ਆਪ  
 ਗਏ ਸੁਰ ਲੋਕ ਮਝਾਰੀ । ਰਾਮ ਬਡੀ ਉਰ ਚਿੰਤਬਢੀ ਮਰਣੇ  
 ਖਲ ਰਾਖਸ਼ ਕੀਨ ਉਚਾਰੀ । ਹਾ ਲਖਮੰਨ ਸੁ ਮੋ ਸਮ ਵਾਕ  
 ਕਹਯੋ ਇਨ ਰਾਕਸ਼ ਤੁੰਡ ਮਝਾਰੀ ॥ ੧੩ ॥ ਸੁਨਿ ਮੋ ਸਮ  
 ਵਾਕ ਬਿਦੇਹ ਸੁਤਾ ਬਧ ਕੀ ਉਪਜੇ ਤਿਨ ਚੀਤ ਮਝਾਰੀ ।



ਇਹ ਚਿੰਤ ਬਢੀ ਹਰਿ ਕੇ ਮਨ ਮੈਂ ਬਨ ਦੂਰ ਹਟੇ ਸੁ ਮੁਕੰਦ  
 ਮੁਰਾਰੀ । ਸੁਨਿ ਵਾਕ ਮਰੀਚ ਸੁ ਸੀਯ ਡਰੀ ਦੁਖ ਸਿੰਧ ਬਹੀ  
 ਲਖਮੰਨ ਉਚਾਰੀ । ਲਖਮੰਨ ਸਰਾਸਨ ਲੈਕਰ ਮੈਂ ਬਨ ਬੇਗ  
 ਧਸੋ ਤਵ ਭ੍ਰਾਤ ਪੁਕਾਰੀ ॥ ੧੪ ॥ ਰਾਖਸ਼ ਪੀੜ ਦਈ ਤਿਨ  
 ਕੇ ਮੁਖ ਹਾ ਲਖਮੰਨ ਸੁ ਰਾਮ ਕਹੇ । ਨਾਹਿ ਸੁਨੇ ਨਿਜ ਕਾਨਨ  
 ਤੂੰ ਬਲਿ ਬੁਧਿ ਕਹਾਂ ਮਮ ਦੂਖ ਦਹੇ । ਤਾਂ ਲਖਮੰਨ ਸੁ ਇਹ  
 ਕਹੀ ਇਹ ਰਾਘਵ ਕੇ ਮੁਖ ਵਾਕ ਨਹੇ । ਕੋਇਕ ਰਾਖਸ਼ ਰਾਮ  
 ਹਨੇ ਮਰਤੇ ਮੁਖਿ ਭੀਤਰ ਏਹ ਕਹੇ ॥ ੧੫ ॥ ਦੋਹਰਾ ॥  
 ਕ੍ਰੋਧ ਕਰੇ ਜਬ ਰਾਮ ਜੀ ਹਨੇ ਤਿਲੋਕੀ ਏਕ । ਸੋ ਕਿਮ ਵੀਨ  
 ਸੁ ਬੋਲ ਹੈਂ ਸੁਰ ਪੂਜੈਂ ਧਰ ਟੇਕ ॥ ੧੬ ॥ ਸਵੈਯਾ ॥  
 ਕ੍ਰੋਧ ਭਰੀ ਲਖਮੰਨ ਨਿਹਾਰ ਸੁ ਸੀ ਦ੍ਰਿਗ ਭੀਤਰ ਆਇਸ  
 ਵਾਰੀ । ਭ੍ਰਾਤ ਕੇ ਨਾਸ ਚਹੇਂ ਉਰ ਮੈ ਦੁਰਬੁਧਿ ਮਹਾਂ ਲਖ-  
 ਮੰਨ ਤਿਹਾਰੀ । ਕੈਕਈ ਨੰਦਨ ਤੂੰ ਪਠਿਓ ਮ੍ਰਿਤ ਰਾਮਹਿ ਕੀ  
 ਉਰ ਅੰਤਰ ਧਾਰੀ । ਜਾਨਕੀ ਨਾਂ ਤੁਮ ਹਾਥ ਚਰੈ ਪਿਖ ਪ੍ਰਾਣ  
 ਤਜੋਂ ਜਗ ਆਗ ਮਝਾਰੀ ॥ ੧੭ ॥ ਰਾਮ ਨ ਜਾਨਤ ਥੋ ਤੁਮ ਕੋ  
 ਪਤਿਨੀ ਹਮਰੀ ਬਨ ਲੇਵਨ ਆਏ । ਰਾਮ ਬਿਨਾ ਨਹਿ ਮੈ  
 ਪਰਸੋਂ ਤਨ ਜਾਨਕੀ ਯੋ ਮੁਖ ਸਾਚ ਅਲਾਏ । ਕੈਕਈ ਨੰਦਨ  
 ਐ ਤੁਮਕੋ ਕਿਹ ਭਾਂਤਿ ਛੁਹੇਂ ਜਨਕਾ ਤਮਜਾਏ । ਯੋ ਮੁਖਿ ਭਾਖ  
 ਸੁਬਾਹੁ ਹਨੇ ਉਰ ਜਾਨਕੀ ਨੈਨਨ ਨੀਰ ਬਹਾਏ ॥ ੧੮ ॥ ਯੋ ਸੁਨਿ  
 ਕੈ ਲਖਮੰਨ ਤਬੈ ਕਰ ਕਾਨਢਪੈ ਦੁਖ ਹੈ ਉਰ ਮਾਹੀਂ । ਮੋ  
 ਪ੍ਰਤਿ ਯੋਂ ਮੁਖਿ ਭਾਖਤ ਹੈ ਧ੍ਰਿਗ ਪਾਵਹਿਗੀ ਦੁਖ ਤੂੰ ਜਗ  
 ਮਾਹੀਂ । ਯੋਂ ਮੁਖ ਭਾਖ ਸੁ ਸੀ ਅਰਪੀ ਤਬ ਕਾਰ ਦੀਏ ਸੁ ਗਯੋ



ਬਨ ਮਾਹੀਂ । ਦੁਖ ਲਗੇ ਉਰ ਭੀਤਰ ਤਾਂ ਹਰਏ ਹਰਏ ਬਨ  
 ਰਾਮ ਜਹਾਹੀ ॥ ੧੯ ॥ ਤਬ ਅੰਤਰਿ ਖਾਇ ਸੁ ਰਾਵਨ ਨੇ ਖਲ  
 ਭਿਖਕ ਰੂਪ ਧਰਜੇ ਤਨ ਮਾਹੀਂ । ਜਨਕਾ ਤਨੁ ਜਾ ਵਿਗ ਆਇ  
 ਖਰੇ ਪੁਨ ਦੰਡ ਕਮੰਡਲ ਹੈ ਕਰ ਮਾਹੀਂ । ਤਬ ਸੀਯ ਬਿਲੋਕ  
 ਸੁ ਆਪ ਉਠੀ ਲਖ ਸੰਤ ਕਰੇਂ ਪੁਨਿ ਪੂਜਨ ਤਾਹੀਂ । ਫਲ  
 ਮੂਲ ਵਏ ਤਿਨ ਖਾਵਨ ਕੇ ਪੁਨਿ ਸ੍ਵਾਗਤ ਆਪ ਕਹਜੇ ਮੁਖ  
 ਮਾਹੀਂ ॥ ੨੦ ॥ ਤੋਟਕ ਛੰਦ ॥ ਮੁਨਿ ਜੂ ਤੁਮ ਭੋਜਨ ਬੈਠ  
 ਕਰੇ । ਸੁਖ ਠੋਰ ਵਸੇ ਦੁਖ ਦੂਰ ਹਰੇ । ਪਤਿ ਮੇ ਬਨਮੈ ਅਬ  
 ਆਵਹਿੰਗੇ । ਤਵ ਸੇਵ ਵਿਸੇਖ ਕਰਾਵਹਿੰਗੇ ॥ ੨੧ ॥  
 ਭਿੱਖਕਵਾਰ ॥ ਸ੍ਰੈਯਾ ॥ ਵਾਰਜ ਨੈਨਨ ਕੋਨ ਤੁਮੈ ਅਰ ਕੇ ਪਤਿ  
 ਹੈ ਤੁਮਰੇ ਜਗ ਮਾਹੀਂ । ਕਾਨਨ ਮੈ ਕਿਮ ਵਾਸ ਕਰੇ ਬਹੁ  
 ਰਾਖਸ਼ ਨੀਤ ਫਿਰੇਂ ਜਿਨ ਮਾਹੀਂ । ਮੋਹਿ ਕਹੇ ਸਭ ਤੂੰ ਕਲ-  
 ਯਾਨ ਨ ਹੈ ਰਜ ਵੰਸਨ ਕੇ ਘਰ ਮਾਹੀਂ । ਉ ਤਮ ਅੰਗ ਸਭੈ  
 ਤੁਮਰੇ ਰਿਖ ਨਾਰਨ ਕੇ ਯਹਿ ਲੱਖਣ ਨਾਹੀਂ ॥ ੨੨ ॥ ਸੀਤੋਵਾਰ  
 ਸਵੈਯਾ ॥ ਔਧਿਪਤੀ ਇਕ ਭੂਪ ਬਲੀ ਦਸਰਬ ਤਨੇ ਸਭ  
 ਲੋਕ ਬਖਾਨੇਂ । ਹੈਂ ਸੁਤ ਰਾਮ ਬਡੇ ਤਿਨਕੇ ਸੁਭ ਲੱਖਣ  
 ਔ ਬਲ ਕੈ ਸੁ ਨਿਧਾਨੇਂ । ਮੈ ਪਤਿਨੀ ਤਿਨਕੀ ਜਗ ਮੈਂ  
 ਜਨਕਾ ਤਨੁ ਜਾ ਮੁਹਿ ਲੋਕ ਬਖਾਨੇ । ਭ੍ਰਾਤ ਅਹੈ ਲਘੁ ਜੋ ਤਿਨ ਕੇ  
 ਲਖਮੰਨ ਕਹੇਂ ਬਲ ਬੁਧ ਸਮਾਨੇ ॥ ੨੩ ॥ ਚੋਪਈ । ਪਿਤ  
 ਆਗਯਾ ਉਰ ਰਾਮ ਸੁ ਧਾਰੀ । ਆਏ ਦੰਡਕ ਵਿਪਨ  
 ਮਝਾਰੀ । ਚੋਦਾਂ ਬਰਖ ਕਰੇ ਬਨ ਬਾਸਾ । ਤੁਮ ਨਿਜ ਨਾਮ ਸੁ



ਕਰੇ ਪ੍ਰਕਾਸਾ ॥ ੨੪ ॥ ਭਿੱਖਕ ਉਵਾਰ ॥ ਚੌਪਈ ॥  
 ਪੈਲਸਤ ਤਨੇ ਰਾਂਵਣ ਮੁਹਿ ਭਾਨੇ । ਰਾਖਸ਼ ਰਾਜ ਸਭੈ ਮੁਹਿ  
 ਜਾਨੇ ॥ ਤੇਰੇ ਕਾਮ ਸੁ ਮੋਹਿ ਤਪਾਯੋ ॥ ਤੋਕੇ ਲੇਵਨ ਮੈਂ ਬਨ  
 ਆਯੋ ॥ ੨੫ ॥ ਸਵੈਯਾ ॥ ਮੁਨਿ ਭੇਖ ਧਰੇ ਬਨ ਰਾਮ  
 ਫਿਰੇ ਤਿਨ ਸੰਗਿ ਕਹਾਂ ਸੁਖ ਤੇ ਬਨ ਬਾਰੇ । ਅਬ ਮੋਹਿ ਭਜੋ  
 ਤਜ ਦੂਖ ਸਭੈ ਸਭ ਭੋਗਨ ਭੋਗ ਸੁ ਜੇ ਜਗ ਸਾਰੇ । ਸੁਨਿ  
 ਸੀ ਦਸਕੰਧਰ ਵਾਕ ਤਬੈ ਮਨ ਭੀਤ ਭਈ ਮੁਖਿ ਏਹ ਉਚਾਰੇ  
 ॥ ਇਮ ਮੇ ਖਲ ਭਾਖਤ ਤੂੰ ਬਨ ਮੈ ਰਘੁਬੀਰ ਬਲੀ ਤੁਮਕੋ  
 ਰਣ ਮਾਰੇ ॥ ੨੬ ॥ ਆਵਹਿੰਗੇ ਅਬ ਸਾਨੁਜ ਰਾਮ ਜੁ ਤੂੰ  
 ਖਿਣ ਭੀਤਰ ਠਾਢ ਰਹੇ । ਕੇ ਮਮ ਧਾਰ ਸਕੈ ਬਨਮੈ ਹਰਿ  
 ਨਾਰ ਯਥਾ ਸਸਿ ਕਾਨ ਗਹੇ । ਰਾਘਵ ਬਾਣ ਵਭਿੰਨ ਤਨੂੰ  
 ਧਰ ਮਾਂਹਿ ਗਿਰੇ ਫਲ ਬੋਲ ਲਹੇ । ਸੀ ਬਤੀਆਂ ਸੁਨ ਕੈ  
 ਗਿਰਜਾ ਦਸਕੰਧਰ ਕ੍ਰੋਧ ਸੁ ਦੇਹ ਦਹੇ ॥ ੨੭ ॥ ਤਜਿ  
 ਭਿਖਕ ਰੂਪ ਸੁ ਰੂਪ ਗਹੇ ਗਿਰਸੋ ਤਨ ਹੈ ਮੁਖ ਭੀਤਰਿ ਗਾਜੇ  
 । ਦਸ ਆਨਨ ਅੰ ਪੁਨਿ ਬੀਸ ਭੁਜਾਂ ਤਨ ਕੀ ਦੁਤਿ ਸੋ ਘਨ  
 ਕੀ ਦੁਤਿ ਲਾਜੇ । ਤਿਨ ਹੇਰ ਡਰੀ ਬਨ ਦੇਵ ਸਭੈ ਅਰਭੂਤ  
 ਦਸੋ ਦਿਸ਼ ਕੋ ਉਠ ਭਾਜੇ । ਤਬ ਫੋਰ ਧਰਾ ਨਖ ਬਿੰਦਨਕੈ  
 ਜਹਿ ਸੀਯ ਹੁਤੀ ਗਿਰ ਸੀ ਕਰ ਛਾਜੇ ॥ ੨੮ ॥ ਤੋਲ ਧਰਾ  
 ਰਬ ਮਾਂਹਿ ਧਰੀ ਅਤਿ ਬੇਗ ਚਲੇ ਨਭਿ ਮੰਡਲ ਮਾਹੀਂ । ਹਾ  
 ਰਘੁਬੀਰ ਸੁ ਹਾ ਲਖਮੰਨ ਕਹੇ ਜਨਕਾ ਤਨਜਾ ਮੁਖ ਮਾਹੀਂ ।  
 ਰੋਵਤ ਦੀਨ ਭਈ ਮਨ ਮੈ ਧਰ ਰੂਪ ਨਿਹਾਰਤ ਨੈਨਨਮਾਹੀਂ



। ਸੀਯ ਕੋ ਰੋਦਨ ਦੀਨ ਮਹਾਂ ਸੁ ਜਟਾਊ ਸੁਨਿਓ ਨਿਜ  
 ਕਾਨਨ ਮਾਹੀਂ ॥ ੨੯ ॥ ਬੇਗ ਉਠੇ ਸੁ ਜਟਾਯੁ ਬਲੀ ਨਖ  
 ਤੀਖਨ ਮੁੰਡ ਕੁਪੇ ਉਰ ਮਾਹੀਂ । ਤਿਸੁ ਸੁ ਤਿਸੁਟ ਕਹਯੋ ਮੁਖ  
 ਤੇ ਇਹ ਕੋ ਪੁਨਿ ਜਾਵਤ ਹੈਂ ਬਨ ਮਾਹੀਂ । ਤੂੰ ਜਗ ਨਾਥ  
 ਕੀ ਨਾਰਿਹਰੀ ਖਲ ਨਾਥ ਨਹੀਂ ਅਪਨੇ ਘਰ ਮਾਹੀਂ । ਕੂਕਰ  
 ਜਿਉਂ ਪੁੜ ਰਾਸ ਬਲੀ ਅਤਿ ਪਾਵਨ ਨੀਚ ਹਰੇ ਮੁਖ ਮਾਹੀਂ  
 ॥ ੩੦ ॥ ਇਹ ਭਾਂਤਿ ਉਚਾਰ ਸੁ ਚੌਚ ਚਲਾਇ ਸੁ ਤੋੜ ਦਯੋ  
 ਰਥ ਰਾਵਨ ਕੋ । ਪਦ ਕੇ ਨਖ ਤੀਖਨ ਫੇਰ ਦਯੋ ਖਗ ਤੋਰ  
 ਦਯੋ ਧਨੁ ਵਾਹਨ ਕੋ । ਤਜ ਸੀਯ ਸੁ ਰਾਵਨ ਖਗ ਲਏ ਸੁ  
 ਜਟਾਯੁ ਜੁਟੇ ਗਲਿ ਲਾਵਨ ਕੋ । ਕਰ ਕ੍ਰੋਧ ਕਟੇ ਤਿਨ ਪੰਖ  
 ਦੁਊ ਸਿਰ ਸੇਖ ਰਹੇ ਸੁ ਬਤਾਵਨ ਕੋ ॥ ੩੧ ॥ ਇਤ ਜਾਇ  
 ਜਟਾਯੁ ਪਰੇ ਧਰ ਮੈਂ ਕਛੁ ਪ੍ਰਾਨ ਰਹੇ ਤਿਨਕੇ ਤਨ ਮਾਹੀਂ ।  
 ਉਤ ਰਾਵਣ ਓਰ ਚਢੇ ਰਥਮੈਂ ਗਹਿ ਸੀਯ ਗਏ ਨਭਿ ਮੰਡਲ  
 ਮਾਹੀਂ । ਮੁਖ ਰਾਮਹਿ ਰਾਮ ਸੁ ਸੀਯ ਕਹੇ ਅਤਿ ਰੋਵਤ ਰੱਖਕ  
 ਪਾਵਤ ਨਾਹੀਂ । ਮੁਖ ਹਾ ਰਘੁਬੀਰ ਪੁਕਾਰਤ ਹੈ ਮੁਹਿ ਰਾਮ  
 ਨਿਹਾਰਤ ਨਾਂ ਬਨ ਮਾਹੀਂ ॥ ੩੨ ॥ ਸਵੈਯਾ ॥ ਰਾਖਸ਼ ਲੈ  
 ਬਨ ਰਾਮ ਚਲੇ ਪਤਿਨੀ ਤੁਮਰੀ ਤੁਮ ਲੇਹੁ ਛੁਡਾਈ । ਹਾ  
 ਲਖਮੰਨ ਸੁ ਭਾਗ ਬਡੇ ਅਪਰਾਧਨ ਕੋ ਤੁਮ ਲੇਹੁ ਬਚਾਈ  
 । ਵਾਕ ਸਿਲੀ ਮੁਖ ਮੋਹ ਹਤੇ ਤੁਮ ਦੇਵਰ ਮੋਹ ਪਿਖੋ ਅਬ ਆਈ  
 । ਰੋਵਤ ਯੋਂ ਮੁਖ ਭੀਤਰ ਸੀ ਡਰ ਰਾਮਹਿਕੇ ਗਹਿ ਬੇਗ  
 ਚਲਾਈ ॥ ੩੩ ॥ ਬੇਗ ਪ੍ਰਭੰਜਨ ਜਾਤ ਭਯੋ ਗਹਿ ਸੀ ਦਸ



ਕੰਧਰ ਜੋ ਨਭ ਮਾਹੀਂ । ਸੀਯ ਨਿਹਾਰ ਅਧੋਮੁਖ ਬਾਨਰ  
 ਪਾਂਚ ਬਿਰਾਜਤ ਥੇ ਬਨ ਮਾਹੀਂ । ਭੂਖਨ ਤਾਰ ਕਛੂ ਤਨ ਤੇ  
 ਪਟ ਪਾੜ ਸੁ ਬਾਂਧ ਬਗਾਇ ਤਹਾਹੀਂ । ਰਾਮ ਕਹੇ ਇਕ ਨਾਰ  
 ਗਈ ਸੁ ਹਰੀ ਦਿਸ ਦੱਖਣ ਯਾ ਪਥ ਮਾਹੀਂ ॥ ੩੪ ॥ ਤਬਲੰਘ  
 ਪਯੋਨਿਧ ਲੰਕ ਗਏ ਦਸਕੰਧਰ ਸੀਯ ਧਰੀ ਪੁਰ ਮਾਹੀਂ ।  
 ਸੁ ਅਸ਼ੋਕ ਬਨੀ ਅਤਿ ਸੁੰਦਰ ਮੈ ਸੁਭ ਤਾਲ ਤਮਾਲ ਲਗੇ  
 ਜਿਨ ਮਾਹੀਂ । ਤਹਿ ਰਾਖ ਸੀਯਾ ਰਖਵਾਰੀ ਕਰੇ ਦਸਕੰਧਰ  
 ਮਾਤ ਪਿਖੇ ਉਰ ਮਾਹੀਂ । ਕ੍ਰਿਸ ਦੀਨ ਭਈ ਅਤਿ ਆਰਤਹੈ  
 ਨਹਿ ਬਾਲ ਗੁੰਦਾਵਤ ਹੈ ਸਿਰ ਮਾਹੀਂ ॥ ੩੫ ॥ ਵੋਹਰਾ ॥  
 ਸੁਸਕ ਵਦਨ ਅਤਿ ਬਜਾਕੁਲਾ ਹਾਹਾ ਰਾਮ ਪੁਕਾਰ । ਰਾਖਸ ਮੈ  
 ਸੀਤਾ ਬਸੈ ਬਿਲਪਤ ਨੈਨਨ ਵਾਰ ॥ ੩੬ ॥

ਇਤਿ ਸ੍ਰੀਮਤਿ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸੁਰ  
 ਸੰਬਾਏ ਆਰੰਠ ਕਾਂਡੇ ਸਪਤਮੇ ਧਿਆਇ ॥ ੭ ॥

### ਸ੍ਰੀ ਮਹਾਦੇਵ ਉਵਾਚ

ਸਵੈਯਾ ॥ ਇਹ ਰਾਖਸ ਕਾਮ ਕੋ ਰੂਪ ਧਰੇ ਫਲ ਕੋ  
 ਮ੍ਰਿਗਵਾ ਬਨ ਰਾਘਵ ਮਾਰੇ । ਤਬ ਰਾਮ ਹਟੇ ਬਨ ਤੇ ਘਰ ਕੋ  
 ਅਤਿ ਦੂਰਹਿ ਤੇ ਲਘੁ ਭ੍ਰਾਤ ਨਿਹਾਰੇ । ਮੁਖ ਸੂਕ ਰਹੇ ਅਤਿ  
 ਦੀਨ ਭਏ ਲਖਮੰਨ ਬਲੀ ਬਨ ਪੰਥ ਮਝਾਰੇ । ਵਹ ਜਾਨ  
 ਸਭਾ ਬਿਧ ਰਾਮ ਬਲੀ ਮਨ ਆਪਨ ਮਾਹ ਬਿਚਾਰ ਬਿਚਾਰੇ  
 ॥੧॥ ਲਖਮੰਨ ਨ ਜਾਨਤ ਬਾਤ ਕਛੂ ਬਨ ਮੈ ਸੀਯ ਜੋ ਫਲ



ਕੀ ਸੁ ਬਨਾਈ । ਜਨ ਪ੍ਰਾਕ੍ਰਿਤ ਜਿਉਂ ਅਬ ਸੋਚ ਕਰੋ  
 ਸੁ ਕਰੋ ਲਖਮੰਨਕੀ ਆਜੁ ਠਗਾਈ । ਜਬਮੈ ਅਬ ਤੂੰ ਸੁਨਿ  
 ਮੰਦਰ ਮੈ ਤਜਿ ਸੋਕ ਰਹੋ ਬਨ ਮੈ ਠਹਰਾਈ । ਤਬ ਰਾਕਸ਼  
 ਕੋਟ ਮਰੈ ਕਿਹ ਭਾਂਤਿ ਪਿਖੋ ਅਬ ਔਰ ਸੁ ਰੀਤ ਨ ਕਾਈ ॥  
 ੨ ॥ ਕਾਮਕ ਜਿਉਂ ਦੁਖ ਭਾਰ ਭਏ ਸੀਯ ਸੋਚ ਕਰੋ ਮਨ  
 ਮੈ ਅਕੁਲਾਵੇਂ । ਢੂੰਡਤ ਢੂੰਡਤ ਸੀ ਬਨ ਮੈ ਤਬ ਮੈ ਅਸੁਰਾ  
 ਇਨ ਮੈ ਕੁਪਿ ਜਾਵੇਂ । ਰਾਵਣ ਕੋ ਕੁਲ ਕੇ ਸਹਿ ਮਾਰ ਸੁ  
 ਪਾਵਕ ਮੈ ਨਿਜ ਜਾਨਕੀ ਪਾਵੇਂ । ਮੋਹਧਰੀ ਗਹਿ ਮੈ ਤਿਨ ਕੋ  
 ਪੁਨਿ ਔਧਪੁਰੀ ਸੁਖ ਸੋ ਘਰ ਜਾਵੇਂ ॥ ੩ ॥ ਚਤੁਰਾਨਨ ਮੇ  
 ਬਿਨਤੀ ਸੁ ਕਰੀ ਮਮ ਮਾਨੁਖ ਰੂਪ ਸੁ ਆਪ ਸਵਾਰੇ ॥ ਗਹਿ  
 ਮਾਨੁਖ ਭਾਵ ਸੁ ਬਾਸ ਕਰੋਂ ਕਛੁ ਕਾਲ ਈਹਾਂ ਅਬਿ ਭੂਮ  
 ਮਝਾਰੇ । ਜਗ ਮਾਨੁਖ ਭਾਵ ਕੀ ਮੇ ਚਰਯਾ ਸੁਨ ਹੈ ਭਵ  
 ਮੰਡਲ ਜੀਵ ਉਦਾਰੇ ! ਤਜਿ ਬੰਦਨ ਤੇ ਭਵ ਮੋਖ ਲਹੇ ਨ  
 ਸਹੇ ਭਵ ਭੀਤਰ ਤੇ ਦੁਖ ਭਾਰੇ ॥ ੪ ॥ ਯੋ ਮਨ ਮੈ ਠਹਰਾਇ  
 ਭਲੋ ਤਬ ਆਵਤ ਰਾਮ ਸੁ ਭ੍ਰਾਤ ਨਿਹਾਰੇ । ਕਾ ਹਿਤ ਜਾਨਕੀ  
 ਤੇਹਿ ਤਜੀ ਲਖਮੰਨ ਕਹਯੋ ਇਮ ਰਾਮ ਉਚਾਰੇ ॥ ਕੈਕਿਨ  
 ਰਾਖਸ਼ ਸੀਯ ਹਰੀ ਪੁਨਿ ਕੈ ਜਨਕਾਤਨਜਾ ਗਯੋ ਮਾਰੇ ।  
 ਰਾਮ ਕਹਯੋ ਜਬ ਯਾ ਮੁਖ ਤੇ ਕਰ ਜੋਰ ਸੀਯਾ ਬਚ ਭ੍ਰਾਤ  
 ਉਚਾਰੇ । ਪ॥ ਹਾ ਲਖਮੰਨ ਕਹਯੋ ਮੁਖ ਰਾਖਸ਼ ਸੋ ਹਰਜੀ ਹਮ  
 ਹੂੰ ਸੁਨ ਪਾਏ । ਤੇ ਬਚ ਸੋਂ ਸੁਨਿ ਸੋ ਅਵਨੀ ਦੁਹਿਤਾ ਮਮ  
 ਜਾਹ ਸੁ ਏਹ ਅਲਾਏ । ਰੋਇ ਉਠੀ ਤਬ ਮੋਹਿ ਕਹਯੋ ਬਚ



ਰਾਖਸ਼ ਕੋ ਤੁਮ ਕਿਯੋਂ ਦੁਖ ਪਾਏ । ਰਾਮ ਕਹੇ ਨਹਿ ਯੋਂ ਕਬ  
 ਹੀ ਮੁਖਿ ਸੋਭਨ ਤੂੰ ਸੁ ਪਿਖੋ ਘਰ ਆਏ ॥ ੬ ॥ ਇਹ ਭਾਂਤਿ  
 ਕਹਯੋ ਜਬ ਮੈ ਤਿਨ ਕੋ ਤਬ ਫੇਰ ਕਹਯੋ ਤਿਨ ਯੋਂ ਮੁਖ ਮਾ  
 ਹੀਂ । ਅਬ ਸੋ ਨਹਿ ਵਾਕ ਵਖਾਨ ਸਕੋਂ ਵਹਿ ਆਹਿ ਅਵਾਰ  
 ਸੁ ਤੇ ਢਿਗ ਮਾਹੀਂ । ਕਰ ਸੋ ਮਮ ਕਾਨ ਦਬੋ ਦਬਹੀਂ ਤੁਮ  
 ਪੇਖਨ ਕੋ ਸੁ ਅਯੋ ਬਨ ਮਾਹੀਂ । ਤਬ ਰਾਮ ਕਹਯੋ ਲਖਮੰਨ  
 ਉਮਾਂ ਸੁਨਿ ਤੱਦਪ ਤੋਹਿ ਕੀਓ ਕਛੁ ਨਾਹੀਂ ॥ ੭ ॥ ਤੁਮ  
 ਜੋਖਤ ਵਾਕ ਸੁ ਸੱਤ ਗਹੇ ਪੁਨਿ ਤਯਾਗ ਕਰਯੋ ਤਿਨਕੋ ਬਨ  
 ਮਾਹੀਂ । ਅਬ ਕੈ ਕਿਨ ਰਾਖਸ਼ ਸੀਯ ਹਰੀ ਪੁਨਿ ਕੈ ਕੋਊ  
 ਖਾਇ ਗਯੋ ਮੁਖ ਮਾਹੀਂ । ਇਹ ਚਿੰਤ ਬਢੀ ਰਘੁ ਬੀਰ ਬਲੀ  
 ਕਰ ਬੇਗ ਅਏ ਨਿਜ ਆਸ਼੍ਰਮ ਮਾਹੀਂ । ਜਨਕਾ ਤਨੁਜਾ ਨਹਿ  
 ਤਾਹਿ ਪਿਖੀ ਸੁ ਬਿਲਾਪ ਕਰੇਂ ਦੁਖ ਹੈ ਉਰ ਮਾਹੀਂ ॥ ੮ ॥  
 ਸ਼ੰਕਰ ਛੰਦ ॥ ਹਾ ਜਾਨਕੀ ਅਤਿ ਸੁੰਦਰੀ ਕਹਿ ਗਈ  
 ਆਸ਼੍ਰਮ ਛੋਰ ॥ ਕੈ ਨੀਲ ਤੂੰ ਬਨ ਮੈ ਭਈ ਮਮ ਹਾਸ ਹਿਤ  
 ਮਨਤੋਰ । ਇਮ ਰਾਮ ਢੂੰਢੇ ਜਾਨਕੀ ਬਨਮਾਹਿ ਪਾਵੇ ਨਾਹਿ  
 । ਬਨ ਦੇਵੀਯੋ ਤੁਮ ਮੈ ਕਹੋ ਕਹਿ ਜਾਨਕੀ ਅਬ ਆਹਿ  
 ॥੯॥ ਮ੍ਰਿਗ ਪਾਦ ਪਾਲਿ ਵਿਹੰਗਮੋ ਤੁਮ ਦੇਹ ਮੋਹਿ ਬਤਾਇ ।  
 ਇਹ ਭਾਂਤਿ ਬਿਲਪ ਸੁ ਰਾਮ ਜੀ ਸੀਯ ਹੋਰ ਹੈਂ ਨਹਿ ਪਾਇ  
 । ਸਰਬੱਗ ਸੋ ਰਘੁਨੰਦਨਾ ਪਰ ਸੀਯ ਪਾਵਹਿ ਨਾਹਿ ।  
 ਆਨੰਦ ਸੋ ਅਨ ਸੋਚ ਹੈਂ ਅਚੱਲ ਦੋਰੇ ਜਾਹਿ ॥ ੧੦ ॥  
 ਚੋਪਈ ॥ ਨਿਰ ਮਮ ਨਿਰ ਹੰਕਾਰ ਸੁਰਾਮਾ । ਅਖੰਡ



ਅਨੰਦ ਸਦਾ ਚਿਦ ਧਾਮਾ । ਮਮ ਜਾਯਾ ਸੀਤਾ ਯੋ ਕਹੇਂ । ਦੁਖ  
 ਸਾਗਰ ਕੇ ਅੰਤ ਨ ਲਹੇਂ ॥ ੧੧ ॥ ਯਾ ਬਿਧਿ ਮਾਯਾ ਨਰ  
 ਤਨਧਾਰੀ । ਫਿਰੇਰਘੂਤਮ ਵਿਪਨ ਮਝਾਰੀ । ਜਾਂ ਪਦ ਪੰਕਜ  
 ਭਏ ਬਿਧਾਤਾ । ਮੁਨਿ ਸਨਕਾਦਿਕ ਐ ਰਿਖ ਸਾਤਾ ॥ ੧੨  
 ॥ ਦੋਹਰਾ ॥ ਹੈ ਅਸੰਗ ਸਹ ਸੰਗ ਸੇ ਮੂੜੁ ਪਛਾਨੇ ਰਾਮ ।  
 ਤਤ ਗਿਆਨੀ ਰਾਮ ਕੋ ਲਖੇ ਪਰਾਤਮ ਧਾਮ ॥ ੧੩ ॥  
 ਚੌਪਈ ॥ ਯਾ ਬਿਧਿ ਸੀਯ ਹਰਿ ਬਨ ਮੈ ਟੋਲੈਂ । ਲਖਮਣ  
 ਸਹਿਤ ਬਯਾਕੁਲ ਡੋਲੈਂ । ਨਭ ਕੀ ਓਰ ਨ ਡੀਠ ਪਸਾਰੇਂ  
 । ਸੂਰਜ ਤੇ ਉਰ ਲਜਾ ਧਾਰੇਂ ॥ ੧੪ ॥ ਸ਼ੰਕਰ ਛੰਦ ॥ ਰਬ  
 ਚਕਰ ਚਾਂਪ ਸੁ ਕੂਬਰੰ ਭੂ ਭਗਨ ਠਾਮ ਨਿਹਾਰ । ਦੇਖ ਲਖਮਣ  
 ਭ੍ਰਾਤ ਭ੍ਰਿ ਇਮ ਰਾਮ ਕੀਨ ਉਚਾਰ ॥ ਕੋ ਲੇ ਚਲੇ ਥੇ ਜਾਨਕੀ  
 ਤਿਨ ਜੀਤ ਲੀਨੀ ਆਨ । ਕਛੁ ਭੂਮ ਆਗੇ ਟਾਮ ਜੀ ਪੁਨਿ  
 ਗਏ ਏਹੁ ਬਖਾਨ ॥ ੧੫ ॥ ਸਵੈਯਾ ॥ ਤਨ ਹੈ  
 ਗਿਰ ਸੇ ਮੁਖ ਸੋਣ ਭਰੇ ਤਿਨ ਪੇਖ ਸੁ ਰਾਘਵ ਏਹੁ ਅਲਾਈ ।  
 ਜਨਕਾ ਤਨੁਜਾ ਸੁਭ ਲੱਖਣ ਜੋ ਲਖਮੰਨ ਸੁਨੋ ਇਹ  
 ਹੈਗਨ ਖਾਈ । ਪਿਖ ਯਾਹਿ ਨਿਸਾਰ ਪ੍ਰਾਣ ਹਨੋ ਅਬ ਸੋਇ  
 ਰਹੇ ਸੁ ਇਕੰਤ ਅਗਾਈ । ਅਬ ਬਾਨ ਸਰਾਸਨ ਮੋਹਿ ਦਿਜੇ  
 ਰਘੁਨੰਦ ਬਨੇਂ ਨਹਿ ਢੀਲ ਲਗਾਈ ॥ ੧੬ ॥ ਸੁਨਿ ਰਾਮ  
 ਕੇ ਵਾਕ ਜਟਾਯੁ ਡਰੇ ਅਤਿ ਦੀਨ ਭਏ ਮੁਖ ਏਹ ਉਚਾਰੀ ।  
 ਨਹਿ ਮਾਰ ਹਮੇਂ ਹਮ ਵੈਵ ਹਨੇ ਕਲਿਆਨ ਤੁਮੇਂ ਸੁ  
 ਮੁਕੰਦ ਮੁਰਾਰੀ । ਮੁਹਿ ਨਾਮ ਜਟਾਯੁ ਸੁ ਤੇ ਪਤਨੀ ਜਨਕਾ



ਤਨੁਜਾ ਗੁਣ ਸੀਲ ਉਦਾਰੀ । ਦਸਕੰਧਰ ਸੋ ਬਨ ਮਾਹਿ  
 ਹਰੀ ਤਿਨ ਸੰਗ ਭਿਰੇ ਹਮ ਰਾਮ ਸੁ ਭਾਰੀ ॥੧੭॥ ਮੈ ਤਿਨ  
 ਬਾਹਨਿ ਸਿੰਧਨ ਚਾਂਪ ਸੁ ਕਾਟ ਭਲੇ ਧਰ ਮਾਹਿ ਗਿਰਾਏ ।  
 ਮਾਰ ਗਿਓ ਮਮ ਪ੍ਰਾਣ ਤਜੋ ਪਿਖ ਭਾਗ ਭਲੇ ਤੁਮਹੂੰ ਅਬ  
 ਆਏ । ਯੋ ਸੁਨਿ ਰਾਮ ਜਟਾਯੁ ਕਥਾ ਅਤਿ ਦੀਨ ਖਗੋਸ  
 ਗਲੇ ਅਸੁ ਲਾਏ । ਰਾਮ ਛੁਏ ਤਿਨ ਹਾਥਨ ਕੈ ਅਤਿ ਦੁਖ ਭਯੋ  
 ਜਲ ਨੈਨ ਬਹਾਏ ॥ ੧੮॥ ਆਹਿ ਸੁ ਭਾਮਨ ਮੇਂ ਪਤਨੀ ਬਨ  
 ਕਾਹਿ ਹਰੀ ਸੁ ਜਟਾਯੁ ਸੁ ਦੇਰੋ । ਤੂੰ ਮਮ ਕਾਜ ਰਤੋ ਬਨ  
 ਮੈ ਪ੍ਰਿਯਾ ਬਾਂਧਵ ਤੂੰ ਜਗ ਭੀਤਰ ਮੇਰੋ । ਰਾਮ ਜਟਾਯੁ ਕਹੇ  
 ਬਤੀਆਂ ਮੁਖ ਮਾਹਿ ਸੁ ਸੋਲਤ ਜਾਹਿ ਘਨੇਰੋ । ਰਾਵਨ ਰਾ  
 ਖਸ਼ ਰਾਜ ਕਰੇ ਹਰਿ ਸੀਯ ਗਏ ਤੁਮ ਸੋਧ ਸਵੇਰੋ ॥ ੧੯ ॥  
 ਦਿਸ ਵਖਣ ਸੀਯ ਗਈ ਤੁਮਰੀ ਅਬ ਜੋਰ ਨਹੀਂ ਮਮ  
 ਬੋਲਨ ਕੋ । ਅਬ ਪ੍ਰਾਣ ਤਜੋਂ ਤੁਮ ਰਾਮ ਅਏ ਹਮਰੇ ਜਗ  
 ਬੰਧਨ ਖੋਲਨ ਕੋ । ਤੁਮ ਈਸੁਰ ਤੇ ਪਦ ਕੰਜਨ ਕੀ ਇਹ  
 ਰੇਣ ਕਹਾਂ ਜਗ ਲੋਕਨ ਕੋ । ਇਹ ਰੂਪ ਨਿਹਾਰ ਮਿਟੇ ਅਘ  
 ਭਾਰ ਫਿਰੋ ਬਨ ਮੈ ਸੀਯ ਟੋਲਨ ਕੋ ॥ ੨੦ ॥ ਚੌਪਈ ॥  
 ਭਲਾ ਭਯਾ ਤੁਮ ਰਾਮ ਨਿਹਾਰੇ । ਮਰਣ ਸਮੇਂ ਜਨ ਕੇ  
 ਅਘਟਾਰੇ । ਤੂੰ ਪਰਮਾਤਮ ਬਿਸ਼ਨ ਅਨੂਪ । ਮਾਯਾ ਕਰ ਭਏ  
 ਮਨੁਜ ਸਰੂਪ ॥ ੨੧ ॥ ਅੰਤਕਾਲ ਤਵ ਦਰਸ਼ਨ ਪਾਏ । ਰਘੁਪਤ  
 ਤੁਮ ਮੇਂ ਬੰਧ ਮਿਟਾਏ । ਮੈ ਤਨ ਰਾਮ ਲਗਾਵੈ ਹਾਥ । ਮੈਂ  
 ਤੇ ਪਦ ਜਾਵੈਂ ਰਘੁਨਾਥ ॥ ੨੨ ॥ ਰਾਮ ਤਥਾ ਤਿਹ ਹਾਥ



ਲਗਾਏ । ਭੂਮਿ ਪਰੇ ਖਗ ਪ੍ਰਾਣ ਬਿਲਾਏ । ਰਾਮ ਬੰਦ  
 ਜਿਉ ਸੋਚ ਅਪਾਰੀ । ਰੋਵੇ ਰਾਮ ਜਾਇ ਦਿਗਵਾਰੀ ॥ ੨੩  
 ॥ ਲਖਮਣ ਕੇ ਕਰ ਚਿਖਾ ਬਣਾਈ । ਰਾਮ ਹਾਥ ਕਰ ਆਗ  
 ਲਗਾਈ । ਲਖਮਣ ਸਹਿ ਨ੍ਰਾਏ ਜਲ ਰਾਮ । ਦੇਹਿ  
 ਤਿਲੰਜਨ ਲੈ ਖਗ ਨਾਮ ॥ ੨੪ ॥ ਬਹੁਰ ਮੇਧ ਮ੍ਰਿਗ ਰਾਮ  
 ਸੁ ਮਾਰੇ । ਆਮਿਖ ਖੰਡ ਸੁ ਆਪ ਸਵਾਰੇ । ਸ੍ਰਾਧ ਰਾਮ ਤਿਨਕੇ  
 ਤਬ ਕਰਿਯੋ । ਜੁਦਾ ਜੁਦਾ ਤ੍ਰਿਣ ਮਾਸ ਸੁ ਧਰਿਯੋ ॥ ੨੫ ॥  
 ਭੁੱਖਣ ਕਰੇ ਸਜਾਤੀ ਸਾਰੇ । ਤ੍ਰਿਪਤ ਖਰੋਸੁਰ ਹੋਇ ਉਦਾਰੇ ।  
 ਸ੍ਰਾਧ ਕਰੇ ਇਹ ਮੰਤ੍ਰ ਉਚਾਰੀ । ਬਹੁਰ ਜਟਾਯੁਕੇ ਕਹੇ ਮੁਰਾਰੀ  
 ॥ ੨੬ ॥ ਜਟਾਯੁ ਜਾਹਿ ਅਬ ਮੇ ਪਦ ਬੀਰ । ਮਮਸਰੂਪ  
 ਪਾਵੇ ਤੁਮ ਧੀਰ । ਸਰਬ ਲੋਕ ਯਹਿ ਬਾਤ ਨਿਹਾਰੇਂ ।  
 ਰਾਮ ਚੰਦ ਇਹ ਭਾਂਤਿ ਉਚਾਰੇ ॥ ੨੭ ॥ ਸਵੈਯਾ ॥ ਤਬ  
 ਦਿੱਬ ਤਨੂ ਧਰ ਵੈ ਖਗ ਨਾਇਕ ਦੂਸਰ ਜਿਉ ਨਭ ਸੂਰ ਚਰੇ  
 । ਅਤਿ ਸੁੰਦਰ ਜਾਇ ਵਿਮਾਨ ਚੜ੍ਹੇ ਸਭ ਭੂਖਨ ਹੈਂ ਤਨ  
 ਮਾਹਿ ਧਰੇ । ਕਰ ਚੱਕ੍ਰ ਗਦਾ ਮੁਕਟਾ ਗਦ ਵਾਰਿਜ ਲੋਕਨ  
 ਕੇ ਤਮ ਦੂਰ ਕਰੇ । ਤਨ ਪੀਤ ਪਦੰਬਰ ਯੋ ਲਸਕੈ ਜਨ ਮੇਘਨ  
 ਕੇ ਸਹਿ ਬਿੱਜੁ ਫਿਰੇ ॥ ੨੮ ॥ ਦੋਹਰਾ ॥ ਚਾਰ ਬਿਸ਼ਨ  
 ਕੇ ਪਾਰਖਦ ਤੈਸੇ ਤਾਹਿ ਸਰੂਪ । ਪੂਜੇ ਸਰਬ ਜਟਾਯੁ ਕੇ ਰਘੁ  
 ਵਰ ਕ੍ਰਿਪਾ ਅਨੂਪ ॥ ੨੯ ॥ ਚੌਪਈ ॥ ਉਸਤਤ ਕਰੇ  
 ਜੁਗੀਸ਼ਰ ਸੰਗਾ । ਭਯੋ ਜਟਾਯੁ ਸਰੂਪ ਉਤੰਗਾ । ਬਹੁਰ ਜਟਾਯੁ  
 ਜੋਰ ਨਿਜ ਹਾਥ । ਉਸਤਤ ਕਰਤ ਭਯੇ ਰਘੁਨਾਥ ॥ ੩੦



॥ ਜਟਾਯੁਵਾਚ ॥ ਚੌਪਈ ॥ ਅਗਣਤ ਅਹੇ ਗੁਣ ਪੁੰਜ  
 ਤੁਮਾਰੇ । ਅੱਪ੍ਰਮੇਯ ਤੁਮ ਬ੍ਰਹਮ ਉਦਾਰੇ । ਜਗ ਸੰਯਮ ਇਸ  
 ਥਿਤ ਕੇ ਕਾਰਣ । ਬਿਰਾਗ ਪਰਮ ਤੁਮ ਕਾਲ ਨਿਵਾਰਣ ॥  
 ੩੧ ॥ ਰਾਮਚੰਦ ਮੇਰੀ ਪਰਣਾਮ । ਤੁਮ ਕੋ ਅਹੇ ਸੁ ਆਠੋਂ  
 ਜਾਂਮ । ਤੁਮ ਅਪਾਰ ਸੁਖ ਰਾਮ ਰਸਾਲ । ਰਮਾਂ ਕਟਾਖ ਸੁ  
 ਕਰੇ ਬਿਸਾਲ ॥ ੩੨ ॥ ਸੁਰਪਤਿ ਚਤੁਰਾਨਨ ਦੁਖ ਜੋਈ ।  
 ਤੁਮੇ ਨਿਵਾਰਿਕ ਔਰ ਨ ਕੋਈ । ਨਰਵਰ ਤੁਮ ਕੋ ਸਦ  
 ਪਰਣਾਮ । ਤੁਮ ਵਰ ਦਾਇਕ ਪਰਮ ਅਕਾਮ ॥ ੩੩ ॥ ਬਾਨ  
 ਸਰਾਸਨ ਤੇ ਕਰ ਸੋਹੇ । ਤੀਨ ਭਵਨ ਤਰਣੀਂ ਮਨ ਮੋਹੇ । ਵਾਂ  
 ਛਤ ਫਲ ਕੇ ਤੁਮ ਦਾਤਾਰੀ । ਰਵਿਸਮ ਸੁੰਦਰ ਪ੍ਰਭਾ ਤੁਮਾਰੀ  
 ॥ ੩੪ ॥ ਸੁਰਗ ਬਿਰਖ ਤਲ ਨਿਰੇ ਤੁਮਾਰੇ । ਤੁਮ ਸਰੰਨ ਮੈ  
 ਸ਼ਰਨ ਤਿਹਾਰੇ । ਭਵ ਅਰੰਨ ਦਾਵਾਨਲ ਨਾਮ ॥ ਸ਼ਿਵ ਮੁਖ  
 ਦੇਵ ਭਜੇ ਤਵ ਨਾਮ ॥ ੩੫ ॥ ਦਾਨ ਜਪੁ ਕੋਟ ਹਜ਼ਾਰ  
 ਬਿਨਾਸੀ । ਯਮ ਨਾਸੀ ਤਨ ਪ੍ਰਭਾ ਪ੍ਰਕਾਸ਼ੀ । ਮੈਂ ਸ਼ਰਣਾਗਤਿ  
 ਤੁਮਰੀ ਦੇਵ । ਤੁਮ ਪਰ ਪੂਰਣ ਅਲਖ ਅਭੇਵ ॥ ੩੬ ॥  
 ਗਿਰੇ ਸੁ ਤੇ ਜਗ ਵਿਖੇ ਮਝਾਰੇ । ਤਿਨ੍ਹੁ ਤੁਮ ਦੂਰ ਸੁ ਰਾਮ  
 ਮੁਰਾਰੇ । ਵਿਖਯਨ ਤੇ ਵੇਮੁਖ ਜਨ ਜੋਈ । ਸਦਾ ਨਿਹਾਰੇ  
 ਤੁਮ ਕੋ ਤੇਈ ॥ ੩੭ ॥ ਭਵ ਸਾਗਰ ਤਾਰਣ ਪਦ ਨਾਵ ।  
 ਸ਼ਰਣ ਗਹੀ ਤੁਮਰੇ ਅਬ ਪਾਂਵ । ਸ਼ਿਵ ਗਿਰਜਾ ਮਨ ਕੀਨਾ  
 ਵਾਸ । ਗਿਰਵਰ ਧਾਰਣ ਤੁਮ ਸੁਖ ਰਾਸ ॥ ੩੮ ॥ ਸੁਰਵਰ  
 ਯੋ ਮੁਨਿ ਦਨੁ ਸਿਰਦਾਰੇ । ਸੇਵੇਂ ਸਗਲ ਸੁ ਚਰਣ ਤੁਮਾਰੇ ।



ਦੇਵਨ ਕੇ ਪ੍ਰਭ ਵਰ ਦਾਤਾਰੀ । ਰਘੁਨਾਇਕ ਮੈਂ ਸ਼ਰਣਿ  
 ਤਿਹਾਰੀ ॥੩੯॥ ਸਵੈਯਾ ॥ ਪਰ ਕੇ ਧਨ ਐ ਪਰ ਨਾਰਨ ਤੇ  
 ਜਿਨ ਨੀਤ ਵਿਰਾਗ ਗਹੇ ਉਰ ਮਾਹੀਂ । ਪਰ ਕੇ ਗੁਣ ਹੇਰ  
 ਪ੍ਰਸੰਨ ਸਦਾ ਪਰ ਕੇ ਹਿਤ ਮੈਂ ਸੁ ਰਮੇਂ ਉਰ ਮਾਹੀਂ । ਸੁ  
 ਵਹੀ ਸੁਖ ਸੇਵਤ ਹੈਂ ਤੁਮ ਕੇ ਸ਼ਰਣਾਗਤਿ ਮੈਂ ਤੁਮਰੀ ਜਗੁ  
 ਮਾਹੀਂ । ਮੁਖ ਅੰਬੁਜ ਮੰਦ ਪ੍ਰਸੰਨ ਹਸੇ ਸੁ ਚਿਤਾਰਤ ਆਇ  
 ਮਿਲੋ ਜਗ ਮਾਹੀਂ ॥ ੪੦ ॥ ਨਵ ਨੀਰਦ ਸਾਮ ਸੁ ਕੰਜਪ੍ਰਭਾ  
 ਦ੍ਰਿਗ ਸੋਭਿਤ ਰਾਮ ਪ੍ਰਫੁਲ ਤੁਮਾਰੇ । ਗੁਰ ਕੇ ਗੁਰ ਈਸ਼ੁਰ  
 ਰਾਮ ਤੁ ਮੇਂ ਹਰਿ ਬ੍ਰਹਮ ਸ਼ਿਵਾਦਿਕ ਰੂਪ ਤੁਮਾਰੇ । ਗੁਣ  
 ਤੀਨ ਮਈ ਤੁਮਰੀ ਸ਼ਕਤੀ ਪੁਨਿ ਤਾਂ ਕਰਹੈ ਤੁਮਹੂੰ ਯਹਿ ਧਾਰੇ  
 । ਰਵਿ ਜਿਉਂ ਜਲ ਭਾਂਜਨ ਮਾਹੀਂ ਭਯੋ ਹਮ ਹੈਂ ਗੁਣਗਾਇਕ  
 ਰਾਮ ਮੁਰਾਰੇ ॥ ੪੧ ॥ ਰਤਿਕੇ ਪਤਿਕੇ ਸੁਤਿ ਕੋਟਿ ਸਮਾ  
 ਅਤਿ ਸੰਦਰ ਤੂੰ ਜਗ ਮਾਹੀਂ ਸੁਹਾਵੇ । ਕਰ ਮਾਗਨ ਭਾਵਨ ਜੇ  
 ਜਗ ਮੈਂ ਰਘੁਨਾਥ ਨਹੀਂ ਤਿਨਕੇ ਕਰ ਆਵੇ । ਯਤਿ ਕੇ ਪਤਿ  
 ਜੇ ਉਰ ਸਾਂਤਿ ਸਦਾ ਤਿਨਕੇ ਉਰ ਮੈਂ ਨਿਤ ਰੂਪ ਦਿਖਾਵੇ  
 । ਰਘੁਨਾਥ ਤੁਮੈਂ ਪਦਵਾ ਸਲਹੈ ਤੁਮ ਆਰਿਤਕੇ ਸਭ ਦੁਖ ਮਿਟਾਵੇ  
 ॥ ੪੨ ॥ ਚੌਪਈ ॥ ਯੋਂ ਉਸਤਤਿ ਸੁ ਕਰੀ ਖਗ ਨਾਥ ॥  
 ਪ੍ਰਸੰਨ ਭਏ ਤਾਂ ਪਰ ਰਘੁਨਾਥ । ਰਘੁਨਾਥ ਕਹਯੋ ਤੁਮਰੀ  
 ਕਲਯਾਨ । ਤੂੰ ਮੇਰੇ ਹੈਂ ਭਗਤਿ ਪ੍ਰਧਾਨ ॥ ੪੩ ॥ ਮੋਹ ਬਿਸ਼ਨ  
 ਕੇ ਜੇ ਪਦ ਸਾਰ । ਤਾਂ ਮੈ ਤੂੰ ਅਬ ਬੇਗ ਪਧਾਰ । ਤੋਹਿ ਕਰੀ  
 ਮਮ ਉਸਤਤਿ ਜੋਈ । ਯਾਂ ਕੇ ਪੜੇ ਲਿਖੇ ਵਾ ਕੋਈ ॥ ੪੪ ॥



ਸੋ ਨਰ ਪਾਵੇ ਮੋਹ ਸਰੂਪ । ਮੋਹ ਪਰਾਇਨ ਭਗਤ ਅਨੂਪ । ਯਾ  
 ਬਿਧ ਰਾਮ ਕਹਯੋ ਪੁਨਿ ਜਬਹੀਂ । ਹਰਖ ਭਯੋ ਖਗਵਰ ਉਰ  
 ਤਬਹੀਂ ॥ ੪੫ ॥ ਦੋਹਰਾ ॥ ਰਘੁਨੰਦਨ ਕੋ ਰੂਪ ਜੋ ਬਿਸ਼ਨੁ  
 ਸਨਾਤਨ ਆਇ । ਸੋ ਧਰ ਤਾਂ ਪਦ ਮੈਂ ਗਯੋ ਪੂਜੇ ਜੋ ਬ੍ਰਹਿ  
 ਮਾਦ ॥ ੪੬ ॥ ਇਤਿ ਸ੍ਰੀ ਅਧਿਆਤਮ ਰਾਮਾਇਣੇ ਉਮਾਂ  
 ਮਹੇਸੁਰ ਸੰਬਾਦੇ ਆਰੰਭ ਕਾਂਡੇ ਅਸ਼ਟਮੇ ਧਿਆਇ ॥ ੮ ॥

### ਸ੍ਰੀ ਮਹਾਦੇਵ ਉਵਾਚ

ਸਵੈਯਾ ॥ ਤਬ ਭ੍ਰਾਤ ਸਮੇਤ ਸੁ ਰਾਮ ਰਮਾਂਪਤਿ ਔਰ ਬਨਾਂ  
 ਤਰ ਮਾਂਹਿ ਗਏ । ਤਿਹ ਸੀਯ ਕੋ ਸੋਧਨ ਰਾਮ ਕਰੇ ਮਨ  
 ਬਜਾਕੁਲ ਔ ਉਰ ਦੂਖ ਨਏ । ਬਨ ਰਾਖਸ਼ ਰੂਪ ਸੁ ਏਕ  
 ਪਿਖੇ ਜਠਰੇ ਮੁਖ ਹੈ ਦ੍ਰਿਗ ਦੂਰ ਭਏ । ਭੁਜ ਯੋਜਨ ਲੈ ਤਿਨ  
 ਬਜਾਪ ਰਹੀ ਇਹ ਭਾਂਤ ਕੁਰੂਪ ਸੁਰੂਪ ਕਏ ॥ ੧ ॥ ਨਾਮ  
 ਕਬੰਧ ਕਰੇ ਤਿਨਕੋ ਸਭ ਜੀਵਨ ਕੋ ਬਨ ਭੀਤਰ ਮਾਰੇ । ਤਾਂ  
 ਭੁਜ ਭੀਤਰ ਆਇ ਪਰੇ ਲਘੁ ਭ੍ਰਾਤ ਉਮਾ ਵਹਿ ਰਾਮ ਮੁਰਾਰੇ  
 । ਤਾਂ ਭੁਜ ਮੰਡਲ ਮਾਂਹਿ ਅਏ ਯੁਗ ਭ੍ਰਾਤ ਤਬੈ ਖਲ ਰੂਪ  
 ਨਿਹਾਰੇ । ਪੇਖਹੁ ਪ੍ਰਾਤ ਸੁ ਰਾਕਸ਼ ਕੋ ਹਸਿ ਰਾਮ ਤਬੈ ਇਕ  
 ਵਾਕ ਉਚਾਰੇ ॥ ੨ ॥ ਸਿਰ ਪਾਦ ਨਹੀਂ ਇਨ ਰਾਖਸ਼ ਕੋ ਜਠ  
 ਰੇ ਮੁਖ ਹੈ ਪੁਨਿ ਬਾਂਹ ਪਸਾਰੇ । ਭੁਜ ਭੀਤਰ ਆਇ ਪਰੇ  
 ਜਨ ਜੋ ਤਿਹ ਖਾਇ ਰਹੇ ਬਨ ਘੋਰ ਮਝਾਰੇ । ਹਮ ਆਇ ਪਰੇ  
 ਇਨ ਕੀ ਭੁਜ ਮੈਂ ਖਲ ਰਾਖਸ਼ ਯਾ ਬਨ ਮੈਂ ਹਮ ਮਾਰੇ ।



ਕਹਿੰ ਪੰਥ ਨਹੀਂ ਅਬ ਜਾਵਨ ਕੋ ਰਘੁਨੰਦ ਕਰੇ ਕਹੁ ਕੌਨ  
 ਬਿਚਾਰੇ ॥ ੩ ॥ ਖਾਵਹਿਗੋ ਹਮ ਦੋਨਹਿ ਕੋ ਹਮ ਤੇ ਅਬਨਾਹਿ  
 ਕਛੂ ਬਨ ਹੋਈ । ਯੋਂ ਸੁਨਿ ਕੈ ਲਖਮੰਨ ਕਹਯੋ ਅਬ  
 ਔਰ ਬਿਚਾਰ ਕਰੋ ਨਹਿ ਕੋਈ । ਹੋਇ ਇਕਾਗਰ ਏਕ ਇਕਾ  
 ਹਮ ਕਾਟ ਧਰੇਂ ਇਨ ਕੀ ਭੁਜ ਦੋਈ । ਰਾਮ ਤਥਾ ਕਹ ਲੀਨ  
 ਅਸੀ ਭੁਜ ਦੱਖਣ ਤਾਂਹਿ ਕਟੀ ਹਰਿ ਸੋਈ ॥ ੪ ॥

॥ ਚੌਪਈ ॥ ਲਖਮਣ ਵਾਮ ਭੁਜਾ ਕਟ ਡਾਰੀ । ਦੈਤ ਅਚੰਭਾ  
 ਭਯੋ ਸੁ ਭਾਰੀ । ਤੁਮ ਦੋਵਨ ਮੈਂ ਕੌਨ ਪ੍ਰਧਾਨ । ਜਿਨ  
 ਮੇਰੀ ਭੁਜ ਕੀਨੀਂ ਹਾਨ ॥ ੫ ॥ ਕਹੋ ਅਹੋ ਤੁਮ ਭੂਮਿ ਨਿਵਾਸੀ  
 । ਕੈ ਇਵ ਦੇਵ ਸੁ ਤੇਜ ਪ੍ਰਕਾਸ਼ੀ । ਕੰਜ ਨੈਨ ਸ੍ਰੀ ਰਾਮ  
 ਰਸੀਲੇ । ਹਸਿ ਕਰ ਬੋਲੇ ਛੈਲ ਛਬੀਲੇ ॥ ੬ ॥ ਸਰਯੂਤੀਰ  
 ਅਯੋਧਯਾ ਅਹੇ । ਪੁਰੀ ਮਨੋਹਰ ਸਭ ਨਰ ਕਹੇ । ਤਾਂਕੋ ਪਤਿ  
 ਦਸਰਥ ਵਰ ਰਾਈ । ਸੁਰਪਤਿ ਕੀ ਜਿਨ ਕੀਨ ਸਹਾਈ ॥

੭ ॥ ਦੋਹਰਾ ॥ ਮੈਂ ਤਿਨਕੋ ਸੁਤਿ ਪੂਰਬੋ ਭਾਈ ਯਹ ਮਮ ਨਾਲ  
 । ਰਾਮ ਨਾਮ ਮੇਰੋ ਕਹੇਂ ਲਖਮਣ ਇਹੈ ਬਿਸਾਲ ॥ ੮ ॥  
 ਮਮ ਪਤਨੀ ਸੁਭ ਜਾਨਕੀ ਸੀਤਾ ਸੁੰਦਰ ਰੂਪ । ਮ੍ਰਿਗੀਯਾ ਕੋ  
 ਹਮ ਥੇ ਗਏ ਰਾਖਸ਼ ਹਰੀ ਅਨੂਪ ॥ ੯ ॥ ਤਿਨਕੋ ਸੋਧਨ  
 ਹਮ ਕਰੇਂ ਆਏ ਯਾ ਬਨ ਮਾਹਿ । ਤੇ ਭੁਜ ਭੀਤਰ ਘੇਰਿਆ  
 ਪ੍ਰਾਣ ਪਿਆਰੇ ਆਹਿ ॥ ੧੦ ॥ ਪ੍ਰਾਣ ਹਿਤਾਰਥ ਤੇ ਭੁਜਾ ਕਾਟੀ  
 ਭੁਜ ਬਲ ਧਾਰ । ਵਿਕਟ ਰੂਪ ਤਨ ਮੈਂ ਧਰੇ ਤੁਮਹੋ ਕੌਨ  
 ਉਗਾਰ ॥ ੧੧ ॥ ਕਬੰਧੋ ਵਾਰ ॥ ਚੌਪਈ ॥ ਮੈਂ ਅਬ ਧੰਨ



ਭਯੋ ਜਗਮਾਹੀਂ । ਰਾਮ ਅਏ ਤੁਮ ਮੇ ਵਿਗ ਮਾਹੀਂ । ਮੈਰੀ ਧਰ  
 ਬਨ ਕੋ ਬਾ ਰਾਜਾ । ਯੋਵਨ ਰੂਪ ਪਰਮ ਸਿਰ ਤਾਜਾ ॥ ੧੨ ॥  
 ਗਰਬ ਭਯੋ ਮੇਰੇ ਉਰ ਮਾਹੀਂ । ਬਿਚਰੋ ਮੈਂ ਸਭ ਲੋਕਨ ਮਾਹੀਂ  
 । ਮੋਹਿ ਪਿਖੇਂ ਸੁਰ ਨਾਰੀ ਜਬਹੀਂ । ਜਾਇ ਹਰਜੋ ਤਿਨਕੋ  
 ਮਨ ਤਬਹੀਂ ॥ ੧੩ ॥ ਮੈਂ ਤਪ ਕਰ ਬ੍ਰਹਮਾਂ ਵਰ ਦੀਨੋਂ ।  
 ਮੋਹਿ ਅਬੱਧ ਰਘੂਤਮ ਕੀਨੋਂ । ਅਸ਼੍ਰਾ ਵੱਕਰ ਜੋ ਮੁਨਿ ਰਾਈ ।  
 ਏਕ ਸਮੇ ਹੋਰਜੋ ਮਮ ਜਾਈ ॥ ੧੪ ॥ ਤਾਂਕੋ ਦੇਖ ਹਸਜੋ ਮੈਂ  
 ਜਬਹੀਂ । ਕ੍ਰੋਧ ਭਯੋ ਮੁਨਿ ਵਰ ਪੁਨਿ ਤਬਹੀਂ । ਮੋਕੋਂ ਏਹ  
 ਬਖਾਨੀਂ ਬਾਨੀਂ । ਦੁਸ਼੍ਰ ਅਸੁਰ ਤੂੰ ਹੋਹੁ ਮਹਾਨੀਂ ॥ ੧੫ ॥  
 ਮੈਂ ਪਦ ਬੰਦਨ ਤਾਂ ਪੁਨਿ ਕਰੀ । ਸ੍ਰਾਪ ਅੰਤ ਭਾਖਜੋ ਮੁਨਿ  
 ਵਰੀ । ਤਪ ਕਰ ਦਿਓਂ ਤੇ ਤਾ ਤਨ ਐਸੇ । ਕੋਟਿਕ ਰਵਿ  
 ਭਵ ਭੀਤਰ ਜੈਸੇ ॥ ੧੬ ॥ ਤ੍ਰੇਤਾ ਯੁਗ ਦਸਰਬ ਵਰ ਨਾਮਾ ॥  
 ਹੋਵੇ ਗੋ ਭੂਪਤਿ ਅਜ ਧਾਮਾ । ਆਦਿ ਨਾਰਾਇਣ ਲੈ ਅਵਤਾਰੇ  
 । ਹੋਸੀ ਸੁਤ ਤਾਂ ਭਵਨ ਮਝਾਰੇ ॥ ੧੭ ॥ ਵੈ ਬਨ ਆਵੇਂਗੇ  
 ਪੁਨਿ ਜਬਹੀਂ । ਕਾਟੇਂਗੇ ਤੁਮਰੀ ਭੁਜ ਤਬਹੀਂ । ਤਾਂਕਰ ਤੇ ਸੋ ਸ੍ਰਾਪ  
 ਵਿਲਾਵੇ । ਪੂਰਬ ਰੂਪ ਬਹੁਰ ਤੁਮ ਪਾਵੇ ॥ ੧੮ ॥ ਯਾ ਬਿਧ ਸ੍ਰਾਪ ਜਬੈ  
 ਤਿਨ ਦਯੋ । ਰਾਕਸ਼ ਤਨ ਮਾਂ ਪਾਵਤ ਭਯੋ । ਏਕ ਸਮੇਂ ਸੁਰ ਪਤਿ ਵਰ  
 ਰਾਈ । ਤਿਨ ਕੋ ਦੌਰਾ ਮੈਂ ਰੁਖ ਸਾਈ ॥ ੧੯ ॥ ਤਿਨ ਬੱਜ੍ਰ  
 ਮੇ ਸੀਸ ਲਗਾਯੋ । ਰਾਮ ਸੀਸ ਮੇ ਕੁੱਖ ਗਿਰਾਯੋ । ਪਾਦ ਧਸੇ  
 ਮੈਂ ਕੁੱਖ ਸੁ ਜਾਈ । ਰਾਮ ਰਹੀ ਨਹਿੰ ਮੇ ਗਤਿ ਕਾਈ ॥ ੨੦ ॥  
 ਕਮਲਾਸਨ ਕੋ ਵਰ ਥੇ ਹੁਯੋ । ਬੱਜ੍ਰ ਕਰ ਨਹਿੰ ਮੇ ਤਨ  
 ਮੁਯੋ । ਤਵ ਤਿਨ ਸੰਗ ਵੇਵ ਥੇ ਜੇਈ । ਦਯਾ ਯੁਕਤਿ ਪੁਨਿ



ਭਏ ਸੁ ਤੇਈ ॥ ੨੧ ॥ ਤੋਟਕਛੰਦ ॥ ਅਮੁਰੇਸੁਰ ਯਾ ਮੁਖ  
 ਨਾਹਿ ਅਹੇਂ । ਇਹ ਪ੍ਰਾਣ ਕਹੇ ਕਿਹ ਭਾਂਤਿ ਰਹੇਂ । ਤਬ ਮੇ  
 ਸੁਰ ਨਾਇਕ ਏਹੁ ਕਹੀ । ਜਠਰੰਤਰ ਤੇ ਮੁਖ ਹੋਇ ਸਹੀ ॥  
 ੨੨ ॥ ਭੁਜ ਯੋਜਨ ਲੈ ਤਵ ਹੋਇ ਨਏ । ਇਮ ਭਾਖ  
 ਸੁ ਆਪ ਸੁਰੇਸ਼ ਗਏ । ਬਨ ਤਾਂ ਦਿਨ ਤੇ ਇਹ ਠੌਰ ਵਸੇਂ ।  
 ਭੁਜ ਆਇ ਪਰੇ ਮੁਖਮਾਹਿ ਗ੍ਰਸੇਂ ॥ ੨੩ ॥ ਤੁਮ ਸੋ ਭੁਜ ਕਾਟ  
 ਦਈ ਬਨ ਮੈਂ । ਅਬ ਜੀਵਨ ਨਾਂ ਸਮਝੇਂ ਮਨ ਮੈਂ । ਇਹ  
 ਗਰਤ ਬਿਖੇ ਭਰ ਕਾਠ ਘਨੇਂ । ਮੁਹਿ ਆਗ ਜਲਾਇ ਸੁ ਰਾਮ  
 ਬਨੇਂ ॥ ੨੪ ॥ ਤਨ ਮੋਹ ਸੁ ਆਗ ਜਲਾਇ ਜਬੈ । ਗਹਿ  
 ਪੂਰਬ ਰੂਪ ਸੁ ਨਾਥ ਤਬੈ । ਤਵ ਯੋਖਤ ਮਾਰਗ ਤੋਹਿ  
 ਕਹੇਂ । ਤਵ ਪਾਦ ਕ੍ਰਿਪਾ ਪਦ ਸੋਇ ਲਹੇਂ ॥ ੨੫ ॥ ਤਹਿ ਰਾਮ  
 ਸੁ ਭ੍ਰਾਤ ਸਮੇਤ ਭਲੇ । ਇਕ ਖਾਤ ਕਰੇ ਸੁ ਉਪਾਰ ਭਲੇ । ਭਰਕਾਠ  
 ਸੁ ਪਾਵਕ ਰਾਮ ਦਯੋ । ਨਿਕਸੇ ਤਨ ਤੇ ਇਕ ਰੂਪ ਨਯੋ ॥  
 ੨੬ ॥ ਪਿਖ ਕੋਟ ਮਨੋਜ ਲਜਾਇ ਰਹੇ । ਸਭ ਭੂਖਨ ਹੈਂ ਤਨ  
 ਮਾਹਿ ਗਹੇ । ਕਰ ਰਾਮ ਪ੍ਰਦੱਖਨ ਪ੍ਰੇਮ ਭਰੇ । ਅਸ੍ਰਾਂਗ ਪ੍ਰਣਾਮ  
 ਸੁਪਾਦ ਕਰੇ ॥ ੨੭ ॥ ਦੋਹਰਾ ॥ ਜੋਰ ਦੋਉ ਕਰ ਆਪ  
 ਨੇਂ ਭਗਤਿ ਭਰੇ ਉਰਭਾਰ । ਗਦਗਦਬਾਣੀਂ ਤਾਂਭਈ ਉਸਤਤਿ  
 ਕਰੀ ਅਪਾਰ ॥ ੨੮ ॥ ਗੰਧਰਬੋ ਵਾਚ ॥ ਚੰਪਈ ॥ ਉਸਤਤਿ  
 ਕੋ ਮਨ ਭਯੋ ਹਮਾਰੇ । ਰਾਮ ਨਹੀਂ ਤਵ ਰੁਣ ਕੋ ਪਾਰੇ ।  
 ਤੁਮ ਅਨਾਦਿ ਮਨ ਵਾਕ ਅਤੀਤ । ਭਜੇ ਯੁਗੀਸੁਰ ਤੁਮਕੋ  
 ਚੀਤ ॥ ੨੯ ॥ ਅਬਕਤ ਸੁ ਸੂਖਮ ਰੂਪ ਤੁਮਾਰੇ । ਹੈ ਵਹਿ



ਦੇਹਿ ਦੁਹੰਤੇ ਨਜਾਰੋ ॥ ਅਦ੍ਰਿਸ਼ਾ ਰੂਪ ਤੁਮਾਰੋ ਏਕ । ਕੋ ਇਕ  
 ਲਹੇ ਸੁ ਪਾਇ ਬਿਬੇਕ ॥ ੩੦ ॥ ਐਰ ਤੁਮਾਰੋ ਦ੍ਰਿਸ਼ ਸਰੂਪ ।  
 ਜਨ ਅਨਾਤਮ ਪ੍ਰਭੂ ਅਨੂਪ । ਸੂਖਮ ਤੇਰੋ ਰੂਪ ਸੁਜੋਈ । ਦੁਰ  
 ਵਿਗੇਯ ਭਵ ਭੀਤਰ ਸੋਈ ॥ ੩੧ ॥ ਚਿਦਾਭਾਸ ਬੁੱਧਿ ਪੁਨ  
 ਦੇਈ । ਮਿਲ ਕਰ ਜੀਵ ਕਹਾਵੇ ਸੋਈ । ਬੁੱਧਜਾਦਿਕ ਸਾਖੀ  
 ਪ੍ਰਭ ਨਾਥ । ਤੂੰ ਪਾਰਬ੍ਰਹਮ ਸ੍ਰਾਮੀਂ ਰਘੁਨਾਥ ॥ ੩੨ ॥ ਤੇਹ  
 ਬਿਖੇ ਕਲਪੇ ਸੰਸਾਰ । ਮੂੜਮਤਿ ਤੇ ਕੋਨ ਬਿਚਾਰ । ਹਿਰੰਨ  
 ਗਰਭ ਸੂਖਮ ਤੇ ਰੂਪ । ਸਥੂਲ ਦੇਹਿ ਵੈਰਾਠ ਸਰੂਪ ॥ ੩੩ ॥  
 ਸੂਖਮ ਰੂਪ ਭਾਵਨਾ ਭਾਸੇ । ਮੰਗਲ ਧਿਆਨ ਦੂਖ ਸਭ ਨਾਸੇ ।  
 ਭੂਤ ਭਵਿਖ ਅਹੇ ਪੁਨਿ ਜੋਈ । ਰਾਮ ਤੁਮੇਂ ਬਿਨ ਜਗਤ ਨ ਕੋਈ  
 ॥ ੩੪ ॥ ਬ੍ਰਹਮਾਂਡ ਕੋਸ਼ ਯਹਿ ਦੇਹਿ ਤੁਮਾਰੋ । ਮਹਦਾਦਿਕ  
 ਪਟ ਯੁਕਤ ਉਦਾਰੋ । ਸਪਤ ਗੁਣੋਤਰ ਜਾਂਕੋ ਰੂਪ । ਵਿਰਾਜ  
 ਧਾਰਣਾਂ ਵਿਖੇ ਅਨੂਪ ॥ ੩੫ ॥ ਤੁਹੀਂ ਏਕ ਸਭ ਠੇਰੇ ਅਹੇ ।  
 ਲੋਕ ਅਦੈਵ ਤੁਮਾਰੇ ਕਹੇ । ਪਤਾਲ ਅਹੇ ਤਵ ਪਾਦਨ ਕੋ  
 ਤਲ । ਪਾਸੇ ਆਹਿ ਸੁਲੋਕ ਮਹਾਂਤਲ ॥ ੩੬ ॥ ਰਸਾਤਲ  
 ਰਾਮ ਸੁਫਲ ਤੇ ਜਾਨੇ ॥ ਤਲਾਤਲ ਤੇ ਪੁਨਿ ਜਾਨੁ ਬਖਾਨੇ ।  
 ਸੁਤਲ ਬਿਤੁਲ ਤੇ ਉਰੂ ਉਚਾਰੇ । ਅਤਲ ਰਾਮ ਤੇ ਜੰਘ  
 ਉਦਾਰੇ ॥ ੩੭ ॥ ਰਾਮਨਾਭ ਤੇ ਅਹੇ ਅਕਾਸ । ਉਡਗਣ ਤੇ ਉਰ  
 ਭਏ ਪ੍ਰਕਾਸ਼ । ਗ੍ਰੀਵਾ ਤੇ ਮਹਿ ਲੋਕ ਕਹੀਜੇ । ਬਦਨ ਰਾਮ  
 ਜਨ ਲੋਕ ਭਣੀਜੇ ॥ ੩੮ ॥ ਤਪੋ ਲੋਕ ਤੇ ਕੰਬ ਕਹਾਵੇ ।  
 ਸੱਤਲੋਕ ਤੇ ਸੀਸ ਸੁਹਾਵੇ । ਇੰਦ੍ਰਾਦਿਕ ਸਬ ਲੋਕ ਸੁਪਾਲਾ ।



ਰਾਮ ਅਹੇ ਤਵ ਭੁਜਾਬਿਸਾਲਾ ॥੩੯॥ ਦਿਸਾ ਕਾਂਠ ਅੱਸੁਨੀ  
 ਨਾਸਾ। ਤਵ ਮੁਖ ਰਾਮ ਸੁਵਨਿ ਪਰਕਾਸ਼ਾ। ਸਵਿਤਾਨਨ ਚੰਦ  
 ਮਨ ਲਾਏ ॥ ਭੁਰੂ ਭੰਗ ਤਵ ਕਾਲ ਬਤਾਏ ॥ ੪੦ ॥ ਬੁਧਿ  
 ਬ੍ਰਹਮ ਪਤਿ ਰਾਮ ਤੁਮਾਰੀ। ਰੁੱਦ੍ਰ ਅਹੰ ਕ੍ਰਿਤ ਕੀਨ ਉਚਾਰੀ।  
 ਯਮ ਦਾੜਾਂ ਪੁਨਿ ਬਾਣੀਂ ਬੇਦਾ। ਔਰ ਨਿਖੱਤਰ ਦੰਤਨ ਭੇਦਾ  
 ॥੪੧॥ ਹਾਸਾ ਰਾਮਾ ਤੁਮਾਰੀ ਮਾਯਾ। ਸ੍ਰਿਸ਼੍ਟ ਕਟਾਖ ਰਾਮ  
 ਤਵ ਗਾਯਾ। ਪੂਰਬ ਭਾਗ ਧਰਮ ਤੇ ਗਾਯੋ। ਪ੍ਰਿਸਟ ਭਾਗ ਆ  
 ਧਰਮ ਬਤਾਯੋ ॥ ੪੨ ॥ ਗੀਯਾਛੰਦ ॥ ਨਿਮੇਖ ਔ ਉਨਮੇਖ  
 ਰਾਮ ਸੁ ਰਾਤਿ ਦਿਨ ਭਵ ਭਾਖੀਯੋ। ਸਮੁੰਦ ਕੁਖਿ ਸੁ  
 ਤੇਰਯਾ ਨਾੜੀ ਨਦੀ ਸਭ ਆਖੀਯੋ। ਰੋਮਾਵਲੀ ਤਰ ਔਖਯੀ  
 ਪੁਨਿ ਰੇਤ ਬ੍ਰਿਸ਼੍ਟ ਬਖਾਨੀਯੋ। ਮਹਿਮਾਂ ਤੁਮਾਰੀ ਗਯਾਨ ਹੈ  
 ਏਹ ਥੂਲ ਵਪੁ ਤਵ ਜਾਨੀਯੋ ॥ ੪੩ ॥ ਇਹ ਤੇ ਵਪੁ ਜੋਧਰੇ  
 ਮਨ ਮਹਿ ਲਾਇ ਨੀਕੇ ਭਾਵਨੀ। ਬਿਨਖੇਦ ਪਾਵੈ ਮੋਖ ਸੋ  
 ਨਹਿ ਔਰ ਕ੍ਰਿਤ ਕਮਾਵਨੀ। ਇਹ ਹੇਤ ਰਾਮ ਸਥੂਲ ਤੇ  
 ਵਪੁ ਨੀਤ ਮੈ ਉਰ ਭਾਵਈ। ਜਹਿ ਜਾਨੀਯੋ ਰਸ ਪ੍ਰੇਮ ਉਪ  
 ਜੇ ਰੋਮ ਸਭ ਪੁਲਕਾਵਹੀ ॥ ੪੪ ॥ ਚੌਪਈ ॥ ਮੁਕਤਿ  
 ਹੋਇ ਨਰ ਯਾ ਜਗ ਤਬਹੀਂ। ਮੁਕਤਿ ਰੂਪ ਤਵ ਭਜੇ ਸੁ ਜਬ  
 ਹੀਂ। ਯਹਿ ਅਸਥੂਲ ਰੂਪ ਜੋ ਥਾਰੋ। ਇਨਕੋ ਭੀ ਅਬ ਕਹੋ  
 ਬਿਚਾਰੋ ॥ ੪੫ ॥ ਯਹ ਜੋ ਰੂਪ ਪ੍ਰਤਖ ਨਿਹਾਰੋਂ। ਮੈ ਇਨਕੋ  
 ਗੁਰਅੰਤਰਧਾਰੋਂ। ਧਨੁਖਬਾਣ ਤਨੁ ਸ਼ਾਮ ਬਿਰਾਜੇ। ਸੀਸਜਟਾ  
 ਤਨੁ ਬਲਕਲ ਛਾਜੇ ॥ ੪੬ ॥ ਤਰਣਿ ਸਾਂਤਿ



ਬਨ ਸੀਲ ਨਿਹਾਰੇ । ਸਦਾ ਬਸੋ ਉਰ ਕਰੁਣਾ ਧਾਰੇ ॥  
 ਸਰਬੱਗ ਸਦਾ ਸ਼ਿਵ ਸਹਿਤ ਭਵਾਨੀ । ਭਜੇ ਯਹੀ ਤਨੁ ਨਿਜ  
 ਰਜੁਧਾਨੀ ॥ ੪੭ ॥ ਕਾਂਸ਼ੀ ਬਿਖੇ ਮਰਣ ਜਨ ਕਾਲਾ । ਤਾ  
 ਰਕ ਮੰਤ੍ਰ ਕਹੇਂ ਸੁ ਬਿਸਾਲਾ । ਰਾਮ ਨਾਮ ਯਹਿ ਭਾਖੇ ਕਾਨਾ  
 । ਤਾਰਕ ਬ੍ਰਹਮ ਸੁ ਕੀਨ ਬਖਾਨਾ ॥ ੪੮ ॥ ਜਨਕਾ ਤਨੁਜਾ  
 ਪਤੀ ਮੁਰਾਰੇ । ਤੂੰ ਪਰਮਾਤਮ ਮੈ ਉਰਧਾਰੇ । ਤੇਰੀ ਮਾਯਾ  
 ਮੋਹੇ ਸਾਰੇ । ਜਾਨੇ ਨਹਿ ਤਵ ਤੱਤੁ ਬਿਚਾਰੇ ॥ ੪੯ ॥ ਨਮਸਤੇ  
 ਰਾਮ ਸਦਾ ਕਲਜਾਨ । ਤੂੰ ਪਰਮਾਤਮ ਤੇ ਪਦ ਧਿਆਨ । ਅ  
 ਯੋਧਾ ਨਾਇਕ ਰਾਮ ਮੁਰਾਰ । ਭ੍ਰਾਤ ਸੰਗ ਪਦ ਸੇਵਨ ਹਾਰ  
 ॥ ੫੦ ॥ ਰੱਖ ਰੱਖ ਜਗਨਾਥ ਉਦਾਰੇ । ਮਾਯਾ ਹਰੇ ਨ ਗਿਆਨ  
 ਹਮਾਰੇ । ਤਵ ਕਰੁਣਾ ਨਿਧਿ ਗਿਆਨ ਉਦਾਰੇ । ਭੀਨੇ ਨੈਨ  
 ਸੁ ਬਚਨ ਉਚਾਰੇ ॥ ੫੧ ॥ ਸ੍ਰੀ ਰਾਮ ਉਵਾਰ ॥ ਚੌਪਈ ॥  
 ॥ ਭਗਤਵਾਨ ਤਵ ਕੀਨ ਬਡਾਈ । ਗੰਧੂਬ ਭਯੋ ਮੈ ਉਰ  
 ਹਰਖਾਈ । ਯੋਗਿ ਗੰਮ ਮੈ ਪਰਮ ਸਥਾਨਾ । ਤਹਾਂ ਜਾਹਿ ਤੂੰ  
 ਬੈਠ ਬਿਬਾਨਾ ॥ ੫੨ ॥ ਵਾਕ ਕਬੰਧ ਕਹਯੋ ਤਬ ਜੋਈ ॥  
 ਭਗਤਿ ਸਹਿਤ ਏਹ ਪੜ੍ਹੈ ਸੁ ਕੋਈ । ਅਗਿਆਨ ਜਨ ਭਵ ਬੰ  
 ਧਨ ਜੋਈ । ਖਿਨ ਭੀਤਰਿ ਵਹਿ ਤਜਾਗੋ ਸੋਈ ॥ ੫੩ ॥  
 ਵੇਹਰਾ ॥ ਅਨੁਭਵ ਕੈ ਅਨੁਮੇਵ ਜੋ ਮੇਰੇ ਚੇਤਨ ਰੂਪ ॥  
 ਤਾਂਕੋ ਪਾਵੇ ਪਾਠਕਾ ਤਜਾਗੋ ਮੁ ਤਮ ਰੂਪ ॥ ੫੪ ॥

ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
 ਸੰਬਾਢੇ ਅਰੰਠ ਕਾਂਡੇ ਨਵਮੇਂ ਧਿਆਇ ॥ ੯ ॥



## ਸ੍ਰੀ ਮਹਾਂਦੇਵ ਉਵਾਚ

ਸਵੈਯਾ ॥ ਗੰਧਰ੍ਵ ਯੋ ਬਰ ਪਾਇ ਚਲੇ ਤਬ ਜਾਨ  
 ਸਮੇਂ ਤਿਨ ਰਾਮ ਉਚਾਰੀ । ਤੇ ਪੁਰ ਭਾਗ ਅਹੇ ਸਵਰੀ ਸੁਭ  
 ਆਸ੍ਰਮ ਜਾ ਕਦਲੀ ਫੁਲਵਾਰੀ । ਤੇ ਪਦ ਪੰਕਜ ਸੇਵਕ ਹੈਂ  
 ਭਗਤੀ ਪ੍ਰਥਮੈਂ ਤਿਨ ਬੁਧਿ ਉਦਾਰੀ । ਤੋਹਿ ਕਹੇ ਵਹਿ ਬਾਤ  
 ਸਭਾ ਚਲਿ ਰਾਮ ਤਹਾਂ ਤੁਮ ਜਾਹੁ ਮੁਰਾਰੀ ॥ ੧ ॥ ਇਹਭਾਂਤਿ  
 ਬਖਾਨ ਬਿਬਾਨ ਚੜੇ ਹਰਿ ਕੇ ਪਦ ਜਾਵਨ ਹੇਤ ਪਧਾਰੇ ॥  
 ਤਨ ਸੂਰਜ ਸੇਂ ਬਮਕੈ ਨਭਿ ਮੈਂ ਕਬਿਰਾਮ ਪਿਖੇ ਫਲ ਯੋਂ  
 ਬਿਸਥਾਰੇ । ਰਾਮ ਤਜੇ ਬਨ ਘੋਰ ਤਬੈ ਜਹਿੰ ਸਿੰਘ ਬਿਆਘ੍ਰ  
 ਬੋਲਤ ਭਾਰੇ । ਆਸ੍ਰਮ ਭੀਲ ਸੁ ਤਾਂ ਰਘੁਨਾਇਕ ਜਾਇ  
 ਭਲੀ ਬਿਧ ਸੇਂ ਪਗਧਾਰੇ ॥ ੨ ॥ ਸਵਰੀ ਤਬ ਰਾਮ ਨਿਹਾਰਤ  
 ਹੀਂ ਸਹਿ ਭ੍ਰਾਤ ਭਲੀ ਛਬਿ ਆਵਤ ਭਾਈ । ਹਰੀ ਉਠਿ  
 ਆਸਨ ਤੈ ਸਵਰੀ ਤਬ ਰਾਮ ਕਿ ਲੇਵਨ ਕੇ ਹਿਤ ਆਈ ॥  
 ਹਰਿ ਪਾਦ ਪ੍ਰਣਾਮ ਕਰੀ ਸਵਰੀ ਪੁਨਿ ਪ੍ਰੇਮ ਕੋ ਨੀਰ ਚਲਯੋ  
 ਦ੍ਰਿਗ ਜਾਈ । ਤਬ ਰਾਮ ਅਏ ਤੁਮ ਆਨਦ ਸੇਂ ਸੁਖ  
 ਆਸਨ ਮੈਂ ਤਿਨ ਲੀਨ ਬਠਾਈ ॥ ੩ ॥ ਲਘ ਭ੍ਰਾਤ ਸਮੇਤ ਸੁ  
 ਰਾਘਵਕੇ । ਤਨ ਪ੍ਰੇਮ ਭਰੀ ਪਦ ਨੀਰ ਪਖਾਰੇ । ਅਰਘਾਦਿਕ  
 ਪੂਜਨ ਤਾਹਿੰ ਕਰੇ ਹਰਿ ਪਾਦਨ ਨੀਰ ਸੁ ਤਾਂ ਸਿਰ ਧਾਰੇ  
 । ਪੁਨਿ ਦਿੱਬ ਫਲਾਦਿਕ ਭੀਲ ਸੁਤਾ ਸੁ ਸੁਧਾ ਰਸ ਸੇਂ ਤਿਨ  
 ਆਪ ਨਿਕਾਰੇ । ਹਰਿ ਕੇ ਹਿਤ ਜੇ ਤਿਨ ਸੰਚ ਧਰੇ ਵਹਿ  
 ਆਨ ਦਏ ਤਿਨ ਰਾਮ ਮੁਰਾਰੇ ॥ ੪ ॥ ਪੁਨਿ ਪਾਦਨ ਫੁਲ



ਚਵਾਇ ਭਲੇ ਘਸ ਚੰਦਨ ਤਾਂ ਤਿਨ ਅੰਗ ਲਗਾਏ । ਇਹ  
 ਭਾਂਤ ਅਤਿਥ ਕਰਜੇ ਤਿਨਕੋ ਪੁਨਿ ਸਾਨੁਜ ਆਸਨ ਮਾਹਿ  
 ਬਠਾਏ । ਕਵਿ ਸਿੰਘ ਗੁਲਾਬ ਤਬੈ ਸਵਰੀ ਕਰ ਜੋਰ ਦੁਊ  
 ਇਹ ਬੈਨ ਅਲਾਏ । ਇਹ ਆਸ੍ਰਮ ਮੇਂ ਗੁਰ ਰਾਮ ਰਹੇ ਬਹੁ  
 ਕਾਲ ਭਲੇ ਤਪ ਤਾਹਿ ਕਮਾਏ ॥ ੫ ॥ ਚੌਪਈ ॥ ਮੈਂ  
 ਤਿਨ ਸੇਵਨ ਕਰੋਂ ਸੁ ਨੀਤ । ਰਹੋਂ ਸਮੀਪ ਇਕਾਗਰ  
 ਚੀਤ । ਬਹੁਤ ਹਜ਼ਾਰ ਵਖਰ ਯੋਂ ਭਏ । ਤੇ ਕਮਲਾਮਨ ਕੇ  
 ਪਦ ਗਏ ॥ ੬ ॥ ਜਾਨ ਸਮੇਂ ਮੁਹਿ ਏਹ ਬਖਾਨੀ । ਤੂ ਈਹਾਂਹੀ  
 ਬਸ ਕੱਲਜਾਨੀ । ਦਾਸਰਥੀ ਹਰਿ ਰਾਮ ਹਠੀਲੇ । ਬ੍ਰਹਮ  
 ਸਨਾਤਨ ਪਰਮ ਰਸੀਲੇ ॥ ੭ ॥ ਰਿਖ ਪਾਲਨ ਰਾਖਸ਼ ਬਧ  
 ਕਾਜਾ । ਆਵਹਿੰ ਗੇ ਬਨ ਮਹਿ ਸੁਰ ਰਾਜਾ । ਤੂੰ ਤਿਨ ਧਿਆ  
 ਨ ਨਿਰੰਤਰ ਧਾਰੀ । ਰਾਮ ਨਾਮ ਮੁਖਿ ਮਾਹਿ ਉਚਾਰੀ ॥  
 ੮ ॥ ਚਿਤ੍ਰ ਕੂਟ ਗਿਰ ਮੈਂ ਅਬ ਆਏ । ਮੁਨਿ ਸਮ ਆਸ੍ਰਮ  
 ਵਸੇ ਸੁਹਾਏ । ਆਵਹਿੰ ਰਾਮ ਈਹਾਂ ਸੁਨਿ ਜੋਲੋ । ਏਹੁ ਕ  
 ਲੇਵਰ ਰਾਖ ਸੁ ਤੋਲੋ ॥ ੯ ॥ ਰਾਮ ਹੇਤ ਭਨੁ ਅਪਨੋ ਦਾਹਿ  
 । ਜਾਵਹਿੰਗੀ ਹਰਿ ਕੇ ਪਦ ਮਾਹਿ । ਯਾਬਿਧ ਗੁਰ ਮੁਹਿ ਭਾਖਜੋ  
 ਜੈਸੇ । ਕਰਤ ਭਈ ਰਘੁਵਰ ਮੈਂ ਤੈਸੇ ॥ ੧੦ ॥ ਤੇਰੇ ਧਿਆਨ  
 ਬਿਖੇ ਮਨ ਵੀਨੋਂ । ਤਵ ਆਗਮਨ ਪ੍ਰਤੀਖਨ ਕੀਨੋਂ । ਸੁਫਲ  
 ਭਯੋ ਗੁਰ ਮੁਖੋਂ ਉਚਾਰਾ । ਰਾਮ ਲਹਜੇ ਮੈ ਦਰਸ ਤੁਮਾਰਾ  
 ॥ ੧੧ ॥ ਦੋਹਰਾ ॥ ਤੇਰੇ ਦਰਸਨ ਰਾਮ ਜੀ ਪਾਯੋ ਮੈ ਗੁਰ  
 ਨਾਹਿ । ਯੋਖਿਤ ਮੂੜਾ ਹੀਨ ਮੈਂ ਅਪ੍ਰਮੇਯ ਤੁਮ ਆਹਿ ॥



੧੨ ॥ ਤਵ ਦਾਸਨ ਕੇ ਦਾਸ ਜੇ ਸੈ ਗੁਨ ਉਤਰ ਕੀਨ । ਤਾਂ  
 ਦਾਸੀ ਅਧਿਕਾਰ ਨਹਿ ਕਹਾਂ ਤੋਹਿ ਪਰਬੀਨ ॥ ੧੩ ॥  
 ਚੌਪਈ ॥ ਮਨ ਬਾਣੀ ਕੇ ਅਹੈ ਅਗੋਚਰ । ਕਿਹ ਬਿਧ ਭਯੋ  
 ਸੁ ਮੇ ਦ੍ਰਿਗ ਗੋਚਰ । ਉਸਤਤਿ ਕਰਿ ਨਹਿ ਜਾਨੋ ਰਾਮ ।  
 ਹੋਹੁ ਪ੍ਰਸੰਨ ਰੂਪ ਕੋ ਧਾਮ ॥ ੧੪ ॥ ਸ੍ਰੀ ਰਾਮ ਉਵਾਰ ॥  
 ਚੌਪਈ ॥ ਨਰ ਨਾਰੀ ਮੈ ਨਾਂਹਿ ਬਿਸੇਖੇ । ਜਾਤਿ ਨ  
 ਆਸ੍ਰਮ ਮੇਰੇ ਲੇਖੇ । ਮੋਹ ਭਜਨ ਮੈਂ ਭਗਤਿ ਸੁ ਕਾਰਣ ।  
 ਵਹੀ ਕਰੇ ਸਭ ਬੰਧ ਨਿਵਾਰਣ ॥ ੧੫ ॥ ਬੇਦਾ ਧੈਨ ਯਗ  
 ਤਪ ਦਾਨ । ਇਨ ਕਰ ਨਹਿ ਮਮ ਹੋਵਹੁ ਭਾਨ । ਭਗਤਿ ਬਿ  
 ਹੀਨ ਕਰੇ ਕ੍ਰਿਤ ਜੋਈ । ਮੇਰੇ ਦਰਸਨ ਤਾਹਿ ਨ ਹੋਈ ॥ ੧੬  
 ॥ ਭਾਖੋਂ ਭਾਮਨ ਭਗਤਿ ਅਠਾਧਨ । ਕਰਿ ਸੰਖੇਪ ਭਗਤਿ ਕੇ  
 ਸਾਧਨ । ਸੰਤਨ ਕੀ ਸੰਗਤ ਹੈ ਜੋਈ । ਪ੍ਰਿਥਮ ਸੁ ਸਾਧਨ  
 ਭਾਖਯੋ ਸੋਈ ॥ ੧੭ ॥ ਦੂਸਰ ਮੇਰੀ ਕਥਾ ਅਲਾਪ । ਤ੍ਰਿਤੀਯ ਸੁ  
 ਮੇਰੇ ਗੁਣ ਕੋ ਜਾਪ । ਬਯਾਖਾ ਮਮ ਬਚਨਨ ਕੀ ਜੋਈ । ਚੌਥੇ  
 ਸਾਧਨ ਜਾਨਹੁ ਸੋਈ ॥ ੧੮ ॥ ਮੇਰੇ ਰੂਪ ਸੁ ਜਾਨ ਅਚਾਰਜ  
 । ਸੇਵੇ ਨਿਸ ਦਿਨ ਜੇਜੁਗ ਆਰਯ । ਕਪਟ ਨਹੀਂ ਮਨਭੀਤਰ  
 ਠਾਨੇ । ਪੰਚਮ ਸਾਧਨ ਏਹ ਬਖਾਨੇ ॥ ੧੯ ॥ ਪੁਨਾ ਸੀਲ  
 ਯਮ ਨੇਮ ਉਦਾਰੇ । ਮੇਰੇ ਪੂਜਨ ਮੈ ਮਨਧਾਰੇ । ਖਸ੍ਰਮ ਸਾਧਨ  
 ਭਾਖਯੋ ਸੋਇ । ਕੋਵਿਦ ਕਰੇ ਨਿਰੰਤਰ ਜੋਇ ॥ ੨੦ ॥ ਮਮ  
 ਮੰਤਰ ਉਪਾਸਨ ਜੋਈ । ਸਪਤਮ ਸਾਂਗ ਪਛਾਨੋ ਸੋਈ ॥  
 ਸਭ ਭੂਤਨ ਮੈ ਮਮ ਮਤਿ ਕਰੇ । ਪੂਜਾ ਮਮ ਭਗਤਨ ਬਿਸ



ਤਰੇ ॥ ੨੧ ॥ ਕਰ ਵੈਰਾਗ ਸੁ ਅਰਥਨ ਮਾਹੀਂ । ਸਮਦਮ  
 ਧਰੇ ਸੁ ਨਿਜ ਮਨ ਮਾਹੀਂ । ਅਸ਼ਟਮ ਸਾਧਨ ਏਹ ਕਹੀਜੇ  
 । ਨੌਮੋ ਤੱਤ ਵਿਚਾਰ ਭਨੀਜੇ ॥ ੨੩ ॥ ਨਵ ਬਿਧਿ ਜੋ ਭਗਤੀ  
 ਕੇ ਸਾਧਨ । ਜਾਂਕੋ ਹੋਇ ਸੁ ਭਗਤਿ ਅਗਾਧਨ । ਇਸਤ੍ਰੀ  
 ਪੁਰਖ ਤ੍ਰਿਗਾਇਕ ਹੋਈ । ਮੇਰੀ ਭਗਤ ਲਹੇ ਪੁਨਿ ਸੋਈ ॥  
 ੨੩ ॥ ਦੋਹਰਾ ॥ ਪ੍ਰੇਮ ਲੱਖਣਾ ਭਗਤਿ ਜੋ ਉਪਜੇ ਜਨ  
 ਮਨ ਮਾਹੀਂ । ਮੇਰੇ ਤੱਤੁ ਗਿਆਨ ਪੁਨਿ ਭਾਸੇ ਤਿਨ ਮਨ ਮਾਹੀਂ  
 ॥ ੨੪ ॥ ਚੌਪਈ ॥ ਮੇਰੇ ਗਿਆਨ ਭਯੋ ਤਿਨ ਜਬ ਹੀ  
 । ਯਾਹੀ ਜਨਮ ਮੁਕਤਿ ਤਿਨ ਤਬ ਹੀ । ਭਗਤਿ ਮੋਖਕੋ ਕਾ  
 ਰਣ ਆਹਿ । ਤੇ ਬਿਨ ਔਰ ਸੁ ਕੋਈ ਨਾਹਿ ॥ ੨੫ ॥ ਪੂਰਬ  
 ਸਾਧਨ ਜਿਨ ਕੋ ਹੋਈ । ਕ੍ਰਮ ਕਰ ਸਗਲ ਲਹੇ ਪੁਨ ਸੋਈ  
 । ਤਾਂਤੇ ਭਗਤਿ ਸੁ ਨਿਸਚਿਤ ਹੋਈ । ਬੰਧਨ ਸਗਲ ਨਿ  
 ਵਾਰੋ ਸੋਈ ॥ ੨੬ ॥ ਦੋਹਰਾ ॥ ਮੇਰੀ ਭਗਤਿ ਸੁਯੁਕਤ  
 ਤੂੰ ਭਈ ਜਗਤ ਕੈ ਮਾਹਿ । ਯਾਹੀ ਤੇ ਤਵ ਭੀਲਣੀ ਆਏ  
 ਤਵ ਘਰ ਮਾਹਿ ॥ ੨੭ ॥ ਮੇਰੇ ਦਰਸਨ ਪਾਇ ਕੈ ਭਈ  
 ਮੁਕਤਿ ਤੂੰ ਆਜ । ਔਰ ਨ ਸਾਧਨ ਚਾਹੀਏ ਭਏ ਸਗਲ ਤਵ  
 ਕਾਜ । ੨੮ ॥ ਸਵੈਯਾ ॥ ਤੂੰ ਜਬ ਜਾਨਤ ਸੀ ਕਮਲਾ  
 ਦ੍ਰਿਗ ਤੇ ਮਮ ਦੇਹ ਸੁ ਆਜ ਸੁਨਾਈ । ਕਾਹਿ ਹਰੀ ਕਿਹ  
 ਠੋਰ ਰਹੇ ਮਮ ਪ੍ਰਾਣ ਪ੍ਰਿਯਾ ਸਸਿ ਸੀ ਬਦਨਾਈ । ਤੂੰ ਸਭ ਜਾ  
 ਨਤ ਰਾਮ ਸਦਾ ਸਵਰੀ ਇਹ ਭਾਂਤਿ ਸੁ ਬਾਤ ਅਲਾਈ । ਤੂੰ  
 ਸਰਬੱਗ ਸਨਾਤਨਹੈਂ ਜਗਿ ਕਾਰਣ ਤੇ ਸਵਰੀ ਬਲਿ ਜਾਈ



॥ ੨੯ ॥ ਤੱਦਪਿ ਤੂੰ ਹਰਿ ਪੂਛਤ ਹੈਂ ਮਮ ਲੋਕਨ ਸੇਂ ਤ  
 ਨੁ ਯਾ ਜਗ ਧਾਰੀ । ਹੈ ਜਿਹ ਠੈਰਸੁ ਤੇ ਪਤਨੀ ਤੁਮ ਭਾਖਤ  
 ਹੋਂ ਸੁਨ ਰਾਮ ਮੁਰਾਰੀ । ਰਾਵਨ ਨੇ ਤਵ ਸੀਯ ਹਰੀ ਅਬ  
 ਲੰਕ ਬਸੇ ਜਲ ਸਾਗਰ ਪਾਰੀ । ਆਹਿ ਨਜ਼ੀਕ ਸਰੋਵਰਏਕ  
 ਸੁ ਪੰਪਾ ਕਹੇ ਅਤਿ ਉੱਜਲ ਵਾਰੀ ॥ ੩੦ ॥ ਚੌਪਈ  
 ॥ ਰਿਖ ਮੂਕ ਤਹਿ ਪਰਬਤ ਏਕ । ਰਚੇ ਬਿਧਾਤਾ ਅਰਥਨ  
 ਟੇਕ । ਤਹਿ ਸੁਗ੍ਰੀਵ ਬਸੇ ਕਪਿਨਾਇਕ । ਚਾਰ ਮੰਤਰੀ ਜਾਹਿ  
 ਸਹਾਇਕ ॥ ੩੧ ॥ ਪਵਨ ਬੇਗ ਕਪਿ ਹੈ ਬਲਿ ਧਾਰੀ । ਭਯੋ  
 ਸੁ ਡਰ ਤਿਨ ਚੀਤ ਮਝਾਰੀ । ਬਾਲੀਭਾਈ ਤੇ ਡਰ ਪਾਵੈ ॥  
 ਰਿਖ ਭੈਯ ਬਾਲੀ ਤਹਾਂ ਨ ਆਵੈ ॥ ੩੨ ॥ ਤਹਿ ਤੁਮ ਜਾ  
 ਹਿ ਰਾਮ ਬਲਿ ਧਾਰੀ । ਤਾਕੇ ਸਖਾ ਸੁ ਬਨੋ ਮੁਰਾਰੀ । ਸੁਗ੍ਰੀਵ  
 ਸੁ ਤੇ ਸਭ ਕਾਰਜ ਕਰੇ । ਤਵ ਦਾਸੀ ਤਵ ਸਤ ਉਚਰੇ ॥  
 ੩੩ ॥ ਤਵ ਆਗੇ ਰਘੁਨੰਦਨ ਸ਼ਾਮ । ਅਗਨਿ ਪ੍ਰਵੇਸ਼ ਕਰੋਂ  
 ਮੈ ਰਾਮ । ਜਾਰ ਕਲੇਵਰ ਤੇ ਪਦ ਜਾਵੋਂ । ਦੋ ਘਟਿਕਾ ਰਹੁ  
 ਦਰਸ਼ਨ ਪਾਵੋਂ ॥ ੩੪ ॥ ਸਵੈਯਾ ॥ ਇਹ ਭਾਂਤਿ ਬਖਾਨ  
 ਸੁ ਰਾਮ ਬਲੀ ਪੁਨਿ ਪਾਵਕ ਮਾਹਿ ਧਸੀ ਪੁਨਿ ਸੋਈ ॥ ਖਿਣ  
 ਭੀਤਰ ਜਾਰ ਕਲੇਵਰ ਸੋ ਭਵ ਬੰਧਨ ਕਾਰਣ ਥੇ ਜਗ ਜੋਈ ।  
 ਬਨ ਰਾਮ ਪ੍ਰਸਾਦਿ ਸੁ ਮੋਖ ਲਹੀ ਸਵਰੀ ਜਿਹ ਪਾਵਤ  
 ਕੇਵਿਦ ਕੋਈ । ਫਲ ਕੋਨ ਦੁਲੰਭ ਸੁ ਹੈ ਜਗ ਮੈ ਜਬ ਰਾਮ  
 ਪ੍ਰਸੰਨ ਉਮਾਂ ਜਗ ਹੋਈ ॥ ੩੫ ॥ ਚੌਪਈ ॥ ਅਧਮ  
 ਜਾਤ ਭੀਲਨੀ ਜੋਈ । ਭਈ ਮੁਕਤਿ ਭਵ ਭੀਤਰ ਸੋਈ



। ਰਾਮ ਭਗਤਿ ਬ੍ਰਹਮਣ ਪੁਨਿ ਜੋਈ । ਕਿਉਂ ਨਹੀ ਮੁਕਤ  
 ਸੁ ਵਹਿ ਜਗ ਹੋਈ ॥ ੩੬ ॥ ਭਗਤਿ ਰਾਮ ਕੀ ਯਾ ਜਗ ਜੋ  
 ਈ । ਮੁਕਤਿ ਵਿਧਾਇਕ ਭਵ ਮੈਂ ਸੋਈ । ਕਾਮ ਧੇਨ ਸੀ ਸਾ  
 ਜਗ ਮਾਹੀ । ਕਿਉ ਨਹਿ ਕਰੋ ਭਗਤਿ ਹਰਿ ਮਾਹੀਂ ॥ ੩੭  
 ॥ ਸਵੈਯਾ ॥ ਰਾਮ ਕੇ ਪਾਇਨ ਸੇਵ ਕਰੋ ਜਗ ਭੀਤਰ  
 ਹੇ ਜਨ ਪ੍ਰੇਮ ਲਗਾਈ । ਗਿਆਨ ਅਨੇਕ ਸੁ ਮੰਤ੍ਰ ਬਿਚਾਰ ਸੁ  
 ਦੂਰਤਜੋ ਭਵ ਭੀਤਰ ਭਾਈ ॥ ਰਾਮ ਸੁ ਸਯਾਮ ਮਹਾ ਤਨ ਸੁੰਦਰ  
 ਜਾਹਿ ਭਜੇ ਸਭਹੀ ਅਘ ਜਾਈ । ਤਾਹਿ ਭਜੇ ਤੁਮ ਨੀਤ ਜਨਾ  
 ਜਗ ਭੀਤਰ ਜੋ ਜਨ ਕੇ ਸੁਖਦਾਈ ॥ ੩੮ ॥ ਅਨੰਗ  
 ਸੇਖਰ ਛੰਦ ॥ ਵਿਰਾਧ ਜਾਹਿ ਮਾਰਿਯੋ ਨਿਵਾਰਿਯੋ ਕਲੇਸ  
 ਦਾਸ ਬਾਸ ਦੰਡਕਾ ਕਰੇ ਮੁਨੀਸ਼ ਟੇਕੀਯੋ ਮਥਾ । ਕਟੇ ਨਿਖੰਗ  
 ਧਾਰਯੋ ਉਬਾਰਿਯੋ ਜਟਾਯੁ ਕੋ ਸੁ ਯੋਜਨਾਇ ਤੂੰ ਭੁਜਾ  
 ਕਬੰਧ ਦੇਹ ਜਾ ਮਥਾ । ਸੁ ਤਾਹਿ ਰਾਮਚੰਦ ਕੀ ਉਦਾਰ  
 ਪਾਵਨੀ ਮਹਾ ਅਪਾਰ ਧਾਰ ਗੰਗ ਸੀ ਅਰੰਨ ਕਾਂਡ ਕੀ  
 ਕਥਾ । ਗੁਲਾਬ ਸਿੰਘ ਦਾਸ ਤਾਂ ਮਨੋਂ ਮਲਾਂ ਨਿਵਾਰਨੀ  
 ਉਧਾਰ ਦੇਵ ਗੀਤ ਤੇ ਬਨਾਇਕੈ ਕਹੀ ਕਥਾ ॥ ੩੯ ॥

ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
 ਸੰਬਾਦੇ ਅਰੰਨ ਕਾਂਡੇ ਦਸਮੇ ਧਿਆਇ ਸਮਾਪਤੰ ॥ ੧੦ ॥

ਇਤਿ ਅਰੰਨ ਕਾਂਡ ਸੰਪੂਰਣੰ



## ਅਥ ਕਿਸਕਿੰਧਾ ਕਾਂਡ ਲਿਖਯਤੇ

ਸਵੈਯਾ ॥ ਮੈਥੁਲ ਕੀ ਦੁਹਿਤਾ ਪਦਵੀ ਬਨ ਡੋਲਤ ਜੋ  
 ਰਘੁਬੀਰ ਨਿਹਾਰੇ ॥ ਕਾਨਨ ਕੇ ਸਰ ਕੋ ਸੁਤਸੋਂ ਜਿਨ ਬਾਤ  
 ਕਰੀ ਜਗਨਾਥ ਮੁਰਾਰੇ । ਸੂਰਯ ਕੇ ਸੁਤ ਮੀਤ ਕਰੇ ਅਰੁ  
 ਜਾਹਿ ਪੁਰੰਦਰ ਕੇ ਸੁਤ ਮਾਰੇ । ਸੋ ਰਘੁਨਾਇਕ ਦਾਸਨ ਕੇ  
 ਸੁਭ ਕਾਜ ਕਰੇ ਬਿਘਨਾਂ ਕਟ ਡਾਰੇ ॥ ੧ ॥ ਸ੍ਰੀਮਹਾਂਦੇਵ ਉਵਾਚ  
 ॥ ਚੌਪਈ ॥ ਤਬ ਲਖਮਨ ਅਰੁ ਰਾਮ ਰਸੀਲੇ । ਸਨੇਂ  
 ਸਨੇਂ ਅਤਿ ਸੁੰਦਰ ਡੀਲੇ । ਪੰਪਾਸਰ ਕੇ ਤਟਿ ਮੈ ਗਏ । ਪੇਖ  
 ਸਰੋਵਰ ਬਿਸਮੈ ਭਏ ॥ ੨ ॥ ਕੋਸ ਪ੍ਰਮਾਣ ਅਹੇ ਵਿਸਤਾਰ ।  
 ਜਲ ਅਗਾਧਿ ਅਤਿ ਉਜਲ ਵਾਰ । ਸੁੰਦਰ ਕਮਲ ਜਹਾਂ  
 ਅਤਿ ਖਿਰੇ । ਕੁਮਦ ਅਨੇਕ ਪ੍ਰਭਾ ਵਿਸਤਰੇ ॥ ੩ ॥ ਸਵੈਯਾ  
 ॥ ਬਤਿਕ ਐ ਪੁਨਿ ਹੀਸ ਘਨੇ ਚਕਵਾ ਜਹ ਸੋਭਤਹੈ ਚਹੂ  
 ਓਰਾ । ਕੋਕਿਲ ਕਾਜਲ ਕ੍ਰਕਿਟ ਐ ਪੁਨਿ ਕ੍ਰੋਚ ਸੁ ਨਾਦ  
 ਕਰੇਂ ਘਨ ਘੋਰਾ । ਕੀਰ ਕੱਪੋਤ ਅਨੇਕ ਰਟੇ ਅਤਿ ਸੋਭਤ  
 ਸਾਰਸ ਕੇ ਅਨਜੋਰਾ । ਫੂਲ ਲਤਾ ਤਰੁ ਯੋਂ ਨਿਰਖੈਂ ਜਨੁ  
 ਨਾਗਰ ਨਾਰ ਚਿਤੇ ਵਿਗ ਕੋਰਾ ॥ ੪ ॥ ਫਲ ਭਾਰ ਭਰੇ  
 ਤਰੁਵਾ ਸਗਲੇ ਸੁਭ ਸੰਤਨ ਸੇ ਸੁ ਲਟੇ ਧਰ ਮਾਹੀਂ । ਜਲ  
 ਉਜਲ ਜਿਉਂ ਮਨ ਸੰਤਨ ਕੋ ਪੁਨਿ ਵਾਰਜ ਗੰਧ ਧਸੀ  
 ਤਿਨ ਮਾਹੀਂ । ਸ੍ਰਮ ਹਾਰਕ ਵੈ ਜਲ ਧਾਨ ਕਰੈਂ ਰਘੁਬੀਰ  
 ਤਹਾਂ ਤਰੁਕੀ ਪਰਛਾਹੀਂ । ਤਹਿ ਸਾਨੁਜ ਰਾਮ ਸੁ ਤੂਣ ਕਸੇ  
 ਪਥਿ ਸੀਤਲ ਮਾਹਿ ਚਲੇ ਤਟ ਜਾਹੀਂ ॥ ੫ ॥ ਚੌਪਈ ॥ ਰਿਖ



ਮੂਕ ਪਰਬਤ ਢਿਗ ਦੋਉ । ਜਾਤ ਭਏ ਲਖਮਣ ਹਰਿ ਸੋਉ ।  
 ਧਨੁਖ ਬਾਣ ਕਰ ਭੀਤਰ ਧਾਰੇ ॥ ਸੀਸ ਜਟਾ ਬਲ ਕਲਹ  
 ਸਵਾਰੇ ॥੬॥ ਨਾਨਾ ਬਿਰਖਨ ਓਰ ਨਿਹਾਰੇ । ਗਿਰਕੀਸੋਭਾ ਬ  
 ਹੁਤ ਉਚਾਰੇਂ । ਬਾਨਰ ਚਾਰ ਸੈਹਤ ਸੁਗੀਵਾ । ਤਾਂ ਪਰਬਤ ਪਰ  
 ਬਸੇ ਸਦੀਵਾ ॥੭॥ ਪਿਖ ਲਖਮਣ ਅਰ ਰਾਮ ਸੁਆਏ । ਪਰਬਤ  
 ਸਿਖਰ ਚਢਯੋ ਪੁਨਿ ਜਾਏ । ਡਰ ਸੁਗੀਵ ਕਹਯੋ ਹਨੂਮਾਨ ॥  
 ਆਵਤ ਕੌਨ ਦੋਉ ਬਲਵਾਨ ॥੮॥ ਜਾਇ ਪਿਖੋ ਤੁਮ ਤਿਨ ਓਰ  
 ਭਾਈ । ਬਟ ਕੀ ਆਕ੍ਰਿਤ ਦੇਹ ਬਨਾਈ । ਕਿਆ ਯਹਿ ਬਾਲੀ  
 ਆਪ ਪਠਾਏ । ਮੇਰੇ ਮਾਰਨ ਕੇ ਹਿਤ ਆਏ ॥੯॥ ਤਿਨਸੋਂ ਜਾ  
 ਇ ਸੁ ਬਾਤ ਕਰੇਹੁ । ਤਿਨਕੋ ਚੀਤ ਸਗਲ ਲਖ ਲੇਹੁ । ਜੇਵਹੁ  
 ਦੁਸ਼ ਚਿਤ ਲਖ ਪਾਵੇਂ । ਕਰ ਸੈਨਨਕਰ ਮੋਂ ਸਮਝਾਵੇਂ ॥੧੦॥  
 ਦੋਹਰਾ ॥ ਭਲੇ ਜਾਨ ਤਿਨ ਮੋਹਿ ਪਿਖ ਹਾਸੀ ਦੰਤ ਨਿਕਾਰ ।  
 ਯਾ ਬਿਧ ਜਾਨੇ ਹਮ ਸਹੀ ਤਿਨਕੋ ਸਾਰ ਅਸਾਰ ॥੧੧॥ ਚੌਃ  
 ॥ ਹਨੂਮਾਨ ਮੁਖ ਤਥਾ ਉਚਾਰੀ । ਲੀਨੋ ਬਟ ਸਰੂਪ ਤਿਨ ਧਾਰੀ  
 । ਅਤਿ ਨਿੰਮਰ ਤਾਕੀ ਢਿਗ ਗਯੋ । ਕਰ ਪ੍ਰਣਾਮ ਪੁਨ ਪੂਛਤ  
 ਭਯੋ ॥੧੨॥ ਪੁਰਖ ਸਿੰਘ ਤੁਮ ਕੌਨ ਸੁ ਦੋਈ । ਤਰਣ ਬੀਰ  
 ਬਨ ਆਏ ਜੋਈ । ਆਠੇ ਦਿਸ਼ਾ ਪ੍ਰਕਾਸੋ ਭਾਈ । ਦੋਸੁਰਜਸਮ  
 ਪ੍ਰਭਾ ਸੁਹਾਈ ॥੧੩॥ ਤੁਮ ਤਿਲੋਕ ਕੇ ਕਰਤਾ ਦੋਈ । ਮੇ  
 ਰੀ ਮਤਿ ਯਾ ਬਿਧ ਕੀ ਹੋਈ । ਤੁਮ ਪਰਧਾਨ ਪੁਰਖ ਜਗ ਕਾਰਣ  
 । ਜਗ ਸਰੂਪ ਜਨਿਨ ਕੇ ਤਾਰਣ ॥੧੪॥ ਮਾਯਾ ਮਾਨੁਖ ਭਏ  
 ਅਕਾਰ । ਮੈਂ ਜਾਨਤ ਤੁਮਕੋ ਅਵਤਾਰ । ਜਗ ਉਪਜਾਵਨ



ਪਾਲਣ ਹਰਣੂ । ਲੀਲਾ ਕਰੇ ਸੁ ਦੇ ਤੁਮ ਤਰਣੂ ॥ ੧੫ ॥  
 ਸਥਾਵਰ ਜੰਗਮ ਜੋ ਜਗ ਹੇਰੇ । ਸੁਤੰਤਰ ਪ੍ਰੇਰਕ ਤੁਮ ਤਿਨ  
 ਕੇਰੇ । ਭੂਮੀਂ ਕੋ ਸਭ ਭਾਰ ਸੁ ਹਰਣੋਂ । ਨਿਜ ਭਗਤਨ ਕੋ  
 ਪਾਲਨ ਕਰਣੋਂ ॥ ੧੬ ॥ ਯਾ ਹਿਤ ਤੁਮ ਲੀਨੋ ਅਵਤਾਰਾ  
 । ਤੁਮ ਪ੍ਰਮੇਸੁਰ ਖੱਤ੍ਰੀ ਆਕਾਰਾ । ਨਰ ਨਾਰਾਇਣ ਸੇ ਜਗ  
 ਦੋਈ । ਮੇਰੀ ਮਤਿ ਯਾ ਬਿਧ ਕੀ ਹੋਈ ॥੧੭॥ ਰਾਮਕੀਯੋਤਬ  
 ਭ੍ਰਾਤ ਉਚਾਰਾ । ਪੇਖੋ ਲਖਮਣ ਬਟੂ ਸੁਚਾਰਾ । ਸਬਦ ਸਾਸਤ੍ਰ  
 ਸਗਲੋ ਹੈ ਜੋਈ । ਵਾਰ ਅਨੇਕ ਸੁਨਯੋ ਇਨ ਸੋਈ ॥ ੧੮ ॥  
 ਇਨੋਂ ਸੁ ਜੋ ਜੋ ਮੁਖਤੇ ਕਹਯੋ । ਅਸੁੱਧ ਬਚਨ ਨਹਿੰਤਿਨਮੈ  
 ਲਹਯੋ । ਪੁਨਿ ਰਘੁਬੀਰ ਕਹੇ ਹਨੂਮਾਨ । ਗਯਾਨ ਰੂਪ ਵੈ  
 ਸ੍ਰੀ ਭਗਵਾਨ ॥ ੧੯ ॥ ਮੈਂ ਹੋਂ ਵਾਸਰਥੀ ਜਗ ਰਾਮ । ਯਹ  
 ਮੈਂ ਅਨੁਜ ਸੁ ਲਖਮਣ ਨਾਮ । ਸੀਤਾ ਹੁਤੀਸੁ ਨਾਰਿ ਹਮਾਰੀ  
 । ਪਿਤ ਆਇਸੁ ਸਿਰਪਰ ਹਮ ਧਾਰੀ ॥ ੨੦ ॥ ਤੀਨੋ ਦੰਡਕ  
 ਵਿਪਨ ਮਝਾਰ । ਹਮਆਏ ਸੁਣਿ ਬ੍ਰਹਮ ਕੁਮਾਰ । ਰਾਖਥ  
 ਕਿਨੋਂ ਸੁ ਹਰੀ ਪਿਆਰੀ । ਮੇ ਪਤਨੀ ਵਹੁ ਜਨਕ ਕੁਮਾਰੀ ॥  
 ੨੧ ॥ ਦੋਹਰਾ ॥ ਤਾਂਕੇ ਢੂਢਨ ਹੇਤ ਹਮ ਆਏ ਯਾ ਬਨ  
 ਮਾਹਿ । ਤੁਮ ਬਟ ਰੂਪੀ ਕੋਨ ਹੋ ਮੋਹ ਕਹੋ ਮੁਖ ਮਾਹਿ  
 ॥ ੨੨ ॥ ਬਟੂ ਵਾਰ ॥ ਚੌਪਈ ॥ ਸੁਗ੍ਰੀਵ ਨਾਵ ਬਾਨਰ ਕੋ  
 ਰਾਜਾ । ਹੈ ਮਤਿ ਮਾਨ ਬਡੇ ਸਿਰਤਾਜਾ ॥ ਚਾਰ ਮੰਤਰੀ ਸੰਗ  
 ਪਿਆਰੇ । ਗਿਰਸਿਰ ਬਸੇ ਸੁ ਕਪਿ ਸਿਰਦਾਰੇ ॥ ੨੩ ॥  
 ਦੋਹਰਾ ॥ ਬਾਲੀਕੋ ਲਘੁ ਭ੍ਰਾਤ ਹੈ ਰਘੁਵਰਿ ਕਪਿ ਸੁਗ੍ਰੀਵ



। ਬਾਲੀ ਪਾਪੀ ਕਾਇਯੋ ਡਰਿਤ ਰਹੇ ਤਿਨ ਜੀਵ ॥ ੨੪ ॥  
 ਇਸਕੀ ਨਾਰਿ ਸੁਤਾਂ ਹਰੀ ਬਾਲੀ ਪਾਪੀ ਭ੍ਰਾਤ । ਤਿਨ ਡਰ  
 ਯਾ ਗਿਰ ਮੈਂ ਬਸੈ ਕਪਿਨਾਇਕ ਬਿੱਖਯਾਤ ॥ ੨੫ ॥ ਚੌਪਈ  
 ॥ ਸੁਗ੍ਰੀਵਹਿਕੋ ਮੈਂ ਅਹੈ ਬਜੀਰ । ਵਾਯੁ ਪੂਤ ਮਮ ਕਹੇ ਸੁਧੀਰ  
 । ਹਨੂਮਾਨ ਮਮ ਨਾਮ ਬਖਾਨੇਂ । ਅੰਜਨੀ ਮਾਤ ਸਗਲ  
 ਜਗਜਾਨੇਂ ॥ ੨੬ ॥ ਦੋਹਰਾ ॥ ਸੁਗ੍ਰੀਵ ਸਾਥ ਮੈਤ੍ਰੀ ਕਰੋ ਕਹੋ  
 ਰਘੂਤਮ ਜੋਇ । ਪਤਨੀ ਹਰੀ ਸੁ ਨਾਸ ਪ੍ਰਤਿ ਤੋਹਿ ਸਹਾਇ  
 ਕ ਹੋਇ ॥ ੨੭ ॥ ਮੈਂ ਅਬਜਾਵਹੁ ਬੇਗ ਤਹਿੰ ਢੀਲ ਨਹੀਂ  
 ਕਛੁ ਆਹਿ । ਚਲੋ ਰਘੂਤਮ ਬੇਗ ਤੁਮ ਜੋ ਰੁਚਿ ਹੈ ਉਰਮਾਹਿ  
 ॥ ੨੮ ॥ ਸ੍ਰੀਰਾਮੋਂ ਵਾਚ ॥ ਸਵੈਯਾ ॥ ਹਮਹੂੰ ਤਿਨਕੇ ਸੰਗ  
 ਹੋਨ ਸਖਾ ਚਲ ਕੇ ਇਹ ਠੌਰ ਸੁਨੇਂ ਅਬਆਏ । ਜਗਮੀਤ  
 ਕੇ ਕਾਰਯ ਹੋਇ ਜਿਤੇ ਕਰਹੇਂ ਸਗਲੋ ਸਿਰ ਲੋ ਬਲ ਲਾਏ  
 । ਹਨੂਮਾਨ ਤਬੈ ਨਿਜ ਰੂਪ ਗਹਯੋ ਕਰ ਜੋਰ ਦੇਉ ਤਿਨ ਰਾਮ  
 ਅਲਾਏ । ਅਬਮੋਹਿ ਸਕੰਧ ਚਢੇ ਰਘੁਨਾਇਕ ਬੇਗ ਚਲੋ  
 ਨਹਿ ਢੀਲ ਸੁ ਆਏ ॥ ੨੯ ॥ ਤਿਹ ਠੌਰ ਚਲੋ ਅਬ ਬੇਗ  
 ਸੁਨੇਂ ਜਹਿ ਸੰਗ ਅਮਾਤ ਬਸੈ ਕਪਿ ਰਾਈ । ਤਬ ਰਾਮ ਤਥਾ  
 ਮੁਖ ਭਾਖ ਭਲੇ ਹਨੂਮਾਨ ਸਕੰਧ ਚਢੇ ਯੁਗ ਭਾਈ । ਹਨੂਮਾਨ  
 ਸੁ ਕੂਦ ਚੜੇ ਖਿਤ ਤੇ ਗਿਰ ਸੀਸ ਬਿਖੇ ਨਹਿੰ ਢੀਲ ਲਗਾ  
 ਈ ॥ ਰਘੁਨਾਥ ਤਹਾਂ ਲਘੁ ਭ੍ਰਾਤ ਸਮਾਂ ਖਿਣ ਬੈਠਤ ਹੈਂ ਨਿ  
 ਵੜੀ ਤਰ ਛਾਹੀ ॥ ੩੦ ॥ ਹਨੂਮਾਨ ਕਪੀਸੁਰ ਪਾਸ ਗਏ  
 ਕਰ ਜੋਰ ਦੁਊ ਇਹ ਬਾਤ ਅਲਾਈ । ਲਘੁ ਭ੍ਰਾਤ ਸਮਾਂ ਰਘੁ-



ਬੀਰ ਅਏ ਡਰ ਦੂਰ ਤਜੋ ਸਗਲੋ ਕਪਿਰਾਈ । ਅਬ ਬੇਗ  
ਉਠੋ ਮਿਲ ਰਾਘਵ ਕੇ ਤਿਨ ਸੋ ਸਖਿਤਾ ਤੁਮਰੀ ਸੁ ਬਨਾਈ ।  
ਕਰ ਤੂੰ ਸਖਿਤਾ ਸਹ ਬੇਗ ਤਿਨੇ ਸੁਨਿ ਰਾਜਨ ਪਾਵਕ ਪਾਸ  
ਜਲਾਈ ॥ ੩੧ ॥ ਹਰਖੇ ਸੁਗ੍ਰੀਵ ਸੁਨੀ ਬਤੀਆਂ ਪੁਨਿ ਆਪ  
ਰਘੂਤਮ ਕੀ ਵਿਗ ਆਈ । ਤਰੁ ਕੋਮਲ ਸਾਖ ਸੁ ਛੀਨ  
ਲਈ ਕਰ ਰਾਮ ਕੇ ਹੇਤ ਸੁ ਦੀਨ ਬਿਛਾਈ । ਹਨੂਮਾਂਨ ਦਈ  
ਲਖਮੰਨ ਤਬੈ ਲਖਮੰਨ ਸੁ ਕਾਟਿ ਦਈ ਕਪਰਾਈ । ਪੁਨਿ  
ਬੈਠ ਗਏ ਤਿਹ ਠੌਰ ਬਿਖੈ ਕਪਿ ਨਾਇਕ ਔ ਹਰਿਜੀ  
ਹਰਖਾਈ ॥ ੩੨ ॥ ਆਦਹਿ ਤੇ ਰਘੂਬੀਰ ਕਥਾ ਲਖਮੰਨ  
ਤਬੈ ਤਿਹ ਭਾਖ ਸੁਨਾਈ । ਰਾਮ ਦਯੋ ਬਨਬਾਸ ਪਿਤਾ ਅਰ  
ਸੀਯ ਗਈ ਬਨਮਾਹਿ ਚੁਰਾਈ । ਯੋ ਲਖਮੰਨ ਕਿ ਵਾਕ  
ਸੁਨੇ ਤਬ ਏ ਕਪਿ ਨਾਇਕ ਬਾਤ ਅਲਾਈ । ਸੀਯ ਕੋ ਸੋਧਨ  
ਮੈਂ ਕਰ ਹੋਂ ਬਲ ਬੁਧਿ ਜਹਾਂ ਪਹੁੰਚੇ ਰਘੂਰਾਈ ॥ ੩੩ ॥  
ਅਰ ਘਾਤਨ ਮੈਂ ਸੁ ਸਹਾਇਤਤਾ ਤੁਮਰੀ ਕਰਹੋਂ ਬਲ ਮੈਂ  
ਰਣ ਮਾਹੀਂ । ਇਕ ਔਰ ਸੁਨੋ ਤੁਮ ਰਾਮ ਕਹੋਂ ਜੁ ਪਿਖੀ ਇਹ  
ਮੈਂ ਨਿਜ ਨੈਨਨ ਮਾਹੀਂ । ਕਪਿ ਚਾਰ ਸਮੇਤ ਸੁ ਏਕ ਸਮੇਂ  
ਇਹ ਬੈਠੋ ਹੁਤੇ ਗਿਰ ਕੇ ਸਿਰ ਮਾਹੀਂ । ਇਕ ਨਾਰ ਸਲੋਚਨ  
ਰਾਖਸ਼ਕੋ ਗਹਿ ਜਾਵਤ ਥੋ ਨਭਿ ਮੰਡਲ ਮਾਹੀਂ ॥ ੩੪ ॥  
ਮੁਖ ਰਾਮਹਿ ਰਾਮ ਪੁਕਾਰਤ ਥੀ ਪੁਨਿ ਪੇਖ ਹਮੇਂ ਗਿਰ ਕੀ  
ਸਿਰ ਮਾਹੀਂ । ਨਿਜ ਭੂਖਣ ਤਾਰ ਸੁ ਪਾਰ ਪਟੰਬਰ ਡਾਰ ਦਏ  
ਸੁ ਧਰਾਧਰ ਮਾਹੀਂ । ਅਤਿ ਰੋਵਤ ਥੀ ਦ੍ਰਿਗਨੀਰ ਘਨੋ ਗਹਿ



ਰਾਖਸ਼ ਤਾਂਹਿ ਗਯੋ ਨਭਿ ਮਾਹੀਂ । ਗਹਿ ਭੂਖਨ ਵੈ ਰਘੁ  
 ਨੰਦਨ ਮੈਂ ਇਹ ਥਾਪ ਧਰੇ ਗਿਰ ਕੰਦਰ ਮਾਹੀਂ ॥ ੩੫ ॥ ਅ  
 ਬਲੋ ਇਹ ਆਹਿ ਪਿਖੋ ਨਿਜ ਨੈਨਨ ਹੈਂ ਤਿਨਕੇ ਕਿ ਨਹੀਂ  
 ਸੁ ਬਿਚਾਰੇ । ਇਹ ਭਾਂਤਿ ਉਚਾਰ ਸੁ ਆਂਨ ਵਹੈ ਕਪਿ ਨਾਥ  
 ਭਲੇ ਰਘੁਨਾਥ ਦਿਖਾਰੇ । ਪੁਨ ਰਾਮ ਸੁ ਹਾਥਨ ਖੋਲ ਗਿਰਾ  
 ਪਿਖ ਭੂਖਨ ਹਾ ! ਮੁਖ ਮਾਹਿ ਪੁਕਾਰੇ । ਰਿਦ ਭੂਖਨ ਧਾਰ ਸੁ  
 ਰੇਤ ਭਏ ਜਨ ਪ੍ਰਕ੍ਰਿਤ ਰੋਵਤ ਲੋਕ ਮਝਾਰੇ ॥ ੩੬ ॥  
 ਲਖਮੰਨ ਦਯੋ ਬਹੁ ਧੀਰ ਤਬੈ ਅਰੁ ਵਾਕ ਕਹੇ ਸੁ ਕਹੇ ਮੁਖ  
 ਮਾਹੀਂ । ਦਿਨ ਕੇਤਕ ਮਾਹਿ ਲਹੇਂ ਸੀਯ ਕੋ ਤੁਮ ਕਿਉਂ ਬਹੁ  
 ਸੋਚ ਕਰੋ ਮਨ ਮਾਹੀਂ । ਕਪਿਨਾਥ ਸਹਾਇਕ ਹੈ ਹਮਰੋ ਹਮ  
 ਮਾਰਹਿ ਰਾਵਣ ਕੋ ਰਣ ਮਾਹੀਂ । ਤਬ ਆਪ ਸੁ ਵੀ ਵ ਕਹਯੋ  
 ਮੁਖਤੇ ਇਹ ਭਾਖਤ ਰਾਮ ਸੁਨੋ ਬਨ ਮਾਹੀਂ ॥ ੩੭ ॥ ਸੁਗ੍ਰੀਵ  
 ਉਵਾਰ ॥ ਚੌਪਈ ॥ ਯਹ ਹੈ ਰਾਮ ਪ੍ਰਤੱਗਯਾ ਮੇਰੀ । ਬਹੁਤ  
 ਕਹੇ ਉਰ ਲਾਜ ਘਨੇਰੀ । ਰਾਵਣ ਕੋ ਰਣ ਭੀਤਰ ਮਾਰੀ । ਤੇ  
 ਕਰ ਦੇਉਂ ਸੁ ਜਨਕ ਕੁਮਾਰੀ ॥ ੩੮ ॥ ਸ਼ੰਕਰ ਛੰਦ ॥ ਹਨੂ  
 ਮਾਨ ਪਾਵਕ ਦਾਰਲੈ ਤਹਿ ਜਾਲਿਯੋ ਪੁਨਿ ਆਪ । ਰਾਮ ਐ  
 ਕਪਿ ਨਾਥ ਕੇ ਢਿਗ ਧਰੇ ਸਾਖੀ ਥਾਪ । ਤਬ ਭਏ ਮੀਤ ਸੁ  
 ਪਰਸਪਰ ਗਲ ਮਿਲੇ ਭੁਜਾ ਪਸਾਰ । ਨਿਹ ਪਾਪ ਵੋਨੋਂ  
 ਚੀਤਮੈਂ ਜਿਮ ਗੀਗ ਯਮਨਾ ਵਾਰ ॥ ੩੯ ॥ ਤਬ ਰਾਮਕੇ ਢਿਗ  
 ਬੈਠ ਕੈ ਸੁਗ੍ਰੀਵ ਕੀਨ ਉਚਾਰ । ਸਖੇ ਨਿਜ ਮੈਂ ਹਾਲ ਤੇ ਕੈ  
 ਕਹੋਂ ਰਾਮਮੁਰਾਰ । ਸੁਨੋਂ ਤੁਮ ਮਨ ਲਾਇਕੇ ਮਮ ਬਾਲਿ ਕੀਨੋ



ਜੋਇ । ਮਾਯਾਵੀ ਨਾਮ ਸੁ ਪੂਤ ਮਯ ਕੋ ਪਰਮ ਦੁਰਮਤਿ ਸੋਇ  
 ॥੪੦॥ ਚੌਪਈ ॥ ਏਕ ਸਮੇ ਕਿਸਕਿੰਧਾ ਆਯੋ । ਬਾਲੀ ਕੋ  
 ਤਿਨ ਆਨ ਬੁਲਾਯੋ । ਸਿੰਘ ਨਾਦ ਤਿਨ ਕੀਨ ਉਚਾਰਾ ॥  
 ਬਾਲੀ ਕ੍ਰੋਧ ਭਯੋ ਉਰ ਭਾਰਾ ॥ ੪੧ ॥ ਤਾਮਰ ਨੈਨ ਕ੍ਰੋਧ  
 ਅਤਿ ਬਾਲੀ । ਨਿਕਸੇ ਪੁਰ ਤੇ ਬੀਰ ਸੁ ਬਾਲੀ । ਬਾਲੀ ਤਾਂ  
 ਉਰ ਮੂਠ ਲਗਾਈ । ਰਾਖਸ਼ ਡਰਿਓ ਸੁ ਚਲਿਓ ਪਲਾਈ ॥  
 ੪੨ ॥ ਅਪਨੀ ਗਹੁ ਪ੍ਰਤਿ ਭਾਗਯੋ ਜਬਹੀਂ । ਬਾਲੀ ਪਾਛੇ  
 ਧਾਯੋ ਤਬਹੀਂ । ਮੈਂ ਤਿਨ ਸੰਗ ਧਯੋ ਤਬ ਗਯੋ । ਬਾਲੀ ਕੋ  
 ਅਨੁਗਤ ਤਬ ਭਯੋ ॥ ੪੩ ॥ ਗਿਰਕੰਦਰ ਮੈ ਸੋ ਧਸ ਗਯੋ ।  
 ਬਾਲੀ ਮੋ ਪ੍ਰਤਿ ਬਚਨ ਅਲਯੋ । ਤੂੰ ਰਹੋ ਬਾਹਰ ਮੈਂ ਧਸਜਾਵੇਂ  
 । ਰਹੀ ਤਹਾਂ ਲੋ ਜੋਲੋ ਆਵੇਂ ॥੪੪॥ ਯਾ ਬਿਧ ਭਾਖ ਸੁ ਗੁਹਮੈਂ  
 ਗਯੋ । ਮਾਸ ਏਕ ਬਾਹਰ ਨਹਿੰ ਅਯੋ । ਮਾਸ ਉਪਰੰਤ ਗੁਹਾ  
 ਕੇ ਦੁਆਰਾ । ਨਿਕਸੀ ਸ੍ਰੋਣਤ ਕੀ ਬਹੁ ਧਾਰਾ ॥ ੪੫ ॥ ਤਿਨ  
 ਕੋ ਦੇਖ ਤਪਤ ਤਨ ਭਏ । ਮੈ ਜਾਨੋ ਬਾਲੀ ਉਰ ਮੁਏ । ਗੁਹਕੇ  
 ਦੁਆਰ ਸਿਲਾ ਇਕ ਮਾਰ । ਮੈ ਆਯੋ ਨਿਜ ਭੋਨ ਮਝਾਰ ॥  
 ੪੬ ॥ ਬਾਲੀ ਰਾਖਸ਼ ਨਿਸਚੇ ਮਾਰਾ । ਗੁਹਾ ਬੀਚ ਮੈ ਕੀਨ  
 ਉਚਾਰਾ । ਸੁਨਕੈ ਬਾਤ ਦੁਖੀ ਸਭ ਹੋਏ । ਛਾਤੀ ਤਾੜ ਸੁ  
 ਬਹੁ ਬਿਧ ਰੋਏ ॥੪੭॥ ਮੋਕੋ ਰਾਜ ਤਿਲਕ ਸਭ ਭਾਖੇ । ਰਾਮ  
 ਹੁਤੀ ਨਹਿੰ ਮੇ ਅਭਿਲਾਖੇ । ਬਲਾਤਕਾਰ ਤੇ ਰਾਜ ਸੁ ਦੀਨੋਂ ।  
 ਕਪਿ ਮੰਤ੍ਰੀ ਮੁਹਿ ਤਿਲਕ ਸੁ ਕੀਨੋ ॥ ੪੮ ॥ ਸ਼ੰਕਰ ਛੰਦ ॥  
 ਮੈ ਰਾਜ ਕੀਨੋ ਕਪਿਨ ਕੋ ਸੁਨਿ ਰਾਮ ਕਿੰਚਤ ਕਾਲ । ਸੀਸ



ਛਤ੍ਰ ਸੁ ਮੇ ਫਿਰੇ ਯੁਗ ਝੁਲੈ ਚੌਰ ਬਿਸਾਲ । ਤਿੰਹ ਕਾਲ  
 ਬਾਲੀ ਆਇਓ ਪਿਖ ਮੋਹਿ ਰੋਖ ਸੁ ਕੀਨ । ਬਹੁ ਤਿਸੁਕਾਰ  
 ਸੁ ਮੈਂ ਕੀਯੋ ਕੁਪਿ ਮੁਸਟਿ ਛਾਤੀ ਬੀਨ ॥ ੪੯ ॥ ਤਜਿ ਮੇਂ  
 ਸਿੰਘਾਸਨ ਤਾਹਿ ਕੋ ਭਯ ਭੀਤ ਭਾਗਯੋ ਰਾਮ । ਜਗ ਲੋਕ  
 ਸਗਲੇ ਮੈਂ ਫਿਰਯੋ ਨਹਿ ਰਾਖਿਓ ਕਿਨ ਸਾਮ । ਰਿਖ ਮੂਕ  
 ਸੁ ਪਰਬਤ ਤੇ ਇਹ ਰਹੋਂ ਮੈਂ ਡਰ ਡਾਰ । ਨਹਿ ਆਹਿਬਾਲੀ  
 ਯਾਹਿ ਮੇਂ ਰਿਖ ਸ੍ਰਾਪ ਕੋ ਭਯਭਾਰ ॥ ੫੦ ॥ ਦਿਨ ਤਾਹਿ ਤੇ  
 ਮਮ ਭਾਰਯਾ ਵਹਿ ਮੂੜ ਭੋਗੇ ਆਪ । ਹਿਤ ਨਾਰ ਮੇਰੀ ਐ ਸ੍ਰੀ  
 ਵਹਿ ਦਹੇ ਮੇ ਉਰ ਪਾਤਾ ਅਬ ਪਾਦ ਤੇ ਲਹਿ ਸੁਖੀ ਹੋਯੋ ਯੋ  
 ਕਹੇ ਕਪਿ ਬੈਨ । ਮਿਤ੍ਰ ਕੇ ਹਿਤ ਦੁਖੀ ਹੋਏ ਰਾਮ ਵਾਰਜ ਨੈਨ  
 ॥ ੫੧ ॥ ਦੋਹਰਾ ॥ ਤਵ ਵੈਰੀਕੋ ਮਾਰ ਹੋਂ ਜਾਹਿ ਹਰੀ  
 ਤਵ ਨਾਰਿ । ਯੋ ਰਘੁਪਤਿ ਜਬ ਭਾਖਿਓ ਕਪਿ ਪਤਿ ਕੀਨ  
 ਉਚਾਰ ॥ ੫੨ ॥ ਰਾਜਨ ਬਾਲੀ ਅਤਿ ਬਲੀ ਕੈਸੇ ਮਾਰੋ  
 ਤਾਹਿ । ਮਾਨੁਖ ਕੀ ਗਣਤੀ ਕਹਾਂ ਦੇਵ ਡਰੇਂ ਉਰ ਮਾਹਿ  
 ॥ ੫੩ ॥ ਚੌਪਈ ॥ ਸੁਨੋ ਰਾਮ ਤੇ ਕਥਾ ਬਖਾਨੋ । ਜਾਕਰ  
 ਤੁਮ ਬਾਲੀ ਬਲ ਜਾਨੋ । ਏਕ ਸਮੈ ਦੁੰਦਭਜਿਹ ਨਾਮਾ । ਬਡੇ  
 ਦੇਹ ਰਾਖਸ ਬਲਵਾਨਾ ॥ ੫੪ ॥ ਕਿਸਕਿੰਧਾ ਪਤਿ ਨਿਸਕੋ  
 ਆਯੋ । ਮਹਿਖ ਰੂਪ ਤਿਨਿ ਦੇਹ ਬਨਾਯੋ । ਬਾਲੀ ਕੋ ਰਣ  
 ਹੇਤ ਬੁਲਾਯ । ਸੋ ਸੁਨਿ ਬਾਲੀ ਕੋਪ ਬਢਾਯੋ ॥ ੫੫ ॥ ਯੁਧ  
 ਹੇਤ ਬਾਲੀ ਤਬ ਗਯੋ । ਮਹਿਖ ਸੀਂਗ ਤੇ ਤਾਂ ਗਹਿ ਲਯੋ ਬਲ  
 ਕਰ ਧਰਣੀ ਮਾਹਿ ਗਿਰਾਯੋ । ਪਾਦ ਏਕ ਤਿਹ ਦੇਹ ਦਬਾਯੋ



॥ ੫੬ ॥ ਹਾਥਨ ਸੋਂ ਤਿਹ ਸੀਸ ਮਰੋਰਾ । ਰਾਮ ਦੇਹ ਤੇ ਲੀਨੋ  
 ਤੋਰਾ । ਤੋਲਨ ਕਰ ਤਿਨ ਦੂਰ ਬਗਾਯੋ । ਰਾਮ ਸੀਸ ਵਹੁ  
 ਈਹਾਂ ਆਯੋ ॥ ੫੭ ॥ ਜੋਜਨ ਏਕ ਤਹਾਂ ਤੇ ਅਯੋ । ਮਤੰਗ  
 ਰਿਖੀ ਆਸ੍ਰਮ ਵਿਗ ਪਯੋ । ਕਰਤ ਬ੍ਰਿਸ਼੍ਰੁ ਤਹਿੰ ਭਈ ਅਪਾਰਾ ॥  
 ਪੇਖ ਮੁਨੀਸੁਰ ਕ੍ਰੋਧ ਸੁਧਾਰਾ ॥ ੫੮ ॥ ਬਾਲੀ ਕੇ ਤਬ ਸ੍ਰਾਪ  
 ਲਗਾਯੋ । ਕ੍ਰੋਧ ਭਰੇ ਮੁਨਿ ਏਹੁ ਅਲਾਯੋ । ਮੇਰੇ ਪਰਬਤ  
 ਆਵੇ ਜਬਹੀਂ । ਭਗਨ ਸੀਸ ਤੂੰਮਰੇਂ ਸੁ ਤਬਹੀਂ ॥ ੫੯ ॥  
 ਦੋਹਰਾ ॥ ਮਤੰਗ ਰਖੀਸੁਰ ਸ੍ਰਾਪ ਯੋ ਦੀਨੋ ਰਘੁਵਰ ਤਾਹਿੰ ।  
 ਰਿਖ ਮੂਕ ਯਾ ਪਰਬਤੇਂ ਬਾਲੀ ਆਵੇ ਨਾਹਿੰ ॥ ੬੦ ॥ ਸਵੈਯਾ ॥  
 ਏਹ ਜਾਨ ਬਸੋਂ ਏਹ ਠੌਰ ਬਿਖੇ ਸੁਨਿ ਰਾਮ ਸਭੋ ਉਰਤੇ ਡਰ  
 ਭਾਰੀ । ਸਿਰ ਦੁੰਦਭਿ ਕੋ ਇਹ ਠੌਰ ਪਰੋ ਤੁਮ ਰਾਮ ਚਲੋ  
 ਅਬ ਲੇਹੁ ਨਿਹਾਰੀ । ਜਬ ਤਾਹਿੰ ਚਿਖੇਪਨ ਤੇ ਸ਼ਕਤੀ ਤਬ  
 ਬਾਲਿ ਹਨੋ ਤੁਮਹੋ ਬਲ ਧਾਰੀ । ਇਹ ਭਾਂਤਿ ਬਖਾਨ ਦਿਖਾਤ  
 ਭਯੋ ਸਿਰ ਥੇ ਵਹੁ ਭੂ ਧਰ ਸੋਂ ਅਤਿ ਭਾਰੀ ॥ ੬੧ ॥ ਪਿਖ  
 ਰਾਮ ਹਸੇ ਮੁਖ ਮਾਹਿੰ ਤਬੈ ਪੁਨਿ ਪਾਦ ਅੰਗੂਠਨ ਸੀਸ  
 ਚਲਾਏ । ਦਸ ਯੋਜਨ ਜਾਇ ਪਰੇ ਤਬਹੀਂ ਕਪਿ ਨਾਇਕ ਚੀਤ  
 ਅਚੰਭ ਸੁ ਆਏ । ਸੁਗਰੀਵ ਕਹੇ ਮੁਖ ਸ਼ਾਬਸ ਸ਼ਾਬਸ ਮੰਤ੍ਰ  
 ਸਭੈ ਮੁਖਿ ਏਹੁ ਅਲਾਏ । ਬਲ ਪੇਖਨ ਕੀ ਪੁਨਿ ਔਰ ਕਥਾ  
 ਕਪਿ ਨਾਇਕ ਰਾਘਵ ਪਾਸ ਸੁਨਾਏ ॥ ੬੨ ॥ ਇਹ ਤਾਲ  
 ਰਘੁਤਮ ਸਾਤ ਪਿਖੇ ਇਕ ਏਕਹ ਆਨ ਹਿਲਾਵਤ ਬਾਲੀ  
 । ਧਰ ਮਾਹਿ ਗਿਰੇਂ ਇਨ ਪਾਤ ਸੁਨੋ ਇਕ ਪਾਤ ਰਹੇ ਨਹਿ



ਤਾਲਨ ਡਾਲੀ। ਇਕ ਸਾਇਕ ਛਿੱਦ੍ਰ ਕਰੇ ਸਭਕੋ ਹਮ ਜਾਨਹਿ  
 ਤੇ ਉਰ ਮਾਰਹਿ ਬਾਲੀ। ਕਹ ਰਾਮ ਤਬੈ ਧਨੁ ਹਾਥੁ ਲਿਓ  
 ਅਰ ਸਾਇਕ ਏਕ ਲਿਓ ਬਲ ਸਾਲੀ॥ ੬੩॥ ਭੇਦ ਦਏ ਸਤ  
 ਤਾਲ ਤਬੈ ਰਘੁ ਨਾਇਕ ਸਾਇਕ ਏਕ ਚਲਾਏ। ਫੋਰਕੇ ਤਾਲ  
 ਨ ਭੂਧਰ ਭੂਪਨਿ ਸਾਇਕ ਰਾਮ ਨਿਖੰਗਹਿ ਆਏ। ਹੋਇ ਰਹੇ  
 ਬਿਸਮੈ ਸੁਗ੍ਰੀਵ ਸੁ ਰਾਮ ਕਹੇ ਉਰ ਮੈਂ ਹਰਖਾਏ। ਰਾਮਸੁ ਤੂੰ  
 ਜਗਨਾਥ ਅਹੇਂ ਪਰਮਾਤਮ ਯਾ ਜਗ ਜਾਹਿ ਉਪਾਏ॥ ੬੪॥  
 ਕ੍ਰਿਤ ਪੂਰਬ ਪੁੰਨਿ ਪ੍ਰਫੁਲ ਭਏ ਮਮ ਰਾਮਯ ਤੇ ਤਵ  
 ਸੰਗਤਿ ਪਾਈ। ਜਗ ਤੋਹਿ ਮਹਾਤਮ ਨੀਤ ਭਜੇ ਭਵ ਬੰਧਨ  
 ਤੇ ਸਭ ਦੇਹ ਮਿਟਾਈ। ਅਬ ਕੈਸਿ ਕਿ ਮੈਂ ਭਵਿਚਾਹ ਕਰੋਂ  
 ਬਲਰਾਮ ਲਹੇ ਤਵ ਮੋਖ ਸਹਾਈ। ਸੁਤਿ ਰਾਜ ਸੁ ਰਾਜ ਧਨਾ-  
 ਦਿਕ ਜੋ ਸਭ ਮਾਇਕ ਹੈਂ ਇਮ ਮੇਂ ਮਨ ਆਈ॥ ੫੫॥ ਅਬ  
 ਦੇਵ ਨ ਦੇਵਨ ਔਰ ਚਹੇਂ ਤੁਮ ਹੋਹੁ ਪ੍ਰਸੰਨ ਮਹਾਂ ਬਲਧਾਰੀ  
 । ਜਗ ਆਨੰਦ ਤੇ ਪਦ ਮੋਹ ਲਏ ਕ੍ਰਿਤ ਭਾਗ ਹੁਤੇ ਕਛੁ ਮੋਹ  
 ਅਪਾਰੀ। ਧਨ ਹੇਤ ਯਥਾ ਨਰ ਧਾਵਤ ਕੋ ਨਿਧ ਸੋਇ ਲਹੇ  
 ਜਗ ਮੈਂ ਜਿਮ ਸਾਰੀ। ਆਵੰਦ ਕਬੰਧਨ ਆਹਿ ਜਿਤੇ ਵੈਹ  
 ਦੂਰ ਭਯੋ ਅਬ ਮੋਹਿ ਮੁਰਾਰੀ॥ ੬੬॥ ਚੋਪਈ॥ ਯਗ  
 ਦਾਨ ਤਪ ਕਰੇ ਸੁ ਜੋਈ। ਸੰਸਾਰ ਬੰਧ ਨਹਿ ਜੀਰਣ ਹੋਈ  
 । ਉਲਟੋ ਬੰਧਨ ਦਿਢਤਾ ਗਹੇ। ਜਾਂਕਰ ਜੀਵ ਬਹੁਤ ਦੁਖ  
 ਲਹੇ॥ ੬੭॥ ਤੇ ਪਦ ਪੇਖਨ ਤੇ ਸੁਣਿ ਧੀਰ। ਬੰਧਨ ਮਿਟੇ  
 ਸੁ ਸ੍ਰੀ ਰਘੁਬੀਰ। ਆਧੋ ਖਿਣ ਤੇ ਮੈਂ ਮਨੁ ਲਾਗੇ। ਅਗਯਾਨ



ਅਨਰਥ ਮੂਲ ਸਭ ਭਾਗੇ ॥ ੬੮ ॥ ਤਾਂਤੇ ਤੋਹਿ ਬਿਖੇ ਮਨੁ ਮੇਰੇ  
 । ਸਦਾ ਰਹੇ ਨਹਿ ਔਰ ਸੁ ਹੇਰੇ । ਰਾਮ ਰਾਮ ਜਿਹ ਬਾਣੀ ਗਾਵੇ  
 । ਸੋ ਖਿਣ ਭੀਤਰ ਪਾਪ ਮਿਟਾਵੇ ॥ ੬੯ ॥ ਬ੍ਰਹਮ ਹੱਤਿਯਾ  
 ਔਮਦਪਾਨ । ਸਰਬ ਪਾਪ ਖਿਣ ਭੀਤਰ ਹਾਂਨਿ । ਰਾਮ ਨਹੀਂ  
 ਅਰਿ ਜੀਤਨ ਚਹੋਂ । ਦਾਰ ਸੁਖਾਦਿਕ ਨਾਂ ਉਰ ਗਹੋਂ ॥੭੦॥  
 ਤੁਮਰੀ ਭਗਤਿ ਸਦਾ ਮਮ ਹੋਈ । ਬੰਧਨ ਸਗਲ ਮਿਟਾਵੇ  
 ਜੋਈ । ਤੁਮਰੀ ਮਾਯਾ ਹੈ ਬਲਵੰਤ । ਜਗ ਉਪਜਾਯੋ ਜਾ  
 ਭਗਵੰਤ ॥ ੭੧ ॥ ਮੈਂ ਹੂੰ ਦਾਸ ਤੁਮਾਰੋ ਰਾਮ । ਆਯੋ ਹੋਂ ਤੁਮਰੀ  
 ਅਬਸਾਮ । ਨਿਜ ਪਾਦਨਕੀ ਭਗਤਿ ਸੁ ਦੀਜੈ । ਭਵ ਸੰਕਟ ਤੇ  
 ਰੱਛਨ ਕੀਜੈ ॥੭੨ ॥ ਤਵ ਮਾਯਾ ਮਮ ਹਰੇ ਨ ਗਯਾਨ । ਮੀਤ  
 ਉਦਾਸੀ ਅਰ ਉਰ ਮਾਂਨ । ਪੂਰਬ ਭਏ ਸੁ ਮੈਂ ਉਰ ਮਾਹੀਂ ।  
 ਆਜ ਨਹੀਂ ਰਘੁਵਰ ਮਨ ਮਾਹੀਂ ॥ ੭੩ ॥ ਅਬ ਤੇ ਪਦ ਕੇ  
 ਦਰਸ਼ਨ ਪਾਏ । ਸਰਬ ਬ੍ਰਹਮ ਮੇਰੇ ਉਰ ਆਏ । ਮਿਤ੍ਰ ਕਹਾਂਸੁ  
 ਕਹਾਂ ਅਰਿ ਮੇਰੇ । ਸਰਬ ਬ੍ਰਹਮ ਮੇਰੇ ਮਨ ਹੇਰੇ ॥ ੭੪ ॥ ਤਵ  
 ਮਾਇਆ ਨਰ ਗਹੇ ਸੁ ਜੋਲੋ । ਗੁਣ ਵਿਸੇਖ ਹੋਵੇਂ ਪੁਨਿ  
 ਤੋਲੋ । ਜੋਲੋ ਮਾਇਆ ਬਲ ਭਗਵਾਨ । ਤੋਲੋ ਹੋਇ ਨ ਤੱਤ  
 ਸੁਭਾਨ ॥ ੭੫ ॥ ਅੱਗਯਾਨ ਕੀਯੋ ਨਾਮਾ ਤੁਮ ਜੋਲੋ । ਕਾਲ  
 ਜਾਨ ਭਯ ਹੋਇ ਸੁ ਤੋਲੋ । ਯਾਂਤੇ ਜੋਉ ਅਵਿੱਦਯਾ ਗਹੇ । ਸੋਉ  
 ਅੰਧੇਰੇ ਤਮ ਮਹਿ ਬਹੇ ॥ ੭੬ ॥ ਮਾਇਆ ਮੂਲ ਸਗਲ ਸੁ  
 ਵਿਕਾਰਾ । ਯਹ ਮੇਰੇ ਸੁਤ ਯਹ ਮਮ ਦਾਰਾ । ਤਾਂਤੇ ਮਾਯਾ ਲੇਹੁ  
 ਹਟਾਈ । ਤਵ ਦਾਸੀ ਮਾਯਾ ਰਘੁਰਾਈ ॥ ੭੭ ॥ ਸਵੈਯਾ ॥



ਤਵ ਪਾਦ ਬਿਖੇ ਮਤਿ ਮੋਹਿ ਲਗੇ ਤਵ ਨਾਮ ਕਥਾ ਮੁਖ ਮਾਹਿ  
 ਉਚਾਰੋਂ । ਤਵ ਸੇਵਕ ਸੇਵ ਕਰੋਂ ਕਰ ਸੋਂ ਬਲ ਤੇ ਤਨਕੀ  
 ਤਨ ਸੰਗਤ ਧਾਰੋਂ । ਤਵ ਸੇਵਕ ਔ ਗੁਰ ਕੇ ਪਦ ਕੋ ਨਿਜ ਨੈਨਨ  
 ਯਾ ਜਗ ਨੀਤ ਨਿਹਾਰੋਂ । ਜਨਮਾਦਿਕ ਤੇ ਮਮ ਕਾਨ ਸੁਨੇ  
 ਪਦ ਸੇਵਤ ਮੰਦਰ ਮਾਹਿ ਸਿਧਾਰੋਂ ॥ ੭੮ ॥ ਖਗੋਸ਼ ਧੁਜਾ ਧਰ  
 ਤੇ ਪਦ ਧੂਰ ਮਿਲੇ ਜਗ ਪਾਵਨ ਭੀਰਥ ਸਾਰੇ । ਫਿਰ ਭੂਮਿ  
 ਬਿਖੇ ਜਲ ਪਾਵਨ ਕੈ ਜਗ ਦੋਖ ਹਰੋਂ ਨਿਜ ਅੰਗ ਪਖਾਰੇ ।  
 ਸਿਰ ਨੀਤ ਪ੍ਰਣਾਮ ਕਰੇ ਤੁਮਰੇ ਜਗ ਪਾਵਨ ਜੋ ਪਦ ਕੰਜ  
 ਤਿਹਾਰੇ । ਹਮ ਸੇ ਕਪਿਕੀ ਗਨਤੀ ਸੁਕਹਾਂ ਸਿਵ ਔ ਕਮਲਾਸਨ  
 ਬੰਦਨ ਧਾਰੇ ॥ ੭੯ ॥ ਇਤਿ ਸ੍ਰੀ ਮਤ ਅਧਯਾਤਮ  
 ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਕਿਸਕੰਧਾ ਕਾਂਡ  
 ਪ੍ਰਿਥਮੋਂ ਧਰਮਾਇ ॥ ੧ ॥

ਸ੍ਰੀ ਮਹਾਂਦੇਵ ਉਵਾਚ ॥

ਰੋਪਈ ॥ ਯੋ ਰਘੁਵਰਕੀ ਸੰਗਤਿ ਪਾਏ । ਕਪਿਨਾਇਕ ਸਭ  
 ਪਾਪ ਮਿਟਾਏ । ਭਯੋ ਵਿਰਕਤ ਪੇਖ ਕਪਿ ਰਾਮਾ । ਹਸ ਕਰ  
 ਬੋਲੇ ਸੁਖਕੇ ਧਾਮਾ ॥ ੧ ॥ ਮਾਇਆ ਮੋਹਿ ਕਰੀ ਜਗ ਜੋਈ ।  
 ਕਾਰਯ ਹਿਤ ਬਿਸਥਾਰੀ ਸੋਈ । ਸਖੇ ਬਖਾਨੇਂ ਤੂੰ ਮਮ ਜੋਈ  
 । ਸੱਤ ਅਹੇ ਸੰਸੇ ਨਹਿ ਕੋਈ ॥ ੨ ॥ ਪਾਦਸ ਭਲੇ ਕਰੇਂਗੇ  
 ਰਾਮ । ਕੀਨੋ ਕੋ ਸੁਗ੍ਰੀਵਹਿ ਕਾਮ । ਅਗਨਿ ਸਾਖਿ ਧਰ ਭੁਜਾ  
 ਪਸਾਰੇ । ਬਨ ਕੇ ਸਖਾ ਨ ਕਾਜ ਸਵਾਰੇ ॥ ੩ ॥ ਜੋ ਅਪਵਾਦ



ਕਰੇਂਗੇ ਮੇਰੇ । ਸਖੇ ਨ ਯਾ ਮੈਂ ਸੰਸਾ ਹੋਰੇ । ਤਾਂਤੇ ਜਾਹਿ ਭਲੇ  
 ਸੁਖ ਪਾਵੇ । ਬਾਲੀ ਕੇ ਰਣ ਹੇਤ ਬੁਲਾਵੇ ॥ ੪ ॥ ਏਕਹ ਬਾਂਣ  
 ਤਾਹਿ ਕੇ ਮਾਰੇਂ । ਰਾਜ ਤਿਲਕ ਤਵ ਮਸਤਕ ਧਾਰੇਂ । ਤਬਿ  
 ਕਪਿ ਨਾਇਕ ਤਥਾ ਬਖਾਨੀ । ਰਾਮ ਹਰੀ ਤਿਨ ਮੇਰੀ ਰਾਨੀ  
 ॥ ੫ ॥ ਸੁਗ੍ਰੀਵ ਬੇਗ ਕਿਸਕੰਧਾ ਗਯੋ । ਸਿੰਘ ਨਾਇ ਪੁਰ  
 ਕੇ ਢਿਗ ਕਯੋ । ਬਾਲੀ ਕੇ ਰਣ ਹੇਤ ਬੁਲਾਯੋ । ਸੁਨਿ ਬਾਲੀ  
 ਉਰ ਕੋਪ ਸੁ ਆਯੋ ॥ ੬ ॥ ਤਾਮਰ ਨੈਨ ਲਾਲ ਅਤਿ ਭਏ ।  
 ਬੇਗ ਨਗਰ ਤੇ ਬਾਹਰ ਗਏ । ਸੁਗ੍ਰੀਵ ਜਹਾਂ ਬਾਨਰ ਥੇ ਖਰੇ ।  
 ਬੇਗ ਜਾਇ ਤਹਿ ਠੌਰੇ ਪਰੇ ॥ ੭ ॥ ਸੁਗ੍ਰੀਵ ਮੁਸ਼ਟ ਤਾਂ ਉਰ  
 ਮੈ ਮਾਰੀ । ਪੁਨਿ ਬਾਲੀ ਨਿਜ ਬਲਹਿ ਸੰਭਾਰੀ । ਬਾਲੀਕ੍ਰੋਧ  
 ਭਰੇ ਉਰ ਭਾਰਾ । ਸੁਗ੍ਰੀਵ ਦਏ ਬਹੁ ਮੁਸ਼ ਪ੍ਰਹਾਰਾ ॥ ੮ ॥  
 ਸੁਗ੍ਰੀਵ ਬਹੁਰ ਬਾਲੀ ਕੇ ਮਾਰਾ । ਪਰਸ ਪਰੰ ਯੋਂ ਭਯੋ ਅਖਾਰਾ  
 । ਏਕ ਰੂਪ ਦੋਨੋ ਅਤਿ ਲਰੇ । ਰਾਮ ਵਿਸ਼ੇਸ਼ ਜਾਨ ਨਹਿ ਪਰੇ  
 ॥ ੯ ॥ ਬਾਂਣ ਨ ਮਾਰੇ ਸ੍ਰੀ ਰਘੁਰਾਈ । ਸੁਗ੍ਰੀਵ ਨਾਸ ਸੰਕਾ  
 ਮਨਿ ਆਈ । ਤਬ ਸੁਗ੍ਰੀਵ ਸੌਣਮੁਖ ਜਾਏ । ਭਯ ਬਜਾਕੁਲ  
 ਰਨ ਛੋਡ ਪਲਾਏ ॥ ੧੦ ॥ ਬਾਲੀ ਗਯੋ ਸੁ ਭਵਨ ਮਝਾਰੀ  
 । ਸੁਗ੍ਰੀਵ ਆਏ ਜਹ ਰਾਮ ਮੁਰਾਰੀ । ਵੈਰੀ ਭਾਈ ਬਾਲੀ ਨਾਮ  
 । ਕਿਉ ਮਰਵਾਯੋ ਤਾਂਤੇ ਰਾਮ । ੧੧ ॥ ਜੋ ਮਮ ਹਨਨ ਚਾਹ  
 ਹਰਿ ਤੋਹੀ । ਨਿਜ ਹਾਥਨ ਕਰ ਮਾਰੋ ਮੋਹੀ । ਤਵ ਹੀ ਮਮ  
 ਉਤਸਾਹ ਸੁਦੀਨੋ । ਸੱਤ ਸਿੰਧ ਵਰ ਬਚਨ ਸੁ ਕੀਨੋ ॥ ੧੨ ॥  
 ਸਰਣਾਂਗਤਿ ਵਤਸਲ ਤਵ ਨਾਮਾ । ਕਾ ਹਿਤ ਕਰੀ ਉਪੇਖਯਾ



ਰਾਮਾ । ਸੁਨ ਸੁਗ੍ਰੀਵ ਬਚਨ ਰਘੁਰਾਈ । ਨੈਨਨ ਨੀਰ ਚਲਯੋ  
 ਬਹੁ ਜਾਈ ॥ ੧੩ ॥ ਰਾਮ ਅਲਿੰਗਨ ਤਾਂਕੋ ਕਰਿਓ । ਮਤ  
 ਭਯ ਕਰੋ ਸੁ ਮੁਖੋ ਉਚਰਿਓ । ਏਕ ਰੂਪ ਦੇਖੇ ਦੋ ਭਾਈ । ਮਿਤ੍ਰ  
 ਘਾਤ ਸੰਕਾ ਮਨ ਆਈ ॥ ੧੪ ॥ ਯਾਤੇ ਬਾਨ ਨ ਮੋਹਿ ਚਲਾਏ  
 । ਅਬ ਤਵ ਚਿੰਨ੍ਹ ਸੁ ਕਰੋਂ ਬਨਾਏ । ਜਾਂਤੇ ਭ੍ਰਮ ਮੇਰੋ ਮਿਟ ਜਾਇ  
 । ਤੂੰ ਬਾਲੀ ਕੋ ਜਾਹਿ ਬੁਲਾਇ ॥ ੧੫ ॥ ਪੁਨਿ ਵੈਰੀ ਕੋ ਮੁਖੋ  
 ਨਿਹਾਰੇ । ਰਾਮ ਸੁਗ੍ਰੀਵ ਸੁ ਤੋਹਿ ਉਚਾਰੇ । ਤੇ ਅਰਿ ਕੋ ਖਿਣ  
 ਡਾਰੋਂ ਮਾਰ । ਯਾ ਬਿਧ ਰਾਮ ਦਿਲਾਸਾ ਧਾਰ ॥ ੧੬ ॥ ਲਖ  
 ਮਣ ਪ੍ਰਤਿ ਪੁਨਿ ਰਾਮ ਬਖਾਨੀ । ਸੁਗ੍ਰੀਵ ਗਲੇ ਇਕ ਕਰੋ  
 ਨਿਸ਼ਾਨੀ । ਫੂਲਨਕੀ ਗਲ ਮਾਲਾ ਪਾਈ । ਬਾਲੀ ਪ੍ਰਤਿ ਇਨ  
 ਦੇਹ ਪਠਾਈ ॥ ੧੭ ॥ ਲਖਮਣ ਤਾਂ ਗਲ ਮਾਲਾ ਧਾਰੀ । ਜਾਹਿ  
 ਜਾਹਿ ਯਹਿ ਕੀਨ ਉਚਾਰੀ । ਬਹੁ ਆਦਰ ਕਹ ਤਾਹਿ  
 ਪਠਾਯੋ । ਬਾਲੀ ਕੋ ਪੁਨਿ ਤਾਹਿ ਬੁਲਾਯੋ ॥ ੧੮ ॥ ਅਦਭੁਤ  
 ਸਬਦ ਜਾਇ ਤਿਨ ਕਯੋ । ਬਾਲੀ ਸੁਨਿਕਰ ਬਿਸਮੇ ਭਯੋ  
 । ਕ੍ਰੋਧ ਭਯੋ ਬਾਲੀ ਬਲਵਾਨ । ਬਾਂਧ ਕਮਰ ਤਿਨ ਕੀਯੋ ਪਯਾਨ  
 ॥ ੧੯ ॥ ਜਾਵਤ ਬਾਲੀ ਕੋ ਕਹਿ ਤਾਰਾ । ਹਾਥ ਜੋਰ ਤਿਨ  
 ਕੀਨ ਉਚਾਰਾ । ਅਬ ਨਹਿ ਜਾਹੁ ਨਾਥ ਬਲਵਾਨ । ਸੰਕਾ ਮੇਂ  
 ਉਰ ਭਈ ਮਹਾਨ ॥ ੨੦ ॥ ਅਬਹੀ ਤੈ ਰਣ ਮਾਹਿ ਭਗਾਯੋ ।  
 ਪੁਨਿ ਸੁਗ੍ਰੀਵ ਬੇਗਿ ਚਲ ਆਯੋ । ਕੋ ਬਲਵਾਨ ਸੁ ਭਯੋ  
 ਸਹਾਇਕ । ਸੁਨਿ ਬੋਲੇ ਬਾਲੀ ਕਪਿਨਾਇਕ ॥ ੨੧ ॥ ਸੁਭ੍ਰ  
 ਸੰਕਾ ਦੇਹਿ ਮਿਟਾਈ । ਮੈ ਰਤ ਤਜੋਂ ਬੈਠ ਘਰ ਜਾਈ । ਆਵੋਂ



ਬੇਗਤਾਂਹਿਰਣਮਾਰੀ। ਸਹਾਇਕਤਾਹਿਕੋਨਬਲਕਾਰੀ॥੨੨॥  
 ਜੇਕੋ ਆਹਿ ਸਹਾਇਕ ਤਾਂਕੋ । ਸਹਤ ਸੁਗ੍ਰੀਵ ਹਨੋਂਗੋ ਵਾਂਕੋ  
 । ਮੇਂ ਬਲਕੋ ਸੁਰ ਨਰ ਜਗ ਜਾਨੇਂ । ਤੇਰੋ ਮੁਖ ਕਜੋਂ ਭਯੋ  
 ਮਲਾਨੇਂ ॥ ੨੩ ॥ ਸਵੈਯਾ ॥ ਸੋਚ ਕਰੋ ਤੁਮ ਕਿਉਂ ਉਰ  
 ਭਾਮਨਿ ਮਾਰ ਰਿਪੂ ਅਬਹੂ ਘਰ ਆਵੇਂ । ਮੋਹ ਬੁਲਾਵਤ ਸੋ  
 ਰਣਿ ਮੈਂ ਇਹ ਜਾਨ ਕਹੋ ਘਰ ਕਿਉਂ ਠਹਰਾਵੇਂ । ਸੁਰ  
 ਕਹਾਵਤ ਮੈਂ ਜਗ ਮੈਂ ਜਸ ਚੰਦ ਕਲੰਕ ਨਹੀਂ ਅਬ ਲਾਵੇਂ ।  
 ਸੁੰਦਰ ਤੂੰ ਘਰ ਭੀਤਰ ਜਾਹਿ ਸੁ ਮੈਂ ਤੁਮਕੋ ਇਹ ਸਾਚ ਅਲਾਵੇਂ  
 ॥ ੨੪ ॥ ਤਾਰਾਵਾਰ ॥ ਦੋਹਰਾ ॥ ਮੇਰੇ ਤੇ ਇਕ  
 ਔਰ ਤੁਮ ਸੁਨ ਰੇਜੇਦਰ ਆਪ । ਜੇਗ ਹੋਇ ਸੁਨਿਕੈ ਕਰੋ ਤੁਮ  
 ਪਤਿ ਰਵਿ ਪਰਤਾਪ ॥ ੨੫ ॥ ਅੰਗਦ ਮ੍ਰਿਗਯਾ ਕੋ ਗਯੋ ਸੁਨਿ  
 ਬਨ ਭਾਖਿਯੋ ਮੋਹਿ । ਸੁਨੋ ਕਾਨ ਦੈ ਸੋ ਅਬੈ ਨਾਥ ਬਖਾਨੋ ਤੋਹਿ  
 ॥ ੨੬ ॥ ਚੌਪਈ ॥ ਔਧ ਪਤੀ ਦਸਰਥ ਵਰ ਰਾਜਾ । ਤਾਂ  
 ਸੁਤ ਰਾਮ ਬਡੇ ਸਿਰਤਾਜਾ । ਲਖਮਣ ਭਾਈ ਸੀਤਾ ਨਾਰੀ  
 ॥ ਤਿਨਹਿ ਮਿਲਾਯੋ ਬਿਪਨ ਮਝਾਰੀ ॥ ੨੭ ॥ ਤਹਿ ਰਾਵਣ  
 ਸੀਤਾ ਹਰਿ ਗਯੋ । ਰਾਮ ਬਿਰਹ ਉਰ ਬਿਯਾਕੁਲ ਭਯੋ । ਸੀਤਾ  
 ਸੋਧਨ ਕੇ ਹਿਤ ਦੋਈ । ਰਿੱਖਮੂਕ ਗਿਰ ਆਏ ਸੋਈ ॥ ੨੮ ॥  
 ਰਾਮ ਹਨੂੰ ਸੁਗ੍ਰੀਵ ਮਿਲਾਏ । ਬਨੇਂ ਸਖਾ ਢਿਗ ਆਗ ਜਲਾਏ  
 । ਰਾਮ ਪ੍ਰਤੰਗਯਾਯੋ ਮੁਖਗਾਈ । ਭਾਈ ਲਖਮਣ ਜਾਹਿ ਸਹਾਈ  
 ॥ ੨੯ ॥ ਬਾਲੀ ਕੋ ਰਣਮਾਰੋਂ ਮੋਹੀ । ਸੁਗ੍ਰੀਵ ਕਰੋਂ ਰਾਜਾ ਅਬ  
 ਤੋਹੀਂ । ਯੋ ਨਿਸਚੇ ਕਰ ਦੋਊ ਆਏ । ਜੋ ਸੁਨਿਯੋ ਸੋ ਦਯੋ



ਸੁਨਾਏ ॥ ੩੦ ॥ ਸਵੈਯਾ ॥ ਇਕ ਔਰ ਸੁਨੋਂ ਅਬਹੀ ਤਿਨ  
 ਕੋ ਤੁਮ ਮਾਰ ਭਗਾਇ ਦਯੋ ਰਣ ਮਾਹੀਂ । ਅਬ ਫੇਰ ਬੁਲਾ-  
 ਵਤ ਸੋ ਰਣ ਮੈਂ ਕਿਨ ਧੀਰ ਦਈ ਤਿਨਕੋ ਉਰਮਾਹੀਂ ।  
 ਤੁਮ ਬੈਰ ਤਜੋ ਤਿਨ ਸੋ ਉਰਮੈ ਸੁਗ੍ਰੀਵ ਕੁ ਆਨ ਭਲੇ ਘਰ  
 ਮਾਹੀਂ । ਯੁਵਰਾਜ ਦਿਜੇ ਤਿਨ ਭਾਲ ਬਿਖੇ ਅਰ ਰਾਮ ਕੀ ਸ਼ਾਮ  
 ਗਹੋ ਜਗਮਾਹੀਂ ॥ ੩੧ ॥ ਬਲਿ ਅੰਗਦ ਮੋਹਿ ਸੁ ਰਾਜ ਰਖੇ  
 ਸਭ ਬਾਨਰ ਕੋ ਸੁ ਕਰੋ ਪ੍ਰਿਤਪਾਰੇ । ਇਹ ਭਾਂਤ ਬਖਾਨ ਪਰੀ  
 ਪਦਮੈਂ ਦ੍ਰਿਗ ਸਾਨੁਜ ਤਾਹਿ ਸੁ ਜਾਵਤ ਵਾਰੇ । ਅਤਿ ਰੋਇ ਉਠੀ  
 ਉਰ ਭੀਤ ਮਹਾਂ ਪਤਿ ਕੇ ਪਦ ਤਾਂ ਕਰ ਭੀਤਰ ਡਾਰੇ । ਪੁਨਿ  
 ਬਾਲ ਅਲਿੰਗ ਸਨੇਹ ਕੀਯੋ ਮੁਖ ਭੀਤਰ ਤਾਂ ਇਕ ਵਾਕ ਉਚਾਰੇ  
 ॥ ੩੨ ॥ ਨਾਰਿ ਸੁਭਾਵ ਤੇ ਤੂੰ ਡਰਪੀ ਡਰ ਨਾਹਿ ਅਹੇ  
 ਕਛੁ ਰੰਚ ਹਮਾਰੇ । ਜੋ ਲਖਮਨ ਸੁ ਰਾਮ ਅਏ ਵਹਿ ਰਾਮ  
 ਅਹੇ ਸੁ ਮੁਕੰਦ ਮੁਰਾਰੇ । ਰਾਮ ਕੇ ਸਾਥ ਸਨੇਹ ਬਨੇਂ ਮਮ ਤੂੰ  
 ਉਰ ਮਾਹਿ ਨ ਸ਼ਕ ਬਿਚਾਰੇ । ਰਾਮ ਨਾਰਾਇਣ ਹੈ ਜਗਮੈਂ ਤਿਨ  
 ਆਪ ਲਯੋ ਭਵਮੈਂ ਅਵਤਾਰੇ ॥ ੩੩ ॥ ਧਰ ਭਾਰ ਨਿਵਾਰਨ  
 ਕਾਜ ਭਏ ਦਿਜ ਮੰਡਲ ਪੂਰਬ ਮੋਹਿ ਸੁਨਾਈ । ਨਹਿ  
 ਆਪਨ ਔ ਪਰ ਪੱਖ ਤਿਨੇ ਵਹ ਹੈ ਪਰਮਾਤਮ ਸ੍ਰੀ ਰਘੁਰਾਈ  
 । ਸਿਰਬੰਦ ਪਦਾਂਬੁਜ ਪੂਜਨ ਮੈਂ ਸੁ ਕਰੋਂ ਗ੍ਰਹਿ ਭੀਤਰ ਤਾਹਿ  
 ਲਿਆਈ । ਪਦ ਸੇਵਕ ਕੇ ਵਹਿ ਸੇਵਕ ਹੈਂ ਭਗਤੀ ਹਰਿ ਸੰਗ  
 ਸੁ ਦੇਤ ਮਿਲਾਈ ॥ ੪੩ ॥ ਜਬ ਆਪ ਅਏ ਸੁਗ੍ਰੀਵ ਇਹਾਂ  
 ਤਬ ਮੈਂ ਤਿਨਕੋ ਰਣ ਭੀਤਰ ਮਾਰੋਂ । ਯੁਵ ਰਾਜ ਕਹਯੋ ਤਵ



ਜੇ ਮੁਖਤੇ ਤਿਨਕੋ ਪੁਨਿ ਉਤਰ ਏਹ ਉਚਾਰੋਂ । ਅਬ ਮੋਹਿਬੁ  
 ਲਾਵਤ ਹੈਂ ਰਣ ਮੈਂ ਅਬਮੈਂ ਕਿਹ ਭਾਂਤਿ ਸੁ ਰਾਜ ਪੁਕਾਰੋਂ ।  
 ਜਗ ਮੇਂ ਸਭ ਲੋਕ ਸੁ ਸੂਰ ਗਨੇਂ ਜਸ ਚੰਦਹਿ ਨਾਹਿ ਕਲੰਕ  
 ਸੁ ਧਾਰੋਂ ॥੩੫॥ ਉਰ ਭੀਤਰ ਮਾਨ ਸੁ ਭੀਤ ਮਹਾਂ ਇਹ ਭਾਂ  
 ਤਿ ਬਖਾਨਤ ਤਾਂਹਿ ਸੁਬਾਲੀ । ਗਜ ਗਾਮਨਿ ਨਾ ਉਰ ਸੋਚਕਰੇ  
 ਘਰ ਮਾਂਹਿ ਰਹੇ ਸੁਖਸੋਂ ਮਿਲ ਆਲੀ । ਇਹ ਭਾਂਤਿ ਸਮੋਧ  
 ਕੀਓ ਪਤਨੀਂ ਵਹਿ ਸੋਚ ਕਰੇ ਦ੍ਰਿਗ ਨੀਰ ਬਿਸਾਲੀ । ਰਵਿ  
 ਕੇ ਸੁਤਕੇ ਬਧ ਕਾਜ ਗਯੋ ਚਲ ਆਪ ਜਹਾਂ ਰਣਭੂਮ ਕਰਾਲੀ  
 ॥ ੩੬ ॥ ਚੌਪਈ ॥ ਬਾਲੀ ਆਵਤ ਹੇਰਯੋ ਜਬਹੀਂ । ਭਯੋ  
 ਸੁਗ੍ਰੀਵ ਕ੍ਰੋਧ ਉਰ ਤਬਹੀਂ । ਗਲਿ ਮੈਂ ਫੂਲਨ ਮਾਲ ਸੁਹਾਈ  
 । ਪਤੰਗ ਸਮਾਨ ਪਰਯੋ ਤਹ ਜਾਈ ॥ ੩੭ ॥ ਬਾਲੀ ਕੇ ਉਰ  
 ਮੁਸਟ ਪ੍ਰਹਾਰਾ । ਕਰਯੋ ਸੁਗ੍ਰੀਵ ਬਾਲ ਪੁਨਿ ਮਾਰਾ । ਪੁਨਿ  
 ਸੁਗ੍ਰੀਵ ਬਹੁਰ ਤਨ ਬਾਲੀ । ਭਿਰੇ ਮਤੰਗ ਮਨੋਂ ਬਲ ਸਾਲੀ  
 ॥ ੩੮ ॥ ਸਵੈਯਾ ॥ ਰਾਮ ਨਿਹਾਰ ਪ੍ਰਹਾਰ ਘਨੇਂ ਸੁਗ੍ਰੀਵ  
 ਕਰੇ ਅਰਿ ਕੇ ਉਰ ਮਾਹੀਂ । ਅੰਗਦ ਤਾਤ ਕਰੇ ਉਤਤੇ ਇਹ  
 ਭਾਂਤਿ ਭਿਰੇ ਰਣ ਮੰਡਲ ਮਾਹੀਂ । ਰਾਮ ਨਿਹਾਰ ਸੁਬਾਨ ਲਯੋਕਰ  
 ਸੱਕੁ ਸਰਾਸਨ ਕੇ ਗੁਨ ਮਾਹੀਂ । ਕਾਂਨ ਲੋ ਤਾਨ ਕਮਾਨ ਰੁਪੇ  
 ਹਰਿ ਜਾਇ ਖੜੇ ਤਰ ਕੀ ਪਰ ਛਾਹੀਂ ॥੩੯॥ ਸ਼ੰਕਰ ਛੰਦ  
 ॥ ਹਰਿ ਹੋਇ ਤਰੁ ਕੀ ਓਟ ਮੈਂ ਪੁਨਿ ਪੇਖ ਬਾਲੀ ਬੀਰ ।  
 ਰਿਦੇ ਤਾਂ ਕੇ ਤਾਕ ਕੈ ਰਘੁਨਾਥ ਛੋਡਯੋ ਤੀਰ । ਬਿਭੇਦ ਛਾਤੀ  
 ਤਾਂਹਿ ਕੀ ਸਰ ਕਰੇ ਸ੍ਰੈਣਤ ਪਾਨ ॥ ਭੂਕੰਪ ਸ਼ਬਦਿ ਮਹਾਨ



ਕਰ ਕਪਿ ਗਿਰੇ ਵੈ ਬਲਵਾਨ ॥ ੪੦ ॥ ਦੋ ਘਟੀ ਲੋ ਤਨ  
 ਮੂਰਛਾ ਪੁਨਿ ਪਾਇ ਚੇਤਨ ਧੀਰ ॥ ਆਗੇ ਖੜੇ ਦ੍ਰਿਗ ਸੇਂ ਪਿਖੇ  
 ਦ੍ਰਿਗ ਕੰਜ ਸੇ ਰਘੁਬੀਰ ॥ ਧਨੁ ਟੇਕ ਬਾਵੇਂ ਹਾਥ ਸੇਂ ਸਰ ਦੱਖ  
 ਹਸੁ ਫਿਰਾਇ । ਤਨ ਚੀਰ ਪਾਟ ਬਿਰਾਜਹੀਂ ਸਿਰ ਜਟਾ  
 ਮੁਕਟ ਸੁਹਾਇ ॥ ੪੧ ॥ ਬਿਸਾਲ ਵਖ ਕਪਾਟ ਛਾਤੀ ਸੋਭ  
 ਹੈ ਬਨ ਮਾਲ । ਨਵ ਧੂਰ ਬਾਦਲ ਸ਼ਾਮ ਸੁੰਦਰ ਭੁਜਾ ਪਰਮ  
 ਬਿਸਾਲ । ਸੁਗ੍ਰੀਵ ਲਖਮਣ ਸੇਵ ਹੈਂ ਦੁਹੂੰ ਓਰ ਤੇ ਬਲ ਧਾਰ  
 । ਬਾਲੀ ਬਿਲੋਕ ਸੁ ਰਾਮ ਕੇ ਪੁਨਿ ਕੀਨ ਏਹ ਉਚਾਰ । ੪੨ ॥  
 ਗੀਯਾ ਛੰਦ ॥ ਕੇ ਕੀਨ ਮੈਂ ਅਪਰਾਧ ਤੇਰੇ ਰਾਮ ਜਾਕਰ  
 ਮਾਰਿਓ । ਤਵ ਕੀਨ ਨਿੰਦਤ ਕਰਮ ਯੇਂ ਨਹਿ ਰਾਜ ਧਰਮ  
 ਬਿਚਾਰਿਓ । ਤਰੁਖੰਡ ਓਟ ਦੁਰਾਇਤਨ ਕੋ ਬੀਰ ਨਾ ਸਰ ਘਾਇ  
 ਹੈਂ । ਚੇਰ ਜਿਉਂ ਦੁਰ ਮਾਰ ਮੋਕੇਂ ਕੋਨ ਤੂੰ ਜਸ ਪਾਇ ਹੈਂ ॥  
 ੪੩ ॥ ਸੰਭਾਨ ਖੱਤ੍ਰੀ ਕੇ ਹੁਤੇ ਮਨੁ ਵੰਸ ਜਨਮ ਕਹਾਵਤੇ ।  
 ਯੁਧਿ ਮੋਹਿ ਸੰਮੁਖ ਕੀਨੇ ਰਾਮ ਤੇ ਫਲ ਪਾਵਤੇ । ਸੁਗ੍ਰੀਵ ਕਾਰਯ  
 ਕੇ ਕਰੇ ਪੁਨਿ ਨਾਹਿ ਕੀਨੇ ਮੋਹ ਕੇ । ਦਸਕੰਧ ਨਾਰਿ ਸੁ ਤੇ  
 ਹਰੀ ਕਿਉਂ ਮਾਰਿਓ ਨਹਿ ਤਾਹਿ ਕੇ ॥ ੪੪ ॥ ਤਿਹ ਹੇਤ ਹੈ  
 ਸੁਗ੍ਰੀਵ ਕੀ ਬਨ ਸ਼ਰਣ ਲੀਨੀ ਆਇਕੈ ॥ ਮਮ ਲੋਕ ਬਨ  
 ਮੈ ਜੇ ਫਿਰੇ ਤਿਨ ਕਹਯੋ ਮੋਹਿ ਸੁਨਾਇਕੈ । ਰਾਮ ਮੈਂ ਬਲ  
 ਲੋਕ ਮੈ ਬਿਖਯਾਤ ਛਾਨਿਓ ਨਾ ਕਹੀਂ । ਏਹ ਦਾਹੁ ਛਾਤੀ  
 ਕੇ ਦਹੇ ਤਵ ਰਾਮ ਜਾਨਿਓ ਸੇ ਨਹੀਂ ॥ ੪੫ ॥ ਕੁਲ ਸੰਗ  
 ਰਾਵਣ ਬਾਂਧ ਕੈ ਸਹਿ ਸੀਯ ਲੰਕ ਉਠਾਇ ਕੈ । ਜੇ ਚਾਹਤੇ



ਘਟਿ ਦੋਨ ਮੈਂ ਦਿਖਲਾਵਤੇ ਤਵ ਆਇਕੈ । ਧਰਮਿਸ੍ਰੁ ਭਾਖੇਂ  
 ਆਪ ਕੋ ਸਭ ਲੋਕ ਮਾਹਿ ਪੁਕਾਰ ਕੈ । ਕੋ ਧਰਮ ਕੀਨੋਂ ਰਾਮ  
 ਤਵ ਕਪਿ ਬਿਆਧਿ ਜਿਉਂ ਰਣ ਮਾਰਿਕੈ ॥੪੬॥ ਸ੍ਰੈਯਾ ॥  
 ਬਾਨਰਮਾਸ ਅਭੱਖ ਮਹਾਂ ਸਰਹੈਂ ਇਨਤੇਨਹਿ ਕਾਜ ਤੁਮਾਰੇ ॥  
 ਕਾਂਨ ਪਰੀ ਮ੍ਰਿਗ ਮਾਰਨ ਕੀ ਦੁਰ ਰਾਜਨ ਕੇ ਪਦ ਦੂਰ ਬਿ-  
 ਸਾਰੇ । ਸੀਸ ਜਟਾ ਤਨ ਚੀਰ ਧਰੇ ਸੁ ਤਪੋ ਧਨ ਕੇ ਸਭ ਭੇਖ  
 ਸਵਾਰੇ । ਪੂਤ ਪੁਰੰਦਰ ਸੋਂ ਜਲ ਪੈ ਤਬ ਰਾਮਬਲੀ ਮੁਖ ਵਾਕ  
 ਉਚਾਰੇ ॥ ੪੭ ॥ ਨਰਾਜ ਛੰਦ ॥ ਸੁਧਰਮ ਗੋਪਤਾ ਸਦਾ  
 ਸੁ ਲੋਕ ਮਾਹਿ ਮੈ ਚਰੇ । ਕਰੇ ਕੁਵੰਡ ਸਾਇਕੈ ਸੰਭਾਰਿ ਆਪਨੇ  
 ਧਰੇ । ਅਧਰਮ ਕਾਰਣਿ ਹਨੋ ਸੁ ਧਰਮ ਪਾਲਿ ਹੋਂ ਸਦਾ ।  
 ਬਿਲੰਬ ਨਾਂ ਸਹੋ ਘਰੀ ਅਧਰਮ ਪੇਖ ਹੋਂ ਯਦਾ ॥ ੪੮ ॥  
 ਸ੍ਰੈਯਾ । ਦੁਹਿਤਾ ਭਗਨੀ ਅਨਜਾ ਪਤਿਨੀ ਸੁਭ ਨਾਰਿ ਸਭੈ  
 ਯਹਿ ਆਹਿ ਸਮਾਨੇ । ਇਨਮਾਹਿ ਰਮੇ ਮਤਿ ਮੂੜਸੁ ਜੋ ਵਹਿ ਪਾਤ  
 ਕਵੰਤ ਸੁ ਬੈਦ ਬਖਾਨੇ । ਵਹਿ ਹੈ ਬਧ ਲਾਇਕ ਰਾਜਨ ਮੈਂ  
 ਯਹਿ ਧਰਮ ਸਭੈ ਰਿਖਮੰਡਲ ਜਾਨੇ । ਖਲ ਤੂੰ ਲਘੁ ਭ੍ਰਾਤ ਕੀ  
 ਨਾਰਿ ਰਮੇਂ ਬਲਕੈ ਨਹਿ ਧਰਮ ਸੁ ਰੰਚ ਪਛਾਨੇ ॥ ੪੯ ॥  
 ਇਹ ਤੇ ਮਮ ਧਰਮ ਬਿਚਾਰ ਭਲੇ ਬਨ ਗੋਚਰ ਤੇ ਗਹਕੈ ਸਿਰ  
 ਮਾਰੇ । ਲਖ ਤੂੰ ਕਪਿ ਜਾਤ ਨ ਜਾਨਤ ਹੈਂ ਮਹਦਾਤਮ ਡੋਲਤ  
 ਲੋਕ ਮਝਾਰੇ । ਸਭ ਲੋਕ ਪੁਨੀਤ ਕਰੇ ਫਿਰ ਕੈ ਨਿਜ ਦਾਸਨਿ  
 ਕੇ ਦੁਖ ਦੂਰ ਨਿਵਾਰੇ । ਅਬ ਤੇ ਸੰਗ ਫੇਰ ਨ ਬੋਲਤ ਹੋਂ ਇਮ  
 ਭਾਖ ਗਹੀ ਹਰਿ ਮੰਨ ਮੁਰਾਰੇ ॥੫੦॥ ਸੋ ਸੁਨਿ ਕੈ ਉਰ ਭੀਤ



ਭਯੋ ਕਪਿ ਰਾਮ ਨਰਾਇਨ ਤਾਂਹ ਪਛਾਨੇਂ । ਪੂਤ ਪੁਰੰਦਰ  
 ਸੀਸ ਨਵਾਯਹੁ ਰਾਘਵ ਕੇ ਪ੍ਰਤਿਵਾਕ ਬਖਾਨੇ । ਰਾਮ ਨਾਰਾ  
 ਇਨ ਈਸ ਮਹਾਂ ਅਬਤੂੰ ਭਗਵੰਤ ਸੁ ਮੈਂ ਉਰਜਾਨੇ । ਸੋ ਖਿਮੀਯੇ  
 ਅਪਰਾਧ ਭਯੋ ਕਿਛ ਨਿੱਠਰ ਵਾਕ ਜੁ ਮੋਹ ਅਲਾਨੇ  
 ॥ ੫੧ ॥ ਚੌਪਈ ॥ ਤੇ ਸਰ ਰਾਮ ਸੁ ਮੇ ਉਰ ਲਾਗੇ । ਸਖਿ  
 ਆਤ ਨਿਹਾਰੋਂ ਤੋ ਕੋ ਆਗੇ । ਤਜਾਗੋਂ ਪ੍ਰਾਣ ਭਾਗ ਅਤਿ ਮੇਰੇ ।  
 ਦੁਰਲਭ ਦਰਸ਼ਨ ਪੇਖੋਂ ਤੇਰੇ ॥ ੫੨ ॥ ਜਾਹਿ ਨਾਮ ਬਜਾਕੁਲ  
 ਮਨ ਕਹੈ । ਮਰਣ ਸਮੈਂ ਨਰ ਪਰਮ ਪਦ ਲਹੈ । ਸੋ ਤੁਮ  
 ਖਰੇ ਆਜ ਮਮ ਆਗੇ । ਭਾਲ ਭਾਗ ਮੇਰੇ ਅਤਿ ਜਾਗੇ ॥ ੫੩ ॥  
 ਰਾਮ ਪੁਰਾਤਨ ਪੁਰਖ ਪਛਾਨੋ । ਸੀਤਾ ਕੇ ਪਦਮਾ ਉਰ ਜਾਨੋ ।  
 ਰਾਵਣ ਕੇ ਬਧਹਿਤ ਅਵਤਾਰੀ । ਤੈਂ ਲੀਨੋ ਬਿਨਤੀ ਮੁਖਚਾਰੀ  
 ॥ ੫੪ ॥ ਆਇਸ ਦੀਜੇ ਮੋਹਿ ਨਾਰਾਇਣ । ਗਯੋ ਚਹੋਂ ਤੁਮਰੇ  
 ਅਬ ਆਇਣ । ਮੋਸਮ ਬਲ ਅੰਗਦ ਯਹ ਬਾਲਾ । ਤਾਂ ਪਰ  
 ਕਰੁਣਾ ਕਰੋ ਬਿਸਾਲਾ ॥ ੫੫ ॥ ਤੀਰ ਨਿਕਾਰੋ ਉਰਤੈ ਰਾਮ ।  
 ਹਾਥ ਲਗਾਵੇ ਕਰੁਣਾ ਧਾਮ । ਰਾਮ ਤਥਾ ਤਿਨ ਬਾਣ ਨਿਕਾਰ  
 । ਹਾਥ ਲਗਾਯੋ ਕਰੁਣਾ ਧਾਰੁ ॥ ੫੬ ॥ ਸਵੈਯਾ ॥ ਤਬ ਬਾਨਰ  
 ਦੇਹ ਤਜੀ ਕਪਿ ਨਾਇਕ ਹੋਇ ਸੁਰੇਸ਼ ਗਇਓ ਖਿਨ ਮਾਹੀਂ ।  
 ਸਰ ਰਾਮ ਹਤੇ ਪੁਨਿ ਸੀਤਲ ਪਾਨ ਛੁਹਾਇ ਦਏ ਤਿਨ ਕੇ  
 ਤਨ ਮਾਹੀਂ । ਤਜ ਦੇਹ ਸ਼ਿਤਾਬ ਸੁਕੀਸ਼ਨ ਕੀ ਪੁਨਿ ਬੇਗ  
 ਗਇਓ ਹਰਿਕੇ ਪਦਮਾਹੀਂ । ਪਰਮ ਹੰਸ ਲਏ ਪਦ ਜੋ ਦੁਖ ਕੈ  
 ਵਹਿ ਅੰਗਦ ਤਾਤ ਲਹਯੋ ਪਲ ਮਾਹੀਂ ॥ ੫੭ ॥ ਇਤਿ ਸ੍ਰੀ



ਮਤਿ ਅਧਯਾਤਮ ਰਾਮਾਇਣੇ ਉਮਾ ਮਹੇਸੁਰ ਸੰਬਾਦੇ ਕਿਸ  
ਕਿਧਾ ਕਾਂਡੇ ਦੁਤੀਯੋ ਧਰਮਾਇ ॥ ੨ ॥

ਸ੍ਰੀ ਮਹਾਂ ਦੇਉ ਵਾਰ ॥ ਦੋਹਰਾ ॥

ਬਾਲੀ ਮਾਰੇ ਰਣ ਬਿਖੇ ਰਾਮ ਪਰਮਾਤਮ ਆਪ ।

ਕਿਸਕਿਧਾ ਪ੍ਰਤਿ ਭਾਗ ਤਬ ਕਪਿ ਉਰ ਬਡੇ ਸੰਤਾਪ ॥੧॥

॥ ਸਵੈਯਾ ॥ ਅੰਗਦ ਤਾਡ ਮੁਯੋ ਰਣਮੈ ਇਮ ਆਇ ਕਹੀ

ਕਪਿ ਮੰਦਰ ਤਾਰਾ । ਅੰਗਦ ਕੇ ਪੁਰਿ ਪਾਲਨ ਕੇ ਹਿਤ

ਆਜ ਕਹੇ ਸਭ ਬੋਲ ਸਿਧਾਰਾ । ਪਾਲਹਿ ਗੇ ਪੁਰਿ ਕੇ

ਸਗਲੇ ਹਮ ਚਾਰ ਸੁ ਦੁਆਰਨ ਬਾਂਧ ਕਿਵਾਰਾ ॥ ਬਾਨਰਰਾਜ

ਕਰੇ ਸਗਲੇ ਸੁਨਿ ਭਾਮਨਿ ਅੰਗਦ ਬਾਲ ਤੁਮਾਰਾ ॥ ੨ ॥

ਪਤਿਕੀ ਮ੍ਰਿਤ ਤਾਹਿ ਸੁਨੀ ਜਬਹੀ ਅਤਿ ਸ਼ੋਕ ਭਯੋ ਤਿਨ

ਚੀਤ ਮਝਾਰੇ । ਅਤਿ ਰੋਵਤ ਭਾਲ ਸੁ ਪਾਣ ਹਨੇ ਪੁਨਿ ਸ਼ੋਕ

ਭਰੀ ਉਰ ਭੀਤਰ ਮਾਰੇ । ਧਨ ਮਾਲ ਸੁ ਅੰਗਦ ਰਾਜਪੁਰੀ

ਨਹਿ ਰੰਚਕ ਹੈ ਕਛੁ ਕਾਜ ਹਮਾਰੇ । ਅਬਹੀਂ ਮਰਣਾ ਮਮ

ਲੋਕ ਭਏ ਪਤਿ ਸੰਗਿ ਚਲੋਂ ਜਹਿ ਜਾਹਿ ਪਿਆਰੇ ॥੩॥ ਇਹ

ਭਾਂਤ ਉਚਾਰ ਸੁ ਰੋਵਤ ਹੈ ਕਚ ਖੋਲ ਘਨੀ ਤਿਹ ਧੂਰ

ਲਗਾਈ । ਜਿਹ ਠੌਰ ਪਰੇ ਰਣ ਨਾਥ ਕਲੇਵਰ ਸ਼ੋਕ ਭਈ ਸੁ

ਤਹਾਂ ਚਲਿਆਈ । ਤਨ ਸ੍ਰੋਣਤ ਧੂਰ ਸੁ ਪੂਰ ਰਹੇ ਪਤਿਪੇਖ

ਧਰਾ ਸੁਧਿ ਦੇਹ ਭੁਲਾਈ ॥ ਅਤਿ ਰੋਵਤ ਨਾਥਹਿ ਨਾਥ ਕਹੇ ਮਨ

ਬਜਾਕੁਲ ਤਾਂ ਪਦ ਮੈਂ ਲਪਟਾਈ ॥੪॥ ਇਹ ਭਾਂਤਿ ਬਿਲਾਪ

ਕਰੇ ਪਤਿ ਪਾਦਨ ਰਾਮ ਖੜੇ ਤਿਨ ਪਾਸ ਨਿਹਾਰੇ । ਤੁਮਜਾਂ

ਸਰਮ ਰਾਮ ਮੁਮੋਹਿ ਹਨੇ ਸਰ ਤਾਹਿ ਹਨੇ ਮਸੇ ਪਤਿ ਰਾਰੇ ।



ਪਤਿ ਚਾਹਤ ਮੋਹ ਚਲੋਂ ਪਤਿ ਲੋਕ ਸੁ ਆਪ ਗਏ ਜਹਿ ਨਾਥ  
 ਹਮਾਰੇ । ਸੁਨਿ ਮੋਹਿ ਬਿਨਾ ਰਘੁ ਨਾਥ ਤਿਨੇ ਦੁਖ ਹੋਵਤ ਹੈ  
 ਸੁਰ ਲੋਕ ਮਝਾਰੇ ॥ ੫ ॥ ਚੌਪਈ ॥ ਨਾਰਿ ਵਿਯੋਗ ਦੁਖ  
 ਅਤਿ ਭਾਰਾ । ਰਾਮ ਸਗਲ ਤਵ ਆਪ ਨਿਹਾਰਾ ॥ ਬਾਲੀ  
 ਪ੍ਰਤਿ ਅਬ ਮੋਹ ਪਠਾਵੈ । ਪਤਿਨੀ ਦਾਨ ਰਾਮ ਫਲ ਪਾਵੈ ॥ ੬ ॥  
 ਸ਼ੰਕਰ ਛੰਦ ॥ ਭੋਗ ਰਾਜ ਸੁਗ੍ਰੀਵ ਤੂੰ ਮਿਲਿ ਤੁਮ ਪਯਾਰੀ  
 ਨਾਰਿ । ਰਾਮ ਕੀਨੋ ਰਾਜ ਤੋਕੋ ਨਾਹਿ ਮੇਰੇ ਮਾਰਾਇਹਭਾਂਤਿ  
 ਤਾਰਾ ਬਿਲਪਤੀ ਪਿਖ ਰਾਮ ਪਰਮ ਕ੍ਰਿਪਾਲ । ਸੰਬੋਧ ਕੀਨੋ  
 ਤਾਂਹਿ ਕੋ ਕਹਿ ਤਤ ਗਯਾਨ ਬਿਸਾਲ ॥ ੭ ॥ ਕਜੋਂ ਸ਼ੋਕ  
 ਕੀਰੂ ਤੂੰ ਕਰੇ ਪਤਿ ਸ਼ੋਕ ਲਾਇਕ ਨਾਹਿ । ਕਹਿ ਸਾਰ ਮੋਕੋ  
 ਭਾਵਨੀ ਪਤਿ ਜੀਵਕੈ ਤਨੁ ਆਹਿ । ਤੁਚ ਮਾਸ ਹਾੜ ਸੁ ਸੁੰਣ  
 ਤੋ ਤਨ ਪੰਚਿ ਭੂਤਕ ਜੋਇਕਰਕਾਲ ਕਰਮੁ ਸੁ ਜੋਭਯੋ ਵਹਿਪਰੇ  
 ਆਗੇ ਸੋਇ ॥ ੮ ॥ ਜੋ ਜੀਵ ਮਾਨੇ ਤੈ ਪਤੀ ਵਹਿ ਰੋਗ ਬਿਨੁ  
 ਜਗ ਆਹਿ । ਨਹਿ ਮਰੈ ਜਾਮੈ ਬੈਠ ਹੈ ਪਥ ਮਾਹਿ ਚਾਲੈ  
 ਨਾਹਿ । ਨਹਿ ਪੁਰਖ ਨਾਰਿ ਨਪੁੰਸਕੋ ਵਹਿ ਜੀਵ ਸਭ ਗਤਿ  
 ਆਹਿ । ਅਦੁਤੀ ਏਕ ਅਕਾਸ਼ ਸੋ ਨਹਿ ਲੇਪ ਹੈ ਕਛੁ ਤਾਹਿ  
 ॥ ੯ ॥ ਦੋਹਰਾ ॥ ਨਿਤ ਗਯਾਨ ਮਯ ਸੁੱਧ ਹੈ ਜੀਵ ਸਨਾਤਨ  
 ਰੂਪ । ਤਾਰਾ ਸ਼ੋਕ ਨ ਕੀਜੀਯੈ ਤਜੋ ਸੁ ਭ੍ਰਮ ਮਤ ਕੂਪ ॥  
 ੧੦ ॥ ਤਾਰਾ ਵਾਚ ॥ ਚੌਪਈ ॥ ਵੇਹ ਕਾਠਵਤ ਜੋ ਜੜ ਰਾਮ  
 । ਜੀਵ ਸਨਾਤਨ ਚੇਤਨ ਧਾਮ । ਦੁਖ ਸੁਖ ਤਬ ਕਿਨਕੋ



ਹੋਈ । ਰਾਮ ਬਿਚਾਰ ਕਹੋ ਮਮ ਸੋਈ ॥ ੧੧ ॥ ਸ੍ਰੀਰਾਮੋ ਵਾਰ  
 ॥ ਚੋਪਈ ॥ ਤਾਰਾ ਪ੍ਰਸ਼ਨ ਕਰਜੋ ਤੁਮ ਐਸੋ । ਕੋਵਿਦ  
 ਕੋਇ ਕਰੇ ਸੋ ਜੈਸੋ । ਅਹੰਕਾਰ ਕੋ ਦਿਢ ਸੰਬੰਧ । ਤਨ  
 ਇੰਦ੍ਰ ਸੋ ਭਇਓ ਭਿ ਸੰਧ ॥ ੧੨ ॥ ਜੈ ਲੋ ਹੈ ਤੋਲੋ ਸੰਸਾਰਾ ।  
 ਅੰਗਜਾਨ ਮੂਲ ਆਤਮ ਬਿਕਾਰਾ । ਮਿੱਥਯਾ ਯਹਿ ਸੰਸਾਰ  
 ਬਤਾਏ । ਤਦਪ ਨਿਬ੍ਰਿਤ ਆਪ ਨਹਿ ਪਾਏ ॥ ੧੩ ॥ ਵਿਖੈ  
 ਧਯਾਨ ਜਿਉਂ ਜਾਗ੍ਰਤ ਕਰੇ । ਸੁਪਨੇ ਮਾਹਿ ਅਨਰਥਨ ਪਰੇ ।  
 ਅਨਾਦਿ ਵਿਦਯਾ ਅਰ ਤਿਨ ਕਾਰਯ । ਹੰਕਾਰਾਦਿਕ ਜੇਅਹੇ  
 ਅਨਾਰਯ ॥ ੧੪ ॥ ਯਹੀ ਅਸਾਰ ਸੁ ਯਾਹ ਅਸਾਰੀ । ਰਾਗ  
 ਦ੍ਰੋਖ ਕਰ ਬਯਾਕੁਲ ਭਾਰੀ । ਮਨਹੀ ਯਹਿ ਸੰਸਾਰ ਭਨੀਜੈ ।  
 ਮਨਹੀ ਬੰਧਨ ਰੂਪ ਕਹੀਜੈ ॥ ੧੫ ॥ ਆਤਮ ਮਨ ਕੇ ਹੋਇ  
 ਸਮਾਨੇ । ਬੰਧਨ ਆਪਨ ਮਾਹਿ ਸੁ ਮਾਨੇ । ਜਿਉ ਸਫਟਕ  
 ਅਤਿ ਉੱਜਲ ਅਹੇ । ਲਾਲ ਕੁਸਮ ਕੀ ਸੰਗਤਿ ਗਹੇ ॥ ੧੬ ॥  
 ਲਾਲ ਵਰਨ ਤਿਨ ਭੀਤਰ ਹੋਈ । ਵਸਤ ਵਿਚਾਰੇ ਵਰਣ  
 ਨ ਕੋਈ । ਬੁਧ ਇੰਦ੍ਰ ਕੀ ਸੰਗਤਿ ਧਾਰੀ ॥ ਆਤਮ ਭਯੋ ਸੁ ਤਿਉਂ  
 ਸੰਸਾਰੀ ॥ ੧੭ ॥ ਆਤਮ ਲਿੰਗ ਸਰੀਰ ਸਰੋਜ । ਪਾਇ ਲਿੰਗ  
 ਤਿਨ ਜਨੇ ਸੁ ਭੋਗ । ਭੋਗ ਭੋਗ ਗੁਨ ਬਾਂਧਯੋ ਜੋਈ । ਪਰਵਸ  
 ਫਿਰੇ ਸੁ ਜਗਮੈਂ ਸੋਈ ॥ ੧੮ ॥ ਆਦਿ ਬਿਖੇ ਮਨ ਗੁਣਹਿ  
 ਨਿਹਾਰੇ । ਪਾਛੇ ਤੇ ਬਹੁ ਕਾਮਨ ਧਾਰੇ । ਸਾਂਤਕ ਰਾਜਸ ਤਾਮਸ  
 ਭੇਦਾ । ਪਾਇ ਜੋਨ ਬਹੁ ਲਹੇ ਸੁਖੇਦਾ ॥ ੧੯ ॥ ਯਾ ਬਿਧਿ  
 ਕਰਮਨ ਕੇ ਆਧੀਨਾ । ਭ੍ਰਮੇ ਜੀਵ ਜਗ ਜਿਉਂ ਜਲ ਮੀਨਾ ।



ਪਰਲੇ ਲੋ ਯਾ ਬਿਧ ਦੁਖ ਪਾਵੇਂ । ਬਹੁਰੇ ਜਾਇ ਪ੍ਰਕ੍ਰਿਤ ਸਮਾਵੇਂ  
 ॥੨੦॥ ਪੂਰਬ ਕ੍ਰਿਤ ਉਪਾਸ਼ਨ ਜੋਈ । ਵਾਸਿਨ ਕਰਮ ਮਿਲੇ  
 ਪੁਨਿ ਦੋਈ ॥ ਅਨਾਦ ਅਵਿਦਯਾ ਕੇ ਵਸਿ ਪਰਿਯੋ । ਸ੍ਰਿਸ਼ਕਾਲ  
 ਬਹੁਰੇ ਨਿਹ ਸਰਿਯੋ ॥੨੧॥ ਯਾ ਬਿਧਿ ਜੀਵ ਭ੍ਰਮੇ ਬਹੁਬਾਰਾ ॥  
 ਘਟੀ ਯੰਤ੍ਰ ਜਿਉ ਦੁਖ ਅਪਾਰਾ । ਉਦੋ ਹੋਇ ਜਬ ਪੁੰਨ ਕਮਾਏ ॥  
 ਸੰਤਨ ਕੀ ਸੰਗਤਿ ਤਬ ਪਾਏ ॥ ੨੨ ॥ ਮੇਰੇ ਭਗਤਿ ਸ਼ਾਂਤਿ  
 ਉਰ ਜੋਈ । ਮੋਮੈਂ ਮਤਿ ਉਪਜਾਵੈਂ ਤੇਈ । ਪੁਨਿ ਮਮ ਕਥਾ  
 ਸ੍ਰਵਣ ਰੁਚਿ ਹੋਈ । ਦੁਰਲਭ ਯਹੈ ਜਗਤ ਮੈਂ ਸੋਈ ॥੨੩॥  
 ਬਹੁਰੇ ਤਤੁ ਸਰੂਪ ਗਯਾਨ । ਬਿਨਾਖੇਦ ਹੋਵੇ ਤਿੰਹ ਭਾਨ ॥  
 ਵਾਕ ਅਰਥ ਕੇ ਗਯਾਨ ਸੁ ਜੋਈ । ਗੁਰ ਪ੍ਰਸਾਦਿ ਕਰ  
 ਉਪਜੇ ਸੋਈ ॥ ੨੪ ॥ ਤਨੁ ਇੰਦ੍ਰਿਯ ਮਨ ਪ੍ਰਾਨ ਹੰਕਾਰ ॥  
 ਇਨਤੇ ਭਿੰਨ ਜੁ ਰੂਪ ਉਦਾਰ । ਸੱਤ ਅਨੰਦ ਸੁ ਏਕ ਅਨੂਪ ॥  
 ਤਾਂਕੋ ਜਾਨ ਸੁ ਆਤਮ ਰੂਪ ॥੨੫॥ ਹੋਵੈ ਮੁਕਤਿ ਬਾਰ ਨਹੀਂ  
 ਲਾਗੇ । ਬੰਧਨ ਸਰਬ ਸੁ ਜਗ ਕੇ ਤਜਾਗੇ । ਮੋਹਿ ਬਖਾਨਿਯੋ  
 ਭਾਮਨਿ ਜੋਈ । ਸੱਤ ਅਹੇ ਸੰਸੇ ਨਹੀ ਕੋਈ ॥ ੨੬ ॥ ਯਾ  
 ਬਿਧ ਮੋਹਿ ਬਖਾਨਯੋ ਸਾਰ । ਕਰੇ ਨਿਰੰਤਰ ਯਾਹਿ ਬਿਚਾਰ ।  
 ਤਾਂਕੋ ਦੁਖ ਜਗਤ ਕੇ ਜੋਈ । ਨਾਹਿ ਕਦਾਚਿਤ ਛੂਹੇ ਤੇਈ  
 ॥ ੨੭ ॥ ਤਾਰਾ ਤੂੰ ਪੁਨਿ ਏਹ ਨਿਰੰਤਰਿ । ਮੋਹ ਕਹਿਯੋ ਹੋਰੋ  
 ਉਰ ਅੰਤਰਿ । ਨਾਹ ਛੂਹੇ ਤੁਹਕੋ ਦੁਖ ਜਾਲਾ । ਕਰਮ ਬੰਧਨ ਤੇ  
 ਮਿਟੇ ਕਰਾਲਾ ॥ ੨੮ ॥ ਸੁਭੁਤੇ ਪੂਰਬ ਭਵ ਮਾਹੀਂ । ਉਤਮ  
 ਭਗਤ ਕਰੀ ਮਮ ਮਾਹੀਂ । ਤਾਂਤੇ ਮੇਰੇ ਦਰਸ਼ਨ ਪਾਯੋ । ਅਬਤੇ



ਬੰਧਨ ਸਗਲ ਮਿਟਾਯੋ ॥ ੨੯ ॥ ਮੇਰੇ ਰੂਪ ਧਿਆਇ ਮਨ  
 ਮਾਹੀ । ਮੋਖ ਰਹਿਓ ਹੋਰੋ ਉਰ ਮਾਹੀ । ਪ੍ਰਵਾਹ ਪਤਿਤ ਕਾਰਯ  
 ਹੈ ਜੋਈ । ਕਰੋ ਨਿਰੰਤਰ ਲੇਖ ਨ ਹੋਈ ॥ ੩੦ ॥ ਸ੍ਰੀ ਰਾਮ ਏਹ  
 ਭਾਂਤ ਬਖਾਨੀ । ਸੁਨਿ ਤਾਰਾ ਸੀਤਾ ਪਤਿ ਬਾਨੀ । ਤਨ ਅਭਿ  
 ਮਾਨ ਜੁ ਸ਼ੋਕ ਤਿਆਗ । ਸ੍ਰੀ ਰਘੁਵਰ ਕੇ ਪਾਇਨ ਲਾਗ ॥  
 ੩੧ ॥ ਆਤਮ ਅਨਭਵ ਲਹਿ ਹਰਖਾਨੀ । ਜੀਵਨ ਮੁਕਤਿ  
 ਭਈ ਦੁਖ ਹਾਨੀ । ਰਾਮ ਪਰਮਾਤਮ ਨਰ ਅਵਤਾਰ । ਵਾਂਕੀ  
 ਸੰਗਤਿ ਪਾਇ ਉਦਾਰ ॥ ੩੨ ॥ ਅਨਾਦਿ ਬੰਧ ਸਭ ਦੂਰ ਨਿ  
 ਵਾਰੇ । ਮੁਕਤਿ ਭਈ ਕਿਲਵਿਖ ਸਭ ਟਾਰੇ । ਮੁਕਤਿ ਕਲਪ  
 ਦੁਮ ਰਾਮ ਉਦਾਰਾ । ਉਮਾਂ ਫਿਰੈ ਵਹਿ ਵਿਪਨ ਮਝਾਰਾ ॥  
 ॥ ੩੩ ॥ ਸ੍ਰੈਯਾ ॥ ਸੁਨਿਕੈ ਸੁਗ੍ਰੀਵ ਸੁ ਏ ਬਤੀਆਂ ਮੁਖ ਰਾਮ  
 ਕਹੀ ਉਰ ਅੰਤਰ ਧਾਰੀ । ਸੁਅਸਤ ਭਯੋ ਉਰ ਭੀਤਰ ਸੋ ਨਿਖ  
 ਲੋ ਅਗਯਾਨ ਸੁ ਦੂਰ ਨਿਵਾਰੀ । ਪੁਨਿ ਵਾਰਜ ਨੈਨ ਸੁ ਰਾਮ  
 ਭਲੇ ਸੁਗ੍ਰੀਵ ਬੁਲਾਇ ਸੁ ਏਹ ਉਚਾਰੀ । ਸੁਨਿ ਭ੍ਰਾਤ ਬਡੇ ਸ਼ਵ  
 ਕੀ ਕ੍ਰਿਤ ਜੋ ਸੁਤ ਤਾਹਿ ਬੁਲਾਇ ਕਰਾਇ ਸੁ ਸਾਰੀ ॥ ੩੪ ॥  
 ਦੋਹਰਾ ॥ ਮੇਰੀ ਆਇਸ ਮਾਨਕੈ ਕਰੋ ਸਗਲ ਕ੍ਰਿਤ ਸੋਇ  
 ॥ ਉਰਧ ਦੇਹ ਕੇ ਹੇਤ ਕਰ ਬੇਦ ਬਖਾਨਯੋ ਜੋਇ ॥ ੩੫ ॥  
 ਸਵੈਯਾ ॥ ਮਾਨ ਸੁਗ੍ਰੀਵ ਬੁਲਾਇ ਬਲੀ ਕਪਿ ਬਾਲੀ ਕੀ  
 ਦੇਹ ਸੁ ਲੀਨ ਉਠਾਈ । ਫੂਲਨ ਕੇ ਸੁ ਬਿਬਾਨ ਬਿਖੇ ਸੁਭ  
 ਨੀਰ ਨੁਵਾਇ ਉਠਾਇ ਸੁ ਪਾਈ । ਰਾਜਨ ਕੇ ਉਪਚਾਰ  
 ਬਡੇ ਸਭ ਤਾਹਿ ਸਮੈਂ ਤਿਨ ਲੀਨ ਬੁਲਾਈ । ਬਾਮਨ ਮੰਤ੍ਰ



ਬਜੀਰ ਘਨੇ ਪੁਨਿ ਦੁੰਦਭਿ ਭੇਰ ਅਨੇਕ ਬਜਾਈ ॥ ੩੬ ॥  
 ਬਾਨਰ ਕੇ ਸਿਰਦਾਰ ਬਡੇ ਪੁਨਿ ਅੰਗਦ ਔ ਪੁਰਬਾਸ ਘਨੇਰੇ ।  
 ਅੰਗਦ ਮਾਤ ਰੁਮਾਂ ਬਿਲਲਾਤ ਰੁਚਾਤਨ ਮੈਨ ਪਤੀ ਕਰ ਵੇਰੇ  
 । ਚੰਦਨ ਕਾਟ ਬਨਾਇ ਚਿਤਾ ਪੁਨਿ ਅੰਗਦ ਦਾਹ ਦਯੋ ਦੁਕ  
 ਨੇਰੇ । ਨੀਰ ਸੋਂ ਨਾਇ ਤਿਲੋਦਿਕ ਦਾਨ ਭਯੋ ਪੁਨਿ ਅੰਗਦ  
 ਲੇ ਪਿਤ ਮੇਰੇ ॥ ੩੭ ॥ ਸੰਬਰਣਾਇ ਪਟੰਬਰ ਲੈ ਪੁਨਿ ਰਾਮ  
 ਸਮੀਪ ਸਭੈ ਚਲਿ ਆਏ । ਰਾਮ ਪਦਾਂਬੁਜ ਬੰਧਨ ਕੈ ਸੁਗ੍ਰੀਵ  
 ਤਬੈ ਇਹ ਬੈਨ ਅਲਾਏ । ਬਾਨਰ ਰਾਜ ਕਰੋ ਏਹ ਰਾਮ ਸਮਿ  
 ਧ ਬਡੀ ਸ ਪਰੇ ਹਮ ਪਾਏ । ਮੈ ਤਵ ਦਾਸ ਸੁ ਪਾਦ ਭਜੋ ਲਖ  
 ਮੰਨ ਜਿਵੇਂ ਪਦ ਸੇਵ ਕਮਾਏ ॥ ੩੮ ॥ ਯੋ ਸੁਗ੍ਰੀਵ ਕਹਯੋ ਜਬ  
 ਹੀਂ ਤਬ ਰਾਮ ਹਸੇ ਮੁਖ ਏਹ ਬਖਾਨੀ । ਬੇਗ ਚਲੋ ਪੁਰ ਭੀਤ  
 ਰ ਤੂੰ ਮਮ ਆਇਸਲੈ ਤਵ ਪ੍ਰੀਤ ਸੁ ਜਾਨੀ । ਬਾਨਰ ਰਾਜ ਕਰੋ  
 ਸਗਲੋ ਅਭਿਖੇਕ ਕਰੋ ਅਪਨੀ ਰਜਧਾਨੀ । ਮੀਤ ਨ ਮੈਂ ਪੁਰ  
 ਮਾਹਿ ਬਰੋਂ ਦਸ ਚਾਰ ਸਮਾਂ ਉਰ ਮੈ ਇਹ ਠਾਨੀ ॥ ੩੯ ॥  
 ਚਾਂਲਹਿੰਗੇ ਪੁਰ ਭੀਤਰ ਤੇ ਸੁਗ੍ਰੀਵ ਸੁਨੋ ਯਹਿ ਭ੍ਰਾਤ ਹਮਾਰੇ ।  
 ਅੰਗਦ ਕੋ ਯੁਵਰਾਜ ਦਿਸੋ ਕਰ ਆਦਰ ਯੋਂ ਕਰਿਓ ਪ੍ਰੀਤ  
 ਪਾਰੇ । ਪਾਵਸ ਕੇ ਦਿਨ ਸਾਨੁਜ ਮੈ ਗਿਰ ਸੀਸ ਬਸੋ ਪੁਰਤੇ  
 ਸੁ ਕਨਾਰੇ । ਤੂੰ ਪੁਰ ਮੈ ਬਾਸਕੈ ਸੁਨਿਓ ਸੀਯ ਸੋਧਨ ਕੋ  
 ਪਠੀਓ ਹਲਕਾਰੇ ॥ ੪੦ ॥ ਰਾਮ ਪਦਾਂਬੁਜ ਬੰਧਨ ਕੈ ਸੁਗ੍ਰੀਵ  
 ਚਲੇ ਉਰ ਆਇਸ ਮਾਨੀ । ਦੇਵ ਕਹੋ ਨਿਜਦਾਸ ਯਥਾ ਤਿਮ  
 ਜਾਵਤ ਹੋਂ ਕਪ ਕੀ ਰਜਧਾਨੀ । ਰਾਮ ਕੀ ਆਇਸ ਮਾਨ



ਗਏ ਕਪਿ ਨਾਇਕ ਐ ਲਖਮੰਨ ਸਮਾਨੀ। ਜਾਇ ਪੁਰੀ ਕ੍ਰਿਤ  
 ਸੋਇ ਕਰੀ ਰਘੁਨਾਇਕ ਜੋ ਮੁਖਿ ਮਾਹਿ ਬਖਾਨੀ ॥ ੪੧ ॥  
 ॥ ਕੀਸਨ ਰਾਜ ਸੁ ਪਾਇ ਕਪੀਸੁਰ ਰਾਮ ਕੇ ਭ੍ਰਾਤ ਕੋ ਪੂਜਨ  
 ਕੀਨੋ। ਰਾਮ ਕੇ ਭ੍ਰਾਤ ਤਬੈ ਪੁਰ ਤੇ ਚਲ ਰਾਮ ਕੇ ਪੰਥ  
 ਬਿਖੈ ਮਨ ਦੀਨੋ। ਪਾਦ ਪ੍ਰਣਾਮ ਕੀਯੋ ਹਰਿ ਕੇ ਪੁਨਿਆਇ  
 ਖੜੇ ਢਿਗ ਰਾਮ ਅਧੀਨੋ। ਪ੍ਰਵਰਖਨ ਭੂਧਰ ਕੇ ਸਿਰਮੈ ਇ  
 ਕ ਪੇਖ ਗੁਫਾ ਅਤਿ ਰੂਪ ਨਵੀਨੋ ॥ ੪੨ ॥ ਸੁਧ ਸਫਾਟਕ ਸੋ  
 ਵਹਿ ਕੰਦਰ ਦੀਪਤਿ ਵੰਤ ਪਿਖੇ ਰਵਿ ਲਾਜੇ। ਬ੍ਰਿੰਦ ਨ ਆਤ  
 ਪਵਾਤ ਨਿਵਾਰਕ ਮੂਲ ਫਲਾਂਦਿਕ ਹੈਂ ਢਿਗ ਛਾਜੇ। ਰਾਘਵ  
 ਵਾਸ ਕੇ ਹੇਤ ਕਰੀ ਰੁਚਿ ਭ੍ਰਾਤ ਬਲੀ ਲਘੁ ਸੰਗ ਬਿਰਾਜੇ।  
 ਵੈ ਜਗ ਪਾਲਕ ਭ੍ਰਾਤ ਦੋਉ ਗਿਰਜਾ ਨ ਭਜੇ ਨਰ ਤੇ ਨਿਰ  
 ਲਾਜੇ ॥ ੪੩ ॥ ਸ਼ਿਕਰ ਛੰਦ ॥ ਦਿੱਬ ਮੂਲ ਫਲ ਪੁਸ਼ਪ  
 ਸੋਂ ਜਹਿ ਲਟੇ ਅਵਨੀ ਡਾਲ। ਮੁਕਤਾ ਸਮਾਨ ਸੁ ਉਜਲੇ  
 ਜਲ ਭਰੇ ਤਾਲ ਬਿਸਾਲ। ਬਹੁ ਵਰਣ ਮ੍ਰਿਗ ਬਿਹੰਗ ਸੋਹੇ  
 ਸੋਭ ਗਿਰਹਿ ਅਪਾਰ। ਰਘੁ ਕੁਲੋਤਮ ਰਾਮ ਜੀ ਤਹਿ  
 ਬਾਸ ਕੀਨ ਮੁਰਾਰਿ ॥ ੪੪ ॥  
 ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸੁਰ ਸੰਬਾਦੇ  
 ਕਿਸਕਿੰਧਾ ਕਾਂਡੇ ਤ੍ਰਿਤੀਯੇ ਧਰਮਾਇ ॥ ੩ ॥

ਸ੍ਰੀ ਮਹਾਂਦੇਵ ਉਵਾਚ ॥

ਸਵੈਯਾ ॥ ਪਾਵਸਿ ਕੇ ਦਿਨ ਰਾਮ ਤਹਾਂ ਮਣਿ ਕੰਦਰ



ਮੰਦਰ ਬਾਸ ਕੀਏ । ਮੂਲ ਫਲਾਦਿਕ ਭੋਜਨ ਕੈ ਮਨ  
 ਤੋਖ ਭਰੇਂ ਸੁਭ ਨੀਰ ਪੀਏ । ਵਾਤ ਚਲੇ ਜਲ ਮੇਘ ਫਿਰੇ  
 ਮੁਖ ਗਾਜਤ ਐ ਸਹਿ ਬਿਜਲੀਏ । ਕਾਚਨ ਕੱਖ ਮਨੋਂ ਗਜ  
 ਡੋਲਤ ਰਾਮ ਨਿਹਾਰ ਅਚੰਭ ਲੀਏ ॥ ੧ ॥ ਧਾਵਤ ਆਵਤ  
 ਏਂਣ ਵਿਹੰਗਮ ਰਾਮ ਨਿਹਾਰਤ ਹੀ ਹਰਖਾਵੇਂ । ਵੈ ਬਨਬਾਸ  
 ਨਿਵਾਸ ਤਹਾਂ ਦ੍ਰਿਗ ਖੋਲ੍ਹ ਮਨੋਂ ਮੁਨਿ ਧਿਆਨ ਲਗਾਵੇਂ ।  
 ਚਿ ਲਿਖੇ ਜਨ ਏਂਣ ਵਿਹੰਗਮ ਨਾਹਿ ਕਦਾਚਿਤ ਅੰਗ  
 ਭੁਲਾਵੇਂ । ਜਾਨ ਪਰਾਤਮ ਰਾਮ ਫਿਰੇਗਿਰ ਸਿੱਧ ਮ੍ਰਿਗਾ ਖਗ  
 ਸੇਵ ਕਮਾਵੇਂ ॥ ੨ ॥ ਧਿਆਨ ਸਮਾਧ ਬਿਰਾਮ ਭਏ ਇਕਠੌਰ  
 ਇਕੰਤ ਹੁਤੇ ਰਘੁਰਾਈ । ਪਯਾਰ ਭਰੇ ਮਨ ਹੋਇ ਅਧੀਨ  
 ਸੁਮਿਤ੍ਰਜ ਆਪ ਕਹਯੋ ਤਹਿੰ ਜਾਈ । ਪੂਰਬ ਵਾਕ ਤੁਮਾਰੇ  
 ਸੁਨੇਂ ਗਯੋ ਚੀਤ ਸੰਦੇਹ ਸੁ ਮੋਹਿ ਬਿਲਾਈ । ਕਿਹ ਭਾਂਤਿ ਭਜੇ  
 ਕ੍ਰਿਆ ਮਾਰਗ ਤੇ ਇਹ ਜਾਨਨ ਕੀ ਹਮਰੇ ਉਰ ਆਈ ॥  
 ੩ ॥ ਚੋਪਈ ॥ ਯੋਗੀ ਕਿਹ ਬਿਧ ਤੋਹਿ ਅਰਾਧੇਂ । ਕ੍ਰਿਆ  
 ਜੋਗ ਉਰ ਰਾਧਨ ਸਾਧੇਂ । ਕ੍ਰਿਆ ਨਾਮ ਉਪਾਸਨ ਜੋਈ ।  
 ਯੋਗੀ ਕਹੇਂ ਮੁਕਤਿ ਪਥ ਸੋਈ ॥ ੪ ॥ ਨਾਰਦ ਬਯਾਸ ਯਹੀ  
 ਬਹੁ ਭਾਖੇਂ । ਕਮਲਾਸਨ ਮੁਖ ਯਹੀ ਪ੍ਰਕਾਸ਼ੇ । ਵਰਣਾਸ਼੍ਰਮ  
 ਜਗ ਭੀਤਰ ਜੋਈ । ਮੁਕਤਿ ਵਿਧਾਇਕ ਤਿਨ ਕੋ ਏਈ ॥ ੫  
 ॥ ਇਸਤ੍ਰੀ ਸੂਦਰ ਲੋ ਹੈ ਜੇਤੇ । ਮੁਕਤਿ ਲਏ ਇਨ ਪੰਥਿ ਸੁ  
 ਤੇਤੇ ॥ ਸੁਖ ਸਾਧਨ ਯਹ ਅਹੇ ਉਦਾਰ । ਰਿਖ ਗਣ ਕਰੇਂ ਸੁ  
 ਰਾਮ ਉਚਾਰ ॥ ੬ ॥ ਦੋਹਰਾ ॥ ਭ੍ਰਾਤ ਤੁਮਾਰੋ ਭਗਤਿ ਹੋ



ਹੈ ਸਭ ਕੇ ਉਪਕਾਰ। ਤਵ ਸੋਵਨ ਸੁਖ ਸਾਧਨੋਂ ਤੁਮਹੀ ਕਰੋ

ਉਚਾਰ ॥ ੭ ॥ ॥ ਚੌਪਈ ॥

ਮੇਰੀ ਪੂਜਾ ਬਹੁ ਬਿਸਤਾਰਾ। ਭ੍ਰਾਤ ਨਹੀਂ ਤਿਨਕੇ ਕੁਛ ਪਾਰਾ

॥ ਤੌਦਿਪ ਮੈਂ ਸੰਖੇਪ ਬਤਾਵੇਂ। ਕ੍ਰਮ ਤੇ ਸਗਲ

ਸੰਦੇਹ ਮਿਟਾਵੇਂ ॥੮॥ ਪੂਰਬ ਕਰੈ ਸੁ ਇਹਿਪਰਕਾਰ। ਅਪਨੇ

ਸੂਤਰ ਕੇ ਅਨੁਸਾਰ। ਪਾਇ ਜਨੇਊ ਹੋਇ ਦੁਜਾਤੀ। ਗੁਰ

ਪਦ ਭਜੇ ਸਦਾ ਦਿਨ ਰਾਤੀ ॥ ੯ ॥ ਗੁਰ ਤੇ ਲੈ ਮੰਤਰ

ਬਿਧ ਜੈਸੇ। ਮੋਕੇ ਭਜੇ ਕਹੈ ਗੁਰ ਤੈਸੇ। ਕੈ ਹਿਰਦੈ ਕੈ ਪਾਵਕ

ਮਾਹੀਂ ॥ ਪੂਜੇਂ ਮੋਹਿ ਪ੍ਰੇਮ ਉਰ ਮਾਹੀਂ ॥ ੧੦ ॥ ਪ੍ਰਤਿਮਾ

ਮੈ ਕੈ ਰਵਿ ਕੇ ਮਾਹੀਂ। ਕੈ ਪੁਨਿ ਸਾਲਗਰਾਮ ਕੇ ਮਾਹੀਂ।

ਹੋਇ ਨਿਰਾਲਮ ਪੂਜਨ ਕਰੇ। ਮੇਰੇ ਨਾਮ ਸਦਾ ਮੁਖਿ ਰਰੇ ॥

੧੧ ॥ ਪ੍ਰਿਥਮੈਂ ਪ੍ਰਾਤ ਸੁ ਨ੍ਰਾਵੈ ਨੀਰ। ਅਪਨੋਂ ਕਰੇ ਸੁਸੁਧ

ਸਰੀਰ। ਮੰਤਰ ਪਢ ਕਰ ਮ੍ਰਿਤ ਲਗਾਵੈ। ਜੋ ਬਿਧ ਬੇਦ

ਸੁ ਪ੍ਰਿਥਮ ਬਤਾਵੈ। ੧੨ ॥ ਸੰਧਯਾਦਿਕ ਜੇ ਕਰਮ ਬਖਾਨੇ

। ਤੇ ਪੁਨ ਕਰੇ ਬੇਦ ਜਿਮ ਭਾਨੇ ॥ ਪੂਰਬ ਕਰੇ ਸੰਕਲਪ

ਬਿਧਾਨ। ਕਰੇਂ ਸਿੱਧ ਹਿਤ ਨਰ ਮਤ ਮਾਨ ॥ ੧੩ ॥ ਮੇਵਪੁ

ਜਾਨ ਕਰੇ ਗੁਰ ਪੂਜਾ। ਤਾਂ ਮੈ ਭਾਵ ਨ ਆਨੈ ਦੂਜਾ। ਸਿਲਾ

ਮਾਹਿੰ ਇਸ਼ਨਾਨ ਕਰਾਵੈ। ਪ੍ਰਤਿਮਾਂ ਪਰ ਰੁਮਾਲ ਫਿਰਾਵੈ ॥

੧੪ ॥ ਬਹੁਬਿਧ ਫੂਲ ਸੁਗੰਧ ਚਵਾਏ। ਯਾ ਬਿਧ ਪੂਜ ਸਿੱਧਤਾ

ਪਾਏ। ਕਪਟ ਨਹੀਂ ਮਨ ਭੀਤਰ ਧਾਰੇ। ਪੂਜਨ ਕਰੇ ਨੇਮ

ਪ੍ਰਤਿ ਪਾਰੇ ॥ ੧੫ ॥ ਪ੍ਰਤਿਮਾਂ ਮੇ ਭੂਖਣ ਪਹਿਰਾਵੈ। ਮੇਰੇ ਉਰ



ਆਨੰਦ ਉਪਜਾਵੇ । ਘ੍ਰਿਤ ਆਹੁਤ ਪਾਵਕ ਅਨੁਸਰੇ । ਸਬੰ  
 ਡਲ ਮੈਂ ਰਵਿ ਪੂਜਨ ਕਰੇ ॥ ੧੬ ॥ ਸਰਧਾ ਸਹਿਤ ਦੇਇ  
 ਮਮਵਾਰਿ । ਸੋ ਭਾਈ ਮੈ ਲਖਮਨ ਪਜਾਰ । ਪਰ ਜੋ ਭੱਖ  
 ਭੋਜ ਕਰ ਲਜਾਵੇ । ਅੱਖਯਤ ਗੰਧ ਸੁ ਫੂਲ ਚਢਾਵੇ ॥ ੧੭ ॥  
 ਤਾ ਪਰ ਮੈ ਨਹਿ ਕਜੋਂ ਹਰਖਾਵੋਂ । ਪ੍ਰੇਮ ਸਹਿਤ ਉਰ ਭੋਗ  
 ਲਗਾਵੋਂ । ਪੂਜਾ ਦਰਬ ਸਰਬ ਧਰ ਆਗੇ । ਤੇ ਮੇਰੇ ਕੋ ਪੂਜਨ  
 ਲਾਗੇ ॥ ੧੮ ॥ ਚੇਲਾ ਜਿਨ ਕੁਸ਼ ਤਲੇ ਬਿਛਾਈ । ਬੈਠੇ ਮੇ  
 ਸਨਮੁਖ ਮਨ ਲਾਈ । ਮੰਤਰ ਕਰ ਪੁਨ ਕਰੇ ਨਿਯਾਸ ।  
 ਬਾਹਰ ਭੀਤਰ ਸੁਧ ਪ੍ਰਕਾਸ ॥ ੧੯ ॥ ਕੇਸਵਾਦਿ ਨਿਆਸ  
 ਪੁਨਿ ਜੇਈ । ਬਹੁਰ ਕਰੇ ਮਨ ਲਾਇ ਸੁ ਤੇਈ । ਤਤੁ ਨਿਆਸ  
 ਬਹੁਰੇ ਵਹਿ ਕਰੇ । ਉਰ ਕੇ ਸਭ ਕਿਲ ਵਿਖ ਪਰ ਹਰੇ ॥ ੨੦ ॥  
 ॥ ਮਮ ਮੂਰਤ ਪਿੰਜਰ ਕੋ ਨਜਾਸ । ਮੱਤ੍ਰ ਨਿਆਸ ਪੁਨਿ ਕਰੇ  
 ਪ੍ਰਕਾਸ । ਪ੍ਰਤਿ ਮਾਦਿਕ ਮੈ ਤੈਸੇ ਕਰੈ । ਆਲਸਨਾ ਉਰ ਅੰਤਰ  
 ਧਰੈ ॥ ੨੧ ॥ ਸਨਮੁਖ ਬਾਵੇਂ ਕਲਸ ਟਿਕਾਇ । ਪੁਹਿ  
 ਪਾਦਿਕ ਦੱਖਣ ਸੁਬਨਾਇ । ਅਰਘਦਾਨ ਪੁਨਿ ਪਾਦਪਦਾਨ  
 । ਮੱਧ ਪ੍ਰਕਾਦਿ ਤਥਾ ਅਚਮਾਨ ॥ ੨੨ ॥ ਪਾਤ੍ਰ ਚਾਰ ਸੁਭ  
 ਧਰੇ ਬਨਾਈ । ਮੇਰੇ ਬਿਖੇ ਭਲੇ ਮਨ ਲਾਈ । ਮੇਰੀ ਕਲਾ  
 ਜੀਵ ਜਿਹ ਨਾਮਾ । ਰਵਿ ਸਮਿ ਉੱਜਲ ਚੇਤਨ ਧਾਮਾ ॥ ੨੩ ॥  
 ॥ ਦੇਹ ਬਿਆਪਕ ਸਾਰੇ ਜੇਈ । ਰਿਦੇ ਕਮਲ ਮੈਂ ਧਰਾਵੇ  
 ਸੇਈ । ਪ੍ਰਤਮਾਦਿਕ ਮੈ ਕਰੇ ਅਵਾਹਨ । ਮੇਰੀ ਕਲਾ ਦੂਖ  
 ਬਨ ਦਾਹਨ ॥ ੨੪ ॥ ਪਾਦ ਅਰਘ ਅਚਮਨ ਇਸ਼ਨਾਨਾ ॥



ਪਟ ਪਹਿਰਾਏ ਭੂਖਨ ਨਾਨਾ । ਯਾਵਤ ਸ਼ਕਤਿ ਕਰੇ ਉਪਚਾਰ  
 । ਬਾਹਰ ਭੋਗ ਸੁ ਕਪਟਿ ਬਿਸਾਰ ॥ ੨੫ ॥ ਜੇ ਬਿਭੂਤ  
 ਘਰ ਮਾਹਿ ਨਿਹਾਰੇ । ਤੇ ਪੂਜੇ ਮਮ ਯਾਹਿ ਪ੍ਰਕਾਰੇ । ਕਸਤੂਰੀ  
 ਕੰਕਮ ਬਹੁ ਭਾਂਤੀ । ਅਰਘ ਚਢਾਏ ਚੰਦਨ ਜਾਤੀ ॥ ੨੬ ॥  
 ਫੁਲ ਸੁਗੰਧ ਸੁ ਫਲਹਿ ਅਪਾਰੀ । ਮੋਹ ਚਢਾਏ ਮੰਤ੍ਰ ਉ-  
 ਚਾਰੀ । ਦਸ ਅਵਰਣ ਪੂਜਾ ਪੁਨਿ ਕਰੇ । ਆਗਮ ਜਿਹ ਬਿਧ  
 ਤਾਹਿ ਉਚਰੇ ॥ ੨੭ ॥ ਕਰੇ ਨੀਰਾਂਜਨ ਦੀਪ ਜਗਾਵੇ ।  
 ਭੂਪ ਨਿਵੇਦ ਸੁ ਬਹੁਤ ਚਢਾਵੇ । ਸਰਧਾ ਕਰ ਦੇਵੇ ਪੁਨਿ ਜੋਈ  
 । ਮੈਂ ਭੋਗੋਂ ਕੇਵਲ ਪੁਨਿ ਸੋਈ ॥ ੨੮ ॥ ਸਰਧਾ ਬਿਨੁ  
 ਈਸ਼ੁਰ ਨਹੀਂ ਖਾਏ । ਭਾਵੇਂ ਭੋਗ ਸੁ ਲਾਖ ਲਗਾਏ । ਹੋਮਕਰੇ  
 ਪੁਨ ਪਾਵਕ ਮਾਹੀਂ । ਮੰਤ੍ਰ ਬਿਧਾਨ ਪੜੇ ਮੁਖ ਮਾਹੀਂ ॥  
 ੨੯ ॥ ਅਗਸਤ ਬਖਾਨਯੋ ਮਾਰਗ ਜੈਸੇ । ਕੁੰਡ ਬਨਾਏ ਧਰਮੈ  
 ਤਸੇ । ਮੂਲ ਮੰਤ੍ਰ ਕਰ ਹੋਮ ਸੁ ਕਰੇ । ਕੈ ਪੁਨਿ ਪੂੰ ਸੂਕਤ  
 ਉਚਰੇ ॥ ੩੦ ॥ ਕਰੇ ਉਪਾਸ਼ਨ ਵਾ ਜਗ ਪਾਵਕ । ਹਮੇ ਚਰੁ  
 ਘ੍ਰਿਤ ਤੰਡਲ ਯਾਵਕ । ਜਾਂਬੂ ਨਦ ਸਮ ਦਿੱਬ ਸਰੂਪ । ਦਿੱਬ  
 ਸੁ ਭੂਖਨ ਧਰੇ ਅਨੂਪ ॥ ੩੧ ॥ ਹੋਮ ਕਾਲ ਅਸ ਮੌਕੇ ਧਯਾਵੇ  
 । ਪਾਵਕ ਮਾਹਿ ਅਹੁਤੀ ਪਾਵੇ । ਪਾਰਖਦ ਕੇ ਬਲੀਆਂ ਦੈ  
 ਆਪਤ । ਹੋਮ ਸੇਖ ਪੁਨਿ ਕਰੇ ਸਮਾਪਤ ॥ ੩੨ ॥ ਮੋਹਿਧਿ  
 ਆਨ ਬਹੁਰੋ ਜਪੁ ਕਰੇ । ਧਾਰੇ ਮੋਨ ਨ ਬ੍ਰਿਥਾ ਉਚਰੇ । ਮੁੱਖ  
 ਬਾਸ ਹਿਤ ਦਏ ਤੰਬੂਲਾ । ਪ੍ਰੀਤ ਸੰਯੁਕਤ ਪ੍ਰੀਤ ਸਭ ਮੂਲਾ  
 ॥ ੩੩ ॥ ਗੀਤ ਨਿਰਤ ਮੇਰੇ ਹਿਤ ਕਰੇ ॥ ਪਾਠ ਕਰੇ ਉਸਤਤਿ



ਬਿਸਤਰੇ । ਦੰਡ ਸਮਾਨ ਸੁ ਬੰਦਨ ਧਾਰੇ । ਧਯਾਵੇ ਮੋਹਿ  
 ਸੁ ਚੀਤ ਮਝਾਰੇ ॥ ੩੪ ॥ ਭਾਵਨ ਮਯ ਪਰਸ਼ਾਦਿ ਅਪਾਰੇ ।  
 ਮੋਹ ਦਯੋ ਲੈ ਸਿਰ ਪਰ ਧਾਰੇ । ਕਰ ਮੈਂ ਧਾਰ ਸੁ ਦੋ ਪਦ ਮੇ  
 ਰੇ । ਸੀਸ ਨਿਵਾਇ ਸੁ ਯੋਂ ਮੁਖ ਟੇਰੇ ॥ ੩੫ ॥ ਘੋਰ ਸੰਸਾਰ  
 ਘਨੋਂ ਦੁਖ ਨਾਰੀ । ਤਾਂਤੇ ਰਾਖੋ ਮੋਇ ਮੁਰਾਰੀ । ਕਰ ਪਰਣਾਮ  
 ਵਿਸਰਜਨ ਕਰੇ । ਪ੍ਰਤੱਖ ਜੋਤਿ ਸਿਮਰਨ ਉਰਧਰੇ ॥  
 ੩੬ ॥ ਯਾ ਬਿਧ ਕਹਯੋ ਉਪਾਸਨ ਜੋਈ । ਕਰੇ ਸੁ ਬਿਧਵਤ  
 ਯਾਂਕੋ ਕੋਈ । ਮੋਹ ਅਨ ਗ੍ਰਹ ਹੋਇ ਪੁਲੋਕ । ਪਾਇ ਸਿੱਧਸੋ ਤਜਾਗੇ  
 ਸੋਕ ॥ ੩੭ ॥ ਦਿਨ ਦਿਨ ਮੈ ਜੋ ਮੇਰੇ ਭਗਤਿ । ਪੂਜੇ ਸੋ ਮਮ  
 ਪ੍ਰੇਮ ਪ੍ਰ ਸਕਤਿ । ਬਿਨ ਸੰਦੇਹ ਪਾਇ ਵਹਿ ਮੋਕੋ । ਲਖਮਣ  
 ਸਾਰ ਬਖਾਨੋਂ ਤੋਕੋ ॥ ੩੮ ॥ ਸ਼ੰਕਰਛੰਦ ॥ ਪਰਮ  
 ਗੋਪ ਸੁ ਪਾਵਣੋਂ ਪਥ ਹੈ ਸਨਾਤਨ ਭ੍ਰਾਤ । ਕਰ ਸੰਖੇਪ ਬਨਾ  
 ਇਕੈ ਮੈ ਭਾਖਿਯੋ ਸੱਖਯਾਤ । ਪਢੇ ਯਾਹਿ ਨਿਰੰਤਰੰ ਪੁਨਿ ਜੋ  
 ਸੁਨੇ ਮਨ ਲਾਇ । ਸਮਸਤ ਪੂਜਾ ਜੋ ਕਰੇ ਫਲ ਤਾਂ ਸਮਾਨ ਸੁ  
 ਪਾਇ ॥ ੩੯ ॥ ਚੌਪਈ ॥ ਇਹ ਭਾਂਤਿ ਪਰਾਤਮ  
 ਰਾਮ ਦਯਾਲ । ਕ੍ਰਿਯਾ ਯੋਗ ਸੁ ਕਹਿਓ ਬਿਸਾਲ । ਸੇਸ ਅੰਸ  
 ਪੂਛੋ ਨਿਜ ਭ੍ਰਾਤ । ਰਾਮ ਭਗਤਿ ਲਖਮਣ ਬਿਖਯਾਤ ॥  
 ੪੦ ॥ ਪੁਨਿ ਪ੍ਰਕ੍ਰਿਤ ਵਤ ਰਾਮ ਮੁਰਾਰਿ । ਦੁਖੀ ਹੋਇ ਮੁਖ  
 ਕੀਨ ਉਗਾਰ । ਹਾਸੀ ਤੇ ਇਹ ਭਾਂਤ ਪੁਕਾਰੇ । ਪ੍ਰਾਣ ਜਾਹਿ  
 ਤੂੰ ਨਾਹਿ ਨਿਹਾਰੇ ॥ ੪੧ ॥ ਯਾ ਬਿਧ ਬਹੁਤ ਬਿਲਾਪ ਸੁਕੀ  
 ਨ । ਉਮਾਂ ਭਏ ਪੁਨਿ ਨਿੰਦ੍ਰਾ ਲੀਨ । ਤਹੀ ਸਮੈ ਕਿਸਕਿੰਧਾ



ਮਾਂਹੀ । ਹਨੂਮਾਨ ਬੋਲਿਓ ਮੁਖ ਮਾਂਹੀ ॥੪੨॥ ਕਪਿਨਾਇਕ  
 ਸੁੰਗੀਵ ਏਕਾਂਤ । ਹਨੂਮਾਨ ਤਿਹ ਕਹੇ ਬ੍ਰਿਤਾਂਤ । ਰਾਜਨ  
 ਸੁਨਿ ਅਬ ਤੋਹਿ ਬਤਾਉਂ । ਤੇਰੋ ਹੀ ਹਿਤ ਹੋਇ ਸੁਨਾਉਂ ॥  
 ੪੩ ॥ ਸਵੈਯਾ ॥ ਰਾਮ ਕਰੇ ਉਪਕਾਰ ਸੁ ਪੂਰਬ ਤੇ ਕਪਿ  
 ਮੂਢ ਸੁ ਹੈਂ ਬਿਸਰਾਏ । ਬੀਰ ਪ੍ਰਸਿਧ ਸੁ ਲੋਕ ਤਿਹੂੰ ਵਹਿ  
 ਅੰਗਦ ਤਾਤ ਸੁ ਤੇ ਹਿਤ ਘਾਏ । ਅੰਗਦ ਮਾਤ ਭਜੇ ਪਦ  
 ਤੇ ਸਠ ਰਾਜ ਦਏ ਸਿਰ ਛਤ੍ਰ ਫਿਰਾਏ । ਸੋ ਵਹਿ ਰਾਮ ਬਸੇ  
 ਗਿਰ ਮੈ ਸਹਿ ਭ੍ਰਾਤ ਬਲੀ ਭਵ ਦੀਨ ਭੁਲਾਏ ॥ ੪੪ ॥ ਤੇ  
 ਪਥ ਨੀਤ ਨਿਹਾਰਤ ਵੈ ਇਕ ਰਾਜ ਬਡੋ ਜਿਹ ਤੇ ਅਕੁਲਾ  
 ਵੇਂ । ਤੂੰ ਕਪਿ ਜਾਤ ਸੁ ਨਾਰਿ ਰਮੇਂ ਮਦ ਪਾਨ ਕਰੇਂ ਕਛੁ  
 ਸਾਰ ਨ ਪਾਵੇਂ । ਸੋ ਧਨ ਸੀਯਕੇ ਤਾਂਹਿ ਕਹਿਓ ਅਬ ਲੋ ਭਟ  
 ਨਾਹਿ ਸੁ ਬੋਲ ਪਠਾਵੇਂ । ਜਾਨਤ ਹੋਂ ਕਪਿ ਬਾਲੀ ਜਿਵੇਂ  
 ਅਬ ਤੂੰ ਤਿਨਤੇ ਨਿਜ ਪਾਨ ਖੁਆਵੇਂ ॥ ੪੫ ॥ ਸੁਨਕੈ ਹਨੂ  
 ਮਾਨ ਕੀ ਬਾਤਨ ਕੋ ਕਪਿ ਨਾਥ ਡਰਿਓ ਮੁਖ ਏਹ ਅਲਾਈ  
 । ਹਨੂਮਾਨ ਕਹਿਓ ਤਦ ਸਾਰ ਸਹੀ ਡਰ ਡਾਰ ਸੁ ਮੇ ਹਿਤ  
 ਬਾਤ ਸੁਨਾਈ । ਮਮ ਆਇਸ ਦੇਸ ਦਸੋ ਵਿਸ ਕੋ ਦਸ ਸਹੰਸ  
 ਕਪੀ ਅਬ ਦੇਹ ਪਠਾਈ । ਕਪਿ ਸਾਤਹੁ ਦੀਪਨ ਮਾਹਿ ਜਿਤੇ  
 ਸਭ ਲਿਆਵਹਿ ਬੇਗ ਸੁ ਜਾਇ ਬੁਲਾਈ ॥੪੬॥ ਏਕਹਿੰਪਖ  
 ਵਿਖੇ ਸਗਲੇ ਕਪਿ ਪੁੰਗਵ ਆਹਿ ਨ ਢੀਲ ਲਗਾਵੇਂ । ਆ  
 ਇਸ ਮੇਟ ਸੁ ਜੇ ਕਪਿ ਮੂੜੁ ਸੁ ਪਖ ਵਧੀਕ ਕਛੁ ਦਿਨ ਲਾਵੇਂ  
 । ਸਾਰ ਕਹੋਂ ਹਨੂਮਾਨ ਸੁਨੋ ਤਿਨ ਪ੍ਰਾਣ ਹਨੋਂ ਯਹਿ ਦੰਡ



ਸੁ ਪਾਵੇਂ । ਆਇਸ ਦੈ ਘਰ ਮਾਹਿ ਗਏ ਕਪਿ ਮਾਰਤ ਔਰ  
 ਨ ਪਾਸ ਸੁਨਾਵੇ ॥ ੪੭ ॥ ਵੋਹਰਾ ॥ ਆਇਸ ਲੈ ਕਪਿ  
 ਰਾਜ ਕੀ ਮੰਤ੍ਰੀ ਵਰ ਹਨੁਮਾਨ । ਬਾਨਰ ਰੀਛ ਬੁਲਾਇ ਕੈ  
 ਭੇਜੇ ਦੈ ਸਨਮਾਨ ॥ ੪੮ ॥ ਸਵੈਯਾ ॥ ਵਾਯੁ ਸਮਾਨ ਸੁ  
 ਬੇਗ ਬਡੇ ਜਿਨਕੇ ਗੁਨ ਨਾਹਿ ਸੁ ਜਾਤ ਗਠਾਏ । ਭੂਧਰ  
 ਕੇ ਸਮ ਡੀਲ ਵਡੇ ਹਨੁਮਾਨ ਵਹੀ ਕਪਿ ਦੂਤ ਬੁਲਾਏ ।  
 ਪੱਤ੍ਰ ਦਏ ਲਿਖ ਤਾ ਕਰ ਮੈ ਕਪਿ ਰਾਜਨ ਤੇ ਬਹੁ ਦਰਬ  
 ਦਵਾਏ । ਆਦਰ ਮਾਨ ਕੀਓ ਬਹੁਤੈ ਹਨੁਮਾਨ ਅਮਾਤ ਸੁ  
 ਦੂਤ ਪਠਾਏ ॥ ੪੯ ॥

ਇਤਿ ਸ੍ਰੀ ਅਧਯਾਤਮ ਰਾਮਾਇਣੇਂ ਉਮਾਮਹੇਸੁਰ  
 ਸੰਬਾਦੇ ਕਿਸਕਿੰਧਾ ਕਾਂਡੇ ਚਤੁਰਥੇ ਧਯਾਇ ॥ ੪ ॥

### ਸ੍ਰੀ ਮਹਾਦੇਵ ਉਵਾਰ

॥ ਸਵੈਯਾ ॥ ਮਣਿ ਸਿੰਗ ਸੁ ਭੂਧਰ ਸੀਸ ਬਿਖੇ ਰਘੁਨਾਥ  
 ਬਿਰਾਜਤ ਰਾਤ ਸੁਹਾਈ । ਬਿਰਹੈ ਸੁ ਬਿਦੇਹ ਸੁਤਾ ਉਰਮੈ  
 ਰਘੁਨਾਥ ਤਬੈ ਇਹ ਬਾਤ ਅਲਾਈ । ਲਖਮੰਨ ਸੁ ਸੀਯ  
 ਹਰੀ ਕਿਨ ਰਾਖਸ਼ ਸੀਵਤ ਹੈ ਕਿ ਮਰੀ ਬਿਖ ਖਾਈ । ਦਿਨ  
 ਆਜ ਬਿਤੀਤ ਅਨੇਕ ਭਏ ਸੁਣਿ ਮੈ ਅਬ ਲੈ ਕਛੁ ਸਾਰ ਨ  
 ਪਾਈ ॥ ੧ ॥ ਮਮ ਪ੍ਰਾਣ ਪ੍ਰਿਯਾ ਜਗ ਜੀਵਤ ਹੈ ਇਹ ਭਾਂਤ  
 ਕਹੇ ਜਗ ਕੋਇ ਸੁਨਾਈ । ਸੁ ਜਿਤੇ ਤਿਤ ਜਾਨਕੀ ਜੀਵਤ  
 ਕੀ ਕਛੁ ਯਾ ਜਗ ਮੈ ਜਬ ਸਾਰ ਸੁ ਪਾਈ । ਸੁਨਿ ਭ੍ਰਾਤਹਰੇਂ



ਬਲਿਕੈਤਹਿ ਤੇ ਸੁ ਪਯੋਧ ਸੁ ਧਾ ਜਿ ਓਹ ਰੀ ਸੁ ਰ ਰਾਈ ॥ ਕ ਬਿ ਸਿ ਘ  
 ਗੁ ਲਾ ਬ ਭ ਜੋ ਪ ਦ ਕੋ ਹ ਰਿ ਚਾ ਹ ਤ ਕੀ ਰ ਤਿ ਗੰ ਗ ਬ ਧ ਾ ਈ  
 ॥੨॥ ਚੌ ਪ ਈ ॥ ਲ ਖ ਮ ਨ ਸੁ ਨੋ ਪ੍ਰ ਤ ਗ ਜਾ ਭ ਾ ਈ । ਜ ਨ ਕ ਾ  
 ਤ ਮ ਜ ਾ ਜ ਾ ਹਿ ਚੁ ਰ ਾ ਈ । ਬ ਲਿ ਬ ਾ ਹ ਨ ਸੁ ਤ ਐ ਕੁ ਲ ਸੰ ਗ ।  
 ਭ ਸ ਮ ਕ ਰੋਂ ਰ ਨ ਤ ਾ ਹਿ ਸੁ ਅੰ ਗ ॥੩॥ ਚੰ ਦ ਮੁ ਖੀ ਹ ਾ ਸੀ ਤੇ  
 ਪਿ ਆ ਰੀ ॥ ਬ ਸ ਤੀ ਰ ਾ ਖ ਸੁ ਭੋ ਨ ਮ ਝ ਾ ਰੀ । ਦੁ ਖ ਆ ਰ ਤ ਮੁ ਹਿ ਨ ਾ ਹਿ  
 ਨਿ ਹ ਾ ਰੇ । ਕਿ ਓ ਕ ਰ ਪ੍ਰ ਾ ਨ ਸੁ ਅ ਪ ਨੇ ਧ ਾ ਰੇ ॥੪॥ ਚੰ ਦ ਮੁ ਖੀ  
 ਬਿ ਨ ਚੰ ਦ ਤ ਪ ਾ ਏ । ਭ ਾ ਨ ਸ ਮ ਾ ਨ ਉ ਸ ਨ ਦੁ ਖ ਦ ਾ ਏ । ਚੰ ਦ  
 ਜ ਾ ਨ ਕੀ ਕੋ ਛੁ ਹਿ ਆ ਵੇ । ਸੀ ਤ ਲ ਕਿ ਰ ਨ ਾ ਮੋ ਹਿ ਲ ਗ ਵੇ ॥  
 ੫ ॥ ਦ ਯ ਾ ਨ ਹੀ ਸੁ ਗ੍ਰੀ ਵ ਸੁ ਰ ਾ ਈ । ਯੋ ਮੈਂ ਦੁ ਖੀ ਨ ਪੇ ਖੇ  
 ਆ ਈ । ਨਿ ਹ ਕੰ ਟ ਕ ਰ ਾ ਜ ਜ ਗ ਤ ਮੈਂ ਪ ਯੋ । ਨ ਾ ਰਿ ਨ ਮੈਂ  
 ਬ ਸ ਮੋ ਹਿ ਭੁ ਲ ਯੋ ॥੬॥ ਕ ਪਿ ਕ੍ਰਿ ਤ ਘ ਨ ਭ ਯੋ ਮੋ ਹ ਭ ਾ ਨ । ਕ ਾ ਮ  
 ਕੁ ਸ ਦ ਾ ਕ ਰੇ ਮ ਦ ਪ ਾ ਨ । ਸ ਰਿ ਦ ਰਿ ਤੂ ਆ ਈ ਪਿ ਖ ਰੂ ਢ ਾ ।  
 ਸੀ ਸੋ ਧ ਨ ਹਿ ਤ ਅ ਯੋ ਨ ਮੂ ਢ ਾ ॥੭॥ ਪੂ ਰ ਬ ਮੈ ਉ ਪ ਕ ਾ ਰ ਸੁ  
 ਕ ਏ । ਕ੍ਰਿ ਤ ਘ ਨ ਕ ਪੀ ਸੁ ਰ ਵੈ ਬਿ ਸ ਰ ਏ । ਅ ਬ ਸੁ ਗ੍ਰੀ ਵ ਸੁ  
 ਡ ਾ ਰੋਂ ਮ ਾ ਰੇ । ਬ ਾ ਧ ਵ ਸ ਹਿ ਤ ਸ ਹਿ ਤ ਪੁ ਰਿ ਸ ਾ ਰੇ ॥੮॥ ਬ ਾ ਲੀ  
 ਮ ਾ ਰਿ ਓ ਮੈਂ ਰ ਨ ਜੈ ਸੇ । ਆ ਜੁ ਸੁ ਗ੍ਰੀ ਵ ਹ ਨੋਂ ਪੁ ਨਿ ਤੈ ਸੇ । ਯ  
 ਬਿ ਧ ਕ੍ਰੋ ਧ ਭ ਰੇ ਪਿ ਖ ਰ ਾ ਮ । ਭ ਬ ਬੋ ਲੇ ਲ ਖ ਮ ਨ ਬ ਲ ਧ ਾ ਮ  
 ॥੯॥ ਸ੍ਰੈ ਯ ਾ ॥ ਅ ਬ ਆ ਇ ਸ ਮੋ ਹਿ ਦਿ ਜੇ ਰ ਘੁ ਬੀ ਰ ਹ ਨੋਂ  
 ਦੁ ਸ਼ ਾ ਤ ਮ ਤ ਾਂ ਕ ਪਿ ਰ ਾ ਈ । ਇ ਹ ਭ ਾ ਤਿ ਉ ਚ ਾ ਰ ਸੁ ਤੂੰ ਣ ਕ ਸੇ  
 ਤ ਲ ਵ ਾ ਰ ਲ ਈ ਧ ਨੁ ਲੀ ਨ ਚ ਝ ਾ ਈ । ਲ ਖ ਮ ਨ ਚ ਲੇ ਇ ਹ



ਭਾਂਤਿ ਪਿਖੇ ਤਬ ਸ੍ਰੀ ਰਘੁਬੀਰ ਸੁ ਬਾਤ ਅਲਾਈ । ਮਮ ਹੈ  
 ਸੁਗ੍ਰੀਵ ਸੁ ਪ੍ਰੀਤ ਸਖਾ ਸੁਧ ਏਹ ਕਰੀ ਤਿਨਕੀ ਢਿਗ ਜਾਈ  
 ॥੧੦॥ ਬਾਲੀਜਿਵੇਂ ਨਹਿਤਾਹੰਨੀ ਸੁਗ੍ਰੀਵ ਕੋ ਤੂੰ ਬਹੁ ਭਾਂਤਿ  
 ਡਰਾਈਂ । ਭੂਲ ਗਏ ਉਪਕਾਰ ਤਿਨੇ ਇਹ ਭਾਂਤਿ ਸੁ ਨਿਠਰ  
 ਵਾਕ ਅਲਾਈਂ । ਜੇ ਸੁਗ੍ਰੀਵ ਕਹੇ ਮੁਖਤੇ ਗਹਿ ਤੇ ਬਤੀਆਂ  
 ਬਲਿ ਬੇਗ ਸੁ ਆਈਂ । ਜੇ ਕਰਤਬ ਸੇ ਹੋਇ ਕਛੁ ਪੁਨ ਸੇ  
 ਮਿਲਿ ਕੈ ਮਮ ਸੰਗ ਕਮਾਈਂ ॥ ੧੧ ॥ ਚੌਪਈ ॥ ਭੀਮ  
 ਪ੍ਰਾਕ੍ਰਮ ਲਖਮਣ ਬਾਲਾ । ਭਾਖ ਤਬਾ ਮੁਖ ਗਯੋ ਕਰਾਲਾ ।  
 ਕਿਸਕੰਧਾ ਪ੍ਰਤਿ ਬੇਗ ਸੁਧਾਏ । ਕੋਪ ਭਰੇ ਜਨ ਦੇਤ ਜਲਾਏ  
 ॥ ੧੨ ॥ ਦੋਹਰਾ ॥ ਕਿਸਕੰਧਾ ਲਖਮਣ ਗਏ ਪੁਨਿ ਸੋਚੇ  
 ਰਘੁਬੀਰ । ਬਿਰਹਿ ਬਿਯਾਕੁਲ ਸੀਯ ਕੇ ਭਏ ਸੁ ਬਿਕਲ  
 ਸਰੀਰ ॥ ੧੩ ॥ ਚੌਪਈ ॥ ਵੈ ਸਰਬੰਗ ਸਦਾ ਵਿਗਯਾਨ  
 ਪਦਮਾ ਨਾਇਕ ਹੈ ਭਗਵਾਨ । ਪਰ ਸੀਤਾ ਹਿਤ ਸੋਚੇਂ ਐਸੇ ।  
 ਪ੍ਰਾਕ੍ਰਿਤ ਮਾਨਵ ਸੋਚੇਂ ਜੈਸੇ ॥ ੧੪ ॥ ਬੁੱਧਯਾਦਿਕ ਕੇ ਸਾਖੀ  
 ਸਾਰੇ । ਮਾਯਾ ਕਰ ਯੇ ਸਦਾ ਨਿਆਰੇ । ਰਾਗਾਦਿਕ ਤੇ ਰਹਿਤ  
 ਉਦਾਰਾ । ਮਾਇਆ ਕੇ ਨਹੀਂ ਤਿਨੇ ਬਿਕਾਰਾ । ਬ੍ਰਹਮਾ ਕਰਜੋ  
 ਬਰਨ ਜਗ ਜੋਈ । ਕਰਜੋ ਚਹੇ ਹਰਿ ਸੱਤਿ ਸੁ ਸੋਈ ॥ ੧੫ ॥  
 ਦਸਰਥ ਘਰਿ ਲੀਨੋ ਅਵਤਾਰਾ । ਤਾਂ ਤਪ ਕੋ ਫਲ ਦਯੋ ਉ  
 ਉਦਾਰਾ । ਮਾਨੁਖ ਵੇਸ ਆਪ ਹਰਿ ਧਾਰਾ । ਚਾਹੇ ਲੋਗਨਕੀ  
 ਉਦਾਰਾ ॥ ੧੬ ॥ ਮੇ ਮਾਯਾ ਬਾਂਧੇ ਜਨ ਜੋਈ । ਕਿਹ ਬਿਧ  
 ਮੁਕਤਿ ਹੋਇ ਪੁਨ ਤੋਈ । ਯਾ ਬਿਧ ਬਿਜਨ ਸੁ ਆਪ



ਉਚਾਰੀ । ਚਾਹਤ ਹੈ ਨਿਜ ਕਥਾ ਬਿਥਾਰੀ ॥ ੧੭ ॥ ਮੇਰੀ  
 ਕਥਾ ਸੁ ਗੰਗ ਉਦਾਰੇ । ਲੋਕਨ ਕੇ ਸਭ ਪਾਪ ਨਿਵਾਰੇਨਾਮ  
 ਰਾਮਾਇਣ ਪਾਵਨ ਹੋਈ । ਯਾ ਹਿਤ ਭਏ ਮਨੁਜ ਹਰਿ ਸੋਈ  
 ॥ ੧੮ ॥ ਕ੍ਰੋਧ ਮੋਹਿ ਪੁਨਿ ਕਾਮ ਬਿਕਾਰਾ । ਯਾ ਹਿਤ ਕੀਨੇ  
 ਅੰਗੀਕਾਰਾ । ਤਤ ਤਤ ਕਾਲ ਬਿਖੇ ਹਰਿ ਕਰੇ । ਲੋਕਨ  
 ਮਾਹਿ ਸੁ ਮੋਹਿ ਬਿਥਰੇ ॥ ੧੯ ॥ ਸਭ ਗੁਣ ਤੇ ਹੈ ਸਦਾ  
 ਬਿਰਕਤਾ । ਪਰਭਾਸੇ ਮਾਨੈ ਹੈ ਰਕਤਾ । ਬਿਗਯਾਨ ਸ਼ਕਤਿ  
 ਪੁਨਿ ਗਯਾਨ ਸਰੂਪ । ਸਾਖੀ ਗੁਣ ਕੇ ਸਗਨ ਅਨੂਪ ॥ ੨੦ ॥  
 ਕਾਮਾਦਿਕ ਕੇ ਲੇਪੁ ਨ ਕੋਈ । ਨਭ ਸਿਉ ਨਿਰਮਲ ਹੈ  
 ਹਰਿ ਸੋਈ । ਮੁਨਿ ਕੇ ਚਿਤ ਯੋਂ ਕਰੇ ਬਿਚਾਰਾ । ਕੈ ਜਾਨੈ ਤਹਿ  
 ਸਨਤ ਕੁਮਾਰਾ ॥ ੨੧ ॥ ਨਿਰਮਲ ਭਗਤਿ ਤਾਹਿ ਕੇ ਜੋਈ ।  
 ਜਾਨਤ ਰਾਮ ਨਰਾਇਣ ਤੇਈ । ਭਗਤਨ ਕੇ ਪੁਨਿ ਮਨ  
 ਅਨੁਸਾਰ । ਭਗਵਾਨ ਲਏ ਜਗ ਮੇਂ ਅਵਤਾਰ ॥ ੨੨ ॥ ਯਾ  
 ਬਿਧ ਰਾਮ ਕਥਾ ਮੈ ਭਾਖੀ । ਅਬ ਸੁਣੀਏ ਲਖਮਣ ਕੀ ਸਾਖੀ  
 । ਲਖਮਣ ਕਿਸਕਿੰਧਾ ਢਿਗ ਜਾਏ । ਧਨੁਖ ਸ਼ਬਦ ਕਰ  
 ਕਪਹਿ ਡਰਾਏ ॥ ੨੩ ॥ ਤਾਂਕੇ ਪੇਖ ਮੂਢ ਜੋ ਕੀਸਾ । ਗਢਕੇ  
 ਦੋਰ ਚੜ੍ਹੇ ਵੁਹ ਸੀਸਾ । ਕਿਲ ਕਿਲ ਸ਼ਬਦ ਸੁ ਕੀਨ ਉਚਾਰੇ ।  
 ਪਾਦਪ ਐਂ ਕਰ ਪਾਥਰ ਧਾਰੇ ॥ ੨੪ ॥ ਸਵੈਯਾ ॥ ਬਾਨਰ  
 ਜਾਤ ਮਵਾਸ ਭਈ ਲਖਮੰਨ ਭਬੈ ਪਿਖ ਏਹ ਉਚਾਰੇ । ਪਾਥ  
 ਵਏ ਹਮ ਹੀ ਪੁਰ ਮੈ ਹਮ ਸੋ ਅਬ ਏਹ ਫਰੇ ਹਥਯਾਰੇ । ਮੈਂ  
 ਇਨਕੋ ਨਿਰਮੂਲ ਕਰੋਂ ਇਹ ਭਾਂਤਿ ਉਚਾਰ ਕੁੰਦੰਡ ਸੰਭਾਰੇ



। ਅੰਗਦ ਜਾਨ ਸੁ ਬਾਤ ਇਹੈ ਲਖਮੰਨ ਅਏ ਕਪਿ ਦੂਰ  
 ਨਿਵਾਰੇ ॥ ੨੫ ॥ ਅੰਗਦ ਜਾਇ ਸੁ ਤਾਂ ਪਦ ਮੈਂ ਅਤਿ ਦੀਨ ਭਯੋ  
 ਅਭਿ ਬੰਦਨ ਧਾਰੇ । ਰਾਮ ਕੇ ਭ੍ਰਾਤਿ ਦਯਾਲ ਭਏ ਗਲਿ  
 ਲਾਇ ਲਏ ਭੁਜ ਦੰਡ ਪਸਾਰੇ । ਹੋ ਸੁਭ ਜਾਇ ਕਪੀਸ ਕਹੋ  
 ਮਮ ਆਵਨ ਯੋ ਮੁਖਿ ਮਾਹਿ ਉਚਾਰੇ । ਕੋਪੁ ਭਰੇ ਰਘੁਬੀਰ  
 ਪਠੇ ਇਮ ਜਾਇ ਕਹੋ ਨਿਜ ਭੋਨ ਮਝਾਰੇ ॥ ੨੬ ॥ ਅੰਗਦ  
 ਭਾਖ ਤਥਾ ਮੁਖਤੇ ਸੁਗ੍ਰੀਵ ਕੋ ਜਾਇ ਨਵੇਦਨ ਕੀਨੋ । ਬਾਹਰਿ  
 ਵਾਰ ਖੜੇ ਪੁਰ ਕੇ ਲਖਮੰਨ ਲਏ ਕਰ ਚਾਪ ਨਵੀਨੋ ।  
 ਨੈਨ ਸੁ ਲਾਲ ਕਰਾਲ ਭਏ ਅਤਿ ਕ੍ਰੋਧ ਭਏ ਮੁਖਿ ਲਾਲ  
 ਸੁ ਕੀਨੋ । ਬਾਨਰਿ ਰਾਜ ਸੁ ਯੋ ਸੁਨਕੈ ਤਨ ਕਾਂਪਤ ਯੋ ਸੁ ਭਯੋ  
 ਡਰ ਜੀਨੋ ॥ ੨੭ ॥ ਮੰਤ੍ਰ ਵਹੀ ਹਨੁਮਾਨ ਬੁਲਾਇ ਕਹਿਓ  
 ਸਮਝਾਇ ਸੁ ਏਹ ਬਿਚਾਰੇ । ਅੰਗਦ ਕੋ ਸੰਗ ਲੈ ਹਨੁਮਾਨ  
 ਸੁ ਤੂ ਅਬ ਜਾਇ ਭਯੋ ਸੁ ਬਿਗਾਰੇ । ਜੋਰ ਦੁਊਕਰ ਪਾਇ ਪਰੇ  
 ਲਖਮਣ ਤੇ ਜਾਇ ਸੁ ਕ੍ਰੋਧ ਨਿਵਾਰੇ । ਸਾਂਤਿ ਕਰੋ ਸੁਭ  
 ਬਾਤਨ ਕੈ ਪੁਨਿ ਮੰਦਰਿ ਆਨਹੁ ਧਾਰ ਪਿਆਰੇ ॥ ੨੮ ॥  
 ਇਹ ਭਾਂਤਿ ਪਠਾਇ ਹਨੁਮਤ ਕੋ ਪੁਨਿ ਆਪ ਬੁਲਾਇ ਕਹਿਓ  
 ਤਿਨ ਤਾਰਾ । ਗਜ ਗਾਮਨਿ ਤੂੰ ਚਲ ਤਾਂ ਪਥਿ ਮੈ ਲਖਮੰਨ  
 ਕੇ ਕ੍ਰੋਧ ਭਯੋ ਅਤਿ ਭਾਰਾ । ਮ੍ਰਿਦ ਬੋਲ ਸੁ ਸਾਂਤਿ ਕਰੋ ਤਿਨ  
 ਕੋ ਪੁਨਿ ਤਾਹ ਲਿਆਵਹੁ ਭੋਨ ਮਝਾਰਾ । ਸਮ ਪਾਵਕ ਕ੍ਰੋਧ  
 ਭਯੋ ਤਿਨਕੋ ਜਿਹ ਭਾਂਤਿ ਹਰੇ ਨਹਿ ਜੀਅ ਹਮਾਰਾ ॥ ੨੯ ॥  
 ਚੋਪਈ ॥ ਮੱਧ ਹਵੇਲੀ ਤਾਰਾ ਜਾਏ । ਖੜੀ ਭਈ ਮੁਖ



ਤਥਾ ਅਲਾਏ । ਹਨੁਮਾਨ ਅੰਗਦ ਪੁਨਿ ਧੀਰ । ਗਏ ਜਹਾਂ  
 ਲਖਮਣ ਹਰਿ ਬੀਰ ॥ ੩੦ ॥ ਸ੍ਰੈਯਾ ॥ ਜਾਇ ਪ੍ਰਣਾਮ  
 ਕਰੇ ਪਦ ਮੈ ਕਰ ਜੋਰ ਦੋਉ ਮੁਖਿ ਏਹ ਅਲਾਏ । ਹੈਂ ਸੁਖ ਸੋ  
 ਰਘੁਬੀਰ ਭਲੇ ਤੁਮ ਹੂੰ ਸੁਖ ਸੋਂ ਪਥਿ ਭੀਤਰਿ ਆਏ । ਭਾਗ  
 ਮਹਾਂ ਘਰ ਮਾਹਿ ਚਲੇ ਉਰ ਭੀਤਰ ਤੇ ਸਭ ਸੰਕ ਮਿਟਾਏ ।  
 ਨਾਰਿ ਸਖਾ ਕਪਿ ਰਾਜਨ ਕੇ ਪਿਖ ਔਰ ਕਛੂ ਪ੍ਰਭ ਕਾਜ  
 ਬਤਾਏ ॥ ੩੧ ॥ ਚੌਪਈ ॥ ਸੋ ਹਮ ਕਰੇਂ ਸੀਸ ਪਰ ਮਾਨੀ ।  
 ਹਨੁਮਾਨ ਏਹ ਭਾਂਤ ਬਖਾਨੀ । ਲਖਮਣ ਕੋ ਪੁਨਿ ਕਰ  
 ਫਰ ਲੀਨੋ । ਮਾਰਤ ਨੰਦਨ ਪ੍ਰੇਮ ਸੁ ਕੀਨੋ ॥ ੩੨ ॥ ਲੇ ਆਯੋ  
 ਤਿਨਕੋ ਪੁਰਿ ਮਾਹੀਂ । ਰਾਜ ਭਵਨ ਤੇ ਪਥ ਕੇ ਮਾਹੀਂ । ਯੂਥਪ  
 ਕੇ ਜੇ ਭੌਨ ਉਚਾਰੇ । ਆਵਤ ਲਖਮਣ ਪੰਥ ਨਿਹਾਰੇ ॥ ੩੩ ॥  
 ਰਾਜ ਭਵਨ ਪ੍ਰਤਿ ਯਾ ਬਿਧ ਗਯੋ । ਸੁਰਪਤਿ ਭੌਨ ਸਮਾਨ ਸੁ  
 ਨਯੋ । ਤਾਰਾ ਮਧਿ ਹਵੇਲੀ ਛਾਜੇ । ਤਾਰਾ ਪਤਿ ਸਮ ਬਦਨ  
 ਬਿਰਾਜੇ ॥ ੩੪ ॥ ਸਰਭਾ ਭਰਣ ਧਰੇ ਤਨ ਸੋਹੈ । ਮਦ ਕਰ  
 ਭਾਤ ਨੈਨਿ ਮਨ ਮੋਹੈ । ਲਖਮਣ ਕੋ ਅਭਿਬੰਦਨ ਧਾਰ ।  
 ਹਸਿ ਕਰ ਏਹ ਸੁ ਕੀਨ ਉਚਾਰ ॥ ੩੫ ॥ ਸੋਰਠਾ ॥ ਦੇਵਰ  
 ਤੇ ਕਲਯਾਨ ਪਾਹਿ ਨਿਰੰਤਰ ਦਾਸ ਕੋ । ਤੂੰ ਭਗਤਨ ਕੇ ਪ੍ਰਾਣ  
 ਸਾਧ ਭਾਵ ਤੇਰੇ ਕਰੇਂ ॥ ੩੬ ॥ ਸ੍ਰੈਯਾ ॥ ਦਸ ਹੂੰ ਦਿਸ ਪਤ੍ਰ  
 ਪਠਾਇ ਦਏ ਭੁਵ ਮੰਡਲ ਕੇ ਕਪਿ ਨਾਥ ਬੁਲਾਏ । ਕਨੁ  
 ਕਾਂਚਲਕੇ ਸਮ ਹੈ ਜਿਨਕੇ ਤਨੁ ਤੇ ਵਰ ਪੇਖ ਘਨੇ ਕਪਿਆਏ ।  
 ਤੁਮ ਹੋ ਅਤਿ ਸੇਵਕ ਬੀਰ ਬਡੇ ਕਪਿ ਨਾਇਕ ਪੈ ਤਿਨ ਕੋਪ



ਬਢਾਏ । ਏਹ ਬਾਤ ਨ ਲਾਇਕ ਹੈ ਤੁਮਕੋ ਸੁਨਿ ਰਾਮ ਜਿਨੈ  
 ਸਿਰ ਛੱਤ੍ਰ ਫਿਰਾਏ ॥੩੭॥ ਕਾਮਿਨੀ ਮੋਹਿਨੀ ਛੰਦ ॥ ਰਾਮ  
 ਰਾਜੀਵ ਨੈਨੰ ਭਜੇ ਨੀਤ ਹੀਂ । ਬਾਤ ਸੀਯ ਸੋਧ ਕੀ ਰਾਖ ਹੈ  
 ਚੀਤ ਹੀਂ । ਜਾਨਕੀ ਸੋਧ ਕੈ ਸੱਤ੍ਰ ਕੋ ਮਾਰਣੇ । ਕਾਮ ਸ੍ਰੀ ਰਾਮ  
 ਕੋ ਸੀਸ ਦੇ ਸਾਰਣੇ ॥੩੮॥ ਸ੍ਰੈਯਾ ॥ ਇਹ ਭਾਂਤਿ ਬਿਚਾਰ  
 ਕਰੇ ਕਪਿ ਨਾਇਕ ਨੀਂਦ ਕਰੇ ਨ ਕਬੀ ਨਿਸ ਮਾਹੀਂ । ਜਗ  
 ਜਾਂ ਦਿਨ ਰਾਘਵ ਕਾਜ ਸਰੇ ਦ੍ਰਿਢ ਨੀਂਦ ਕਰੇ ਪ੍ਰਭ ਤਾਂ ਦਿਨ  
 ਮਾਹੀਂ । ਬਹੁ ਕਾਲ ਸੁ ਦੁਖ ਭਰੇ ਤਨਮੈਂ ਇਨ ਮੀਤ ਲਹੇ ਅਬ  
 ਹੀ ਜਗ ਮਾਹੀਂ । ਤੁਮ ਦੁਖ ਮਿਟਾਇ ਸੁ ਰਾਜ ਦਯੋ ਗੁਨ  
 ਗਾਵਤ ਹੈ ਤੁਮਰੇ ਘਰ ਮਾਹੀਂ ॥ ੩੯ ॥ ਚੌਪਈ ॥ ਦੀਰਘ  
 ਕਾਰਯ ਮੇਂ ਮਨ ਲਾਯੋ । ਰਘੁਪਤਿ ਸੇਵਾ ਹਿਤ ਨਹਿ ਆਯੋ ।  
 ਨਾਨਾ ਦੇਸ ਨਿਵਾਸੀ ਜੇਈ । ਆਵਹਿੰਗੇ ਦੇਵਰ ਕਪਿ ਤੇਈ ।  
 ॥ ੪੦ ॥ ਰਘੁ ਸੱਤਮ ਪਠਏ ਪਲ ਵੰਗਮ । ਦਸ ਹਜ਼ਾਰ  
 ਚਾਰਾ ਰਿਦ ਅੰਗਮ । ਸਭ ਦਿਸ ਬਾਨਰ ਲਿਆਵਨ ਕਾਜੇ ।  
 ਗਿਰ ਸਮਾਨ ਜਿਨਕੇ ਤਨ ਛਾਜੇ ॥੪੧॥ ਸਭ ਦਿਗ ਬਾਨਰ  
 ਸਹਿ ਸਿਰਦਾਰਾ । ਕਪਿ ਨਾਇਕ ਨਾਹੀਂ ਕਛੁ ਬਾਰਾ । ਦੈਤ  
 ਸਮੂਹ ਸਭੈ ਚੁਨਿ ਮਾਰੇ । ਰਾਵਨ ਕੋ ਰਣ ਮਾਹਿੰ ਸੰਘਾਰੇ ॥  
 ੪੨ ॥ ਦੋਹਰਾ ॥ ਤੇਰੇ ਸਾਥ ਸੁ ਜਾਇਗੋ ਅਬਹੀਂ ਕਪਿ  
 ਸਿਰਦਾਰ । ਭੈਨ ਸੁ ਪਾਵਨ ਕੀਜੀਏ ਅੰਤਹਿ ਪੁਰਿ ਪਗ  
 ਧਾਰ ॥ ੪੩ ॥ ਪੇਖੋ ਤੁਮ ਸੁਗ੍ਰੀਵ ਕੋ ਸੁਤ ਦਾਰਾ ਸਹਿ ਧੀਰ  
 ਦਾਨ ਅਬੈ ਬਲਿ ਦੀਜੀਓ ਤੁਮ ਸੇਵਕ ਹਰਿ ਪੀਰ ॥ ੪੪ ॥



ਤਾਰਾ ਬਚਨ ਸੁ ਸੁਨਤਹੀ ਲਖਮਣ ਭਏ ਕ੍ਰਿਪਾਲ । ਕ੍ਰੋਧ ਸੁ  
 ਦੂਬਰਤਾਂ ਭਏ ਗਏ ਸੁ ਭੌਨ ਬਿਸਾਲ ॥ ੪੫ ॥ ਸ੍ਰੈਯਾ ॥  
 ਬਾਨਰ ਰਾਜ ਜਹਾਂ ਸੁਗ੍ਰੀਵ ਸੁ ਰਾਮ ਕੇ ਭ੍ਰਾਤਿਤਹਾਂ ਪਗਧਾਰੇ ।  
 ਨਾਰਿਕੇ ਸੰਗ ਬਿਨੋਦ ਕਰੇ ਕਪਿ ਮਾਂਹਿ ਪਲੰਘ ਭੁਜਾ ਗਲਿ  
 ਡਾਰੇ । ਪੇਖ ਅਏ ਲਖਮੰਨ ਬਲੀ ਉਰਭੀਤ ਮਹਾਂ ਪਰੋ ਕੂਦ  
 ਕਨਾਰੇ । ਕ੍ਰੋਧ ਭਯੇ ਲਖਮੰਨ ਤਬੈ ਪਿਖ ਤਾਂ ਵਿਗ ਬੇ ਮਦ  
 ਸੇ ਅਰੁਣਾਰੇ ॥ ੪੬ ॥ ਕ੍ਰੋਧ ਭਯੇ ਲਖਮੰਨ ਕਹੇ ਕਪਿ ਦੁਸ੍ਰ  
 ਤੁਮੈਂ ਅਬ ਰਾਮ ਬਿਸਾਰੇ । ਬਾਂਣ ਉਸਾਸਨ ਤੋਹਿ ਚਿਤਾਰਤ  
 ਅੰਗਦ ਤਾਤ ਜਿਨੇਰਣ ਮਾਰੇ । ਮੈਂ ਬਧਿ ਤੋਹਿ ਕਰੋਂ ਅਬਹੀਂ  
 ਪਥਿ ਬਾਲੀ ਕੇ ਜਾਹਿੰ ਸੁ ਬੇਗ ਪਧਾਰੇ । ਇਹ ਭਾਂਤਿ ਅਨੇਕ  
 ਕਹੇ ਲਖਮੰਨ ਸੁ ਪੇਖ ਉਮਾਂ ਹਨੂਮਾਨ ਉਚਾਰੇ ॥ ੪੭ ॥  
 ਹਨੂਮਾਂਨੋਵਾਰ ॥ ਕਬਿਤ ॥ ਲਖਮਣ ਬਾਦਕੈ ਨ ਕੀਜੀਏ  
 ਬਿਖਾਦ ਕਛੁ ਐਸੇ ਕਪਿਰਾਈ ਕੋ ਨ ਮੁਖਤੇ ਬਖਾਨੀਏ । ਸੁਨੀਏ  
 ਸੁ ਸੇਸ ਅੰਸ ਤੁਮਤੇ ਦਸੰਸ ਰਾਮ ਸੇਵਕ ਪ੍ਰਬੀਨੋ ਸੁਗ੍ਰੀਵ  
 ਉਰ ਆਨੀਏ । ਰਾਮ ਕਾਜ ਹੇਤ ਕਪਿ ਰਾਜ ਹੈ ਸੁ  
 ਜਾਗ ਸਦਾ ਰਾਮ ਭੂਲ ਗਏ ਸੁ ਉਲੇਹੁਨੋਂ ਨਾ ਠਾਨੀਯੇ ।  
 ਬਾਨਰ ਨਿਹਾਰ ਆਏ ਕੋਟ ਹੂੰ ਹਜਾਰ ਪੁਨਿ ਆਏ ਹੈਂ  
 ਅਨੇਕ ਕਛੁ ਢੀਲ ਨਾਂ ਪਛਾਨੀਯੇਂ ॥ ੪੮ ॥ ਸੀਯ ਸੋਧ  
 ਕਾਜ ਜਾਹਿੰ ਖਾਹਿੰ ਫਲ ਫੂਲ ਬਲ ਕਰੇ ਨ ਰਸੋਈ ਕਾਪ  
 ਦਲਿ ਉਤਰਾਵਤੇ । ਕਰੇਗੋ ਕਪੇਸ ਰਾਮ ਕਾਰਜ ਅਸੇਖਤਬ  
 ਜਾਨਿਯੋ ਜਿ ਹੁਤੇ ਤਬ ਜੀਵਤੇ ਨ ਜਾਵਤੇ । ਹਨੂਮਾਨ ਬਾਕ



ਸੁਨਿ ਗੁਨਿ ਕੇ ਨਿਧਾਨ ਪ੍ਰਭ ਲਖਮਣ ਲਾਜ ਉਰ ਰਹਯੋ  
 ਸਰਮਾਵਤੋ । ਅਰਘ ਪਾਦਕੈ ਕਪੀਸ਼ ਲਖਮਨਿ ਪਾਇੰ ਪੂਜੇ  
 ਗਰੇ ਲਾਇ ਲਯੋ ਆਯੋ ਪਾਹੁਨੇਂ ਸੁਹਾਵਤੋ ॥ ੪੯ ॥ ਬੋਲੇ  
 ਕਪਿ ਰਾਈ ਰਘੁਰਾਈ ਕੋ ਸੁ ਦਾਸ ਹੂੰ ਮੈਂ ਬਾਨਰ ਕੋ ਰਾਜ  
 ਦਯੋ ਨਾਥ ਮੈਂ ਉਬਾਰ ਕੈ । ਰਾਮ ਤੇਜ ਆਪਨੇਂ ਸੁਤੀਨੋਂ ਲੋਕ  
 ਜਿਨੇਂ ਖਿਨ ਆਧਹੀ ਕੇ ਬੀਚ ਚਹੇ ਭੁਜਾ ਬਲ ਧਾਰਕੈ ।  
 ਕਰੋਂਗੇ ਸਹਾਇ ਰਘੁ ਰਾਇ ਕੀ ਨਿਵਾਇ ਸਿਰ ਬਾਨਰ ਮਿ-  
 ਲਾਇ ਰਣ ਕੋਟ ਸੁ ਹਜ਼ਾਰ ਕੈ । ਕਾਗਦ ਪਠਾਇ ਹੈਂ ਸੁ ਆਇ  
 ਹੈਂ ਅਨੇਕ ਕਪਿ ਰਣਿ ਤੇ ਨ ਫਿਰੇਂ ਭਟ ਫਿਰੇਂ ਅਰਿ ਮਾਰ  
 ਕੈ ॥ ੫੦ ॥ ਸਵੈਯਾ ॥ ਲਖਮਨ ਤਬੈ ਸੁਗ੍ਰੀਵ ਕਹਯੋ  
 ਕਛੁ ਨਿੱਠਰ ਵਾਕ ਸੁ ਮੋਹਿ ਉਚਾਰੇ । ਅਬਸੋ ਖਿਮੀਏਂ ਕਪਿ  
 ਬੀਰ ਬਲੀ ਤੁਮ ਸੋ ਜੁ ਕਹੇ ਕਪਿ ਪ੍ਰੇਮ ਪਿਆਰੇ । ਚਲੀਏ  
 ਸੁਗ੍ਰੀਵ ਸੁ ਕਾਨਨ ਮੈਂ ਜਹਿ ਰਾਮ ਬਿਰਾਜਤ ਹੈਂ ਸੁ ਮੁਰਾਰੇ  
 । ਇਕਲੇ ਬਨ ਸੀਯ ਬਿਯੋਗ ਬਡੇ ਰਘੁਨਾਇਕ ਹੈਂ  
 ਬਨ ਮੈਂ ਦੁਖਿਯਾਰੇ ॥ ੫੧ ॥ ਚੌਪਈ ॥ ਤਬ ਸੁਗ੍ਰੀਵ  
 ਮਾਂਠ ਉਰਮਾਹੀਂ । ਲਖਮਨ ਸਹਿਤ ਚਢੇ ਰਥਮਾਹੀਂ । ਬਾਨਰ  
 ਸਭੈ ਸੁ ਲੀਨ ਬੁਲਾਈ । ਚਲੇ ਕਪੀਸ਼ ਜਹਾਂ ਰਘੁਰਾਈ  
 ॥ ੫੨ ॥ ਸਵੈਯਾ ॥ ਇਤ ਭੇਰ ਮ੍ਰਿਦੰਗ ਅਪਾਰ ਵਜੈਂ  
 ਉਤ ਬਾਨਰ ਰੀਛ ਲੰਗੂਰ ਸੁਹਾਵੇਂ । ਇਕ ਬੀਂਜਨ ਚਾਰ  
 ਫਿਰਾਵਤ ਹੈਂ ਇਕ ਬੀਰ ਬਲੀ ਸਿਰ ਛੱਤ੍ਰ ਬੁਲਾਵੇਂ । ਇਤ  
 ਅੰਗਦ ਐ ਹਨੂਮਾਨ ਚਲੇ ਇਤ ਓਰ ਚਲੇ ਨਲ ਨੀਲ



ਸੁ ਜਾਵੇਂ । ਇਹ ਭਾਂਤਿ ਗਏ ਕਪਿਰਾਜ ਤਹਾਂ ਜਹਿ ਰਾਮ  
ਬਿਰਾਜਤ ਭੂਧਰ ਛਾਵੇਂ ॥ ੫੩ ॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
ਸੰਬਾਦੇ ਕਿਸਕੰਧਾ ਕਾਂਡੇ ਪੰਚਮੇ ਧਰਮਾਇ ॥੫॥

ਸ੍ਰੀ ਮਹਾਂਦੇਵ ਉਵਾਚ ॥

ਸਵੈਯਾ ॥ ਰਾਮ ਨਿਹਾਰ ਸੁ ਦੁਆਰ ਗੁਹਾ ਸੁ ਸਿਲਾ  
ਤਰ ਉਪਰ ਛਾਜਤ ਹੈਂ । ਹੈ ਮ੍ਰਿਗਛਾਲ ਸੁ ਸ਼ਾਮ ਤਨੂੰ ਪੁਨਿ  
ਸੀਸ ਜਟਾਂ ਸੁ ਬਿਰਾਜਤ ਹੈਂ । ਨੈਨ ਬਿਸਾਲ ਸੁ ਮੰਦ ਹਸੇ  
ਮੁਖਿ ਪੇਖ ਸਰੋਜਹਿ ਲਾਜਤ ਹੈਂ । ਸੀਯ ਵਿਯੋਗ ਸੁ ਚੀਤ  
ਤਪੇ ਮ੍ਰਿਗ ਪੰਖ ਨਿਹਾਰ ਸੁ ਜਾਗਤ ਹੈਂ ॥ ੧ ॥ ਦੂਰਹਿ  
ਤੇ ਰਥਤੇ ਉਤਰੇ ਸੁਗ੍ਰੀਵ ਬਲੀ ਲਖਮੰਨ ਸੁ ਭਾਈ । ਪ੍ਰੇਮ  
ਭਰੇ ਰਘੁਬੀਰ ਕੇ ਪਾਇਨ ਮਾਹਿ ਪਰੇ ਗਿਰਜਾ ਢਿਗ ਜਾਈ  
। ਰਾਮ ਕਪੀਸੁ ਮਿਲੇ ਗਲ ਮੈਂ ਪੁਛਿ ਛੇਮ ਲਯੋ ਹਰਿ ਪਾਸ  
ਬਿਠਾਈ । ਰਾਮ ਕਰਯੋ ਸੁਗ੍ਰੀਵ ਕੋ ਪੂਜਨ ਪਾਰਬਤੀ ਹਰਿ  
ਰੀਤ ਦਿਖਾਈ ॥ ੨ ॥ ਜੋਰ ਦੇਉ ਕਰ ਰਾਮ ਕੇ ਪਾਸ ਕਹਯੋ  
ਸੁਗ੍ਰੀਵ ਭਲੇ ਸਿਰਨਾਈ । ਦੇਵ ਪਿਖੇ ਕਰੁਣਾਂ ਕਰਕੈ ਯਹਿ  
ਬਾਨਰ ਸੈਨ ਬਡੀ ਪ੍ਰਭ ਆਈ । ਕੇਈ ਕੁਲਾਚਲ ਮੈਂ ਜਨਮੇਂ  
ਗਿਰ ਅੰਦਰ ਮੇਰ ਸੁ ਦੇਹ ਸੁਹਾਈ । ਦੀਪ ਅਨੇਕ ਸੁ ਵਾਸ  
ਕਰੈਂ ਕਹਿ ਆਵਤ ਹੈਂ ਬਿਨ ਬੇਰ ਲਗਾਈ ॥ ੩ ॥ ਕੇ ਅਸਤਾ  
ਚਲ ਕੇ ਉਦਯਾਚਲ ਕੇਈ ਭਏ ਸਰਤਾ ਤਟ ਮਾਹੀਂ । ਕੇ



ਕੁਸਦੀਪ ਭਏ ਰਘੁਨਾਇਕ ਕੇਈ ਭਏ ਗਿਰ ਮੰਦਰ ਮਾਹੀਂ ।  
 ਭੂਧਰ ਕੇ ਸਮ ਦੇਹ ਬਛੇ ਫਲ ਹਾਰ ਕਰੇਂ ਕਪਿ ਏ ਬਨ ਮਾ  
 ਹੀਂ । ਕਾਮ ਕੇ ਰੂਪ ਧਰੇ ਸਗਲੇ ਕਪਿ ਸੈਨਨ ਕੀ ਗਨਤੀ  
 ਕਛੁ ਨਾਹੀਂ ॥ ੪ ॥ ਦੇਵਨ ਕੇ ਬਲ ਅੰਸਨ ਤੇ ਇਹ ਬਾਨਰ  
 ਰੂਪ ਧਰੇ ਜਗਮਾਹੀਂ । ਹੈ ਕਿਨ ਕੇ ਗਜ ਸੇਂ ਬਲਰਾਮ ਬਿ  
 ਸਾਰਦ ਹੈਂ ਸਭ ਸੰਘਰਮਾਹੀਂ । ਕੇਚਿਤ ਹੈਂ ਦਸ ਨਾਗ ਬਲੀ  
 ਗਜ ਆਯੁਧ ਹੈ ਬਲ ਮੈਂ ਇਨ ਮਾਹੀਂ । ਲਾਖ ਕਰੋਰ ਗਜਾਨ  
 ਧਰੇ ਬਲ ਹੈ ਕਿਨ ਕੇ ਬਲ ਕੀ ਮਿਤਿ ਨਾਹੀਂ ॥ ੫ ॥ ਕੇ  
 ਚਿਤ ਅੰਗਨ ਕੂਟ ਸਮਾਂ ਪੁਨਿ ਕੇਚਿਤ ਹੇਮ ਸਮਾਨ ਬਿਰਾਜੇ ।  
 ਕੇਚਿਤ ਲਾਲ ਮੁਖਾਂਬੁਜ ਤੇ ਪੁਨਿ ਕੇਚਿਤ ਦੀਰਘ ਵਾਲ ਸੁ  
 ਚਾਜੇ । ਉਜਲ ਕੇਚਿਤ ਫਾਟਕ ਸੇ ਪੁਨਿ ਕੰਬ ਸੁ ਮਾਨਸੁ ਕੇ  
 ਚਿਤਛਾਜੇ । ਆਵਤਹੈਂ ਰਣਿਚਾਹ ਭਰੇ ਕਪਿ ਰਾਮ ਪਿਖੇ ਘਨ  
 ਸੇ ਮੁਖਿ ਗਾਜੇ ॥ ੬ ॥ ਕਬਿੱਤ ॥ ਰਾਮ ਤੇਰੀ ਆਇਸੁ  
 ਕਿ ਸਭੈ ਹੈਂ ਸੁ ਕਰਨ ਹਾਰ ਚਾਹਤ ਨ ਕਛੁ ਫੂਲ ਮੂਲ  
 ਹੀ ਅਹਾਰ ਹੈਂ । ਏ ਜੁ ਪਿਖੇ ਰਾਮ ਤੁਮ ਲਾਗਤ ਪਹਾਰ ਜੇ  
 ਸੁ ਜਾਮਵਾਨ ਨਾਮ ਕੋਟ ਢੀਛ ਕੇ ਸਿਰਦਾਰ ਹੈਂ । ਇਹੈ ਹਨੁ-  
 ਮਾਨ ਬਲਵਾਨ ਬਿਖਯਾਤ ਪ੍ਰਭ ਵਾਯੁ ਕੇ ਕੁਮਾਰ ਨੀਤ ਮੰਤ੍ਰ  
 ਮੈ ਉਦਾਰ ਹੈਂ । ਇਹੈ ਨਲ ਨੀਲ ਸੁ ਗਵਾਖਗ ਵੈ ਜਾਨੀਯੇ  
 ਜੁ ਰਾਮ ਗੰਦਮਾਦਨ ਸੇ ਬਲ ਕੇ ਨ ਪਾਰ ਹੈਂ ॥ ੭ ॥ ਸਰਭ  
 ਦੁਵਿਦਪੰਨ ਸਸਬਲੀ ਮੁਖਿ ਕੇਚ ਕੇਚਦਧਿਮੁਖਮੁਖਏਈਪਹਿ  
 ਚਾਨੀਯੇਂ । ਏਹ ਤੁ ਸੁਖੇਣ ਯਹੇ ਤਾਰ ਨਾਮ ਯਾਹ ਕਹੇ ਪਿਤਾ



ਹਨੂਮਾਨ ਕੋ ਸੁ ਕੇਸਰੀ ਪਛਾਣੀਯੋਂ । ਏਹ ਸਿਰਦਾਰ ਮੇਰੇ  
 ਖਾਸਗੀ ਸੁ ਚੋਲੇ ਲਾਰ ਰਿਪੁ ਕੇ ਨਿਵਾਸੀ ਹੈਂ ਪ੍ਰਧਾਨ ਕੈ ਬਖਾ  
 ਨੀਯੋਂ । ਸਭੈ ਹੈਂ ਉਦਾਰ ਤੇਜ ਪੁੰਜ ਕੋ ਅਪਾਰ ਰਾਮ ਮਾਹਿੰ  
 ਸੰਗਰਾਮ ਕੈ ਸੁਰੇਸ਼ ਕੇ ਸਮਾਣੀਯੋਂ ॥ ੮ ॥ ਔਰ ਜੋਈ ਬਾਨਰ  
 ਸਿਰਦਾਰ ਬਡੇ ਰਾਮਚੰਦ ਕੋਟਿਕ ਹਜ਼ਾਰ ਕਛੁ ਅੰਤ ਨਹੀਂ  
 ਪਾਈਏ । ਦੇਵ ਅੰਸ ਸੂਤ ਸਭੈ ਬਾਨਰ ਸਪੁਤ ਪ੍ਰਭ ਨਾਥ  
 ਕਾਜ ਕਰੇ ਬਾਲਿ ਮੁਖਤੇ ਬਤਾਈਏ । ਏਜੁ ਪਿਖੋ ਰਾਮ ਤੁਮ  
 ਲਾਗਤ ਸੁਹਾਵਨੋਂ ਸੁ ਬਾਲੀ ਕੋ ਕੁਮਾਰ ਨਾਮ ਅੰਗਦ  
 ਸੁਨਾਈਏ । ਬਾਲੀ ਸਮ ਬੀਰ ਅਤਿ ਧੀਰ ਸੰਗ੍ਰਾਮ ਕਰੇ ਯਾਹੀ  
 ਕੇ ਭਰੋਸੇ ਰਣ ਖੰਡ ਸੋ ਗਡਾਈਏ ॥ ੯ ॥ ਬਾਨਰ ਅਨੇਕ  
 ਔਰ ਸੂਰ ਰਨ ਪਰੇ ਦੌਰ ਨਾਥ ਕਾਜ ਪ੍ਰਾਣ ਕੀ ਨ ਚਿੰਤ  
 ਮਨ ਧਾਰ ਹੈ । ਅਰਿ ਬਧ ਕਾਜ ਕਪਿ ਰਣ ਮੈ ਸੋ ਜਾਗ ਸਭ  
 ਕੋਪ ਬੀਰ ਭਾਰੇ ਸੁ ਉਖਾਰ ਗਿਰ ਮਾਰ ਹੈਂ । ਆਇਸੁ ਸੁ  
 ਦੀਜੀਏ ਨ ਦੇਰਕਛੁ ਕੀਜੀਏ ਸੁਬਾਨਰ ਅਧੀਨ ਪ੍ਰਭੁ ਆਇ  
 ਸੁ ਨਿਹਾਰ ਹੈਂ । ਉਮਾ ਤਬ ਰਾਮ ਹਰਖਾਇ ਉਰ ਨੈਨ ਭਰ  
 ਮਿਲਕੈ ਕਪੀਸ਼ ਮੀਤ ਬਾਤ ਯੋਂ ਉਚਾਰ ਹੈਂ ॥ ੧੦ ॥ ਮੀਤ  
 ਕਾਜ ਹੈ ਮਹਾਂਨ ਨਾਹਿ ਤੂੰ ਅਜਾਨ ਕਛੁ ਸੀਯ ਸੋਧ ਕਾਜ ਕਪਿ  
 ਪਠੀਏ ਬਿਚਾਰ ਕੈ । ਸੁਨ ਕੈ ਸੁ ਰਾਮ ਵਾਕ ਭਏ ਪੁਲਕਾਤ  
 ਕਪਿ ਪਠੀਏ ਸੁ ਤੀਨ ਉਰ ਤੀਨ ਹੀਂ ਪ੍ਰਕਾਰ ਕੈ । ਬਲ  
 ਕੈ ਬਿਚੱਛਨ ਪਠਾਏ ਦਿਸ ਦੱਛਨ ਗੁਲਾਬ ਸਿੰਘ ਨਾਮ  
 ਤਾਂਹਿ ਕਹਤ ਉਚਾਰ ਕੈ । ਅੰਗਦ ਸੁ ਜਾਮਵੰਤ ਕੇਸਰੀ



ਕੁਮਾਰ ਨਲ ਸਰਭ ਸੁਖੇਣ ਮੈਂਦ ਦੁਵਿਦ ਸੁਧਾਰ ਕੈ ॥  
 ੧੧ ॥ ਕਹਯੋ ਕਪਿ ਰਾਇ ਸਭਿ ਓਰ ਸੁਬੁਲਾਇ ਮੀਯ ਸੋਧ  
 ਕੋ ਪਠਾਏ ਘਨੋਂ ਕਾਲ ਨਹੀਂ ਲਾਵਨਾਂ । ਭੂਮ ਅੰਤ ਹੇਰ  
 ਸੀਯ ਸਾਰ ਲੈ ਸਵੇਰ ਕਹੋਂ ਕਹਾਂ ਬੇਰ ਬੇਰ ਦਿਨ ਤੀਸ ਮਾਹਿ  
 ਆਵਨਾਂ । ਬਿਨ ਸੀਯ ਦੇਖੀ ਦਿਨ ਜਾਹਿ ਜੋ ਬਸੇਖੀ ਤਿਹ  
 ਪ੍ਰਾਣ ਅੰਤ ਦੰਡ ਕਪਿ ਭੂਮ ਮੈਂ ਗਡਾਵਨਾਂ । ਬਾਨਰ ਪਠਾਏ  
 ਕਪਿ ਰਾਇ ਸਿਰ ਨਜਾਏ ਹਰਿ ਬੈਠੋ ਢਿਗ ਆਇ ਉਮਾਂ  
 ਲਾਗਤ ਸੁਹਾਵਨਾਂ ॥ ੧੨ ॥ ਦੇਖਿ ਹਨੂਮਾਂਨ ਪ੍ਰਭ ਕੀਯੋ ਹੈ  
 ਪਯਾਨ ਪਥਿ ਲੀਨੋ ਹੈ ਬੁਲਾਇ ਬਾਤ ਕਹੀ ਸਮਝਾਇ ਕੈ  
 ॥ ਪ੍ਰਤੀਤ ਹਿਤ ਸੁੰਦਰੀ ਲਿਜਾਹ ਕਪਿ ਮੁੰਦਰੀ ਸੁ ਰਾਮ  
 ਨਾਮ ਲਿਖੇ ਦੇਈਂ ਜਾਨਕੀ ਕੋ ਜਾਇਕੈ । ਕਾਮ ਹੈ ਮਹਾਨ  
 ਯਾ ਮੈਂ ਤੂਹੀ ਹੈ ਪ੍ਰਮਾਨ ਕਪਿ ਸੱਤਮ ਸੁ ਜਾਨ ਬਲ ਕਰੀਂ  
 ਮਨ ਲਾਇਕੈ । ਕਹੋ ਬਲ ਜਾਨ ਤੇਰੀ ਪੱਥ ਮੈਂ ਕੱਲਜਾਨ  
 ਸਦਾ ਜਾਹਿ ਬੀਰ ਬੇਗ ਤੂੰ ਗਜਾਨਨ ਮਨਾਇਕੈ ॥ ੧੩ ॥  
 ਐਸੇ ਕਪਿ ਰਾਇ ਦਏ ਬਾਨਰ ਪਠਾਇ ਸੀਯ ਸੋਧ ਕਾਜ  
 ਗਏ ਔਰ ਮੰਗਦ ਸੁ ਧਾਰਿਯੋ । ਬਿੰਧ ਬਨ ਮਾਹਿ ਫਿਰੇ ਸੀਯ  
 ਕੋ ਨ ਨੇਹੁ ਕਰੈ ਗਿਰਕੇ ਸਮਾਨ ਏਕ ਰਾਕਸ਼ ਨਿਹਾਰਿਯੋ ।  
 ਭੀਖਨ ਅਕਾਰ ਮ੍ਰਿਗ ਹਾਥੀ ਕੋ ਅਹਾਰ ਕਰੇ ਰਾਵਣ ਬਿਚਾਰ  
 ਕਪਿ ਦਲ ਕਿਲਕਾਰਿਯੋ । ਬਾਨਰ ਬਿਦਾਰ ਕਰੈ ਮੁਸ਼ੁ ਪਰਹਾਰ  
 ਬਲ ਖਿਣ ਹੀਂ ਕੋ ਬੀਚ ਤਾਹਿ ਕੋਪ ਕਰ ਮਾਰਿਯੋ ॥ ੧੪ ॥  
 ਏਹੁ ਨਾ ਦਸਾਨਨ ਬਖਾਨ ਗਏ ਕਾਨਨ ਸੁ ਔਰ ਬਨ



ਭਾਰੀ ਨ ਸਮਾਨ ਕਛੂ ਕੀਜੀਏ । ਜਾਨਕੀ ਕੀ ਆਸ ਲਗ  
 ਪਯਾਸ ਤਨ ਭਾਰੀ ਨਹਿ ਪਾਵੈਂ ਤਾਹਿ ਵਾਰੀ ਕਪਿ ਕਹੇ  
 ਕਾਹਿ ਕੀਜੀਏ । ਸੂਖੇ ਮੁਖ ਕੰਠ ਤਾਲ ਭਏ ਹੈਂ ਬਿਹਾਲ  
 ਕਪਿ ਮਹਾਂ ਬਨ ਭ੍ਰਮੇਂ ਕਹੇ ਕੋਨ ਭਾਂਤਿ ਜੀਜੀਏ । ਏਕਪਿਖੀ  
 ਦਰੀ ਤਹਿ ਤਿਨੋਂ ਸੋ ਅਵਰੀ ਮੁਖ ਏਕ ਕਹੇ ਯਾਹਿ ਮਾਹਿ  
 ਨੀਰ ਪੇਖ ਲੀਜੀਏ ॥ ੧੫ ॥ ਪਿਖੇ ਪਲਵੰਗਮ ਸੁ ਨਿਕਸੇ  
 ਵਿਹੰਗਮ ਸੁ ਗੀਲ ਛਦ ਕੋਚ ਹੀਸ ਹਨੂੰ ਯੋਂ ਉਚਾਰ ਹੈ । ਇ  
 ਹੈ ਗੁਹਾ ਦੁਆਰ ਵਰੋ ਸਭੈ ਸੁ ਵਿਚਾਰ ਕਹੋਂ ਸਭਨ ਪੁਕਾਰ  
 ਯਾਹ ਭੀਤਰ ਸੁ ਵਾਰ ਹੈ । ਐਸੇ ਤੋ ਬਖਾਨ ਆਗੇ ਭਏ ਹਨੂੰ  
 ਮਾਨ ਪੀਛੇ ਚਲੇ ਕਪਿ ਜਾਤ ਕਹੋਂ ਕਹਾਂ ਜਲ ਧਾਰ ਹੈ । ਆਪਸ  
 ਮੈ ਹਾਥ ਫਰੇ ਜਾਹਿ ਚਲੇ ਜੀਯ ਡਰੇ ਦੇਤ ਨ ਦਿਖਾਈ ਕਛੂ  
 ਬਡੇ ਅੰਧਕਾਰ ਹੈ ॥ ੧੬ ॥ ਚੌਪਈ ॥ ਯਾ ਬਿਧਿ ਦੂਰ  
 ਗਏ ਕਪਿ ਜਬਹੀਂ । ਪੇਖੇ ਨੀਰ ਤਲਾਵ ਸੁ ਤਬਹੀਂ । ਮਣਿ  
 ਸਮਾਨ ਉਜਲ ਜਹਿ ਵਾਰੇ । ਕਲਪ ਦੁਮਨ ਸੇ ਦੁਮ  
 ਪਰਵਾਰੇ ॥ ੧੭ ॥ ਲਟਕੇਂ ਡਾਲਿ ਭੂਮਿ ਫਲ ਭਰੇ । ਮਧ ਕੇ  
 ਜਹਾਂ ਸੁ ਛਾਤੇ ਖਰੇ । ਸਭ ਗੁਣਵੰਤ ਸੁ ਭੋਨ ਨਿਹਾਰੇ । ਮਣਿ  
 ਮੁਕਤਾ ਪਟ ਪੂਰੇ ਸਾਰੇ ॥ ੧੮ ॥ ਜਾਮੈਂ ਭੋਜਨ ਬਹੁ ਪਰ  
 ਕਾਰਾ । ਮਾਨੁਖ ਨਾਹਿ ਸੁ ਕੋ ਰਖਵਾਰਾ । ਭੋਨ ਪ੍ਰਭਾ ਪਿਖ  
 ਕਪਿ ਬਿਸਮਏ । ਤਾਮੈ ਕੋਤਕ ਦੇਖੇ ਨਏ ॥ ੧੯ ॥ ਵਿਬ ਕਨਕ  
 ਕੇ ਆਸਨ ਮਾਹੀਂ । ਨਾਰ ਪਿਖੀ ਇਕ ਦੂਸਰ ਨਾਹੀਂ ।  
 ਤਨ ਕੀ ਪ੍ਰਭਾ ਸਗਲ ਤਨ ਵਾਰੇ । ਚੀਰ ਬਸਨ ਉਰ ਈਸ



ਚਿਤਾਰੇ॥੨੦॥ ਪਦਮਾਸਨ ਦਿਢ ਜੋਗ ਕਮਾਏ । ਤਾਕੇ ਪਿਖ  
 ਕਪਿ ਸਗਲ ਡਰਾਏ । ਗਏ ਸਮੀਪ ਭਗਤਿ ਉਰ ਭੀਨੇਂ ।  
 ਜੋਰ ਦੁਊ ਕਰ ਬੰਦਨਕੀਨੇਂ॥੨੧॥ ਦੇਵੀਪੇਖ ਮੁਕੀਸ਼ ਅਲਾਏ ।  
 ਕੋਨ ਤੁਮੇਂ ਕਿਹ ਕਾਰਣ ਆਏ । ਕਿਨ ਕੇ ਦੂਤ ਕਹਾਂ ਤੇ ਆਏ  
 । ਮਮ ਅਸਥਾਨ ਸੁ ਕਜੇਂ ਪਦ ਦਾਏ ॥ ੨੨ ॥ ਦੋਹਰਾ ॥  
 ਤਾਕੇ ਬਚਨ ਸੁ ਸੁਨਤ ਹੀ ਤਬ ਬੋਲੇ ਹਨੂਮਾਂਨ । ਸਮਾਰਾਰ  
 ਦੇਵੀ ਸੁਨੋਂ ਨੀਕੇ ਕਰੋਂ ਬਖਾਨ ॥ ੨੩ ॥ ਕਬਿੱਤ ॥  
 ਅਯੁੱਧਯਾ ਕੋ ਰਾਜਾ ਦਸਰਥ ਸਿਰਤਾਜਾ ਤਾਂਕੋ ਬਡੇ ਸੁਤ  
 ਭਾਮਨੀ ਤਿਲੋਕਰਾਮ ਗਾਏ ਹੈਂ । ਆਗਿਆਨਰ ਕੀ ਨੀਮਾਨ  
 ਉਰ ਲੀਨੀ ਨਿਜ ਨਾਰਿ ਲਘੁਭ੍ਰਾਤ ਲੈ ਸੁ ਬਡੇ ਬਨ ਆਏ  
 ਹੈਂ । ਨਾਰਿ ਤਾਹਿ ਕਾਨਨ ਮੈਂ ਹਰੀ ਹੈ ਦਸਾਨਨ ਸੁ ਸੀਯ ਪਥਿ  
 ਆਏ ਸੁਗ੍ਰੀਵ ਸੋਂ ਮਿਲਾਏ ਹੈਂ । ਕਹਜੇ ਕਪਿ ਰਾਈ ਸਭ  
 ਕਪਿਨ ਬੁਲਾਈ ਸੀਯ ਸੋਧ ਕਾਜ ਜਾਹੁ ਮੀਤ ਭਾਵ ਕੈ  
 ਪਠਾਏ ਹੈਂ ॥ ੨੪ ॥ ਸਵੈਯਾ ॥ ਸੋਧਤ ਸੀਯ ਲਗੀ ਤਨ  
 ਪਯਾਸ ਬਰੇ ਗਿਰ ਕੰਦਰ ਯੋਂ ਹਮ ਆਏ । ਤੂੰ ਕਿਹ ਕਾਜ  
 ਬਸੈਂ ਇਹ ਠੋਰ ਸੁ ਕੋਨ ਅਹੇ ਹਮ ਦੇਹ ਬਭਾਏ । ਯੋਗਿਨ ਤੋਂ  
 ਪਿਖ ਬਾਨਰ ਕੇ ਹਰਖੀ ਉਰ ਮੈਂ ਇਹ ਬੈਨ ਅਲਾਏ । ਪੂਰ  
 ਬ ਨੀਰ ਸੁ ਪਾਨ ਕਰੋ ਤੁਮ ਮੂਲ ਫਲਾਦਿਕ ਲੇਹੁ ਸੁ ਖਾਏ  
 ॥ ੨੫ ॥ ਕਬਿੱਤ ॥ ਆਹੁ ਪਾਸ ਮੇਰੇ ਫੇਰ ਕਹੋਂ ਬਿਰਤਾਂਤ  
 ਦੇਰ ਸੁਨਿ ਕੈ ਸੁਕੀਸ਼ ਗਏ ਫਲ ਮੂਲ ਖਾਵਨੇਂ । ਖਾਇ  
 ਫਲ ਪੀਵ ਜਲ ਭਏ ਬਲਵੰਤ ਕਪਿ ਕਰੇਂ ਮਦ ਪਾਂਨ



ਭਏ ਹੀਏ ਹਰਖਾਵਨੇਂ । ਹੀਏ ਹਰਖਏ ਕਪਿ ਵਾਂਕੀ ਢਿਗ  
 ਗਏ ਪੁਨਿ ਖਰੇ ਆਗੇ ਜੋਰ ਕਰ ਲਾਗਤ ਸੁਹਾਵਨੇ। ਜੋਗਨੀ  
 ਉਦਾਰ ਜਾਹਿ ਰੂਪ ਹੈ ਅਪਾਰ ਵਾਹਿ ਕਰਹੈ ਬਿਚਾਰਲਾਗੀ  
 ਹਨੂੰ ਕੇ ਬਤਾਵਨੇਂ ॥ ੨੬ ॥ ਹੇਮਾ ਹੁਤੇ ਨਾਮ ਵਹਿ ਰੂਪ ਕੀ  
 ਸੀ ਧਾਮ ਵਿਸਕਰਮਾਂ ਕੀ ਤਨੁਜਾ ਪੂਜਾ ਈਸ਼ ਕੀ ਕਰੈ ਨਈ  
 । ਤਾਹਿ ਨਿਰਤ ਕੀਨੇ ਸੁ ਮਹੇਸ਼ ਮਨ ਲੀਨੇ ਤਿਨ ਹੋਇਕੈ  
 ਕ੍ਰਿਪਾਲ ਦਿਬ ਪੂਰੀ ਜਗਏ ਦਈ । ਬਰਖ ਅਨੇਕ ਇਹ  
 ਬਾਸ ਕੀਨੇ ਏਕ ਟੇਕ ਭੂਮਿ ਲੋਗ ਛੋਡ ਵਹਿ ਬ੍ਰਹਮ ਲੋਗ  
 ਮੈਂ ਗਈ । ਤਿਨਕੀ ਸਹੇਲੀ ਮੈਂ ਇਕੇਲੀ ਈਹਾਂ ਬਾਸ ਕਰੇਂ  
 ਮੋਖ ਚਾਹ ਜਗੀ ਨਿਤ ਸੰਗ ਨਾਹਿ ਇਉ ਗਈ ॥ ੨੭ ॥ ਵੋਹਾ  
 ॥ ਮੈ ਬੇਟੀ ਗੰਧਰਬ ਕੀ ਸੁਯੰਪ੍ਰਭਾ ਮਮ ਨਾਮ ॥ ਬ੍ਰਹਮ ਲੋਕ  
 ਜਾਤੀ ਕਹਯੋ ਹੇਮਾ ਤਪ ਕਰ ਧਾਮ ॥ ੨੮ ॥ ਕਬਿਤ ॥  
 ਇਹਾਂ ਬਾਸ ਕੀਜੀਓ ਸੁ । ਜੀਜੀਓ ਅਰਾਧ ਹਰਿ ਸੂਨ ਥਾਨ  
 ਹੋਇ ਇਹ ਜੀਵ ਨਾ ਰਹਾਇ ਹੈਂ । ਤ੍ਰੇਤਾ ਯੁਗ ਆਏ ਅਵਤਾਰ  
 ਹਰਿ ਲਏ ਵਹਿ ਦਸਰਥ ਸੁਤ ਹੋਇ ਰਾਮ ਯੋ ਕਹਾਇ ਹੈਂ ।  
 ਭੂਮ ਭਾਰ ਹਾਰ ਕਾਜ ਤਜੇਂਗੇ ਸੁ ਤਾਤ ਰਾਜ ਚੀਰ ਪਟਧਾਰ  
 ਵਹਿ ਬਨਮੈਂ ਸੁ ਆਇ ਹੈਂ । ਸੀਯ ਤਾਹਿ ਭਾਰਯਾ ਸੁ ਹਰੀ  
 ਜਾਹਿ ਆਰਜਾ ਸੁ ਸੋਧਨੇ ਕੇ ਕਾਜ ਵਹਿ ਬਾਨਰ ਪਠਾਇ ਹੈਂ  
 ॥ ੨੯ ॥ ਚੌਪਈ ॥ ਯਾਹਿ ਗੁਹਾਕੇ ਭੀਤਰ ਆਵੇਂ । ਪੂਜੇਂ ਤੂੰ  
 ਫਲ ਮੂਲ ਖੁਲਾਵੇਂ । ਬਹੁਰ ਗੁਹਾ ਤਜ ਜਹਿ ਵਹਿ ਰਾਮ। ਜਾਇ  
 ਕਰੇਂ ਤੂੰ ਪਦ ਪ੍ਰਠਾਮ ॥ ੩੦ ॥ ਬਹੁਰ ਬਿਸਨ ਕੇ ਭੋਨਹਿ



ਜਾਵੈਂ । ਜੋਗੀ ਜਾਹਿ ਜਤਨ ਕਰ ਪਾਵੈਂ । ਅਬ ਮੈਂ ਰਾਮ  
 ਨਿਹਾਰਨ ਜਾਵੈਂ । ਚਲੋ ਸੁ ਬੇਗ ਨ ਦੇਰ ਲਗਾਵੈਂ ॥ ੩੧ ॥  
 ਤੁਮ ਅਬ ਨੈਨ ਮਿਲਾਵੋ ਸਾਰੇ । ਚਲੇ ਗੁਫਾਕੇ ਬਾਹਿਰ ਵਾਰੇ ।  
 ਸੁਨ ਸਬ ਬਾਨਰ ਨੈਨ ਮਿਲਾਏ । ਪੂਰਬ ਜਿਉਂ ਕਪਿ ਬਾਹਿਰ  
 ਆਏ ॥ ੩੨ ॥ ਸ੍ਰੈਯਾ ॥ ਭਾਮਨਿ ਭਾਮਨਿ ਤਯਾਗ ਗੁਫਾ  
 ਵਹਿ ਆਪ ਗਈ ਜਹਿ ਰਾਮ ਮੁਰਾਰੇ । ਭ੍ਰਾਤ ਬਿਰਾਜਤ ਪਾਸ  
 ਤਿਨੇ ਢਿਗ ਏਕ ਸੁ ਬਾਨਰ ਕੋ ਸਿਰਦਾਰੇ । ਪੇਖ ਪ੍ਰਦੱਖਣ  
 ਤਾਹਿ ਕਰੀ ਪੁਨਿ ਬੰਦਨ ਰਾਮ ਪਦਾਂਬੁਜ ਧਾਰੇ । ਰੋਮ ਭਰੇ  
 ਉਤਸ਼ਾਹ ਉਮਾਂ ਮੁਖਿ ਮਾਹਿ ਗਦਾਗਦ ਬੈਨ ਉਚਾਰੇ ॥ ੩੩ ॥  
 ਸੁਖੰਪ੍ਰਭਾ ਵਾਰ ॥ ਸ੍ਰੈਯਾ ॥ ਰਾਜਨ ਰਾਇ ਸੁ ਦੇਖਨ ਕੇ ਹਿਤ  
 ਆਈ ਈਹਾਂ ਤਵ ਪਾਇਨ ਦਾਸੀ । ਮੈਂ ਤਪ ਕੀਨ ਹਜ਼ਾਰ ਸਮਾਂ  
 ਬਰ ਕੰਦਰ ਅੰਦਰ ਰਾਮ ਬਿਲਾਸੀ । ਆਜੁ ਭਯੋ ਫਲ ਤਾਂ ਤਪ  
 ਕੋ ਪ੍ਰਭੁ ਰੂਪ ਪਿਖੇ ਜਗ ਮੈਂ ਅਬਿਨਾਸੀ । ਬੰਦਤ ਹੋਂ ਪਦ  
 ਪੰਕਜ ਕੋ ਤੁਮ ਪਾਇ ਪਰੇ ਪੁਨਿ ਮਾਇ ਪ੍ਰਕਾਸੀ ॥ ੩੪ ॥  
 ਭੂਤਹਿ ਮਾਹਿ ਅਲਖ ਸਦਾ ਤੁਮ ਬਾਹਰ ਅੰਤਰਿ ਏਕ ਸੁ  
 ਭਾਗੇ । ਮਾਹਿ ਕਨਾਤ ਤਨੀਂ ਤੁਮਹੀਂ ਤਿਹਤੇ ਤੁਮ ਮਾਨੁਖ ਸੇ  
 ਜਨ ਲਾਗੇ । ਜਾਨ ਸਕੇਂ ਨਹਿ ਮੂਢ ਤੁਮੇਂ ਸੁ ਸਿਲੂਖ ਸਮਾਨ  
 ਸਜੇ ਤਨ ਬਾਗੇ । ਸੇਵਕ ਜੇ ਤੁਮਰੇ ਪਦ ਕੇ ਵਹਿ ਜਾਨਤ ਹੈਂ  
 ਜਗ ਤੇ ਵੈਹ ਜਾਗੇ ॥ ੩੫ ॥ ਸੇਵਕ ਸੇਵ ਬਤਾਵਨ ਕੇ ਹਿਤ  
 ਤੈਂ ਅਵਤਾਰ ਲਯੋ ਜਗ ਮਾਹੀਂ । ਤਾਮਸ ਜੋਨਿ ਸੁ ਮੈਂ ਜਗ  
 ਮੈਂ ਕਿਹ ਭਾਂਤਿ ਲਖੋਂ ਤੁਮਕੋ ਭਵ ਮਾਹੀਂ । ਤੇ ਬਲ ਤੱਤੁ



ਸਰੂਪ ਭਲੇ ਜਨ ਕੇਚਿਤ ਜਾਨਤ ਲੋਕਿਨ। ਮਾਹੀਂ । ਰੂਪ ਇਹੈ  
 ਜਗ ਪਾਵਨ ਜੋ ਨਿਤ ਰਾਮ ਬਸੈ ਹਮਰੈ ਉਰ ਮਾਹੀਂ॥ ੩੬  
 ॥ ਰਾਮ ਸੁ ਤੇ ਪਦ ਮੋਹਿ ਪਿਖੇ ਵਹੁ ਮੋਖ ਸੋ ਆਪਹੀ ਦੇਹ  
 ਦਿਖਾਰੇ। ਜੇਧਨ ਪੁਤ੍ਰ ਕਲਿਤ੍ਰ ਸੁਰਾ ਮੁਖ ਪਾਨ ਕਰੇ ਸੁ ਭਏ  
 ਮਤਵਾਰੇ। ਤੂੰ ਧਨ ਆਹਿ ਅਕਿੰਚਨ ਕੋ ਧਨਵੰਤ ਕਹਾਂ ਤਵ  
 ਨਾਮ ਉਚਾਰੇ। ਤੂੰ ਗੁਣ ਹੀਨ ਅਕਿੰਚਤ ਬਿੱਤ ਸਦਾ ਅਭਿ  
 ਬੰਦਨ ਆਹਿ ਹਮਾਰੇ ॥ ੩੭ ॥ ਚੌਪਈ ॥ ਆਤਮ ਰਾਮ  
 ਤੁਹੀਂ ਜਗ ਮਾਹੀਂ। ਤੂੰ ਨਿਰਗੁਣ ਗੁਣ ਤੇਰੇ ਮਾਹੀਂ। ਕਾਲਰੂਪ  
 ਈਸ਼ਰ ਤੂੰ ਆਹਿ। ਆਦਿ ਅੰਤਿ ਮੱਧਿ ਤਵ ਨਾਹਿ ॥ ੩੮ ॥  
 ਸਭ ਭੂਤਨ ਮੈਂ ਤੂੰ ਸਮ ਅਹੈ। ਤੂੰ ਪੁਰਖੋਤਮ ਮੈਂ ਉਰ ਲਹੈ  
 । ਤੇਰੇ ਦੇਵ ਅਚਰਣ ਸੁ ਜੋਈ। ਲੋਕ ਬਿਡੰਬਨ ਲਖੇ ਨ  
 ਕੋਈ ॥ ੩੯ ॥ ਤੇਰੇ ਨਾਹਿ ਪਿਆਰੋ ਕੋਈ। ਦ੍ਰਿਖ ਵਿਖੈ  
 ਤੁਮਰੇ ਨਹਿ ਹੋਈ। ਤੇਰੀ ਮਾਇਆ ਢਾਪੇ ਜੋਈ। ਤੁਮਕੋ ਸੱਮਕ  
 ਲਖੇ ਨ ਤੇਈ ॥ ੪੦ ॥ ਤੁਮ ਅਜਨਮ ਪੁਨਿ ਜਨਮ ਤੁਮਾਰੇ  
 । ਦੇਵ ਤ੍ਰਿਯਕ ਅਰ ਨਰਨ ਮਝਾਰੇ। ਜਨਮ ਸੁ ਕਰਮਾਦਿਕ  
 ਤੇ ਜੋਈ। ਆਹਿ ਅਤੰਤ ਬਿਡੰਬਨ ਤੇਈ ॥ ੪੧ ॥ ਤੋਕੋ  
 ਅਖੜਰ ਬੇਦ ਬਖਾਨੋਂ। ਕੱਲ੍ਹਜਾਣ ਕਥਾ ਹਿਤ ਜਨਮਸੁ ਠਾਨੋਂ  
 । ਕੌਸਲ ਰਾਜ ਤਪਹਿ ਫਲ ਦਾਨ। ਕੇਚਿਤ ਜਨਮ ਸੁ ਕਰੇਂ  
 ਬਖਾਨ ॥ ੪੨ ॥ ਕੇਚਿਤ ਕਹੇਂ ਕੁਸੱਲਯਾ ਮਾਤਾ। ਬਿਨਤੀ  
 ਕਰੇਂ ਭਏ ਬਿਖਯਾਤਾ। ਰਾਖਸ਼ ਦੁਸ਼ਟ ਭਏ ਭੂਭਾਰ। ਮਾਰਣ  
 ਹਿਤ ਲੀਨੋ ਅਵਤਾਰ ॥ ੪੩ ॥ ਬਿਨਤੀ ਚਤੁਰਾਨਨ ਥੀ



ਕਰੀ। ਯਾ ਹਿਤ ਭਏ ਮਨੁਜ ਜਗ ਹਰੀ ॥ ਕੇਚਿਤ ਐਸੇ ਕਰੇ  
 ਬਖਾਨ। ਤੂੰ ਪਰਿ ਪੂਰਣ ਹੈਂ ਭਗਵਾਨ ॥ ੪੪ ॥ ਤੇਰੀ ਕਥਾ  
 ਸੁਨੇਂ ਅਰ ਗਾਵੇਂ। ਤੇ ਰਘੁਨੰਦਨ ਤੇ ਪਦ ਪਾਵੇਂ। ਤੇਰੇ ਪਾਦ  
 ਪੋਤ ਅਵਿਲੰਬਾ। ਪਾਇ ਤੇਰੇ ਭਵ ਨਾਹਿ ਬਿਲੰਬਾ ॥ ੪੫ ॥  
 ਤਵ ਮਾਇਆ ਗੁਣ ਮੇ ਉਰ ਬੰਧਾ। ਯਾਤੇ ਭਈ ਸੁ ਮੈ ਪ੍ਰਭ  
 ਅੰਧਾ। ਤੂੰ ਗੁਣ ਭਿੰਨ ਸੁ ਗੁਣਨ ਅਧਾਰਾ। ਕੈਸੇ ਜਾਨੇਂ ਰੂਪ  
 ਤੁਮਾਰਾ ॥ ੪੬ ॥ ਉਸਤਤਿ ਕੈਸੇ ਕਰੇਂ ਤੁਮਾਰੀ। ਬਾਣੀ ਕੇ  
 ਨਹਿੰ ਬਿਖੇ ਮੁਰਾਰੀ। ਤਾਂਤੇ ਕਰੇਂ ਸੁ ਪਦ ਪਰਣਾਮਾ। ਬਾਣ  
 ਸਰਾਸਨ ਧਾਰੀ ਰਾਮਾ ॥ ੪੭ ॥ ਲਖਮਣ ਸਹਿਤ ਸੁ ਦੇਵ  
 ਬਿਰਾਜੇ। ਸਹਿਤ ਸੁਗ੍ਰੀਵ ਨਿਖਲ ਤਮ ਭਾਜੇ। ਯਾਬਿਧ ਕਰੀ  
 ਬਡਾਈ ਜਬਹੀਂ। ਭਏ ਪ੍ਰਸੰਨ ਉਮਾਂ ਹਰਿ ਤਬਹੀਂ ॥  
 ੪੮ ॥ ਦੋਹਰਾ ॥ ਸੁਯੰ ਪ੍ਰਭਾ ਨਿਜ ਭਗਤਿ ਪਿਖ ਲੇ ਹਸਿ  
 ਭਗਵਾਨ। ਜੋ ਵਰ ਚਾਹੇ ਚੀਤ ਮੈਂ ਸੋ ਮਮ ਕਰੇ ਬਖਾਨ  
 ॥ ੫੦ ॥ ਦੋਹਰਾ ॥ ਸੁਯੰ ਪ੍ਰਭਾ ਪੁਨਿ ਰਾਮ ਪ੍ਰਤਿ  
 ਭਾਖੇ ਬਚਨ ਬਿਸਾਲ। ਭਗਤ ਸੁ ਰਾਘਵ ਦੀਜੀਏ ਤੁਮ  
 ਭਗਤਨ ਪਰ ਦਯਾਲ ॥ ੫੧ ॥ ਜਹਿ ਜਹਿ ਜਨਮੋ ਕਰਮ  
 ਵਸ ਤਹਿ ਤਹਿ ਭਗਤਿ ਤੁਹਾਰ। ਤਵ ਭਗਤਨਕੋ ਸੰਗ ਸਦ  
 ਹੋਵੇ ਮੋਹ ਮੁਰਾਰ ॥ ੫੨ ॥ ਸਵੈਯਾ ॥ ਮੂਢਨ ਕੇ ਨਹਿ  
 ਸੰਗ ਕਬੀ ਪ੍ਰਭ ਹੋਵਤ ਮੇ ਯਹਿ ਲੋਕ ਮਝਾਰੇ। ਜੀਭ ਰੇਰੇ ਮੁਖ  
 ਰਾਮ ਸਦਾ ਮਨੁ ਰਾਮ ਸੁ ਸਾਮਲ ਰੂਪ ਚਿਤਾਰੇ। ਸੀਯ ਸੁ  
 ਭ੍ਰਾਤ ਸਮੇਤ ਸਦਾ ਸਰ ਐਰ ਸਰਾਸਨ ਹੈ ਕਰ ਧਾਰੇ। ਪੀਤ



ਪਟੰਬਰ ਔਮੁਕਟਾ ਪੁਨਿ ਅੰਗਦ ਨੂਪਰ ਹਾਰ ਸਵਾਰੇ ॥

੫੩ ॥ ਦੋਹਰਾ ॥ ਕੋਸੁਕ ਮਣਿ ਗਲ ਮੈਂ ਲਸੇ ਕੁੰਡਲ ਕਾਨ  
ਸੁਹਾਹਿੰ । ਇਹੀ ਬਸੈ ਉਰ ਮੈਂ ਸਦਾ ਰਾਮ ਔਰ ਬਰ ਨਾਹਿੰ  
॥੫੪॥ ਸ੍ਰੀ ਰਾਮ ਉਵਾਚ ॥ ਚੋਪਈ ॥ ਸੁਖੰ ਪ੍ਰਭਾ ਐਸੇ ਹੀ  
ਹੋਈ । ਤੂੰ ਮਨ ਮੈਂ ਚਾਹਤ ਹੈਂ ਜੋਈ । ਬਦ੍ਰੀ ਖੰਡ ਪਾਵਨ  
ਮਮ ਥਾਨ । ਤਹਾਂ ਜਾਇ ਕਰ ਦਰਸ ਮਹਾਨ ॥ ੫੫ ॥ ਤਹਿੰ  
ਬਸ ਮੋਕੋ ਉਰ ਮੈਂ ਭਜੇ । ਬਹੁਰੇ ਜਾਇ ਕਲੇਵਰ ਤਜੇ । ਮੋਹ  
ਪਰਾਤਮ ਕੋ ਤਬ ਪਾਵੈਂ । ਬਹੁਰੇ ਭਵ ਸਾਗਰ ਨਹਿੰ ਆਵੈਂ ॥  
॥ ੫੬ ॥ ਸੁਨਿ ਰਾਘਵ ਕੀ ਯਾਬਿਧ ਬਾਨੀਂ । ਉਮਾਂ ਤਾਹਿੰ  
ਅੰਮ੍ਰਿਤਸਮ ਮਾਨੀਂ । ਬਦ੍ਰੀ ਖੰਡ ਆਸ਼੍ਰਮ ਮਹਿ ਜਾਈ ॥ ਸਿਮਰੈ  
ਰਘੁਪਤਿ ਪ੍ਰੇਮ ਲਗਾਈ ॥ ੫੭ ॥ ਦੋਹਰਾ ॥ ਉਮਾ ਕਲੇਵਰ  
ਤਿਆਗ ਕੈ ਗਈ ਰਾਮ ਕੇ ਧਾਮ । ਗਿਰਜਾ ਕਾਨਨ ਮੈਂ  
ਫਿਰੇ ਮੋਖ ਕਲਪ ਦੁਮ ਰਾਮ ॥ ੫੮ ॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ  
ਸੰਬਾਦੇ ਕਿਸਕਿੰਧਾ ਕਾਂਡੇ ਖਸ਼੍ਰਮੇ ਧਿਆਇ ॥ ੬ ॥

### ਸ੍ਰੀ ਮਹਾਂਦੇਵ ਉਵਾਚ

ਕਬਿਤ । ਤਰੁਣ ਕੇ ਮੂਲ ਖਰੇ ਬਾਨਰ ਲੰਗੂਰ ਸੀਯ ਸਾਰ  
ਨਹਿੰ ਆਈ ਭਈ ਚਿੰਤ ਸਭ ਕੀਸ਼ ਕੇ । ਭਏ ਕਪਿ ਸਾਰੇ  
ਸਭਿ ਅੰਗਦ ਉਚਾਰੇ ਗਏ ਤੀਸ ਦਿਨ ਸਾਰੇ ਜਨ ਹੈਂ  
ਅਧੀਨ ਈਸ਼ ਕੇ । ਦਰੀ ਮੈਂ ਜੁ ਭ੍ਰਮੇ ਮਾਸ ਸੀਯਾ ਕੀ ਨ ਭਈ



ਆਸ ਪ੍ਰਾਨ ਤੇ ਉਦਾਸ ਕਾਜ ਕਰੇ ਨ ਕਪੀਸ਼ ਕੇ । ਜਾਹਿੰਗੇ  
 ਸੁ ਰਾਜ ਧਾਨੀਂ ਹੋਹਿ ਪ੍ਰਾਨ ਹਾਨੀਂ ਸਭ ਮਾਰੇ ਸੁਗ੍ਰੀਵ ਕਛੁ  
 ਚਲੇ ਨ ਸੁਰੇਸ਼ ਕੇ ॥ ੧ ॥ ਬਾਲੀ ਹੁਤੇ ਤਾਤ ਬਖਯਾਤ ਜਿਨ  
 ਬੈਰ ਕੀਨੋ ਤਾਕੇ ਸੁਤ ਜਾਨ ਮਿਸ ਪਾਏ ਮੋਹਿ ਮਾਰ ਹੈ । ਮੋਹਿ  
 ਸੋਂ ਨ ਤਾਹਿ ਪ੍ਰੀਤ ਬੈਰ ਅਤਿ ਚੀਤ ਦ੍ਰਿਢ ਮਾਰਤੇ ਸੁ ਤਬੀ  
 ਜਬ ਰਾਮ ਨ ਉਬਾਰ ਹੈ । ਰਾਮ ਕੋ ਨ ਕਾਜ ਕੀਨੋਂ ਜਾਂਤੇ  
 ਸੁਖ ਹੋਤ ਜੀਨੋਂ ਇਹੈ ਸੁਗ੍ਰੀਵ ਸੁ ਬਹਾਨੋਂ ਉਰਧਾਰ ਹੈ ॥ ਮਾਤ  
 ਕੇ ਸਮਾਨ ਕਹੀ ਬੇਦ ਔ ਪੁਰਾਨ ਬਡੇ ਭਾਈ ਕੀ ਸੁ ਨਾਰਿ  
 ਭਜੇ ਪਾਪੀ ਨ ਬਿਚਾਰ ਹੈ ॥ ੨ ॥ ਸੁਨੋ ਕਪਿ ਪੁੰਗਵ ਨ ਜਾਹਿੰ  
 ਪੁਰ ਪੁੰਗਵ ਸੁ ਮਰੇਂ ਹਮ ਈਹਾਂ ਬਨ ਪਾਵਕ ਜਲਾਇਕੈ ।  
 ਅੰਗਦ ਸੁ ਨੈਨ ਜਲ ਪੇਖਿ ਬਲਵੰਤ ਕਪਿ ਨੀਰ ਨੈਨ ਭਰ  
 ਸਭ ਕਹਯੋ ਹੈ ਸੁਨਾਇਕੈ । ਕਾਹੇ ਕੋ ਸੁ ਕਰੋ ਸ਼ੋਕ ਯੋਂ ਕਹੈ  
 ਮਹਾਨ ਯਹ ਕਰੇ ਰਛਪਾਲ ਤੇਰੇ ਪ੍ਰਾਣਕੀ ਸਹਾਇਕੈ । ਫੇਰ  
 ਗੁਹਾ ਵਰੇ ਬਨਿ ਬਾਸ ਈਹਾਂ ਕਰੇ ਸਭ ਭੋਗ ਤੇ ਮਹਾਨ  
 ਰਹੇ ਯਾਹਿ ਮੈਂ ਸੁਹਾਇ ਕੈ ॥ ੩ ॥ ਸਵੈਯਾ ॥ ਇਹ ਭਾਂਤਿ  
 ਬਿਚਾਰ ਕਰੈ ਕਪਿ ਅੰਗਦ ਮਾਰੁਤ ਨੰਦਨ ਏ ਸੁਨਿ ਪਾਈ  
 । ਨਯ ਕੋਵਿਦ ਆਪ ਸੁ ਬਾਤ ਕਹੀ ਪੁਨਿ ਅੰਗਦ ਕੋ ਗਲ  
 ਮਾਂਹਿ ਲਗਾਈ । ਇਹ ਕਾਹੇ ਬਿਚਾਰ ਕਰੋ ਬਨ ਅੰਗਦ  
 ਨੀਤ ਬੁਰੀ ਤੁਮ ਹੈ ਠਹਿਰਾਈ । ਤੁਮ ਰਾਜ ਕੁਮਾਰ ਉਦਾਰ  
 ਬਡੇ ਅਤਿ ਬਲਭ ਤੂੰ ਬਲ ਹੈ ਕਪਿ ਰਾਈ ॥ ੪ ॥ ਦੋਹਰਾ ॥  
 ਲਖਮਣ ਤੇ ਤੁਮ ਰਾਮ ਕੋ ਪਯਾਰੇ ਹੋ ਉਰ ਮਾਹਿੰ । ਰਾਖਵ



ਤੇ ਡਰ ਨਾਹਿ ਤਵ ਕਪਿਨਾਇਕ ਡਰਕਾਹਿ ॥੫॥ ਕਬਿਤੁ ॥  
 ਤੇਰੇ ਹਿਤ ਚਹੇ ਬੀਰ ਔਰ ਨ ਬਿਚਾਰੋ ਧੀਰ ਸਾਥ ਤੇਰੇ ਚਲੋਂ  
 ਚਿਤ ਸੰਕ ਨਾਹਿ ਧਾਰੀਯੇ । ਏਜੁ ਗੁਹਾਵਾਸ ਕਪਿ ਕਹੈਂ ਹੈਂ  
 ਮਵਾਸ ਸਭ ਝੂਠੋ ਉਰ ਜਾਨੋ ਭਵ ਨੀਕੇ ਸੁ ਉਚਾਰੀਯੇ ।  
 ਤੀਨ ਲੋਕ ਮਾਹਿ ਰਾਮ ਬਾਣਤੇ ਅਭੇਦ ਨਾਹਿ ਛਾਡਿ ਜਾਹਿ  
 ਕਪਿ ਜਿਨ ਸੰਗ ਸੁ ਬਿਚਾਰੀਯੇ । ਸੁਤ ਅਰਨਾਰਿ ਇਨ ਗਾਉਂ  
 ਕੇ ਮਝਾਰ ਉਹਾਂ ਤਾਹਿ ਤਜ ਪਾਸ ਭਵ ਰਹੇ ਨ ਨਿਹਾਰੀਯੇ  
 ॥ ੬॥ ਗੋਪ ਇਕ ਬਾਤ ਹੈ ਸੁ ਕਹੈਂ ਬੱਖਯਾਤ ਸੁਤ ਸੁਨੋ ਮਨ  
 ਲਾਇ ਪਾਛੇ ਉਰ ਮੈਂ ਸੁ ਮਾਨੀਯੇ । ਰਾਮ ਨਰ ਨਾਹਿ ਸੁ  
 ਨਾਰਾਇਣ ਪ੍ਰਗਟ ਜਗ ਸੀਯ ਮਾਇ ਰੂਪ ਉਰ ਲੱਖਮੀ  
 ਪਛਾਨੀਯੇ । ਲਖਮਣ ਸੇਸ ਧਾਰ ਜਗ ਕੇ ਅਧਾਰ ਪ੍ਰਭ ਬੇਦ ਔ  
 ਪੁਰਾਨ ਮੈਂ ਸਹੀਸ ਸੀਸ ਭਾਨੀਯੇ । ਰਾਖਸ਼ ਬਿਨਾਸ ਹਿਤ  
 ਬਿਨਤੀ ਪਿਤਾ ਮਾਂ ਕਰੀ ਮਾਯਾ ਤਨ ਧਾਰੀ ਲੋਕ ਪਾਲਕ ਬਖਾਨੀ-  
 ਯੇ ॥ ੭ ॥ ਬਿਸ਼ਨ ਬਿਕੁੰਠ ਬਾਸ ਤਾਂਕੇ ਹਮ ਵਾਸ ਸਭ ਭਯੋ  
 ਹਰਿ ਮਨੁਜ ਪ੍ਰਮਾਤਮਾਂ ਸੁਹਾਵਨਾ । ਤਾਂਹਿ ਕੀ ਸੁ ਮਾਯਾ  
 ਜਿਨ ਲੋਕ ਹੈ ਭ੍ਰਮਾਯਾ ਤਿਨ ਕਰੇ ਹਮ ਕਪਿ ਫਲ ਮੂਲ ਹੀ  
 ਸੁ ਖਾਵਨਾ । ਪੂਰਬ ਅਰਾਧਿ ਹਰਿ ਰਾਮਹੀ ਕੀ ਮਯਾ ਕਰ  
 ਭਯੋ ਪਾਰਖਦਹੁ ਬਿਕੁੰਠ ਲਾਇ ਭਾਵਨਾ ॥ ਅਬ ਤਿਨ ਸੇਵ ਕਰ  
 ਪਾਪ ਪਰਹਰਿ ਸਭ ਪਾਇ ਸੁ ਬਿਕੁੰਠ ਬਾਸ ਸੁਖ ਹਮ ਪਾਵਨਾ  
 ॥ ੮ ॥ ਸਵੈਯਾ ॥ ਅੰਗਦ ਕੋ ਇਹ ਭਾਂਤਿ ਸੰਬੋਧ ਗਏ  
 ਬਿਧੀ ਯਾਚਲ ਕੇ ਬਨ ਬੀਰਾ । ਕੁੰਠ ਵੈ ਜਨਕਾ ਤਨ ਜਾ ਸੁ



ਮਹੇਂਦ੍ਰ ਗਿਰੀ ਗਏ ਸਾਇਰ ਤੀਰਾ ॥ ਪੇਖ ਸਮੁੰਦ੍ਰ ਅਪਾਰ  
 ਮਹਾਂ ਭਯ ਦਾਇਕ ਜਾਹਿ ਅਗਾਧ ਸੁ ਨੀਰਾ । ਬਾਨਰ ਚੀਤ  
 ਮਹਾਂ ਡਰਪੇ ਕਹਿ ਕਾਹਿ ਕਰੈਂ ਉਰ ਮਾਹਿ ਅਧੀਰਾ ॥ ੯॥  
 ਸਾਗਰ ਕੇ ਤਟ ਬੈਠ ਗਏ ਬਹੁ ਚਿੰਤ ਬਢੀ ਸਭ ਕੇ ਉਰ  
 ਮਾਹੀਂ । ਬੈਠ ਬਿਚਾਰ ਕਰਜੇ ਸਗਲੇ ਇਕ ਮਾਸ ਗਯੋ ਭ੍ਰਮ  
 ਤੇ ਭੁਹ ਮਾਹੀਂ । ਰਾਵਣ ਨਾਹਿ ਪਿਖੇ ਅਬ ਲੋ ਪੁਨਿ ਸੀਯ  
 ਕੀ ਸਾਰ ਨਹੀਂ ਜਗਮਾਹੀਂ । ਭੀਖਨ ਦੰਡ ਕਪੇਸ਼ ਅਏ ਵਹਿ  
 ਪ੍ਰਾਣ ਹਨੇ ਸੁਗਏ ਪੁਰ ਮਾਹੀਂ ॥ ੧੦ ॥ ਸੁਗ੍ਰੀਵ ਹਨੇ ਇਹ  
 ਤੇ ਸੁਭਲੋ ਇਹ ਠੌਰ ਮਰੇ ਕਛੁ ਧਾਰ ਉਪਾਏ । ਇਹ ਭਾਂਤਿ  
 ਉਚਾਰ ਉਪਾਰ ਕੁਸ਼ਾ ਕਪਿ ਪਾਵਨ ਆਸਨ ਬੀਨ ਬਿਛਾਏ ।  
 ਤਹਿ ਬੈਠ ਗਏ ਸਗਲੇ ਕਪਿ ਵੈ ਜਗ ਆਜੁ ਮਰੇ ਮਨਮੈ  
 ਠਹਰਾਏ । ਪੁਨਿ ਤਾਂਹਿ ਸਮੇ ਗਿਰ ਕੰਦਰ ਤੇ ਨਿਕਸੇ ਖਗ  
 ਏਕ ਭਯਾਨਕ ਆਏ ॥ ੧੧ ॥ ਗੀਝਨਰਾਜ ਬਡੇ ਸਿਰਤਾਜ  
 ਸੁ ਭੂਧਰ ਸੇ ਜਿਨਕੇ ਤਨ ਭਾਰੇ । ਬਾਨਰ ਕੇ ਸਿਰਤਾਜ ਬਡੇ  
 ਕੁਸ ਆਸਨ ਮਾਹਿ ਸੁ ਤਾਹਿ ਨਿਹਾਰੇ । ਭੋਜਨ ਆਜੁ ਦਯੋ  
 ਬਹੁਤੋ ਜਗ ਨਾਇਕ ਯੋਂ ਮੁਖਿ ਮਾਹਿ ਉਚਾਰੇ । ਏਕਹ ਏਕਸੁ  
 ਬਾਨਰ ਕੇ ਸੁ ਕਰੋਂ ਦਿਨ ਏਕਹਿ ਏਕ ਅਹਾਰੇ ॥ ੧੨ ॥  
 ॥ ਕਬਿੱਤੁ ॥ ਸੁਨਿਕੈ ਸੁ ਗੀਝ ਬਾਨੀ ਭਏ ਹੈਂ ਮਲਾਨੀ  
 ਮੁਖ ਖਾਇਗੋ ਸੁ ਗੀਝ ਤਨ ਕਪਿਨ ਵਿਚਾਰਿਯੋ । ਸੀਯ ਕੇ ਨ  
 ਸੁਧ ਲੀਨੋ ਰਾਮ ਕੇ ਨ ਕਾਜ ਕੀਨੋ ਔਰ ਕਪਿ ਨਾਇਕ ਕੇ  
 ਕਾਜ ਨਾ ਸਵਾਰਿਯੋ । ਹਿਡ ਨ ਕਮਾਯੋ ਹਮ ਖਿਥਾਯਮਲੋਕ



ਪਾਯੋ ਧੰਨ ਸੁ ਜਟਾਯੁ ਜੋਈ ਰਾਮ ਹਿਤ ਮਾਰਿਓ । ਯੋਗੀ ਕੇ  
 ਦੁਲੰਭ ਪਦ ਪਾਯੋ ਹੈ ਜਟਾਯੁ ਖਗ ਡਾਰਕੈ ਸੁ ਦੇਹ ਹਰਿ ਲੋਕ  
 ਮੈ ਪਧਾਰਿਓ ॥ ੧੩ ॥ ਚੌਪਈ ॥ ਉਮਾ ਸੰਪਾਤੀ ਸੁਨ ਯਹਿ  
 ਬਾਨੀ । ਭ੍ਰਾਤਿ ਕਥਾ ਮੁਖਿ ਕਪਿਨ ਬਖਾਨੀ । ਪੂਛਯੋ ਬਹੁਰ  
 ਭਲੇ ਹਿਤ ਲਾਈ । ਤੁਮਹੋ ਬਾਨਰ ਕੋਨ ਸੁ ਭਾਈ ॥ ੧੪ ॥  
 ਜਟਾਯੁ ਨਾਮ ਮਮ ਭ੍ਰਾਤ ਬਖਾਨ । ਸੁਧਾ ਸਮਾਨ ਪਰੋ ਮਮ  
 ਕਾਨ । ਮੇਰੇ ਤੇ ਡਰ ਤੁਮਕੋ ਨਾਹੀਂ । ਕਹੋ ਪਵੰਗਮ ਜੋ ਮਨ  
 ਮਾਹੀਂ ॥ ੧੫ ॥ ਤਿਨ ਮੈਂ ਅੰਗਦ ਜੋ ਪਰਧਾਨ । ਉਮਾ ਲਗੋ  
 ਤਬ ਕਰਨ ਬਖਾਨ । ਦਸਰਥ ਪੂਤ ਰਾਮ ਜਸ ਟੀਕੋ । ਲਖ  
 ਮਣ ਭ੍ਰਾਤ ਜਾਹਿ ਕੋ ਨੀਕੋ ॥ ੧੬ ॥ ਸੀਯ ਭਾਰਯਾ ਤਾਂਕੀ  
 ਪਿਆਰੀ । ਤਾਂ ਸੰਗ ਆਈ ਵਿਪਨ ਮਝਾਰੀ । ਰਾਵਣ ਦੁਸ਼੍ਰ  
 ਮਹਾਂ ਹੰਕਾਰੀ । ਤਾਂਹਿ ਹਰੀ ਵਹਿ ਜਨਕ ਕੁਮਾਰੀ ॥ ੧੭ ॥  
 ਰਾਮਚੰਦ ਮ੍ਰਿਗ ਮਾਰਣ ਗਏ । ਲਖਮਣ ਤਾਂਕੇ ਪਾਛੇ ਧਏ ।  
 ਰਾਮ ਸੀਯ ਕੀ ਕਰੀ ਪੁਕਾਰਾ । ਸੁਨਾ ਜਟਾਯੁ ਭਯੋ ਦੁਖ ਭਾਰਾ  
 ॥ ੧੮ ॥ ਰਾਵਣ ਸਾਥ ਭਿਰਯੋ ਰਣ ਵਾਰੀ । ਰਾਵਣ ਮਾਰਿਓ  
 ਖਗ ਸੰਭਾਰੀ । ਰਾਮ ਨਮਿੱਤ ਮੁਏ ਖਗ ਰਾਜਾ । ਰਾਮ ਦਾਹ ਲੋ  
 ਕਰੇ ਸੁ ਕਾਜਾ ॥ ੧੯ ॥ ਰਾਮ ਸੰਯੁਜ ਜਟਾਯੁ ਸੁ ਪਾਈ ।  
 ਰਾਮ ਮਿਲੇ ਸੁਗ੍ਰੀਵਹ ਜਾਈ । ਅਗਨ ਜਲਾਇ ਭਏ ਵਹਿ  
 ਮੀਤਾ । ਬਹੁਰ ਸੁਗ੍ਰੀਵ ਕਹੀ ਸਭ ਰੀਤਾ ॥ ੨੦ ॥ ਰਾਮਚੰਦ  
 ਬਾਲੀ ਰਣ ਮਾਰਾ । ਸੁਗ੍ਰੀਵ ਭਾਲ ਰਾਜਾ ਕਪਿ ਧਾਰਾ । ਸੁਗ੍ਰੀਵ  
 ਸੁ ਬਾਨਰ ਬੰਦ ਪਠਾਏ । ਊਢੋ ਸੀਯ ਜਗਤ ਮੈ ਜਾਏ



॥ ੨੧ ॥ ਸਵੈਯਾ ॥ ਇਕ ਮਾਸਹਿ ਪੂਰਬ ਆਹੁ ਸਭੈ ਨਹਿੰ  
 ਪ੍ਰਾਣ ਹਨੋਂ ਕਰ ਦੰਡ ਤੁਮਾਰੇ । ਇਹ ਭਾਂਤਿ ਬਖਾਨ ਪਠਾਇ  
 ਦਏ ਹਮ ਆਇ ਪਰੇ ਗਿਰ ਕੰਦਰ ਭਾਰੇ । ਇਕ ਮਾਸ  
 ਬਿਤੀਤ ਭਯੋ ਹਮਕੋ ਨਹਿ ਸੀਯ ਸੁ ਰਾਵਣਨੈਨ ਨਿਹਾਰੇ । ਅਬ  
 ਪ੍ਰਾਣ ਤਜੇਂ ਕੁਸ ਡਾਰ ਤਲੇ ਸਰਤਾਪਤਿ ਕੇ ਪੁਨਿ ਬੈਠ ਕਨਾਰੇ  
 ॥ ੨੨ ॥ ਜੋ ਤੁਮ ਜਾਨਤ ਹੋ ਖਗ ਰਾਜਨ ਸੀਯ ਕਥਾ ਮਮ ਦੇਹਿ  
 ਸੁਨਾਏ । ਅੰਗਦ ਬੈਨਨ ਕੋ ਸੁਨਕੈ ਹਰਖੇ ਉਰ ਮੈ ਖਗਰਾਜ  
 ਅਲਾਏ । ਬਾਨਰ ਪ੍ਰਾਣ ਸਮਾਨ ਜਟਾਯੁ ਸੁਭ੍ਰਾਤ ਹੁਤੇ ਲਘੁ ਮੇ  
 ਉਰ ਭਾਏ । ਬੀਤ ਹਜਾਰ ਗਏ ਬਰਖਾ ਬਹੁ ਭ੍ਰਾਤ ਉਦੰਤ ਸੁ  
 ਮੈਂ ਅਬ ਪਾਏ ॥ ੨੩ ॥ ਵਾਕ ਸਹਾਇ ਕਰੋਂ ਤੁਮਰੀ ਸੁਨਿ  
 ਬਾਨਰ ਆਜ ਭਏ ਦੁਖ ਭਾਰੇ । ਭ੍ਰਾਤਕੁ ਨੀਰ ਸੁ ਦਾਨ ਦਯੋਂ  
 ਅਬ ਲੇ ਚਲੀਏ ਮਮ ਨੀਰ ਕਨਾਰੇ । ਦੇ ਜਲ ਫੇਰ  
 ਕਹੋਂ ਬਤੀਆਂ ਸਭ ਕਾਰਜ ਜਾਂਕਰ ਹੋਹਿ ਤੁਮਾਰੇ । ਬਾਨਰ  
 ਭਾਖ ਤਥਾ ਮੁਖ ਤੇ ਖਗ ਆਨ ਧਰੇ ਜਹਿ ਉਜਲ ਵਾਰੇ ॥ ੨੪  
 ॥ ਨ੍ਰਾਇ ਜਟਾਯੁ ਕੋ ਨੀਰ ਦਯੋ ਪੁਨਿ ਬਾਨਰ ਤਾਂਹਿ ਸੁ ਲੀਨ  
 ਉਠਾਈ । ਫੇਰ ਸੁ ਠਾਹਰਿ ਆਨ ਧਰੇ ਖਗ ਬਾਨਰ ਭਾਖਤ ਦੇਹਿ  
 ਸੁਨਾਈ । ਬਾਨਰ ਕੋ ਹਰਖਾਵਤ ਹੀਂ ਤਬ ਸੀਯ ਕਥਾ ਖਗ ਰਾਜ  
 ਬਤਾਈ । ਪਾਵਨ ਸੀਯ ਕਥਾ ਗਿਰਜਾ ਵਹਿ ਭਾਖਤ ਹੋਂ ਸੁਨੀਏ  
 ਮਨ ਲਾਈ ॥ ੨੫ ॥ ਚੌਪਈ ॥ ਲੰਕਾ ਨਾਮ ਪੁਰੀ ਮਨ ਮੋਹੇ ।  
 ਗਿਰ ਤ੍ਰਿਕੂਟ ਕੇ ਸਿਰ ਪਰ ਸੋਹੇ । ਤਹਾਂ ਅਸ਼ੋਕ ਬਨੀ ਮਹਿ  
 ਸੀਤਾ । ਰਾਮ ਸੀਯਾ ਰਾਖਤ ਹੈਨੀਤਾ ॥ ੨੬ ॥ ਸੋ ਯੋਜਨ ਪੈਡੇ



ਇਹ ਜਾਨੋ । ਲੰਕਾ ਜਲ ਨਿਧਿ ਮਧਿ ਪਛਾਨੋਂ । ਬਿਨ ਸੰਦੇਹ  
 ਲੰਕ ਮੇਂ ਦੇਖੋ । ਸੀਤਾ ਤਹਾਂ ਭਲੀ ਬਿਧ ਪੇਖੋ ॥ ੨੭ ॥ ਬਾਨਰ  
 ਸੰਸਾ ਦੂਰ ਬਿਨੀਠਾ । ਗੀੜ ਸੁਭਾਉ ਦੂਰ ਮਮ ਡੀਠਾ । ਸੋ  
 ਯੋਜਨ ਸਾਗਰ ਬਿਸਥਾਰਾ । ਯਾਂਕੋ ਜੋਨ ਸੁ ਲਾਂਘਨ ਹਾਰਾ ॥  
 ੨੮ ॥ ਸੋ ਮਿਥਲੇਸ਼ ਤਨੂਜਾ ਦੇਖੋ । ਪੁਨਿ ਆਵੇ ਬਲਿਧਾਰ  
 ਬਿਸੇਖੋ । ਰਾਵਣ ਦੁਸ਼੍ਰਾਤਮ ਖਲ ਭਾਰਾ । ਜਿਨ ਮੇਰੋ ਭਾਈ  
 ਲਘੁਮਾਰਾ ॥ ੨੯ ॥ ਏਕਾਕੀ ਤਹਿ ਮਾਰੋਂ ਜਾਇ । ਬਿਨਾ ਪੰਖ  
 ਨਹੀਂ ਪਾਰਿ ਬਸਾਇ । ਸਾਗਰ ਤਰਿ ਪੁਨਿ ਦੇਇ ਸੁ ਸਾਰਾ ।  
 ਤਾਂਕੋ ਕਰੋ ਸੁ ਯਤਨ ਬਿਚਾਰਾ ॥ ੩੦ ॥ ਵੋਹਰਾ ॥ ਰਾਵਣ ਕੋ  
 ਰਘੁਨਾਥ ਪੁਨਿ ਮਾਰਹਿੰਗੋ ਬਲਿ ਧਾਰ । ਸੀਯ ਸੋਧ ਪਹੁੰ  
 ਚਾਵਨੀ ਯਹਿ ਹੈ ਕਾਜ ਤੁਮਾਰ ॥ ੩੧ ॥ ਸੁੰਯਾ ॥ ਸਿੰਧ ਇਹਾਂ  
 ਸਤ ਯੋਜਨ ਬੀਚ ਸੁ ਜੋ ਕਪਿ ਜਾਇ ਸਕੇ ਬਲਿ ਪਾਰੇ ।  
 ਦੇਵਨਕੀ ਗਮਨਾਂਹਿ ਜਹਾਂ ਵਹਿ ਜਾਇ ਪਰੇ ਪੁਨਿ ਲੰਕ ਮਥਾਰੇ ।  
 ਸੀਯ ਨਿਹਾਰ ਸੁ ਵਾਕ ਉਚਾਰ ਮਹਾਂ ਬਲਿ ਆਵਹਿ ਯਾਹਿ  
 ਕਨਾਰੇ । ਆਪਸ ਮੈਂ ਕਪਿ ਸੋ ਤੁਮ ਬਾਂਦਰ ਬੈਠ ਭਲੀ ਬਿਧ  
 ਲੇਹੁ ਬਿਚਾਰੇ ॥ ੩੨ ॥ ਇਤਿ ਸ੍ਰੀਮਤ ਅਧਯਾਤਮ ਰਾਮਾਇਣੇ  
 ਉਮਾਂ ਮਹੇਸੁਰ ਸੰਬਾਦੇ ਕਿਸਕਿੰਧਾ ਕਾਂਡੇ ਸਪਤਮੋ ਧਿਆਇ  
 ॥ ੭ ॥

ਸ੍ਰੀ ਮਹਾਂ ਦੇਵਉਵਾਚ ॥ ਵੋਹਰਾ ॥

ਉਮਾਂ ਸੰਪਾਤੀ ਆਪਨੋਂ ਕਹਤ ਭਯੋ ਬਿਰਤਾਂਤ । ਪੂਰਬ ਤਿਨ  
 ਕੋ ਜੋ ਭਯੋ ਸੁਨੀਓ ਚੀਤ ਇਕਾਂਤ ॥ ੧ ॥ ਕਬਿਤ ॥ ਮੈਂ



ਐ ਜਟਾਯੁ ਯੁਗ ਭਾਈ ਭਏ ਗਰਬਾਈ ਤਨ ਜੋ ਅੰਧੇਰ ਬਲ  
 ਕਹਾਂ ਲੋ ਬਤਾਈਏ । ਰਵਿ ਮੰਡਲ ਉਡਾਨੇਂ ਬਲ ਯਾਹੀ ਤੇ  
 ਪਛਾਨੇਂ ਗਏ ਯੋਜਨ ਹਜਾਰ ਪਾਰ ਨਭਕੋ ਨ ਪਾਈਏ । ਰਵਿ  
 ਕੇ ਪ੍ਰਤਾਪ ਸੋਂ ਜਟਾਯੁ ਭਏ ਤਾਪ ਤਨ ਸੂਰਜ ਅਛਾਦਿ ਯਾਹਿ  
 ਤਾਪ ਕੇ ਮਿਟਾਈਏ । ਐਸੇ ਮਨਿ ਧਾਰ ਦੋਉ ਪੰਖਨ ਪਸਾਰ  
 ਰਵਿ ਛਾਦਯੋ ਸੁ ਮੋਹਿ ਜਨ ਰਾਹੁ ਸੇ ਸੁਹਾਈਏ ॥੨॥ ਸਵੈਯਾ ॥  
 ਸੂਰਯਕੇ ਕਰ ਦਾਹ ਭਏ ਪਰ ਮੈਂ ਗਿਰਿਓ ਗਿਰਕੇ ਸਿਰ  
 ਮਾਹੀਂ । ਦੂਰਹਿ ਤੇ ਕਪਿ ਮੈ ਗਿਰਿਓ ਅਤਿ ਮੂਰਛਤਾ ਸੁ ਭਈ  
 ਤਨ ਮਾਂਹੀ । ਬੀਤ ਗਏ ਦਿਨ ਤੀਨ ਜਬੈ ਤਬਪ੍ਰਾਣ ਭਏ  
 ਸੁ ਕਲੇਵਰ ਮਾਹੀਂ । ਪੀਰ ਮਹਾਂ ਤਨ ਧੀਰ ਗਯੋ ਪਖਿ ਹੀਨ  
 ਭਯੋ ਸੁਧਿ ਨਾ ਮਨ ਮਾਹੀਂ ॥ ੩ ॥ ਕਬਿਤ ॥ ਕੌਨ ਵੇਸ  
 ਕੌਨ ਗਿਰ ਕਾਨਨ ਸੁ ਕੌਨ ਧਰ ਜਾਨਿਓ ਨ ਜਾਇ ਕੁ  
 ਭ੍ਰਾਂਤ ਚਿਤ ਹੈ ਗਯੋ । ਹਰਏ ਉਘਾਰ ਨੈਨ ਬੈਨ ਨ ਉਚਾਰ  
 ਸਕੋਂ ਆਸ਼੍ਰਮ ਨਿਹਾਰ ਸਨੇ ਸਨੇ ਢਿਗ ਮੈ ਗਯੋ । ਚੰਦ੍ਰ ਨਾਮ  
 ਥੇ ਮੁਨੀਸ਼ ਨੀਤ ਉਰ ਈਸ਼ ਭਜੇ ਮੋਹਿ ਪਿਖਕਪਿ ਬਿਸਮਾਦ  
 ਉਰ ਸੋ ਭਯੋ । ਕਹੋ ਰੇ ਸੰਪਾਤੀ ਉਤਪਾਤਿ ਯਹਿ ਕਾਹੇਤੇ  
 ਸੁ ਪੰਖਨ ਬਿਹੀਂਨ ਤੋਹਿ ਕਹੋ ਕਿਨ ਹੈ ਕਯੋ ॥ ੪ ॥ ਤੂੰ ਤੇ  
 ਹੁਤੇ ਬਲਵਾਨ ਪੂਰਬ ਪਛਾਨ ਮੇਰੀ ਜਰੇ ਪਰ ਕਾਹੇ ਤੇ ਸੋ  
 ਕਹੋ ਸਮਝਾਇਕੈ । ਭਯੋ ਜੋਈ ਸਮਾਚਾਰ ਕਹਯੋ ਬਿਸਥਾਰ  
 ਸਭੈ ਸੁਨਕੈ ਮੁਨੀਸ਼ ਉਰ ਰਹੇ ਬਿਸਮਾਇਕੈ । ਵੇਰ ਮੈਂ ਮੁਨੀਸ਼  
 ਕੇ ਉਚਾਰਿਓ ਬਿਚਾਰ ਕਰ ਤਜੋਂ ਯਹਿ ਵੇਹ ਜਨ ਪਾਵਕ



ਜਲਾਇਕੈ । ਪੰਖ ਬਿਨ ਜੀਵਨ ਸੁ ਖੀਨ ਭਯੋ ਮੇਰੇ ਅਬ  
 ਸੁਨਕੈ ਮੁਨੀਸ ਉਰ ਦਯਾ ਵਸੀ ਆਇਕੈ ॥ ੫ ॥ ਬਚਨ  
 ਸੁਨੀਜੋ ਮੋਹਿ ਭਾਖੋ ਜੋ ਖਗੋਸ਼ ਤੋਹਿ ਸੁਨਕੈ ਕਰੀਜੈ ਸੁਤ ਚੀਤ  
 ਜੋ ਸਹਾਇਕੈ । ਦੇਹ ਮੂਲ ਦੁੱਖ ਜਾਨ ਕਰਮ ਦੇਹ ਕੋ ਨਿਦਾਨ  
 ਕਰਮਨ ਕੋ ਕਰੇ ਤਬ ਜੋ ਭਿਮਾਨ ਆਇਕੈ । ਦੇਹਿ  
 ਅਭਿਮਾਨ ਕੋ ਸੁ ਹੇਤ ਹੈ ਅਵਿੱਦਯਾ ਅਨਾਦਿ ਜੜ ਰੂਪ ਤਾਹਿ  
 ਬੇਦ ਸੁ ਸੁਨਾਇ ਕੈ । ਚੇਤਨ ਕੀ ਛਾਯਾ ਜਬ ਮਿਲੇ ਮਾਹਿ  
 ਮਾਯਾ ਤਬ ਹੋਇ ਕੈ ਅਭੇਦ ਲੋਹ ਪਾਵਕ ਸੁਹਾਇਕੈ ॥ ੬ ॥  
 ॥ ਚੌਪਈ ॥ ਬਹੁਰੇ ਦੇਹ ਤਦਾਤਮ ਪਾਇ । ਚੇਤਨ ਵਤ  
 ਪੁਨਿ ਦੇਹ ਸੁਹਾਇ । ਦੇਹਿ ਬਿਖੇ ਹੀਤਾ ਮਤਿ ਜੋਈ । ਹੋਇ  
 ਹੀਕਾਰ ਅਧੀਨ ਸੁ ਸੋਈ ॥ ੭ ॥ ਤਾਂ ਮੂਲਕ ਯਹਿ ਹੈ ਸੰਸਾਰਾ ॥  
 ਸੂਖ ਦੂਖ ਜਾ ਮਾਹਿ ਅਪਾਰਾ । ਆਤਮ ਨਿਰਬਿਕਾਰ ਹੈ ਜੋਈ  
 । ਮਿਥਯਾ ਭਯੋ ਭਿਮਾਨੀ ਸੋਈ ॥ ੮ ॥ ਦੇਹੁ ਹੀ ਪੁਨਿ ਕਰਮ  
 ਕਮਾਉਂ ॥ ਇਨ ਕੋ ਫਲ ਆਗੇ ਮੈਂ ਪਾਉਂ । ਯੋਂ ਸੰਕਲਪ  
 ਕਰੇ ਯਹਿ ਪ੍ਰਾਨੀ । ਕਰਮ ਕਰੇ ਫਲ ਮੈਂ ਅਭਿਮਾਨੀ ॥ ੯ ॥  
 ਫਲ ਬਾਂਧੋ ਯਹਿ ਭਜੇ ਬਿਕਾਰਾ ॥ ਅਰਧ ਉਰਧਿ ਭ੍ਰਮ ਬਾਰੰ  
 ਬਾਰਾ । ਪੁੰਨ ਪਾਪ ਕੇ ਹੋਇ ਅਧੀਨਾਂ ॥ ਫਲ ਭੋਗੇ ਹਰਖੇ ਉਰ  
 ਦੀਨਾ ॥ ੧੦ ॥ ਮੈਂ ਜਗ ਪੁੰਨਿ ਸੁ ਬਹੁਤ ਕਮਾਏ । ਯੱਗ  
 ਦਾਨ ਬਹੁ ਭਾਂਤਿ ਕਰਾਏ । ਭੋਗੋਂ ਫਲ ਤਿਨ ਕੋ ਸੁਰ ਮਾਹੀਂ  
 । ਯੋਂ ਸੰਕਲਪ ਕਰੇ ਮਨ ਮਾਹੀਂ ॥ ੧੧ ॥ ਭੋਗ ਤਹਾਂ ਬਹੁਰੇ  
 ਚਿਰ ਕਾਲ । ਸੁਰਗਲੋਕ ਮੈਂ ਭੋਗ ਬਿਲਾਸ । ਖੀਂਣ ਪੁੰਨ



ਹੋਹਿ ਤਹਿ ਜਬਹੀਂ । ਗਿਰੇ ਅਧੋ ਮੁਖ ਤਹਿੰਤੇ ਤਬਹੀਂ ॥  
 ੧੨ ॥ ਪ੍ਰਿਥਮੈਂ ਪਰੇ ਸੁ ਚੰਦ ਮਝਾਰੇ । ਪੁਨਿ ਹੋਵੈ ਯਹਿ ਰੂਪ  
 ਨਿਹਾਰੇ । ਬਹੁਰੇ ਗਿਰੇ ਸੁ ਧਰ ਕੇ ਮਾਹੀਂ । ਪਰੇ ਸੁ ਗਵ ਬ੍ਰੀ  
 ਹੀ ਕੇ ਮਾਹੀਂ ॥ ੧੩ ॥ ਬਸੇ ਸੁ ਬਹੁਦਿਨ ਨਾਜ ਮਝਾਰੇ ॥  
 ਬਹੁਰੇ ਹੋਇ ਸੁ ਚਾਰ ਪ੍ਰਕਾਰੇ । ਚਾਰ ਪ੍ਰਕਾਰ ਨਾਜ ਹੈ ਜੋਈ ।  
 ਭੋਗੇ ਪੁਰਖ ਜਗਤ ਮੈਂ ਸੋਈ ॥ ੧੪ ॥ ਦੋਹਰਾ ॥ ਰੇਤ  
 ਹੋਇ ਨਰ ਤਨ ਬਿਖੈ ਨਾਰੀ ਰਕਤ ਸੁ ਹੋਇ । ਰਿਤਿ ਵਤ  
 ਨਾਰੀ ਯੋਨ ਮੈਂ ਸੰਚੇ ਜੋ ਨਰ ਸੋਇ ॥ ੧੫ ॥ ਚੌਪਈ ॥ ਯੋਨਿ  
 ਰਕਤ ਮੈਂ ਮਿਲੇ ਸੁ ਜਬਹੀਂ । ਜਰਾਯੁ ਲਪੇਟੇ ਤਾਂਕੇ ਤਬਹੀ  
 । ਦਿਨ ਏਕਹਿ ਮਹਿ ਕਲਿਲ ਸੁ ਹੋਈ । ਰੂਢ ਸਰੂਪ ਹੋਇ  
 ਪੁਨਿ ਸੋਈ ॥ ੧੬ ॥ ਪਾਂਚ ਰਾਤ ਮੈਂ ਬੁਦਬੁਦਾ ਕਾਰ । ਹੋਵੈ  
 ਵੀਰਯ ਗਰਭ ਮਝਾਰ । ਦਸ ਦਿਨ ਹੋਵੈ ਮਾਸ ਅਕਾਰਾ । ਲੋ  
 ਹੂ ਭਰੇ ਸੁ ਪੱਖ ਮਝਾਰਾ ॥ ੧੭ ॥ ਰਾਤਿ ਪਚੀਸ ਜਾਇ ਤਿਨ  
 ਜਬਹੀ । ਅੰਕੁਰਹੋਇ ਸੁ ਤਾਂਤੇ ਤਬਹੀਂ । ਗ੍ਰੀਵਾ ਸਿਰ ਪੁਨਿ  
 ਹੋਇ ਸੁਕੰਧਾ । ਪ੍ਰਿਸ਼੍ਟ ਵੰਸ ਪੁਨਿ ਉਦਰ ਕਬੰਧਾ ॥ ੧੮ ॥  
 ਮਾਸ ਬਿਤੀਤ ਹੋਇ ਪੁਨਿ ਜਬਹੀਂ । ਪੰਚ ਪ੍ਰਕਾਰ ਅੰਗ ਤਹਿ  
 ਤਬਹੀਂ । ਪਾਣਿ ਪਾਦ ਪਾਰਸ ਕਟਿ ਜਾਨ । ਯੁਗਲ ਮਾਸ  
 ਬੀਤੇ ਹੁਇ ਭਾਨ ॥ ੧੯ ॥ ਹੋਇ ਬਤੀਤ ਤੀਨ ਜਬ ਮਾਸ ।  
 ਅੰਗਨ ਸੰਧਿ ਸੁ ਹੋਇ ਪ੍ਰਕਾਸ਼ । ਚਾਰ ਮਾਸ ਜਬ ਜਾਹਿ  
 ਬਿਲਾਈ । ਤਬ ਅੰਗਲ ਉਪਜੇ ਪਗ ਰਾਈ ॥ ੨੦ ॥ ਨਾਸਾ  
 ਕਰਨ ਨੈਨ ਜੋ ਜੇਤੇ । ਪਾਂਕ ਮਾਸ ਮੈਂ ਹੋਵੈ ਤੇਤੇ । ਦੰਤਪਾਂਤ



ਨਖ ਗੁਦਾ ਪ੍ਰਮਾਨ । ਪੰਚਮ ਮਾਸ ਬਿਖੇ ਯਹਿ ਭਾਨ ॥੨੧॥  
 ਖਟਿ ਪੁਨਿ ਮਾਸ ਬਤੀਤੇ ਜਬਹੀਂ । ਛਿੱਦਰ ਹੋਹਿ ਖਗੋਸਰ  
 ਤਬਹੀਂ । ਹੋਵੈਂ ਕਾਨਨ ਵਿਵਰ ਉਦਾਰਾ । ਗੁਦਾ ਉਪਸਤ  
 ਪੁਲਿ ਨਾਭਿ ਆਕਾਰਾ ॥੨੨॥ ਸਪਤਮ ਮਾਸ ਰੁਮਾਵਲ ਕੇਸਾ  
 ਅਸ੍ਰਾ ਭਿੰਨ ਅਵੈਵ ਸੁ ਵੇਸ । ਬਧੇ ਗਰਭ ਤਨ ਭੀਤਰ ਸੋਈ ।  
 ਨਵਮੈਂ ਮਾਸ ਚੈਤੰਨ ਸੁ ਹੋਈ ॥ ੨੩ ॥ ਦੋਹਰਾ ॥ ਮਾਤ  
 ਖਾਇ ਜਲ ਪਾਨ ਜੋ ਤਾਂਕੋ ਰਸਹਿ ਬਿਸਾਲ । ਨਾਭਿ ਨਾਲਿ  
 ਕਰ ਭੋਗਈ ਗਰਭਿ ਮਾਹਿ ਵਹਿ ਬਾਲ ॥ ੨੪ ॥ ਸਵੈਯਾ ॥  
 ਕਰਮ ਅਧੀਨ ਵਧੇ ਉਰ ਮੇਂ ਜਠਰਾਗਨ ਨਾ ਖਗ ਬਾਲਮਰੇ ।  
 ਪੂਰਬਲੇ ਜਨਮਾ ਕਰਮਾਂ ਜਠਰੇ ਤਹਿ ਮਾਹਿ ਸੁ ਯਾਦਕਰੇ  
 ॥ ਯੋਂ ਉਰ ਮਾਹਿ ਸੁਬੋਲ ਕਹੈ ਜਠਰਾਗਨ ਨਾ ਤਨ ਤਾਹਿ  
 ਜਰੇ । ਜੋਨਿ ਹਜ਼ਾਰ ਸੁ ਮੋਹਿ ਧਰੀ ਦੁਖ ਜੋਨਨ ਮੈ ਬਹੁ  
 ਭਾਂਤਿ ਭਰੇ ॥੨੫॥ ਸੁਤ ਦਾਰ ਸੰਖੰਧ ਕਰੋਰ ਭਏ ਪਸੁ ਬੰਧਵ  
 ਨਾਂ ਕਛੁ ਜਾਤਿ ਗਿਨਾਏ । ਸੁ ਕੁਟੰਬ ਭਰੇ ਨਿਸਬਾਸਰ ਮੈਂ  
 ਕਰ ਨੀਤ ਅਨੀਤ ਸੁ ਦੁੱਖ ਮਿਲਾਏ । ਕ੍ਰਿਤ ਏਹ ਕਰੀ ਭਵ  
 ਭੀਤਰ ਮੈਂ ਸੁਪਨੇਂ ਹੂੰ ਨਹੀਂ ਹਰਿ ਕੇ ਗੁਨਗਾਏ । ਅਬ ਤਾਂ  
 ਫਲ ਦੁਖ ਸੁ ਭੋਗਤ ਹੋਂ ਜਠਰਾਗਿਨ ਸੋਂ ਤਿਨ ਨੀਤ ਤਪਾਏ  
 ॥ ੨੬ ॥ ਖਿਨ ਭੰਗਰ ਦੇਹਿ ਬਿਖੈ ਬਸ ਕੈ ਜਗ ਭੀਤਰ ਮੈਂ  
 ਬਹੁ ਪਾਪ ਕਮਾਏ । ਹਿਤ ਆਤਮ ਕੇ ਨ ਕਰੇ ਕਬਹੀ ਤਿਹ  
 ਤੇ ਇਹ ਭਾਂਤਿ ਸੁ ਮੈ ਦੁਖ ਪਾਏ । ਨਰਕਾਭਿ ਮਹਾਂ ਗਰਭਾ—  
 ਗਨਿ ਤੇ ਨਿਕਸੋਂ ਕਬ ਯੋਂ ਮੁਖਿ ਮਾਹਿ ਅਲਾਏ ॥ ਅਬਤੇ ਉ



ਪਰੰਤ ਨ ਭੋਗ ਭਜੋਂ ਹਰਿ ਪੂਜਨ ਕੈ ਰਹੋਂ ਸੀਸ ਨਿਵਾਏ ॥  
 ੨੭ ॥ ਗੀਯਾਮਾਲਤੀਛੰਦ । ਇਹ ਭਾਂਤਿ ਕੀਨ ਕਰਾਰ  
 ਤਹਿ ਪੁਨਿ ਜਨਮ ਔਸਰ ਆਇਓ । ਯੋਨ ਜੰਤ੍ਰ ਪਰਪੀੜ  
 ਯੋਂ ਬਹੁ ਭਾਂਤਿ ਤਹਿ ਦੁਖ ਪਾਇਯੋ ॥ ਇਹ ਭਾਂਤਿ ਦੂਖ ਸੁ  
 ਭੋਗ ਨਿਕਸਯੋ ਨਰਕ ਤੇ ਜਿਮ ਪਾਤਿਕੀ । ਜਨ ਪੂਤ ਬ੍ਰਣਤੇ  
 ਕੀਟ ਗਿਰਿਯੋ ਸਾਰ ਨਾਂ ਕਛੁ ਆਪਕੀ ॥ ੨੮ ॥ ਚੌਪਈ ॥  
 ਤਾਂ ਉਪਰੰਤ ਦੂਖ ਬਹੁ ਭਾਰੀ । ਤੋਹਿ ਸੁ ਬਾਲਕ ਦੇਹਿ ਮ  
 ਝਾਰੀ । ਯੋਬਨ ਮੈਂ ਦੁਖ ਆਹਿ ਸੁ ਜੇਤੇ । ਅਨਭਵ ਕਰੋ ਸਗਲ  
 ਜਨ ਤੇਤੇ ॥ ੨੯ ॥ ਤੇ ਖਗਵਰਿ ਸਭਿ ਆਪਿ ਨਿਹਾਰੇ  
 । ਯਾਠੇ ਮੈਂ ਨਹੀਂ ਕੀਨ ਉਚਾਰੇ । ਇਹੀ ਭਾਂਤਿ ਤਨਮੈ ਹੰਗ  
 ਹੇ । ਕਰ ਅਧਿਆਸ ਨਰਕ ਦੁਖ ਲਹੇ ॥ ੩੦ ॥ ਗਰਭ ਵਾਸ  
 ਲੈ ਦੁਖ ਅਸੇਸ । ਅਭਿ ਨਿਵੇਸ ਤੇ ਹੋਇ ਖਗੇਸ । ਤਾਂਤੇ ਤਨੁ  
 ਦੋਨੋਂ ਤੇ ਨਜਾਰੇ । ਆਤਮ ਕੇ ਉਰ ਅੰਤਰ ਧਾਰੇ ॥ ੩੧ ॥ ਪਰ  
 ਪੱਕ ਕਰੇ ਤਿਨ ਕੇ ਉਰ ਮਾਨ । ਤਜਾਗੇ ਦੇਹਾਦਿਕ  
 ਅਭਿਮਾਨ ॥ ਆਤਮ ਗਿਆਨ ਵਾਨ ਜਗ ਜੋਈ ॥ ਜਾਗਰਦਾਦਿ  
 ਤਜੇ ਜਨ ਸੋਈ ॥ ੩੨ ॥ ਸੱਤਿ ਗਿਆਨ ਪੁਨਿ ਸੁੱਧ ਸਰੂਪ ।  
 ਬੁਧਿ ਸ਼ਾਂਤਿ ਘਨ ਆਨੰਦ ਰੂਪ । ਚਿਤ ਸਰੂਪ ਆਤਮ ਯੋ  
 ਜਾਨੇ । ਮੋਹਿ ਅਗਿਆਨ ਹੋਇ ਸਭ ਹਾਨੇ ॥ ੩੩ ॥ ਦੇਹ ਰਹੋ  
 ਅਥਵਾ ਪੁਨਿ ਜਾਈ । ਯੋਗੀ ਕੇ ਦੁਖ ਹੋਇ ਨ ਰਾਈ । ਸੁਖਦੁਖ  
 ਪਰਾਰਬਧ ਆਧੀਨਾ । ਯੋਗੀ ਭਯੋ ਪਰਮ ਪਦ ਲੀਨਾ ॥ ੩੪ ॥  
 ਤਾਂਤੇ ਪਰਾਰਬਧਿ ਹੈ ਜੋਲੈ । ਦੇਹਿ ਸਹਿਤ ਖਗ ਰਹੋ ਸੁ ਤੋਲੈ ॥



1 ਸੁਖ ਸੇਤੀ ਧੀਰਜ ਉਰ ਧਾਰੋ । ਸਰਪ ਕੁੰਚ ਸਮ ਦੇਹ ਨਿ-  
 ਹਾਰੋ ॥ ੩੫ ॥ ਕਛੁ ਔਰ ਕਹੋ ਸੁਨੀਯੋ ਖਗ ਸੋਈ । ਜਾਮੈਂ  
 ਤੇਰੋ ਅਤਿ ਹਿਤ ਹੋਈ । ਤੇਤਾ ਯੁਗ ਮੈਂ ਆਪ ਨਰਾਇਣ ॥  
 ਆਵੇਗੋ ਦਸਰਥ ਕੇ ਆਇਣ ॥ ੩੬ ॥ ਦਾਸਰਥੀ ਵਹਿ ਰਾਮ  
 ਕਹਾਵੇ । ਰਾਵਣ ਕੇ ਬਧ ਹਿਤ ਬਨ ਆਵੇ । ਸੀਤਾ ਨਾਮ  
 ਨਾਰਿ ਲੈ ਸਾਥ । ਲਖਮਣ ਭ੍ਰਾਤ ਸਹਿਤ ਰਘੁਨਾਥ ॥ ੩੭ ॥  
 ਭ੍ਰਾਤਿ ਜਾਹਿੰਗੇ ਵਿਪਨ ਮਝਾਰੀ । ਆਸ੍ਰਮ ਰਹਿਸੀ ਜਨਕ  
 ਕੁਮਾਰੀ । ਤਸਕਰ ਜਿਉਂ ਰਾਵਣ ਤਿਹ ਠਾਂਇ । ਲੰਕਾ ਮੈਂ  
 ਰਾਖੈਗੋ ਜਾਇ ॥ ੩੮ ॥ ਕਪਿ ਸੁਗ੍ਰੀਵ ਕੀ ਆਇਸ ਮਾਨੀਂ ।  
 ਚੁੰਢੇ ਗੇ ਤਬ ਕਪਿ ਬਲਵਾਨੀਂ । ਆਵਹਿੰਗੇ ਵਹਿ ਜਲਧ  
 ਕਨਾਰੇ । ਕਾਰਨ ਵਸ ਵਹਿ ਮਿਲੇ ਤਿਹਾਰੇ ॥ ੩੯ ॥ ਤਬ  
 ਸੀਤਾ ਕੀ ਇਸਥਿਤ ਜੋਈ । ਤੂੰ ਭਾਖੀਂ ਜੈਸੇ ਪੁਨਿ ਹੋਈ ।  
 ਤਬ ਤੇਰੇ ਨੂਤਨ ਪਰ ਵੋਈ । ਪੁਨਿ ਉਪਜੇ ਸੰਸੇ ਨਹਿ ਕੋਈ  
 ॥੪੦॥ ਸੰਪਾਤੀ ਵਾਰ ॥ ਸਵੈਯਾ ॥ ਚੰਦ੍ਰ ਮੁਨੀਸਰ ਮੋਹਿ ਸੰਘੋਧ  
 ਕਰਜੇ ਇਸ ਭਾਂਤਿ ਦਯਾ ਉਰਧਾਰੀ । ਕੋਮਲ ਮੇ ਪਰ ਏਹ  
 ਨਵੀਨ ਭਏ ਤੁਮ ਬਾਨਰ ਲੇਹੁ ਨਿਹਾਰੀ । ਜਾਵਤ ਮੈ ਕਲਯਾਨ  
 ਤੁਮੈ ਕਹੋਂ ਸਾਚੁ ਪਿਖੇ ਸੁ ਵਿਦੇਹ ਕੁਮਾਰੀ । ਬੈਠ ਬਿਚਾਰ ਕਰੋ  
 ਸਗਲੇ ਜਿਹ ਭਾਂਤਿ ਪਰੇ ਤੁਮ ਸਾਗਰ ਪਾਰੀ ॥ ੪੧ ॥ ਜਿਹ  
 ਨਾਮ ਭਜੇ ਜਗ ਸਿੰਧਤਰੇ ਖਲ ਪਾਵਤ ਹੈਂ ਪਦ ਰਾਮ ਮੁਰਾਰੇ ।  
 ਤੁਮ ਤਾਂ ਜਗਨਾਥ ਕੇ ਦੂਤ ਭਏ ਅਤਿ ਸੇਵਕ ਰਾਮਕੇ ਨੀਤ  
 ਪਿਯਾਰੇ । ਤੁਮ ਕਿਉਂ ਬਲ ਧਾਰਤ ਨਾਂ ਤਨਮੈ ਲਘੁ ਨੀਰਧ



ਕੋ ਨਹਿ ਪਾਵਹਿ ਪਾਰੇ । ਇਹ ਭਾਂਤਿ ਬਖਾਨ ਗਏ ਨਭ ਮੈਂ  
ਜਨਕਾ ਤਨਜਾ ਸਗਲੀ ਕਹਿ ਸਾਰੇ ॥ ੪੨ ॥ ਇਤਿ ਸ੍ਰੀ  
ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸੁਰ ਸੰਬਾਦੇ ਕਿਸ  
ਕਿਧਾ ਕਾਂਡੇ ਅਸ਼੍ਰਮੇ ਧਰਮਾਇ ॥ ੯ ॥

ਸ੍ਰੀ ਮਹਾਂਦੇਵ ਉਵਾਚ ॥ ਸਵੈਯਾ ॥

ਖਗਰਾਜ ਗਏ ਨਭਿ ਮੰਡਲ ਮੈਂ ਹਰਖੇ ਕਪਿ ਪੁੰਗਵ ਤੇ  
ਮਨਮਾਹੀਂ । ਉਤਸਾਹੁ ਬਢਯੋ ਸੀਯ ਦੇਖਨ ਕੋ ਤਟਿ ਨੀਰਧ  
ਬੋਲ ਉਠੇ ਮੁਖ ਮਾਹੀਂ । ਝਖ ਮੀਨਤਿ ਮੰਗਲ ਪੂਰ ਰਹਯੋ  
ਜਿਹ ਪੇਖਤ ਜੀਵ ਡਰੇ ਤਨ ਮਾਹੀਂ । ਜਨੁ ਆਹਿ ਅਕਾਸ਼  
ਗੰਭੀਰ ਬਡੋ ਕਪਿ ਪੈਂਠ ਸਕੇ ਨਹਿ ਕੋ ਤਿਨ ਮਾਹੀਂ ॥ ੧ ॥  
ਆਪਸ ਮੈਂ ਕਪਿ ਦੇਖ ਤਬੈ ਕਿਹ ਭਾਂਤਿ ਤਰੇ ਮੁਖ ਕੀਨ ਉਚਾਰੇ ।  
ਅੰਗਦ ਬੋਲਿ ਉਠੇ ਤਬਹੀਂ ਕਪਿ ਆਜ ਸੁਨੋ ਤੁਮ ਵਾਕ ਹਮਾਰੇ ।  
ਹੋ ਬਲਿਵੰਤ ਸਭੈ ਕਪਿ ਬੀਰ ਮਹਾਂ ਕ੍ਰਿਤ ਵਿਕ੍ਰਮ ਆਹਿ ਤੁਮਾਰੇ  
। ਕੋਨ ਕਰੇ ਰਘੁਬੀਰ ਕੇ ਕਾਰਯ ਜਾਇ ਉਲੰਘ ਸੁ ਸਾਗਰ  
ਪਾਰੇ ॥ ੨ ॥ ਸੰਕਰਛੰਦ ॥ ਸੁਗ੍ਰੀਵ ਆਇਸ ਪਾਇਕੈ ਇਨ  
ਬਾਨਰਾਂ ਦੇ ਪ੍ਰਾਣ । ਮਮ ਉਠ ਆਗੇ ਹੋਇ ਠਾਂਢੇ ਜੇ ਅਹੇ  
ਬਲਿਵਾਨ । ਬਾਨਰਾਂਕੇ ਪ੍ਰਾਣ ਰਾਖੇ ਰਾਮ ਕਪਿ ਸਿਰਦਾਰ । ਵਹਿ  
ਹੋਇ ਪਾਲਕ ਸਰਬ ਕੋ ਨਹਿ ਯਾਹਿ ਬੀਚ ਬਿਚਾਰ ॥ ੩ ॥  
ਇਹ ਭਾਂਤਿ ਅੰਗਦ ਬੋਲਿ ਸੁਨ ਕਪਿ ਰਹੇ ਮੋਨਿ ਸੁ ਹੋਇ ।  
ਮੁਖ ਹੇਰ ਹੈਂ ਤੇ ਪਰਸ ਪਰ ਨਹਿ ਬੋਲਿ ਹੈ ਕਪਿ ਕੋਇ ।



ਫੇਰ ਅੰਗਦ ਬੋਲਿਓ ਦੈ ਬਾਨਰਾਂ ਸਨਮਾਨ । ਸੁਗ੍ਰੀਵ ਕਾਰਯ  
 ਸਿਧ ਹਿਤ ਬਲ ਕਰੇ ਮੋਹਿ ਬਖਾਨ ॥ ੪ ॥ ਕੌਨ ਕਾਰਯ  
 ਕਰੇਂਗੇ ਹਮ ਲੇਹ ਆਪ ਪਛਾਨ । ਯੁਵ ਰਾਜਕੇ ਯਹਿ ਵਾਕ ਸੁਨ  
 ਬਲ ਲਗੇ ਕਰਨ ਬਖਾਨ । ਦਸ ਬੀਸ ਐ ਪੁਨਿ ਤੀਸ  
 ਚਾਲੀ ਕਹੇ ਏਕ ਪਚਾਸ । ਸਾਠ ਸੱਤਰ ਯੋਜਨਾਂ ਪੁਨਿ ਕਰੇਂ  
 ਏਕ ਪ੍ਰਕਾਸ਼ ॥੫॥ ਅੱਸੀ ਤਾਂ ਨੱਬੇ ਜੋਜਨਾ ਕਪਿ ਕਹਯੋ ਨਿਜ  
 ਬਲ ਸਾਰ । ਸੁਨਿ ਜਾਂਮਵਾਨ ਬਲੋਕ ਨਾਇਕ ਕੀਨ ਏਹ  
 ਉਚਾਰ । ਸੋ ਯੋਜਨਾ ਤੇ ਨੂੰਨ ਮੈਂ ਕਛੁ ਜਾਉਂ ਬਾਨਰ ਛਾਲ  
 । ਜਬ ਭਏ ਪੂਰਬ ਵਾਮਨਾ ਤਬ ਕਰੇ ਕਰਮ ਬਿਸਾਲ ॥ ੬ ॥  
 ਬਲਿ ਭੂਮਿ ਮਾਪੀ ਪਾਦ ਤ੍ਰੈ ਖਿਨ ਰਹੇ ਹਰਿਠਹਿਰਾਇ । ਇੱਕੀਸ  
 ਵਾਰ ਸੁ ਭੂਮਿ ਫਿਰ ਮੈਂ ਦਈ ਡਿੰਡਭ ਵਾਇ । ਅਬ ਭਯੋ ਬੂਢੇ  
 ਸ਼ਕਤਿ ਨਹਿ ਕਿਹ ਭਾਂਤਿ ਲਾਂਘੋਂ ਵਾਰ । ਅੰਗਦ ਬਖਾਨਯੋ  
 ਬਹੁਰ ਦਲ ਮੈਂ ਜਾਉਂ ਜਲ ਨਿਧ ਪਾਰ ॥੭॥ ਫਿਰ ਆਵਨੇ  
 ਕੀ ਸ਼ਕਤਿ ਹੋਇ ਨ ਹੋਇ ਗਤਿ ਕਰਤਾਰ । ਸੁਨਿ ਬਾਤ  
 ਤਾਕੀ ਜਾਂਬਵਾਨ ਸੁ ਆਪ ਕੀਨ ਉਚਾਰ । ਯਦਪ ਸਮਰਥ  
 ਸੁ ਤੂੰ ਅਹੇ ਤਵ ਭੇਜਨੋ ਨਹਿ ਸਾਰ । ਬਲਿਵਾਨ ਸੁੰਦਰ ਬਾਲੀ  
 ਕੋ ਸੁਤ ਸੈਨ ਐ ਸਿਰਦਾਰ ॥ ੮ ॥ ਅੰਗਦੋ ਵਾਰ ॥ ਸ਼ੰਕਰ  
 ਛੰਦ ॥ ਜੇ ਭੇਜਨੋ ਨਹਿ ਮੋਹਿਕੇ ਪੁਨਿ ਲੇਹੁ ਦਰਭਿ ਬਿਛਾਇ  
 । ਨਹਿ ਕਾਜ ਕੀਨੋ ਕਿਨੈ ਜੀਵਨ ਤਜੇ ਪ੍ਰਾਨ ਚਢਾਇ । ਜਾਂਬ  
 ਵਾਨ ਬਖਾਨਿਓ ਸੁਤ ਦੇਂਉ ਤੋਹਿ ਦਿਖਾਇ । ਜੋ ਕਰੇ ਕਾਰਯ  
 ਆਪਨੋ ਬਲਿ ਦੇਹਿ ਤਾਹਿ ਪਠਾਇ ॥ ੯ ॥ ਇਹ ਭ੍ਰਾਂਤਿ ਭ੍ਰਾਖ



ਭਲੂਖ ਪਤਿ ਸੁ ਬੁਲਾਇਓ ਹਨੂਮਾਨ । ਸੁਤਿ ਕਿਉਂ ਸੁ ਮੋਨੀ  
 ਤੂੰ ਭਯੋ ਯਹਿ ਆਹਿ ਕਾਜ ਮਹਾਨ । ਅਗਿ ਜਿਉਂ ਨਹਿ,  
 ਮੋਨਿ ਧਾਰੋ ਬਲਿ ਦਿਖਾਵਹੁ ਆਪ । ਬਲਵੰਤ ਵਾਯੁ ਕੁਮਾਰ  
 ਤੂੰ ਪੁਨਿ ਵਾਯੁ ਸਮ ਪਰਤਾਪ ॥ ੧੦ ॥ ਰਾਮ ਕਾਰਯ ਹੇਤ  
 ਤੂੰ ਉਪਜਿਓ ਮਹਾਂ ਤੁਮ ਬੀਰ । ਜਨਮ ਕਾਲ ਨਿਹਾਰਿਓ  
 ਰਵਿ ਉਦੇ ਜਿਉਂ ਮੁਖ ਕੀਰ । ਫਲ ਪੱਕ ਜਾਨ ਸੁ ਖਾਂਨ ਹਿਤ  
 ਤੂੰ ਗਯੋ ਗਗਨ ਮਝਾਰ । ਅਤਿ ਬਾਲ ਜੋਜਨ ਪਾਂਚ ਸੈ ਪੁਨਿ  
 ਗਿਰਜੋ ਤੂੰ ਧਰ ਭਾਰ ॥ ੧੧ ॥ ਤੁਹਿ ਦੇਹਿ ਕੇ ਬਲਿ ਕੋਨ  
 ਭਾਖੇ ਬਰਨਿਓ ਨਹਿ ਜਾਇ । ਉਰ ਰਾਮ ਕਾਰਜ ਕੀਜੀਏ  
 ਹਮ ਲੇਹੁ ਆਜ ਬਰਾਇ । ਜਾਂਬਵੰਤਿ ਕੇ ਵਾਕ ਸੁਨਿ ਹਨੂਮਾਂਨ  
 ਹਰਖ ਅਖੰਡ । ਸਿੰਘ ਨਾਦ ਸੁ ਕੀਨ ਇਮ ਜਨੁ ਫੋੜ ਹੈ  
 ਬ੍ਰਹਮੰਡ ॥ ੧੨ ॥ ਗਿਰਕੇ ਸਮਾਨ ਸੁ ਹੋ ਗਿਓ ਜਨੁ ਬਢੀ ਬਾ  
 ਵਨ ਦੇਹ । ਹਨੂਮਾਨ ਬੋਲੇ ਬਾਨਰੋ ਤੁਮ ਸੁਨੋ ਮੇ ਬਚ ਏਹ ।  
 ਮੈਂ ਲੰਘ ਜਲਨਿਧ ਪਾਰ ਲੰਕਾ ਭਸਮ ਛਾਰ ਉਡਾਇ । ਲੈ  
 ਆਉਂ ਸੀਤਾ ਰਾਮ ਕੀ ਕੁਲ ਸੰਗ ਰਾਵਣ ਘਾਇ ॥ ੧੩ ॥  
 ਕੈ ਬਾਂਧਿ ਰਾਵਣ ਜੇਵਰੀ ਗਲਿ ਧਾਰ ਬਾਵੇਂ ਹਾਥ । ਗਿਰ  
 ਸੈਹਤ ਪੁਰੀ ਉਠਾਇਕੈ ਤਹਿ ਧਰੇਂ ਜਹਿੰਰਘੁਨਾਥ । ਕੈ ਦੇਖ  
 ਆਵੇਂ ਜਾਨਕੀ ਜਿਹ ਹੇਤ ਭੇਜੇ ਰਾਮ । ਸੁਨਿ ਵਾਕ ਬੋਲੇ ਰਿਛ  
 ਪਤਿ ਤੁਮ ਕਰੋ ਏਹੀ ਕਾਮ ॥ ੧੪ ॥ ਦੇਖ ਆਵੇ ਜਾਨਕੀ ਕਲਿ  
 ਆਣ ਤੇਰੀ ਆਹਿ । ਵਹਿ ਜੀਵਤੀ ਹੈ ਲੋਕ ਮੈ ਕੈ ਜੀਵਤੀਹੈ  
 ਨਾਹਿ । ਪੁਨਿ ਰਾਮ ਸੋਂ ਮਿਲ ਭੁਜਾਕੋ ਬਲ ਕੀਜੀਏ ਰਣਬੀਰ



॥ ਜਾਹਿ ਤੇ ਕਲਜਾਨ ਪੇਖੈ ਬੇਗ ਪੂਤ ਸਮੀਰ ॥ ੧੫ ॥ ਰਾਮ  
 ਕਾਰਯ ਹੇਤ ਜਾਤੇ ਵਾਯੁ ਪੀਛੇ ਹੋਇ । ਅਸੀਸਦੈ ਕਪਿ ਮੋਰ  
 ਭੇਜਯੋ ਬਿਘਨ ਹੋਇ ਨ ਕੋਇ । ਮਹੇਂਦ੍ਰ ਗਿਰ ਕੈ ਸੀਸ ਚਫ  
 ਕਪਿ ਭਯੋ ਅਧਭੁਤ ਰੂਪ । ਨਗਿੰਦ੍ਰ ਸੋ ਤਨ ਸੋਭਈ ਪੁਨਿ  
 ਹੇਮ ਵਰਨ ਅਨੂਪ ॥ ੧੬ ॥ ਮੁਖਲਾਲ ਜਯੋਂ ਫਲ ਬਿੰਬ ਕੋ  
 ਭੁਜ ਪ੍ਰਾਸ ਜਯੋਂ ਅਹਿ ਸ਼ੇਸ਼ । ਇਹ ਭਾਂਤਿ ਭਯੋ ਸੁ ਵਾਯੁ ਸੁਤ  
 ਤਿਹ ਪਿਖੇ ਭੁਤ ਅਸੇਸ ॥ ਉਮਾ ਸੀਤਾ ਸਾਰ ਹਿਤ ਕਪਿ ਭਯੇ  
 ਰੂਪ ਬਿਸਾਲ । ਗਿਰਜਾਭਯੇ ਜਸ ਤਿਲਕਤਾਂ ਖਿਣ ਅੰਜਨੀ  
 ਕੇ ਬਾਲ ॥ ੧੭ ॥ ਚੌਪਈ ॥ ਕਿਸਕਿੰਧਾ ਕਾਂਡ ਕਥਾ ਥੀ  
 ਜੋਈ । ਕਹੀ ਗੁਲਾਬਸਿੰਘ ਸਭ ਸੋਈ ॥ ਯਾਕੋ ਪਢੇ ਸੁ ਪ੍ਰੇਮ  
 ਲਗਾਇ । ਰਾਮ ਭਗਤਿ ਉਪਜੇ ਉਰ ਆਇ ॥ ੧੮ ॥ ਇਤਿ  
 ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸੁਰ ਸੰਬਾਦੇ  
 ਕਿਸਕਿੰਧਾ ਕਾਂਡੇ ਨਵਮੇ ਧਿਆਇ ਸੰਪੂਰਣੇ ॥ ੯ ॥

॥ ਅਥ ਸੁੰਦਰ ਕਾਂਡ ਲਿਖਯਤੇ ॥

॥ ਵੋਹਰਾ ॥

ਸੀਤਾ ਸੋਧੀ ਲੰਕਮੇਂ ਰਾਵਣ ਨਗਰ ਜਰਾਇ । ਜਾਹਿਸੁਨਾਯੋਆ  
 ਇ ਹਰਿ ਤਾਹਿ ਨਮੋਂ ਰਘੁਰਾਇ ॥੧॥ ਸਵੈਯਾ ॥ ਮਕਰਾ ਉਰਗਾ  
 ਜਿਹਮਾਹਿ ਘਨੇ ਸਤਯੋਜਨ ਹੈ ਜਿਨ ਕੋ ਬਿਸਥਾਰਾ । ਜਲ ਸਾ  
 ਗਰ ਲਾਂਘਨ ਚਾਹਤ ਹੈ ਗਿਰਜਾ ਕਪਿ ਮਾਹਿੰਸੁਵਾਯੁ ਕੁਮਾਰਾ ।  
 ਰਘੁਬੀਰਕੋ ਧਯਾਨ ਧਰਯੋ ਉਰਮੈਂ ਹਨੁਮਾਨ ਤਬੈ ਇਹ ਵਾਕ



ਉਚਾਰਾ। ਸਭ ਬਾਨਰ ਨੈਨਨ ਆਜੁ ਪਿਖੇ ਨਭਿ ਭੀਤਰਿ ਬੇ  
ਗਸੁ ਗੋਣੁ ਹਮਾਰਾ॥੨॥ ਕਬਿੱਤ॥ ਅਮੋਘ ਬਾਨਕੇ ਸਮਾਨ ਜਾ  
ਉਂਮੈ ਗਗਨ ਮੈਂ ਸੁ ਚਾਹਿਮਨ ਐਸੀ ਸੀਯ ਅਬਹੀ ਨਿਹਾਰੀਏ।  
ਹੋਵਗੁ ਕ੍ਰਿਤਾਰਥ ਸੁ ਪੇਖ ਪਦ ਸੀਯ ਪੁਨ ਕਰੋਂ ਕਾਜ ਬੇਗ ਨਹਿ  
ਢੀਲ ਸੁ ਉਚਾਰੀਏ। ਪ੍ਰਾਣ ਅੰਤ ਨਾਮ ਇਕ ਬਾਰਹੀ ਉਚਾਰੇ  
ਗਿਨ ਤਰੇ ਨਰ ਨਾਰਿ ਭਵ ਸਾਗਰ ਅਪਾਰੀਏ। ਤਿਨਹੀ ਕੋ  
ਦੂਤ ਮਮ ਮੁੰਦਰੀ ਉਤਾਰ ਦਈ ਰਾਮ ਉਰ ਧਾਰਿ ਕਿਉ ਨ  
ਤਰੇ ਭਵ ਵਾਰੀਏ॥੩॥ ਸਵੈਯਾ॥ ਇਹ ਭਾਂਤਿ ਬਖਾਨ ਤਬੈ  
ਹਨੁਮਾਨ ਪਸਾਰ ਭੁਜਾ ਅਤਿ ਪੁੰਛ ਬਢਾਈ। ਰਿਜੁ ਕੰਧਰ  
ਡੀਠ ਅਕਾਸ਼ ਧਰੀ ਪਦ ਆਪਸ ਮੈ ਯੁਗਲੀਨ ਮਿਲਾਈ॥  
ਦਿਸ ਦੱਛਨ ਕੂਦ ਅਕਾਸ਼ ਚਢੈ ਬਲ ਵਾਯੁ ਸਮਾਨ ਭਯੋ  
ਅਧਿਕਾਈ। ਗਤਿ ਦੇਵ ਨਿਹਾਰ ਭਏ ਬਿਸਮੈਂ ਕਪਿ ਕੁੰਜਰ  
ਕੀ ਗਣਿ ਠਾਇਕ ਮਾਈ॥੪॥ ਜਬ ਜਾਵਤ ਵਾਯੁ ਸਮਾਨ  
ਪਿਖੇ ਕਪਿ ਦੇਵਨ ਤੇ ਮਨ ਏਹ ਬਿਚਾਰੀ। ਮਤਿ ਯਾਹਿ  
ਪਰੀਖਣ ਆਜ ਕਰੋਂ ਸੁਰ ਮੰਡਲ ਯੋਂ ਮੁਖਿ ਮਾਹਿ ਉਚਾਰੀ  
। ਬਲਵੰਤ ਮਹਾਂ ਕਪਿ ਜਾਵਤਿਏ ਸੁ ਸਦਾ ਗਤਿ ਕੇ ਸਮਹੈ  
ਬਲਕਾਰੀ। ਗਢ ਲੰਕ ਪ੍ਰਵੇਸ਼ ਕੇ ਲਾਇਕ ਹੈ ਕਿ ਨਹੀਂ  
ਇਹ ਜਾਨਨ ਚਾਹਿ ਹਮਾਰੀ॥੫॥ ਇਹ ਭਾਂਤਿ ਬਿਚਾਰ ਸੁ  
ਨਾਗਨ ਕੀ ਜਨਨੀ ਸੁਰਸਾ ਜਿਹਭਾਖਤ ਨਾਮਾ। ਸੁਰਕੋਤਕ  
ਵੰਤ ਕਹਯੋ ਤਿਨਕੇ ਸੁਨਿ ਮਾਤ ਕਰੋ ਤੁਮ ਏਹੁ ਸੁ ਕਾਮਾਂ।  
ਬਿਘਨਾਂ ਕਰੀਏ ਪਥਿ ਜਾਇ ਅਬੈ ਕਪਿ ਜਾਵਤ ਏਹੁ ਹਨੁਮਤ



ਨਾਂਮਾ । ਬਲ ਬੁੱਧਿ ਨਿਹਾਰ ਸੁ ਯਾ ਕਪਿ ਕੀ ਫਿਰ ਆਹੁ  
 ਤੁਰਾ ਕਰ ਆਪਨ ਧਾਮਾ ॥ ੬ ॥ ਸ਼ੰਕਰ ਛੰਦ ॥ ਇਹ ਵਾਕ  
 ਸੁਨਿ ਕੈ ਬੇਗ ਦਉਰੀ ਬਿਘਨ ਹਿਤ ਹਨੁਮਾਨ । ਰੋਕਿ ਮਾਰਗ  
 ਕੀਸ ਕੋ ਮੁਖ ਏਹ ਕੀਨ ਬਖਾਨ । ਮਤਿਵੰਤ ਤੂੰ ਮੁਖਿ  
 ਮਾਹਿ ਮੇਰੇ ਪਰੇ ਭਾਖੋਂ ਤੋਹਿ । ਦੇਵਤਾ ਰਚ ਭੁੱਖ ਦੀਨੋ ਖੁਧਾ  
 ਲਾਗੀ ਮੋਹਿ ॥ ੭ ॥ ਹਨੁਮਾਨ ਭਾਖਯੋ ਮਾਤ ਮੈ ਅਬ ਰਾਮ  
 ਕਾਰਯ ਜਾਉਂ । ਜਾਨਕੀ ਕੀ ਸਾਰ ਲੋ ਗਢ ਲੰਕ ਤੇ ਪੁਨਿ  
 ਲਯਾਉਂ । ਸੀਯ ਕੁਸਲ ਰਾਮ ਬਖਾਨ ਕੈ ਸਭ ਸਾਰ ਤਾਹਿ  
 ਸੁਨਾਇ । ਪਦ ਬੰਦਨਾਂ ਅਭ ਭਾਖਹੋ ਫਿਰ ਪਰੋਂਗੋ ਮੁਖ ਆਇ  
 ॥ ੮ ॥ ਸੁਰਸਾਸ ਸੁਨਿਕੈ ਵਾਕ ਯੋ ਪੁਨਿ ਕੀਨ ਆਪ ਬਖਾਨ ।  
 ਕਹਿ ਜਾਹਿ ਤੂੰ ਕਰ ਬੰਦਨਾਂ ਮਮ ਆਹਿ ਭੂਖ ਮਹਾਂਨ । ਪ੍ਰਵੇਸ਼  
 ਕਰ ਮੁਖ ਜਾਹਿ ਤੂੰ ਨਹਿ ਖਾਉਂਗੀ ਬਲਧਾਰ । ਸੁਨਿਬੋਲਿਯੋ  
 ਹਨੁਮਾਨ ਮਾਤ ਸੁ ਲੇਹੁ ਬਦਨ ਪਸਾਰ ॥ ੯ ॥ ਪ੍ਰਵੇਸ਼ ਮੁਖਕੇ  
 ਮਾਹਿ ਕਰ ਮੈਂ ਜਾਉ ਕਾਂਨ ਮਹਾਂਨ । ਇਮ ਭਾਖ ਯੋਜਨ ਦੇਇ  
 ਕੋ ਤਨ ਕੀਨ ਤਬ ਹਨੁਮਾਨ । ਸੁਰਸਾਸ ਯੋਜਨ ਪੰਚਕੋ ਮੁਖ  
 ਕੀਨ ਹਨੁਮਤ ਪੇਖ । ਦਸ ਯੋਜਨਾਂ ਹਨੁਮਾਨ ਰੂਪ ਸੁ ਕਰਯੋ  
 ਆਪ ਬਿਸੇਖ ॥ ੧੦ ॥ ਮੁਖ ਬੀਸ ਯੋਜਨ ਕੇ ਕਰੇ ਸੁਰਸਾਸੁ  
 ਨਾਗਨ ਮਾਤ । ਤੀਸ ਯੋਜਨ ਕੇ ਭਏ ਹਨੁਮਾਨ ਤਬ ਬਿ  
 ਖਿਆਤ । ਪੰਚਾਸ ਯੋਜਨ ਕੇ ਜਬੈ ਸੁਰਸਾਸੁ ਮੁਖ ਬਿਸਤਾਰ ।  
 ਹਨੁਮਾਨ ਤਬ ਪੁਨਿ ਹੋਇਯੋ ਅੰਗੁਸ਼੍ਰੁ ਸੇ ਆਕਾਰ ॥ ੧੧ ॥  
 ਪ੍ਰਵੇਸ਼ ਕਰ ਮੁਖ ਨਿਕਸਿਯੋ ਪੁਨਿ ਖੜੇ ਆਗੇ ਆਇ । ਪ੍ਰਵੇਸ਼



ਕਰ ਮੁਖਨਿਕਸਿਓ ਤਵ ਮਾਤ ਲਾਗੋਂ ਪਾਇ । ਇਹ ਭਾਂਤਿ  
 ਭਾਖਤ ਵਾਯੁ ਸੁਤ ਪਿਖ ਤਾਹਿ ਕੀਨ ਉਚਾਰ । ਜਾਹਿ ਰਾਮ  
 ਸੁ ਕਾਜ ਕਰਤੇ ਆਹਿ ਬੁਧਿ ਉਦਾਰ ॥ ੧੨ ॥ ਦੇਵਤਾਨੈ ਮੈਂ  
 ਪਠੀ ਤਵ ਜੋਰ ਜਾਨਣ ਕਾਜ । ਜਾਹਿ ਸੀਯ ਨਿਹਾਰਿਕੇ ਪੁਨਿ  
 ਦੇਖਿ ਹੈਂ ਰਘੁਰਾਜ । ਗਈ ਦੇਵ ਸੁ ਲੋਕ ਮੈਂ ਇਮ ਭਾਖ ਨਾ  
 ਗਨ ਮਾਤ । ਹਨੂਮਾਨ ਖਗੋਸ਼ ਜਿਉਂ ਪੁਨਿ ਗਇਓ ਮਾਰਗ  
 ਵਾਤ ॥ ੧੩ ॥ ਮੈਨਾਕ ਪਰਬਤ ਕਾਂਚ ਨੇ ਪੁਨਿ ਕੀਨ ਜਲਧ  
 ਉਚਾਰ । ਜਾਤ ਹੈ ਬਲਵੰਤ ਏਹ ਸੁ ਪੇਖ ਪੌਣ ਕੁਮਾਰ । ਰਾਮ  
 ਕਾਰਯ ਹੋਤ ਜਾਵੇ ਕਰੋ ਤਾਹਿ ਸਹਾਇ । ਸਗਰ ਪੂਤਨ ਮੈ  
 ਜੁ ਬਾਂਧਯੋ ਨਾਮ ਸਾਗਰ ਪਾਇ ॥ ੧੪ ॥ ਭਏ ਤਿਨਕੇ ਵੰਸ  
 ਮੈਂ ਯਹਿ ਰਾਮ ਵਸਰਥ ਪੂਤ । ਤਿਨ ਕਾਜ ਹਿਤ ਹਨੂਮਾਨ  
 ਜਾਵੇ ਬਲੀ ਜਯੋਂ ਪੁਰਹੂਤ । ਅਬ ਬੇਗ ਜਲ ਤੇ ਉਠੀਯੇ  
 ਵਿਸ੍ਵਾਮ ਕਰੀਯਹਿ ਜਾਇ ॥ ਜਲ ਮਧ ਤੇ ਨਗ ਨਿਕਸਿਓ  
 ਬਹੁਸਿਖਰ ਰੂਪ ਬਣਾਇ ॥ ੧੫ ॥ ਮਣ ਸਿੰਗ ਸੋਭੇ ਤਾਹਿਕੇ  
 ਪੁਨਿ ਆਪ ਧਾਰ ਅਕਾਰ । ਮੈਨਾਕ ਤਬ ਹਨੂਮਾਨ ਕੋ ਮੁਖ  
 ਏਹ ਕੀਨ ਉਚਾਰ । ਸਮੁੰਦ੍ਰ ਮੋਕੋ ਭਖਿਓ ਕਪਿ ਤੇ ਵਿਸ੍ਵਾਮ  
 ਸੁ ਕਾਜ । ਸੁਧਾ ਸੇ ਫਲ ਪਾਕਿਯਾ ਤੁਮ ਖਾਇ ਜਾਵੇ ਆਜ ।  
 ੧੬ ॥ ਵਿਸ੍ਵਾਮ ਖਿਣਕ ਸੁ ਕੀਜੀਓ ਪੁਨਿ ਜਾਹਿ ਸਿਖਰ  
 ਪਧਾਰ । ਹਨੂਮਾਨ ਸੁਨਿਕ ਵਾਕ ਤਾਕੈ ਏਹੁ ਕੀਨਉਚਾਰ ॥  
 ਕਿਹ ਭਾਂਤਿ ਭੋਜਨਮੈਕਰੋ ਨਗ ਜਾਉ ਰਾਮ ਕਿ ਕਾਜ । ਬਿਸ੍ਵਾਮ  
 ਮੋ ਨਹਿ ਕਾਲ ਮੋਕੋ ਬੇਗ ਜਾਵੇ ਆਜ ॥ ੧੭ ॥ ਇਹ ਭਾਂਤਿ



ਭਾਖ ਛੁਹਾਇ ਗਿਰ ਸਿਰਹਾਥਪੋਨਕੁਮਾਰ । ਕਛੁ ਦੂਰ ਆਗੇ ਜੋ  
 ਗਯੋ ਤਿੰਹ ਭਯੋ ਬਿਘਨ ਅਪਾਰ । ਰਾਹੁ ਮਾਤਾ ਸਿੰਘਿ ਕਾ  
 ਤਿਹ ਗਹੀ ਤਾਕੀ ਛਾਹਿ । ਘੋਰ ਰੂਪਾ ਰਾਕਸੀ ਜਲ ਮੱਧ ਵਾਸਾ  
 ਆਹਿ ॥ ੧੮ ॥ ਅਕਾਸ਼ ਗਾਮੀ ਛਾਇ ਗਹਿ ਪੁਨਿ ਲਏ  
 ਤਾਂਕੋ ਖਾਇ । ਤਿਨ ਗਹੇ ਹਨੁਮਤ ਜਾਵਤੇ ਉਰ ਚਿੰਤ ਉਪਜੀ  
 ਆਇ । ਕਿਨ ਬੇਗ ਮੇਰਾ ਰੋਕਿਓ ਯਹਿ ਬਿਘਨ ਕਾਰੀ ਕੋਇ  
 । ਵਿਸਮਤਾ ਉਰਮੈਂ ਭਈ ਨਹਿ ਵੇਖਿਓ ਅਬ ਸੋਇ ॥ ੧੯ ॥  
 ਇਹਚਿੰਤ ਕਰ ਹਨੁਮਾਨ ਨੀਚੇ ਨੀਰ ਦ੍ਰਿਸ਼ ਪਸਾਰ । ਵਹਿ  
 ਘੋਰ ਰੂਪੀ ਸਿੰਘਕਾ ਜਲ ਮਾਂਹਿ ਲਈ ਨਿਹਾਰ । ਕਪਿ ਬੇਗ  
 ਦੋਰ ਸੁ ਨੀਰ ਮੈਂ ਹਨਿ ਪਾਦ ਪ੍ਰਾਣ ਨਿਕਾਰ । ਦਿਸ ਦੱਖਣੈ  
 ਪੁਨਿ ਕੂਦਕੈ ਕਪਿ ਗਯੋ ਗਗਨ ਮਝਾਰ ॥ ੨੦ ॥ ਦੇਖਕੂਲਸਮੁੰਦ  
 ਕੇ ਪੁਨਿ ਪਰੋ ਹਨੁਮਤਿ ਜਾਇ । ਬਹੁ ਭਾਂਤਿ ਪੰਖੀ ਬੋਲਹੀ  
 ਦੁਮਿ ਰਹੇ ਪਰਬਤ ਛਾਇ । ਫਲ ਭਾਰ ਸੇਂ ਤਰ ਭੂਮਿ ਲਟਕੇ  
 ਲੱਤਾ ਫੂਲ ਅਪਾਰ । ਤ੍ਰਿਕੂਟ ਗਿਰਕੇ ਸਿਖਰ ਮੈਂ ਪੁਨਿ ਪਿਖੇ  
 ਨਗਰ ਉਦਾਰ ॥ ੨੧ ॥ ਪਰਕਾਰ ਬਹੁ ਬਿਧਿ ਸੋਭਈ ਅਤਿ  
 ਨਿਮਨ ਪਰਖਾ ਆਇ । ਅਸ ਲੰਕ ਮੈ ਕਹਿ ਭਾਂਤਿ ਪੈਠੋਂ ਚਿੰਤ  
 ਜੋ ਮਨ ਮਾਹਿ । ਰਾਤਿ ਸੂਖਮ ਰੂਪਕਰ ਮੈਂ ਬਰੋਂ ਲੰਕ ਮਝਾਰ  
 । ਪ੍ਰਵੇਸ਼ ਯਾਮੈ ਕਠਨਿ ਹੈ ਰਾਵਨ ਕਰੈ ਪ੍ਰਤਿ ਪਾਰ ॥ ੨੨ ॥  
 ਇਹ ਭਾਂਤਿ ਚਿੰਤ ਸੁਚੀਤ ਮੈਂ ਤਹਿ ਰਹਯੋ ਠਾਢੇ ਹੋਇ । ਰਵਿ  
 ਦੁਰੇ ਨਿਸਾ ਨਿਹਾਰਕੈ ਕਪਿ ਚਾਲਿਓ ਪੁਨਿ ਸੋਇ । ਧਰ ਰੂਪ  
 ਸੂਖਮ ਘੋਰ ਪੁਰ ਮੈਂ ਬਰੇ ਕਪਿ ਬਲਵਾਨ । ਤਹਿ ਪੁਰੀ ਲੰਕਾ



ਰਾਕਸ਼ੀ ਧਰ ਵੇਸ਼ ਥੀ ਦਰਵਾਨ ॥ ੨੩ ॥ ਪੇਖਤਿਨ ਹਨੁਮਾਨ  
 ਕੋ ਅਤਿ ਝਾਂਟ ਕੀਨ ਬਖਾਨ । ਤੁਮ ਕੋਨ ਬਾਨਰ ਰੂਪ ਧਰ  
 ਕਰ ਲੰਕਨੀ ਅਪਿਮਾਨ । ਕਿਯ ਕਰਨਕੋ ਉਰ ਚਾਹਤੇ ਧਰ  
 ਚੇਰ ਜਿਉ ਪੁਰਿ ਰਾਤ । ਇਮ ਭਾਖਿ ਨੈਨ ਸੁ ਲਾਲ ਕੀਨੇ  
 ਹਨੀ ਕਪਿ ਕੋ ਲਾਤਿ ॥ ੨੪ ॥ ਹਨੁਮਾਨ ਵਜ੍ਞ ਸਮਾਨ ਮੁ-  
 ਸ਼ਟੀ ਵਾਂਮ ਮਾਰੀ ਤਾਂਹਿ । ਗਿਰੀ ਧਰਮੈ ਸ਼ੋਣ ਤੇ ਪੁਨਿ ਵਮੈ  
 ਤੇ ਮੁਖ ਮਾਂਹਿ । ਉਠ ਲੰਕ ਭਾਖਯੋ ਤਾਂਹਿ ਕੋ ਹਨ ਮੰਤਿ ਕਪਿ  
 ਬਲਵਾਨ । ਨਿਸ ਪਾਪ ਲੰਕਾਤੈ ਜਿਨੀ ਅਬਿ ਜਾਂਹਿ ਤੇ ਕਲ-  
 ਯਾਨ ॥ ੨੫ ॥ ਬਿਧ ਮੋਹ ਪੂਰਬ ਭਾਖਿਓ ਜੁਗ ਜਾਂਹਿ ਜੋ  
 ਚੌਬੀਸ । ਤੇਤਾ ਜੁਗ ਅਜ ਨੰਦਨੇ ਘਰ ਰਾਮ ਵੈ ਜਗਦੀਸ਼ ।  
 ਯੋਗ ਮਾਯਾ ਜਾਨਕੀ ਵੈ ਜਨਕ ਭੋਨ ਮਝਾਰ । ਬੇਨਤੀ ਮੈ ਹੈ  
 ਕਰੀ ਵਹਿ ਲਹੈਂਗੇ ਅਵਤਾਰ ॥ ੨੬ ॥ ਭੂਭਾਰ ਤਾਰਣ ਕਾਜ  
 ਹਰਿ ਵਹਿ ਭ੍ਰਾਤ ਔ ਸਹਿ ਨਾਰਿ । ਭਗਤ ਵਤਸਲ ਆਹਿੰਗੇ  
 ਵਹਿ ਰਾਮ ਵਿਪਨ ਮਝਾਰ । ਹਰਿ ਲਿਯਾਇ ਗੋ ਦਸ ਕੰਧਰੋ  
 ਬਨ ਸੀਯ ਕਪਟ ਅਨੀਤ । ਪੁਨਿ ਰਾਮ ਔ ਸੁਗ੍ਰੀਵ ਹੁਇ ਹੈਂ  
 ਸਖਾ ਨਿਰਮਲ ਚੀਤ ॥ ੨੭ ॥ ਸੀਯ ਸੋਧ ਕੋ ਕਪਿ ਭੇਜ ਹੈ  
 ਸੁਗ੍ਰੀਵ ਬੁੱਧਿ ਪ੍ਰਕਾਸ਼ । ਤਿਨ ਮਾਂਹਿ ਬਾਨਰ ਏਕ ਨਿਸ ਕੋ  
 ਆਇਗੋ ਤਵ ਪਾਸ । ਤੂੰ ਡਾਂਟ ਹੈ ਪੁਨਿ ਤਾਂਹਿ ਕੋ ਵਹਿ ਕਰੇ  
 ਮੁਸ਼੍ਰ ਪ੍ਰਹਾਰ । ਦੁਖ ਹੋਇਗੋ ਤੇ ਤਨ ਬਿਖੇ ਮੁਖ ਜਾਇ ਲੋਹੁ  
 ਧਾਰ ॥ ੨੮ ॥ ਰਾਂਵਣ ਭਬੀ ਪੁਰਿ ਮਾਰਿਯੋ ਬਿਨ ਸੰਕ ਤੂੰ  
 ਉਰਧਾਰ । ਤੁਮ ਜਿਨੀ ਲੰਕਾ ਨਗਰੀਆ ਕਪਿ ਕਹਯੋ ਬੇ ਮੁਖ



ਚਾਰ । ਦਸ ਕੰਧ ਅੰਤਰ ਪੁਰਿ ਬਿਖੇ ਇਕ ਕ੍ਰੀੜ ਕਾਂਠਨ  
 ਆਹਿ ॥ ਤਿਨ ਬੀਚ ਆਹਿ ਅਸ਼ੋਕ ਬਨਕਾ ਦਿੱਬ ਪਾਦਪ  
 ਜਾਹਿ ॥ ੨੯ ॥ ਤਿਹ ਬੀਚ ਏਕ ਸੁ ਸਿੰਸਪਾ ਤਰੁ ਆਹਿ ਰੂਪ  
 ਉਦਾਰ । ਤਿਹ ਤਰੇ ਜਨਕ ਕੁਮਾਰੀਆ ਵਿਗ ਰਾਖਸੀ ਰਖ  
 ਵਾਰ । ਤਿਹ ਪੇਖ ਬੇਗ ਸੁਜਾਇਕੈ ਕਹੁ ਰਾਮ ਕੋ ਸਭ ਸਾਰ ।  
 ਇਹ ਭਾਖ ਗਿਰਜਾ ਲੰਕਨੀ ਮੁਖ ਫੇਰ ਕੀਨ ਉਚਾਰ ॥  
 ੩੦ ॥ ਦੋਹਰਾ ॥ ਧੰਨ ਆਜ ਚਿਰਕਾਲਤੇ ਸਿੰਮ੍ਰਿਤ ਆਈ  
 ਰਾਮ । ਜਾਂਤੈ ਭਵ ਬੰਧਨ ਮਿਟੇ ਲਹੇ ਰਾਮ ਕੋ ਧਾਮ ॥ ੩੧ ॥  
 ਚੌਪਈ ॥ ਰਾਮ ਭਗਤ ਕੋ ਸੰਗਮੁ ਜੋਈ । ਦੁਰਲਭ ਭਯੋ  
 ਆਜੁ ਮੁਹਿ ਸੋਈ । ਵਾਸਰਥੀ ਰਘੁਵਰ ਸ੍ਰੀ ਰਾਮਾਂ । ਸਦਾ ਪ੍ਰਸੰਨ  
 ਰਹੇ ਰਿਦ ਧਾਮਾਂ ॥ ੩੨ ॥ ਸਵੈਯਾ ॥ ਤਟ ਸਾਗਰ ਤੇ ਜਬ ਪੈਨ  
 ਕੁਮਾਰ ਸੁ ਦੂਰ ਚਲੇ ਨਭ ਮਾਂਹਿ ਭਵਾਨੀ ॥ ਅਵਨੀ ਦੁਹਿਤਾ  
 ਦ੍ਰਿਗ ਵਾਮ ਫੁਰੇ ਅਰੁ ਰਾਵਣ ਬਾਮ ਭੁਜਾ ਫੁਰਕਾਨੀ ।  
 ਰਘੁਵੰਸ ਸਿਰੋਮਣਿ ਕੀ ਭੁਜ ਦੱਖਣ ਤਾਹਿ ਸਮੇ ਫਰਕੀ  
 ਹਰਿਖਾਨੀ । ਇਹ ਭਾਂਡਿ ਧਸੇ ਗਢ ਲੰਕ ਹਨੂੰ ਕਬਿ ਸਿੰਘ  
 ਗੁਲਾਬ ਸੁ ਕੀਨ ਬਖਾਨੀ ॥ ੩੩ ॥ ਇਤਿ ਸ੍ਰੀਮਤਿ ਅਧਯਾਤਮ  
 ਰਾਮਾਇਣੇ ਉਮਾਂ ਮਹੇਸੁਰ ਸੰਬਾਦੇ ਸੁੰਦਰ ਕਾਂਡੇ ਪ੍ਰਥਮੇ  
 ਧਰਮਾਇ ॥ ੧ ॥

ਸ੍ਰੀ ਮਹਾਂਦੇਵ ਉਵਾਚ ॥ ਸ਼ੰਕਰਛੰਦ ॥

ਤਬ ਅੰਜਨੀ ਕੇ ਪੂਤ ਰਾਤੀ ਬਰੇ ਲੰਕ ਮਝਾਰ । ਫਿਰਨ ਲਾਗੈ



ਨਗਰ ਮੈ ਧਰ ਸੁਖਮੋ ਆਕਾਰ । ਸਿਯ ਸੋਧਨੇ ਕੇ ਕਾਜ ਸੋ  
 ਪੁਨਿ ਧਸਜੇ ਭੂਪ ਨਿਵੇਸ਼ । ਨਹਿ ਪੇਖੀਯਾ ਤਹਿ ਜਾਨਕੀ  
 ਤਿਨ ਪਿਖੇ ਘਰ ਸਬ ਦੇਸ਼ ॥ ੧ ॥ ਪੁਨਿ ਲੰਕ ਬਚਨ ਚਿਤਾਰ  
 ਕਰ ਕਪਿ ਗਯੋ ਬਨ ਆਸੋਕ । ਜਾਹਿ ਸੋਭਾ ਪੇਖਕੈ ਬਨ  
 ਲਜੇ ਸੇ ਸੁਰਲੋਕ । ਦੇਵਤਾ ਬਨ ਬ੍ਰਿਖ ਲਾਗੇ ਰਤਨ ਕੀ ਸੋ  
 ਪਾਨ । ਮ੍ਰਿਗ ਬਾਲ ਜਾਮੈਂ ਖੇਲਹੈਂ ਪੁਨ ਕਰੇਂ ਪੰਖੀ ਗਾਨ  
 ॥ ੨ ॥ ਪ੍ਰਸਾਦਿ ਜਾਮੈਂ ਹੇਮਕੈ ਧਰ ਲਟੇ ਫਲ ਸੋਂ ਡਾਲ ।  
 ਸੁਧਾ ਕੇ ਰਸ ਜਾਹਿ ਸਿੰਚੇ ਦੇਵਤਾ ਅਲਬਾਲ । ਤਿਹ ਜਾਨਕੀ  
 ਕੋ ਢੂੰਡ ਹੈ ਤਰੁ ਤਰੁ ਬਿਖੇ ਹਨੂਮਾਨ । ਘਨ ਲੰਕ ਮਹਿਲ  
 ਨਿਹਾਰਿਯੋ ਤਹਿ ਜਾਹਿ ਰੂਪ ਮਹਾਂਨ ॥ ੩ ॥ ਦੇਖ ਬਿਸਮੈਂ  
 ਹੋਇਯੋ ਮਣਿ ਥੰਭ ਜਾਹਿ ਹਜ਼ਾਰ । ਤਿੰਹ ਦੇਖ ਆਗੇ ਗਯੋ  
 ਕਿੰਚਤ ਪੌਨ ਕੋ ਸੁ ਕੁਮਾਰ । ਹੇਰਿਯੋ ਤਰੁ ਸਿੰਸਪਾ ਅਤਿ  
 ਨਿਵੜਜਾਂ ਛਣਛੇਮ । ਆਤਪ ਦਿਖਾਈ ਦੇਤ ਨਹਿੰ ਖਗ ਬਣੇ  
 ਵਰਣ ਸੁ ਹੇਮ ॥ ੪ ॥ ਤਰੁ ਤਲੇ ਜਨਕ ਕੁਮਾਰੀਯਾ ਢਿਗ  
 ਰਾਕਸ਼ੀ ਭਯ ਕਾਰ ॥ ਹਨੂਮਾਨ ਦੇਖੀ ਭੂਤਲੇ ਜਨ ਦੇਵਤਾ  
 ਅਵਤਾਰ । ਏਕ ਬੇਣੀ ਦੂਬਰੀ ਪਟ ਰਹੀ ਮਲਨ ਸੁ ਧਾਰ ।  
 ਭੂਮਿ ਸੋਈ ਸੋਚਤੀ ਮੁਖਿ ਰਾਮ ਰਾਮ ਉਚਾਰ ॥ ੫ ॥ ਤ੍ਰਾਤਾ  
 ਨ ਕੋਈ ਪਾਵਤੀ ਉਪਵਾਸ ਦੂਬਰ ਦੇਹ । ਪਿਖ ਤਾਂਹਿ ਕੋ  
 ਹਨੂਮਾਨ ਭਾਖਯੋ ਜਾਨਕੀ ਹੈਏਹ । ਕ੍ਰਿਤ ਕ੍ਰਿਤ ਯਾ ਯਗ ਹੋਇਓ  
 ਮੈ ਜਾਨਕੀ ਪਿਖ ਆਜ । ਪਰਮਾਤਮਾਂ ਰਘੁਬੀਰ ਕੈ ਪੈ ਕਰੇ  
 ਆਇ ਸੁ ਕਾਜ ॥ ੬ ॥ ਪੁਨਿ ਕਿਲ ਕਿਲਾ ਯਹਿ ਸ਼ਬਦ



ਹੋਇਓ ਰਾਜ ਭੋਨ ਮਝਾਰ । ਸੁਨਿ ਸ਼ਬਦ ਚਕ੍ਰਤ ਲੀਨ  
 ਤਰਛਦ ਭਏ ਵਾਯੁ ਕੁਮਾਰ । ਦਸ ਕੰਠਿ ਆਵਤ ਦੇਖਿਓ ਬਹੁ  
 ਲੀਨ ਸੰਗ ਸੁ ਨਾਰਿ । ਭੁਜ ਬੀਸ ਦਸ ਮੁਖ ਸੋਭਈ ਤਨ  
 ਸ਼ਾਮ ਲੀਨ ਪਹਾਰ ॥ ੭ ॥ ਤਿਹ ਪੇਖ ਕਪਿ ਬਿਸਮਾਇਓ  
 ਦੁਰ ਗਯੋ ਪਾਤਨ ਮਾਹਿ । ਗਿਰਜਾ ਸੁਣੋ ਦਸ ਕੰਠ ਰਾਵਣ  
 ਐ ਚਿਤੇ ਮਨ ਮਾਹਿ । ਕਿਹ ਭਾਂਤਿ ਰਾਘਵ ਹਾਥ ਤੇ ਮੈਂ ਮਰੋਂ  
 ਯਾ ਜਗ ਮਾਹਿ । ਕੋ ਭਯੋ ਕਾਰਣ ਰਾਮਜੀ ਹਿਤ ਸੀਯ ਆਯੋ  
 ਨਾਹਿ ॥੮॥ ਇਹ ਭਾਂਤਿ ਚੀਤ ਚਿਤਾਰਈ ਦਿਨ ਰਾਤ ਰਾਵਣ  
 ਸੋਇ । ਦਿਨ ਤਾਂਹਿ ਅੰਤਮ ਰਾਤ ਮੈਂ ਇਹ ਸੁਪਨ ਭੀਤਰ  
 ਜੋਇ । ਕਪਿ ਦੂਤ ਰਾਮ ਪਠਾਇਓ ਗਢ ਲੰਕ ਮੈਂ ਵਹੁ ਆਇ  
 । ਤਰ ਬੈਠ ਸੀਯ ਨਿਹਾਰੀਆ ਤਿਨ ਤਨਕ ਦੇਹ ਬਨਾਇ  
 ॥੯॥ ਇਹ ਭਾਂਤਿ ਅਦਭੁਤ ਸੁਪਨ ਪਿਖ ਤਿਮ ਚਿੰਤਿਓ ਮਨ  
 ਮਾਹਿ । ਮਤਿ ਹੋਇ ਸੁਪਨੋ ਸਾਚ ਯਹਿ ਅਬ ਯੋਂ ਕਰੋਂ ਮੈ ਤਾਂਹਿ  
 । ਵਾਕ ਸਰ ਸੀਯ ਪੋਰ ਕੈ ਤਿਹ ਕਰੋਂ ਦੁਖੀ ਸਰੀਰ । ਕਪਿ  
 ਪੇਖਿ ਭਾਖੇ ਰਾਮ ਕੋ ਇਮ ਆਇ ਹੈਂ ਰਘੁਬੀਰ ॥ ੧੦ ॥ ਗਯੋ  
 ਸੀਯ ਸਮੀਪ ਯਾ ਬਿਧ ਚੀਤ ਮਾਹਿ ਬਿਚਾਰ । ਧੁਨਿ ਕਿੰਕਣੀ  
 ਕੀ ਸੁਣੀ ਸੀਤਾ ਨੇਵਰਾਂ ਝਨ ਕਾਰ । ਲੀਨ ਹੋਈ ਸੀਯ  
 ਨਿਜ ਤਨ ਭਈ ਉਰਮੈਂ ਭੀਤ । ਭਰ ਨੈਨ ਨੀਚੇ ਮੁਖ ਕਰੇ  
 ਅਰ ਰਾਮ ਅਰਪੇ ਚੀਤ ॥ ੧੧ ॥ ਦਸਕੰਧ ਸੀਤਾ ਹੇਰਿ ਕੈ  
 ਪੁਨਿ ਏਹੁ ਕੀਨ ਬਖਾਨ । ਮੁਹਿ ਪੇਖ ਸਭ ਕਹੁ ਬ੍ਰਿਥਾ ਤੂੰ  
 ਕਿਉਂ ਭਈ ਹੈਂ ਭੈਮਾਨ । ਸਹਿ ਭ੍ਰਾਤ ਰਾਮ ਬਸੇ ਬਨੇ ਵਹਿ



ਬਾਨਰਾਂ ਕੇ ਮਾਂਹਿ । ਕਦੀ ਕੇਚਤ ਦੇਖ ਹੈ ਕਬਿ ਨਜ਼ਰ ਆਵੇ  
 ਨਾਹਿ ॥੧੨॥ ਮੈਂ ਬਹੁਤ ਭੇਜੇ ਚਾਰਕਾ ਪੁਨਿ ਰਾਮ ਦੇਖਿਨ  
 ਕਾਜ । ਬਹੁ ਜਤਨ ਕਰ ਤਿਨ ਹੇਰਿਓ ਨਹਿ ਪੇਖੀਏ ਜਗ  
 ਆਜ । ਕੈ ਗਏ ਨਗਰ ਅਯੁਧਿਆ ਕੈ ਮਰੇ ਹੈਂ ਬਿਖੁ ਖਾਇ  
 । ਜਾਨਕੀ ਮੈਂ ਭੇਜ ਚਾਰੇਲਈ ਖਬਰ ਮੰਗਾਇ ॥ ੧੩॥ ਕਯ  
 ਕਰੇਂਗੀ ਤੂੰ ਰਾਮ ਕਰ ਨਹਿ ਤੋਹਿ ਚਾਹੇ ਰਾਮ । ਤੁਹਿ ਸਦਾ  
 ਦੀਨ ਅਲਿੰਗਨਾ ਪੁਨਿ ਬਸੇ ਤੇਰੇ ਧਾਮ । ਰਿਦੇ ਨਾਹਿ ਸਨੇਹ  
 ਤਾਂਕੋ ਤੇ ਬਿਖੇ ਸੁਨਿ ਸੀਯ । ਮੈਂ ਸਾਚ ਭਾਖੋਂ ਜਾਨਕੀ ਕਿੰਹ  
 ਕਾਮ ਐਸੇ ਪੀਯ ॥ ੧੪ ॥ ਤਵ ਰਚੇ ਭੋਗ ਸੁ ਭੋਗਈ ਪੁਨਿ  
 ਜਾਨਤੋ ਗੁਨ ਤੋਹਿ । ਕ੍ਰਿਤਘਨ ਨਿਰਗੁਣ ਅਧਮਹੈ ਨਹਿ ਕਰਤ  
 ਤੋਮੈ ਮੋਹਿ । ਤਵ ਆਨਿਓ ਮੈ ਲੰਕ ਮੈਂ ਤੂੰ ਸ਼ੋਕ ਬਯਾਕੁਲ ਆਹਿ  
 । ਅਬਲੋ ਨ ਆਯੋ ਰਾਮ ਸੁੰਦਰ ਜੋਰ ਨਾਹੀਂ ਤਾਹਿ ॥ ੧੫ ॥  
 ਨਿਹਸਤ ਨਿਰਮਲ ਮੂਢ ਮਾਨੀ ਕਹੇ ਪੰਡਿਤ ਆਪ । ਹੈ  
 ਨਿਰਾਧਪ ਤੋਹਿ ਤੇ ਬੇਮੁਖ ਮਾਇ ਨ ਬਾਪਾਕਯਾ ਕਰੇਂਗੀ ਤਿਨ  
 ਸੰਗਿ ਭਾਮਨਿ ਰਾਮ ਨਾ ਗੁਨਵਾਨ । ਗੁਲਾਬਸਿੰਘ ਸੁ ਤੀਨਿ  
 ਛੰਦਨ ਲਖੇ ਜਸ ਭਗਵਾਨ ॥ ੧੬ ॥ ਭਜਿ ਮੋਹਿ ਤੋਕੋ ਚਾਹ  
 ਤੋ ਮੈਂ ਰਾਖਸ਼ਾਂ ਸਿਰਦਾਰ । ਦੇਵਗੰਧੂਬ ਨਾਗ ਕਿੰਨਰ ਯੱਖਕੀ  
 ਬਹੁ ਨਾਰਿ । ਸਿਰਦਾਰ ਤਿਨਕੀ ਹੋਇੰਗੀ ਜਬ ਭਜੇਂ ਮੋਹਿ  
 ਅਪਾਰ । ਸੁਨਿ ਵਚਨ ਰਾਵਣ ਜੋ ਕਹੇ ਸੀਯ ਜਗੇ ਕ੍ਰੋਧ ਅ-  
 ਪਾਰ ॥੧੭॥ ਤਿਨ ਓਟਕੈ ਮੁਖਿ ਭੂਮਿ ਸਨਮੁਖ ਲਗੀ ਕਰਨ  
 ਬਖਾਨ । ਖਲ ਭੇਖ ਲੀਨ ਅਤੀਤਕਾ ਤਵ ਰਾਮਤੇ ਡਰਮਾਨ ॥



ਰਾਮ ਜੋ ਬਨ ਮੈਂ ਗਏ ਪੁਨ ਗਏ ਲਖਮਣ ਭ੍ਰਾਤ । ਮਮ ਦੂਰ  
 ਤੰਦੁਲ ਮਾਂਗਿਓ ਤਵ ਆਇਕੈ ਬਿਖਯਾਤ ॥੧੯॥ ਜਿਉਂ ਸ੍ਰਾਨ  
 ਪੂਤਿ ਅਹੂਤਿਆ ਖਲ ਹਰੇ ਯੱਗਨ ਮਾਂਹਿ । ਤਯੋਂ ਨੀਚਮੇ ਹਰਿ  
 ਲਿਆਇਓ ਅਬ ਪਾਇਗੋ ਫਲ ਤਾਂਹਿ । ਸਰ ਰਾਮ ਛਾਤੀ  
 ਫੇੜ ਤੇਰੀ ਪਠੇਂਗੇ ਯਮ ਧਾਮ । ਜਾਨਿ ਹੈ ਤਬ ਨੀਚ ਰਾਵਣ  
 ਮਨੁਜ ਹੈ ਸ੍ਰੀ ਰਾਮ ॥ ੧੯ ॥ ਸਰ ਬਾਂਧ ਪਿੰਜਰ ਸੋਖ ਸਾਗਰ  
 ਭ੍ਰਾਤ ਲਖਮਣ ਲਾਰ । ਰਣ ਮਾਰਣੇ ਤਵ ਕਾਜ ਰਾਘਵ  
 ਆਹਿੰਗੇ ਬਲ ਧਾਰ । ਗਢ ਸੈਨ ਬਾਹਨ ਪੂਤ ਸਹਿ ਤਵ  
 ਮਾਰਕੈ ਸੰਗ੍ਰਾਮ । ਤਵ ਪੇਖ ਹੈ ਰਘੁਬੀਰ ਕੋ ਲੈ ਜਾਹਿੰਗੇ ਮਮ  
 ਧਾਮ ॥ ੨੦ ॥ ਸੁਨਿ ਸੀਯ ਵਾਕ ਕਠੋਰ ਰਾਵਣ ਕ੍ਰੋਧ ਲੀਨੋ  
 ਧਾਰ । ਸੀਯ ਮਾਰਨ ਕੋ ਅਯੋ ਖਲ ਖੜਗ ਹਾਥ ਉਭਾਰ ।  
 ਲਾਲ ਨੈਨ ਨਿਹਾਰ ਕੈ ਮੰਦੋਦਰੀ ਗਹਿ ਹਾਥ । ਪਤ ਭਲਾ  
 ਚਾਹਿ ਨਿਵਾਰਿਓ ਇਹ ਯੋਗ ਨਾਹੀਂ ਨਾਥ ॥ ੨੧ ॥ ਮਾਨੁਖੀ  
 ਅਤਿ ਦੀਨ ਦੁਖਤਿ ਕ੍ਰਿਪਣ ਕ੍ਰਿਸੀ ਸਰੀਰ । ਛੋਡੀਏ ਪਤਿ  
 ਤਾਂਹਿ ਕੋ ਨਹਿ ਮਾਰੀਏ ਰਣ ਧੀਰ । ਦੇਵ ਗੰਧੂਬ ਨਾਗਕੀ  
 ਘਰ ਮਾਹਿ ਤੇਰੇ ਨਾਰਿ । ਮਦ ਮਤ ਜਾਹਿ ਵਿਲੋਕਨਾਂ ਵਹਿ  
 ਚਹੇ ਤਵ ਭਰਤਾਰ ॥ ੨੨ ॥ ਤਬ ਬੋਲਿਓ ਦਸਕੰਧ ਰਾਵਣ  
 ਰਾਖਸ਼ੀ ਭਯਕਾਰ । ਜਿਹ ਭਾਂਤਿ ਸੇਂ ਵਸ ਹੋਇ ਸੀਤਾ ਕਰੋ  
 ਸੇ ਪਰਕਾਰ । ਡਰਾਹੁ ਬੇਗ ਸੁ ਯਾਹਿ ਕੋ ਪੁਨਿ ਦੇਹ ਆਦਰ  
 ਮਾਨ । ਦੋ ਮਾਸਹੀ ਕੇ ਬੀਚਹੀਂ ਜਬ ਕਰੇ ਮੋ ਸਨਮਾਨ ॥ ੨੩ ॥  
 ਤਬ ਸਰਬ ਸੂਖ ਸਮੇਤ ਲੰਕਾ ਰਾਜ ਭੋਗੇ ਸੋਇ । ਦੋ ਮਾਸ



ਜਾਹਿ ਬਿਤੀਤ ਜੇ ਨਹਿ ਮਾਨ ਹੈ ਯਹਿ ਕੋਇ । ਤਬ ਕਰੋ  
ਪ੍ਰਾਤ ਅਹਾਰ ਮੇਰਾ ਜਾਨਕੀ ਕੋ ਮਾਰ । ਇਮ ਭਾਖ ਇਸਤ੍ਰੀ  
ਸੰਗਲੈ ਪੁਨਿ ਗਯੋ ਭੈਨ ਮਝਾਰ ॥ ੨੪ ॥ ਦੋਹਰਾ ॥ ਤਬ  
ਆਈ ਢਿਗ ਜਾਨਕੀ ਰਾਖਸੀਆਂ ਭਯਕਾਰ । ਲਾਂਬੇ ਹਾਥ  
ਨਿਕਾਰ ਕੈ ਡਾਂਟਤ ਕਰਤ ਉਚਾਰ ॥ ੨੫ ॥ ਸ਼ੰਕਰ ਛੰਦ ॥  
ਇਕ ਕਹੇ ਸੀਤੇ ਬ੍ਰਿਥਾ ਜੋਬਨ ਗਯੋ ਤੋਹਿ ਬਿਸਾਲ । ਮਿਲ  
ਸੰਗ ਰਾਵਣ ਸਫਲ ਕੀਜੇ ਜਾਵਤੇ ਹੈ ਕਾਲ । ਇਕ ਕਹੈਂ ਔਰ  
ਸੁ ਕੋਪ ਕਰ ਕਿਉਂ ਤੋਹਿ ਲਾਈ ਬਾਰ । ਜਾਨਕੀ ਕੋ ਖੰਡ ਖੰਡ  
ਸੁ ਡਾਰੀਏ ਅਬ ਮਾਰ ॥ ੨੬ ॥ ਇਕ ਔਰ ਸੀਤਾ ਮਾਰੋਣੇ  
ਹਿਤ ਲੈ ਉਠੀ ਤਲਵਾਰ । ਇਕ ਦੇਤ ਗਾਰੀ ਔਰ ਆਈਂ  
ਖਾਨ ਬਦਨ ਪਸਾਰ । ਏਹ ਭਾਂਤਿ ਸੀਯ ਡਰਪਾਵਹੀਂ ਤਹਿ  
ਰਾਖਸ਼ੀ ਬਿਕਰਾਲ । ਤ੍ਰਿਜਟੀ ਭਾਹਿ ਨਿਵਾਰਿਕੈ ਪੁਨਿ ਕਹੇ  
ਵਾਕ ਬਿਸਾਲ ॥ ੨੭ ॥ ਤੁਮ ਸੁਨੋ ਦੁਸ਼ ਸੁ ਰਾਖਸ਼ੀ ਮਮ ਵਾਕ  
ਤੁਮ ਹਿਤ ਕਾਮ । ਭਯ ਦੇਹ ਨਾਹੀਂ ਜਾਨਕੀ ਤੁਮ ਕਰੋ ਪਦ  
ਪਰਣਾਮ । ਅਬ ਸੁਪਨ ਆਇਓ ਮੋਹਿ ਕੋ ਮੈਂ ਪਿਖੇ ਰਾਮ  
ਮੁਰਾਰਿ । ਨੈਨ ਪੰਕਜ ਸੇ ਖਿਰੇ ਐਰਾਵਤੇ ਅਸਵਾਰ ॥ ੨੮ ॥  
ਲਖਮਣ ਸਮੀਪ ਸੁ ਸੋਭਈ ਗਢ ਲੰਕ ਦਯੋ ਜਲਾਇ ।  
ਸੰਗ੍ਰਾਮ ਰਾਵਣ ਮਾਰਿਓ ਬਹੁ ਬਾਣ ਛਾਤੀ ਘਾਇ । ਅਰੋਪ  
ਸੀਤਾ ਸੰਗ ਬੈਠੇ ਰਾਮ ਸਿਖਰੁ ਪਹਾਰ । ਰਾਵਣ ਦਿਗੰਬਰ  
ਤੇਲ ਮਲ ਵਹਿ ਨਾਇ ਗੋਬਰ ਤਾਰ ॥ ੨੯ ॥ ਪੁਤਰ ਸੁ ਪੋਤੇ  
ਸੰਗ ਲੈ ਨਰ ਬਦਨ ਕੀ ਕਰ ਮਾਲ । ਇਹ ਭਾਂਤਿ ਪੇਖੇ ਲੰਕ



ਪਤਿ ਅਬ ਆਇਓ ਤਿਹ ਕਾਲ । ਬੈਠੋ ਵਭੀਖਣ ਰਾਮ ਕੀ  
 ਢਿਗ ਹਰਖ ਚੀਤ ਬਢਾਇ । ਸੇਵਾ ਕਰੇ ਪਦ ਰਾਮ ਕੀ ਪੁਨਿ  
 ਲਾਇ ਹਿਰਦੇ ਭਾਇ ॥ ੩੦ ॥ ਕੁਲ ਸੰਗ ਰਾਵਣ ਮਾਰ ਹੈ  
 ਵਹਿ ਰਾਮ ਹਰਿ ਅਵਤਾਰ ॥ ਦੈ ਰਾਜ ਲੰਕ ਭਬੀਖਣੇ ਪੁਨਿ  
 ਜਾਨਕੀ ਲੈ ਨਾਲ । ਮਨੁ ਰਾਜਧਾਨੀ ਜਾਹਿਗੇ ਨਿਜ ਅੰਕ ਸੀਤਾ  
 ਧਾਰ । ਘਨ ਸ਼ਯਾਮ ਨੈਨਾ ਕੰਜ ਸੇ ਤਨ ਮਾਧੁਰੀ ਆਗਾਰ ॥ ੩੧ ॥  
 ਤ੍ਰਿਜਟੀਕੇ ਯਹਿ ਵਾਕ ਸੁਨਿ ਸਭ ਰਾਕਸ਼ੀ ਡਰਕੀਨ । ਹੋਇ ਚੁਪਕੀ  
 ਬੈਠੀ ਆਂ ਪੁਨਿ ਭਈ ਨਿੰਦਾਲੀਨ । ਰਾਕਸ਼ੀ ਕਰ ਡਰੀ ਸੀਤਾ ਚੀਤ  
 ਬਯਾਕੁਲ ਹੋਇ । ਮੂਰਛਾ ਤਨ ਮੈਂ ਭਈ ਨਹਿ ਪਾਇ ਰਾਖਾ ਕੋਇ  
 ॥ ੩੨ ॥ ਭਰ ਨੈਨ ਜਲ ਉਰ ਚਿੰਤਤੀ ਪੁਨਿ ਏਹ ਕੀਨ  
 ਉਚਾਰ । ਪਰਭਾਤ ਮੇਰੇ ਖਾਹਿਗੀ ਯਹਿ ਰਾਖਸ਼ੀ ਤਨ ਮਾਰ ।  
 ਉਪਾਇ ਕੋਲ ਸੁ ਮਰਣ ਮੇਰਾ ਆਜਹੀਂ ਜਗ ਜੋਇ । ਇਮ  
 ਦੁਖ ਮਗਨ ਵਿਮੁਕਤ ਕੰਠਾ ਜਾਨਕੀ ਚਿਰ ਰੋਇ ॥ ੩੩ ॥  
 ਦੋਹਰਾ ॥ ਤਰਕੀ ਸ਼ਾਖ ਅਲੰਬ ਕਰ ਮਰਣੇ ਧਾਰਜੋ ਜੀਯ  
 । ਮਰਣ ਉਪਾਇ ਸਿਕੰਦਸੂ ਜਾਨੇ ਨਾਹੀਂ ਸੀਯ ॥ ੩੪ ॥  
 ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ  
 ਸੁੰਦਰ ਕਾਂਡੇ ਦੁਤੀਓ ਧਰਮਾਇ ॥ ੨ ॥

---  
 ਸ੍ਰੀ ਮਹਾਂਦੇਵ ਉਵਾਰ

ਸ਼ੰਕਰ ਛੰਦ ॥ ਬਿਨ ਰਾਮ ਯਾਹਿ ਸ਼ਰੀਰ ਕੇ ਮੈਂ ਹਨੇ ਪਾਸੀ  
 ਪਾਇ । ਕਿਆ ਜੀਵਨੇਂ ਫਲ ਹੋਇ ਬੀਚ ਸੁ ਰਾਖਸਾ ਬਿਲ



ਖਾਇ । ਮੈਂ ਆਹਿ ਬੇਣੀ ਲਾਂਬੀਆ ਕਰ ਪਾਸ ਗਲ ਮੈ ਡਾਰ  
 । ਮੈਂ ਮਰੋਂ ਯਾ ਬਿਧ ਜਾਨਕੀ ਮਤਿ ਲਈ ਉਰਮੈਂ ਧਾਰ ॥੧॥  
 ॥ ਦੋਹਰਾ ॥ ਹਨੂੰਮਾਨ ਸਿਯ ਪੇਖ ਗਤਿ ਮਨ ਮੈਂ ਕੀਨ  
 ਬਿਚਾਰ । ਜਾਂ ਹਿਤ ਆਯੋ ਮੈ ਇਹਾਂ ਮਰੇ ਫਾਸ ਗਲ ਡਾਰ ॥੨॥  
 ਦੋਹਰਾ ॥ ਸਨੇਂ ਸਨੇਂ ਤਬ ਬੋਲਿਯੋ ਸੀਯ ਬਚਾਵਨ ਕਾਜ ।  
 ਸੀਤਾ ਕਾਨਨ ਜੋ ਪਰੇ ਕਥਾ ਕਹੀ ਰਾਘੁਰਾਜ ॥੩॥ ਹਨੂੰਮਾਨ  
 ਉਵਾਚ ॥ ਸ਼ੰਕਰਛੰਦ ॥ ਇਖਵਾਕ ਵੰਸ ਸੁ ਉਪਜਿਯੋ  
 ਇਕ ਭੂਪ ਦਸਰਥ ਬੀਰ । ਆਯੋਧਿਆ ਪਤਿ ਭਾਖੀਏ ਵਹੁ  
 ਹੁਤੋ ਗੁਣੀ ਗਹੀਰ । ਸਮ ਵੇਦ ਪੂਤ ਸੁ ਚਾਰ ਤਿਨਕੇ ਵਿਦਤ  
 ਜਗਤ ਮਝਾਰ । ਰੂਪ ਸੁੰਦਰ ਮਦਨ ਸੇ ਵਹਿ ਆਹਿ ਗੁਨਨ  
 ਅਧਾਰ ॥ ੪ ॥ ਰਾਮ ਲਖਮਣ ਭਰਥ ਐ ਸ਼ੱਤ੍ਰਘਨ ਚੋਥੇ  
 ਆਹਿ । ਪਿਤਮਾਤਾਇਸੁ ਬਡੇ ਰਾਮ ਸੁ ਆਇਓ ਬਨ ਮਾਹਿ  
 । ਸੀਯ ਨਾਰਿ ਤਾਹਿ ਸੁ ਸੰਗ ਲੀਨੀ ਔਰ ਲਖਮਣ ਬੀਰ ।  
 ਵੈ ਬਸੈ ਪੰਚਬਟੀ ਵਿਖੇ ਪੁਨਿ ਗੋਮਤੀ ਕੇ ਤੀਰ ॥ ੫ ॥ ਪੁਨਿ  
 ਹਰੀ ਜਨਕ ਕੁਮਾਰੀਯਾ ਤਹਿ ਦੁਸ੍ਰ ਰਾਵਣ ਜਾਇ । ਰਾਮ  
 ਥੋ ਬਨਿਮੈ ਗਏ ਪੁਨਿ ਏਕਲੀਕੇ ਪਾਇ । ਸੀਯ ਸੋਧ ਰਾਘਵ  
 ਕਰਨ ਲਾਗੇ ਭਇਓ ਦੂਖ ਅਪਾਰ । ਜਟਾਯੁ ਪੰਖੀ ਰਾਮ  
 ਪੇਖੇ ਧਰੇ ਧਰਣਿ ਮਝਾਰ ॥ ੬ ॥ ਤਿਨ ਬੇਗ ਸੁਰਪੁਰਿ ਭੇਜ  
 ਕੈ ਆਏ ਰਿੱਖ ਮੂਕ ਪਹਾਰ । ਸੁਗ੍ਰੀਵ ਸੋਂ ਪੁਨਿ ਮਿਤ੍ਰਤਾ ਹਰਿ  
 ਕਰੀ ਭੁਜਾ ਪਸਾਰ । ਤਿਨ ਨਾਰਿ ਹਰਤਾ ਮਾਰ ਬਾਲੀ ਰਾਮ  
 ਕਰੀ ਸਹਾਇ । ਸੁਗ੍ਰੀਵ ਮੀਤ ਸੁਕਾਜ ਕੀਨੋਂ ਸੀਸ ਛੱਤ੍ਰ ਫਿ



ਰਾਇ॥੭॥ਕਪਿ ਬਲੀ ਸਗਲ ਬੁਲਾਇਆ ਸੁਗ੍ਰੀਵ ਬਾਨਰ  
 ਰਾਜ । ਦਿਸ ਰਾਜ ਤਾਹਿ ਪਠਾਇਆ ਪੁਨਿ ਸੀਯ ਸੋਧਨ  
 ਕਾਜ । ਤਿਨ ਮਾਹਿ ਏਕ ਸੁਗ੍ਰੀਵ ਮੰਤ੍ਰੀ ਮੈਂ ਅਯੋ ਇਹ ਠੋਰ  
 । ਸੰਪਾਤ ਵਚਨ ਉਲੰਘ ਸਾਗਰ ਜੋਜਨਾ ਸਤਿ ਦੋਰ ॥ ੯ ॥  
 ਬਰ ਲੰਕ ਸੀਤਾ ਢੂੰਢੀਯਾ ਮੈਂ ਸਗਲ ਘਰਨ ਮਝਾਰ । ਪੁਨਿ  
 ਆਇਓ ਅਸ਼ੋਕ ਬਨਕਾ ਵਚਨ ਲੰਕ ਚਿਤਾਰ । ਸਿੰਸਪਾਤਰੁ  
 ਤਰੇ ਦੇਖੀ ਬੇਟੀਆ ਮਿਥਲੇਸ਼ । ਰਾਮ ਕੀ ਪਟਰਾਨੀਆ ਉਰ  
 ਸੋਚ ਪਾਇ ਕਲੇਸ਼ ॥ ੯ ॥ ਕ੍ਰਿਤ ਕ੍ਰਿਤ ਮੈ ਅਬ ਹੋਇਓ ਕਰ  
 ਕਾਜ ਰਾਮ ਮੁਰਾਰ । ਇਹ ਭਾਖ ਚੁਪਕਾ ਹੋਇਓ ਕਪਿ ਬੁੱਧਿ  
 ਵੰਤ ਉਦਾਰ । ਵਿਸਮੈਂ ਭਈ ਉਰ ਮਾਹਿ ਸੀਤਾ ਕਥਾ ਸੁਨ  
 ਯਹਿ ਕਾਨ ॥ ਕਯਾ ਮੋਹਿ ਸੁਨਿਓ ਵਜੋਮ ਮੈਂ ਯਹਿ ਵਾਯੁ ਕੀਨ  
 ਵਖਾਨ ॥ ੧੦ ॥ ਕੈ ਭਯਾ ਸੁਪਨਾ ਮੋਹਿਕੋ ਕੈ ਭ੍ਰਾਂਤਿ ਕੈ ਸੱਮ  
 ਆਹਿ । ਦੁਖ ਨੀਂਦ ਨਾਹੀਂ ਸੁਪਨ ਕੈਸੇ ਜਾਨਕੀ ਭ੍ਰਮ ਨਾਹਿ  
 । ਕਿਨ ਕਰਣ ਅੰਮ੍ਰਿਤੁ ਡਾਰਿਓ ਯਹਿ ਵਚਨ ਮੋਹਿ ਸੁਨਾਇ।  
 ਪ੍ਰਿਯ ਵਚਨ ਭਾਖੀ ਸੁਕ੍ਰਿਤੀ ਮੈਂ ਪਿਖੋਂ ਆਗੇ ਆਇ ॥ ੧੧ ॥  
 ਦੋਹਰਾ ॥ ਉਮਾਂ ਜਾਨਕੀ ਵਚਨ ਸੁਨ ਹਨੁਮਤ ਪੈਨ ਕੁਮਾਰ  
 । ਸਨੇਂ ਸਨੇਂ ਤਰੁ ਤੇ ਤਰੇ ਆਏ ਧਰਨਿ ਮਝਾਰ ॥ ੧੨ ॥  
 ਸ਼ੰਕਰਛੰਦ ॥ ਚਿੜੇ ਸਮ ਆਕਾਰ ਸੀਤਾ ਖੜੇ ਆਗੇ ਆਇ ॥  
 ਮੁਖ ਲਾਲ ਸੁੰਦਰ ਸੋਭਈ ਤਨ ਪੀਤ ਵਰਣ ਸੁਹਾਇ ॥  
 ਅਭੁਬੰਦ ਸੀਤਾ ਜੋੜ ਦੋਕਰ ਖੜੇ ਆਗੇ ਆਇ । ਇਹ ਅਹੇ  
 ਰਾਵਣ ਡਰੀ ਸੀਤਾ ਪੇਖ ਉਰ ਸ਼ੰਕਾਇ ॥ ੧੩ ॥ ਮੁਹਿ ਮੋ



ਹਿਨੇ ਕੋ ਆਇਓ ਬਨ ਕਪਟ ਕਪਿ ਆਕਾਰ । ਇਹ ਚਿੰਤ  
 ਨੀਚੇ ਮੁਖ ਕਰਜੋ ਸੀਯ ਮੋਨ ਲੀਨੀ ਧਾਰ । ਪੁਨਿ ਬੋਲਿਓ  
 ਹਨੂਮਾਨ ਸੀਤੇ ਸ਼ੰਕ ਨਾਂ ਕਰ ਕੋਇ । ਮੈ ਨਾਹਿ ਹੋਂ ਤਿਹਭਾਂਤਿ ਕੋ  
 ਤਜਿ ਸ਼ੰਕ ਮੋਮੈ ਜੋਇ ॥ ੧੪ ॥ ਰਾਮ ਕੋਸ਼ਲ ਰਾਜ ਕੋ ਮੈਂ ਦਾਸ  
 ਮਾਤਾ ਆਹਿ । ਵਾਜੀਰ ਹੋਂ ਸੁਗ੍ਰੀਵ ਕੋ ਜੋ ਬਾਨਰਾਂ ਕੇ ਨਾਹਿ  
 । ਵਾਯੂ ਕੋ ਮੈਂ ਪੂਤ ਹੋਂ ਜੋ ਆਹਿ ਸਭਕੇ ਪ੍ਰਾਨ । ਸੁਨਿ ਜਾਨਕੀ  
 ਹਨੁਮਾਨ ਪ੍ਰਤਿ ਪੁਨਿ ਏਹ ਕੀਨ ਬਖਾਨ ॥ ੧੫ ॥ ਬਾਨਰਾ  
 ਅਰ ਮਾਨਵਾ ਕਿਹ ਭਾਂਤਿ ਸੰਗਤਿ ਹੋਇ । ਤੂੰ ਰਾਮਦਾਸ ਬਖਾ  
 ਨਹੈਂ ਕਿਹਭਾਂਤਿ ਜਾਨੋ ਸੋਇ । ਦੂਰ ਠਾਢੋ ਮਾਰੁਤੀ ਸੀਯ ਏਹ  
 ਕੀਨ ਉਚਾਰ । ਰਾਮ ਸਵਰੀ ਵਾਕ ਆਏ ਰਿੱਖ ਮੂਕ ਪਹਾਰਾ ॥  
 ੧੬ ॥ ਸੁਗ੍ਰੀਵ ਥੋ ਤਿਹ ਪਰਬਤੇ ਤਿਨ ਪਿਖੇ ਲਖਮਣ ਰਾਮ  
 । ਡਰ ਮੋਹਿ ਤਾਹਿ ਪਠਾਇਓ ਤਿਨ ਰਿਦੇ ਜਾਨਨ ਕਾਮ ।  
 ਧਰ ਬ੍ਰਹਮਚਾਰੀ ਰੂਪ ਮੈਂ ਤਿਹ ਗਯੋ ਜਹਿੰ ਰਘੁਰਾਇ। ਜਾਨ  
 ਤਿਨਕੋ ਸੁੱਧ ਉਰ ਮੈ ਲਏ ਕੰਧ ਉਠਾਇ ॥ ੧੭ ॥ ਸੁਗ੍ਰੀਵ  
 ਕੈ ਢਿਗ ਆਨ ਕੈ ਮੈਂ ਸਖਾ ਦਏ ਬਨਾਇ । ਬਾਲੀ ਹਰੀ  
 ਸੁਗ੍ਰੀਵ ਤੀਯਾ ਯੋਂ ਸੁਨੀ ਰਘੁਰਾਇ । ਇਕ ਬਾਣ ਬਾਲੀ  
 ਮਾਰਕੈ ਸੁਗ੍ਰੀਵ ਦੀਨੋਂ ਰਾਜ । ਸੁਗ੍ਰੀਵ ਬੋਲ ਪਠਾਇਓ ਕਪਿ  
 ਬਾਨਰਾ ਸਿਰਤਾਜ ॥ ੧੮ ॥ ਸਭ ਦਿਸਾ ਚਾਲੇ ਕਪਿ ਬਲੀ  
 ਤਵ ਸੋਧਨੋਂ ਕੋ ਕਾਮ । ਚਲਿਓ ਮੈ ਪਿਖ ਬੋਲ ਸਾਦਰ ਆਪ  
 ਭਾਖਜੋ ਰਾਮ । ਪਵਨ ਨੰਦਨ ਕਾਜ ਮੇਰੇ ਕਰੇਗੋ ਤੂੰ ਧੀਰ । ਮੈਂ  
 ਕੁਸ਼ਲ ਭਾਖੀ ਜਾਨਕੀ ਕੋ ਸਹਿਤ ਲਖਮਣ ਬੀਰ ॥ ੧੯ ॥



ਮੇ ਛਾਪ ਸੀ ਪਰਤੀਤ ਹਿਤ ਲੇ ਜਾਇ ਦੀਜੋ ਸੀਯ । ਮਮ ਨਾਮ  
 ਅਖਰ ਪੇਖਕੈ ਪਰਤੀਤ ਕਰ ਹੈ ਜੀਯ । ਇਮ ਭਾਖ ਰਾਮ  
 ਉਤਾਰ ਅਪਨੀ ਵਈ ਮੋਕੋ ਛਾਪ । ਮੈਂ ਯਤਨ ਕਰਇਹ ਆ  
 ਨੀਆ ਤੂੰ ਦੇਖ ਦੇਵੀ ਆਪ ॥ ੨੦ ॥ ਇਮ ਭਾਖ ਗਿਰਜਾ ਮੁੰਦਰੀ  
 ਸੀਯ ਦੀਨ ਪੋਨ ਕੁਮਾਰ । ਕਰ ਜੋਰ ਠਾਢੇ ਹੋਇਓ ਪਦ  
 ਬੰਦਨਾਂ ਤਿਹ ਧਾਰ । ਤਿਨ ਪੇਖ ਸੀਤਾ ਚੀਤਹਰਖੀ ਰਾਮ ਨਾਮ  
 ਨਿਹਾਰ । ਮੁੰਦ੍ਰਕਾ ਸਿਰ ਧਾਰੀਆ ਦ੍ਰਿਗ ਜਾਇ ਆਨੰਦ ਵਾਰ  
 ॥ ੨੧ ॥ ਸਵੈਯਾ ॥ ਕਪਿ ਤੈ ਮਮ ਪ੍ਰਾਨਨ ਦਾਨ ਦਏ ਮਤ  
 ਮਾਨ ਬਡੋ ਤੁਮ ਹੈ ਜਗ ਮਾਹੀ । ਤੁਮ ਸੇਵਕ ਹੋ ਰਘੁਬੀਰਹਿ  
 ਕੇ ਅਰ ਰਾਮ ਪ੍ਰਤੀਤਿ ਕਰੇ ਤੁਮ ਮਾਹੀ । ਨਹਿ ਮੇਂ ਵਿਗ ਕੋਣ  
 ਪਠਾਵਤ ਰਾਮ ਸੁ ਮਾਨਵ ਨਾਹਿ ਇਸੋ ਜਗ ਮਾਹੀ । ਹਨੁਮਾਨ  
 ਪਿਖੇ ਮਮ ਦੂਖ ਮਹਾਂ ਇਹ ਭਾਂਤਿ ਸੁ ਭੋਗਤ ਹੋ ਜਗ ਮਾਹੀ ॥ ੨੨ ॥  
 ਸਭ ਰਾਮ ਕੇ ਪਾਸ ਸੁ ਜਾਇਕਹੀਂ ਜਿਹ ਭਾਂਤਿ ਦਯਾ ਮਮ ਉਪਰ  
 ਧਾਰੇ । ਕਪਿ ਸਪਤ ਮੈਂ ਤੋਹਿ ਕੋ ਸਾਚ ਕਹੋਂ ਯੁਗ ਮਾਸ ਰਹੇਂ  
 ਅਬ ਪ੍ਰਾਣ ਹਮਾਰੇ । ਨਹਿ ਆਵਹਿਗੇ ਜਬ ਰਾਮ ਬਲੀ ਤਬ  
 ਖਾਵਹਿਗੇ ਮਮ ਰਾਖਸ਼ ਮਾਰੇ । ਇਹਤੇ ਅਬ ਬੇਗ ਸੁ ਜਾਹਿ  
 ਹਨੂੰ ਤੁਮ ਰਾਮ ਕੇ ਪਾਸ ਕਰੇ ਸਭ ਸਾਰੇ ॥ ੨੩ ॥ ਦੋਹਰਾ ॥  
 ਬਾਨਰ ਨਾਇਕ ਸੀਗਿ ਲੈ ਕਪਿ ਕੀ ਸੈਨ ਮਿਲਾਇ । ਰਾਮਚੰਦ  
 ਰਣ ਮੈਂ ਭਿਰੈਂ ਉਧਮ ਪਰਮ ਮਚਾਇ ॥ ੨੪ ॥ ਸਹਸਪੁਤ੍ਰ  
 ਸਹਿ ਸੈਨ ਪੁਨਿ ਰਾਵਣ ਕੋ ਰਣ ਮਾਰ । ਮੋਹਿ ਛਡਾਏ ਰਾਮ  
 ਜਬ ਤੋ ਜਸ ਹੋਇ ਉਦਾਰ ॥ ੨੫ ॥ ਸਵੈਯਾ ॥ ਜਿਹ ਭਾਂਤਿ



ਛਡਾਵਹਿ ਮੇਂ ਹਰਿ ਜੀ ਦਸਕੰਧਰ ਕੋ ਰਣ ਭੀਤਰ ਮਾਰੇ ।  
 ਸੁਤ ਸੁਕ੍ਰਿਤ ਵਾਕਨ ਆਜ ਲਈ ਅਬ ਬੇਗ ਕਰੇ ਵਹਿਜਾਇ  
 ਪ੍ਰਕਾਰੇ । ਹਨੁਮਾਨ ਕਹਯੋ ਤਬ ਸੀ ਗਿਰਜਾ ਤੁਮ ਮਾਤ ਸੁਨੋ  
 ਯਹਿ ਵਾਕ ਹਮਾਰੇ । ਮੁਹਿ ਦੇਖਤ ਰਾਮ ਸੁ ਭ੍ਰਾਤ ਸਮਾਂ ਚਢ  
 ਆਵਹਿਗੇ ਕਰ ਆਯੁਧ ਧਾਰੇ ॥ ੨੬ ॥ ਕਪਿ ਨਾਇਕ ਯੋ  
 ਤਿਨ ਸੈਨ ਲਏ ਦਸਕੰਧਰ ਕੋ ਰਣ ਭੀਤਰ ਮਾਰੇਂ । ਤੁਮਕੋ  
 ਰਘੁਬੀਰ ਸੁ ਔਧ ਪੁਰੀ ਸੁ ਲਿਜਾਵਹਿਗੇ ਮਤਿ ਸ਼ੰਕੁ ਬਿਚਾਰੇਂ  
 । ਇਹ ਜਾਨਕੀ ਵੈ ਕਪਿ ਸੈਨ ਨ ਲੈ ਕਿਹ ਭਾਂਤਿ ਤਰੇ ਸਰਤਾ  
 ਪਤਿਵਾਰੇ । ਇਹ ਰਾਮ ਕੁ ਆਵਨ ਆਹਿ ਅਸੰਭਵ ਯੋ ਸੁਨ  
 ਕੈ ਹਨੁਮਾਨ ਉਚਾਰੇ ॥ ੨੭ ॥ ਦੋਹਰਾ ॥ ਮੋਹਿ ਸਕੰਧਨ ਮਾ  
 ਹਿ ਚਢ ਲਖਮਣ ਰਾਮ ਸੁ ਆਹਿ । ਸੈਨ ਸੈਹਤ ਸੁਗ੍ਰੀਵ ਪੁਨਿ  
 ਆਏਂ ਨਭਿ ਕੇ ਮਾਹਿ ॥ ੨੮ ॥ ਸਵੈਯਾ ॥ ਇਹ ਭਾਂਤਿ  
 ਭਰੇ ਜਲ ਸਾਗਰ ਕੋ ਅਰ ਮਾਰਹਿਗੇ ਗਣ ਰਾਖਸ਼ ਸਾਰੇ ।  
 ਤੁਮ ਹੇਤ ਕਰੇ ਸੰਗ੍ਰਾਮ ਬਲੀ ਅਬਿ ਆਇਸ ਦੈ ਚਲਿ ਹੋਂ  
 ਪਥਿ ਭਾਰੇ । ਪਿਖ ਰਾਘਵ ਕੋ ਲਘਮੰਨਿ ਸਮਾਂ ਅਬ ਬੇਗ  
 ਲਿਆਵਹੁ ਪਾਸ ਤੁਮਾਰੇ । ਜਿਹ ਭਾਂਤਿ ਸੁ ਰਾਮ ਪ੍ਰਤੀਤਿ ਕਰੇਂ  
 ਅਬ ਆਪ ਦਿਜੇ ਕਛੁ ਮੋਹਿ ਬਿਚਾਰੇ ॥ ੨੯ ॥ ਕਮਲਾ ਦਿਗ  
 ਸੀਯ ਬਿਚਾਰ ਕੀਓ ਮਣਿ ਕੇਸਨ ਤੇ ਤਿਨ ਆਪ ਨਿਕਾਰੀ ।  
 ਏਹ ਜਾਨਤ ਰਾਮ ਸੁ ਭ੍ਰਾਤ ਸਮਾ ਇਹ ਪੇਖ ਪਤੀਜਹਿ ਆਪ  
 ਮੁਰਾਰੀ । ਗਹਿ ਪ੍ਰਾਣਨ ਕੇ ਸਮ ਪਾਲ ਕਰੀ ਮਣਿ ਹੈ ਇਹ  
 ਰਾਘਵ ਕੀ ਅਤਿ ਪਜਾਰੀ । ਇਕ ਔਰ ਕਹੋਂ ਹਨੁਮਾਨ ਸੁਨੋ



ਸੁ ਸਨੇਹ ਭਲੇ ਭਯੋ ਬੀਚ ਪਹਾਰੀ ॥ ੩੦ ॥ ਸ਼ੰਕਰਛੰਦ ॥  
 ਚਿੱਤ੍ਰਕੂਟ ਸੁ ਪਰਬਤੇ ਇਕ ਕਾਲ ਭਏ ਇਕਾਂਤ । ਮੇ ਅੰਕ  
 ਸੀਸ ਸੁ ਧਾਰ ਰਘੁਵਰ ਸੋਇ ਰਹੇ ਨਿਤਾਂਤ । ਐਂਦ੍ਰ ਕਾਕ ਸੁ  
 ਆਇਓ ਨਖ ਤੁੰਡ ਬਾਰੰਬਾਰ । ਮੇ ਪਗ ਅੰਗੂਠਾ ਲਾਲ ਪਿਖ  
 ਤਿਨ ਮਾਸ ਜਾਨ ਬਿਦਾਰਾ ॥ ੩੧ ॥ ਤਬ ਰਾਮ ਜਾਗੇ ਨਾਥ ਮੇਰੇ  
 ਪਾਦਮੈਂ ਬ੍ਰਿਣ ਦੇਖਿ । ਕਿਨ ਕੀਨ ਯਹਿ ਅਪਕਾਰ ਮੇਰੇ ਭਏ  
 ਕੁਪਤ ਬਿਸੇਖ । ਇਮ ਭਾਖ ਆਗੇ ਪੇਖਿਓ ਇਕ ਕਾਕ ਹੈ  
 ਬਿਕਰਾਲ । ਬਹੁ ਮਾਰ ਮੇ ਪਦ ਦੌਰ ਹੈ ਨਖ ਤੁੰਡ ਹੈਂ ਤਿਹ  
 ਲਾਲਾ ॥ ੩੨ ॥ ਤ੍ਰਿਣ ਪੇਖ ਰਾਮ ਸੁ ਕੋਪ ਕਰਕੈ ਦਿੱਬ ਅਸਤਰ  
 ਜੋਰ । ਜੁਲਤਵੈ ਤ੍ਰਿਣ ਰਾਮ ਲੀਲਾ ਕਾਕ ਸਰ ਦਯੋ ਛੋਰ ।  
 ਤ੍ਰਿਣਪੀਠ ਆਗੇ ਕਾਕ ਹੈ ਸਭ ਦੇਵ ਲੋਕਨ ਜਾਇ । ਇੰਦ੍ਰ  
 ਬ੍ਰਹਮਾ ਵਰਣ ਐ ਸ਼ਿਵ ਸਕੇ ਨਾਹਿ ਬਚਾਇ ॥ ੩੩ ॥ ਡਰ  
 ਰਾਮ ਪਦ ਮੈਂ ਆਇ ਗਿਰਿਯੋ ਰਾਮ ਦਯਾ ਸਮੁੰਦਾ ਸ਼ਰਨ ਆਯੋ  
 ਹੇਰਿਕੈ ਪੁਨਿ ਕਹਜੋ ਰਾਮ ਮੁਕੰਦ । ਅਸਤ੍ਰ ਆਹਿ ਅਮੋਘ ਮੈਂ  
 ਇਕ ਨੈਨ ਦੇ ਕਰ ਜਾਹਿ । ਤਬ ਨੈਨ ਦੇਕਰ ਗਯੋ ਕਊਆ  
 ਪੌਰਖੀ ਇਮ ਆਹਿ ॥ ੩੪ ॥ ਕਿਹ ਹੇਤ ਮੋਹਿ ਬਿਸਾਰ ਬੈਠੇ  
 ਰਾਮਚੰਦ ਪ੍ਰਬੀਨ ॥ ਸੁਨਿ ਜਾਨਕੀ ਕੇ ਵਾਕ ਏ ਹਨੂਮਾਨ  
 ਉਤਰ ਦੀਨ । ਦੇਵ ਜੋ ਤੋਹਿ ਜੀਵਤੀ ਇਹ ਠੌਰ ਜਾਨੇ ਰਾਮ  
 । ਜਲਾਹਿ ਲੰਕ ਖਿਨੇਕ ਮੈਂ ਹਨੁ ਰਾਖਸ਼ਾ ਸੰਗ੍ਰਾਮ ॥ ੪੫ ॥  
 ਸੀਯ ਕਹਜੋ ਰਾਖਸ਼ਿ ਸੰਗ ਕੈਸੇ ਲਰੈਗੋ ਤਨ ਏਹ ॥ ਔਰ  
 ਬਾਨਰ ਹੋਹਿਗੇ ਤਵ ਤੁਲ ਤੇ ਲਘੁ ਦੇਹ । ਸੀਯਕੇ ਯਹਿਵਾਕ



ਸੁਨ ਗਿਰਜਾ ਤਬੈ ਹਨੂੰਮਾਨ । ਦਿਖਾਇਓਤਿਨ ਰੂਪ ਪੂਰਬ  
 ਆਹਿ ਪਰਮ ਮਹਾਂਨ ॥ ੩੬ ॥ ਸਵੈਯਾ ॥ ਗਿਰ ਮੰਦਰ  
 ਮੇਰ ਸਮਾਨ ਬਡੇ ਗਣ ਰਾਖਸ਼ ਜਾਂ ਬਲ ਤੇ ਡਰਪਾਏ । ਹਰਖੀ  
 ਸੀਯ ਪੇਖ ਹਨੂੰਮਤ ਕੋ ਕਪਿ ਕੁੰਜਰ ਕੋ ਯਹਿ ਵਾਕ ਅਲਾਏ  
 । ਤੁਮਹੋ ਬਲਵੰਤ ਬਡੇ ਜਗਮੈ ਤਨ ਰਾਖਸ਼ ਪੇਖਹਿ ਲੇਹ  
 ਲੁਕਾਏ । ਪਥਤੇ ਕਲਿਯਾਨ ਸਦਾ ਕਪਿ ਕੁੰਜਰ ਸਾਰ ਕਹੋ  
 ਅਬ ਰਾਮਹਿ ਜਾਏ ॥ ੩੭ ॥ ਗੀਯਾਮਾਲਤੀਛੰਦ ॥ ਤਵ  
 ਦੇਖਨੇ ਤੇ ਪਾਰਣਾਮਮ ਭੂਖ ਉਰਮੈ ਭਾਰੀਯਾ । ਅਬ ਕਰੋਂਗੋ  
 ਮਧ ਫਲੋ ਕਰ ਜਬ ਹੋਇ ਆਇਸ ਬਾਰੀਆ । ਸੀਯ ਕਹਯੋ  
 ਮੇਰੀ ਦ੍ਰਿਸ਼ ਗੋਚਰ ਅਲਪ ਫਲ ਕਛੁ ਲੀਜੀਏ । ਮੈਂ ਪਰੀ  
 ਹੋਂ ਇਨ ਬੰਦ ਮੈ ਕਛੁ ਨਾ ਅਖਾਰੋ ਕੀਜੀਏ ॥ ੩੮ ॥ ਤਬ ਖਾਇ  
 ਕਛੁ ਫਲ ਬੰਦ ਸੀਤਾ ਹਨੂੰਮਾਨ ਪਧਾਰਿਯੋ ॥ ਕਛੁ ਦੂਰ ਆਯੋ  
 ਤਾਂਹਿ ਤੇ ਮਨ ਬੀਚ ਏਹ ਬੀਚਾਰਿਓ । ਜਹਿੰ ਦੂਤ ਆਯੋ ਕਾਜ  
 ਕੋ ਵਹਿ ਸ੍ਰਾਮਿ ਕਾਜ ਅਦੁਖਣੋਂ । ਕਛੁ ਔਰ ਕਹ ਨਹਿੰ ਜਾਇਜੋ  
 ਵਹਿ ਅਧਮ ਦੂਤਹ ਭੂਖਣੋਂ ॥ ੩੯ ॥ ਕਛੁ ਔਰ ਕਰ ਪਿਖ  
 ਰਾਵਣੰ ਕਿਛੁ ਬਾਤ ਤਾਸੋਂ ਕੀਜੀਯੇ । ਫਿਰ ਜਾਉਂ ਰਾਘਵ  
 ਦੇਖਣੋਂ ਹਿਤ ਤੇ ਕਛੁ ਜਸੁ ਲੀਜੀਯੇ । ਇਮ ਧਾਰਮਨ ਮੈਂ ਫੇਰ  
 ਆਯੋ ਲਗੋ ਬ੍ਰਿਖ ਉਪਾਰਨੇ । ਅਸ਼ੋਕ ਬਨ ਮੈਂ ਸ਼ੋਕ ਡਾਰੇ  
 ਚਹੇ ਰਾਖਸ਼ ਮਾਰਨੇ ॥ ੪੦ ॥ ਤਰੁ ਸੀਯਾ ਛਾਯਾ ਛੇਡਿਕੈ  
 ਸਭ ਔਰ ਬਨੀਂ ਉਪਾਰੀਯਾ । ਬਨ ਪਾੜਤੋ ਕਪਿ ਦੇਖਕੈ  
 ਢਿਗ ਆਇ ਰਾਖਸ਼ ਨਾਰੀਯਾ ॥ ਜਾਨਕੀ ਕੋ ਪੂਛ ਹੈ ਕਪਿ



ਕਉਨ ਉਦਭਟਿ ਹੈਂ ਬਰੇ । ਸੀਯ ਕਹੈ ਤੁਮ ਹੀ ਜਾਨਹੋ  
 ਛਲ ਨੀਚ ਰਾਖਸ਼ ਜੋ ਕਰੇ ॥ ੪੧ ॥ ਮੈਂ ਦੁਖ ਸ਼ੋਕ ਸਮਾਕੁਲਾ  
 ਕਛੁ ਸਾਰ ਨਾਹੀਂ ਪਾਵਤੀ । ਯੋਂ ਸੁਨਤ ਰਾਖਸ਼ ਨਾਰੀਆਂ ਸਭ  
 ਭਾਗੀਆਂ ਡਰ ਪਾਵਭੀ । ਹਨੁਮਾਨ ਕੀਨੋ ਕਰਮ ਜੋ ਤਿਨ  
 ਜਾਇ ਭਾਖਯੋ ਰਾਵਣੇਂ । ਸੁਨਿ ਦੇਵ ਆਯੋ ਕੋ ਬਲੀ ਕਪਿ ਰੂਪ  
 ਤਾਂ ਡਰ ਪਾਵਣੇਂ ॥ ੪੨ ॥ ਸੀਯ ਸਾਥ ਤਿਨ ਕਰ ਵਾਰਤਾ ਅਸ਼ੋਕ  
 ਬਾਂਨ ਉਪਾਰਿਆ । ਪ੍ਰਸਾਦਿ ਦੈਤ ਸੁ ਤੋਰਿਓ ਕਪਿ ਆਹਿ  
 ਅਤਿ ਬਲਕਾਰਿਆ । ਪ੍ਰਸਾਦਿ ਪਾਲਕ ਮਾਰਕੈ ਨਿਰਭੀਤ  
 ਬੈਠੋ ਹੈ ਤਹਾਂ । ਸੋ ਸੁਨਤ ਰਾਵਣ ਕੋਪ ਉਠਿਓ ਕਹੇ ਸੇਵਕ  
 ਹੈਂ ਕਹਾਂ ॥ ੪੩ ॥ ਸੰਕਰਛੰਦ ॥ ਦਸ ਲਾਖ ਕਿੰਕਰ ਭੇਜਿਓ  
 ਦਸ ਕੰਠ ਰਾਖਸ਼ ਰਾਜ । ਹਨੁਮਾਨ ਮਹਿਲ ਉਖਾਰ ਬੈਠੇ  
 ਵੈਰ ਰਾਵਣ ਸਾਜ । ਕ੍ਰਿਤ ਲੋਹ ਥੰਭ ਸੁ ਆਯੁਧਾ ਤਨੁ ਆਹਿ  
 ਗਿਰ ਆਕਰ । ਹਲਾਇ ਬੈਠ ਲੰਗੂਰ ਕੋ ਮੁਖ ਲਾਲ ਨੈਨ  
 ਪਸਾਰ ॥ ੪੪ ॥ ਭੁਜੰਗ ਪ੍ਰਯਾਤ ਛੰਦ ॥ ਜਬੈ ਤਾਂਹਿ ਦੇਖੇ  
 ਘਨੇ ਸ਼ਤ੍ਰੁ ਆਏ । ਕਰੇ ਸਿੰਘ ਨਾਦੰ ਹਨੂੰ ਤਾਂ ਸੁਹਾਏ । ਉਮਾਂ  
 ਕਿੰਕਰਾ ਦੇਖਿਓ ਵਾਯੁ ਬਾਲਾ । ਮਨੋ ਸੂਰ ਸੋਹੇ ਪ੍ਰਤਾਪੀ ਕਰਾਲਾ  
 ॥ ੪੫ ॥ ਸਵੈਯਾ ॥ ਰਾਵਣ ਕਿੰਕਰ ਕੋਪ ਅਏ ਹਨੁਮਾਨਹਿੰ  
 ਕੋ ਬਹੁ ਸ਼ਸਤ੍ਰ ਪ੍ਰਹਾਰੇ । ਕੋਪ ਭਯੋ ਹਨੁਮਾਨ ਬਲੀ ਉਠ ਲੋਹੇ  
 ਕੇ ਥੰਭ ਸੁ ਹਾਥ ਸਵਾਰੇ । ਰਾਖਸ਼ ਯਾ ਬਿਧ ਤਾਂਹਿ ਹਨੇਂ  
 ਗਜਰਾਜ ਮਤੇਜਿਮ ਮੱਛਰ ਮਾਰੇ । ਰਾਵਣ ਬਾਤ ਸੁਣੀਂ ਜਬਹੀਂ  
 ਅਤਿ ਕ੍ਰੋਧ ਭਯੋ ਤਿਨ ਚੀਤ ਮਝਾਰੇ ॥ ੪੬ ॥ ਪੰਚ ਸ੍ਰਿਦਾਰ ਸੁ



ਔਰ ਪਠੇ ਹਨੁਮਾਨ ਵਹੀ ਪੁਨਿ ਮਾਰ ਗਿਰਾਏ । ਸਾਤ ਅਮਾ  
 ਤਨ ਕੇ ਸੁਤ ਰਾਵਣ ਕੋਪ ਭਰੇ ਉਰ ਆਨ ਪਠਾਏ । ਪੂਰਬ  
 ਜਯੋਂ ਹਨੁਮਾਨ ਵਹੀ ਰਣ ਭੀਤਰ ਕੋਪ ਭਲੀ ਬਿਧਿ ਘਾਏ ।  
 ਮਾਰੁਤ ਨੰਦਨ ਮਾਰ ਸਭੈ ਅਭਿ ਲੋਹ ਕੇ ਥੰਭ ਸੁ ਹਾਥ ਫਿਰਾਏ  
 ॥ ੪੭ ॥ ਵੇਹਰਾ ॥ ਪੂਰਬ ਠੌਰ ਸੁ ਬੈਠ ਪੁਨਿ ਔਰਨ ਕੋ  
 ਪਥ ਹੇਰ । ਅਖੈ ਕੁਮਾਰ ਸੁ ਆਇਓ ਜਨ ਯਮ ਆਨੋ ਘੇਰ  
 ॥ ੪੮ ॥ ਸਵੈਯਾ ॥ ਪੇਖ ਹਨੂੰ ਤਿਨ ਕੂਦ ਅਕਾਸ਼ ਚੜ੍ਹੈ  
 ਤਿਨ ਲੋਹੇਕੇ ਥੰਭ ਸੰਭਾਰੇ । ਫੇਰ ਫਿਰੇ ਨਭਿ ਮੰਡਲ ਤੇ ਕਪਿ  
 ਰਾਵਣ ਕੇ ਸੁਤ ਕੇ ਸਿਰ ਮਾਰੇ । ਸੈਨ ਹਨੀ ਸਗਰੀ ਤਿਨ ਕੀ  
 ਕਿਨ ਜਾਇ ਕਹਯੋ ਸੁ ਅਖੈ ਰਣ ਮਾਰੇ । ਰਾਖਸ਼ ਰਾਜ ਸੁ ਕੋਪ  
 ਭਰੇ ਮਘਵਾਜਿਤ ਕੋ ਯਹਿ ਵਾਕ ਉਚਾਰੇ ॥ ੪੯ ॥ ਸੁਤ ਮੇਂ  
 ਅਬ ਜਾਉ ਤਹਾਂ ਰਣ ਮੇਂ ਜਿਹ ਠੌਰ ਅਹੇ ਜਿਨਮੇਂ ਸੁਤ ਮਾਰੇ  
 ਅਬਕੈ ਤਿਨ ਕੋ ਰਣ ਮਾਹਿ ਹਨੋਂ ਨਹਿ ਬਾਂਧ ਅਨੋ ਨਿਜ  
 ਭੈਨ ਮਝਾਰੇ । ਮਘਵਾਜਿਤ ਬਾਪ ਕੋ ਆਪ ਕਹਯੋ ਉਰ ਕੋ  
 ਸਭ ਸ਼ੋਕ ਸੁ ਦੇਹੁ ਨਿਵਾਰੇ । ਮਮ ਜੀਵਤ ਕਾਹਿ ਨਮਿਤ ਸੁਨੋ  
 ਇਹ ਦੂਖਤ ਵਾਕ ਸੁ ਆਪ ਉਚਾਰੇ ॥ ੫੦ ॥ ਨਰਾਜਛੰਦ ॥  
 ਸੁ ਬ੍ਰਹਮ ਫਾਸ ਡਾਰ ਬੇਗ ਬਾਂਧ ਤਾਂ ਲਿਆਇਹੋਂ । ਬਖਾਨ  
 ਇੰਦ੍ਰਜੀਤ ਯੋ ਚਲੇ ਨ ਬੇਰ ਲਾਇਹੋਂ । ਗਯੋ ਸੁ ਵਾਯੂ ਪੂਤ ਕੇ  
 ਸਮੀਪ ਕੋਪ ਰਾਵਣੀ । ਨਿਹਾਰ ਤਾਂ ਹਨੂੰ ਸੁ ਥੰਭ ਲੀਨ ਬਾਹਿ  
 ਦਾਹਣੀ ॥ ੫੧ ॥ ਸਵੈਯਾ ॥ ਖਗ ਰਾਜ ਸਮਾਨ ਤਬੈ ਹਨੁ  
 ਮਾਨ ਸੁ ਕੂਦ ਅਕਾਸ਼ ਚੜ੍ਹੈ ਬਲ ਧਾਰੇ । ਨਭਿ ਬੀਚ ਫਿਰੇ



ਇਹ ਭਾਂਤਿ ਹਨੂੰ ਮਘਵਾਜਿਤ ਤਾਂਹਿ ਸਿਲੀ ਮੁਖ ਮਾਰੇ ।  
 ਸਰ ਪੰਚ ਦਏ ਕਪਿਕੇ ਸਿਰ ਮੈਂ ਪੁਨਿ ਆਨ ਭਲੇ ਰਿਦ ਮਾਹਿ  
 ਪ੍ਰਹਾਰੇ । ਖਟ ਪਾਦਨ ਮੈਂ ਇਕ ਪੁੰਛ ਹਨੀਂ ਮਘਵਾਜਿਤ ਕੇਹਰਿ  
 ਜਿਉ ਲਲਕਾਰੇ ॥ ੫੨ ॥ ਤਬ ਕੋਪ ਭਰੇ ਹਨੂਮਾਨ ਬਲੀ  
 ਨਭਿਮੰਡਲ ਮੁਸਲ ਹਾਥਿ ਉਭਾਰੇ । ਮਘਵਾਜਿਤ ਕੋ ਰਥ ਔਰ  
 ਤੁਰੰਗਮ ਸਾਰਥ ਤਾਂ ਖਿਣ ਭੀਤਰ ਮਾਰੇ । ਘਨਨਾਦ ਬਡੀ  
 ਉਰ ਲਾਜਭਈ ਕੁਪ ਔਰ ਭਏ ਰਥ ਮੈਂ ਅਸਵਾਰੇ । ਤਿਨ  
 ਬਾਂਧਲਏ ਹਨੂਮਾਨ ਉਮਾਂ ਚਤੁਰਾਨਨ ਫਾਸ ਕਰੇ ਸਤਕਾਰੇ  
 ॥ ੫੩ ॥ ਵੇਹਰਾ ॥ ਰਾਵਣ ਪਾਸ ਲਿਜਾਨ ਹਿਤ ਹਨੂਮਾਨ  
 ਲਏ ਬਾਂਧ । ਹਰਖੇ ਪੁਰਕੇ ਸਗਲ ਜਨ ਵਿਪਤਿ ਨ ਜਾਨੈਂ  
 ਆਂਧ ॥ ੫੪ ॥ ਕਬਿਤੁ ॥ ਜਾਹਿ ਨਾਂਮ ਭਜ ਜਗ ਬੰਧਨ  
 ਕੋ ਲੋਕ ਭਜ ਕੋਟ ਰਵਿਭਾਸੁਰ ਸੁ ਰਾਂਮ ਪਦ ਪਾਇਹੈਂ । ਤਿਨਹੀਂ  
 ਕੋ ਪਾਦਕੰਜ ਧਰ ਰਿਦਕੰਜ ਹਨੂਮਾਨ ਬਲਵਾਂਨ ਨਹਿ ਫਾਸਕੈ  
 ਫਸਾਇਹੈਂ । ਸਮਸੁ ਬੰਧ ਹੀਨ ਰਾਮ ਸੇਵਕ ਪ੍ਰਬੀਨ ਬਲ  
 ਭਯੋ ਨਹੀਂ ਛੀਨ ਇਹ ਘਾਤ ਮੈਂ ਨ ਆਇਹੈਂ । ਰਾਮ ਬਲਧਾਰੀ  
 ਚਹੇਂ ਕਥਾ ਬਿਸਥਾਰੀ ਗਢ ਲੰਕ ਨਿਜ ਸੇਵਕ ਤੇ ਕੋਤਕ  
 ਦਿਖਾਇਹੈਂ ॥ ੫੫ ॥ ਇਤਿ ਸ੍ਰੀ ਮਤ ਅਧਯਾਤਮ ਰਾਮਾਇਣੇ  
 ਉਮਾਂ ਮਹੇਸ਼ੁਰ ਸੰਬਾਦੇ ਸੁੰਦਰ ਕਾਂਡੇ ਤ੍ਰਿਤੀਯੇ ਧਯਾਇ ॥ ੩ ॥

ਸ੍ਰੀ ਮਹਾਂਦੇਵ ਉਵਾਚ ॥

ਸਵੈਯਾ ॥ ਫਾਸਿ ਪਰੀ ਗਲਿ ਆਵਤ ਹੈ ਹਨੂਮਾਨ ਮਨੋ ਡਰ  
 ਭੋਨ ਨਿਹਾਰੇ । ਦੇਖਨ ਆਵਤ ਤਾਂਹਿ ਮਹਾਂਜਨ ਮੂਠ ਹਨੇ ਸੁ



ਤੁਲਾ ਸਿਰ ਮਾਰੇ । ਫਾਸ ਗਈ ਚਤੁਰਾਨਨ ਕੀ ਖਿਣ ਸੰਗਮ  
 ਕੈ ਹਨੂਮਾਨ ਨਿਹਾਰੇ । ਜਾਨ ਹਨੂੰ ਲਘੁ ਜੇਵਰੀ ਜਾਹਿ ਸੁ  
 ਕਾਰਯ ਗੌਰਵ ਮਾਰ ਸਹਾਰੇ ॥ ੧ ॥ ਜਿਹ ਠੌਰ ਦਸਾਨਨ ਮੱਧਿ  
 ਸਭਾ ਮਘਵਾਜਿਤ ਤਾਹਿ ਹਨੂੰ ਪਹੁੰਚਾਏ । ਜਿਨ ਬਾਨਰ  
 ਰਾਖਸ਼ ਮਾਰਦਏ ਗਲਿ ਫਾਸ ਪਰੀ ਸੁ ਪਿਖੇ ਕਪਿ ਆਏ ।  
 ਸੁ ਅਮਾਤਨ ਸਾਥ ਬਿਚਾਰ ਭਲੇ ਕਛ ਲਾਇਕ ਏਡ ਸੁ ਦੇਹ  
 ਕਰਾਏ । ਇਹ ਲੌਕਕਿ ਬਾਨਰ ਨਾਹਿ ਅਹੇ ਮਘਵਾਜਿਤੁ ਭਾਖੁ  
 ਸੁ ਭੌਨ ਸਿਧਾਏ ॥ ੨ ॥ ਢਿਗ ਆਹਿ ਬਜ਼ੀਰ ਪ੍ਰਹਸਤ ਬਡੇ  
 ਤਿਨ ਪੇਖ ਸੁ ਰਾਵਣ ਵਾਕ ਅਲਾਏ । ਪ੍ਰਹਸੁ ਪੁਛੇ ਤੁਮ ਯਾ  
 ਕਪਿ ਕੋ ਇਹ ਠੌਰ ਕਹੇ ਇਹ ਕਜੋਂ ਚਲਿਆਏ । ਇਹ ਕੌਨੈਂ  
 ਕਾਜ ਕਹਾਂ ਤੇ ਚਲੇ ਕਿਨ ਹੈ ਇਨ ਕੋ ਇਹ ਠੌਰ ਪਠਾਏ  
 । ਬਨ ਕਾਹਿ ਨਮਿਤ ਹਨੇ ਹਮਰੇ ਪੁਨ ਕਾਹਿ ਨਮਿਤ ਸੁ  
 ਰਾਖਸ਼ ਘਾਏ ॥ ੩ ॥ ਤਬ ਸਾਦਰ ਤਾਹਿ ਪ੍ਰਹਸਤ ਕਹੇ ਕਪਿ  
 ਕੌਨਹਿ ਤੂੰ ਇਹ ਠੌਰ ਪਠਾਏ । ਮੁਖ ਸਾਚ ਕਹੇ ਇਹ ਰਾਜ ਸਭਾ  
 ਡਰਨਾਹਿ ਕਰੇ ਹਮ ਦੇਂਹ ਛਡਾਏ । ਹਰਖੇ ਹਨੂਮਾਨੁ ਸੁਨੀ  
 ਬਤੀਆਂ ਤਬ ਰਾਵਣ ਓਰ ਖਰੋ ਮੁਖ ਚਾਏ । ਪਿਖਰਾਵਣ ਲੋਕ  
 ਤ੍ਰਿਕੰਟਕ ਕੋ ਹਨੂਮਾਨ ਤਬੈ ਇਹ ਭਾਂਤਿ ਸੁਨਾਏ ॥ ੪ ॥ ਪੁੰਨ  
 ਕਥਾ ਰਘਨੰਦਨ ਕੀ ਕਹਨੇਂ ਹਿਤ ਰਾਮ ਚਿਤੇ ਮਨ ਮਾਹੀਂ ।  
 ਸੁਨਿ ਦੇਵਨ ਕੇ ਰਿਪ ਰਾਮ ਕੋ ਦੂਤ ਸੁ ਮੈਂ ਹਰਿਜੀ ਸਭ ਕੇ  
 ਉਰ ਮਾਹੀਂ । ਜਿਨਕੀ ਪਤਿਨੀਂ ਨਿਜ ਨਾਸ ਨਮਿੱਤ ਸੁ ਤੋਹਿ  
 ਹਰੀ ਬਨ ਏਡਕ ਮਾਹੀਂ । ਜਿਮ ਪਾਵਨ ਆਹੁਤ ਸ੍ਰਾਨ ਹਰੇ



ਕਛੁ ਅੰਤਰ ਪਾਇ ਸੁ ਯਾਗਨ ਮਾਹੀ ॥ ੫ ॥ ਸੋ ਰਘੁਨਾਥ  
 ਸੁਗ੍ਰੀਵ ਕਿ ਸਾਥ ਮਤੰਗ ਧਰਾ ਧਰ ਮੀਤ ਭਏ ਹੈਂ । ਬਾਲਨ  
 ਮਾਰ ਸੁ ਏਕਹਿ ਬਾਨ ਸੁਗ੍ਰੀਵ ਕਿ ਸੀਸਹਿ ਛਤ੍ਰੁ ਦਏ ਹੈਂ ।  
 ਬਾਨਰ ਰਾਜ ਬੁਲਾਇ ਮਹਾਂ ਕਪਿ ਕੋਟ ਪਤੀ ਇਕ ਠੌਰ ਕਏ  
 ਹੈਂ । ਸਾਨੁਜ ਰਾਮ ਸਮੇਤ ਕਪੀਂਦਰ ਮਾਹਿ ਪ੍ਰਵਰਖਣ ਕੋਪ  
 ਭਏ ਹੈਂ ॥ ੬ ॥ ਸਿਯ ਸੋਧਨ ਕੋ ਕਪਿ ਨਾਥ ਬੁਲਾਇ ਸੁ  
 ਬਾਨਰ ਦੇਸਹਿ ਦੇਸ ਪਠਾਏ । ਤਿਨਮੈ ਇਕ ਪੈਨ ਕੁਮਾਰ  
 ਹਨੂੰ ਸੀਅ ਢੁਢਤ ਹੈ ਤੁਮਰੇ ਪੁਰ ਆਏ । ਮਮ ਵਾਰਜ ਨੈਨ  
 ਸੁ ਸੀਅ ਪਿਖੀ ਕਪਿ ਤੇ ਬਨ ਪਾਰ ਸਭੈ ਫਲ ਖਾਏ । ਸਰ  
 ਚਾਂਪ ਲਏ ਮਮ ਮਾਰਨ ਕੋ ਵਹਿ ਆਇ ਹੁਤੇ ਇਕ ਰਾਖਸ਼  
 ਘਾਏ ॥ ੭ ॥ ਤਨ ਰਖਨ ਕੇ ਹਿਤ ਦੈਤ ਹਨੇ ਸਭ ਜੀਵਨ ਕੋ  
 ਤਨ ਰਾਜਨ ਪਯਾਰੇ । ਚਤੁਰਾਨਨ ਫਾਸ ਸੁ ਬਾਧ ਹਮੈ ਇਹ  
 ਲਯਾਤ ਭਏ ਘਨਨਾਦ ਤੁਮਾਰੇ । ਬਿਧ ਕੇ ਬਰ ਮੈ ਛਹਿ ਫਾਸ  
 ਗਈ ਦਸ ਕੰਠ ਨਹੀ ਅਬ ਲੇਹੁ ਬਿਚਾਰੇ । ਮਿਸ ਬੰਧਨ ਕੈ  
 ਇਹ ਠੌਰ ਅਯੋ ਹਿਤ ਭਾਖਨ ਧੀ ਕਰੁਣਾ ਰਸ ਭਾਰੇ ॥ ੮ ॥  
 ਗੀਯਾਮਾਲਤੀ ਛੰਦ ॥ ਵਿਚਾਰ ਰਾਵਣ ਲੋਕ ਗਤਿ ਪਿਖ  
 ਰਾਖਸੀ ਮਤਿ ਨਾ ਗਹੇ । ਸੰਸਾਰ ਤੇ ਜੋ ਮੋਖ ਕਰਣੀ ਦੈਵਗਤ  
 ਉਰਮੈ ਗਹੇ । ਬਿਧ ਵੰਸ ਉਤਮ ਤੂੰ ਭਯੋ ਵਿਸੁ ਸ੍ਰਮਾਤੇ ਪਿਤ  
 ਭਾਨੀਏ । ਪੁਲਸਤ ਦਾਦਾ ਆਹਿ ਤੋਹਿ ਕੁਬੇਰ ਬਾਂਧਵ  
 ਜਾਨੀਏ ॥ ੯ ॥ ਸਵੈਯਾਂ ॥ ਤਨੁ ਆਤਮ ਬੁਧ ਨ ਰਾਖਸ਼ ਹੈ  
 ਦਿਜ ਦੇਹ ਸਭੈ ਤੁਮਰੀ ਜਗ ਜਾਨੈ । ਪੁਨਿ ਆਤਮ ਬੁਧ ਨ



ਰਾਖਸ਼ ਹੈ ਘਨ ਅਨੰਦ ਤੂੰ ਇਮ ਬੇਦ ਪ੍ਰਮਾਣੈ । ਤਨ ਬੁਧਿ  
 ਸੁਖਾਦਿਕ ਤੋਹਿ ਨਹੀਂ ਸੁ ਬਿਕਾਰ ਬਿਹੀਨਹਿ ਬੇਦ ਬਖਾਣੈ ।  
 ਅਗਿਆਨ ਜਨੇ ਭਵ ਬੰਧਨ ਤੇ ਵਹਿ ਝੂਠ ਅਹੇ ਗੁਣ ਸ੍ਰਾਪ  
 ਸਮਾਣੈ ॥ ੧੦ ॥ ਕਬਿਤ ॥ ਕਹੋ ਸਾਚ ਦੈਤਰਾਈ ਤੋਹਿ  
 ਵਿਕ੍ਰਯਾ ਨ ਕਾਈ ਸੁ ਬਿਕਾਰ ਹੇਤ ਦੈਤ ਤਵ ਰੰਚ ਨਹੀ  
 ਠਾਨੀਏ । ਸਰਬ ਠੌਰ ਜਯੋਂ ਅਕਾਸ਼ ਲੇਪਤੇ ਉਦਾਸ ਤਨ ਮਾਹਿ  
 ਤਿਮ ਸੁਖਮ ਹੀ ਆਪਕੋ ਪਛਾਨੀਏ । ਦੇਹ ਨੈਨ ਪ੍ਰਾਣ ਜਨ  
 ਆਤਮ ਪਛਾਨ ਸਭ ਭਏ ਬੰਧਵਾਨ ਇਹ ਨੀਤ ਉਰ ਆਨੀਏ  
 । ਅਖਰ ਅਨੰਦ ਚਿਦਕੰਦ ਅਜ ਆਪਿ ਪਿਖ ਬੰਧਨ  
 ਬਿਹੀਨ ਜਨ ਬੇਦ ਕੈ ਬਖਾਨੀਏ ॥ ੧੧ ॥ ਭੂਮਕੋ ਵਿਕਾਰਤਨ  
 ਆਤਮ ਨ ਧਾਰ ਨਹਿ ਪ੍ਰਾਨ ਨਿਜ ਆਤਮਾ ਸੁ ਪੈਨ ਹੀ ਨਿਹਾ  
 ਰੀਏ । ਹੀਕਾਰ ਕੋ ਵਿਕਾਰ ਮਨ ਆਤਮਾ ਨਿਹਾਰ ਨਹੀਂ ਬੁਧਿ  
 ਤੋ ਪ੍ਰਕ੍ਰਿਤਿ ਕੇ ਵਿਕਾਰ ਜਾ ਉਚਾਰੀਏ । ਆਤਮ ਅਨੰਦ ਘਨ  
 ਨਾਹਿ ਹੈ ਵਿਕਾਰ ਅਨਿ ਦੇਹਤੇ ਵਿਲਖਣ ਸੁ ਨੀਕੇ ਕੈ ਬਿਚਾ  
 ਰੀਏ । ਨਿਰੰਜਨ ਉਪਾਧਿ ਬਿਨ ਆਤਮ ਕੋ ਜਨਮ ਨ ਰਾਖਸ਼  
 ਕੇ ਰਾਈ ਜਗ ਬੰਧ ਕੋ ਨਿਵਾਰੀਏ ॥ ੧੨ ॥ ਸਾਧਨ ਸੁਬੰਧ  
 ਹਾਨ ਕਰੋਂ ਮੈ ਬਖਾਨ ਅਬ ਸਾਵਧਾਨ ਹੋਇ ਕੈ ਸੁ ਰਾਵਨ  
 ਸੁਨੀਜੀਏ । ਬੁਧ ਮਲ ਹਰੇ ਤਤੁ ਗਿਆਨ ਉਰਿ ਧਰੇ ਪੁਨ  
 ਯਾਹਿ ਕੇ ਨਮਿਤ ਸੇਵ ਬਿਸ਼ਨ ਕੀ ਸੁ ਕੀਜੀਏ । ਵਿਸੁਧਤਤ  
 ਗਿਆਨ ਨਿਜ ਆਤਮ ਪਛਾਨ ਪਦ ਪੂਰਨ ਮਹਾਨ ਅਬ ਪਾਇ  
 ਬੇਗ ਲੀਜੀਏ । ਪ੍ਰਕ੍ਰਿਤਿ ਪਰੇ ਰਾਮ ਅਬ ਭਜੀਏ ਸੋ ਕਾਮ



ਤਜਿ ਭੂਲ ਚੁਕ ਗਏ ਅਬ ਬੈਰ ਡਾਰ ਦੀਜੀਏ ॥ ੧੩ ॥  
 ਜੋਈ ਸਰਣਿ ਪਰੇ ਰਾਮ ਤਾਂਹਿ ਸੋਂ ਸਨੇਹੁ ਕਰੇ ਜਾਨਕੀ ਕੋ  
 ਪੂਜ ਅਬ ਸੰਗ ਤਾਂਹਿ ਲੀਜੀਏ । ਸੁਤ ਬਾਂਧਵ ਮਿਲਾਇ ਰਾਮ  
 ਪਾਂਇ ਪਰੋ ਜਾਇ ਨਾਥ ਭੂਲ ਚੁਕ ਗਏ ਅਬ ਮੋਹਿ ਬਖਸ਼ੀ  
 ਜੀਏ । ਲਏਂ ਤੂੰ ਉਬਾਰ ਵਹ ਹੈਂ ਉਦਾਰ ਦਯਾਵੰਤ ਰਾਮ  
 ਭਗਵੰਤ ਮਮ ਕਹਜੋ ਸੋਈ ਕੀਜੀਏ । ਰਾਮ ਸੇਵ ਕਰੇ ਬਿਨ  
 ਕਾਹੂਕੋ ਨ ਕਾਜ ਸਰੇ ਕੈਸੇ ਭਵ ਸਿੰਧ ਤਰੇ ਦੁਖਹੀਂ ਪਯੀ-  
 ਜੀਏ ॥ ੧੪ ॥ ਜੋ ਨ ਸੇਵ ਕਰੇਂ ਤੋ ਅੱਗਯਾਨ ਆਗ ਜਰੇਂ ਨਿਜ  
 ਆਤਮਕੇ ਸਾਥ ਤਿਨ ਆਪ ਵੈਰੁ ਠਾਨਿਯੋ । ਜਿਨਕੋ ਨ ਬੋਧ  
 ਨਿਜ ਪਾਤਕ ਨਰੋਧ ਕੀਨੋ ਮੋਖ ਕੀ ਨ ਸ਼ਿਕਾ ਤਵ ਹੋਇ ਮਮ  
 ਜਾਨਿਯੋ । ਅੰਮ੍ਰਿਤ ਸਮਾਨ ਹਨੂਮਾਨ ਜੋ ਬਖਾਨ ਕਰੇ ਸੁਨਿ  
 ਕੈ ਦਸਾਨਨ ਸੁ ਕ੍ਰੋਧ ਉਰਮਾਨਿਯੋ । ਕਰੇ ਦ੍ਰਿਗ ਲਾਲ ਜਨ  
 ਪਾਵਕ ਕਰਾਲ ਸੁ ਚਬਾਇ ਦੰਤ ਮਾਲ ਹਨੂਮਾਨ ਕੋ ਬਖਾ  
 ਨਿਯੋ ॥ ੧੫ ॥ ਕਪਿ ਦੁਸ਼ ਮਤਿ ਤੇਰੀ ਤੈ ਨ ਲਖੀ ਗਤਿਮੇਰੀ  
 ਕਪਿ ਨੀਚ ਸੁ ਅਭੀਤ ਮਮ ਕੈਸੇ ਕੈ ਬਖਾਨ ਹੈਂ । ਕੌਨ ਹੈ ਰੇ  
 ਰਾਮ ਸੁੱਗੀਵ ਕੋ ਨ ਨਾਮ ਜਾਨੋ ਦੋਊ ਮਾਰ ਡਾਰੋਂ ਤਬ ਮੋਹੂ  
 ਬਲ ਜਾਨ ਹੈਂ । ਤੋਹਿਕੋ ਸੁ ਮਾਰ ਪੁਨ ਜਾਨਕੀ ਉਤਾਰ  
 ਸਿਰ ਰਾਮ ਲਖਮਨ ਹਨੋਂ ਕਾਹੂਕੀ ਨ ਕਾਨ ਹੈਂ । ਪੁਨਿਹਨੋਂ  
 ਕਪਿ ਰਾਈ ਜੋਊ ਭਏ ਹੈਂ ਸਹਾਈ ਬਲਿ ਬਾਂਨਰ ਕੀ ਮਾਰੋਂ  
 ਤਬ ਮੋਹਿ ਕੋ ਪਛਾਨ ਹੈਂ ॥ ੧੬ ॥ ਸੁਨਿਕੈ ਲੰਕੇਸ਼ ਬਾਨੀ  
 ਕੋਪਿਯੋਭਵਾਨੀ ਹਨੂਮਾਨ ਤਾਹਿ ਉਪਮਾਂ ਸੁ ਪਾਵਕ ਕੀ ਦੀਜੀਏ



। ਰਾਵਣ ਕਰੋਰ ਮੇਰੇ ਜੋਰ ਕੈ ਸਮਾਨ ਨਾਹੀਂ ਰਾਮਚੰਦ ਦਾਸ  
 ਮੈਂ ਸੁ ਏਹੀ ਜਾਨ ਲੀਜੀਏ । ਸੁਨਿ ਹਨੂੰਮਾਨ ਵਾਕ ਕੋਪ ਕੈ  
 ਲੰਕੇਸ਼ ਇਕ ਰਾਖਸ਼ ਬੁਲਾਇ ਕਹਜੇ ਬੇਗ ਇਹੁ ਕੀਜੀਏ ।  
 ਦੈਂਤ ਸੁਤ ਨਾਰਿ ਸਭ ਲੇਹ ਯੋਂ ਨਿਹਾਰ ਅਬ ਯਾਹਿ ਕਪਿ  
 ਕੁੰਜਰ ਕੋ ਖੰਡ ਖੰਡ ਕੀਜੀਏ ॥ ੧੭ ॥ ਆਯੁਧ ਉਠਾਇ ਪਰੇ  
 ਦੈਤ ਇਕ ਧਾਇ ਤਿਹ ਦੌਰ ਆਪ ਜਾਇ ਸੁ ਵਿਭੀਖਣ  
 ਨਿਵਾਰਿਯੋ । ਬਾਨਰਸੁਦੂਤ ਯਹਿ ਬਡੇ ਹੈ ਸੁਪੂਤ ਸੁਨਿ ਰਾਜਨ  
 ਕੇ ਰਾਈ ਯਹਿ ਬਨੇਂ ਨਹੀਂ ਮਾਰਿਯੋ । ਰਾਮ ਪਾਸ ਬਾਤ ਕੌਨ  
 ਕਹੇਗੋ ਬੱਖਯਾਤ ਜਬ ਰਾਮਕੇ ਪਛਾਨ ਯਹਿ ਦੂਤ ਹੀ ਬਿਦਾ  
 ਰਿਓ । ਬੁੱਧ ਕੇ ਸਮਾਂਨ ਕਛੁ ਆਨ ਹੀ ਬਿਚਾਰ ਕਰ ਯਾਹਿਕੇ  
 ਸ਼ਰੀਰ ਪਰ ਚਿੰਨ੍ਹ ਬਨੇਂ ਧਾਰਿਓ ॥ ੧੮ ॥ ਬਿਖ ਬਾਨਰ  
 ਸ਼ਰੀਰ ਸੁਗਰੀਵ ਰਘੁਬੀਰ ਕਛੁ ਭੁਜਾਬਲ ਹੋਇਗੇ ਤੇ ਲਰੇ  
 ਤਬ ਆਇਕੈ । ਵਿਭੀਖਣ ਕੀ ਬਾਤ ਲਈ ਮਾਂਨ ਬਖਿਯਾਤ  
 ਤਿਨ ਰਾਖਸ਼ਾਂ ਕੇ ਰਾਈ ਦੈਤ ਭਾਖਿਯੋ ਬੁਲਾਇਕੈ । ਬਾਨਰ  
 ਕੋ ਮਾਂਨ ਸੁ ਲੰਗੂਰਮੈਂ ਮਹਾਂਨ ਸਦਾ ਤਾਹਿਕੈ ਸੁ ਸਾਥ ਦਿਜੈ  
 ਪਾਟ ਲਪਟਾਇਕੈ । ਪੁਰਮੈਂ ਭੁਮਾਇ ਪੋਂਛ ਪਾਵਕ ਜਰਾਇ  
 ਪਿਖ ਸਾਖਾ ਮ੍ਰਿਗ ਹਾਲ ਦਿਜੇ ਤਾਹਿਪੈ ਪਠਾਇਕੈ ॥ ੧੯ ॥  
 ਪੁਰਪਾਟ ਸਾਲ ਤਾਟ ਔਰ ਰੇਸ਼ਮੀ ਦੁਸ਼ਾਲੇ ਸਭ ਪੁੰਛਸੋਂ ਲਪੇਟ  
 ਲਾਇ ਖਾਸਕੀ ਵਿਛਾਵਣੇਂ । ਤੇਲ ਸੋ ਭਿਗਾਇ ਦੈ ਕੈ ਪੁੰਛ  
 ਲਪਟਾਏ ਕਛੁ ਪਾਵਕ ਜਰਾਇ ਲਗੇ ਦੈਂਤ ਬਿਗਸਾਵਨੇ ।  
 ਜੇਵਰੇ ਸੋਂ ਬਾਧ ਹਨੂੰਮਾਨ ਬਲਵਾਂਨ ਲਖ ਚੋਰ ਚੋਰ ਭਾਖ



ਲਗੇ ਪੁਰ ਮੇਂ ਭ੍ਰਮਾਵਨੇ । ਪੀਠ ਢੋਲ ਕੇ ਬਯਾਇ ਇਕ  
 ਈਂਟ ਕੇ ਚਲਾਇ ਸਿਰ ਠੀਂਗਾ ਇਕ ਮਾਰ ਲਗੇ ਗਾਰੀਕੇ  
 ਸੁਨਾਵਨੇ ॥ ੨੦ ॥ ਵਾਯੂ ਕੇ ਕੁਮਾਰ ਉਮਾ ਸਹੇ ਸਿਰ ਮਾਰ ਕਛੁ  
 ਮਨ ਮੇਂ ਬਿਚਾਰ ਸੋਈ ਚਲੇਗੇ ਦਿਖਾਇਕੈ । ਗਏ ਚਾਂਦ ਪੌਲ  
 ਧਾਏ ਤਨ ਬੰਧਨ ਛੁਡਾਏ ਹਨੂਮਾਨ ਤਨ ਆਪਨੇਂ ਸੁ ਸੂਖਮ  
 ਬਨਾਇਕੈ । ਗਿਰ ਸੇਂ ਅਕਾਰ ਕੈ ਉਪਾਰ ਪੁਰ ਦੁਆਰ ਲਯੇ  
 ਲੋਹ ਬੰਭ ਹਾਥ ਪਰੇ ਫੇਰ ਕਿਲਕਾਇਕੈ । ਜੇਈ ਹੁਤੇ ਰਖਵਾਰੇ  
 ਹਨੂਮਾਨ ਸਭ ਮਾਰੇ ਫੇਰ ਅੰਜਨੀਂ ਕੁਮਾਰ ਰਾਜ ਭੌਨ ਚਢੇ  
 ਧਾਇਕੈ ॥ ੨੧ ॥ ਕੂਦ ਕੂਦ ਕੈ ਅਟਾਰੀ ਹਨੂਮਾਨ ਸਭ  
 ਜਾਰੀ ਕਿਲਕਾਰ ਪੌਛ ਪਾਵਕ ਸੁ ਪੁਰਕੇ ਪੂਜਾਰ ਹੈ । ਪੀਛੇ  
 ਪਾਵਕ ਜਰਾਇ ਆਗੇ ਭਾਗੇ ਮਾਰ ਖਾਇ ਘਰ ਤੋਰਨ ਜਰਾਇ  
 ਸੁ ਮਹਾਜਨ ਕੇ ਮਾਰ ਹੈ । ਹਾਇ ਸੁਤ ਹਾਇ ਪਤਿ ਹਾਇ ਮਾਇ  
 ਭਾਇ ਬਾਪ ਰਾਖਸ਼ ਕੀ ਨਾਰੀ ਯਾਹਿ ਮਾਲਜਾ ਪੁਕਾਰ ਹੈਂ ।  
 ਪ੍ਰਸਾਦਿ ਸਿਰ ਚਰੇਂ ਤਾਹਿ ਪਾਵਕ ਸੇਂ ਜਰੇਂ ਫਿਰ ਭੂਮ ਆਗ  
 ਪਰੇ ਜਨ ਦੇਵਤਾ ਪਧਾਰ ਹੈਂ ॥ ੨੨ ॥ ਐਰ ਪੁਰ ਜਾਰਿਓ ਸੁ  
 ਲੋਗਨ ਕੇ ਮਾਰਿਓ ਵਿਭੀਖਣ ਕੇ ਜਾਨ ਘਰ ਏਕ ਹੀ ਉਬਾ  
 ਰਿਓ । ਕੂਦ ਜਲ ਸਿੰਧ ਪਰੇ ਪੌਛਕੇ ਭੁਬਾਇਕਰ ਹੋਇ ਸਾਵ  
 ਧਾਨ ਹਨੂਮਾਨ ਕਿਲਕਾਰਿਓ । ਪੌਨ ਆਗਿ ਮੀਤਾ ਕਰੀ ਬੇ  
 ਨਤੀ ਸੁ ਸੀਤਾ ਭਏ ਪਾਵਕ ਸੁਸੀਤਾ ਨਾਲੰਗੂਰ ਕਪਿ ਜਾਰਿਓ  
 । ਜਾਹਿ ਨਾਂਮਕੇ ਚਿਤਾਰ ਸਭ ਪਾਪਨ ਉਤਾਰ ਜਗ ਤੀਨਤਾਪ  
 ਪਾਵਕ ਸੁ ਰਾਮ ਜਨ ਮਾਰਿਓ ॥ ੨੩ ॥ ਦੋਹਰਾ ॥ ਤਿਨ



ਰਘੁਵਰ ਕੋ ਦੂਤ ਯਹ ਉਤਮ ਪੈਨ ਕੁਮਾਰ । ਪ੍ਰਾਕ੍ਰਿਤ ਪਾਵਕ  
ਤਾਹਿ ਕੋ ਸਕੇ ਨ ਗਿਰਜਾ ਜਾਰ ॥ ੨੪ ॥ ਇਤਿ ਸ੍ਰੀ ਮਤਿ  
ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਸੁੰਦਰਕਾਂਡੇ  
ਚਤੁਰਥੇ ਧਿਆਇ ॥ ੪ ॥

ਸ੍ਰੀ ਮਹਾਂ ਦੇਵ ਉਵਾਚ ॥ ਕਬਿਤ ॥

ਸੀਅ ਵਿਗ ਜਾਇ ਫੇਰ ਸੀਸ ਕੋ ਨਿਵਾਇ ਹਨੂਮਾਨ ਕਹਯੋ  
ਮਾਇ ਮੁਹਿ ਆਇਸੁ ਸੁ ਦੀਜੀਏ । ਬੇਗ ਤਾਹਿ ਜਾਉਂ ਸਮਾ  
ਚਾਰ ਸੁ ਸੁਨਾਉਂ ਤਵ ਪਿਖੇਂ ਰਘੁਬੀਰ ਅਬ ਇਹਾਂਹੀ ਅਨੀ  
ਜੀਏ । ਐਸੇ ਭਾਖ ਤੀਨ ਸੁ ਪ੍ਰਦਖਣਾ ਬਨਾਇ ਦਈ ਕਰਕੇ  
ਪ੍ਰਣਾਮ ਕਹੈ ਮਾਤ ਸੁਨਿ ਲੀਜੀਏ । ਦੇਵ ਤੋ ਕਲਜਾਨ ਅਬ ਕਰੋਂ  
ਮੈਂ ਪਯਾਨ ਰਘੁਬੀਰ ਕੋ ਲਜਾਉਂ ਨਿਜ ਨੈਨ ਸੁ ਦਿਖੀਜੀਏ  
॥੧॥ ਲਖਮਣ ਸੰਗ ਸੁ ਅਨੰਗ ਸੇ ਸੁਹਾਇ ਰਹੇ ਬਾਨਰਕੋ  
ਰਾਈ ਕਪਿ ਕੋਟਨ ਮਿਲਾਇਕੈ । ਸੁਨਕੈ ਸੋ ਬਾਤ ਸੀਅ ਰਹੀ  
ਬਿਲਖਾਤ ਜੀਅ ਫੇਰਿ ਤਿਨ ਕਹਯੋ ਹਨੂਮਾਨ ਕੋ ਸੁਨਾਇਕੈ  
। ਤੂੰ ਤੋ ਅਬਿ ਜਾਹਿ ਸੁਖਿ ਹੋਇ ਪਥਿ ਮਾਹਿ ਕਪਿ ਤੋਹਿਕੋ  
ਨਿਹਾਰ ਦੁਖ ਦਏ ਥੇ ਭੁਲਾਇਕੈ । ਯਾਂਤੇ ਉਪਰਾਂਤਿ ਅਬ  
ਜੀਵਨੋ ਸੁ ਜਾਤਿ ਮੇਰੋ ਰਾਮ ਬਾਤ ਸੁਨੇ ਬਿਨ ਮਰੋਂ ਬਿਖ  
ਖਾਇਕੈ ॥ ੨ ॥ ਝੂਲਣਾ ॥ ਕਹੀਂ ਜਾਇਕੈ ਸੋਮ ਸ੍ਰੀ ਰਾਮ ਕੋ  
ਤੂੰ ਪੁਰੀ ਲੰਕ ਮੈਂ ਜਾਨਕੀ ਜੀਵਤੀ ਹੈ । ਦਿਨਾਂ ਬੋਝਿਆਂ ਮੈਂ  
ਤਜੇ ਪ੍ਰਾਣ ਕੋ ਸੋ ਨਹੀਂ ਖਾਵਤੀ ਨੀਰ ਨਾ ਪੀਵਤੀ ਹੈ । ਲਿਖੇ ਲੋਹ



ਕਾਲੰਮ ਵਿਜੋਗ ਤੇ ਜੀ ਘਨੇ ਦੁਖ ਸੋਂ ਜੀਵ ਸੰਤਾਵਤੀ ਹੈ ।  
 ਬਹੀ ਜਾਇ ਹੈ ਦੁਖ ਕੇ ਸਿੰਧ ਮੈ ਜੀ ਧਰੇ ਧੀਰ ਆਲੰਬ ਨਾ  
 ਪਾਤਵੀ ਹੈ ॥ ੩ ॥ ਚਲੇ ਜਾਂਦਿਨਾਂ ਨਾਥ ਸੰਕੇਤ ਤੇ ਜੀ ਭਲੇ  
 ਦੁਖ ਸੋਂ ਤੀਨ ਆਰੰਨ ਆਏ । ਪਿਖੇ ਹੇਮ ਕੁਰੰਗ ਮੈ ਪਾਪ  
 ਨੀ ਜੀ ਕਹਾਨਾਥ ਕੋ ਆਨ ਲੈ ਬਾਨ ਧਾਏ । ਹਤੋਹਾ ਬਿਧੇ ਰਾ  
 ਖਸੋ ਮਿਤ੍ਰ ਮੋਕੋ ਪਰੋ ਬੈਨ ਆਭਾਗਤੇ ਕਾਨ ਮੇਰੇ । ਪਿਛੋ ਸੋ  
 ਮਸੇ ਤਾਹਿਕੇ ਭ੍ਰਾਤ ਕੋ ਜੀ ਬੁਰਾ ਬੋਲ ਮੈ ਤੋਰਿਓ ਤਾਹਿਓਰੋ  
 ॥ ੪ ॥ ਨਹੀਂ ਚਾਹਤੀ ਹੇਮ ਕੋਰੰਗ ਕੋ ਜੋ ਹਨੂਮਾਨ ਨ ਦੌਰਤੇ  
 ਨਾਥ ਮੇਰੇ । ਹੁਤੀ ਰਾਮ ਸਮੀਪ ਇਹ ਜਾਨਕੀ ਜੋਹੁਤੇ ਕੋਨ  
 ਸਮਰਥ ਜੋ ਮੋਹਿ ਹੇਰੇ । ਕਹੀਂ ਜੋੜਕੇ ਹਾਥ ਸੋਮਿਤ੍ਰ ਸੇਤੀ ਕਹੀਂ  
 ਜਾਨਕੀ ਤੋਹਿ ਕੋ ਨੈਕਵਾਰੀ । ਖਿਮਾ ਕੀਜੀਏ ਮੈ ਬੁਰੇ ਬੈਨ ਕੀ  
 ਜੀ ਤੁਹੀਂ ਰਾਮ ਕੋ ਭ੍ਰਾਤ ਮੇ ਸੁਖ ਕਾਰੀ ॥ ੫ ॥ ਹਨੂਮਾਨੋ ਵਾਚ ॥ ਸ੍ਰੈਯਾ ॥  
 ਜੋ ਮਨ ਮੈਂ ਇਹ ਭਾਂਤਿ ਸੁਨੋ ਤਬ ਮੋਹਿ ਸਿਕੰਧਨ ਪੈ ਚਵਿ ਲੀਜੇ  
 । ਰਾਮ ਕੇ ਸਾਥ ਮਿਲਾਇ ਦਯੋਂ ਖਿਣ ਭੀਤਰ ਮਾਤ ਸੁ ਬੇਰਨ  
 ਕੀਜੇ । ਜੋ ਰੁਚ ਹੋਇ ਚਲੋ ਅਬਹੀਂ ਜਬ ਰਾਮ ਰਿਸੇ ਤਬ ਮੋ  
 ਬਖਸੀਜੈ । ਸਿੰਘ ਗੁਲਾਬ ਕਹੇ ਗਿਰਜਾ ਪਤਿ ਪਾਰਬਤੀ  
 ਸੀਯ ਵਾਕ ਸੁਨੀਜੈ ॥ ੬ ॥ ਸੀਤੋ ਵਾਚ ਸਵੈਯਾ ॥ ਰਾਮ ਸੁਕਾਇ  
 ਸੁ ਸਾਗਰ ਕੋ ਪੁਨਿ ਕੈ ਸਰ ਪੰਜਰ ਸੇਤ ਬਨਾਵੇ । ਬਾਨਰ  
 ਸੈਨ ਮਿਲਾਇ ਸੁ ਆਇਕੈ ਰਾਵਣ ਕੇ ਰਣ ਸੀਸ ਉਡਾਵੇ ।  
 ਫੇਰ ਲਜਾਇ ਸੁ ਮੇਂ ਪੁਰਮੈ ਰਘੁਬੀਰ ਤਬੈ ਜਗ ਮੈਂ ਜੱਸ  
 ਪਾਵੇ । ਮੈ ਅਬ ਪ੍ਰਾਣ ਰਖੋਂ ਹਠ ਕੈ ਤੁਮ ਬੇਗ ਚਲੋ ਪਥ ਦੇਰਨ



ਲਾਵੇ ॥੭॥ ਇਹ ਭਾਂਤਿ ਚਲੇ ਹਨੂਮਾਨ ਤਬੈ ਸੀਅ ਪਾਦਨ ਮੈ  
 ਅਭਿਬੰਦਨ ਧਾਰੇ । ਗਿਰਤੇ ਸਿਰ ਕੂਦ ਚੜੇ ਹਨੂਮਾਨ ਸੁ  
 ਜਾਵਨ ਹੇਤ ਮਹੋਦਧਿ ਪਾਰੇ । ਗਿਰਤੇ ਕਪਿ ਕੂਦ ਅਕਾਸ਼ ਚੜੇ  
 ਪਦ ਭਾਰਯ ਸੇ ਗਿਰ ਭੂਮਿ ਮਝਾਰੇ । ਗਿਰ ਯੋਜਨ ਤੀਸ  
 ਉਚਾਨ ਹੁਤੇ ਭਯ ਭੂਮਿ ਸਮਾਨ ਹਨੂ ਪਦ ਮਾਰੇ ॥ ੮ ॥ ਸੁਤ  
 ਮਾਰੁਤ ਮਾਰੁਤ ਬੇਗ ਅਕਾਸ਼ ਚਢੇ ਮੁਖਿ ਮੈਂ ਘਨਸੇ ਕਿਲਕਾਰੇ  
 । ਸੁਨਿਕੈ ਉਤ ਬਾਨਰ ਬੋਲ ਉਠੇ ਨਭਿ ਆਵਤ ਹੈ ਯਹਿ  
 ਵਾਯੁ ਕੁਮਾਰੇ । ਮੁਖ ਗਾਜਤ ਔ ਹਰਖੇ ਉਰ ਮੈਂ ਪਲਵੰਗਮ  
 ਯਾਂ ਬਿਧ ਬੈਨ ਉਚਾਰੇ ॥ ਕਿਲਕਾਰਨ ਤੇ ਹਮ ਜਾਨਤ ਹੈਂ  
 ਹਨੂਮਾਨ ਅਏ ਕਰ ਕਾਰਜ ਸਾਰੇ ॥ ੯ ॥ ਕਬਿਤ ॥ ਅੰਜਨੀ  
 ਕੁਮਾਰ ਯਹ ਆਵਤ ਨਿਹਾਰ ਲੇਹੁ ਐਸੇ ਕਪਿ ਕਹੈ  
 ਹਨੂਮਾਨ ਪਹੁਤੇ ਆਇਕੈ । ਉਪਰ ਪਹਾਰ ਜਹਾਂ ਬਾਨਰ ਸਿ  
 ਦਾਰ ਖਰੇ ਭਹੀਂ ਤਿਨ ਆਇ ਇਹ ਕਹਯੋ ਹੈ ਸੁਨਾਇਕੈ । ਜਾਨ  
 ਕੀ ਨਿਹਾਰ ਸੁ ਅਸ਼ੋਕ ਬਨੀ ਪਾਰ ਸੁਤ ਰਾਵਣ ਕੋ ਮਾਰਪੁਰ  
 ਲੰਕ ਮੈਂ ਜਰਾਇਕੈ । ਰਾਵਣ ਸੇ ਬਾਤ ਕਰ ਤਾਂਕੋ ਅਭਿਮਾਨ  
 ਹਰਿ ਫੇਰ ਕੂਦ ਆਯੋ ਕਛੁ ਹਾਥ ਮੈ ਦਿਖਾਇਕੈ ॥੧੦॥ ਚਲੇ  
 ਰਘੁਰਾਈ ਕਪਿਰਾਈ ਕੇ ਸਮੀਪ ਅਬ ਹਨੂਮਾਨ ਕਹਯੋ ਸਭ  
 ਸਮਾਂਚਾਰ ਪਾਯੋ ਹੈ । ਸੁਨਿਕੈ ਸੁਕੀਸ ਬਾਤ ਭਏ ਪੁਲਕਾਤ  
 ਸਭ ਅੰਜਨੀ ਕੁਮਾਰ ਕੋ ਬਨਾਇ ਗਲ ਲਾਯੋ ਹੈ । ਚੁੰਬਤ ਲੰ  
 ਗੂਲ ਕੇਈ ਫੂਲ ਮਣ ਨਾਚੇ ਕੇਈ ਕੇਈ ਪੁਨਿਭਾਖੇ ਕਛੁ ਫਲ  
 ਮੂਲ ਖਾਯੋ ਹੈ । ਮਿਲਕੈ ਸੁ ਹਨੂਮਾਨ ਚਲੇ ਬਲਵਾਨ ਕਪਿ



ਰਾਮ ਸੁਗ੍ਰੀਵ ਗਿਰ ਮਨ ਮੈ ਤਕਾਇਓ ਹੈ ॥੧੨॥ ਪਥ ਸੁ  
 ਗ੍ਰੀਵ ਬਨ ਪੇਖ ਲਲਚਾਨੇ ਮਨ ਮੱਧ ਬਨ ਨਾਮ ਸਮ ਨੰਦਨ  
 ਭੁਨੀਜੀਯੇ। ਅੰਗਦ ਬੁਲਾਇ ਕਪਿ ਕਹਯੋ ਸਮਝਾਇ ਹਮ ਭੂਖ  
 ਲਗੀ ਬਡੀ ਖਾਹਿ ਆਇਸ ਸੁ ਦੀਜੀਏ। ਫਲ ਤੋਰ ਖਾਇ  
 ਕਪਿ ਪੇਟ ਮੈਂ ਅਘਾਇ ਅਬ ਅੰਮ੍ਰਿਤ ਸਮਾਨ ਮਧ ਪਾਨ  
 ਬਲਿ ਕੀਜੀਏ। ਹੀਯੇਹਰਖਾਇ ਫੇਰ ਚਲੇ ਬੇਗ ਧਾਇ ਲਘੁ  
 ਭ੍ਰਾਤਕੇ ਸਮੇਤ ਰਘੁਰਾਇ ਕੋ ਪਿਖੀਜੀਯੇ ॥ ੧੨ ॥ ਕੀਏ  
 ਹਨੂਮਾਨ ਕਾਜਿ ਯਾਹਿਕੇ ਪ੍ਰਸਾਦਿ ਮਧੁਫਲ ਫੂਲ ਖਾਹੁ ਕਪਿ  
 ਸਤਮਬਨਾਇਕੈ। ਸੁਨੀ ਯੋਂ ਭਵਾਨੀ ਜਬ ਅੰਗਦ ਕੀ ਬਾਨੀ  
 ਕਪਿ ਤੋਰ ਫਲ ਖਾਇ ਮਧ ਪੀਏ ਹਰਖਾਇਕੈ। ਰਖਵਾਰੇ  
 ਜੋ ਨਿਵਾਰੇ ਤਬ ਗਾਰੀਆਂ ਨਿਕਾਰੇ ਦਧਿ ਮੁਖਿ ਜੋ ਪਠਾਏ  
 ਤਿਨ ਦਏ ਦਿਖਰਾਇ ਕੈ। ਮਧੁ ਪੀਏ ਮਤਵਾਰੇ ਜੀਏ ਤਾਹਿ  
 ਕੋ ਸੁ ਮਾਰੇ ਤਿਨ ਮੂਠਨ ਪ੍ਰਹਾਰ ਸਿਰ ਲਾਤ ਮਾਰੇ ਧਾਇਕੈ  
 ॥੧੩॥ ਦਧਮੁਖਿ ਕੋਪਕੈ ਸੁ ਗਯੋ ਸੁਗ੍ਰੀਵ ਢਿਗ ਮਾਤੁਲ ਕਪੇਸ਼  
 ਕੋ ਸੁ ਜਾਇ ਕੈ ਪੁਕਾਰਿਓ। ਲੀਨ ਰਖਵਾਰੇ ਸੰਗ ਟੂਟੇ  
 ਜਿਨ ਅੰਗ ਅੰਗ ਜੋਈ ਮਧੁਬਨ ਚਿਰਕਾਲ ਪ੍ਰਤਿ ਪਾਰਿਓ।  
 ਤਾਂਹਿ ਬਰੇ ਕਪਿ ਧਾਇ ਮਧੁਪੀਏ ਫਲ ਖਾਇ ਅਬ ਅੰਜਨੀ  
 ਕੁਮਾਰ ਵਹਿ ਬਾਗਹੀਂ ਉਜਾਰਿਓ। ਸੁਨਿ ਕਪਿਰਾਈ ਮੁਖ  
 ਬੋਲੇ ਹਰਖਾਈ ਸੀਯ ਦੇਖ ਹਨੂੰ ਆਏ ਹਮ ਐਸੇ ਨਿਰਧਾਰਿਯੋ  
 ॥ ੧੪ ॥ ਬਿਨਾਂ ਸੀਯ ਦੇਖੇ ਮਧੁ ਬਨ ਕੋ ਨਿਹਾਰੇ ਐਸੇ  
 ਕੋਊ ਬੌਵੰਤ ਕਪਿ ਨੈਨ ਮੈ ਨ ਆਯੋ ਹੈ। ਵਾਯੂਕੇ ਕੁਮਾਰ



ਕਰੇ ਕਾਰਯ ਮੁਗਾਰ ਸੁ ਸੰਦੇਹਿ ਨਾਹਿ ਰੰਚ ਤਿਨ ਬਾਗਮਮ  
 ਖਾਯੋ ਹੈ । ਸੁਨਿਕੈ ਸੁਗ੍ਰੀਵ ਬਾਂਠੀ ਭਏ ਹਰਖਾਨੀ ਹਰਿ ਰਾਮ  
 ਘਨਿਸ਼ਾਮ ਕਪਿ ਨਾਥਕੋ ਅਲਾਯੋ ਹੈ ॥ ਸੀਯ ਕਥਾ ਹੈ ਉਦਾਰ  
 ਪੁਨਿ ਜਾਹਿ ਕੇ ਮਝਾਰ ਕਪਿ ਰਾਜਨ ਸੋ ਐਸੋ ਤੁਮ ਕਿਯਾ  
 ਮੁਖ ਗਾਯੋ ਹੈ ॥ ੧੫ ॥ ਉਮਾ ਕਪਿਨਾਥ ਰਘੁਨਾਥ ਕੇ ਅਲਾਏ  
 ਬਚ ਦੇਵ ਸੁ ਬਿਦੇਹਜਾ ਨਿਹਾਰ ਕਪਿ ਆਏ ਹੈਂ ॥  
 ਅੰਜਨੀਕੁਮਾਰ ਲਾਰ ਬਰੇ ਮਧੁ ਬਨਕਪਿ ਡਾਰੁ ਡਾਰੁ ਮੇਰੋ ਮਧ  
 ਕਾਨਨ ਲੁਟਾਏ ਹੈਂ । ਰਖੁਵਾਰੇ ਬਨਮਾਰੇ ਤਿਨ ਬਾਗਤੇ ਨਿਕਾ  
 ਰੇ ਮਧ ਕਾਨਨ ਉਜਾਰੇ ਸਭ ਤੇਰ ਫਲ ਖਾਏ ਹੈਂ । ਬਿਨਾਂ  
 ਕਾਜ ਕਰੇ ਤੇਰੇ ਮਧੁ ਬਨ ਕੋਨ ਹੇਰੇ ਦੇਖ ਦੇਵ ਆਏ ਸੀਯ  
 ਯਾਹੀਂ ਤੇ ਸੁ ਪਾਏ ਹੈਂ ॥ ੧੬ ॥ ਦੋਹਰਾ ॥ ਬਨ ਪਾਲਕ ਤੁਮ  
 ਡਰੋ ਮਤ ਜਾਵੋ ਆਇਸੁ ਮਾਨ । ਮਮ ਸਮੀਪ ਕਪਿ ਲਿਆਹੁ  
 ਤੁਮ ਅੰਗਦ ਐ ਹਨੁਮਾਨ ॥ ੧੭ ॥ ਕਬਿੱਤ ॥ ਸੁਨਿ ਸੁਗ੍ਰੀਵ  
 ਬਾਤ ਭਏ ਪੁਲਕਾਤ ਕਪਿ ਵਾਯੁ ਬੇਗ ਗਏ ਸੁ ਪਠਾਏ  
 ਕਪਿ ਨਾਹਕੇ । ਅੰਗਦ ਉਦਾਰ ਪੁਨਿ ਵਾਯੁ ਕੇ ਕੁਮਾਰ ਚਲੋ  
 ਆਇਸ ਕਪੇਸ਼ ਬਲਿਹਾਰ ਜੱਯੇ ਰਾਹਕੇ । ਚਹੇ ਕਪਿਰਾਈ  
 ਰਘੁਰਾਈ ਲਖਮਣ ਭਾਈ ਦਰਸ ਤਿਹਾਰੇ ਮਨ ਭਏ ਉਤ  
 ਸਾਹਕੇ । ਆਇਸੁ ਕਪੇਸੁ ਮਾਨ ਚਲੇ ਬਲਵਾਂਨ ਕਪਿ ਕੂਦ ਕੈ  
 ਅਕਾਸ਼ ਪਥਿ ਭੂਖ ਉਰ ਲਾਹਿ ਕੇ ॥ ੧੮ ॥ ਹਨੁਮਾਨ  
 ਅੰਗਦ ਅਗਾਰੀ ਤੇ ਪਛਾਰੀ ਭਏ ਰਾਮ ਸੁਗ੍ਰੀਵ ਕੇ ਸਮੀਪ  
 ਗਏ ਧਾਇਕੈ । ਕਰੀ ਅਸ਼ਾਂਗ ਪਰਣਾਮ ਤਿਨ ਰਾਮ ਫਿਰ



ਧਾਇ ਜਾਇ ਗਹੇ ਪਦ ਕੰਜ ਕਪਿ ਰਾਇ ਕੇ । ਦੇਖੀ ਸੀਅ  
 ਥਾਰੀ ਸੁ ਅਰੋਗ ਤਨ ਸਾਰੀ ਹਨੂੰਮਾਂਨ ਰਘੁਨਾਥ ਵੇਰ ਕਹਯੋ  
 ਹੈ ਸੁਨਾਇਕੇ । ਰਾਜਨ ਕੇ ਰਾਈ ਰਘੁਰਾਈ ਸੀਯ ਸੋਚ ਵੰਤ  
 ਕੁਸਲ ਪਠਾਯੋ ਸੁ ਵਿਦੇਹਜਾ ਅਲਾਇਕੇ ॥ ੧੯ ॥ ਅਸ਼ੋਕ  
 ਬਨ ਮਾਹੀਂ ਤਰੁ ਸਿੰਸਪਾਤ ਛਾਂਹੀ ਰਾਮ ਬੈਠੀ ਹੈ ਇਕੇਲੀ ਨ  
 ਸਹੇਲੀ ਮਨ ਭਾਨੀਆਂ । ਰਹੇਂ ਰਾਖਸੀ ਚੁਫੇਰੇ ਨਹਿ ਰਾਜਕੇ ਸੁ  
 ਜਾਇ ਨੇਰੇ ਭਈ ਨਾਥ ਦੂਬਰੀ ਸੁ ਪੀਏ ਨਹੀਂ ਪਾਨੀਆਂ ।  
 ਮੁਖ ਹਾਇ ਰਾਮ ਰਾਮ ਸੀਯ ਕਹੇ ਸਭ ਜਾਮ ਤਨ ਅੰਬਰ  
 ਮਲੀਨ ਸੋਚ ਕਰੇ ਕੁਮਲਾਨੀਆਂ । ਕੇਸਨ ਕੀ ਏਕ ਬੈਠੀ  
 ਸੋਚ ਜਲਜਾਇ ਨੈਨੀ ਪੇਖੀ ਜਾਇ ਮੋਹਿ ਮਤਿ ਪ੍ਰਾਣ ਨਾਸ  
 ਠਾਨੀਆਂ ॥ ੨੦ ॥ ਦੋਹਰਾ ॥ ਬ੍ਰਿੱਖ ਸ਼ਾਖ ਮੈਂ ਬੈਠ ਮਮ ਸੂਖਮ  
 ਰੂਪ ਬਨਾਇ । ਕੀਨੋ ਤਾਂਹਿ ਸੰਬੋਧ ਮਮ ਕਥਾ ਸੁ ਤਾਂਹਿ  
 ਅਲਾਇ ॥ ੨੧ ॥ ਕਬਿਤ ॥ ਜਨਮ ਬਖਾਨੇ ਥਾਰੇ ਦੰਡਕ  
 ਪਧਾਰੇ ਦਸਕੰਠ ਸੀਯ ਹਰੀ ਸੁ ਕੁਰੰਗ ਰਾਮ ਜੂ ਧਏ ।  
 ਸੁਗ੍ਰੀਵ ਕੇ ਸੁ ਮੀਤ ਭਏ ਬਾਲੀ ਤਨ ਪ੍ਰਾਣ ਹਏ ਸੀਯ  
 ਸੋਧ ਕਾਜ ਕਪਿ ਰਾਜ ਦੂਤ ਹੈ ਗਏ । ਮਹਾਂਬਲਵਾਨ ਸਭ ਦੇਸ  
 ਮੈ ਨਿਹਾਰੇ ਸੀਯ ਤਿਨਮੈ ਸੁ ਏਕ ਹਮ ਗਢ ਲੰਕ ਮੇ ਅਏ ॥  
 ਅੰਜਨੀ ਕੋ ਪੂਤ ਸੁਗ੍ਰੀਵ ਕੇ ਵਜੀਰ ਹਮ ਰਾਮ ਰਘੁਰਾਇ ਕੇ  
 ਸੁ ਦਾਸ ਜਗਮੈ ਭਏ ॥ ੨੨ ॥ ਜਾਨਕੀ ਨਿਹਾਰੀ ਫਲੇ ਭਾਗ  
 ਭਾਲਭਾਰੀ ਪਰਯਾਸ ਭਏ ਭਾਰੀ ਅਬ ਲਏ ਫਲ ਖਾਇਕੈ ।  
 ਐਸੀ ਸੁਨਿ ਬਾਨੀ ਹਰਖਾਨੀ ਸੁ ਬਿਦੇਹਜਾ ਚਿਤਾਰੇ ਚਹੂ ਓਰ



ਦ੍ਰਿਗ ਰਹੇ ਬਿਗਸਾਇਕੈ । ਅੰਮ੍ਰਿਤ ਸਮਾਨ ਸੁਭ ਅੱਖਰ ਮ  
 ਹਾਂਨ ਕਿਨਿ ਕਾਂਨ ਮੈਂ ਹਮਾਰੇ ਬਚ ਦਏਹੈਂ ਸੁਨਾਇਕੈ । ਸਾਚ ਜੋ  
 ਬਖਾਨਿਯੋ ਦਜਾਲ ਯਹ ਕਾਹੂੰਜਨ ਰਾਮਦੂਤ ਦਰਸ ਦਿਖਾਇ  
 ਮਮ ਆਇਕੈ ॥ ੨੩ ॥ ਤਬ ਬਾਨਰ ਅਕਾਰ ਧਰ ਸੂਖਮ  
 ਮੁਰਾਰਿ ਮਮ ਦੂਰ ਹੂੰ ਤੇ ਬੰਦਨਾ ਸੁਜਾਨਕੀ ਕੋ ਧਾਰੀਆ । ਜੁਰੇ  
 ਹਾਥ ਮੋਹਿ ਪਿਖੇ ਪੁਛਿਯੋ ਬਿਸੇਖ ਸੀਯ ਕਹੀ ਸਮਝਾਇ  
 ਮਮ ਭਾਖ ਕਥਾ ਥਾਰੀਆ । ਫੇਰ ਦਈ ਸੁੰਦਰੀ ਕੋ  
 ਸੁੰਦਰੀ ਨਿਕਾਲ ਮਮ ਦਈ ਪ੍ਰਭਿ ਆਪਿ ਪੇਖੀ ਜਨਕਕੁਮਾ  
 ਰੀਆ । ਪੇਖ ਤਵ ਸੁੰਦਰੀ ਪ੍ਰਤੀਤ ਭਈ ਸੁੰਦਰੀ ਸੁ ਮੋਹਿ  
 ਪ੍ਰਤਿ ਰਾਮ ਤਿਨ ਬਾਤ ਹੈ ਉਚਾਰੀਆ ॥ ੨੪ ॥ ਸਵੈਯਾ ॥  
 ਜਿਹ ਭਾਂਤਿ ਪਿਖੀਂ ਹਨੁਮਾਨਤੁਮੇ ਮਮ ਰਾਖਸੀਆਂ ਦਿਨ ਰਾਤ  
 ਡਰਾਵੇਂ । ਰਘੁਬੀਰਹਿ ਪਾਸ ਸਭਾ ਬਿਧਿ ਤੂੰ ਹਨੁਮਾਨ ਯਥਾਵਤ  
 ਜਾਇ ਸੁਨਾਵੇਂ । ਤਬ ਮੋਹਿ ਕਹਯੋ ਰਘੁਬੀਰ ਸੀਆ ਤੁਮ ਕੋ  
 ਨਿਸਬਾਸੁਰ ਰਾਮ ਧਿਆਵੇਂ । ਇਹ ਆਂਵਨਕੀ ਇਮਫੀਲਭਈ  
 ਰਘੁਬੀਰ ਨਹੀਂ ਤਵ ਸਾਰ ਸੁਪਾਵੇਂ ॥ ੨੫ ॥ ਕਬਿੱਤ ॥  
 ਮਾਤ ਅਬ ਜਾਉਂ ਤੇਰੀ ਸਾਰ ਸੁ ਸੁਨਾਉਂ ਸਭ ਸੁਨਿਕੈ ਸੁ  
 ਰਾਮ ਤਵ ਸਾਰ ਹਰਖਾਇ ਹੈਂ । ਰਾਮ ਕਪਿਰਾਈ ਲਖਮੰਨ  
 ਤਿਨ ਭਾਈ ਕਪਿ ਸੈਨਿਕੋ ਮਿਲਾਇ ਸੁ ਸਮੀਪ ਤੋਹਿ ਆਇ  
 ਹੈਂ । ਕੁਲਕੇ ਸਮੇਤ ਸੁ ਦਸਾਨਨਕੋ ਮਾਰਰਣ ਮਨੁ ਰਜਧਾਨੀ  
 ਪੁਨਿ ਤੋਹਿਕੋ ਲਜਾਇ ਹੈਂ । ਦੀਜੈ ਕੋ ਨਿਸਾਨੀ ਪੁਨਿ ਏਹ  
 ਮੈ ਬਖਾਨੀ ਜਿਹ ਹੇਰ ਰਘੁਬੀਰ ਪੁਨਿ ਮੇ ਮੈ ਪਤੀਆਇ ਹੈਂ



॥ ੨੬ ॥ ਐਸੇ ਮੋਹਿ ਵਾਕਸੁਨਿ ਦਈ ਤਿਨ ਚੂੜਾਮਣਿ ਕੇਸ  
 ਪਾਸ ਮਾਹ ਹੁਤੀ ਔਰ ਸੁਨਿ ਲੀਜੀਏ । ਚਿਤ੍ਰ ਕੂੰਟ ਮਾਹੀਂ  
 ਭਏ ਕਾਕ ਬਿਰਤਾਂਤ ਜੋਈ ਰਾਮ ਰਘੁਬੀਰ ਕੇ ਸੰਦੇਸ ਵਹੀ  
 ਦੀਜੀਏ । ਨੈਨ ਭਰਵਾਰ ਤਿਨ ਕੀਓ ਹੈ ਉਚਾਰ ਪੁਨਿ ਰਾਮ  
 ਸੁਖ ਧਾਮ ਕੇ ਸੁ ਕੁਸ਼ਲ ਭਨੀਜੀਏ । ਲਖਮਣ ਪਾਸ ਕਹੀਂ  
 ਹਾਥ ਜਰ ਮੇਰੇ ਅਤਿ ਕਹੇ ਬਚ ਖੋਟੇ ਕੁਲ ਚੰਦ ਬਖਸ਼ੀਜੀਏ  
 ॥ ੨੫ ॥ ਰਾਮ ਜਜੋਂ ਤਰਾਇ ਮਮ ਕਰੀਏ ਉਪਾਇ ਸੋਈ  
 ਕਿਰਪਾ ਨਿਧਾਨ ਤੁਮ ਕੁਲ ਪਰਧਾਨੀਆਂ । ਐਸੇ ਤੁਉਚਾਰ  
 ਅਤਿ ਰੋਇ ਦ੍ਰਿਗਵਾਰ ਜਾਇ ਸੋਚ ਸਿੰਧ ਬਹੀ ਭਈ ਦੁਖ ਗਲ  
 ਭਾਨੀਆਂ । ਕਰ ਮੈਂ ਸੰਬੋਧ ਸੀਯ ਸੋਚਕੇ ਨਿਰੋਧ ਕਰ ਰਾਮ  
 ਬਲ ਕਥਾ ਸਭ ਤਾਂਹਿ ਕੇ ਬਖਾਨੀਆਂ । ਫੇਰ ਤਾਂ ਪਠਾਯੋ  
 ਆਯੋ ਰਾਮ ਕੇ ਸਮੀਪ ਅਬ ਆਵਨੇ ਕੇ ਕਾਲ ਮੈਂ ਅਸ਼ੋਕ ਬਨੀ  
 ਭਾਨੀਆਂ ॥ ੨੮ ॥ ਅਸ਼ੋਕ ਬਨ ਪਾਰ ਰਖਵਾਰਿਓਂ ਕੇ ਮਾਰ  
 ਸੁਤ ਰਾਵਣ ਬਿਦਾਰ ਬਹੁ ਰਾਖਸ਼ ਬਿਦਾਰਕੈ । ਰਾਵਣ ਸੋਬੋਲ  
 ਚਾਲ ਤਾਂਕੋ ਬਲ ਤੋਲਤਾਲ ਜਾਲ ਗਢਲੰਕ ਆਯੋ ਕਾਜ ਤੇ  
 ਸਵਾਰਕੈ । ਹਨੂੰਮਾਨ ਵਾਕਸੁਨਿ ਗੁਨਿਕੇ ਨਿਧਾਨ ਪ੍ਰਭ ਰਾਮ ਹਰ  
 ਖਾਇ ਉਰ ਕਹਜੇ ਹੈ ਉਚਾਰਕੈ । ਹਨੂੰਮਾਨ ਕਾਜ ਤੇ ਮਹਾਂਨ  
 ਕਰੇ ਐਸੇ ਜਗ ਦੇਵਤਾ ਤੇ ਹੋਇ ਨਾਹਿ ਬਡੇ ਦੁਖ ਧਾਰਕੈ ॥  
 ੨੯ ॥ ਦੋਹਰਾ ॥ ਤੋਹਿ ਕਏ ਉਪਕਾਰ ਜੋ ਤਾਂਹਿ ਬਰਾਬਰ  
 ਜੋਇ । ਮੈਂ ਹਨੂੰਮਾਨ ਨਿਹਾਰਿਹੈਂ ਪਾਵੈਂ ਨਾਹੀ ਸੋਇ ॥ ੩੦  
 ॥ ਕਬਿਤ ॥ ਮੋਹਿ ਸਰਬੰਸ ਜੋਈ ਦੇਉਂ ਹਨੂੰਮਾਨ ਸੋਈ



ਭਾਖ ਰਘੁਬੀਰ ਹਨੂਮਾਨ ਗਲ ਲਾਯੋ ਹੈ । ਰਾਮ ਦ੍ਰਿਗ ਵਾਰ  
 ਉਰ ਪ੍ਰੇਮਕੈ ਉਦਾਰ ਅਤਿ ਆਪ ਰਘੁਨਾਥ ਹਨੂਮਾਨ ਕੇ  
 ਅਲਾਯੋ ਹੈ । ਮੋਹਿ ਪਰਿਰੰਭ ਸੁਦੁਲੰਭ ਹੈ ਜਗਤਮੈਂ ਪਰਾਤਮਾਂ  
 ਕੋ ਅੰਗ ਬਿਨ ਸੇਵਕ ਨ ਭਾਯੋ ਹੈ । ਤੂੰ ਤੋ ਮਮ ਭਗਤਿ ਸੁ  
 ਰਕਤ ਪਦਾਰ ਬੰਦ ਪਜਾਰੋ ਅਤਿ ਮੇਰੇ ਨਾਹਿ ਤੋਹਿ ਤੈ  
 ਲੁਕਾਯੋ ਹੈ ॥ ੩੧ ॥ ਸ੍ਰੀ ਮਹਾਂਦੇਵਉਵਾਚ ॥ ਸਵੈਯਾ ॥  
 ਜਿਨਕੇ ਪਦਪੰਕਜ ਕੇ ਤੁਲਸੀ ਦਲ ਪੂਜਤ ਹੀ ਜਨ ਤਾਂਪਦ  
 ਪਾਏ ॥ ਤਿਨਹੀ ਰਘੁਬੀਰ ਉਮਾ ਹਨੂਮਾਨ ਸੁ ਆਪਿ ਲਏ  
 ਗਲ ਮਾਹਿ ਲਗਾਏ । ਹਨੂਮਾਨ ਕੇ ਪੁੰਨ ਸੰਬੂਹ ਜਿਤੇ ਜੁਗ  
 ਕੋਟਨ ਕੈ ਨਹਿ ਜਾਤ ਬਤਾਏ । ਜਗ ਸੁੰਦਰ ਕਾਂਡ ਕੀ ਏਹ  
 ਕਥਾ ਕਬਿ ਸਿੰਘਗੁਲਾਬ ਸੁ ਦੀਨ ਸੁਨਾਏ ॥ ੩੨ ॥ ਇਤਿ ਸ੍ਰੀ  
 ਮਤ ਅਧਯਾਤਮ ਰਾਮਾਇਣੇਂ ਉਮਾਂ ਮਹੇਸ਼ੁਰ ਸੰਬਾਦੇ ਸੁੰਦ੍ਰ ਕਾਂਡੇ  
 ਪੰਚਮੇਂ ਧਰਮਾਇ ਸਮਾਪਤੰ ਮਸੁ ਸੁਭ ਮਸੁ ਸੁਭ ਭਵਤੇ ॥ ੫ ॥  
 ਸੁੰਦਰ ਕਾਂਡ ਸੰਪੂਰਣੰ ॥

ਅਥ ਯੁੱਧ ਕਾਂਡ ਲਿਖਯਤੇ ॥

ਸਵੈਯਾ ॥ ਸਾਗਰ ਸੇਤੁ ਬਨਾਇ ਜਿਨੇ ਗਵਲੰਕ ਪਤੀ  
 ਰਣਮੰਡਲ ਮਾਰੇ । ਸੀਯ ਉਧਾਰ ਉਬਾਰ ਵਿਭੀਖਨ ਰਾਜ  
 ਵਿਭੀਖਨ ਕੇ ਭੁਜਧਾਰੇ । ਬਾਨਰ ਸੈਨ ਜਿਵਾਇ ਦਈ ਚਢ



ਮਾਹਿੰ ਵਿਮਾਂਨ ਸੁ ਦੇਸ ਪਧਾਰੇ । ਤਾਂ ਪਰਮਾਤਮ ਰਾਘਵ ਕੋ  
 ਕਰਜੋਰ ਦੋਊ ਅਭਿਬੰਦ ਹਮਾਰੇ ॥ ੧ ॥ ਸ੍ਰੀ ਮਹਾਂਦੇਵਉਵਾਰ  
 ॥ ਸੋਰਠਾ ॥ ਸੁਨੀ ਯਥਾਰਥ ਬਾਤ ਹਨੂੰਮਾਨ ਗਿਰਜਾ  
 ਕਹੀ । ਰਾਮ ਹਰਖ ਬਿਖਯਾਤ ਫੇਰ ਰਾਮ ਤਾਂਸੋ ਕਹੈਂ ॥ ੨ ॥  
 ਸਵੈਯਾ ॥ ਦੁਹਿ ਸਾਧ ਅਹੇ ਜਗ ਦੇਵਨ ਕੋ ਹਨੂੰਮਾਨ ਅਏ  
 ਕਰ ਕਾਰਜ ਸੋਈ । ਜਗ ਤੋ ਬਿਨ ਆਹਿ ਸੁ ਕਾਰਜਕੋ ਮਨ  
 ਮਾਹਿੰ ਚਿਤਾਰ ਸਕੋ ਨਹਿ ਕੋਈ । ਸਤ ਯੋਜਨ ਭੀਮ ਪਯੋਨਿਧ  
 ਕੋ ਤਰ ਪਾਰ ਪਰੇ ਬਲ ਕਾਮਹਿ ਹੋਈ । ਪੁਰ ਰਾਖਸਲੰਕ ਸੁ  
 ਪਾਲਤ ਹੈਂ ਸੁ ਪਿਖੋਂ ਨਹਿ ਤਾਹਿ ਵਿਧਿਸਕ ਜੋਈ ॥ ੩ ॥  
 ਕਬਿਤ ॥ ਸੇਵਕ ਕੋ ਕਾਜ ਕਰ ਆਯੋ ਹਨੂੰਮਾਨ ਸਭ ਸੁਨਿ  
 ਸੁਗ੍ਰੀਵ ਯਹਿ ਕਹੇ ਸਮਝਾਇਕੈ । ਹਨੂੰਮਾਨ ਕੇ ਸਮਾਨ ਦੂਤ  
 ਭੁਵਿ ਮੰਡਲ ਨ ਭਯੋ ਨਹਿ ਹੋਇਗੇ ਸੁ ਪਿਖੋ ਮਨ ਲਾਇਕੈ  
 । ਰਾਮ ਰਘੁਵੰਸ਼ ਲਖਮੰਨ ਸੁਗ੍ਰੀਵ ਸਭ ਕਰੇ ਰੱਛ ਪਾਲ ਸਾਰ  
 ਜਾਨਕੀਲਿਆਇਕੈ । ਕਰੇ ਸਭ ਭਾਂਤਿ ਇਨਕਾਰਜ ਇਕੰਤ  
 ਮਮ ਜਾਨਕੀ ਕੀ ਸਾਰ ਯਾਹਿ ਲਯਾਯੋ ਹੈ ਬਨਾਇਕੈ ॥ ੪ ॥  
 ਮਨਮੈ ਚਿਤਾਰ ਧਾਰ ਸਾਗਰ ਕੀ ਡਰੇ ਮਨ ਨੱਕਰਤਿ ਮਿੰਗੁਲ  
 ਸਮੀਨ ਹੈ ਭਯਾਨ ਕੀ । ਯੋਜਨ ਅਸੀਤ ਬੀਸ ਪਾਰ ਪਰੇ  
 ਕੈਸੇ ਅਰਿ ਮਾਰਿ ਸੰਗਰਾਮ ਮੈਂ ਸੁ ਪਿਖੋਂ ਕਬ ਜਾਨਕੀ । ਸੁਨ  
 ਕੈ ਭਵਾਨੀ ਰਘੁਨਾਥ ਕੀ ਸੁ ਬਾਨੀ ਯਹਿ ਕਹੀ ਕਪਿ ਨਾਥ  
 ਬਾਤ ਲਾਇਕੈ ਸਿਆਨ ਕੀ । ਨਕਰਤਿ ਮਿੰਗੁਲ ਅਪਾਰ  
 ਜਾਹਿ ਧਾਰ ਮਾਹਿੰ ਲਾਂਘ ਜਲ ਸਿੰਧ ਹਮ ਜਾਹਿੰ ਸੁ ਅਚਾਨ



ਕੀ ॥ ੫ ॥ ਅਬੈ ਲੰਕ ਜਾਹਿਗੇ ਸੁ ਘਾਹਿਗੇ ਦਸਾਨਨ ਕੇ  
ਕਾਰਜ ਬਿਨਾਸਨੀ ਨ ਚਿੰਤ ਉਰ ਧਾਰੀਏ । ਬਲ ਹੈ ਅਪਾਰ  
ਭੁਜਬਾਨਰ ਸ੍ਰਿਦਾਰ ਆਏ ਮਹਾਂ ਸੂਰ ਬੀਰ ਰਾਮ ਨੈਨ ਕੈ  
ਨਿਹਾਰੀਏ । ਰਾਮ ਤੇਰੇ ਕਾਜ ਪਰੇ ਆਗ ਮਾਹਿ ਧਾਇ ਕਪਿ  
ਸਾਇਰ ਤੇ ਤਰਨ ਉਪਾਇਕੋ ਬਿਚਾਰੀਏ । ਲੰਕ ਕੇ ਨਿਹਾਰੇ  
ਦਸਕੰਠ ਰਣ ਮਾਰੇ ਪਿਖੇ ਕਹੀਹੈ ਸੁਨਾਇ ਮਤ ਏਹਹੈ ਹਮਾ  
ਰੀਏ ॥੬॥ ਤੀਨ ਲੋਕ ਮਾਹਿ ਬਲ ਐਸੋਕੁ ਨਿਹਾਰੇ ਨਾਹਿ  
ਗਹੈ ਧਨੁ ਤੇਰੇ ਰਹੈ ਆਗੈ ਠਹਿਰਾਇਕੈ । ਜੀਤ ਹੋਇਗੀ  
ਹਮਾਰੀ ਰਣ ਮੰਗਲ ਮਝਾਰੀ ਰਘੁਬੀਰ ਅਬ ਦੀਜੀਏ ਸੰਦੇਹ  
ਕੋ ਮਿਟਾਇਕੈ । ਸਭਨ ਉਦਾਰ ਜੀਤ ਕਹੇ ਬਾਰਬਾਰ ਸੁਗ੍ਰੀਵ  
ਬਚ ਕਹੇ ਏਵ ਧੀਰਯ ਬਨਾਇਕੈ । ਰਾਮਜੀ ਉਦਾਰ ਧਾਰ  
ਚੀਤ ਕੇ ਮਝਾਰ ਬਚ ਕਹਤ ਭਵਾਨੀ ਹਨੂਮਾਨ ਕੋ ਸੁਨਾਇ  
ਕੈ ॥ ੭ ॥ ਏਹਰਾ ॥ ਜਾਹਿ ਕਾਹਿ ਪਰਕਾਰ ਹਮ ਲਾਂਘੇਂ ਜਲ  
ਨਿਧ ਪਾਰ । ਲੰਕਾ ਪੁਰੀ ਸਰੂਪ ਜੋ ਕੀਜੇ ਮੋਹਿ ਉਚਾਰ ॥੮॥  
ਦਾਨਵ ਦੇਵ ਅਸਾਧ ਹੈਂ ਤਾਂ ਸਰੂਪ ਉਰਜਾਨ । ਜੀਤਨ ਹੇਤ  
ਉਪਾਇ ਕੋ ਫੇਰ ਕਹੇ ਹਨੂਮਾਨ ॥੯॥ ਕਬਿਤਾ ॥ ਸੁਨਿਰਘੁਬੀਰ  
ਬਾਨੀ ਹਾਥ ਜੋਰ ਕੈ ਭਵਾਨੀ ਅੰਜਨੀਂ ਕੁਮਾਰ ਲਾਗੇ ਰਾਮ  
ਕੋ ਸੁਨਾਵਨੇਂ । ਦੇਵ ਜਿਉਂ ਨਿਹਾਰੀ ਅਬ ਕਰੋਂ ਤੇ ਉਚਾਰੀ  
ਦਿੱਬ ਪੁਰੀ ਹੈ ਅਪਾਰੀ ਬਾਗ ਬਨੇਂ ਘਨ ਸਾਵਨੇਂ ।  
ਤ੍ਰਿਕੂਟ ਗਿਰ ਸੀਸ ਲੰਕ ਪੁਰੀ ਜਗਦੀਸ ਜਹਿ ਹੇਂਮ ਕੀ  
ਅਟਾਰੀ ਕੋਟ ਕਿੰਗਰੇ ਸੁਹਾਵਨੇਂ । ਪਰਿਖਾ ਅਪਾਰ ਭਾਰੀ



ਉਜਲਸੁਵਾਰੀਨਾਥਬਿਨਪਰਵਾਨੀ ਮਾਹਿ ਪੱਯੇ ਨਹਿੰਜਾਵਨੇਂ

॥ ੧੦ ॥ ਉਪਬਨ ਸੋਭਾ ਜਾਹਿ ਮਾਹਿ ਹੈ ਅਪਾਰ ਨਾਥ  
 ਬਾਪੀਆ ਹਜ਼ਾਰ ਗ੍ਰਹਿ ਚੀਤਿ ਮਨ ਮਾਨੀਯੇ । ਜੰਬੂਨਦਬੰਭ  
 ਜਾਹਿ ਮਨਿਨ ਸੋ ਖਚੈ ਅਤਿ ਕ੍ਰਾਂਤਿ ਹੈ ਅਪਾਰ ਮੁਖ ਕੈਸੇ ਕੈ  
 ਬਖਾਨੀਯੇ । ਪਛਮ ਦੁਆਰ ਗਜ ਝੂਲਤ ਹਜ਼ਾਰ ਰਹੈ ਉੱਤ-  
 ਰ ਦੁਆਰ ਅਸੁਵਾਹਿ ਪਹਿਚਾਨੀਯੇ । ਅਰਬੁਦ ਸੰਖ ਯਾ  
 ਪਦਾਂਤੀ ਦਿਨ ਰਾਤੀ ਰਹੇ ਪੂਰਬ ਦੁਆਰ ਅਤਿ ਸਾਵਧਾਨ  
 ਜਾਨੀਯੇ ॥੧੧॥ ਰਥਕੇ ਸਵਾਰ ਰਹੇ ਦੱਖਣ ਦੁਆਰ ਪ੍ਰਭ ਰਾਕਸ਼  
 ਹਜ਼ਾਰ ਭੁਜ ਬਲ ਕੈ ਬਿਸਾਲ ਹੈਂ । ਰਥ ਐ ਪਦਾਂਤੀ ਗਜ  
 ਵਾਜੀ ਕੇ ਸਵਾਰ ਘਨੇਂ ਮਧੁਕਾ ਸੁ ਡੇਵਡੀ ਪਸਾਰੇ ਕਾਲਜਾਲ ਹੈਂ  
 । ਆਯੁਧ ਬਿਸਾਰਦ ਸੁ ਸ਼ਾਮ ਘਨ ਬਾਦਰ ਸੇ ਸਦਾ ਦਿਨ  
 ਰਾਤਿ ਗਢਲੰਕ ਪ੍ਰਤਿਪਾਲ ਹੈਂ । ਮੋਰਚੇ ਹਜ਼ਾਰ ਜਹਿ ਤੋਪਕਨ  
 ਤਾਰ ਨਹੀਂ ਧੀਰਨ ਕੇ ਚੀਤ ਢਿਗ ਗਏ ਹੂੰਤੇ ਚਾਲ ਹੈਂ ॥੧੨  
 ॥ ਐਸੇ ਗਢ ਲੰਕਕੋ ਕਲੰਕ ਮੈਲਗਾਇ ਆਯੋ ਸੁਨੋ ਰਘੁਬੀਰ  
 ਤਾਂਹਿ ਕਾਜ ਤੇ ਹਮਾਰਿਆ । ਦਸਾਨਨ ਕੀ ਸੈਨਕੀ ਚੁਥਾਈ  
 ਨਾਥ ਘਾਈ ਬਲ ਲੰਕ ਸੁ ਜਲਾਈ ਹੇਮ ਕੋਟ ਤੇ ਬਿਦਾਰਿਆ  
 । ਤੋਪਨ ਕੇ ਤੋਰਤਾਰ ਮੋਰਚੇ ਸੁ ਫੋਰਫਾਰ ਭਗਤ ਵਿਭੀਖਨ  
 ਕੇ ਗ੍ਰਹ ਮੈਂ ਉਬਾਰਿਆ । ਦੇਵਤੇ ਨਿਹਾਰੇ ਤੇ ਪਸਾਰੇ ਮੁਖ  
 ਪਾਹਿ ਕਪਿ ਢੀਲ ਨਾ ਨਿਹਾਰੇ ਪਿਖੇ ਲੰਕ ਗਢ ਮਾਰਿਆ ॥  
 ੧੩ ॥ ਕੀਜੀਯੇ ਪਯਾਨ ਬਾਤ ਛੋਡੀਏ ਸਯਾਨ ਨਾਥ ਬਾਨਰ  
 ਲਵਾਯ ਤਟ ਸਾਗਰ ਕੇ ਜਾਈਯੋ ਸੁਨਿ ਹਨੂੰਮਾਨ ਵਾਕ ਧਨੁਖ



ਚਢਾਇ ਹਰਿ ਆਪ ਰਘੁਨਾਥ ਕਪਿਨਾਥ ਕੇ ਅਲਾਈਯੇ ।  
 ਸੁਨਿ ਕਪਿ ਰਾਇ ਸੁਭ ਸੈਨ ਕੇ ਬੁਲਾਇ ਮੁਖਿ ਦੇਹ ਤੂੰ ਅ  
 ਲਾਇ ਅਬ ਸੈਨਕੇ ਚਲਾਈਯੇ । ਵਿਜਯ ਹੈ ਮਹੂਰਤ ਸੁਯਾਹੀ  
 ਸਮੈਂ ਚਢੈਂ ਹਮ ਜਾਇ ਗਢਲੰਕ ਮਾਹਿ ਜੀਤ ਰਣ ਪਾਈਯੇ ॥  
 ੧੪ ॥ ਦੋਹਰਾ ॥ ਸਪ੍ਰਕਾਰ ਦੁਰ ਧਰਖ ਜੋ ਲੰਕਾ ਰਾਖਸ਼  
 ਧਾਂਮ । ਜੀਤੇ ਯਾਹਿ ਮਹੂਰਤੇ ਰਾਵਨ ਹਨੁ ਸੰਗ੍ਰਾਮ ॥ ੧੫ ॥  
 ਕਬਿਤ ॥ ਜਾਨਕੀ ਕੇ ਲਜਾਉਂ ਗਢਲੰਕ ਜੀਤ ਪਾਂਉਂ ਸੁਨਿ  
 ਕਪਿਨ ਕੇ ਰਾਈ ਭੁਜ ਫੁਰੇ ਮਮ ਦਾਹਨੀਂ । ਬਾਨਰ ਜੇ ਬੇਗ  
 ਧਾਰੀ ਚਲੇ ਸਭ ਸੈਨ ਬਾਰੀ ਸੁਨੋਂ ਕਪਿ ਨਾਥ ਬਾਤ ਬਨੇਗੀ  
 ਨਿਬਾਹੁਨੀ । ਅਗਾਰੀ ਐ ਪਿਛਾਰੀ ਕਪਿ ਜੁਥਪ ਉਦਾਰੀ  
 ਪੁਨਿ ਆਸ ਪਾਸ ਪਾਲੇ ਚਲੀ ਜਾਹਿ ਮਾਹਿ ਬਾਹਿਨੀ ।  
 ਹਨੂਮਾਂਨ ਕੇ ਸਵਾਰਿ ਹੋਇ ਮੈਂ ਅਗਾਰੀ ਚਲੋਂ ਅੰਗਦ ਕੁ  
 ਭ੍ਰਾਤ ਮਮ ਚਲੋ ਤੁਮ ਸਾਹਨੀਂ ॥ ੧੬ ॥ ਗਜ ਐ ਗਵਾਖਗ  
 ਮੈਂਦਵ ਦੁਵਿਤ ਨਲਨੀਲ ਐਸੁਖੇਣ ਜਾਂਮਵਾਂਨ ਬਲਧਾਰੀਯਾ ॥  
 ਚਲੇ ਤੇ ਚੁਫੇਰੇ ਕੋਈ ਆਵਨੋਂ ਨ ਪਾਇ ਨੇਰੇ ਸੈਨ ਅਰਘਾਤ  
 ਨੀਕੀ ਕਰੇ ਪ੍ਰਤਿਪਾਰੀਯਾ । ਐਸੋ ਤੇ ਅਲਾਇ ਭਟ ਬਾਨਰ  
 ਬਤਾਇ ਲਘੁ ਭ੍ਰਾਤ ਕੇ ਲਵਾਇ ਚਢੇ ਰਾਮ ਵੈ ਮੁਰਾਰੀਯਾ ।  
 ਕਪਿਨਾਥ ਕੇ ਸਮੇਤ ਰਘੁਨਾਥ ਸੈਨ ਬੀਚ ਭਏ ਬਰਨੀਂ ਨਾ  
 ਜਾਇ ਕਾਂਤ ਭਈ ਹੈ ਅਪਾਰੀਯਾ ॥ ੧੭ ॥ ਦੋਹਰਾ ॥  
 ਬਾਨਰ ਰਾਜ ਸਮਾਨ ਸਭ ਭੁਜ ਬਲਿ ਜਾਹਿ ਅਪਾਰ ॥  
 ਕਾਂਮਰੂਪ ਗਿਰਜਾ ਸਭੈ ਬਾਨਰ ਸੁਰ ਅਵਤਾਰ ॥ ੧੮ ॥



ਸਵੈਯਾ ॥ ਕਪਿ ਨਾਇਕ ਰਾਮ ਚੜ੍ਹੇ ਜਬਹੀ ਗਢ ਕੰਚਨ  
 ਜੀਤਨ ਕੇ ਜਗ ਮਾਹੀ । ਥਰਰਾਇ ਉਠੀ ਸਗਲੀ ਧਰਨੀ  
 ਖਰਰਾਟ ਭਯੋ ਗਰਵੇ ਗਿਰ ਮਾਹੀਂ । ਬਸੁਧਾ ਵਿਢ ਦਿੱਗਜ  
 ਦਾਂਤ ਦਏ ਠਹਿਰਾਤ ਨਹੀਂ ਧਰਕੈ ਤਨੁਮਾਹੀ । ਬਿਧਲੋ ਡਮ  
 ਡੋਲ ਉਠੇ ਸਗਲੇ ਕਪਿ ਭੂਧਰ ਸੇ ਉਚਟੇ ਧਰਮਾਹੀ ॥੧੯  
 ॥ ਕਪਿ ਖੇਲਤ ਕੂਦਤ ਗਾਵਤ ਹੈਂ ਇਹ ਭਾਂਤਿ ਚਲੇ ਦਿਸ  
 ਦੱਖਣ ਮਾਹੀਂ । ਹਰਿ ਧਾਵਤ ਜਾਵਤ ਖਾਵਤ ਹੈ ਫਲ ਪਾਂਠ  
 ਕਰੇਂ ਮਧੁ ਕੇ ਹਰਖਾਹੀਂ । ਕਪਿ ਦੌਰ ਸੁ ਰਾਮ ਅਗਾਰਿ ਕਹੇਂ  
 ਹਮ ਮਾਰਹਿ ਰਾਵਣ ਕੇ ਰਣਮਾਹੀਂ । ਇਹਭਾਂਤਿ ਚਲੇ ਕਪਿ  
 ਪੁੰਗਵ ਤੇ ਜਿਨ ਕੇ ਬਲਕੀ ਗਨਨਾਂ ਕਛੁ ਨਾਹੀਂ ॥ ੨੦ ॥  
 ਹਰਿ ਕੇ ਅਸਵਾਰ ਭਏ ਹਰਿਜੂ ਹਰਿ ਸੋਭਤ ਵੇ ਹਰਿ ਕੇ ਦ  
 ਲਿਮਾਹੀਂ । ਸਸਿ ਸੂਰ ਸੁਹਾਵਤ ਜਿਉ ਗਿਰਜਾ ਨਭਿ ਮੰਡਲ  
 ਤਾਰਨ ਕੇ ਗਨਮਾਹੀਂ । ਕਪਿ ਸੈਨ ਚਲੀ ਬਹੁ ਭੀਰ ਭਈ  
 ਸਭ ਛਾਵ ਲਈ ਧਰਨੀਂ ਜਗ ਮਾਹੀਂ । ਧਰ ਮਾਰਤ ਪੁੰਛ  
 ਉਭਾਰਤ ਹੈ ਤਰ ਸੈਲ ਉਖਾਰਲਏ ਕਰਮਾਹੀ ॥ ੨੧ ॥ ਸੈਲਨ  
 ਮੈਂ ਕਪਿ ਕੂਦ ਚੜ੍ਹੈ ਪੁਨ ਮਾਰਤ ਬੇਗ ਚਲੇ ਕਪਿ ਜਾਹੀਂ  
 । ਬਾਨਰਸੋ ਧਰ ਪੂਰ ਰਹੀ ਹਰਿਖਾਤ ਚਲੇ ਗਗਨਾਂ ਕਛੁ ਨਾਹੀ ਨ  
 । ਰਾਮ ਕਰੀ ਪ੍ਰਤਿਪਾਲ ਚਹੂੰ ਦਿਸ ਸੈਨਗਈ ਸੁ ਦਿਵਾਨਿਸ  
 ਮਾਹੀ । ਕਾਂਨਨ ਭਾਂਤਿ ਅਨੇਕ ਪਿਖੇ ਪੁਨਿ ਸਾਹਿਮਿਲੈਂ ਗਿਰ  
 ਕੇ ਪਥਿਮਾਹੀ ॥ ੨੨ ॥ ਸੱਹਜਮਲੈ ਗਿਰ ਲਾਂਘ ਦੁਊ ਵਹਿ  
 ਭੀਮ ਪਯੋਨਿਧ ਕੇ ਤਟ ਆਏ । ਵਾਧੁ ਕੁਮਾਰ ਤਿ ਉਤਰ ਕੈ



ਕਪਿ ਨਾਥ ਦੁਊ ਕਪਿ ਨਾਥ ਮਿਲਾਏ। ਨੀਰਕੇ ਤੀਰਹਿ ਜਾਇ  
 ਭਲੇ ਰਘੁਨਾਥ ਕਪੀਸੁਰ ਬੈਠ ਅਲਾਏ। ਸਾਗਰ ਕੇ ਤਟਿ  
 ਮਾਹਿ ਅਏ ਨਹਿ ਪਾਰਪਰੇ ਬਿਨ ਕੀਨ ਉਪਾਏ ॥ ੨੩ ॥ ਇਹ  
 ਠੋਰ ਨਿਵਾਸ ਕਰੇ ਸਭ ਸੈਨ ਸੁ ਤਾਰਨ ਕਾਰਨ ਲੇਹੁ ਬਿਚਾਰੇ  
 । ਸੁਨਿਕੈ ਰਘੁਬੀਰ ਕੇ ਵਾਕ ਇਸੇ ਕਪਿ ਨਾਇਕ ਆਪ  
 ਸਮੁੰਦ ਕਨਾਰੇ। ਸਭ ਸੈਨ ਬਸਾਇ ਦਈ ਖਿਨਮੈਂ ਸਿਰਦਾਰ  
 ਬਧੇ ਤਿਨਕੇ ਰਖਵਾਰੇ। ਤਬ ਬਾਨਰ ਬੈਠ ਪਯੋਨਿਧਕੇ ਤਟ  
 ਭੀਮ ਪਯੋਨਿਧ ਨੈਨ ਨਿਹਾਰੇ ॥ ੨੪ ॥ ਜਿਨ ਮਾਹਿ ਤਰੰਗ  
 ਅਪਾਰ ਉਠੇਂ ਪੁਨਿ ਨੱਕਰ ਭੀਮ ਸੁ ਯਾਹਿ ਮਝਾਰੇ। ਸੁਅਗਾਧ  
 ਬਡੇ ਨਭਕੇ ਸਮ ਹੈ ਇਹ ਸਾਗਰ ਹੇਰ ਭਏ ਦੁਖਭਾਰੇ। ਕਿਹ  
 ਭਾਂਤਿ ਤਰੇਂ ਇਹ ਸਾਗਰ ਕੇ ਜਲ ਨਾਇਕ ਕੇ ਘਰਿ ਆਹਿ  
 ਅਪਾਰੇ। ਜਲ ਸਾਗਰ ਬੀਚ ਨ ਹੋਇ ਕਬੀ ਰਣ ਰਾਵਣ  
 ਕੇ ਅਬ ਡਾਰਤ ਮਾਰੇ ॥ ੨੫ ॥ ਇਹ ਚਿੰਤ ਬਿਆਕੁਲ ਹੋਇ  
 ਸਭੈ ਕਪਿ ਰਾਮ ਸਮੀਪ ਸੁ ਬੈਠ ਰਹੇ। ਰਘੁਬੀਰ ਚਿਤਾਰ  
 ਬਿਦੇਹ ਸੁਤਾ ਦੁਖ ਸਾਗਰ ਧਾਰ ਅਪਾਰ ਬਹੇ। ਬਹੁ ਭਾਂਤਿ  
 ਬਿਲਾਪ ਕਰੇ ਹਰਿਜੀ ਸੁਰ ਕਾਰਯ ਮਾਨੁਖ ਦੇਹਿ ਗਹੇ। ਅਦੈ  
 ਚਿਤ ਆਤਮ ਔਰ ਪਰਾਤਮ ਰਾਮ ਸਨਾਤਨ ਬੇਦ ਕਹੇ ॥ ੨੬  
 ॥ ਇਹ ਭਾਂਤਿ ਪਛਾਨ ਸੁ ਰਾਮ ਸਰੂਪ ਸੁ ਜੋ ਜਗਮੈ ਜਨੁ ਤੱਤ  
 ਬਿਚਾਰੀ। ਨਹਿ ਤਾਹਿ ਛੁਹੇ ਦੁਖਪੁੰਜ ਕਬੀ ਪੁਨਿ ਹੋਇਕਹਾ  
 ਯਹਿ ਰਾਮ ਮੁਰਾਰੀ। ਦੁਖ ਔਰ ਸੁਖੀ ਡਰ ਕ੍ਰੋਧ ਮਹਾਂ ਮਦ  
 ਮੋਹਿ ਸੁ ਲੋਭਹਿ ਮਾਰ ਕੁਮਾਰੀ। ਅਗਿਆਨਕਿ ਲਿੰਗ



ਸੁਆਹਿ ਸਭੈ ਕਿਹ ਭਾਂਤਿ ਰਹੇ ਰਿਦ ਰਾਮ ਮੁਰਾਰੀ ॥੨੭॥  
 ਤਨਿ ਕੋ ਅਭਿਮਾਨ ਸੁ ਦੂਖ ਜਨੇਂ ਪਰਮਾਤਮ ਮੈ ਤਨ  
 ਪਾਯਤ ਨਹੀਂ । ਤਨਿ ਐ ਅਭਿਮਾਨ ਸੁ ਦੂਰਿ ਭਏ ਸੁਖ ਰੂਪ  
 ਪਿਖੈ ਸੁ ਸੁਖੋਪਤਿ ਮਾਹੀਂ । ਬੁਧਿ ਆਦਿਕ ਹੋਹਿ ਅਭਾਵ ਜਬੈ  
 ਦੁਖ ਹੇਰਤ ਨਾ ਸੁਧ ਆਤਮ ਮਾਹੀਂ । ਦੁਖ ਐ ਸੁਖਿ ਹੈ ਸਭ  
 ਬੁਧਿ ਬਿਖੇ ਪਰਮਾਤਮ ਮੈਂ ਕਛੁ ਪਾਯਤ ਨਾਹੀਂ ॥ ੨੮ ॥ ਸ਼ੰਕਰ  
 ਛੰਦ ॥ ਪੁਰਖ ਰਾਮ ਪੁਰਾਤਨੋ ਪਰਮਾਤਮਾਂ ਹਰਿ ਆਹਿ ।  
 ਨਿਤ ਉਦੇ ਹੈ ਪੁਨਿ ਸਦਾ ਸੁਖ ਕਛੁ ਨਾਹਿ ਤਾਕੋ ਚਾਹਿ ।  
 ਤਥਾਪਿ ਮਾਯਾ ਗੁਣ ਮਿਲੇ ਸੁਖ ਦੁਖੀ ਸੇ ਭਗਵਾਨ । ਸੁਨ ਹੋਇ  
 ਹੈ ਯਹਿ ਲੋਕ ਅੰਦਰਿ ਮੂਰਖਾਂ ਕੋ ਭਾਨ ॥ ੨੯ ॥ ਇਤਿ ਸ੍ਰੀ  
 ਮਤਿ ਅਧਿਆਤਮ ਰਾਮਾਇਣੇਂ ਉਮਾਂ ਮਹੇਸ਼ੁਰ ਸੰਬਾਦੇ ਯੁਧ  
 ਕਾਂਡੇ ਪ੍ਰਥਮੇਂ ਧਿਆਇ ॥ ੧ ॥

---

ਸ੍ਰੀ ਮਹਾਂਦੇਵ ਉਵਾਚ ॥

ਕਬਿਤ ॥ ਲੰਕ ਮਾਹਿ ਰਾਵਨ ਨਿਹਾਰ ਹਨੂੰਮਾਨ ਕਾਜ ਦੇਵਨ  
 ਅਸਾਧ ਲਾਜ ਭਈ ਉਰ ਭਾਰੀਆ । ਦੇਖੇ ਧਰ ਬਾਰ ਬਾਰ  
 ਮੰਤ੍ਰੀ ਪੁਕਾਰ ਲਏ ਰਾਖਸ਼ ਕੇ ਰਾਈ ਬਾਤ ਏਹ ਹੈ ਉਚਾਰੀਆ  
 । ਲੰਕ ਉਤਪਾਤ ਹਨੂੰਮਾਨ ਬਿਖਯਾਤ ਕਰੈ ਤੁਮ ਮਤਿ ਵੰਤ  
 ਸਭੈ ਨੈਨ ਕੈ ਨਿਹਾਰੀਆ । ਬਿਨ ਪਰਵਾਨੀ ਰਾਜਧਾਨੀ ਕੇ ਸੁ  
 ਨਾਹਿ ਬਰੇ ਦੇਖੀ ਤਿਨ ਜਾਇ ਮਿਥਲੇਸ਼ ਕੀ ਕੁਮਾਰੀਆ ॥  
 ੧ ॥ ਰਾਖਸ਼ ਬਿਦਾਰ ਸੁ ਮੰਦੋਦਰੀ ਕੋ ਮਾਰ ਸੁਤ ਜਾਰ



ਗਵ ਲੰਕ ਗਏ ਬਾਰਧ ਕੇ ਪਾਰੀਆ । ਤਾਹਿ ਕੀ ਨ ਹਾਨਿ ਭਈ  
 ਲੰਕ ਬਾਤ ਭਈ ਨਈ ਭਾਖਤ ਹੋਂ ਸੂਰ ਲਾਜ ਰਹੀ ਨ ਤੁਮਾਰੀਆ ।  
 । ਮੰਤ੍ਰ ਮੈਂ ਬਿਸਾਰਦ ਸੁ ਕਰਨੋਂ ਸੁ ਕਾਰਜ ਸੁ ਹੋਇ ਹਿਤ  
 ਮੇਰੇ ਅਬ ਲੇਹੁ ਸੁ ਬਿਚਾਰੀਆ । ਰਾਵਨ ਕੇ ਵਾਕ ਸੁਨ ਮੰਤ੍ਰੀ  
 ਪਛਾਨ ਧੁਨਿ ਰਾਖਸ਼ ਕੇ ਰਾਈ ਕੋ ਭਵਾਨੀ ਯੋ ਉਚਾਰੀਆ ॥  
 ੨॥ ਲੋਕਨਕੋ ਜੀਤ ਸੰਗਰਾਮ ਨਿਰਭੀਤ ਤੁਮ ਰਾਮ ਨਰਨਾਮ  
 ਤੇ ਸੁ ਕਹਾਂ ਡਰ ਆਏ ਹੈਂ । ਦੇਵ ਤਵ ਪੂਤ ਪੁਰਹੂਤ ਪੁਰ ਬਾਂਧ  
 ਆਨੇ ਜੀਤ ਸੁ ਕੁਵੇਰ ਕੋ ਵਿਮਾਨ ਤੁਮ ਪਾਏ ਹੈਂ । ਜੀਤ  
 ਯਮਰਾਜ ਯਮਧਾਨੀ ਕੇ ਭਗਾਇ ਦਏ ਕਾਲ ਦੰਡ ਭੀਤ  
 ਰੂਪ ਤੋਹਿ ਤੇ ਮਿਟਾਏ ਹੈਂ । ਵਰਣ ਹੁੰਕਾਰ ਸੁਨ ਮਿਲੇ  
 ਗਲਿ ਡਾਰ ਪਟ ਜੀਤ ਸਭ ਰਾਖਸ਼ ਸੁ ਦੁੰਦਭੀ ਬਜਾਏ ਹੈਂ ॥  
 ੩ ॥ ਮਯ ਜੋ ਮਹਾਂਸੁਰ ਸੁ ਮਾਨ ਡਰ ਤੋਹਿ ਤੇ ਸੁ ਆਪਨੀ  
 ਤਨੂਜਾ ਤਿਨ ਦਈ ਤਵ ਆਇਕੈ । ਅਬ ਲੋ ਅਧੀਨ ਬਾਤ  
 ਮਾਨਤ ਤਿਹਾਰੀ ਸਭ ਔਰਜੇ ਮਹਾਂਨ ਸੁ ਗਹਿੰ ਹੈਂ ਪਦ ਧਾਇ  
 ਕੈ । ਹਨੂਮਾਨ ਕੀਏ ਕਾਜ ਭਏ ਨ ਸੁਜਾਗ ਪਦ ਸੂਰਨ ਕੋ  
 ਜਾਇ ਬਲਿ ਕਪਿ ਪੈ ਦਿਖਾਇਕੈ । ਐਸੇ ਹਮ ਜਾਨ ਨਹਿੰ  
 ਮਾਰਿਓ ਸੁ ਤਾਹਿੰ ਬਾਣ ਗਏ ਕਪਿ ਨਾਥ ਤਵ ਪੁਰੀ ਕੋ  
 ਜਲਾਇਕੈ ॥ ੪ ॥ ਛਲੇ ਹਨੂਮਾਨ ਹਮ ਕਰੇ ਮਧੁ ਪਾਨ ਸਭ  
 ਜਾਨਤ ਜੁ ਬਾਤਿ ਕਪਿ ਜੀਵਤ ਨ ਜਾਇ ਹੈ । ਦੀਜੀਏ ਸੁ  
 ਆਇਸੁ ਪਿਖੀਜੀਏ ਜੁ ਨਾਥ ਬਲ ਨਰ ਅਰ ਕਪਿ ਕੋਊ  
 ਜਗ ਨ ਰਹਾਇ ਹੈ । ਸਭੈ ਭਟ ਜਾਹਿੰ ਜਬ ਆਇਸੁ ਸੁ ਪਾਹਿੰ



ਨਾਥ ਹਨੇਂ ਕਪਿ ਮਾਨਵ ਸੁ ਏਕੋ ਭੁਟ ਜਾਇ ਹੈ । ਕਹੀ ਜੁ  
 ਅਮਾਤਿ ਬਾਤ ਸੁਨਿ ਕੈ ਗਨੇਸ਼ ਮਾਤ ਕੁੰਭਕਾਂਠ ਭ੍ਰਾਤ ਸੁ  
 ਦਸਾਨਨ ਅਲਾਇ ਹੈ ॥ ੫ ॥ ਤੋਹਕਾਜ ਐਸੇ ਕਰੇ ਜਾਂਤੇ ਸਭ  
 ਸੁਖ ਹਰੇ ਹੋਇ ਤਵ ਨਾਸ਼ ਸਭ ਰੋਇੰ ਤਵ ਰਾਨੀਆਂ । ਬਡੇ  
 ਭਾਗ ਥੇ ਤਿਹਾਰੇ ਤਬ ਰਾਮ ਨ ਨਿਹਾਰੇ ਜਬ ਹੇਰਤ ਸੁ ਰਾਮ  
 ਕਰੇ ਪ੍ਰਾਨ ਤੇਰੇ ਹਾਨੀਆਂ । ਰਾਮ ਨਰ ਨਾਹਿੰ ਸੁ ਨਰਾਇੰਨ  
 ਪ੍ਰਗਟ ਰਘੁਬੀਰ ਨਾਰਿ ਸੀਯ ਰਮਾਂ ਤੋਹਿ ਨ ਪਛਾਨੀਆਂ ।  
 ਰਾਖਸ਼ ਬਿਨਾਸ਼ ਕਾਜ ਆਨੀ ਤਵ ਸੀਯਰਾਜ ਹੋਇ ਦੁਖਭਾਰੇ  
 ਅਬ ਜਾਏ ਰਾਜਧਾਨੀਯਾਂ ॥ ੬ ॥ ਮਹਾਂ ਮੀਨ ਖਾਇ ਜਯੋਂ  
 ਹਲਾਹਲ ਕੋ ਪਿੰਡ ਬਡੇ ਆਨੀ ਤਿਮ ਜਾਨਕੀ ਸੁ ਭਾਵੀ ਨਹੀਂ  
 ਜਾਨੀਏ ਯਦੱਪਿ ਅਕਾਜ ਕਰੇ ਲੰਕ ਰਾਜ ਤੋਹਿਜਗ ਭਯੋ  
 ਨ ਬਿਚਾਰ ਬਾਤ ਭਈ ਹੈ ਅਜਾਨੀਯੇ । ਲੇਹੁ ਮੈਂ ਸਵਾਰ ਅਬ  
 ਦੇਹੁ ਡਰਡਾਰ ਸੁਨਿ ਰਾਖਸ਼ਕੇ ਰਾਈ ਉਰ ਚਿੰਤ ਨਹੀਂ  
 ਠਾਨੀਯੇ । ਕੁੰਭ ਕਾਂਠ ਵਾਕ ਸੁਨਿ ਕਰਤ ਬਖਾਂਠ ਵਹਿ ਰਾਵਣ  
 ਕੋ ਪੂਤ ਇੰਦ੍ਰਜੀਤ ਕੈ ਬਖਾਨੀਯੇ ॥ ੭ ॥ ਦੇਵ ਆਇਸੁ ਜੁ ਪਾਉਂ  
 ਮਾਰ ਬੇਗ ਅਬ ਆਉਂ ਰਘੁਨਾਥ ਕਪਿ ਨਾਥ ਲਖਮੀਨਿ ਯੋ  
 ਸੁਨਾਯੋਹੈ । ਵਿਭੀਖਣ ਸੇ ਨਾਮ ਮਤਿ ਮਾਂਠ ਭਗਵਾਨ ਜਨ  
 ਹਾਥ ਜਪ ਮਾਲ ਸੁ ਭਵਾਨੀਂ ਤਾਹਿੰ ਆਯੋਹੈ । ਬੰਦਨਾ ਉਚਾਰ  
 ਬੈਰੋ ਰਾਵਣ ਸਮੀਪ ਵਹੁ ਰਾਮ ਪਦ ਪੰਕਜ ਬਨਾਇ ਧਯਾਨ  
 ਲਾਯੋਹੈ । ਕੁੰਭ ਕਾਨ ਲੋ ਨਿਹਾਰੇ ਭਏ ਮੱਤਵਾਰੇ ਸਭ ਕਰੇ  
 ਬਕਬਾਦ ਤਿਨ ਪੇਖ ਬਿਸਮਯੋ ਹੈ ॥ ੮ ॥ ਕਾਮਕੇ ਅਧੀਨ



ਮਤਿਵਾਰੋ ਅਬ ਦੀਨ ਪੇਖ ਰਾਵਣ ਮਲੀਨ ਕੋ ਵਿਭੀਖਣ  
 ਅਲਾਇਹੈਂ । ਕੁੰਭਕਾਂਨ ਇੰਦ੍ਰਜੀਤ ਜੀਤ ਹੈ ਨ ਰਾਜਾ ਰਾਮ  
 ਪਾਰਸ ਮਹੋਦਰ ਸੁ ਹੇਰਿਕੈ ਪਲਾਇਹੈਂ । ਨਿਕੁੰਭ ਔਰ ਕੁੰਭ  
 ਅਤਿਕਾਇ ਨ ਠਹਿਰਾਇ ਰਹੇ ਰਾਮ ਰਣਮਾਹਿ ਜਬ ਤਾਨ  
 ਧਨ ਆਇਹੈਂ । ਜਾਨਕੀ ਸੁ ਨਾਮ ਗ੍ਰਾਹਿ ਆਹਿ ਬਲਵਾਨ  
 ਅਬ ਤੋਹਿ ਗ੍ਰਸ ਗਏ ਨਹਿ ਬਲ ਕੈ ਛਡਾਇਹੈਂ ॥ ੯ ॥ ਸੀਯ  
 ਸਨਮਾਂਨ ਕਰ ਮਹਾਂ ਧਨ ਆਗੇ ਧਰ ਰਾਮਕੈ ਸੁ ਪਾਇੰ ਪਰ  
 ਤਬੀ ਸੂਖ ਪਾਇਹੈਂ ॥ ਜਬ ਲੋ ਨ ਰਾਮ ਬਾਨ ਮਾਰਤ ਕਮਾਨ  
 ਤਾਨ ਲੰਕ ਬਿਆਪ ਤੀਰ ਸਿਰ ਰਾਖਸ ਉਡਾਇਹੈਂ । ਤਬ  
 ਲੋ ਬਨਾਇ ਸੀਯ ਸੀਸਕੋ ਨਿਵਾਇ ਜੀਯ ਰਾਮ ਪਹੁੰਚਾਇ  
 ਫਿਰ ਔਸਰ ਨ ਪਾਇਹੈਂ । ਨਖ ਹੈਂ ਉਦਾਰ ਪੁਨਿ ਦਾਵਨ ਸੋ  
 ਪਾਰ ਖਾਂਹਿ ਐਸੇ ਕਪਿ ਆਇ ਪੁਨਿ ਲੰਕ ਕਿਲਕਾਇ ਹੈਂ ॥  
 ੧੦ ॥ ਜਬਲਗ ਲੰਕ ਨ ਦਬਾਇ ਕਪਿ ਨਾਸ ਕਰੇਂ ਤਬਲਗ  
 ਜਾਨਕੀ ਕੋ ਦੇਹ ਪਹੁੰਚਾਇਕੈ । ਜੀਵਤੇ ਕੋ ਰਾਮ ਤਵ  
 ਛਾਡਤ ਨ ਧਾਂਮ ਅਬਿ ਦੈਤ ਕਹਾਂ ਰਖੇਂ ਸਿਵ ਸਕੈ ਨ ਬਚਾ  
 ਇਕੈ । ਦੇਵਰਾਜ ਧਰਮ ਰਾਜ ਤੋਹਿ ਨ ਬਚਾਇ ਸਕੇਂ ਜੀਵਤੇ  
 ਨ ਬਚੇ ਜੋ ਪਤਾਲ ਧਸੇਂ ਜਾਇਕੈ । ਸੁਭ ਹਿਤ ਪਾਵਨ ਸੁ  
 ਰਾਵਨਕੇ ਪਾਸ ਬਚ ਭਾਖਯੋ ਵਿਭੀਖਨ ਸੁ ਦਏ ਹੈਂ ਸੁਨਾਇ  
 ਕੈ ॥ ੧੧ ॥ ਰਾਵਣ ਨ ਮਾਨੀਂ ਜੁ ਵਿਭੀਖਨ ਬਖਾਨੀ ਉਮਾ  
 ਕਾਲ ਜਾਹਿ ਆਇਯੋ ਰਸਾਇੰਨ ਨ ਖਾਇਹੈ । ਕਾਲਕੋ ਚਲਾਯੋ  
 ਸੁ ਦਸਾਨਨ ਰਿਸਾਯੋ ਉਰਿ ਭ੍ਰਿਕੁਟੀ ਚਢਾਇਕੈ ਵਿਭੀਖਨ



ਅਲਾਇ ਹੈ । ਮੇਰੇ ਦੀਯੋ ਖਾਹਿ ਪੁਨਿ ਮੋਹਿ ਸੋਂ ਕਮਾਹਿ  
 ਬੁਰੇ ਭਇਓ ਅਤਿ ਮੋਏ ਢਿਗ ਮੇਰੇ ਹੀ ਬਸਾਇ ਹੈ । ਮੈ ਤੇ  
 ਹਿਤਕਾਰੀ ਸੁ ਵਿਭੀਖਨ ਵਿਕਾਰੀ ਭਯੋ ਮੀਤ ਭਾਵ ਵੈਰਤਾ ਸੁ  
 ਮੋਹ ਸੋਂ ਕਮਾਇ ਹੈ ॥ ੧੨ ॥ ਦੇਹਰਾ ॥ ਅਨਾਰਯ ਯਾਹਿ  
 ਕ੍ਰਿਤਘਨ ਸੋਂ ਸੰਗਤ ਮੇਂ ਨ ਸੁਹਾਇ । ਜਾਤ ਜਾਤਿਕੋ ਖਯ  
 ਚਹੈ ਵਹੀ ਬਨੀਂ ਬਿਧ ਆਇ ॥ ੧੩ ॥ ਕਬਿਤ ॥ ਐਸੇ ਜੁ  
 ਬਖਾਨੇ ਔਰ ਮਾਰਤੇ ਸੁ ਤਾਹਿ ਠੋਰ ਭੋਹਕੋ ਧਿਕਾਰ ਕੁਲ  
 ਅਧਮ ਬੁਲਾਯੋ ਹੈ । ਰਾਵਨ ਕੇ ਵਾਕ ਸੁਨਿ ਦੇਖਿ ਵਿਪਰੀਤਿ  
 ਧੁਨਿ ਸਭਾਹੁਕੇ ਬੀਚਤੇ ਵਿਭੀਖਨ ਪਲਾਯੋ ਹੈ । ਚਾਰ ਹੈ  
 ਅਮਾਤ ਸਾਧ ਗਦਾਕੋ ਉਭਾਰੇ ਹਾਥ ਜਾਇਕੈ ਅਕਾਸ਼ ਮਾਹਿ ਬੈਨ  
 ਕੋ ਅਲਾਯੋ ਹੈ । ਮਤਿ ਭੁਮ ਮਰੇ ਦਸਕੰਠ ਦੁਖਿਭਰੇ ਸੁ ਵਿਭੀ  
 ਖਨ ਬਖਾਨੇਂ ਉਰ ਕ੍ਰੋਧ ਅਤਿ ਆਯੋ ਹੈ ॥ ੧੪ ॥ ਤਾਤ ਕੇ  
 ਸਮਾਨ ਬਡੇ ਭਾਈ ਤੇ ਬਖਾਨੇ ਜਗ ਕਰੇਂ ਤੂੰ ਧਿਕਾਰ ਬਾਕ  
 ਕਰੇ ਥੇ ਸਨੇਹਕੇ । ਕਾਲ ਰਾਮ ਰੂਪ ਭਏ ਦਸਰਥ ਧਾਮ ਜਗ  
 ਕਾਲੀ ਸੀਯ ਨਾਮ ਭਈ ਜਨਕ ਬਿਦੇਹਕੇ । ਦੁਊ ਵਹਿਆਏ  
 ਸੁ ਮਿਟਾਇ ਚਹੇਂ ਭੁਮ ਭਾਰ ਕਰੇਂਗੇ ਸੁ ਨਾਸ ਦਸਕੰਠ ਤਵ  
 ਦੇਹਿਕੇ । ਤਿਨਹੀਕੇ ਪ੍ਰੇਰੇ ਨਹਿ ਮਾਨੇਂ ਵਾਕ ਮੇਰੇ ਤਵ ਤੋਹਿ  
 ਤਨ ਰੁਲੇ ਦੁਖ ਪਾਇੰ ਜਨ ਗੇਹਕੇ ॥ ੧੫ ॥ ਸੰਕਰਛੰਦ ॥  
 ਪ੍ਰਕ੍ਰਿਤ ਕੇ ਵਹਿ ਪਰੇਹੈਂ ਪੁਨਿ ਰਾਮ ਪੂਰਣ ਕਾਮ । ਬਹਿਰੰਤ  
 ਸੋਹੈ ਸਰਬਕੇ ਦੁਖ ਜਾਹਿ ਭੁਜ ਜਾਂ ਠਾਮ । ਨਾਮਰੂਪ ਵਿਭੇਦ  
 ਕੈ ਤਿਮਤਿਮ ਅਮਲ ਦਿਖਲਾਹਿ । ਜਿਮ ਏਕ ਅਨਲ



ਬਿਰਾਜਈ ਸਭ ਭੂਰੁਹਾਂ ਕੇ ਮਾਹਿੰ ॥ ੧੬ ॥ ਉਪਾਧਿਕੇ ਆਧੀਨ  
 ਬਹੁ ਬਿਧਿ ਪਿਖੈ ਜਨ ਅਗਿਆਨ । ਕੋਸ ਪਾਇ ਉਪਾਧਿ  
 ਬਹੁ ਬਿਧਿ ਭਾਸ ਹੈ ਭਗਵਾਨ । ਨੀਲ ਪੀਤ ਸੁ ਯੋਗ ਕੈ  
 ਜਜੋਂ ਫਟਕ ਬਹੁਤ ਅਕਾਰ । ਨਿੱਤ ਮੁਕਤ ਸੁਮਾਇਆ ਗੁਣ  
 ਬੰਦ ਯੋਂ ਆਕਾਰ ॥ ੧੭ ॥ ਕਾਲ ਐ ਪਰਧਾਨ ਪੁਰਖ  
 ਅਵਕਤ ਯਾ ਬਿਧਚਾਰ । ਪਰਧਾਨ ਪੁਰਖ ਸੁ ਦੋਨ ਮਿਲ ਹਰਿ  
 ਰਚੇ ਜਗਤ ਅਕਾਰ । ਕਾਲ ਰੂਪ ਸੁ ਹੋਇਕੈ ਵਹਿ ਕਰੇ ਜਗਤ  
 ਬਿਨਾਸ । ਕਾਲ ਰੂਪ ਸੁ ਮਾਇਯਾ ਹਰਿ ਭਯੋ ਰਾਮ ਪ੍ਰਕਾਸ਼  
 ॥ ੧੮ ॥ ਬਿਧਿਕਰੀ ਬਿਨਤੀ ਤਾਹਿੰਪੈ ਦਸਕੰਠ ਕੇ ਬਧਕਾਜ  
 । ਵਹਿ ਅੰਨਥਾ ਨਹਿ ਕਰੇਂਗੇ ਸੰਕਲਪ ਕੋ ਰਘੁ ਰਾਜ ॥ ਪੁਤ੍ਰ  
 ਬਹਾਨੇ ਸੈਨ ਸੋਂ ਤਵ ਮਾਰਹੈ ਵਹਿ ਰਾਮ । ਸਕੋਨਾਹਿ ਨਿਹਾਰ  
 ਤੇਰੋ ਨਾਸ ਮੈਂ ਸੰਗ੍ਰਾਮ ॥ ੧੯ ॥ ਦੋਹਰਾ ॥ ਤੂੰ ਕੁਲ ਰਾਖਸ  
 ਮਰੇਂਗੇ ਮੈਂ ਜਾਵੋਂ ਜਹਿ ਰਾਮ । ਮੇਰੇ ਗਏ ਸੁ ਪਾਇ ਸੁਖ ਚਿਰੰ  
 ਰਮੋ ਤੁਮ ਧਾਮ ॥ ੨੦ ॥ ਸਵੈਯਾ ॥ ਰਾਵਨ ਕੇ ਦੁਰਵਾਕਨ  
 ਤੇ ਸੁ ਵਿਭੀਖਨ ਤਜਾਗ ਗਏ ਗ੍ਰਹਿਸਾਰੇ । ਹੇਮ ਤੁਰੰਗਮ ਔਰ  
 ਮਤੰਗਜ ਨਾਰਿ ਮਣੀਂ ਬਹੁ ਜਾਹਿ ਮਝਾਰੇ । ਪੂਰਣ ਹੈ ਮਨ  
 ਭੀਤਰ ਸੋ ਪਦ ਰਾਮ ਕੇ ਸੇਵਨ ਹੇਤ ਪਧਾਰੇ । ਸਿੰਘ ਗੁਲਾਬ  
 ਗਏ ਕੁਲ ਤਜਾਗ ਜੁ ਬਾਸ ਲਏ ਤਿਨ ਰਾਮ ਕਿਨਾਰੇ ॥ ੨੧  
 ॥ ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇਂ ਉਮਾ ਮਹੇਸੁਰ  
 ਸੰਬਾਦੇ ਯੁੱਧ ਕਾਂਡੇ ਦੁਤੀਯੇ ਧਿਆਇ ॥ ੨ ॥



ਸ੍ਰੀ ਮਹਾਂਦੇਵ ਉਵਾਰ ॥ ਕਬਿਤ ॥

ਵਿਭੀਖਨ ਸੁਭਾਗ ਧਾਰੀ ਲਏ ਹੈਂ ਅਮਾਤ ਚਾਰੀ ਰਾਮਜੀ ਕੇ  
 ਸਾਮੁਨੇ ਅਕਾਸ਼ ਮਾਹਿ ਆਯੋ ਹੈ । ਰਾਮ ਕੰਜ ਨੈਨ ਸ੍ਰਾਮ ਸੁਨੀਏ  
 ਸੁ ਬੈਨ ਮਮ ਉਚ ਸੁਰ ਬੋਲ ਸੁ ਵਿਭੀਖਨ ਅਲਾਯੋ ਹੈ ।  
 ਲਘੁ ਰਾਵਨ ਕੋ ਭਾਈ ਜਿਨ ਨਾਰਿ ਤੇ ਚੁਰਾਈ ਸੁ ਵਿਭੀਖਨ  
 ਹੈ ਨਾਮ ਮੇਰੇ ਲੋਕ ਮਾਹਿ ਗਾਯੋ ਹੈ । ਤਿਨ ਦਯੋ ਮੈਂ ਨਿਕਾਰੀ  
 ਹਿਤ ਬਾਤ ਥੀ ਉਚਾਰੀ ਅਬ ਰਾਮ ਪਦ ਕੰਜ ਮੈਂ ਤੇ ਤੇਰੇਈ  
 ਤਕਾਯੋ ਹੈ ॥ ੧ ॥ ਸੀਅ ਰਾਮ ਦੀਜੀਏ ਸੁ ਕੀਜੀਏ ਨਾ ਬੈਰ  
 ਅਤਿ ਫੇਰਿ ਫੇਰਿ ਕਹਯੋ ਨਾਹਿ ਤਾਹਿ ਮਨਿ ਧਾਰਿਓ । ਕਾਲ  
 ਪਾਸ ਕੇ ਅਧੀਨ ਹੋਇ ਮਾਨਤ ਮਲੀਨ ਨਾਹਿ ਮੋਹਿ ਬਧ  
 ਕਾਜ ਹਾਬ ਖੜਗ ਉਬਾਰਿਓ । ਚਾਰ ਲੈ ਪ੍ਰਯਾਨ ਬੇਗ ਕਰੇ ਮੈਂ  
 ਪਯਾਨ ਸੁਨਿ ਰਾਮ ਪਦ ਕੰਜ ਤਹਿ ਤੇਰੇ ਮੈਂ ਚਿਤਾਰਿਓ । ਮੋਖ  
 ਚਾਹ ਹੈ ਹਮਾਰੀ ਸ਼ਾਮ ਲਈ ਹੈ ਤੁਮਾਰੀ ਸੁਣਿ ਰਾਜਨ ਕੇ  
 ਰਾਈ ਅਬ ਬਨੈਂ ਗੋ ਉਬਾਰਿਓ ॥ ੨ ॥ ਵਿਭੀਖਨ ਕੇ ਵਾਕ  
 ਸੁਨਿ ਬੋਲੇ ਕਪਿ ਨਾਥ ਪੁਨਿ ਕੀਜੀਏ ਬਿਸਾਹ ਨਾਹਿ ਰਾਮ  
 ਯਹਿ ਖਲਕੋ । ਸੀਅ ਜਾਂ ਚੁਰਾਈ ਪੁਨਿ ਤਾਹਿਕੋ ਸੁਭਾਈ ਯਹਿ  
 ਸਾਯੁਧ ਸੁ ਮੰਤ੍ਰੀ ਧਰਯਾ ਭੁਜ ਬਲਕੋ । ਅੰਤਰ ਨਿਹਾਰੇ ਯਹਿ  
 ਹਮਹੀ ਕੋ ਮਾਰੇ ਭੁਜ ਬਲ ਨ ਬਸਾਇ ਕਰਯੋ ਚਹੇ ਉਰ ਛਲ  
 ਕੋ । ਆਇਸੁ ਜੁ ਕੀਜੀਏ ਤੁ ਮਾਰ ਯਹਿ ਲੀਜੀਏ ਸੁ ਢੀਲ  
 ਨ ਨਿਹਾਰੋ ਮੈਂ ਉਠਾਉਂ ਕਪਿ ਦਲਕੋ ॥ ੩ ॥ ਸਵੈਯਾ ॥  
 ਇਹ ਭਾਂਤਿ ਖਿਖੋ ਮਨ ਭੀਤਰ ਮੈਂ ਤੁਮ ਰਾਮ ਕਹੋ ਮਤਿ ਜੋ



ਠਹਿਰਾਈ । ਸੁਨਿ ਕੈ ਸੁਗ੍ਰੀਵਕੇ ਵਾਕ ਇਸੇ ਹਰਿ ਰਾਮ ਤਬੈ  
 ਮੁਖਿ ਬਾਤ ਅਲਾਈ । ਪਤਿ ਲੋਕਨ ਕੇ ਸਮ ਲੋਕ ਸਭੇ ਉਰ  
 ਮਾਹਿ ਚਹੈਂ ਜਬ ਮੈ ਕਪਿਰਾਈ । ਨਿਮਖਾਧ ਬਿਖੇ ਸੁ ਹਨੇਂ  
 ਸਗਲੇ ਨਿਮਖੇਕ ਬਿਖੇ ਪੁਨਿ ਲੇਹੁ ਉਪਾਈ ॥ ੪ ॥ ਅਬ  
 ਮੋਹਿ ਅਭੈ ਇਨਕੋ ਸੁ ਦਏ ਤੁਮ ਲਿਆਵਹੁ ਬੇਗ ਇਨੇ  
 ਅਬ ਜਾਏ । ਇਕ ਬਾਰ ਗਹੇ ਸ਼ਰਨਾਗਤਿ ਜੋ ਮੁਖਮੈਂ ਤੁਮਰੇ  
 ਇਹ ਭਾਂਤਿ ਅਲਾਏ । ਬ੍ਰਿਤ ਮੋਹਿ ਧਰੇ ਇਹ ਭਾਂਤਿ ਇਨੇਂ ਡਰ  
 ਭੂਤਨ ਤੇ ਫਿਰ ਹੋਨ ਨ ਪਾਏ । ਸੁਨਿ ਰਾਘਵਕੇ ਇਹ ਵਾਕ  
 ਉਮਾਂ ਕਪਿਨਾਥ ਤਬੈ ਮਨ ਮੈਂ ਹਰਖਾਏ ॥ ੫ ॥ ਆਂਨ ਵਿਭੀਖਨ  
 ਕੋ ਤਬਹੀਂ ਕਪਿਨਾਥ ਭਲੇ ਰਘੁਨਾਥ ਦਿਖਾਰੇ । ਆਇ  
 ਵਿਭੀਖਨ ਰਾਘਵਕੇ ਪਦ ਪੰਕਜ ਮੈਂ ਅਭਿ ਬੰਦਨ ਧਾਰੇ ।  
 ਸੁ ਗਦਾਗਦ ਵਾਕ ਭਈ ਤਿਨਕੀ ਭਗਤੀ ਸੁ ਬਢੀ ਤਿਨ  
 ਚੀਤ ਮਝਾਰੇ । ਘਨ ਸ਼ਾਂਮ ਬਿਸਾਲ ਬਡੀ ਅਖੀਆਂ ਮੁਖਿ ਪੰਕਜ  
 ਸੇ ਤਿਨ ਰਾਮ ਨਿਹਾਰੇ ॥ ੬ ॥ ਕਰ ਬਾਂਣ ਸਰਾਸਨ ਸਾਤ ਬਡੇ  
 ਲਖਮੰਨ ਅਨੁਜ ਸੁ ਸਾਥ ਸੁਹਾਏ । ਸੁ ਵਿਭੀਖਨ ਜੋਰ ਦੋਉ  
 ਕਰਕੇ ਗਿਰਜਾ ਰਘੁਨੰਦਨ ਕੀਰਤ ਗਾਏ ॥ ਵਿਭੀਖਨੋ ਵਾਰ ॥  
 ਅਬ ਰਾਮ ਰਾਜਿੰਦਰ ਤੋਹਿਨ ਮੋਂ ਬਰਸੀ ਯਮਨੋ ਰਮ ਤੂੰ ਸੁਖ ਪਾਏ ।  
 ਗਜਦੰਡ ਕੁਵੰਡ ਨ ਮੋਤੁ ਮਕੋ ਭਗਤਾ ਜਨ ਪੇਖਨ ਤੇ ਬਿਗਸਾਏ ॥ ੭  
 ॥ ਸਾਂਤ ਅਨੰਤ ਰਮਾਂ ਪ੍ਰਭ ਕੰਤ ਅਨੰਤ ਸੁ ਤੇਜ ਨਮੋ ਪਦ ਬਾਰੇ  
 । ਮੀਤ ਕਪੀਸ਼ ਨਮੋ ਰਘੁਨਾਇਕ ਤੂੰ ਜਗ ਕੋ ਉਪਜਾਇ  
 ਨਿਵਾਰੇ । ਤੀਨਹੁ ਲੋਕਨ ਕੋ ਗੁਰ ਤੂੰ ਸੁ ਅਨਾਦਿ ਗਹੀ ਅਭਿ ਬੰਦ



ਹਮਾਰੇ । ਤੂੰ ਜਗ ਆਇ ਅਨਾਇ ਸਦਾ ਰਘੁਨਾਥ ਕਰੇ ਜਗ  
 ਕੇ ਪ੍ਰਤਿ ਪਾਰੇ ॥ ੮ ॥ ਸ਼ੰਕਰਛੰਦ ॥ ਸੁਛੰਦਚਾਰੀ ਰਾਮ  
 ਤੁਮ ਜਗ ਨਾਥਕੇ ਅਸਥਾਨ । ਚਰਾਚਰ ਕੇ ਬਾਹਰੇ ਪੁਨਿ  
 ਮਾਹਿ ਹੋਵੇ ਭਾਂਨ । ਵਿਯਾਪ ਵਿਯਾਪਕ ਰੂਪ ਕੈ ਤੁਮ ਜਗਤ ਮੈਂ  
 ਭਗਵਾਂਨ । ਨਸ੍ਰੁ ਤੇ ਜਨ ਜਾਨੀਯੇ ਕ੍ਰਿਤ ਮਾਇ ਤੇ ਅਗਿਆਨ  
 ॥ ੯ ॥ ਕਬਿੱਤ ॥ ਦੇਹ ਧਾਰ ਬਾਰ ਬਾਰ ਮਰੇ ਤੁ ਅਨੇਕ  
 ਵਾਰ ਭਏ ਪੁੰਨ ਪਾਪ ਵਸ ਨੀਤ ਆਇ ਜਾਇ ਹੈਂ । ਸੀਪ ਰੂਪ  
 ਕੇ ਸਮਾਂਨ ਹੋਇ ਜਗ ਸਾਚ ਭਾਂਨ ਪਾਵਤ ਨ ਗਯਾਨ ਜਬ  
 ਤੋਹਿ ਨ ਧਿਆਇ ਹੈਂ । ਜਿਨ ਤੋਹ ਨ ਪਛਾਨੇਂ ਸੁਤ ਦਾਰਾ ਗਲ  
 ਤਾਨੇ ਮਤਿ ਭਈ ਤਿਨ ਹਾਂਨੇਂ ਗ੍ਰਹ ਫਾਸ ਮੈਂ ਫਸਾਇ ਹੈਂ ।  
 ਜਗ ਭੋਗਨ ਕੇ ਸੇਵੇ ਸੁਤ ਨਾਰਨਕੋ ਦੇਵੇ ਕਹੋਂ ਸਾਚ ਰਘੁਰਾਈ  
 ਵਹੁ ਅੰਤ ਦੁਖ ਪਾਇ ਹੈਂ ॥ ੧੦ ॥ ਤੂੰ ਸੁਰੇਸ਼ ਆਗ ਯਮ  
 ਰਾਖਸ਼ ਜਲੇਸ਼ ਵਾਯੁ ਧਨਦ ਮਹੇਸ਼ ਰਾਮ ਭੁਹੀ ਤੋ ਬਖਾਨੀਯੇ ।  
 ਅਣ ਹੂੰ ਤੇ ਅਣ ਐ ਮਹਾਂਨ ਤੇ ਮਹਾਂਨ ਬਡੇ ਰਾਜ ਜਗਨਾਥ  
 ਏਕ ਭੁਹੀਂ ਤੋ ਪਛਾਨੀਯੇ । ਤੁਮਹੀ ਤੇ ਪਿਤਾ ਸਭ ਲੋਗਨ ਕੇ  
 ਮਾਤਾ ਧਾਤਾ ਆਇ ਮੱਧ ਅੰਤਿ ਕਛੁ ਤੋਹਿ ਨਹਿ ਠਾਨੀਯੇ ।  
 ਪੂਰਣ ਅਚੁਤ ਐ ਅਨਾਸ਼ੀ ਸੁਪ੍ਰਕਾਸ਼ੀ ਰਾਮ ਤੇਰੇ ਹੀ ਸੁਰੂਪ  
 ਮਾਹਿ ਬੇਦਨ ਬਖਾਨੀਯੇ ॥ ੧੧ ॥ ਪਾਂਣਿ ਪਾਦ ਨੈਨ ਕਾਂਨਿ  
 ਨਾਹਿ ਭਗਵਾਂਨ ਤਵ ਪਿਖ ਸੁਨਿ ਗਹੇ ਪੁਨਿ ਦੋਰਤ ਖਰਾਰੀਆ  
 । ਕਾਹੂ ਮੈਂ ਨ ਰਪੇ ਅਰ ਗੁਨ ਕੋ ਨ ਗਹੇ ਪ੍ਰਭ ਤੇਰੀ ਗਤ ਕਹੇ  
 ਕੋ ਸਪੰਜਰ ਨਿਆਰੀਆ । ਵਿਕਲਪ ਨ ਬਿਕਾਰ ਨਿਰਾਧਾਰ



ਸੁ ਉਦਾਰ ਅਤਿ ਤੁਹੀ ਜਗ ਬੀਚ ਨ ਰਨਾ ਬਤੁ ਮੁਰਾਰੀਆ । ਪੁਰਖ  
 ਪੁਰਾਤਨ ਸਨਾਤਨ ਪ੍ਰਕ੍ਰਿਤ ਪਰੇ ਤੇਹਿ ਮੈ ਨ ਪੱਯੇ ਖਟ ਭਾਵ ਜੇ  
 ਵਿਕਾਰੀਯਾ ॥ ੧੨ ॥ ਮਾਇਆ ਮਿਲਾਪ ਪ੍ਰਭ ਪੂਰਣ ਪ੍ਰਤਾਪ  
 ਜਗ ਮਾਨਵ ਸੀ ਦੇਹਿ ਭੁਵਿ ਮੰਡਲ ਦਿਖਾਇ ਹੈ । ਅਜ  
 ਭਗਵਾਨ ਤਵ ਨਿਰ ਗੁਣ ਜਾਨ ਜਗ ਤੇਰੇਹੀ ਭਗਤਿ ਪਰਮੇਖ  
 ਪਦ ਪਾਇ ਹੈ । ਤੇਹਿ ਪਦ ਸੇਵਹੀਂ ਸੁ ਪਾਨ ਪਾਇ ਦੇਵ ਹਮ  
 ਗਯਾਨ ਜੋਗ ਸੋਧ ਮੈਂ ਅਰੋਹਨੇ ਧਿਆਇ ਹੈ । ਸੀਯ ਕੋ  
 ਰਮਣ ਹਾਰ ਕਰਣਾ ਅਕਾਰ ਹਰਿ ਰਾਵਣ ਜੁਹਾਰ ਭਵ ਸਿੰਧ  
 ਮੈਂ ਤਰਾਇ ਹੈ । ੧੩ ॥ ਸੋਰਠਾ ॥ ਭਗਤਿ ਪਿਆਰੇ ਰਾਮ  
 ਤਬ ਬੋਲੇ ਹਰਿਖਾਇ ਉਰ ॥ ਜੋ ਤੇਰੇ ਮਨ ਕਾਮ ਲੇਹੁ ਵਹੀ  
 ਬਰ ਦੇਤ ॥ ੧੪ ॥ ਵਿਭੀਖਣੋ ਵਾਰ ॥ ਕਬਿਤ ॥ ਆਜੁ  
 ਭਯੋ ਧੰਨਿ ਮੈ ਕ੍ਰਿਤਾਰਥ ਜਗਤ ਮੈਂ ਜੋ ਕਰਣੀ ਸੀ ਕ੍ਰਿਤ  
 ਸਭ ਲਈ ਮੈਂ ਕਮਾਇਕੈ । ਪਿਖੇ ਪਦਕੰਜ ਤੇਰੇ ਭਾਗ ਸੁ  
 ਬਿਸਾਲ ਮੇਰੇ ਆਜੁ ਰਘੁਬੀਰ ਬੰਧ ਦਏ ਹੈਂ ਮਿਟਾਇਕੈ ।  
 ਮੋਹਿਕੇ ਸਮਾਨ ਧਨ ਦੂਸਰੇ ਨ ਆਨ ਜਗ ਭਏ ਸੁਰ ਆਜ  
 ਪਾਪ ਗਏ ਹੈਂ ਪਲਾਇਕੈ । ਮੋਹਿਕੇ ਸਮਾਨ ਜਗ ਆਨ ਨ  
 ਦਿਖਾਈ ਦੇਤ ਮੂਰਤਿ ਤਿਹਾਰੀ ਪਿਖੀ ਰਾਮ ਢਿਗ ਆਇਕੈ  
 ॥ ੧੫ ॥ ਸੰਕਰ ਛੰਦ ॥ ਕਰਮ ਬੰਧ ਬਿਨਾਸ ਹਿਤ ਤਵ ਗਯਾਨ  
 ਭਗਤਿ ਬਿਸਾਲ । ਤਵ ਧਯਾਨ ਪਰਮਾਨੰਦ ਪੂਰਣ ਦੇਹ ਰਾਮ  
 ਦਯਾਲ । ਬਿਖੈਕੋ ਸੁਖ ਰਾਮਜੀ ਮੈਂ ਨਾ ਚਹੈਂ ਮਨ ਮਾਂਹਿ । ਤੇਪਾਦ  
 ਕਮਲ ਅਨੰਨ ਸੇਵਾਰ ਹੇ ਮੇ ਉਰ ਮਾਂਹਿ ॥ ੧੬ ॥ ਮੁਖਤਬਾਰਾ ਮਬਖਾਨਿ



ਯੋ ਪੁਨਿ ਭਾਖਿਯੋ ਹਰਿ ਏਹ । ਕਲਿਯਾਨ ਗੋਪ ਸੁ ਮੈਂ ਕਹੋਂ  
 ਮਨੁਲਾਇ ਤੂੰ ਸੁਨਿਲੇਹੁ । ਮੇਭਗਤਿ ਯੋਗੀ ਸਾਤਜੇ ਜਗ ਰਾਗ  
 ਜਾਕੋ ਨਾਹਿ । ਯਹਿ ਸਾਰ ਸੀਯ ਸਮੇਤ ਮੈਂ ਨਿਤ ਬਸੋਂ ਤਾਂ  
 ਉਰ ਮਾਹਿ ॥ ੧੭ ॥ ਤੂੰ ਸਰਬ ਕਾਲ ਸੁ ਸਾਂਤਿ ਉਰ ਪੁਨਿ  
 ਪਾਪ ਸਗਲ ਨਿਵਾਰ । ਮਮ ਧਰਮਾਇ ਮੋਖ ਸੁ ਪਾਇ ਹੈ ਪੁਨਿ  
 ਤਰੇ ਭਵਸਿੰਧ ਪਾਰ । ਤਵਕੀਨ ਉਸਤਤ ਜੋ ਪਢੇ ਪੁਨਿ ਲਿਖੇ  
 ਸੁਨੇ ਜੁ ਕਾਨ । ਮਮ ਤੁਸੁ ਮੋਹਿ ਪਿਯਾਰਿਆ ਮਮ ਰੂਪ ਪਾਇ  
 ਗਿਆਨ ॥ ੧੮ ॥ ਵੋਹਰਾ ॥ ਐਸੇ ਭਾਖ ਵਿਭੀਖਨੇ ਭਵ  
 ਭੰਜਨ ਭਗਵਾਂਨ । ਭਗਤਿ ਪਿਆਰੇ ਰਾਮਜੀ ਲਖਮਣ ਕਰੇ  
 ਬਖਾਨ ॥ ੧੯ ॥ ਸਵੈਯਾ ॥ ਮੋਹਿਨਿਹਾਰਨ ਤੇ ਫਲ ਜੋ ਸੁ ਵਿਭੀਖਨ ਕੋ  
 ਅਬ ਦੇਂਉ ਦਿਖਾਏ । ਲੰਕ ਵਿਭੀਖਨ ਰਾਜ ਬਧੋਂ ਜਲ ਸਾਗਰ ਕੋ  
 ਅਬ ਲਜਾਉਂ ਸੁ ਜਾਏ । ਜੋ ਲਗਿ ਸੂਰਜ ਚੰਦ ਰਹੈ ਅਰੁ ਜੋ  
 ਲਗਿ ਏਹ ਸੁ ਭੂਮਿ ਰਹਾਏ । ਜੋ ਲਗਿ ਮੋਹਿ ਕਥਾ ਜਗ ਮੈਂ  
 ਪੁਨਿ ਤੋ ਲਗਿ ਏਹ ਸੁ ਰਾਜ ਕਮਾਏ ॥ ੨੦ ॥ ਇਹ ਭਾਂਤਿ  
 ਬਖਾਨ ਸੁ ਭ੍ਰਾਤਕੇ ਹਾਥਨ ਨੀਰ ਭਰੇ ਹਰਿ ਕੁੰਭ ਅਨਾਏ । ਰਾਢ  
 ਲੰਕ ਵਿਭੀਖਨ ਰਾਜ ਨਿਮਿਤ ਸੁ ਰਾਮ ਸਭੈ ਸਿਰਦਾਰ ਬੁਲਾਏ ।  
 ਅਭਿਖੇਕ ਅਮਾਤਨ ਐ ਕਪਿ ਹਾਥਨ ਭ੍ਰਾਤਕੈ ਹਾਥ ਬਸੇਖ  
 ਕਰਾਏ । ਮੁਖ ਸਾਧੁ ਸੁਸਾਧ ਬਖਾਨ ਸਭੈ ਕਪਿਕੈ ਦਲ ਰਾਘਵ  
 ਕੇ ਜਸ ਗਾਏ ॥ ੨੧ ॥ ਸੁਗਰੀਵ ਵਿਭੀਖਨ ਅੰਕ ਮਿਲੇ ਮੁਖ  
 ਭੀਤਰ ਯਾ ਬਿਧ ਬੈਨ ਅਲਾਏ ॥ ਸੁ ਵਿਭੀਖਨ ਹੈ  
 ਹਮਦਾਸ ਸਭੈ ਯਹਿ ਰਾਮ ਪਰਾਤਮ ਬੇਦਨ ਗਾਏ ॥ ਤਿਨਮੈਂ



ਯੇ ਪੁਨਿ ਭਾਖਿਯੋ ਹਰਿ ਏਹ । ਕਲਿਯਾਨ ਗੋਪ ਸੁ ਮੈਂ ਕਹੋਂ  
 ਮਨੁਲਾਇ ਤੂੰ ਸੁਨਿਲੇਹੁ । ਮੇਭਗਤਿ ਯੋਗੀ ਸਾਤਜੇ ਜਗ ਰਾਗ  
 ਜਾਕੇ ਨਾਹਿ । ਯਹਿ ਸਾਰ ਸੀਯ ਸਮੇਤ ਮੈਂ ਨਿਤ ਬਸੋਂ ਤਾਂ  
 ਉਰ ਮਾਹਿ ॥ ੧੭ ॥ ਤੂੰ ਸਰਬ ਕਾਲ ਸੁ ਸਾਂਤਿ ਉਰ ਪੁਨਿ  
 ਪਾਪ ਸਗਲ ਨਿਵਾਰ । ਮਮ ਧਰਮਾਇ ਮੋਖ ਸੁ ਪਾਇ ਹੈ ਪੁਨਿ  
 ਤਰੇ ਭਵਸਿੰਧ ਪਾਰ । ਤਵਕੀਨ ਉਸਤਤ ਜੋ ਪਢੇ ਪੁਨਿ ਲਿਖੇ  
 ਸੁਨੇ ਜੁ ਕਾਨ । ਮਮ ਤੁਸੁ ਮੋਹਿ ਪਿਯਾਰਿਆ ਮਮ ਰੂਪ ਪਾਇ  
 ਗਿਆਨ ॥ ੧੮ ॥ ਵੋਹਰਾ ॥ ਐਸੇ ਭਾਖ ਵਿਭੀਖਨੇ ਭਵ  
 ਭੰਜਨ ਭਗਵਾਂਨ । ਭਗਤਿ ਪਿਆਰੇ ਰਾਮਜੀ ਲਖਮਣ ਕਰੇ  
 ਬਖਾਨ ॥ ੧੯ ॥ ਸਵੈਯਾ ॥ ਮੋਹਿਨਿਹਾਰਨ ਤੇਫਲ ਜੋ ਸੁ ਵਿਭੀਖਨ ਕੋ  
 ਅਬ ਦੇਂਉ ਦਿਖਾਏ । ਲੰਕ ਵਿਭੀਖਨ ਰਾਜ ਬਧੋਂ ਜਲ ਸਾਗਰ ਕੋ  
 ਅਬ ਲਜਾਉਂ ਸੁ ਜਾਏ । ਜੋਲਗਿ ਸੂਰਜ ਚੰਦ ਰਹੈ ਅਰੁ ਜੋ  
 ਲਗਿ ਏਹ ਸੁ ਭੂਮਿ ਰਹਾਏ । ਜੋ ਲਗਿ ਮੋਹਿ ਕਥਾ ਜਗ ਮੈਂ  
 ਪੁਨਿ ਤੋ ਲਗਿ ਏਹ ਸੁ ਰਾਜ ਕਮਾਏ ॥ ੨੦ ॥ ਇਹ ਭਾਂਤਿ  
 ਬਖਾਨ ਸੁ ਭ੍ਰਾਤਕੇ ਹਾਥਨ ਨੀਰ ਭਰੇ ਹਰਿ ਕੁੰਭ ਅਨਾਏ । ਰਾਢ  
 ਲੰਕ ਵਿਭੀਖਨ ਰਾਜ ਨਿਮਿਤ ਸੁ ਰਾਮ ਸਭੈ ਸਿਰਦਾਰ ਬੁਲਾਏ ।  
 ਅਭਿਖੇਕ ਅਮਾਤਨ ਐ ਕਪਿ ਹਾਥਨ ਭ੍ਰਾਤਕੈ ਹਾਥ ਬਸੇਖ  
 ਕਰਾਏ । ਮੁਖ ਸਾਧੁ ਸੁਸਾਧ ਬਖਾਨ ਸਭੈ ਕਪਿਕੈ ਦਲ ਰਾਘਵ  
 ਕੇ ਜਸ ਗਾਏ ॥ ੨੧ ॥ ਸੁਗਰੀਵ ਵਿਭੀਖਨ ਅੰਕਿ ਮਿਲੇ ਮੁਖ  
 ਭੀਤਰ ਯਾ ਬਿਧ ਬੈਨ ਅਲਾਏ ॥ ਸੁ ਵਿਭੀਖਨ ਹੈਂ  
 ਹਮਦਾਸ ਸਭੈ ਯਹਿ ਰਾਮ ਪਰਾਤਮ ਬੇਦਨ ਗਾਏ ॥ ਤਿਨਮੈਂ



ਦਾਂਤਨ ਸੋਂ ਕਟਿ ਕੈ ਸੁ ਦਯੋ ਧਰ ਮੈਂ ਬਲਕੈ ਪਟਕਾਈ ।  
 ਜਬ ਕੀਸਨ ਤਾ ਤਨਿ ਫੇਰਿ ਗਹਯੋ ਤਬ ਤਾਂਹਿ ਦਈ ਮੁਖਿ  
 ਰਾਮ ਦੁਹਾਈ । ਰਘੁਨਾਥ ਮਨੇਂ ਇਨਕੋ ਕਰੀਏ ਨਹਿ ਚਾਰਨ  
 ਕੋ ਹਨਤੇ ਜਗਰਾਈ ॥੨੬॥ ਬਿਧਿ ਲੋ ਸੁਰ ਜਾਹਿ ਭਜੇ ਸਦ  
 ਹੀਂ ਪੁਨਿ ਔਰ ਭਜੇ ਰਿਖਜੇ ਮੁਨਿ ਗਯਾਨੀ । ਵਹਿ ਰਾਮ ਖਰੇ  
 ਕਪਿ ਕੇ ਦਲਿ ਮੈਂ ਧਰ ਕਾਨ ਸੁਨੀ ਸੁਕ ਆਰਤ ਬਾਨੀ ।  
 ਕਪਿ ਨਾਹਿ ਹਨੋ ਰਘੁਬੀਰ ਕਹੀ ਤਿਨ ਛੇਡ ਦਯੋ ਪੁਤ  
 ਆਇਸੁ ਮਾਨੀ । ਜਿਹ ਨਾਮ ਛੁਡਾਵਤ ਹੈ ਭਵ ਮੈ ਤਿਹ ਕੋ ਏਹ  
 ਨਾਹਿ ਅਚੰਭ ਭਵਾਨੀ ॥ ੨੭ ॥ ਦੋਹਰਾ ॥ ਬੀਚ ਅਕਾਸ਼  
 ਸੁ ਜਾਇ ਸੁਕ ਫੇਰ ਕਹੀ ਕਪਿ ਰਾਇ । ਰਾਜਨ ਕਹੋ ਸੁ ਮੌਲ  
 ਦਸ ਕਿਹ ਬਿਧ ਭਾਖੋਂ ਜਾਇ ॥੨੮॥ ਸੁਗ੍ਰੀਵ ਉਵਾਚ ॥ ਸੁਯਾ  
 ॥ ਰਾਵਣ ਕੋ ਇਮ ਜਾਇ ਕਹੋ ਤੁਮ ਭ੍ਰਾਤ ਬਡੇ ਜਗ ਮਾਹਿ  
 ਹਮਾਰੇ । ਅੰਗਦ ਤਾਤ ਯਥਾ ਹਮਰੇ ਤਿਮਹੂੰ ਤੁਮਹੋ ਨਹਿ ਸੰਕ  
 ਬਿਚਾਰੇ । ਤੇਹਿ ਹਨੋਂ ਰਣ ਮੰਡਲ ਮੈਂ ਸਹ ਪੂਤ ਪਤਾਕਨਿ  
 ਵਾਹਨ ਥਾਰੇ । ਦੂਤ ਕਹੀ ਦਸ ਕੰਧਰ ਕੋ ਕਹ ਜਾਹਿ ਚੁਰਾਹਿ  
 ਸੁ ਨਾਰਿ ਹਮਾਰੇ ॥੨੯॥ ਸ੍ਰੀ ਰਾਮੋ ਵਾਚ ॥ ਦੋਹਰਾ ॥ ਸੁਗ੍ਰੀਵ  
 ਸੁਨੋ ਮਮ ਵਾਕ ਤੁਮ ਬਾਂਧਹੁ ਸੁਕਹ ਬਨਾਇ । ਲੈ ਆਵਹੁ ਦਲ  
 ਬੀਚ ਪੁਨਿ ਯਹਿ ਅਬ ਜਾਨ ਨ ਪਾਇ ॥ ੩੦ ॥ ਸਵੈਯਾ ॥  
 ਤਬ ਰਾਮ ਕੀ ਆਇਸ ਪਾਇ ਭਲੇ ਕਪਿ ਨਾਇਕ ਵੈ ਸੁਕ  
 ਬਾਂਧ ਮਗਾਏ । ਦਸ ਕੰਧਰ ਤਾਂਹਿ ਸਮੇਂ ਇਕ ਦੂਤ ਸੁ ਔਰ  
 ਭਲੇ ਸਰਦੂਲ ਪਠਾਏ । ਕਪਿ ਕੀ ਧੁਜਨੀ ਪਿਖ ਰਾਵਣ ਕੋ



ਸਰਦੂਲ ਕਹੀ ਸਗਲੀ ਬਿਧ ਜਾਏ । ਉਰ ਚਿੰਤ ਬਢੀ ਅਤਿ  
 ਰਾਵਨ ਕੇ ਨਿਜ ਮੰਦਰ ਸ੍ਰਾਸ ਭਰੇ ਬਿਸਮਾਏ ॥ ੩੧ ॥ ਪੁਨਿ  
 ਤਾਂਹਿ ਸਮੈਂ ਰਘੁਬੀਰ ਨਿਹਾਰ ਮਹੋਦਧਕੋ ਉਰ ਕੋਪ ਬਢਾਯੋ  
 । ਦ੍ਰਿਗ ਲਾਲ ਭਰੇ ਰਘੁਨੰਦਨ ਕੇ ਮੁਖ ਭੀਤਰਿ ਯਾ ਬਿਧ ਬੈਨ  
 ਅਲਾਯੋ । ਲਖਮੰਨਿ ਪਿਖੋ ਦੁਸ਼੍ਰਾਤਮ ਨੀਰਧ ਨਾ ਅਬ ਲੋ  
 ਮਮ ਹੇਰਨ ਆਯੋ । ਅਭਿ ਬੰਦਤ ਨਾ ਨਰ ਜਾਨ ਮੁਝੇ ਸਹਿ  
 ਬਾਨਰ ਕਾਹਿ ਕਰੇ ਗਰਬਾਯੋ ॥ ੩੨ ॥ ਕਬਿਤ ॥ ਅਬਹੀ  
 ਨਿਹਾਰ ਮਹਾ ਬਾਹੁ ਬਲਬਾਹੁ ਮੇਰੇ ਸਾਗਰ ਕੇ ਨੀਰ ਕੋ ਸੁ  
 ਦੇਤਹੋਂ ਸੁਕਾਇਕੈ । ਬਾਨਰ ਅਪਾਰ ਚਲੇਂ ਪਾਇਨ ਪਧਾਰ  
 ਅਬ ਸਾਗਰ ਕੀ ਧਾਰ ਕੇ ਸੰਤਾਪ ਕੋ ਮਿਟਾਇਕੈ । ਐਸੇ ਤੁ  
 ਬਖਾਨ ਦ੍ਰਿਗ ਲਾਲ ਭਗਵਾਨ ਕੁਪਿ ਆਪਨੇਂ ਈ ਹਾਥ ਧਨਿ  
 ਲੀਨੋ ਹੈ ਚਢਾਇਕੈ । ਕਾਲ ਪਾਵਕ ਸਮਾਨ ਸੁ ਨਿਖੰਗ ਤੇ  
 ਨਿਕਾਰ ਬਾਨ ਮਾਹਿੰ ਵੈ ਕਮਾਂਨਿ ਕੈ ਸੁ ਦਯੋ ਹੈ ਲਗਾਇਕੈ  
 ॥ ੩੩ ॥ ਸਵੈਯਾ ॥ ਕਾਨ ਲੋ ਤਾਨ ਕਮਾਨ ਕਹਯੋ ਸਰ  
 ਰਾਮ ਪਰਾਕ੍ਰਮ ਲੋਕ ਨਿਹਾਰੇ । ਮੈ ਅਬਹੀ ਸਰਤਾਪਤਿਵਾਰਿ  
 ਸੁਕਾਇ ਉਡਾਵਤ ਭੀਤਰ ਛਾਏ । ਰਾਮ ਬਖਾਂਨਤ ਯੋਂ ਮੁਖ ਤੇ  
 ਧਰਿ ਕਾਂਪ ਉਠੀ ਗਿਰ ਕਾਨਨ ਸਾਰੇ । ਪਾਰਬਤੀ ਡਰਪੇ  
 ਸਗਲੇ ਨਭਿ ਔ ਦਿਗ ਮਾਹਿੰ ਭਏ ਤਮ ਕਾਰੇ ॥ ੩੪ ॥ ਖੇਡ  
 ਭਯੋ ਜਲਕੇ ਨਿਧ ਕੋ ਇਕ ਯੋਜਨ ਬੇਲ ਤੇ ਦੂਰ ਹਟਾਏ ।  
 ਝਖ ਨਕਰ ਮੀਨ ਤਮਿੰਗ ਤਪੇਸਰ ਪਾਵਕ ਤੇ ਉਰ ਮੈ ਡਰ  
 ਪਾਏ । ਪੁਨਿ ਤਾਂਹਿ ਸਮੇ ਧਰ ਦਿਬ ਤਨੂੰ ਜਲ ਸਾਗਰ



ਰਾਘਵ ਕੀ ਢਿਗ ਆਏ । ਢਿਗ ਮੰਡਲ ਕੋ ਤਮ ਦੂਰ ਕਰੇ ਸੁ  
 ਮਹਾਂ ਤਨ ਉਪਰ ਭੂਖਨ ਛਾਏ ॥ ੩੫ ॥ ਸ਼ੰਕਰ ਛੰਦ ॥  
 ਦਿੱਬ ਰਤਨ ਸੁ ਆਪਨੇ ਕਰ ਦੇਨ ਮਾਹਿੰਉਠਾਇ । ਬਹੁ ਭਾਂਤਿ  
 ਭੇਟ ਸੁ ਆਨ ਰਾਖੀ ਰਾਮ ਕੇ ਤਿਨ ਪਾਇ । ਸਮ ਡੰਡਕੈ ਪਦ  
 ਬੰਦਨਾਂ ਰੁਖਿ ਰਾਮ ਹੇਰ ਉਚਾਰ । ਜਗਨਾਥ ਰਾਮ ਤਿਲੋਕ  
 ਰੱਖਕ ਤ੍ਰਾਹਿ ਤ੍ਰਾਹਿ ਮੁਰਾਰ ॥ ੩੬ ॥ ਜੜ ਮੋਹ ਰਾਮ ਬਨਾਇਯੋ  
 ਜਗ ਸਗਲ ਤੋਹਿ ਉਪਾਇ । ਸੁਭਾਵ ਉਲਟੇ ਸੋ ਕਰੇ  
 ਜੋ ਦਏ ਦੇਵ ਬਨਾਇ । ਅਸਥੂਲ ਪੰਚ ਸੁ ਭੂਤ ਕੋ ਸੁਭਾਵ  
 ਤੇ ਜੜ ਜਾਨ । ਤਵ ਆਗਿਆ ਨਹਿੰ ਤੇ ਲੰਘੇ ਤੈਂ ਰਚੇ ਜੜ  
 ਭਗਵਾਨ ॥ ੩੭ ॥ ਤਾਮਸੀ ਹੈ ਕਾਰ ਤੇ ਹਰਿ ਭਏ ਭੂਤ ਮਹਾਂਨ  
 । ਹੇਤ ਕੇ ਅਨਗਾਮਤੇ ਜੜਰੂਪ ਤਾਂਕੋ ਜਾਨ । ਨਿਰਗੁਨ ਅਕਾਰ  
 ਬਿਹੀਨ ਮਾਯਾ ਲੇਹ ਜੋ ਗੁਣ ਧਾਰ । ਵੈਰਾਟ ਤੋ ਅਕਾਰ ਲੀਲਾ  
 ਕਰੇ ਰਾਮ ਮੁਰਾਰਿ ॥ ੩੮ ॥ ਨਰਾਜ ਛੰਦ ॥ ਵਿਰਾਟ  
 ਸੱਤ ਅੰਸ ਤੇ ਸੁ ਦੇਵਤਾ ਪਛਾਨੀਏ । ਰਜੰਸ ਤੇ ਰਜੇਸ਼ ਰਾਮ  
 ਕ੍ਰੋਧ ਈਸ਼ ਭਾਨੀਯੋ । ਸੁ ਮਾਇਯਾ ਕਨਾਤ ਤਾਨ ਦੇਹ ਮਾਨੁਖੀ  
 ਕਰੀ । ਮਤੀ ਜੜਾ ਸੁ ਮੂਰਖੇ ਲਖੇ ਕਬੰ ਸੁਤੇ ਹਰੀ ॥ ੩੯  
 ॥ ਸੁ ਪੰਥ ਹੇਤ ਮੂਰਖਾ ਸੁ ਦੰਡ ਸੰਤ ਗਾਇਹੈ । ਯਥਾ ਪਸੂ  
 ਪ੍ਰਮੱਤਿਕੋ ਸੁ ਡੰਡ ਰਾਹਿ ਆਇਹੈ । ਸਰੰਨ ਨਾਥ ਤੇਰੀਆ  
 ਪਿਆਰਿਆ ਸੁ ਸੰਤਤੇ । ਅਭੈ ਸੁ ਮੋਹਿ ਦੀਜੀਏ ਦਦਾਮਿ ਲੰਕ  
 ਪੰਥਤੇ ॥ ੪੦ ॥ ਸ੍ਰੀ ਰਾਮੋ ਵਾਚ ॥ ਨਰਾਜ ਛੰਦ ॥  
 ਅਮੋਘ ਆਹਿ ਬਾਨਮੇਂ ਸੁ ਕੰਨ ਦੇਸ਼ ਮਾਰੀਏ । ਸੁਲੱਖ ਰਾਮ



ਬਾਣਕੋ ਸ਼ਿਤਾਬਿ ਮੇ ਦਿਖਾਰੀਯੇ । ਸੁਨੇਂ ਸੁ ਰਾਮ ਵਾਕ ਯੋ ਸੁ  
 ਹਾਥ ਬਾਨਿ ਹੇਰਿਓ । ਹਿਮਾਲਜਾ ਮਹੋਦਯੀ ਸੁ ਰਾਮ ਪਾਸ  
 ਟੇਰਿਓ ॥ ੪੧ ॥ ਸ਼ੰਕਰ ਛੰਦ ॥ ਦ੍ਰੁਮ ਕੂਲ ਨਾਮ ਬਖਾਨੀਯੇ  
 ਇਕ ਰਾਮ ਉੱਤਰ ਦੇਸ । ਤਹਿ ਰਹੇ ਬਹੁਤ ਸੁਪਾਤਕੀ ਮਮ  
 ਦੇਂਹ ਬਹੁਤ ਕਲੇਸ਼ । ਤਹਿ ਬਾਣ ਮਾਰੇ ਰਾਮਜੀ ਸਰ ਦੀਨ  
 ਰਾਮ ਚਲਾਇ । ਖਿਣ ਮਾਹਿ ਮਾਰਿ ਅਭੀਰ ਮੰਡਲ ਪਰੇ  
 ਤਰਕਸ਼ ਆਇ ॥ ੪੨ ॥ ਕਬਿਤ ॥ ਸਾਗਰ ਬਖਾਨੀ ਪੁਨਿ  
 ਰਾਮ ਕੋ ਭਵਾਨੀ ਰਘੁਵੰਸ ਕੋ ਉਤੰਸ ਤੁਮ ਸੁਣੈ ਮਨੁ ਲਾਇਕੈ  
 । ਵਿਸੁ ਕਰਮਾਂ ਕੋ ਸੁ ਪੂਤ ਪੁਰਹੂਤ ਕੇ ਸਮਾਂਨ ਬਲ ਨਲ ਜਲ  
 ਬੀਚ ਸੇਤੁ ਕਰੇ ਤੂੰ ਬਨਾਇਕੈ । ਮਹਾਂ ਮਤਿਵਾਨ ਬਲਿਵਾਨ  
 ਇਨ ਪਾਯੋ ਬਰ ਸੇਤੁ ਕੋ ਕਰੱਯਾ ਤੁਮ ਕਹੋ ਸੁ ਬੁਲਾਇਕੈ  
 ॥ ਐਸੇ ਤੁ ਬਖਾਨ ਭਗਵਾਂਨ ਪਦ ਬੰਦ ਦੁਉ ਸਿੰਧ ਭਏਲੀਨ  
 ਕਪਿ ਰਹੇ ਬਿਸਮਾਇਕੈ ॥ ੪੩ ॥ ਰਾਮ ਸੁਗ੍ਰੀਵ ਲਖਮੰਨਿ  
 ਸੁ ਬੁਲਾਇ ਨਲ ਕਹਯੋ ਸਮਝਾਇ ਜਲ ਸੇਤੁ ਤੈਂ ਬਨਾਵਨਾ  
 । ਬਾਨਰਸ੍ਰਿਦਾਰ ਸੁ ਪਹਾਰ ਸੇ ਅਕਾਰ ਬਡੇ ਸੇਤੁ ਹਿਤ ਲਏਂ  
 ਨਲ ਭਯੋ ਹਰਖਾਵਨਾਂ । ਯੋਜਨ ਅਸੀਤ ਬੀਚ ਰਚੇ ਸੁ  
 ਬਨਾਇ ਪੁਲ ਡਾਰ ਸੁ ਪਹਾਰ ਤਰੁ ਲਾਗਤ ਸੁਹਾਵਨਾਂ ।  
 ਗੁਲਾਬਸਿੰਘ ਰਾਮ ਸੁਖਧਾਮ ਮੁਸ਼ਕਾਇ ਕਹਯੋ ਸੂਕੇ ਪਦਕੀਸ  
 ਕਰਯੋਂ ਲੰਕ ਪੈ ਉਠਾਵਨਾਂ ॥ ੪੪ ॥ ਇਤਿਸ੍ਰੀ ਮਤਿ ਅਧਿਆਤਮ  
 ਰਾਮਾਇਣੇਂ ਉਮਾਮਹੇਸੁਰ ਸੰਬਾਦੇ ਯੁਧ ਕਾਂਡੇ ਤ੍ਰਿਤੀਯੇ  
 ਧਿਆਯ ॥ ੩ ॥



॥ ਸ੍ਰੀ ਮਹਾਂਦੇਵ ਉਵਾਚ ॥ ਸਵੈਯਾ ॥

ਸੇਤ ਅਰੰਭ ਸਮੇਂ ਰਘੁਬੀਰ ਰਮੇਸ਼ੁਰ ਨਾਮ ਤਹਾਂ ਸ਼ਿਵ ਥਾਪੇ  
 । ਪੂਜਨ ਰਾਮ ਕਰਜੋ ਤਿਨ ਕੋ ਪੁਨਿ ਲੰਕ ਹਿਤਾਰਥ ਭਾਖਤ  
 ਆਪੇ । ਜੋ ਅਭਿ ਬੰਦਨ ਸੇਤ ਕਰੇ ਪਿਖ ਯਾਹਿ ਰਮੇਸੁਰ ਕੋ  
 ਮੁਖਜਾਪੇ । ਮੈਂ ਕਰੁਣਾਕਰ ਬ੍ਰਹਮ ਬਧਾਦਿਕ ਹੋਵਤ ਦੂਰ ਸਭੈ  
 ਤਿਨ ਪਾਪੇ ॥ ੧ ॥ ਨਰਾਜਛੰਦ ॥ ਸੁ ਸੇਤਬੰਧ ਨੁਾਇ ਜੋ  
 ਨਿਹਾਰਕੈ ਰਮੇਸੁਰੰ ॥ ਸੰਕਲਪ ਨੇਤ ਧਾਰਿਜਾਇ ਫੇਰਿ ਕਾਸ਼ਿ  
 ਕਾ ਪੁਰੰ । ਲਿਆਇ ਗੰਗ ਨੀਰਕੋ ਰਮੇਸੁਰੰ ਨੁਵਾਇ ਹੈ ।  
 ਸਮੁੰਦ ਭਾਰ ਡਾਰ ਬ੍ਰਹਮ ਪਾਵਨੰ ਸੁ ਪਾਇ ਹੈ ॥ ੨ ॥ ਸੰਕਰ  
 ਛੰਦ ॥ ਦਸਚਾਰ ਯੋਜਨ ਆਦਿ ਵਾਸਰ ਲਏ ਸੇਤ ਬਨਾਇ  
 । ਦਿਨ ਦੂਸਰੇ ਪੁਨਿ ਔਰ ਯੋਜਨ ਬੀਸ ਦਏ ਬਢਾਇ । ਦਿਨ  
 ਤੀਸਰੇ ਇੱਕੀਸ ਯੋਜਨ ਕਰੇ ਨਲ ਬਲਧਾਰ । ਦਿਨ ਚਤੁਰਥੇ  
 ਬਾਈਸ ਯੋਜਨ ਲਏ ਸੇਤ ਸਵਾਰ ॥ ੩ ॥ ਦਿਨ ਪਾਂਚਵੇਂ  
 ਤੇਈਸ ਯੋਜਨ ਕਰੇ ਸੇਤਮਹਾਨ । ਬੰਧ ਸਾਗਰ ਸੇਤ ਯਾ ਬਿਧਿ  
 ਨਲ ਕਪੀ ਬਲਵਾਂਨ । ਸੋ ਜੋਜਨਾ ਕਪਿ ਚਲੇ ਤਾਂ ਪਥਿ ਭਲੇ  
 ਉਰ ਹਰਖਾਇ । ਪਲਵੰਗ ਮੁਖਿ ਮੈਂ ਗਾਜ ਹੈਂ ਅਬਿ ਜਿਨੇਂ  
 ਗਢ ਕੋ ਜਾਇ ॥ ੪ ॥ ਕਬਿਤੁ ॥ ਬਾਨਰ ਅਪਾਰ ਚਲੇ  
 ਸੇਤਕੇ ਮਝਾਰ ਕਛੁ ਪਾਯਤ ਨ ਪਾਰ ਭੀਰ ਭਈ ਅਤਿ ਭਾਰੀਯਾ  
 । ਸੁ ਬੇਲਾਕੇ ਪਹਾਰ ਕਪਿ ਚਲੇ ਕਿਲਕਾਰ ਰਘੁਨਾਥ ਹਨੂੰਮਾਨ  
 ਭ੍ਰਾਤ ਅੰਗਦ ਸਵਾਰੀਆ । ਗਢ ਦੇਖਨੇਂ ਕੇ ਕਾਜ ਰਘੁਰਾਜ  
 ਤੁ ਪਹਾੜ ਚਢੇ ਬੈਠ ਰਘੁਬੀਰ ਪੁਰਿ ਲੰਕਿ ਤੁ ਨਿ-



ਹਾਰੀਆ । ਬਡੇ ਬਿਸਥਾਰ ਧੁਜ ਲਸੇ ਤੁ ਅਪਾਰ ਲਗੇ  
 ਤੇਰਨ ਦੁ ਾਰ ਜਹਿ ਹੇਮਕੀ ਅਟਾਰੀਆ ॥ ੫ ॥ ਪਰਖਾ  
 ਅਨੰਤ ਸ਼ਸਤ੍ਰਘਨੀ ਕੋ ਸੁ ਅੰਤ ਨਹੀਂ ਹੇਰਗਢ ਲੰਕ ਉਰ ਸੂਰ  
 ਬਿਸਮਾਇ ਹੈਂ । ਹੇਮ ਕੇ ਪ੍ਰਹਾਰ ਸੋ ਪ੍ਰਸਾਦਿ ਹੈ ਉਦਾਰ ਇਤ  
 ਤਾਹੀਂ ਪਰ ਬੈਠੇ ਸੁ ਦਸਾਨਨ ਸੁਹਾਇ ਹੈਂ । ਬੀਰ ਜੇ ਅਮਾਲ  
 ਢਿਗ ਸੇਵਤ ਹੈਂ ਗਾਤ ਸਭ ਸੀਸ ਦਸ ਕ੍ਰੀਟ ਜਨ ਸੂਰ ਚਿਲ  
 ਕਾਇ ਹੈਂ । ਨੀਲ ਗਿਰਸਾਨ ਕੇ ਸਮਾਨ ਤਨੁ ਸ਼ਜਾਮ ਅਤਿ  
 ਸ਼ਜਾਮ ਘਨ ਬਾਦਰ ਸੀ ਦੇਹ ਲਸਕਾਇ ਹੈਂ ॥ ੬ ॥ ਦੋਹਰਾ ॥  
 ਰਤਨ ਦੇਡ ਸਿਤ ਛੱਤ੍ਰ ਸਿਰ ਲਸੈ ਸੁ ਬਾਰੀਬਾਰ । ਯੋ ਦਸ  
 ਕੰਧਰ ਮਹਲ ਪਰ ਬੈਠੇ ਸਭਾ ਮਝਾਰ ॥ ੭ ॥ ਸਵੈਯਾ ॥  
 ਤਾਂਹਿ ਸਮੇ ਸੁਕ ਆਏ ਤਹਾਂ ਕਪਿ ਮਾਰਕਰੀ ਰਘੁਬੀਰ ਛਡਾਏ  
 । ਹੈ ਕਛੁ ਬੈਰਨਿ ਮਾਰਕਰੀ ਹਸ ਰਾਵਣ ਯੋ ਸੁਕ ਬੈਨ ਅ  
 ਲਾਏ । ਫੇਰ ਕਹਯੋ ਸੁਕ ਸਾਗਰ ਉਤਰ ਤੀਰ ਗਏ ਹਮ ਨਾਥ  
 ਪਠਾਏ । ਭਾਖਤ ਥੇ ਕਪਿ ਨਾਇਕ ਕੋ ਕੁਦਿ ਮੋਹ ਗਹਯੋ ਪਲ  
 ਵੰਗਮ ਧਾਏ ॥ ੮ ॥ ਤਬ ਮੋਹਿ ਕਹਯੋ ਅਬ ਰਾਮ ਰਖੋ ਰਘੁ  
 ਪੁੰਗਵ ਭਾਖ ਸੁ ਮੋਹ ਛਡਾਯੋ । ਡਰ ਮੇਂ ਉਰ ਮਾਂਹਿ ਭਯਾਨ  
 ਭਯੋ ਪਿਖ ਬਾਨਰ ਸੈਨ ਸੁ ਤੇ ਢਿਗ ਆਯੋ । ਬਲ ਰਾਖਸ਼ ਔ  
 ਕਪਿ ਪੁੰਗਵਕੀ ਪਿਖ ਰਾਜਨ ਯੋਂ ਮਨ ਭੀਤਰ ਆਯੋ । ਅਬਸੰਧਿ  
 ਨ ਹੋਵਤਹੈ ਇਨਕੀ ਸੁਰ ਦਾਨਵ ਜਯੋਂ ਅਤ ਰੋਖ ਬਢਾਯੋ ॥  
 ੯ ॥ ਕਬਿਤੁ ॥ ਧਾਈ ਕਪਿ ਸੈਨ ਆਈ ਲੰਕ ਪੈ ਚਢਾਈ  
 ਭਈ ਢੀਲ ਨ ਨਿਹਾਰੋ ਅਬ ਬੇਗ ਏਕ ਕੀਜੀਏ ॥ ਬਲ ਦੇਤ



ਜੋ ਦਿਖਾਈ ਤਬ ਕੀਜੀਯੇ ਲਰਾਈ ਨਹਿ ਰਾਖਸ਼ਕੇ ਰਾਈ  
 ਅਬ ਸੀਯ ਰਾਮ ਦੀਜੀਯੇ । ਔਰ ਕਹੀ ਰਾਮਚੰਦ ਚੰਦ੍ਰਮਾਂ  
 ਬਿਸਾਲ ਮੁਖ ਕਹੀ ਦੂਤ ਰਾਵਨ ਕੋ ਸੋਈ ਸੁਨਿ ਲੀਜੀਏ । ਜੋਈ  
 ਬਲਿਧਾਰਿ ਤੁਮਨਾਰਿਹੈ ਹਮਾਰੀ ਹਰੀ ਸੋਈ ਬਲਬਾਂਧਵ ਮਿਲਾ  
 ਇਕੇ ਦਿਖੀਜੀਯੇ ॥ ੧੦ ॥ ਕਾਲ ਪ੍ਰਾਤ ਕਾਲ ਦੇਖ ਲੰਕਕੋ  
 ਹਵਾਲ ਸਭ ਤੋਰਣਿ ਬਿਸਾਲ ਗ੍ਰਹਿ ਟੂਟੀਆਂ ਨਿਹਾਰਿਓ ।  
 ਰਾਖਸ਼ ਕੀ ਸੈਨ ਸਰ ਗੈਨ ਲੈ ਉਡਾਇ ਮਮ ਤੂਟ ਫੂਟ ਜਾਹਿ  
 ਤਨ ਨਾਰਿ ਦ੍ਰਿਗਵਾਰਿਓ । ਘੋਰ ਰੋਖ ਭਇਓ ਭਾਰੀ ਤੋਹਿ ਪਰ  
 ਦੇਉਂ ਡਾਰੀ ਸੂਰਮਾਂ ਕਹਾਵੈ ਦਸਕੰਠ ਬਲ ਧਾਰਿਓ । ਐਸੇ  
 ਰਘੁਬੀਰ ਗਾਈ ਕਹੀ ਕਪਿ ਰਾਈ ਸਮ ਬਾਲੀ ਹਮ ਭਾਈ  
 ਦਸਕੰਠ ਕੋ ਉਚਾਰਿਓ ॥ ੧ ॥ ਐਸੇ ਤੁ ਬਖਾਨ ਭਗਵਾਂਨ  
 ਮੁਖ ਮੌਨਿ ਭਈ ਲੋਚਨ ਸਰੋਜ ਸੁ ਮਨੋਜ ਛਬਿ ਵਾਰੀਏ ।  
 ਭਏ ਇਕ ਠੌਰ ਜਹਾਂ ਚਾਰ ਸਿਰ ਮੋਰ ਬਲਿ ਤੇਜ ਮੈ ਬਿਸਾਲ  
 ਰਣ ਮਾਂਹਿ ਬਲਕਾਰੀਏ । ਰਾਮ ਲਖਮੰਨਿ ਸੁੱਗੀਵ ਸੁ  
 ਵਿਭੀਖਣਹੈਂ ਲੰਕ ਨਾਸਕਰੇਂ ਖਿਨ ਮਾਂਹਿ ਯਹੀ ਚਾਰੀਏ । ਮੂਲਤੇ  
 ਉਪਾਰ ਧਾਰ ਸਾਗਰ ਬਗਾਇ ਦੇਂਹ ਦੇਂਹ ਕੈ ਜਰਾਇ ਔਰ  
 ਰਹੈਂ ਕਪਿ ਸਾਰੀ ਏ ॥ ੧੨ ॥ ਤਿਨਕੀ ਨਿਹਾਰੀ ਬਾਲ ਸਭੈ  
 ਬਲਵੰਤ ਭਟ ਰੂਪ ਪੁਨਿ ਆਯੁਧ ਸੁ ਕੈਸੇ ਕੈ ਬਖਾਨੀਏ ।  
 ਚਾਰੋਂ ਬੀਚ ਏਕ ਹੀ ਨਿਚਿੰਤ ਗਢ ਮਾਰੇ ਤੇਰੇ ਤੀਨ ਰਹੇ ਨਜਾਰੇ  
 ਖੜੇ ਐਸੇ ਉਰ ਜਾਨੀਏ । ਸੰਖਯਾ ਬਿਹੀਨ ਕਪਿ ਸੈਨ ਹੈ  
 ਪ੍ਰਬੀਨ ਆਈ ਪੂਰ ਰਹੀ ਚਾਰੋਂ ਦਿਸ ਨੈਨ ਪਥ ਆਨੀਏ ।



ਗਾਜਤਹੈਂ ਬਾਰ ਬਾਰ ਬਾਨਰ ਅਪਾਰ ਭੁਟ ਗਿਰ ਸੇ ਅਕਾਰ  
 ਭੁਜ ਬੀਸ ਪਹਿਚਾਨੀਏ ॥ ੧੩ ॥ ਆਹਿ ਕੌਨ ਮਤਿਮਾਨ ਸਭ  
 ਕੇ ਪ੍ਰਮਾਨ ਕਰੇ ਬਡੇ ਜੇ ਪ੍ਰਧਾਨ ਕਪਿ ਕਹੋਂ ਨਿਰਧਾਰੀਏ ।  
 ਏਜੁ ਪਿਖੇ ਲੰਕ ਓਰ ਰੋਖ ਦ੍ਰਿਗ ਭਰੇ ਅਤਿ ਮਾਨੋ ਮਲਿਡਾਰੇ  
 ਗਵਰਾਜਨ ਨਿਹਾਰੀਏ। ਯੁਥ ਪਹ ਜਾਰ ਸਤ ਰਹੇ ਪਰਵਾਰਿ ਇਨ  
 ਯਹੀ ਤੋ ਨਿਸਾਨੀਂ ਸੁਗ੍ਰੀਵ ਕੋ ਉਚਾਰੀਏ । ਅਗਨਿ ਕੁਮਾਰ  
 ਭੁਜ ਬਲ ਮੈਂ ਅਪਾਰ ਸੁਨਿ ਨੀਲਨਾਮ ਕਹੈ ਅਹੈ ਬਡੇ ਬਲ  
 ਧਾਰੀਏ ॥ ੧੪ ॥ ਏ ਜੁ ਪਿਖੇ ਮੌਲਿ ਮਣਿ ਭੂਧਰ ਕੋ ਸਿੰਗ  
 ਸਮ ਪਦਮ ਕਿੰਜਲਕ ਸਮਾਨ ਤਨੁ ਹੇਰੀਏ । ਕੁਪਯੋ ਅਕਾਰ  
 ਪੁਨਿ ਸਾਗਰ ਕੀ ਧਾਰ ਬਾਰ ਬਾਰ ਪੌਛ ਹਨੇਂ ਮਨੋਂ ਕਹੇ ਲੰਕ  
 ਮੇਰੀਏ । ਬਾਲੀਕੇ ਕੁਮਾਰ ਜਿਹ ਨੂਤਨ ਅਪਾਰ ਬਲ ਯਹੀ  
 ਯੁਵਰਾਜ ਨਾਮ ਅੰਗਦ ਸੁ ਟੇਰੀਏ । ਕਹੋਂ ਕਹਾਂ ਬਾਰ ਬਾਰ  
 ਕੀਜੀਏ ਬਿਚਾਰ ਅਬ ਰਾਘਵ ਕੀ ਸੈਨ ਆਈ ਲੰਕ ਗਢ  
 ਘੇਰੀਏ ॥ ੧੫ ॥ ਸੀਯ ਜਾ ਨਿਹਾਰੀ ਅਤਿ ਰਾਮਕੀ ਪਿਆਰੀ  
 ਤਵ ਮਾਰ ਸੁਤ ਨੀਕ ਪੁਨਿ ਪੁਰਿਕੋ ਜਲਾਇਓ ਹੈ । ਰੂਪਕੇ  
 ਪਹਾਰ ਸੇ ਅਕਾਰ ਮਤਿਮਾਨ ਬਡੇ ਰਾਜਨਕੇ ਰਾਈ ਪਿਖੇ  
 ਹਨੂੰਮਾਨ ਆਇਓ ਹੈ । ਬੇਗ ਸੁਗ੍ਰੀਵ ਦ੍ਰਿਗ ਜਾਇ ਸੁ ਬਤਾਇ  
 ਕਛੁ ਫੇਰ ਸੈਨ ਓਰ ਯਹਿ ਪੇਖੀਯੇ ਸਿਧਾਇਓ ਹੈ । ਯਾਹਿ ਕੋ  
 ਪ੍ਰਤਾਪ ਪੇਖ ਪਾਵਕ ਸਮਾਨ ਅਤਿ ਰਾਖਸ਼ ਕੇ ਰਾਈ ਦ੍ਰਿਗ  
 ਲੰਕ ਦਾਹ ਲਾਇਓ ਹੈ ॥ ੧੬ ॥ ਸੈਲਸੋ ਅਕਾਰ ਲੰਕ ਪਿਖੇ  
 ਬਲ ਪਾਰ ਨਾਹਿ ਰੰਭ ਨਾਮ ਬਲੀ ਯਹਿ ਲੰਕ ਕੋ ਬਿਦਾਰ ਹੈ



। ਏਨੇ ਪਿਖੇ ਲੰਕ ਮਨੋਂ ਜਾਰਤੇ ਨਿਸ਼ੰਕ ਨਾਮ ਸਰਭ ਭਨੀਜੇ  
 ਕੋਟਿ ਯੁਥਪਿ ਸ੍ਰਿਦਾਰ ਹੈ । ਏ ਜੇ ਪਿਖੀਏ ਮਹਾਨ ਮਾਨੋ ਮੇਰ  
 ਕੇ ਸਮਾਨ ਸੁਨ ਪਨਸ ਭਨੀਜੇ ਯਹਿ ਬਲਕੋ ਨ ਪਾਰਹੈ । ਏਹੀ  
 ਜੇ ਦਸਾਨਨ ਸੁ ਮਾਨਨ ਸੁਮੇਦ ਵਹੈ ਦੁਵਿਦ ਸੁ ਏਹੀ ਬਲ  
 ਵਾਨ ਮੈਂ ਉਦਾਰ ਹੈ ॥੧੭॥ ਸੇਤ ਜਾ ਬਨਾਯੋ ਪਿਖੇ ਏਹੀਨਲ  
 ਆਯੋ ਵਿਸਕਰਮਾਂ ਕੋ ਕੁਮਾਰ ਪਾਰ ਬਲਕੋ ਨ ਪਾਈਏ । ਬਾ  
 ਨਰ ਕੋ ਬਲ ਕੋਨ ਬਰਨੈ ਸੁ ਭੋਨ ਮਾਹਿੰ ਸੰਖਿਆ ਨਾ ਹੋਇ  
 ਨਾਥ ਕੈਸੇ ਕੈ ਬਤਾਈਏ । ਸੂਰ ਹੈਂ ਮਹਾਂਨ ਬਲਵਾਨ ਯੁਧ  
 ਚਹੇ ਚੀਤ ਲੰਕ ਚਕਚੂਰ ਸਹਿ ਰਾਕਸ਼ ਬਗਾਈਏ । ਸੁਗ੍ਰੀਵ  
 ਪੁਰਿ ਕੈ ਸ੍ਰਿਦਾਰ ਕਹੇ ਜੇ ਉਦਾਰ ਅਤਿ ਇਨਹੀ ਕੀ ਸੈਨਨ  
 ਕੀ ਸੰਖਿਆ ਸੁਨਾਈਏ ॥੧੮॥ ਇਨ ਕੋ ਸੁ ਕੋਟ ਹੈ ਹਜ਼ਾਰ  
 ਨਵ ਪੰਚ ਸਾਤ ਸੰਖਤ ਹਜ਼ਾਰ ਪੁਨਿ ਬ੍ਰਿੰਦ ਯੁਤ ਮਾਨੀਏ ।  
 ਸੁਗ੍ਰੀਵ ਕੇ ਬਜ਼ੀਰ ਮਤਿਮਾਨ ਜੇਈ ਧੀਰ ਬਡੇ ਤਿਨ ਕੀ ਸੁ  
 ਕਹੀ ਬਲਿ ਰਾਜਨ ਪਛਾਨੀਏ । ਔਰਨਕੀ ਸੈਨ ਨਹਿ ਮੋਹਿ  
 ਤੇ ਬਖਾਨੀ ਜਾਇ ਰਾਜਨ ਕੇ ਰਾਈ ਨਹਿ ਸੰਖਯਾ ਸੁ ਜਾਨੀਏ  
 । ਰਾਮ ਨਾਂਹਿ ਮਾਨੁਖ ਨਾਰਾਇਣ ਪ੍ਰਗਟ ਜਗ ਮਾਯਾ ਤੇ  
 ਅਤੀਤ ਯਹਿ ਬੇਦ ਕੈ ਬਖਾਨੀਏ ॥ ੧੯ ॥ ਦੋਹਰਾ ॥ ਭਵ  
 ਕਰਤਾ ਕੀ ਸ਼ਕਤਿ ਚਿਤ ਸੀਤਾ ਸ਼ਕਤਿ ਸਰੂਪ । ਸੀਤਾਰਾਮ  
 ਬਖਾਨਿਓਂ ਜਗਤ ਚਰਾਚਰ ਰੂਪ ॥ ੨੦ ॥ ਕਬਿਤ ॥ ਤਾਂਤੇ  
 ਸੀਅ ਰਾਮ ਜਗ ਮਾਤ ਤਾਤ ਜਾਨੋਂ ਭੂਪ ਤਿਨਹੀ ਕੇ ਸਾਥ  
 ਕਹੋਂ ਕੈਸੇ ਬੈਰ ਠਾਨਿਓਂ । ਜਾਨਕੀ ਬਖਯਾਤ ਜਗ ਮਾਤ



ਪਹਿਚਾਨੋਂ ਉਰ ਤਾਂਕੋ ਹਰਿ ਲਜਾਯੋ ਦਸਕੰਠ ਨਾ ਪਛਾਨਿਓ  
 । ਖਿਣ ਮੈਂ ਬਿਨਾਸ ਹੋਇ ਐਸੇ ਜਗ ਜੋਇ ਤਿਨ ਮਾਹਿ ਖਿਣ  
 ਭੰਗਰ ਸੁ ਦੇਹ ਕੇ ਬਖਾਨਿਓ । ਪੰਚ ਭੂਤ ਦੇਹ ਜਗ ਰਾਜਨ  
 ਕਲੇਸ ਗੋਹ ਪੰਚ ਬੀਸ ਤੱਤੁ ਯਾਹਿ ਮਾਹਿ ਪਹਿਚਾਨਿਓ ॥੨੧॥  
 ॥ ਹਾਡ ਮਲ ਮਾਸ ਦੁਰਗੰਧ ਬੁਰੀ ਬਾਸ ਪੁਨਿ ਐਸੇ ਤਨਬਾਸ  
 ਕਰ ਭਏ ਗਰਬਾਵਨੇ । ਤਨ ਮੈਂ ਨ ਕਰੇ ਆਸ ਕੋਵਿਦ ਉਦਾਸ  
 ਰਹੇ ਜੜਤੇ ਨਿਆਰੇ ਨਿਜ ਆਪ ਕਰੇ ਭਾਵਨੇ । ਦੇਹਕੇ ਸੁ  
 ਭੋਗ ਕਾਜ ਕਰੇਹੈਂ ਅਕਾਜ ਤਵ ਵਿਪ੍ਰਨਕੇ ਨਾਮ ਲੈ ਸੁ ਪਾਤਕ  
 ਰਮਾਵਨੇ । ਸੋਈ ਤੇਰੇ ਦੇਹ ਇਹਾਂ ਕਰੇਗੇ ਸਨੇਹ ਤਜ ਪੁੰਨ  
 ਪਾਪ ਜੀਅ ਸਾਥ ਭੂਪਤ ਸੁ ਜਾਵਨੇ ॥੨੨॥ ਸੁਖ ਦੁਖ ਹੇਤ  
 ਪੁਨਿ ਪਾਪ ਹੈ ਨਿਕੇਤ ਧਰੇ ਦੇਹ ਜੋਗ ਪਾਇ ਪੁਨਿ ਆਤਮਾ  
 ਨਿਹਾਰ ਹੈਂ । ਕਰਮ ਕਮਾਉਂ ਫਲ ਯਾਂਕੇ ਆਗੇ ਪਾਉਂ ਪੁਨਿ  
 ਦੇਹ ਮੈਂ ਹੰਕਾਰ ਜੀਵ ਜਬ ਲੈ ਸੁਧਾਰ ਹੈਂ । ਅਧਿਆਤਮ ਅ  
 ਧੀਨ ਜਾਨ ਹੋਵਤ ਹੋ ਦੀਨ ਪੁਨਿਜਨਮ ਬਿਨਾਸ ਲੈ ਸੁ ਤਬਲੈ  
 ਬਿਕਾਰ ਹੈਂ । ਦੇਹਿਕੇ ਭਿਮਾਨ ਤਜਿ ਆਤਮਾ ਅਲੇਪ ਭਜ  
 ਬੇਦ ਐ ਪੁਰਾਨ ਪੁਨਿ ਐਸੇਹੀ ਉਚਾਰ ਹੈਂ ॥੨੩॥ ਵੋਹਰਾ ॥  
 ਨਿਰਮਲ ਸੁਧਿ ਵਿਗਯਾਨਦਿਕ ਅਚਲ ਅਨਾਸ਼ੀ ਆਹਿ ।  
 ਆਤਮ ਕੇ ਅਗਯਾਨ ਤੈ ਜੀਵ ਫਸੇ ਭਵ ਮਾਂਹਿ ॥ ੨੪ ॥  
 ਸ੍ਰੈਯਾ ॥ ਸੁਧ ਸਨਾਤਨ ਆਤਮ ਜਾਨਿ ਸਦਾ ਭਜਿ ਭੂਪਤਿ ਤੂੰ  
 ਉਰ ਮਾਂਹੀਂ । ਹਿਤ ਭੋਗਨ ਜੇ ਜਨ ਮੂਢ ਰਮੇ ਸੁਤ ਐਰ ਅ  
 ਗਾਰਸੁਦਾਰਨਮਾਹੀਂ । ਨਿਰਯੇ ਸੁਖਤੇ ਪਰ ਪੂਰਣਤੇ ਤਨ ਛਾਗ



ਸੁ ਕੂਕਰ ਸੂਕਰ ਮਾਹੀਂ । ਸੁਖ ਨਾਰਿਨ ਕੇ ਸਭ ਤੁੱਲ ਅਹੈ  
 ਪੁਨਿ ਰਾਸਭ ਕੂਕਰ ਭੂਪਤਿ ਮਾਹੀਂ ॥ ੨੫ ॥ ਗਜਾਨ ਸਹਾ-  
 ਇਕ ਦੇਹਿ ਲਹੈ ਪੁਨਿ ਔਰ ਦੁਜਾਤਮਤਾ ਜਗ ਮਾਹੀਂ ।  
 ਭਾਰਥ ਖੰਡ ਸੁਕਰਮ ਮਹੀ ਪੁਨਿ ਹੈ ਵਿਰਲੀ ਭਵ ਮੰਡਲ  
 ਮਾਹੀਂ । ਕੋਵਿਦ ਕੋਨ ਸੁ ਭੋਗ ਭਜੇ ਪੁਨਿ ਆਤਮਨਾਸ ਚਹੇ  
 ਭਵ ਮਾਂਹੀਂ । ਭੁੰ ਦਿਜ ਹੋਇ ਸਵਿਸ ਸ੍ਰਵਾ ਸੁਤ ਮੂਢਨ ਜਜੋਂ  
 ਰਮੇ ਭੋਗਨ ਮਾਹੀਂ ॥ ੨੬ ॥ ਕਬਿੱਤ ॥ ਬ੍ਰਿਥਾ ਗਈ ਆਯੁ  
 ਅਬ ਕੀਜੀਏ ਉਪਾਇ ਕਛੁ ਔਰ ਸਭ ਛੋਡ ਪ੍ਰਭ ਏਕ ਹੀਂ  
 ਰਮੀਜੀਏ। ਰਾਮ ਹੈ ਪ੍ਰਮੇਸ਼ੁਰ ਧਾਰੀਏ ਲੰਕੇਸ਼ਸਦਾ ਆਪ ਹਾਥ  
 ਜੋਰ ਸੀਯ ਰਾਮ ਹੂਕੇ ਦੀਜੀਏ । ਰਾਮ ਪਦ ਸੇਵ ਅਬ  
 ਕੀਜੀਏ ਸੁਦੇਵ ਜਾਨਿ ਤਾਪਿਨ ਮਿਟਾਇ ਸੁ ਬਿਕੁੰਠ ਪਾਇ  
 ਲੀਜੀਏ । ਨਾਹਿ ਜੋ ਕਮਾਹਿ ਪੁਨਿ ਅਧੋਗਭਿ ਜਾਂਹਿ ਸੁਨਿ  
 ਰਾਮ ਕੀ ਨ ਹਾਨਿ ਕਛੁ ਆਪਨੋ ਹੀ ਛੀਜੀਏ ॥ ੨੭ ॥ ਮੇਰੋ  
 ਵਾਕ ਮਾਨੋ ਮਮ ਹਿਤਹੈ ਬਖਾਨੋ ਤਵ ਕੀਜੀਏ ਸੁ ਸਾਧ ਸੰਗ  
 ਭਜੋ ਉਰ ਰਾਮਕੋ ॥ ਸ਼ਰਨ ਜੁ ਆਇ ਤਿਨ ਲੇਤਹੈ ਬਚਾਇ  
 ਉਰ ਰਾਘਵ ਧਿਆਇ ਪੁਨਿ ਮਾਰਕਤ ਸ਼ਾਮਕੋ । ਸੀਯਕੇ  
 ਸਮੇਤ ਨਿਤ ਚਾਂਪ ਬਾਣ ਧਰੇ ਕਰ ਸੇਵ ਸੁਗ੍ਰੀਵ ਪਾਇਓ ਰਾਮ  
 ਨਿਜ ਵਾਮ ਕੋ । ਵਿਭੀਖਨ ਸੁ ਲਖਮਨ ਸੇਵਤ ਪਦਾਰ ਬਿੰਦ  
 ਸ਼ਿਵਸੇ ਜਪਯਾ ਪੁਨਿ ਜਾਂਕੇ ਨਿਤ ਨਾਮ ਕੋ ॥ ੨੮ ॥ ਇਤਿ  
 ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾਂਮਹੇਸ਼ੁਰ ਸੰਬਾਦੇ  
 ਯੁਧ ਕਾਂਡੇ ਚਤੁਰਥੇ ਧਿਆਇ ॥ ੪ ॥



ਸ੍ਰੀ ਮਹਾਂਦੇਵ ਉਵਾਚ । ਤੇਦਕਛੰਦ ॥  
 ਸੁ ਸੁਨੇ ਸੁਕ ਕੇ ਮੁਖ ਵਾਕ ਕਹੇ । ਸਮ ਸੂਰ ਮਹਾਤਮ ਮੋਹਿ  
 ਦਹੇ । ਉਰ ਰਾਵਣ ਕ੍ਰੋਧ ਮਹਾਨ ਭਯੋ । ਜਨੁ ਦੇਤ ਜਲਾਇ  
 ਸੁ ਬੋਲ ਕਹਯੋ ॥ ੧ ॥ ਸ੍ਰੀਯਾ ॥ ਸੇਵਕ ਹੈ ਦੁਰ ਬੁੱਧਿ ਮਹਾਂ  
 ਗੁਰਕੇ ਸਮ ਮੈਂ ਉਪਦੇਸ਼ ਜਨਾਵੇਂ । ਮੈਂ ਸਭ ਲੋਕਨ ਕੇ ਉਪ-  
 ਦੇਸ਼ਕ ਤੂੰ ਮਮ ਭਾਖਤ ਨਾਂਹਿ ਲਜਾਵੇਂ । ਮਾਰ ਦਇਓਂ ਅਬਹੀ  
 ਤੁਮਕੋ ਉਪਕਾਰ ਸੁ ਪੂਰਬ ਤੇ ਮਨ ਆਵੇਂ । ਤਾਂ ਕਰ ਰਾਖਤ  
 ਹੋਂ ਤੁਮਕੋ ਬਧ ਲਾਇਕ ਜਾਹਿ ਨ ਫੇਰ ਸੁਨਾਵੇਂ ॥ ੨ ॥  
 ਦੋਹਰਾ ॥ ਮਹਾਂ ਪ੍ਰਸਾਦਿ ਸੁ ਭਾਖ ਮੁਖਿ ਕਾਂਪਤ ਗਇਓਂ ਸੁ  
 ਗੋਹ । ਸੁਕਕੀ ਕਥਾ ਪੁਰਾਤਨੀ ਸੁਨੀਓਂ ਧਾਰ ਸਨੇਹ ॥ ੩ ॥  
 ਸ਼ੀਕਰਛੰਦ ॥ ਸੁਕ ਹੁਭੋ ਬ੍ਰਹਮਣ ਪੂਰਬੋ ਪੁਨਿ ਬ੍ਰਹਮ  
 ਵਿੱਤ ਮਹਾਨ । ਬਾਂਨਪ੍ਰਸਥ ਵਿਧਾਨਕਰ ਤਪ ਕੀਨ ਤਾ  
 ਮਤਿਮਾਨ । ਸੁਰ ਬ੍ਰਿਧ ਕਾਜ ਬਿਨਾਸ ਦੈਤਨ ਕੀਨ ਯੱਗਯ  
 ਅਪਾਰ । ਦੇਵ ਪ੍ਰੋਹਤ ਜਾਨ ਦੈਤਨ ਕੀਨ ਦ੍ਰੋਖ ਸੁ ਭਾਰ ॥ ੪ ॥  
 ਕਬਿੱਤ ॥ ਜੰਜੁ ਦਾੜ ਨਾਮ ਇਕ ਰਾਕਸ਼ ਮਹਾਨ ਸੁਕ  
 ਅੰਤਰ ਨਿਹਾਰੇ ਯਾਂਕੋ ਨੀਚ ਗਤਿ ਪਾਵਨੋ । ਏਕਸਮੇ ਆਇ ਸੁ  
 ਅਗਸੁ ਜੇ ਪ੍ਰਹਸਤ ਰਿਖ ਸੁਕ ਬਨ ਆਸ਼੍ਰਮ ਸੁ ਕੀਨੋ ਅਤਿ  
 ਪਾਵਨੋ । ਕੀਨ ਸੁਤ ਪੂਜਨ ਅਗਸੁ ਪਦ ਗਹੇ ਦੀਨ ਦੀਨ ਸੁ  
 ਅਮੰਤ੍ਰੁਣ ਪ੍ਰਸਾਦਿ ਮੇਰੇ ਪਾਵਨੋ । ਅਮੰਤ੍ਰੁਣ ਕੋਮਾਨ ਭਗਵਾਨ  
 ਜੇ ਅਗਸੁ ਰਿਖ ਕਹਯੋਨੁਾਇ ਆਉਂ ਮਮ ਨਦੀ ਜਲ ਪਾਵਨੋਂ  
 ॥ ੫ ॥ ਅਗਸੁ ਜੇ ਪਧਾਰੇ ਤਵ ਅੰਤਰ ਨਿਹਾਰੇ ਸੁ ਅਗਸੁ



ਕੇ ਅਕਾਰ ਧਾਰ ਰਾਕਸ਼ਹੀ ਆਯੋ ਹੈ । ਭੋਜਨ ਜੋ ਦੇਹ ਤਵ  
 ਲਾਇ ਕੈ ਸਨੇਹ ਸੁਕ ਆਮਿਖ ਬਨਾਯੋ ਐਸੀ ਭਾਂਤਿ ਸੁ  
 ਅਲਾਯੋ ਹੈ । ਚੀਤ ਹੁਲਸਯੋ ਸੁਕ ਭੋਹਿਕੋ ਅਲਯੋ ਭਏ ਬਰਖ  
 ਅਨੇਕ ਮਾਸ ਛਾਂਗ ਕੋ ਨ ਖਾਯੋ ਹੈ । ਤਥਾ ਸੁਕ ਮਾਨਿ ਪੁਨਿ  
 ਛਾਂਗ ਮਾਸ ਆਨਿ ਤਿਨ ਭੋਜਨ ਅਨੇਕ ਭਾਂਤਿ ਮਾਸਕੋ ਬਨਾਯੋ  
 ਹੈ ॥ ੬ ॥ ਭੋਜਨ ਕੇ ਕਾਜ ਜਬ ਬੈਠੇ ਮੁਨਿਰਾਜਤਬ ਰਾਖਸ਼  
 ਸੁ ਨੀਚ ਛਲ ਕੀਨੋਹੈ ਬਨਾਇ ਕੈ । ਸੁਕ ਨਾਰਿ ਰੂਪ ਧਾਰਿ  
 ਮੋਹਿ ਬਿਸਥਾਰ ਨਰ ਮਾਸ ਬਹੁ ਪੱਕ ਤਿਨ ਦਯੋ ਹਰਖਾਇਕੈ ।  
 ਫੇਰ ਦੁਰ ਗਯੋ ਰਿਖ ਹੇਰ ਖੁਨਸਯੋ ਸੁ ਅਮੇਧ ਨਰ ਮਾਸ  
 ਦਯੋ ਸੁਕਿਹ ਪਕਾਇਕੈ । ਅਮੇਧ ਨਰ ਮਾਸ ਦਯੋ ਤੋਹਿ ਮਤਿ  
 ਨਾਸ ਭਈ ਹੋਹੁ ਸੁਕ ਰਾਖਸ਼ ਸੁ ਖਾਹਿ ਤੂੰ ਅਘਾਇਕੈ  
 ॥ ੭ ॥ ਦੋਹਰਾ ॥ ਇਹ ਬਿਧਿ ਦਯੋ ਸਰਾਪ ਤਿਨਿ  
 ਸੁਕ ਡਰ ਭਯੋ ਮਹਾਂਨ । ਅਗਸੁ ਮੁਨੀਸਰ ਪਾਸਹੀ ਕੀਨੋ ਸੁ  
 ਕਹਿ ਬਖਾਨ ॥ ੮ ॥ ਅਬਹੀਂ ਮੋਹਿ ਬਖਾਨਿਯੋ ਮਾਸ ਸੁ ਦੇਹ  
 ਬਿਸਾਲ । ਤੈਸੋਹੀ ਤੁਮਕੋ ਦਯੋ ਦੀਨੋ ਸ੍ਰਾਪ ਕਰਾਲ ॥ ੯ ॥  
 ਸੁਨ ਸੁਕ ਵਾਕ ਮਹੂਰਤੰ ਧਾਰਜੋ ਤਾਹਿ ਧਿਆਨ । ਰਾਖਸ਼ਕੋ  
 ਕ੍ਰਿਤ ਜਾਨ ਕਰ ਕੀਨੋ ਸੁਕਹਿ ਬਖਾਨ ॥ ੧੦ ॥ ਅਗਸੁ  
 ਵਾਚ ॥ ਕਬਿੱਤ ॥ ਤੇਰੇ ਅਪਕਾਰੀ ਕੋਈ ਰਾਖਸ਼ ਬਿਕਾਰੀ ਦਯੋ  
 ਮਾਨਸ ਕੈ ਮਾਸ ਮਮ ਤਾਂਹੀਂ ਛਲਕੀਨੋਹੈ ॥ ਬਿਨਾਹੀ ਬਿਚਾਰ  
 ਮੁਨਿ ਸਤਮ ਉਦਾਰ ਮਮ ਧਾਰਿ ਉਰਿ ਕ੍ਰੋਧ ਪੁਨਿ ਸ੍ਰਾਪ ਤਵ  
 ਦੀਨੋ ਹੈ । ਵਚਨ ਹਮਾਰੇ ਤੁਮ ਸਾਰਹੀ ਨਿਹਾਰੋ ਉਰਿ ਹੋਇ  
 ਤਨ ਰਾਖਸ਼ ਸ ਯਹੀ ਓਰ ਚੀਨੋ ਹੈ । ਗਵਨ ਸਹਾਇ ਕਰ



ਰਾਖਸ਼ ਕੀ ਦੇਹ ਧਰ ਸ੍ਰਾਪ ਅੰਤ ਸੁਨੋ ਮਮ ਆਗੇ ਜਾਨ  
 ਲੀਨੋ ਹੈ ॥ ੧੧ ॥ ਰਾਵਣ ਬਿਨਾਸ ਹਿਤ ਆਹਿੰਗੇ ਸੁ ਰਾਮ  
 ਜਬ ਲੰਕ ਕੇ ਸਮੀਪ ਸਭ ਬਾਨਰ ਮਿਲਾਇਕੈ ॥ ਰਾਵਣ  
 ਪਠਾਇ ਤੁਮ ਰਾਮ ਕੇ ਸਮੀਪ ਜਾਇ ਹੋਇ ਹਲਕਾਰੇ ਸੁਕ  
 ਪੇਖੇ ਮਨ ਲਾਇਕੈ । ਹੋਇ ਸ੍ਰਾਪ ਅੰਤ ਭਗਵੰਤ ਪਦ ਪਾਹਿ  
 ਤਬ ਰਾਵਣਕੇ ਪਾਸ ਤੱਤ ਗਜਾਨ ਤੂੰ ਸੁਨਾਇਕੈ । ਯ ਅਗਸੁ  
 ਕਹਯੋ ਸੁਕ ਬਿੱਪ ਦੁਖ ਲਹਯੋ ਪੁਨਿ ਬੇਗ ਭਯੋ ਰਾਖਸ਼ ਸੁ  
 ਦੇਹ ਪਲਟਾਇਕੈ ॥ ੧੨ ॥ ਰਾਵਣ ਕੋ ਪਾਇ ਭਯੋ ਚਾਰੋ  
 ਸੁਖਦਾਇ ਅਬ ਸਾਨੁਜ ਨਿਹਾਰੇ ਰਾਮ ਪੂਜੀ ਅਭਿਲਾਖੀਯੇ ।  
 ਰਾਵਣ ਕੋ ਗਜਾਨ ਤਿਨ ਕੀਨੋ ਹੈ ਬਖਾਨ ਪੁਨਿ ਭਯੋ ਦਿਜ  
 ਰਾਜ ਸੁ ਵਿਖਾਨਸ ਹੈ ਸਾਖੀਏ । ਮਾਲਵਾਨ ਨਾਮ ਆਯੋ ਰਾਖਸ਼  
 ਮਹਾਨ ਮਤਿ ਮਾਨ ਵਹਿ ਰਾਵਣਕੀ ਮਾਤ ਪਿਤ ਭਾਖੀਏ ।  
 ਰਾਵਣ ਕੋ ਭਾਖਿਓ ਬਨਾਇ ਉਪਦੇਸ਼ ਤਿਨ ਸਾਂਤਿ ਉਰ  
 ਆਤਮਾ ਸੁਨੀਯੋ ਤਾਂਕੀ ਸਾਖੀਏ ॥ ੧੩ ॥ ਮਾਲਵਾਨੋ ਵਾਰ ॥  
 ਕਬਿੱਤੁ । ਸੁਨਿ ਦੈਂਤ ਰਾਜ ਮਮ ਵਾਕ ਹਿਤ ਕਾਜਪੁਨਿ ਸੁਨਿ  
 ਕੈ ਕਮੱਯੇ ਜਬ ਮਨਮੈ ਸੁ ਆਇ ਹੈਂ । ਪੁਰੀਕੇ ਮਝਾਰੀ ਜਬ  
 ਆਈ ਰਾਮ ਤਜਾਰੀ ਪੁਨਿ ਤਾਹੀਂ ਤੇ ਲਗਾਇਯੋ ਨਮਿੱਤ ਤੁ  
 ਦਿਖਾਇ ਹੈ । ਤੇਈ ਮੈਂ ਬਖਾਨੋ ਭੂਪ ਧਰੋ ਨਿਜ ਕਾਨੋ ਭਨ  
 ਹੋਹਿੰਗੇ ਬਿਨਾਸ ਸਭ ਦੁਖਤੁ ਨਸਾਇ ਹੈਂ । ਖਰ ਘੋਰ ਤੁ  
 ਪੁਕਾਰੇ ਮੇਘਗਾਜੈ ਭੀਤਕਾਰੇ ਪੁਨਿ ਲੰਕਕੇ ਮਝਾਰੇ ਸ੍ਰੇਣ ਨੀਰਧ  
 ਬਸਾਇ ਹੈਂ ॥ ੧੪ ॥ ਲਿਗ ਮਹਾਂ ਦੇਵ ਪੁਨਿ ਪਾਹਿ ਪਰੇ ਸੇਵ



ਸੁ ਚਲੰਤ ਬਹੁ ਭਾਂਤਿ ਉਤ ਪਾਤ ਕੋ ਦਿਖਾਇ ਹੈਂ । ਕਾਲਕਾ  
 ਸੁ ਸ੍ਰੇਤ ਦੰਤ ਹਾਸਤ ਨਿਕਾਰ ਆਗੇ ਗਊਅਨ ਕੇ ਮਾਹਿੰਸੁਤ  
 ਰਾਸਭ ਸੁ ਜਾਇ ਹੈਂ । ਮੂਖਕ ਨਿਵਲ ਐ ਮਜਾਰ ਸਾਥ ਨੁਧ ਕਰੇ  
 ਪੰਨਗ ਗਰੁੜ ਸੰਗ ਕੋਪਕੈ ਲਰਾਇ ਹੈਂ । ਬਿਕਟ ਕਰਾਲ  
 ਕਾਲ ਪੁਰਖ ਬਿਸਾਲ ਪੁਨਿ ਕਾਰੇ ਪੀਰੇ ਰੂਪ ਗ੍ਰਹਿ ਓਰ  
 ਦਿਖਰਾਇ ਹੈਂ ॥੧੫॥ ਇਨਤੇ ਸੁ ਆਵਿਲੈ ਨਮਿੱਤ ਤੁ ਅਨੇਕ  
 ਹੋਇ ਕੁਲ ਰਛਪਾਲ ਹਿਤ ਸਾਂਤ ਅਬ ਕੀਜੀਏ । ਸੀਯ ਸਤ  
 ਕਾਰ ਧਨ ਸਾਥਲੈ ਅਪਾਰ ਦਸਕੰਠ ਅਬ ਹਾਥਿ ਜੋਰ ਰਾਘਵ  
 ਕੋ ਦੀਜੀਏ । ਰਾਮ ਜਲ ਸਾਈ ਹੈ ਨਰਾਇਣ ਸੁ ਜਾਨ ਉਰ  
 ਕਹਯੋ ਦਸਮੌਲ ਉਰ ਦ੍ਰੈਖ ਨਾਹਿੰ ਕੀਜੀਏ । ਆਪ ਐ ਮੰਦੋਦਰੀ  
 ਲਵਾਇ ਮੇਘਨਾਦ ਸੁਤ ਪਾਂਇ ਜਾਇ ਪਰੇ ਨਿਜ ਪ੍ਰਾਣ  
 ਬਖਸ਼ੀਜੀਏ ॥ ੧੬ ॥ ਸ੍ਰੈਯਾ ॥ ਜਿਨ ਕੇ ਪਦ ਪੰਕਜ ਪਾਵ  
 ਤਹੀ ਜਨ ਯਾਹਿ ਤਰੇ ਭਵ ਨੀਰਧ ਪਾਰੇ । ਹੁਹਿ ਰਾਮ ਕੇ  
 ਸੇਵਨ ਤੇ ਪਰਿ ਪਾਵਨ ਮਾਨਵ ਨਾ ਵਹਿੰ ਰਾਮ ਮੁਟਾਰੇ । ਭਜ  
 ਤੂੰ ਉਰਭਾਵ ਬਢਾਇ ਭਲੇ ਵਹਿ ਰਾਮ ਬਸੇ ਸਭ ਚੀਤ ਮਝਾਰੇ ।  
 ਯਦੱਪਿ ਤੂੰ ਦੁਰਾਚਾਰ ਅਹੇ ਹਰਿ ਸੇਵਨ ਤੇ ਮਿਦੇ ਪਾਪ ਤੁਮਾਰੇ  
 ॥ ੧੭ ॥ ਵੇਹਰਾ ॥ ਕੀਜੇ ਮੇਰੇ ਵਾਕ ਕੋ ਰਾਜਨ ਕੁਲ  
 ਹਿਤ ਕਾਜ । ਤੀਨਭਵਨ ਸਿਰਭਾਜ ਤੁਮ ਕੀਜੇ ਲੰਕਾ ਰਾਜ  
 ੧੮ ॥ ਮਾਲਵਾਨ ਹਿਤ ਵਾਕ ਕੋ ਧਰੇ ਨ ਰਾਵਣ ਕਾਨ ॥  
 ਦੁਸ਼ਾਤਮ ਦਸ ਕੰਠ ਵਹੁ ਕਾਲ ਉਮਾ ਬਲਵਾਨ ॥ ੧੯ ॥  
 ॥ ਕਬਿੱਤ ॥ ਮਾਲਵਾਨ ਓਰ ਕਹੇ ਵਾਕ ਸੇ ਕਠੋਰ ਖਲ



ਰਾਕਸ਼ ਕੇ ਰਾਜ ਦਸਕੰਠ ਖੁਨਸਾਯੋ ਹੈ । ਮਾਨਵ ਸੁ ਵੀਨ  
 ਬਾਮ ਤਾਹੀਂ ਕੀ ਬਡਾਈ ਕਰੇਂ ਸੁਨੋ ਸਕ ਲੋਕ ਮਾਲਵਾਨ ਕੋ  
 ਕਰਾਯੋ ਹੈ । ਬਾਨਰ ਅਧੀਨ ਕਹੇ ਬਲੀ ਪਰਬੀਨ ਰਾਮ  
 ਮਹਾਂ ਮਤਿ ਹੀਨ ਤਾਤ ਬਨਕੋ ਪਠਾਯੋ ਹੈ । ਤੇਰੀ ਬਾਤ ਪਾਇ  
 ਰਛੁ ਰਾਮ ਹੈ ਪਠਾਈ ਜਰ ਛੋਡ ਕੁਬਰੀਤ ਪੱਖ ਰਾਮਕੋ ਅਲਾ  
 ਇਓ ਹੈ ॥ ੨੦ ॥ ਜਾਹਿ ਘਰਿ ਮਾਹਿ ਅਤਿ ਬੂਡੇ ਮਤਿਨਾਹਿ  
 ਕਛੁ ਬੰਧ ਜਾਨਿ ਤੇਰੇ ਸਭ ਵਾਕਹੈਂ ਸਹਾਰਿਆ । ਅਬਫੇਰ ਨ  
 ਉਚਾਰੋ ਹਾਥ ਡੰਡਲੈ ਪਧਾਰੋ ਯਹਿ ਤੇਰੇ ਦੁਰਿ ਵਾਕ ਕਾਨ  
 ਜਾਰਤ ਹਮਾਰਿਆ । ਐਸੇ ਸੁਨਿ ਗੁਨਿਵਾਨ ਗਏ ਮਾਲਵਾਨ  
 ਚਢਿ ਰਾਵਣ ਮਹਲ ਕਪਿ ਸੈਨਕ ਨਿਹਾਰਿਆ । ਜੇਈ ਪਾਸ  
 ਆਏ ਸੰਗ੍ਰਾਮ ਕੋ ਪਠਾਏ ਸੰਗ ਰਾਮ ਜਾਇ ਲਰੋ ਇਮ  
 ਰਾਵਣ ਉਚਾਰਿਆ ॥ ੨੧ ॥ ਲਖਮੀਨਿ ਦਇਓ ਧਨ ਰਾਮ ਕਰ  
 ਲਇਓ ਪੁਨਿ ਰਾਵਣ ਨਿਹਾਰਿ ਉਰ ਕ੍ਰੋਧ ਬਹੁ ਧਾਰਿਆ ।  
 ਮਹਲ ਉਦਾਰ ਸਿਰ ਛੱਤ੍ਰ ਤੋ ਹਜਾਰ ਫਿਰੇ ਕ੍ਰੀਟ ਸਿਰ ਲਸੇ  
 ਸੁ ਅਮਾਤ ਫਿਰ ਵਾਰਿਆ । ਆਧੇ ਚੰਦਕੇ ਅਕਾਰ ਏਕਬਾਨ  
 ਸੁ ਉਦਾਰ ਰਘੁਬੀਰ ਖੁਨਸਾਇ ਸੁ ਨਿਖੰਗ ਤੇ ਨਿਕਾਰਿਆ ॥  
 ਸਿਤ ਛੱਤ੍ਰ ਤੋ ਹਜਾਰ ਦਸ ਮੁਕਟਿ ਉਦਾਰ ਪੁਨਿ ਆਧਹੀ  
 ਨਿਮੇਖ ਮਾਹਿ ਸਭ ਕਟਿ ਡਾਰਿਆ ॥ ੨੨ ॥ ਰਾਵਣ ਅਚੰਭ  
 ਮਾਨ ਭਇਓ ਸੁ ਲਜਾਇਮਾਨ ਉਚਬਾਸ ਤਜਾਗ ਬਰੇ ਭੋਨਕੇ  
 ਮਝਾਰਿਆ । ਮੰਤਰੀ ਬੁਲਾਏ ਸੁ ਪ੍ਰਹਸੁ ਆਇ ਆਇ ਕਰੇ ਕਪਿਨ  
 ਲਰਾਈ ਰਣ ਹੇਤ ਵੈ ਪਧਾਰਿਆ । ਭੈਰੀਆਂ ਮ੍ਰਿੰਗ ਬਜੇ



ਜੋਧਿਆ ਸਨਾਹ ਸਜੇ ਗਹੇ ਰਣਧੀਰਵਜੇ ਗੋਮੁਖਿਨਗਾਰਿਯਾ॥  
 ਸਿੰਘਦੀਪ ਗਧੇ ਪਰ ਚਢਕੇ ਪਧਾਰੇਕਈ ਕੇਈ ਭਏ ਮਹਿਖ ਸੁ  
 ਉਠਨ ਸਵਾਰਿਆ ॥ ੨੩ ॥ ਦੋਹਰਾ ॥ ਖੜਗ ਤਿਸੂਲ  
 ਫਾਸ ਧਨ ਯਸੁਟੀ ਤੋਮਰ ਸਾਂਗ ॥ ਲੈ ਸਭ ਦੁਆਰਨਕੇ ਚਲੇ  
 ਪੁਰ ਪਾਲਨ ਕਸਤਾਂਗ ॥ ੨੪ ॥ ਸੈਯਾ ॥ ਉਤ ਰਾਮ ਸੁ  
 ਪੂਰਬਹੀ ਸਭ ਬਾਨਰ ਸੰਘਰ ਕੇ ਹਿਤ ਪ੍ਰੇਰ ਚਲਾਏ । ਤਰੁ  
 ਪਾੜ ਉਖਾਰ ਸੁਭੂਧਰਕੇ ਪੁਨਿ ਸਿੰਗ ਪਹਾਰਨ ਹਾਥ ਉਠਾਏ।  
 ਨਿਕਸੇ ਕਬਿ ਰਾਵਣ ਕੀ ਧੁਜਨੀ ਰਣ ਚਾਹਿਭਰੇ ਪੁਨਿ  
 ਵਾਰਣ ਆਏ । ਕਪਿ ਰਾਘਵ ਕੇ ਹਿਤ ਕਾਜ ਸਭੈ ਚਢ ਲੰਕ  
 ਅਵਾਸਨ ਮੈਂ ਕਿਲਕਾਏ ॥ ੨੫ ॥ ਕਬਿੱਤ ॥ ਦੁਮਔ ਪਹਾਰ  
 ਪੁਨਿ ਮੁਠਨ ਉਬਾਰ ਕਪਿ ਯੂਥ ਸੁ ਹਜਾਰ ਕੋਟਿ ਯੂਥ  
 ਸਿਰਦਾਰਿਯਾ । ਕੋਟਿ ਸਤ ਚਾਰ ਪੁਨਿ ਔਰ ਕਿਲ ਕਾਰ  
 ਆਏ ਲੰਕ ਗਢ ਘੇਰ ਲੀਨੋ ਚਹੇ ਕਪਿਮਾਰਿਯਾ । ਕੂਦੇ ਬਲਿ  
 ਧਾਰ ਕਪਿ ਗਜੇ ਕਿਲਕਾਰ ਮੁਖ ਰਾਮ ਜੀਤ ਕਹੇਂ ਲਖਮੰਨ  
 ਜੀਤ ਸਾਰਿਯਾ । ਰਾਜਾ ਸੁਗ੍ਰੀਵ ਕੇ ਸੁ ਜੀਤਕੇ ਨਿਸ਼ਾਨ ਬਜੇ  
 ਹੋਇ ਬਾਤਸਾਚੁ ਰਘੁਨਾਥ ਪ੍ਰਤਿ ਪਾਰਿਯਾ ॥ ੨੬ ॥ ਦੋਹਰਾ ॥  
 ਐਸੇ ਮੁਖ ਮੈਂ ਭਾਖ ਕਪਿ ਲਰੇ ਸੁ ਦੈਤਨ ਸਾਥ । ਕਜੇਂਨ ਲਏਂ  
 ਰਣਜੀਤ ਕਪਿ ਸਾਥ ਭਏ ਰਘੁਨਾਥ ॥ ੨੭ ॥

ਕਬਿੱਤ ॥ ਹਨੂਮਾਨ ਅੰਗਦ ਕੁਮਦ ਨੀਲ ਨਲ ਸਭ ਸ  
 ਰਬ ਸੁ ਮੈਂਦਵ ਦੁਵਿਦ ਪਹਿਚਾਨੀਯੇ । ਜਾਂਮਵਾਨਦਧਿ ਮੁਖਿ  
 ਕੇਸਰੀ ਸੁਤਾਹਿ ਭਟ ਔਰ ਬਲਵੰਤ ਜੇਈ ਯੂਥਪ ਬਖਾਨੀਯੇ



। ਗਢਕੇ ਦੁਆਰ ਜਾਇ ਚਢੇ ਕਿਲਕਾਰ ਕਪਿ ਚਾਰ ਦਿਸ  
 ਰੋਕੀ ਦਸਕੰਠ ਰਾਜ ਧਾਨੀਯੇ । ਤਰੁ ਐ ਪਹਾਰ ਕੋ ਉਖਾਰ  
 ਰਣ ਮਾਰੇ ਕਪਿ ਕਾਟੇ ਨਖ ਦੰਤ ਕਪਿ ਮਹਾਂ ਬੁਲਿਵਾਨੀਯੇ  
 ॥ ੨੮ ॥ ਰਾਖਸ਼ ਉਦਾਰ ਸਭਦੁਾਰਕੋ ਪਧਾਰ ਆਏ ਭਿੰਡਪਾਲ  
 ਪਰੁ ਸ਼ਤ੍ਰੂ ਸੂਲਿ ਅਸਿ ਧਾਰਕੈ । ਬਾਨਰ ਕੀ ਸੈਨ ਮਾਹਿ  
 ਆਯੁਧ ਚਲਾਹਿ ਭਲੇ ਮਹਾਂ ਕਾਇ ਮਹਾਂ ਬਲ ਹਾਬਨ ਉਭਾਰ  
 ਕੈ । ਪੁਨਿ ਬਾਨਰ ਸੁ ਮਾਰੇ ਰਾਮ ਜੀਤਕੋ ਉਚਾਰੇ ਖਲਿ  
 ਰਾਖਸ਼ ਕੋ ਖਾਹਿ ਕਪਿ ਭਟਿ ਕਿਲਕਾਰ ਕੈ । ਮਹਾਂ ਸ੍ਰੇਣ ਕੀਚ  
 ਭਯੋ ਸੰਗਰ ਕੇ ਬੀਚ ਬਹੁ ਭਯੋ ਸੰਗ੍ਰਾਮ ਸੁ ਅਭੂਤ ਹੀ ਅਕਾਰ  
 ਕੈ ॥ ੨੯ ॥ ਸ੍ਰੈਯਾ ॥ ਤੇ ਗਜ ਵਾਜ ਸਵਾਰ ਭਏ ਰਥ ਕਾਂ  
 ਚਨ ਕੇ ਪੁਨਿ ਦੈਤ ਸਵਾਰੇਂ । ਰਾਖਸ਼ ਸਿੰਘ ਭਿਰੇ ਰਣਮੈਂ ਸੁ  
 ਦਸੇ ਦਿਸ ਮਾਰਹਿ ਮਾਰ ਪੁਕਾਰੇਂ । ਰਾਖਸ਼ ਐ ਕਪਿ ਬੀਰ  
 ਬਲੀ ਜਯ ਆਪਹੁ ਆਪਨ ਕੋ ਉਰ ਧਾਰੇਂ । ਰਾਖਸ਼ ਕੋ ਕਪਿ  
 ਬੀਰ ਹਨੇ ਕਪਿ ਬੀਰਨ ਕੋ ਪੁਨਿ ਰਾਖਸ਼ ਮਾਰੇਂ ॥ ੩੦ ॥  
 ਰਾਮ ਨਾਰਾਇਨ ਡੀਠ ਕਰੀ ਕਪਿ ਦੇਵਨ ਅੰਸਿ ਜਏ ਸੁ  
 ਭਵਾਨੀ । ਹੋਤ ਭਏ ਬਲਵੰਤ ਸਭੈ ਕਪਿ ਤਾਹਿ ਕਰੇ ਜਨੁ  
 ਅਮ੍ਰਿਤ ਪਾਨੀ । ਸੀਯ ਪ੍ਰਕੋਪ ਸੁ ਪਾਪ ਹਨੇ ਪੁਨਿ ਰਾਵਣ  
 ਪਾਲਕ ਹੈ ਮਤਿ ਮਾਨੀ । ਕ੍ਰਾਂਤ ਹਰੀ ਬਲ ਟੂਟ ਗਏ ਰਣ  
 ਰਾਕਸ਼ਮਾਰ ਕਰੀ ਕਪਿ ਘਾਨੀ ॥ ੩੧ ॥ ਕਬਿੱਤੁ ॥ ਚੋਥਾਈ  
 ਅਵਿਸੇਖ ਨਿਜ ਸੈਨਤੁ ਬਿਸੇਖ ਹਨੀਂ ਹੋਰ ਮੇਘਨਾਦਮਨ ਕ੍ਰੋਧ  
 ਬਹੁ ਧਾਰਿਯੋ । ਬਿਰੰਚ ਬਰਦੀਨੋ ਭਯੋ ਬਜੇਮ ਮਾਹਿ ਲੀਨੋ ਪੁਨ



ਬ੍ਰਹਮ ਅਸਤ੍ਰੁ ਜੋਈ ਸੋਈ ਮਨ ਮੈਂ ਸੰਭਾਰਿਓ । ਨਾਨਹੂੰ  
 ਬਿਧਾਨ ਕੇ ਸੁ ਬਾਨਦੈਕਮਾਨ ਤਜੇ ਬਾਨਰ ਅਨੇਕ ਰਣਮਾਹਿ  
 ਮਲ ਡਾਰਿਓ । ਸਰ ਜਾਲ ਯੋ ਚਲਾਏ ਜਨ ਬਾਰਦ ਬਸਾਏ ਸੁ  
 ਅਚੰਭ ਕਪਿ ਮਾਨ ਉਰ ਰਾਮਕੋ ਚਿਤਾਰਿਓ ॥੩੨॥ ਦੋਹਰਾ  
 ॥ ਬ੍ਰਹਮ ਅਸਤ੍ਰੁ ਕੋ ਜਾਨ ਉਰ ਰਾਮ ਕੀਓ ਤਿਨ ਮਾਨਾਖਿਨ  
 ਹਰਿ ਮੌਨ ਸੁ ਧਾਰਿਆ ਪੁਨਿ ਕੋਪੇ ਭਗਵਾਨ ॥੩੩॥ ਕਬਿਤ  
 ॥ ਰਾਮ ਕੋਪ ਧਾਰੇ ਸਮ ਪਾਵਕ ਕਰਾਰੇ ਬਲਿ ਬਾਨਰ ਦਿਖਾਰੇ  
 ਹਰਿ ਬੋਲੇ ਮੁਸਕਾਇਕੈ । ਚਾਂਪਕੋ ਚੜਾਇ ਅਬ ਬੇਗ ਭ੍ਰਾਤ  
 ਧਾਇ ਕਰ ਮਾਰੇ ਮੇਘਨਾਦ ਬ੍ਰਹਮ ਅਸਤ੍ਰੁ ਸੁ ਚਲਾਇ ਕੈ ।  
 ਮੇਘਨਾਦ ਸੁਨੇ ਯਹ ਰਾਮਕੇ ਬਖਾਨੇ ਬਚ ਭਯੋ ਸਾਵਧਾਨ ਉਰ  
 ਰਹਯੋ ਡਰ ਪਾਇਕੈ । ਮਾਇਕ ਸੁ ਦੈਤ ਖਲ ਕਰਤ ਅਨੇਕ  
 ਫਲ ਭਯੋ ਡਰ ਭਾਰੀ ਗਢ ਲੰਕ ਧਸੋ ਧਾਇਕੈ ॥੩੪॥ ਰਾਮ  
 ਤੇ ਨਿਹਾਰੀ ਗਿਰੀ ਬਾਨਰ ਕੀ ਸੈਨ ਸਾਰੀ ਭਯੋ ਦੁਖ ਭਾਰੀ  
 ਹਨੂਮਾਨ ਕੋ ਬਖਾਨੀਆਂ । ਖੀਰ ਨਿਧਿ ਤੀਰ ਇਕਿ ਦ੍ਰੋਣ  
 ਗਿਰਿ ਬੀਰ ਦਿਬ ਔਖਧੀ ਮਹਾਨ ਅਬ ਸੋਈ ਬਨੇ ਆਨੀਆ  
 । ਬੇਗ ਜਾਹਿ ਭਾਈ ਪਥ ਬੇਰ ਨ ਲਗਾਈ ਕਛੁ ਬਾਨਰ  
 ਜਿਵਾਇ ਜੱਸ ਹੋਇ ਤੇ ਮਹਾਨੀਆਂ । ਵਾਯੁ ਕੋ ਕੁਮਾਰ ਚਲੇ  
 ਬੇਗ ਸੁ ਪਧਾਰ ਪਥ ਰਾਮਚੰਦ ਆਇਸ ਸੁ ਸੀਸ ਧਰ  
 ਮਾਨੀਆਂ ॥੩੫॥ ਦ੍ਰੋਣਹੀ ਪਹਾਰਕੋ ਉਖਾਰ ਕਪਿ ਆਨੋ ਸਭ  
 ਬਾਨਰ ਜਿਵਾਇ ਗਿਰ ਤਹਾਂ ਪਹੁੰਚਾਯੋ ਹੈ । ਪੂਰਬਸਮਾਨਨਾਦ  
 ਭੈਰਵ ਮਹਾਂਨ ਕਪਿ ਗਾਜੇ ਬਲਵਾਨ ਵਸਕੰਠ ਸੁਨਿ ਪਾਯੋ



ਹੈ । ਵਿਸਮੈ ਅਪਾਰ ਭਯੋ ਰਾਵਣ ਮਝਾਰ ਉਰ ਪਾਇ ਦੁਖ  
 ਭਾਰੀ ਮੁਖ ਵਾਕ ਯੋਂ ਅਲਾਯੋ ਹੈ । ਰਾਘਵ ਮਹਾਨ ਮੇਰੇ ਬੈਰੀ  
 ਬਲਵਾਨ ਜਗ ਦੇਵਤਾ ਬਨਾਯੋ ਗਢ ਲੰਕ ਚਢ ਆਯੋ ਹੈ ॥  
 ੩੬॥ ਮਮ ਸੈਨ ਕੇ ਸ੍ਰਿਦਾਰ ਸਭ ਚਢੇ ਨ ਬਿਚਾਰ ਕਰੈਂ ਰਾਮ  
 ਬਧ ਕਾਜ ਅਬ ਏਹੀ ਉਰ ਆਨੀਆਂ । ਮੰਤਰੀ ਸੁ ਭਾਈਮੇਰੇ  
 ਜੇਹੀ ਸੁਖਦਾਈ ਸਭ ਸੰਘਰਨਿਮਿਤਜਾਹਿ ਆਇਸਕੋ ਮਾਨੀਆਂ  
 । ਜੇਈ ਨਹਿ ਜਾਂਹਿ ਰਣ ਭੂਮਿ ਤੇ ਡਰਾਹਿ ਪੁਨਿ ਰਹੇ  
 ਘਰ ਮਾਹਿ ਨਿਜ ਪ੍ਰਾਣ ਹਿਤ ਠਾਨੀਆਂ । ਤਿਨਕੋ ਸੁ ਮਾਰੋਂ  
 ਨਿਜ ਦੇਸ ਤੇ ਨਿਕਾਰੋਂ ਨਿਤ ਭਈ ਤਿਨ ਹਾਂਨ ਮਮਆਇਸੁ  
 ਨ ਮਾਨੀਆਂ ॥ ੩੭ ॥ ਸੁਨਕੈ ਭਵਾਨੀ ਸਭ ਡਰੇ ਦਸਕੰਧ  
 ਬਾਨੀ ਕੋਵਿਦ ਸੁਧੀਰ ਰਨ ਚਲ ਅਸਿ ਧਾਰੀਆ । ਅਤਿ  
 ਕਾਇ ਐ ਪ੍ਰਹਸਤ ਮਹਿਨਾਦ ਸੁ ਮਹੋਦਰ ਹੈ ਰਾਵਣਕੀ ਸੈਨ  
 ਕੋ ਜਿ ਭਾਖੀਏ ਸ੍ਰਿਦਾਰੀਆ । ਦੇਵ ਸੱਤ੍ਰ ਏਕ ਪੁਨਿ ਦੂਸਰੋ  
 ਨਿਕੁੰਭ ਸੁਨਿ ਤੀਸਰੋ ਸੁਰਾਂਤਿਕ ਨਰਾਂਤਕਹੈ ਚਾਰੀਆ । ਐਰ  
 ਜੇਈ ਬੀਰ ਬਲਵੰਤ ਰਣ ਧੀਰ ਕਪਿ ਲਰਨਕੇ ਹੇਤ ਚਲੇ  
 ਸੈਨ ਕੈ ਹਜ਼ਾਰੀਆ ॥ ੩੮ ॥ ਬਾਨਰ ਕੀ ਸੈਨ ਧਸਿ ਰਾਖਸਿ  
 ਅਪਾਰ ਬਲ ਮਾਰੇ ਕਪਿ ਧਾਇ ਖਲ ਆਯੁਧ ਚਲਾਇ ਹੈਂ ।  
 ਤਿਸੁਲ ਭਿੰਡ ਪਾਲ ਬਾਨ ਖੜਗ ਕਰਾਲ ਸੁ ਬਿਸਾਲ ਭੁਜ  
 ਤਾਨ ਤਾਨ ਪਰਸ ਬਗਾਇ ਹੈਂ । ਐਰ ਸੁ ਅਨੇਕ ਭਾਂਤ  
 ਸਤ੍ਰ ਕੋ ਘਾਤ ਕਰੇ ਮਾਰ ਕਪਿ ਯਥਪ ਸੁ ਭੂਮਿ ਮੈਂ ਗਿਰਾਇ  
 ਹੈਂ । ਬਾਨਰ ਉਖਾਰ ਕੈ ਪਹਾਰ ਤਰੁ ਸਿੰਗ ਮਾਰੇ ਮੂਠਿ ਕੇ



ਪ੍ਰਹਾਰ ਨਖ ਕਾਟਿ ਕਾਟਿ ਖਾਇ ਹੈਂ ॥ ੩੬ ॥ ਸਵੈਯਾ ॥  
 ਨਖ ਦੰਤਨ ਮੂਠ ਚਲਾਇ ਘਨੀ ਵਰ ਰਾਕਸ਼ ਕੇ ਕਪਿ ਪ੍ਰਾਨ  
 ਨਿਕਾਰੇ । ਪੁਨਿ ਰਾਮ ਹਨੇ ਰਣ ਰਾਖਸ਼ ਕੇਚਿਤ ਕੇਚਿਤ ਸੂਰਯ  
 ਕੇ ਸੁਤ ਮਾਰੇ । ਹਨੁਮਾਨ ਹਨੇ ਪੁਨ ਔਰ ਕਪੀਸ਼ਨ ਰਾਖਸ਼  
 ਕੇ ਸਿਰਮੈ ਸਰਝਾਰੇ । ਰਘੁਨਾਇਕ ਤੇਜ ਸੁ ਪਾਇ ਭਲੇ ਕਪਿ  
 ਹੋਇ ਬਲੀ ਰਣ ਮੈਂ ਕਿਲਕਾਰੇ ॥ ੪੦ ॥ ਦੋਹਰਾ ॥  
 ਰਾਮ ਪ੍ਰਭਾਵ ਬਿਹੀਨ ਜੇ ਰਾਖਸ਼ ਉਮਾ ਮਲੀਨ । ਕਪਿ ਸਮ  
 ਕੈਸੇ ਹੋਇ ਬਲ ਸੰਗਰ ਭਏ ਸੁਦੀਨ ॥ ੪੧ ॥ ਸਰਬੇਸ਼ੁਰ  
 ਪੁਨ ਸਰਬ ਮਯ ਸਰਬ ਬਿਧਾਤਾ ਜੋਇ । ਮਾਯਾਮਾਨੁਖ ਵੇਸ  
 ਧਰ ਕਰੇ ਬਿਡੰਬਨ ਸੋਇ ॥ ੪੨ ॥ ਸਦਾ ਸੱਚਦਾ ਨੰਦ ਮਯ  
 ਰਾਮ ਬਖਾਨੇ ਬੇਦ । ਮਾਇਆ ਰਣ ਲੀਲਾ ਕਰੇ ਸਦਾ ਰਹੇ  
 ਨਿਹ ਖੇਦ ॥ ੪੩ ॥ ਇਤਿ ਸ੍ਰੀਮਤਿ ਅਧਯਾਤਮ ਰਾਮਾਇਣੇ  
 ਉਮਾ ਮਹੇਸ਼ੁਰ ਸੰਬਾਢੇ ਜੁੱਧ ਕਾਂਡੇ ਪੰਚਮੇਂ ਧਿਆਇ ॥ ੫ ॥

ਸ੍ਰੀ ਮਹਾਦੇਵ ਉਵਾਚ ॥ ਸਵੈਯਾ ॥

ਸੁਨਿ ਕੈ ਰਣ ਮੰਡਲ ਸੈਨ ਹਨੀ ਅਤਿਕਾਇ ਸੁ ਆਦਿ ਮਹਾ  
 ਬਲ ਧਾਰੀ । ਮਨ ਰਾਵਣ ਕੋ ਉਰ ਤਾਪ ਭਯੋ ਦੁਖ ਭੀਤਰਿ  
 ਕ੍ਰੋਧ ਭਇਓ ਉਰ ਭਾਰੀ । ਪੁਨਿ ਪਾਲਨ ਕੇ ਹਿਤ ਥਾਪ ਧਰੇ  
 ਮਘਵਾਜਿਤ ਪੂਤ ਸੁ ਲੰਕ ਮਝਾਰੀ । ਭਿਰਦੇ ਰਣ ਰਾਮ ਸੋ  
 ਆਪ ਗਇਓ ਸੰਗ ਰਾਕਸ਼ ਲੈ ਜੁ ਬਡੇ ਬਲ ਕਾਰੀ ॥੧॥ ਸ੍ਰੀ-  
 ਦਨ ਮਾਹਿ ਅਰੂਢ ਭਇਓ ਕਰ ਆਯੁਧ ਔਸਭ ਅਸਤ੍ਰ ਸੰਭਾਰੇ  
 । ਰਾਘਵ ਉਪਰ ਦੋਰ ਪਰੋ ਦਸ ਕੰਧਰ ਮਾਰਹਿਮਾਰਪੁਕਾਰੇ



। ਭੀਮ ਭੁੰਗਮ ਸੇ ਸਰ ਲੈ ਕਪਿ ਬੀਰ ਬਲੀ ਰਣ ਮੰਡਲ  
 ਮਾਰੇ । ਔਰਨ ਕੀ ਗਤਿ ਕੋਨ ਗਿਨੇ ਸੁਗ੍ਰੀਵ ਗਿਰੇ ਰਣ  
 ਮੰਡਲਮਾਰੇ ॥ ੨ ॥ ਪਾਣਿ ਗਦਾ ਰਣ ਮਾਹਿ ਖੜੇ ਸੁਵਿਭੀਖਣ  
 ਰਾਵਣ ਨੈਨ ਨਿਹਾਰੇ । ਮਯ ਦਾਨਵ ਦਾਜ ਦਈ ਸ਼ਕਤੀ  
 ਸੁ ਵਿਭੀਖਣ ਓਰ ਹਨੀ ਰੁਖ ਭਾਰੇ । ਪਾਵਕ ਤੇ ਮੁਖਿ  
 ਮਾਂਹਿ ਵਸੈ ਜਨੁ ਆਜ ਵਿਭੀਖਣ ਪ੍ਰਾਣ ਨਿਕਾਰੇ । ਰਾਮ ਅਭੈ  
 ਇਨ ਕੇ ਸੁ ਦਯੋ ਬਧ ਲਾਇਕ ਨਾ ਲਖਮੰਨਿ ਬਿਚਾਰੇ ॥ ੩  
 ॥ ਸ਼ੰਕਰ ਛੰਦ ॥ ਪਿਖ ਆਵਤੀ ਵਹਿ ਸ਼ਕਤਿ ਲਖਮਣ  
 ਐਸ ਮੁਖੋ ਬਖਾਨ । ਧਰ ਧੀਰ ਵੀਰਯ ਵੰਤ ਲਖਮਣ ਹਾਥ  
 ਲਈ ਕਮਾਨ । ਰਾਮ ਭਗਤਿ ਵਿਭੀਖਣੇ ਕੇ ਖਰੋਆਗੇ ਜਾਇ  
 । ਅਕੰਪ ਮੇਰੁ ਸਮਾਨ ਸੁੰਦਰ ਐਸ ਡੀਲ ਸੁਹਾਇ ॥ ੪ ॥  
 ਸਾ ਸ਼ਕਤਿ ਲਖਮਣ ਦੇਹਿ ਮੈ ਆਮੋਘ ਪੈਠੀ ਧਾਇ । ਸ਼ਕਤਿ  
 ਮਾਇਆ ਈਸ਼ਕੀ ਖਿਣ ਮਾਹਿ ਲਏ ਉਪਾਇ । ਸਭ ਸ਼ਕਤ  
 ਕੇ ਆਧਾਰ ਲਖਮਣ ਹੈਂ ਮਹਾਤਮ ਰੂਪ । ਕਿਆ ਕਪਟ ਸ਼ਕਤਿ  
 ਸੁ ਕਰ ਸਕੇ ਵਹਿ ਸ਼ੇਸ਼ ਹਰਿ ਤਨ ਰੂਪ ॥ ੫ ॥ ਤਥਾਪਿ  
 ਮਾਨੁਖ ਰੂਪ ਲੀਨੇ ਭਏ ਤੱਤ ਅਨੁਸਾਰ । ਤਨ ਭਈ ਗਿਰਜਾ  
 ਮੂਰਛਾ ਵਹਿ ਗਿਰੇ ਭੂਮਿ ਮਝਾਰ । ਦਸ ਕੰਠ ਧਾਯੋ ਲੇਨ ਕੇ  
 ਨਹਿ ਤੇ ਲਿਓ ਕਰਿ ਜਾਇ । ਬਲ ਲਾਇ ਰਾਵਣ ਹਾਰਿ ਓਪੁਨਿ  
 ਰਹਯੋ ਉਰ ਬਿਸਮਾਇ ॥ ੬ ॥ ਸਰਬ ਜਗ ਕੋ ਸਾਰ ਜੋ  
 ਪਰਮੇਸ਼ ਆਹਿ ਵਿਰਾਜ । ਕਿਹ ਭਾਂਤਿ ਤਾਂਕੋ ਤੋਲਈ ਲਘੁ  
 ਰਾਖਸ਼ਾਂ ਕੇ ਰਾਜ । ਗ੍ਰਹੀਤ ਕਾਮ ਸੁ ਲਖਮਣੇ ਪਿਖ ਰਾਵਣੇ



ਹਨੁਮਾਨ । ਕਪਿ ਮੁਸ਼ਟ ਛਾਤੀ ਮਾਰੀਆ ਵੈ ਲਗੀ ਬਜ੍ਜ  
 ਸਮਾਨ ॥ ੭॥ ਮੂਠਿ ਕੇ ਪ੍ਰਹਾਰ ਰਾਵਣ ਗਿਰੇ ਭੂਮਿ ਮਝਾਰ ।  
 ਮੁਖ ਨੈਨ ਕਾਨ ਸੁਜਾਇ ਲੋਹੁ ਝਰੇ ਮਨੋ ਪਹਾਰ । ਦਸ ਕੰਠ  
 ਨੈਨ ਸੁ ਘ੍ਰਮ ਯਾ ਪੁਨਿ ਖੜੋ ਰਥ ਵਿਗ ਜਾਇ । ਹਨੁਮਾਨ  
 ਲਖਮਣ ਧਾਇਕੈ ਵਿਗ ਲਏ ਹਾਥ ਉਠਾਇ ॥ ੮॥ ਨਰਾਜ  
 ਛੰਦ ॥ ਸੁ ਰਾਮ ਕੇ ਸਮੀਪ ਬਾਹੁ ਮਾਹਿ ਧਾਰ ਆਨਿਯੋਂ ।  
 ਹਨੁਮਤੰ ਸੁਹਾਰਦੰ ਸੁ ਭਕਤਿ ਸੇਸ ਜਾਨਿਓਂ । ਲਘੰ ਭਰਾਵ  
 ਪਾਇਓ ਅਜੇ ਸਰੂਪ ਭਾਰਿਆ । ਨਾਰਾਇਣਾ ਸੁ ਜਾਨਕੈ ਭਈ  
 ਸੁ ਸਾਂਗ ਨਿਆਰਿਆ ॥ ੯॥ ਭੁਜਾ ਸੁ ਬੀਸ ਸਜੰਦਨੇ ਧਸੀ ਸੁ  
 ਬੇਗ ਧਾਇਕੈ । ਸਨੇ ਸੁ ਪਾਇ ਸੰਗ ਯਾ ਰਖੇਸ਼ ਕੋਪ ਪਾਇ  
 ਕੈ ॥ ਸੁ ਚਾਂਪ ਹਾਥ ਮੈਲਇਓ ਸੁ ਰਾਮ ਓਰ ਧਾਇਓ । ਨਿਹਾਰ  
 ਰਾਮ ਕੋਪ ਯੋਂ ਉਮਾ ਹਨੂ ਬੁਲਾਇਓ ॥ ੧੦ ॥ ਹਨੁਮਤੰ  
 ਅਰੂਢ ਰਾਮ ਸਜੰਦਨੇ ਸੁ ਰਾਵਣੰ । ਪਰੇ ਸੁ ਰਾਮ ਧਾਇਕੈ  
 ਸੁਹਾਂਹਿ ਮੇਘ ਸਾਵਣੰ । ਟੱਟਕਾਰ ਚਾਂਪ ਕੋ ਸੁ ਰਾਮ ਹਾਥ ਲੈ  
 ਕਰੇ । ਮਨੋ ਸੁਰੇਸ਼ ਬੱਜਰੰ ਧੁਨੰ ਅਕਾਸ਼ ਹੈਂ ਕਰੇ ॥ ੧੧ ॥  
 ਗੰਭੀਰ ਰਾਮ ਬੋਲ ਯੋਂ ਰਖੇਸ਼ ਕੋ ਸੁਨਾਇ ਹੈ । ਕੁਜਾਹਿ ਰਾ  
 ਖਸਾਧਮਾਂ ਖਿਣੇਕ ਤੂੰ ਠਰੁਾਇ ਹੈ । ਸਮੰ ਨਿਹਾਰਹੋ ਸਦਾ ਕਰੇ  
 ਅਨਿਸ੍ਰ ਮੇਰਿਆ । ਕੁਜਾਹਿ ਨੀਚ ਭਾਗਕੇ ਕਟੋਂ ਸੁ ਸੀਸ ਤੇ  
 ਰਿਆ ॥ ੧੨ ॥ ਸੁ ਜਾਹਿ ਬਾਣ ਸੋਂ ਹਨੇ ਸੁ ਰਾਖਸ਼ਾਂ ਯਮਾਲੀਏ  
 । ਗਏ ਅਨੇਕ ਵੈ ਬਲੀ ਸੁ ਤਾਂਹਿ ਮਾਹਿ ਚਾਲੀਏ । ਸੁਕੇਕਈ  
 ਕੇ ਨੰਦਨਾ ਹਨੇ ਸੁ ਵਾ ਰਿਸਾਹਿਕੈ । ਖਿਣੇਕ ਠਾਢਿਓ ਰਹੋ ਨ



ਜਾਇ ਤੂੰ ਪਲਾਇਕੈ ॥੧੩॥ ਸੁ ਰਾਮ ਵਾਕ ਯੋਂ ਸੁਨੇ ਸੁ ਮਾਰਤੀ  
 ਨਿਹਾਰਕੈ । ਦਸਾਨਨੇ ਹਨੂੰ ਹਨੇ ਸੁ ਚਾਂਪ ਬਾਣ ਮਾਰ ਕੈ ।  
 ਸੁ ਬਾਣ ਤੀਖਣੀ ਹਤੇ ਹਨੂਨ ਤੇ ਜੁਹਾਰਿਆ । ਵਿਵਰਧ  
 ਤੇਜ ਗਾਜਿਆ ਸੁ ਵਾਯੁਕੇ ਕੁਮਾਰਿਆ ॥੧੪॥ ਤਬੈ ਸੁ ਹੇਰ  
 ਮਾਰਤੀ ਭਏ ਬਣੈ ਸੁ ਭਾਰਿਆ । ਸੁਭੱਦ੍ਰਕੇ ਸਮਾਨ ਰਾਮ ਕ੍ਰੋਧ  
 ਚੀਤ ਧਾਰਿਆ । ਤੁਰੰਗ ਸੂਤ ਸਜੰਦਨੰ ਧੁਜੰ ਹਨੂ ਸੁਹਾਇਆ  
 । ਪਤਾਕ ਛੱਤ੍ਰ ਕਾਟਿ ਰਾਮ ਬਾਣ ਕੈ ਬਗਾਇਆ ॥ ੧੫ ॥  
 ਸੁ ਫੇਰ ਰਾਵਣਿ ਹਨੇ ਸਰੇਕ ਲੈ ਸਰਾਸਨੰ । ਸੁ ਬੱਜ੍ਰ ਕੈ ਮਹੀਧਰੰ  
 ਹਨੇ ਸੁ ਪਾਕਸਾਸਨੰ । ਸੁ ਰਾਮ ਬਾਣ ਕੈ ਹਤੇ ਚਚਾਲ ਮੋਹ  
 ਰਾਵਣੇ । ਗਿਰੇ ਸੁ ਚਾਂਪ ਹਾਥ ਤੇ ਸਮੀਪ ਰਾਮ ਲਾਵਣੇ ॥  
 ੧੬॥ ਸੁ ਅਰਧ ਚੰਦ੍ਰ ਬਾਣਕੈ ਚਿਛੇਦ੍ਰ ਕ੍ਰੀਟ ਮੁਤਮੰ । ਲਸੈ  
 ਸੁ ਭੂਮਿ ਮੈ ਪਰੇ ਮਨੋ ਰਵੀ ਅਨੁਤਮੰ । ਸੁ ਰਾਮ ਆਗਿਆ  
 ਵਈ ਸੁ ਬਾਣ ਦੇਹ ਤੇ ਦਲੰ । ਧਸੋ ਸੁ ਲੰਕ ਜਾਇਕੈ ਸੁ ਪ੍ਰਾਤ  
 ਪੇਖੀਏ ਬਲੰ ॥੧੭॥ ਸੁ ਰਾਮ ਬਾਣ ਕੈ ਹਤੇ ਸੁ ਦਰਪ ਰਾਵਣੰ  
 ਗਯੋ । ਸੁ ਭਾਗ ਲੰਕ ਮੈਂ ਗਯੋ ਲਜਾਇਮਾਨ ਸੋ ਭਯੋ । ਸੁ ਰਾਮ  
 ਭ੍ਰਾਤ ਕੋ ਪਿਖੇ ਸੁ ਮੂਰਛੇ ਪਰੇ ਧਰੇ । ਮਾਨੁਖ ਭਾਵ ਪਾਇਕੈ  
 ਬਿਲਾਪ ਰਾਮਜੀ ਕਰੇ ॥ ੧੮ ॥ ਹਨੂੰਮਤੰ ਬਖਾਨਿਓ ਸੁ  
 ਲਖਮਣੰ ਜਿਵਾਈਏ । ਮਹੋਖਧੀਸੁ ਆਨ ਬੇਗ ਵੀਲ ਨਾਲਗਾ  
 ਈਏ । ਸੁ ਬਾਨਰਾ ਜਿਵਾਇ ਫੇਰ ਔਖਧੀ ਲਿਆਇਕੈ ॥  
 ਤਬੇਤ ਭਾਖ ਮਾਰਤੀ ਚਲੇ ਸੁ ਬੇਗ ਧਾਇਕੈ ॥੧੯॥ ਕਬਿਤੁ ॥  
 ਵਾਯੁ ਬੇਗ ਗਯੋ ਜਲ ਸਾਗਰ ਕੇ ਪਾਰਪਇਓ ਏਹੀ ਸਮਾਚਾਰ



ਹਲਕਾਰੇ ਲਖ ਪਾਯੋ ਹੈ । ਰਾਜਨ ਕੇ ਰਾਈ ਰਘੁਬੀਰ ਹਿਤ  
 ਭਾਈ ਸੁ ਬੁਲਾਇ ਹਨੂਮਾਨ ਖੀਰ ਸਾਗਰ ਪਠਾਯੋ ਹੈ । ਭ੍ਰਾਤ  
 ਕੇ ਜਿਵਾਇ ਸੁ ਮਹੋਖਧੀ ਅਨਾਹਿ ਯਹ ਸੁਨੀ ਦਸਕੰਧ  
 ਹਲਕਾਰੇ ਸੁ ਸੁਨਾਯੋ ਹੈ । ਭਈ ਚਿੰਤ ਭਾਰੀ ਗਈ ਰਾਤ ਕੇ  
 ਮਝਾਰੀ ਕਾਲਨੇਮੀ ਕੇ ਅਵਾਸ ਸੁ ਉਦਾਸ ਦੁਖ ਪਾਯੋ ਹੈ ॥  
 ੨੦ ॥ ਏਕਲੋ ਨਿਹਾਰ ਆਯੋ ਭੋਨ ਕੇ ਮਝਾਰ ਦਸਕੰਠ  
 ਸਿਰਦਾਰ ਕਾਲਨੇਮੀ ਬਿਸਮਾਯੋ ਹੈ । ਜੋਰ ਕਰਦੇਉ ਪੁਨਿਭਰੇ  
 ਉਰ ਸੋਉ ਕਰ ਪੂਜਾ ਅਰਘਾਇ ਪੁਨ ਆਗੇ ਯੋਂ ਅਲਾਯੋ  
 ਹੈ । ਰਾਖਸ਼ ਕੇ ਰਾਜ ਕਹੋ ਕੋਨ ਅਬ ਕਾਜ ਪੁਨ ਰਾਤ ਕੇ  
 ਅਕੇਲੋ ਗ੍ਰਹ ਕਾਹੇ ਮਮ ਆਯੋ ਹੈ । ਉਰ ਦੁਖੀ ਅਤ ਦੀਨ ਮਨ  
 ਰਾਵਣ ਮਲੀਨ ਸੁ ਬੁਲਾਇ ਕਾਲਨੇਮੀ ਕੇ ਹਿਮਾਲਜਾ  
 ਅਲਾਯੋ ਹੈ ॥ ੨੧ ॥ ਕਾਲ ਬਲਵਾਨ ਮਮ ਦੁੱਖ ਤੋ ਮਹਾਨ  
 ਭਯੋ ਮਾਰ ਰਣ ਸਾਂਗ ਰਾਮ ਭ੍ਰਾਤ ਮਮ ਮਾਰਿਯੋ । ਮਹਾਬੇਗ  
 ਵਾਨ ਲੇਨਿ ਔਖਧੀ ਮਹਾਨ ਭਯੋ ਤਾਹਿ ਕੇ ਜਿਵਾਨਹਿਤ ਹਨੂ  
 ਹੈ ਪਧਾਰਿਯੋ । ਬਿਘਨ ਜਿਮ ਹੋਇ ਤਿਮ ਕਰੋ ਕਾਜ ਸੋਇ  
 ਤੁਮ ਮਹਾ ਮਤ ਮਾਨ ਕਾਜ ਬਨੇਗੋ ਸਵਾਰਿਯੋ । ਮਾਯਾਮੁਨਿ  
 ਭੇਸਧਰ ਹਨੂਮਾਨ ਮੋਹਿਕਰ ਕਾਲਕੋ ਬਿਤਾਇ ਆਇ ਮੰਦਰ  
 ਮਝਾਰਿਯੋ ॥ ੨੨ ॥ ਰਾਵਣ ਕੀ ਸੁਨੀ ਬਾਤ ਕਾਲਨੇਮੀ  
 ਹਨੂਮਾਨ ਸੁਨੀਯੋ ਲੰਕੇਸ਼ ਬਾਤ ਤੋਹਿ ਕੇ ਉਚਾਰਿਯੋ । ਕਾਜ ਤੇ  
 ਸਵਾਰੋਂ ਨਹਿ ਆਪਨੋਂ ਬਿਚਾਰੋਂ ਕਛੁ ਤੋਹਿ ਹਿਤ ਕਾਜ ਨਹਿ  
 ਪ੍ਰਾਣ ਨਿਜ ਧਾਰਿਯੋ । ਮ੍ਰੀਚ ਬਨ ਹਾਲ ਸੋਈ ਹੋਇਗੋ ਹਵਾਲ



ਮਮ ਬਿਨਹੀ ਸੰਦੇਹ ਪਬਿ ਤਾਂਹੀ ਕੇ ਪਧਾਰਿਯੇ । ਬੁਰੇ  
 ਜਿਨ ਮਾਨ ਕਛੁ ਕਰਤ ਬਖਾਨ ਹਿਤ ਹੋਹਿਗੇ ਤੁਮਾਰੇ ਮਨ  
 ਐਸੇਈ ਬਿਚਾਰਿਓ ॥ ੨੩ ॥ ਹਨੇ ਸੁਤ ਭਾਈ ਕੁਲ ਰਾਖਸ਼  
 ਕੀ ਘਾਈ ਅਬ ਜੀਵਨੋ ਸੁਕਾਜ ਦਸਕੰਠ ਤੇ ਨਿਹਾਰੀਯੇ ।  
 ਜਾਨਕੀ ਸੁ ਕਾਜਤੇਰੇ ਕਾਜ ਨਾਹਿ ਕਿਤੇ ਸੁਨਿ ਆਪਨੋ ਸ਼ਰੀਰ  
 ਜੜ ਰੂਪਹੈ ਬਿਚਾਰੀਯੇ । ਸੀਯ ਰਾਮ ਦੀਜੀਯੇ ਵਿਭੀਖਣ ਕੇ  
 ਲੰਕ ਰਾਜ ਤਪੋ ਬਨ ਬੀਚ ਦਸਕੰਠ ਜੂ ਪਧਾਰੀਯੇ । ਪ੍ਰਾਤ  
 ਜਲ ਨੁਯੇ ਕ੍ਰਿਤ ਨੀਤ ਕੀ ਪਠਯੇ ਅਬ ਡਾਰ ਰਾਜ ਸਾਜ ਮੁਨਿ  
 ਭੇਖਕੋ ਸਵਾਰੀਯੇ ॥ ੨੪ ॥ ਸ਼ੰਕਰਛੰਦ ॥ ਏਕ ਠੌਰ ਸੁਬੈਠ  
 ਨੀਕੇ ਆਸਨੰ ਕੁਸ਼ ਧਾਰ । ਵਿਖੇ ਜੇ ਪ੍ਰਤਬੰਧਕਾ ਸਭ ਦੇਹਿ  
 ਉਰ ਤੇ ਟਾਰ । ਰੋਕ ਇੰਦ੍ਰੈ ਆਪਨੇ ਪੁਨਿ ਆਨ ਆਤਮ ਮਾਂਹਿ  
 । ਇਹ ਭਾਂਤਿ ਕੀਜੇ ਲੰਕ ਪਤਿ ਸਭ ਪਾਪ ਤੇ ਮਿਟ ਜਾਂਹਿ ॥  
 ੨੫ ॥ ਪ੍ਰਕ੍ਰਿਤਿ ਨਿਆਰੇ ਆਤਮਾ ਨਿਸਪਾਪ ਲੇਹਿ ਬਿਚਾਰ  
 । ਸੰਸਾਰ ਥਾਵਰ ਜੰਗਮੋ ਤਨ ਬੁਧਿ ਇੰਦ੍ਰੈ ਧਾਰ । ਆਬ੍ਰਹਮ  
 ਤ੍ਰਿਣਪਰਯੰਤਸੁਨੀਏ ਦੇਖੀਯੇ ਪੁਨਿਜੋਇ । ਪਰਕ੍ਰਿਤ ਮਾਇਆ  
 ਭਾਖੀਯੇ ਇਹ ਤਾਂ ਬਿਨਾਂ ਨਹਿ ਕੋਇ ॥ ੨੬ ॥ ਜਗ ਜਨਮ  
 ਇਸਥਿਤ ਨਾ ਰਹੇ ਯਹ ਆਹਿ ਕਰਨੇਹਾਰ । ਲਾਲ ਕ੍ਰਿਸ਼ਨ  
 ਸੁਪੇਦ ਪਰਜਾ ਰਚੇ ਬਹੁਬਿਸਤਾਰ । ਕਾਮ ਕ੍ਰੋਧ ਸੁ ਲੋਭ ਆ  
 ਦਿਕ ਆਹਿਪੂਤ ਮਹਾਨ । ਹਿੰਸਾ ਸੁ ਤ੍ਰਿਸ਼ਨਾ ਕੰਠਕਾ ਦਸਕੰਠ  
 ਲਹੇ ਪਛਾਨ ॥ ੨੭ ॥ ਨਿਜ ਗੁਣ ਦਿਖਾਇ ਸੁ ਆਤਮਾ ਕੇ  
 ਮੋਹਿ ਦੇਵੇ ਡਾਰ । ਅਰੋਪ ਹੈ ਪੁਨ ਆਤਮਾ ਮੈ ਆਪਨੇ ਬੇਕਾਰ



। ਵਸ ਆਪਨੇਕਰ ਤਾਂਹਿ ਕੋ ਪੁਨ ਕ੍ਰੀੜ ਹੈ ਮਿਲ ਤਾਂਹਿ । ਸੁਧ  
 ਆਤਮ ਜਾਂ ਮਿਲੇ ਦੁਖ ਪੇਖ ਹੈ ਨਿਜ ਮਾਂਹਿ ॥ ੨੮ ॥ ਭੁਲਾਇ  
 ਆਪਨ ਆਪਕੋ ਨਿਜ ਆਤਮਾ ਸੁ ਪਰੇਸ਼ । ਮਾਇਆ ਗੁਣ  
 ਮੋਹਿਓ ਬਹੁ ਪਾਇ ਜਗਤ ਕਲੇਸ਼ । ਜਬਮਿਲੈ ਸਾਚੇ ਗੁਰੂ ਕੋ  
 ਵਹੁ ਕਰੇ ਬੋਧ ਉਧਾਰ । ਨਿਵਰਤਇਸ਼ਟਨਿਜਾਤਮਾਦਸਕੰਠ  
 ਲੇਤ ਨਿਹਾਰ ॥ ੨੯ ॥ ਦੋਹਰਾ ॥ ਜੀਵਨ ਮੁਕਤਿ ਸੁ ਹੋਵਈ  
 ਤਜਾਗੇ ਬੰਧਨ ਸੋਇ । ਪ੍ਰਕ੍ਰਿਤਜੇ ਗੁਣ ਭਾਖੀਏ ਰਹੇ ਨ  
 ਤਮੈ ਕੋਇ ॥ ੩੦ ॥ ਸ਼ੰਕਰ ਛੰਦ ॥ ਦਸਕੰਠ ਤੂੰ ਨਿਜ  
 ਆਤਮਾਂ ਕੋ ਏਵ ਲੇਹੁ ਬਿਚਾਰ । ਰੋਕ ਇੰਦ੍ਰ ਆਪਨੇ ਅਬ  
 ਤਜੇ ਸਗਲ ਬਿਕਾਰ । ਪ੍ਰਕ੍ਰਿਤ ਭਿੰਨ ਸੁ ਆਤਮਾਕੋ ਪੇਖ ਹੈਂ  
 ਮਨ ਲਾਇ । ਦਸਕੰਠ ਸਾਚੀ ਭਾਖਹੋਂ ਸਭ ਬੰਧ ਤੇ ਮਿਟ  
 ਜਾਇ ॥ ੩੧ ॥ ਗੀਯਾ ਮਾਲਤੀ ਛੰਦ ॥ ਧਿਆਇ ਨਿਰਗੁਣ  
 ਨਾਂ ਸਕੇ ਤਬ ਸਗੁਣ ਧਿਆਨਹਿ ਕੀਜੀਯੇ । ਲੰਕੇਸ਼ ਤੇ  
 ਹਿਤ ਭਾਖਿਯੋ ਅਬ ਮਾਨ ਸੋਈ ਲੀਜੀਏ । ਰਿਦ ਪਦਮ ਕੋਸ਼  
 ਸੁ ਹੇਮ ਪੀਨੇ ਜੜੇ ਮਣਿਗਣਿ ਸੋਭਈ । ਮ੍ਰਿਦ ਵਿਛੇ ਸ੍ਰਛ  
 ਵਿਛਾਵਣੇ ਪਿਖ ਦੇਵਤਾ ਮਨ ਲੋਭਈ ॥ ੩੨ ॥ ਸ਼ੰਕਰ ਛੰਦ ॥  
 ਤਹਾਂ ਜਾਨਕੀ ਸਹਿ ਰਾਮ ਬੈਠੇ ਦਾਮਨੀ ਘਨ ਸਯਾਮ । ਬੀਰ  
 ਆਸਨ ਕੰਜ ਦ੍ਰਿਗ ਪਦ ਚੰਚਲਾ ਅਭਿਰਾਮ । ਕ੍ਰੀਟ ਹਾਰ  
 ਕਿਯੂਰ ਕੋ ਸਭ ਨੂਪਰਾਂ ਝਨਕਾਂਹਿ । ਕਰ ਕਨਕ ਸੁੰਦਰ ਸੋਭਈ  
 ਬਨ ਮਾਲ ਗਲ ਲਸਕਾਂਹਿ ॥ ੩੩ ॥ ਲਖਮਣ ਫਰੇ ਕਰ  
 ਦੇ ਧਨੂੰ ਰਘੁਬੀਰ ਸੇਵੇ ਨੀਤ । ਇਹ ਭਾਂਤਿ ਰਾਵਣ ਧਿਆ  
 ਇ ਤੂੰ ਪਰਮਾਤਮਾ ਕੋ ਚੀਤ । ਪਰਾ ਭਗਤਿ ਸੁ ਕੀਜੀਏ



ਸਭ ਬੰਧ ਤੇ ਮਿਟਿ ਜਾਇ । ਚਰਿਤ੍ਰ ਤੂੰ ਸੁਨਿ ਰਾਮਕੇ ਦਸਕੰਠ  
 ਨਿਜ ਮਨੁ ਲਾਇ ॥ ੩੪ ॥ ਇਹ ਭਾਂਤਿ ਪੂਰਬ ਪਾਪ ਤੇ ਖਿਣ  
 ਏਕਮੈਂ ਮਿਟਿ ਜਾਇ । ਅਗਨਿ ਮੈਂ ਜਿਮ ਤੂਲਰਾਸਾ ਪੜੀ ਨਾ  
 ਠਹਿਰਾਇ । ਭਜ ਰਾਮ ਪੂਰਣ ਏਕ ਤੂੰ ਪੁਨਿ ਤਯਾਗ ਵੈਰ  
 ਮਹਾਂਨ । ਨਿਜ ਭਗਤਿ ਸੁਕਤਿ ਸੁ ਰਾਮ ਭਜੀਏ ਪੁਰਖ ਜੋਇ  
 ਪੁਰਾਨ ॥ ੩੫ ॥ ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ  
 ਉਮਾਂ ਮਹੇਸ਼ੁਰ ਸੰਬਾਦੇ ਯੁੱਧ ਕਾਂਡੇ ਖਸ਼ਮੋ ਧਯਾਇ ॥ ੬ ॥

ਸ੍ਰੀ ਮਹਾਂਦੇਵ ਉਵਾਚ ॥ ਦੋਹਰਾ ॥

ਕਾਲਨੇਮਕੇ ਵਾਕਿ ਸੁਨਿ ਕਹੇ ਜੁ ਅੰਮ੍ਰਿਤਸਾਰ । ਰਾਵਣ ਕੇ ਦੁਖ  
 ਭਰਜੇ ਉਰ ਕ੍ਰੋਧ ਭਯੋ ਪੁਨਿ ਭਾਰ ॥ ੧ ॥ ਕਬਿਤੁ ॥ ਕਰੇ  
 ਦ੍ਰਿਗਲਾਲ ਉਰ ਕੋਪਤ ਬਿਸਾਲ ਭਯੋ ਤਾਤੇ ਪ੍ਰਿਤ ਮਾਹਿ ਜਨ  
 ਸੰਬਰ ਸੁ ਡਾਰਿਯੋ । ਹਨੋ ਅਬ ਤੋਹਿ ਤਵ ਆਇਸੁ ਨ ਕਰੀ  
 ਮੋਹਿ ਰਾਮ ਕਛੁ ਦਯੋ ਤਾਂਤੇ ਐਸੇ ਸੁ ਉਚਾਰਿਯੋ ॥ ਰਾਘਵ  
 ਕੇ ਦਾਸ ਭਯੋ ਮੋਹਿਤੇ ਪਲਾਇ ਗਯੋ ਕਹਜੇ ਕਾਲਨੇਮੀ ਦੇਵ  
 ਕ੍ਰੋਧ ਬਨੇਂ ਡਾਰਿਯੋ । ਬਾਤ ਨ ਸੁਹਾਇ ਤਬ ਕਰੋਂਤੇ ਸੁਹਾਇ  
 ਮੁਖਿ ਐਸੇ ਤਾਂ ਅਲਾਇ ਕਾਲਨੇਮੀ ਹੈ ਪਧਾਰਿਯੋ ॥ ੨ ॥ ਰਾਵਣ  
 ਕੇ ਵਾਕ ਮਾਨ ਗਿਰਜਾ ਪਯਾਨ ਕੀਨੋਂ ਹਨੂੰਮਤ ਬਿਘਨ  
 ਸੁਕਾਲ ਨਿਜਕਾਯੋ ਹੈ । ਹਿਮਮਾਲ ਵਿਗ ਜਾਇ ਉਮਾ ਕੀਨੋਂ ਹੈ  
 ਉਪਾਇ ਇਕ ਬਡੋ ਸਿਸੁਾਰ ਬਨ ਤਾਪ ਕੇ ਬਨਾਯੋ ਹੈ । ਮੁਨਿ  
 ਭੇਸ ਧਾਰੇ ਬਹੁ ਸਿੱਖਿ ਪਰਵਾਰੇ ਕਰ ਲਈ ਅੱਖਮਾਲ ਡੀਮ  
 ਡਾਂਮ ਤੋ ਸੁਹਾਯੋ ਹੈ । ਪੱਥ ਹਨੂੰਮਾਨ ਤਿਨ ਕੀਯੋ ਹੈ ਅਡਾਨ  
 ਇਮ ਅੰਜਨੀ ਕੁਮਾਰ ਤਹਿ ਬੇਗ ਪੁਨਿ ਆਯੋ ਹੈ ॥ ੩ ॥ ਦੇਖ



ਹਨੂਮਾਨ ਇਕ ਆਸ਼੍ਰਮ ਮਹਾਂਨ ਬਹੁ ਚਿੰਤ ਗਲਤਾਨ ਮਨ  
 ਏਹੁ ਹੋ ਬਿਚਾਰਿਓ । ਮੁਨਿ ਮੰਡਲ ਪ੍ਰਬੀਨੋਂ ਤਪ ਬਨ ਹੈ  
 ਨਵੀਨੋਂ ਜਬ ਆਗੇ ਹਮ ਆਏ ਤਬ ਏਹੁ ਨ ਨਿਹਾਰਿਓ ।  
 ਮਾਰਗ ਭੁਲਾਨੋਂ ਕੈ ਦੁਚੀਤ ਭ੍ਰਮ ਮਾਨੋਂ ਮਮ ਧਸੋ ਬਨ ਬੀਚ  
 ਯਹਿ ਆਸ਼੍ਰਮ ਅਪਾਰਯੋ । ਦੇਖ ਮੁਨਿ ਧੀਰ ਅਤਿ ਸ਼ੀਤਲ ਸੁ  
 ਪੀਵ ਨੀਰ ਦੋਣ ਗਿਰ ਜਾਊਂ ਹਨੂਮਾਨ ਨਿਰਧਾਰਿਯੋ ॥੪॥  
 ਐਸੇ ਤੁ ਬਖਾਨ ਬਰੇਬੀਚ ਹਨੂਮਾਨ ਬਨ ਯੋਜਨ ਮਹਾਂਨ ਇਕ  
 ਆਸ਼੍ਰਮ ਸੁਹਾਏ ਹੈਂ । ਕਦਲੀ ਖਜੂਰ ਪੁਨਿ ਪਨਸ ਗਰੂਰ  
 ਫਲਪਾਕੇ ਅਤਿ ਭਾਰੇ ਤਰੁ ਭੂਮਿ ਲਟਕਾਏ ਹੈਂ । ਤਪਿ ਬਲਿ  
 ਹੋਰ ਮ੍ਰਿਗ ਸ਼ੇਰ ਸੁ ਚੁਫੇਰ ਚਰੇ ਭਏ ਮੀਤ ਭਾਰੇ ਬੈਰਭਾਵ ਬਿ  
 ਸਰਾਏ ਹੈਂ । ਤਾਹਿ ਬਨ ਬੀਚ ਕਾਲਨੇਮੀ ਖਲ ਨੀਚ ਇਕ  
 ਆਸ਼੍ਰਮ ਬਨਾਇ ਠਾਟ ਨੂਤਨੋਂ ਬਨਾਏ ਹੈਂ ॥੫॥ ਇੰਦ੍ਰ ਗੋਪ  
 ਧਾਰ ਕਰ ਗੋਮੁਖੀ ਮਝਾਰ ਸ਼ਿਵ ਲਿਗ ਹੈ ਉਦਾਰ ਤਿੰਹਪੂਜੈ  
 ਮਨ ਲਾਇਕੈ । ਇਕ ਖੀਰ ਸੋਂ ਨੁਵਾਏ ਇਕ ਕੁਸਮ ਚਢਾਏ  
 ਇਕਲਏ ਢਿਗ ਫੇਰੀ ਮੁਨਿ ਗਾਲ ਕੇ ਬਜਾਇਕੈ । ਧੂਪ ਕੇ  
 ਚਢਾਏ ਮੁਖ ਮੰਤ੍ਰ ਤੁ ਅਲਾਏ ਫਿਰ ਕਰੇ ਸ਼ਿਵ ਧਜਾਂਨ ਦੋਊ  
 ਨੈਨ ਕੇ ਮਿਲਾਇਕੈ । ਹਨੂਮਾਂਨ ਪੇਖ ਮੁਨਿ ਜਾਨਿਯੋ ਬਿਸ਼ੇਖ  
 ਪੁਨਿ ਕਰੀ ਅਭਿ ਬੰਦਨਾਂ ਭਵਾਨੀ ਢਿਗ ਜਾਇਕੈ ॥ ੬ ॥ ਭਗ  
 ਵਨ ਰਾਮ ਕੇ ਸੁ ਦੂਤ ਪਹਿਚਾਨੋਂ ਮਮ ਹਨੂਮਾਨ ਨਾਮ ਮੇਰੇ  
 ਲੋਕ ਮੇਂ ਬਖਾਨੀਏ । ਰਾਮ ਕਾਜ ਹੈ ਮਹਾਨੋ ਖੀਰ ਸਾਗਰ  
 ਸੁਜਾਨੋਂ ਮਮ ਭਈ ਤ੍ਰਿਖ ਭਾਰੀ ਕਹਾਂ ਪਾਯਤ ਹੈ ਪਾਨੀਏਂ ।



ਯਥੇਸ਼ੁ ਸੁ ਪਾਨ ਜਲ ਕੀਜੀਏ ਬਖਾਨ ਮੁਨ ਬੇਗ ਮਮ ਜਾਨੋਂ  
 ਉਰ ਯਹੀ ਪਹਿਚਾਨੀਏਂ । ਸੁਨਿਹਨੂੰਮਾਂਨ ਬਾਨੀ ਕਾਲ ਨੇਮੀ  
 ਹੂੰ ਬਖਾਨੀ ਸੁਨੀਯੇ ਭਵਾਨੀ ਬਾਤ ਵਾਹੀ ਨਿਜਕਾਂਨੀਏਂ॥੭॥  
 ਕਮੰਡਲ ਕੁ ਨੀਰ ਤੁਮ ਪੀਵੋ ਕਪਿਧੀਰ ਯਹਿ ਪਾਕੇ ਫਲ  
 ਭਾਰੇ ਅਬ ਨੀਕੇ ਮੁਖਿ ਦੀਜੀਯੇ । ਆਸ਼੍ਰਮ ਨਿਵਾਸ ਕਰੋ ਮਨਕੇ  
 ਕਲੇਸ ਹਰੇ ਸੋਇ ਰਹੋ ਨੀਕੇ ਉਰ ਚਿੰਤ ਨਹੀਂ ਕੀਜੀਯੇ ।  
 ਭੂਤ ਐ ਭਵਿੱਖਤ ਪ੍ਰਬਲ ਕੈ ਪਛਾਨੋ ਸਭ ਭਈ ਬਾਤ ਲੰਕ  
 ਅਬ ਸੋਈ ਸੁਨਿ ਲੀਜੀਏ । ਲਖਮਣ ਹੈ ਉਥਾਨੇਂ ਬਾਨਰ  
 ਜਿਵਾਨੇ ਸਭ ਰਾਮਕੇ ਨਿਹਾਰੇ ਕਪਿ ਉਰਮੈਂ ਪਤੀਜੀਯੇ ॥ ੮ ॥  
 ॥ ਸਵੈਯਾ ॥ ਸੁਨਿਕੈ ਹਨੂੰਮਾਂਨ ਕਹਯੋ ਮੁਨਿ ਕੋ ਸੁ ਕਮੰਡਲ  
 ਮੈਂ ਜਲ ਨਾਂ ਤਿਪਤਾਏ । ਜਲ ਕੋ ਸਰ ਮੋਹਿ ਦਿਖਾਇ ਦਿਜੇ  
 ਜਲਿ ਪਿਯਾਸ ਭਈ ਮੁਨਿ ਮੈਂ ਅਧਿਕਾਏ । ਸੁ ਤਥਾ ਮੁਖਭਾਖ  
 ਮਹਾਂ ਕਪਟੀ ਕਪਟੀ ਇੱਕ ਸਿੱਖ ਸੁ ਤਾਂਹਿ ਬੁਲਾਏ । ਬਟ  
 ਵਾਯੁ ਕੁਮਾਰ ਕੁਜਾਇ ਭਲੇ ਅਬ ਨੀਰ ਤਲਾਵ ਸੁ ਦੇਹੁ ਦਿਖਾ  
 ਏ ॥ ੯ ॥ ਨੈਨ ਮਿਲਾਇ ਸੁਨੀਰ ਅਚੇ ਪੁਨਿ ਆਵਹੁਬੇਗ ਸੁ  
 ਪਾਸ ਹਮਾਰੇ । ਮੰਤ੍ਰ ਕਰੋਂ ਉਪਦੇਸ਼ ਤੁਮੇਂ ਸੁ ਮਹੋਖਧ ਜਾਕਰ  
 ਨੈਨ ਨਿਹਾਰੇ । ਭਾਖ ਕ੍ਰੋਥਾ ਹਨੂੰਮਾਨ ਗਏ ਦ੍ਰਿਗ ਮੀਟ ਧਸੇ  
 ਜਲ ਤਾਲ ਮਝਾਰੇ । ਪੀਨ ਲਗੇ ਜਲ ਕੋ ਜਬਹੀਂ ਮਕਰੀ  
 ਇਕ ਆਇ ਗਈ ਕਪਿ ਭਾਰੇ॥੧੦॥ ਘੋਰ ਸਰੂਪ ਮਹਾਂਨ  
 ਤਿਨ੍ਹੇਂ ਪਿਖਤਾਂ ਹਨੂੰਮਾਂਨਭਯੋ ਰੁਖਕਾਰੀ । ਦੇਕਰ ਮਾਹਿੰਫਰੀ  
 ਮਕਰੀ ਮੁਖਿ ਫਾਰ ਦਈ ਮਕਰੀ ਵਹੁਮਾਰੀ । ਦਿੱਬ ਅਪੱਛਰ



ਰੂਪ ਧਰੇ ਹਨੁਮਾਂਨ ਵਹੀ ਨਭਿ ਮਾਂਹਿ ਨਿਹਾਰੀ । ਹੈ ਨਭਿਤੇ  
 ਅਬ ਹੀਂ ਉਤਰੀ ਜਨ ਰੂਪ ਬਿਰਾਜਤ ਤਾਹਿ ਅਪਾਰੀ ॥੧੧  
 ॥ ਗੀਯਾ ਮਾਲਤੀ ਛੰਦਾ ॥ ਧਰਮ ਮਾਲੀ ਨਾਂਮ ਤਿਹ ਹਨੁਮਾਨ  
 ਕੋ ਤਿਨ ਭਾਖਿਯੋ । ਪਰਸਾਦਿ ਤੇਰੇ ਵਾਯੁ ਸੁਤ ਯੇ ਸ੍ਰਾਪ ਮੇਰੇ  
 ਨਾ ਖਿਯੋ । ਸ੍ਰਾਪ ਪੂਰਬ ਥੇ ਦਯੋ ਪੁਨਿਭਯੋ ਹੇਤ ਮਹਾਂਨੀਯੋ ॥  
 ਇਕ ਕਾਲਨੇਮੀ ਦੈਤ ਆਸ਼੍ਰਮ ਨਾ ਮੁਨੀਸ਼ਰ ਜਾਨੀਯੋ ॥੧੨॥  
 ਹੈ ਵਿਘਨ ਕਰਨੇਂ ਕਾਜ ਯਾ ਕੋ ਲੰਕ ਨਾਥ ਪਠਾਇਯੋ । ਯਹਿ  
 ਆਹਿ ਮੁਨਿਨ ਵਹਿੰਸਕੋ ਮੁਨਿ ਭੇਸ਼ ਯਾਹਿ ਬਨਾਇਓ ।  
 ਹਨ ਦੁਸ੍ਰ ਦ੍ਰੋਣ ਸੁ ਭੂਧਰੇ ਕਪਿਜਾਹਿ ਸਾਚ ਬਤਾਇਆ । ਮੈਂ  
 ਜਾਉ ਬ੍ਰਹਮ ਸੁ ਲੋਕ ਮੈਂ ਤਵ ਸੰਗ ਪਾਪ ਮਿਟਾਇਆ ॥੧੩॥  
 ਇਮ ਭਾਖ ਗਈ ਸੁਸੁਰਗ ਕੋ ਹਨੁਮਾਨ ਆਸ਼੍ਰਮ ਆਇਓ ।  
 ਆਇਓ ਪਿਖ ਤਾਹਿ ਕੋ ਪੁਨ ਕਾਲਨੇਮਿ ਅਲਾਇਯੋ । ਕਪਿ  
 ਸੱਤਮਾਂ ਤੂੰ ਆਉ ਬੇਗਹ ਨਾਂ ਬਿਲੰਬ ਸੁ ਕੀਜੀਯੋ । ਤਵ  
 ਮੰਤ੍ਰ ਦੇਵਉਂ ਕਾਂਨ ਮੈਂ ਗੁਰ ਦੱਖਨਾ ਮਮ ਦੀਜੀਯੋ ॥ ੧੪ ॥  
 ਇਹ ਭਾਂਤਿ ਸੁਨ ਹਨੁਮਾਂਨ ਅਪਨੀ ਬਾਂਧਮੂਠ ਸੁਭਾਰੀਯਾ । ਗੁਰ  
 ਦੱਖਣਾਂ ਮੁਨਿ ਲੀਜੀਯੋ ਇਮ ਭਾਖ ਤਾਂ ਉਰ ਮਾਰੀਆ । ਤਜਿ  
 ਆਖਿਮਾਲ ਸ ਗੋ ਮੁਖੀ ਮੁਨਿਭੇਸ਼ ਦੈਤ ਉਤਾਰਕੈ । ਹਨੁਮਾਨ  
 ਸੇਂ ਲਰਨੇਂ ਲਰੋ ਬਹੁ ਮਾਇਆ ਬਿਸਤਾਰਕੈ ॥੧੫ ॥ ਮਹਾਂ  
 ਮਾਇਕ ਦੂਤਯਹਿ ਹਨੁਮਾਂਨ ਮਾਇ ਨ ਕੋ ਅਰੇ । ਮਾਰਮੁਸ਼੍ਰੀ  
 ਤੇਰ ਸਿਰ ਹਨੁਮਾਨ ਪ੍ਰਾਨ ਸੁ ਤਾਂ ਹਰੇ । ਪੁਨਿ ਲਾਂਘ ਖੀਰ  
 ਸਮੁੰਦ੍ਰਕੋ ਗਿਰ ਦ੍ਰੋਣ ਤਾਹਿ ਨਿਹਾਰਿਯੋ । ਪਿਖੀ ਨਾਂ ਤਹਿ ਐਖਯੀ



ਗਿਰ ਨਿਖਲ ਤਾਂਹਿ ਉਖਾਰਿਯੋ ॥ ੧੬ ॥ ਸਵੈਯਾ ॥  
ਉਪਾਰ ਪਹਾਰਕੇ ਲੈ ਕਰਮੈਂ ਹਨੂੰਮਾਂਨ ਸੁਰਾਘਵ ਕੀਢਿਗ—  
ਆਏ । ਆਂਨ ਪਹਾਰ ਧਰੇ ਢਿਗ ਮੈਂ ਹਨੂੰਮਾਂਨ ਮੁਖੇਂ ਹਸ ਵਾਕ  
ਅਲਾਏ । ਜੋ ਕਛੁ ਜੋਗ ਕਰੇ ਪ੍ਰਭ ਜੂ ਅਬ ਆਪਿ ਬਿਲੰਭ  
ਸੁ ਦੇਹ ਮਿਟਾਏਯੋਂ ਸੁਨਕੈ ਹਨੂੰਮਾਂਨ ਗਿਰਾ ਰਘੁਨਾਥ ਭਲੇ  
ਮਨਮੈ ਹਰਖਾਏ ॥ ੧੭ ॥ ਸੋਰਠਾ ॥ ਲਈ ਔਖਧੀ ਧੀਰ  
ਰਘੁਪਤਿ ਸੰਗ ਸੁਖੇਂਣਕੇ । ਕਰੀ ਚਕਿਤਸਾ ਬੀਰ ਲਖਮਣ  
ਲਏ ਜਿਵਾਇਕੈ ॥ ੧੮ ॥ ਸਵੈਯਾ ॥ ਸੁਪਤੋਥਿਤ ਜੋ  
ਲਖਮੰਨਿਉਠੇ ਮੁਖਿਭੀਤਰਯਾ ਬਿਧਬੈਨ ਅਲਾਏ । ਕਹਿਜਾਹਿ  
ਰਹੋ ਰਣ ਠਾਢੇ ਅਬੈ ਦਸਕੰਠ ਦਯੋ ਯਮ ਲੋਕ ਪਠਾਏ ।  
ਇਹ ਭਾਂਤਿ ਕਹਯੋ ਲਖਮੰਨਿ ਜਬੈ ਸੁਨਿ ਕੈ ਰਘੁਨੰਦਨ ਜੂ  
ਹਰਖਾਏ । ਸਿਰਚੁੰਮ ਉਮਾਂ ਉਰ ਪ੍ਰੇਮ ਭਰੇ ਰਘੁਨਾਇਕ ਭ੍ਰਾਤ  
ਸੁ ਕੰਠ ਲਗਾਏ ॥ ੧੯ ॥ ਕਬਿੱਤੁ ॥ ਕਹਯੋ ਭਗਵਾਨ ਸਨ  
ਮਾਂਨ ਹਨੂੰਮਾਨ ਕਰੇ ਤੇਰੇ ਹੀ ਪ੍ਰਸਾਦਿ ਸਭ ਹੋਹਿ ਕਾਜ  
ਸਾਰਿਆ । ਲਖਮਣ ਭਾਈ ਕੇ ਮਿਟਾਇ ਦਏ ਘਾਇ ਸਭ ਤੇਰੇ  
ਹੀ ਪ੍ਰਸਾਦਿ ਆਜੁ ਜੀਵਤ ਨਿਹਾਰਿਆ । ਐਸੇ ਪੁਨਿ ਭਾਖ  
ਰਘੁਨਾਥ ਕਪਿ ਸਾਥ ਲਏ ਔਰ ਕਪਿ ਨਾਥ ਪੁਨਿ ਸਾਥ ਹੀ  
ਪਧਾਰਿਆ । ਚੜੇ ਸੰਗ੍ਰਾਮ ਸ੍ਰੀ ਰਾਮ ਤੇਜਯਾਂਮ ਪੁਨਿ ਸਾਥ ਸੁ  
ਵਿਭੀਖਨ ਕੈ ਮੰਤੁ ਹੈ ਬਿਚਾਰਿਆ ॥ ੨੦ ॥ ਵੋਹਰਾ ॥  
ਲੈ ਪਖਾਨ ਪਾਦਪ ਘਨੇਂ ਬਾਨਰਵੈ ਰਣ ਧੀਰ । ਸਮਰਭੂਮਿ  
ਸਨਮੁਖਿ ਚਲੇ ਮਹਾਂਬਲੀ ਭਟ ਬੀਰ ॥ ੨੧ ॥ ਸਵੈਯਾ ॥



ਇਤ ਬਾਨਰ ਲੈਕਰ ਆਯੁਧ ਕੇ ਰਣ ਮੰਡਲ ਮੇ ਚਢਕੈ  
 ਭਟ ਆਏ। ਉਤ ਰਾਵਣ ਰਾਘਵ ਬਾਂਲ ਹਨੇ ਗਢਲੰਕ ਬਿਖੇ  
 ਸੁ ਮਹਾ ਦੁਖ ਪਾਏ। ਜਿਉ ਗਜ ਰਾਜ ਮ੍ਰਿਗਿੰਦਹਤੇ ਅਹਿ ਕਾ  
 ਪਤਿ ਜੋ ਖਗਰਾਜਹਿ ਘਾਏ। ਤਜੋ ਦਸਕੰਠ ਡਰੇ ਰਣ  
 ਰਾਵਣ ਬੈਠ ਸਿੰਘਾਸਨ ਦੈਤ ਬੁਲਾਏ ॥੨੨॥ ਬੈਠ ਸਿੰਘਾਸਨ  
 ਦੈਤਨਕੋ ਪੁਨਿ ਰਾਵਣ ਯਾ ਬਿਧ ਬੈਠ ਅਲਾਯੋ। ਮਾਨੁਖ ਕੈ  
 ਮਰਣੋ ਹਮਰੇ ਸੁ ਪਿਤਾ ਮੁਹਿ ਪੂਰਬ ਆਪ ਬਤਾਯੋ। ਮਾਨੁਖ  
 ਨਾਂ ਮਮ ਮਾਰ ਸਕੈ ਯਹਿ ਆਪਿ ਨਾਰਾਇਨ ਭੂਤਲ ਆਯੋ।  
 ਮਾਨੁਖ ਦਾਸਰਥੀ ਹਰਿ ਹੋਇ ਸੁ ਮਾਰਨ ਮੋਹਿ ਇਹੈ ਚੜਿ ਆਯੋ  
 ॥੨੩॥ ਆਰੰਠ ਮਹੀਪਤਿ ਸ੍ਰਾਪਦਯੋ ਮਮ ਪੂਰਬ ਸੇ ਸੁਨਯੋ  
 ਮਨ ਲਾਈ। ਉਪਜੇ ਮਮ ਵੰਸੁ ਬਿਖੈ ਪਰਮਾਤਮ ਨਾ ਬਰਨੀਂ  
 ਜਿਨਕੀ ਛਬ ਜਾਈ। ਤਵ ਪੁੱਤ੍ਰ ਸੇ ਪੋਤ੍ਰਨ ਬਾਂਧਵ ਕੇ ਸਹਿ  
 ਮਾਰਹਿੰਗੇ ਰਣ ਮੰਡਲ ਆਈ। ਇਮ ਭਾਖ ਮਹੀਪ ਗਯੋ ਖਿਨ  
 ਮੈਂ ਜਿੰਹ ਆਪਿ ਬਿਰਾਜਤ ਹੈਂ ਸੁਰ ਰਾਈ ॥ ੨੪ ॥ ਸੋਰਠਾ  
 ॥ ਉਪਜੇ ਰਾਮ ਸੁ ਗੂੜ ਨਿਸਚੇ ਮੋਕੇ ਮਾਰਹੈਂ। ਕੰਭ ਕਰਨ  
 ਅਤਿ ਮੂੜੁ ਨਿੰਦਾ ਕੇ ਵਸ ਹੈ ਭਯੋ ॥ ੨੫ ॥ ਦੋਹਰਾ ॥ ਲਯਾਵਹੁ  
 ਤਾਹਿ ਜਗਾਇਕੈ ਮੈ ਢਿਗ ਲਾਉ ਨ ਢੀਲ। ਯੈਂ ਸੁਨ ਗਏ  
 ਜਗਾਂਵਨੇ ਬਡੇ ਜਿਨ੍ਹਾਂ ਕੇ ਡੀਲ ॥ ੨੬ ॥ ਕਬਿਤੁ ॥ ਬਰੇ  
 ਜਬ ਭੈਨ ਤਬ ਸ੍ਰਾਸਨ ਕੇ ਲਗੇ ਪੈਨ ਚਲੇ ਤੁ ਡੁਲਾਇ  
 ਨ ਠਹਿਰਾਇ ਰਹੇ ਮੰਦਰੇ ॥ ਕੇਚਿਤ ਪਲਾਇ ਪੁਨਿ ਕਾਹੂੰ ਕੀ  
 ਉਡਾਇ ਪਾਗ ਭਾਗ ਚਲੇ ਕੇਈ ਕੇਈ ਧਸੇ ਗ੍ਰਹ ਕੰਦਰੇ ॥



ਕੇਚਿਤ ਉਡਾਨੇ ਤਰੁ ਸੀਸ ਲਪਟਾਨੇ ਭਟ ਖਾਹਿ ਫਲ ਪਾਕੇ  
 ਜਨ ਕੂਦ ਕੂਦ ਬੰਦਰੇ । ਕੇਚਿਤ ਸੁ ਬੀਰ ਧਰਧੀਰ ਭਟ  
 ਆਏ ਫਿਰ ਓਟਕੈ ਦਿਵਾਰ ਕੋ ਸੁ ਧਸੇ ਜਾਹਿ ਅੰਦਰੇ ॥ ੨੭ ॥  
 ਸਵੈਯਾ ॥ ਸੁਸੁਮੇਰ ਸਮਾਨ ਸੁ ਭੋਜਨ ਕੇ ਤਹਿ ਆਨਿ ਘਨੇ  
 ਢਿਗ ਪੁੰਜ ਬਨਾਏ । ਮ੍ਰਿਗ ਔਮਹਿਖਾ ਅਤਿ ਸੂਰਘਨੇਂ ਤਹਿ  
 ਕੋਟਿਨ ਕੋਟਿ ਸੁ ਰਾਖਸ਼ ਲਯਾਏ । ਢਿਗ ਸ਼੍ਰੋਣਤ ਕੇ ਬਹੁ  
 ਕੁੰਭ ਭਰੇ ਮਧਕੇ ਕਲਸਾ ਨਹਿ ਜਾਤ ਗਿਨਾਏ । ਚੰਦਨ ਸੋ ਤਨ  
 ਲੀਪਤਿ ਹੈ ਢਿਗ ਕੋਟਨ ਕੋਟਿ ਸੁ ਧੂਪ | ਜਗਾਏ ॥ ੨੮ ॥  
 ਘਨ ਸੇ ਢਿਗ ਰਾਖਸ਼ ਗਾਜਤ ਹੈਂ ਪੁਨਿ ਹਾਥਨ ਸੇਂ ਤਿਨਕੋ  
 ਤਨ ਘਾਏ ॥ ਘਟਿਕਾਨਨ ਕੇ ਪੁਨਿ ਕਾਨਨ ਮੈਂ ਬਲਵੰਤ ਸਭੈ  
 ਧੁਨਿ ਸੰਖ ਸੁਨਾਏ । ਢਿਗ ਆਨ ਅਨੇਕ ਸੁ ਭੇਰ ਰਰੇ ਪੁਨਿ  
 ਕੋਟਿਨ ਕੋਟਿ ਸੁ ਦੁੰਦਭਿ ਵਾਏ । ਇਹ ਭਾਂਤਿ ਸਮੀਪਸੁ ਆਇ  
 ਸਭੈ ਸੁ ਜਗਾਵਨ ਹੇਤ ਮਹਾਂ ਬਲਿ ਲਾਏ ॥ ੨੯ ॥ ਖਰ  
 ਉਠ ਤੁਰੰਗਮ ਤਾੜਕ ਸਾਗਜ ਅੰਕਸ ਤਾਂ ਤਨ ਮਾਹਿਚਲਾਏ  
 । ਇਕ ਤਾੜਤ ਤਾਹਿ ਗਦਾ ਗਹਿਕੇ ਇਕ ਕਾਸ਼ਟ ਦੰਡ ਅਨੇਕ  
 ਲਗਾਏ । ਇਕ ਸੈਲਨ ਕੇ ਸਿਰ ਮਾਰਤ ਹੈ ਇਕ ਮਾਰਤ  
 ਮੁਸਲ ਕੇ ਢਿਗ ਆਏ । ਇਕ ਖੈਂਚਤ ਕੇਸਨ ਕੇ ਬਲਕੈ ਇਕ  
 ਕਾਂਨਨ ਕਾਟਤ ਕੋਪ ਬੜਾਏ ॥ ੩੦ ॥ ਇਹ ਭਾਂਤਿ ਰਹੇ ਪਚਿ  
 ਹਾਰਿ ਸਭੈ ਨਹਿ ਜਾਗਤਿ ਸੋ ਉਲਟੋ ਅਲਸਾਏ । ਤਬ ਫੇਰਿ  
 ਬਿਚਾਰ ਕੀਯੋ ਸਭ ਹੂੰ ਢਿਗ ਨਾਰਨ ਕੇ ਬਹੁ ਝੰਡ ਬੁਲਾਏ ।  
 ਅਹਿਰਾਖਸ਼ ਦੇਵਨ ਕੀ ਦੁਹਿਤਾ ਨਰ ਕਿੰਨਰ ਕੀ ਸਗਲੀ



ਪੁਨਿ ਆਏ । ਢਿਗ ਨਾਚਤ ਗਾਵਤ ਆਇ ਸਭੈ ਕਰ ਕੰਕਮ  
 ਚੰਦਨ ਲੇਪਲਗਾਏ ॥ ੩੧ ॥ ਗਲ ਫੂਲ ਸੁਗੰਧਨ ਮਾਲ ਧਰੀ  
 ਢਿਗ ਵਾਰਜ ਕੀ ਛਬਿ ਦੂਰ ਨਿਵਾਰੀ । ਤਨ ਕਾਂਚਨ ਸੀ ਦੁਤਿ  
 ਛਾਜਤ ਹੈਂ ਪਦ ਨੂਪਰਕੀ ਸੁਨੀਯੇ ਝਨਕਾਰੀ । ਵਿਸਤੀਰਣਿ  
 ਜੰਘ ਸੁ ਰੰਭ ਸਮਾ ਸਨ ਪੀਨ ਪਯੋਧਰ ਰੂਪ ਕੁਮਾਰੀ । ਅਤਿ  
 ਕੰਚਤ ਹੈਂ ਅਲਕਾਂ ਜਿਨ ਕੀ ਪੁਨਿ ਨੀਲ ਸਰੋਰਹਿ ਸੋਹਿਤ  
 ਸਾਰੀ ॥ ੩੨ ॥ ਤਿਨ ਕੋਮਲ ਹਾਥ ਸੁ ਗਾਤ ਲਗੇ ਧੁਨਿ ਨੇਵਰ  
 ਕੀ ਜਬਹੀ ਸੁਨਿ ਪਾਈ । ਢਿਗ ਨੀਂਦ ਘਟੀ ਸੁ ਜਰੀ ਤਬਹੀ  
 ਘਟਿ ਕਾਂਨਨ ਆਨਨ ਲੀਨ ਜੰਭਾਈ । ਬਡਵਾਨਲ ਸੋ  
 ਮੁਖਿ ਸੋਭਤ ਹੈ ਭੁਜ ਔਰ ਭੁਜੰਗਮ ਸੀ ਛਬਿ ਪਾਈ । ਤਬ  
 ਗਾਗਰ ਕੋਟ ਪਖਾਰ ਮਹਾਂ ਮੁਖਿ ਮਾਹਿ ਪਤਾਰ ਮਨੋਜ ਲਜਾਈ  
 ॥ ੩੩ ॥ ਮੁਖ ਮਾਸ ਧਰੇ ਮਧਪਾਂਨ ਕਰੇ ਦਧ ਸੇ ਪੁਨਿ  
 ਮੇਧ ਘਨੋ ਤਿਨ ਖਾਯੋ । ਘਟ ਸ਼ੋਨਤ ਕੇ ਬਹੁ ਪਾਨ ਕਰੇ  
 ਮਹਖਾ ਮ੍ਰਿਗ ਸੂਰ ਸੁ ਦਾੜ੍ਹ ਚਬਾਯੋ । ਜਬ ਲੋਗਨ ਤਾਂ ਬਹੁ  
 ਭਾਂਤਿ ਕਹਿਯੋ ਚਲਿ ਆਪ ਤਬੈ ਢਿਗ ਰਾਵਣ ਆਯੋ । ਅਭਿ  
 ਬੰਦਨ ਰਾਵਣ ਪਾਇੰ ਕਰੀ ਗਹਿ ਬਾਂਹਿ ਦਸਾਨਨ ਪਾਸ  
 ਬਿਠਾਯੋ ॥ ੩੪ ॥ ਰਾਵਣ ਦੀਨ ਗਿਰਾ ਮੁਖਿ ਬੋਲਤ ਭ੍ਰਾਤ ਸੁਨੋ  
 ਅਬਿ ਤੋਹਿ ਸੁਨਾਉਂ । ਭਵ ਮੰਡਲ ਕਸ਼ਟ ਭਯੋ ਹਮਕੋ ਘਟ  
 ਕਾਨਨ ਤਾਂ ਹਿਤ ਤੋਹਿ ਜਗਾਉਂ । ਮਮ ਸੂਰ ਮਹਾਂ ਸੁਤ ਪੋਤ੍ਰ  
 ਹਨੇ ਪੁਨਿ ਬਾਂਧਵ ਰਾਮ ਹਨੇ ਦੁਖ ਖਾਉਂ । ਮਰਣੋ ਅਬ ਆਇ  
 ਸਮੀਪ ਭਯੋ ਸਿਰ ਕਾਲ ਗਹੈ ਕ੍ਰਿਤ ਕੰਨ ਕਮਾਉਂ ॥ ੩੫ ॥



ਦਾਸਰਥੀ ਯਹਿ ਰਾਮ ਮਿਲੇ ਸੁਗ੍ਰੀਵ ਕੇ ਸੰਗ ਸਮੁੰਦ ਤਰੇ ਹੈਂ  
 । ਕਾਟਤ ਮੂਲ ਬਲੀ ਹਮਰੇ ਰਣ ਮੰਡਲ ਰਾਖਸ ਪੁੰਜ ਦਰੇ  
 ਹੈਂ । ਬਾਨਰ ਨਾਸ ਪਿਖੇ ਨ ਕਬੀ ਰਣ ਮੰਡਲ ਗਾਜਤ ਬੀਰ  
 ਖਰੇ ਹੈਂ । ਜਾਂ ਹਿਤ ਤੋਹਿ ਜਗਾਇ ਲਯੋ ਅਰਿ ਮਾਰਹੁ ਜੇ ਗਢਿ  
 ਲੰਕ ਭਰੇ ਹੈਂ ॥ ੩੬ ॥ ਦੋਹਰਾ ॥ ਭ੍ਰਾਤ ਨਮਿੱਤ ਸੁ ਕੀਜੀਯੇ  
 ਦੁਸ ਕ੍ਰਿਤ ਕਰਮ ਅਪਾਰ । ਰਾਵਣ ਕੇ ਸੁ ਬਿਲਾਪ ਯਹਿ ਸੁਨਿਯੋ  
 ਕਾਨ ਮਝਾਰ ॥ ੩੭ ॥ ਸਵੈਯਾ ॥ ਪੂਰਬ ਮੰਤ੍ਰ ਬਿਚਾਰ  
 ਕਰੇ ਤਬਹੀ ਨਿਪ ਮੋਹਿ ਸੁ ਤੋਹਿ ਬਤਾਏ । ਪਾਪ ਬੁਰੇ ਭਵ  
 ਮੰਡਲ ਮੈ ਤਿਨਕੇ ਫਲ ਰਾਵਣ ਤੈਂ ਅਬਿਪਾਏ । ਰਾਮ ਨਰਾਇਣ  
 ਹੈਂ ਪਰਿ ਪੂਰਣ ਮੈ ਦਸਕੰਠ ਸੁ ਤੋਹਿ ਜਨਾਏ । ਸੀਯ ਅਹੈ  
 ਸਭਕੀ ਜਨਨੀ ਇਹ ਭਾਂਕਿ ਕਹਯੋ ਤਵ ਨਾ ਮਨ ਆਏ ॥ ੩੮ ॥  
 ॥ ਏਕ ਸਮੇਂ ਨਿਸ ਕੇ ਬੱਦਰੀ ਬਨ ਮੈਂ ਮੁਨਿ ਨਾਰਦ ਜੂ ਸੋ  
 ਨਿਹਾਰੇ । ਮੋਹ ਕਹਯੋ ਕਰ ਜੋਰ ਦੁਊ ਕਿਹ ਠੌਰ ਕਹੋ ਮੁਨਿ  
 ਆਪਿ ਪਧਾਰੇ । ਦੇਵਨ ਮੰਤ੍ਰ ਕਰੇਂ ਮਿਲਕੈ ਤਿਹ ਠੌਰ ਹੁਤੇ  
 ਇਮ ਤਾਹਿ ਉਚਾਰੇ । ਦੇਵਨ ਮਾਂਹਿ ਸੁਨਯੋ ਹਮਹੂੰ ਤਿਹ ਠੌਰ  
 ਭਏ ਸੁ ਉਦੰਤ ਤੁਮਾਰੇ ॥ ੩੯ ॥ ਦੋਹਰਾ ॥ ਤੁਮ ਦੋਨੋ ਪੀੜਾ  
 ਦਈ ਭਏ ਦੁਖੀ ਸੁਰਭਾਰ । ਬਿਸ਼ਨ ਸਮੀਪ ਸੁਜਾਇਕੈ ਦੇਵਨ  
 ਕਰੀ ਪੁਕਾਰ ॥ ੪੦ ॥ ਦੋਹਰਾ ॥ ਭਗਤਿ ਭਾਇ ਉਸਤਤਿ  
 ਕਰੀ ਦੇਵਨ ਕੀਨ ਬਖਾਨ । ਤੀਨ ਲੋਕ ਕੰਟਕ ਬਲੀ ਰਾਵਣ  
 ਹਨ ਭਗਵਾਨ ॥ ੪੧ ॥ ਮਾਨੁਖ ਕੈ ਮਰਣਾਂ ਤਿਨ੍ਹੋਂ ਬ੍ਰਹਮਾਂ  
 ਕੀਨ ਬਖਾਨ । ਯਾਤੇ ਮਾਨੁਖ ਰੂਪ ਧਰ ਹਨੋਂ ਤਾਂਹਿ ਭਗਵਾਨ ॥



॥ ੪੨ ॥ ਸਵੈਯਾ ॥ ਬਿਸ਼ੁ ਕਹਯੋ ਸੁਰ ਮੰਡਲਕੋ ਤਿਮਹੀ  
 ਸੁ ਕਰੋ ਨਹਿ ਢੀਲ ਲਗਾਵੇਂ । ਮੈ ਰਘੁ ਭੂਪਤਿਕੀ ਕੁਲ ਮੈਂ  
 ਉਪਜੋਂ ਪੁਨਿ ਰਾਮ ਸੁ ਨਾਮ ਕਹਾਵੇਂ । ਰਾਵਨ ਕੋ ਰਣ ਮਾਹਿ  
 ਹਨੋਂ ਤੁਮਰੇ ਉਰਤੇ ਸਭ ਦੂਖ ਮਿਟਾਵੇਂ । ਨਾਰਦ ਯੋਂ ਮਮਭਾਖ  
 ਗਯੋ ਦਸਕੰਠ ਵਹੀ ਅਬ ਤੋਹਿ ਸੁਨਾਵੇਂ ॥੪੩॥ ਰਾਮ ਸਨਾ-  
 ਤਨ ਬ੍ਰਹਮ ਪਿਖੋ ਅਬ ਬੈਰ ਦਯੋ ਉਰਤੇ ਸਭ ਡਾਰੀ । ਮਾਨੁਖ  
 ਰੂਪ ਲਯੋ ਹਰਿ ਸੁੰਦਰ ਸੋ ਭਜੀਏ ਉਰ ਪ੍ਰੇਮ ਪਿਆਰੀ ।  
 ਰਾਮ ਭਜੇ ਉਰ ਭੀਤਰ ਜੇ ਤਿਨ ਹੋਤ ਪ੍ਰਸੰਨ ਸੁ ਰਾਮ ਮੁਰਾਰੀ  
 । ਭਗਤਿ ਜਿਨੇਂ ਉਰ ਭੀਤਰਿ ਗਯਾਨ ਸੁ ਗਯਾਨ ਹੀ ਬੰਧਨ  
 ਦੇਤ ਨਿਵਾਰੀ ॥ ੪੪ ॥ ਕਬਿਤੁ ॥ ਭਗਤਿ ਤੇ ਬਿਹੀਨ  
 ਜੇਈ ਕੀਜੀਏ ਬਿਅਰਥ ਸਭ ਸੁਨੋ ਮਨਲਾਇ ਅਬ ਸਾਰਕੋ  
 ਬਖਾਨੀਯੇਂ । ਲੀਲਾ ਅਨੁਸਾਰ ਅਵਤਾਰ ਹੈਂ ਅਨੇਕ ਹਰਿ  
 ਤਿਨਕੋ ਹਜ਼ਾਰ ਪੁਨਿ ਏਕ ਉਰ ਠਾਂਨੀਯੇ । ਰਾਮ ਅਵਤਾਰ  
 ਪੁਨਿ ਏਕ ਉਰਧਾਰ ਆਹਿ ਤਾਹਿ ਕੋ ਸਮਾਨ ਗਯਾਨ ਸ਼ਾਤਿ  
 ਸ਼ਿਵਜਾਨੀਯੇ । ਰਾਮਜੇਹੀ ਧਰਮਾਹਿ ਤੇਹੀ ਜਾਹਿ ਭਵ ਸਿੰਧਪਾਰ  
 ਪਾਂਹਿ ਪਦ ਹਰਿਕੋ ਸੁ ਚੀਤਮੇ ਪਛਾਨੀਯੇ ॥ ੪੫ ॥ ਸਵੈਯਾ  
 ॥ ਜਾ ਮਨ ਉਜਲਹੈ ਜਗ ਮੈ ਪੁਨਿ ਤੇ ਜਨ ਰਾਮ ਕੋ ਨੀਤ  
 ਧਿਆਵੇਂ । ਰਾਮ ਚਰਿਤ੍ਰ ਸੁ ਪਾਠ ਕਰੇਂ ਭਵ ਬੰਧਨ ਤੇ ਖਿਨ  
 ਮਾਂਹਿ ਮਿਟਾਵੇਂ । ਸੀਯ ਪਤੀ ਹਰਿ ਰਾਮ ਬਲੀ ਪਦ ਪੂਰਣ ਵੈ  
 ਸੁਖ ਸੋ ਜਨ ਪਾਵੇਂ । ਰਾਘਵ ਕੀ ਯਹਿ ਪੁੰਨ ਕਥਾ ਕਬਿ ਸਿੰਘ  
 ਗੁਲਾਬ ਸਦਾ ਮੁਖਿ ਗਾਵੇਂ ॥ ੪੬ ॥ ਇਤਿ ਸ੍ਰੀ ਮਤ ਅਧਯਾ-



ਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਯੁੱਧਕਾਂਡੇ ਸਪਤਮੇ  
ਧਿਆਇ ॥ ੭ ॥

ਸ੍ਰੀ ਮਹਾਂਦੇਵ ਉਵਾਚ ॥ ਸਵੈਯਾ ॥

ਘਟ ਕਾਨਨ ਕੇ ਯਹਿ ਵਾਕ ਸੁਨੇ ਭ੍ਰਿਕੁਟੀ ਕੁਟਿਲਾ ਦਸਕੰਠ  
ਅਲਾਏ । ਗਿਰ ਆਸਨ ਤੇ ਜਨ ਭੂਮਿ ਪਰੇ ਤਕੀਆ ਇਤ  
ਤੇ ਉਤ ਆਪ ਹਲਾਏ । ਮੁਹਿ ਗਿਆਨ ਜਨਾਵਨ ਕੇ ਹਿਤ ਨਾ  
ਘਟ ਕਾਨਨ ਸੁਨੇ ਤੁਮ ਪਾਸ ਬੁਲਾਏ । ਸੁਨਿ ਮੋਹਿ ਕੀਯੋ ਉਰ  
ਮਾਨ ਭਲੇ ਰੁਚਿ ਹੋਇ ਭਿਰੋ ਅਬ ਸੰਘਰ ਜਾਏ ॥ ੧ ॥ ਨਹਿ  
ਤੋ ਅਬ ਜਾਹਿ ਬਰੇ ਘਰ ਮੈਂ ਦ੍ਰਿਗ ਨੀਂਦ ਭਈ ਤੁਮਕੋ ਅਤਿ  
ਭਾਰੀ । ਸੁਨਿ ਰਾਵਣ ਕੇ ਯਹਿ ਬਾਕ ਉਮਾਂ ਘਟਿ ਕਾਨਨ  
ਯੋਂ ਮਨਿ ਮਾਂਹਿ ਬਿਚਾਰੀ । ਦੁਸ਼ਟ ਅਹੈ ਦਸਮੌਲ ਬਲੀ  
ਇਹ ਜਾਨ ਗਯੋ ਰਣ ਭੂਮਿ ਮਝਾਰੀ । ਵਹਿ ਲਾਂਘ ਪ੍ਰਕਾਰ  
ਗਯੋ ਖਿਨਮੈਂ ਸੁ ਸਪੱਛ ਬਡੇ ਜਨਿ ਭੂਧਰ ਕਾਰੀ ॥ ੨ ॥  
ਨਿਕਸੇ ਪੁਰਤੇਇਹ ਭਾਂਤਿ ਬਲੀ ਸਭ ਬਾਨਰਸੈਨ ਕੁ ਹੇਰ  
ਡਰਾਏ। ਮੁਖਿ ਭੀਤਰਯੋਂ ਪੁਨਿ ਗਾਜਤ ਹੋ ਪੁਨਿ ਸੋਂ ਸਭਸਾਗਰ  
ਤਾਹਿ ਨਦਾਏ । ਕਪਿ ਪੁੰਜਨ ਕੋ ਦੁਖਿ ਦੇਵਤ ਹੈ ਹੁਜ ਮਾਂਹਿ  
ਗਏ ਮੁਖਿ ਭੀਤਰ ਪਾਏ । ਸਪੱਖ ਮਨੋ ਗਿਰ ਆਵਤ ਹੈ  
ਘਟਿਕਾਨਨ ਪੇਖ ਸੁਕੀਸ ਪਲਾਏ ॥ ੩ ॥ ਕਬਿਭੁ ॥ ਤਕੀ  
ਰਾਜਧਾਨੀ ਕਪਿ ਡਰੇ ਹੈਂ ਭਵਾਂਨੀ ਲੈ ਮੁਗਦਰ ਕੋ ਹਾਬ ਮਾਨੋਂ  
ਆਪ ਕਾਲ ਆਏ ਹੈਂ । ਫਿਰੇ ਕਪਿ ਸੈਨ ਮਾਂਹਿ ਬਾਨਰਪਲਾ-  
ਹਿ ਆਗੇ ਦੌਰਨੇ ਨ ਪਾਂਹਿ ਕੀਸ ਘੇਰਘੇਰ ਖਾਏ ਹੈਂ । ਮੁਗ



ਦਰ ਸੁ ਮਾਰੇ ਕਰ ਪਾਇਨਸੋਡਾਰੇ ਮਲ ਜੰਘਨ ਕਿਤਾਨਿ ਕਪਿ  
 ਸਾਗਰ ਬੁਡਾਏ ਹੈਂ । ਕੰਭ ਰਨ ਪੇਖ ਹਾਥ ਗਦਾ ਲੈ ਬਿਸੇਖ  
 ਸੁ ਵਿਭੀਖਣ ਪ੍ਰਮਾਣ ਕਰੀ ਭ੍ਰਾਤ ਬਡੇ ਆਏ ਹੈਂ ॥ ੪ ॥  
 ਸਵੈਯਾ ॥ ਵਿਭੀਖਣ ਹੋ ਲਘੁ ਭ੍ਰਾਤ ਤੁਮੇ ਸੁ ਮਹਾਮਤਿ ਮੋਹਿ  
 ਦਯਾ ਅਬ ਕੀਜੇ । ਮਮ ਰਾਵਣ ਕੋ ਬਹੁ ਭਾਂਤ ਕਹਯੋ ਤੁਮ  
 ਭ੍ਰਾਤ ਸੁ ਮੇ ਅਬ ਵਾਕ ਸੁਨੀਜੇ । ਯਹਿ ਰਾਮ ਨਾਰਾਇਣ ਹੈਂ  
 ਜਗਮੈ ਸੁਨਿ ਜਾਨਕੀ ਆਪ ਤਿਸੇ ਪੁਨਿਦੀਜੇ । ਸੁਨਿਯੋ ਨ  
 ਕਹਿਓ ਕਰ ਲੈ ਤਰਵਾਰ ਬਖਾਨਤ ਯਾਹਿ ਕੇ ਪ੍ਰਾਣ ਬਧੀਜੇ  
 ॥ ੫ ॥ ਨਰਾਜਛੰਦ ॥ ਸੁ ਫੇਰਿ ਮੇ ਧਿਕਾਰ ਕੈ ਬਖਾਣ  
 ਯੋਂ ਸੁਨੀਜੀਯੇ । ਸੁ ਜਾਇ ਲੰਕ ਤਿਆਗ ਕੈ ਪੁਰੀ ਨ ਬਾਸ  
 ਕੀਜੀਯੇ । ਉਭਾਰ ਹਾਥ ਮੈਂ ਗਦਾ ਸੁ ਲੰਕ ਤੇ ਪਲਾਇਓ ।  
 ਸੁ ਚਾਰ ਲੈ ਪ੍ਰਧਾਨ ਸਾਥ ਰਾਮ ਪਾਸ ਆਇਓ ॥ ੬ ॥ ਸੁਨੇ ਸੁ  
 ਕੰਭਕਾਂਨ ਵਾਕ ਭ੍ਰਾਤ ਜਾਨ ਆਇਓ । ਅਲੰਬ ਰਾਮ ਪਾਦ ਜੀਵ  
 ਕੰਠ ਮੈਂ ਲਗਾਇਓ । ਕੁਲੰ ਸੁਰੱਖ ਰਾਖਸਾ ਸੁਭ੍ਰਾਤ ਮੈਂ  
 ਵਿਸਾਰਦੇ । ਸੁ ਭਗਤਿ ਹੈ ਮਹਾਨ ਤੂ ਕਹਯੋ ਸੁ ਮੋਹ ਨਾਰਦੇ  
 ॥ ੭ ॥ ਸਵੈਯਾ ॥ ਅਬ ਜਾਹਿ ਵਿਭੀਖਣ ਤੂੰ ਇਹ ਤੇ ਸੁਨ  
 ਮੇ ਦ੍ਰਿਗ ਨਾਂਹਿ ਸੁ ਰੰਚ ਨਿਹਾਰੇ । ਇਹ ਹੈ ਅਪਨੋਂ ਕਿ ਅਹੈ  
 ਪਰਕੇ ਰਣ ਮਾਹਿ ਭਏ ਮਦ ਸੋ ਮਤਵਾਰੇ । ਇਹ ਭਾਂਤਿ ਕ  
 ਹਯੋ ਦ੍ਰਿਗ ਨੀਰ ਬਹੇ ਸੁ ਵਿਭੀਖਣ ਭ੍ਰਾਤ ਕੇ ਕਾਜ ਨਿਹਾਰੇ ।  
 ਢਿਗ ਰਾਮਕੀ ਆਇ ਖੜੇ ਹਠਕੈ ਬਹੁ ਚਿੰਤ ਭਈ ਤਿਨਚੀਤ  
 ਮਝਾਰੇ ॥ ੮ ॥ ਕੀਸਨ ਕੋ ਕਰ ਪਾਦ ਹਨੇਂ ਘਟਿਕਾਨ ਭਯੋ



ਰਣ ਮੈਂ ਦਿਗ ਰਾਤੇ । ਯੋਂ ਦਰ ਹੈ ਕਪਿਸੈਨਨ ਕੋ ਜਨੁ ਕੰਜਨ  
 ਕੋ ਸੁ ਦਰੇ ਗਜ ਮਾਤੇ । ਰਾਮ ਨਿਹਾਰ ਸੁ ਕ੍ਰੋਧ ਕੀਯੋ ਪੁਨਿ  
 ਅਸਤ੍ਰ ਸੰਭਾਰ ਲਯੋ ਤਿਨ ਵਾਤੇ । ਕਾਂਨਲੋਤਾਨ ਕਮਾਨ ਵਹੀ  
 ਘਟ ਕਾਂਨਨ ਕੀ ਭੁਜਮੈਂ ਕਿਯੋ ਘਾਤੇ ॥ ੯ ॥ ਦੋਹਰਾ ॥  
 ਮੁਗਦਰ ਸਹਿਤ ਸੁ ਦੱਖ ਕਰ ਗਿਰੈ ਸੁ ਭੂਮਿ ਮਝਾਰ । ਤੁੰਭ  
 ਕਰਨ ਰਿਸ ਮਾਨ ਕੈ ਕੀਨੋ ਨਾਦ ਅਪਾਰ ॥ ੧੦ ॥ ਸਵੈਯਾ  
 ॥ ਕਰਜਾਇ ਪਰੇ ਰਣ ਮੰਡਲ ਮੈਂ ਕਪਿ ਔਰ ਅਨੇਕ ਤਿਨੋਂ  
 ਹਨਡਾਰੇ । ਕਪਿ ਕੂਦ ਪਹਾਰਨ ਜਾਇ ਚਢੇ ਜਨ ਕੰਪਤ ਸੀਸ  
 ਬਿਆਰ ਕੇ ਮਾਰੇ । ਘਟਕਾਨ ਸੁ ਰਾਮ ਭਿਰੇ ਰਣ ਮੈਂ ਕਪਿ  
 ਮੰਡਲ ਉਰਧ ਹੋਇ ਨਿਹਾਰੇ । ਕਰ ਛੀਨ ਭਯੋ ਘਟ ਕਾਂਨਨ  
 ਕੋ ਤਰਸੂਲ ਸੁ ਦੂਸਰ ਹਾਥ ਉਭਾਰੇ ॥ ੧੧ ॥ ਰਣਰਾਘਵਮਾਰਨ  
 ਦੋਰ ਪਰੇ ਤਬ ਰਾਮ ਸਰਾਸਨ ਬਾਂਨ ਲਯੋ ਹੈ । ਤਰੁ ਸਾਲ ਸ-  
 ਮੇਤ ਸੁ ਵਾਂਮ ਕਰੋ ਹਰਿ ਬਾਂਨ ਚਲਾਇ ਸੁ ਕਾਟਿ ਦਯੋ ਹੈ ।  
 ਯੁਗ ਖੀਨ ਭਈ ਭੁਜ ਤਾਂ ਖਲਕੀ ਪੁਨਿ ਧਾਵਤ ਆਵਤ ਨਾਦ  
 ਕਯੋ ਹੈ । ਸਰ ਆਧਸਸੀ ਯੁਗ ਰਾਮ ਬਲੀ ਧਨ ਤਾਨ ਦੁਊ  
 ਪਦ ਮਾਂਹਿ ਦਯੋ ਹੈ ॥ ੧੨ ॥ ਕਾਟਿ ਦਏ ਪਦ ਦੋ ਤਿਨ ਕੇ  
 ਪੁਨਿ ਲੰਕ ਦੁਆਰ ਮੈਂ ਜਾਇ ਪਏ ਹੈਂ । ਪਾਦਭੁਜਾ ਬਿਨਭੀਖਣ  
 ਸੋਂ ਮੁਖਿ ਆਪ ਪਸਾਰ ਸੁ ਰਾਮ ਧਏ ਹੈਂ । ਸੁ ਮਨੋ ਸਸਿਰਾਹੁ  
 ਸੁ ਧਾਇ ਪਰੇ ਮੁਖਿ ਰਾਮ ਸਿਲੀ ਮੁਖ ਪੂਰ ਦਏ ਹੈਂ । ਸਰ  
 ਪੂਰਤ ਤੁੰਡ ਨਿਖੰਗ ਭਯੋ ਅਤਿ ਕ੍ਰੋਧਤਿ ਭੀਮ ਸੁ ਨਾਦ ਕਏ  
 ਹੈਂ ॥ ੧੩ ॥ ਕਬਿਤ ॥ ਸੁਰੇਸ਼ ਹੁੰਕੋ ਬਾਨਇਕ ਸੂਰਜ



ਸਮਾਂਨ ਰਾਮ ਕਾਇ ਕੈ ਨਿਖੰਗ ਵੈ ਸਰਾਸਨ ਲਗਾਯੋ ਹੈ ।  
 ਬੱਜ ਕੇ ਸਮਾਂਨ ਅਤਿ ਭਾਰੀਹੈ ਮਹਾਨ ਘਟਕਾਨਨ ਕੇ ਨਾਸ  
 ਕਾਜ ਵਹੀ ਤੁ ਚਲਾਯੋ ਹੈ । ਭੂਧਰ ਵਿਖਾਂਨਕੇ ਸਮਾਨ ਸਿਰ  
 ਭਾਰੀ ਅਤਿ ਦਾੜ੍ਹ ਵਡੀ ਲਾਮੀ ਯੁਗ ਕੁੰਡਲ ਸੁਹਾਯੋ ਹੈ ।  
 ਬ੍ਰਿਤਾਸੁਰਕੇ ਸੀਸ ਜੋ ਸੁਰੇਸ਼ ਬੱਜ ਮਾਰ ਕਟੇ ਰਾਮ ਬਾਂਣ ਮਾਰ  
 ਸੀਸ ਕਾਟਕੈ ਬਗਾਯੋ ਹੈ ॥ ੧੪ ॥ ਦੋਹਰਾ ॥ ਸੀਸਲੰਕਕੇ  
 ਦੁਾਰ ਮੈਂ ਕਾਯਾਂ ਜਲਧ ਮਝਾਰ । ਸਿਰ ਰੋਕਯੋ ਪੁਰ ਦੁਾਰ ਕੋ  
 ਕਾਇ ਹਨੇਂ ਜਲ ਚਾਰ ॥ ੧੫ ॥ ਸਵੈਯਾ ॥ ਦੇਵ ਰਖੀਸੁਰ  
 ਗੰਧੂਬ ਔ ਪੁਨਿ ਸਿੱਧ ਵਿਹੰਗਮ ਪੰਨਗ ਆਏ । ਗੁਹਯਕ  
 ਯੱਖ ਸੁ ਦੇਵ ਬਧੂ ਮਿਲਿ ਰਾਘਵਕੇ ਮੁਖਮੈਂ ਜਸ ਗਾਏ । ਮਾਹਿੰ  
 ਅਕਾਸ਼ ਵਿਮਾਨ ਫਿਰੇ ਸੁਰ ਰਾਘਵ ਹੇਰ ਸੁ ਫੁਲ ਬਸਾਏ ।  
 ਮਾਰ ਬਲੀ ਘਟਿ ਕਾਨਨਕੋ ਰਘੁਨਾਇਕ ਸਾਇਕ ਹਾਥ  
 ਫਿਰਾਏ ॥ ੧੬ ॥ ਤੋਟਕ ਛੰਦ ॥ ਮੁਨਿ ਨਾਰਦ ਜੂ ਵਿਗਰਾਮ  
 ਅਏ । ਨਿਜ ਤੇਜ ਪ੍ਰਭਾਦਿਗ ਭਾਸਕਏ । ਪਿਖਰਾਮ ਸੁ ਨੀਲ  
 ਸਰੋਜ ਸਮੰ । ਧਨੁਹਾਥ ਸਮਸੁ ਸੁ ਵੈਰ ਦਮੰ ॥ ੧੭ ॥ ਕਛੁ  
 ਤਾਮਰ ਨੈਨ ਬਿਸਾਲ ਲਸੇ । ਭੁਜ ਦੰਡ ਸੁਰੇਸ਼ ਕੁਵੰਡ ਕਸੇ ।  
 ਰਿਦ ਆਰਦ ਬਾਨਰ ਕੋ ਨਿਰਖੈਂ । ਸਰ ਪੀੜ ਮਨੋਂ ਤਿਨਕੀ  
 ਕਰਖੈਂ ॥ ੧੮ ॥ ਪਿਖ ਨਾਰਦ ਉਸਤਤਿ ਆਪਕਰੀ ॥ ਸੁ ਗਦਾ  
 ਗਦ ਵਾਕ ਕਲੇਸ਼ ਹਰੀ । ਜਗਨਾਥ ਸੁਦੇਵਨ ਦੇਵ ਹਰੇ ।  
 ਪਰਮਾਤਮ ਰਾਮ ਮੁਕੰਦ ਵਰੇ ॥ ੧੯ ॥ ਸੁ ਨਾਰਾਇਣ ਵਿੱਸੁ  
 ਅਧਾਰ ਬਲੀ । ਜਗ ਸਾਖਿਣ ਬੰਦਨ ਪਾਦ ਕਲੀ । ਘਨ



ਗਿਆਨ ਸੁ ਲੋਕਨ ਪਾਲ ਕਰੇ । ਨਿਜ ਮਾਇਕ ਮਾਨਵ ਦੇਹ  
 ਧਰੇ ॥ ੨੦ ॥ ਸੁ ਮਨੋ ਸੁਖ ਦੁਖ ਅਕਾਰ ਗਹੇ । ਨਿਜ ਮਾਇ  
 ਕਨਾਤ ਸੁ ਤਾਨ ਰਹੇ । ਸਭ ਕੇ ਰਿਦ ਅੰਤਰ ਸੋਹਿਤ ਹੋ । ਨਿਜ  
 ਜੋਤ ਪ੍ਰਭਾ ਜਨ ਸੋਹਿਤ ਹੋ ॥ ੨੧ ॥ ਅਮਲਾਤਨ ਕੋ ਰਿਦ  
 ਭਾਸਤ ਹੋ । ਸਬ ਬੰਧਨ ਮੂਲ ਬਿਨਾਸਤ ਹੋ । ਨਿਜ ਨੈਨ  
 ਉਗਾਰਤ ਹੋ ਜਬਹੀ । ਤ੍ਰਿਯ ਲੋਕ ਬਨਾਵਤ ਹੋ ਤਬਹੀ ॥ ੨੨ ॥  
 ਸਭ ਕੋਤਕ ਮਾਂਹਿ ਸੰਘਾਰ ਕਰੇ । ਜਬ ਰਾਮ ਸੁਨੈਨ ਮਿਲਾਇ  
 ਧਰੇ । ਜਿਨ ਮੈਂ ਜਗ ਪੂਰਣ ਏਹ ਰਹੇ । ਸਭ ਲੋਕ ਚਰਾਚਰ  
 ਜਾਂਹਿ ਕਹੇ ॥ ੨੩ ॥ ਜਿਨ ਮਾਂਹਿ ਨ ਕਿੰਚਤ ਲੇਪ ਕਰੇ । ਅਭਿ  
 ਬੰਦਨ ਬ੍ਰਹਮ ਸੁ ਤੋਹਿ ਹਰੇ । ਪੁਰਖੰ ਪਰਧਾਨ ਸੁ ਕਾਲ ਅਹੇ ।  
 ਤਵ ਬਜਕਤ ਅਵਜਕਤ ਸਰੂਪ ਕਹੇ ॥ ੨੪ ॥ ਇਮ ਜਾਨਤ  
 ਜੇ ਮੁਨਿ ਬੰਦ ਵਰੇ । ਅਭਿ ਬੰਦਨ ਤ ਰਘੁਨਾਥ ਹਰੇ । ਤਵ  
 ਸੁਧ ਸਰੂਪ ਬਿਕਾਰ ਨਹੇ । ਘਨ ਗਿਆਨ ਸਰੂਪ ਸੁ ਬੇਦ ਕਹੇ  
 ॥ ੨੫ ॥ ਸੂਤ ਵਿੱਸੁ ਅਕਾਰ ਸੁ ਤੋਹਿ ਭਨੇ । ਤਵ ਭੀਤਰ ਨਾਹਿ  
 ਵਿਰੋਧ ਗੋਨੇ । ਵਹਿ ਵਾਦ ਵਿਰੋਧ ਨਿਹਾਰਤ ਜੇ । ਤਵ ਮਾਂਹਿ  
 ਨਹੀਂ ਨਰ ਭਾਖਤ ਸੇ ॥ ੨੬ ॥ ਗੀਯਾ ਮਾਲਤੀ ਛੰਦ ॥  
 ਬਿਨਾਂ ਤੋਹਿ ਪ੍ਰਸਾਦਿ ਨਿਸਚੇ ਨਾਂ ਕਦਾਚਿਤ ਪੇਖੀਯੇ । ਨਿਜ  
 ਮਾਇ ਖੇਲੇ ਵੇਵਤੁ ਵਿਰੋਧ ਨਾਂ ਕੁਛੁ ਵੇਖੀਯੇ । ਰਵਿ ਰਸਿਨ  
 ਜਾਲ ਬਿਚਾਰ ਬਿਨ ਜਿਮਨੀਰ ਲੋਕ ਨਿਹਾਰਹੀਂ । ਅਗਿਆਨ  
 ਕੈ ਤਿਮ ਰਾਮ ਤੋਮੈਂ ਭ੍ਰਾਂਤਿ ਜਗਤ ਉਚਾਰਹੀਂ ॥ ੨੭ ॥ ਜਹ  
 ਕੋ ਨ ਬਾਣੀਂ ਕਹਿਸਕੈ ਮਨੁ ਨਾਹਿ ਜਾਂਹਿ ਨਿਹਾਰਹੈ । ਅਵਿਖੇ



ਤੇਰੇ ਰੂਪ ਨਿਰਗੁਨ ਰਾਮ ਬੇਦ ਉਚਾਰ ਹੈਂ। ਵਿਸ਼ਟ ਨਾਂ ਵੇਹ  
 ਹੋਵਈ ਕਿਹ ਭਾਂਤਿ ਤਾਹਿ ਨਿਹਾਰਹੈਂ। ਬਿਨ ਪਿਖੇ ਸੇਵੇ ਤਾਂ  
 ਕਥੰ ਬਿਨ ਸੇਵ ਨਾ ਨਿਰਧਾਰ ਹੈਂ ॥ ੨੮ ॥ ਇਹ ਹੇਤ ਲੈ  
 ਅਵਤਾਰ ਤੈਂ ਭੁਵਰੂਪ ਸੁੰਦਰ ਧਾਰਿਆ। ਭਜੇ ਬੁੱਧਿ ਸਪੰਨ ਤੋਕੇ  
 ਤਰੇ ਭਵਨਿਧ ਪਾਰਿਆ। ਕਾਮ ਕ੍ਰੋਧ ਸੁ ਅਹੇ ਤਸਕਰ ਸਦਾ  
 ਚੀਤ ਡਰਾਇਹੈਂ। ਮਜਾਰ ਜਜੋਂ ਜਗ ਮੂਸ ਯਾਂਕੋ ਤਜੋਂ ਸਦਾ  
 ਬਿਲਲਾਇ ਹੈਂ ॥ ੨੯ ॥ ਤਵ ਨਾਮ ਸਿਮਰਨ ਜੇ ਕਰੇ ਤਵ  
 ਰੂਪ ਉਰਮੈਂ ਧਯਾਇ ਹੈਂ। ਤਵ ਕਰੇ ਪੂਜਾ ਰਾਮਤੇ ਪੁਨਿ ਕਥਾ  
 ਅੰਮ੍ਰਿਤ ਗਾਇ ਹੈਂ। ਤਵ ਭਗਤਿ ਸੰਗਤਿ ਰਾਮਜੇ ਜਗ ਨੀਤ  
 ਚੀਤ ਕਮਾਇ ਹੈਂ। ਜਗ ਸਿੰਧਕੇ ਕਰ ਗੋ ਪਦਾ ਸੁਖ ਸਿੰਧੁ ਤੇ  
 ਤਰਜਾਇ ਹੈਂ ॥ ੩੦ ॥ ਵੋਹਰਾ ॥ ਯਾਤੇ ਸਗਣ ਸਰੂਪ ਤੇ ਮੈ  
 ਉਰ ਭਜੋਂ ਅਭੇਵ। ਮੁਕਤਿ ਫਿਰੋਂ ਸਭ ਲੋਕਮੈਂ ਪੂਜੇਂਮਮ ਸਭ  
 ਦੇਵ ॥ ੩੧ ॥ ਕਬਿਤੁ ॥ ਦੇਵਨ ਕੇ ਕਾਜ ਰਾਜ ਕੀਨੇਂ ਹੈਂ  
 ਮਹਾਂਨ ਤਵ ਮਾਰੇ ਘਟਕਾਨ ਭਾਰ ਭੂਮਿਕੋ ਉਤਾਰਿਯੋ।  
 ਲਖਮਣ ਹਾਥ ਪੁਨਿ ਪ੍ਰਾਤ ਰਘੁਨਾਥ ਰਣਰਾਵਣ ਕੋ ਪੂਤ ਇੰਦ੍ਰ  
 ਜੀਤ ਪੇਖ ਮਾਰਿਯੋ। ਮਾਰੇਂਗੋ ਤੁ ਰਾਮ ਤੁਮ ਯਾਹੀਤੇ ਅਗਾਰੀ  
 ਦਿਨ ਰਾਵਣ ਕੋ ਲੰਕਪਤਿ ਸਾਚੁ ਮੋ ਉਚਾਰਿਯੋ ॥ ਸਿੰਧਨ ਕੇ  
 ਸਾਥ ਰਣ ਦੇਖੇ ਰਘੁਨਾਥਧਰ ਭਈ ਭਟਭੀਰ ਜਾਇ ਗਗਨ  
 ਮਝਾਰਿਯੋ ॥ ੩੨ ॥ ਦਯਾਮੋਹਿ ਕੀਜੀਯੇ ਸੁ ਰਾਮ ਚਿਰ ਜੀਜੀ  
 ਯੇ ਸੁ ਦੇਵਲੋਕ ਜਾਉਂ ਮੁਹਿ ਆਇਸੁ ਸੁ ਦੀਜੀਯੇ। ਐਸੇ ਤੁ  
 ਬਖਾਨ ਪੁਨਿ ਆਇਸੁ ਪ੍ਰਮਾਨ ਕਰ ਗਏ ਭਗਵਾਨ ਰਿਖ



ਨਾਰਦ ਭਨੀਜੀਯੇ । ਚਲੇ ਪਥਿ ਜਾਹਿ ਦੇਵ ਪੂਜਤ ਸੁ ਤਾਹਿ  
 ਪੁਨਿ ਗਯੋ ਬ੍ਰਹਮ ਲੋਕ ਜਾਹਿ ਪਾਪ ਸਭ ਛੀਜੀਯੇ । ਭ੍ਰਾਤ  
 ਘਟ ਕਾਨਨ ਦਸਾਨਨ ਸੁ ਮੁਏ ਸੁਨੇਂ ਭਯੋ ਉਰ ਤਾਪ ਅਬ  
 ਸੋਈ ਸੁਨਿ ਲੀਜੀਯੇ ॥ ੩੩ ॥ ਰਾਵਣ ਸਸ਼ੋਕ ਭਯੋ ਸੁਖਤੇ  
 ਪਲਾਇ ਗਯੋ ਭਈ ਤਨ ਮੂਰਛਾ ਸੁ ਭੂਮਿ ਮੈਂ ਗਿਰਾਯੋ ਹੈ ।  
 ਉਠਕੈ ਸੰਭਾਰ ਦੁਊ ਹਾਥਨ ਉਭਾਰ ਮਾਰੇ ਮੁੰਡਕੇ ਮਝਾਰ ਹਾਇ  
 ਹਾਇ ਬਿਲਲਾਯੋ ਹੈ । ਕੰਭਕਾਨ ਮੁਏ ਪੁਨਿ ਤਾਤ ਹੈ ਬਿਹਾਲ  
 ਭਏ ਐਸੀ ਸੁਨਿਬਾਤ ਇੰਦ੍ਰ ਜੀਤ ਆਪ ਆਯੋ ਹੈ । ਤਾਤ  
 ਮਹਾਂਮਤ ਤੁਮ ਸ਼ੋਕਕੋ ਬਿਗਤ ਕਰੋ ਜੀਵਤ ਹੀ ਮੇਘਨਾਦ ਕਾਹੇ  
 ਦੁਖ ਪਾਯੋ ਹੈ ॥ ੩੪ ॥ ਦੇਵਨ ਕੇ ਨਾਸ਼ਕ ਹੋ ਤੇਜ ਕੇ ਪ੍ਰਕਾਸ਼ਕ  
 ਹੋ ਸਾਵਧਾਨ ਹੂਜੇ ਅਬ ਦੁੱਖਕੋ ਮਿਟਾਇਕੈ । ਸ਼ਾਂਭ ਮਮ ਕਰੋ  
 ਸਭ ਵੈਰਨ ਕੇ ਸੀਸ ਹਰੋ ਕਰੋਂ ਅਬ ਹੋਮ ਸੁ ਨਿਕੁੰਭਲ ਮੈਂ  
 ਜਾਇਕੈ ॥ ਹੋਵੋਂਗੋ ਅਜੀਤ ਸਭ ਵੈਰਨਕੋ ਜੀਤ ਕਰੋਂ ਸਜੰਦਨ ਤੇ  
 ਆਦਿ ਵਰ ਪਾਵਕ ਤੇ ਪਾਇਕੈ । ਐਸੇ ਤੁ ਬਖਾਨ ਸੁਭ ਹੋਮਕੇ  
 ਸਥਾਨ ਪੁਨਿ ਗਯੋ ਹੈ ਭਵਾਂਨੀ ਵਹਿ ਮੇਘਨਾਦ ਧਾਇਕੈ ॥ ੩੫ ॥  
 ਲਾਲਪਾਟ ਲਾਲ ਮਾਲ ਲਾਲਹੀਂ ਸੁ ਪਾਗ ਭਾਲ ਲਾਲ ਤਨ  
 ਚੰਦਨਕੇ ਲੇਪਕੇ ਲਗਾਯੋ ਹੈ ॥ ਨਿਕੁੰਭਲਾ ਮਝਾਰ ਮੁਖਿ ਮੋਨਿ  
 ਤਿਨ ਧਾਰ ਪੁਨਿ ਹੋਮਕੇ ਨਮਿੱਤ ਤਹਿ ਪਾਵਕ ਜਗਾਯੋ ਹੈ ।  
 ਕਰੋ ਇੰਦ੍ਰਜੀਤ ਪੁਨਿ ਬੈਠਕੇ ਨਿਚੀਤ ਹੋਮ ਯਹੀ ਸਮਾਂਚਾਰ  
 ਸੁਵਿਭੀਖਣ ਨੇਂ ਪਾਯੋ ਹੈ । ਸਮਾਂਚਾਰ ਪਾਇ ਪੁਨਿ ਰਾਮਕੇ  
 ਸਮੀਪ ਜਾਇ ਇੰਦ੍ਰ ਜੀਤ ਹੋਮ ਉਮਾਂ ਰਾਮਕੋ ਅਲਾਯੋ ਹੈ ॥ ੩੬ ॥



॥ ਵਿਭੀਖਣੋਂ ਵਾਚ ॥ ਦੋਹਰਾ ॥ ਸੁਨੋ ਰਾਮ ਤੋਕੋ ਕਹੋਂ ਮੇਘਨਾਦ  
 ਕੇ ਕਾਜ । ਅਪਨੀ ਜੀਤ ਨਮਿੱਤ ਵਹ ਕਰਭ ਹੋਮ ਖਲਰਾਜ  
 ॥੩੭॥ ਨਿਕਸੇ ਗੋ ਰਬ ਅੱਸੂ ਪੁਨਿ ਆਯੁਧ ਯੁਜਾ ਸੁ ਚੀਰ  
 । ਹੋਇ ਸਮਾਪਤਿ ਹੋਮ ਜਬ ਮੇਘਨਾਦ ਰਘੁਬੀਰ ॥ ੩੮ ॥  
 ਦੇਵ ਦੈਤ ਨਹਿ ਜਿਤ ਸਕੈਂ ਫੇਰਤਿਸੇ ਜਗਮਹਿ । ਯਾਂਤੇ ਲਖ  
 ਮਣ ਹਾਥ ਤਿਨ ਬੇਗ ਹਨੋਂ ਰਣ ਮਾਹਿ ॥੩੯॥ ਆਗਯਾ ਮੋ  
 ਸੀਗ ਦੀਜੀਏ ਲਖਮਣ ਬਲ ਬੱਖਯਾਤ । ਬਿਨ ਸੰਦੇਹ ਘਨ  
 ਨਾਦਕੋ ਮਾਰੇ ਗੋ ਤਵ ਭ੍ਰਾਤਿ ॥ ੪੦ ॥ ਸ੍ਰੀ ਰਾਮੋ ਵਾਚ ॥  
 ਦੋਹਰਾ ॥ ਮੈਂਹੀ ਚਾਲੋਂ ਆਪਤਹਿ ਇੰਦ੍ਰ ਜੀਤ ਬਲਵੰਤ ।  
 ਪਾਵਕ ਅਸਤ੍ਰ ਸੁ ਮਾਰਿਕੈ ਤਾਹਿ ਕਰੋਂ ਸਤਖੰਡ ॥ ੪੧ ॥  
 ਸ੍ਰੈਯਾ ॥ ਸੁਵਿਭੀਖਨਫੇਰਿ ਕਹਯੋ ਰਘੁਨਾਥ ਸੁ ਔਰਨ ਮਾਰਸਕੈ  
 ਤਿੰਹ ਕੋਈ । ਜਿਹ ਦ੍ਰਾਦਸਵਰਖ ਅਹਾਰ ਤਜੇ ਪੁਨਿ ਨਾਹਿ  
 ਕਦੀ ਢਿਗ ਨੀਂਦ ਸੁ ਜੋਈ । ਚਤੁਰਾਨਨ ਆਪ ਕਹਯੋ ਮੁਖਤੇ  
 ਇਨਕੋ ਮਰਣੋਂ ਪੁਨਿ ਤਾਹਿ ਤੇ ਹੋਈ । ਲਖਮੰਨ ਤਜੀ ਜਬ  
 ਔਧ ਪੁਰੀ ਤਬ ਨੀਂਦ ਅਹਾਰ ਤਜੇ ਤਿਨ ਦੋਈ ॥੪੨॥ ਪਦ  
 ਪੰਕਜ ਤੇ ਇਨ ਨੀਤਭੁਜੇ ਯਹਿ ਜਾਨਿਲਈ ਸਗਲੀ ਮਮ  
 ਰਾਮਾ । ਅਬ ਆਇਸੁ ਬੇਗ ਦਿਜੇ ਇਹ ਕੋ ਅਰਿ ਮਾਰ ਕਰੇ  
 ਤਵ ਪੂਰਣ ਕਾਮਾਂ । ਨਿਹਚੈ ਯਹਿ ਮਾਰਹਿਗੋ ਤਿਨਕੋ ਸੁ ਧਰਾ  
 ਧਰ ਸੈਸ ਮਹਾਂ ਬਲਧਾਮਾਂ । ਹਨੇਂ ਦਸਕੰਧਰ ਕੇ ਸੁਤਕੋ ਸਭ  
 ਰੋਵਹਿ ਰਾਖਸ਼ ਕੀ ਘਰ ਵਾਮਾਂ । ੪੩ ॥ ਦੋਹਰਾ ॥ ਜਗਤਿ  
 ਅਪੀਸ ਸੁ ਰਾਮ ਤੁਮ ਨਾਰਾਇਣ ਭਵਹਾਰ । ਲਖਮਣਸੇਸ



ਭੁਨੀਜੀਏਨਿਖਲਧਰਤਆਧਾਰ॥੪੪॥ ਧਰਣੀਭਾਰਨਿਵਾਰ  
ਹਿਤ ਤੁਮ ਲੀਨੋਂ ਅਵਤਾਰ । ਜਗ ਨਾਟਕ ਕੇ ਸੂਤਕੋ ਤੁਮ  
ਹੋ ਧਾਰਣਹਾਰ॥ ੪੫ ॥ ਇਤਿਸ੍ਰੀ ਮਤਿ ਅਧਯਾਤਮ ਰਾਮਾ  
ਇਣੇਂ ਉਮਾ ਮਹੇਸ਼ੁਰ ਸੰਬਾਦੇ ਯੁੱਧ ਕਾਂਡੇ ਅਸ਼੍ਰਮੋ ਧਰਮਾਇ॥੯॥

ਸ੍ਰੀ ਮਹਾਂਦੇਵ ਉਵਾਚ ॥ ਦੋਹਰਾ ॥

ਸੁਨਤ ਵਿਭੀਖਨ ਵਾਕ ਪੁਨਿ ਬੋਲੇ ਸ੍ਰੀ ਭਗਵਾਨ । ਵਿਭੀਖਣ  
ਜਾਨੋਂ ਮੈ ਤਿਸੇ ਕਪਟੀ ਹੈ ਬਲਵਾਨ ॥ ੧ ॥ ਬ੍ਰਹਮਾਸਤ੍ਰ ਵਿਤ  
ਸੂਰ ਅਤਿ ਮਾਇਆਵੀ ਬਲਵਾਨ ॥ ਐਸੇ ਦੈਤ ਬਲਿਸ੍ਰਅਤਿ  
ਜੋ ਤੈਂ ਕੀਨ ਬਖਾਨ ॥ ੨ ॥ ਅਝਿਲ ॥ ਜਾਨੋਂ ਲਖਮਣ ਰੂਪ  
ਸੁਨੋਂ ਮਨ ਲਾਇਕੈ । ਮਮ ਸੇਵਕ ਪਰਬੀਨ ਮਹਾਂਸੁਖਦਾਇਕੈ  
। ਭਾਵੀ ਕਾਰਯ ਜਾਨ ਮੌਨ ਉਰ ਮੈਂ ਗਹੀ । ਹੋ ਭੋਜਨ ਦਯੋ  
ਨ ਮੋਹਿ ਸੁ ਮਾਰੇਗੋ ਵਹੀ॥੩॥ ਐਸੇ ਰਾਮ ਸੁ ਭਾਖ ਭ੍ਰਾਤ ਬਖਾ  
ਨਈ । ਗਿਰਜਾ ਵੈ ਭਗਵਾਨ ਸਭੀ ਕੁਛ ਜਾਨਈ । ਲਖਮਣ  
ਸੰਗ ਸੁ ਸੈਨ ਬਡੀ ਅਬ ਲੀਜੀਯੇ । ਹੋ ਜਾਇ ਦਸਾਨਨ ਪੂਤ  
ਬੇਗ ਬਧ ਕੀਜੀਏ ॥ ੪ ॥ ਹਨੁਮਤ ਸੇ ਸਰਦਾਰ ਸਭੈ ਸੰਗ  
ਲੀਜੀਏ । ਜਾਂਬਵਾਂਨ ਰਿਛੇਸ਼ ਸਹਾਇਕ ਕੀਜੀਏ । ਵਿਭੀ  
ਖਣ ਲੈ ਪਰਧਾਨ ਸੰਗ ਤਵ ਜਾਇ ਹੈ । ਹੋਜਾਨਤ ਸਭੈ ਸੁਦੇਸ  
ਵਿਵਰਜ ਬਤਾਇ ਹੈ ॥੫॥ ਰਾਮ ਵਚਨ ਸੁਨਿ ਲਖਮਣ ਸੰਗ  
ਵਿਭੀਖਣੇਂ । ਔਰ ਸਰਾਸਨ ਲਯੋ ਬਾਣ ਅਤਿ ਤੀਖਣੇ । ਰਾਮ  
ਪਦਾਂਬੁਜ ਹਾਥ ਸੁ ਸੀਸ ਝੁਕਾਇਕੈ । ਹੋ ਲਖਮਣ ਕਰਤ  
ਬਖਾਨ ਸੁਨੋਂ ਮਨ ਲਾਇਕੈ॥੬॥ ਆਜੁ ਸਰਾਸਨ ਬਾਨ ਮੋਹਿ



ਛੁਟਕਾਹਿੰਗੇ । ਮੇਘਨਾਦ ਤਨ ਫੋੜ ਪਤਾਲ ਧਸਾਹਿੰਗੇ ।  
 ਭੋਗਵਤੀਕੇ ਨੀਰ ਭਲੀ ਬਿਧਿ ਨ੍ਰਾਇਕੈ । ਹੋਪਰੇ ਨਿਖੰਗਹਿ  
 ਆਇ ਸੁ ਸ਼੍ਰੋਣ ਮਿਟਾਇਕੈ ॥ ੭ ॥ ਐਸੀ ਲਖਮਣ ਬਾਤ ਸੁ  
 ਮੁਖੋਂ ਉਚਾਰਕੈ । ਰਾਮ ਭ੍ਰਾਤ ਕੀ ਤੀਨਿ ਪ੍ਰਦੱਖਣ ਧਾਰਕੈ ।  
 ਇੰਦ੍ਰਜੀਤ ਬਧਚਾਹਿ ਸੁਮਨ ਮੈ ਹੈ ਧਰੀ । ਹੋ ਚਲੇ ਉਤਾਇਲ  
 ਲਖਮਣ ਰਣ ਕੀ ਮਤਿ ਕਰੀ ॥ ੮ ॥ ਲਖਮਣ ਪਾਛੇ ਚਾਲੇ  
 ਹਨੁਮਤਿ ਧਾਇਕੈ । ਬਾਨਰਬਹੁਤ ਹਜ਼ਾਰ ਸੁ ਸੰਗ ਲਵਾਇਕੈ  
 । ਵਿਭੀਖਣ ਲੀਨ ਅਮਾਤ ਮਹਾਂਬਲ ਜੇਵਰੀ । ਹੋਚਲੇ ਸਿਤਾ  
 ਬੀ ਦੌਰ ਢੀਲ ਨਹਿ ਕਛਕਰੀ ॥ ੯ ॥ ਜਾਂਮਵਾਨ ਸਭ ਲੀਨੇ  
 ਰੀਛ ਬੁਲਾਇਕੈ । ਲਖਮਣ ਸੰਗ ਸੁ ਚਾਲੇ ਹਰਖ ਬਢਾਇਕੈ  
 । ਜਾਇ ਨਿਕੁੰਭਲ ਦੇਸ਼ ਲਛਮਣ ਪੁਨਿ ਪੇਖਿਯੋ । ਹੋ ਰਾਖਸ਼  
 ਸੈਨ ਅਪਾਰ ਮਹਾਂ ਬਲ ਦੇਖਿਯੋ ॥ ੧੦ ॥ ਲਖਮਣ ਖੈਂਚ  
 ਸਰਾਸਨ ਸਰਹਿ ਸੁ ਡਾਰਕੈ । ਸਾਵਧਾਨ ਤਬ ਹੋਏ ਬਲਿ  
 ਸੰਭਾਰਕੈ । ਅੰਗਦ ਬੀਰ ਸਹਾਇਕ ਲਖਮਣ ਕੇ ਭੁਏ । ਹੋ  
 ਜਾਂਬਵਾਨ ਕਪਿਮੌਲ ਸੰਗ ਸਭਹੀ ਲਏ ॥ ੧੧ ॥ ਤਏ ਵਿਭੀਖਣ  
 ਆਪ ਸੁ ਬੈਨ ਉਚਾਰਿਆ । ਸੁਨੀਏ ਲਖਮਣ ਆਜ ਸੁ ਬਚਨ  
 ਹਮਾਰਿਆ । ਘਨ ਸੀ ਰਾਖਸ਼ ਸੈਨਿ ਏਹ ਪਿਖਲੀਜੀਏ । ਹੋ  
 ਯਾਂਕੇ ਭੇਦਨ ਮਾਹਿ ਯਤਨ ਬਹੁ ਕੀਜੀਯੋ ॥ ੧੨ ॥ ਤੋਮਰਛੰਦ  
 ॥ ਅਬ ਸੈਨ ਯਾ ਹਨਿ ਡਾਰਾ ਘਨ ਨਾਦ ਨੈਨ ਨਿਹਾਰ । ਅਬ  
 ਬੇਗ ਕੀਜੇ ਸੋਇ । ਨਹਿ ਹੋਮ ਪੂਰਨ ਹੋਇ ॥ ੧੩ ॥ ਦੋਹਰਾ  
 ॥ ਹਿੰਸਾ ਧਰਮਕ ਦੁਸ਼ੁ ਅਤਿ ਰਾਵਣ ਕੇ ਸੁਤ ਬੀਰ । ਪੁਨਿ



ਮਾਰੋ ਧਨੁ ਤਾਨਿ ਕੈ ਲਖਮਣ ਅਤਿ ਰਣਧੀਰ॥੧੪॥ ਸੁਨਤ  
 ਵਿਭੀਖਣ ਬਾਤ ਕੋ ਲਖਮਣ ਕ੍ਰੋਧ ਅਪਾਰ। ਧਾਰ ਸਰਾਸਨ  
 ਹਾਥ ਮੇਂ ਲਏ ਸੁ ਬਾਨ ਨਿਕਾਰ॥ ੧੫ ॥ ਸਵੈਯਾ ॥ ਮਘਵਾ  
 ਜਿਤ ਹੋਮਕਰੇ ਜਿਹ ਠੌਰ ਸੁ ਬਾਨ ਅਨੇਕ ਤਹਾਂ ਤਿਨਿ ਮਾਰੇ  
 । ਪੁਨਿ ਭੂਧਰ ਭੂਰਹਿ ਲੈ ਕਰਮੈ ਕਪਿ ਯੂਥਪਵੈ ਘਨ ਸੇ ਕਿ  
 ਲਕਾਰੇ। ਪੁਨਿ ਦੈਤਨ ਕੇ ਸਿਰ ਮੈ ਤਰੁ ਮਾਰਤ ਮਾਰ ਸਿਲਾ  
 ਨਖਸੌਂਤਨ ਫਾਰੇ॥ ਉਰਰਾਖਸ਼ ਕੋਪ ਭਰੇ ਤਬਹੀਂ ਅਸਿਬਾਨ  
 ਸੁ ਭੋਮਰ ਕੀਸ ਬਿਦਾਰੇ ॥ ੧੬ ॥ ਬਾਨਰ ਐ ਪੁਨਿ ਰਾਖਸ਼  
 ਕੋ ਗਿਰਜਾ ਅਤਿ ਭੇਰ ਭਯੋ ਤਿਹਭਾਰੀ। ਗਾਜਤ ਯਾਬਿਧਿ  
 ਸੂਰ ਮਨੋ ਨਿਧਖੀਰ ਮਥਾਵਤ ਫੇਰ ਮੁਰਾਰੀ। ਰਾਵਣਕੇ ਸੁਤ  
 ਤਾਹਿ ਸਮੈਂ ਨਿਜ ਸੈਨ ਦਲੀ ਰਣਿ ਮਾਹਿ ਨਿਹਾਰੀ। ਹੋਮ  
 ਨਿਕੁੰਭਲ ਦੇਸ ਤਜੇ ਨਿਕਸੇ ਪੁਨਿ ਬੇਗ ਮਹਾਂ ਬਲਧਾਰੀ॥  
 ੧੭ ॥ ਸੰਦਨ ਮਾਹਿ ਅਰੂਢ ਭਯੋ ਕੁਪ ਤਾਹਿ ਲਈ ਕਰ  
 ਮਾਹਿ ਕਮਾਨੇਂ। ਦੌਰ ਅਏ ਰਣ ਮੰਡਲ ਮੈਂ ਗਿਰਜਾ ਇਹ  
 ਭਾਂਤਿ ਸੁ ਬੈਨ ਬਖਾਨੇ। ਹੈਂ ਘਨਨਾਦਿ ਅਏ ਰਣਮੈ ਲਖਮੰਨਿ  
 ਨ ਛੁਟਸ ਆਜ ਪਲਾਨੇ। ਪਿਤ੍ਰ ਵਿਭੀਖਣ ਤਾਹਿ ਪਿਖੇ  
 ਘਨਨਾਦ ਸੁ ਨਿੱਠਰਵਾਕ ਅਲਾਨੇ॥ ੧੮ ॥ ਨਿਪਜੇ ਇਹ ਠੌਰ  
 ਵਧੈ ਸੁ ਇਹਾਂ ਸੱਖਯਾਤ ਸੁ ਮੋ ਪਿਤ ਕੇ ਤੁਮ ਭਾਈ। ਰਣ ਐ  
 ਸਰਬੰਧੁ ਤਜੇ ਅਪਨੋਂ ਪਰ ਭ੍ਰਿੱਤ ਭਯੋ ਹਮਤੇ ਸੁ ਪਲਾਈ।  
 ਸੁਤ ਭ੍ਰਾਤਕੇ ਸਾਥ ਸੁ ਦ੍ਰੋਹ ਕਰੇ ਪੁਨਿ ਮੂਰਖ ਲਾਜਨ ਰੰਚਕ  
 ਆਈ। ਇਹ ਭਾਂਤਿ ਬਖਾਨ ਹਨੂੰ ਮਤ ਪੀਠ ਪਿਖੇ ਲਖਮੰਨਿ



ਕਮਾਂਨ ਚਢਾਈ ॥ ੧੯ ॥ ਹਾਥ ਉਭਾਰ ਬਡੀ ਤਰਵਾਰ  
 ਸਯੰਦਨ ਮੈਂ ਘਨਨਾਦ ਸੁਹਾਏ ॥ ਫੇਰ ਲਯੋ ਧਨੁ ਤਾਂਨਤਿਨੇ  
 ਜਿਹ ਹੇਰ ਸੁਰੇਸ਼ਰ ਚਾਂਪ ਲਜਾਏ । ਆਜ ਪਿਵੇਂ ਕਪਿ ਸ਼੍ਰੋਣਤ  
 ਮੇਸਰਯਾ ਬਿਧਕੇ ਮੁਖ ਬੈਨ ਅਲਾਏ । ਤਾਹਿ ਸਮੈ ਲਖਮਨਿ  
 ਮਹਾਂ ਬਲਿ ਆਪ ਸਰਾਸਨ ਮੈਂ ਸਰ ਲਾਏ ॥ ੨੦ ॥ ਨਰਾਜ  
 ਛੰਦ ॥ ਤਬੈ ਸੁ ਰਾਮ ਭ੍ਰਾਤ ਬਾਨ ਮੇਘਨਾਦਿ ਮਾਰਿਆ  
 । ਸੁਕਾਂਹਿ ਸਰਪ ਸੇਰਯੇ ਤਿਨੇ ਸੁ ਕ੍ਰੋਧ ਧਾਇਆ । ਸੁ ਲਾਲ  
 ਨੈਨ ਮੇਘਨਾਦ ਰਾਮ ਭ੍ਰਾਤ ਹੇਰਈ । ਸੁ ਬੱਜ ਕੇ ਸਮਾਂਨ ਬਾਂਨ  
 ਹੈ ਲਗੇ ਨ ਟੇਰਈ ॥ ੨੧ ॥ ਸਵੈਯਾ ॥ ਦੋ ਘਟਿਕਾ ਤਨ  
 ਮੂਰਛਤਾ ਮਘਵਾਜਿਤ ਫੇਰ ਸੁ ਨੈਨ ਉਘਾਰੇ । ਰਾਵਣਕੇ  
 ਸੁਤ ਤਾਹਿ ਸਮੈਂ ਰਣ ਦਾਸਰਥੀ ਰਘੁਬੀਰ ਨਿਹਾਰੇ । ਦ੍ਰਿਗ  
 ਲਾਲ ਭਏ ਮਘਵਾਜਿਤ ਕੇ ਕਰ ਮਾਹਿ ਸਰਾਸਨ ਤਾਹਿ  
 ਸੰਭਾਰੇ । ਧਾਰ ਸਰਾਸਨ ਮੈਂ ਸਰ ਤੀਖਨ ਰਾਮਕੇ ਭ੍ਰਾਤਸੋਂ ਏਨ  
 ਉਚਾਰੇ ॥ ੨੨ ॥ ਪੂਰਬ ਯੁਧ ਬਿਖੇ ਹਮਰੇ ਜਬ ਨਾਹਿ ਪਰਾ  
 ਕ੍ਰਮ ਨੈਨ ਨਿਹਾਰੇ । ਠਾਂਢ ਰਹੇ ਰਣ ਮੰਡਲ ਮੈਂ ਅਬ ਤੋਹਿ  
 ਕੇ ਬੇਗ ਸੁ ਦੇਉਂ ਦਿਖਾਰੇ ॥ ਐਸੇ ਬਖਾਂਨ ਲਏ ਸਤਬਾਂਨ ਸੁ  
 ਤਾਂਨ ਕਮਾਂਨ ਅਹੇ ਸਰਮਾਰੇ । ਫੇਰ ਲਏ ਦਸਬਾਂਨ ਹਨੇ ਪੁਨਿ  
 ਤਾਨ ਕਮਾਂਨ ਸੁ ਵਾਯੁ ਕੁਮਾਰੇ ॥ ੨੩ ॥ ਅੜਿਲ ॥ ਤੀਖੇ  
 ਜਾਂਹਿ ਪਿਕਾਮ ਸੁ ਸਾਂਨ ਸਵਾਰਿਆ । ਇੰਦ੍ਰ ਜੀਤ ਸੋ ਬਾਨ  
 ਵਹੀ ਸੁ ਨਿਕਾਰਿਆ ॥ ਚਾਰਾ ਨਾਮ ਵਿਭੀਖਣ ਰਣਹਿ ਉਚਾ  
 ਰਿਆ । ਹੋ ਕੋਪ ਦੁਗਣ ਬਲਧਾਰ ਤਾਹਿ ਉਰਿ ਮਾਰਿਆ ॥



੨੪ ॥ ਸਵੈਯਾ ॥ ਲਖਮੰਨਿ ਲਏ ਸਰ ਜਾਲ ਤਬੈ ਘਨ ਸੇ  
 ਮਘਵਾਜਿਤ ਕੇ ਬਰਸਾਏ । ਤਨ ਤਾਣੁ ਸੁਕਾਂਚਨ ਕੋ ਰਣ ਮੈਂ  
 ਮਘਵਾਜਿਤ ਕੋ ਅਤਿ ਸੈ ਲਸਕਾਏ । ਤਿਲ ਸੇ ਬਹੁਖੰਡ ਭਏ  
 ਤਿਨਕੇ ਰਥ ਭੂਮਿ ਸਮੀਪ ਗਿਰੇ ਚਮਕਾਏ । ਜਨੁ ਲੋਹ ਫੁ  
 ਲਿੰਗ ਸੁ ਭੂਮਿ ਗਿਰੇ ਸੁ ਮਨੋ ਪਟਬੀਜਨ ਹੈ ਮਿਲਿ ਆਏ  
 ॥ ੨੫ ॥ ਮਘਵਾ ਜਿਤ ਬਾਨ ਹਜ਼ਾਰ ਲਏ ਉਰ ਕੋਪ ਭਰੇ  
 ਲਖਮੰਨਿ ਪ੍ਰਹਾਰੇ । ਸਿਯ ਦੇਵਰਕੇ ਤਨੁ ਪ੍ਰਾਨਤੁਟੇ ਵਹਿਜਾਇ  
 ਪਰੇ ਪੁਨਿ ਭੂਮਿ ਮਝਾਰੇ । ਯੁਗ ਬੀਰ ਕਰੇ ਪ੍ਰਤਿ ਘਾਤਿ ਉਮਾ  
 ਪੁਨਿ ਆਪਸ ਮੈ ਰਣ ਘਾਤ ਨਿਵਾਰੇ । ਰਸ ਬੀਰ ਭਰੇ ਰਣ  
 ਸੂਕਤ ਯੋ ਸੁ ਮਨੋਂ ਅਹਿ ਰਾਜ ਭੁਜੰਗਮ ਕਾਰੇ ॥ ੨੬ ॥  
 ਯੁਧਿ ਅਨੂਪਮ ਤਾਂਹਿਭਯੋ ਸਰ ਕ੍ਰਿਤਤ ਤਾਂਹਿਭਏ ਸਰਬੰਗਾ  
 । ਸ੍ਰੋਣਤ ਧਾਰ ਅਪਾਰ ਫੁਟੇ ਤਨ ਬੀਰ ਭਏ ਰਣ ਮਾਹਿ  
 ਸੁਰੰਗਾ । ਦੀਰਘ ਕਾਲ ਲਰੇ ਰਣ ਮੈ ਸਰ ਆਪਸ ਮਾਹਿ  
 ਚਲਾਇ ਨਿਸੰਗਾ ॥ ਜੀਤ ਭਯੋ ਰਣ ਮੈ ਇਨਕੋ ਪੁਨਿ ਨਾਹਿ  
 ਸੰਗ੍ਰਾਮ ਭਯੋ ਕੋਊ ਭੰਗਾ ॥ ੨੭ ॥ ਪੁਨਿ ਤਾਂਹਿ ਸਮੈਂ ਅਤਿ  
 ਕੋਪ ਭਏ ਲਖਮੰਨਿ ਸਿਲੀਮੁਖ ਪਾਂਚਨਿਕਾਰੇ । ਮਘਵਾਜਿਤ  
 ਸਾਰਥ ਸੰਦਨ ਔ ਪੁਜਿਕਾਟਿ ਤੁਰੰਗਮ ਦੂਰ ਬਿਦਾਰੇ । ਪੁਨਿ  
 ਕਾਟ ਸਰਾਸਨ ਬੇਗ ਦਯੋ ਕਰਕੈ ਫੁਰਤੀ ਰਣ ਮਾਹਿ ਦਿਖਾਰੇ  
 । ਮਘਵਾਜਿਤ ਔਰ ਸਰਾਸਨ ਕੋ ਗੁਣ ਰੋਪ ਲਯੋ ਨ ਲਗੀ  
 ਕਛੁ ਬਾਰੇ ॥ ੨੮ ॥ ਸੋ ਵਹਿ ਚਾਂਪ ਸੁ ਫੇਰ ਕਟੇ ਲਖਮੰਨਿ  
 ਬਲੀ ਸਰ ਤੀਨ ਚਲਾਏ । ਫੇਰ ਅਨੇਕ ਲਏ ਸਰ ਤਾਂ ਮਘ



ਵਾਜਿਤ ਕੇ ਉਰ ਭੀਤਰ ਲਾਏ। ਕੋਪਭਰੇ ਮਘਵਾਜਿਤ ਸੰਘਰ  
 ਭੀਮ ਕੁਵੰਡ ਸੁ ਔਰ ਚਵਾਏ । ਤਾਂਨ ਕਮਾਂਨ ਦਸਾਨਨ ਕੇ  
 ਸੁਤ ਬਾਨ ਸੁਰਾਘਵ ਭ੍ਰਾਤ ਲਗਾਏ ॥ ੨੯ ॥ ਵੋਹਰਾ ॥  
 ਬਾਨਰ ਨਿਖਲ ਪਤਾਕਿਨੀ ਹਨੀ ਸਰਾਸਨ ਤਾਂਨ । ਦੁਖਪਾਯੋ  
 ਕਪਿ ਯੂਥਪਾ ਭਯੋ ਸੁ ਬਦਨ ਮਲਾਨ ॥ ੩੦ ॥ ਕਬਿੱਤੁ ॥  
 ਇੰਦ੍ਰ ਬਾਨ ਲੀਨੋ ਲਖਮੰਨ ਬਲਵਾਨ ਪੁਨਿ ਨਿੱਠਰ ਕਮਾਂਨ  
 ਮਾਂਹਿ ਦਯੋ ਹੈ ਲਗਾਇਕੈ । ਕਾਂਨਕੇ ਪ੍ਰਮਾਂਨ ਲੋ ਸੁ ਤਾਂਨ ਕੇ  
 ਕਮਾਂਨ ਤਾਹਿ ਰਾਮ ਪਾਦਕੰਜ ਕੋ ਚਿਤਾਰਿਯੋ ਅਲਾਯਕੈ ॥  
 ਧਰਮਾਵਤਾਰ ਰਾਮ ਸਾਚਹੀਂ ਸੰਕਲਪ ਧਾਰਿ ਦਸਰਥ ਪੂਤ  
 ਜਗ ਐਸੇ ਸੁਖ ਦਾਇਕੈ । ਤੀਨ ਲੋਕ ਮਾਂਹਿ ਜਬ ਰਾਮ ਕੋ  
 ਅਰਾਤ ਨਹਿ ਰਾਵਣ ਕੇ ਪੂਤ ਕੋ ਤੋ ਹਨੋ ਬਾਣ ਜਾਇਕੈ ॥  
 ੩੧ ॥ ਸਵੈਯਾ ॥ ਇਹ ਭਾਂਤਿ ਬਖਾਂਨ ਸੁ ਤਾਂਨ ਕਮਾਂਨ ਸੁ  
 ਬਾਨ ਤਬੈ ਲਖਮੰਨਿ ਚਲਾਯੋ । ਸੁ ਮਨੋਂ ਮੁਖਿਪਾਵਕ ਕੋ ਉਗਰੇ  
 ਮਘਵਾਜਿਤ ਉਰ ਸੁ ਯੋਂ ਸਰ ਆਯੋ । ਸਿਰਤ੍ਰਾਣ ਸੁ ਕੁੰਡਲ  
 ਐ ਕਲਗੀ ਇਹ ਭਾਂਤਿ ਉਮਾਂ ਸਿਰ ਤਾਹਿ ਸੁਹਾਯੋ ॥ ਧਰਤੇ  
 ਸਿਰ ਕਾਟ ਧਰਾ ਧਰ ਮੈਂ ਸਰ ਚੰਦ ਮਨੋ ਨਭਿ ਭੂਮਿ  
 ਗਿਰਾਯੋ ॥ ੩੨ ॥ ਦੇਵ ਪ੍ਰਸੰਨਭਏ ਸਗਲੇ ਮੁਖਿਮੈਂ ਲਖਮੰਨ  
 ਕੀ ਕੀਰਤਿ ਗਾਈ । ਬਾਰਹਿਬਾਰ ਸਰਾਹ ਕਰੇ ਸੁਰਿ ਫੂਲਨ  
 ਕੀ ਬਰਖਾ ਬਰਖਾਈ । ਸੱਕ੍ਰ ਮਹਾਂਰਿਖ ਤੋਹਰਖੇ ਪੁਨਿ ਕੋਟ  
 ਅਪੱਛਰ ਨਿਰਤ ਦਿਖਾਈ । ਮਾਂਹਿ ਅਕਾਸ਼ ਸੁਨੀਂ ਸਗਲੇ  
 ਮਿਲ ਦੇਵ ਸਮੂਹਨ ਦੁੰਦਭਿਵਾਈ ॥ ੩੩ ॥ ਨਭਿ ਉਜਲ ਐ



ਧਰ ਕੰਪ ਮਿਟੈ ਰਣ ਰਾਵਣ ਕੇ ਸੁਤ ਮਾਰ ਗਿਰਾਏ ॥ ਸ੍ਰਮ  
 ਦੂਰ ਭਏ ਲਖਮੰਨਿਉਮਾਂ ਮੁਖਿ ਭੀਤਰਜੈ ਸਭਵਾਕ ਅਲਾਏ  
 । ਮੁਖਿ ਸ਼ੇਰ ਸਮਾਂਨ ਗਜੇ ਗਿਰਜਾ ਲਖਮੰਨਿ ਤਬੈ ਰਣਸੰਖ  
 ਬਜਾਏ। ਧਨ ਕੇ ਵਣਕਾਰ ਕਰੇ ਰਣ ਮੈਂ ਸੁਨਿ ਬਾਨਰ ਸੈਨ  
 ਸਭੈ ਹਰਿਖਾਏ ॥ ੩੪ ॥ ਇਤ ਬਾਨਰ ਕੇ ਸਿਰਦਾਰ ਬਡੇਵਿ-  
 ਗ ਆਵਤ ਹੈਂ ਮਨ ਮੋਦ ਬਢਾਏ । ਲਖਮੰਨਿ ਸੁ ਆਵਤ ਹੈ:  
 ਤਿਨ ਬੀਚ ਸੁ ਚੰਦ ਮਨੋ ਘਨ ਮਾਹਿਸੁਹਾਏ । ਇਤਿਹੈਹਨੂੰ-  
 ਮਾਂਨ ਵਿਭੀਖਨ ਜੂ ਸਹਿ ਆਵਤ ਹੈਂ ਅਤਿ ਨਿਮਰ ਭਾਏ ।  
 ਇਹ ਭਾਂਤ ਅਏ ਲਖਮੰਨਿਬਲੀ ਸਿਰ ਰਾਮਕੇ ਪਾਇਨਮਾਹਿ  
 ਝੁਕਾਏ ॥ ੩੫ ॥ ਤੋਹਿ ਪ੍ਰਸਾਦਿ ਹਨੇਂ ਮਘਵਾਜਿਤ ਰਾਮ  
 ਸੁਨੋਂ ਰਣਭੂਮਿ ਮਝਾਰੀ । ਯੈਂ ਸੁਨਿ ਪ੍ਰੇਮ ਪ੍ਰਵਾਹਿ ਛੁਟੇ ਗਲ  
 ਲਾਇਲਏ ਰਘੁਨਾਥਮੁਰਾਰੀ । ਮੋਦ ਸਨੋਹ ਭਯੋਮਨ ਮੈਂ ਸਿਰ  
 ਚੁੰਮ ਉਮਾਂ ਹਰਿ ਬਾਤ ਉਚਾਰੀ । ਧੰਨ ਅਹੇ ਲਖਮੰਨਿ ਤੁਹੀ  
 ਜਗ ਤੋਹਿ ਕਰੇ ਮਮ ਕਾਰਯ ਭਾਰੀ ॥ ੩੬ ॥ ਵੋਹਰਾ ॥  
 ਇੰਦ੍ਰ ਜੀਤਕੇ ਬਧਨ ਤੇ ਜੀਤੇ ਸਕਲ ਅਰਾਤ । ਲਖਮਣ  
 ਤੋਹਿ ਸਮਾਂਨ ਪੁਨਿ ਭਯੋ ਨ ਹੁੰਦੈ ਭ੍ਰਾਤ ॥ ੩੭ ॥ ਸਵੈਯਾ ॥  
 ਤੀਨ ਦਿਨਾਂ ਨਿਸਤੀਨ ਬਿਖੈ ਸੁ ਕਬੰਚਿਤ ਤੋਹਿ ਹਨੇਂ ਬਲ  
 ਧਾਰੀ । ਆਜੁ ਨਿਵੈਰ ਕਰਜੋ ਹਮਕੋ ਅਬ ਆਇਗੋ ਰਾਵਣ  
 ਬਾਹਰ ਵਾਰੀ । ਮੈਂ ਹਨਿਹੈਂ ਤਿਨਕੋ ਰਣ ਮੈਂ ਉਰ ਪੂਤ ਕੇ  
 ਸੋਕ ਭਯੋ ਤਿਨ ਭਾਰੀ । ਰਾਵਣਕੋ ਉਤ ਸਾਰਗਈ ਲਖਮੰਨਿ  
 ਲਯੋ ਮਘਵਾਜਿਤ ਮਾਰੀ ॥ ੩੮ ॥ ਸੁਨਿ ਰਾਵਣ ਭੂਮਿ ਗਿਰੇ



ਤਨ ਮੂਰਛ ਫੇਰ ਉਠੇ ਨਿਜ ਦੇਹਿ ਸੰਭਾਰੇ । ਉਰ ਰਾਵਣ ਕੇ  
 ਸੁਤ ਸ਼ੋਕ ਭਯੋਸੁ ਵਿਲਾਪ ਕਰੇ ਕਰ ਮੁੰਡਨ ਮਾਰੇ । ਸੁਤ ਕੇ  
 ਗੁਣ ਐ ਪੁਨਿ ਕ੍ਰਿਤਨਕੋ ਮੁਖਿ ਰੋਵਤਹੀ ਮਨਮਾਹਿ ਚਿਤਾਰੇ ।  
 ਮਘਵਾਜਿਤ ਆਜੁ ਮਰਿਯੋ ਸੁਨਕੈ ਮਘਵਾਪੁਰ ਦੇਵ ਵਜਾਹਿ  
 ਨਗਾਰੇ ॥ ੩੮ ॥ ਯਮ ਪਾਸ ਕੁਬੇਰ ਸਚੀ ਪਤਲੋ ਜੁਰ ਆਜ  
 ਮਹਾਂ ਰਿਖਜੁ ਹਰਖਾਵੇਂ । ਮਘਵਾਜਿਤ ਆਜ ਹਤੇ ਸੁਨਿਕੈ  
 ਅਰ ਡਾਰ ਸੁਖੇਨ ਸਵੇਂ ਤਰੁ ਛਾਵੇਂ । ਸੁਤ ਰਾਖਸ਼ ਨਾਰਿ ਸੁ  
 ਰੋਵਤ ਹੈਂ ਅਬ ਦੇਵ ਬਧੂ ਮਿਲ ਮੰਗਲ ਗਾਵੇਂ । ਸੁਤ ਸ਼ੋਕ  
 ਸੁ ਯੋਂ ਬਿਲਪੈ ਦਸ ਕੰਧਰ ਨੀਰ ਬਿਨਾਂ ਝਖ ਜੋਂ ਦੁਖ ਪਾਵੇਂ  
 ॥ ੪੦ ॥ ਪੁਨਿ ਕ੍ਰੋਧ ਭਯੋ ਉਰਰਾਵਣ ਕੇ ਵਹਿ ਰਾਖਸ਼ ਰਾਜ  
 ਬਡੋ ਬਿਲਖਾਨੋ । ਸਭ ਰਾਖਸ਼ ਕੇ ਬਧ ਕਾਜ ਤਿਨ੍ਹੇਂ ਰਣਜਾਹੁ  
 ਇਹੈ ਮੁਖਵਾਕ ਬਖਾਨੋ । ਸੁਤਕੇ ਬਧਕੋ ਉਰ ਤਾਪ ਭਯੋਵਹਿ  
 ਸੂਰ ਭਯੋ ਰੁਖਿਮੈ ਗਲਤਾਨੋਂ । ਅਬ ਸੀਯ ਕੋ ਸੀਸ ਕਟੋਂ  
 ਖਿਨਮੈਂ ਤਿਨ ਰਾਵਣ ਯੋਂ ਮਨਮਾਹਿ ਠਰਾਨੋਂ ॥ ੪੧ ॥ ਕਰ  
 ਕਾਢ ਕ੍ਰਿਪਾਨ ਸੁ ਦੋਰਗਯੋ ਪਿਖ ਸੀਯ ਡਰੀ ਮਨਮੈਂ ਅਕੁਲਾਨੀਂ  
 । ਵਹਿ ਰਾਖਸ਼ ਨਾਰਿ ਕੇ ਮੱਧਿ ਹੁਤੀ ਡਰ ਸ਼ੋਕ ਸੁ ਮਾਹਿ  
 ਭਈ ਗਲਤਾਨੀਂ । ਇਕ ਆਹਿ ਅਮਾਤ ਸੁ ਰਾਵਣ ਕੇ ਪੁਨਿ  
 ਤਾਹਿ ਸਮੈਂ ਵਹੈ ਸਾਬ ਭਵਾਨੀ । ਵਹਿ ਨਾਮ ਸੁ ਪਾਰਸ ਪਾਸ  
 ਰਹੇ ਦਸਕੰਧਰਿ ਕੋ ਤਿਨ ਏਹ ਬਖਾਨੀ ॥ ੪੨ ॥ ਤੂੰ ਧਨੁ  
 ਨਾਇਕ ਕੋ ਲਘੁ ਭ੍ਰਾਤ ਸੁ ਕਿਉ ਦਸਕੰਠ ਨ ਏਹ ਬਿਚਾਰੋ ।  
 ਬੇਦ ਪਢੇ ਬ੍ਰਤ ਤੋਹਿ ਕਰੇ ਸੁਭ ਕਰਮਨ ਮੈਂ ਜਸੁ ਆਹਿ



ਤੁਮਾਰੇ । ਤੂੰ ਗੁਣ ਸਿੰਧ ਬਡੇ ਜੁਗ ਮੈਂ ਅਬ ਜੋਖਤ ਕੇ ਬਧ ਦੂਰ  
 ਬਿਸਾਰੇ । ਜੰਗ ਕਰੇ ਹਮ ਸੰਗ ਚਲੇ ਤੁਮ ਸਾਨੁਜ ਰਾਘਵ  
 ਕੇ ਰਣ ਮਾਰੇ ॥੪੩॥ ਜਾਨਕੀ ਤੇ ਘਰਿਮਾਹਿ ਅਹੇ ਇਹਭਾਂਤ  
 ਬਖਾਨ ਨਿਵਾਰਨ ਕੀਨੇ । ਧਰਮ ਕਹਯੋ ਸੁ ਅਮਾਤ ਜਬੈ  
 ਦਸਕੰਧਰ ਸੇ ਉਰ ਅੰਤਰਿਕੀਨੇ । ਸੇ ਘਰਿਮਾਹ ਗਯੋ ਹਟਕੈ  
 ਮਤਿ ਮੂਢ ਮਹਾਂ ਅਤਿਸ਼ੋਕ ਸੁ ਜੀਨੇ । ਫੇਰ ਸਭਾ ਮਹਿ ਆਪ  
 ਗਯੋ ਦਸਕੰਧਰ ਸਾਬ ਅਮਾਤ ਪ੍ਰਬੀਨੇ ॥ ੪੪ ॥ ਇਤਿਸ੍ਰੀ  
 ਮਤਿ ਅਧਿਆਤਮ ਰਾਮਾਇਣੇ ਉਮਾ ਮਹੇਸ਼ਰ ਸੰਬਾਦੇ ਯੁਧ  
 ਕਾਂਡੇ ਮੇਘ ਨਾਦ ਬਧ ਨਾਮ ਨਵਮੇ ਧਿਆਇ ॥ ੯ ॥

॥ ਸ੍ਰੀ ਮਹਾਦੇਵਉਵਾਰ ॥ ਕਬਿੱਤੁ

ਸਭਾਕੇ ਮਝਾਰ ਤਿਨ ਕੀਨੇ ਹੈ ਬਿਚਾਰ ਸਭ ਰਾਖਸ਼ ਅਮਾਤ  
 ਲੈ ਸੰਗ੍ਰਾਮ ਹੇਤ ਸੋ ਗਯੋ । ਸੇਖਜੇ ਅਨਾਥ ਔਰ ਖਾਸਗੀ ਜੇ  
 ਸਾਬ ਹੁਤੇ ਸਰਬਕੇ ਲਵਾਇ ਤਾਹਿੰ ਝੰਡ ਏਕਹੈ ਕਯੋ ॥ ਮਨੋ  
 ਪਤੰਗ ਰਾਜ ਔ ਮਿਲਾਇਕੈ ਪਤੰਗ ਸੰਗ ਪਾਵਕ ਕਰਾਲ  
 ਕੇ ਸੁ ਨਾਸ ਹੇਤ ਹੈ ਧਯੋ । ਰਾਵਣਕੇ ਸੰਗ ਜੋਈ ਰਾਖਸ਼ ਪਤੰਗ  
 ਦਲ ਰਾਮ ਸਰ ਪਾਵਕ ਜਲਾਇ ਸਭ ਹੀ ਦਯੋ ॥ ੧ ॥ ਰਾਮ  
 ਕੀ ਕਮਾਨ ਕੇ ਸੁ ਤੀਖੇ ਦਸਕੰਠ ਬਾਂਨ ਵਖੀਆਂ ਕਪਾਟ ਫੇਰ  
 ਪਾਰ ਪਰੇ ਧਾਇਕੈ । ਭਈ ਦਸਕੰਠ ਪੀਰ ਧੀਰਜ ਪਰਾਇ  
 ਗਏ ਛੋਡਿ ਰਣ ਭੂਮਿ ਬਰੇ ਲੰਕ ਮਾਹਿ ਜਾਇਕੈ । ਮਾਨੁਖ ਮੈ  
 ਹੋਇ ਨਾਹਿ ਐਸੋ ਬਲੁ ਰਾਮ ਮਾਹਿ ਪਵਨ ਕੁਮਾਰ ਲੈ ਸੋ  
 ਪਿਖੇ ਮਨ ਲਾਇਕੈ । ਸੁਕੱਰ ਸਮੀਪ ਜਾਇ ਹਾਥਨ ਮਿਲਾਇ



ਦੁਓ ਪੂਛਤ ਭਵਾਨੀ ਦਸਕੰਠ ਸਿਰ ਨਿਆਇਕੈ ॥ ੨ ॥  
 ਭਗਵਾਨ ਰਾਮ ਲੰਕ ਕਰੀ ਹੈ ਬਿਰਾਮ ਸਭ ਰਾਖਸ਼ ਸ੍ਰਿਦਾਰ  
 ਮੇਰੇ ਬਡੇਹੀ ਖਪਾਏਹੈਂ। ਬਡੇ ਦੈਤ ਮਾਰੇ ਘਰ ਸਭਹੂ ਕੇ ਗਾਰੇ  
 ਤਿਨ ਮੇਰੇ ਸੁਤ ਬਾਂਧਵ ਸੁ ਸਭੈ ਤਿਨ ਘਾਏਹੈਂ ਗੁਰਹੈਂ ਉਦਾਰ  
 ਤੁਮ ਬੇਦਨ ਬਿਚਾਰ ਕਰੇ ਤੇਰੇ ਢਿਗ ਹੁਤੇ ਮੋਹਿ ਕੈਸੇ ਦੁਖ  
 ਆਏਹੈਂ। ਐਸੀ ਸੁਨਿਦੈਤ ਬਾਨੀ ਭਾਖਿਯੋ ਭਵਾਨੀ ਤਿਨ ਜੀਤ  
 ਕੇ ਉਪਾਇ ਅਬ ਸੋਈ ਤੇ ਬਤਾਇ ਹੈਂ ॥ ੩ ॥ ਸੁਕੋਵਾਰ ॥  
 ਸਵੈਯਾ ॥ ਬੈਠ ਇਕੰਤ ਭਲੀ ਬਿਧ ਸੋ ਅਭਰਾਵਣ ਹੋਮ  
 ਕਰੇ ਘਰਮਾਂਹੀ। ਬਿਘਨਾਨਹਿ ਹੋਹਿ ਸੁ ਮਾਂਹਿ ਕਛੂ ਤਬ ਹੋਮ  
 ਕੀ ਪਾਵਕ ਤੇ ਨਿਕਸਾਹੀਂ। ਰਬ ਬਾਹਨ ਚਾਂਪ ਨਿਖੰਗ ਸਰਾ  
 ਗਹਿ ਹੋਹਿ ਅਜੀਤ ਸੁ ਤੂੰ ਰਨ ਮਾਹੀਂ। ਅਬਿਚਾਰਕ ਮੰਤ੍ਰ  
 ਲਿਜੇ ਹਮਤੇ ਚਲ ਹੋਮ ਕਿਜੇ ਧਰ ਕੰਦਰਮਾਂਹੀ ॥ ੪ ॥ ਐਸੇ  
 ਕਹਿਓ ਜਬ ਸੁਕੁ ਗੁਰੂ ਤਬ ਰਾਵਣ ਰਾਖਸ਼ ਕੋ ਖਲਰਾਈ।  
 ਜਾਇ ਸੁ ਮੰਦਰ ਮਾਂਹਿ ਉਮਾ ਸੁ ਗੁਹਾ ਸੁ ਪਤਾਲ ਸਮਾਨੁ  
 ਬਨਾਈ। ਦੈਤ ਚਹੂੰ ਦਿਸ ਬਾਪਿ ਧਰੇ ਪੁਨਿ ਲੰਕ ਦੁਆਰ  
 ਕਪਾਟ ਲਗਾਈ। ਜੇ ਅਭਿਚਾਰਕ ਦਰਬ ਹੁਤੇ ਸਭ ਹੋਮ  
 ਨਮਿੱਤ ਸੁ ਲੀਨ ਮਿਲਾਈ ॥ ੫ ॥ ਜਾਇ ਗੁਹਾ ਦਸਕੰਠ  
 ਧਸੇ ਪੁਨਿ ਹੋਮ ਕਰੇ ਮੁਖਿ ਮੋਨ ਸੁ ਧਾਰੇ। ਪਾਵਕ ਧੂਮ ਬਡੇ  
 ਨਿਕਸਯੋ ਸੁ ਵਿਭੀਖਨ ਨੰਨਨ ਆਪ ਨਿਹਾਰੇ। ਹੋਮਕੇ ਧੂਮ  
 ਨਿਹਾਰ ਡਰੇ ਸੁ ਵਿਭੀਖਨ ਰਾਘਵ ਪਾਸ ਦਿਖਾਰੇ। ਰਾਮਪਿਖੇ  
 ਦਸਕੰਧਰ ਜੇ ਵਹ ਹੋਮਕਰੇ ਨਿਜ ਭੈਨ ਮਝਾਰੇ ॥ ੬ ॥ ਹੋਮ



ਸਮਾਪਤਿ ਹੋਇ ਜਬੈ ਤਬ ਰਾਮ ਨ ਰਾਵਣ ਜੀਤਯੋ ਜਾਈ ।  
 ਹੋਮ ਬਿਨਾਸਨ ਕਾਜ ਸੁਨੋ ਅਬ ਬਾਨਰ ਯੂਥਪ ਦੇਹੁ ਪਠਾਈ ।  
 । ਰਾਮਤਬਾ ਮੁਖਿ ਭਾਖ ਤਬੈ ਸੁਗ੍ਰੀਵ ਕਿ ਸੰਗ ਸਲਾਹ ਮਿਲਾ  
 ਈ । ਅੰਗਦ ਐ ਹਨੂੰਮਾਨ ਪਠੇ ਬਲਵੰਤਿ ਸਭੈ ਕਪਿ  
 ਸੰਗ ਲਵਾਈ ॥ ੭ ॥ ਵਹਿ ਲਾਘ ਵਕਾਰ ਗਏ ਖਿਨਮੈ ਪੁਨਿ  
 ਰਾਵਣ ਮੰਦਰ ਮਾਹਿ ਧਸਾਏ । ਬਸ ਕੋਟ ਗਏ ਪਲ ਵੰਗਮ  
 ਤੇ ਗ੍ਰਹ ਪਾਲਕਤੇ ਯਮਲੋਕ ਪਠਾਏ । ਘਰਮਾਹਿ ਤੁਰੰਗਮ  
 ਚੂਰਣ ਕੇ ਗਜ ਮਾਰਿ ਸਭੈ ਧਰਮਾਹਿ ਰੁਲਾਏ । ਸਰਮਾ ਪੁਨਿ  
 ਹਾਥਨ ਸੈਨਨ ਸੋ ਕਪਿ ਹੋਮਕੀ ਠੌਰ ਸੁ ਵੀਨ ਦਿਖਾਏ ॥  
 ੮ ॥ ਸੁਭਭੀਖਨ ਕੀ ਵਹਿ ਨਾਰ ਹੁਤੀ ਤਿਨਿ ਹੋਮ ਸਥਾਨ  
 ਜਬੈ ਦਿਖਲਾਏ । ਤਬ ਅੰਗਦ ਜਾਇ ਗੁਹਾ ਨਿਰਖੀ ਦਰ  
 ਪਾਥਰ ਪਾਦਨ ਤੋੜ ਬਗਾਏ । ਸਿਲ ਫਾਰ ਉਘਾਰ ਕਿਵਾਰਨ  
 ਕੇ ਯੁਵਰਾਜ ਬਲੀ ਗੁਹੁ ਮਾਂਹਿ ਧਸਾਏ । ਸੁ ਪਿਖੇ ਦਸਕੰਧਰ  
 ਜਾਇ ਤਿਨੇ ਦਿਢ ਆਸਨ ਹੋਮਤਿ ਨੈਨ ਮਿਲਾਏ ॥ ੯ ॥  
 ਅੰਗਦ ਆਇਸੁ ਪਾਇ ਸਭੈ ਕਪਿ ਧਾਇ ਬਰੇ ਮੁਖਿ ਮੇਂ ਕਿ  
 ਲਕਾਰੇ । ਰਾਵਣ ਕੇ ਢਿਗ ਜਾਇ ਤਿਨੇ ਪੁਨਿ ਰਾਵਣਕੇ ਬਹੁ  
 ਸੇਵਕ ਮਾਰੇ । ਕੰਭ ਉਠਾਇ ਲਏ ਘ੍ਰਿਤ ਕੇ ਪੁਨਿ ਡਾਰ ਦਏ  
 ਤਿਨ ਆਗ ਮਝਾਰੇ । ਰਾਵਣ ਜੋ ਮੁਖਿ ਮੰਤ੍ਰ ਰਰੇ ਕਪਿ ਹਾਸਤ  
 ਤਾਂ ਢਿਗ ਦਾਂਤ ਨਿਕਾਰੇ ॥ ੧੦ ॥ ਸ੍ਰਵਾ ਛੀਨ ਲਯੋ ਕਰ ਤੇ  
 ਹਨੂੰਮਾਨ ਸੁ ਰਾਵਣ ਕੇ ਮੁਖ ਉਪਰ ਮਾਰਯੋ । ਕਹਿ ਪਾਵਕ  
 ਤੋਹਿ ਪ੍ਰਸੰਨ ਭਯੋ ਬਰ ਦੇਵਤ ਯੋ ਮੁਖ ਮਾਂਹਿ ਉਚਾਰਿਯੋ । ਇ



ਕ ਦੰਤਨ ਸੋ ਇਕ ਦੰਡਲਏ ਚਹੂੰ ਓਰ ਹਨੇ ਸਸਿ ਜਿਉ ਪਰਿ  
 ਵਾਰਿਓ । ਰਣ ਜੀਤਨਕੀ ਓਰ ਚਾਹ ਧਰੀ ਨਹਿ ਧਿਆਨ  
 ਛੁਟਯੋ ਦ੍ਰਿਗ ਨੈਕ ਉਘਾਰਿਓ ॥ ੧੧ ॥ ਦੋਹਰਾ ॥ ਅੰਗਦ  
 ਬਹੁਰ ਬਿਚਾਰ ਕਰ ਗਯੋ ਸੁ ਭੋਨ ਮਝਾਰ । ਕੇਸਨ ਤੇ ਗਹਿ  
 ਆਨੀਆ ਤਾਹਿ ਮੰਦੋਦਰਿਨਾਰਿ ॥ ੨ ॥ ਗੀਯਾ ਮਾਲਤੀਛੰਦ  
 ॥ ਦਸਕੰਠ ਆਗੇ ਬਿਲਪਤੀ ਆਨਾਥ ਜਿਉ ਤਿਹਿ ਨਾਰੀਆ  
 । ਰਤਨ ਭੂਖਤ ਕੰਚਕੀ ਓਰ ਹਾਥ ਅੰਗਦ ਫਾਰੀਆ । ਮੋਤੀ  
 ਗਿਰੇ ਤਿਹ ਮਾਂਗਤੇ ਸਭ ਰਤਨ ਮਾਲ ਖਿਲਾਨੀਆ । ਸ੍ਰੋਣ  
 ਸੂਤਰ ਟੂਟਿਯੋ ਮੁਖਿ ਭਯੋ ਤਾਂਹਿ ਮਲਾਨੀਆ ॥ ੧੩ ॥  
 ਦੋਹਰਾ ॥ ਰਾਵਣ ਦੇਖਤ ਹੀ ਗਿਰੀ ਕਟਿ ਤੇ ਨੀਵੀਂ ਤਾਹਿ ।  
 ਭੂਖਨ ਸਰਬ ਸ਼ਰੀਰਕੇ ਗਿਰੇ ਧਰਤਕੇ ਮਾਂਹਿ ॥ ੧੪ ॥ ਸਵੈਯਾ ॥  
 ਗੰਧੂਭ ਦੇਵਨਕੀ ਦੁਹਿਤਾ ਸਗਰੀਕਪਿ ਕੇਸਨ ਤੇਗਹਿ ਆਨੀ  
 । ਰੋਵਤ ਰਾਵਣ ਅੰਗ ਖਰੀ ਗਿਰਜਾ ਵਹਿ ਰਾਵਣ ਕੀ ਪਟ  
 ਰਾਨੀ । ਦੀਨ ਪੁਕਾਰ ਕਰੇ ਮੁਖ ਤੇ ਪੁਨਿ ਰਾਵਣ ਕੋ ਤਿਨ  
 ਏਹ ਬਖਾਨੀ । ਮੋਹਿ ਅਨਾਥਨ ਜਿਉ ਕਪਿ ਮਾਰਤ ਨਾਂਹਿ  
 ਛੁਡਾਵਤ ਲਾਜ ਪਲਾਨੀ ॥ ੧੫ ॥ ਤੂੰ ਨਿਰਲੱਜ ਭਯੋ ਜਗਮੈ  
 ਤਵ ਹੋਰਤ ਨਾਰਿ ਹਨੇ ਕਪਿ ਥਾਰੀ । ਜੀਵਨ ਤੇ ਮਰਣੇ ਸੁ  
 ਭਲੋ ਜਿਨ ਪੇਖਤ ਯੋਂ ਬਿਲਪੇ ਜਿਨ ਨਾਰੀ । ਹਾ ਮਘਵਾਜਿਤ !  
 ਨਾਂਹਿ ਪਿਖੇਂ ਕਪਿ ਮਾਰਤ ਹੈਂ ਤੁਮਰੀ ਮਹਤਾਰੀ । ਤੇ ਜਗ  
 ਜੀਵਤ ਯਾਬਿਧਕੇ ਦੁਖ ਪਾਵਤ ਤਾਹਿ ਸੁਮਾਤ ਤਿਹਾਰੀ ॥ ੧੬ ॥  
 ਨਾਰਿਕੀ ਲਾਜ ਭਤਾਰ ਤਜੀ ਨਿਜ ਜੀਵਨ ਕੀ ਓਰ ਅੰਤਰ



ਧਾਰੀ । ਯੋਂ ਮਯ ਕੀ ਦੁਹਤਾ ਬਿਲਪੇ ਦਸਕੰਠ ਸੁਨੀ ਵਹੁ  
 ਕਾਨ ਮਝਾਰੀ । ਅੰਗਦ ਛਾਡ ਕਹਜੇ ਦਸਕੰਧਰਉਠ ਖੜੇ ਕਰ  
 ਖੱਗ ਸੰਭਾਰੀ । ਕੋਪ ਭਰੇ ਦਸ ਕੰਧਰ ਦੌਰ ਸੁ ਅੰਧਰ ਕੇ  
 ਕਟ ਭੀਤਰ ਮਾਰੀ ॥ ੧੭ ॥ ਤਬ ਬਾਨਰ ਕੂਦ ਗਏ ਸਗਲੇ  
 ਪੁਨਿ ਹੋਮ ਕਿ ਕੁੰਡ ਸੁ ਤਾਂਹਿ ਬਿਡਾਰੇ । ਵਹਿ ਰਾਮ ਸਮੀਪ  
 ਸੁਜਾਇ ਖਰੇ ਮਨ ਮਾਂਹਿ ਭਏ ਸਗਲੇ ਹਰਖਾਰੇ । ਤਬ ਰਾ  
 ਵਣ ਸ਼ਾਂਤਿ ਕਯੋ ਨਿਜ ਭਾਮਨਿ ਸੁੰਦਰ ਵਾਕ ਸੁ ਯਾਹਿ ਉਚਾਰੇ  
 । ਯਹਿ ਦੈਤ ਅਧੀਨ ਸੁ ਜੀਵਨ ਹੈ ਕਲਿਆਨਨ ਕਿਉ ਨਹਿ  
 ਆਪ ਨਿਹਾਰੇ ॥ ੧੯ ॥ ਦੋਹਰਾ ॥ ਬਿਸਾਲਾਖੀ ਤਜਿ ਸੋਕ  
 ਕੇ ਗਯਾਨ ਅਲੰਬਨ ਧਾਰ । ਅਗਯਾਨ ਜਨਤ ਸਭ ਸੋਕਹੈ  
 ਗਯਾਨ ਸੁ ਦਏ ਨਿਵਾਰ ॥ ੧੯ ॥ ਦੇਹ ਅਨਾਤਮ ਹੋਇ ਜੇ  
 ਅਹੰਬੁਧ ਨਰ ਹੋਇ ॥ ਅਗਯਾਨ ਜਨਨੀ ਪਹਿਚਾਨੀਏ  
 ਮੰਦੋਦਰ ਹੈ ਸੋਇ ॥ ੨੦ ॥ ਤਿਹ ਮੂਲਕ ਸੁਤ ਦਾਰ ਲੋ ਬੰਧਨ  
 ਭਾਖੇ ਬੇਦ । ਹਰਖ ਸੋਕ ਭਯੋ ਕ੍ਰੋਧਪੁਨਿ ਲੋਭ ਮੋਹਿ ਮਦ ਖੇਦੁ  
 ॥ ੨੧ ॥ ਅਗਯਾਨ ਉਪਾਏ ਸਰਬ ਯਹਿ ਜਨਮ ਜਰਾ ਤਨ  
 ਹਾਨ । ਆਤਮ ਕੇਵਲ ਸੁਧਿ ਹੈ ਸਦਾ ਅਲੇਪਕ ਜਾਨ ॥ ੨੨  
 ॥ ਆਨੰਦ ਰੂਪ ਸੁ ਗਿਆਨ ਘਨ ਭਾਵਾਭਾਵ ਬਿਹੀਨ । ਨਾ  
 ਤਿਸ ਸੋਗ ਵਿਯੋਗ ਕਛੁ ਚੇਤਨ ਐ ਸਤ ਚੀਨ ॥ ੨੩ ॥ ਯਾ  
 ਬਿਧ ਆਤਮ ਜਾਨ ਉਰ ਦੀਜੈ ਸੋਕ ਨਿਵਾਰ । ਅਬਹੀ  
 ਆਵੋਂ ਬੇਗਮੈਂ ਰਾਮ ਲਖਣ ਕੇ ਮਾਰ ॥ ੨੪ ॥ ਨਾਂਤਰ ਰਾਮ ਸੁ  
 ਬੱਜ੍ਯ ਸਰ ਜਬ ਮੁਹਿ ਡਾਰੇਂ ਮਾਰ । ਤੇ ਬੈਕੰਠ ਸੁ ਪਾਇਹੋਂ ਤਾਂਪਦ



ਪਰਮ ਉਦਾਰ ॥ ੨੫ ॥ ਤਬ ਮਮ ਆਇਸੁ ਦੀਜੀਏ ਕ੍ਰਿਯਾ  
 ਨਿਖਲ ਸੁ ਹਮਾਰ। ਸੀਤਾਕੋ ਹਨ ਸਾਥ ਲੈ ਪਰਿਯੋ ਅਗਿਨ  
 ਮਝਾਰ ॥ ੨੬ ॥ ਰਾਵਣ ਕੇ ਯਹਿ ਵਾਕ ਸੁਨਿ ਭਈ ਦੁਖਤਿ  
 ਉਰ ਮਾਂਹਿ। ਮਘਵਾਜਿਤ ਜਨਨੀ ਬਹੁਰ ਕਹਤ ਭਵਾਨੀ  
 ਤਾਂਹਿ ॥ ੨੭ ॥ ਗੀਯਾਮਾਲਤੀ ਛੰਦ ॥ ਨਾਥ ਮੇਰੇ ਵਾਕ  
 ਸੁਨਿ ਉਰ ਸਾਂਚਿ ਤਿਉਹੀ ਕੀਜੀਏ। ਨਹਿ ਰਾਮ ਜੀਤਿਯੋ  
 ਜਾਇ ਤੁਮਤੇ ਸਾਚ ਚੀਤ ਪਤੀਜੀਏ। ਪੁਨਿ ਔਰ ਆਵੇਕੋਟ  
 ਤੇ ਸਮ ਰਾਮ ਨਹਿ ਤੋ ਮਾਰੀਏ। ਸਾਖਯਾਤ ਰਾਮ ਸਦੈਵ ਹੈ  
 ਪਰਧਾਨ ਪੁਰਖ ਉਚਾਰੀਏ ॥ ੨੮ ॥ ਕਲਪ ਪੂਰਬ ਮਤਸ  
 ਹੁਇ ਕਰ ਸੂਰ ਸੁਤ ਮਨਕੋ ਹਰੀ। ਭਗਤ ਵਤਸਲ ਪਾ-  
 ਲਿਯੋ ਸਭ ਆਪਦਾ ਤਿਨਕੀ ਟਰੀ। ਲੱਖ ਯੋਜਨ ਰੂਪਯਾਨੇ  
 ਕਮਠ ਪ੍ਰਥਮ ਸਵਾਰਿਯੋ। ਸਮੁੰਦ੍ਰ ਮਥਨੋ ਪੀਠ ਮੈ ਇਨ  
 ਕਨਕ ਭੂਧਰ ਧਾਰਿਯੋ ॥ ੨੯ ॥ ਹਿਰਨਾਖ ਦੈਤ ਸੁ ਯਾ ਹਨੇ ਬਲ  
 ਕ੍ਰੋੜਰੂਪਸਵਾਰਕੈ। ਜਲਹਰੀਅਵਨੀ ਆਨੀਆਂ ਰਘੁਰਾਜ ਫੇਰ  
 ਉਧਾਰਕੈ। ਹਿਰਨਕੱਸਪ ਦੈਤ ਜੋ ਤ੍ਰਿਲੋਕ ਕੰਟਕ ਭਾਰਿਯੋ  
 । ਨਰਸਿੰਘ ਰੂਪ ਸੁ ਧਾਰ ਯਾਨੇ ਨਖਨ ਸਾਥ ਬਿਦਾਰਿਯੋ ॥ ੩੦  
 ॥ ਬਲ ਰਾਜ ਬਾਂਧਿਓ ਯਾਹਿਨੇ ਤ੍ਰੈਲੋਕ ਤ੍ਰੈਪਦ ਮਾਪਿਯਾ ॥ ਬਲ  
 ਰਾਜ ਪਠੇ ਪਯਾਲ ਮੈਂ ਦੈ ਰਾਜ ਸੁਰ ਪਤਿ ਥਾਪਿਯਾ। ਰਾਜ  
 ਕੇ ਆਕਾਰ ਧਰਨੀ ਭਾਰ ਰਾਖਸ਼ ਜੋ ਭਏ। ਪਰਸ ਰਾਮ ਸਰੂਪ  
 ਧਰ ਇਨ ਰਾਨ ਖੜੀਵੈ ਹਏ ॥ ੩੧ ॥ ਜੀਤ ਅਵਨੀ ਸਾਰੀਆ  
 ਕੱਸਪ ਦਈ ਹਟਿ ਦਾਨ। ਰਘੁਰਾਜ ਵੰਸ ਬਿਸਾਲ ਮੈ ਆ ਬਿ-



ਜਏ ਵੈ ਭਗਵਾਨ । ਤਵ ਮਾਰਣੇ ਕੇ ਕਾਜ ਰਾਘਵ ਰੂਪ  
ਮਾਨੁਖ ਧਾਰਿਆ । ਤਿਹ ਨਾਰਿ ਸੀਆ ਤੈਂਹਰੀ ਸਭਕਾਜ ਤੋਹਿ  
ਬਿਗਾਰਿਆ ॥੩੨॥ ਮਮ ਪੂਤ ਐ ਨਿਜ ਨਾਸ ਹਿਤ ਤੈਂਹਰੀ  
ਸੀਤਾ ਰਾਨੀਆਂ । ਅਬ ਦੋਹ ਸੀਤਾ ਰਾਮਕੋ ਲੈ ਬਾਤ ਮੇਰੀ  
ਮਾਨੀਆਂ ॥ ਦੈ ਲੰਕ ਰਾਜ ਵਿਭੀਖਣੇ ਚਲਿ ਆਪ ਬਨਮੈ  
ਜਾਈਯੇ । ਚੀਰ ਅੰਬਰ ਨੀਰ ਐ ਫਲ ਖਾਇ ਹਰਿਜੀ ਧਿਆ  
ਈਏ ॥ ੩੩ ॥ ਮੰਦੋਦਰੀ ਕੇ ਵਾਕ ਸੁਨਿ ਦਸਕੰਠ ਏਹ  
ਉਚਾਰਿਆ । ਸੁਨਿ ਭਾਮਨੀ ਰਣ ਮਾਹਿ ਮੇਰੇ ਪੂਤ ਬਾਂਧਵ  
ਮਾਰਿਆ । ਰਾਮਤੇ ਹਨਵਾਇਕੈ ਕਿਹਭਾਂਤਿ ਬਨਮੈ ਮੈ ਫਿਰੋਂ ।  
ਬਾਨ ਐਰ ਕਮਾਂਨ ਲੈ ਸੰਗ੍ਰਾਮ ਰਾਘਵ ਸੋਂ ਭਿਰੋਂ ॥ ੩੪ ॥  
ਦੋਹਰਾ ॥ ਰਾਮ ਬਾਣ ਤਨ ਫੋਰ ਹੈਂ ਮੇਰੇ ਸਮਰ ਮਝਾਰ ।  
ਬਿਸ਼ਨ ਪਰਮ ਪਦ ਮੈਂ ਲਹੋਂ ਉਤਰੋਂ ਭਵਨਿਧਿ ਪਾਰ ॥ ੩੫  
॥ ਜਾਨੋਂ ਰਾਘਵ ਬਿਸ਼ਨ ਹੈਂ ਲਖਮੀ ਸੀਤਾ ਆਹਿ । ਜਾਨਬੂਝ  
ਕੈ ਮੈਂ ਹਰੀ ਸੀਤਾ ਤਾ ਬਨਮਾਂਹਿ ॥ ੩੬ ॥ ਸੋਰਠਾ ॥  
ਪਾਂਵੋਂ ਤਾਂਪਦ ਸੋਇ ਰਾਮ ਹਾਥ ਮਰਣੋਂ ਲਹੋਂ । ਜਾਂਵੋਂ ਢੀਲ ਨ  
ਕੋਇ ਤੇ ਜਗਬੰਧ ਮਿਟਾਇਕੈ ॥ ੩੭ ॥ ਅੜਿਲ ॥ ਪਰਾ  
ਨੰਦ ਮੈਂ ਸੁੱਧ ਮਮੋਖੀ ਆਇਹੈਂ ॥ ਤਾਂ ਗਤਿ ਕੇ ਅਬ ਜਾਂਉਂ  
ਰਾਮ ਰਣ ਘਾਇਹੈਂ । ਰਾਮ ਬਾਨ ਜਲਧਾਰ ਸੁ ਪਾਪ ਮਿਟਾ  
ਇਹੋਂ । ਹੋ ਦੁਰਲਭ ਭਾਖੇ ਮੋਖ ਬੇਗ ਮੈਂ ਪਾਇ ਹੋਂ ॥ ੩੮ ॥  
ਸਵੈਯਾ ॥ ਪੰਚ ਕਲੇਸ਼ ਤਰੰਗ ਬਡੇ ਭ੍ਰਮ ਹੈਂ ਧਨ ਬਾਂਧਵ  
ਐ ਸੁਤ ਦਾਰਾ । ਰੋਗ ਬਡੇ ਬੜਵਾਨਲ ਸੇ ਅਤਿ ਗ੍ਰਾਹਿ ਅ-



ਨੰਗ ਸੁ ਜਾਹਿ ਮਝਾਰਾ । ਹੈ ਅਗਿਆਨ ਅਥਾਹਿ ਜਿਨੇ ਜਲ  
 ਪਾਯਤ ਨਾਹਿ ਕਹੂੰ ਤਿਹ ਪਾਰਾ । ਬੇਗ ਤਰੇ ਜਗਸਿੰਧ ਅਬੈ  
 ਪੁਨਿ ਪਾਵਤ ਮੈਂ ਹਰਿ ਪਾਰ ਕਨਾਰਾ ॥ ੩੯ ॥ ਦੋਹਰਾ ॥  
 ਤੀਨ ਲੋਕ ਪ੍ਰਭਤਾ ਜਿਨੈ ਕਾਂਚਨ ਧਾਮ ਪ੍ਰਕਾਸ਼। ਗੁਲਾਬਸਿੰਘ  
 ਦਸਕੰਠ ਵਹਿ ਅਬ ਉਰ ਭਏ ਨਿਰਾਸ ॥ ੪੦ ॥ ਇਤਿ  
 ਸ੍ਰੀ ਮਤ ਅਧਯਾਤਮ ਰਾਮਾਇਣੇ ਉਮਾ ਮਹੇਸੁਰ ਸੰਬਾਦੇ ਯੁੱਧ  
 ਕਾਂਡੇ ਦਸਮੇ ਧਿਆਇ ॥ ੧੦ ॥

॥ ਸ੍ਰੀ ਮਹਾਂ ਦੇਵ ਉਵਾਰ ॥ ਸਵੈਯਾ ॥

ਇਹ ਭਾਂਤਿ ਬਖਾਨ ਮੰਦੋਦਰੀ ਕੋ ਦਸਕੰਠ ਕ੍ਰੋਧ ਭਯੋ ਉਰ  
 ਭਾਰੇ। ਨਿਕਸੇ ਰਣ ਰਾਘਵ ਸੋਂ ਲਰਨੇ ਅਤਿਘੋਰਬਲੀ ਸਹਿ  
 ਦੈਤ ਪਧਾਰੇ। ਸੁਭ ਚੱਕ੍ਰ ਬਿਰਾਜਤ ਖੋੜਸ ਜਾਂ ਦਿਢ ਸਜੰਦਨ  
 ਮਾਹਿ ਭਏ ਅਸਵਾਰੇ। ਯੁਜ ਉਚ ਪਤਾਕ ਲਸੇ ਜਿਨ ਮੈ ਦਿਢ  
 ਕੂਬਰ ਔਰ ਵਿਰੂਥ ਉਦਾਰੇ॥੧॥ ਦੋਹਰਾ ॥ ਪਿਸਾਰ ਬਦਨ  
 ਬਾਹਨਿਲਗੇ ਰਾਸੁ ਭਯੋ ਰਸੁ ਜਾਂਹਿ॥ ਅਸਤਰ ਸ਼ਸਤ੍ਰ ਅਨੇਕ  
 ਪੁਨਿ ਧਰੇ ਸੁ ਤਾਂ ਰਥ ਮਾਹਿ॥ ੨ ॥ ਸਵੈਯਾ॥ ਨਿਕਸੇ ਇਹ  
 ਭਾਂਤਿ ਸੁ ਰਾਵਣ ਜੋ ਅਤਿ ਭੀਖਣ ਜਾਹਿ ਅਕਾਰ ਬਿਰਾਜੇ।  
 ਪਿਖ ਆਵਤ ਤਾਹਿ ਡਰੀ ਯੁਜਨੀ ਕਪਿ ਸਾਯੁਧ ਸੰਗਰ ਤੇ  
 ਉਠਿ ਭਾਜੇ। ਹਨੂੰਮਾਂਨ ਗਏ ਕੁਦਿਕੇ ਭਿਰਨੇ ਦਸਕੰਠ ਸੋਂ  
 ਘਨਸੇ ਮੁਖ ਗਾਜੇ। ਮੁਸ੍ਰ ਪ੍ਰਹਾਰ ਕਰੀ ਉਰ ਮੈ ਦਿਢ ਵਾਸਵ  
 ਆਯੁਧ ਜਾ ਪਿਖ ਲਾਜੇ॥੩॥ ਜਾਨੁਨ ਭਾਰ ਪਰੋ ਰਥਮੈਂ ਗਿਰ  
 ਮੂਠ ਪ੍ਰਹਾਰ ਲਗੋ ਅਤਿ ਭਾਰੀ। ਮੂਰਛ ਏਕ ਮਹੂਰਤ



ਰਾਵਣ ਫੇਰ ਉਠੇ ਤਿਨ ਦੇਹਿ ਸੰਭਾਰੀ ॥ ਸੂਰ ਅਹੇ ਹਨੂਮਾਨ  
 ਬਲੀ ਦਸਕੰਧਰ ਯਾ ਬਿਧ ਬਾਤ ਉਚਾਰੀ । ਤੂ ਦਸਕੰਧਰ  
 ਜੀਵਤ ਹੈਂ ਹਨੂਮਾਨ ਕਹਯੋ ਅਬ ਮੋਹਿ ਧਿਕਾਰੀ ॥ ੪ ॥ ਤੂੰ  
 ਦਸਕੰਧਰ ਮੁਸ਼ਟ ਪ੍ਰਹਾਰ ਸੁ ਕੋਪ ਬਢਾਇਕੇ ਲਾਇ ਹਮਾਰੇ।  
 ਫੇਰ ਹਨੋ ਤੁਮਕੋ ਦਸਕੰਧਰ ਹੋਵਹਿ ਤੇ ਤਨਿ ਪ੍ਰਾਣ ਨਿਆਰੇ  
 । ਭਾਖ ਤਥਾ ਦਸਕੰਧਰ ਤਾਂ ਉਰਿ ਮਾਹਿ ਦਯੋ ਅਤਿ ਮੁਸ਼ਟ  
 ਪ੍ਰਹਾਰੇ । ਘੁਮਰ ਨੈਨ ਭਏ ਕਪਿਕੇ ਧਰਿ ਮਾਹਿ ਗਿਰੇ ਤਨ  
 ਨਾਹਿ ਸੰਭਾਰੇ॥੫॥ ਫੇਰ ਭਈ ਸੁਧਿ ਤਾਂ ਕਪਿ ਕੁੰਜਰ ਕੋਪ ਭਯੋ  
 ਉਰਿਭੀਤਰਭਾਰੀ । ਰਾਵਣ ਮਾਰਣ ਕੇ ਹਿਤ ਤਾਂ ਅਤਿਉੱਦਮ  
 ਕੀਨ ਸੁ ਮੂਠ ਸੰਭਾਰੀ । ਰਾਖਸ਼ ਰਾਜ ਪਲਾਇ ਗਯੋ ਵੁਹ ਠੌਰ  
 ਤਜੀ ਡਰ ਚੀਤ ਮਝਾਰੀ । ਅੰਗਦ ਔ ਹਨੂਮਾਨ ਤਥਾ ਨਲ  
 ਨੀਲ ਮਿਲੇ ਰਣ ਮੈਂ ਤਹਿ ਚਾਰੀ ॥ ੬ ॥ ਤੋਮਰਛੰਦ ॥ ਇਹ  
 ਭਾਂਤ ਚਾਰ ਸ੍ਰਿਦਾਰ । ਤਿਨ ਪੇਖ ਰਾਖਸ਼ ਚਾਰ । ਇਕ ਅਗਨ  
 ਵਰਣ ਸੁਜਾਨ । ਇਕ ਸਰਪ ਰੋਮ ਪਛਾਨ । ਇਕ ਖੜਗ  
 ਰੋਮ ਸੁਹਾਇ । ਇਕ ਰੋਮ ਬਿੱਛੂ ਕਹਾਇ । ਤਹਿ ਘੋਰ ਸੰਘਰ  
 ਕੀਨ । ਖਲ ਚਾਰ ਮਾਰ ਸੁ ਲੀਨ ॥ ੭ ॥ ਦੋਹਰਾ ॥ ਚਾਰੇ  
 ਰਾਖਸ ਚਾਰ ਕਪਿ ਕ੍ਰਮਿਕ੍ਰਮ ਹਨੇ ਬਨਾਇ । ਸਿੰਘਨਾਦਕਰ  
 ਚਾਰ ਕਪਿ ਗਏ ਰਾਮਢਿਗ ਆਇ ॥ ੮ ॥ ਸਵੈਯਾ ॥ ਤਬ  
 ਰਾਵਣ ਕੋਪ ਕੀਯੋ ਮਨਮੈ ਨਿਜ ਦਾਂਤਨ ਸੋ ਜਿਨ ਹੋਠ ਢਬਾਏ  
 । ਦ੍ਰਿਗਲਾਲ ਸੁ ਕ੍ਰੋਧ ਬਿਸਾਲ ਭਯੋ ਰਘੁਨੰਦਨ ਕੇ ਗਿਰਜਾ  
 ਪਰੋਧਾਏ । ਰਬ ਬੈਠ ਸੁ ਰਾਮ ਨਿਹਾਰਭਲੋ ਸਰ ਬੱਜ੍ਰ ਸਮਾਨ



ਸੁ ਤਾਨ ਚਲਾਏ । ਸੁ ਮਨੋ ਘਨ ਸਾਵਨ ਕੋ ਉਮਡਯੋ ਜਲ  
 ਧਾਰਨ ਕੀ ਬਰਖਾ ਬਰਖਾਏ ॥੯॥ ਰਾਮ ਸਮੀਪ ਖਰੇ ਕਪਿਜੇ  
 ਸਰ ਮਾਰਿ ਸਭੈ ਤਿਨ ਪੀੜਤ ਕੀਨੇ । ਪਾਵਕ ਸੇ ਚਮਕੈ  
 ਰਣਮੈਂ ਸਰ ਕਾਂਚਨ ਭੂਖਤ ਆਹਿ ਨਵੀਨੇ । ਰਾਮ ਸਰਾਸਨ  
 ਤਾਨ ਤਬੈ ਸਰ ਰਾਵਣ ਕੇ ਉਰ ਭੀਤਰ ਦੀਨੇ ॥ ਰਾਵਣ  
 ਸੰਦਨ ਮਾਂਹਿ ਪਿਖੇ ਪੁਨਿ ਭੂਪਰਿ ਰਾਮ ਸੁਰੇਸੁਰਚੀਨੇ ॥੧੦  
 ॥ ਮਾਤਲ ਤਾਂਹਿ ਬੁਲਾਇ ਪੁਰੰਦਰ ਏਹ ਕਹਿਯੋ ਮੁਖਿ ਮਾਂਹਿ  
 ਉਚਾਰੀ । ਸੰਦਨ ਲੈ ਰਘੁਨੰਦਨ ਕੀ ਢਿਗ ਜਾਇ ਸਿਤਾਬ  
 ਸੁ ਭੂਮਿ ਮਝਾਰੀ । ਕਾਜਕਰੋ ਹਮਰੋ ਭਵ ਮੰਡਲ ਰਾਘਵ ਕੋ  
 ਰਥ ਮਾਂਹਿ ਬਿਠਾਰੀ । ਯੋ ਸੁਨਿ ਮਾਤੁਲ ਦੇਵ ਪਤੀ ਮੁਖਿ  
 ਸੀਸ ਨਿਵਾਇ ਸੁ ਬੰਦਨ ਧਾਰੀ ॥੧੧॥ ਪੁਨਿ ਸੰਦਨ ਮਾਂਹਿ  
 ਤੁਰੰਗਮ ਤਾਂ ਖਿਨ ਭੀਤਰ ਪਾਰਬਤੀ ਗਹਿਲਾਏ । ਰਘੁਨੰਦਨ  
 ਦੁਖ ਨਿਕੰਦਨ ਕੋ ਕਰ ਜੋਰ ਦੋਊ ਪੁਨਿ ਤਾਂਹਿ ਅਲਾਏ ।  
 ਰਥ ਰਾਮ ਸੁ ਤੇ ਰਣ ਜੀਤਨ ਕੋ ਸੁਰ ਰਾਜ ਇਹੈ ਮਮ ਹਾਥ  
 ਪਠਾਏ । ਮਘਵਾ ਤੁਮਕੋ ਨਿਜ ਚਾਂਪਪਠੇ ਯੁਗ ਏਹ ਨਿਖਗ  
 ਸੁ ਨੂਤਨ ਲਿਆਏ ॥ ੧੨ ॥ ਤਨਤ੍ਰਾਣ ਅਭੇਦ ਸੁ ਏਹ ਪਠੇ  
 ਤਲਵਾਰ ਇਹੈ ਸੁਰ ਰਾਜ ਪਠਾਈ । ਦਸਕੰਧਰ ਕੋ ਰਣਿ  
 ਮਾਂਹਿ ਹਨੋ ਰਥ ਭੀਤਰ ਬੈਠ ਸੁਨੋ ਰਘੁਰਾਈ । ਬ੍ਰਿਤਰਾਸੁਰ  
 ਇੰਦ੍ਰ ਹਨੇ ਜਬਹੀ ਮਮ ਸਾਰਥਤਾ ਤਿਹ ਠੋਰ ਕਮਾਈ ।  
 ਸੁਨਿਕੈ ਅਭਿ ਬੰਦਨ ਕੈ ਪ੍ਰਦੱਖਨ ਰਾਮ ਚਢੇ ਜਿਨ ਵਿਸੁ  
 ਬਨਾਈ ॥ ੧੩ ॥ ਦੋਹਰਾ ॥ ਲੋਕ ਮਿਲਾਏ ਲੱਛਮੀ ਰਾਮ



ਚਢੇ ਰਥ ਮਾਹਿ । ਗਿਰਜਾ ਤਹਿ ਸੰਗ੍ਰਾਮ ਕੇ ਦੇਵਪਿਖੇਂ ਨਭ  
 ਮਾਂਹਿ ॥ ੧੪ ॥ ਸਵੈਯਾ ॥ ਯੁੱਧ ਭਯਾਨਕ ਤਾਹਿ ਭਯੋ ਪਿਖ  
 ਰੋਮਤਨੇ ਗਿਰਜਾ ਹਰਿਖਾਏ।ਧੀਮਤਿ ਰਾਵਣ ਰਾਮ ਮਹਾਤਮ  
 ਦੋਨ ਲਰੇ ਬਲ ਬਾਹੁ ਦਿਖਾਏ । ਪਾਵਕ ਅਸਤ੍ਰ ਹਨੇ ਹਨਿ  
 ਪਾਵਕ ਦੇਵਨ ਕੇ ਪਤਿਦੇਵ ਚਲਾਏ।ਯਾ ਬਿਧ ਰਾਖਸ ਰਾਜਨ  
 ਕੇ ਸਭ ਅਸਤ੍ਰ ਸੁ ਰਾਘਵ ਕਾਟ ਬਗਾਏ ॥ ੧੫ ॥ ਤਬਕ੍ਰੋਧ  
 ਭਰੇ ਦਸਕੰਧਰ ਤਾਂ ਰਣਮੈਂ ਇਕ ਅਸਤ੍ਰ ਔਰ ਚਲਾਏ । ਸੁ  
 ਮਹਾਂ ਬਿਖ ਆਪ ਸਰ ॥ ਭਏਸਰ ਰਾਵਣ ਕੇ ਧਨ ਤੇ ਨਿਕਸਾਏ।  
 ਸਰ ਕਾਂਚਨ ਪੋਖ ਲਸੈ ਜਿਨਕੀ ਸੁ ਚਹੂੰ ਦਿਸ ਰਾਘਵ ਉਪਰ  
 ਆਏ । ਸਰ ਸਾਂਪਨ ਕੇ ਮੁਖ ਸੂਕਤ ਹੈਂ ਮੁਖ ਆਗ ਵਮੈ  
 ਦਿਸ ਆਠ ਜਲਾਏ ॥ ੧੬ ॥ ਪਰ ਪੂਰਣ ਰਾਮ ਪਿਖੇ ਰਣ  
 ਮੈਂ ਦਸ ਓਰਨ ਮਾਂਹਿ ਭੁਜੰਗਮਿ ਛਾਏ । ਤਬ ਕੋਪਭਰੇ ਰਘ  
 ਨੰਦਨ ਜੁ ਗਰੁੜਾਸਤ੍ਰ ਤਾਂ ਰਣ ਮਾਂਹਿ ਚਲਾਏ । ਪੁਨਿ ਰਾਮ  
 ਸਰਾਸਨਤੇ ਨਿਕਸੇ ਸਰ ਪੰਨਗਿ ਔਰ ਚਹੂੰ ਦਿਸ ਆਏ।ਰਣਿ  
 ਮਾਹਿ ਜਿਤੇ ਅਹਿ ਫੂਕਤ ਥੇ ਸਭ ਪੰਨਗਿ ਆਰਤਿਤੇ ਚੁਨਿ  
 ਖਾਏ ॥ ੧੭ ॥ ਯਾਂ ਬਿਧ ਅਸਤ੍ਰ ਹਨੇ ਰਘੁਨੰਦਨ ਤਾ ਦਸਕੰਧਰ  
 ਕੇ ਰਣਿ ਮਾਂਹੀਂ । ਘੋਰ ਸਿਲੀਮੁਖ ਤਾਂ ਬਰਖੇ ਅਤਿ ਰਾਵਣ  
 ਕ੍ਰੋਧ ਭਯੋ ਮਨ ਮਾਂਹੀਂ । ਫੋਰ ਸੁ ਰਾਘਵ ਕੇ ਤਨਕੋ ਪੁਨਿ  
 ਔਰ ਦਏ ਤਨ ਮਾਤੁਲ ਮਾਂਹੀਂ । ਕਾਟਦਈ ਧੁਜਿ ਸਜੰਦਨਕੀ  
 ਵਹਿ ਕਾਂਚਨ ਕੀ ਸੁਗਿਰੀ ਧਰਮਾਂਹੀ ॥ ੧੮ ॥ ਫੋਰ ਤੁਰੰਗਮ  
 ਵਾਸਵ ਕੇ ਰਣ ਰਾਵਣ ਬਾਨਰ ਸਾਥ ਬਿਦਾਰੇ । ਗੰਧੂਬ ਦੇਵ



ਸਭੈ ਪਿਤਰਾ ਪੁਨਿ ਚਾਰਨ ਚੀਤ ਭਏ ਦੁਖਿਆਰੇ । ਦੁਖਭਏ  
 ਸੁ ਮਹਾਨ ਰਿਖੀ ਜਬ ਆਰਤ ਕਾਰ ਸੁ ਰਾਮ ਨਿਹਾਰੇ । ਚੀਤ  
 ਵਿਭੀਖਨ ਦੁਖ ਭਏ ਗਿਰਜਾ ਬਿਲਪੇ ਕਪਿਕੇ ਸਿਰਦਾਰੇ ॥  
 ੧੯ ॥ ਸੁਦਸਾਨਨ ਬੀਸ ਭੁਜਾ ਦਮਕੈ ਸੁ ਸਰਾਸਨ ਹਾਥਨ  
 ਮਾਹਿ ਲਏਹੈਂ । ਇਹਭਾਂਤਿ ਫਿਰੈ ਰਣ ਮੰਡਲ ਮੈਂ ਜਨ ਆਪ  
 ਸਪੱਖ ਮਿਨਾਕ ਅਏ ਹੈਂ । ਭ੍ਰਿਕੂਟੀ ਦਿਢ ਰਾਮ ਠਟੀ ਰਣਮੈਂ  
 ਦ੍ਰਿਗ ਲਾਲ ਕਰਾਲ ਸੁ ਕੋਪ ਭਏਹੈਂ । ਸੁ ਮਨੋ ਅਬ ਜਾਲਤ  
 ਰਾਖਸ਼ ਕੋ ਧਨ ਰਾਮ ਪੁਰੰਦਰ ਹਾਥ ਲਏ ਹੈਂ ॥ ੨੦ ॥ ਬਾਨ  
 ਨਿਕਾਰ ਸੁ ਰਾਮ ਲਯੋ ਪਿਖ ਕਾਲਕੀ ਪਾਵਕ ਜਾਹਿ ਜਲਾਈ  
 । ਨੈਨਨ ਸੋ ਜਲ ਜਾਲਤ ਹੈ ਕੁਪਿ ਰਾਮ ਪਿਖੇ ਅਰ ਹੈ ਨਿਕ  
 ਟਾਈ । ਤੇਜ ਕੀ ਜੁਵਾਲ ਫੁਟੇਤ ਨਤੇ ਅਬ ਰਾਮ ਪਰਾਕ੍ਰਮ ਦੇਤ  
 ਦਿਖਾਈ । ਕਾਲ ਸਰੂਪ ਪਰੇ ਅਰਿਪੈ ਸੁਰ ਪੇਖਤ ਮੇਢਨ ਓਟ  
 ਬਨਾਈ ॥ ੨੧ ॥ ਤਾਨਿ ਕਮਾਨ ਲਈ ਹਰਿਜੀ ਪੁਨਿ  
 ਰਾਵਣਕੇ ਉਰਮੈਂ ਸਰ ਮਾਰੇ । ਰਾਘਵ ਅੰਤਕ ਸੇ ਰਣ ਸੋਭਤ  
 ਪੇਖਿ ਭਏ ਕਪਿ ਤਾਂ ਹਰਖਾਰੇ । ਧਾਵਤਿ ਹੈਂ ਅਰ ਪੈ ਹਰਿ  
 ਜੀ ਜਿਨ ਕੋਪ ਭਰੇ ਮੁਖ ਰਾਮ ਨਿਹਾਰੇ । ਕਾਂਪਿ ਉਠੀ  
 ਸਗਲੀ ਧਰਨੀ ਸਭਭੂਤ ਦਸੋ ਦਿਸ ਮਾਹਿ ਪਧਾਰੇ ॥ ੨੨ ॥  
 ਰਾਮ ਕਰੋਧਰ ਰੂਪ ਨਿਹਾਰ ਭਏ ਉਤਪਾਤ ਦਸੋ ਦਿਸ ਮਾਂਹੀ  
 । ਰਾਵਨ ਕੋ ਉਰ ਮਾਹਿ ਭਯੋ ਡਰ ਭੂਤ ਡਰੇ ਸਗਲੇ ਜਗ  
 ਮਾਂਹੀ । ਗੰਧ ਸਿੱਧ ਸੁ ਕਿੰਨਰ ਦੇਵ ਨਿਹਾਰਤ ਬੈਠ ਬਿਬਾ  
 ਨਨ ਮਾਂਹੀ । ਸੁ ਪੁਲੈ ਸਮ ਸੰਗਰ ਤਾਂਹਿ ਭਯੋ ਨ ਰਹਿਯੋ



ਭ੍ਰਮ ਸੂਰਨ ਕੇ ਮਨ ਮਾਂਹੀ ॥੨੩॥ ਵਾਸਵ ਕੇ ਸਰ ਲੈ ਕਰ  
 ਮੈ ਰਣ ਰਾਵਣ ਕੇ ਸਿਰ ਕਾਟਿ ਬਗਾਏ । ਰਾਮ ਕਟੇ ਰਨਿ  
 ਰਾਵਣ ਕੇ ਸਿਰ ਸ਼੍ਰੋਣਤ ਜਾ ਰਣ ਮਾਹ ਚੁਚਾਏ । ਯਾ ਬਿਧ  
 ਸੀਸ ਗਿਰੇ ਨਭਤੇ ਫਲ ਤਾਤ ਮਨੋ ਅਤਿ ਪੈਨ ਝੁਲਾਏ । ਨਾਂ  
 ਦਿਨ ਨਾਹਿ ਨਿਸਾ ਪਿਖੀਏ ਕਛੁ ਸਾਂਝ ਸੁ ਪ੍ਰਾਤ ਨਹੀ ਸੁਧਿ  
 ਪਾਏ ॥੨੪॥ ਇਹਭਾਂਤਿ ਭਯਾਨਕ ਯੁਧਭਯੋ ਕਛੁ ਦੇਤ ਨ ਸੰਘਰ  
 ਮਾਂਹਿ ਦਿਖਾਈ । ਬਹੁ ਕਾਲ ਭਯੋ ਰਣ ਮੈ ਲਰਤੇ ਬਿਸਮੈ  
 ਪੁਨਿ ਰਾਘਵ ਕੈ ਮਨਿਆਈ । ਸੁ ਇਕੋਤਰ ਸੋ ਸਿਰ ਮੋਹਕਟੇ  
 ਸਿਰ ਕੀ ਨਹਿ ਆਜ ਸਮਾਪਤਿ ਪਾਈ । ਬਲਨਾਹਿ ਟਰੇ ਰਣ  
 ਮੰਡਲ ਮੇਂ ਪੁਨਿ ਨਾਹਿ ਦਸਾਸਨ ਆਯੂ ਘਟਾਈ ॥ ੨੫ ॥  
 ਦੋਹਰਾ ॥ ਤਬ ਸਭ ਅਸਤ੍ਰ ਵਿੱਤਹਰਿ ਕੋ ਸ਼ਲਯਾ ਨਿਧ ਧਾਮਾ  
 ਅਸਤਰ ਬਹੁਰ ਸੰਭਾਰਕੈ ਚਿਤਵਤ ਭਏ ਸੁ ਰਾਮ ॥ ੨੬ ॥  
 ਸਵੈਯਾ ॥ ਜਿਨ ਬਾਨਨ ਸੋ ਬਲਵੰਤ ਬਡੇ ਬਨ ਸੰਗਰ ਮੈ ਮਮ  
 ਦੈਤ ਸੁਮਾਰੇ । ਵਹਿ ਬਾਨ ਭਏ ਦਸਕੰਧਰ ਕੇ ਬਧ ਮਾਂਹਿ  
 ਸੁ ਨਿੱਫਲ ਆਜ ਹਮਾਰੇ । ਇਹ ਚਿੰਤ ਬਿਯਾਕੁਲ ਰਾਮ ਭਏ  
 ਢਿਗ ਆਹਿ ਵਿਭੀਖਨ ਨੈਨ ਨਿਹਾਰੇ । ਚਤੁਰਾਨਨ ਯਾਚਿ  
 ਦਯੋ ਵਰਿਰਾਮ ਸੁ ਆਜ ਸੁਨੋ ਤੁਮ ਵਾਕ ਹਮਾਰੇ ॥ ੪੭ ॥  
 ਭੁਜਿ ਸੀਸ ਵਿਛਿੰਨ ਭਏ ਤੁਮਰੇ ਉਪਜੇ ਪੁਨਿ ਸੀਘਰ ਤੇ ਤਨ  
 ਮਾਂਹੀ । ਇਹ ਭਾਂਤਿ ਕਹਯੋ ਚਤੁਰਾਨਨ ਜੂ ਤੁਮ ਰਾਮ ਸੁਨੋ  
 ਨਿਜ ਕਾਨਨ ਮਾਂਹੀ । ਅਹਿ ਕੁੰਡਲ ਕਾਰ ਸੁ ਅੰਮ੍ਰਿਤ ਹੈ  
 ਦਸਕੰਧਰ ਕੇ ਪੁਨਿ ਨਾਭਿ ਸੁ ਮਾਂਹੀ । ਵਹਿ ਪਾਵਕ ਅਸਤ੍ਰ



ਸੁਕਾਇ ਦਿਜੇ ਦਸਕੰਠ ਮਰੇ ਤਬਹੀ ਰਣ ਮਾਹੀ ॥ ੨੮ ॥  
 ਸੁ ਵਿਭੀਖਨ ਕੇ ਯਹਿ ਵਾਕ ਸੁਨੇ ਸੁ ਪ੍ਰਾਕ੍ਰਮਵੰਤ ਸੁ ਰਾਮ  
 ਮੁਰਾਰੇ । ਸਰ ਪਾਵਕ ਕੇ ਦਸਕੰਧਰ ਕੇ ਪੁਨਿ ਰਾਮ ਹਨੇ ਤਨ  
 ਨਾਭਿ ਮਝਾਰੇ । ਪੁਨਿ ਰਾਮ ਸਰਾਸਨ ਤਾਨ ਮਹਾਬਲਿ ਰਾਵਣ  
 ਕੇ ਸਿਰ ਕਾਟਿ ਉਤਾਰੇ । ਦਸਕੰਧਰ ਕੇ ਭੁਜ ਜਾਇ ਪਰੇ ਧਰ  
 ਮਾਹਿ ਸੁਰਾਮ ਸਿਲੀਮੁਖਮਾਰੇ ॥ ੨੯ ॥ ਘੋਰਲਈ ਸ਼ਕਤੀ ਕਰ  
 ਮੈਸੁ ਵਿਭੀਖਨ ਓਰ ਤਕੀ ਖੁਨਸਾਨੋ । ਰਾਮਕਟੀ ਪਥਿ ਭੀਤਰ  
 ਸਾਪੁਨਿਤੀਖਨ ਏਕਚਲਾਇ ਸੁ ਬਾਨੋ । ਸੀਸ ਕਟੇ ਦਸਕੰਧਰ ਕੇ  
 ਪੁਨਿ ਤੇਜ ਉਮਾ ਤਨਤੇ ਨਿਕਸਾਨੋ । ਜਾਇ ਪਰੇ ਧਰ ਭੀਤਰ  
 ਜੋ ਸਿਰ ਰਾਵਣ ਰੂਪ ਭਯੋ ਸੁ ਮਲਾਨੋ ॥ ੩੦ ॥ ਏਕ ਪ੍ਰਧਾਨ  
 ਰਹੰਯੋ ਧਰਮੈ ਸਿਰ ਰਾਵਣਕੀ ਭੁਜਿ ਦੋਊ ਭਵਾਨੀ । ਫੇਰ ਕੁਪੇ  
 ਦਸਕੰਧਰ ਸੋ ਪੁਨਿ ਬਾਨਨਕੀ ਬਰਖਾ ਬਰਖਾਨੀ । ਰਾਵਣ  
 ਰਾਘਵ ਰਾਘਵ ਰਾਵਣ ਮਾਰਤ ਤੀਰ ਮਹਾ ਰੁਖਸਾਨੀ । ਯੁਧ  
 ਭਯਾਨਕ ਤਾਹਿ ਭਯੋ ਸੁ ਮਨੋ ਯੁਗ ਘੋਰਘਟਾ ਉਮਡਾਂਨੀ ॥  
 ੩੧ ॥ ਕਬਿਵਾਰ ॥ ਸਵੈਯਾ ॥ ਸੂਰਨਕੇ ਪਦ ਕੋ ਭਟ ਜਾਨਤ  
 ਔਰ ਨ ਜਾਨਤ ਭਾਂਤਿ ਭਟੋਰੇ । ਰਾਮ ਦਸਾਨਨ ਬੀਰ  
 ਭਲੀ ਤਨ ਘਾਉ ਬਹੇ ਸੁ ਲਰੇ ਮੁਖ ਜੋਰੇ । ਆਜੁ ਦਸਾਨਨ  
 ਚਾਹਤਹੈ ਜਗ ਬੰਧਨ ਬਾਨਨ ਸੋ ਰਣ ਤੋਰੇ । ਸੂਰ ਅਨੇਕ ਭਏ  
 ਜਗਭੀਤਰ ਰਾਵਣ ਸੇ ਭਟਹੈਂ ਜਗ ਥੋਰੇ ॥ ੩੨ ॥ ਦੋਹਰਾ  
 ॥ ਮਾਤੁਲ ਬਹੁਰ ਸਿਮਾਰਯੋ ਰਾਘਵ ਕੇ ਸਮਝਾਇ । ਰਾਵਣ  
 ਕੇ ਬਧ ਕਾਜ ਅਬ ਅਸਤਰ ਬ੍ਰਹਮ ਚਲਾਇ ॥ ੩੩ ॥ ਬਿਨਾਸ



ਕਾਲ ਸੁਰ ਜੋ ਰਚੇ ਜੋ ਅਬ ਆਏ ਬੀਰ । ਉੱਤਮ ਅੰਗਨ  
ਕਾਟਿਯੋ ਰਾਵਣ ਕੋ ਰਣਧੀਰ ॥੩੪॥ ਸੀਸ ਨ ਕਾਟੋ ਯਾਹਿ  
ਕੋ ਮਰਮ ਕਰੀਜੇ ਘਾਤਿ ਮਾਤੁਲ ਵਾਕਿ ਚਿਤਾਰ ਹਰਿ ਰਾਵਣ  
ਕੀ ਬਧ ਬਾਤ ॥ ੩੫ ॥ ਸਵੈਯਾ ॥ ਤਬ ਰਾਮ ਲਯੋ ਕਰਮੈਂ  
ਸਰ ਦੀਪਤਿ ਪੰਨਗ ਜਿਉ ਮੁਖਿ ਮਾਹਿ ਸੁਕਾਏ । ਜਿਨ  
ਕੇ ਪੁਨਿ ਪਾਸਨ ਪੈਨ ਰਹੇ ਰਵਿ ਪਾਵਕ ਜਾ ਫਲ ਮਾਹਿ  
ਲਗਾਏ । ਤਨ ਬਾਨ ਕੁ ਆਹਿ ਅਕਾਸ ਮਯੈ ਪੁਨਿ ਗੌਰਵਿ  
ਮੰਦਰ ਮੇਰ ਸੁਹਾਏ । ਸਭ ਲੋਕਨ ਕੇ ਸੁਰ ਪਾਲਕ ਜੇ ਵਹਿ ਤਾ  
ਸਰ ਬੰਧਨ ਮਾਂਹਿ ਬਸਾਏ ॥ ੩੬ ॥ ਦਮਕੈ ਸਰ ਸੂਰਜ ਸੋ  
ਰਣਮੈ ਸਭ ਲੋਕਨ ਕੋ ਡਰ ਆਜ ਮਿਟਾਏ । ਸੁਚਿ ਮੰਤ੍ਰ  
ਪਵਯੋ ਰਘੁਨੰਦਨ ਜੂ ਪੁਨਿ ਜੋ ਸਰ ਬੇਦਨ ਮਾਂਹਿ ਬਤਾਏ । ਇਹ  
ਭਾਂਤਿ ਮਹਾ ਸਰ ਲੈਕਰ ਮੈਂ ਪੁਨਿ ਰਾਮ ਸਰਾਸਨ ਮਾਂਹਿ  
ਲਗਾਏ । ਧਰਨੀ ਸਗਲੀ ਡਮ ਡੋਲ ਉਠੀ ਪੁਨਿ ਭੂਤ ਸਭੈ ਜਗ  
ਮਾਂਹਿ ਕੰਪਾਏ ॥੩੭॥ ਰਾਵਣ ਕੇ ਬਧ ਕਾਜ ਵਹੀ ਸਰ ਰਾਮ  
ਸਰਾਸਨ ਮਾਂਹਿ ਤਨਾਯੋ । ਕ੍ਰੋਧ ਭਯੋ ਰਘੁਨੰਦਨ ਕੋ ਉਰਘਾ  
ਤਕ ਸੋ ਸਰ ਰਾਮ ਚਲਾਯੋ । ਬੱਜ੍ਰ ਮਨੋ ਰਣ ਮੰਡਲ ਮੈਂ ਉਰ  
ਕੋਪ ਭਰੇ ਸੁਰਨਾਥ ਬਗਾਯੋ । ਕਾਲ ਪਸਾਰ ਪਰੇ ਮੁਖਿ ਜਿਉ  
ਇਮ ਰਾਵਣ ਕੇ ਉਰ ਮਾਂਹਿ ਲਗਾਯੋ ॥ ੩੮ ॥ ਗੱਡਿ ਗਯੋ  
ਉਰ ਭੀਤਰ ਜੋ ਸਰ ਰਾਵਣ ਸ਼ੈਨਤ ਪਾਨ ਕਰੇਹੈ । ਫਾਟਗਾਏ  
ਉਰਰਾਵਣ ਕੇ ਗਿਰਜਾ ਤਨ ਕੇ ਸਰ ਪ੍ਰਾਨ ਹਰੇ ਹੈ । ਰਾਵਣ  
ਮਾਰ ਸੁ ਫਾਰ ਧਰਾ ਸਰ ਰਾਮ ਨਿਖੰਗ ਕੈ ਮਾਂਹਿ ਪਰੇ ਹੈਂ ।



ਰਾਵਣਕੇ ਕਰ ਚਾਂਪ ਸਭੈ ਗਿਰਜਾਸਹਿਬਾਨਨ ਭੂਮਿ ਢਰੇ ਹੈਂ  
 ॥ ੩੯ ॥ ਪ੍ਰਾਨ ਗਏ ਦਸਕੰਧਰ ਕੇ ਰਣਮਾਂਹਿ ਗਿਰੇ ਵਹੁ  
 ਰਾਖਸ਼ ਰਾਈ । ਰਾਵਨ ਭੂਮਿ ਗਿਰੇ ਲਖਕੈ ਹਤਿ ਸੇਖ ਸੁ  
 ਰਾਖਸ਼ ਸੈਨ ਪਲਾਈ । ਭਾਗ ਚਲੇ ਸੁ ਦਸੋ ਦਿਸਕੋ ਅਬਿ  
 ਭੂਪਿ ਬਿਨਾ ਕਰੇ ਕੌਨ ਲਰਾਈ । ਰਾਵਨ ਮਾਰ ਜਿਨੇਂ ਰਘੁਨੰਦ  
 ਨ ਬਾਨਰ ਯਾ ਬਿਧ ਦੁੰਦਭਿਵਾਈ ॥ ੪੦ ॥ ਜੈ ਰਾਘਵ ਕੀ  
 ਦਸ ਮੌਲ ਹਨੇ ਸੁਰ ਮੰਡਲ ਯੋਂ ਨਭਿ ਮਾਂਹਿ ਬਖਾਨੀ । ਨਭਿ  
 ਮੰਡਲ ਦੇਵ ਨਿਸਾਨ ਵਜੇ ਹਰਿ ਫੂਲਨਕੀ ਬਰਖਾ ਬਰਖਾਨੀ  
 । ਮੁਨਿ ਸਿੱਧ ਸੁਚਾਰਣ ਦੇਵ ਸਭੈ ਮੁਖ ਰਾਘਵ ਕੇ ਜਸੁ ਗਾਹਿ  
 ਭਵਾਨੀ । ਤਬ ਬੀਚ ਅਕਾਸ ਸੁ ਮੋਦ ਬਢੇ ਪੁਨਿ ਆਇ  
 ਅਪੱਛਰ ਨਿਰਤ ਸੁ ਠਾਨੀ ॥ ੪੧ ॥ ਰਾਵਨਕੇ ਤਨਭੇ ਨਿਕਸੀ  
 ਰਵਿ ਜੋਤਿ ਸਮਾਨ ਸੁ ਜੋਤਿ ਭਵਾਨੀ । ਦੇਵਨ ਕੇ ਪੁਨਿ ਪੇਖਤ  
 ਹੀ ਵਹੁ ਰਾਘਵਕੇ ਤਨ ਮਾਂਹਿ ਮਿਲਾਨੀ । ਭਾਗ ਅਹੇ ਦਸਕੰ  
 ਧਰ ਕੇ ਸਭ ਦੇਵਨ ਯੋਂ ਮੁਖ ਮਾਂਹਿ ਬਖਾਨੀ । ਰਾਵਨਕੇ ਸਮ  
 ਔਰ ਮਹਾਤਮ ਨਾਂਹਿ ਕਹੂੰ ਜਗ ਮੈ ਹਮ ਜਾਨੀ ॥ ੪੨ ॥  
 ਦੋਹਰਾ ॥ ਯੱਦਪ ਸਾਂਤਕ ਦੇਵ ਹਮਿ ਹਰਿ ਕਿਰਪਾ ਹਮਮਾਂਹਿ  
 । ਤੱਦਪਿ ਦੁਖ ਭਯ ਬਿਜਾਪਯਾ ਫਿਰੇ ਜਗਤਕੇ ਮਾਂਹਿ ॥ ੪੩  
 ॥ ਸਵੈਯਾ ॥ ਦਸਕੰਧਰ ਰਾਖਸ਼ ਕੂਰ ਬਡੇ ਪੁਨ ਬਾਮਨ ਕੇ  
 ਗਹਿ ਕੇਸਨ ਮਾਰੇ । ਹਰਿ ਕੇ ਸਹਿੰ ਦ੍ਰੋਖ ਕਰੇ ਮੁਨਿ ਹਿੰਸਕ  
 ਔਰ ਰਮੇ ਪਰ ਦਾਰ ਮਝਾਰੇ । ਇਨ ਰਾਮ ਕੇ ਮਾਂਹਿ ਪ੍ਰਵੇਸ਼  
 ਕੀਯੋ ਸਭ ਭੂਤਨ ਯਾ ਬਿਧਿ ਨੈਨ ਨਿਹਾਰੇ । ਇਹ ਭਾਂਤ ਕਹੇਂ



ਸੁਰ ਆਪਸ ਮੈ ਹਸ ਨਾਰਦ ਤਾਂ ਪ੍ਰਤਿ ਬੈਨ ਉਚਾਰੇ ॥੪੪॥  
 ਸੁਨੋ ਸੁਰ ਧਰਮ ਵਿਚੱਖਣ ਹੋ ਤੁਮ ਰਾਵਣਕੀ ਯਹਿ ਬਾਤ  
 ਚਲਾਈ । ਯਹਿ ਦ੍ਰੋਖ ਬਡੇ ਉਰ ਭੀਤਰ ਰਾਵਣ ਨੀਤ ਚਿਤਾ  
 ਰਤ ਥੇ ਰਘੁਰਾਈ । ਭ੍ਰਾਤਨ ਸੰਗ ਸਦਾ ਮਿਲਕੈ ਅਤਿ ਰਾਮ  
 ਕਥਾ ਮੁਖ ਭੀਤਰ ਗਾਈ । ਇਨ ਰਾਘਵ ਹਾਥ ਸੁਨਯੋ ਮਰਣਾ  
 ਸਭ ਠੌਰਨ ਮੈ ਤਿਨ ਤੇ ਸੁ ਡਰਾਈ ॥ ੪੫ ॥ ਸੁਪਨੇ ਦਿਨ  
 ਰਾਤਿ ਬਿਖੈ ਦਸਕੰਧਰ ਰਾਮ ਸਦਾ ਉਰ ਮਾਂਹਿ ਧਿਆਈ ।  
 ਗੁਰਕੇ ਸਮ ਬੋਧਕ ਆਜ ਭਯੋ ਯਹਿ ਕ੍ਰੋਧ ਬਡੇ ਜਗ ਰਾਖਸ਼  
 ਰਾਈ । ਪੁਨ ਅੰਤ ਮਰੇ ਹਰਿਕੇ ਕਰਿ ਤੇ ਸੁ ਗਏ ਇਨਕੇ ਸਭ  
 ਪਾਪ ਮਿਟਾਈ । ਸਭ ਬੰਧ ਤੁਟੇ ਦਸਕੰਧਰ ਕੇ ਇਮ ਰਾਮ ਕੀ  
 ਆਜ ਸੁ ਸਾਯੁਜ ਪਾਈ ॥ ੪੬ ॥ ਸੁਦੁਰਾਤਮ ਯੱਦਪਿ ਪਾਪ  
 ਕਰੇ ਪਰਕੇ ਧਨ ਦਾਰਨ ਮੈਂ ਲਪਟਾਈ । ਉਰ ਪ੍ਰੀਤਿ ਜਗੈ  
 ਯਦਿਵਾ ਡਰਕੈ ਰਘੁਨੰਦਨ ਅੰਤ ਸਮੈ ਨਰ ਧਯਾਈ । ਵਹ  
 ਹੋਵਤ ਸੁਧ ਸਦਾ ਜਗ ਮੈਂ ਜਨਮਾਂਤਰ ਕੋਟਨ ਦੋਖ ਮਿਟਾਈ ।  
 ਸੁਰ ਸੱਤਮ ਜਾਹਿ ਪ੍ਰਣਾਮ ਕਰੇ ਸੁ ਰਮੇ ਹਰਿ ਲੋਕ ਬੈਕੁੰਠਹਿ  
 ਜਾਈ ॥ ੪੭ ॥ ਸ਼ੰਕਰ ਛੰਦ ॥ ਤਿਭਵਨ ਵਿਖਮ ਦਸਾਸ ਕੋ  
 ਜਿਨ ਮਾਰਕੈ ਰਣ ਮਾਂਹਿ । ਵਾਮ ਕਰ ਧਨ ਟੇਕ ਧਾਰ ਸਰ  
 ਦੱਖ ਹਸਤ ਫਿਰਾਂਹਿ । ਦ੍ਰਿਗ ਪ੍ਰਾਤ ਦੇਸੁ ਸੁਲਾਲ ਹੈ ਸਰ ਦ  
 ਲਤ ਜਾਹਿ ਸਰੀਰ । ਰਵਿ ਕੋਟ ਕੇ ਸਮ ਸੋਭਈ ਰਣਮਾਂਹਿ  
 ਦ੍ਰੈ ਰਘੁਬੀਰ ॥ ੪੮ ॥ ਦੋਹਰਾ ॥ ਰਕਤੁ ਬਿੰਦ ਤਨ ਸੋਭਈ  
 ਸੁਰਪਤਿ ਕੇ ਪਰਣਾਮ । ਮੇਰੀ ਵੈ ਰੱਛਾ ਕਰੈਂ ਰਘੁਬੀਰ ਸਦਾ



ਸ੍ਰੀਰਾਮ ॥ ੪੯ ॥ ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ  
 ਉਮਾ ਮਹੇਸ਼ੁਰ ਸੰਬਾਦੇ ਯੁਧ ਕਾਂਡੇ ਰਾਵਣ ਬਧ ਨਾਮ  
 ਇਕਾਦਸਮੇ ਅੰਕ ॥ ੧੧ ॥

॥ ਸ੍ਰੀ ਮਹਾ ਦੇਵ ਉਵਾਚੁ ॥ ਸਵੈਯਾ ॥  
 ਰਾਮ ਵਿਭੀਖਣ ਐ ਹਨੁਮਾਨ ਸੁ ਅੰਗਦ ਭ੍ਰਾਤ ਕਪੇਸ ਨਿ  
 ਹਾਰੇ। ਭਾਲਕ ਰਾਜ ਤਥਾ ਨਲਨੀਲ ਪ੍ਰਸੰਨ ਭਯੋ ਰਘੁਨਾਥ  
 ਉਚਾਰੇ। ਮੈ ਤੁਮਰੇ ਭੁਜ ਦੰਡਨ ਕੇ ਬਲ ਲੰਕ ਪਤੀ ਰਣ  
 ਭੀਤਰ ਮਾਰੇ। ਸੂਰਜ ਚੰਦ ਰਹੇ ਜਬਲੋ ਤਬਲੋ ਤੁਮਰੇ ਜੱਸ  
 ਭੋਨ ਮਝਾਰੇ ॥੧॥ ਪੁੰਨ ਕਥਾ ਤੁਮਰੀ ਜਗਭੀਤਰ ਗਾਵਹਿੰਗੇ  
 ਜਨ ਪ੍ਰੇਮ ਬਢਾਈ। ਮੋਹਿ ਮਿਲੀ ਗਤਿ ਪਾਹਿ ਪਰਾ ਜਨ ਯਾ  
 ਕਲ ਕੇ ਸਭ ਦੋਖ ਮਿਟਾਈ। ਯੋ ਵਰ ਦਾਨ ਦਯੋ ਸਭਕੋ ਪੁਨ  
 ਸੰਘਰ ਰੰਗ ਮਹੀ ਰਘੁਰਾਈ। ਤਾਂਹਿ ਸਮੈ ਰਨਮੈ ਨਿਰਖਯੋ  
 ਪਤਿ ਕੇ ਮਘਵਾਜਿਤਕੀ ਜੇਉ ਮਾਈ ॥ ੨ ॥ ਵੋਹਰਾ ॥  
 ਰਾਵਣ ਕੀ ਸਭਨਾਰੀਆਂ ਲੈ ਮੰਦੋਦਰਿ ਆਦਿ। ਉਰ ਤਾੜੇਂ  
 ਮੁਖ ਰੋਵਈ ਰਾਵਣ ਕੇ ਢਿਗ ਪਾਦ ॥ ੩ ॥ ਸਵੈਯਾ ॥ ਕਾ  
 ਚਨਕੀ ਜਿਨਕੀ ਨਗਰੀ ਗਜ ਝੁਲਤ ਤਾਂ ਦਰਪੈ ਮਤਿਵਾਰੇ  
 । ਪਾਵਕ ਪਾਕ ਕਰੇ ਜਿਨਕੇ ਪੁਨ ਬੇਦ ਪੜ੍ਹੇ ਚਤੁਰਾਨਨ ਵਾਰੇ  
 । ਛੱਤ੍ਰ ਧਰੇ ਸਿਰਮੈਂ ਸਵਿਤਾ ਨਿਸਿ ਸਾਹਿ ਭਲੀ ਬਿਧ ਚੈਰ  
 ਝੁਲਾਰੇ। ਸੋ ਪਤਿ ਆਜਿ ਪਰੇ ਰਣ ਮੈਂ ਮੁਖ ਧੂਰਭਰੇ ਸਿਰ  
 ਕ੍ਰੀਟ ਬਿਸਾਰੇ ॥ ੪ ॥ ਜਿਨਕੇ ਭੁਜ ਤੇ ਯਮ ਰਾਜ ਡਰੇ  
 ਮਘਵਾ ਪਰ ਪਾਇਨ ਬੰਦਨ ਧਾਰੇ। ਅਹਿ ਰਾਜ ਡਰੇ ਜਿਨਕੇ



ਬਲਤੇ ਜਲ ਨਾਇਕ ਜਾਂ ਪਦਕੰਜ ਪਖਾਰੇ ॥ ਸੁਰ ਆਇਸ  
 ਪੌਰ ਅਧੀਨ ਰਹੇ ਜਿਨਕੀ ਪੁਨ ਸੇਜ ਬਸੰਤਰ ਸੁਾਰੇ । ਸੇ  
 ਦਸ ਮੌਲ ਰੁਲੇ ਧਰਮੈ ਰਘੁਨਾਇਕ ਬਾਨਨ ਕੇ ਰਣਮਾਰੇ  
 ॥ ੫ ॥ ਸੁ ਵਿਭੀਖਨ ਰੋਇ ਚਲੇ ਦ੍ਰਿਗ ਨੀਰ ਸੁ ਸ਼ੋਕ ਭਯੋ  
 ਤਿਨਕੇ ਉਰ ਭਾਰੀ । ਦਸਕੰਧਰ ਕੇ ਪਦ ਪਾਸਖਰੇ ਗਿਰਜਾ  
 ਸਿਰ ਪਾਗ ਸੁ ਦੂਰ ਨਿਵਾਰੀ । ਸੁ ਵਿਭੀਖਨ ਆਜ ਸੰਬੋਧ  
 ਕਰੇ ਰਘੁਨਾਇਕ ਭ੍ਰਾਤਕੇ ਏਹ ਉਚਾਰੀ । ਸੁ ਦਏ ਅਬਿ ਰਾਵ  
 ਨ ਕੋ ਅਗਨੀ ਅਬ ਕਾਹਿ ਨਮਿੱਤ ਲਗਾਵਤ ਬਾਰੀ ॥ ੬ ॥  
 ਗੀਯਾ ਮਾਲਤੀ ਛੰਦ ॥ ਮੰਦੋਦਰੀਲੈ ਆਦਿ ਬਿਲਪੈ ਲੰਕ  
 ਪਤਿ ਕੀ ਰਾਨੀਆਂ । ਨਿਵਾਰ ਯਾਹਿ ਪਠਾਇ ਲੰਕਾ ਕਰੇ ਤਾਂ  
 ਸਨਮਾਨੀਆਂ ॥ ਇਹ ਭਾਂਤਿ ਰਾਘਵ ਜੋ ਕਹਯੋ ਤਬ ਗਏ  
 ਲਛਮਣ ਯਾਇਕੈ । ਸ਼ਵਪਾਸ ਪਰੇ ਵਿਭੀਖਣਾ ਜਨ ਗਏ ਪ੍ਰਾ  
 ਨ ਵਿਲਾਇਕੈ ॥ ੭ ॥ ਉਰ ਸ਼ੋਕ ਪੇਖ ਵਿਭੀਖਣੇ ਲਖਮੰਨ  
 ਏਹ ਬਖਾਨੀਆਂ । ਇਹ ਕੌਨ ਤੇਰੇ ਆਹਿਜਾਕੇ ਸੋਚਹੈ ਦੁਖ  
 ਮਾਨੀਆਂ । ਯਾ ਸ੍ਰਿਸ੍ਰਿ ਪੂਰਬ ਕੌਨ ਸੇ ਤੂੰ ਯਾਹਿਕੇ ਯਹਿ ਭਾ  
 ਖੀਏ ॥ ਅਬ ਕੌਨ ਆਗੇ ਹੋਹਿਗੇ ਯਾ ਮਾਂਹਿ ਕੇ ਹੈ ਸਾਖੀਯੇ  
 ॥ ੮ ॥ ਨਦੀ ਕੇ ਪਰਵਾਹਿ ਸਿਕਤਾ ਜਾਇ ਜਿਉ ਬਸ ਪਾਨੀਏ  
 । ਮਿਲੇ ਕਬਹੂੰ ਨਾ ਮਿਲੇ ਤਿਮ ਦੇਹਿ ਦੇਹੀ ਜਾਨੀਯੇ । ਜਿਉਂ  
 ਬੀਜ ਬੀਜਨ ਕੇ ਮਿਲੈ ਪੁਨੁ ਕਬਹੂੰ ਨਾਹ ਮਿਲਾਇਹੈ । ਤਿਉ  
 ਭੂਤ ਭੂਤਨ ਮਾਂਹਿ ਮਾਇਆ ਈਸ ਬਸ ਭਰਮਾਇ ਹੈ ॥ ੯ ॥  
 ਤੁਮ ਏਹ ਔ ਹਮ ਔਰ ਸਗਲੇ ਕਾਲ ਵਸ ਉਪਜਾਇ ਹੈ ॥



ਜਨਮ ਜਨਮ ਸੁਖੀਣਤਾ ਪੁਨ ਅੰਤ ਮਰਨੋ ਪਾਇਹੈਂ । ਅਜ  
ਸਰਬ ਭੂਤਨ ਕੋ ਰਚੇ ਪੁਨ ਹਨੇ ਈਸ਼ ਸੁ ਪਾਲਕਾ ॥ ਨਹਿ  
ਜੀਵਕੇ ਬਸਹੈ ਕਛੁ ਨਿਰ ਪੇਖ ਹਰਿ ਜਿਉ ਬਾਲਕਾ ॥੧੦॥  
ਦੇਹ ਦੇਹਨ ਤੇ ਭਏ ਜਬ ਬੀਜ ਬੀਜਨ ਜਾਇ ਹੈ । ਦੇਹੀ  
ਨਿਰਾਲਾ ਹੈ ਸਦਾ ਨਹਿ ਜਨਮ ਮਰਣਾ ਪਾਇਹੈ । ਦੇਹ ਜੀਭ  
ਵਿਭਾਗ ਸਗਲੋ ਹੈ ਅਗਜਾਨ ਬਨਾਇਆ । ਜਨਮ ਬਿੱਧ  
ਬਿਨਾਸ ਨਾਨਾ ਕ੍ਰਿਯਾ ਕੈ ਫਲ ਜਾਇਆ ॥ ੧੧ ॥ ਦੋਹਰਾ ॥  
ਦਾਰ ਕ੍ਰਿਯਾ ਜਿਉ ਅਗਨਿਮੈ ਤਿਯੋਂ ਯਹ ਆਤਮ ਮਾਂਹਿ । ਅ  
ਨਾਤਮ ਧਰਮ ਅਰੋਪ ਕੈ ਮੂਢ ਭ੍ਰਮੇ ਜਗ ਮਾਂਹਿ ॥ ੧੨ ॥  
ਤੇ ਯਹਿ ਦੇਹਿ ਸੰਜੋਗ ਤੇ ਭਾਸੈ ਆਤਮ ਮਾਂਹਿ । ਅਸੱਤ ਰੂਪ  
ਜਗ ਬਿਖੇ ਕੋ ਧਰਮੈ ਜੋ ਮਨ ਮਾਂਹਿ ॥ ੧੩ ॥ ਅਝਿੱਲ ॥  
ਸੁਖਪਤ ਮਾਂਹਿ ਹੰਕਾਰ ਜਬੈ ਮਿਟਿ ਜਾਇ ਹੈ । ਸੰਸ੍ਰਿਤ ਨਾਂਹਿ  
ਵਿਭੀਖਣ ਤਬ ਦਿਖਲਾਇ ਹੈ । ਜਾਗ੍ਰਤ ਮਾਂਹਿ ਹੰਕਾਰ ਤਬ  
ਪੁਨ ਨਾ ਰਹੇ । ਹੋਮੁਕਤਿ ਵਿਭੀਖਣ ਜੀਵ ਜਗਤ ਮੈ ਤੇ ਕਹੇ  
॥ ੧੪ ॥ ਮਿਥਯਾ ਹੰਮਮ ਭ੍ਰਾਤ ਵਿਭੀਖਣ ਡਾਰੀਯੇ । ਰਾਮ  
ਨਰਾਇਣ ਮਾਂਹਿ ਚਿਤ ਅਬ ਧਾਰੀਯੇ । ਸਰਬ ਭੂਤਕੋ ਆਤਮ  
ਰਾਮ ਪਛਾਨੀਯੇ । ਹੋ ਮਾਯਾ ਮਾਨੁਖ ਭੇਸ ਭ੍ਰਾਤ ਨਹਿ ਠਾਨੀ  
ਯੇ ॥ ੧੫ ॥ ਬਾਹਰ ਇੰਦ੍ਰੀ ਅਰਥ ਸੰਬੰਧ ਸੁ ਛੋਰੀਯੇ । ਦੋਖ  
ਨਿਹਾਰ ਜਗੱਤ ਚਿਤ ਕੋ ਜੋਰੀਯੇ । ਰਾਮ ਨਿਰੰਜਨ ਮਾਂਹਿ  
ਚਿਤ ਅਬ ਜੋਰੀਯੇ । ਹੋ ਪਾਰ ਪਰੇ ਜਗਸਿੰਧੁ ਨ ਆਤਮ ਬੋ  
ਰੀਯੇ ॥ ੧੫ ॥ ਤਨਮੈ ਆਤਮ ਬੁਧਿ ਜਬੈ ਪੁਨਿ ਠਾਨੀਯੇ ।



ਮਾਤ ਭ੍ਰਾਤ ਪਿਤ ਮੀਤ ਤਬੈ ਪੁਨ ਜਾਨੀਯੇ । ਦੇਹ ਵਿਲਖਣ  
 ਆਤਮ ਜਬੈ ਸੁ ਪੇਖੀਯੇ । ਹੋ ਮਾਤ ਭ੍ਰਾਤ ਪਿਤ ਬੰਧ ਨ ਕਹਿ  
 ਕੋ ਲੇਖਿਯੇ ॥ ੧੭ ॥ ਰਾਗਾਦਿਕ ਸੁਤ ਤੋਹਿ ਅਗਿਆਨ ਉ  
 ਪਾਇਆ । ਸ਼ਬਦਾਦਿਕ ਬਹੁ ਬਿਖੈ ਬਹੁਤ ਘਰ ਮਾਇਆ  
 । ਸੈਨ ਕੋਸੁ ਭ੍ਰਿਤ ਰਾਜ ਭੂਮ ਸੁਤ ਰਾਨੀਏ । ਹੋ ਭ੍ਰਾਤ ਜਨੇ ਖਿਨ  
 ਭੰਗਰ ਸਗਲ ਪਛਾਨੀਯੇ ॥ ੧੮ ॥ ਸ਼ੋਕ ਨਿਵਾਰ ਸੁ ਉਠੋ  
 ਰਾਮਉਰਧਯਾਈਯੇ । ਪਰਾਰਬਧ ਕੇ ਬਸ ਅਬ ਰਾਜ ਕਮਾਈਯੇ ।  
 ਭੂਤ ਭਵਿਖਯਤ ਭੱਬ ਸਗਲ ਸੁਖ ਜੋਇਗੋ । ਹੋ ਨੀਤ ਕਰੋ  
 ਵਿਵਹਾਰ ਲੇਪ ਨਹਿ ਹੋਇਗੋ ॥ ੧੯ ॥ ਰਘੁਵਰ ਆਇਸ  
 ਮਾਨਾਕ੍ਰਿਆ ਅਬ ਕੀਜੀਯੇ । ਅਗਨਿ ਦਾਹੁ ਦੈਭ੍ਰਾਤ ਤਿਲੋਦਕ  
 ਦੀਜੀਯੇ । ਰੋਵਤ ਰਾਵਣ ਨਾਰਿ ਮਹਾ ਮਤ ਵਾਰੀਯੇ । ਹੋ ਬਰੇ  
 ਲੰਕ ਗਢ ਜਾਇ ਨ ਲਾਇ ਸੁ ਬਾਰੀਯੇ ॥ ੨੦ ॥ ਲਖਮਣ  
 ਭਾਖੇ ਵਾਕ ਵਿਭੀਖਣ ਧਾਰਿਆ । ਰਾਮ ਸਮੀਪ ਸੁ ਆਯੋ ਸ਼ੋਕ  
 ਨਿਵਾਰਿਆ । ਕਰ ਵਿਚਾਰ ਧਰਮੰਗ ਵਚਨ ਤਿਮ ਆਖਿਯੋ ।  
 ਹੋ ਰਾਮ ਪ੍ਰੀਤਿ ਹਿਤ ਤਾਂਹਿ ਸੁ ਉਤਰ ਰਾਖਿਯੋ ॥ ੨੧ ॥ ਰਾ  
 ਵਣ ਥੋ ਨਿਹ ਸੰਸ ਧਰਮ ਨਹਿ ਲਾਗਿਆ ॥ ਕੂਰ ਝੂਠ ਮੁਖ  
 ਬੋਲ ਬਰਤ ਸਭ ਤਜਾਗਯਾ । ਪਰਦਾਰਾ ਅਭਰੈਮਖੀ ਮੁਨਿ  
 ਗਨ ਹਿੰਸ ਕੋ । ਹੋ ਸੰਸਕਾਰ ਨਹਿ ਕਰੋਂ ਸੁ ਰਘੁਵਰ ਤਾਹਿ  
 ਕੋ ॥ ੨੨ ॥ ਸੁਨ ਬਿਗਸੇ ਰਘੁਨਾਥ ਸੁ ਬਚਨ ਅਲਾਇਯੋ । ਮ  
 ਰਣ ਅੰਤ ਥੋ ਵੈਰ ਸੁ ਸਰਬ ਪਲਾਇਯੋ । ਸੰਸਕਾਰ ਅਬ  
 ਕੀਜੇ ਯਾਹਿ ਬਨਾਇਕੈ । ਹੋ ਆਇਸ ਮੇਰੀ ਯਾਹਿ ਬੇਦ ਬਿਧਿ



ਪਾਇਕੈ ॥ ੨੩ ॥ ਰਘੁਵਰ ਆਇਸ ਸੀਸ ਵਿਭੀਖਨ ਧਾ  
 ਰੀਆ । ਸੰਸਕਾਰ ਹਿਤ ਤਾਂਹਿ ਸੁ ਕਰੀ ਤਯਾਰੀਆ । ਬਾਂਧਵ  
 ਲੀਨੇ ਸਰਬ ਸੁ ਤਾਂਹਿ ਬੁਲਾਇਕੈ । ਹੋ ਚਿਤਾ ਰਚੀ ਤਿਹ ਠੌਰ  
 ਸੁ ਚੰਦਨ ਪਾਇਕੈ ॥ ੨੪ ॥ ਪਿਤ੍ਰਮੇਧ ਬਿਧਾਨ ਚਿਤਾ ਮਹਿ  
 ਡਾਰਿਓ । ਆਹਿਤ ਅਗਨੀ ਕਾਜ ਸੁ ਸਗਲ ਸਵਾਰਿਓ । ਵ  
 ਭੀਖਨ ਕਰੀ ਸੁ ਕ੍ਰਿਆ ਸਗਲ ਬਨਾਇਕੈ । ਹੋ ਰਾਵਣਕੇ ਸਭ  
 ਮੰਤ੍ਰੀ ਸੰਗ ਬੁਲਾਇਕੈ ॥ ੨੫ ॥ ਪਾਵਕ ਅਪਨੇ ਹਾਥ ਵਿਭੀ  
 ਖਨ ਲਾਇਓ । ਫੇਰ ਭਵਾਨੀ ਜਾਇ ਸੁ ਨੀਰਹਿ ਨ੍ਰਾਇਓ ।  
 ਤਿਲ ਅਰ ਦਾਭਿ ਸੁ ਨੀਰ ਤਾਂਹਿ ਮਿਲਾਇਕੈ । ਹੋਰਾਵਣ ਕੇ  
 ਪੁਨ ਦਏ ਬੇਦ ਬਿਧਿ ਪਾਇਕੈ ॥ ੨੬ ॥ ਫੇਰ ਕਰੀ ਪਰਣਾਮ  
 ਸੁ ਸੀਸ ਨਵਾਇਕੈ । ਨਾਰਿਨ ਕੀਨ ਸੰਤੋਖ ਸੁ ਵਚਨ ਸੁਨਾ  
 ਇਕੇ । ਲੰਕਾ ਤੁਮ ਅਬ ਜਾਹਿ ਸੁ ਫੇਰ ਬਖਾਨੀਆ । ਹੋ ਗਈਂ  
 ਲੰਕ ਕੇ ਮਾਂਹਿ ਸੁ ਰਾਵਣ ਰਾਨੀਆਂ ॥ ੨੭ ॥ ਰਾਮ ਸਮੀਪ  
 ਸੁ ਬਹੁਰ ਵਿਭੀਖਣ ਆਇਕੈ । ਦੀਨ ਸਮਾਨ ਸੁ ਬੈਠੇ ਸੀਸ  
 ਨਿਵਾਇਕੈ । ਰਾਮ ਸੁ ਸੈਨਾ ਸਹਤ ਮਹਾ ਬਲ ਛਾਜਈ । ਹੋ  
 ਕਪਿ ਨਾਇਕ ਪੁਨ ਲਖਮਣ ਸੰਗ ਬਿਰਾਜਈ ॥ ੨੮ ॥ ਜਯੋਂ  
 ਬ੍ਰਤਾਸੁਰ ਮਾਰ ਸੁ ਇੰਦ੍ਰ ਸੁਹਾਇਓ । ਤਯੋਂ ਅਰਿ ਕੋ ਰਣ ਮਾਰ  
 ਰਾਮ ਹਰਖਾਇਓ । ਮਾਤੁਲ ਕਰੀ ਪ੍ਰਣਾਮ ਬਹੁਰ ਸਿਰ ਨਜਾ  
 ਇਕੈ । ਹੋ ਰਾਮ ਆਗਯਾ ਗਯੋ ਸੂਰਗ ਮੇਂ ਧਾਇਕੈ ॥ ੨੯ ॥ ਤਬ  
 ਰਘੁਵਰ ਹਰਖਾਇ ਬਚਨ ਅਨੁਜੈ ਕਯੋ । ਪੂਰਬ ਲੰਕਾ ਰਾਜ  
 ਵਿਭੀਖਣ ਮੈਂ ਦਯੋ । ਅਬ ਤੂੰ ਲੰਕਾ ਜਾਹਿ ਸੁ ਵਿੱਪ੍ਰ ਬੁਲਾਇ



ਕੈ । ਹੋ ਰਾਜ ਵਿਭੀਖਣ ਦਿਜੈ ਵੇਦ ਬਿਧਿ ਪਾਇਕੈ ॥ ੩੦ ॥  
 ॥ ਯਾ ਵਿਧਿ ਸੁਨਕੈ ਲਖਮਣ ਗਏ ਸੁ ਧਾਇਕੈ । ਬਾਨਰਕੇ  
 ਸਿਰਦਾਰ ਸੁ ਲਏ ਬੁਲਾਇਕੈ । ਹੇਮ ਕਲਸ ਭਰ ਨੀਰ ਸਮੁੰਦੋਂ  
 ਆਨਿਆਂ । ਹੋ ਰਾਜ ਤਿਲਕ ਸੁਭ ਭਾਲ ਵਿਭੀਖਣ ਠਾਨਯਾ  
 ॥ ੩੧ ॥ ਪੁਰ ਜਨ ਲੀਨੇ ਸੰਗ ਉਪਾਇਨ ਪਾਨ ਮੈ । ਵਿਭੀਖਣ  
 ਲਖਮਣ ਮਿਲੇ ਗਏ ਰਣ ਘਾਣਿ ਮੈ । ਦੰਡ ਕਰੀ ਪਰਣਾਮ  
 ਰਾਮ ਢਿਗ ਜਾਇਕੈ । ਹੋ ਪੇਖ ਵਿਭੀਖਣ ਰਾਜ ਰਹੇ ਹਰਖਾ  
 ਇਕੈ ॥ ੩੨ ॥ ਕ੍ਰਿੱਤ ਕ੍ਰਿੱਤ ਅਬ ਹੋਏ ਰਾਮ ਸੁ ਜਾਨੀਆਂ ।  
 ਉਰਮੈ ਲਾਇ ਕਪੇਸਹਿ ਰਾਮ ਬਖਾਨੀਆਂ । ਵੀਰ ਸਹਾਇਤ  
 ਤੇਰੀ ਰਾਵਨ ਘਾਤਿਆ । ਹੋ ਲੰਕ ਵਭੀਖਣ ਰਾਜ ਆਜਮੈਂ  
 ਥਾਪਿਆ ॥ ੩੩ ॥ ਫੇਰ ਕਹਯੋ ਹਨੁਮਾਨ ਸੁਰਾਮ ਬਿਚਾਰਕੈ  
 । ਦੋ ਕਰ ਜੋਰੇ ਪਾਸ ਸੁ ਖਰੋ ਨਿਹਾਰਕੈ । ਵਿਭੀਖਣ ਆਇਸ  
 ਪਾਇ ਲੰਕ ਗਢ ਜਾਈਏ । ਹੋ ਰਾਵਣ ਕੇ ਬਧ ਆਦਿਕ ਸੀਯ  
 ਸੁਨਾਈਏ ॥ ੩੪ ॥ ਸਵੈਯਾ ॥ ਜੋ ਕੁਛ ਸੀਯ ਕਹੈ ਮੁਖ ਤੇ  
 ਪੁਨ ਬੇਗ ਸੁ ਮੈਂ ਢਿਗ ਆਨ ਬਖਾਨੋ । ਆਇਸ ਰਾਮ ਵਿਭੀ  
 ਖਣ ਕੋ ਮਤੁ ਲੰਕ ਗਯੋ ਹਨੁਮਾਨ ਸਿਆਨੋ । ਲੰਕ ਧਸੇ  
 ਹਨੁਮਾਨ ਜਬੈ ਤਬ ਪੂਜਤ ਰਾਖਸ਼ ਜਾਨ ਮਹਾਂਨੋ । ਰਾਵਣ ਕੇ  
 ਗ੍ਰਹ ਬਾਗ ਬਿਖੇ ਤਰੁ ਸਿੰਸਪਾ ਮੂਲ ਗਯੋ ਅਨਜਾਨੋ ॥ ੩੫ ॥  
 ਤਰੁ ਮੂਲ ਬਿਖੈ ਸਿਯ ਜਾਇ ਪਿਖੀ ਸੁ ਕ੍ਰਿੱਸਾ ਅਤਿ ਦੀਨ  
 ਆਨੰਦਤ ਸਾਰੀ । ਢਿਗ ਰਾਖਸ਼ੀਆਂ ਪਰਵਾਰ ਰਹੀ ਉਰਮਾਂਹ  
 ਭਜੇ ਰਘੁਨਾਥ ਮੁਰਾਰੀ । ਅਤਿ ਨਿਮਰਭਾਵ ਧਰੇਮਨਮੈਂ ਪੁਨ



ਮਾਰਤ ਨੰਦਨ ਬੰਦਨ ਧਾਰੀ । ਢਿਗ ਜੋਰ ਵੇਉ ਕਰ ਜਾਇ  
 ਖਰੋ ਰਘੁਨੰਦਨ ਕੋ ਵਰ ਦੂਤ ਉਦਾਰੀ ॥ ੩੬ ॥ ਪਿਖਿਜਾਨਕੀ  
 ਤਾਂ ਮੁਖ ਮੈਨ ਭਜੀ ਪੁਨ ਪੂਰਬ ਸਿੱਮ੍ਰਤ ਤਾਂ ਉਰ ਆਈ ।  
 ਲਖ ਰਾਘਵ ਦੂਤ ਪ੍ਰਸੰਨ ਭਈ ਹਨੁਮਾਨ ਪਿਖੇ ਮੁਖ ਮੈਂ ਬਿਗ  
 ਸਾਈ । ਤਬ ਵਾਯੁ ਕੁਮਾਰ ਜੁ ਰਾਮ ਕਹੀ ਵਹਿ ਭੂਮਿ ਸੁਤਾ  
 ਢਿਗ ਬਾਤ ਚਲਾਈ ॥ ਸੁ ਵਿਭੀਖਣ ਔ ਸੁਗ੍ਰੀਵ ਮਿਲੇ ਅਵਨੀ  
 ਦੁਹਿਤਾ ਕੁਸ਼ਲੀ ਰਘੁਰਾਈ ॥ ੩੭ ॥ ਲਖਮੰਨਿ ਬਿਰਾਜਤ  
 ਸੰਗ ਸਦਾ ਕਪਿਕੀ ਧੁਜਨੀ ਪੁਨ ਆਹਿ ਅਪਾਰੇ । ਰਣ  
 ਰਾਵਣ ਪੂਤ ਸਮੇਤ ਹਨੇ ਬਲ ਬਾਂਧਵ ਔਰ ਅਮਾਤ ਬਿਦਾਰੇ ।  
 ਸੁਵਿਭੀਖਣ ਕੀ ਭੁਜ ਰਾਜ ਦਯੋ ਪੁਨ ਤੋ ਪ੍ਰਤਿਰਾਮ ਸੁ ਖੇਮ  
 ਉਚਾਰੇ । ਇਹ ਭਾਂਤ ਸੁਨੇ ਪਠਿ ਵਾਕ ਜਬੈ ਹਰਖੀ ਸੀਯ ਜਿਉ  
 ਸਸ ਪਾਇਸ ਵਾਰੇ ॥ ੩੮ ॥ ਵੋਹਰਾ ॥ ਗਦ ਗਦ ਬਾਨੀ  
 ਸੀਯ ਪੁਨ ਲਾਗੀ ਕਰਨ ਬਖਾਨ ॥ ਕਿੰ ਪਜਾਰੇ ਅਬ ਤੋਹਿ ਕੋ  
 ਵੇਵੈਂ ਮੈ ਹਨੁਮਾਨ ॥ ੩੯ ॥ ਤੇਰੇ ਵਾਕ ਬਰੋਬਰੇ ਤੀਨ ਲੋਕ  
 ਕੇ ਮਾਹਿ । ਰਤਨ ਅਭੂਖਣ ਨਾਂ ਪਿਖੇਂ ਹਨੁਮਾਨ ਮਨ ਮਾਂਹਿ  
 ॥ ੪੦ ॥ ਸਵੈਯਾ ॥ ਇਹ ਭਾਂਤ ਸੁਨੇ ਸਿਯ ਵਾਕ ਜਬੈ  
 ਗਿਰਜਾ ਹਨੁਮਾਨ ਸੁ ਵਾਕ ਅਲਾਈ । ਰਤਨੋਘਨ ਤੇ ਸੁਰ  
 ਰਾਜਹੁ ਤੇ ਅਬ ਮੋਹ ਲਹਯੋ ਜਗਮੈਂ ਅਧਿਕਾਈ । ਹਨ ਸਤ੍ਰ  
 ਭਈ ਰਣ ਜੀਤ ਬਡੀ ਇਹ ਭਾਂਤ ਪਿਖੇ ਰਣਮੈਂ ਰਘੁਰਾਈ ।  
 ਹਨੁਮਾਨ ਕੇ ਵਾਕ ਸੁਨੇ ਜਬਹੀ ਮਿਥਲਾਪਤਿ ਕੀ ਦੁਹਿਤਾ  
 ਹਰਖਾਈ ॥ ੪੧ ॥ ਤਬ ਸੀਯ ਕਹਯੋ ਸਭ ਸੋਮਗੁਣਾ ਹਨੁ



ਮਾਨ ਸੁ ਤੇ ਮਹਿ ਆਨ ਬਸਾਏ । ਅਬ ਬੇਗ ਪਿਖੋਰਘੁਨੰਦਨ  
 ਕੋ ਹਨੁਮਾਨ ਸੁ ਰਾਘਵ ਆਇਸ ਪਾਏ । ਹਨੁਮਾਨ ਤਥਾ ਅਭਿ  
 ਬੰਦਨ ਕੈ ਸੁ ਰਘੂਤਮ ਪੇਖਨ ਕੋ ਪੁਨ ਆਏ । ਜਨਕਾ ਤਨਜਾ  
 ਮੁਖ ਵਾਕ ਕਹੇ ਵਹਿ ਰਾਮ ਸਮੀਪ ਸੁ ਆਨ ਸੁਨਾਏ ॥ ੪੨ ॥  
 ਜਾਹਿ ਨਮਿੱਤ ਸੁ ਸੇਤ ਰਚੇ ਜਲਸਾਗਰ ਬਾਨਰ ਸੈਨ ਮਿਲਾਈ  
 । ਜਾਹਿ ਨਮਿੱਤ ਹਨੇ ਦਸਕੰਧਰ ਰਾਵਣਕੀ ਸਭ ਸੈਨ ਖਪਾਈ  
 । ਸੋ ਸੀਯਹੈ ਅਬ ਲੋ ਦੁਖ ਸੋ ਪੁਨਿ ਸੋਕ ਕਿ ਪਾਵਕ ਮਾਂਹਿ  
 ਤਪਾਈ । ਮੇਂ ਮਨਮੈਂ ਅਬ ਆਵਤ ਹੈ ਅਬ ਬੇਗ ਪਿਖੋ ਸਿਯ  
 ਕੋ ਰਘੁਰਾਈ ॥ ੪੩ ॥ ਯੋਂ ਸੁਨਕੈ ਹਨੁਮਾਨ ਮਤੇ ਰਘੁਨਾ  
 ਇਕ ਵੈ ਮਤਿ ਮਾਨ ਹਮਾਰੇ । ਮਾਯਕ ਸੀਯ ਸੁ ਡਾਰ ਦਿਜੇ  
 ਮਮ ਸੀਯ ਅਹੇ ਅਹਿ ਆਗ ਮਝਾਰੇ । ਤਾਂਹਿ ਲਿਜੇ ਇਮ  
 ਧਾਰ ਮਨੇ ਰਘੁਨਾਥ ਵਿਭੀਖਣ ਵਾਕ ਉਚਾਰੇ । ਜਾਹਿ ਵਿਭੀ  
 ਖਣ ਬੇਗ ਅਬੈ ਜਨਕਾ ਤਨਜਾ ਢਿਗ ਲਜਾਉ ਹਮਾਰੇ ॥  
 ੪੪ ॥ ਸੁਭ ਨੀਰ ਨੁਵਾਇ ਪਟੰਬਰ ਲਾਇ ਸੁ ਭੂਖਨ ਪਾਇ  
 ਸਭੈ ਤਨ ਮਾਂਹੀ । ਸੁਨਕੈ ਇਹ ਵਾਕ ਵਿਭੀਖਣ ਸੋ ਸਹ ਪੌਨ  
 ਕੁਮਾਰ ਗਯੋ ਪੁਰ ਮਾਂਹੀਂ । ਅਤਿ ਬ੍ਰਿਯ ਸੁ ਰਾਖਸੀਯਾਂ ਸੀਯ  
 ਕੋ ਸੁ ਨੁਵਾਇ ਤਬੈ ਬਿਗਸੀ ਮਨਮਾਂਹੀ । ਪਟ ਭੂਖਨ ਪਾਇ  
 ਚਢੀ ਸਿਵਕਾ ਜਨ ਚੰਦ ਕਲਾ ਪਿਖੀਯੇ ਨਭ ਮਾਂਹੀ ॥ ੪੫ ॥  
 ਯਸਟੀ ਜਨ ਹਾਥ ਬਿਰਾਜਤ ਹੈ ਸਿਰ ਪਾਗ ਸੁ ਕੁੰਚਕ ਹੈ  
 ਤਨ ਲਾਏ । ਸਿਵਕਾ ਢਿਗ ਆਵਤ ਚਾਰ ਦਿਸਾ ਵਹੁ ਰਾਵਣ  
 ਕੇ ਚੁਪਦਾਰ ਸੁਹਾਏ । ਢਿਗ ਸੀਯ ਗਏ ਕਪਿ ਪੇਖਨ ਕੋ ਤਿਨ



ਮਾਰ ਛਟੀ ਅਬ ਦੂਰਹਟਾਏ । ਮੁਖ ਮਾਂਹਿ ਕੁਲਾਹਲ ਕੀਸ਼  
 ਕਰੇਂ ਗਿਰਜਾ ਫਿਰ ਰਾਘਵ ਕੀ ਢਿਗ ਜਾਏ ॥੪੬॥ ਕਬਿਤ  
 ॥ ਦੂਰ ਤੇ ਨਿਹਾਰੀ ਸੀਯ ਪਾਲਕੀ ਮਝਾਰੀ ਪੁਨ ਰਾਮ ਸੁਖ  
 ਕਾਰੀ ਸੁ ਵਿਭੀਖਣ ਉਚਾਰ ਹੈ । ਤੇਰੇ ਯਹ ਚੋਪਦਾਰ ਮੇਰੇ  
 ਅਪਕਾਰ ਕਰੇਂ ਕਾਹੇ ਕੋ ਵਿਭੀਖਣ ਕਪੀਸਨ ਕੋ ਮਾਰ ਹੈ ।  
 ਮਾਤ ਕੇ ਸਮਾਨ ਯਹਿ ਬਡੇ ਬਲਵਾਨ ਪੁਨ ਜਾਇਕੈ ਸਮੀਪ  
 ਕਪਿ ਜਾਨਕੀ ਨਿਹਾਰ ਹੈ । ਪਾਲਕੀ ਬਗਾਇ ਪੁਨ ਪਾਇਨ  
 ਸੋ ਆਇ ਸੀਯ ਮੇਰੀ ਢਿਗ ਬੇਗ ਰਾਮ ਐਸੇਹੀ ਉਦਾਰ ਹੈ  
 ॥੪੭॥ ਸਵੈਯਾ ॥ ਸੁਨਿ ਰਾਮ ਕੇ ਵਾਕ ਤਜੀ ਸਿਵਕਾ ਪੁਨ  
 ਪਾਇਨ ਸੋ ਹਰਿਏ ਚਲ ਆਈ । ਵਹਿ ਰਾਮ ਸਮੀਪ ਸੁ ਆਇ  
 ਖਰੀ ਪਿਖ ਰਾਘਵ ਯੋਂ ਮਨ ਮਾਂਹਿ ਠਰਾਈ । ਯਹ ਕਾਰਯ  
 ਕੇ ਹਿਤ ਮੋਹਿ ਰਚੀ ਅਬ ਮਾਇਕ ਸੀਯ ਸੁ ਦੇਉਂ ਤਜਾਈ ॥  
 ਪਿਖ ਰੋਖ ਭਯੋ ਰਘੁਨੰਦਨ ਤਾਂ ਪੁਨ ਵਾਕ ਅਨੇਕ ਅਵਾਰ  
 ਅਲਾਈ ॥ ੪੮ ॥ ਵਹਿ ਸੀਯ ਸੁ ਨਾਹਿ ਸਹਾਰ ਸਕੀ ਲਖ  
 ਮੰਨ ਬੁਲਾਇ ਸੁ ਏਹ ਉਚਾਰੀ । ਇਕ ਕਾਸ਼ ਕੋ ਰਚ ਪੁੰਜ  
 ਕਰੋ ਪੁਨ ਪਾਵਕ ਲਾਇ ਸੁ ਤਾਂਹਿ ਮਝਾਰੀ । ਅਬ ਲੋਕ  
 ਸਬੈ ਨਿਜ ਨੈਨ ਪਿਖੇਂ ਵਿਸਵਾਸ ਕਰੇਂ ਰਘੁਨਾਥ ਮੁਰਾਰੀ ।  
 ਲਖਮੰਨ ਖੜੇ ਪੁਨ ਉਠ ਤਬੈ ਰਘੁਨਾਇਕ ਕੀ ਮਤ ਏਕ  
 ਵਿਚਾਰੀ ॥ ੪੯ ॥ ਲਖਮੰਨ ਸੁ ਕਾਸ਼ਟ ਪੁੰਜ ਕੀਓ ਪੁਨ  
 ਪਾਵਕ ਤਾਂਹਿ ਲਗਾਇ ਦਈ । ਪੁਨ ਰਾਮ ਸਮੀਪ ਸੁ ਆਇ  
 ਖੜੇ ਲਖਮੰਨ ਤਬੈ ਮੁਖਿ ਮੋਨ ਲਈ । ਪੁਨ ਜਾਨਕੀ ਆਪ



ਗਈ ਢਿਗ ਪਾਵਕ ਜਾਇ ਪ੍ਰਦੱਛਨ ਤਾਹਿ ਦਈ । ਸਹਿ ਨਾ  
 ਰਿਨ ਦੇਵ ਅਦੇਵ ਪਿਖੇ ਮੁਖਭਾਖਤ ਹੋਵਤ ਬਾਤ ਨਈ ॥੫੦  
 ॥ ਦੇਵਨ ਕੇ ਅਭਿਬੰਦਨ ਦੈ ਪੁਨ ਬਿੱਪੁਨ ਕੋ ਅਭਿ ਬੰਦਨ  
 ਧਾਰੀ । ਪਾਵਕ ਕੇ ਢਿਗ ਜਾਇ ਤਬੈ ਕਰ ਜੋਰ ਦੋਉ ਇਮ  
 ਸੀਯ ਉਚਾਰੀ । ਜੋ ਮਮ ਚੀਤ ਨ ਔਰ ਭਜੇ ਰਘੁਨੰਦਨ ਛੋਡ  
 ਸੁ ਰਾਮ ਮੁਰਾਰੀ । ਤੋ ਅਗਨੀ ਸਭ ਲੋਕਨ ਕੀ ਯਹ ਸਾਖਕ  
 ਰੱਛਕ ਹੋਇ ਹਮਾਰੀ ॥ ੫੧ ॥ ਇਹ ਭਾਂਤ ਉਚਾਰ ਪ੍ਰਦੱਖਣ  
 ਧਾਰਿ ਸੁ ਸੀਯ ਧਸੀ ਤਹ ਪਾਵਕ ਮਾਂਹੀ । ਅਤਿ ਵੀਪਤ  
 ਪਾਵਕ ਨਾਹਿ ਡਰੇ ਵਹੁ ਸੁੱਧ ਉਮਾ ਸੁ ਸਦਾ ਜਗ ਮਾਂਹੀ ॥ ਪਿਖ  
 ਦੇਵ ਅਦੇਵ ਸਭੈ ਡਰਪੇ ਸੁ ਭਯੋ ਦੁਖ ਸਿੰਧਨ ਕੇ ਮਨਮਾਹੀ  
 । ਪਿਖ ਸੀਯ ਬਰੀ ਤਹਿ ਪਾਵਕ ਮੇਂ ਸਭ ਬੋਲ ਉਠੇ ਤਬ ਆਪ  
 ਸਮਾਂਹੀ ॥ ੫੨ ॥ ਦੋਹਰਾ ॥ ਜਾਂ ਸੀਤਾ ਹਿਤ ਸੈਨਲੈ ਔਰ  
 ਕਰੇ ਸੰਗ੍ਰਾਮ । ਅਹੋ ਪਯਾਰੀ ਜਾਨਕੀ ਕਿਹ ਬਿਧਿ ਤਜੀ ਸੁ  
 ਰਾਮ ॥ ੫੩ ॥ ਇਭਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇ ਉਮਾ  
 ਮਹੇਸ਼ੁਰ ਸੰਬਾਦੇ ਯੁੱਧ ਕਾਂਡੇ ਦੁਆਦਸ਼ਮੇ ਧਿਆਇ ॥ ੧੨ ॥

ਸ੍ਰੀ ਮਹਾ ਦੇਵ ਉਵਾਚੁ ॥ ਸਵੈਯਾ ॥

ਇੰਦ੍ਰ ਔਰ ਉਪਿੰਦਰ ਔ ਬ੍ਰਿਖ ਬਾਹਨ ਪਾਸ ਕੁਬੇਰ ਸੁਆਏ  
 । ਵੈ ਕਮਲਾਸਨ ਆਇ ਕਹਾਂ ਮੁਨਿ ਚਾਰਣ ਸਿੱਧ ਸੁ ਸੰਗ  
 ਸੁਹਾਏ । ਪਿਤਰ ਰਖੀਸੁਰ ਗੰਧੂਬ ਔ ਸੁ ਅਪੱਛਰਨ ਕੇ ਗਨ  
 ਕੋਣ ਗਿਨਾਏ । ਔਰ ਸਭੈ ਸੁਰ ਬੈਠ ਬਿਬਾਨਹਿ ਰਾਮ ਜਹਾਂ ਸੁ  
 ਤਹਾਂ ਚਲਿਆਏ ॥ ੧ ॥ ਦੋਹਰਾ ॥ ਪਰਮਾਨੰਦ ਸੁ ਰਾਮਜੀ



ਕਰੇਂ ਬਡਾਈ ਤਾਂਹਿ । ਸੁਰ ਸਮੂਹ ਕਰ ਜੋਰਕੈ ਨਿਮ੍ਹ ਭਾਵ  
 ਮਨ ਮਾਂਹਿ ॥ ੨ ॥ ਕਰਤਾ ਤੂੰ ਸਭ ਲੋਕ ਕਾ ਸਾਖੀ ਗਯਾਨ  
 ਸਰੂਪ । ਵਸਨ ਮਾਂਹਿ ਪੁਨਿ ਅਸ੍ਰਮੋ ਭਾਖਯੋ ਤੇਰੋ ਰੂਪ ॥੩॥  
 ਰੁਦ੍ਰਨ ਮੈ ਸੰਕਰ ਤੁਹੀਂ ਭਾਖਯੋ ਬੇਦਨ ਮਾਂਹਿ । ਕਰਤਾ ਆਦਿ  
 ਸਲੋਕ ਕਾ ਤੂੰ ਚਤੁਰਾਨਨ ਆਹਿ ॥ ੪ ॥ ਕਬਿੱਤ ॥ ਅਸੁਨੀ  
 ਕੁਮਾਰ ਤੇਰੇ ਨਾਕ ਹੈਂ ਉਦਾਰ ਪ੍ਰਭੁ ਚੰਦ੍ਰਮਾ ਦਿਨੇਸ਼ ਤੇਰੇ ਨੈਨ  
 ਜਗ ਜਾਨੀਯੇ । ਲੋਕਨ ਕੀ ਆਦਿ ਪੁਨ ਅੰਤ ਮਾਂਹਿ ਤੁਹੀ  
 ਏਕ ਤੇਰੋਹੀ ਸਰੂਪ ਨਿਤ ਉਦਿਤ ਪਛਾਨੀਯੇ । ਸਦਾ ਅਤਿ  
 ਸੁੱਧ ਬੁੱਧਿ ਮੂਰਖ ਨ ਪਾਇ ਸੁੱਧ ਮੁਕਤਿ ਸਰੂਪ ਤੇਰੋ ਬੇਦ  
 ਕੈ ਬਖਾਨੀਯੇ । ਮਾਯਾ ਤੇ ਭੁਲਾਨੇ ਵਹਿ ਮਾਨੁਖ ਪਛਾਨੇ ਤੋਹਿ  
 ਵਹੀ ਜਗ ਮਾਂਹਿ ਜਨ ਮੂਰਖ ਸੁ ਠਾਨੀਯੇ ॥ ੫ ॥ ਅਤਿੱਲ ।  
 ਤੇਰੋ ਰਾਮ ਸੁ ਤੇ ਜਨ ਜਗਤ ਚਿਤਾਰਈ । ਚੇਤਨ ਰਾਮ ਸਰੂਪ  
 ਸੁ ਤੋਹਿ ਨਿਹਾਰਈ । ਰਾਵਨ ਹਰੇ ਸੁਥਾਨ ਸੁ ਤੇਜਹਿ ਮਾਰਿਆ  
 । ਹੋ ਦੁਸ਼ ਵਹੀ ਅਭਿਮਾਨੀ ਤੈ ਜਨ ਮਾਰਿਆ ॥੬॥ ਪਾਏ ਪਦ  
 ਹਮ ਬਹੁਰ ਪ੍ਰਸਾਦਿ ਭੁਮਾਰਿਆ । ਯਾ ਬਿਧਿ ਦੇਵਨ ਵਾਕ ਸੁ  
 ਜਬੈ ਉਚਾਰਿਆ । ਕਰਅਭਿਬੰਦਨ ਆਪਿਤਾਮਹਿ ਆਇਯੋ ।  
 ਹੋ ਰਾਮ ਧਰਮ ਪਥਮਾਹ ਸੁ ਬ੍ਰਹਮ ਅਲਾਇਯੋ ॥੭॥ ਬ੍ਰਹਮੋ ਵਾਰ  
 ਸੰਕਰਛੰਃ । ਦੇਵ ਤੋ ਕੋ ਬੰਧਨਾ ਤੂੰ ਬਿਸ਼ੂ ਜਗਤ ਉਧਾਰ । ਧਯਾਇ ਤੋ ਕੋ  
 ਗਯਾਨੀ ਆਂ ਧਰ ਪ੍ਰੀਤ ਚੀਤ ਮਝਾਰ । ਹੇਯ ਔਰ ਅਹੇਯ ਦੰਦ ਭਿਹੀ  
 ਨ ਤੂੰ ਹੈ ਏਕ । ਸੱਤ ਰੂਪ ਸਰਬ ਰਿਦੰਤ ਰੇਘਨ ਗਯਾਨ ਤੇਰੀ ਟੇਕ ॥  
 ੮ ॥ ਪ੍ਰਾਣ ਔਰ ਅਪਾਨ ਨਿਸ਼ਚੇ ਬੁੱਧਿ ਕੈ ਰਿਦਧਾਰ । ਕਾਟ ਸੰਸੇ ਬੰ



ਧਨਾਜਗਬਿਖੇਦੂਰਿਨਿਵਾਰ। ਯਤੀ ਪੇਖੇ ਜਾਂਹਿ ਕੇ ਨਿਜ ਮੋਹਿਕੋ  
 ਕਰਨਾਸ। ਰਾਮ ਰਤਨ ਕਿਰੀਟਕੋ ਮਮਬੰਦਨਾ ਰਵਿਭਾਸ ॥੯॥  
 ॥ ਜਗਦਾਦਿ ਮਾਧਵ ਮਾਇ ਤੇ ਅਤੀਤ ਜੋ ਪੁਨ ਆਹਿ। ਪੁਨਿ  
 ਬੰਦ ਮੋਹਿ ਬਿਨਾਸਕੋ ਪੁਨ ਮਾਨੁਜਾ ਕੋ ਨਾਹਿ। ਯੋਗੀ ਭਜੇ  
 ਹਰਿ ਯੋਗ ਭਾਖੇ ਆਹਿ ਪੂਰਣ ਧਾਮ। ਲੋਕ ਰੀਝਿਤ ਰੂਪ  
 ਜਾਂ ਤਿਹ ਰਾਮਕੋ ਪਰਣਾਮ ॥ ੧੦ ॥ ਭਾਵ ਔਰ ਅਭਾਵ  
 ਪਰਤੈ ਹੀਨ ਲੈ ਸਿਵ ਆਦਾਭੋਗ ਸਰਬ ਸੁ ਤਿਆਗਕੈ ਉਰ  
 ਭਜੇ ਜਾਂਕੇ ਪਾਦ। ਨਿੱਤ ਸੁੱਧਿ ਸਬੁੱਧਿ ਔਰ ਅਨੰਤ ਪਰਣਵ  
 ਰੂਪ। ਵੀਰ ਰਾਮ ਸੁ ਬੰਦਨਾ ਬਨ ਦੈਂਤ ਦਾਵਾ ਰੂਪ ॥ ੧੧ ॥  
 ਤੂੰ ਨਾਥ ਮੇਰੇ ਰਾਮਜੀ ਸਭ ਕਰੇਂ ਕਾਜ ਹਮਾਰ। ਮਾਨਤੇ ਅ  
 ਤੀਤ ਮਾਧਵ ਰੂਪ ਨਿਖਲ ਅਧਾਰ। ਭਗਤ ਗੰਮ ਸਰੂਪ  
 ਭਾਵਤ ਰੂਪ ਤੂੰ ਭਵ ਹਾਰ। ਕਰਜੋਰ ਸੇਵੇ ਤੋਹਿ ਕੇ ਤਨ ਚੀਤ  
 ਕੇ ਸਹਿਚਾਰਾ ॥ ੧੨ ॥ ਤੂੰ ਆਦਿ ਅੰਤ ਸੁ ਲੋਪ ਪਤਿਕੇ ਪਰਮ  
 ਈਸ਼ਰ ਆਹਿ। ਲੋਕ ਮਾਨਸ ਲੋਕ ਕੇ ਅਧਗੰਮ ਤੂੰ ਜਗ  
 ਨਾਹਿ। ਭਗਤਿ ਸ਼ਰਧਾਭਾਵ ਕੈ ਭਜਨੀਯ ਤੇਰੇ ਰੂਪ। ਰਾਮ  
 ਸੁੰਦਰ ਬੰਦਨਾ ਵਰ ਨੀਲ ਕਮਲ ਸਰੂਪ। ੧੩॥ ਅਤਿ ਮਾਨ  
 ਤੂੰ ਗਤਿਮਾਨ ਹੈਂ ਕੇ ਸਕਹਿ ਤੋਹਿ ਪਛਾਨ। ਪੁਨ। ਮਾਨ ਮਾਧਵ  
 ਸ਼ਕਤ ਤੂੰ ਮੁਨ ਕਰਤ ਤੇਰੇ ਮਾਨ। ਬ੍ਰਿੰਦਾ ਬਨੇ ਬ੍ਰਿੰਦਾਰਕਾ  
 ਮੁਨਿ ਕਰੇਂ ਪਦ ਪਰਣਾਮ। ਸੇਵਾਦਿ ਬੰਦਨ ਤੇ ਕਰੇ ਸੁਖ  
 ਕੰਦ ਬੰਦੇ ਰਾਮ ॥ ੧੪॥ ਸ਼ਾਸਤ੍ਰ ਬੇਦਕ ਬੰਦਨਾਨਾ ਕਰੇ ਤੇ  
 ਪ੍ਰਤਿ ਪਾਦ। ਨਿਰ ਬਿਖੇ ਗਯਾਨ ਅਨੰਦ ਤੂੰ ਨਿਤਰਾਮ ਆਹਿ



ਅਨਾਦਿ । ਮਮ ਸੇਵਨੇ ਕੇ ਕਾਜ ਮਾਨੁਖ ਭਾਵ ਲੀਨੋ ਧਾਰ ।  
 ਮਧੁਰੇਸ ਮਰ ਕਰ ਵਰਣ ਰਘੁਵਰ ਬੰਦਨਾ ਸੁ ਹਮਾਰ ॥੧੫॥  
 ਸ੍ਰਯਾ ਯੁਕਤ ਬ੍ਰਹਮ ਸਤੋਤਰੇ ਜੋ ਪਢੇ ਗੋ ਮਨੁ ਲਾਇ । ਭੁਵਿ  
 ਮਾਹਿ ਮਾਂਨਵ ਬ੍ਰਹਮ ਕੋਵਹੁ ਗਜਾਨ ਨੀਕੇ ਪਾਇ । ਰਾਮ ਸਾਮ  
 ਸੁ ਕਾਮ ਸਭਕੋ ਦੈ ਨਿਹਾਰੇ ਆਹਿ । ਧਯਾਯ ਧਯਾਤਾ ਤਾਂਹਿ ਜੋ  
 ਸਭ ਤਾਪ ਤਾਂ ਮਿਟ ਜਾਹਿ ॥ ੧੬ ॥ ਦੋਹਰਾ ॥ ਯਾ ਬਿਧ  
 ਉਸੁਤ ਲੋਕ ਗੁਰ ਕਰੀ ਜੁ ਸੋ ਮਨ ਲਾਇ । ਵਿਦੇਹ ਸੁਤਾ ਕੋ  
 ਗੋਦ ਲਯ ਨਿਕਸੇ ਪਾਵਕ ਆਇ ॥ ੧੭ ॥ ਵਿਮਲ ਅਰਣ  
 ਦੁਤਿ ਭ੍ਰਾਜਈ ਰਕਤ ਪਟੰਬਰ ਧਾਰ । ਦਿੱਬ ਬਿਭੂਖਣ ਸੀਯ  
 ਹੈ ਜਾਂਕੀ ਪ੍ਰਭਾ ਅਪਾਰ ॥ ੧੮ ॥ ਜਗ ਸਾਖੀ ਵਹ ਪਾਵਕੋ  
 ਰਘੁਵਰ ਕਰਤ ਬਖਾਨ । ਬਨਮੈ ਅਰਪੀ ਮੋ ਬਿਨੈ ਸੋ ਸ੍ਰੀਰਾਮ  
 ਗ੍ਰਹਾਨ ॥ ੧੯ ॥ ਸਵੈਯਾ ॥ ਦਸਾਨਨ ਕੇ ਬਧ ਕਾਜ ਰਚੀ  
 ਵਹ ਮਾਇਕ ਸੀਯ ਸੁਤੇ ਹਰਿ ਰਾਮਾ । ਪ੍ਰਭ ਸੋ ਦਸਕੰਠ ਹਨੇ  
 ਰਣ ਮੈਂ ਸੁਤ ਬਾਂਧਵ ਨਾਰਿ ਰਹੇ ਤਹਿ ਧਾਮਾਂ । ਭੁਵ ਭਾਰ  
 ਉਤਾਰ ਦਯੋ ਸਗਰੋ ਕਛੁ ਰੰਚਿਕ ਨਾਹਿ ਰਹਯੋ ਅਬਕਾਮਾ ।  
 ਕ੍ਰਿਤ ਕਾਰਯ ਹੋਇ ਦੁਰੀ ਅਗਨੀ ਪ੍ਰਤਬਿੰਬ ਸੀਯਾ ਵਹ ਰਾ  
 ਘਵ ਬਾਮਾ ॥੨੦॥ ਤਬ ਪਾਵਕ ਪੂਜ ਸੁ ਸੀਯਗਹੀ ਰਘੁਨਾਥ  
 ਉਮਾ ਮਨਮੈ ਹਰਖਾਏ । ਅਨੁਪਾਇਨ ਅੰਕਨ ਵੇਸ ਧਰੀ ਪੁਨ  
 ਤੀਨਹੁ ਲੋਕ ਜਿਨੇ ਸੁਤ ਜਾਏ । ਪਿਖ ਰਾਮ ਸੀਯਾ ਇਕ ਆਸਨ  
 ਮੋ ਦਮਕੈ ਸੁਰ ਨਾਇਕ ਤਾ ਖਿਣ ਆਏ । ਸੁ ਗਦਾ ਗਦ  
 ਵਾਕ ਸੁਰੇਸ਼ੁਰਕੀ ਕਰ ਜੋਰ ਦੋਊ ਹਰਿਕੋ ਜਸ ਗਾਏ ॥੨੧



। ਇੰਦ੍ਰਉਵਾਚੁ ॥ ਭੁਜੰਗ ਪ੍ਰਯਾਤ ਛੰਦ ॥ ਭਜੇਹੰ ਸਦਾ ਨੀਲ  
 ਕੰਜੰ ਸੁਰਾਮੰ । ਭਵਾਰੰਨ ਦਾਵਾਨਲੰ ਜਾਹਿ ਨਾਮੰ । ਭਵਾਨੀਰਿ  
 ਦਾ ਭਾਵਤਾ ਨੰਦ ਰੂਪੰ । ਭਵਾਭਾਵ ਹੇਤੂ ਭਜੇ ਸੰਭਰੂਪੰ ॥ ੨੨ ॥  
 ਸੁਰਾਨੀਕ ਦੁਖੰਘ ਜਾਨੇਖਪਾਏ ॥ ਨਿਰਾਕਾਰ ਦੇਹੰ ਨਿਰਾਕਾਰ  
 ਗਾਏ । ਪਰੇਸੰ ਪਰਾਨੰਦ ਪੂਰੰ ਵਰਿਸੰ । ਭਜੇਭਾਰ ਨਾਸੰ ਪ੍ਰਭੰ  
 ਰਾਮ ਇਸ਼ਟੰ ॥ ੨੩ ॥ ਪ੍ਰਪੰਨਾ ਖਿਲਾਨੰਦ ਤਾਤੈ ਸੁਰਾਮੰ ।  
 ਪ੍ਰਪੰਨਾਰਿ ਤਿਹਕੀ ਕਹੇ ਤੋਹ ਨਾਮੰ ਤਪੋ ਯੋਗ ਯੋਗੀਸ਼ ਸੇਵੇ  
 ਸੁਨੀਤੰ । ਕਪੀਸ਼ਾਦਿ ਮੀਤੰ ਭਜੇ ਰਾਮ ਸੀਤੰ ॥ ੨੪ ॥ ਸਦਾ  
 ਭੋਗ ਭਾਸੂ ਸੁ ਦੂਰੇ ਪ੍ਰਕਾਸੰ । ਸਦਾ ਯੋਗ ਭਾਜਾ ਸਮੀਪੇ ਵਿਭਾ  
 ਸੰ । ਚਿਦਾਨੰਦਕੰਦੰ ਸਦਾ ਰਾਘਵੇਯੰ । ਵਿਦੇਹਾਤਮਜਾਰੰਦਰੂਪੰ  
 ਭਜੇਯੰ ॥ ੨੫ ॥ ਮਹਾ ਯੋਗ ਮਾਯਾ ਸਦਾ ਈਸ਼ ਧਾਰੇ । ਨਰਾ  
 ਕਾਰ ਲੀਲਾ ਤਦਾ ਤੂੰ ਦਿਖਾਰੇ । ਤਵਾਨੰਦ ਲੀਲਾ ਕਥਾ ਪੂਰਣ  
 ਕਾਮਾ । ਭਵੰਤੀਹ ਲੋਕੇ ਸਦਾਨੰਦ ਧਾਮਾ ॥ ੨੬ ॥ ਅਹੰਮਾਨ  
 ਰੂਪਾ ਸੁਰਾ ਪੀਵ ਮਾਤੇ । ਨਵੇਦਾ ਖਿਲੇਸੰ ਅਹੰ ਭੋਗ ਰਾਤੇ ।  
 ਕ੍ਰਿਪਾਪਾਦ ਤੋਰੇ ਕਰੀ ਮੇਵ ਰਿਸ਼ਾ । ਤਿਹੂੰ ਲੋਕ ਰਾਜਾ ਭਯੋ  
 ਮਾਨ ਨਿਸ਼ਟਾ ॥ ੨੭ ॥ ਲਸੇਹਾਰ ਕੇਯੂਰਰਾਮਾ ਵਿਰੂਪੰ । ਪਰਾ  
 ਭਾਰ ਵੈਤੰ ਬਨੰ ਆਗ ਰੂਪੰ । ਲਖਤ ਪਦਮ ਨੇਤ੍ਰੰ ਮੁਖੰ ਚੰਦ  
 ਕਾਰੰ । ਭਜੇ ਰਾਘਵੇਸੰ ਦੁਰਾਪਾਰ ਪਾਰੰ ॥ ੨੮ ॥ ਸੁਰਾਧੀਸ਼  
 ਨੀਲਾਂਬ੍ਰੁ ਨੀਲਾਂਗਕਾਤੰ । ਵਿਰਾਧਾਤਿ ਵੈਤੰ ਬਧੇ ਲੋਕ ਸਾਤੰ  
 । ਕ੍ਰੀਟਾਦਿ ਸੋਭੰ ਭਜੇ ਸੰਭ ਈਸੰ । ਭਜੇ ਰਾਮਚੰਦ੍ਰੰ ਰਘੂਰਾਮ  
 ਧੀਸੰ ॥ ੨੯ ॥ ਮਨੋਚੰਦ੍ਰ ਕੋਟੰ ਲਸੇ ਪੀਠ ਮੋਹੈ । ਤਹਾਂ ਰਾਮ



ਸੀਤਾ ਭਲੀ ਭਾਂਤ ਸੋਹੈ । ਲਸੈ ਹੇਮ ਵਰਣਾ ਤੜਤ ਪੁੰਜ ਭਾਸੈ  
 । ਭਜੋ ਰਾਮਚੰਦ੍ਰ ਸਦਾ ਆਰਤਿ ਨਾਸੈ ॥ ੩੦ ॥ ਸੂਤੋਵਾਚ ॥  
 ਦੋਹਰਾ ॥ ਯਾਬਿਧ ਸੁਰ ਪਤਿ ਭਾਖਿਯੋ ਰਘੁਪਤਿ ਰੂਪ ਬਸੇਸ  
 । ਬਹੁਰ ਭਾਵਨੀ ਸਹਤ ਤਹ ਆਏ ਆਪ ਮਹੇਸ ॥ ੩੧ ॥  
 ਤੀਨ ਨੈਨ ਸੁਖ ਦੈਨ ਤਿਨ ਨਭ ਮੈਂ ਬੈਠ ਬਿਬਾਨ । ਰਾਮ  
 ਕਮਲ ਦਲ ਨੈਨਕੋ ਕੀਨੋ ਏਹ ਬਖਾਨ ॥ ੩੨ ॥ ਰਾਜਤਿਲਕ  
 ਜਬ ਹੋਇਗੋ ਤੋਹਿ ਅਯੁਧਯਾ ਧਾਮ । ਤਬਮੈਂ ਆਵੋਂਗੋ ਤਹਾਂ  
 ਦੇਖਨ ਤੋਕੋ ਰਾਮ ॥ ੩੩ ॥ ਅਬ ਯਾ ਤਨ ਕੇ ਪਿਭਾ ਕੋ ਦੇਖੋ  
 ਰਾਮ ਮਹਾਨ । ਤਬ ਨਭਿ ਰਾਮ ਨਿਹਾਰਯੋ ਦਸਰਥ ਮਾਂਹਿ  
 ਬਿਬਾਨ ॥ ੩੪ ॥ ਸਵੈਯਾ ॥ ਸਾਨੁਜ ਰਾਮ ਪ੍ਰਣਾਮ ਕਰੀ  
 ਪਦ ਭੂਪਤਿ ਪ੍ਰੀਤਿ ਭਰੇ ਗਰ ਲਾਯੋ । ਰਾਘਵ ਕੋ ਸਿਰ ਚੁੰਮ  
 ਤਬਹਿ ਨ੍ਰਿਪ ਆਨੰਦ ਸੋ ਯਹ ਵਾਕ ਅਲਾਯੋ । ਮੈਂ ਭਵਸਾਗਰ  
 ਮਾਂਹਿ ਹੁਤੋ ਸੁਤਬੀਰ ਬਲੀ ਤਵ ਮੋਹ ਤਰਾਯੋ । ਰਾਮ ਸੁ ਪੂਜਨ  
 ਤਾਂਹਿ ਕੀਯੋ ਇਮ ਭਾਖ ਅਲਿੰਗ ਸੁ ਭੂਪ ਸਿਧਾਯੋ ॥ ੩੫ ॥  
 ਦੋਹਰਾ ॥ ਦੇਵ ਰਾਜ ਪਿਖ ਜੋਰ ਕਰ ਭਾਖਯੋ ਬਹੁਰ ਸੁ  
 ਰਾਮ । ਮੋਹਿ ਨਮਿੱਤ ਸੁ ਧਰ ਪਰੇ ਮਾਰੇ ਕਪਿ ਸੰਗ੍ਰਾਮ ॥  
 ੩੬ ॥ ਕਬਿਤ ॥ ਅੰਮ੍ਰਿਤ ਬ੍ਰਸਾਇ ਕਪਿ ਦੀਜੀਏ ਜਿਵਾਇ  
 ਅਬ ਕੀਜੀਏ ਸੁਰੇਸ਼ ਰਾਜ ਆਇਸ ਹਮਾਰੀਆ ।  
 ਤਥੇ ਤਿਉਂ ਉਚਾਰਿ ਪੁਨ ਅੰਮ੍ਰਿਤਕੀ ਧਾਰਿਕੈ ਜਿਵਾਇ ਕਪਿ  
 ਲਏ ਨਾਂਹਿ ਲਗੀ ਕਛੁ ਬਾਰੀਆ । ਜੇਈ ਰਣ ਮਾਰੇ ਤੇਈ  
 ਸਰਬ ਜਿਵਾਰੇ ਤਿਨ ਸੋਏ ਜਨ ਉਠੇ ਕਪਿ ਭਏ ਹਰਖਾਰੀਆ



। ਐਸੇ ਹਰਖਾਇ ਪੁਨ ਰਾਮ ਢਿਗ ਆਇ ਕਪਿ ਪੂਰਬ  
 ਸਮਾਨ ਭਏ ਬਡੇ ਬਲਧਾਰੀਆ ॥ ੩੭ ॥ ਵਿਭੀਖਣ ਪ੍ਰਣਾਮ  
 ਕੈ ਸੁ ਰਾਮ ਕੋ ਵਖਾਨ ਕੀਯੋ ਦੇਵ ਮਮ ਪ੍ਰੀਤ ਤਬ ਕਰਨਾ  
 ਸੁਧਾਰੀਯੋ । ਮੰਗਲ ਸਨਾਨ ਭਗਵਾਨ ਸਹ ਸੀਯ ਕਰ ਭ੍ਰਾਤ  
 ਕੇ ਸਮੇਤ ਸਭ ਭੂਖਨ ਸਵਾਰੀਯੋ । ਪ੍ਰਾਤ ਕੀਜਿਯੋ ਪਯਾਨ  
 ਇਮ ਸੁਨ ਭਗਵਾਨ ਸੁ ਵਿਭੀਖਣ ਕੇ ਵਾਕ ਪਰ ਰਾਮ ਯੋ  
 ਉਚਾਰੀਯੋ । ਭਗਤਿ ਉਦਾਰ ਮੇਰੋ ਭਗਤਿ ਕੁਮਾਰ ਭਾਈ ਰਹੇ  
 ਨਿਜ ਦੇਸ ਪਥ ਮੇਰੋਹੀ ਨਿਹਾਰੀਯੋ ॥ ੩੮ ॥ ਸੱਤ੍ਰਘਨ ਸਾਧਿ  
 ਤਨ ਚੀਰ ਜਦ ਮਾਥਿ ਅਥਿ ਮੰਗਲ ਸਨਾਨ ਬਿਨੁ ਤਾਹਿ ਕੈਸੇ  
 ਠਾਨੀਯੋ । ਸੁੰਗ੍ਰੀਵ ਸਿਰਦਾਰ ਕਪਿ ਯੂਥਪਿ ਉਦਾਰ ਅਬ  
 ਯਾਹੀ ਕੋ ਵਿਭੀਖਨ ਸੁ ਕਰੋ ਸਨਮਾਨੀਯੋ । ਕਪਿ ਸਿਰਦਾਰ  
 ਜਬ ਪੂਜਨ ਉਦਾਰ ਭਏ ਭਈ ਮਮ ਪੂਜਾ ਨ ਸੰਦੇਹ ਕਛੁ  
 ਆਨੀਯੋ । ਰਾਮ ਯੋ ਬਖਾਨੀ ਸੁ ਵਿਭੀਖਨ ਪਛਾਨੀ ਗਤਿ ਹੇਮ  
 ਔ ਪਟੰਬਰ ਸੁ ਰਤਨ ਮਹਾਂਨੀਯੋ ॥ ੩੯ ॥ ਸਵੈਯਾ ॥ ਯਥਾ  
 ਰੁਚਿ ਪੇਖ ਕਪੀਸਨਕੀ ਸੁ ਵਿਭੀਖਨ ਤਯੋਂ ਬਰਖਾ ਬਰਖਾਏ  
 । ਇਕ ਧਾਰ ਪਟੰਬਰ ਕੂਦਤ ਹੈਂ ਇਕ ਮੌਲ ਮਣੀਂ ਧਰਕੀਸ਼  
 ਸੁਹਾਏ । ਇਹ ਭਾਂਤਿ ਪਿਖੇ ਕਪਿ ਪੁੰਜਨ ਕੋ ਰਘੁਨੰਦਨ ਤੋ  
 ਗਿਰਜਾ ਹਰਖਾਏ । ਅਭਿ ਬੰਦਨ ਕੈ ਰਘੁਨੰਦਨ ਜੀ ਕਪਿ  
 ਮੰਡਲ ਕੋ ਤਬਦੀਨ ਬਿਦਾਏ ॥ ੪੦ ॥ ਸੂਰਯ ਕੈ ਸਮ ਤੇਜ  
 ਲਸੇ ਇਹ ਭਾਂਤਿ ਵਿਬਾਨ ਵਿਭੀਖਨ ਲਜਾਏ । ਰਾਮ ਚਰੇ ਤਿਨ  
 ਉਪਰ ਜੋ ਵਹੁ ਪਾਰਬਤੀ ਸੁ ਵਿਮਾਨ ਸੁਹਾਏ । ਅੰਕਨ ਧਾਇ



ਸੁ ਸੀਯ ਲਈ ਜਸ ਪੁੰਜ ਬਡੀ ਉਰ ਮਾਂਹਿ ਲਜਾਏ । ਰੂਤ  
 ਚਢੇ ਲਖਮੰਨਿ ਤਬੈ ਕਰ ਮਾਂਹਿ ਸਰਾਸਨ ਤੀਰ ਫਿਰਾਏ ॥  
 ੪੧ ॥ ਚਢਿ ਮਾਂਹਿ ਬਿਬਾਨ ਸੁ ਰਾਮ ਬਲੀ ਸਖ ਬਾਨਰ ਕੇ  
 ਇਹ ਬਾਤ ਉਚਾਰੀ । ਸੁਗ੍ਰੀਵ ਸੁ ਅੰਗਦ ਔਰ ਵਿਭੀਖਨ  
 ਜੇ ਕਪਿ ਔਰ ਬਡੇ ਸਿਰਦਾਰੀ । ਤੁਮਨੇ ਜਗ ਮੀਤਕ ਕਾਜ ਕਰੇ  
 ਰਣ ਬਾਨਰ ਸੈਨ ਮਿਲਾਇ ਅਪਾਰੀ । ਅਬ ਆਇਸੁ ਮੋਹਿ  
 ਦਈ ਸਭਕੇ ਤਹਿ ਜਾਹੁ ਜਹਾਂ ਰੁਚਿ ਹੋਇ ਤੁਮਾਰੀ ॥ ੪੨ ॥  
 ਦੋਹਰਾ ॥ ਸੁਗ੍ਰੀਵ ਸੁ ਸੈਨ ਮਿਲਾਇਕੈ ਤੂੰ ਕਿਸਕਿਧਾ ਜਾਹਿ  
 । ਭਗਤਿ ਵਿਭੀਖਣ ਰਾਜ ਤੁਮ ਕਰੇ ਲੰਕ ਕੇ ਮਾਂਹਿ ॥ ੪੩ ॥  
 ਇੰਦਰ ਲੋ ਸਭ ਦੇਵਤਾ ਤੋਹਿ ਨ ਪਰਖੈ ਕੋਇ । ਪਿਤ ਰਜ  
 ਧਾਨੀ ਜਾਉਂ ਮੈਂ ਅਜੁਧਯਾ ਨਗਰੀ ਸੋਇ ॥ ੪੪ ॥ ਸ਼ੰਕਰ ਛੰਦ  
 ॥ ਇਹ ਭਾਂਤਿ ਰਾਮ ਉਚਾਰਿਯੋ ਪੁਨਿ ਕਹੇ ਕਪਿ ਸਿਰਦਾਰ  
 । ਕਰ ਜੋਰ ਬਹੁਰ ਵਿਭੀਖਣੇਂ ਪੁਨਿਏਹ ਕੀਨ ਉਚਾਰਾ ਅਯੋਧਯਾ  
 ਕੇ ਜਾਹਿਗੇ ਹਮ ਸੰਗਿ ਤੇਰੇ ਰਾਮ । ਪਿਖਰਾਜ ਤਿਲਕ  
 ਸੁਭਾਲ ਤੇ ਕੋਸ਼ਲਯਾ ਪਰਿਣਾਮ ॥ ੪੫ ॥ ਫੇਰਿ ਆਇ ਸੁ  
 ਕਰੇਂਗੇ ਹਮ ਦੇਸ ਅਪਨੇ ਰਾਜੁ । ਸੰਗ ਚਾਲੇਂ ਰਾਮ ਜੀ ਹਮ  
 ਦੇਹਿ ਆਇਸੁ ਆਜੁ । ਤਥੇਤਿ ਰਾਮ ਬਖਾਨ ਕੈ ਪੁਨਿ ਭਾਖਿਯੋ  
 ਰਘੁਰਾਇ । ਸੁਗ੍ਰੀਵ ਔਰ ਵਿਭੀਖਣਿ ਹਨੂਮਾਂਨ ਕੇ ਸਮਝਾਇ  
 ॥ ੪੬ ॥ ਦੋਹਰਾ ॥ ਸੈਨਾ ਸਹਿਤ ਸਭੈ ਚੜ੍ਹੇ ਪੁਸਪਕ ਯਾਹਿ  
 ਬਿਬਾਨ । ਚਢੇ ਕਪੇਸੁਰ ਸਹਿਤ ਬਲਿ ਵਿਭੀਖਣ ਸਹਿਤ  
 ਪ੍ਰਧਾਨ ॥ ੪੭ ॥ ਸਵੈਯਾ ॥ ਚਿਰਜਾ ਇਹ ਭਾਂਤਿ ਚਢੇ ਸਭ



ਹੀਂ ਸੁ ਕੁਬੇਰ ਕੇ ਆਸਨ ਮਾਂਹਿ ਸਮਾਏ । ਰਘੁਨਾਇਕ ਆ  
 ਇਸੁ ਪਾਇ ਉਮਾ ਸੁ ਵਿਮਾਨ ਤਬੈ ਨਭਿਮਾਂਹਿ ਉਡਾਏ । ਸਹ  
 ਹੀਸ ਵਿਮਾਨ ਲਸੇ ਨਭਿ ਮੈਂ ਜਨਮਾਂਹਿ ਅਕਾਸ ਦੁਭੀ ਰਵਿ ਆ  
 ਏ । ਚਤੁਰਾਨਨਸੇ ਰਘੁਨਾਥ ਸੁਭੇ ਚਢ ਮਾਂਹਿ ਬਿਬਾਨ ਮਹਾਂ  
 ਹਰਖਾਏ ॥ ੪੮ ॥ ਅਛਿਲ ॥ ਰਵਿਕੇ ਬਿਬ ਸਮਾਨ ਵਿਮਾਨ  
 ਸੁ ਸੋਭਈ । ਤਪ ਕਰ ਲਹਜੇ ਕੁਬੇਰ ਚਿੱਤ ਪਿਖ ਲੋਭਈ ।  
 ਸਾਨੁਜ ਸੀਯ ਸਮੇਤ ਰਾਮ ਸੁਖਦਾਇਕੈ । ਹੋ ਅਤਸੇ ਸੁਭੇ  
 ਬਿਮਾਨ ਤਾਹਿਕੋ ਪਾਇਕੈ ॥ ੪੯ ॥ ਇਤਿ ਸ੍ਰੀ ਮਤਿ ਅਧਯਾਤਮ  
 ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਜੁਧਕਾਂਡੇ ਤ੍ਰਿਯੋਦਸ਼ੇ  
 ਧਰਮਾਇ ॥ ੧੩ ॥

॥ ਸ੍ਰੀ ਮਹਾਂਦੇਵ ਉਵਾਰ ॥ ਸਵੈਯਾ ॥

ਚਹੂੰ ਓਰ ਨਿਹਾਰ ਸੁ ਰਾਮ ਬਲੀ ਗਿਰਜਾ ਸੀਯ ਕੋ ਰਘੁਨਾਥ  
 ਉਚਾਰੀ । ਤ੍ਰਿਸਿੰਗ ਧਰਾਧਰ ਸੀਸ ਬਿਖੈ ਯਹਿ ਲੰਕ ਪੁਰੀ  
 ਸੀਯ ਲੇਹੁ ਨਿਹਾਰੀ । ਇਹ ਨੈਨਨਕੈ ਰਣਭੂਮਿ ਪਿਖੋ ਕਿਲ  
 ਮਾਸ ਕੋ ਪੰਕ ਬਿਆਪਤ ਸਾਰੀ ॥ ਇਹ ਠੌਰ ਭਯੋ ਕਪਿ ਰਾਖਸ  
 ਕੋ ਮਿਥੁਲਾ ਦੁਹਿਤਾ ਅਤਿ ਸੰਘਰ ਭਾਰੀ ॥ ੧ ॥ ਇਹ ਠੌਰ  
 ਬਿਖੈ ਦਸਕੰਠ ਹਨੇਂ ਜੁ ਕਹਾਵਤ ਰਾਖਸ ਕੋ ਜਗਰਾਈ ।  
 ਮਘਵਾ ਜਿਤ ਯਾ ਧਰ ਮਾਂਹਿ ਹਨੇਂ ਜਿਨਕੇ ਹਿਤ ਰੋਵਤ ਲੰਕ  
 ਸਬਾਈ । ਇਸ ਠੌਰ ਬਿਖੇ ਘਟਕਾਨ ਹਨੇਂ ਮਮ ਔਰਘਨੀ  
 ਅਰਿ ਸੈਂਨ ਖਪਾਈ । ਇਹ ਸੇਤ ਰਚੇ ਜਲ ਸਾਗਰ ਸੈਂ ਕਪਿ  
 ਕੀ ਧੁਜਨੀ ਜਿਹ ਮਾਂਹਿ ਲੰਘਾਈ ॥ ੨ ॥ ਇਹ ਤੀਰਥ ਸਾਗਰ



ਕੋ ਪਿਖੀਏ ਪੁਨਿ ਸੇਭ ਸੁਬੰਧਹਿ ਨਾਮ ਕਹਾਏ । ਇਹ ਤੀਰਥ  
 ਸਾਗਰ ਤੀਰ ਭਯੋ ਪੁਨਿ ਪੂਜਤ ਤਾਂਹਿ ਤਿਲੋਕ ਸੁਹਾਏ । ਅਤਿ  
 ਪਾਵਨ ਤੀਰਥਏ ਪਿਖੀਏ ਜਗ ਦੇਖਨ ਤੇ ਸਭ ਪਾਪ ਮਿਟਾਏ  
 । ਇਹ ਠੌਰ ਰਮੇਸੁਰ ਦੇਵਮਹਾਂ ਅਵਨੀ ਦੁਹਿਤਾ ਮਮ ਸੰਭੁ  
 ਪੁਜਾਏ ॥ ੩ ॥ ਇਹ ਠੌਰ ਵਿਭੀਖਣ ਸਾਗਰ ਕੇ ਤਟ ਸੰਗ  
 ਪ੍ਰਧਾਨ ਮਿਲਯੋ ਮਮ ਆਨੀ । ਘਨਸੇ ਜਿਨਕੀ ਢਿਗ ਕਾਨਨ  
 ਹੈ ਇਹ ਹੈ ਕਪਿ ਨਾਇਕ ਕੀ ਰਜਧਾਨੀ । ਤਹਿ ਆਇਸੁ  
 ਰਾਮ ਪ੍ਰਧਾਨ ਬਡੀ ਪੁਨਿ ਅੰਗਦ ਮਾਤ ਮੁਖਾ ਕਪਿ ਰਾਨੀ ।  
 ਕਪਿ ਨਾਇਕ ਸਰਬ ਬੁਲਾਇ ਲਈ ਪਿਖ ਸੀਯ ਉਮਾ ਤਿਨਕੋ  
 ਬਿਗਸਾਨੀ ॥ ੪ ॥ ਤਿਨ ਸੰਗਿ ਬਿਬਾਨ ਉਠੈ ਨਭਿਕੋ  
 ਪੁਨਿ ਸੀਯ ਨਿਹਾਰਿ ਸੁ ਰਾਮ ਅਲਾਏ । ਰਿਖ ਮੂਕ ਪਹਾਰ  
 ਸੁ ਏਹ ਪਿਖੋ ਇਹ ਅੰਗਦ ਕੇ ਪਿਤ ਮੈਂ ਰਣ ਘਾਏ । ਇਹ  
 ਪੰਚਬਟੀ ਪਿਖੀਏ ਜਿਹਠਾਂ ਹਰ ਰਾਖਸ਼ ਮੋਹਿ ਅਨੇਕ ਖਪਾਏ ।  
 ਅਗਸੂ ਸੁਤੀਖਨ ਆਸ਼੍ਰਮ ਏ ਪਿਖੀਏ ਚਹੂੰ ਓਰ ਸੁ ਰੰਭ  
 ਸੁਹਾਏ ॥ ੫ ॥ ਸ਼ੰਕਰ ਛੰਦ ॥ ਇਹ ਤਾਪਸੀ ਵਰ ਵਰਨਨੀ  
 ਦ੍ਰਿਗ ਪੇਖੀਯੋ ਸੁਖਦਾਇ । ਇਹ ਚਿੱਤ੍ਰਕੂਟ ਨਗੋਤਮੋਂ ਬਹੁ ਭਾਂਤਿ  
 ਰਹਯੋ ਸੁਹਾਇ । ਇਹ ਠੌਰ ਆਏ ਕੇਕਈ ਕੇ ਪੂਤ ਭਰਤ  
 ਕੁਮਾਰ । ਪ੍ਰਸੰਨ ਕਰਨੇਂ ਮੋਹਿਕੋ ਵਹਿ ਆਹਿ ਭਗਤਿ ਉਦਾਰ  
 ॥ ੬ ॥ ਭਾਰਦਵਾਜ ਆਸ਼੍ਰਮ ਪੇਖ ਸੀਤੇ ਏਹ ਯਮਨਾਂ ਤੀਰ ।  
 ਭਗੀਰਥੀ ਯਹ ਪੇਖੀਏ ਅਤਿ ਪਾਵਨੋਂ ਜਿਹ ਨੀਰ । ਸਰਯੂ  
 ਨਦੀ ਯਹਿ ਪੇਖੀਯੋ ਤਟ ਗ ਯੁਥ ਅਪਾਰ । ਅਯੁਯਾਯਹ



ਪੇਖੀਯੋ ਅਭਿ ਬੰਦਨਾ ਤਿਹਿ ਧਾਰ ॥੭॥ ਰਿਖ ਭਾਰਦਵਾਜ ਸੁ  
 ਆਸ਼੍ਰਮੇ ਇਹ ਭਾਂਤਿ ਆਏ ਰਾਮ। ਦਸਚਾਰ ਪੂਰਨ ਵਰਖ ਮੈਂ  
 ਬਿਤ ਪੰਚਮੀ ਸੁਖਧਾਮ। ਪਿਖ ਭਾਰਦਵਾਜ ਮੁਨੀਸ਼ਕੇ ਸਹ ਭ੍ਰਾਤ  
 ਬੰਦੇ ਪਾਇ। ਪੁਨਿ ਪੂਛਯੋ ਮੁਨਿ ਰਾਜਕੋ ਰਘੁਨਾਥ ਨਿਮਰ  
 ਭਾਇ ॥ ੮ ॥ ਸਹ ਭ੍ਰਾਤ ਭਰਤ ਸੁ ਕੁਸ਼ਲ ਹੈ ਤੁਮ ਸੁਨੇ ਮੁਨਿ  
 ਬਿਖਯਾਤ। ਸੁਰਭਿੱਖ ਆਹਿ ਅਯੁਧਯਾ ਪੁਨਿ ਜੀਵਤੀ ਮਮ  
 ਮਾਤ। ਸੁਨਿ ਰਾਮ ਵਾਕ ਪ੍ਰਸੰਨਿ ਮੁਨਿਵਰ ਏਹ ਕੀਨ ਬਖਾਨ  
 । ਸਭ ਕੁਸ਼ਲ ਹੈ ਨਿਜ ਨਗਰ ਮੈਂ ਪੁਨਿ ਭਰਤ ਜੋ ਮਤਿਮਾਨ  
 ॥੯॥ ਫਲ ਮੂਲਿ ਕਰਤ ਅਹਾਰ ਐ ਤਨ ਜਟਾ ਬਲ ਕਲ  
 ਆਹਿ। ਤਵ ਪਾਦਕਾ ਕੋ ਰਾਜ ਅਰਪਯੋ ਹੇਰਤੇ ਤਵ ਰਾਹਿ। ਜੋ  
 ਕਰਮ ਤੈ ਬਨਦੰਡ ਕੇ ਪੁਨਿ ਕਰੇਹੈਂ ਰਘੁਰਾਇ। ਸੀਯਹਰਨ  
 ਰਾਖਸ਼ ਮਾਰਿਯਾ ਪੁਨਿ ਲੰਕ ਮਾਰੀ ਜਾਇ ॥੧੦॥ ਦੋਹਰਾ ॥  
 ਤਪਕਰ ਤੋਹਿ ਪ੍ਰਸਾਦਿ ਤੇ ਸੋ ਸਭ ਜਾਨਯੋ ਮੋਹਿ। ਤੂੰ ਪਾਰ  
 ਬ੍ਰਹਮ ਸੁ ਪ੍ਰਗਟ ਜਗ ਆਇ ਅੰਤਿ ਨਹਿ ਤੋਹਿ ॥ ੧੧ ॥  
 ਸਵੈਯਾ ॥ ਤੁਮ ਪੂਰਬ ਨੀਰ ਰਚੇ ਜਗਮੈਂ ਜਨ ਕਾਰਣ ਤੂੰ  
 ਤਿਨ ਮੈਂ ਸੁਪਤਾਯੋ। ਸੁ ਨਾਰਾਇਣ ਵਿਸੁ ਸਰੂਪ ਤੁਹੀ ਨਰ  
 ਅੰਤਕ ਨਾਮ ਸੁ ਤੋਹਿ ਕਹਾਯੋ। ਸਭਿ ਲੋਕਨ ਕੋ ਕਰਤਾ  
 ਚਤੁਰਾਨਨ ਨਾਭਿ ਸੁ ਵਾਰਜ ਤੇ ਉਪਜਾਯੋ। ਇਹ ਤੇ ਸਭ ਬੰਦਨ  
 ਤੋਹਿ ਕਰੇਂ ਪ੍ਰਭਿ ਤੂੰ ਜਗ ਅੰਦਰ ਈਸ਼ ਸਬਾਯੋ ॥ ੧੨ ॥  
 ਗੀਯਾ ਮਾਲਤੀ ਛੰਦਾ। ਤੂੰ ਬਿਸ਼ਨ ਜਨਕ ਕੁਮਾਰਿਯਾ ਯਹਿ  
 ਲੱਖਮੀ ਪਹਿਚਾਨੀਯੋ। ਲਖਮੰਨਿ ਜਗਤ ਅਧਾਰੁ ਰਘੁਵਰੁ



ਸ਼ੇਸ਼ ਨਾਮ ਬਖਾਨੀਯੇ । ਤੈ ਆਪ ਅਪਨੀਂ ਮਾਯਾ ਕਰ ਜਗਤ  
 ਨਿਖਲ ਬਨਾਇਓ । ਚਿਤ ਸ਼ਕਤਿ ਸਾਖੀ ਸਰਬਕਾ ਨਭਿ  
 ਨਾਹਿ ਜਿਵੇਂ ਲਿਪਾਇਓ ॥ ੧੩ ॥ ਬਹਿਰੰਤ ਭੂਤ ਸੁ ਸਰਬ  
 ਕੇ ਰਘੁਨੰਦ ਪੂਰਣ ਹੈਂ ਤੁਹੀਂ । ਮੂਢ ਦ੍ਰਿਸ਼ਟ ਵਭਿੰਨ ਤੋਕੇ  
 ਪਿਖੇ ਜਾਨਹਿ ਤੇ ਨਹੀਂ । ਤੂੰ ਨਿਖਲਿ ਜਗਤ ਅਧਾਰ ਗਾਯੇ  
 ਤੁਹੀਂ ਜਗ ਪਰ ਪਾਲ ਹੈਂ । ਤੂੰ ਨਿਖਲ ਲੋਕਨ ਭੋਗਤਾ ਪੁਨਿ  
 ਭੋਗ ਤੁਹੀਂ ਬਿਸਾਲ ਹੈਂ ॥੧੪॥ ਜੋ ਕਾਂਨਿ ਸੁਨੀਏ ਸਿਮਰੀਏ  
 ਪੁਨਿ ਨੈਨ ਕਰ ਜੋ ਦੇਖੀਯੇ । ਤੁਮੇਵ ਸਰਬ ਜੁ ਰਾਮਜੀ ਬਿਨੁ  
 ਤੋਹਿ ਨਾਂ ਕਛੁ ਲੇਖੀਯੇ । ਅਹਿਮਾਦਿ ਗੁਣ ਕਰ ਮਾਇਆ ਤੈ  
 ਜਗਤ ਨਿਖਲ ਬਨਾਇਓ । ਤਵ ਸ਼ਕਤ ਪ੍ਰੇਰਯੋ ਲੋਕ ਸਗਲੇ  
 ਰਾਮ ਤੋਹਿ ਸਹਾਇਯੋ ॥ ੧੫ ॥ ਚੰਬਕ ਮਣੀ ਕੇ ਸੰਗ ਤੇ  
 ਜਿਮ ਲੋਹ ਜਗਤ ਚਲਾਇਹੈ । ਜੜੁ ਮਾਇਆ ਤਿਉ ਰਾਮਜੀ  
 ਤਵ ਸੰਗ ਜਗਤ ਬਨਾਇਹੈ । ਵਿੱਸ਼ੁ ਰੱਖਣ ਹੇਤ ਤੈਂ ਅਦੇਹ  
 ਤਨ ਦੁਇ ਧਾਰਿਆ । ਸੂਤ੍ਰ ਸੂਖਮ ਰੂਪਤੇ ਵੈਰਾਟ ਬੂਲ ਉਚਾ  
 ਰਿਆ ॥ ੧੬॥ ਹਜ਼ਾਰਹੀ ਅਵਤਾਰ ਤੇ ਵੈਰਾਠ ਤੇ ਉਪਜਾਇਹੈਂ  
 । ਕਰਿ ਕਾਜ ਹਰਿ ਧਰਿ ਭਾਰ ਕੇ ਵੈਰਾਠ ਮਾਹਿ ਸਮਾਇ ਹੈਂ ।  
 ਅਵਤਾਰ ਤੇਰੇ ਕੀ ਕਥਾ ਪੁਨਿ ਸੁਨੈ ਜੇ ਜਗ ਗਾਇ ਹੈਂ । ਅ-  
 ਨੰਨ ਮਨਿ ਜਗ ਅੰਦਰੇ ਵਹਿ ਮੁਕਤਿ ਰਾਮ ਕਹਾਇ ਹੈਂ ॥  
 ੧੭ ॥ ਅੜਿਲ ॥ ਬ੍ਰਹਮਾ ਕਰੀ ਸੁ ਬਿਨਤੀ ਪੂਰਬ ਥਾਰੀ  
 ਆ । ਭੂਕੇ ਭਾਰ ਉਤਾਰੇ ਨਿਖਲ ਮੁਰਾਰੀਆ । ਦਸਰਥਪੂਰਬ  
 ਤਪਸਾ ਪਿਖ ਬਿਗਸਾਇਕੈ ॥ ਹੋ ਰਘੁਕੁਲ ਮੈਂ ਅਵਤਾਰ ਲਯੋ



ਤੈਂ ਆਇਕੈ ॥੧੮॥ ਦੇਵਨ ਕੇ ਤੈਂ ਕਾਰਯ ਸਰਬ ਸਵਾਰਿਆ ।  
 ਮਾਨਵ ਤਨ ਹਰਿ ਧਾਰੇ ਬਰਖ ਹਜ਼ਾਰਿਆ । ਲੋਕ ਦੁਹੂੰ ਹਿਤ  
 ਕਾਜ ਕਰਮ ਤੂੰ ਕਰੈਂਗੇ । ਹੋ ਪਾਪ ਹਰਿਣ ਜਸ ਭਵਨ ਸੁ ਪੂਰਣ  
 ਭਰੈਂਗੇ ॥ ੧੯ ॥ ਬਿਨਤੀ ਕਰੋਂ ਸੁ ਰਾਮ ਕਾਨ ਮੈ ਧਾਰੀਯੇ ।  
 ਮੇਰੇ ਗ੍ਰਹਿ ਅਬ ਪਾਵਨ ਕਰੋ ਮੁਰਾਰੀਯੇ । ਸੈਨਾਂ ਸਹਿਤ ਹਮਾਰੇ  
 ਭੋਜਨ ਲੀਜੀਏ । ਹੋਕਾਲ ਸਵੇਰੇ ਪ੍ਰਾਤਗਵਨ ਪੁਨ ਕੀਜੀਏ । ੨੦ ।  
 ਵੇ: ॥ ਰਾਮ ਤਥਾ ਮੁਖਿ ਭਾਖਕੈ ਆਸ਼੍ਰਮ ਕੀ ਨਿਵਾਸ ॥ ਸੈਨਾਂ ਸੀਯ  
 ਸੁਭ੍ਰਾਤ ਸਹਿ ਪੂਜੈ ਮੁਨਿ ਸੁਖ ਰਾਸ ॥ ੨੧ ॥ ਅੜਿਲ ॥ ਰਘੁ ਵਰੁ ਯੋਂ  
 ਮਨ ਮਾਂਹਿ ਸੁ ਬਹੁਰ ਉਚਾਰਿਓ । ਅਬਹੀ ਬਨੇਂ ਸੁ ਦੂਤ ਤਹਾਂ  
 ਪਾਧਾਰਿਓ । ਹਨੁਮਤ ਕਹਿਓ ਸੁ ਰਾਮ ਅਜੁੱਧਯਾ ਜਾਈਯੇ । ਹੋ  
 ਰਾਜਾ ਕੇ ਘਰ ਜਾਇ ਸੁ ਕੁਸਲ ਸੁਨਾਈਯੇ ॥ ੨੨ ॥  
 ਸਿੰਗਵੇਰ ਨਗਰ ਮੈਂ ਜਾਇ ਗੁਹਹਿ ਸੁਧਿ ਲੀਜੀਯੇ । ਸਾਨੁਜ  
 ਸੀ ਹਰਿ ਆਇ ਨਿਵੇਦਨ ਕੀਜੀਯੇ । ਨੰਦਗਾਂਉ ਮੈਂ ਜਾਇ ਭ-  
 ਰਤ ਕੇ ਹੇਰਿਓ । ਹੋ ਸਾਨੁਜ ਸੀਯ ਸਮੇਤ ਕੁਸਲ ਮਮ ਟੇਰਿਓ  
 ॥ ੨੩ ॥ ਸਵੈਯਾ ॥ ਸੀਯ ਹਰੀ ਦਸਕੰਧਰ ਨੇ ਸੁ ਵਹੀ  
 ਦਸਕੰਧਰ ਰਾਘਵ ਘਾਏ । ਜੋ ਕੁਛ ਮੈਂ ਸੁ ਕਰੀ ਚਰਯਾ ਭਰਤੈ  
 ਸਭ ਜਾਇ ਸੁ ਦੇਹ ਸੁਨਾਏ । ਜੀਤ ਲਏ ਅਰਿ ਪੁੰਜ ਸਭੈ  
 ਪੁਨਿ ਰਾਮ ਸੀਯਾ ਲਖਮੰਨਿ ਸੁਆਏ । ਕੋਸ਼ ਸੁ ਬਾਹਨਿ ਸੰਗਿ  
 ਬਡੇ ਕਪਿ ਰਾਖਸ਼ ਕੀ ਧੁਜਨੀ ਬਹੁ ਲਯਾਏ ॥ ੨੪ ॥  
 ਅੜਿਲ ॥ ਯਾ ਬਿਧ ਤਾਂਕੇ ਪਾਸ ਸੁ ਕਹੀ ਬਖਾਂਨਕੈ । ਭਰਤ  
 ਕਹੀ ਮੁਖ ਬਾਤ ਬ੍ਰਿਤਾਂਤ ਸੁ ਜਾਨਕੈ । ਬੇਗ ਸੁ ਆਯੋ ਮੇ ਢਿਗ



ਰਾਮਬਖਾਨਿਯੋ । ਹੋ ਭਾਖ ਤਥਾ ਹਨੁਮਾਂਨ ਸੁ ਨਰ ਵਪੁ ਠਾਂਨਿਯੋ  
 ॥ ੨੫ ॥ ਸਿੰਗਵੇਰ ਨਗਰ ਢਿਗ ਆਯੋ ਪ੍ਰਥਮ ਸੁ ਧਾਇਕੈ  
 । ਮੀਠੀ ਬਾਣੀ ਕਹੀ ਸੁ ਹਰਖ ਬਢਾਇਕੈ । ਦਸਰਥਕੇ ਸੁਤ  
 ਰਾਮ ਸਖਾ ਤੇ ਪਯਾਰਿਯਾ । ਹੋ ਲਖਮਣ ਸੀਤਾ ਸਹਿਤ ਸੁ  
 ਕੁਸ਼ਲ ਉਚਾਰਿਯਾ ॥ ੨੬ ॥ ਭਾਰਵਾਜਕੀ ਆਇਸੁ ਗੁਹੁਪੁਨਿ  
 ਪਾਇਕੈ । ਆਵੈਂਗੇ ਤਵ ਪਾਸ ਪਿਖੀ ਮਨ ਲਾਇਕੈ । ਐਸੇ ਮੁਖੇ  
 ਬਖਾਂਨ ਰੋਮ ਹਰਖਾਨਿਆਂ । ਹੋ ਵਾਯੁ ਬੇਗ ਹਨੁਮਾਂਨ ਬਹੁਰ  
 ਪੁਲਕਾਨਿਆਂ ॥ ੨੭ ॥ ਦੋਹਰਾ ॥ ਤੀਰਥ ਰਾਮ ਸੁ ਪੇਖਿ  
 ਯੋ ਪੁਰਮੈਂ ਕਹੀ ਸੁ ਸਾਰ । ਬਹੁਰ ਜਾਇ ਸਰਯੂ ਨਦੀ ਪੇਖੀ  
 ਪੈਨ ਕੁਮਾਰ ॥ ੨੮ ॥ ਨੰਦ ਗ੍ਰਾਮ ਬਹੁਰੇ ਗਯੋ ਸਰਯੂ ਉਤਰ  
 ਸੁ ਪਾਰ । ਅਯੁਧਯਾ ਤੇ ਇਕ ਕੋਸਹੈ ਤਹਾਂ ਸੁ ਭਰਤ ਕੁਮਾਰ  
 ॥ ੨੯ ॥ ਸਵੈਯਾ ॥ ਕ੍ਰਿਸ਼ਨਾਜਿਨ ਚੀਰ ਪਿਖੇ ਭਰਤੇ ਮੁਖਿ  
 ਦੀਨ ਕ੍ਰਿਸ਼ਾਸ਼੍ਰਮ ਮਾਂਹਿ ਬਸਾਏ । ਮਲ ਪੰਕ ਸਰੀਰ ਸੁ ਸੀਸ  
 ਜਟਾ ਦੁਮ ਛਾਲਨਕੇ ਤਨ ਪਾਟ ਬਨਾਏ । ਫਲ ਮੂਲ ਅਹਾਰ  
 ਕਰੈ ਨਿਸ ਮੈਂ ਨਿਸ ਬਾਸਰ ਰਾਮ ਸਦਾ ਉਰ ਧਯਾਏ । ਰਘੁ  
 ਨਾਥ ਸੁ ਪਾਇਨ ਪਾਵਰੀਕੇ ਢਿਗ ਜਾਇ ਵਸੁੰਧਰ ਨਿਆਂਉ  
 ਚੁਕਾਏ ॥ ੩੦ ॥ ਪੌਰ ਅਮਾਤ ਬਜੀਰ ਬਡੇ ਢਿਗ ਹੈਂ ਸਭਹੀ  
 ਭਗਵੇ ਪਟ ਧਾਰੇ । ਧਰਮ ਮਨੋਂ ਧ੍ਰਿਤ ਮੂਰਤਿ ਹੈ ਇਹਭਾਂਤਿ  
 ਰਘੁਤਮ ਭ੍ਰਾਤਿ ਨਿਹਾਰੇ । ਜੋਰ ਦੁਉ ਕਰ ਪੈਨ ਕੁਮਾਰ ਸੁ  
 ਰਾਮਕੇ ਭ੍ਰਾਤਕੋ ਏਹ ਉਚਾਰੇ । ਜੇ ਰਘੁਬੀਰ ਹੁਤੇ ਬਨ ਦੰਡਕ  
 ਤੂੰ ਜਿਨਕੋ ਉਰ ਮਾਂਹਿ ਚਿਤਾਰੇ ॥ ੩੧ ॥ ਤੂੰ ਜਿਨਕੀ ਉਰ ਸੋਚ



ਕਰੇਂ ਤਿਨ ਰਾਮ ਸੁ ਤੇ ਪ੍ਰਤਿ ਖੇਮ ਉਚਾਰੇ । ਤੇਹਿ ਰਿਦੰ ਰਸ  
 ਭਾਖਤਹੋਂ ਅਬ ਸ਼ੋਕ ਤਜੇ ਭਵ ਭੀਤਰ ਭਾਰੇ । ਯਾਹਿ ਮਹੂਰਤ  
 ਰਾਮ ਮਿਲੇ ਉਰ ਸਾਰ ਗਹੈ ਯਾਹਿ ਵਾਕ ਹਮਾਰੇ । ਕੇਕਈ  
 ਨੰਦਨ ਰਾਮ ਅਹੇ ਯਮਨਾ ਤਟ ਪਾਰਿਖ ਭੌਨ ਮਝਾਰੇ ॥ ੩੨  
 ॥ ਹਨ ਰਾਵਣ ਰਾਮ ਸੁ ਸੀਯ ਲਈ ਰਘੁਨਾਥ ਬਲੀ ਅਬਿ  
 ਹੈਂ ਪੁਨਿਆਏ । ਅਰਥਨ ਕੈ ਪਰਪੂਰਣ ਹੈ ਲਖਮੰਨਿ ਸੀਯਾ  
 ਸਹਿ ਰਾਮ ਸੁਹਾਏ । ਸਭ ਰਾਖਸ਼ ਔ ਕਪਿ ਸੰਗ ਲਏ ਭਟਿ  
 ਕੋਟਿਨ ਕੋਟਿ ਨ ਜਾਤ ਗਿਨਾਏ । ਇਹ ਭਾਂਤਿ ਕਹਯੋ ਹਨੂਮਾਂਨ  
 ਜਬ ਸੁਨ ਕੈ ਸੁਤ ਕੈਕਈ ਕੇ ਹਰਖਾਏ ॥ ੩੩ ॥ ਅੜਿੱਲ  
 ॥ ਹਰਖ ਮੂਰਛਾ ਆਈ ਭਰਤ ਕੁਮਾਰਕੋ । ਗਿਰੇ ਭੂਮਿ ਪਰ  
 ਜਾਇ ਨ ਰਹੀ ਸੰਭਾਰਕੋ । ਬਹੁਰ ਭਰਤ ਧਰ ਉਠੇ ਸੁ ਦੇਹਿ  
 ਸੰਭਾਰਿਆ । ਹੋ ਲਏ ਹਨੂੰ ਗਲ ਲਾਇ ਸੁ ਭਲੋ ਉਚਾਰਿਆ  
 ॥ ੩੪ ॥ ਆਨੰਦ ਕੋ ਬਹੁ ਨੀਰ ਨੈਨ ਤੇ ਆਇਯੋ । ਹਨੂੰਮਾਂਨ  
 ਕੋ ਭਰਤ ਸੁ ਤਾਹਿ ਨਵਾਇਯੋ । ਦੇਵ ਕਿਯੋ ਪੁਨਿ ਮਾਨੁਖ ਤੂੰ  
 ਜਗ ਆਇਯੋ । ਹੋ ਕਰੁਣਾਂ ਕਰੁ ਰਿਦ ਅੰਗਮ ਵਾਕ ਸੁਨਾ-  
 ਇਯੋ ॥ ੩੫ ॥ ਗੀਯਾਮਾਲਤੀ ਛੰਦ ॥ ਤੈਂ ਕਹੀ ਪਯਾਰੀ  
 ਬਾਤ ਮੋਕੋ ਤੇਹਿ ਕੋ ਅਬਿ ਦੀਜੀਯੋ । ਸੋ ਹਜ਼ਾਰ ਸੁ ਧੇਨ ਨੀਕੇ  
 ਤਾਂ ਉਪਾਇਨ ਲੀਜੀਯੋ । ਸੋਗ੍ਰਾਮ ਨੀਕੇ ਜੋ ਰੁਚੇ ਨਵ ਸਾਤ  
 ਕੰਨਯਾਂ ਸੋਹਨੀ । ਅਭਰਣ ਸੋ ਪਰਿ ਪੂਰਣਾਂ ਚੁਨਿ ਲੀਜੀਯੋ  
 ਮਨ ਮੋਹਨੀ ॥ ੩੬ ॥ ਦੋਹਰਾ ॥ ਐਸੇ ਭਰਤ ਬਖਾਂਨ ਕੈ  
 ਬਹੁਰੋ ਕਰੇ ਬਖਾਨਿ । ਉਮਾ ਪਵਨ ਸੁਤ ਕੋ ਕਹੈ ਬਹੁ ਬਿਧਿ



ਵੈ ਸਨ ਮਾਨ ॥ ੩੭ ॥ ਬਹੁਤ ਬਰਖ ਸੁਨਿ ਭਏ ਥੇ ਰਾਮ  
 ਗਏ ਬਣ ਮਾਂਹਿ । ਰਾਮ ਕਥਾ ਪਯਾਰੀ ਸੁਨੀ ਆਜ ਸੁ ਕਾਨਠ  
 ਮਾਂਹਿ ॥ ੩੮ ॥ ਤੇਹਿ ਬਖਾਨੀ ਮੋਹਿਕੋ ਕੱਲਯਾਨੀ ਸੁਖ ਰੂਪ  
 । ਆਜੁ ਸੁ ਸਾਰੀ ਹੈ ਪਿਖੀ ਲੋਕਿਕ ਕਥਾ ਅਨੂਪ ॥ ੩੯ ॥ ਵਰਖ  
 ਸੈ ਕੜੇ ਜਾਹਿ ਪੁਨਿ ਜੀਵਤ ਜੋ ਨਰ ਹੋਇ । ਕਹਤ ਪੁਰਾਤਨ  
 ਬਾਤ ਜਨ ਪਾਵਤ ਆਨੰਦ ਸੋਇ ॥ ੪੦ ॥ ਕਿਹ ਬਿਧ ਭਯੋ  
 ਸਮਾਗਮੋਂ ਕੀਸ਼ਨ ਸੋਂ ਰਘੁਬੀਰ । ਤੱਤ ਬਖਾਨੋ ਮੋਹਿਕੋ ਹੋਇ  
 ਪ੍ਰਤੀਤ ਸੁ ਧੀਰ ॥ ੪੧ ॥ ਅੜਿਲ ॥ ਭਰਤ ਮਹਾਤਮ  
 ਯਾ ਬਿਧਿ ਜਬੈ ਸੁ ਭਾਨਿਯੋਂ । ਰਾਮ ਚਰਿਤ ਹਨੁਮਾਂਨ ਸੁ  
 ਸਗਲ ਬਖਾਨਿਯੋਂ । ਕਪਿਤੇ ਰਾਮ ਚਰਿਤ੍ਰ ਜਬੈ ਸੁਨਿ ਪਾਇਯੋ  
 । ਹੋ ਭਯੋ ਪ੍ਰਸੰਨ ਸੁ ਭਰਤ ਸਤ੍ਰਘੁ ਅਲਾਇਯੋ ॥ ੪੨ ॥ ਦੇਵ  
 ਤਕੈ ਅਸਥਾਂਨ ਨਗਰਮੈਂ ਜੇਤਿਆ । ਨਾਨਾ ਬਲ ਉਪਹਾਰ  
 ਪੁਜਾਵਹੁ ਤੇਤਿਆ । ਸੂਤ ਵਿਤਾਲਕ ਬੰਦੀ ਉਸਤਤਿ ਪਾਠਕਾ  
 । ਹੋ ਵਾਰ ਮੁਖਾ ਸਭ ਚਲੈ ਰਾਮਕੀ ਬਾਟਿਕਾ ॥ ੪੩ ॥ ਨਰਾਜ  
 ਛੰਦ ॥ ਸੁਰਾਜ ਵਾਰ ਐ ਅਮਾਤ ਰਾਮ ਹੇਰਹੈਂ ਭਲੇ । ਸੁ  
 ਸੈਨ ਅੱਸੁ ਨਾਗਕੀ ਰਥੀ ਪਦਾਂਤੀਆਂ ਚਲੇ । ਸੁ ਬਿੱਪੁ ਪੌਰ  
 ਭੂਪਤੀ ਚਲੇ ਸਮਸੁ ਆਇਆ । ਅਲੰਕਰੇ ਅਯੋਧਯਾ ਮੁਤੀ  
 ਮਣੀ ਸੁ ਲਾਇਆ ॥ ੪੪ ॥ ਸੁ ਤੋਰਣਾਂ ਪਤਾਕਿਕਾ ਵਿਛਿਤ੍ਰ  
 ਹੀਰਿਆਂ ਜਰੀ । ਲਗੈ ਸਮਸੁ ਮੰਦਰਾ ਬਲੀ ਵਿਚੱਖਣਾਂ  
 ਕਰੀ । ਚਲੇ ਸਮਸੁ ਬਿੰਦਵੈ ਸੁ ਰਾਮ ਪੇਖਨੇਂ ਭਲੇ । ਤੁਰੰਗ  
 ਸੋਂ ਹਜਾਰ ਐ ਸੁ ਨਗ ਆਇਤੰ ਚਲੇ ॥ ੪੫ ॥ ਬੰਦਸੰ



ਹਜ਼ਾਰ ਲੈ ਸੁਹੇਮ ਸੂਤ੍ਰ ਭੂਖਤਾ। ਚਲੇ ਸਮਸੁ ਦਰਬਲੈ ਉਪਾਇਨਾਂ  
 ਅਦੁਖਤਾ । ਚਲੀ ਸਮਸੁ ਰਾਨੀਆਂ ਸੁ ਬੈਠ ਪਾਲਕੀ  
 ਵਰੀ । ਭਰਤ ਹਾਥ ਜੋਰਕੈ ਸੁ ਮੰਤ ਪਾਦਕਾ ਧਰੀ  
 ॥ ੪੬ ॥ ਸੱਤ੍ਰਘਨ ਭ੍ਰਾਤ ਮਾਥਿ ਲੈ ਸੁ ਪਾਦ ਚਾਰਹੀ ਚਲੇ  
 । ਤਬੈ ਸੁ ਦੂਰਦੇਸ ਤੇ ਵਿਮਾਨ ਪੇਖਿਯੋ ਭਲੇ । ਸੁ ਚੰਦ੍ਰ ਸੂਰ  
 ਕੇ ਸਮੰ ਵਿਮਾਨਸੇ ਸੁਹਾਇਯੋ । ਵਿਮਾਨ ਬ੍ਰਹਮ ਦੇਸਨੇ ਸੁ  
 ਮਾਨਸਿ ਬਨਾਇਯੋ ॥ ੪੭ ॥ ਸੁ ਤਾਹਿ ਮਾਹਿ ਭ੍ਰਾਤ ਦੋ ਵਿਦੇਹਕੀ  
 ਕੁਮਾਰੀਯਾ । ਸੁਗ੍ਰੀਵ ਔ ਵਿਭੀਖਣੈ ਸੁ ਮੰਤਰੀ ਉਦਾਰੀਯਾ ।  
 ਪੇਖਿਯੋ ਪਿਖੇਜਨੋ ਹਨੂੰਮਤੇ ਪ੍ਰਭਾਨਿਯੋ । ਜੁਵਾ ਸੁ ਬਾਲ ਬ੍ਰਿਧ  
 ਨਾਰ ਰਾਮ ਏ ਬਖਾਨਿਯੋ ॥ ੪੮ ॥ ਧੁਨੰ ਅਕਾਸ਼ ਪੂਰਿਯੋ ਸੁ  
 ਰਾਮ ਬੋਲਕੈ ਭਲੇ । ਤੁਰੰਗ ਕੁੰਜਰੰ ਰਥੰ ਸੁ ਛੇੜਿ ਭੂਮਿ ਮੈਂ  
 ਚਲੇ । ਵਿਮਾਨ ਰਾਮ ਹੇਰਿਯੋ ਅਕਾਸ਼ ਚੰਦ੍ਰਮਾ ਯਥਾ । ਭਰਤ  
 ਹਾਥ ਜੋਰਕੈ ਪਿਖੇ ਹਰੱਖਿਯੋ ਤਥਾ ॥ ੪੯ ॥ ਵਿਮਾਨ ਅੰਗੁ ਰਾਮ  
 ਕੋ ਭਰਤ ਬੰਧਿਯੋ ਤਥਾ । ਸੁਮੇਰ ਸਿੰਗ ਸੂਰਕੋ ਸੁ ਲੋਕ ਬੰਦ ਹੈ  
 ਯਥਾ । ਤਬੈ ਸੁ ਰਾਮ ਆਗਿਆ ਵਿਮਾਨ ਭੂਮਿ ਆਇਯੋ ।  
 ਭਰੱਤ ਸਾਨੁਜੰ ਸੁ ਰਾਮ ਤਾਹਿਮੈਂ ਬਿਠਾਇਯੋ ॥ ੫੦ ॥ ਭਰਤ  
 ਰਾਮ ਪਾਇਕੈ ਸੁ ਫੇਰ ਬੰਦਨਾ ਕਰੀ । ਉਠਾਇ ਰਾਮ ਤਾਂ  
 ਲਯੋ ਚਿਰਾਤ ਪੇਖਿਯੋ ਹਰੀ । ਸੁਰਾਮ ਅੰਗ ਰੋਪਕੈ ਲਯੋ ਗਰੇ  
 ਲਗਾਇਕੈ । ਤਬੈ ਭਰੱਤ ਸੀਯ ਰਾਮ ਲਖਮਣੰ ਅਲਾਇਕੈ  
 ॥ ੫੧ ॥ ਦੋਹਰਾ ॥ ਦੋਨੋ ਕੇ ਪਦ ਬੰਦਨਾ ਕਰੀ ਸੁ ਭਰਤ  
 ਬਨਾਇ ॥ ਪ੍ਰੇਮ ਬਿਆਕੁਲ ਭਰਤਜੀ ਸੁਖ ਸਮੁੰਦ ਮੈ ਨੁਇ



॥ ੫੨ ॥ ਸ਼ੰਕਰਛੰਦ ॥ ਸੁਗ੍ਰੀਵ ਔ ਯੁਵਰਾਜ ਅੰਗਦ ਜਾਮ  
 ਵਾਨ ਉਦਾਰ । ਮੈਂਦ ਦੁਵਿਦੁ ਸੁ ਨੀਲ ਰਿਖਭੰ ਮਿਲੇ ਭਰਤ  
 ਕੁਮਾਰ । ਗੰਧ ਮਾਦਨ ਔ ਗਵਾਖ ਸੁਖੇਣ ਔ ਨਲ ਬੀਰ ।  
 ਸਰਭ ਪਨਸ ਪ੍ਰਧਾਨ ਕੇ ਪੁਨਿ ਮਿਲੇ ਭਰਤ ਸੁ ਧੀਰ ॥ ੫੩ ॥  
 ਅੜਿਲ ॥ ਸਭ ਕਪਿ ਮਾਨਵ ਰੂਪ ਤਬੈ ਪੁਨਿ ਧਾਰਿਕੈ ।  
 ਕੁਸ਼ਲ ਛੇਮ ਸਭ ਪੂਛਯੋ ਭਰਤ ਕੁਮਾਰਕੈ ॥ ਤਬ ਸੁਗ੍ਰੀਵ  
 ਅਲਿੰਗ ਸੁ ਭਰਤ ਉਚਾਰਿਯੋ । ਹੋਤੋਹਿ ਸਹਾਇਕ ਰਾਮ ਲੰਕ  
 ਪਤਿ ਮਾਰਿਯੋ ॥ ੫੪ ॥ ਚਾਰ ਭ੍ਰਾਤੁ ਹਮ ਯਾ ਜਗ ਮਾਹਿ  
 ਬਖਾਨੀਯੋ । ਪੰਚਮ ਤੂੰ ਸੁਗ੍ਰੀਵ ਨ ਭੇਦ ਪਛਾਨੀਯੋ । ਸੱਤ੍ਰਘਨ  
 ਕਰ ਪ੍ਰਣਾਮ ਸੁ ਬਹੁਰੇ ਰਾਮਕੋ । ਹੋ ਫੇਰ ਕਰੀ ਪ੍ਰਣਾਮ ਲਖਣ  
 ਸੁਖ ਧਾਮ ਕੋ ॥ ੫੫ ॥ ਪੁਨਿ ਦੋ ਹਾਥਿ ਮਿਲਾਇ ਸੀਯ  
 ਢਿਗ ਜਾਇਕੈ । ਬਿਨੈ ਯੁਕਤਿ ਅਭਿ ਬੰਦਨ ਕਰੀ ਬਨਾਇ  
 ਕਾ ਪੂਜਤ ਰਾਮ ਖੜਾਉਂ ਭਰਤਲੈ ਆਇਯੋ । ਹੋ ਰਾਮਪਾਦ ਮੈ  
 ਜੋਰ ਬਹੁਤ ਬਿਠਾਸਾਯੋ ॥ ੫੬ ॥ ਰਾਮ ਅਮਾਨਤ ਰਾਜ ਤੋਹਿ  
 ਕੋ ਮੈ ਦਯੋ । ਅਬਮੈਂ ਜਨਮ ਮਨੋਰਥ ਸਫਲੇ ਸਭ ਭਯੋ । ਨੈਨ  
 ਨਿਹਾਰੋ ਤੋਹਿ ਅਯੋਧਯਾ ਆਂਵਦਾ । ਹੋ ਦਸਗੁਣ ਸੈਨਾ ਕੋਸ਼  
 ਕੀਯੋ ਤਵ ਭਾਂਵਦਾ ॥ ੫੭ ॥ ਤੇਜ ਤੁਮਾਰੇ ਰਾਮ ਸੁ ਮੈ ਪ੍ਰਤਿ  
 ਪਾਰਿਆ । ਅਬ ਪਾਲੋ ਨਿਜ ਨਗਰ ਸੁ ਦੇਸ ਉਦਾਰਿਯਾ ।  
 ਐਸੇ ਭਰਤ ਕੁਮਾਰਿ ਸੁ ਰਾਮ ਬਖਾਨਿਯਾ । ਹੋ ਪੇਖ ਕਪੀਸਰ  
 ਸਗਲ ਤਬੈ ਬਿਸਮਾਨਿਯਾ ॥ ੫੮ ॥ ਭਰਤ ਬਡਾਈ ਕਰੈ  
 ਜਾਇ ਜਲ ਨੈਨਤੇ । ਭਰਤ ਰਾਮ ਗਲ ਲਾਯੋ ਸੁੰਦਰ ਮੈਨ



ਤੇ । ਤਾਂ ਬਿਬਾਨ ਕੈਯਾਨ ਤਹਾਂ ਸਭ ਆਇਆ । ਹੋ ਆਸ਼੍ਰਮ  
 ਭਰਤ ਪੁਨੀਤ ਸੁ ਦੂਖ ਗਵਾਇਆ ॥ ੫੯ ॥ ਦੋਹਰਾ ॥  
 ਤਾਂ ਬਿਬਾਨ ਤੇ ਉਤਰੇ ਰਾਮ ਮਹੀ ਤਲ ਆਇ । ਪੁਸ਼ਪਕ  
 ਪਰਮ ਬਿਬਾਨਕੋ ਭਾਖਤ ਰਾਮ ਸੁਨਾਇ ॥ ੬੦ ॥ ਧਨਦ  
 ਸਮੀਪ ਜਾਹਿ ਤੂੰ ਮੇਰੀ ਆਇਸ ਮਾਨ । ਵੈਸ਼ਵਣ ਕੁਬੇਰਹਿ  
 ਧਾਰਿਯੋ ਤੂੰ ਤਾਂ ਆਹਿ ਬਿਬਾਨ ॥ ੬੧ ॥ ਅਨੰਗਸੇਖਰਛੰਦ ॥  
 ਗੁਰੂ ਬਸਿਸ੍ਰ ਕੇ ਪਦਾਰ ਬਿੰਦ ਰਾਮ ਚੰਦਜੀ ਨਿਵਾਇ ਸੀਸ  
 ਆਪਨੋ ਸੁ ਹੇਮ ਆਸਨੰ ਦਯੋ । ਬ੍ਰਹਸਪਤੀ ਪਦਾਰ ਬਿੰਦ ਕੋ  
 ਸੁਰੰਸ ਜਿਉ ਨਮੈ ਸੁ ਰਾਮਚੰਦ ਬੀਰਤਾਹਿ ਭਾਂਤਿ ਤਾਂ ਤਬੈ  
 ਕੀਯੋ । ਗੁਰੂ ਬਸਿਸ੍ਰ ਪੇਖ ਰਾਮ ਚੰਦ ਕੀ ਸੁ ਰੀਤਿਕੋ ਪ੍ਰਸੰਨ  
 ਰਾਘਵੇਸ਼ ਕੋ ਬਿਠਾਇ ਪਾਸ ਤਾਂ ਲਯੋ । ਗੁਲਾਬ ਸਿੰਘ ਰਾਮ  
 ਕੋ ਬਿਛੋਹ ਦੂਖ ਜੋ ਹੁਤੋ ਨਿਹਾਰ ਰਾਮਚੰਦ ਕੋ ਪਲਾਇ ਆਜ  
 ਸੋ ਗਯੋ ॥ ੬੨ ॥ ਇਤਿ ਸ੍ਰੀਮਤਿ ਅਧਿਆਤਮ ਰਾਮਾਇਣੇ  
 ਉਮਾਂ ਮਹੇਸੁਰ ਸੰਬਾਦੇ ਜੁਧਕਾਂਡੇ ਚਤੁਰ ਦਸ ਧਿਆਇ ॥  
 ੧੪ ॥

॥ ਸ੍ਰੀਮਹਾਂਦੇਵਉਵਾਚ ॥ ਸ੍ਰੈਯਾ ॥

ਕੇਕਈ ਨੰਦਨ ਜੋਰ ਦੁਊ ਕਰ ਰਾਮ ਕਿ ਪਾਸ ਸੁ ਬਾਤ  
 ਉਚਾਰੀ । ਰਾਜ ਦਯੋ ਹਮਰੋ ਰਘੁ ਨਾਇਕ ਆਦਰ ਕੈ ਤੁਮ  
 ਮਾਤ ਹਮਾਰੀ । ਆਜ ਦਯੋ ਮਮ ਰਾਜ ਵਹੀ ਤੁਮ ਲੇਹੁ  
 ਕ੍ਰਿਪਾ ਕਰ ਰਾਮ ਮੁਰਾਰੀ । ਯੋ ਮੁਖ ਭਾਖ ਭਯੋ ਅਤਿ ਨਿਮਰ  
 ਰਾਘਵਕੇ ਪਦ ਬੰਦਨ ਧਾਰੀ ॥ ੧ ॥ ਸ਼ੰਕਰਛੰਦ ॥ ਬ੍ਰਹੁਭਾਂਤਿ



ਬਿਨਤੀ ਤਾਂ ਕਰੀ ਲੈ ਮਾਤ ਕੇ ਗੁਰੁ ਸੰਗ। ਤਥੇਤਿ ਰਾਜ ਸੁ ਤਾਂ  
 ਲਯੋ ਪਿਖ ਭਰਤ ਪ੍ਰੀਤ ਅਭੰਗ। ਮਾਇਆ ਕੇ ਸੰਗ ਮਿਲ  
 ਨਰ ਚੇਸ੍ਰਾ ਹਰਿ ਧਾਰ। ਨਿਜ ਰਾਜ ਅਨਭਵ ਜਾਹਿਕੇ ਸੁਖ  
 ਗਯਾਨ ਘਨ ਅਵਤਾਰ ॥੨॥ ਨਿਰਸੱਤ ਅਤਿ ਸੈਨੰਦ ਵੈ ਪਰ  
 ਮਾਤਮਾ ਸ੍ਰੀ ਰਾਮ। ਮਾਨਵਾਂ ਕਾ ਰਾਜ ਯਹਿ ਜਗਦੀਸ਼ ਕੇ  
 ਕਿਤਕਾਂਮ। ਭੂਭੰਗ ਕੈ ਖਿਣ ਏਕਮੈਂ ਤ੍ਰੈਲੋਕ ਦੇਤ ਖਪਾਇ।  
 ਕ੍ਰਿਪਾ ਦਿਸ੍ਰੁ ਨਿਮੇਖਤੇ ਪੁਨਿ ਲੇਤ ਸਭ ਉਪਜਾਇ ॥ ੩ ॥  
 ਲੀਲਾ ਚਹੇ ਉਰ ਕੀਤੀਆ ਤਬ ਰਚੇ ਸਿਸ੍ਰੁ ਮਹਾਨ। ਕਯਾ  
 ਹੋਇਆ ਨਰ ਰਾਜਕੈ ਵੈ ਰਮਾਪਤਿ ਭਗਵਾਨ। ਤੱਦਪਿ ਭਜੇ  
 ਜਿਹ ਭਾਂਤਿ ਤਾਂ ਤਿਮ ਕਰੇ ਤਾਂਕੇ ਕਾਂਮ। ਨਰ ਦੇਹਿ ਲੀਲਾ  
 ਧਾਰਿਕੈ ਸਭ ਕਰਤ ਹੈਂ ਸ੍ਰੀਰਾਮ ॥ ੪ ॥ ਸਤ੍ਰਘਨ ਨਿਪੁਨ ਸੁ  
 ਨਾਪਿਤਾ ਪੁਨਿ ਲਏ ਸਰਬ ਬੁਲਾਇ। ਸੰਭਾਰ ਰਾਘਵ  
 ਭਿਲਕ ਕੇ ਤਬ ਲਏ ਸਰਬ ਮਿਲਾਇ। ਭਰਤਪੂਰ ਬਨਾਇਯੋ  
 ਪੁਨਿ ਲਏ ਲਖਮਣ ਬੀਰ। ਸੁਗ੍ਰੀਵ ਔਰ ਵਿਭੀਖਣੇ ਪੁਨਿ  
 ਨਾਇ ਪਹਰੇ ਚੀਰ ॥ ੫ ॥ ਵਿਸੁਧ ਜਟਾ ਕਲਾਪ ਕੈ ਪੁਨਿ  
 ਨਾਯੋ ਸ੍ਰੀ ਰਾਮ। ਵਹਿ ਮਦਨ ਮੋਹਨ ਸੁੰਦਰੋ ਜਨ ਕਰਤ  
 ਪੂਰਣ ਕਾਮ। ਸਭਧਾਰਿ ਅੰਕ ਸੁ ਮਾਲਿਕਾ ਪੁਨਿ ਲੇਪ  
 ਚੰਦਨ ਲਾਇ। ਪੁਨਿਧਾਰ ਬਹੁਬਿਧਿ ਅੰਬਰਾ ਸ੍ਰੀ ਮੱਤ ਸਰਬ  
 ਸੁਹਾਇ ॥ ੬ ॥ ਪ੍ਰਤਿ ਕਰਮ ਲਖਮਣ ਰਾਮਕੋ ਪੁਨਿ ਭਰਤ  
 ਕਰੇ ਬਨਾਇ। ਜਾਨਕੀ ਕੇ ਭੂਪ ਪਤਿਨੀ ਕਰਜੋ ਪਟ ਪਹਿ-  
 ਰਾਇ। ਸ੍ਰੀਮੰਤ ਮਣਿ ਪਦਨੇਵਰਾਂ ਪੁਨਿ ਸਰਬ ਮੰਡਨ ਧਾਰਿ



। ਫੇਰ ਸਗਲ ਨਵਾਇਕੈ ਤਹਿ ਬਾਨਰਾਂ ਕੀ ਨਾਰਿ ॥ ੭ ॥  
 ਦੋਹਰਾ ॥ ਰਾਮ ਪਯਾਰੇ ਜਾਹਿਕੇ ਐਸ ਕੁਸਲਜਾਧਾਰ । ਤਾਹਿ  
 ਦਏ ਪਟ ਭੂਖਣਾਂ ਸਗਲ ਕਪਿਨ ਕੀ ਨਾਰਿ ॥ ੮ ॥ ਛਪੈ  
 ਛੰਦ ॥ ਸੱਤ੍ਰਘਨ ਤਬੈ ਮਤਿਮਾਨ ਸੁ ਸਜੰਦਨ ਆਪ ਮੰਗਾਏ ।  
 ਸੂਰਯ ਕੇ ਸਮ ਸਭੇ ਸੁ ਜੋੜ ਸੁਮੰਤ ਲਿਆਏ । ਧਰਮ ਪਰਾ-  
 ਇਣ ਰਾਮ ਚਢੇ ਪੁਨਿ ਸਜੰਦਨ ਮਾਹੀਂ । ਸੁਗ੍ਰੀਵ ਤਥਾ ਯੁਵ  
 ਰਾਜ ਹਨੂੰ ਪੁਨਿ ਸੰਗ ਸੁਹਾਹੀ । ਬੁਨਿ ਰਾਖਸ਼ ਰਾਜ ਵਿਭੀਖਨੇ  
 ਹੈ ਰਥ ਗਜ ਅਸਵਾਰ ਭਟ । ਕਪਿਆਗੇ ਪਾਛੇ ਰਾਮਕੇ ਬਾਹਨ  
 ਪਰਮ ਕੁਦਾਹਿ ਠਟ ॥ ੯ ॥ ਦੋਹਰਾ ॥ ਸੁਗ੍ਰੀਵ ਨਾਰਿ ਸੀਤਾ  
 ਤਬੈ ਬੈਠ ਪਾਲਕੀ ਜਾਹਿ । ਨਗਰ ਅਯੁਯਯਾ ਸੁੰਦਰੇ ਮਹਿਮਾਂ  
 ਨਾ ਕਬਿ ਪਾਹਿ ॥ ੧੦ ॥ ਕਬਿੱਤ ॥ ਹਰੇ ਰੰਗ ਘੋਰੇ ਗਹਿ  
 ਮਾਤੁ ਲੀਨੇ ਜੋਰੇ ਰਥ ਬੈਠ ਸੁਰ ਰਾਜ ਮਿਲ ਦੇਵਨ ਸੋ  
 ਜਾਇਹੈਂ । ਰਾਮਰਥਮਾਹਿ ਪੁਰ ਪਥਮੈਂ ਚਲਾਹਿ ਰਥ ਭਈ ਛਬਿ  
 ਭਾਰੀ ਪੁਨਿ ਤੈਸੇਹੀ ਸੁਹਾਇ ਹੈਂ । ਸਾਰਥ ਭਰਥ ਐ ਪ੍ਰਬਾਲ  
 ਵੰਡ ਹਾਥਲੈ ਸੁ ਛੱਤ੍ਰ ਸੀਸ ਮਾਹਿ ਐ ਸੱਤ੍ਰਘਨ ਝੁਲਾਇ ਹੈਂ ।  
 ਬਿੰਜਨ ਉਦਾਰੇ ਪੁਨਿ ਲਖਮਨ ਧਾਰੇ ਕਰ ਚਾਮਰ ਕਪੇਸ਼ ਐ  
 ਰਖੇਸ਼ ਜੁ ਫਿਰਾਇਹੈਂ ॥ ੧੧ ॥ ਸੁਯਾ ॥ ਸਿੱਧ ਸਮੂਹ ਸਭੈ  
 ਸੁਰਮੰਡਲ ਐਰ ਰਿਖੀਸੁਰ ਜੇ ਮੁਨਿ ਗਯਾਨੀ । ਗਾਵਤ  
 ਰਾਘਵਕੇ ਜਸੁ ਕੋ ਮਧੁਰਾ ਪੁਨਿ ਹੋਵਤ ਤਾਹਿ ਮਹਾਨੀ । ਨਾਗ  
 ਤੁਰੰਗਮ ਐ ਰਥਮੈਂ ਕਪਿ ਜਾਹਿ ਚਢੇ ਨਰ ਰੂਪ ਭਵਾਨੀ ।  
 ਭੇਰਿ ਮ੍ਰਿਦੰਗ ਸੁ ਸੰਖਨ ਕੀ ਪਨਵਾਨਕ ਕੀ ਪੁਨਿ ਭੂਰ ਸੁ



ਹਾਨੀ ॥ ੧੨ ॥ ਇਹ ਭਾਂਤਿ ਗਏ ਰਘੁਨੰਦਨ ਜੀ ਪੁਨਿ ਐਧ  
 ਪੁਰੀ ਸੁ ਅਲੰਕ੍ਰਿਤ ਸਾਰੀ । ਸਭ ਸੋਧਨ ਮੈਂ ਚਵਿ ਦੇਖਤ ਹੈ  
 ਪੁਰ ਵਾਸ ਜਨਾਂ ਗਿਰਜਾ ਨਰ ਨਾਰੀ । ਨਵ ਦੂਰਬ ਸਾਮ ਸੁ  
 ਕ੍ਰੀਟ ਲਸੈ ਤਨ ਮੰਡਲ ਭੂਖਨ ਰਾਮ ਮੁਰਾਰੀ । ਅਰਣਾਇਤ  
 ਲੋਚਨ ਰਾਮ ਪਿਖੇ ਅਤਿ ਮੋਦ ਬਢੇ ਸਭ ਚੀਤ ਮਝਾਰੀ ॥ ੧੩ ॥  
 ਰਤਨਾਗਣ ਕੇਸੁ ਜਰਾਉ ਜਰੇ ਕਟ ਸੂਤਰਜਾਂ ਕਟਿ ਮਾਂਹਿ ਬਿ  
 ਰਾਜੇ । ਅਤਿ ਪੀਨ ਭੁਜਾ ਤਨ ਪੀਤ ਪਟੈ ਲਸਕੈ ਪਿਖ ਜਾਂ  
 ਘਨਿ ਦਾਮਨਿ ਲਾਜੇ । ਉਰ ਹਾਰ ਮਹਾਂ ਮੁਕਤਾ ਫਲਕੇ ਪਿਖ  
 ਰਾਮ ਪ੍ਰਜਾ ਸਭਹੀ ਦੁਖ ਭਾਜੇ । ਸੁਗ੍ਰੀਵ ਮੁਖਾ ਅਤਿ ਸਾਂਤਿ  
 ਬਡੇ ਕਪਿ ਸੇਵਤ ਰਾਮ ਵਹੀ ਅਤਿ ਛਾਜੇ ॥ ੧੪ ॥ ਕਲਪ  
 ਦੂਮਾ ਸੁਮਨਾ ਤਨ ਮਾਲ ਸੁ ਚੰਦਨ ਐ ਕਸਤੂਰ ਲਗਾਏ ।  
 ਇਹ ਭਾਂਤਿ ਸੁਨੇ ਰਵਿ ਰਾਮ ਅਏ ਮੁਖ ਵਾਰਿਜ ਨਾਰਿਨਕੇ  
 ਬਿਗਸਾਏ । ਧਰ ਮੰਡਨ ਸੋ ਧਨੁ ਸੀਸ ਚਵੀ ਘਰਕੇ ਸਭ  
 ਕਾਰਯ ਦੂਰਿ ਭੁਲਾਏ । ਮੁਸਕਾਵਤ ਰਾਮ ਨਿਹਾਰ ਤਥੈਸਿਰ  
 ਫੁਲਨ ਕੀ ਬਰਖਾ ਬਰਖਾਏ ॥ ੧੫ ॥ ਮਨ ਨੈਨ ਰਸਾਇਨ  
 ਰਾਘਵਕੋ ਦ੍ਰਿਗਪਾਨ ਕਰੇ ਇਹ ਭਾਂਤਿ ਨਿਹਾਰੇ । ਮਨਕੈ ਸਭ  
 ਰਾਮਕੇ ਅੰਗ ਮਿਲੀ ਅਤਿ ਆਨੰਦ ਮੂਰਤਿ ਚੀਤ ਚਿਤਾਰੇ ।  
 ਕਰੁਣਾ ਦ੍ਰਿਗ ਰਾਮ ਨਿਹਾਰ ਪ੍ਰਜਾ ਸੁ ਬਿਛੋਹਨ ਕੇ ਦੁਖਦੂਰ  
 ਨਿਵਾਰੇ । ਸੁ ਉਮਾਂਬ੍ਰਹਮੰਡਅਖੰਡਨ ਕੇ ਜਗਨਾਥ ਮਨੋ ਅਬਿ  
 ਫੇਰਿ ਸੰਭਾਰੇ ॥ ੧੬ ॥ ਕਬਿੱਤ ॥ ਇੰਦ੍ਰ ਭੋਨ ਕੇ ਸਮਾਨ  
 ਭੋਨ ਜੋ ਮਹਾਨ ਪਿਤ ਸੋਭਤ ਅਪਾਰ ਤਹਿ ਗਏ ਰਘੁਨੰਦਨਾ ।



ਕਰਹੈਂ ਪ੍ਰਵੇਸ਼ ਸਭ ਲੋਗਨ ਕਲੇਸ਼ ਹਰੇ ਮਾਇਨ ਕੇ ਪਾਇੰ  
 ਕਰ ਜੋਰ ਕਰੀ ਬੰਦਨਾ । ਜੇਈ ਪਿਤ ਨਾਰਿ ਸਭ ਬੰਦਨਾ  
 ਸੰਭਾਰ ਕਰੀ ਕੇਤੁ ਰਘੁਵੰਸ਼ ਕੇ ਸੁ ਕਰੇ ਦੁਖ ਕੰਦਨਾ । ਫੇਰ  
 ਰਘੁਨਾਥ ਸੁ ਭਰਤਕੋ ਬੁਲਾਇ ਕਹੀ ਮੇਰੇ ਘਰ ਸਾਰੇ ਅਬਿ  
 ਲੀਪੋ ਲਾਇ ਚੰਦਨਾ ॥ ੧੭ ॥ ਸੰਪਦਾ ਅਪਾਰ ਵਹਿ ਮੰਦਰ  
 ਉਦਾਰ ਅਤਿ ਮੀਤ ਸੁਗ੍ਰੀਵ ਕੋ ਸੁ ਤਹਾਂਹੀ ਬਸਾਵਨਾ । ਸਭ  
 ਸੁਖਵਾਸ ਹਿਤ ਮੰਦਰ ਨਿਵਾਸ ਦਿਜੇ ਕਰੇ ਅਬ ਬੇਗ ਕਛੁ  
 ਕਾਲ ਨਹੀਂ ਲਾਵਨਾ । ਰਾਮ ਜੋ ਬਖਾਨੀ ਸੋਈ ਕਰਕੇ ਭਵਾਨੀ  
 ਪੁਨਿ ਭਰਤ ਕਪੇਸ਼ ਕਹੇ ਸੁਨੋ ਮਨ ਭਾਵਨਾ । ਰਾਮ ਅਭਿਖੇਕ  
 ਕਾਜਿ ਸੁਨੇ ਕਪਿਰਾਜ ਅਬ ਚਾਰੋਹੀ ਸਮੰਦਰ ਕੋ ਨੀਰ ਅਹੈ  
 ਲਜਾਵਨਾ ॥ ੧੮ ॥ ਦੂਤ ਜੇਈ ਬੇਗਧਾਰੀ ਕਰਕੈ ਬਿਚਾਰੀ  
 ਅਬਿ ਪਠੀਯੇ ਕਪੇਸ਼ ਕਾਮ ਤੇਰੇ ਭੁਜ ਆਏ ਹੈਂ । ਜਾਮਵੰਤਿ  
 ਹਨੂੰਮਾਨ ਅੰਗਦ ਸੁਖੇਣ ਜਾਨਿ ਯਹੀ ਬਲਵੰਤ ਕਪਿਰਾਇ ਨੇ  
 ਪਠਾਏ ਹੈਂ । ਹੇਮ ਘਟਿ ਲਏ ਪੁਨਿ ਵਾਯੁ ਬੇਗ ਗਏ ਜਲ  
 ਸਾਗਰ ਕੇ ਪੂਰ ਦੂਤ ਭੂਰਣ ਲਿਆਏ ਹੈਂ । ਭੀਰਥ ਕੇ ਨੀਰ  
 ਜਬ ਆਨੇਕਪਿ ਧੀਰ ਪਿਖ ਸੱਤ੍ਰਘਨ ਬੀਰ ਸਭ ਮੰਤਰੀ  
 ਬੁਲਾਏ ਹੈਂ ॥ ੧੯ ॥ ਰਾਮ ਅਭਿਖੇਕ ਅਬਿ ਕੀਜੀਏ ਬਿਸੇਖ  
 ਦਿਜ ਜੋਰ ਦੇਉ ਹਾਥ ਸੁ ਬਸਿਸ਼੍ਰ ਕੋ ਸੁਨਾਏ ਹੈਂ । ਬਸਿਸ਼੍ਰ ਮੁ-  
 ਨਿ ਰਾਈ ਦਿਜ ਲਏਹੈਂ ਬੁਲਾਇ ਸਭ ਰਤਨ ਸਿੰਘਾਸਨ ਸੁ  
 ਰਾਮ ਸੀ ਬਿਠਾਏ ਹੈਂ । ਬਸਿਸ਼੍ਰ ਵਾਮਦੇਵ ਪੁਨਿ ਗੋਤਮ ਜੁ  
 ਬਾਲਮੀਕ ਰਾਮ ਭਾਲ ਰਾਜ ਹੀਤੇ ਭਿਲਕ ਚਵਾਏ ਹੈਂ ।  
 ਲਸੀ ਸੁਗ੍ਰੀਧਵਾਰ ਦਾਭਨਕੀ ਧਾਰ ਵਸੁ ਵਾਸਵਕੀ ਨਜਾਈਂ



ਪੁਨਿ ਰਾਘਵ ਸਿੰਚਾਏ ਹੈਂ ॥ ੨੦ ॥ ਰਿਖੀ ਜੋ ਉਦਾਰ ਪੁਨਿ  
 ਬਾਮਨ ਹਜਾਰ ਬਹੁ ਕੰਨਿਆ ਅਪਾਰ ਸਭ ਮੰਤਰੀ ਸੁਹਾਏ ਹੈਂ।  
 ਸਭ ਔਖਦੀ ਮੰਗਾਏ ਭਾਲ ਤਿਲਕ ਚਢਾਏ ਸਭ ਆਏ ਨਭ ਦੇਵਤਾ  
 ਬਿਬਾਨਨ ਸੁਹਾਏ ਹੈਂ। ਆਠੋ ਲੋਕਪਾਲ ਗੁਨ ਗਾਵਤ ਬਿ  
 ਸਾਲ ਪੁਨਿ ਆਏ ਨਭਿ ਬੀਚ ਸੁਰਦੰਦਭੀ ਬਜਾਏ ਹੈਂ। ਭਰਤ  
 ਕੁਮਾਰ ਉਰਪ੍ਰੇਮ ਦ੍ਰਿਗ ਵਾਰ ਜਾਇ ਰਾਮ ਪਾਦਕੰਜ ਹਿਤ  
 ਨੀਰ ਹੀ ਲਜਾਏ ਹੈਂ ॥ ੨੧ ॥ ਪ੍ਰੇਮ ਨੈਨ ਵਾਰ ਮਿਲੇ ਜਾਹਿਕੇ  
 ਮਝਾਰ ਪੁਨਿ ਭਰਤ ਕੁਮਾਰ ਰਾਮ ਪਾਦ ਯੋਂ ਪਖਾਰਿਯਾ। ਮ  
 ਰਦਨ ਤੈਲ ਸੁ ਬਨਾਇ ਕਰੈ ਪਾਦਕੰਜ ਫੇਰ ਉਰਮਾਹਿ ਪਦ  
 ਭਰਤ ਸੁ ਧਾਰਿਯਾ। ਚੰਦ੍ਰ ਕੇ ਸਮਾਨ ਜੋਈ ਛੱਤ੍ਰ ਹੈ ਮਹਾਨ  
 ਪੁਨਿ ਪ੍ਰੇਮ ਕੇ ਅਧੀਨ ਸ਼ੱਤ੍ਰਯਨ ਸੋ ਉਭਾਰਿਯਾ। ਕਪਿਨ ਕੇ  
 ਰਾਈ ਔ ਵਿਭੀਖਨ ਸੁ ਆਈ ਤਹਿ ਸ੍ਰੇਤ ਜੁਗ ਚਾਮਰ ਸੁ  
 ਹਾਥਨ ਝੁਲਾਰਿਆ ॥ ੨੨ ॥ ਕਾਂਚਨਕੀ ਮਾਲਵਾਉ ਦਈ ਹੈ  
 ਬਿਸਾਰ ਪੁਨਿ ਵਾਸਵ ਕੈ ਪ੍ਰੇਰੇ ਗਲਿ ਰਹੀ ਛਬਿ ਪਾਇਕੈ।  
 ਰਤਨ ਅਪਾਰ ਮਣ ਜਰੀ ਜਾ ਮਝਾਰਹਾਰ ਰਾਮ ਨਰਿ ਨਾਹਿ  
 ਕੋ ਸੁਰੇਸ਼ ਦਯੋ ਆਇਕੈ। ਦੇਵ ਦੰਦਭੀ ਬਜਾਹਿ ਸੁ ਅਪਛਰਾ  
 ਨਚਾਹਿ ਪੁਨਿ ਗੰਧ ਬ ਸੁਨਾਂਹਿ ਰਾਮਚੰਦ ਜਸ ਗਾਇਕੈ।  
 ਨਭਿ ਫੂਲਨ ਬ੍ਰਸਾਇ ਬਲਹਾਰ ਜਾਇ ਹੇਰਿ ਛਬਿ ਕਹਾਲੋ  
 ਬਖਾਨੇ ਕਬਿ ਰਹੇ ਬਿਸਮਾਇਕੈ ॥ ੨੩ ॥ ਸ੍ਰੈਯਾ ॥ ਨਵ  
 ਦੂਰਬਕੇ ਸਮ ਸਾਮ ਤਨੂੰ ਪਦਮਾਇਤ ਲੋਚਨ ਹੈਂ ਬਿਸਮਾਏ।  
 ਰਵਿ ਕੋਟਿ ਪ੍ਰਭਾ ਸਿਰ ਕ੍ਰੀਟਲਸੇ ਪੁਨਿ ਕੋਟਿ ਮਨੋਜ ਲਵੰਨ



ਸੁਹਾਏ । ਬਿਜੁਲੀ ਸਮ ਪੀਤ ਦੁਕੂਲ ਲਸੇ ਛਬਿ ਮੰਡਨ ਕੀ  
 ਕਬਿ ਕੋਨ ਬਤਾਏ । ਮੁਖ ਸਾਰਦ ਚੰਦ ਸੁਹਾਇ ਘਨੋ ਤਨ  
 ਉਪਰ ਚੰਦਨ ਲੇਪੁ ਲਗਾਏ ॥ ੨੪ ॥ ਆਯੁਤ ਸੂਰ ਸਮਾਨ  
 ਬਿਰਾਜਤ ਰਾਮ ਦੁਊ ਭੁਜਿ ਹੈਂ ਸੁਖਦਾਈ । ਕਾਂਚਨਕੀ ਜਨ  
 ਦੇਹਿ ਬਨੀ ਵਿਗਵਾਮ ਸੀਯਾ ਇਹਭਾਂਤਿਸੁਹਾਈ । ਭੂਖਨਹੈਂ  
 ਤਨ ਮਾਂਹਿ ਧਰੇ ਕਰਿ ਪੱਲਵ ਲਾਲ ਸਰੋਜ ਸਮਾਈ । ਅੰਗ  
 ਸੁ ਸਾਮ ਬਿਰਾਜਤ ਸੀ ਤਿੰਹ ਨਾਹਿ ਪ੍ਰਭਾ ਬਰਨੀ ਮੁਖਿਜਾਈ  
 ॥ ੨੫ ॥ ਦੋਹਰਾ ॥ ਰਾਮ ਸੀਯਾ ਪਿਖ ਆਇਯੋ ਗਿਰਜਾ  
 ਸਹਿਤ ਮਹੇਸ਼ ॥ ਸਰਬ ਦੇਵ ਗਣ ਯੁਗਤਿ ਸ਼ਿਵ ਉਸਤਾਤ  
 ਕਰਤ ਬਸ਼ੋਖ ॥ ੨੬ ॥

ਸ੍ਰੀ ਮਹਾਂਦੇਵ ਉਵਾਚ । ਸ੍ਰੀਯਾ ॥

ਸੀਯ ਸਮੇਤ ਸੁ ਰਾਮ ਤੁਮੇ ਅਭਿ ਬੰਦਨ ਆਹਿ ਸੁ ਨੀਤ  
 ਹਮਾਰੀ । ਨੀਲ ਸਰੋਜ ਸੁ ਸਾਮ ਤਨੂੰ ਨਵ ਨੀਤਹਿ ਕੋਮਲ  
 ਦੇਹਿ ਤੁਮਾਰੀ । ਕ੍ਰੀਟ ਸੁ ਅੰਗਦਿ ਹਾਰ ਲਸੈ ਸੁ ਨਿਪਾਸਨ  
 ਮਾਂਹਿ ਪ੍ਰਭਾ ਬਿਸਥਾਰੀ । ਲੋਕਨ ਕੇ ਕਰਤਾ ਹਰਤਾ ਕਛੁ  
 ਆਦਿ ਨ ਅੰਤ ਸੁ ਆਹਿ ਤਿਹਾਰੀ ॥ ੨੭ ॥ ਸ਼ੰਕਰ ਛੰਦ ॥  
 ਸੁਮਾਇਆ ਕਰ ਰਚੇ ਸਭ ਕੇ ਲੇਪ ਨਾ ਤਵ ਹੋਇ ॥ ਰਮੇ ਤੂੰ  
 ਨਿਜ ਸੂਖਮੈਂ ਤਵ ਦੋਸ਼ ਨਾਹੀ ਕੋਇ । ਗੁਣ ਸੰਗ ਲੀਲਾ  
 ਰਚੇ ਤੂੰ ਬਹੁ ਭਾਂਤਿ ਕਰਣਾ ਸੀਲ । ਸਰਣ ਆਏ ਭਗਤਿ ਜੇ  
 ਤਿਨ ਹੇਤ ਸੁੰਦਰਡੀਲ ॥ ੨੮ ॥ ਸੁਰ ਆਦ ਮਾਨੁਖ ਆਦਿ ਲੈ  
 ਤੂੰ ਲਏ ਬਹੁਤ ਅਵਤਾਰ ॥ ਮੂਢ ਤੋਕੋ ਨਾਂ ਪਿਖੇਂ ਗਯਾਨੀ ਸੁ



ਲੇਹ ਨਿਹਾਰ। ਸੁਖੰਸ ਕਰ ਸਭ ਲੋਕ ਕੋ ਤਵਕੀਨਰਚ ਬਿਸ  
 ਥਾਰ। ਧਰਸੇਸ ਰੂਪ ਸੁ ਰਾਮਤੂੰ ਪੁਨਿ ਭਯੋ ਲੋਕ ਅਧਾਰ ॥  
 ੨੯ ॥ ਔਖਧੀਕਿਪੁਸ਼੍ਰਹਿਤ ਰਵਿ ਵਾਯੁ ਔਰਨਿਸੇਸ। ਧਾਰਿਰੂਪ  
 ਸੁ ਪਾਲ ਕਰ ਪ੍ਰਭ ਹਰੇ ਜਗਤ ਕਲੇਸ਼। ਤਨੁ ਧਾਰੀਆਂ ਕੇ  
 ਦੇਹਮੈਂ ਤੂੰ ਜਠਰ ਅਗਨਿ ਸਰੂਪ। ਭੁਗਤ ਨੀਰ ਸੁ ਨਾਜ ਕੋ  
 ਪਚਾਹਿ ਰਾਮ ਅਨੂਪ ॥ ੩੦ ॥ ਪ੍ਰਾਣ ਪੰਚਕ ਆਪਨੇ  
 ਸਹਿਕਾਰ ਕਰੇਂ ਬਿਸਾਲ। ਇਹ ਭਾਂਡਿ ਰਾਘਵ ਜਗਤ ਕੀ  
 ਤੂੰ ਕਰੇਂ ਨਿਤ ਪ੍ਰਿਤਪਾਲ। ਚੰਦ੍ਰ ਸੂਰਜ ਸਿਖੀਮੇਂ ਪੁਨਿ ਤੇਜ  
 ਤੇਰੇ ਆਹਿ। ਸਭਦੇਹਧਾਰੀਆਹਿ ਚੇਤਨ ਤੋਬਿਨਾ ਕਛੁ ਨਾਹਿ  
 ॥ ੩੧ ॥ ਧ੍ਰਿਤ ਸੂਰ ਤਾਂ ਤਨ ਧਾਰੀਆਂ ਕੀ ਆਯੁ ਸਗਲੀ  
 ਜੋਇ। ਇਹ ਸੱਤੁ ਤੇਰੇਤੇ ਭਈ ਇਮ ਭਾਖਤੀ ਸੁਤਿ ਸੋਇ।  
 ਤੂੰ ਬਿਸੁ ਸ਼ਿਵ ਕਮਲਾਸਨਾ ਸਸਿ ਸੂਰ ਕਰਮ ਸੁਕਾਲ।  
 ਇਹ ਭੇਦ ਬਾਦੀ ਪੇਖ ਹੈ ਇਕ ਭੱਗਜ ਬ੍ਰਹਮ ਬਿਸਾਲ ॥  
 ੩੨ ॥ ਮਤਿਸਾਦ ਰੂਪ ਅਨੇਕ ਤੂੰ ਜਗ ਲੇਹ ਰਾਮ ਸੁਧਾਰ।  
 ਲੋਕ ਔਰ ਪੁਰਾਣ ਸਗਲੇ ਖੇਦ ਕਰਤ ਉਚਾਰ। ਤਿਮ ਸਰਬ  
 ਸੱਤ ਅਸੱਤ ਤੂੰ ਪੁਨਿ ਤੋ ਬਿਨਾ ਕਛੁ ਨਾਹਿ। ਜੋਭਯੋ ਜੋ ਪੁਨਿ  
 ਹੋਇਗੋ ਜੋ ਦੇਖੀਏ ਜਗ ਮਾਹਿ ॥ ੩੩ ॥ ਦੋਹਰਾ ॥ ਪਰੇ  
 ਪ੍ਰਕ੍ਰਿਤ ਬਖਾਨੀਯੇ ਪਰਤੇ ਪਰ ਤੂੰ ਆਹਿ। ਸਥਾਵਰ ਜੰਗਮ  
 ਮਾਹਿ ਪ੍ਰਭ ਤੋ ਬਿਨ ਪਿਖੀਯੇ ਨਾਹਿ ॥ ੩੪ ॥ ਗੀਯਾਮਾਲਤੀ  
 ਛੰਦ ॥ ਤਵ ਮਾਇਆ ਜਨੁ ਮੋਹਿਆ ਨਹਿ ਤੱਤੁ ਤੇਰੇ ਜਾਨਈ।  
 ਤਵ ਭਗਤਿ ਸੇਵ ਸੁ ਅਮੁਲ ਮਨ ਪਰਮੀਸ਼ ਤੋਹਿ ਪਛਾਨਈ।



ਰਾਮ ਤੇ ਚਿਤ ਰੂਪ ਕੋ ਬ੍ਰਹਮਾਇ ਨਾਹਿ ਪਛਾਨ ਹੈਂ । ਵਹ  
 ਅਰਥ ਮੈਂ ਮਨ ਲਾਗਿਆ ਜਗ ਰਚਨ ਮੇਂ ਗਲਤਾਨ ਹੈਂ  
 ॥੩੫॥ ਮਤਿ ਮਾਨ ਜੋ ਵਡ ਭਾਗ ਜਨ ਵਹਿ ਭਜੇ ਤਵ ਮਨ  
 ਲਾਇਕੈ । ਵਹਿ ਮੁਕਤਿ ਯਾ ਜਗ ਹੋਇ ਹੈਂ ਸਭ ਦੁਖ ਪੁੰਜ  
 ਮਿਟਾਇਕੈ । ਉਮਾਂਕੇ ਮਿਲਸੰਗ ਕਾਂਸੀ ਵਾਸ ਮੈਂ ਨਿਤ ਧਾਰਹੋਂ ।  
 ਬੈਠ ਗੰਗਾ ਤੀਰ ਮੈਂ ਤਵ ਰਾਮ ਨਾਮ ਉਚਾਰਹੋਂ ॥ ੩੬ ॥  
 ਦੋਹਰਾ ॥ ਮਰਣ ਕਾਲ ਜਨ ਕਾਂਨਮੈਂ ਦੇਵੋਂ ਮੰਤ੍ਰ ਬਿਸਾਲ ।  
 ਰਾਮਨਾਮ ਤਵ ਨਾਮ ਕਹਿ ਮੁਕਤਿ ਕਰੋਂ ਤਤਕਾਲ ॥ ੩੭॥  
 ਸ੍ਰੈਯਾ ॥ ਯਾਹਿ ਸਤੋਤਰਕੋ ਜੁ ਸੁਨੇ ਪੁਨਿ ਹੋਇ ਅਨੰਨ ਭਲੇ  
 ਮਨਿ ਗਾਵੇਂ । ਕਾਗਦ ਮੈ ਜਨ ਜੇਈ ਲਿਖੇ ਪੁਨਿ ਤੇ ਜਨ ਸੁਖ  
 ਸੰਪੂਰਣ ਪਾਵੇਂ । ਬੰਧ ਤਜੇਂ ਭਵ ਮੰਡਲ ਕੇ ਪੁਨਿ ਤੋਹਿ ਪ੍ਰ  
 ਸਾਦਿ ਸੁ ਤੇ ਪਦ ਜਾਵੇਂ । ਪੂਰਣਤੇ ਸੁਖ ਸਿੰਧਿ ਬਿਖੇ ਜਨ  
 ਨੁਾਇ ਨਹੀਂ ਭਵ ਸਾਗਰ ਆਵੇਂ ॥ ੩੮ ॥ ਇੰਦ੍ਰਉਵਾਰ ॥  
 ਸ੍ਰੈਯਾ ॥ ਕਮਲਾਸਨ ਕੇ ਵਰ ਦੇਵਨ ਕੇ ਸੁਖ ਰਾਖਸ਼ ਰਾਜ  
 ਸਭੈ ਹਰਿਲੀਨੇ । ਮਮ ਸੁਖ ਹਰੇ ਦਸ ਕੰਠ ਬਲੀ ਖਲ ਦੇਵ  
 ਕਰੇ ਸਭ ਪਾਇ ਅਧੀਨੇ । ਸੁਰਕੋ ਅਰਿ ਰਾਵਨ ਬੀਰ ਬਲੀ  
 ਤਵ ਸਾਇਕ ਮਾਰ ਕਰੇ ਰਣ ਛੀਨੇ । ਪੁਨਿ ਤੋਹਿ ਪ੍ਰਸਾਦਿ  
 ਮਿਟੇ ਦੁਖਿ ਪੁੰਜ ਸੁ ਰਾਮ ਤੁਮੇ ਸੁਖ ਦੇਵਨ ਵੀਨੇ ॥੩੯॥  
 ਦੇਵਾਉਚਹੁ ॥ ਭੁਜੰਗਪ੍ਰਯਾਤਛੰਦ ॥ ਹਰੇਯੱਗਿ ਭਾਗਾ ਧਰੇ  
 ਦੇਵਦੀਏ । ਸੁ ਲੰਕੇਸ ਵਿਸ਼ੋ ਮਹਾਂ ਤਾਪ ਕੀਯੇ । ਇਦਾਨੀ  
 ਤੁਮੇ ਨਾਥ ਲੰਕੇਸ ਮਾਰੇ । ਲਹੇ ਯਗਿੱਭਾਗਾ ਕ੍ਰਿਪਾ ਪਾਦ ਥਾਰੇ



॥ ੪੦ ॥ ਪਿਤਰਾ ਉਚਹੁ ॥ ਭੁਜੰਗ ਪ੍ਰਯਾਤਛੰਦ ॥ ਹਤੇ  
 ਦੁਸ੍ਰੁ ਵੈਤੰ ਤੁਮੈਂ ਲੰਕਮਾਨੀ । ਗਯਾਮਾਂਹਿੰ ਦੀਯੇ ਨਹੀਂ ਪਿੰਡ  
 ਦਾਨੀ । ਬਲੰ ਬਾਹੁ ਭਾਰੀ ਸਭੈ ਦੇਵਤਾਏ । ਸਭੇ ਖੋਸ ਖਾਏ  
 ਇਦਾਨੀ ਸੁ ਪਾਏ ॥ ੪੧ ॥ ਯਖਯਾਉਚਹੁ ॥ ਭੁਜੰਗ ਪ੍ਰਯਾਤ  
 ਛੰਦ ॥ ਸੁ ਲੰਕੇਸ ਦੁਸ੍ਰੁ ਫੜੇਥੇ ਬਿਗਾਰੇ । ਫਿਰੇ ਤਾਹਿੰ ਚਾਈ  
 ਸਹੇ ਦੁਖ ਭਾਰੇ । ਤੁਮੈ ਲੰਕਜੀਤੀ ਸੁ ਲੰਕੇਸ ਘਾਏ । ਵਯੰ  
 ਦੁਖ ਫਾਹੀ ਪਰੇ ਤੈਂ ਛੁਡਾਏ ॥ ੪੨ ॥ ਗੰਧਰਬਾਉਚਹੁ । ਅ  
 ਝਿਲ ॥ ਤੇਰੀਕਥਾ ਰਸਾਮਿਤ੍ਰਪੂਰਬਗਾਵਤੇ ॥ ਹਮ ਸੰਗੀਤਕ  
 ਨਿਪੁਣਾਂ ਆਨੰਦ ਪਾਵਤੇ । ਫੇਰ ਫੇਰੇ ਬੇਗਾਰ ਦੁਰਾਤਮ  
 ਰਾਵਣੇ । ਹੋ ਰਾਵਣ ਕੇ ਬੱਸ ਭਏ ਲਗੇ ਤਿਹ ਗਾਵਣੇ  
 ॥ ੪੩ ॥ ਨਿਸ ਦਿਨ ਪਕੜ ਗਵਾਵੇ ਸਭਾ  
 ਮਝਾਰਿਆ । ਤੈਂ ਅਬ ਹਰੇ ਕਲੇਸ਼ ਸੁ ਰਾਵਣ ਮਾਰਿਆ ।  
 ਸਿਧ ਮਹੋਰਗ ਆਇ ਰਾਮ ਜਸ ਗਾਇਯੋ । ਹੋ ਕਿੰਨਰ ਨਰੁ  
 ਤਨ ਆਇ ਸੁ ਤਥਾ ਅਲਾਇਯੋ ॥ ੪੪ ॥ ਵਸੁ ਮੁਨਿ ਗਉਆਂ  
 ਗੁਹਯਕ ਔਰ ਵਿਹੰਗਮਾਂ । ਪਰਜਾ ਪਤਿ ਸਭ ਆਏ ਅਪਸਰ  
 ਸੰਗਮਾਂ । ਵਿਯੋਮ ਬਿਬਾਨਨ ਆਇ ਸੁ ਰਾਮ ਨਿਹਾਰਹੀਂ ।  
 ਭਿੰਨ ਭਿੰਨ ਜਸ ਸਰਬ ਸੁ ਰਾਮ ਉਚਾਰਹੀ ॥ ੪੫ ॥ ਰਾਮ  
 ਦਯੇ ਅਭਿਨੰਦਨਿ ਸਰਬ ਪਧਾਰਿਆ । ਬ੍ਰਹਮ ਸ਼ਿਵਾਦਿਕ  
 ਗਏ ਸੁ ਭੋਨ ਮਝਾਰਿਆ । ਜਾਵਤ ਪੰਥਨ ਮਾਂਹਿੰ ਰਾਮ ਜਸ  
 ਗਾਇਹੈਂ । ਹੋ ਰਾਜ ਤਿਲਕ ਸੀ ਲਖਮਣ ਸਹਿਤ ਧਿਆਇ  
 ਹੈਂ ॥ ੪੬ ॥ ਵੇਹਰਾ ॥ ਰਾਮ ਰਜੇਂਦ੍ਰ ਰਾਜ ਲੈ ਚਢੇ ਸਿੰਘਾ



ਸਨਮਾਹਿ । ਦੇਵ ਗਏ ਨਿਜਲੋਕ ਮੈਂ ਧਿਆਵਤ ਤਾਂ ਉਰਮਾਹਿ  
 ॥ ੪੭ ॥ ਕਬਿੱਤ ॥ ਦੇਵ ਬਿਗਸਾਵੇਂ ਨਭਿ ਬਾਦਨ ਬਜਾਵੇਂ  
 ਮੁਖ ਰਾਮ ਜਸ ਗਾਵੇਂ ਬਹੁ ਫੂਲ ਕੇ ਬ੍ਰਸਾਇ ਹੈਂ । ਮੁਨਿਜ  
 ਮਹਾਂਨ ਰਾਮ ਜੱਸਕੋ ਬਖਾਨ ਕਰੈਂ ਰਾਮ ਘਨ ਸ਼ਾਮ ਮੁਖ ਕੰਜ  
 ਬਿਗਸਾਏ ਹੈਂ । ਪ੍ਰਕਾਸ਼ ਹੈ ਮਹਾਂਨ ਸੂਰ ਕੋਟ ਕੇ ਸਮਾਂਨ  
 ਫਿਗ ਸੀਯ ਹਨੁਮਾਨ ਬਹੁ ਭਾਂਤਿ ਸੁਖਦਾਏ ਹੈਂ । ਲਖਮਨ  
 ਮੁਨਿ ਗਨਿ ਬਾਨਰ ਅਨੇਕ ਗਨਿ ਸੇਵ ਪਾਦਕੰਜ ਰਾਮ ਚੰਦ  
 ਯੋ ਸੁਹਾਏਹੈਂ ॥ ੪੮ ॥ ਕਬਿਵਾਚ ॥ ਤੋਟਕਛੰਦ ॥  
 ਤਜਿ ਖੀਰ ਸੁਸਾਗਰ ਭੂਮਿ ਅਏ । ਰਘੁਵੰਸ਼ ਬਿਖੇ ਅਜ ਰਾਮ  
 ਜਏ । ਜਿਨਕੇ ਪਦਕੰਜ ਮਹੇਸ਼ਭਜੇ । ਮ੍ਰਿਦ ਸੇਜ ਨਿਰੰਤਰਿ ਸੇਸ਼  
 ਸਜੇ ॥ ੪੯ ॥ ਜਯ ਤਾਰਣ ਰਾਮ ਰਮਾ ਰਮਣੇ । ਭਵ ਤਾਪ  
 ਦਵਾਨਲ ਕੇ ਸਮਣੇ । ਧ੍ਰਿਤਸਾਇਕ ਚਾਂਪ ਨਿਖੰਗ ਵਰੇ । ਸੁਭ  
 ਸੰਖ ਗਦਾ ਪੁਨਿ ਚੱਕ੍ਰ ਵਰੇ ॥ ੫੦ ॥ ਅਲਕਾ ਸੂਤ ਉਪਰ  
 ਸ਼ਾਮ ਮਹਾਂ । ਹਰਿਹਾਰ ਬਰੋਬਰਿ ਆਇਕਹਾਂ । ਅਧਰੇ ਅਰ  
 ਣਾਂ ਸਮ ਬਿੰਬ ਫਲਾ । ਰਦਿ ਪਾਂਤਿ ਹਰੀ ਸਭ ਕੁੰਦਕਲਾ ॥  
 ੫੧ ॥ ਮਕਰਾ ਕ੍ਰਿਤ ਕੁੰਡਲ ਕਾਂਨ ਬਿਖੇ । ਸੁਰ ਮੋਹਿ ਰਹੇ  
 ਜਿਤ ਓਰ ਪਿਖੇ । ਮੁਖ ਸਾਦਰ ਚੰਦ ਬਿਸਾਲ ਭਲੇ । ਭੁਜਿ  
 ਅੰਗਦ ਔ ਕਰ ਮਾਹਿ ਵਲੇ ॥ ੫੨ ॥ ਕਰ ਸਾਗਰ ਸੇਤ ਸੁ  
 ਲੰਕ ਜਿਨੀਂ । ਸਰਤੀਖਨਹੈ ਅਤਿ ਸੈਨ ਹਨੀਂ । ਲਖ ਰਾਵਣ  
 ਕੇ ਦਸ ਸੀਸ ਕਟੇ । ਸੇ ਭਗਤ ਵਿਭੀਖਣ ਠਾਣ ਠਟੇ ॥ ੫੩  
 । ਭ੍ਰਿਕੁਟੀ ਕੁਟਿਲਾ ਦ੍ਰਿਗ ਕੰਜ ਖੁਲੇ । ਗਜ ਮੋਤਿਨ ਕੇ ਬਹੁ



ਹਾਰ ਗਰੇ । ਕਚ ਘੰਗਰ ਵੰਤ ਕਪੋਲ ਲਟੇ । ਮੁਖਕੰਜ ਮਨੋ  
 ਦਲ ਭਿੰਗੁ ਦੁਟੇ ॥੫੪॥ ਅਵਨੀ ਦੁਹਿਤਾ ਪਤਿ ਨਾਥ ਹਰੇ ।  
 ਸੁਰ ਰਾਜਨ ਕੇ ਦੁਖ ਦੂਰ ਕਰੇ । ਤਵ ਕੀਰਤ ਗੰਗ ਉਦਾਰ  
 ਮਹਾਂ । ਕ੍ਰਿਤ ਮਜਨ ਕੋ ਦੁਖਿ ਆਹਿ ਕਹਾਂ ॥ ੫੫ ॥ ਪਦ  
 ਆਇ ਵਿਭੀਖਣ ਸ਼ਾਮ ਲਈ । ਹਨ ਰਾਵਨ ਨਾਥ ਸੁ ਲੰਕ  
 ਦਈ । ਸੁਭ ਬੀਰ ਦਯਾਲ ਉਦਾਰ ਮਹਾਂ । ਰਘੁਨਾਥ ਬਰੋਬਰ  
 ਆਹਿਕਹਾਂ ॥ ੫੬ ॥ ਮ੍ਰਿਗ ਰਾਜਹਿ ਅੰਤ ਗੁਲਾਬ ਕਹੇ ।  
 ਬਡਤੋਟਕ ਛੰਦਹਿ ਵੇਖ ਦਹੇ ॥ ਹਰਿ ਰੂਪ ਮਹਾਂ ਇਨ ਮਾਂਹਿ  
 ਕਹੇ । ਨਰ ਨਾਰਿ ਪਢੇ ਫਲ ਚਾਰੁ ਲਹੇ ॥ ੫੭ ॥ ਇਤਿ ਸ੍ਰੀ  
 ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਯੁੱਧ  
 ਕਾਂਡੇ ਪੰਚ ਦਸ਼ੋ ਧਰਮਾਇ ॥ ੧੫ ॥

॥ ਸ੍ਰੀ ਮਹਾਂਦੇਵ ਉਵਾਰ ॥ ਸ੍ਰੈਯਾ ॥

ਤਬ ਰਾਜਭਏ ਰਘੁਨੰਦਨ ਕੋ ਸਭ ਲੋਗਨ ਕੇ ਹਰਿਹੈਂ ਹਿਤ  
 ਕਾਰੇ । ਵਸੁਧਾ ਸਭ ਸੱਸਿ ਸਪੰਨ ਭਈ ਫਲਵੰਤ ਭਏ ਸੁ  
 ਮਹੀਰੁਹ ਸਾਰੇ । ਨਿਰਗੰਧ ਸੁ ਫੁਲ ਹੁਤੇ ਜਗਜੇ ਪੁਨਿ ਗੰਧ  
 ਭਈ ਤਿਹ ਮਾਂਹਿ ਉਦਾਰੇ । ਕਚਕੰਚਨ ਮੈਂ ਤਬ ਬੰਧ ਭਏ  
 ਪੁਨਿ ਦੰਡ ਯਤੀ ਕਰ ਭੀਤਰ ਧਾਰੇ ॥ ੧ ॥ ਕਬਿੱਤੁ ॥  
 ਮਾਰਯਹਿ ਸਬਦਿ ਨਿਸ਼ਾਨਨ ਮਝਾਰ ਗਏ ਬਡੇ ਉਤਸਾਹ  
 ਸੁ ਅਰੋਗਤਾ ਮੈਂ ਆਏਹੈਂ ॥ ਵੈਰ ਗਜ ਸਿੰਘ ਔਰ ਹੁਤਾਸਨ  
 ਪ੍ਰਸਿੱਧ ਜਲ ਔਰ ਡਰ ਨਾਂਹਿ ਜਨ ਪਾਪਤੇ ਡਰਾਏਹੈਂ । ਰਾਮ  
 ਰਾਜ ਪਾਏ ਭਯ ਲੋਗਨ ਕੇ ਦੂਖ ਗਏ ਧਨ ਮੈਂ ਨ ਲੋਭ ਗੁਣ



ਪੁੰਨਿਮੈਂ ਲੁਭਾਏਹੈਂ । ਨਾਸ ਤਮ ਭੈਰ ਚਕਵਾਕ ਕੋ ਬਿਛੋਰਾ  
 ਨਿਸ ਜਾਹਿੰ ਨ ਬਿਦੇਸ ਜਨ ਸੁਖ ਸੋਂ ਮਿਲਾਏਹੈਂ ॥ ੨ ॥  
 ਕਬਿੱਤੁ ॥ ਬਿੱਪਨ ਕੋ ਲਾਖ ਰਾਮ ਦਏਹੈਂ ਤੁਰੰਗ ਬਡੇ ਲਾਖ  
 ਧੇਨ ਵਈ ਮਹਿਖ ਲਾਖ ਪਹਿਚਾਨੀਯੇ । ਏਕਸੋ ਬਿਖਭ ਸੁ  
 ਤੀਸ ਕੋਟਿ ਸੁਇਨਾ ਦਯੋ ਗਾਉਂ ਪਟ ਭੂਖਨ ਸੁ ਰਤਨ  
 ਪਛਾਨੀਯੇ । ਦੀਪਤ ਮਹਾਂਨ ਸੂਰ ਕੋਟਿ ਕੋ ਸਮਾਨ ਜਿਹ  
 ਰਤਨਨ ਮਾਲ ਕਰ ਲਈਹੈ ਮਹਾਂਨੀਯੇ । ਸੁਗੀਵ ਗਲ ਡਾਰੀ  
 ਭਏ ਪ੍ਰੀਤ ਸੁ ਮੁਰਾਰੀ ਪੁਨਿ ਲਾਯੋ ਗਰਿ ਮਾਹਿੰ ਉਮਾਂ ਦਯੋ  
 ਸਨਮਾਨੀਯੇ ॥ ੩ ॥ ਅੰਗਦ ਕੋ ਅੰਗਦ ਅਨੂਪ ਰਘੁਨੰਦ  
 ਦਯੋ ਫੇਰ ਇਕ ਹਾਰ ਰਘੁਨਾਥ ਹਾਥ ਲੀਯੋਹੈ । ਚੰਦਕੋਟਿਕੇ  
 ਸਮਾਨ ਮਣੀ ਜਾਂ ਮਹਾਂਨ ਲਗੀ ਹੋਇਕੈ ਪ੍ਰਸੰਨ ਰਾਮ ਜਾਨਕੀ  
 ਕੋ ਦੀਯੋਹੈ । ਕੰਠਿਤੇ ਨਿਕਾਰ ਹਾਰ ਜਾਨਕੀ ਨਿਹਾਰ ਕਪਿ  
 ਰਾਮ ਉਰ ਬਾਰ ਬਾਰ ਪਿਖੇ ਤਨ ਪੀਯੋਹੈ । ਰਾਮ ਮਤਿ ਮਾਨਿ  
 ਤਾਹਿੰ ਜੀਅਕੀ ਪਛਾਨ ਕਹਯੋ ਦੇਹ ਸੀਯਹਾਰ ਜਾਂਮੈਂ ਖੁਸ਼ੀ  
 ਤੇਰੋ ਹੀਯੋਹੈ ॥ ੪ ॥ ਰਾਮ ਮਤਿਮਾਂਨ ਤਾਹੀਂ ਦਯੋ ਹਨੂੰਮਾਂਨ  
 ਹਾਰ ਹਾਰਿ ਗਲਡਾਰ ਹਨੂੰਮਾਂਨ ਸੁ ਸੁਹਾਯੋਹੈ । ਜੋਰ ਵੇਉ ਹਾਥ  
 ਰਘੁਨਾਥ ਕੇ ਸਮੀਪ ਖਰੋ ਪੇਖ ਰਾਮਚੰਦ ਹਨੂੰਮਾਂਨ ਕੋ  
 ਅਲਾਯੋਹੈ । ਭਗਤਿ ਮਹਾਂਨ ਹਨੂੰਮਾਂਨ ਮੈਂ ਪ੍ਰਸੰਨ ਭਯੋ ਮਾਂਗੋ  
 ਵਰਨੀਕੇ ਜੋਈ ਮਨਮੈਂ ਸੁ ਭਾਯੋ ਹੈ । ਤੀਨ ਭੋਨ ਮਾਂਹਿ ਜੋਈ  
 ਦੇਵਤਾ ਨ ਪਾਂਹਿ ਵਰ ਵੇਉਂ ਹਨੂੰਮਾਂਨ ਮਮ ਐਸੇ ਮਨ ਆਯੋ  
 ਹੈ ॥ ੫ ॥ ਮਨ ਹਰਖਾਇ ਸਿਰ ਨਜਾਇ ਰਾਮਚੰਦ ਕੋ ਸੁ ਬੋਲੇ



ਹਨੂਮਾਨ ਰਘੁਬੀਰ ਮੇਂ ਉਚਾਰ ਹੋਂ । ਸਿੰਮ੍ਰਿਤ ਸੁ ਤੇਰੋਨਾਮ  
 ਮਨ ਨ ਅਘਾਏ ਰਾਮ ਬਸੋ ਧਰ ਮਾਹੀ ਨਾਮ ਤੇਰੇ ਹੀ ਉਚਾ  
 ਰਹੋਂ । ਜੈ ਲੋ ਤੇਰੋ ਨਾਮ ਜਗ ਮਾਹਿ ਸੁਖ ਧਾਮ ਰਹੇ ਜੋਲੋ  
 ਰਾਮਚੰਦ ਮੈ ਕਲੇਵਰ ਸੁ ਧਾਰ ਹੋਂ । ਰਾਜਨ ਕੇ ਰਾਈ ਰਘੁਬੀਰ  
 ਸੁਖਦਾਈ ਮੋਕੇ ਯਹੈ ਵਰ ਦੀਜੈ ਮਨਿ ਯਹੀ ਮੈਂ ਨਿਹਾਰ ਹੋਂ  
 ॥੬॥ ਰਾਮ ਤਜੋਂ ਬਖਾਨ ਕਹਜੋ ਬੰਧਨ ਤੇ ਹਾਨ ਭਏ ਸੁਖ ਸੋਂ  
 ਸੁ ਰਹਜੋ ਯਹਿ ਜਗਤ ਮਝਾਰੀਏ । ਕਲਿਪਕੇ ਅੰਤ ਕਪਿ ਸੰਤ  
 ਮੇਰੇ ਰੂਪ ਮਿਲੇਂ ਪਾਇਗੋ ਸਾਯੁਜ ਮੇਂ ਨ ਸੰਸੇ ਕਛੁ ਧਾਰੀਏ ।  
 ਫੇਰਿ ਤੁ ਭਵਾਨੀ ਤਾਹਿ ਜਾਨਕੀ ਬਖਾਨੀ ਜਾਹਿ ਬਸੇ ਹਨੂੰ  
 ਮਾਨ ਬਨ ਗਿਰ ਤਟ ਵਾਰੀਏ । ਭੋਗ ਜੇ ਅਪਾਰੀ ਸਭ ਜਾਹਿ  
 ਢਿਗ ਬਾਰੇ ਜਗ ਸੁਖ ਸੋਂ ਸੁ ਰਹੋ ਇਹ ਆਇਸ ਹਮਾਰੀਏ  
 ॥੭॥ ਐਸੇ ਰਾਮ ਸੀਯ ਤਿਹ ਭਾਖਿਓ ਬਨਾਇ ਜਬ ਈਸੁਰ  
 ਸਰੂਪ ਤਾਹਿ ਪੇਖਿ ਬਿਗਸਾਯੋ ਹੈ । ਕਰੀ ਪਦ ਬੰਦਨਾਂ ਸੁ  
 ਤਾਹਿ ਕਪਿ ਬਾਰਬਾਰ ਆਨੰਦ ਕੇ ਨੀਰ ਤਾਹਿ ਮਨ ਮਾਹਿ  
 ਆਯੋ ਹੈ । ਮਹਾਂ ਮਤਿ ਹਨੂੰਮਾਨ ਧੀਰਜ ਮਹਾਂਨ ਧਰ ਤਪਕੇ  
 ਨਮਿਤ ਹਿਮਵੰਤ ਕੇ ਸਿਧਾਯੋ ਹੈ । ਜੋਰ ਵੇਉ ਹਾਥ ਰਘੁਨਾਥ  
 ਕੇ ਸਮੀਪ ਖਰੇ ਰਾਮਚੰਦ ਪੇਖ ਤਬ ਗੁਹਕੇ ਅਲਾਯੋ ਹੈ ॥ ੮  
 ॥ ਸਖੇ ਤੁਮ ਜਾਹੁ ਨਿਜ ਪੁਰ ਸੁਖ ਪਾਹੁ ਪੁਨਿ ਮੋਹਕੇ ਚਿਤਾਰੇ  
 ਧਰ ਮਾਹਿ ਮਨੁ ਲਾਇਕੈ । ਭੋਗ ਭੋਗੇ ਸੁਖਦਾਇ ਨਿਜ ਬਾਹੁ  
 ਕੈ ਮਿਲਾਏ ਪੁਨਿ ਅੰਤ ਮੇਰੇ ਰੂਪ ਮਾਹਿ ਮਿਲੋਗੇ ਸੁ ਆਇਕੈ ।  
 ਐਸੇ ਤੁ ਬਖਾਨ ਤਿਹ ਅੰਬਰ ਮਹਾਂਨ ਦੀਏ ਭੂਖਨ ਅਪਾਰ



ਰਾਮ ਦਏ ਬਿਗਸਾਇਕੈ । ਰਾਮ ਗਰਿਲਾਯੋ ਪੁਨਿ ਘਰਿਕੋ  
 ਸਿਧਾਯੋ ਗੁਹ ਦਯੋ ਹਰਿ ਗਿਆਨ ਰਾਜ ਦਯੋ ਹੈ ਬਧਾਇਕੈ  
 ॥੯॥ ਔਰ ਜੇਈ ਬਾਨਰ ਆਯੁਧਯਾ ਸਿਰਦਾਰ ਆਏ ਰਾਮ  
 ਪਟ ਭੂਖਨ ਸੁ ਸਬਕੋ ਪਹਿਰਾਏ ਹੈਂ । ਸੁਗ੍ਰੀਵ ਔ ਵਿਭੀਖਨ  
 ਆਮਾਤਨ ਸਮੇਤ ਸਭ ਰਾਮ ਪਰਮਾਤਮਾ ਸੁ ਪੂਜਕੈ ਮਨਾਏਹੈਂ  
 । ਗਏ ਨਿਜ ਦੇਸ ਸਭ ਚੀਤ ਕੈ ਕਲੇਸ਼ ਹਰੇ ਰਾਮ ਸਨਮਾਨ  
 ਪੇਖ ਮਨ ਬਿਗਸਾਏ ਹੈਂ । ਕਿਸਕੀਧਾ ਜਿਹ ਨਾਮ ਸੁਖ ਧਾਮ  
 ਹੈ ਅਪਾਰ ਬਡੋ ਕਪਿਨ ਸਮੇਤ ਸੁਗ੍ਰੀਵ ਤਾਂ ਬਸਾਏ ਹੈਂ ॥  
 ੧੦ ॥ ਵਿਭੀਖਨ ਪੁਬੀਨ ਰਾਜ ਪਾਇ ਅਰਿ ਹੀਨ ਰਾਮ  
 ਪੂਜਿ ਅਬਿਖੇਖ ਜਾਇ ਲੰਕ ਮੈਂ ਬਸਾਯੋ ਹੈ । ਰਾਮ ਜਗ ਪਯਾਰੇ  
 ਰਾਜ ਕਰਤ ਉਦਾਰੇ ਰਾਜ ਚਹੇ ਨਹਿ ਲਖਮਨ ਸੋਈ ਤੋ  
 ਬੁਲਾਯੋ ਹੈ । ਜੁਵ ਰਾਜ ਟੀਕੋ ਤਿਨ ਭਾਲ ਮੈਂ ਸੁ ਦਯੋ ਨੀਕੋ  
 ਲਖਮਨ ਮਨ ਰਾਮ ਸੇਵਾ ਮੈਂ ਲਗਾਯੋ ਹੈ । ਰਾਮ ਪਰਮਾਤਮਾ ਸੁ  
 ਕਾਰਯ ਅਨੇਕ ਕਰੇ ਨਿਰਮਲ ਚੀਤ ਨਹਿ ਰੰਚ ਸੁ ਲਿਪਾਯੋ  
 ਹੈ ॥ ੧੧ ॥ ਕਰਤੱਤ ਤੇ ਬਿਹੀਨ ਰਾਮ ਰੰਚਕ ਬਿਕਾਰ ਨਾਹਿ  
 ਆਪਨੇ ਆਨੰਦ ਰਾਮ ਸਦਾ ਬਿਗਸਾਇ ਹੈਂ । ਕਰੇ ਅਸਮੇਧ  
 ਯਗਯ ਦੱਖਣਾ ਅਪਾਰ ਦਈ ਰਾਮ ਨਰ ਦੇਹਿ ਧਰ ਲੋਗਨ  
 ਸਿਖਾਇ ਹੈਂ ॥ ਰਾਮ ਰਾਜ ਭਏ ਸਭਿ ਦੁਖ ਮਿਟ ਗਏ ਨਹਿ  
 ਬਿਛੁਆ ਬਿਆਲਨ ਤੇ ਲੋਕ ਡਰਪਾਏ ਹੈਂ । ਨਾਹਿ ਬਯਾਧਿ  
 ਡਰ ਭਯੋ ਜਬ ਰਾਮ ਰਾਜ ਕਯੋ ਪੁਨਿ ਚੋਰਨ ਕੋ ਨਾਹਿ ਡਰ  
 ਪਾਪ ਨ ਕਮਾਇ ਹੈਂ ॥ ੧੨ ॥ ਬੁਢਨ ਕੇ ਜੀਵਤ ਨ ਬਾਲ



ਜਗ ਮਾਹਿ ਮਰੇਂ ਰਾਘਵ ਕੀ ਪੂਜਾ ਸਭ ਰਾਮ ਜੱਸ ਗਾਏ ਹੈਂ  
 । ਜੈਸੇ ਰੁਚਿ ਹੋਇ ਪੁਨਿ ਜਾਹੀਂ ਖਿਣ ਚਾਹਿ ਜਗ ਆਏ ਪੁਨਿ  
 ਮੇਘ ਤਹਿ ਤੈਸੇਹੀ ਬ੍ਰਸਾਏਹੈਂ । ਬਰਣ ਸੁ ਆਸ੍ਰਮ ਕੇ ਗੁਨਨ  
 ਸਮੇਤ ਭਏ ਪ੍ਰਜਾ ਸਭ ਰਾਮਕੀ ਸੁ ਧਰਮ ਕਮਾਏ ਹੈਂ । ਔਰ  
 ਸਿਸ ਪੂਤਨ ਸਮਾਂਨ ਭਗਵਾਂਨ ਤਬ ਪ੍ਰਜਾ ਪ੍ਰਤਿਪਾਲ ਕਰੇ  
 ਬਡੇ ਜਸੁ ਪਾਏ ਹੈਂ ॥ ੧੩ ॥ ਦੋਹਰਾ ॥ ਧਰਮ ਪਰਾਇਣ  
 ਰਾਮਜੀ ਸਭ ਲੱਖਣ ਤਨ ਧਾਰਿ । ਦਸਹਜਾਰ ਪੁਨਿ ਬਰਖ  
 ਜਗ ਕੀਨੋ ਰਾਜ ਮੁਰਾਰਿ ॥ ੧੪ ॥ ਕ ਬਿੱਤੁ ॥ ਇਹੈ ਅਤਿ  
 ਗੋਪ ਧਨੂ ਧਾਨੁਕੀ ਸਮ੍ਰਿਧ ਕਰੇ ਦੀਰਘ ਅਰੋਗ ਆਯੁ ਪੁੰਨਿ  
 ਉਪਜਾਇ ਹੈਂ । ਪੁਨਿ ਅੱਧਯਾਤਮ ਸੁ ਨਾਮ ਹੈ ਪੁਰਾਣ ਜਗ  
 ਔਰਨ ਕੀ ਕਹਾਂ ਮੁਖਿ ਆਦਿ ਸਿਵ ਗਾਏਹੈਂ । ਭਗਤਿ ਸਮੇਤ  
 ਜੋਈ ਸੁਨੇਂ ਮਨ ਲਾਇ ਨਰ ਪਢੇ ਪੁਨਿ ਯਾਹਿ ਮਨ ਮਾਹਿ  
 ਬਿਗਸਾਏਹੈਂ । ਕੋਟਿ ਪੁਨਿ ਪਾਤਕ ਮਿਟਾਇ ਤਿਹ ਤਾਹੀਂ  
 ਖਿਨ ਵਾਂਛਤ ਅਪਾਰ ਫਲ ਲੋਕਮੈਂ ਸੁ ਪਾਏਹੈਂ ॥ ੧੫ ॥ ਧਨ  
 ਅਭਿਲਾਖੀ ਮਨ ਬਾਛਤ ਸੋ ਪਾਇਧਨ ਸੁਨੇ ਜੋ ਰਮਾਇਣ  
 ਕੋ ਮਨ ਕੋ ਲਗਾਇਕੈ । ਸੁਤਿ ਅਭਿਲਾਖੀ ਸੁਤਿ ਆਰਯ ਸੁ  
 ਪਾਇ ਜਗ ਸੁਨੇਂ ਜੋ ਰਮਾਇਣ ਕੋ ਆਦਿ ਤੈ ਲਗਾਇਕੈ ।  
 ਭੂਪਤਿ ਜੋ ਸੁਨੇਂ ਕਰਿ ਜੋਰਕੈ ਰਮਾਇਣ ਕੋ ਸੰਪਦਾ ਸੁ ਪਾਇ  
 ਅਰਿ ਪੁੰਜ ਰਣ ਘਾਇਕੈ ॥ ਬੈਰੀ ਨਾਹਿ ਜਿਨੇਂ ਤਾਹਿ ਉਰ  
 ਮੈ ਡਰਾਇ ਸਭ ਦੁਖਿ ਮਿਟਿ ਜਾਹਿ ਬਿਜੈ ਬਸੈ ਭੁਜ ਆਇਕੈ  
 ॥ ੧੬ ॥ ਸੁਨੇ ਜੋਈ ਨਾਰਿ ਮਨ ਲਾਇਕੈ ਰਮਾਇਣ ਕੋ ਜੀ



ਵਤ ਸੁ ਹੋਇ ਸੁਤ ਜਗਮੇਂ ਸੁਹਾਇਹੈ । ਬੰਧਯਾ ਜਿ ਸੁਨੇ  
 ਮਨਿ ਲਾਇ ਕੈ ਰਮਾਇਣ ਕੋ ਕਹੋਂ ਸਤ ਭਾਇ ਸੁਤ ਸੁੰਦਰ ਸੁ  
 ਜਾਇਹੈ । ਸੁਧਾਕੇ ਸਮੇਤ ਜੇਈ ਸੁਨਤ ਰਮਾਇਣ ਕੋ ਮਤਸਰ  
 ਡਾਰ ਉਰ ਕੋਪ ਨ ਬਸਾਇਹੈ । ਰਾਘਵਕੀ ਭਗਤਿ ਉਦਾਰ ਚਿਤ  
 ਧਾਰਿਜਨ ਪਾਂਹਿ ਸੁਖ ਭਾਰੇ ਸਭ ਦੁਖ ਕੋ ਮਿਟਾਇ ਹੈ ॥ ੧੭  
 ॥ ਸੁਨਤ ਰਮਾਇਣ ਸੁ ਦੇਵਤਾ ਪ੍ਰਸੰਨ ਸਭ ਵਿੱਦਯਾ ਸਮਸੁ  
 ਹੀ ਸੁ ਬਸੇ ਮਨ ਆਇ ਕੈ । ਸੰਪਦਾ ਸਮਸਤ ਸੁ ਬਸੇ ਘਰ  
 ਆਇ ਤਿਸ ਸੁਨਤ ਰਮਾਇਣ ਜੋ ਆਦਿ ਤੇ ਲਗਾਇਕੈ । ਰੱਜ-  
 ਸੂਲਾ ਜੇ ਨਾਰਿ ਸੁਨੇ ਪੂਰਣ ਰਮਾਇਣ ਕੋ ਬੈਠਕੈ ਇਕਾਗਰ  
 ਸੁ ਰਾਮ ਮਨ ਲਾਇਕੈ । ਜੀਵੇ ਚਿਰ ਜੇਈ ਸੁਤ ਭੂਪ ਤਿਨ  
 ਹੋਈ ਹੋਇ ਆਪਣੇ ਪਤਿਬ੍ਰਤ ਸੁ ਰਹੇ ਜਸ ਛਾਇਕੈ ॥ ੧੮ ॥  
 ਭਗਤਿ ਸਮੇਤ ਜੇਈ ਪੂਜਤ ਰਮਾਇਣ ਕੋ ਨੀਤ ਮਨੁ ਲਾਇ  
 ਪੁਨਿ ਬੰਦਨਾ ਸੁ ਧਾਰਿਹੈਂ । ਪਦਜੋ ਪੁਰਾਤਨ ਹੈ ਬਿਸੁ ਸਨਾਤਨ  
 ਕੋ ਪਾਂਹਿ ਜਨ ਤੇਈ ਪਾਪ ਪੁੰਜ ਕੋ ਨਿਵਾਰ ਹੈਂ । ਅਧਯਾਤਮ  
 ਰਮਾਇਣ ਜੋ ਸੁਨਤ ਸਮਸੁ ਜਨ ਹੋਹਿ ਸੋ ਇਕਾਗਰ ਸੁ ਮਨ  
 ਮੈਂ ਬਿਚਾਰ ਹੈਂ । ਰਾਮ ਸੁਖਧਾਮ ਤਿਨ ਪੂਰਣ ਸੁ ਕਾਮ ਕਰੇ  
 ਹੋਹਿ ਪਰਸੰਨ ਰਾਮ ਬਡੇਹੀ ਉਦਾਰ ਹੈਂ ॥ ੧੯ ॥ ਰਾਮ ਹੀ  
 ਪਰਮਾਤਮਾ ਸੁ ਬ੍ਰਹਮ ਜਬ ਤੁਸੁ ਭਏ ਬੇਦ ਔਮੁਨੀਸ਼ ਅਖਿ  
 ਲਾਤਮਾ ਬਤਾਇ ਹੈਂ । ਧਰਮ ਪਦਾਰਥ ਸਕਾਮ ਮੋਖ ਜੇਈ  
 ਜੇਈ ਚਾਹਿਤ ਸੁ ਲੋਕ ਫਲ ਸੋਈ ਸੋਈ ਪਾਇਹੈਂ । ਸੁਨਤ ਰਮਾ  
 ਇਣ ਕੋ ਨੇਮ ਧਾਰ ਜੇਈ ਜਨ ਪੂਰਨ ਅਖੰਡ ਨਹਿ ਖੰਡ ਕਛੁ



ਪਾਇਹੈਂ । ਵਾਜਪੇਯ ਸੋਮ ਔ ਤੁਰੰਗ ਮੇਧ ਯਾਗਨ ਕੇ ਪਾਇ  
 ਫਲ ਨੀਕੇ ਤਾਂਹਿ ਪਾਪ ਕੇ ਮਿਟਾਇਹੈਂ ॥ ੨੦ ॥ ਕਲਪ ਕੋਟਿ  
 ਅਘਕੋ ਬਿਨਾਸ ਖਿਨ ਮਾਂਹਿ ਕਰੇ ਆਯੁਖ ਅਰੋਗ ਸਭ  
 ਦੇਵ ਬਿਗਸਾਇ ਹੈਂ । ਖੇਟ ਅਸਮਾਨ ਰਿਖ ਸੁਨੇ ਤੇ ਮਹਾਂਨ  
 ਤੋਖ ਪਿਤਰ ਪ੍ਰਸੰਨ ਹੋਇ ਬਡੇ ਸੁਖ ਪਾਇਹੈਂ । ਅੱਧਯਾਤਮ  
 ਰਾਮਾਇਣ ਵਿਰਾਗ ਗਯਾਨ ਆਇਨ ਪੁਰਾਤਨ ਪੁਰਾਣ ਰਿਖ  
 ਯਾਹੀ ਕੇ ਬਤਾਇ ਹੈਂ । ਪਠੰਤ ਔ ਸੁਣੰਤ ਜੇ ਲਿਖੰਤ ਹੈਂ  
 ਹਿਮਾਲਯਾਸੁ ਮੇਟਿ ਅਘ ਭਾਰੀ ਭਵ ਫੇਰਨਹੀ ਆਇ ਹੈਂ ॥  
 ੨੧ ॥ ਸੂਤ ਉਵਾਚ ॥ ਸਵੈਯਾ ॥ ਸੂਤ ਪੁੰਜ ਮਹੇਸ਼ੁ ਮਥੇ  
 ਬਹੁਬਾਰ ਸੁ ਤਾਰਕ ਬ੍ਰਹਮ ਰਹੱਸ ਨਿਕਾਰੇ । ਜਗ ਤਾਰਕ  
 ਬ੍ਰਹਮ ਸੁ ਰਾਮ ਅਹੇ ਇਹ ਭੂਤ ਪਤੀ ਮਨਮਾਂਹਿ ਬਿਚਾਰੇ ।  
 ਯਹਿ ਰਾਘਵ ਤੱਤ ਸੁ ਗੂਢ ਮਹਾ ਸਭ ਬੇਦਨ ਕੇ ਵਿਸ ਸਾਰ  
 ਨਿਹਾਰੇ । ਰਿਖ ਮੰਡਲ ਜੂ ਉਰ ਮਾਂਹਿ ਧਰੇ ਯਹਿ ਪਾਰਬਤੀ  
 ਪਤਿ ਸੰਭੁ ਉਚਾਰੇ ॥ ੨੨ ॥ ਅਨੰਗਸੇਖਰਛੰਦ ॥ ਮਿਲਾਇ  
 ਕੋਟਿ ਕੀਸ ਜਾਂ ਪੁਟਾਇ ਨੀਰ ਸਿੰਧਕੋ ਲਰਾਇ ਬੀਰ ਧੀਰ  
 ਜਾਂਹਿ ਕੀਨ ਸਮ ਘਾਨੀਯਾਂ । ਸੁ ਲੰਕ ਰਾਜ ਸੀਸ ਕਾਟਿ ਰਾਜ  
 ਦਾਸ ਬਾਪਿਯੋ ਬਿਬਾਨ ਮੈਂ ਬਿਠਾਇ ਜਾਂਹਿ ਜਾਨਕੀ ਸੁ  
 ਆਨੀਆ ॥ ਸੁ ਦੇਵ ਦੁੰਦਭੀ ਬਜਾਹਿ ਗਾਹਿ ਪਾਸ ਕਿੰਨਰਾ ਲਏ  
 ਸੁ ਜਾਂਹਿ ਰਾਜ ਫੇਰਿਤਾਤ ਰਾਜਧਾਨੀਆਂ ॥ ਸੁ ਤਾਂਹਿ ਰਾਮਚੰਦ  
 ਕੀ ਸੁ ਯੁੱਧਕਾਂਡ ਕੀ ਕਥਾ ਗੁਲਾਬਸਿੰਘ ਦਾਸ ਯਾਹਿ ਭਾਂਤਿ ਹੈ  
 ਬਖਾਨੀਆਂ ॥ ੨੩ ॥ ਇਤਿਸ੍ਰੀ ਮਤਿ ਅਧਯਾਤਮ ਰਾਮਾਇਣੇ



ਉਮਾਂ ਮਹੇਸ਼ੁਰ ਸੰਬਾਦੇ ਯੁੱਧ ਕਾਂਡੇ ਖੋੜਸਮੇ ਧਿਆਇ  
ਸਮਾਪਤੰ ॥ ੧੬ ॥ ਇਤਿ ਯੁੱਧ ਕਾਂਡ ਸੰਪੂਰਣੰ ॥ ੧੬ ॥

## ਅਥ ਉਤੱਰ ਕਾਂਡ ਲਿਖਤੰ

॥ ਸਵੈਯੰ ॥

ਮਾਨਵ ਦੇਵ ਮਨੋਹਰਿ ਲੈ ਜਿਨ ਰਾਜ ਕਰੇ ਮੁਨਿ ਕੇ ਦੁਖ ਟਾਰੇ  
। ਸ਼ੇਸ਼ ਸੁਰੇਸ਼ ਮਹੇਸ਼ ਭਜੇ ਚਤੁਰਾਨਨ ਜਾਂ ਪਦਕੰਜ ਜੁਹਾਰੇ  
। ਕੀਟ ਪਦੰਗ ਵਿਹੰਗਮ ਐ ਗ੍ਰਹਿ ਗੋਧਕ ਸੇ ਸਗਲੇ ਜਿਨ  
ਤਾਰੇ । ਤਾਂ ਪਰਮਾਤਮ ਰਾਘਵਕੇ ਕਰ ਜੋਰ ਦੋਊ ਅਭਿ ਬੰਦ  
ਹਮਾਰੇ ॥ ੧ ॥ ਦੋਹਰਾ ॥ ਰਘੁਵੰਸ਼ ਤਿਲਕ ਜਯ ਰਾਮਜੀ  
ਕੋਸ਼ਲਜਾ ਸੁਖਿ ਧਾਮ । ਦਸ ਬਦਨ ਬਿਨਾਸਨ ਕੰਜ ਦ੍ਰਿਗ  
ਦਾਸਰਥੀ ਸ੍ਰੀਰਾਮ ॥ ੨ ॥ ਪਾਰਬਤੀ ਉਵਾਰ ॥ ਚੌਪਈ ॥  
ਕੋਸ਼ਲਜਾ ਨੰਦ ਵਧਾਵਣ ਹਾਰੇ । ਦਾਸਰਥੀ ਸ੍ਰੀਰਾਮ ਮੁਰਾਰੇ ।  
ਰਾਵਣ ਲੋ ਰਾਖਸ਼ ਬਲ ਹਾਰੀ । ਹਨੇਰਾਮ ਰਣਭੂਮਿ ਮਝਾਰੀ  
॥ ੩ ॥ ਬੈਠੇ ਰਾਜ ਸਿੰਘਾਸਨ ਰਾਮਾਂ । ਐਧਪੁਰੀ ਜਨਕੇ ਸੁਖ  
ਧਾਮਾਂ । ਮਾਯਾ ਮਾਨਵ ਦੇਹ ਬਨਾਯੇ । ਕਿਤਕ ਬਰਸ ਭੂ ਮਾਹਿ  
ਰਹਾਯੇ ॥ ੪ ॥ ਵੈ ਪਰਮਾਤਮ ਲੀਲਾ ਧਾਰੀ । ਮਾਨਵ ਦੇਹ  
ਕਥਿ ਪੁਨਿ ਡਾਰੀ । ਸ਼੍ਰਵਣ ਚਾਹਿ ਮੇ ਉਰ ਹਰਖਾਨੇ । ਰਾਮ  
ਕਥਾ ਤੁਮ ਬਹੁਰ ਬਖਾਨੇ ॥ ੫ ॥ ਰਾਮ ਕਥਾ ਅੰਮ੍ਰਿਤ ਕੋ ਪਾਈ



। ਤ੍ਰਿਸ਼ਨਾਭਈ ਸੁਮੇ ਅਧਿਕਾਈ । ਭਗਵਨ ਮੋਹੁ ਅਨੁਗ੍ਰਹੁ  
 ਧਾਰੇ । ਕਹੋ ਰਾਮਕੀ ਕਥਾ ਬਿਥਾਰੇ ॥ ੬ ॥ ਸ੍ਰੀ ਮਹਾਂਦੇਵ ਉਵਾਚੁ  
 ॥ ਚੌਪਈ ॥ ਰਾਖਸ਼ ਮਾਰ ਸੁ ਸੰਘਰ ਮਾਂਹੀ । ਬੈਠੇ ਰਾਮ  
 ਸਿੰਘਾਸਨ ਪਾਹੀਂ । ਸ੍ਰੀ ਰਾਮ ਅਭਿ ਨੰਦਨ ਕਾਮ ॥ ਬਨਬਾਸੀ  
 ਮੁਨਿ ਆਏ ਧਾਮ ॥ ੭ ॥ ਵਿਸਵਾਮਿੱਤ੍ਰ ਅਸਿਤ ਮੁਨਿ ਰਾਉ ।  
 ਕੁੰਨ ਰਖੀਸ਼ੁਰ ਤੇਜ ਪ੍ਰਭਾਉ । ਰਵਿਸੀ ਦੁਤਿ ਦੁਰਬਾਸਾ ਆਏ  
 ॥ ਭ੍ਰਿਗੁ ਅਰੁ ਅੰਗਰ ਦੁਉ ਸੁਹਾਏ ॥ ੮ ॥ ਕੱਸਪ ਵਾਮਦੇਵ  
 ਪੁਨਿ ਜਾਨ । ਅੱਤ੍ਰੀ ਆਏ ਰਿਖੀ ਮਹਾਂਨ । ਸਪਤ ਰਖੀਸ਼ੁਰ  
 ਅਮਲ ਸੁਹਾਏ । ਸਿੱਖਨ ਸਹਿਤ ਅਗਸੁ ਸੁ ਆਏ ॥ ੯ ॥  
 ਸਵੈਯਾ ॥ ਦ੍ਵਾਰਨ ਮੈਂ ਮੁਨਿ ਜਾਇ ਖਰੇ ਪੁਨਿ ਦ੍ਵਾਰਪ ਕੋ  
 ਯਹਿ ਵਾਕ ਅਲਾਏ । ਰਾਮ ਮਹੀਪ ਸਮੀਪ ਕਹੋ ਸੁ ਖਰੇ ਮੁਨਿ  
 ਮੰਡਲ ਬਾਹਰਿ ਆਏ । ਆਦਿ ਅਗਸੁ ਸੁ ਦੇਹਿ ਅਸੀਸ ਕਰੈ  
 ਅਭਿ ਨੰਦਨ ਆਇਸੁ ਪਾਏ । ਦ੍ਵਾਰਪ ਜਾਇ ਸੁ ਰਾਘਵ ਕੀ  
 ਢਿਗ ਪਾਰਬਤੀ ਯਹਿ ਵਾਕ ਸੁਨਾਏ ॥ ੧੦ ॥ ਛਪੈਛੰਦ ॥  
 ਮੁਨਿ ਮੰਡਲ ਲੈਸੰਗ ਅਗਸੁ ਮੁਨੀਸ਼ੁਰ ਆਏ । ਪਾਵਕ ਸੇ  
 ਤਨ ਤੇਜ ਦਿਸਾ ਤਮ ਦੂਰ ਮਿਟਾਏ । ਤਵ ਦੇਖਨ ਕੀ ਚਾਹ  
 ਬਡੀ ਤਿਨ ਕੇ ਉਰਮਾਹੀ । ਧੀਰ ਬਡੇ ਮਭਿਮਾਨ ਖੜੇ ਰਿਖ  
 ਦ੍ਵਾਰੇ ਮਾਹੀਂ । ਸੁਨ ਦ੍ਵਾਰਪ ਕੇ ਵਾਕ ਯਹਿ ਸੁ ਰਾਮ  
 ਬਖਾਨੇ ਆਪ ਮੁਖ । ਅਬ ਰਤਨ ਭਵਨ ਮਹਿ ਪੂਜਕਰ ਮੁਨਿ  
 ਗਨਿ ਲਜਾਵਹੁ ਯਥਾ ਸੁਖ ॥ ੧੧ ॥ ਚੌਪਈ ॥ ਰਾਮ  
 ਮੁਨਿਨ ਕੋ ਪੇਖਯੋ ਜਬਹੀਂ । ਸੀਘਰ ਉਠੇ ਜੋਰ ਕਰ ਤਬ ਹੀ



। ਅਰਘਾਦਿਕ ਪੂਜਾ ਬਹੁਕਰੀ । ਮੀਠੀ ਬਾਨੀ ਮੁਖੋਂ ਉਚਰੀ  
 ॥ ੧੨ ॥ ਬਹੁਰ ਰਾਮ ਅਭਿਬੰਦਨ ਕੀਨੇਂ । ਯਥਾ ਯੋਗ ਸਭ  
 ਆਸਨ ਦੀਨੇਂ । ਬੈਠੇ ਮੁਨਿ ਗਨ ਤਾਹਿ ਹਰਖਾਇ । ਪੂਜੇਰਾਮ  
 ਰਮਾਂ ਪਤਿ ਰਾਇ ॥ ੧੩ ॥ ਪੂਛੋ ਰਾਮ ਅਨਾਮਯ ਤਾਂਹਿ ।  
 ਕੁਸਲ ਛੇਮ ਹੈ ਤਾਂ ਬਨ ਮਾਂਹਿ । ਮਹਾਂ ਬਾਹੁ ਰਘੁਨੰਦਨ ਬਾਰੇ  
 । ਕੁਸਲ ਅਹੈ ਗ੍ਰਹਿ ਦੇਸ ਮਝਾਰੇ ॥ ੧੪ ॥ ਭਲਾ ਭਯਾ ਅਰਿ  
 ਗਣ ਸਬ ਮਾਰੇ । ਰਾਮ ਸਿੰਘਾਸਨ ਆਜ ਨਿਹਾਰੇ ॥ ਰਾਵਣ  
 ਰਾਖਸ਼ ਕੇ ਜੋ ਰਾਜਾ । ਤਾਂ ਕੋ ਬਧਨਹਿ ਕਠਨ ਸੁ ਕਾਜਾ  
 ॥ ੧੫ ॥ ਤੂੰ ਕਰ ਮੈਂ ਲੈ ਧਨਖ ਮੁਰਾਰੀ ॥ ਜਿਨ੍ਹੈਂ ਤਿਲੋਕੀ  
 ਖਿਨ ਮੈਂ ਸਾਰੀ । ਭਲਾ ਭਯਾ ਸਭ ਰਾਖਸ਼ ਮਾਰੇ । ਰਾਵਣ ਲੈ  
 ਜੇ ਹੁਤੇ ਬਿਕਾਰੇ ॥ ੧੬ ॥ ਮਹਾਂਬਾਹੁ ਹਰਿ ਰਾਂਵਣ ਜੋਈ ॥  
 ਤਾਂ ਬਧ ਸਹਿਜ ਕਠਨ ਨਹਿ ਕੋਈ । ਮੇਘਨਾਦ ਕੋ ਬਧਥੇ  
 ਜੋਈ । ਹੁਤੇ ਕਠਨ ਪਰ ਹੋਇਓ ਸੋਈ ॥ ੧੭ ॥ ਕੰਭਕਰਨ  
 ਲੋ ਖਲ ਬਲਵਾਂਨ । ਸੂਰ ਬਡੇ ਵਹਿ ਕਾਲ ਸਮਾਨ ॥ ਅੰਤਕ  
 ਪ੍ਰਤਿਮ ਬਾਂਲ ਤੈਂ ਮਾਰੇ । ਹਨੇਂ ਸਗਲ ਰਣ ਭੂਮਿ ਮਝਾਰੇ  
 ॥ ੧੮ ॥ ਹਮ ਕੋ ਅਭੈ ਦੱਖਣਾਂਦੀਨੀ । ਪੂਰਬ ਰਾਮ ਸੁ ਪੂਰਣ  
 ਕੀਨੀਂ । ਅਰਿ ਸੰਬੂਹ ਸਗਲੋ ਤੈਂ ਮਾਰਾ । ਕ੍ਰਿਤ ਕ੍ਰਿਤ ਅਬ  
 ਜੀਵਣ ਬਾਰਾ ॥ ੧੯ ॥ ਐਸੇ ਮੁਨਿਗਨ ਜਬੈ ਬਖਾਨਯੋ ॥  
 ਸੁਨਿਕੈ ਉਮਾਂ ਰਾਮ ਬਿਸਮਾਨਯੋ । ਬਿਸਮੈ ਮਾਨ ਜੋਰ ਦੁਉ  
 ਹਾਬ । ਬੋਲਤ ਭਏ ਬਹੁਰ ਰਘੁਨਾਥ ॥ ੨੦ ॥ ਰਾਵਣ ਕੰਭ  
 ਕਰਣ ਲੈ ਜੇਤੇ । ਜਿਨ੍ਹੈਂ ਤਿਲੋਕੀ ਖਿਨਮੈਂ ਤੇਤੇ । ਤਿਨਕੋ ਕਾ



ਹਿ ਉਲੰਘਨ ਕਰਹੋ। ਇੰਦ੍ਰਜੀਤ ਜੱਸ ਕਾਹਿ ਬਿਬਰਹੋ ॥੨੧॥  
 ॥ ਯਾ ਬਿਧਿ ਸੁਨਿ ਰਘੁਵਰਕੀ ਬਾਨੀ। ਬੋਲੇ ਕੁੰਭਯੋਨਿ ਰਿਖਿ  
 ਗਯਾਨੀ। ਪ੍ਰੀਤ ਸਹਿਤ ਤਿਨ ਬਚਨ ਉਚਾਰੇ। ਸੁਨਿਰਾਜਨ  
 ਅਬ ਕਹੋ ਮੁਰਾਰੇ ॥ ੨੨ ॥ ਮੇਘ ਨਾਦ ਰਾਵਣ ਬਿਰਤਾਂਤ।  
 ਭਾਖੋਂ ਸਗਲ ਸੁਨੋ ਏਕਾਂਤ। ਜਨਮ ਕਰਮ ਜੈਸੇ ਵਰ ਦਾਨ।  
 ਸਭ ਸੰਖੇਪ ਤੇ ਕਰੋਂ ਬਖਾਨ ॥੨੩॥ ਪ੍ਰਿਥਮੈ ਸਤਿ ਯੁਗ ਮੈਂ  
 ਸ੍ਰੀ ਰਾਮ। ਭਏ ਪੁਲਸਤ ਬ੍ਰਹਮ ਸੁਤਧਾਮ। ਮੇਰ ਸਮੀਪ  
 ਗਯੋ ਮਤਿਮਾਨ। ਤਪਕੇ ਕਾਜ ਪੁਲਸਤ ਮਹਾਨ ॥ ੨੪ ॥  
 ਤਿਲਬਿੰਦੁ ਆਸ਼੍ਰਮਕੈ ਮਾਂਹੀ। ਮੁਨਿ ਨਿਵਾਸ ਕੀਏ ਬਨ ਮਾਂਹੀ  
 । ਮਹਾ ਤੇਜ ਤਪਸਾ ਅਤਿ ਧਾਰੀ। ਜਲ ਅਹਾਰ ਮੁਖ ਬੇਦ  
 ਉਚਾਰੀ ॥੨੫॥ ਦੇਵ ਗੰਧੂਬ ਕੰਨਿਆ ਜੇਤੀ। ਤਾਂ ਬਨ ਮਾਂਹਿ  
 ਸੁ ਆਵੇਂ ਤੇਤੀ। ਨਾਚੇਂ ਹਸੇਂ ਉਚ ਸੁਰਗਾਵੇਂ। ਕੇਲ ਕਰੇਂ ਬਹੁ  
 ਬਾਦ ਬਜਾਵੇਂ ॥ ੨੬ ॥ ਪੁਲਸਤ ਰਿਖੀਸੁਰ ਕੋ ਤਪਜੋਈ।  
 ਤਾਮੈ ਕਰੇਂ ਬਿਘਨਿ ਅਤਿਸੋਈ। ਭਯੋਕ੍ਰੋਧ ਉਰ ਰਿਖਕੇ ਭਾਰਾ  
 ॥ ਤਿਨ ਮੁਖਤੇ ਯਹਿ ਵਾਕ ਉਚਾਰਾ ॥੨੭॥ ਮੇਰੀ ਦ੍ਰਿਸ਼੍ਟ ਬਿਖੈ  
 ਜੋ ਹੋਈ। ਧਾਰੇ ਗਰਭ ਕੰਨਿਆ ਸੋਈ। ਯਹ ਸੁਨ ਸ੍ਰਾਪ ਭਈ  
 ਭੈਮਾਂਨ। ਆਹਿ ਨ ਕੰਨਯਾਂ ਤਾਂ ਅਸਥਾਂਨ ॥ ੨੮ ॥ ਦੋਹਰਾ ॥  
 ਤਿਲਬਿੰਦੁ ਰਿਖ ਰਾਜ ਕੀ ਕੰਨਯਾ ਸੁਨਯੋ ਨ ਸੋਇ। ਮੁਨਿ  
 ਆਗੇ ਬਿਚਰਤ ਭਈ ਪੇਖਤ ਨਿਰਭਯ ਹੋਇ ॥ ੨੯ ॥  
 ਚੌਪਈ ॥ ਪਾਂਡਰ ਵਰਣ ਸੁ ਤਾਂਕੋ ਭਯੋ। ਭਈ ਦਿਰੂਪ  
 ਗਰਭ ਨਿਰਮਯੋ। ਦੇਹ ਵਿਵਰਣ ਪਿਖੀ ਤਿਨ ਜਬਹੀਂ।



ਗਈ ਪਿਤਾ ਵਿਗ ਡਰੀ ਸੁ ਤਬਹੀ ॥੩੦॥ ਤ੍ਰਿਣਵਿੰਦੁ ਨਿਜ  
ਸੁਤਾ ਨਿਹਾਰੀ । ਰਾਜ ਰਿਖੀ ਤਪ ਜਾਂਹਿ ਅਪਾਰੀ । ਵਿਗਯਾਨ  
ਚਖੁ ਤਿਨ ਧਾਰਜੇ ਧਿਆਨ । ਮੁਨਿ ਕ੍ਰਿਤ ਸਗਲ ਸੁ ਤਾਹਿ  
ਪਛਾਂਨ ॥੩੧॥ ਬਹੁਰ ਪਿਤਾ ਕੰਨਯਾ ਸੰਗਲਈ । ਬਿਧਵਤ  
ਜਾਇ ਪੁਲਸਤਹਿ ਦਈ । ਕੰਨਯਾ ਕਾ ਮੁਨਿ ਕਰ ਗਹਿ ਲੀਨੋ  
। ਅੰਗੀਕਾਰ ਉਚਾਰਣ ਕੀਨੋ ॥ ੩੨ ॥ ਪ੍ਰੀਤ ਭਯੋ ਪਿਖ  
ਟੈਹਲ ਪਰਾਇਨ । ਬੋਲਯੋ ਮੁਨਿ ਕਰੁਣਾ ਕੋ ਆਇਨ । ਦੋਨੋ  
ਵੰਸ ਵਧਾਵਹਿ ਜੋਈ । ਦੇਉ ਪੂਤ ਇਕ ਤੋਕੋ ਸੋਈ ॥ ੩੩ ॥  
ਤਬ ਕੰਨਯਾ ਇਕ ਪੁਤ੍ਰ ਸੁ ਪਾਯੋ । ਦਯੋ ਪੁਲਸਤ ਮਹਾਸੁਖ  
ਦਾਯੋ । ਵਿਸ਼ੁਵਾਇਤਿ ਰਾਖਯੋ ਤਿੰਹ ਨਾਮਾ । ਬ੍ਰਹਮ ਗਿਆਨੀ  
ਤਪਕੋ ਧਾਮਾ ॥੩੪॥ ਤਬ ਤਾਂ ਸੀਲ ਧਰਮ ਕੋ ਪੇਖਾ । ਭਾਰ  
ਦੁਆਜ ਮੁਨਿ ਜਾਨ ਬਸੇਖਾ । ਭਾਰ ਦੁਆਜ ਨਿਜ ਕੰਨਯਾ ਦਈ  
। ਵਿਸ਼ੁਵਾਮੁਨ ਆਦਰ ਕਰ ਲਈ ॥ ੩੫ ॥ ਤਾਂ ਮੈ ਤਿਨ  
ਇਕ ਸੁਤ ਉਪਜਾਯੋ । ਪੋਲਸਤ ਲੋਕ ਮੈਂ ਪਰਮ ਸੁਹਾਯੋ ।  
ਪਿਤਾ ਤੁਲਵੈ ਸ਼ੁਵਣ ਸੁ ਭਯੋ । ਬ੍ਰਹਮਾ ਤਾ ਅਨ ਮੋਦਨ ਦਯੋ  
॥ ੩੬ ॥ ਬਹੁਤ ਬਰਖ ਤਾਨੇ ਤਪਕੀਨੋ । ਬਿਰੰਚ ਪ੍ਰਸੰਨ ਹੋ  
ਇ ਵਰਦੀਨੋ । ਧਨਾਧੱਖ ਤਾਕੋ ਬਿਧ ਕਯੋ । ਪੁਸ਼ਪਕ ਔਰ  
ਬਿਬਾਨਹਿ ਦਯੋ ॥੩੭॥ ਯਾ ਬਿਧਿ ਵਰਹਿ ਕੁਬੇਰਹਿ ਪਾਯੋ  
॥ ਪਿਤਾ ਨਿਹਾਰਣ ਕੇ ਹਿਤ ਆਯੋ । ਬ੍ਰਹਮਾ ਦਯੋ ਵਿਮਾਨ  
ਸੁ ਜੋਈ । ਤਾਂ ਮੈ ਚਵਿਪੁਨਿ ਆਯੋ ਸੋਈ ॥੩੮॥ ਆਇ ਪਿਤਾ  
ਪਦ ਮੈ ਸਿਰ ਧਰਿਯੋ । ਤਪਕੋ ਬਲਹਿ ਨਿਵੇਦਨ ਕਰਿਯੋ ।



ਪਿਤਾ ਬਿਧਾਤਾ ਵਰ ਮਮ ਦਏ । ਵਾਸ ਅਸਥਾਨ ਨ ਤਾਂਹਿ  
 ਬਤਏ ॥ ੩੯ ॥ ਆਪ ਕ੍ਰਿਪਾ ਕਰ ਭਾਖੇ ਸੋਈ । ਜਹਾਂ ਨ ਹਿੰਸਾ  
 ਕਾਹੂੰ ਹੋਈ । ਪਿਤਾ ਬਹੁਰ ਤਿਨ ਭਾਖਿਯੋ ਰਾਮ । ਪੁਰੀ ਅਹੇ  
 ਇਕ ਲੰਕਾ ਨਾਮ ॥ ੪੦ ॥ ਦੈਤਨਕੇ ਵਹੁ ਵਾਸ ਨਮਿੱਤਾ ।  
 ਵਿੱਸੁ ਕਰਮਾ ਨੇ ਰਚੀ ਸੁਚਿੱਤਾ । ਨਾਰਾਇਣ ਕੇ ਡਰ ਲੰਕਾ  
 ਤਿਆਗੀ । ਦੈਤ ਗਏ ਸੁ ਰਸਾਤਲ ਭਾਗੀ ॥੪੧॥ ਦੁਹਪਰ  
 ਧਰਖ ਪੁਰੀ ਵਹੁ ਆਇ । ਸਾਗਰ ਮੱਧ ਵੈਰ ਡਰਨਾਹਿ । ਤਹਾਂ  
 ਵਾਸ ਤੁਮ ਨੀਕੇ ਕਰੋ । ਔਰ ਨ ਸਾਧੇ ਮਤ ਉਰ ਡਰੋ ॥੪੨॥  
 ਐਸੇ ਸੁਨ ਨਿਜ ਪਿਤਕੀ ਬਾਨੀ । ਬਸੇ ਤਾਂਹਿ ਮੈਂ ਧਨਦ  
 ਭਵਾਨੀ । ਚਿਰੁ ਤਿਹਿ ਬਸਯੋ ਬਹੁਤਸੁਖ ਪਾਯੋ । ਪਿਤਾ ਤਾਂਹਿ  
 ਪਿਖਿ ਅਤਿ ਹਰਖਾਯੋ ॥ ੪੩ ॥ ਸੁਮਾਲੀ ਨਾਮ ਦੈਤ ਬਲ  
 ਧਾਰੀ । ਬਹੁਰੋ ਆਯੋ ਧਰਣਿ ਮਝਾਰੀ । ਪਿਸਤਾਸੀ ਵਹੁ  
 ਨਿਕਸ ਪਤਾਲ । ਮਿਰਤ ਲੋਕ ਮੈ ਫਿਰੇ ਬਿਸਾਲ ॥ ੪੪ ॥  
 ਕੰਨਯਾ ਅਪਨੀ ਸੰਗ ਸੁਲੀਨੀ । ਮਨੋ ਅਹੇ ਪਦਮਾ ਰਸ ਭੀਨੀ  
 । ਤਬੈ ਸੁਮਾਲੀ ਧਨਦ ਨਿਹਾਰਾ । ਫਿਰੇ ਬਿਬਾਨ ਤੇਜ ਅਤਿ  
 ਭਾਰਾ ॥ ੪੫ ॥ ਸਭ ਰਾਖਸ਼ ਕੋ ਹਿਤ ਉਰਧਾਰ । ਕਰਤ ਭਯੋ  
 ਮਨ ਮਾਂਹਿ ਬਿਚਾਰ । ਕੈਕਸੀ ਨਾਮ ਕੰਨਯਾ ਆਹਿ । ਤਾਂ ਕੇ  
 ਪ੍ਰਤਿ ਪੁਨ ਭਾਖਿਯੋ ਤਾਹਿ ॥੪੬॥ ਵਿਵਾਹ ਕਾਲ ਪੁਤ੍ਰੀਤੇ ਭਯੋ  
 । ਯੋਬਨ ਤੇ ਤਨਮੈਂ ਨਿਰਮਯੋ । ਨਿੰਦਾ ਤੇ ਉਰ ਮਾਂਹਿ ਡਰਾਹੀ  
 । ਯਾਤੇ ਬਰੀ ਨਹਿ ਤੋਹਿ ਵਰਾਹੀ ॥੪੭॥ ਬ੍ਰਹਮ ਕੁਲੁਦ ਭਵ  
 ਮੁਨਿ ਤਪ ਧਾਮਾ । ਵਿਸਰਵਾਇਨ ਭਾਖੇ ਨਾਮਾ । ਯਾਕੋ ਵਰੋ



ਆਪ ਤੁਮ ਜਾਈ । ਹੋਵੇਂਗੇ ਸੁਤਿ ਬਲ ਅਧਿਕਾਈ ॥ ੪੯॥  
 ਧਨਦ ਸਮਾਨ ਕ੍ਰਾਂਤਿ ਅਤਿ ਧਾਰੇ । ਹੋਵੇਂਗੇ ਸੁਤ ਸੁਤਾ ਤੁਮਾਰੇ  
 । ਕੰਨਯਾ ਮੁਖਤੇ ਤਥਾ ਬਖਾਨੀ । ਗਈ ਜਹਾਂ ਮੁਨ ਆਹਿਮਹਾਂਨ  
 ॥ ੪੯ ॥ ਆਗੇ ਖੜੀ ਅਧੋ ਦ੍ਰਿਗ ਵੋਊ । ਲਿਖੇ ਧਰਣ ਪਦ  
 ਨਖ ਸੇਂ ਸੋਊ । ਪੂਛਤ ਭਯੋ ਮੁਨੀਸ਼ਰ ਤਾਂਹੀ । ਕੰਨ ਕੰਨਯਾਂ ਤੂੰ  
 ਬਨਮਾਂਹੀ ॥ ੫੦ ॥ ਕੰਨਯਾ ਸਾਂਜੁਲ ਕੀਨਬਖਾਂਨ । ਧਯਾਨ ਧਾਰਿ  
 ਮੁਨਿ ਲੇਹੁ ਪਛਾਨ । ਤਬ ਮੁਨਿ ਧਿਆਨ ਧਾਰ ਸਭ ਜਾਂਨ ।  
 ਕੀਨੋ ਤਾਂ ਪ੍ਰਤਿ ਏਹ ਬਖਾਨ ॥ ੫੧ ॥ ਤੇ ਅਭਿਲਾਖਾ ਮੈਂ ਸਭ  
 ਪਾਈ । ਮੋਤੇ ਸੁਤ ਤੂੰ ਚਹੇਂ ਉਪਾਈ । ਦਾਰੁਣ ਸਾਯੀ ਵੇਲਾ  
 ਆਈ । ਸੁਤ ਅਭਿਲਾਖਾ ਰੂਪ ਸੁਹਾਈ ॥ ੫੨ ॥ ਦਾਰੁਣ ਦੇ  
 ਸੁਤ ਰਾਖਸ਼ ਭਾਰੀ । ਹੋਵੇਂਗੇ ਤੇ ਉਦਰ ਮਝਾਰੀ । ਕੰਨਯਾਮੁਨਿ  
 ਸਰਦੂਲ ਅਲਾਏ । ਤੋਤੇ ਯਾ ਬਿਧਿ ਕੇ ਸੁਤ ਪਾਏ ॥ ੫੩ ॥  
 ਤਬ ਤਾਂਕੋ ਮੁਨਕੀਯੋ ਬਖਾਨ । ਪਸਰਮ ਸੁਤ ਹੈ ਹੈ ਮਤਿਮਾਨ ।  
 ਮਹਾਂ ਭਾਗਵਤ ਜੱਸ ਕੇ ਆਇਣ । ਰਾਮ ਭਗਤਿ ਮੈ ਪਰਮ  
 ਪਰਾਇਣ ॥ ੫੪ ॥ ਐਸੇ ਮੁਨਿਵਰ ਭਾਖਯੋ ਜਬਹੀਂ । ਕਾਲ  
 ਪਾਇ ਸੁਤ ਉਪਜੇ ਤਬਹੀ । ਪ੍ਰਥਮੈ ਰਾਵਣ ਭਯੋ ਮਹਾਨ ।  
 ਬੀਸ ਭੁਜਾ ਦਸ ਸਿਰ ਪਹਿਚਾਨ ॥ ੫੫ ॥ ਰਾਵਣ ਭਯੋ  
 ਭਵਾਂਨੀ ਜਬਹੀ । ਭਯੋ ਭੂਕੰਪ ਜਗਤ ਮੈਂ ਤਬਹੀ । ਜਗਤ  
 ਬਿਨਾਸਨ ਕਾਰਣ ਜੇਈ । ਭਏ ਨਮਿੱਤ ਅਖਲ ਪੁਨਿ ਤੇਈ ॥  
 ੫੬ ॥ ਕੰਭਕਰਣ ਪੁਨਿ ਜਯੋ ਮਹਾਂਨ । ਜਾਂਕੋ ਦੇਹ ਪਹਾਰ  
 ਸਮਾਨ । ਉਪਜੀ ਰਾਵਣ ਬਹਿਨ ਸਹੋਦਰ । ਸੂਪਨਖਾ ਤਹਿ



ਨਾਮ ਮਹੋਦਰ ॥ ੫੭ ॥ ਬਹੁਰ ਵਿਭੀਖਣ ਜਨਮ ਸੁ ਪਾਯੋ ।  
 ਸ਼ਾਂਤ ਆਤਮਾ ਪਰਮ ਸੁਹਾਯੋ । ਕਰਮ ਪਰਾਇਣ ਨੇਤ ਅਹਾਰ  
 । ਨਿਸ ਵਿਨ ਬੇਦ ਸੁ ਪੜ੍ਹੇ ਉਦਾਰ ॥ ੫੮ ॥ ਕੰਭ ਕਰਨ  
 ਦੁਸ਼੍ਰਾਤਮ ਜੋਈ ॥ ਚੁਨਿ ਚੁਨਿ ਖਾਇ ਦੁਜਾਤੀ ਸੋਈ । ਰਿਖਿ  
 ਸੰਬੁਹੁ ਜਿਹ ਠੌਰ ਨਿਹਾਰੇ । ਦਾਰੁਣ ਤਾਂਹਿ ਪਕਰ ਮੁਖ ਡਾਰੇ ॥  
 ੫੯ ॥ ਰਾਵਣ ਭਯੋ ਮਹਾ ਬਲਧਾਰੀ । ਲੋਕਨ ਕੋ ਡਰੁ ਦੇਵੇ  
 ਭਾਰੀ । ਰਾਵਣ ਜੀਵਨ ਰੋਗ ਸਮਾਨ । ਲੋਕ ਨਾਸ ਹਿਤ ਵਧੇ  
 ਮਹਾਨ ॥ ੬੦ ॥ ਸਭ ਕੇ ਉਰਮੈ ਅਰਥ ਸੁ ਜੋਈ । ਚੁਨਿ ਚੁਨਿ  
 ਖਾਇ ਦੁਜਾਤੀ ਸੋਈ । ਵਿਗਯਾਨ ਦ੍ਰਿਸ਼ਟਿ ਸਾਖੀ ਤੂੰ ਆਹਿ  
 । ਬਸੇ ਸਰਬ ਕੇ ਹਿਰਦੇ ਮਾਂਹਿ ॥ ੬੧ ॥ ਤੂੰ ਪਰਮੇਸ਼ਰ ਨਿਰ  
 ਮਲ ਰੂਪ । ਨਿੱਤ ਉਵਿੱਤ ਹੈ ਤੋਹਿ ਸਰੂਪ । ਤੇ ਲੀਲਾਮਨੁਜਾ  
 ਕ੍ਰਿਤ ਧਾਰੀ । ਨਿਜ ਮਹਿਮਾ ਗੁਣ ਮਾਇ ਮੁਰਾਰੀ ॥ ੬੨ ॥  
 ਲੀਲਾਵਤ ਤਵ ਪ੍ਰੇਰਯੋ ਮੋਹੀ । ਰਾਖਸ਼ ਜਨਮ ਕਹਯੋ ਮਮ  
 ਤੋਹੀ । ਕੇਵਲ ਰਾਮ ਸਰੂਪ ਤੁਮਾਰਾ । ਮੈਂ ਜਾਨੋ ਜੋ ਅਹੈ  
 ਉਦਾਰਾ ॥ ੬੩ ॥ ਅਨੰਤ ਅਚਿੰਤ ਸ਼ਕਤਿ ਚਿਤ ਰੂਪ । ਅਜ  
 ਅਖਰ ਵਿਦਤਾਤਮ ਰੂਪ । ਤੂੰ ਨਿਜ ਰੂਪ ਪਰਾਇਣ ਦੇਵ ।  
 ਗੂਢ ਅਹੇ ਜਗ ਅਲਖ ਅਭੇਵ ॥ ੬੪ ॥ ਦੋਹਰਾ ॥ ਤੇਰੀ  
 ਕਿਰਪਾ ਤੇ ਫਿਰੋਂ ਜਗ ਮੈ ਸੁਖੀ ਮੁਰਾਰਿ । ਔਰ ਸੁ ਫੇਕਟ  
 ਧਰਮ ਹੈਂ ਤੇਰੇ ਸਿਮਰਣ ਸਾਰ ॥ ੬੫ ॥ ਸਵੈਯਾ ॥ ਇਹ  
 ਭਾਂਤਿ ਕਹਯੋ ਮੁਨਿ ਜਾਂ ਗਿਰਜਾ ਤਬ ਆਪ ਰਘੂਤਮ ਵਾਕ  
 ਅਲਾਏ । ਮਨਵੰਸ ਪਵਿਤ੍ਰ ਸੁ ਕੀਰਤ ਜਾ ਘਟਿਕੇ ਸੁਤ ਕੇ



ਹਸਿ ਰਾਮ ਬਤਾਏ । ਇਹ ਮਾਇਕ ਹੈ ਸਭ ਜੋ ਪਿਖੀਏ ਜਨ  
 ਹੋਇ ਅਨੰਦ ਸੁ ਮੇਂ ਜਸੁਗਾਏ । ਮੁਨਿ ਪੁੰਗਵ ਮੇਂ ਜਗ ਗਾਇਨ  
 ਜੋ ਖਿਣ ਏਕ ਬਿਖੈ ਸਭ ਪਾਪ ਮਿਟਾਏ ॥ ੬੬ ॥ ਇਤਿ ਸ੍ਰੀ  
 ਮਤਿ ਅਧਿਆਤਮ ਰਾਮਾਇਣੇ ਉਮਾ ਮਹੇਸ਼ੁਰ ਸੰਬਾਦੇ ਉਤਰ  
 ਕਾਂਡੇ ਪ੍ਰਥਮੇ ਧਿਆਇ ॥ ੧ ॥

॥ ਕਬਿਵਾਰ ॥ ਦੋਹਰਾ ॥

ਅਗਸਤ ਬਖਾਨੇ ਰਾਮ ਕੇ ਗਿਰਜਾ ਕਹੇ ਮਹੇਸ਼ । ਸੂਤ  
 ਬਖਾਨੇ ਰਿਖਿਨ ਕੇ ਕਥਾ ਪ੍ਰਸੰਗ ਵਿਸ਼ੇਸ਼ ॥੧੧॥ ਸ੍ਰੀ ਮਹਾਂਦੇਵ  
 ਉਵਾਚੁ ॥ ਚੌਪਈ ॥ ਬਹੁਰ ਧਨੇਸ਼ੁਰ ਦੇਵ ਕੁਬੇਰ । ਕਿਸੀ  
 ਕਾਲ ਤਹਿ ਆਯੋ ਫੇਰ । ਪੁਸ਼ਪਕ ਮਾਹਿ ਅਰੂਢ ਸੁਹਾਯੋ ।  
 । ਪਿਤ ਪੇਖਨ ਹਿਤ ਸੋ ਤਹਿ ਆਯੋ ॥ ੨ ॥ ਕੈਕਸੀ ਤਾਂ ਕੇ  
 ਨੈਨ ਨਿਹਾਰਾ । ਆਹਿ ਮਹੇਜਾ ਤੇਜ ਅਪਾਰਾ । ਪੁਨ ਸਮੀਪ  
 ਵਹੁ ਸੁਤ ਕੇ ਗਈ । ਰਾਵਣ ਕੇ ਇਮ ਭਾਖਤ ਭਈ ॥ ੩ ॥ ਪੂਤ  
 ਧਨੇਸ਼ੁਰ ਦੇਵ ਨਿਹਾਰੋ । ਜੁਲਤ ਤੇਜ ਦਸ ਦਿਸ ਉਜਾਰੋ ।  
 ਤੂੰ ਪੁਨ ਜਾਂ ਬਿਧਿ ਐਸੇ ਹੋਈ । ਤੈਸੇ ਯਤਨ ਕਰੋ ਸੁਤ ਕੋਈ  
 ॥ ੪ ॥ ਸੁਨ ਰਾਵਣ ਉਰ ਰੁਖ ਬਹੁ ਮਾਨ । ਬੇਗ ਪ੍ਰਤੱਗਯਾ  
 ਕਰੀ ਮਹਾਨ । ਧਨਦ ਸਮਾਨ ਅਧਿਕ ਵਾਮਾਇ । ਹੋਵੋਂ ਬੇਗ  
 ਸੰਤਾਪ ਮਿਟਾਇ ॥੫॥ ਸੁਬ੍ਰਤ ਮਾਤ ਪਿਖੇ ਤਤਕਾਲ । ਐਸੇ  
 ਮੁਖ ਤੇ ਭਾਖ ਬਿਸਾਲ । ਦੁਸ ਕ੍ਰਿਤ ਤਪ ਕਰਣੇ ਉਰ ਮਾਨ  
 । ਉਠਯੋ ਸੁ ਰਾਵਣ ਸੂਰ ਮਹਾਨ ॥ ੬ ॥ ਦੋਹਰਾ ॥ ਫਲਕੇ  
 ਸਿਧਿ ਨਿਮਿਤ ਪੁਨ ਰਾਵਣ ਸਾਨੁਜ ਬੀਰ । ਤੀਰਥ



ਗੋ ਕਰਣਿ ਗਯੋ ਲਗੋ ਕਰਣ ਤਪ ਧੀਰ ॥ ੭ ॥ ਚੌਪਈ ॥  
 ਅਪਨੋ ਅਪਨੋ ਨੇਮ ਸੁਧਾਰ । ਲਾਗੋ ਤਪਸਾ ਕਰਣ ਉਦਾਰ ।  
 ਕੁੰਭ ਕਰਣ ਤਪ ਘੋਰ ਸੁ ਕਰਿਯੋ । ਲੋਕਨ ਕੋ ਬਹੁ ਤਾਪ  
 ਬਿਬਰਯੋ ॥ ੮ ॥ ਦਸ ਹਜ਼ਾਰ ਬਰਖ ਬਲਵਾਂਨ । ਕੁੰਭ ਕਰਣ  
 ਤਪ ਕਰਯੋ ਮਹਾਂਨ । ਧਰਮ ਸਰੂਪ ਵਿਭੀਖਣ ਜੋਈ । ਸੱਤ  
 ਧਰਮ ਪਰਾਇਣ ਸੋਈ ॥ ੯ ॥ ਪੰਜ ਹਜ਼ਾਰ ਬਰਖ ਤਪਧਾਰ  
 । ਠਾਢੋ ਭਯੋ ਏਕ ਪਦਧਾਰ । ਰਾਵਣ ਕਰੀ ਤਪੱਸਯਾ ਜੋਈ  
 । ਅਬ ਸੁਨੀਯੋ ਉਰ ਨੀਕੇ ਸੋਈ ॥ ੧੦ ॥ ਦਿਬ ਹਜ਼ਾਰ  
 ਬਰਖ ਤਪ ਧਾਰਾ । ਰਹਯੋ ਇਕੰਤ ਨ ਕੀਨ ਅਹਾਰਾ । ਦਸ  
 ਹਜ਼ਾਰ ਪੂਰਣ ਭਯੋ ਜਬਹੀਂ । ਕਾਟਿ ਸੀਸ ਹੋਮਯੋ ਤਿਨ ਤਬ  
 ਹੀਂ ॥ ੧੧ ॥ ਨਵ ਹਜ਼ਾਰ ਬਰਖ ਇਵ ਗਯੋ । ਨਵ ਸਿਰ ਕਾਟਿ  
 ਸੁ ਹੋਮਤ ਭਯੋ । ਦਸ ਹਜ਼ਾਰ ਬਰਖ ਜਬ ਆਯੋ । ਰਾਵਣ ਤੋ  
 ਮਨਮੈਂ ਬਿਗਸਾਯੋ ॥ ੧੨ ॥ ਕਾਟਨ ਲਗੋ ਦਸਮ ਸਿਰ  
 ਜਬਹੀਂ । ਆਪ ਪ੍ਰਜਾ ਪਤਿ ਆਏ ਤਬਹੀਂ । ਪੂਤ ਪੂਤ ਦਸ-  
 ਕੰਠ ਉਦਾਰ । ਮੈਂ ਪ੍ਰਸੰਨ ਇਮ ਕੀਨ ਉਚਾਰ ॥ ੧੩ ॥ ਵਰ  
 ਮਾਂਗੋ ਉਰ ਚਾਹੋ ਜੋਈ । ਦੇਉਂ ਪੂਤ ਖਿਣ ਭੀਤਰ ਸੋਈ ।  
 ਰਾਵਣ ਯਾ ਬਿਧਿ ਜੋ ਸੁਨ ਪਾਯੋ । ਹਰਖ ਭਯੋ ਉਰ ਬਚਨ  
 ਅਲਾਯੋ ॥ ੧੪ ॥ ਜੋ ਤੁਮ ਹੋ ਵਰ ਦੇਵਣ ਹਾਰੇ ॥ ਅਮ੍ਰਿਤ  
 ਤੁਮ ਮਮ ਦੇਹੁ ਉਦਾਰੇ । ਨਾਗ ਸੁ ਪਰਣ ਸੁਰਾ ਸੁਰ ਜੇਤੇ ।  
 ਮੋਕੋ ਮਾਰ ਸਕੈ ਨਹਿੰ ਤੇਤੇ ॥ ੧੫ ॥ ਮਾਨਵਹੈਂ ਜਗ ਭੀਤਰ  
 ਜੋਈ ॥ ਮੇਰੇ ਆਗੇ ਤ੍ਰਿਣ ਸਮ ਸੋਈ । ਯਾ ਬਿਧ ਰਾਵਣ ਵਰਹਿ ਸੁ



ਨਾਯੋ। ਬ੍ਰਹਮਾ ਤਾਕੋ ਤਥਾ ਅਲਾਯੋ ॥੧੬॥ ਪੁਨਿ ਕਮਲਾ-  
 ਸਨ ਭਾਖਯੋ ਏਹੀ। ਅਗਿਨ ਮਾਂਹਿ ਸਿਰ ਹੋਮੇ ਜੇਈ। ਪੂਰਬ  
 ਜਯੋ ਉਪਜੋਗੇ ਤੇਈ। ਪੁੰਗਵ ਅਸੁਰ ਸੁਜਾਨੋਂ ਏਈ ॥ ੧੭ ॥  
 ਰਾਵਣ ਕੋ ਇਹ ਭਾਂਤਿ ਬਖਾਨ। ਰਾਮ ਪ੍ਰਜਾ ਪਤਿ ਦੇਵ  
 ਮਹਾਂਨ। ਵਿਭੀਖਣ ਕੀ ਢਿਗ ਗਯੋ ਸੁ ਜਬਹੀ। ਵਿਭੀਖਣ  
 ਕਰੀ ਬੰਦਨਾਂ ਤਬਹੀ ॥੧੮॥ ਤਬ ਬ੍ਰਹਮਾ ਇਹ ਬਚਨ ਉ  
 ਚਰਿਯੋ। ਵਿਭੀਖਣ ਵਸਤ ਤੋਹਿ ਤਪ ਕਰਿਯੋ। ਧਰਮ ਨਮਿਤ  
 ਬਡੋ ਤਪ ਧਾਰਾ। ਤੂੰ ਜਗ ਮੈ ਹੈਂ ਪਰਮ ਉਦਾਰਾ ॥ ੧੯ ॥  
 ਅਭਿਮਤ ਤੋਕੋ ਹਿਤਵਰ ਜੋਈ। ਮਾਂਗਉ ਪੂਤ ਦੇਉਂ ਤਵ ਸੋਈ  
 । ਵਿਭੀਖਣ ਪਦ ਬੰਦਨ ਪੁਨਿ ਧਾਰੀ। ਕਰਿ ਅੰਜੁਲ ਪੁਨਿ  
 ਕੀਨ ਉਚਾਰੀ ॥ ੨੦ ॥ ਦੇਵ ਸਦਾ ਮੇਰੀ ਮਤਿ ਜੋਈ। ਧਰਮ  
 ਮਾਂਹਿ ਵਿਢ ਨੀਕੇ ਹੋਈ। ਅਧਰਮ ਮਾਂਹਿ ਰੁਚ ਕਦੇ ਨ ਧਾਰੇ  
 । ਜਹਿ ਜਹਿ ਰਹੋਂ ਸੁ ਜਗਤ ਮਝਾਰੇ ॥ ੨੧ ॥ ਭਯੋ ਪ੍ਰਸੰਨ  
 ਪ੍ਰਜਾਪਤ ਧੀਰ। ਕਹਯੋ ਵਿਭੀਖਣ ਕੋ ਰਘੁਬੀਰ। ਧਰਮਸੀਲ  
 ਤੂੰ ਹੈ ਜਗ ਮਾਹੀਂ। ਹੋਵੇਗੋ ਤੈਸੇ ਭਵਮਾਹੀਂ ॥ ੨੨ ॥ ਬਿਨ  
 ਮਾਂਗੇ ਅਮ੍ਰਿਤ ਰਸੁ ਜੋਈ। ਤੋਕੋ ਦਯੋ ਵਿਭੀਖਣ ਸੋਈ। ਕੰਭ  
 ਕਰਣ ਕੋ ਬਹੁਰ ਬਖਾਨਯੋ। ਮਾਂਗੋ ਵਰ ਜਾਂ ਹਿਤ ਤਪੁ ਠਾਨਯੋ  
 ॥ ੨੩ ॥ ਬਾਂਣੀ ਤਾਂ ਮੁਖ ਮਾਂਹਿ ਸਮਾਨੀਂ। ਕੰਭ ਕਰਣ ਇਹ  
 ਕੀਨ ਬਖਾਂਨੀ। ਖਸ਼ੁਮਾਸ ਸੋਵੋਂ ਜਗ ਮਾਹੀਂ। ਭੋਜਨ ਕਰੋਂ ਸੁ  
 ਇਕ ਦਿਨ ਮਾਹੀਂ ॥ ੨੪ ॥ ਬ੍ਰਹਮਾ ਤਾਂਕੋ ਤਥਾ ਬਖਾਨਯੋ  
 । ਦੇਵਨ ਸਹਿਤ ਹਰਖ ਉਰਮਾਨਯੋ। ਨਿਕਸ ਸੁਰਸਤੀ ਤਾਂ



ਮੁਖ ਗਈ । ਸੂਰਗ ਲੋਕ ਵਹਿ ਜਾਵਤ ਭਈ ॥੨੫॥ ਦੁਸ਼ਾਤਮ  
 ਕੰਭ ਕਰਣ ਥੋ ਜੋਈ । ਚਿੰਤਤ ਭਯੋ ਦੁਖਤ ਉਰ ਹੋਈ ।  
 ਬਲੀ ਬਿਧਾਤਾ ਕੀ ਬਿਧ ਆਹਿ । ਅਨਿੱਛਾ ਤੇ ਨਿਕਸਿਓ  
 ਮੁਖ ਮਾਂਹਿ ॥੨੬॥ ਦੁਹਿਤੂਨ ਕੋ ਵਰ ਲਬਧ ਪਛਾਂਨ । ਸੁ  
 ਮਾਲੀ ਨਾਮ ਦੈਤ ਬਲਵਾਨ । ਪ੍ਰਹਸੁ ਆਦਿ ਕੋ ਸੰਗ ਲਯਾਯੋ  
 । ਪਤਾਲ ਲੋਕ ਤੇ ਬਾਹਰ ਆਯੋ ॥੨੭॥ ਰਾਵਣ ਕੋ ਉਰ ਮਾਂਹਿ  
 ਲਗਾਯੋ । ਵਚਨ ਸੁ ਮੁਖਤੇ ਏਹ ਅਲਾਯੋ । ਭਲਾ ਭਯਾ ਸੁਤ  
 ਤੈਂ ਵਰ ਪਾਏ । ਵਾਂਛਤ ਮੋਹਿ ਮਨੋਰਥ ਆਏ ॥ ੨੮ ॥ ਜਾਂ ਕੇ  
 ਭਯ ਕਰ ਲੰਕਾ ਤਯਾਗੀ । ਗਏ ਰਸਾਤਲ ਮੈਂ ਹਮ ਭਾਗੀ ।  
 ਮਹਾਂ ਬਿਸ਼ਨ ਕੋ ਡਰ ਥੋ ਜੋਈ । ਭਯੋ ਨਿਵਿਰਤ ਮਹਾਂ ਭੁਜ  
 ਸੋਈ ॥ ੨੯ ॥ ਲੰਕਾ ਨਗਰੀ ਆਹਿ ਹਮਾਰੀ । ਪੂਰਬ ਬਸੇ ਸੁ  
 ਤਾਂਹਿ ਮਝਾਰੀ । ਧਨਦ ਤੁਮਾਰੋ ਜੋ ਯਹਿ ਭਾਈ । ਭਾਹਿ ਦਬਾ  
 ਈ ਲੇਹੁ ਛਡਾਈ ॥ ੩੦ ॥ ਸਾਮ ਪਰਾਕ੍ਰਮ ਜਾ ਬਿਧ ਬਨੇਂ । ਭੂ  
 ਪਤਿ ਬੰਧੁ ਸੁ ਹਿਰਦਨ ਗਨੇਂ । ਐਸੇ ਜਬੈ ਸੁਮਾਲ ਬਖਾਨਯੋ  
 । ਰਾਵਣ ਤਾਂਹਿ ਨਿਖੇਧ ਸੁ ਠਾਨਯੋ ॥ ੩੧ ॥ ਐਸੇ ਕਹਨ ਨ  
 ਲਾਇਕ ਤੇਰੇ । ਧਨਦ ਭ੍ਰਾਤ ਹੈਂ ਗੁਰ ਜਗਮੇਰੇ । ਐਸੀ ਸੁਨਿ  
 ਰਾਵਣ ਕੀ ਬਾਨੀ । ਬਹੁਰ ਪ੍ਰਹਸੁ ਸੁ ਤਾਂਹਿ ਬਖਾਨੀ ॥ ੩੨ ॥  
 ਸੂਰ ਹੋਹਿ ਜਗ ਭੀਤਰ ਜੇਤੇ । ਭਾਈ ਬੰਧੁ ਨ ਮਾਨੇ ਤੇਤੇ ।  
 ਬਚਨ ਕਹੋਂ ਸੁਨੀਏ ਅਬ ਸੋਈ । ਬਹੁਰਿ ਕਰੋ ਜੋ ਉਰ ਰੁਚਿ  
 ਹੋਈ ॥ ੩੩ ॥ ਸੂਰ ਅਰੁ ਅਸੂਰ ਅਹੇ ਜਗ ਜੇਤੇ । ਕੱਸਯਪ  
 ਕੇ ਸੁਤ ਸਗਲੇ ਤੇਤੇ । ਲਰੇ ਪਰਸਪਰ ਆਯੁਧ ਮਾਰੇ । ਸੁ



ਹਿਰਦ ਭਾਵ ਸਭ ਦੂਰ ਨਿਵਾਰੇ ॥ ੩੮ ॥ ਠਹਿ ਰਾਜਨ ਯਹਿ  
 ਬਾਤ ਨਵੀਨੋ । ਦੇਵਨ ਦੈਤ ਪ੍ਰਥਮ ਜਗ ਕੀਨੋ । ਸੁਨਯੋ ਪ੍ਰਹਸੁ  
 ਵਾਕ ਯਹਿ ਜਬਹੀਂ । ਰਾਵਣ ਕੇ ਮਨ ਆਯੋ ਤਬਹੀਂ ॥ ੩੫ ॥  
 ਰਾਵਣ ਮੁਖਤੇ ਤਬਾ ਬਖਾਨ । ਕ੍ਰੋਧ ਕੀਓ ਉਰ ਮਾਂਹਿ ਮਹਾਂਨ  
 । ਤਾਂਮ੍ ਨੈਨ ਕ੍ਰੋਧ ਕੈ ਭਏ । ਚਢਿ ਲੰਕਾ ਕੇ ਪਰਬਤ ਗਏ  
 ॥ ੩੬ ॥ ਦੂਤ ਪ੍ਰਹਸੁ ਪਠਾਯੋ ਜਬਹੀਂ । ਧਨਦ ਨਿਕਾਰ ਲੰਕ  
 ਲਈ ਤਬਹੀਂ । ਰਾਵਣ ਲਏ ਬਜੀਰ ਸੁ ਸਾਬ । ਲੰਕਾ ਬਾਸੁ  
 ਕੀਓ ਰਘੁਨਾਥ ॥ ੩੭ ॥ ਧਨਦ ਪਿਤਾ ਕੇ ਵਾਕ ਸੁ ਮਾਂਨ ।  
 ਲੰਕਾ ਛੋਡਿ ਸੁ ਬੈਠ ਬਿਬਾਨ । ਜਾਇ ਕੈਲਾਸੁ ਸਿਖਰ ਮੈਂ  
 ਚਰਿਓ । ਤਪ ਕਰ ਸ਼ੰਭ ਪ੍ਰਸੰਨ ਸੁ ਕਰਿਓ ॥ ੩੮ ॥ ਤਾਂਕੋ  
 ਸਖਾ ਸੁ ਭਯੋ ਨਵੀਨੋਂ । ਸ਼ਿਵ ਤਾਂਕੋ ਅਭਿ ਬੰਦਨ ਕੀਨੋ ।  
 ਨਗਰੀ ਅਲਕਾ ਮਾਂਹਿ ਸੁਹਾਈ । ਵਿਸਕਰਮਾ ਤੇ ਸ਼ਿਵ ਬਨ  
 ਵਾਈ ॥ ੩੯ ॥ ਨਗਰੀ ਦਈ ਕਰਯੋ ਦਿਗ ਪਾਲਾ । ਸ਼ਿਵ  
 ਤਾਂਕੀ ਕੀਨੀ ਪ੍ਰਤਿਪਾਲਾ । ਰਾਵਣ ਰਾਖਸ਼ ਸਹਿਤ ਸੁਹਾਯੋ ।  
 ਸਾਨੁਜ ਲੰਕਾ ਰਾਜ ਸੁ ਪਾਯੋ ॥ ੪੦ ॥ ਰਾਜ ਕੀਓ ਤਹਿ  
 ਅਸੁਰਨ ਕੇਰੋ । ਤਿਲੋਕੀ ਕੇ ਦੁਖਿ ਦੇਇ ਘਨੇਰੋ । ਭਗਨੀ  
 ਕਾਲ ਖੰਡ ਕੇ ਦਈ । ਵਿਕਟ ਰੂਪ ਜਗ ਮੈਂ ਨਿਰਮਈ ॥ ੪੧ ॥  
 ॥ ਵਿਦਤ ਜਿਹ ਥਾ ਨਾਮ ਮਹਾਂਨ । ਮਹਾਂ ਬਲੀ ਸੁ ਨਿਸਾਰਰ  
 ਜਾਨ । ਰਾਖਸ਼ ਕੇ ਵਿਸਕਰਮਾਂ ਜੋਈ ॥ ਮਯ ਦਾਨੋ  
 ਦਿਤ ਕੇ ਸੁਤ ਕੋਈ ॥ ੪੨ ॥ ਦੁਹਿਤਾ ਤਾਂਹਿ ਮੰਦੋਦਰ  
 ਨਾਮਾਂ । ਯੋਬਨ ਰੂਢ ਰੂਪ ਕੀ ਧਾਮਾਂ । ਰਾਵਣ ਕੇ ਤਿਨ



ਆਪ ਸੁ ਦੀਨੀਂ । ਸਫਲ ਸਕਤਿ ਦੈ ਪ੍ਰੀਤ ਸੁ ਕੀਨੀਂ ॥੪੩॥  
 ਵਿਰੋਚਨ ਕੀਨ ਸੁ ਦੁਹਿਤੀ ਅਹੈ । ਬ੍ਰਿਭੁ ਜੁਆਲਾ ਲੋਕ ਸੁ  
 ਕਹੈ । ਕੁੰਭਕਰਣ ਸੋ ਬਜਾਹਨ ਕੀਨੀਂ । ਰਾਵਣ ਆਪਿਪਿਤਾ  
 ਜਬ ਦੀਨੀਂ ॥ ੪੪ ॥ ਗੰਧਰਬ ਰਾਜ ਸੈਲੁ ਸੁਖ ਮਾਨਾਂ । ਤਾਂ  
 ਕੀ ਸੁਤਾ ਰੂਪਕੀ ਧਾਮਾ । ਧਰਮ ਸੀਲ ਮਤਿ ਮਾਂਨ ਪ੍ਰਬੀਨੀਂ  
 । ਰਾਵਣ ਬਜਾਹਿ ਵਿਭੀਖਣ ਦੀਨੀਂ ॥ ੪੫ ॥ ਸਰਮਾਂ ਨਾਮ  
 ਬਡੀ ਸੁਖਦਾਈ । ਸੁਭ ਲੱਖਨ ਗੁਨ ਰੂਪ ਸੁਹਾਈ । ਬਹੁਰ  
 ਮੰਦੋਦਰ ਭਈ ਪ੍ਰਸੂਤ । ਮੇਘਨਾਦ ਜਾਯੋ ਤਿਨ ਪੂਤ ॥ ੪੬ ॥  
 ਜਨਮ ਸਮੇਂ ਵਹੁ ਗਾਜਯੋ ਐਸੇ । ਨਾਦਿ ਕਰੇਸਾਵਨ ਘਨ  
 ਜੈਸੇ । ਸਰਬ ਲੋਕ ਬੋਲੇ ਤਬ ਰਾਮ । ਮੇਘਨਾਦ ਯਾਂਕੋ ਹੈ  
 ਨਾਂਮ ॥ ੪੭ ॥ ਕੁੰਭਕਰਣ ਪੁਨਿ ਕਹਯੋ ਨਰੇਸ਼ । ਨਿੰਦ੍ਰਾ ਮੋ  
 ਕੇ ਦੇਤ ਕਲੇਸ਼ । ਤਬ ਇਕ ਗੁਹਾ ਕਰਾਇ ਬਿਸਾਲ । ਅਤਿ  
 ਲਾਂਬੀ ਪੁਨਿ ਧਸੀ ਪਤਾਲ ॥ ੪੮ ॥ ਨਿੰਦ੍ਰਾ ਪਾਇ ਮੂਢ ਅਤਿ  
 ਹੋਯੋ । ਤਾਂ ਮੈਂ ਕੁੰਭਕਰਣ ਜਬ ਸੋਯੋ । ਰਾਵਣ ਲੋਕ ਰੁਵਾਵਨ  
 ਹਾਰੇ । ਕੀਨ ਉਪਦ੍ਰਵ ਲੋਕ ਮਝਾਰੇ ॥ ੪੯ ॥ ਬ੍ਰਹਮਨ ਰਿਖ  
 ਸੰਬੁਹ ਸੁ ਦਾਂਨਵ । ਕਿੰਨਰ ਦੇਵ ਬਧੂ ਪੁਨਿ ਮਾਨਵ । ਮਹੋ  
 ਦਰ ਲੋ ਹੋਯੋ ਜਗ ਜੇਤੇ । ਮਾਰ ਦੁਖਾਏ ਸਗਲੇ ਤੇਤੇ ॥੫੦॥  
 ਸੁਨੀ ਕੁਬੇਰ ਜਬੈ ਯਹਿ ਬਾਤ । ਰਾਵਣ ਕੀਨ ਸੁ ਬਡ ਉਤ-  
 ਪਾਤ । ਤਬ ਕੁਬੇਰ ਨੇ ਦੂਤ ਪਠਾਏ । ਅਧਰਮ ਕਰੇ ਨਹਿੰ ਏਹ  
 ਅਲਾਏ ॥ ੫੧ ॥ ਸੁਨਿ ਦਸ ਗ੍ਰੀਵ ਭਯੋ ਦੁਖ ਭਾਰਾ ॥ ਬੇਗ  
 ਗਯੋ ਚਢ ਧਨਦ ਅਗਾਰਾ । ਜੀਤ ਧਨੇਸੁਰ ਕੋ ਬਸੁ ਕੀਨੋਂ ।



ਪੁਸਪਕ ਭਾਂਹਿ ਬਿਬਾਨਹਿ ਲੀਨੋਂ ॥੫੨॥ ਵੇਰ ਕਰੀ ਯਮ  
 ਪੁਰ ਮੈਂ ਧਾਈ । ਧਰਮ ਰਾਇ ਸੋਂ ਕਰੀ ਲਰਾਈ । ਸਭ ਯਮ  
 ਦੂਤ ਤਹਾਂ ਚੁਨਿ ਘਾਏ । ਧਰਮ ਰਾਇਕੋ ਦਯੋ ਭਗਾਏ ॥੫੩॥  
 ਬਹੁਰ ਵਰਣ ਕੇ ਜੀਤਯੋ ਜਾਈ । ਸੂਰਗ ਲੋਕ ਪੁਨਿ ਕਰੀ  
 ਚੜ੍ਹਾਈ । ਦੇਵ ਰਾਜ ਮਾਰਣ ਕੀ ਚਾਹਿ । ਬਡੀ ਦਸਾਨਨਕੇ  
 ਉਰ ਮਾਹਿ ॥ ੫੪ ॥ ਤੁਮਲ ਯੁੱਧ ਅਮਰਾ ਪੁਰਭਯੋ । ਦੇਵਨ  
 ਸਾਥ ਦਸਾਨਨ ਕਯੋ । ਬਹੁਰਿ ਸੁਰੇਸੁਰਿ ਯੁੱਧਿ ਸੁ ਕੀਨੋਂ ।  
 ਰਾਵਣ ਕੇਸਨ ਤੇ ਗਹਿ ਲੀਨੋਂ ॥ ੫੫ ॥ ਅਮਰਾ ਪੁਰ ਮੈਂ  
 ਬਾਂਧੇ ਤਾਤ । ਮੇਘਨਾਦ ਯਹਿ ਸੁਨੀ ਸੁ ਬਾਤ । ਬੇਗ ਪ੍ਰਤਾਪ  
 ਵਾਨ ਚਢਿ ਗਯੋ । ਦੇਵਨ ਸਾਥ ਬਡੇ ਰਣ ਕਯੋ ॥ ੫੬ ॥  
 ਜੀਤ ਸੁਰੇਸੁਰ ਬਾਂਧਯੋ ਜਬਹੀਂ । ਬੇਗ ਛੁਡਾਇ ਪਿਤਾ ਨਿਜ  
 ਤਬਹੀਂ । ਇੰਦਰਕੋ ਲੰਕਾ ਗਹਿ ਲਯਾਯੋ । ਕਾਰਾਗ੍ਰਹ ਕੇ  
 ਬੀਚ ਸੁ ਪਾਯੋ ॥ ੫੭ ॥ ਬ੍ਰਹਮਾਂ ਆਪ ਤਹਾਂ ਚਲਿ ਆਏ ॥  
 ਮੇਘਨਾਦ ਤੇ ਇੰਦ੍ਰ ਛੁਡਾਏ । ਮੇਘਨਾਦ ਕੋ ਬਹੁ ਬਰ ਦਏ ॥  
 ਬ੍ਰਹਮਾ ਬਹੁਰ ਭੋਨ ਨਿਜ ਗਏ ॥ ੫੮ ॥ ਰਾਵਣ ਲੋਕਨ  
 ਜੀਤਤ ਭਯੋ । ਕ੍ਰਮਹੀ ਕ੍ਰਮ ਕੈਲਾਸਹੀ ਗਯੋ । ਮਹਾਂ ਭੁਜਾ ਕੋ  
 ਅੰਤਰ ਡਾਰ ॥ ਤੋਲਤ ਭਯੋ ਕੈਲਾਸ ਪਹਾਰ ॥ ੫੯ ॥ ਤਬ  
 ਨੰਦੀਸੁਰ ਦਯੋ ਸਰਾਪ । ਬਾਂਦਰ ਤੇਰੇ ਹਰੇਂ ਪ੍ਰਤਾਪ । ਮਾਂਨਵ  
 ਤੋਹਿ ਹਨੇਂ ਸੰਗ੍ਰਾਮ । ਨੰਦੀਸੁਰ ਕੁਪਿ ਭਾਖਯੋ ਰਾਮ ॥ ੬੦ ॥  
 ਦੋਹਰਾ ॥ ਭਯੋ ਸ੍ਰਾਪ ਨਹਿ ਗਨੇਂ ਸਠ ਰਾਵਣ ਉਰ ਗਰ  
 ਬਾਇ । ਸਹੰਸ੍ਰ ਬਾਹੂ ਨਗਰ ਪ੍ਰਤਿ ਗਯੋ ਲਰਨ ਹਿਤ ਧਾਇ



॥ ੬੧ ॥ ਚੌਪਈ ॥ ਤਾਂ ਪੁਰ ਨਿਕਟ ਨਰਬੁਦਾ ਤੀਰ । ਡੇਰਾ  
 ਕੀਯੋ ਦਸਾਨਨ ਬੀਰ । ਰਾਵਣ ਤਹਾਂ ਨਰਬੁਦਾ ਨ੍ਹਾਏ । ਸ਼ਿਵ  
 ਪੂਜਨ ਹਿਤ ਫੂਲ ਮੰਗਾਏ ॥ ੬੨ ॥ ਕੁਸ ਆਸਨ ਪਰ ਡਾਰ  
 ਪਦੰਬਰ । ਕੀਨੋ ਸ਼ਿਵ ਪੂਜਨ ਆਡੰਬਰ । ਹੇਂਮ ਲਿੰਗ ਦਸ  
 ਪਰਮ ਸੁਹਾਏ ॥ ਪੰਚਾਮ੍ਰਿਤ ਸੌਂ ਤਾਹਿ ਨ੍ਹਵਾਏ ॥ ੬੩ ॥ ਤਹੀਂ  
 ਸਮੇਂ ਅਰਜੁਨ ਵਹੁ ਬੀਰਾਨਾਰਿਨ ਸਹਿਤ ਨਰਬੁਦਾ ਨੀਰਾ  
 ਨ੍ਹਾਵਤ ਤਾਂ ਭੁਜ ਦੰਡ ਪਸਾਰੇ । ਥਾਂਭਯੋ ਸਰਬ ਨਰਬੁਦਾ ਵਾਰੇ  
 ॥ ੬੪ ॥ ਉਲਟੇ ਨੀਰ ਤੀਰ ਨਿਕਸਾਨੇਂ । ਰਾਵਣ ਆਸਨ  
 ਫੂਲ ਬਹਾਨੇਂ । ਭਾਂਜਨ ਵਾਰ ਪ੍ਰਵਾਹ ਬਹਾਏ । ਪੂਜਨ ਪੂਜਾ  
 ਸੰਭੁ ਉਠਾਏ ॥ ੬੫ ॥ ਰਾਵਣ ਦੂਤ ਪਠਾਏ ਜਬਹੀਂ । ਪੇਖ  
 ਸਹੰਸੁ ਭੁਜਾ ਨਿਪੁ ਤਬਹੀਂ । ਰਾਵਣ ਪਾਸ ਨਿਵੇਦਨ ਕਰਿਓ  
 । ਰਾਵਣ ਜਾਇ ਤਹਾਂ ਤਿਨ ਲਰਿਓ ॥ ੬੬ ॥ ਬਾਂਧ ਦਸਾਨਨ  
 ਕੋ ਘਰ ਲਿਯਾਯੋ । ਪੁਲਸਤ ਜਾਇ ਪੁਨ ਤਹਾਂ ਛਡਾਯੋ । ਕਿਸ  
 ਕੀਯਾ ਬਾਲੀ ਕੇ ਸਾਥਾ । ਬਹੁਰ ਗਯੋ ਲਰਨੇ ਰਘੁਨਾਥਾ ॥  
 ੬੭ ॥ ਤਾਂਨੇ ਕਾਂਖ ਮਾਂਹਿ ਗਹਿ ਲੀਨੋ । ਚਾਰ ਸਮੁਦ੍ਰ ਭ੍ਰਮਾਵਣ  
 ਕੀਨੋ । ਬਹੁਰ ਆਨ ਘਰਿ ਤਿਆਗਨ ਕਰਯੋ । ਰਾਵਣ ਰਾਮ  
 ਸਖਾਂ ਤਿਨ ਭਰਯੋ ॥ ੬੮ ॥ ਰਾਵਣ ਗਯੋ ਬਹੁਰ ਬਲ ਦੁਆਰੇ  
 । ਬਾਵਣ ਪਾਦ ਅੰਗੂਠਾ ਮਾਰੇ । ਦਸ ਯੋਜਨ ਮੈਂ ਪਰੋ ਸੁਜਾਇ ।  
 ਘਰਿ ਆਯੋ ਉਰ ਮੈਂ ਬਿਸਮਾਇ ॥ ੬੯ ॥ ਮਹਾਂਬਲੀ ਰਾਵਣ  
 ਯਹਿ ਚੀਤ । ਸਗਲ ਲੋਕ ਵਸ ਕੀਨੇ ਜੀਤ । ਭੋਗੇ ਭੋਗ  
 ਸਗਲ ਜਗ ਮਾਂਹੀ । ਰਾਵਣ ਬੈਠ ਲੰਕ ਪੁਰ ਮਾਂਹੀ ॥੭੦॥



ਰਾਵਣ ਇੰਦਰਜੀਤ ਸੁ ਕੇਰੋ। ਯਾਬਿਧਿ ਰਾਮ ਪ੍ਰਭਾਵ ਸੁ ਹੇਰੋ  
 । ਰਾਵਣ ਲੋਕ ਰੁਵਾਵਣ ਹਾਰਾ । ਰਾਮ ਤੁਮੇਂ ਰਣ ਭੀਤਰ  
 ਮਾਰਾ ॥ ੭੧ ॥ ਮੇਘਨਾਦ ਅਤਿ ਬਲ ਥੇ ਜੋਈ । ਰਣ ਮਹਿ  
 ਮਾਰਜੋ ਲਖਮਣ ਸੋਈ । ਕੁੰਭਕਰਣ ਸਮ ਸੈਲ ਅਕਾਰਾ। ਤੈ  
 ਰਣ ਭੀਤਰ ਡਾਰਜੋ ਮਾਰਾ ॥ ੭੨ ॥ ਸਾਖਜਾਤਿ ਨਾਰਾਇਣ  
 ਤੂੰ ਜਗਦਾਦਿ ॥ ਜਗਤ ਸਰੂਪ ਸੁ ਪ੍ਰਭੂ ਅਨਾਦਿ । ਥਾਵਰ  
 ਜੰਗਮ ਜੋ ਜਗ ਮਾਂਹੀ । ਰਾਮ ਸੁ ਤੋਹਿ ਬਿਨਾ ਕਛੁ ਨਾਹੀ ॥  
 ੭੩ ॥ ਤੇਰੋ ਨਾਭਿ ਕਮਲ ਨਿਰਮਯੇ । ਬ੍ਰਹਮਾਲੋਕ ਪਿਤਾ  
 ਮਹਿ ਭਯੋ । ਬਾਲੀ ਸਹਿਤ ਅਗਨਿ ਪੁਨਿ ਜੋਈ । ਤੇ ਮੁਖਤੇ  
 ਉਪਜੀ ਹਰਿ ਸੋਈ ॥ ੭੪ ॥ ਲੋਕ ਪਾਲ ਸਭ ਭੁਜ ਤੇ ਭਯੋ ।  
 ਨੈਨਹੁ ਤੇ ਰਵਿ ਸਸਿ ਨਿਰਮਯੇ । ਦਿਸਾ ਬਿਦਿਸਾ ਜਨੀ ਤਵ  
 ਕਾਨ । ਭਵ ਘ੍ਰਾਨਨ ਤੇ ਉਪਜਿਓ ਪ੍ਰਾਨ । ੭੫ ॥ ਅਸੁਨੀ  
 ਆਹਿ ਕੁਮਾਰ ਸੁ ਜੋਈ । ਉਪਜੇ ਤਵ ਘ੍ਰਾਨਨ ਤੇ ਤੇਈ ।  
 ਜੰਘਾ ਜਾਨਿ ਉਰੁ ਨਿਰਮਯੇ । ਭੁਵਿ ਆਦਿਕ ਸਭ ਲੋਕ ਸੁ  
 ਭਯੇ ॥ ੭੬ ॥ ਕੁਖ ਦੇਸ ਤੇ ਹੈਂ ਭਗਵਾਨਾ । ਚਾਰੋਂ ਸਾਗਰ  
 ਭਯੇ ਮਹਾਂਨਾ । ਇੰਦਰ ਬਰਣ ਸਤਨ ਤੇ ਭਯੇ । ਬਾਲ ਖਿੱਲ  
 ਤੇ ਜਨ ਨਿਰਮਯੇ ॥ ੭੭ ॥ ਮੇਘਰ ਤੇ ਤੈਂ ਯਮ ਉਪਜਾਯੋ ।  
 ਗੁਦ ਤੇ ਮ੍ਰਿਤ ਜਨਮ ਪੁਨਿ ਪਾਯੋ । ਕ੍ਰੋਧਹਿ ਤੇ ਤੈਂ ਨੈਨ  
 ਉਪਾਯੋ । ਹਾਡਨ ਤੇ ਪਰਬਤ ਪ੍ਰਭ ਜਾਯੋ ॥ ੭੮ ॥ ਕੇਸਨ ਤੇ  
 ਘਨ ਸੰਤਤਿ ਭਈ । ਔਖਧਿ ਸਭ ਰੋਮਨਿ ਨਿਰਮਯੀ । ਨਖ  
 ਤੇ ਭਯੇ ਖਰਾਦਿਕ ਦੇਵ । ਵਿਸੁਰੂਪ ਤੂੰ ਅਲਖ ਅਭੇਵ ॥ ੭੯ ॥



ਮਾਇਆ ਸ਼ਕਤਿ ਮਿਲੇ ਰਘੁਰਾਇ । ਨਾਨਾ ਰੂਪ ਸੁ ਦੇਹਿ  
 ਦਿਖਾਇ । ਸਥਾਵਰ ਜੰਗਮ ਜੀਵ ਸੁ ਜੇਈ । ਜੀਵੇ ਤਵ  
 ਅਬਿਲੰਬਨ ਤੇਈ ॥੮੦॥ ਤਵ ਸੰਯੁਕਤ ਸੁ ਨਿਖਲ ਵਿਹਾਰ  
 । ਤੇ ਬਿਨ ਰਾਮ ਸੁ ਸਗਲ ਅਸਾਰ । ਖੀਰ ਬਿਆਪਕ ਹੈ  
 ਜਿਉਂ ਘੀਉ । ਤਿਉ ਤੂੰ ਰਾਮ ਸਗਲ ਕਾ ਜੀਉ ॥ ੮੧ ॥  
 ਦੋਹਰਾ ॥ ਤੇਰੇ ਭਾਸ ਪ੍ਰਕਾਸ਼ ਹੈ ਨਭਿ ਮੈਂ ਰਵਿ ਅਰ ਚੰਦ ।  
 ਤੇ ਨਹਿ ਤੋਹਿ ਪ੍ਰਕਾਸ਼ ਹੈ ਪੂਰਣ ਪਰਮਾਨੰਦ ॥ ੮੨ ॥  
 ਚੌਪਈ ॥ ਸਰਬੱਗ ਨਿੱਤ ਏਕ ਤੂੰ ਅਹੇ । ਗਿਆਨ ਚੱਖੂ  
 ਬਿਰਲਾ ਕੇ ਲਹੇ । ਤਵ ਅਵਿਲੰਬਿ ਬਿਬੁਧ ਸਭ ਜੀਵੇ ।  
 ਯਾਗਨ ਮਾਹਿ ਸੁ ਅੰਮ੍ਰਿਤ ਪੀਵੇ ॥ ੮੩ ॥ ਵਿੱਸੁ ਸਥਾਵਰ  
 ਜੰਗਮ ਜੇਤੀ । ਤੋਹਿ ਨਾਰਾਇਨ ਰਚੀ ਸੁ ਤੇਤੀ । ਅਗਿਆਨ  
 ਨੈਨ ਨਹਿ ਤੋਕੋ ਲੇਖੇ । ਜਿਉ ਦਿਗ ਅੰਧਨ ਸੂਰਯ ਪੇਖੇ ॥੮੪  
 ॥ ਯੋਗੀ ਜੇ ਉਰ ਗਿਆਨ ਉਦਾਰੇ । ਤੋਕੋ ਪੇਖੇਂ ਦੇਹ ਮਝਾਰੇ ।  
 ਬੇਦ ਸੀਸ ਬੇਦਾਂਤ ਸੁਜੇਈ । ਤਾਂਕਰ ਤੋਹਿ ਨਿਹਾਰੇ ਤੇਈ ॥੮੫॥  
 ਤੇ ਪਦ ਭਗਤ ਯੁਗੀਸੁਰ ਰਾਮ । ਚੁੰਢਤ ਤੋਹਿ ਪਿਖੇ ਚਿਤ  
 ਧਾਮ । ਤੂੰ ਸਰਬੱਗ ਸਭੈ ਕਛੁ ਜਾਨੇ । ਤਵ ਆਗੇ ਮਮ ਬਚਨ  
 ਬਖਾਨੇ ॥ ੮੬ ॥ ਸੇ ਤੁਮ ਖਿਮਾਂ ਕਰਹੁ ਅਰਿ ਗਾਂਜਨ । ਤੋਹਿ  
 ਅਨੁਗ੍ਰਹ ਕੇ ਹਮ ਭਾਂਜਨ । ਕਾਲਦੇਸ ਦਿਗ ਨਾਂਹਿ ਤੁਮਾਰੇ ।  
 ਤੂੰ ਇਕ ਚੇਤਨ ਰੂਪ ਮੁਰਾਰੇ ॥ ੮੭ ॥ ਅਜ ਅੱਖਰ ਚਲਾ  
 ਦਿਕ ਨਾਹੀਂ । ਤੂੰ ਸਰਬੱਗ ਜਗਤ ਕੇ ਮਾਹੀਂ । ਤੁਮਰੇ ਗੁਣ  
 ਪ੍ਰਭ ਆਹਿ ਅਨੰਤਾ । ਤੂੰ ਈਸ਼ਰ ਜਗ ਮੈਂ ਭਗਵੰਤਾ ॥ ੮੮ ॥



ਦੋਹਰਾ ॥ ਕਪਟ ਨ ਮਾਇਕ ਜਾਂਹਿ ਮੈਂ ਭਜੋ ਨਿਰੰਤਰ ਰਾਮ  
। ਸੇਵਕ ਸਾਥ ਅਭਿੰਨ ਜੋ ਕਰੇ ਜਨਨ ਕੇ ਕਾਮ ॥ ੯੯ ॥

ਇਤਿ ਸ੍ਰੀ ਮਤਿ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸੁਰ  
ਸੰਬਾਦੇ ਉੱਤਰ ਕਾਂਡੇ ਦੁਤੀਯੇ ਧਿਆਇ ॥ ੨ ॥

॥ ਸ੍ਰੀ ਮਹਾਂਦੇਵ ਉਵਾਚ ॥ ਦੋਹਰਾ ॥

ਬਾਲੀ ਔ ਸੁਗ੍ਰੀਵ ਕੇ ਜਨਮ ਸੁਨਨ ਕੀ ਚਾਹ । ਸੁਨੇ ਸੁਰੇ-  
ਸ਼ਰ ਭਾਨੁ ਮੈਂ ਭਏ ਕਪੀ ਜਗ ਮਾਂਹਿ ॥੧॥ ਅਗਸਤਉਵਾਚ ॥  
ਚੌਪਈ ॥ ਮੇਰ ਨਾਮ ਇਕ ਹੇਮ ਪਹਾਰਾ । ਬੀਚ ਸਿੰਗ  
ਮਣਿ ਲਗੀ ਅਪਾਰਾ ॥ ਬ੍ਰਹਮਾ ਕੀ ਤਹਿ ਸਭਾ ਉਦਾਰਾ । ਸੌ  
ਯੋਜਨ ਜਾਂਕੇ ਬਿਸਥਾਰਾ ॥੨॥ ਚਤੁਰਾਨਨ ਦੇਵ ਕਿਸੀ ਪੁਨ  
ਕਾਲ । ਤਾਂ ਮੈਂ ਕਰੀ ਸਮਾਧ ਬਿਸਾਲ । ਦਿੱਬ ਆਨੰਦ ਨੈਨ  
ਜਲ ਆਯੋ । ਨੈਨਨ ਤੇ ਧਰ ਮਾਂਹਿ ਗਿਰਾਯੋ ॥ ੩ ॥ ਬ੍ਰਹਮਾਂ  
ਧਾਰਿ ਤਾਂਹਿ ਕਰ ਮਾਂਹੀ । ਧਿਆਨ ਕਰੋ ਕਛੁ ਤਾਂ ਮਨ ਮਾਂਹੀ  
। ਤਾਮੈ ਤਜਿਓ ਸਲਲ ਮਹਾਂਨਾ । ਤਾਂਤੇ ਉਪਜਿਓ ਕਪਿ  
ਬਲਵਾਨਾ ॥੪॥ ਤਾਂਕੋ ਭਾਖਯੋ ਬਹੁਰ ਬਿਧਾਤਾ । ਕਿੰਚਤ ਕਾਲ  
ਬਸੋ ਇਹ ਤਾਤਾ । ਭੋਗ ਸੁ ਮੌਹਿ ਸਮੀਪ ਮਹਾਂਨ । ਬਹੁਰੇਤਵ  
ਹੋਇ ਹੈ ਕਲਿਯਾਂਨ ॥ ੫ ॥ ਐਸੇ ਬ੍ਰਹਮਾਂ ਭਾਖਯੋ ਜਬਹੀ ।  
ਬਾਸ ਕੀਯੋ ਬਾਨਰ ਤਹਿ ਤਬਹੀ । ਯਾ ਬਿਧਿ ਬੀਤੇ ਬਹੁਤ  
ਸੁ ਕਾਲ । ਰਿਖਿਰਾਜ ਤਹਿ ਰਹੇ ਬਿਸਾਲ ॥ ੬ ॥ ਏਕ ਸਮੇਂ



ਫਲ ਹਿਤ ਕਪਿ ਗਯੋ । ਵਾਪੀ ਏਕ ਨਿਹਾਰਤ ਭਯੋ । ਦਿਬ  
 ਵਿਸਾਲ ਮਣਿ ਲਗੀ ਅਪਾਰ । ਨਿਰਮਲ ਤਾਂਮੈ ਹੇਰਯੋ ਵਾਰ  
 ॥ ੭ ॥ ਪਾਨੀ ਪੀਵਨ ਕੇ ਹਿਤ ਗਯੋ । ਤਹਿ ਛਾਯਾ ਕਪਿ  
 ਦੇਖਤ ਭਯੋ । ਤਾਂਤੇ ਔਰ ਕਪੀਸੁਰ ਮਾਨ । ਕੂਦ ਪਰੋ ਜਲ  
 ਮਾਂਹਿ ਮਹਾਨ ॥ ੮ ॥ ਤਾਂ ਮੈਂ ਔਰ ਨ ਬਾਨਰ ਪਾਯੋ । ਨਿਕਸ  
 ਬੇਗ ਜਲ ਬਾਹਰ ਆਯੋ । ਨਿਜ ਤਨ ਸੁੰਦਰ ਨਾਰਿ ਨਿਹਾਰੀ  
 । ਵਿਸਮੈ ਭਯੋ ਸੁ ਚੀਤ ਮਝਾਰੀ ॥ ੯ ॥ ਤਾਂਹਿ ਸਮੈਂ ਸੁਰ  
 ਨਾਇਕ ਆਯੋ । ਪੂਜ ਪਿਤਾ ਮਹਿ ਫੇਰ ਸਿਧਾਯੋ । ਮੱਧਯਾਨ  
 ਸਮੇਂ ਪੇਖੀ ਤਹਿ ਨਾਰੀ । ਮਨੋ ਰਮਾਂ ਤਨ ਪ੍ਰਭਾ ਅਪਾਰੀ ॥ ੧੦  
 ॥ ਮਨ ਮਥ ਬਾਨ ਸੁਰੇਸੁਰ ਲਾਗੇ । ਪੀੜਤ ਭਏ ਸੁ ਬੀਰਯ  
 ਤਿਆਗੇ । ਬੀਰਯ ਬਾਲਨ ਮਾਂਹਿ ਗਿਰਾਏ । ਬਾਲੀ ਜਨਮ  
 ਸੁ ਤਾਂਤੇ ਪਾਏ ॥ ੧੧ ॥ ਸੱਕਰ ਤੁਲ ਪਰਾਕ੍ਰਮ ਭਯੋ । ਪੇਖ  
 ਪੁਰੰਦਰ ਤਾਂ ਬਿਗਸਯੋ । ਸੁਵਰਣ ਮਾਲ ਤਾਂਕੇ ਗਲ ਡਾਰੀ  
 ॥ ਆਪ ਗਯੋ ਸੁਰ ਲੋਕ ਮਝਾਰੀ ॥ ੧੨ ॥ ਤਹੀਂ ਸਮੇਂ ਤਹਿ  
 ਭਾਨ ਸੁ ਆਯੋ । ਦੇਖ ਭਾਮਨੀ ਬਹੁਰ ਲੁਭਾਯੋ । ਭਾਮਨਿ  
 ਨਿਕਟਿ ਜਬੈ ਰਵਿ ਗਯੋ । ਗ੍ਰੀਵਾ ਮਾਂਹਿ ਰੇਤ ਗਿਰ ਪਯੋ ॥  
 ੧੩ ॥ ਤਾਂਹਿ ਰੇਤ ਤੇ ਬੇਗ ਮਹਾਨ । ਬਾਨਰ ਏਕ ਭਯੋ  
 ਬਲਵਾਨ । ਤਾਂਹਿ ਸਹਾਇਕ ਦੈ ਹਨੂੰਮਾਨ । ਆਪ ਗਯੋ ਨਭ  
 ਮੰਡਲ ਭਾਨ ॥ ੧੪ ॥ ਦੋਨੋਂ ਸੁਤ ਤਹਿੰਤੇ ਲੇ ਭਾਮਨਿ ਗਈ ।  
 ਕਹੂੰ ਪੁਨ ਔਰੇ ਕਾਨਨ । ਤਹਾਂ ਜਾਇ ਵਹੁ ਸੋਈ ਰਾਤ  
 ਬਹੁਰ ਜਾਤ ਤਨ ਪਿਖਿਓ ਪ੍ਰਭਾਤ ॥ ੧੫ ॥ ਪੂਰਬ ਜਿਉਂ



ਤਨ ਕਪਿ ਹੋਇ ਗਯੋ । ਹੇਰ ਅਚੰਭਾ ਤਾਂ ਉਰ ਭਯੋ । ਫਲ  
 ਮੂਲਾਦਿਕ ਬਹੁਤ ਮਿਲਾਇ । ਪੂਤ ਦੋਉ ਪੁਨਿ ਸੰਗਿ ਲਵਾਇ  
 ॥ ੧੬ ॥ ਬ੍ਰਹਮਾਂ ਕੋ ਅਭਿ ਬੰਦਨ ਧਾਰ । ਆਗੇ ਖੜੇ ਰਿਖੀ  
 ਸਰਦਾਰ । ਬ੍ਰਹਮਾ ਤਾਂ ਅਸ੍ਰਾਸਨ ਕਰਿਓ । ਕਪਿ ਕੁੰਜਰ ਕੋ  
 ਏਹ ਉਚਰਿਓ ॥ ੧੭ ॥ ਰਾਜ ਵਯੋ ਤੋਕੋ ਧਰ ਮਾਂਹੀ । ਸੁਖੀ  
 ਬਸੋ ਅਪਨੇ ਘਰ ਮਾਂਹੀ । ਤਹਾਂ ਦੇਵਤਾ ਦੂਤ ਬੁਲਾਯੋ ।  
 ਬ੍ਰਹਮਾ ਤਾਂਕੋ ਏਹ ਅਲਾਯੋ ॥ ੧੮ ॥ ਦੂਤ ਜਾਹੁ ਮਮ ਆਇਸ  
 ਮਾਨ । ਸੰਗ ਲਜਾਵੋ ਕਪਿ ਬਲਵਾਨ । ਕਿਸਕਿੰਧਾ ਨਗਰੀ  
 ਦਿਬ ਸੁਹਾਈ । ਵਿਸੁਕਰਮਾਂ ਨਿਜ ਹਾਥ ਬਨਾਈ ॥ ੧੯ ॥  
 ਸਰਬ ਸੁਭਾਗ ਅਹੇ ਜਾਂ ਮਾਂਹੀ । ਦੇਵਨ ਕੀ ਗੰਮ ਜਾਂ ਮੈਂ  
 ਨਾਹੀਂ । ਤਾਂਮੈ ਡਾਰ ਸਿੰਘਾਸਨ ਲੀਜੋ । ਰਾਜ ਤਿਲਕ ਯਾ  
 ਕਪਿ ਕੋ ਦੀਜੋ ॥ ੨੦ ॥ ਸਪਤ ਦੀਪ ਗਤਿ ਬਾਨਰ ਜੇਈ ।  
 ਮਹਾਂ ਬਲੀ ਅਤਿ ਦੁਰਜਯ ਤੇਈ । ਤੇ ਸਭ ਯਾ ਕੇ ਹੋਹਿ  
 ਅਧੀਨਾ । ਯਾ ਬਿਧਿ ਮੋਹਿ ਬਚਨ ਸੋ ਕੀਨਾ ॥ ੨੧ ॥ ਜਬ  
 ਨਾਰਾਇਣ ਨਰ ਅਵਤਾਰ । ਧਾਰੇ ਗੋ ਤਾਂ ਧਰਣਿ ਮਝਾਰ ।  
 ਦਸਰਥ ਕੇ ਘਰ ਨੀਕੇ ਆਵੇ । ਰਾਮ ਨਾਮ ਜਗ ਮਾਂਹਿ ਕਹਾਵੇ  
 ॥ ੨੨ ॥ ਧਰਣੀ ਭਾਰ ਅਸੁਰ ਬਲਧਾਰੀ । ਤਾ ਨਾਸ਼ਨ ਹਿਤ  
 ਆਹਿ ਮੁਰਾਰੀ । ਤਾਂ ਕਪਿ ਤਾਂਹਿ ਸਹਾਇਤ ਧਰੇ । ਲੰਕਾਜਾਇ  
 ਲਰਾਈ ਕਰੇ ॥ ੨੩ ॥ ਐਸੇ ਕਹਿ ਬਿਧਿ ਦੂਤ ਪਠਾਯੋ । ਦੇਵ  
 ਦੂਤਿ ਮਤਿ ਮੰਤ ਸੁ ਆਯੋ । ਜਿਉਂ ਜਿਉਂ ਬ੍ਰਹਮਾ ਆਇਸੁ  
 ਦੀਨੀ । ਤਿਉਂ ਹੀ ਤਿਉਂ ਸਭ ਤਾਂਹਿ ਸੁ ਕੀਨੀ ॥ ੨੪ ॥ ਦੇਵ



ਦੂਤ ਬਹੁਰੋ ਫਿਰ ਗਯੋ । ਬ੍ਰਹਮਾ ਪਾਸ ਨਿਵੇਦਨ ਕਯੋ । ਤਾਂ  
 ਦਿਨ ਤੇ ਕਿਸਕਿੰਧਾ ਰਾਮ ॥ ਨਿੱਤ ਮੁਕਤਿ ਤੂੰ ਚੇਤਨ ਧਾਮ ॥  
 ੨੫ ॥ ਸਰਬੇਸਰ ਤੂੰ ਰਾਮ ਮੁਰਾਰੇ । ਬ੍ਰਹਮਾ ਬਿਨਤੀ ਕਰੀ  
 ਸੁਧਾਰੇ । ਭੂਕੋ ਨਿਖਲ ਸੁਭਾਰ ਉਤਾਰਜੋ । ਲੀਲਾ ਕੈ ਨਰ ਤਨ  
 ਤੈਂ ਧਾਰਜੋ ॥੨੬॥ ਸਰਬ ਭੂਤ ਰਿਦ ਅੰਤਰਿ ਰਾਮ । ਨਿੱਤ  
 ਮੁਕਤਿ ਤੂੰ ਚੇਤਨ ਧਾਮ । ਅਖੰਡਾਨੰਦ ਸਰੂਪ ਤੁਮਾਰੇ ।  
 ਕਿਯਾ ਬਲ ਏਹ ਜੁ ਰਾਖਸ਼ਮਾਰੇ ॥੨੭॥ ਚਰਯਾ ਤੇਰੀ ਸੰਤ  
 ਸੁ ਗਾਵੇ । ਲੀਲਾ ਮਾਨੁਖ ਦੇਹ ਬਨਾਵੇ । ਤੇਰੋ ਜਸ ਸਭ ਪਾਪ  
 ਸੁ ਹਰੇ । ਸਭ ਲੋਕਨ ਕੋ ਅਤਿ ਸੁਖ ਕਰੇ ॥੨੮॥ ਅੜਿਲ  
 ॥ ਬਾਲੀ ਐ ਸੁਗ੍ਰੀਵ ਜਨਮ ਨਰ ਗਾਵਈ । ਮਿਰਤਲੋਕ ਕੇ  
 ਮਾਹਿ ਪਰਮ ਸੁਖ ਪਾਵਈ । ਜਨਮ ਸੁ ਪਾਵਨ ਭਯੋ ਮਿਲਜੋ  
 ਤਵ ਸੰਗ ਮੁਰਾਰੀ । ਹੋ ਮੁਕਤਿ ਹੋਇ ਜਗ ਮਾਂਹਿ ਮਿਟੇ ਤਿਹ  
 ਪਾਤਕ ਭਾਰੀ ॥ ੨੯ ॥ ਚੌਪਈ ॥ ਅਬ ਮੈਂ ਕਥਾ ਬਖਾਨੋ  
 ਰਾਮ । ਤੋਹਿ ਮਿਲੀ ਪਰਮਾਤਮ ਧਾਮ । ਜਾਂ ਹਿਤ ਸੀਤਾ ਹਰੀ  
 ਦਸਾਨਨ । ਸੋ ਅਬ ਸਾਂਤ ਸੁਨੋ ਨਿਜ ਕਾਨਨ ॥੩੦॥ ਪੂਰਬ  
 ਸਤਯੁਗ ਰਾਮ ਮੁਰਾਰਿ । ਬ੍ਰਹਮਾ ਕੇ ਸੁਤ ਸੰਤ ਕੁਮਾਰ ।  
 ਕਹੀਂ ਇਕੰਤ ਹੁਤੋ ਵਹੁ ਕਾਨਨ । ਤਾਂਕੀ ਢਿਗ ਪੁਨ ਜਾਇ  
 ਦਸਾਨਨ ॥੩੧॥ ਨਿੰਮ੍ਰ ਭਾਵ ਪਦ ਬੰਦਨ ਕਰੀ । ਮੁਖਤੇ ਏਹ  
 ਸੁ ਪ੍ਰਸ਼ਨ ਉਚਰੀ । ਕੋ ਬਲਵੰਤ ਸੁ ਦੇਵਨ ਮਾਹੀ । ਜਾ ਕੈ  
 ਆਸ਼੍ਰੈ ਦੇਵ ਰਹਾਂਹੀ ॥੩੨॥ ਕਾਂਕੇ ਬਲ ਸੁਰਰਣ ਅਰਿ ਦਰੇ  
 । ਕਾਹਿ ਦੁਜਾਤੀਯ ਜੂਨ ਸੁ ਕਰੇ । ਕਾਂਕੇ ਯੋਗੀ ਧਾਰੇ ਧਯਾਨ



॥ ਏਹ ਸੰਦੇਹ ਸੁ ਮੋਹਿ ਮਹਾਨ ॥ ੩੩ ॥ ਯਾਂਕੋ ਉਤਰ ਦੇਵ  
 ਭਨੀਜੈ । ਮੋਹਿ ਸੰਦੇਹ ਨਿਵਾਰਨ ਕੀਜੈ । ਸੁਨਤ ਕੁਮਾਰ ਧਾਰ  
 ਉਰ ਧਯਾਨ । ਤਾਂਹਿ ਰਿਦੇ ਕੀ ਨੀਕੇ ਜਾਨ ॥ ੩੪ ॥ ਦਸਾਨਨ  
 ਕੋ ਤਿਨ ਏਹ ਬਖਾਂਨੀ । ਸੁਨੋ ਪੂਤ ਅਬ ਮੇਰੀ ਬਾਨੀ । ਜੋ ਸਭ  
 ਜਗਕੋ ਕਰਤਾ ਅਹੈ । ਜਨਮ ਜਰਾਦਿਕ ਜਾਂਕੋ ਨਹੇ ॥ ੩੫  
 ॥ ਸੁਰਾਸੁਰ ਜਾਂਕੇ ਸੰਗ ਨਿਵਾਸੀ । ਹਰਿ ਨਾਰਾਇਣ ਹੈ  
 ਅਬਿਨਾਸੀ । ਜਾਂਕੇ ਨਾਭਿ ਕਮਲ ਨਿਰਮਯੋ । ਬ੍ਰਹਮਾ ਲੋਕ  
 ਪਿਤਾਮਹਿ ਭਯੋ ॥ ੩੬ ॥ ਥਾਵਰ ਜੰਗਮ ਜਗਤ ਸੁ ਜੋਈ ।  
 ਜਾਨੇ ਨਿਖਲ ਉਪਾਯੋ ਸੋਈ । ਤਾਂ ਅਬਿਲੰਬਨ ਦੇਵ ਸੁ ਧਾਰੇ ।  
 ਰਣ ਮੰਡਲ ਅਰਿ ਪੁੰਜ ਸੰਘਾਰੇ ॥ ੩੭ ॥ ਯੋਗੀ ਤਾਂਕੋ ਧਾਰੇ  
 ਧਿਆਨ । ਤਾਂਹਿ ਯਜੇਂ ਪੁਨ ਬਿੱਪ ਮਹਾਂਨ । ਯਾ ਬਿਧ ਸੁਨ  
 ਮੁਨਿਵਰ ਕੀ ਬਾਨੀ । ਰਾਵਨ ਪ੍ਰਸ਼ਨ ਬਹੁਰ ਏਹ ਠਾਨੀ ॥ ੩੮  
 ॥ ਦਾਨਵ ਦੈਤ ਬਿਸ਼ਨ ਕਰ ਮਾਰੇ । ਕੋ ਗਤਿ ਪਾਵੇ ਜਗਤ  
 ਮਝਾਰੇ । ਬਹੁਰ ਮੁਨੀਸ਼ਰ ਏਹ ਅਲਾਈ । ਸੁਨਿ ਰਾਵਣ ਰਾਖਸ਼  
 ਕੇ ਰਾਈ ॥ ੩੯ ॥ ਬਿਸ਼ਨ ਭਿੰਨ ਦੇਵਨ ਕੇ ਮਾਰੇ । ਦੈਤ ਜਾਂਹਿ  
 ਸੁਰ ਲੋਕ ਮਝਾਰੇ । ਭੋਗ ਭੋਗ ਸੁਕ੍ਰਿਤ ਖੈ ਕਰੇ । ਗਿਰੇ  
 ਸੁਰਗ ਤੇ ਭੂਮੈ ਪਰੇ ॥ ੪੦ ॥ ਪੂਰਬ ਪੁੰਨ ਸੁ ਪਾਪ ਅਧੀਨਾ । ਜਾਂ  
 ਮੈਂ ਪਰੇ ਹੋਇ ਅਤਿ ਦੀਨਾ । ਬਿਸ਼ਨ ਜਾਂਹਿ ਨਿਜ ਹਾਥਨ ਮਾਰੇ  
 । ਹਰਿ ਕੀ ਗਤਿ ਤੇ ਪਾਹਿ ਉਦਾਰੇ ॥ ੪੧ ॥ ਮੁਨਿਕੇ ਵਾਕ ਸੁਨੇ  
 ਯੋਂ ਕਾਨ । ਰਾਵਨ ਹਰਖ ਭਯੋ ਸੁ ਮਹਾਨ । ਹਰਿ ਕੇ ਸੰਗ ਸੁ  
 ਕਢੋਂ ਲਰਾਈ । ਯਹਿ ਚਿੰਤਾ ਮਨ ਮਹਿ ਉਪਜਾਈ ॥ ੪੨ ॥



ਰਾਵਣ ਕੇ ਉਰ ਕੀ ਪੁਨ ਜਾਨ । ਕੀਨੋ ਸਨਤ ਕੁਮਾਰ ਬਖਾਨ  
 । ਪੂਤ ਤੁਮਾਰੇ ਵਾਂਛਿਤ ਜੋਈ । ਹੋਵੇਗੋ ਬਿਨ ਸੰਸੇ ਸੋਈ ॥੪੩॥  
 ਕਿੰਚਤ ਕਾਲ ਪ੍ਰਤੀਖਤ ਕਰੇ । ਸੁਖੀ ਦਸਾਨਨ ਯਾ ਜਗ  
 ਫਿਰੇ । ਯਾ ਬਿਧਿ ਤਾਂ ਮੁਖ ਭਾਖ ਮਹਾਨ । ਬਹੁਰ ਕੀਓ ਤਿਨ  
 ਏਹ ਬਖਾਨ ॥ ੪੪ ॥ ਅਤਿ ਮਾਇਕ ਹਰਿ ਆਹਿ ਅਰੂਪ ।  
 ਕਹੋਂ ਦਸਾਨਨ ਤਾਂਕੋ ਰੂਪ । ਹੈ ਅਸਥਾਵਰ ਜੰਗਮ ਮਾਂਹੀ ।  
 ਨਦੀਅਨ ਅਰ ਪੁਨ ਕਾਂਨਨ ਮਾਂਹੀ ॥ ੪੫ ॥ ਦੋਹਰਾ ॥  
 ਓਅੰਕਾਰ ਸਰੂਪ ਹਰਿ ਤਥਾ ਸੱਤਿ ਪਹਿਚਾਨ । ਪ੍ਰਿਥਵੀ ਔਰ  
 ਸਾਵਿਤ੍ਰੀ ਰੂਪ ਨਾਰਾਇਣ ਜਾਨ ॥ ੪੬ ॥ ਚੌਪਈ ॥ ਸਗਲ  
 ਜਗਤ ਅਧਾਰ ਸੋ ਜੋਈ । ਸੇਸ ਰੂਪ ਹਰਿ ਜਾਨੋ ਸੋਈ । ਸਰਬ  
 ਦੇਵ ਅਰ ਸਾਗਰ ਜੇਤੇ । ਹਰਿਕੋ ਰੂਪ ਪਛਾਨੋ ਤੇਤੇ ॥ ੪੭ ॥  
 ਸੁਰਗ ਚੰਦ ਸੂਰਯ ਪੁਨਿ ਕਾਲ । ਦੇਵ ਰਾਜ ਜਮਰਾਜ  
 ਬਿਸਾਲਾਅਗਨਿ ਮ੍ਰਿਤੁ ਨੈਰਿਤ ਪੁਨਜਾਨ । ਜਲ ਪ੍ਰਤਿ ਬ੍ਰਹਮ  
 ਮਹੇਸੁਰ ਮਾਨ ॥ ੪੮ ॥ ਔਰ ਸੁਰਾਸੁਰ ਹੱਯੇ ਜੇਤੇ । ਹਰਿ  
 ਕੋ ਰੂਪ ਪਛਾਨੋ ਤੇਤੇ । ਜੁਲਤ ਤੇਜ ਜਗ ਪਾਲੇ ਦੇਵ । ਹਰੇ  
 ਵਿਸੁ ਪੁਨ ਕਰੇ ਅਭੇਵ ॥ ੪੯ ॥ ਅਬਿਨਾਸੀ ਦੇਵ ਕਰੇ ਜਗ  
 ਲੀਲਾ । ਬਿਸੁ ਸਨਾਤਨ ਸੁੰਦਰ ਡੀਲਾ । ਬਿਆਪਤ ਤਾਂਹਿ  
 ਤਿਲੋਕੀ ਸਾਰੀ । ਥਾਵਰ ਜੰਗਮ ਜਗਤ ਮਝਾਰੀ ॥ ੫੦ ॥  
 ਨੀਲ ਕਮਲ ਸਮਿ ਦੇਹ ਸੁਹਾਏ । ਦਾਮਨਿ ਸੇ ਪਟ ਤਨ  
 ਪਹਿਰਾਏ । ਜਾਂਬੂਨਦਤਨ ਪ੍ਰਭਾ ਅਪਾਰੀ । ਵਾਮ ਅੰਕ ਸ੍ਰੀ ਬਸੇ  
 ਉਦਾਰੀ ॥ ੫੧ ॥ ਨਿੱਤ ਅਨਪਾਇਨ ਦੇਵੀ ਜੋਈ । ਤਾਂਹਿ



ਅਲਿੰਗ ਨਿਹਾਰੇ ਸੋਈ । ਦਾਨਵਦੇਵ ਸੁ ਪੰਨਗ ਜੇਤੇ । ਤਾਂਹਿ  
 ਨਿਹਾਰ ਸਕੇਂ ਨਹਿ ਤੇਤੇ ॥ ੫੨ ॥ ਯਾਗ ਪਾਠ ਤਪ ਤੀਰਥ  
 ਦਾਨ । ਤਾਂਕਰ ਭਾਸੇ ਨਹਿ ਭਗਵਾਨ । ਜਾਂ ਪਰ ਆਪ ਪ੍ਰਸਾਦਿ  
 ਸੁਧਾਰੇ । ਕੋਈ ਤਾਂਕੋ ਰੂਪ ਨਿਹਾਰੇ ॥ ੫੩ ॥ ਅਮਲ ਵਿਸ਼ਟਿ  
 ਭਵ ਭੀਤਰਜੇਈ । ਬਿਸਨ ਨਾਰਾਇਣ ਪੇਖੇ ਤੇਈ । ਯਥਾਰਥ  
 ਪੇਖਨ ਕੀ ਤਵ ਚਾਹਿ । ਭਾਖੋਂ ਰੂਪ ਸੁਨੋ ਅਬ ਤਾਂਹਿ ॥ ੫੪ ॥  
 ਤ੍ਰੇਤਾ ਯੁਗ ਆਵੇ ਗੋ ਜਬਹੀ । ਨਰਪਤਿ ਰੂਪ ਧਰੇ ਗੋ  
 ਤਦਹੀ । ਦੇਵ ਮਨੁੱਖਨ ਕੋ ਹਿਤ ਧਾਰੇ । ਇਖਵਾਕ ਵੰਸ ਹਰਿ  
 ਲੇ ਅਵਤਾਰੇ ॥ ੫੫ ॥ ਦਾਸਰਥੀ ਵਹਿ ਰਾਮ ਕਹੈ ਹੈ । ਮਹਾਂ  
 ਪਰਾਕ੍ਰਮ ਭੂਮੈਂ ਐਹੈ । ਪਿਤੁ ਆਇਸ ਪੁਨਿ ਮਾਂਨ ਸੁਸੀਸ । ਰਾਮ  
 ਦਸਾਨਨ ਵੈ ਜਗਦੀਸ ॥ ੫੬ ॥ ਭ੍ਰਾਤ ਸਮੇਤ ਸਹਿਤ ਨਿਜ  
 ਵਾਂਮਾ । ਆਂਵਹਿਗੇ ਦੰਡਕ ਬਨ ਰਾਮਾ । ਵੈ ਪਰਮਾਤਮ ਰਾਮ  
 ਅਨੂਪਾ । ਨਿਜ ਮਾਇਆ ਕਰ ਜਗਤ ਸਰੂਪਾ ॥ ੫੭ ॥ ਯਾ  
 ਬਿਧਿ ਮੈਂ ਤਵ ਕੀਨ ਬਖਾਨ । ਵਿਸਤਾਰ ਸਹਿਤ ਰੂਪ ਭਗ-  
 ਵਾਨ । ਪਦਮਾ ਸਹਿਤ ਰਾਮ ਜਬ ਹੋਈ । ਭਜੀਯੋ ਭਗਤਿ  
 ਭਾਵ ਕਰ ਸੋਈ ॥ ੫੮ ॥ ਯਾਬਿਧਿ ਸੁਨਯੋ ਅਸੁਰਪਤਿ ਜਬਹੀ  
 । ਧਿਆਨ ਬੀਚਾਰ ਕੀਯੋ ਤਿਨ ਤਬਹੀ । ਤੇਰੇ ਸੰਗ ਵੈਰ  
 ਉਰਧਾਰ । ਰਾਵਣ ਭਯੋ ਸੁ ਹਰਖ ਅਪਾਰ ॥ ੫੯ ॥ ਦੋਹਰਾ  
 ॥ ਰਣਿ ਨਮਿੱਤ ਸਭ ਲੋਕ ਮੈਂ ਆਵਤ ਭਯੋ ਲੰਕੇਸ਼ । ਮਾਰੇ  
 ਜੀਤੇ ਲੋਕ । ਤਨ ਦੀਨੇ ਬਹੁਤ ਕਲੇਸ਼ ॥ ੬੦ ॥ ਚੌਪਈ ॥  
 ਤਵ ਲਰਨੇ ਹਿਤ ਸੰਗ ਭਗਵਾਨ । ਰਾਵਣ ਬੀਰ ਬਡੇ ਮਤਿ



ਮਾਂਨ । ਸੀਤਾ ਤਾਂ ਬਨ ਮਾਹਿ ਚੁਰਾਈ । ਤੇਤੇ ਨਿਜ ਬਧ ਮਨ ਹਿੰ  
 ਬਸਾਈ ॥ ੬੧ ॥ ਸਵੈਯਾ ॥ ਯਾਹਿ ਕਥਾ ਸੁਨ ਹੈ ਪਢ ਹੈ  
 ਪੁਨ ਔਰਨ ਕੇ ਨਰ ਭਾਖ ਸੁਨਾਵੇ । ਆਯੁਖ ਔਰ ਅਰੋਗ ਤਨੇ  
 ਧਨ ਧਾਮ ਮਹਾਂ ਪੁਨ ਤਾਂ ਘਰ ਆਵੇ । ਦੂਖ ਅਨੰਤ ਮਿਟੇ ਤਿਨ ਕੇ  
 ਪੁਨ ਸੂਖ ਅਨੰਤ ਉਮਾ ਜਗ ਪਾਵੇ । ਬੰਧ ਮਿਟੇਂ ਜਗ ਮੰਡਲ  
 ਕੇ ਧਰਕੈ ਤਨੁ ਯਾ ਜਗਿ ਫੇਰ ਨ ਆਵੇ । ੬੨ ॥ ਇਤਿ ਸ੍ਰੀ  
 ਮਤਿ ਅਧਯਾਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਉੱਤ  
 ਕਾਂਡੇ ਤ੍ਰਿਤੀਯੇ ਧਿਆਇ ॥ ੩ ॥

॥ ਅਗਸਤ ਉਵਾਚ ॥ ਸਵੈਯਾ ॥

ਏਕ ਸਮੇ ਚਤੁਰਾਨਨ ਕੇ ਪੁਰਤੇ ਭੁਵ ਮੰਡਲ ਨਾਰਦ ਆਏ  
 । ਰਾਵਣ ਲੋਕਨ ਮਾਂਹਿ ਫਿਰੇ ਪਿਖ ਬੰਦਨ ਕੈ ਦਸਕੰਠ  
 ਅਲਾਏ । ਹੈ ਕਿਹ ਠੌਰ ਮਹਾਂ ਬਲਵੰਤ ਸੁ ਮੋਹਿ ਲਰੇ ਮੁਨਿ  
 ਦੇਹ ਬਤਾਏ । ਤੂੰ ਜਗ ਤੀਨ ਸੁ ਜਾਨਤ ਹੈਂ ਬਲ ਸੰਗ ਲਰੇਂ  
 ਭੁਜ ਮੋਹ ਖੁਜਾਏ ॥ ੧ ॥ ਕਬਿੱਤੁ ॥ ਧਾਰੇ ਮੁਨਿ ਧਯਾਨ ਪੁਨਿ  
 ਕੀਨੋਂ ਹੈ ਬਖਾਨ ਸ੍ਰੇਤ ਦੀਪ ਕੇ ਨਿਵਾਸੀ ਜਨ ਬਡੇ ਬਲ  
 ਧਾਰਿਆ । ਬਡੇ ਰਨ ਧੀਰ ਪੁਨਿ ਬਡੇਈ ਸਰੀਰ ਪੁਨਿ ਤਹਾਂ  
 ਤੁਮ ਜਾਹੁ ਬਾਤ ਮਾਂਨ ਕੈ ਹਮਾਰਿਆ । ਬਿਸ਼ਨ ਕੀ ਪੂਜਾ ਜੇਈ  
 ਕਰਤ ਸੁ ਲਾਇ ਮਨ ਮਾਰੇ ਰਣਬੀਚ ਨਿਜ ਹਾਥ ਜੇ ਮੁਰਾ  
 ਰਿਆ । ਤੇਈ ਤਹਿ ਜਾਹਿ ਜਗ ਮਾਂਹਿ ਸੁਖ ਪਾਹਿ ਬਡੇ ਜਿਨ  
 ਤਨ ਦੈਤ ਨਹਿ ਜਿਨੇ ਅਸੁਰਾਰਿਆ ॥ ੨ ॥ ਐਸੇ ਸੁਨਿਕਾਂਨਿ  
 ਤਿਨਿ ਲੀਨੋਂ ਹੈ ਬਿਬਾਨ ਪੁਨਿ ਮੰਤਰੀ ਬੁਲਾਇ ਬੇਗ ਕਰੀ ਹੈ



ਤਿਆਰੀਆ । ਰਣ ਚਾਹਿ ਮਨ ਮਾਹੀ ਗਯੋ ਸ੍ਰੇਭ ਦੀਪਮਾਂਹੀ  
 ਤਹਿ ਜਨ ਜੇ ਨਿਵਾਸੀ ਤੇਜ ਪ੍ਰਭਾ ਹੈ ਅਪਾਰੀਆ । ਫੁਲਨ  
 ਬਿਬਾਨਕੇ ਮਲਾਨ ਸਭ ਤੇਜ ਭਏ ਭਈ ਗਤਿ ਕੁੰਠ ਤਿਨ  
 ਚਲਤ ਅਗਾਰੀਆ । ਛੋਡਿਕੈ ਬਿਬਾਨ ਪੁਨਿ ਰਾਵਨ ਪਯਾਨ  
 ਕੀਨੋ ਮੰਤਰੀ ਸੁ ਸਾਥ ਧਸੇ ਦੀਪ ਕੇ ਮਝਾਰੀਆ ॥੩॥ ਕਰਤ  
 ਪ੍ਰਵੇਸ਼ ਤਿਨ ਦੀਪ ਮੈਂ ਕਲੇਸ਼ ਪਾਏ ਨਾਰਿਨ ਸੁ ਹਾਥ ਮਾਹਿ  
 ਲੀਨੋ ਗਹਿ ਰਾਵਣਾ । ਪੂਛਿਯੋ ਸੁ ਨਾਰਿ ਕਿਨ ਭੇਜਿਯੋ ਉਚਾਰਿ  
 ਨਾਮ ਕੌਨ ਹੈਂ ਸੁ ਬੋਲ ਕਹਾਂ ਭਯੋ ਤੇਰਾ ਆਵਨਾਂ । ਡਾਰੋ ਹਾਥੋ  
 ਹਾਥ ਪੁਨਿ ਰਾਵਣ ਕੋ ਮਾਥ ਪਿਖ ਭਾਖੇ ਦਸ ਸੀਸ ਯਹਿ  
 ਬਡੋਈ ਖਿਲਾਵਨਾਂ । ਹਾਸਿਤ ਸੁ ਬਾਰਿ ਬਾਰ ਨਾਰੀਆਂ  
 ਉਦਾਰ ਵਧ ਕਰਤ ਉਚਾਰ ਅਹੇ ਬਾਲ ਮਨ ਭਾਵਨਾਂ ॥ ੪ ॥  
 ਬਡੋ ਦੁਖ ਪਾਇ ਤਿਨਿ ਹਾਥ ਤੇ ਛੁਡਾਯੋ ਕਿਵੇਂ ਨਾਰਿ ਬਲ ਹੇਰਿ  
 ਗ੍ਰਹਿ ਲੰਕ ਪਤਿ ਆਯੋ ਹੈ । ਦੁਰਮਤਿ ਖੋਟੋ ਉਰ ਮੋਟੋ ਹੀ  
 ਬਿਚਾਰ ਕਰੇ ਆਏ ਘਰਿ ਮਾਹਿ ਉਰ ਮਾਹਿ ਬਿਸਮਾਯੋ ਹੈ ।  
 ਬਿਸ਼ਨ ਕੇ ਹਾਥ ਸੁ ਕਟਾਇ ਨਿਜਮਾਥ ਰਣ ਜਾਉਂ ਸੁ ਬਿ  
 ਕੁੰਠ ਉਰ ਐਸੇਈ ਠਰਾਯੋ ਹੈ । ਕੁਪੇ ਹਰਿ ਜਾਂਹਿ ਬਾਭ ਸੋਈ  
 ਉਤਪਾਤ ਕਰੋਂ ਐਸੇ ਉਰ ਧਾਰਿ ਤਿਨਿ ਬੈਰ ਕੋ ਲਗਾਯੋ ਹੈ ॥  
 ੫॥ ਐਸੇ ਮਨ ਧਾਰਿ ਤਿਨ ਜਾਨਕੀ ਚੁਰਾਈ ਬਨ ਤੋਹਿ ਕੋ  
 ਪਰਾਤਮਾ ਸੁ ਤਾਹਿ ਉਰ ਧਾਰਿਯੋ । ਤੋਹਿ ਤੇ ਸੁਚਾਹ ਨਾਸ  
 ਵੈਰਕੋ ਪ੍ਰਕਾਸ਼ਕੀਯੋ ਜਾਨਕੀ ਕੋ ਮਾਤਸਮ ਤਾਂਹਿ ਪ੍ਰਤਿ ਪਾਰਿਯੋ  
 । ਗਯਾਨ ਦਿਗ ਰਾਮ ਭੂਤ ਭੱਬ ਤੂੰ ਪਛਾਨੇ ਸਭ ਤੁਹੀ ਪਰਮੇ



ਸਰ ਸੁ ਬੇਦਕੈ ਉਚਾਰਿਯੋ । ਤ੍ਰਿਕਾਲ ਕਲਨਾਂ ਹੈ ਜੋਈ ਤਾਕੇ  
 ਸਾਖੀ ਰਾਮ ਸੋਈ ਪੂਰਣ ਅਨੰਦ ਸੁ ਬਿਕਲਪ ਨ ਬਿਕਾਰਿਯੋ  
 ॥ ੬ ॥ ਦੋਹਰਾ ॥ ਭਗਤਨ ਕੇ ਅਨੁਰਾਗ ਹਿਤ ਕ੍ਰਿੱਤ ਕਰੋ  
 ਸਭ ਰਾਮ । ਮਨੁਜਾ ਕ੍ਰਿੱਤ ਤਵ ਜੱਸ ਕਥਾ ਸੁਨਤ ਹੋਇ ਸਭ  
 ਕਾਮ ॥ ੭ ॥ ਸਗਲ ਲੋਕ ਪੂਜਾ ਕਰੇਂ ਪਾਇ ਬੈਕੁੰਠ ਮਹਾਂਨ ।  
 ਪੁਨਿ ਅਗਸੁ ਇਹ ਭਾਂਤਿ ਤਬ ਕੀਨੋ ਉਮਾ ਬਖਾਂਨ ॥ ੮ ॥  
 ਚੋਪਈ ॥ ਯਾਬਿਧ ਸੁਨਿ ਮੁਨਿ ਵਰ ਤੇ ਬਾਂਨੀ । ਪੂਜਯੋ ਤਾਂਕੋ  
 ਰਮਾਭਵਾਨੀ । ਮੁਨਿਗਨਿ ਤਾਹਿ ਸਗਲ ਸੰਗਿਲਏ । ਅਗਸੁ  
 ਮੁਨੀ ਨਿਜ ਆਸ੍ਰਮ ਗਏ ॥ ੯ ॥ ਸੀਤਾ ਸਹਿਤ ਰਾਮ  
 ਬਿਗਸਾਏ । ਭਾਈ ਮੰਤ੍ਰੀ ਸੰਗ ਸੁਹਾਏ । ਸੰਸਾਰੀਜਯੋਂ ਵੈ ਪਦ  
 ਮਾਂਨਾਬ । ਰਮਣਲਗੇ ਘਰਮੈਂ ਰਘੁਨਾਬ ॥ ੧੦ ॥ ਵਿਖਯਨਮੈਂ  
 ਹਰਿ ਸਦਾ ਅਸੰਗਾ । ਭੋਗੇ ਭੋਗ ਜਾਨਕੀ ਸੰਗਾ । ਹਨੁਮਤ ਲੋ  
 ਸਭ ਬਾਨਰ ਜੇਤੇ । ਤਾਹਿ ਰਹੇ ਪਰਵਾਰੇ ਤੇਤੇ ॥ ੧੧ ॥ ਏਕ  
 ਸਮੇਂ ਵਹਿ ਸੁਮਨ ਬਿਬਾਂਨ । ਆਯੋ ਜਿਹ ਬੈਠੇ ਭਗਵਾਂਨ ।  
 ਕਹਯੋ ਬਬਾਂਨ ਕੁਬੇਰ ਪਠਾਯੋ । ਤਾਂਤੇ ਰਾਮ ਤੋਹਿ ਢਿਗ ਆਯੋ  
 ॥ ੧੨ ॥ ਦੋਹਰਾ ॥ ਪੂਰਬ ਰਾਵਣ ਜੀਤ ਕਰ ਤੋਹਿ ਲਿਗਯੋ  
 ਸੁ ਧਾਮ । ਬਹੁਰ ਰਾਮ ਜਿਨਿ ਆਨਿਯੋ ਰਾਵਣ ਹਨ ਸੰਗਾਮ  
 ॥ ੧੩ ॥ ਤਾਂਤੇ ਧਾਰੋ ਰਾਮ ਕੋ ਜਬਲਗ ਤਾਂ ਧਰਵਾਸ । ਰਾਮ  
 ਬਿਕੁੰਠਹਿ ਜਾਇ ਜਬ ਤਬ ਆਵੇ ਮਮ ਪਾਸ ॥ ੧੪ ॥ ਯਾ  
 ਬਿਧਿ ਸੁਨਿ ਬਿਬਾਂਨਕੀ ਬਾਨੀ । ਹਸਕਰ ਬੋਲੇ ਰਾਮਭਵਾਨੀ  
 ॥ ਸੂਰਯ ਸਮ ਜੋ ਸੁਮਨ ਬਿਬਾਂਨ । ਤਾਂਕੋ ਰਾਮ ਸੁ ਕੀਨ ਬਖਾ



ਨ ॥੧੫॥ ਤੋਕੋ ਯਾਦ ਕਰੋਂਗੋ ਜਬਹੀ । ਮੇਰੀ ਢਿਗ ਆਯੋ ਤੁ  
 ਮ ਤਬਹੀ । ਅਬ ਤੂੰ ਮੇਰੀ ਆਇਸਮਾਨ । ਨਭਿ ਮੈ ਲੀਨ ਸੁ ਹੋਇ  
 ਬਿਬਾਨ ॥ ੧੬ ॥ ਯਾ ਬਿਧ ਰਾਮ ਸੁ ਤਾਂਹਿ ਬਖਾਨ । ਪੁਰ  
 ਕਾਰਯ ਮੈਂ ਲਗੈ ਮਹਾਨ । ਭਾਈ ਮੰਤ੍ਰੀ ਸਗਲ ਲਵਾਇ ।  
 ਪੁਰ ਕਾਰਯ ਸਭ ਕਰੇ ਨਿਯਾਇ ॥ ੧੭ ॥ ਰਾਮ ਰਮਾਪਤਿ  
 ਰਾਜਾ ਭਏ । ਵਸੁਧਾ ਸਗਲ ਸਮਯ ਨਿਰਮਏ । ਪਾਦਪ ਭਏ  
 ਸੁ ਫਲਕੇ ਆਇਨ । ਜਨ ਸਭ ਭਏ ਸੁ ਧਰਮ ਪਰਾਇਨ ॥  
 ੧੮ ॥ ਨਾਰੀ ਭਈ ਪਤਿਬ੍ਰਤ ਸਾਰੀ ॥ ਪਤਿਕੋ ਭਜੇ ਸੁ ਲਾਇ  
 ਪਿਯਾਰੀ । ਸੁਤਕੋ ਮਰਣ ਨ ਹੇਰੇ ਕੋਈ । ਰਾਮ ਭਏ ਰਾਜਾ  
 ਹਰਿ ਸੋਈ ॥ ੧੯ ॥ ਸੀਤਾ ਸਹਿਤ ਸੁ ਬੈਠ ਬਿਬਾਨ । ਬਾਨਰ  
 ਭਾਈ ਸਹਤ ਪ੍ਰਧਾਨ । ਉਮਾ ਮਹੀ ਮੈਂ ਰਾਮ ਸੁ ਫਿਰੇ ॥ ਬਹੁਤ  
 ਅਮਾਨੁਖ ਕਾਰਯ ਕਰੇ ॥ ੨੦ ॥ ਬ੍ਰਾਹਮਣ ਕੋ ਸੁਤ ਏਕ ਸੁ  
 ਬਾਲ । ਰਾਮ ਪਿਖਯੋ ਵਹੁ ਮੁਇਓ ਅਕਾਲ । ਸੋਚਤ ਬਿੱਪ੍ਰ  
 ਰਾਮ ਸੋ ਪੇਖੇ । ਜਾਨਯੋ ਭਯੋ ਅਧਰਮ ਬਿਸੇਖੇ ॥ ੨੧ ॥ ਸੁੰ  
 ਦਰ ਪਿਖਯੋ ਏਕ ਬਨ ਮਾਂਹੀ । ਤਪਸਾ ਕਰੇ ਬਡੀ ਜਗਮਾਹੀ ।  
 ਤਰੁਕੇ ਸੰਗ ਅਧੋ ਮੁਖਿ ਡਾਰੇ । ਮੰਤਰ ਗੁਪਤਿ ਨ ਲੇਤ ਅਹਾਰੇ  
 ॥ ੨੨ ॥ ਧਮਨੀ ਬਜਾਪਤਿ ਤਾਂ ਤਨ ਲਹੇ । ਰਾਮ ਕਹਯੋ  
 ਯਹਿ ਪਾਤਕ ਅਹੇ ॥ ਤਾਂਕੋ ਮਾਰ ਸੁ ਰਾਮ ਬਿਸਾਲ । ਲਏ  
 ਜਿਵਾਇ ਬਿੱਪ੍ਰ ਕੇ ਬਾਲ ॥ ੨੩ ॥ ਸੂਦਰਕੋ ਦੀਨੋ ਸੁਰਲੋਕ ।  
 ਰਾਮ ਬਿੱਪ੍ਰ ਕੋ ਕੀਨ ਅਸੋਕ । ਰਾਮ ਪਰਾਤਮ ਤਾਂ ਜਗ ਆ  
 ਹੀ । ਲੋਕਨ ਕੋ ਉਪਦੇਸ ਕਹਾਹੀ ॥ ੨੪ ॥ ਸ਼ਿਵਕੇ ਲਿੰਗ



ਸੁ ਕੋਟ ਉਦਾਰ ॥ ਥਾਪੇ ਰਾਮ ਸੁ ਜਗਤ ਮਝਾਰ । ਸੀਤਾ  
 ਸਹਿਤ ਰਮੇ ਸੁਖ ਧਾਮਾ । ਭੋਗੇ ਭੋਗ ਅਮਾਨੁਖ ਰਾਮਾ ॥੨੫॥  
 ਧਰਮ ਸਹਿਤ ਧਰ ਰਾਜ ਸੁ ਕੀਨੋ । ਰਾਮ ਧਰਮ ਕੀ ਗਤਿ  
 ਸਭ ਚੀਨੋ । ਸਰਬ ਲੋਕ ਮਲ ਹਰਨੇ ਹਾਰੀ । ਕਥਾ ਰਾਮ  
 ਜਗ ਮਾਹਿ ਬਿਥਾਰੀ ॥੨੬॥ ਦਸ ਹਜ਼ਾਰ ਬਰਖੁ ਰਘੁਰਾਈ  
 । ਮਾਯਾ ਮਾਨੁਖ ਦੇਹ ਬਨਾਈ । ਵਿਧੁ ਵਤੁ ਰਾਜ ਕੀਓ ਰ  
 ਘੁਨਾਥ । ਲੋਕ ਨਿਵਾਵੇਂ ਜਾਂ ਪਦ ਮਾਥ ॥੨੭॥ ਪਤਨੀਏਕ  
 ਬਰਤ ਹਰਿ ਧਾਰੇ । ਰਾਜ ਰਿਖੀ ਸੁਚਿ ਰਾਮ ਮੁਰਾਰੇ । ਗ੍ਰਹ  
 ਮੇਧੀਕੇ ਧਰਮ ਸੁ ਪਾਵਨ । ਰਾਮ ਕਰੇ ਜਗ ਕੇਰ ਸਿਖਾਵਨ  
 ॥ ੨੮ ॥ ਸੀਤਾ ਪ੍ਰੇਮ ਰਾਮ ਮੇ ਧਾਰੇ । ਨਿੰਮ੍ਰਭਾਵ ਸਭ ਕਾਜ  
 ਸਵਾਰੇ । ਲਜਾ ਭਯ ਪਤਿ ਭਾਵ ਪਛਾਨੇ । ਤਾਕੋ ਪੇਖ ਰਾਮ  
 ਬਿਗਸਾਨੇ ॥੨੯॥ ਏਕ ਸਮੇਂ ਉਪ ਬਨਕੇ ਮਾਹੀਂ । ਸਰਬਭੋਗ  
 ਜਾਂ ਮਾਹਿ ਸੁਹਾਹੀਂ । ਦਿੱਬਭਵਨ ਇਕੰਤ ਸੁ ਧੀਰ । ਸੁਖਸੋ  
 ਬੈਠੇ ਸ੍ਰੀ ਰਘੁਬੀਰ ॥੩੦॥ ਨੀਲ ਮਣੀ ਸਮ ਦੇਹਿ ਸੁਹਾਈ ।  
 ਭੂਖਨ ਦਿਬ ਧਰੇ ਰਘੁਰਾਈ । ਪ੍ਰਸੰਨ ਬਦਨ ਉਰ ਸਾਂਤਿ  
 ਮੁਰਾਰੇ । ਦਾਮਨ ਪੁੰਜ ਸਮੰ ਬਰ ਧਾਰੇ ॥੩੧॥ ਕਮਲ ਪੱਤ੍ਰ  
 ਸਮ ਨੈਨ ਉਦਾਰੀ । ਸੀਤਾ ਸਰਬ ਸੁ ਭੂਖਣ ਧਾਰੀ । ਰਾਮ  
 ਪਦਾਂਬੁਜ ਹਾਥ ਲਡਾਏ । ਰਾਘਵ ਪ੍ਰਤਿ ਯਹਿ ਬੈਠ ਅਲਾਏ  
 ॥ ੩੨ ॥ ਦੇਵ ਦੇਵ ਜਗਨਾਥ ਸੁਆਮੀ । ਪਰਮਾਤਮ ਸਭ  
 ਅੰਤਰ ਜਾਮੀ । ਸਨਾਤਨ ਚਿਦਾਨੰਦ ਪਰਬੀਨ । ਆਦਿ ਮਧ  
 ਪੁਨਿ ਅੰਤ ਬਿਹੀਨ ॥੩੩॥ ਤੂੰ ਅਸੇਸ ਜਗ ਕਾਰਣ ਰਾਮ ।



ਤੋ ਬਿਨ ਸਰੇ ਨ ਰੰਚਕ ਕਾਮ । ਏਕਾਂਤ ਠੌਰ ਸਭ ਸੁਰ ਬੇ ਆਏ  
 । ਮੋ ਪ੍ਰਤਿ ਐਸੇ ਬਚਨ ਘਲਾਏ ॥ ੩੪ ॥ ਬਹੁਤ ਭਾਂਤਿ ਸੁਰ  
 ਬਿਨਤੀ ਕਰੀ । ਬੈਕੁੰਠਮਾਂਹਿ ਆਵੇਂ ਅਬ ਹਰੀ । ਤੇਰੇ ਸੈਹਤ  
 ਬਸੇ ਧਰ ਮਾਹੀਂ । ਹਮ ਚਾਹੇਂ ਤਾਂਕੋ ਮਨ ਮਾਹੀ ॥ ੩੫ ॥  
 ਦੋਹਰਾ ॥ ਅਪਨੋ ਧਾਮ ਬਿਕੁੰਠ ਤਜਿ ਹਮਕੋ ਤਜਾਗ ਮੁਰਾਰਿ  
 ॥ ਜਗਤ ਮਾਤ ਤਵ ਸੰਗਿ ਹਰਿ ਬਿਚਰੇ ਧਰਣ ਮਝਾਰ ॥  
 ੩੬ ॥ ਤਾਂਤੇ ਆਗੇ ਤੁਮ ਚਲੋ ਤਾਂ ਬਿਕੁੰਠ ਕੇ ਮਾਹਿ । ਪਾਛੇ  
 ਰਾਮ ਸੁ ਆਇ ਹੈਂ ਹਮ ਸਨਾਥ ਹੁਇ ਜਾਹਿ ॥ ੩੭ ॥ ਚੌਪਈ ॥  
 ਯੋ ਬਿਨਤੀ ਦੇਵਨ ਮਮ ਗਾਈ । ਮੈ ਹਰਿ ਜੀ ਤਵ ਪਾਸ ਸੁ  
 ਨਾਈ । ਯੁਕਤਿ ਹੋਇ ਸੋ ਕਰੇ ਮਹਾਨ । ਨਹਿ ਆਇਸੁ ਮੈਂ  
 ਕਰੇ ਬਖਾਨ ॥ ੩੮ ॥ ਸੀਤਾ ਵਾਕ ਸੁਨੇ ਯਹਿ ਜਬਹੀ । ਧਯਾਨ  
 ਧਾਰਿ ਹਰਿ ਭਾਖਿਓ ਤਬਹੀ । ਦੇਵੀ ਮੈਂ ਸਗਲੀ ਬਿਧਿ  
 ਜਾਨੋ । ਤਾ ਮਹਿ ਏਕ ਉਪਾਇ ਬਖਾਨੋ ॥ ੩੯ ॥ ਦੇਵੀ ਏਕਾ  
 ਮਿਸਹਿ ਬਨਾਉਂ । ਲੋਕਨ ਤੇ ਅਵਵਾਦ ਕਰਾਉਂ । ਲੋਕਨ ਤੇ  
 ਜਨ ਡਰ ਉਰਮਾਨ । ਤਜਾਗੋਂ ਤੋਕੋ ਵਿਖਨ ਮਹਾਨ ॥ ੪੦ ॥  
 ਬਾਲਮੀਕ ਆਸ੍ਰਮ ਕੇ ਤੀਰ । ਦੋ ਕੁਮਾਰ ਹੋਵੇਂ ਤਵ ਬੀਰ ।  
 ਅਬਤੇ ਗਰਭ ਸੁ ਦੇਤ ਦਿਖਾਈ । ਉਪਜੇਂਗੇ ਭੁਜਿ ਬਲਿ ਅਧਿ  
 ਕਾਈ ॥ ੪੧ ॥ ਮੋਹਿ ਸਮੀਪ ਬਹੁਰ ਤੂੰ ਐਹੈ । ਲੋਕਨ ਕੋ  
 ਪਰਤੀਤ ਸੁ ਦੈ ਹੈ । ਆਦਰ ਸੈਹਤ ਸੁਗੰਧ ਸੁ ਦੈ ਹੈ । ਭੂਮਿ  
 ਵਿਵਰ ਬੈਕੁੰਠਹਿ ਜੈਹੈ ॥ ੪੨ ॥ ਮੈਂ ਪਾਛੇ ਆਵੇਂ ਸੁਖਦਾਈ ।  
 ਯੋ ਮਨ ਮਾਹਿ ਸੁ ਮੈਂ ਠਹਿਰਾਈ । ਐਸੇ ਰਾਮ ਸੁ ਕੀਨ



ਬਖਾਨ । ਗਈ ਜਾਨਕੀ ਭੋਨ ਮਹਾਨ ॥੪੩॥ ਗਜਾਨਸਰੂਪ  
 ਰਾਮ ਹੈ ਜੇਈ । ਬੈਠੇ ਸਭਾ ਮਾਹਿ ਪੁਨਿ ਤੇਈ । ਮੰਤ੍ਰੀ ਮੰਤ੍ਰ  
 ਬਿਸਾਰਦ ਧੀਰਾ । ਸੈਨ ਸਿੰਦਾਰ ਮਹਾਂ ਬਲਬੀਰਾ ॥੪੪॥ ਔਰ  
 ਮਹਾਜਨ ਹੱਥੇ ਜੇਤੇ । ਰਾਮ ਸਮੀਪ ਸੁ ਬੈਠੇ ਤੇਤੇ । ਸੁਹਿਰਦ  
 ਉਪਾਸਨ ਤਾਂਕੀ ਕਰੈ । ਬਹੁਬਿਧ ਹਾਸ ਕਥਾ ਬਿਸਬਰੈ ।  
 ੪੫ ॥ ਹਾਸ ਕਥਾ ਜਬ ਬਢੀ ਅਪਾਰੀ । ਸੁਨਿ ਸੁਨਿ ਹਸੇ  
 ਸੁ ਰਾਮ ਮੁਰਾਰੀ । ਸਭਾ ਮਾਹਿ ਬਿਜੈ ਇਕ ਨਾਮਾ । ਕਥਾ  
 ਪ੍ਰਸੰਗ ਪੂਛਯੋ ਰਾਮਾ ॥੪੬॥ ਪੁਰਿ ਅਰ ਦੇਸ ਨਿਵਾਸੀ ਜੇਤੇ ।  
 ਕਹਿ ਬਿਧ ਭਾਖੇ ਮੋਕੋ ਤੇਤੇ । ਸੀਤਾ ਔਰ ਮਾਤ ਮਮ ਭ੍ਰਾਤਾ ।  
 ਕੈਕੇਈ ਜਗ ਮੈਂ ਬਿਖੱਯਾਤਾ ॥ ੪੭ ॥ ਕਹਿ ਬਿਧਿ ਤਿਨਕੋ  
 ਕਰੇ ਉਚਾਰ । ਸਾਚ ਕਹੋ ਉਰਮੇਂ ਡਰ ਡਾਰ । ਮੋ ਪਦ ਆਹਿ  
 ਸੁਗੰਦ ਮਹਾਨ । ਐਸੇ ਰਾਮ ਸੁ ਕੀਨ ਬਖਾਨ ॥ ੪੮ ॥ ਬਿਜੈ  
 ਬਖਾਨੇ ਸੁਨੋ ਨਰੇਸ਼ । ਲੋਕ ਕਰੇ ਜੋ ਜੋ ਨਿਰਦੇਸ । ਭੂਪਤ  
 ਰਾਮ ਬਡੇ ਸੁ ਗਜਾਨੀ । ਕੀਨੋ ਰਾਮ ਸੁ ਕਰਮ ਮਹਾਨੀ ॥  
 ੪੯ ॥ ਰਾਵਣ ਕੋ ਰਣਮੰਡਲ ਮਾਰ । ਸੀਤਾਕੋ ਤਹਿ ਕਰਜੋ  
 ਉਧਾਰ । ਯਹਿ ਇਕ ਕਰਮ ਅਸੰਗਤ ਕਰਿਯੋ । ਸੀਤਾ ਕੋ  
 ਗ੍ਰਹਿ ਭੀਤਰਿ ਧਰਿਯੋ ॥ ੫੦ ॥ ਕ੍ਰੋਧ ਰਾਮ ਅਬਿ ਪਿਸੂ ਸੁ  
 ਕੀਨੇ । ਸੀਤਾ ਸੰਗ ਰਮੇ ਰਸ ਭੀਨੇ । ਸੀਤਾ ਸੰਗਮ ਸੁਖ ਹੈ  
 ਜੇਈ । ਕੈਸੇ ਰਾਮ ਚੀਤ ਮੈਂ ਹੋਈ ॥ ੫੧ ॥ ਰਾਵਣ ਹਰੀ  
 ਬਿਜਨ ਬਨ ਮਾਹੀਂ । ਬਰਖ ਦਿਨਾ ਰਾਖੀ ਘਰ ਮਾਹੀਂ ।  
 ਅਕਸ ਮਾਤ ਕਛ ਖੋਟੋ ਕਰਹੈ । ਨਾਰਿ ਕਰਮ ਪਿਖ ਪਤਿ ਰੁਖ



ਧਰਮ ਹੈ ॥ ੫੨ ॥ ਭੂਪਤਿ ਜੋ ਜਗ ਕਰਮ ਕਮੈ ਹੈ । ਪਰਜਾ ਤਾ  
 ਪਥਿ ਮਾਹਿ ਚਲੈ ਹੈ । ਐਸੇ ਰਾਮ ਸੁਨਯੋ ਤਿਹ ਜਬਹੀ । ਨਿਜ  
 ਜਨ ਕੇ ਹਰਿ ਪੂਛਯੋ ਤਬਹੀ ॥ ੫੩ ॥ ਤਿਨ ਭੀ ਰਾਮ ਸੁ  
 ਬੰਦਨ ਧਾਰ । ਬਿਨ ਸੰਦੇਹ ਤਿਹ ਕੀਨ ਉਚਾਰ । ਬਿਜੈ ਸੁ  
 ਹਿਰਦ ਸੁ ਔਰ ਬਜੀਰ । ਬਿਦਾ ਕਰੇ ਸਗਲੇ ਰਘੁਬੀਰ ॥  
 ੫੪ ॥ ਲਖਮਣ ਕੇ ਪੁਨਿ ਲੀਨ ਬੁਲਾਏ । ਰਾਮ ਸੁ ਯਾ ਬਿਧ  
 ਬਚਨ ਅਲਾਏ । ਸੀਤਾ ਮਾਹਿ ਸੁ ਦੋਖ ਬਖਾਨ । ਮੇਰੇ ਭਯੋ  
 ਅਜਸਹਿ ਮਹਾਨ ॥ ੫੫ ॥ ਸੀਤਾ ਕੇ ਤੁਮ ਬੇਗ ਸਕਾਰੇ । ਲੇ  
 ਜਾਵੇ ਤਾਂ ਬਿਪਨ ਮਝਾਰੇ । ਬਾਲਮੀਕ ਆਸ੍ਰਮ ਢਿਗ ਜਾਇ ।  
 ਆਵਹੁ ਛੇਡ ਸੁ ਰਥਹਿ ਬਠਾਇ ॥ ੫੬ ॥ ਯਾ ਪਰਿਜੋ ਕਛੁ  
 ਕਰੇ ਬਖਾਨ । ਮੋਹਾ ਨਨ ਤਵ ਪਾਪ ਮਹਾਨ । ਐਸੇ ਰਾਮ  
 ਬਖਾਨਯੋ ਜਬਹੀ । ਡਰਯੋ ਸੁ ਲਖਮਣ ਉਰ ਮੈਂ ਤਬਹੀ ॥ ੫੭  
 ਉਠਕਰ ਪ੍ਰਾਤ ਸੁਮੰਤ ਬੁਲਾਈ ॥ ਜਨਕ ਸੁਤਾ ਰਥ ਮਾਹਿ  
 ਬਿਠਾਈ । ਜਾਤਿ ਭਯੋ ਤਾਂ ਬਨਕੇ ਮਾਹਿ । ਬਾਲ ਮੀਕ ਰਿਖ  
 ਜਾਂ ਬਨ ਮਾਹਿ ॥ ੫੮ ॥ ਆਸ੍ਰਮ ਕੀ ਢਿਗ ਸੀਯ ਉਤਾਰ ।  
 ਲਖਮਣ ਮੁਖਤੇ ਕੀਨ ਉਚਾਰ । ਜਨ ਅਪਵਾਦ ਡਰੇ ਮਨ  
 ਮਾਹਿ । ਰਾਮਤਜੀ ਤੂੰ ਯਾ ਬਨ ਮਾਹਿ ॥ ੫੯ ॥ ਸੀਤਾ ਦੁਖਿ ਤਭਈ  
 ਅਧਿਕਾਈ । ਮੁਗਧਿ ਨਾਰਿ ਸਮ ਬਹੁ ਬਿਲਖਾਈ । ਬਾਲਮੀਕ  
 ਕੇ ਸਿੱਖ ਸੁ ਜੇਈ । ਸਮਿਧਾ ਕੇ ਆਏ ਥੇ ਤੇਈ ॥ ੬੦ ॥  
 ਬਾਲਮੀਕ ਪ੍ਰਤਿ ਕੀਨ ਬਖਾਨ । ਸੁਨਿਕਰ ਬਾਲਮੀਕ ਭਗ  
 ਵਾਨ । ਸੀਤਾ ਤਾਹਿ ਰਾਮ ਪਹਿਚਾਨੀ । ਬਾਲਮੀਕ ਰਿਖ



ਦਿੱਬ ਗਿਆਨੀ ॥ ੬੧ ॥ ਅਰਘਾਦਿਕ ਪੂਜਾ ਕੇ ਧਾਰ । ਸੀਤਾ  
 ਕੇ ਬਹੁ ਵਧੇ ਪਿਯਾਰ । ਭਾਵੀ ਬਾਤ ਜਾਨਿ ਮਨਿ ਚੀਤਾ ।  
 ਰਿਖ ਬਨਤਾ ਕੇ ਅਰਪੀ ਸੀਤਾ ॥ ੬੨ ॥ ਤੇ ਸੀਤਾਪੂਜਾ ਬਹੁ  
 ਕਰੀ । ਭਗਤਿ ਸਹਿਤ ਸੇਵਾ ਬਿਸਬਰੀ । ਦਿਨ ਦਿਨ ਮੈ  
 ਐਸੀ ਬਿਧ ਰਹੇ । ਸੀਤਾ ਦੂਖ ਨ ਕੋਈ ਲਹੇ ॥ ੬੩ ॥  
 ਵੇਹਰਾ ॥ ਮੁਨਿਕੇ ਵਾਕ ਸੁ ਧਾਰਿ ਉਰ ਜਾਨ ਪਰਾਤਮ ਨਾਰਿ  
 ਮੁਨਿ ਨਾਰੀ ਸੇਵਾ ਕਰੇ ਤਾਂਕੀ ਬਹੁ ਪਰਕਾਰ ॥ ੬੪ ॥  
 ਚੌਪਈ ॥ ਰਾਮ ਪਰਾਤਮ ਗਿਆਨ ਸਰੂਪ । ਕੇਵਲ ਆਦਿ  
 ਸੁ ਵੇਵ ਅਨੂਪ । ਸੀਤਾ ਬਿਨ ਸਭ ਭੋਗ ਤਿਆਗ । ਧਾਰੇ  
 ਰਾਮ ਸੁ ਦਿਢ ਬੈਰਾਗ ॥ ੬੫ ॥ ਵੇਹਰਾ ॥ ਮੁਨਿ ਪਦ  
 ਪੰਕਜ ਸੇਵਹੀ ਪੁਨਿ ਬ੍ਰਤ ਧਾਰੇ ਰਾਮ । ਗੁਲਾਬ ਸਿੰਘ ਕਰ  
 ਜੋਰਕੈ ਕਰਤ ਸਦਾ ਪਰਣਾਮ ॥ ੬੬ ॥ ਇਤਿ  
 ਸ੍ਰੀ ਮਤਿ ਅਧਯਾਤਮ ਰਾਮਾਇਣੇਂ ਉਮਾਂ ਮਹੇਸ਼ੁਰ ਸੰਬਾਦੇ  
 ਉੱਤਰ ਕਾਂਡੇ ਚਤੁਰਥੇ ਧਰਮ ॥ ੪ ॥

**ਅਖ ਰਾਮ ਗੀਤਾ ਮੂਲ ਭਾਖਾ ਲਿਖਯਤੇ ॥**

॥ ਸ੍ਰੀ ਮਹਾਂਦੇਵ ਉਵਾਚ ॥ ਕਬਿੱਤੁ ॥

ਤਬਿ ਹਰਿ ਰਾਮਚੰਦ ਜਗਤ ਅਨੰਦ ਕੰਦ ਕੀਰਤ ਰਾਮਾਇਣ  
 ਸੁ ਉੱਤਮ ਬਿਬਾਰਿਆ । ਪੂਰਬ ਅਚਾਰ ਸੁ ਰਘੂਤਮ ਬਿਚਾਰ  
 ਕਰੇ ਰਾਜ ਰਿਖਿ ਕੀਨੇ ਜੈਸਾ ਜਗਤ ਮਝਾਰਿਆ । ਲਖਮਣ  
 ਭ੍ਰਾਤ ਮਤਿਮਾਂਨ ਬਿੱਖਯਾਤ ਤਬ ਪੂਛਯੋ ਸੁ ਰਾਮਚੰਦ ਉੱਤਰ  
 ਉਚਾਰਿਆ । ਨਿੰਗ ਭੂਪਕੀ ਕਹਾਂਨੀ ਰਾਮ ਭਾਖੀਯਾ ਪੁਰਾਨੀ



ਵਹਿ ਭਯੋ ਮਤਿਵਾਰੋ ਦਿਜ ਭਯੋ ਸ੍ਰਾਪ ਭਾਰਿਆ ॥ ੧ ॥ ਬਾਮਨ  
 ਕੀ ਗਾਇ ਤਿਨ ਦਈਥੀ ਪ੍ਰਮਾਦ ਕਰ ਸਰਟਾ ਸਰੂਪ ਤਿਨ  
 ਕੂਪ ਮਾਹਿ ਪਾਯੋਹੈ । ਬਾਮਨ ਕੇ ਧਨਤੇ ਵਿਮੁਖ ਰਹੋ ਸਦਾਭ੍ਰਾਤ  
 ਐਸੇ ਰਾਮਚੰਦ ਨਿਜ ਭ੍ਰਾਤਕੋ ਅਲਾਯੋ ਹੈ । ਕਾਹੁ ਇਕ ਕਾਲ  
 ਲਖਮੰਨ ਜੋ ਬਿਸਾਲ ਉਮਾਂ ਰਾਮ ਕੇ ਸਮੀਪ ਸੁ ਇਕੰਤ  
 ਚਲਿ ਆਯੋਹੈ । ਐਸੇ ਰਘੁਬੀਰ ਜਾਂਕੋ ਧੀਰ ਰਿਖ ਗਾਨ ਕਰੇ  
 ਜਾਂਹੀਕੋ ਪਦਾਰਬੰਦ ਪਦਮਾ ਲਡਾਯੋ ਹੈ ॥ ੨ ॥ ਆਇਕੇ  
 ਸੁਮਿੱਤ੍ਰ ਪੂਤ ਸੁੱਧ ਭਾਵਨਾਂ ਸੁਚੀਤ ਭਯੋ ਨਿਮ੍ਰਭਾਵ ਤਿਨਕਰੀ  
 ਪਦ ਬੰਦਨਾਂ ॥ ਤੁਹੀ ਸੁੱਧ ਬੋਧਿ ਸਭਿ ਜੀਵਨ ਕੇ ਆਤਮਾਂ  
 ਨਿਰਾਕ੍ਰਿਤ ਸਰੂਪ ਰਾਮ ਈਸ਼ ਰਘੁਨੰਦਨਾਂ ॥ ਤਵਪਦ ਕੰਜਨ  
 ਕੇ ਭ੍ਰਿੰਗਨਕੇ ਸੰਗ ਕਰੇ ਪਿਖੇ ਤਿਨਿ ਤੇਈ ਜਿਨਿ ਗਜਾਨ  
 ਦ੍ਰਿਗ ਅੰਜਨਾਂ । ਆਏ ਪਦ ਪੰਕਜ ਕੀ ਸ਼ਰਨ ਸੁ ਨਾਥ ਹਮ  
 ਭਜਤ ਯੁਗੀਸ਼ ਪਦ ਤੇਰੇ ਭਵ ਭੰਜਨਾਂ ॥ ੪ ॥ ਅੱਗਯਾਨ  
 ਸਿੰਧਭਾਰੋ ਜਿਮ ਤਰੋਂ ਮੈ ਸੁਖਾਰੋ ਪ੍ਰਭ ਭਾਖੀਯੇ ਨਰੇਸ਼ ਬਾਤ  
 ਸੋਈ ਸੁਖ ਕਾਰੀਯੇ । ਸੁਨ ਕੈ ਸੁ ਬਾਤ ਭ੍ਰਾਤ ਭਏ ਪੁਲਕਾਤ  
 ਹਰਿ ਜਾਹਿ ਕੀ ਸ਼ਰੰਨ ਉਮਾਂ ਦੂਖ ਪੁੰਜ ਹਾਰੀਯੇ । ਕੀਨੋਂ ਹੈ  
 ਬਖਾਨ ਰਾਮ ਗਜਾਨਹੀ ਅੱਗਯਾਨ ਹਨੇਂ ਔਰ ਨਹਿ ਕੋਈ ਜੋ  
 ਈ ਬੇਦਕੈ ਉਚਾਰੀਯੇ । ਭੂਮਪਾਲਜੇਈ ਜੇਈ ਭਏ ਹੈਂ ਬਿਸਾਲ  
 ਜਗ ਤਿਨਕੇ ਭਵਾਂਨੀ ਰਾਮ ਭੂਖਨ ਸੁ ਧਾਰੀਯੇ ॥ ੪ ॥ ਸ੍ਰੀ  
 ਰਾਮੋ ਵਾਚਾ ॥ ਕਬਿੱਤੁ ॥ ਵਰਣ ਅੰ ਆਸ਼੍ਰਮਕੀ ਕਰੇ ਕ੍ਰਿਤ ਜੇਈ  
 ਸ੍ਰੁਤਿ ਆਦਿ ਮੈਂ ਸੁ ਕਰੇ ਭ੍ਰਾਤਿ ਸੋਈ ਮਨੁ ਲਾਇਕੈ । ਪਾਪ



ਮਲ ਧੋਇ ਜਬ ਸੁਧਿ ਮਨ ਹੋਇ ਤਬ ਭਜੈ ਕ੍ਰਿਤ ਸੋਈ ਚਾਰ  
 ਸਾਧਨ ਕੇ ਪਾਇਕੈ । ਗੁਰ ਕੀ ਸ਼ਰੰਨ ਜਾਇ ਆਤਮਾ ਕੋ ਗਿਆਨ  
 ਪਾਇ ਭਜੇ ਪਦ ਪੰਕਜ ਸੁ ਮਾਨ ਕੇ ਮਿਟਾਇਕੈ । ਗਿਆਨ ਕੋ  
 ਉਪਾਇ ਪੁਨਿ ਗਿਆਨ ਸੁਖਦਾਇ ਸਭ ਵੇਦਨ ਕੇ ਸਾਰ ਤਵ  
 ਕਹੋਂ ਸਮਝਾਇਕੈ ॥ ੫ ॥ ਚੌਪਈ ॥ ਆਦਰ ਸਹਿਤ ਕ੍ਰਿਯਾ  
 ਹੈ ਜੋਈ । ਜਗਮੈ ਤਨੁ ਉਪਜਾਵੈ ਸੋਈ । ਪੁਨਿ ਤਨੁ ਮੈਂ ਨਰ  
 ਰਾਗ ਸੁ ਧਾਰੈ । ਤਾਂਤੇ ਪ੍ਰੇਯ ਅਪ੍ਰੇਯ ਨਿਹਾਰੈ ॥ ੬ ॥ ਧਰਮਾ  
 ਧਰਮ ਤਾਹਿ ਤੇ ਹੋਈ । ਬਹੁਰੇ ਤਨ ਉਪਜਾਵੈ ਸੋਈ । ਬਹੁਰ  
 ਕ੍ਰਿਯਾ ਇਮ ਚੱਕ੍ਰ ਸਮਾਨ । ਭਾਖਯੋ ਲਖਮਣ ਭਵਹਿ ਮਹਾਨ  
 ॥ ੭ ॥ ਮੂਲ ਸੁ ਯਾਂਕੋ ਹੈ ਅਗਿਆਨ । ਤਾਂਹੀ ਕੋ ਅਬ ਕੀਜੈ  
 ਹਾਨ । ਅਗਿਆਨ ਨਾਸ਼ਕੋ ਕੀਨ ਬਖਾਨ । ਤਾਂਮੈ ਵਿਦਯਾ ਚਤੁਰ  
 ਪਛਾਨ ॥ ੮ ॥ ਅਗਿਆਨ ਜੰਨ ਕਰਮ ਹੈ ਜੋਈ । ਨਹਿ  
 ਅਗਿਆਨ ਬਿਨਾਸ਼ਕ ਤੇਈ ॥ ਪ੍ਰਸ਼ਨ ॥ ਜੋਨਿ ਵਸੁ ਜਗ ਭੀਤਰ  
 ਜੇਤੀ । ਹੈ ਅਗਿਆਨ ਜਨੀ ਸਭ ਤੇਤੀ ॥ ੯ ॥ ਵਿਦਯਾ ਭਈ  
 ਜੰਨਿ ਅਗਿਆਨ । ਸੋ ਕੈਸੇ ਤਿੰਹ ਕਰ ਹੈ ਆਨ ॥ ਉੱਤਰ ॥  
 ਜੰਨਕਿ ਜਨਕ ਭਾਵ ਹੈ ਜੋਈ । ਨਾਹਿ ਅਨਾਸ਼ ਕਹੇ ਤੂੰ ਸੋਈ  
 ॥ ੧੦ ॥ ਵਿਰੋਧੀ ਹੋਇ ਜਗਤ ਮੈਂ ਜੇਤੋ । ਹੋਇ ਬਿਨਾਸ਼ਕ  
 ਸਗਲੋ ਤੇਤੋ । ਅਗਨੀ ਦਾਰੁ ਜੰਨਿ ਜਗ ਐਹੈ । ਤਾਂਹੀਕੋ ਪੁਨਿ  
 ਉਲਟੀ ਦੈਹੈ ॥ ੧੧ ॥ ਕਰਕਟ ਆਦਿ ਬਹੁਤ ਦ੍ਰਸ਼ਟਾਂਤ । ਯਾਹਿ  
 ਬਿਖੈ ਬੁਧਿ ਕਹੈ ਏਕਾਂਤ । ਅਗਿਆਨ ਬਿਰੋਧੀ ਵਿਦਯਾ ਐਹੈ ।  
 ਯਾਹੀ ਤੇ ਤਾਂਕੋ ਪੁਨਿ ਦਹੈ ॥ ੧੨ ॥ ਕ੍ਰਿਯਾ ਨਹਿ ਅਗਿਆਨ



ਨਿਵਾਰੇ। ਨਾਹਿ ਰਾਗਕੋ ਮੂਲ ਉਖਾਰੇ। ਤਾਂਤੇ ਕਰਮ ਸੁਦੋਖ ਸੁ  
 ਹੋਈ। ਪੁਨਿ ਸੰਸਾਰ ਉਪਾਵੇ ਸੋਈ॥੧੩॥ ਤਾਂਤੇ ਜੋ ਨਰਿ ਬੁਧਿ  
 ਉਦਾਰ। ਕਰੇ ਨਿਰੰਤਰਿ ਗਿਆਨ ਬਿਚਾਰ। ਕਰਮਨ ਕੋ ਉਰ  
 ਸਾਧਨ ਮਾਨ। ਲਖਮਣ ਸੰਸਾ ਕਰਤ ਬਖਾਨ ॥ ੧੪ ॥  
 ਨਨੁ। ਕ੍ਰਿਯਾ ਬੇਦ ਬਖਾਨੀ ਜੋਈ। ਵਿਦਿਆ ਸਮ ਸਾਧਨ  
 ਪੁਨਿ ਸੋਈ। ਪੁਰਖਾਰਥ ਸਾਧਨ ਤਾਂ ਉਰ ਮਾਨ। ਬੇਦ ਸੁ  
 ਮੁਖਤੇ ਕਰੇ ਬਖਾਨ ॥੧੫॥ ਕਰਤਬ ਅਹੈ ਪ੍ਰਾਣੀ ਕੋ ਸੋਈ।  
 ਬਿਧਿ ਸੋਂ ਬੇਦ ਬਖਾਨੀ ਜੋਈ। ਵਿਦਿਆ ਸੰਗਿ ਸਹਾਇਤ  
 ਪਾਵੇ। ਕ੍ਰਿਯਾ ਗਿਆਨ ਮਿਲ ਮੋਖ ਉਪਾਵੇ ॥੧੬॥ ਦੋਹਰਾ॥  
 ਦੋਵ ਦਵੰਤ ਵਿਹੰਗ ਜੋ ਜੋਂ ਨਭਿ ਭੀਤਰਿ ਜਾਇ। ਗਿਆਨ  
 ਕਰਮ ਤਿਮਹੀ ਮਿਲੇ ਲੇਵੇ ਮੋਖ ਉਪਾਇ ॥ ੧੭ ॥ ਚੌਪਈ  
 ॥ਕਰਮਨ ਕੋ ਯੋਂ ਦੇਵੇਂ ਡਾਰ। ਸੁਤਿਕਰੇ ਤਿਹ ਦੋਖ ਉਚਾਰ  
 । ਅਗਨਿ ਹੋਤ੍ਰ ਕੋ ਤਜਾਗੇ ਦੋਈ। ਵੀਰਹਾ ਦੇਵਨਾਂਕੋ ਹੋਈ  
 ॥੧੮॥ ਤਾਂਤੇ ਹੋਇ ਮਮੋਖੀ ਜੋਈ। ਕਰਮ ਨਿਰੰਤਰ ਕਰੇ ਸੁ  
 ਸੋਈ। ਕਰਣਾਂ ਸਿੰਧ ਸੁ ਰਾਮ ਉਦਾਰ। ਉਤਰ ਯਾ ਕੋ ਕਰੇ  
 ਉਚਾਰ ॥ ੧੯ ॥ ਆਹਿ ਸੁਤੰਤਰ ਬਿਦਯਾ ਭ੍ਰਾਤ। ਨਿਸਚਲ  
 ਕਾਰਯ ਕਰੇ ਬਿਖਯਾਤ। ਬਿਦਯਾ ਅਹੇ ਸੁਤੰਤਰ ਜੋਈ।  
 ਮਨਕਰ ਕਿੰਚਤ ਚਹੇ ਨ ਸੋਈ ॥ ੨੦ ॥ ਨਨੁ ॥ ਨਿਸਚਲ  
 ਕਾਰਯ ਜੋਂ ਕ੍ਰਿਤ ਅਹੇ। ਕਾਰਕ ਕੋ ਫਲ ਹਿਤ ਵਹੁ ਚਹੇ॥  
 ਤਜੋਂ ਵਿਦਯਾ ਜਗ ਭੀਤਰ ਜੋਈ। ਚਾਹੇਕਰਮ ਮੁਕਤਿਹਿਤ ਸੋ  
 ਸੋਈ ॥ ੨੧ ॥ ਕੇਚਿਤ ਐਸੇ ਕਰੇ ਬਖਾਨ। ਸੋ ਅਸੱਤਿ ਉਰ



ਲਖਮਣਿਜਾਨ । ਵਿਤਰਕ ਵਾਦੀ ਇਮ ਭਾਖੇ ਜੋਈ । ਦ੍ਰਿਸ਼ਟਿ  
 ਵਿਰੋਧ ਬਨੇ ਨਹਿ ਸੋਈ ॥ ੨੨ ॥ ਤਨੁ ਅਭਿਮਾਨ ਪ੍ਰਿਥਮ  
 ਨਿਰਧਾਰੇ । ਪਾਛੇ ਯਾਗ ਹੋ ਮਥਿਸਥਾਰੇ । ਗਤਿ ਹੰਕਾਰ ਹੋਇ  
 ਨਰ ਜੋਈ । ਬ੍ਰਹਮ ਵਿਦਯਾ ਤਹਿ ਪੁਨਿ ਹੋਈ ॥ ੨੩ ॥  
 ਵਿਸੁੱਧਿ ਵਿਗਯਾਨ ਸੁ ਜਾਂਤੇ ਹੋਈ । ਐਸੇ ਵਾਕ ਬਿਚਾਰੇ ਕੋਈ  
 । ਚਰਮ ਬ੍ਰਿਤ ਵਾਕ ਜੋ ਜਨੇਂ । ਆਤਮਵਿਦਯਾਸੋ ਸ੍ਰੁਤਿ ਭਨੇਂ  
 ॥ ੨੪ ॥ ਪ੍ਰਯਾਜ ਅਨੁਯਾਜ ਸੁ ਕਾਰਕ ਜੋਈ । ਕਰਮ ਜਨਮ  
 ਹਿਤ ਚਾਹੇ ਤੇਈ । ਵਿਦਯਾ ਨਿਖਲ ਸੁ ਕਾਰਕ ਮਾਰੇ । ਤਾਂਤੇ  
 ਸੁਧਿ ਕਰਮ ਸਭ ਡਾਰੇ ॥ ੨੫ ॥ ਸਮੁੱਚੈ ਵਿਦਯਾ ਕਰਮਨ  
 ਕੇਰੇ । ਤੇਜ ਤਿਮਰ ਜਜੋਂ ਉਰਮੈਂ ਹੋਰੇ । ਆਤਮ ਅਨੁਸੰਧਾਨ  
 ਪਰਾਇਣ । ਇੰਦ੍ਰੈ ਬਿਖੈ ਤਜੈ ਦੁਖ ਦਾਇਣ ॥ ੨੬ ॥  
 ਦੋਹਰਾ ॥ ਜੋਲੋ ਆਤਮ ਬੁੱਧਿ ਹੈ ਮਾਯਾ ਕਰ ਤਨ ਮਾਹਿ ।  
 ਤੋਲੋ ਕਰਮ ਬਖਾਨ ਹੈ ਵਿਧਵਤ ਨਿਗਮ ਸੁ ਤਾਹਿ ॥ ੨੭ ॥  
 ਨੇਤ ਨੇਤ ਯਹਿ ਵਾਕਕਰ ਨਿਖਲ ਨਿਖੇਧੇ ਜੋਇ । ਜਾਨ  
 ਪਰਾਤਮ ਤੱਤ ਉਰ ਤਜੇ ਕ੍ਰਿਯਾ ਸਭ ਕੋਇ ॥ ੨੮ ॥ ਭੇਦ  
 ਪਰਾਤਮ ਜੀਵਕਾ ਭੇਦਕ ਜੋ ਅੰਗਯਾਨ । ਜੋ ਆਤਮ ਮਹਿ  
 ਹੋਇ ਨਰ ਨੀਕੇ ਭਾਸੁਰ ਭਾਨ ॥ ੨੯ ॥ ਹੋਵੈ ਮਾਇਆ ਲੀਨ  
 ਤਬ ਬੇਗ ਸਕਾਰਕ ਸੋਇ । ਆਤਮ ਕੇ ਸੰਸਾਰ ਕੇ ਭਾਖੀ  
 ਕਾਰਨ ਜੋਇ ॥ ੩੦ ॥ ਬੇਦ ਪ੍ਰਮਾਣ ਸੁ ਜੋਹਣੀ ਨਿਖਲ  
 ਅਵਿਦਯਾ ਬੀਰ । ਕੈਸੇ ਕਾਰਯ ਕਾਰਣੀ ਹੋਵੇ ਬ੍ਰਹੁਰ ਸੁਧੀਰ  
 ॥ ੩੧ ॥ ਵਿਗਯਾਨ ਅਦੁਤੀ ਸੁ ਅਮਲ ਪੁਨਿ ਭਾਖਿਯੋ ਆ



ਤਮ ਸੋਇ । ਤਾਂਤੇ ਬਹੁਰ ਅਵਿੱਦਯਾ ਕੈਸੇ ਲਖਮਣ ਹੋਇ  
 ॥ ੩੨॥ ਨਸ਼ਟਭਈ ਉਪਜੇ ਨਹੀ ਬਹੁਰ ਅਵਿੱਦਯਾ ਬੀਰ ।  
 ਮੈ ਕਰਤਾ ਯਹਿਮਤ ਕਹੈ ਕੈਸੇ ਹੋਵੈ ਧੀਰ ॥ ੩੩ ॥ ਤਾਂਤੇ ਅਹੇ  
 ਸੁਤੰਤਰਾ ਵਿੱਦਯਾ ਚਹੇ ਨ ਆਨ । ਮੋਖ ਉਪਾਏ ਕੇਵਲਾ ਬੰਧਨ  
 ਕਰ ਸਭ ਹਾਂਨ ॥ ੩੪ ॥ ਆਦਰ ਸੈਹਤ ਸੁ ਤੈਂ ਤਰੀ ਸੁਰਤਿ  
 ਕਹੈ ਸੰਨਯਾਸ । ਨਿਖਲ ਕਰਮ ਕੇ ਤਯਾਗ ਕਰ ਧਰੇ ਗਯਾਨ  
 ਉਰਾਸ ॥ ੩੫ ॥ ਵਾਜਿ ਸਨੇਹੀ ਸੁਤਿ ਪੁਨਿ ਐਸੇ ਕਰੇ  
 ਬਖਾਂਨ । ਤਾਂਤੇ ਕਰਮਨ ਮੋਖ ਹਿਤ ਗਯਾਨ ਏਕ ਪਹਿਚਾਨ ॥  
 ੩੬ ॥ ਵਿੱਦਯਾਕੇ ਸਮ ਯਾਹਿ ਕੋ ਤੈਂ ਮੁਖ ਕੀਨ ਬਖਾਂਨ ।  
 ਨਹਿ ਦ੍ਰਿਸ਼ਟਾਂਤ ਸੁ ਭਾਖਿਯੋ ਤਾਂ ਮੈਂ ਕੋਊ ਸਮਾਂਨ ॥ ੩੭ ॥ ਬਹੁ  
 ਕਾਰਕ ਫਲ ਭੇਦ ਹੈ ਯਾ ਬਿਧ ਯੱਗ ਸੁ ਹੋਇ । ਬਿਨ ਕਾਰਕ  
 ਫਲ ਏਕ ਹੈ ਗਯਾਨ ਵਿਲੱਖਣ ਸੋਇ ॥ ੩੮ ॥ ਕਰਮ ਤਿ-  
 ਆਗਨਾ ਮਾਹਿ ਤਿਨ ਪਾਪ ਕਹਯੋ ਸੁਤਿ ਜੋਇ । ਸੋ ਅੱਗਯਾਨੀ  
 ਮੂਢ ਕੋ ਗਯਾਨੀ ਕੋ ਨਹਿ ਹੋਇ ॥ ੩੯ ॥ ਚੌਪਈ ॥  
 ਅਨਾਤਮ ਮੈਂ ਆਤਮ ਮਤਿ ਜੋਇ । ਹੈ ਪ੍ਰਸਿੱਧ ਅੱਗਕੋ ਸੋਇ ।  
 ਤੱਤੁ ਗਿਆਨੀ ਭਵਮੈਂ ਜੇਤੇ । ਪਿਖੇ ਅਸੰਗ ਆਤਮਾਂ ਤੇਤੇ ॥  
 ੪੦ ॥ ਤਾਂਤੇ ਕਿਰਿਆ ਨਿਖਲ ਤਿਆਗੇ । ਤੱਤਗਿਆਨੀ ਜੇ  
 ਵਡ ਭਾਗੇ । ਕਰਮ ਬਿਧਾਨ ਕਹੇ ਸੁਤਿ ਜੇਈ । ਹੈਂ ਅੱਗਯਾਨੀ  
 ਜਨ ਪ੍ਰਿਤ ਤੇਈ ॥ ੪੧ ॥ ਤੱਤਮਸੀ ਯਹਿ ਵਾਕ ਉਦਾਰੇ ।  
 ਮੱਮੁਖੁ ਤਿਹ ਸ਼ਰਧਾ ਉਰਧਾਰੇ । ਗੁਰਪ੍ਰਸਾਦਿ ਸੁਨੇਂ ਬਚਬੇਦ  
 । ਜੀਵ ਪਰਾਤਮ ਲਖੈ ਅਭੇਦ ॥ ੪੨ ॥ ਮੇਰੁ ਸਮਾਂਨ ਅਕੰਪ



ਸੁ ਹੋਈ । ਸਦਾਸੁਖੀ ਦੁਖਾਲਹੈ ਨ ਕੋਈ । ਤੱਤੁੰ ਪਦਕੇ ਅਰਥ  
 ਸੁ ਜੋਈ । ਪ੍ਰਥਮ ਪਛਾਨੇਂ ਸਮ ਕਰ ਸੋਈ ॥ ੪੩ ॥ ਦੋਹਰਾ  
 ॥ ਵਾਕ ਅਰਥਕੋ ਗਿਆਨ ਜੋ ਤਾਂਤੇ ਹੋਵੇ ਧੀਰ । ਤੱਤੁੰ ਪਦਕੇ  
 ਅਰਥ ਹੈਂ ਜੀਵ ਪਰਾਤਮ ਬੀਰ ॥ ੪੪ ॥ ਮਸੀ ਪਦਾਰਥ  
 ਏਕਤਾ ਦੋਨੇ ਕੀ ਪਹਿਚਾਨ । ਪਿਖੇ ਪੁਰਾਤਨ ਏਕਤਾ ਹੋਇ  
 ਬੁਧ ਸਭ ਹਾਂਨ ॥ ੪੫ ॥ ਜੀਵ ਪਰਮਾਤਮ ਮਾਹਿ ਜੋ ਪ੍ਰਤਿਕ  
 ਪਰੋਖ ਵਿਰੋਧ । ਤਾਂ ਤਜਿ ਲਖੈ ਵਿਚਛੰਨਾਂ ਕਰੇ ਭਲੀ ਬਿਧ  
 ਸੋਧ ॥ ੪੬ ॥ ਤੱਤੁੰ ਪਦਕੇ ਅਰਥਮੈਂ ਕਰੇ ਲੱਖਣਾਂ ਬੀਰ । ਲਖੇ  
 ਚਿਦਾਤਮ ਏਕ ਰਸ ਹੋਇ ਅਦੁਤੀ ਸੁ ਧੀਰ ॥ ੪੭ ॥ ਚੌਪਈ  
 ॥ ਲੱਖਣਾਂ ਬੀਜ ਕੌਨ ਭਗਵਾਨ । ਤਾਂਤੇ ਲੱਖਣਾ ਕਰੇ ਬਖਾਂਨ  
 । ਤਾਤਪਰਯ ਅਬ ਬਰਨੋ ਜੋਈ । ਲੱਖਣਾਂ ਬੀਜ ਪਛਾਨੋ  
 ਸੋਈ ॥ ੪੮ ॥ ਦੋਹਰਾ ॥ ਅਕਾਂਖਯਾ ਪੁਨਿ ਯੋਗਤਾ ਸੰਨਿ-  
 ਧਾਨ ਪਹਿਚਾਨ । ਤਾਤਪਰਯ ਚੌਥੇ ਮਿਲੇ ਹੋਵੈ ਸਬਦ  
 ਗਿਆਨ ॥ ੪੯ ॥ ਚੌਪਈ ॥ ਵਾਕ ਮਾਹਿ ਪਦ ਹੱਥੇ ਜੇਤੇ ।  
 ਪਰਸਪਰੰ ਵਹਿ ਚਾਹੇ ਤੇਤੇ । ਤਾਂ ਬਿਨ ਅਰਥ ਜਨਾਵੈ ਨਾਹੀਂ  
 । ਯਹੀ ਅਕਾਂਖਯਾ ਹੈ ਪਦ ਮਾਹੀਂ ॥ ੫੦ ॥ ਜਜੋਂ ਕੋਟਿਕ  
 ਪਦ ਮੁਖੇ ਅਲਾਏ । ਆਹਿ ਆਹਿ ਤਿਨ ਸੰਗ ਮਿਲਾਏ । ਤੇ  
 ਕਛੁ ਅਰਥ ਜਨਾਵੈ ਨਾਹੀਂ । ਤਾਂਤੇ ਤਾਹਿ ਚਹੈ ਉਰ ਮਾਹੀਂ ॥  
 ੫੧ ॥ ਯਾਬਿਧ ਏਕ ਪਦਾਰਥ ਜੋਈ । ਦੁਤੀਯ ਪਦਾਰਥ  
 ਚਾਹੇ ਸੋਈ । ਜਾਂ ਬਿਨ ਅਰਥ ਨ ਅਪਨੋਂ ਹੋਈ । ਤਾ ਪਦ ਕੋ  
 ਪਦ ਚਾਹੇ ਸੋਈ ॥ ੫੨ ॥ ਪੁਰਖ ਮਹੀਰਹਿ ਨਹਿ ਪਰਮਾਂਨ ।



ਬਿਨ ਅਕਾਂਖਿਆ ਕੀਨ ਬਖਾਨ । ਅਰਥ ਅਬਾਧ ਪਦਮ ਮੈ  
 ਜੋਈ । ਕਹੈ ਯੋਗਤਾ ਕੋਵਿਦ ਸੋਈ ॥ ੩੫ ॥ ਨੀਰ ਸੰਚ ਤਰੁ  
 ਯਹਿ ਪਰਮਾਨ । ਅਰਥ ਅਬਾਧ ਯਹਿ ਮੈਂ ਮਾਨ । ਅਗਨ  
 ਸਿੰਚ ਤਰੁ ਕੋਇ ਨ ਮਾਨੇ । ਅਰਥਬਾਧ ਯਾ ਮਾਂਹਿ ਪਛਾਨੇ ॥ ੫੪  
 ॥ ਅਵਿਲੰਬਨ ਪਦ ਭਾਖਨ ਜੋਈ । ਸੰਨਿਧ ਕਹੇ ਮਨੀਖੀ ਸੋਈ  
 ॥ ਘਟ ਮਾਨਯ ਯਹਿ ਵਾਕ ਪ੍ਰਮਾਨ । ਸੰਨਿਧਪਦ ਮੁਖਿ ਕੀਨ  
 ਬਖਾਨ ॥ ੫੫ ॥ ਪ੍ਰਥਮੈ ਪਹਰ ਨਰਘਟਿ ਯਹਿ ਆਖੈ । ਦੁਤੀਯ  
 ਪਹਿਰ ਮੁਖਿ ਆਨਯ ਭਾਖੈ । ਤੇ ਨਹਿ ਹੋਇ ਵਾਕ ਪਰਮਾਨ  
 । ਸੰਨਿਧਭਈ ਸੁ ਯਾਂਤੇ ਹਾਨ ॥ ੫੬ ॥ ਤਤ ਪ੍ਰਤੀਤ ਕਰ ਭਾਖ  
 ਨ ਜੋਈ । ਤਾਤ ਪਰਯ ਇਹ ਭਾਖਯੋ ਸੋਈ । ਕੇਚਿਤ ਐਸੇ  
 ਕਰੇਂ ਉਚਾਰ । ਕਹੇਂ ਬਿਦਾਂਤੀ ਔਰ ਪ੍ਰਕਾਰ ॥ ੫੭ ॥ ਪਰਸ  
 ਪਰਾਹਿ ਜੱਗਜਾਸਾ ਜੋਈ । ਤਾਹਿ ਵਿਖੱਤੁ ਯੋਗ ਪੁਨਿ ਸੋਈ  
 । ਯਹ ਪਦ ਅਰਥ ਅਕਾਂਖਯਾ ਹੱਯੇ । ਸਾਬਤ ਬੋਧ ਤਾਹਿੰਤੇ ਪੱਯੇ  
 ॥ ੫੮ ॥ ਕ੍ਰਿਯਾ ਸ੍ਰਵਨ ਹੋਇ ਨਰ ਜਬਹੀ । ਕਾਰਕ ਸ੍ਰਵਣ  
 ਚਾਹਿ ਪੁਨਿ ਤਬਹੀ । ਤਾਤਪਰਯ ਕੇ ਬਿਖੇ ਸੁ ਜੋਈ । ਤਾਂਕੋ  
 ਬਾਂਧੁ ਨ ਜਾਂਮੈਂ ਹੋਈ ॥ ੫੯ ॥ ਯਹੀ ਜੋਗਤਾ ਕਰੇ ਬਖਾਨ  
 । ਜਾਕੇ ਲਖੇ ਹੋਇ ਨਰ ਗਜਾਨ । ਪਦਜਨ ਪਦ ਅਰਥ  
 ਅਗਿਆਨ । ਅਵਿ ਵਧਾਨ ਨਰ ਹੋਇ ਸੁ ਭਾਨ ॥ ੬੦ ॥ ਯੇਹੀ  
 ਅਸਤੀ ਕਰੇ ਉਚਾਰ । ਤਾਤਪਰਯ ਮਿਲ ਕਾਰਣ ਚਾਰ ॥  
 ਨਨੁ ॥ ਤੱਤ ਪ੍ਰਤੀਤ ਕਰ ਭਾਖਨ ਜੋਈ । ਜੋ ਪੁਨਿ ਤਾਤਪ-  
 ਰਯ ਯਹਿ ਹੋਈ ॥ ੬੧ ॥ ਸੁਕ ਅਪੰਡਿਤ ਪਾਠਨ



ਮਾਹੀਂ । ਸ਼ਾਬਦ ਬੋਧ ਹੋਇ ਨਰ ਨਾਹੀਂ । ਯਹੀ ਸੁ ਦੂਖਨ  
 ਮਨ ਮੈਂ ਧਾਰਿ । ਕਹੈ ਬੇਦਾਂਤੀ ਔਰ ਉਚਾਰਿ ॥ ੬੨ ॥  
 ਦੋਹਰਾ ॥ ਤਤ ਪ੍ਰਤੀਤ ਕੇ ਜਨਨ ਕੀ ਆਹਿ ਯੋਗਤਾ ਜੋਇ  
 ॥ ਤਾਤ ਪਰਯ ਪੁਨਿ ਵਾਕ ਮੈਂ ਕਹੈ ਬੇਦਾਂਤੀ ਸੋਇ ॥ ੬੩ ॥  
 ਚੌਪਈ ॥ ਯਾ ਕਰ ਪਦ ਕੋ ਅਰਥ ਬਿਚਾਰੇ । ਬਹੁਰੇ ਵਾਕ  
 ਅਰਥ ਨਿਰਧਾਰੇ । ਵਰਣ ਸੰਬੁਹ ਪਦ ਕਰੇ ਬਖਾਨ । ਪਦ  
 ਸੰਬੁਹ ਪੁਨਿ ਵਾਕ ਪਛਾਨ ॥ ੬੪ ॥ ਪਦਕੇ ਮਾਹਿੰ ਬ੍ਰਿਤ ਦੇ  
 ਅਹੇ । ਸ਼ਕਤਿ ਲੱਖਣਾਂ ਨਾਮ ਸੁ ਕਹੇ । ਕਰ ਸੰਖੇਪ ਜੇ ਕਰੇ  
 ਉਚਾਰ । ਸ਼ਕਤਿ ਅਹੇ ਪੁਨਿ ਤੀਨ ਪ੍ਰਕਾਰ ॥ ੬੫ ॥ ਯੋਗਏਕ  
 ਰੂਢੀ ਪੁਨਿ ਦੂਜੀ । ਯੋਗ ਰੂਢ ਭਾਖੀਏ ਸੁ ਤੀਜੀ । ਅਵੈਵ  
 ਸ਼ਕਤਿ ਪਦ ਭੀਤਰ ਜੋਈ । ਯੋਗਾ ਕਹੇ ਸੁ ਕੋਵਿਦ ਕੋਈ ॥  
 ੬੬ ॥ ਸਮੁਦਾਇ ਸ਼ਕਤਿ ਸੁ ਰੂਢ ਬਖਾਨੈ ॥ ਉਭੈ ਸਰੂਪ  
 ਤੀਸਰੀ ਮਾਨੈਂ । ਅਵੈਵ ਸ਼ਕਤਿ ਪੰਕਿਜ ਪਦ ਗਹੈ । ਪੰਕਿਜ  
 ਨੀਰਕਰ ਤਾਂਕੋ ਕਹੈ ॥ ੬੭ ॥ ਸਮੁਦਾਇਕਤਿ ਕਰ ਪਦਮ  
 ਜਨਾਵੈ । ਸਭ ਲੋਕਨ ਕੇ ਮਨ ਮੈਂ ਆਵੈ । ਉਦੈ ਸ਼ਕਤਿ ਤਿਨ  
 ਕੀ ਹੈ ਜੋਈ । ਪਦਮ ਮਾਹਿੰ ਪ੍ਰਗਟੀ ਜਗ ਹੋਈ ॥ ੬੮ ॥ ਦੋਨੋ  
 ਮੈਂ ਰੂਢੀ ਹੈ ਜੋਈ । ਅਤਿਸੈ ਬਲੀ ਪਛਾਨੋ ਸੋਈ । ਯਾਬਿਧ  
 ਸ਼ਕਤਿ ਭਲੇ ਨਿਰਧਾਰ । ਬਹੁਰ ਲੱਖਣਾਂ ਕਰੇ ਵਿਚਾਰ ॥  
 ੬੯ ॥ ਨਨ ॥ ਅੰਸ ਵਿਕਾਰ ਜੀਵ ਕੋ ਮਾਨ । ਵਾਕ ਅਰਥ  
 ਕੋ ਹੋਵੈ ਗਯਾਨ । ਤਾਂਮੈਂ ਦੂਖਨ ਬਹੁ ਪਰਕਾਰ । ਆਰਯ ਜਨ  
 ਜਗ ਕਰੇ ਉਚਾਰ ॥ ੭੦ ॥ ਕਬਿਵਾਚ ॥ ਦੋਹਰਾ ॥ ਮੋਖਪੰਥ



ਪਰਕਾਸ਼ ਮੈਂ ਭਾਖੇ ਮੈਂ ਬਿਸਥਾਰ । ਯਾਹਿ ਪੱਖ ਮੇਂ ਦੁਖਨਾ  
 ਤਾਂਮੈਂ ਲੇਹੁ ਨਿਹਾਰ ॥ ੭੧ ॥ ਚੌਪਈ ॥ ਤਾਤੇ ਲਖਣਾ  
 ਯਾਂਕੇ ਮਾਂਹੀ । ਔਰ ਪ੍ਰਕਾਰ ਬਨੇਂ ਕੇ ਨਾਹੀ । ਸ਼ਕਤਿ ਸੰਬੰਧ  
 ਲੱਖਣਾਂ ਜੋਈ । ਆਈ ਇਹਾਂ ਅਵੱਸ਼ਕ ਸੋਈ ॥ ੭੨ ॥ ਏਕਾ  
 ਤਿਮ ਕਰ ਜਹਤੀ ਹੋਈ । ਗੰਗਾ ਘੋਖ ਸਮਾਨ ਨ ਸੋਈ ।  
 ਵਾਚਨ ਮਾਹਿ ਵਿਰੋਧ ਸੁ ਜਾਂਤੇ । ਬਨੇਂ ਅਜਹਤੀ ਨਾਹੀਂ ਤਾਂ  
 ਤੇ ॥ ੭੩ ॥ ਦੋਹਰਾ ॥ ਕਉਅਨਿ ਤੇ ਦਧਿ ਰਾਖਨੇਂ ਸੁਣੇਂ  
 ਧਾਵਤ ਆਹਿ । ਅਜਹਿਤੀ ਯਾ ਸਮ ਨਾਸ ਹੈ ਮਹਾਂਵਾਕ ਕੇ  
 ਮਾਹਿ ॥ ੭੪ ॥ ਚੌਪਈ ॥ ਭਾਗ ਤਿਆਗ ਲਖਣਾ ਜੋਈ ।  
 ਸੋਯੇ ਦੇਵਦੱਤ ਵਤ ਸੋਈ । ਤਤੁੰ ਪਦਮੈਂ ਜੋੜੇ ਸੋਈ । ਦੋਖ  
 ਨ ਯਾ ਮੈਂ ਆਵਤ ਕੋਈ ॥ ੭੫ ॥ ਮਾਯਾ ਦੇਹਿ ਉਪਾਧਿ ਸੁਜੋਈ  
 । ਤਜੇ ਲਖੇ ਇਕ ਚੇਤਨ ਸੋਈ । ਭੂਮਾਦਿਕ ਪੰਚੀ ਕ੍ਰਿਤ ਭੂਤ ।  
 ਤਾਂਹੀ ਤੇ ਜੋ ਭਯੋ ਪ੍ਰਸੂਤ ॥ ੭੬ ॥ ਪੂਰਬ ਕਰਮਨ ਕੇ ਫਲ  
 ਜੋਈ । ਸੁਖ ਦੁਖ ਹੋਇ ਇਹਾਂ ਪੁਨਿ ਸੋਈ । ਭੋਗਾਲਯਤਨ  
 ਜਾਨੋ ਬੀਰ । ਆਦਿ ਅੰਤ ਤਵ ਅਹੈ ਸਰੀਰ ॥ ੭੭ ॥ ਕਰਮਨ  
 ਤੇ ਉਪਜਯੋ ਤਨੁ ਜੋਈ । ਭੂਲ ਉਪਾਧਿ ਆਤਮਕੀ ਸੋਈ ॥ ਮਨੋ  
 ਬੁਧਿ ਦਸ ਇੰਦ੍ਰੀ ਜੋਈ । ਪੰਚ ਪ੍ਰਾਨ ਸੂਖਮ ਤਨੁ ਹੋਈ ॥  
 ੭੮ ॥ ਸੁਖ ਦੁਖਕੋ ਸਾਧਨ ਹੈ ਜੋਈ । ਭੁਗਤਾ ਕੋ ਪੁਨਿ ਹੋਵੈ  
 ਸੋਈ । ਆਤਮ ਕੋ ਯਹਿ ਦੁਤੀ ਸਰੀਰ । ਭ੍ਰਾਤ ਬਖਾਨੇ ਕੋ ਵਿਦ  
 ਧੀਰ ॥ ੭੯ ॥ ਅਨਾਦਿ ਅਵਿਦਯਾ ਹੱਯੇ ਜੋਈ । ਕਾਰਣ ਦੇਹ  
 ਬਖਾਨੀ ਸੋਈ । ਉਪਾਧਿ ਭੇਦਤੇ ਅਹੇ ਨਿਆਰੇ । ਆਤਮ



ਕੇ ਉਰ ਅੰਤਰ ਧਾਰੇ ॥ ੮੦ ॥ ਕੋਸ਼ਨ ਮਾਂਹਿ ਆਤਮਾ ਜੋਈ ।  
 ਭਾਸੇ ਤਦਾਕਾਰ ਪੁਨਿ ਸੋਈ । ਸਫਟਕ ਮਣੀ ਜਜੋਂ ਫੂਲਨ  
 ਸੰਗਾ । ਭਾਸੇ ਫੂਲ ਸਮਾਨ ਸੁਰੰਗਾ ॥ ੮੧ ॥ ਅਸੰਗ ਰੂਪ  
 ਅਜ ਅਦੈ ਜੋਈ । ਕਰੇ ਵਿਚਾਰ ਲਖੇ ਪੁਨਿ ਸੋਈ । ਤ੍ਰਿਧਾ ਬੁਧਿ  
 ਕੀ ਬ੍ਰਿਤ ਪਛਾਨੇ । ਜਾਗ੍ਰਤ ਸੁਪਨ ਸਖੋਪਤਿ ਮਾਨੇ ॥ ੮੨ ॥  
 ਸਾਂਤਕ ਰਾਜਸ ਤਾਮਸ ਜੋਈ । ਤੀਨ ਗੁਣਾਤੇ ਉਪਜੀ ਸੋਈ ।  
 ਤੀਨੋ ਆਪਸ ਮੈਂ ਬਿਭਚਾਰੀ । ਮਿਥਯਾ ਤਾਂਤੇ ਭ੍ਰਾਤ ਨਿਹਾਰੀ  
 ॥ ੮੩ ॥ ਦੋਹਰਾ ॥ ਨਿਤਪਰੇ ਸੁਰ ਬ੍ਰਹਮ ਜੋ ਸ਼ਿਵ ਕੇਵਲ  
 ਪੁਨਿ ਜੋਇ । ਬਾਧ ਅਵਾਧਿ ਪਹਿਚਾਨੀਯੇ ਉਰ ਮੈਂ ਲਖ ਮਣ ਸੋਇ  
 ॥ ੮੪ ॥ ਤਨੁ ਇੰਦ੍ਰੀ ਮਨੁ ਪ੍ਰਾਣ ਚਿਤ ਮਿਲੇ ਜਬੈ ਅਗਯਾਨ  
 । ਤਬ ਲੋਕਨਕੀ ਮਤਿ ਬਿਖੈ ਹੋਇ ਜਗਤ ਕੇ ਭਾਨ ॥ ੮੫ ॥  
 ਚੋਪਈ ॥ ਤਮੋ ਮੂਲ ਬ੍ਰਿਤ ਹੱਯੈ ਜੋਈ । ਅਗਯਾਨ ਚਿਹਨ  
 ਪਹਿਚਾਨੋ ਸੋਈ । ਜੋਲੋ ਹੈ ਵਹੁ ਬ੍ਰਿਤ ਬਿਕਾਰਾ । ਤੋਲੋ ਉਪਜੈ  
 ਸਭ ਸੰਸਾਰਾ ॥ ੮੬ ॥ ਨੇਤਨੇਤ ਪਰਮਾਨਨ ਪਾਇ । ਕਰੇ  
 ਨਿਖੇਧ ਭਲੇ ਮਨਿਲਾਇ । ਚਿਦਘਨ ਅੰਮ੍ਰਿਤ ਹੈ ਪੁਨਿ ਜੋਈ ।  
 ਸ੍ਰਾਵ ਨ ਕਰੇ ਰਿਦੇ ਕਰ ਸੋਈ ॥ ੮੭ ॥ ਦੋਹਰਾ ॥ ਤਜੇ  
 ਨਿਖਲ ਸੰਸਾਰ ਕੇ ਕਰੇ ਨਹੀਂ ਰਤਿ ਸੋਇ । ਜਜੋਂ ਨਲੀਯੇਰ  
 ਰਸ ਪਾਨ ਕਰ ਤਯਾਗਤ ਹੈ ਫਲ ਲੋਇ ॥ ੮੮ ॥ ਨਰਾਜ  
 ਛੰਦ ॥ ਨ ਸ੍ਰੇਯ ਤੇ ਨ ਜਾਯ ਤੇ ਨ ਖੀਯ ਤੇ ਨ ਬਾਂਧ ਹੈ । ਅਧਿਕ  
 ਰੂਪ ਸਰਬਤੇ ਸੁ ਆਤਮਾ ਅਗਾਧ ਹੈ । ਸੁਯੰ ਪ੍ਰਕਾਸ਼ ਹੈ ਸਦਾ  
 ਸੁਖੰ ਸਰੂਪ ਜਾਨੀਯੇ । ਅਹੇ ਸੁ ਸਰਬ ਠੌਰ ਮੈਂ ਅਦੈਤ ਰੂਪ



ਭਾਨਿਯੇ ॥ ੯੯ ॥ ਇਸੇਸੁ ਗਿਆਨ ਸੂਖਮੈਂ ਪਰੇ ਸਰੂਪ  
 ਪਾਵਨੇ । ਕਥੰ ਜਗੱਤ ਭੂਖਮੈਂ ਪਿਖੇ ਨਿਹਾਰ ਭਾਵਨੇ । ਅਗਿਆਨ  
 ਧਿਆਸਤੇ ਲਖੇ ਸੁ ਗਿਆਨ ਹੋਇ ਹੈ ਜਬੈ । ਖਿਣੈਕ ਮਾਹਿੰ  
 ਸਰਬ ਸੋਂ ਵਿਲੀਨ ਹੋਇ ਹੈ ਤਬੈ ॥ ੯੦ ॥ ਅੱਗਿਆਨ ਕੇ  
 ਅਧੀਨ ਧਿਆਸ ਹੋਇ ਹੈ ਸੁਨੋ ਯਥਾ । ਸੁ ਮੋਖ ਪੰਥ ਮੈ ਕਹੀ  
 ਵਿਥਾਰ ਕੈ ਸਭਾ ਕਥਾ । ਭ੍ਰਮਾਤ ਔਰ ਔਰ ਮੈਂ ਜੁ ਹੋਇ ਕੈ  
 ਦਿਖਾਇ ਹੈਂ । ਅਧਿਆਸ ਰੂਪ ਕੋਵਿਦੋ ਇਸੇ ਜਗੱਤ ਗਾਇ  
 ਹੈ ॥ ੯੧ ॥ ਅਸਰਪ ਰੂਪ ਰੱਜੁ ਮੈਂ ਯਥਾ ਯਹੀ ਵਿਭਾਸ ਹੈ ।  
 ਜਗੱਤਏ ਪਰੇਸ ਮੈਂ ਤਥਾ ਸੁ ਭ੍ਰਾਂਤ ਭਾਸਹੈਂ । ਵਿਕਲਪ  
 ਮਾਇਆ ਬਿਨਾ ਚਿਦਾਤਮਾ ਬਖਾਨੀਯੇ । ਅਹੰ ਧਿਆਸ ਤਾਂਹਿ ਮੈ  
 ਭਯੋ ਸੁ ਆਦਿ ਮਾਨੀਯੇ ॥ ੯੨ ॥ ਅਧਿਆਸ ਮਿਥਿਆਸ ਭੋ  
 ਪਰੇ ਸ ਬ੍ਰਹਮ ਕਾਰਣੇ । ਸਿਵੇਸ ਕੇਵਲੇ ਪਰੇ ਸੁ ਆਤਮਾ  
 ਬਿਚਾਰਣੇ । ਇਛਾਦਿ ਔਰ ਗਾਦਿ ਔ ਸੁਖਾਦਿ ਧਰਮ ਬੁਧਿਕੇ  
 । ਜਗੱਤ ਸਿੰਧ ਹੇਤਏ ਪਰੇ ਸੁ ਬ੍ਰਹਮ ਸੁੱਧਿ ਕੇ ॥ ੯੩ ॥ ਚੌਪਈ ॥  
 ਹੋਇ ਸੁਖੋਪਤਿ ਅਵਸਥਾ ਜਬਹੀਂ । ਇਛਾਦਿਕ ਨਹਿ ਹੋਵੈ  
 ਤਬਹੀਂ । ਸੁਖ ਸਰੂਪ ਪਰਮਾਤਮ ਸਾਰ । ਹਮ ਤਬ ਲਖਮਣ  
 ਲੇਹਿ ਨਿਹਾਰ ॥ ੯੪ ॥ ਅਨਾਦਿ ਅਵਿੱਦਯਾ ਬੁੱਧਿ ਉਪਾਈ ।  
 ਚਿੱਤ ਪ੍ਰਤਿਬਿੰਬ ਤਿੰਹ ਭੀਤਰ ਭਾਈ ਵਹੀ ਸੁ ਜਗਮੈਂ ਜੀਵ  
 ਉਦਾਰੇ । ਸੁਖ ਦੁਖ ਬਹੁ ਪਾਇ ਸੁ ਭਾਰੇ ॥ ੯੫ ॥ ਆਤਮ  
 ਸੁੱਧਿ ਅਹੇ ਇਹ ਜੋਈ । ਸਾਖੀ ਬੁਧਿੱ ਪਛਾਨੇ ਸੋਈ । ਆਹਿ  
 ਪਰਾਤਮ ਪੂਰਣ ਜੋਈ । ਬੁੱਧਿ ਪ੍ਰਛਿੰਨ ਭਯੋ ਪੁਨਿ ਸੋਈ ।



੯੬॥ ਚਿਤ ਪ੍ਰਤਿਬਿੰਬ ਸਾਖੀ ਮਤਿ ਜੋਈ । ਜਬ ਯਹਿ ਤੀਨ  
 ਇਕੱਤ੍ਰ ਸੁ ਹੋਈ । ਅਗਨਿ ਤਪਤ ਜਗ ਲੋਹ ਸਮਾਨ॥ ਅੰਨ  
 ਅੰਨ ਅਯਯਾਸ ਪਛਾਨ ॥ ੯੩ ॥ ਵੋਹਰਾ ॥ ਜੜ ਚੇਤਨ ਤਾਂ  
 ਧਰਮ ਜੇ ਚਿਤ ਅਰ ਆਤਮ ਕੇਰ । ਬੰਧ ਹੋਇ ਜਨ ਲੋਕ ਮੈਂ  
 ਉਲਟੇ ਦੋਨੋ ਹੇਰ ॥ ੯੮ ॥ ਗੁਰਤੇ ਬੇਦ ਸੁ ਵਾਕ ਸੁਨਿ ਕਰ  
 ਬਿਚਾਰ ਬਹੁ ਭਾਂਤਿ । ਵਿੱਦਯਾ ਅਨਭਵ ਹੋਇ ਜਨ ਆਤਮ  
 ਪਿਖੇ ਇਕਾਂਤ॥ ੯੯॥ ਨਿਰ ਉਪਾਧਿ ਪਿਖ ਆਤਮਾ ਤਜੇ ਸੁ  
 ਨਿਖਲ ਵਿਕਾਰ । ਆਤਮ ਗੋਚਰ ਜੜ ਜਿਤੋ ਦੇਵੇ ਦੂਰਿ  
 ਨਿਵਾਰ ॥ ੧੦੦ ॥ ਚੌਪਈ ॥ ਪ੍ਰਕਾਸ ਰੂਪਮੈਂ ਅਜਿ ਅਬਿ  
 ਨਾਸ਼ੀ । ਅਦੈ ਨਿਰਮਲ ਸਰਬ ਪ੍ਰਕਾਸ਼ੀ । ਵਿਸੁਧਿ ਗਯਾਨ  
 ਘਨ ਨਿਰਮਲ ਰੂਪ । ਪੂਰਣ ਅਕ੍ਰੈ ਆਨੰਦ ਭੂਪ ॥ ੧੦੧ ॥  
 ਸਦਾ ਮੁਕਤਿ ਮੈਂ ਜਗਤ ਮਝਾਰੀ । ਅਹੇ ਅਚਿੰਤ ਸੁ ਸੁਕ੍ਰਿਤ  
 ਹਮਾਰੀ । ਜਤੀਦੈ ਗਯਾਨ ਅਵਿਕ੍ਰੈ ਰੂਪਾ । ਅਨੰਤ ਅਪਾਰ  
 ਚਿਦਘਨਹਿ ਅਨੂਪਾ ॥ ੧੦੨ ॥ ਵੇਦਵਾਦਿ ਜਗ ਭੀਤਰ  
 ਜੋਈ । ਨਿਸਦਿਨ ਭਜੇ ਸੁ ਮੈਂ ਉਰਤੇਈ । ਯਾ ਬਿਧ ਆਤਮ  
 ਕਰੇ ਬਿਚਾਰ । ਅਹੇ ਅਖੰਡਤ ਸੁਧ ਉਦਾਰ ॥ ੧੦੩ ॥  
 ਵਿੱਦਿਆ ਤਾਂਕੋ ਹੋਇ ਉਦਾਰੇ । ਕਾਰਕ ਸਹਿਤ ਅਵਿੱਦਯਾ ਮਾਰੇ  
 । ਰਸਾਇਨ ਜੋ ਉੱਤਮ ਕੋ ਖਾਵੇ । ਨਿਖਲ ਰੋਗ ਪੁਨ ਵਹੀ  
 ਮਿਟਾਵੇ ॥ ੧੦੪ ॥ ਬੈਠ ਇਕੰਤ ਸੁ ਇੰਦ੍ਰੀ ਜੀਤ । ਜਿਨੇ  
 ਨਿਜਾਤਮ ਨਿਰਮਲ ਚੀਤ । ਯਾ ਬਿਧ ਆਤਮ ਮਨਮੈਂ ਧਰੇ ।  
 ਬਾਹਰ ਸਾਧਨ ਸਭ ਪਰਹਰੇ ॥ ੧੦੫ ॥ ਵਿਗਯਾਨ ਦਿਸ਼੍ਰ



ਉਰ ਮਾਹਿ ਧਿਆਵੇ । ਦਿਢ ਇਸਥਤਿ ਆਤਮ ਮੈਂ ਪਾਵੇ ।  
 ਆਤਮ ਦਰਸਨ ਵਿੱਸੁ ਸੁ ਜੋਈ । ਲੀਨ ਕਰੇ ਆਤਮ ਮਹਿ  
 ਸੋਈ ॥ ੧੦੬ ॥ ਸਭ ਕਾਰਣ ਨਿਜ ਆਤਮ ਸੋਈ । ਤਾਂਮੈ  
 ਲੀਨ ਜਬੈ ਯਹਿ ਹੋਈ । ਪੂਰਣਚਿਦਾਨੰਦ ਮੈਂ ਹੋਵੈ । ਬਾਹਰ  
 ਭੀਤਰ ਕਛੁ ਨ ਜੋਵੈ ॥ ੧੦੭ ॥ ਦੋਹਰਾ ॥ ਪੂਰਬ ਚਿੱਤ  
 ਸਮਾਧਤੇ ਅਖਲ ਵਿਚਿੰਤੈ ਸੋਇ । ਓਅੰਕਾਰ ਨਿਜ ਰੂਪ ਹੈ  
 ਜਗਤ ਚਰਾਚਰ ਜੋਇ ॥ ੧੦੮ ॥ ਚੌਪਈ ॥ ਜਗਤ ਨਿ-  
 ਖਲ ਯਹਿ ਵਾਚ ਪਛਾਨੇ । ਓਅੰਕਾਰ ਤਿੰਦ ਵਾਚਕ ਮਾਨੇ ।  
 ਅਗਿਆਨ ਅਧੀਨ ਵਿਭਾਵਨ ਐਸੇ । ਬੋਧ ਉਪਰੰਤ ਕਰੈ  
 ਨਹਿ ਤੈਸੇ ॥ ੧੦੯ ॥ ਦੋਹਰਾ ॥ ਅਕਾਰ ਉਕਾਰ ਮਕਾਰ  
 ਪੁਨਿ ਅਰਥਬੰਦ ਪਹਿਚਾਨ । ਚਾਰੇ ਕੇ ਸਮੁਦਾਇ ਪੁਨਿ ਓ-  
 ਅੰਕਾਰਪਛਾਨ ॥ ੧੧੦ ॥ ਚੌਪਈ ॥ ਅਕਾਰਵਰਣਕੋ ਵਾਚਕ ਹੀਜੇ  
 । ਲਖਮਣ ਕਾਨ ਭਲੇ ਸੁਨਿਲੀਜੇ । ਵਿੱਸੁ ਵਿਰਾਠ ਜਗਤ ਕੇ  
 ਜਾਗਰ । ਅਕਾਰ ਵਾਚ ਯਹਿ ਕਹੇ ਉਜਾਗਰ ॥ ੧੧੧ ॥  
 ਤੈਜਸ ਹਿਰਨ ਗਰਭ ਸੁਪਨਾਈ ॥ ਉਕਾਰ ਵਾਚ ਯਹਿ ਦੇਹ  
 ਬਤਾਈ । ਪ੍ਰਾਗ ਈਸ ਸੁਖਪਤਿ ਪੁਨਿ ਜੋਈ । ਕਹੇ ਮਕਾਰ  
 ਵਾਚ ਪੁਨਿ ਸੋਈ ॥ ੧੧੨ ॥ ਸਮਾਧਿ ਪ੍ਰਿਥਮ ਯਹਿ ਰੀਤਿ ਸੁ  
 ਜੋਈ । ਤਾਤੋ ਬਿਚਾਰ ਕਰੇ ਨਹਿ ਹੋਈ । ਵਾਚਕ ਵਾਚ ਅਕਾਰ  
 ਸੁਜੋਈ । ਕਰੇ ਵਿਲੀਨ ਉਕਾਰੇ ਸੋਈ ॥ ੧੧੩ ॥ ਵਾਚਕ  
 ਵਾਚ ਉਕਾਰ ਸੁ ਜੋਤੇ । ਕਰੇ ਵਿਲੀਨ ਮਕਾਰੇ ਤੋਤੇ । ਵਾਚਕ  
 ਵਾਚ ਮਕਾਰ ਸੁ ਜੋਈ । ਚਿਦਾਤਮ ਮਾਹਿ ਵਿਲਾਪੇ ਸੋਈ ॥



੧੧੪ ॥ ਅਰਧ ਬਿੰਦ ਕੋ ਲੱਖਨ ਜੋਈ । ਚਿਦਘਨ ਬ੍ਰਹਮ  
 ਪਛਾਣੋ ਸੋਈ । ਕਾਰਣ ਪ੍ਰਾਗ ਪ੍ਰਯੰਤ ਸੁ ਜੇਤੇ । ਜਾਮੈਂ ਲੀਨ  
 ਭਏ ਸਭ ਤੇਤੇ ॥ ੧੧੫ ॥ ਸੋ ਪਾਰ ਬ੍ਰਹਮ ਸੁ ਮੈਂ ਚਿਦ ਰੂਪ  
 । ਸਦਾ ਮੁਕਤਿ ਮਥਿ ਗਜਾਨ ਅਨੂਪ । ਮੁਕਤਿ ਉਪਾਧਿ ਵਿ  
 ਮਲ ਚਿਦ ਜੋਈ । ਲਖੈ ਪਰਾਤਮ ਉਰਮੈਂ ਸੋਈ ॥ ੧੧੬ ॥ ਯਾ  
 ਬਿਧ ਕਰੇ ਪਰਮਾਤਮ ਭਾਵਨ । ਨਿਜਾਨੰਦ ਤੁਸੁ ਮਨਪਾਵਨ  
 । ਬਾਹਰਿ ਆਹਿ ਪਦਾਰਥ ਤੇਤੇ । ਸੁਨੇ ਸੁਨੇ ਬਿਸਰੇ ਸਭ  
 ਤੇਤੇ ॥ ੧੧੭ ॥ ਸੁਖ ਪ੍ਰਕਾਸ਼ ਨਿਜ ਆਤਮ ਰੂਪ । ਇਸ ਬਿਤਿ  
 ਹੋਵੈ ਵਹੀ ਸਰੂਪ । ਸਦਾ ਮੁਕਤਿ ਪੁਨਿ ਅੰਜ ਸੁ ਐਸੋ । ਵਾਰ  
 ਸਿੰਧ ਜਗ ਭੀਤਰ ਜੈਸੋ ॥ ੧੧੮ ॥ ਯੋ ਸਮਾਧਿ ਯੋਗੀਸਰ  
 ਕਰੇ । ਇੰਦ੍ਰੈ ਗੋਚਰ ਸਭ ਪਰ ਹਰੇ । ਨਿਰਜਿਤ ਅਖਿਲ  
 ਰਿਪੂ ਹੈ ਜੋਈ । ਭਾਂਕੋ ਦ੍ਰਿਸ਼ਟਿ ਹੋਇ ਪੁਨਿ ਸੋਈ ॥ ੧੧੯ ॥  
 ਦੋਹਰਾ ॥ ਸਰਬ ਗਜਾਤ ਨਿਤਯਤੁ ਪੁਨਿ ਨਿੱਤ ਤ੍ਰਿਪਤ ਅਰੁ  
 ਗਜਾਨ । ਸਦਾ ਸੁਤੰਤ੍ਰ ਅਲੋਭਤਾ ਆਨੰਦ ਖਟਿ ਪਹਿਚਾਨ ।  
 ੧੨੦ ॥ ਖਟ ਗੁਣ ਆਤਮ ਕੋ ਜਿਨੇ ਐਸੋ ਨਿਰਮਲ ਚੀਤ ।  
 ਐਸੋ ਯੋਗੀ ਮੋਹਿ ਕੋ ਪਿਖੇ ਭ੍ਰਾਤ ਜਗਨੀਤ ॥ ੧੨੧ ॥  
 ਚੌਪਈ ॥ ਯਾ ਬਿਧ ਨਿਸਦਿਨ ਆਤਮ ਧਯਾਵੇ । ਹੋਹਿ ਮੁਕਤਿ  
 ਪੁਨਿ ਬੰਧ ਮਿਟਾਵੇ । ਪ੍ਰਾਰਭਧਿ ਫਲ ਭੋਗਨ ਕਰੇ । ਨਹਿ  
 ਅਭਿਮਾਨ ਸੁ ਰੰਚਕਿ ਧਰੇ ॥ ੧੨੨ ॥ ਪ੍ਰਾਣ ਅੰਤ ਐਸੋ ਨਰ  
 ਜੋਈ । ਮੇਰੇ ਮਾਹਿ ਲੀਨ ਵਹੁ ਹੋਈ । ਆਦਿ ਮਧਿ ਅੰਤਿ ਜਗ  
 ਜੋਈ । ਭਯੋ ਦੂਖ ਕੋ ਕਾਰਣ ਸੋਈ ॥ ੧੨੩ ॥ ਦੋਹਰਾ ॥



ਯਾ ਬਿਧ ਜਾਨ ਸਮਸ੍ਰੁ ਪੁਨਿ ਤਜੇ ਕਰਮ ਬਿਧਿ ਸੋਇ । ਭਜੇ  
 ਸੁ ਆਤਮ ਬੀਚ ਉਰ ਅਖਿਲਾਤਮ ਹੈ ਜੋਇ ॥ ੧੨੪ ॥  
 ਆਤਮ ਮਾਹਿ ਅਭੇਦਕਰ ਪਿਖੇ ਨਿਖਲ ਪੁਨਿ ਜੋਇ । ਮੋਹਿ  
 ਪਰਾਤਮ ਸਾਥ ਪੁਨਿ ਵਹੀ ਅਭੇਦ ਸੁ ਹੋਇ ॥ ੧੨੫ ॥  
 ਚੋਪਈ ॥ ਜਜੋਂ ਜਲ ਸਾਗਰ ਜਜੋ ਪੈ ਖੀਰੇ । ਨਭਿ ਮੈਂ ਜਜੋਂ  
 ਨਭਿ ਅਨਲ ਸਮੀਰੇ । ਯਾ ਬਿਧ ਮੋਮੈਂ ਜਾਇ ਸਮਾਇ ।  
 ਜਗਤ ਸਗਲ ਮਿਥਯਾ ਹੁਇ ਜਾਇ ॥ ੧੨੬ ॥ ਮਿਥਯਾ ਜਗਤ  
 ਵਿਭਾਵਨ ਕਰੇ । ਯਾ ਬਿਧਿ ਗਿਆਨ ਜਬੈ ਉਰ ਧਰੇ । ਯਦਪਿ  
 ਲੋਕ ਮਾਹਿ ਮੁਨਿ ਰਹੇ । ਤਦਪਿ ਬੰਧਨ ਨਾ ਵਹੁ ਗਹੇ ॥  
 ੧੨੭ ॥ ਦੋਹਰਾ ॥ ਸ੍ਰੁਤਿ ਯੁਕਤਿ ਪੁਨਿ ਮਾਨਤੇ ਜਗਤ  
 ਨਿਖੇਧੇ ਜੋਇ । ਇੰਦ ਭੇਦ ਦ੍ਰਿਗ ਭ੍ਰਮ ਜਿਵੇਂ ਬਹੁਰ ਨ ਤਾਂਕੇ  
 ਹੋਇ ॥ ੧੨੮ ॥ ਜਬ ਲਗ ਦੇਖੇ ਨ ਜਗਤ ਅਖਿਲ ਸੁ  
 ਮੇਰੇ ਰੂਪ । ਤਬ ਲਗ ਭਜੇ ਲਗਾਇ ਮਨ ਮੇਰੇ ਰੂਪ ਅਨੂਪ  
 ॥ ੧੨੯ ॥ ਸਰਧਾਲੂ ਅਤਿ ਭਗਤਿ ਮਤਿ ਯਾਂ ਬਿਧਿ ਕੋ ਜੋ  
 ਹੋਇ । ਰਿਦੇ ਨਿਹਾਰੇ ਮੋਹਕੇ ਨਿਸ ਦਿਨਿ ਲਖਮਣ ਸੋਇ  
 ॥ ੧੩੦ ॥ ਸਵੈਯਾ ॥ ਸ੍ਰੁਤਿਸਾਰ ਸੰਖੇਪ ਸੁ ਗੋਪਮਹਾਂ ਨਿ-  
 ਸਚੈ ਕਰਕੈ ਮਮ ਤੋਹਿ ਬੰਤਾਏ । ਮਤਮਾਨ ਅਲੋਚਨ ਜੋਇ  
 ਕਰੇ ਖਿਲ ਭੀਤਰ ਪਾਤਕ ਰਾਸ ਮਿਟਾਏ । ਸੁ ਮ੍ਰਿਖਾ ਜਗ  
 ਏਹ ਨਿਹਾਰਤ ਜੋ ਉਰ ਭ੍ਰਾਤ ਜਿਤੋ ਤਵ ਦੇਤ ਦਿਖਾਏ ॥ ਮਮ  
 ਭਾਵਨ ਭਾਵਤ ਸੁਧ ਮਨਾ ਸੁ ਸੁਖੀ ਭਵ ਆਨੰਦ ਰੋਗ  
 ਮਿਟਾਏ ॥ ੧੩੧ ॥ ਛਪੈਛੰਦ ॥ ਮੈ ਨਿਰਗੁਣ ਕੇ ਸੇਵਤ ਜੋ



ਗੁਣ ਪਾਰਸ ਰੂਪੰ। ਅਥਵਾ ਸ੍ਰਗੁਣ ਸਰੂਪ ਭਜੈ ਮਨਿ ਲਾਇ  
ਅਨੂਪੰ। ਸੋ ਨਰ ਮੋਹਿ ਸਰੂਪ ਨ ਅੰਤਰ ਰੰਚ ਬਿਚਾਰੋ। ਤਾਂ  
ਪਦ ਪੰਕਜ ਰੇਣ ਸੁ ਪਰਮ ਪੁਨੀਤ ਨਿਹਾਰੋ। ਰੇਣ ਸਪਰਸ  
ਸੁ ਲੋਕ ਤ੍ਰਯ ਕਰੇ ਪੁਨੀਤ ਸੁ ਪਾਪ ਹਰਿ। ਜਯੋਂ ਸਵਿਤਾ  
ਜਗ ਪਾਂਵਨੋ ਕਰੇ ਸੁ ਨਿਖਲ ਅੰਧੇਰ ਦਰ ॥ ੧੩੨ ॥ ਛਪੈ  
ਛੰਦ ॥ ਗਜਾਨ ਅਖਿਲ ਸ਼ੁਤਿ ਸਾਰ ਭ੍ਰਾਤ ਮੈ ਤੋਹਿ ਸੁ ਗਾਏ।  
ਵੇਦਾਂਤਿ ਵੇਦਜ ਸੁਭ ਚਰਨ ਸੁਮੇਰੇ ਬੇਦ ਬਤਾਏ। ਜੋਸਰਧਾ  
ਕਰ ਪੜੇ ਕਰੇ ਗੁਰ ਭਗਤਿ ਨਿਰੰਤਰ। ਸੋਮਮਰੂਪ ਸਮਾਇ ਰਹੇ  
ਨਹਿ ਰੰਚ ਸੁ ਅੰਤਰ। ਸੁਨ ਜੋ ਮਮ ਵਚਨਨ ਮਾਹਿ ਪੁਨਿ  
ਭਗਤਿ ਹੋਇ ਜਗ ਤਾਹਿ ਉਰ। ਗੁਲਾਬਸਿੰਘ ਨਿਜ ਭ੍ਰਾਤ ਕੋ  
ਰਾਂਮ ਬਖਾਨਯੋਂ ਐਧ ਪੁਰਿ ॥ ੧੩੩ ॥ ਇਤਿ ਸ੍ਰੀ ਮਤਿ  
ਅਧਯਾਤਮ ਰਾਮਾਇਣੇਂ ਉਮਾਂ ਮਹੇਸ਼ੁਰ ਸੰਬਾਦੇ ਉਤਰ ਕਾਂਡੇ  
ਰਾਮ ਗੀਤਾ ਨਾਮ ਪੰਚਮੋਂ ਧਰਮਾਇ ॥ ੫ ॥

॥ ਸ੍ਰੀ ਮਹਾਂਦੇਵ ਉਵਾਚ ॥ ਚੌਪਈ ॥

ਯਮਨਾਂ ਤੀਰ ਨਿਵਾਸੀ ਜੇਈ। ਏਕ ਸਮੇ ਮੁਨਿ ਆਏ ਤੇਈ  
। ਰਾਂਮ ਨਿਹਾਰਨ ਹੇਤ ਸੁ ਆਏ। ਲਵਨਾਸੁਰ ਤੇ ਬਹੁ ਡਰ  
ਪਾਏ ॥ ੧ ॥ ਭਾਰਗਵ ਚਵਨ ਰਖੀਸੁਰ ਜੇਈ। ਆਗੇ ਕੀਨੋ  
ਮੁਨਿ ਗਨ ਸੋਈ। ਚਾਹੈ ਅਭੈਦਾਨ ਜੇ ਰਾਂਮ। ਮੁਨਿ ਅਸੰਖ ਆਏ  
ਤਹਿ ਧਾਂਮ ॥ ੨ ॥ ਪਰਮ ਭਗਤ ਰਘੁ ਕੁਲਕੋ ਰਾਈ। ਕੀਨੋ  
ਪੂਜਨ ਤਾਹਿ ਬਨਾਈ। ਬਹੁਰੋ ਮਧੁਰ ਸੁ ਵਾਕ ਅਲਾਏ।  
ਮੁਨਿ ਮੰਡਲ ਕੋ ਹਰਖ ਉਪਾਏ ॥ ੩ ॥ ਆਵਨ ਕੋ ਕਾਰਣ



ਹੈ ਜੋਈ। ਮੁਨਿਵਰ ਭਾਖੇ ਕਰੋਂ ਸੁ ਸੋਈ। ਆਜ ਧੰਨ ਮਮ ਭਾਗ  
 ਸੁਹਾਏ। ਤੁਮ ਕਰੁਣਾਂ ਕਰ ਦੇਖਨ ਆਏ ॥ ੪ ॥ ਦੁਹ ਕਰ  
 ਕਾਰਯ ਹੋਵੇ ਜੋਈ। ਆਜ ਕਰੋਂ ਤੁਮਰੋ ਮੈਂ ਸੋਈ। ਆਇਸੁ  
 ਕਰੋ ਦਾਸ ਮੈਂ ਥਾਰੋ। ਬ੍ਰਹਮਣ ਦੇਵ ਸੁ ਆਹਿ ਹਮਾਰੋ ॥ ੫ ॥  
 ਰਾਮਵਾਕ ਸੁਨਿ ਅਤਿ ਹਰਖਾਏ। ਚਵਨ ਰਖੀਸੁਰ ਵਾਕ ਅ-  
 ਲਾਏ। ਪੂਰਬ ਸਤਿਯੁਗ ਮੈਂ ਸੁਨਿਰਾਮ। ਭਯੋ ਦੈਂਤ ਜਗਮੈਂ  
 ਮਧੁਨਾਮ ॥ ੬ ॥ ਅਤਿ ਧਰਮਾਤਮ ਭਯੋ ਸੁ ਚੀਤ। ਬ੍ਰਹਮਣ  
 ਦੇਵ ਸੁ ਪੂਜੇਨੀਤ। ਤਾਂ ਪਰ ਤੁਸੁਮਹੇਸੁਰ ਭਯੋ। ਰਾਮਤ੍ਰਿਸੂਲ  
 ਸੁ ਤਾਂਕੋ ਦਯੋ ॥ ੭ ॥ ਕਹਿਯੋ ਯਾਹਿਕਰ ਹਨੇ ਸੁ ਜੋਈ। ਭਸਮੀ  
 ਭਾਵ ਹੋਇ ਗੋ ਸੋਈ। ਰਾਵਣ ਬਹਿਨ ਕੁੰਭੀਨਸਿ ਨਾਮ।  
 ਪਤਿਨੀ ਭਈ ਤਾਹਿ ਕੇ ਧਾਮਾਂ ॥ ੮ ॥ ਤਾਂਮੈ ਤਾਨੈ ਸੁਤ ਉਪ  
 ਜਾਯੋ। ਲਵਣਾਸੁਰ ਤਹਿ ਨਾਮ ਕਹਾਯੋ। ਭੀਮ ਪਰਾਕ੍ਰਮ  
 ਅਤਿ ਦੁਖਦਾਈ। ਦੁਸ਼੍ਰਾਤਮ ਨਹਿ ਜੀਤਯੋ ਜਾਈ ॥ ੯ ॥  
 ਬ੍ਰਹਮਣ ਦੇਵ ਸੁ ਜਾਹਿ ਨਿਹਾਰੇ। ਰਾਮ ਤਹਾਂ ਤੇ ਵਹੁ ਚੁਨਿ  
 ਮਾਰੇ। ਰਾਮ ਸਭੈ ਹਮ ਤਹਾਂ ਦੁਖਾਏ। ਰਾਜਨ ਰਾਇ ਸ਼ਰਣ  
 ਤਵ ਆਏ ॥ ੧੦ ॥ ਯਾ ਬਿਧਿ ਸੁਨੀ ਰਾਮ ਮੁਨਿ ਬਾਨੀ।  
 ਬਹੁਰ ਤਾਹਿ ਕੋ ਕਹਯੋ ਭਵਾਨੀ। ਮੁਨਿ ਪੁੰਗਵ ਡਰ ਕਰੋ ਨ  
 ਕੋਈ। ਮੈਂ ਮਾਰੋਂ ਲਵਣਾਸੁਰ ਸੋਈ ॥ ੧੧ ॥ ਮੁਨਿ ਕੋ ਨਿਖਲ  
 ਸੁ ਤਾਪ ਨਿਵਾਰੇ। ਚਲੀਯੋ ਸੁਖਸੋਂ ਭੋਨ ਮਝਾਰੇ। ਐਸੇ  
 ਮੁਨਿ ਕੋ ਭਾਖ ਭਵਾਨੀ। ਰਾਜਰਿਖੀ ਹਰਿਰੂਪ ਮਹਾਨੀ ॥ ੧੨  
 ॥ ਭ੍ਰਾਤਨ ਪ੍ਰਤਿ ਪੁਨਿ ਰਾਮ ਉਚਾਰੇ। ਕਹੈ ਕੌਣ ਲਵਣਾਸੁਰ



ਮਾਰੇ । ਵਿੱਪਨ ਕੋ ਸੁ ਅਭੈ ਅਤਿ ਦਾਨਾ । ਤੁਮ ਮੈਂ ਕੋਨ ਦਏ  
 ਬਲਵਾਨਾ ॥ ੧੩ ॥ ਵੇਹਰਾ ॥ ਕਿਨ ਕੋ ਯਹਿ ਪੁਨ ਭਾਗ  
 ਹੈ ਕੀਜੈ ਬੇਗ ਉਚਾਰ । ਐਸੇ ਸੁਨਿ ਗਿਰਜਾ ਤਬੈ ਬੋਲੇ ਭਰਤ  
 ਕੁਮਾਰ ॥ ੧੪ ॥ ਹਾਥ ਜੋਰ ਭਰਤੇ ਕਹਯੋ ਆਗਿਆ ਦੇਹ ਸੁ  
 ਰਾਮ । ਲਵਣਾਸੁਰ ਤਾਂ ਮੰਦ ਕੋ ਮੈਂ ਮਾਰੋਂ ਸੰਗ੍ਰਾਮ ॥ ੧੫ ॥  
 ਤਬ ਰਾਘਵ ਕੇ ਬੰਦ ਪਦ ਸ਼ਤ੍ਰਘਨ ਕਹਯੋ ਪੁਨਿ ਏਹ । ਰਾਮ  
 ਹਮਾਰੇ ਵਾਕ ਕੋ ਕਰੁਨਾਂ ਕਰ ਸੁਨਿ ਲੇਹ ॥ ੧੬ ॥ ਚੋਪਈ  
 ॥ ਲਖਮਣ ਲੰਕਾ ਸੰਘਰ ਮਾਂਹੀ । ਕਾਜ ਬਡੇ ਕੀਨੇਂ ਜਗ  
 ਮਾਂਹੀਂ । ਨੰਦ ਗ੍ਰਾਮ ਮੈ ਭਰਤ ਉਦਾਰ । ਧਰ ਸੋਏ ਦੁਖਿ ਸਹੇ  
 ਅਪਾਰ ॥ ੧੭ ॥ ਲਵਣਾਸੁਰ ਕੇ ਮਾਰਨ ਕਾਜ । ਮੈਹੀ ਜਾਉਂ  
 ਸੁਨੋਂ ਰਘੁਰਾਜ । ਡ੍ਰੁਪਸਾਦਿ ਰਘੁ ਉਤਮ ਰਾਮ । ਲਵਣਾ-  
 ਸੁਰ ਕੋ ਹਨੋਂ ਸੰਗ੍ਰਾਮ ॥ ੧੮ ॥ ਐਸੇ ਰਾਮ ਜਬੈ ਸੁਨਿ ਪਾਯੋ  
 । ਸ਼ਤ੍ਰਘਨ ਸੁ ਅੰਕਿ ਬਿਠਾਯੋ । ਮਥੁਰਾ ਰਾਜ ਤਿਲਕ ਹੈ  
 ਜੋਈ ॥ ਤੇਰੇ ਭਾਲ ਕਰੋਂ ਅਬ ਸੋਈ ॥ ੧੯ ॥ ਸਭਾ ਸੰਭਾਰ  
 ਸੁ ਰਾਮ ਅਨਾਯੋ । ਲਖਣ ਹਾਥ ਸੋਂ ਤਿਲਕ ਕਰਾਯੋ । ਸ਼ਤ੍ਰਘਨ  
 ਨ ਚਾਹੇ ਉਰਮੈਂ ਰਾਗ । ਕਰ ਸਨੇਹ ਦੀਨੋ ਰਘੁਰਾਜ ॥ ੨੦ ॥  
 ਬਹੁਰੇ ਦਯੋ ਦਿਬ ਕਰ ਬਾਨ । ਮੁਖਤੇ ਰਾਮ ਸੁ ਕੀਨ ਬਖਾਨ  
 । ਲੋਕਨ ਕੰਟਕ ਕੁਵਣ ਸੁ ਜੋਈ । ਯਾਹਿ ਬਾਨ ਕਰ ਹਨੋਂ  
 ਸੁ ਸੋਈ ॥ ੨੧ ॥ ਮਹੇਸੁਰ ਦਯੋ ਤ੍ਰਿਸੂਲ ਸੁ ਜੋਈ । ਪੂਜਤ  
 ਤਾਂਹਿ ਨਿਰੰਤਰ ਸੋਈ । ਤਾਂਕੋ ਪੂਜ ਥਾਪ ਕਰ ਮਾਂਹੀ । ਆਪਿ  
 ਜਾਇ ਪੁਨਿ ਕਾਨਨ ਮਾਂਹੀਂ ॥ ੨੨ ॥ ਜੰਤੂਖਾਨ ਨਮਿਤ ਸੁ



ਜਾਏ । ਤਹਾਂ ਜਾਇ ਸਭ ਜੀਵਨ ਘਾਏ । ਜੋ ਲੋ ਵਹੁ ਘਰਿ  
 ਆਵੇ ਨਾਹੀ । ਪੂਰਬ ਹੀ ਤੁਮ ਦੁਾਰੇ ਮਾਹੀ ॥ ੨੩ ॥ ਧਾਰ ਸਰਾ-  
 ਸਨ ਕਰ ਮੈਂ ਬੀਰ । ਠਾਂਢੇ ਰਹੇ ਤਹਾਂ ਰਣ ਧੀਰ । ਕੋਪ ਕਰੇ  
 ਤਵ ਸੰਗ ਲਰਾਈ । ਤਬਹੀਂ ਮਰੈ ਅਸੁਰਕੋ ਰਾਈ ॥ ੨੪ ॥ ਤਾਂ  
 ਕੋ ਮਾਰ ਭਲੇ ਰਣ ਮਾਹੀਂ । ਮਧੁ ਸੰਗਿ ਕਪਿ ਬਨਕੇ ਮਾਹੀਂ  
 । ਪਾਇ ਨਗਰ ਤਹਿੰ ਬਾਸੁ ਸੁ ਕਰਿਓ । ਮੇਰੀ ਆਇਸੁ ਕੋ  
 ਉਰ ਧਰਿਓ ॥ ੨੫ ॥ ਪੰਜ ਹਜ਼ਾਰ ਤੁਰੰਗਮ ਬੀਰ । ਸੈਪਰੀਸ  
 ਰਥ ਪਰਮ ਗੰਭੀਰ । ਛਿਅ ਸੈ ਗਜ ਸੁ ਮਹਾਂ ਬਲਵਾਨ ।  
 ਤੀਸ ਹਜ਼ਾਰ ਪਿਆਦੇ ਜਾਨ ॥ ੨੬ ॥ ਤੁਮ ਰਾਖਸ਼ ਚਲ ਹਨੇ  
 ਅਗਾਰੀ । ਪਾਛੈ ਸੈਨਾ ਐਹੈ ਬਾਰੀ । ਸਿਰ ਚੁੰਮੇਂ ਮੁਖਿ ਐਸ  
 ਅਲਾਯੋ । ਰਾਮ ਭ੍ਰਾਤ ਮੁਨਿ ਸੰਗ ਪਠਾਯੋ ॥ ੨੭ ॥ ਬਹੁਤ  
 ਅਸੀਰਬਾਦ ਹਰਿ ਦੀਨੋਂ । ਸ਼ੱਤ੍ਰੁਘਨਹਿ ਅਭਿ ਬੰਦਨ ਕੀਨੋਂ  
 । ਸ਼ੱਤ੍ਰੁਘਨ ਗਯੋ ਪੁਨਿ ਤਹਾਂ ਸੁਧਾਈ । ਰਾਮ ਕਹਯੋ ਤਿਮ ਕਰਯੋ  
 ਸੁ ਜਾਈ ॥ ੨੮ ॥ ਮਧੁ ਸੁਧਿਕੋ ਰਣਿ ਭੀਤਰ ਮਾਰੀ । ਮਥੁਰਾ  
 ਪੁਰੀ ਸੁ ਤਹਾਂ ਸਵਾਰੀ । ਬਡੇ ਬਡੇ ਤਹਿ ਦੇਸ ਬਨਾਏ । ਦਾਨ  
 ਮਾਨ ਦੈ ਲੋਕ ਬਸਾਏ ॥ ੨੯ ॥ ਕਬਿਵਾਰ ॥ ਦੋਹਰਾ ॥  
 ਸ਼ੱਤ੍ਰੁਘਨ ਕਥਾ ਇਮ ਭਾਖੀਆ ਸੁਨੋ ਕਥਾ ਅਬ ਔਰ । ਬਾਲ  
 ਮੀਕ ਆਸ੍ਰਮ ਬਿਖੇ ਜਨੇ ਜਨਕਜਾ ਕੌਰ ॥ ੩੦ ॥ ਚੌਪਈ  
 ॥ ਬਾਲਮੀਕ ਰਿਖ ਨਾਮ ਸੁ ਠਾਨੇ । ਜੇਸੁ ਲਵ ਲਘੁ ਕੁਸੈ  
 ਬਖਾਨੇ । ਕ੍ਰਮ ਕਰ ਵਿਦਯਾ ਪਢੀ ਅਪਾਰਾ । ਭਏ ਕੁਸ਼ਲ  
 ਕੁਸ਼ ਲਵਹਿ ਕੁਮਾਰਾ ॥ ੩੧ ॥ ਮੁਨਹਿ ਜਨੇਊ ਤਾਂਕੋ ਪਾਏ



ਬੇਦ ਪਢੇ ਮਨ ਪ੍ਰੀਤਿ ਬਢਾਏ । ਸਰਬ ਰਮਾਇਣ ਕਾਬ  
 ਮਹਾਂਨ ॥ ਬਾਲਨ ਭਾਖਯੋ ਮੁਨਿ ਭਗਵਾਂਨ ॥ ੩੨ ॥ ਤ੍ਰਿਪੁਰਾਰਿ  
 ਸ਼ਿਕਰ ਭਗਵਾਂਨ । ਪੂਰਬ ਕੀਯੋ ਉਮਾਂ ਬਖਾਨ । ਸੇ ਵਹਿ  
 ਕਾਬ ਮਹਾਂ ਸੁਖਦਾਈ । ਵੇਦ ਵਧਾਵਨ ਹਿਤ ਮੁਨਿ ਰਾਈ ॥  
 ੩੩ ॥ ਸੀਯ ਕੁਮਾਰਨ ਰਿਖਹਿ ਪਠਾਯੋ । ਰਾਗਤਾਂਨ ਬਹੁ ਭਾਂਤਿ  
 ਸੁਨਾਯੋ । ਨੂਤਨ ਵਧ ਅਤਿ ਰੂਪ ਸੁਹਾਈ । ਤਾਂਕੀ ਪ੍ਰਭਾ ਨ  
 ਵਰਣੀ ਜਾਈ ॥ ੩੪ ॥ ਕਬਿੱਤੁ ॥ ਸੁਰਮੈਂ ਉਦਾਰ ਦੋਉ  
 ਸੁੰਦਰ ਕੁਮਾਰ ਜਨੁ ਅੱਸੁਨੀ ਕੁਮਾਰ ਸੇ ਸਰੂਪ ਮੈਂ ਸੁਹਾਏ ਹੈਂ  
 । ਤੰਤਰੀ ਬਜਾਇ ਬਨ ਸੰਘਨਮੈਂ ਜਾਹਿ ਪੁਨਿ ਫਿਰੇ ਬਨ ਬੀਚ  
 ਰਾਗ ਉਠੇ ਸੁਰਗਾਇ ਹੈਂ । ਮੁਨਿ ਮੰਡਲ ਉਦਾਰ ਭ੍ਰਾਤ ਗਾਵ  
 ਤੇ ਨਿਹਾਰ ਮੁਖ ਕਰਤੇ ਸਰਾਹਿ ਮਨ ਮਾਂਹਿ ਬਿਸਮਾਇ ਹੈਂ ।  
 ਗੰਧੂਪ ਸੁ ਕਿੰਨਰ ਮਹੀਪਨ ਕੇ ਦੇਸਮੈ ਸੁਰੇਸ਼ਕੇ ਅਗਾਰ ਮਾਂਹਿ  
 ਐਸੇ ਨਾਂਹਿ ਪਾਇ ਹੈਂ ॥ ੩੫ ॥ ਪਤਾਲ ਬ੍ਰਹਮ ਲੋਕਮੈਂ ਮਹੇਸ਼  
 ਹੁੰ ਕੇ ਓਕਮੈਂ ਸੁ ਹਮ ਚਿਰ ਜੀਵੀ ਦੇਸ਼ ਦੇਸ਼ ਹੈ ਨਿਹਾਰਿਆ  
 । ਰਾਗਤਾਂਨ ਕੀ ਗੰਭੀਰ ਐਸੀ ਪਿਖੀ ਧੀਰਤਾ ਨ ਕਾਹੂ  
 ਕਾਂਨ ਮਾਂਹਿ ਪੁਨਿ ਆਨਕੈ ਉਚਾਰਿਆ । ਐਸੀ ਭਾਂਤਿ ਕਰਤ  
 ਇਕਾਂਤ ਤੇ ਬਡਾਈ ਮੁਨਿ ਬਾਰਬਾਰ ਜਾਂਹਿ ਦਿਨ ਰੈਨਿ  
 ਬਲਿਹਾਰਿਆ । ਬਾਲਮੀਕ ਆਸ਼੍ਰਮ ਬਿਸਾਲ ਚਿਰਕਾਲ ਰਹੇ  
 ਸੁਖਸੋਂ ਇਕਾਂਤ ਰਾਮਚੰਦ ਕੇ ਕੁਮਾਰਿਆ ॥ ੩੬ ॥ ਅੱਸੁਮੇਧ  
 ਯਾਗਯਕੇ ਅਰੰਭ ਰਾਮਚੰਦ ਕਰੇ ਦੱਖਣਾ ਅਪਾਰ ਜਾਂਹਿ ਮਾਂਹਿ  
 ਸੁ ਸੁਹਾਈ ਹੈ । ਰਾਮ ਭੂਪ ਭਾਰੋ ਜੱਸ ਤੇਜ ਉਜਯਾਰੋ ਜਗ



ਯਾਗਨ ਕੇ ਮਾਂਹਿ ਸੀਯ ਹੇਮਕੀ ਬਨਾਈ ਹੈ । ਜੇਈ ਬਨਬਾਸੀ  
 ਰਿਖ ਰਹਿਤ ਉਦਾਸੀ ਜਗ ਰਾਮ ਯੱਗ ਮਾਂਹਿ ਤਿਨ ਮੰਡਲੀ  
 ਸੁਹਾਈਹੈ । ਮਖ ਦੇਖਨ ਕੇ ਕਾਜ ਦਿਜਰਾਜ ਭੂਮਿ ਪਾਲਿ  
 ਆਏ ਵੈਸਨਕੀ ਮੰਡਲੀ ਸੁ ਹੇਰ ਬਿਗਸਾਈਹੈ ॥ ੩੭ ॥  
 ਚੌਪਈ । ਬਾਲਮੀਕ ਰਿਖਰਾਜ ਸੁਆਏ । ਕੁਸ਼ ਲਵ ਦੋਨੋ  
 ਸੰਗ ਲਵਾਏ । ਪੁਰ ਸਮੀਪ ਤਰੁਕੀ ਪਰਛਾਹੀ । ਬੈਠੋ ਮੁਨੀ  
 ਬਗੀਚੇ ਮਾਂਹੀ ॥ ੩੮ ॥ ਤਹਿ ਇਕੰਤ ਹਰਿ ਸੋ ਮਤਿ ਜੂਟੀ ॥  
 ਮੁਨਿ ਸਮਾਧਿ ਜਾਂ ਖਿਣਮੈਂ ਛੂਟੀ । ਪਾਇ ਕਥਾਂਤਰ ਪੂਛਯੋ  
 ਗਯਾਨ । ਬਾਲਮੀਕ ਕੋ ਕੁਸ਼ ਮਤਿ ਮਾਂਨ ॥ ੩੯ ॥ ਸੁਨਿਨ  
 ਚਾਹਿ ਮੇ ਉਰ ਮੈ ਪੱਯੇ । ਕਰ ਸੰਖੇਪ ਪ੍ਰਭਮੋਹਿ ਬਤੱਈਏ ।  
 ਦੇਹੀਕੋ ਦਿਢ ਬੰਧਨ ਜੋਈ । ਕਿਹ ਬਿਧਿ ਉਪਜੇ ਜਗ ਮੈਂ  
 ਸੋਈ ॥ ੪੦ ॥ ਮੁਨਿ ਸਰਬੱਗ ਸੁ ਮੋਹਿ ਬਖਾਨੋ । ਮੋਕੋ ਸਿੱਖ  
 ਚਰਣਕੋ ਜਾਨੋ । ਐਸੀ ਸੁਨਿ ਕੁਸ਼ਕੀ ਸੁਭ ਬਾਨੀ । ਬਾਲਮੀਕ  
 ਰਿਖ ਆਪ ਬਖਾਨੀ ॥ ੪੧ ॥ ਬਾਲਮੀਕੋ ਵਾਰ ॥ ਚੌਪਈ ॥  
 ਬੰਧ ਮੋਖਕੋ ਰੂਪ ਸੁ ਜੋਈ । ਕਹੋ ਸੰਖੇਪ ਸੁਨੋ ਅਬਿ ਸੋਈ । ਅਰ  
 ਪੁਨਿ ਸਾਧਨ ਕਰੋਂ ਉਚਾਰ । ਸੁਨਿਤੈਸੇਪੁਨਿਕਰੋਕੁਮਾਰ ॥ ੪੨ ॥  
 ਜੀਵਨ ਮੁਕਤਿਹੋਹਿ ਜਗਮਾਹੀ । ਯਾਭੀਤਰ ਸੰਸਾ ਕਿਛੁ ਨਾਹੀ  
 । ਚੇਤਨ ਆਤਮ ਅਹੈ ਅਦੇਹਾ । ਤਾਂਕੋ ਦੇਹ ਮਹਾਂਨ ਸੁਗੇਹਾ ॥  
 ੪੩ ॥ ਮੰਤ੍ਰੀ ਤਾਂ ਅਹੰਕਾਰ ਠਰੁਯੋ । ਤਾਂਤੇ ਤਨ ਅਭਿਮਾਨ  
 ਉਪਾਯੋ । ਸੋ ਅਰੋਪ ਆਤਮ ਕੇ ਮਾਂਹੀਂ । ਭਯੋ ਤਦਾਤਮ ਤਾਂਕੇ  
 ਮਾਂਹੀ ॥ ੪੪ ॥ ਅਪਨੇਂ ਕਾਰਯ ਅਹੈਂ ਸੁ ਜੇਤੇ । ਆਤਮ ਮਾਂਹਿ



ਅਰੋਪੇ ਤੇਤੇ । ਅਹੰਕਾਰ ਅਹੇ ਜਗ ਭੀਤਰ ਜੋਈ । ਚਿਦਾਨੰਦ  
 ਕਰ ਭਾਖੇ ਸੋਈ ॥ ੪੫ ॥ ਮਿਲਿ ਅਹੰਕਾਰ ਸੰਕਲਪ ਉਪਾਏ  
 । ਮਨੋ ਜੀਵ ਪਦ ਸੰਗਲ ਪਾਏ । ਪੁਤ੍ਰ ਦਾਰ ਗ੍ਰਹਾਦਿਕ ਮਾਹੀ  
 । ਕਰੇ ਸੰਕਲਪ ਸੁ ਨਿਸਦਿਨ ਮਾਹੀ ॥ ੪੬ ॥ ਵਿਕਲ ਹੋਹਿ  
 ਗ੍ਰਹ ਦਾਰਾ ਜਬਹੀਂ । ਸੋਚ ਕਰੇ ਉਰ ਤਾੜੇ ਤਬਹੀਂ । ਅਧਮੋ  
 ਤਮ ਮੱਧਮ ਪੁਨਿ ਦੇਹਾ । ਜਾਨੋ ਤਨਕੀ ਤੀਨੋ ਏਹਾ ॥ ੪੭ ॥  
 ਤਮ ਸਤਿ ਰਜ ਪੁਨਿ ਸੰਗਯਾ ਜੋਈ । ਜਗ ਇਸਥਿਤਿ ਕੇ  
 ਕਾਰਣ ਤੇਈ । ਤਮੋ ਰੂਪ ਸੰਕਲਪ ਸੁ ਜੋਈ । ਤਾਮਸ ਕ੍ਰਿਆ  
 ਉਪਾਵੇ ਸੋਈ ॥ ੪੮ ॥ ਤਾਂਤੇ ਬਹੁਤ ਤਾਮਸੀ ਹੋਵੈ । ਕ੍ਰਿਮ  
 ਕ੍ਰੀਟਨ ਕੀ ਜੂਨਨ ਜੋਵੈ । ਸਤੋ ਰੂਪ ਸੰਕਲਪ ਸੁ ਜੋਈ । ਧ-  
 ਰਮ ਗਯਾਨ ਮਹਿ ਲਾਵੈ ਸੋਈ ॥ ੪੯ ॥ ਦੋਹਰਾ ॥ ਸਾਮਰਾਜ  
 ਨਿਜ ਮੋਖ ਜੋ ਤਾਂਤੇ ਸੋ ਨਿਜ ਕਾਇ ॥ ਦੁਖ ਸਪੂਰਣ ਮੇਟਿਕੈ  
 ਸੁਖ ਸਰੂਪ ਠਹਿਰਾਇ ॥ ੫੦ ॥ ਚੌਪਈ ॥ ਰਜੋ ਰੂਪ ਸੰਕ-  
 ਲਪ ਸੁ ਜੋਈ । ਸਭ ਬਿਵਹਾਰ ਉਪਾਵੈ ਸੋਈ । ਰਹੇ ਸੰਸਾਰ  
 ਮਾਹਿ ਅਤਿ ਲਾਗ । ਸੁੰਦਰ ਤਾਂ ਘਰੁ ਮੈਂ ਅਨੁਰਾਗੁ ॥ ੫੧ ॥  
 ਤੀਨ ਪ੍ਰਕਾਰ ਸੰਕਲਪ ਸੋ ਜੋਈ । ਤਯਾਗੇ ਤਾਹਿ ਮਹਾਮਤਿ  
 ਕੋਈ । ਦਏ ਸੰਕਲਪ ਆਪਨੋਂ ਖੋਇ । ਸੋ ਪਰ ਪਦਕੋ ਪ੍ਰਾਪ  
 ਤਿ ਹੋਇ ॥ ੫੨ ॥ ਦੋਹਰਾ ॥ ਸਰਬ ਬਿਰਤਕੋ ਤਯਾਗ  
 ਕਰ ਰੋਕੋ ਮਨਕੋ ਬੀਰ । ਸਰਬ ਅਰਥ ਸੰਕਲਪ ਖਯ ਕਰੋ  
 ਸਦਾ ਮਤਿ ਧੀਰ ॥ ੫੩ ॥ ਹਜ਼ਾਰ ਬਰਸ ਤਪ ਜੇ ਕਰੈ ਬੈਠ  
 ਪਤਾਲਨ ਮਾਂਹਿ । ਸੂਰਗ ਮਾਂਹਿ ਐਸੇ ਕਰੈ ਅਰ ਪੁਨਿ ਭੂਮੀ



ਮਾਹਿ ॥ ੫੪ ॥ ਉਪਸਮ ਬਿਨ ਸੰਕਲਪ ਕੇ ਔਰ ਉਪਾਇ  
 ਨ ਕੋਇ । ਤਾਂਹੀ ਕਰ ਸੁਖ ਪਾਈਯੇ ਮੋਖ ਤਹੀ ਕਰ ਹੋਇ ॥  
 ੫੫ ॥ ਅਹਿ ਅਨੰਤ ਸੁਖ ਪਾਵਨੋਂ ਰੰਚਿਕ ਨਾਂਹਿ ਬਿਚਾਰ ।  
 ਪੁਰਖਾਰਥ ਉਰਮੈਂ ਧਰੋ ਦਿਹੁ ਸੰਕਲਪ ਨਿਵਾਰ ॥ ੫੬ ॥  
 ਸੰਕਲਪ ਤੰਤਮੈ ਗੁੰਦਿਯਾਂ ਨਿਖਲ ਪਦਾਰਥ ਜੋਇ । ਕਾਟੇ  
 ਤੰਤ ਨ ਜਾਨੀਯੇ ਤਹਾਂ ਜਾਇ ਪੁਨਿ ਸੋਇ ॥ ੫੭ ॥ ਭੀਤਰ ਕੇ  
 ਸੰਕਲਪ ਤਜ ਕਰੋ ਨਿਖਲ ਵਿਵਹਾਰ । ਜੀਵ ਸੰਕਲਪ ਨਿ  
 ਵਾਰਕੈ ਪਾਵੋ ਬ੍ਰਹਮ ਉਦਾਰ ॥ ੫੮ ॥ ਸਵੈਯਾ ॥ ਪਰਮਾਰਥ  
 ਕੋ ਤਬ ਪਾਇ ਸੁਨੋ ਸੁ ਬਿਕਾਰਨ ਕੇ ਸਭ ਬੀਜ ਮਿਟਾਏ ।  
 ਇਹ ਏਕ ਅਖੰਡਤ ਜੋ ਪਦ ਹੈ ਕੁਸ਼ ਬੇਗ ਤੁਹੀ ਅਬ ਲੇਹ  
 ਸੁ ਪਾਏ । ਮਨਕੀ ਸਭਿ ਬ੍ਰਿਤ ਸੁ ਸੁੱਧ ਕਰੋ ਸੁਖ ਪੂਰਣ ਮਾਂਹਿ  
 ਤਬੈਦੁਖਜਾਏ । ਕਵਿ ਸਿੰਘ ਗੁਲਾਬ ਸੁ ਯਾ ਬਿਧਿ ਸੋਂ ਰਿਖ  
 ਪੁੰਗਵ ਤਾਹਿ ਕੋ ਬ੍ਰਹਮ ਜਨਾਏ ॥ ੫੯ ॥ ਇਤਿ ਸ੍ਰੀ ਮਤਿ  
 ਅਧਿਆਤਮ ਰਾਮਾਇਣੇ ਉਮਾਂ ਮਹੇਸ਼ੁਰ ਸੰਬਾਦੇ ਉਤਰ ਕਾਂਡੇ  
 ਨਾਮ ਖਸ਼ੁਮੋਂ ਧਿਆਇ ॥ ੬ ॥

॥ ਸ੍ਰੀ ਮਹਾਂਦੇਵ ਉਵਾਚ ॥ ਦੋਹਰਾ ॥  
 ਬਾਲਮੀਕ ਤੇ ਗਯਾਨ ਸੁਨਿ ਕੁਸ਼ ਉਰਿ ਭ੍ਰਾਂਤ ਨਿਵਾਰ । ਉਰ  
 ਭੀਤਰ ਮੁਕਤਾ ਭਯੋ ਬਾਹਰ ਕਰੇ ਬਿਵਹਾਰ ॥ ੧ ॥ ਸਵੈਯਾ  
 ॥ ਸੀਯ ਕੁਮਾਰਨ ਕੇ ਮੁਨਿ ਪੁੰਗਵਿ ਏਹ ਤਬੈ ਪੁਨਿ ਬਾਤ  
 ਸੁਨਾਈ । ਗਾਨ ਕਰੋ ਪੁਰ ਬੀਥਨ ਮੈ ਸਭ ਠੌਰਨ ਮੈਂ ਸੁਭ  
 ਬੀਨ ਬਜਾਈ । ਰਾਮ ਸਮੀਪ ਸੁ ਗਾਨ ਕਰੋ ਜੁ ਬੁਲਾਇ ਸੁਨੈ



ਰੁਚਿ ਸੋਂ ਰਘੁਰਾਈ । ਜੋ ਕਛ ਭੂਪ ਦਏ ਰੁਚਿਕੈ ਤੁਮ ਨਾਹਿ  
 ਗਹੋ ਰਿਖ ਏਹ ਸਿਖਾਈ ॥ ੨ ॥ ਇਹ ਭਾਂਤਿ ਕਹਯੋ ਮੁਨਿ  
 ਪ੍ਰਿਗਵ ਜੋ ਸਭ ਠੌਰਨ ਗਾਵਤ ਹੈਂ ਮਨ ਮਾਨੇ । ਚਰਯਾ ਸਭ  
 ਆਪਨੀ ਪੂਰਬ ਜੋ ਵਹਿ ਰਾਮ ਸੁਨੀ ਸੁਨਿਕੈ ਬਿਗਸਾਨੇ ।  
 ਪਦ ਆਹਿ ਅਪੂਰਬ ਛੰਦ ਭਲੇ ਸੁ ਰਾਮਾਇਣ ਗਾਂਹਿ ਮਹਾਂ  
 ਹਰਖਾਨੇ । ਸੁਨਿ ਬਾਲਨ ਕੇ ਮੁਖਿ ਕੀ ਧੁਨਿ ਕੋ ਨਿਪ ਕੋਤਕ  
 ਮਾਂਹਿ ਭਏ ਗਲਤਾਨੇ ॥ ੩ ॥ ਪੁਨਿ ਏਕ ਸਮੇਂ ਲਹਿ ਅੰਤਰ  
 ਕੋ ਮੁਨੀ ਮੰਡਲ ਭੂਪਤਿ ਆਪ ਬੁਲਾਏ । ਸੁਭ ਪੰਡਿਤ ਔਰ  
 ਮਹੀਪ ਸਭੈ ਪੁਨਿ ਨੈਗਮ ਔਰ ਪੁਰਾਣ ਕਮਾਏ । ਸਬਦਾਗਮ  
 ਮਾਂਹਿ ਵਿਸਾਰਦ ਜੇ ਪੁਨਿ ਔਰ ਅਏ ਵਿਜ ਜੇ ਜਰ ਠਾਏ  
 । ਇਹ ਭਾਂਤਿ ਭਏ ਸਭ ਸੰਗਮ ਜੋ ਤਬ ਰਾਮ ਸੁ ਗਾਇਕ  
 ਬਾਲਿ ਸਦਾਏ ॥੪॥ ਰਾਮ ਸਭਾ ਜਨ ਦੇਵ ਸਭਾ ਪੁਨਿ ਔਰ  
 ਮਹੀਪ ਮਹਾਂ ਹਰਖਾਏ । ਗਾਇਕ ਬਾਲਨ ਕੋ ਪਿਖ ਕੈ ਅਨ  
 ਮੇਖ ਸਭੈ ਉਰ ਮੈ ਬਿਗਸਾਏ । ਲੋਕ ਸਭੈ ਪਿਖ ਬਾਲਨ ਕੋ  
 ਇਹ ਭਾਂਤਿ ਉਮਾਂ ਮੁਖਿ ਮਾਂਹਿ ਅਲਾਏ । ਰਾਮ ਸਮਾਨ ਸੁ  
 ਬਾਲ ਦੁਊ ਜਨ ਬਿਬਹ ਤੇ ਪ੍ਰਤਿ ਬਿਬ ਸੁਹਾਏ ॥ ੫ ॥  
 ਸੀਸ ਜਟਾ ਦੁਮ ਛਾਲਨ ਕੇ ਪਦ ਜੋ ਨਹਿ ਬਾਲਨ ਕੇ ਤਨ  
 ਹੋਈ । ਤੈ ਹਮ ਬਾਲਨ ਰਾਘਵ ਮਾਂਹਿ ਸੁਭੇਦ ਨਿਹਾਰ ਸਕੇ  
 ਨਹਿ ਕੋਈ । ਲੋਕ ਸਭੈ ਬਿਸਮਾਇ ਰਹੇ ਇਮ ਆਪਸ  
 ਮਾਂਹਿ ਬਖਾਨਤ ਸੋਈ । ਸੁੰਦਰ ਤਾਨ ਅਲਾਪ ਕਰੇ ਸੁ ਲਗੇ  
 ਮੁਨਿ ਦਾਰਕ ਗਾਵਨ ਦੇਈ ॥ ੬ ॥ ਚੌਪਈ ॥ ਗਾਵੈਂ ਰਾਗ



ਬਾਲ ਅਧਿਕਾਈ । ਅਤਿ ਮਾਨੁਖ ਨਹਿ ਬਰਨਯੋ ਜਾਈ ।  
 ਅਪਰਾਹਿਨ ਮੈ ਸੁਨਿ ਭਗਵਾਨ । ਭਰਤ ਕੀਓ ਪੁਨਿ ਏਹ  
 ਬਖਾਨ ॥੭॥ ਦਸ ਹਜ਼ਾਰ ਕਾਂਚਨ ਦੀਨਾਰਿ । ਦੀਜੈ ਬਾਲਨ  
 ਭਰਤ ਕੁਮਾਰ । ਦੀਓ ਸੁਵਰਣ ਨ ਬਾਲਨ ਲੀਓ । ਯਾ ਬਿਧ  
 ਕੇ ਪੁਨਿ ਬਚਨ ਸੁ ਕੀਓ ॥ ੮ ॥ ਹੇਮ ਨਹੀਂ ਨਿਪ ਕਾਜ  
 ਹਮਾਰੇ । ਬਨਬਾਸੀ ਫਲ ਫੂਲ ਅਹਾਰੇ । ਯਾ ਬਿਧ ਤਯਾਗ  
 ਸਗਲ ਧਨ ਤਹਾਂ । ਗਏ ਬਾਲ ਮੁਨਿ ਪੁੰਗਵ ਜਹਾਂ ॥ ੯ ॥  
 ਅਪੁਨੇ ਚਰਤ ਸੁਨੋ ਰਘੁਬੀਰ । ਬਿਸਮਤ ਭਯੋ ਪਰਮ ਉਰ  
 ਧੀਰ । ਸੀਯ ਕੁਮਾਰ ਸੁ ਰਾਮ ਪਛਾਨ । ਬਹੁਰ ਕੀਓ ਸੱਤ੍ਰਘਨ  
 ਬਖਾਨ ॥ ੧੦ ॥ ਦੋਹਰਾ ॥ ਹਨੂੰਮਾਨ ਸੁ ਸੁਖੇਣ ਪੁਨਿ  
 ਔਰ ਵਿਭੀਖਣ ਧੀਰ । ਅੰਗਦ ਅਤਿ ਮਤਿ ਮਾਨ ਕੋ ਸੰਗਿ  
 ਲਿਜਾਵੇ ਬੀਰ ॥ ੧੧ ॥ ਬਾਲਮੀਕ ਭਗਵਾਨ ਰਿਖ ਮੁਨਿ  
 ਸੱਤਮ ਧਰ ਧਯਾਨ । ਸੀਤਾ ਸਹਿ ਸੁ ਜਾਇਕੇ ਲਿਆਵੇ  
 ਬੰਦਨ ਠਾਨ ॥ ੧੨ ॥ ਜਨਕ ਸੁਤਾ ਸੌਗੰਦ ਕੋ ਕਰੇ ਸੁ  
 ਪਰਿਖਤ ਮਾਹਿੰ । ਕਰੇ ਪ੍ਰਤੀਤ ਸੁ ਲੋਕ ਸਭ ਜਾਨੇ ਕਲਮਖ  
 ਨਾਹਿ ॥ ੧੩ ॥ ਰਾਮ ਬਚਨ ਸੁਨਿ ਗਏ ਸਭ ਬਿਸਮੈਂ ਉਰ  
 ਮੈਂ ਮਾਨ । ਬਾਲਮੀਕ ਭਗਵਾਨ ਸੋ ਕੀਨੋ ਜਾਇ ਬਖਾਨ ॥  
 ੧੪ ॥ ਰਾਮ ਰਿਵੇ ਕੀ ਜਾਨ ਸਭ ਕਹੀ ਮੁਨੀਸ਼ਰ ਬਾਤ ।  
 ਸਭਾ ਮਾਹਿੰ ਸੌਗੰਦ ਕੋ ਕਰਹੈ ਸੀਤਾ ਪ੍ਰਾਤ ॥ ੧੫ ॥ ਚੌਪਈ  
 ॥ ਨਾਰਿਨ ਕੋ ਪ੍ਰਤਿਆ ਜਗ ਜੋਈ । ਬਿਨ ਸੰਦੇਹ ਦੇਵ ਹੈ  
 ਸੋਈ । ਐਸੀ ਸੁਨਿ ਮੁਨਿਵਰ ਕੀ ਬਾਨੀ । ਤਿਨ ਹੂੰ ਜਾਇ ਸੁ



ਰਾਮ ਬਖਾਨੀ ॥ ੧੬ ॥ ਸੁਨਿ ਮੁਨਿ ਵਾਕ ਸੁ ਰਾਮ ਅਲਾਏ ।  
 ਰਾਜਾ ਮੁਨਿ ਸਭ ਲੇਹੁ ਬੁਲਾਏ । ਸੀਤਾ ਸਪਥ ਸੁਨੇ ਸਭ  
 ਕਾਨ । ਦੇਖ ਅਦੋਖ ਲੇਹੁ ਸਭ ਜਾਨਿ ॥ ੧੭ ॥ ਐਸੇ ਰਾਮ ਬਖਾਨੇ  
 ਜਬਹੀ । ਲੋਕ ਸੁ ਦੇਖਨ ਆਏ ਤਬਹੀ । ਬ੍ਰਹਮਣ ਖੱਤ੍ਰੀ ਵੈਸ  
 ਅਪਾਰ । ਸੂਦ੍ਰ ਔਰ ਮਹਾਂ ਰਿਖ ਧਾਰ ॥ ੧੮ ॥ ਬਾਨਰ  
 ਰੀਛ ਸਭੈ ਮਿਲਿ ਆਏ । ਕੋਤਕ ਦੇਖਨ ਹਿਤ ਹਰਖਾਏ ।  
 ਬਾਲਮੀਕ ਰਿਖ ਬਹੁਰ ਸੁ ਆਏ । ਸੀਤਾ ਸਹਿਤ ਸੁ ਪਰਮ  
 ਸੁਹਾਏ ॥ ੧੯ ॥ ਆਗੇ ਰਿਖ ਪਾਛੇ ਸੀਯ ਰਾਈ । ਅਧੋ  
 ਮੁਖੀ ਉਰ ਮਾਂਹਿ ਲਜਾਈ । ਕ੍ਰਿਤਾਂਜੁਲ ਨੈਨ ਵਾਰਿ ਜਲਿ  
 ਆਏ । ਯੱਗਯ ਭੂਮਿ ਮੈਂ ਬਰੀ ਸੁ ਜਾਏ ॥ ੨੦ ॥ ਪਿਖ  
 ਪਦਮਾਂ ਜਯੋਂ ਸੀਯ ਸੁ ਆਈ । ਮੁਨਿਕੇ ਪਾਛੇ ਪਰਮ ਸੁਹਾਈ ।  
 ਸੀਤਾ ਜਸ ਜਨ ਕਰੇ ਬਖਾਨ । ਸਾਧੁਸਾਧੁ ਅਤਿ ਭਯੋ ਮਹਾਨ  
 ॥ ੨੧ ॥ ਬਾਲਮੀਕ ਪੁਨਿ ਪੁੰਗਵ ਜੋਈ । ਬਰਜੇ ਸਭਾਕੇ  
 ਭੀਤਰ ਸੋਈ । ਸੀਤਾ ਜਾਂਕੇ ਸੰਗ ਸੁਹਾਨੀ । ਬਾਲਮੀਕ ਰਿਖ  
 ਬੋਲੇ ਬਾਨੀ ॥ ੨੨ ॥ ਦਾਸਰਥੀ ਤੁਮ ਰਾਮ ਉਦਾਰ । ਇਹ  
 ਹੈ ਸੀਤਾ ਤੁਮਰੀ ਨਾਰਿ । ਆਹਿ ਪਤਿਬ੍ਰਤ ਧਰਮ ਪਰਾਇਣ  
 । ਸੁਨੋ ਰਾਮ ਕਰੁਣਾ ਕੇ ਆਇਣ ॥ ੨੩ ॥ ਬਿਨਾਂ ਦੇਖ ਤੈਂ  
 ਪੂਰਬ ਤਜਾਗੀ । ਮਮ ਆਸੂਮ ਢਿਗ ਸੀ ਵਡਭਾਗੀ । ਜਨ  
 ਅਪਵਾਦ ਮਹਾਂ ਡਰਮਾਨ । ਤਜਾਗੀ ਸੀਤਾ ਵਿਪਨ ਮਹਾਨ  
 ॥ ੨੪ ॥ ਰਾਮ ਸੁ ਆਇਸੁ ਕਰੇ ਬਖਾਨ । ਦਏ ਪ੍ਰਭੀਤ ਸੁ  
 ਸੀਯ ਮਹਾਂਨ । ਯਹਿ ਸੀਤਾਕੇ ਦੁਊ ਕੁਮਾਰ । ਯੁਗਲ ਭਏ ਤਾਂ



ਵਿਪਨ ਮਝਾਰ ॥ ੨੫ ॥ ਹੈਂ ਤਵ ਪੂਤ ਮਹਾ ਬਲਵਾਨੀ । ਹੈ  
 ਸਭ ਸਾਚੁ ਸੁ ਮੇਰੀ ਬਾਨੀ । ਪ੍ਰਚੇਤਾ ਕੇ ਦਸਮੇਂ ਸੁਤ ਜੋਈ ।  
 ਮੈ ਹੋਂ ਰਾਮ ਸੁਨੋ ਉਰ ਸੋਈ ॥ ੨੬ ॥ ਅਨ੍ਰਤ ਕਹਜੋ ਨਹਿ  
 ਕਬੀ ਚਿਤਾਰਜੋ । ਯਹਿ ਤਵ ਪੂਤ ਸੁ ਸਾਚੁ ਉਚਾਰਜੋ । ਬਹੁਤ  
 ਹਜਾਰ ਬਰਖ ਤਪ ਭਾਰਾ । ਮੈਂ ਕੀਨੋ ਯਾ ਜਗਤ ਮਝਾਰਾ ॥  
 ੨੭ ॥ ਤਾਕੋ ਫਲ ਨਹਿ ਮੋਕੋ ਹੋਈ । ਜੋ ਸੀਤਾ ਮਹਿ ਦੋਖ ਸੁ  
 ਹੋਈ । ਐਸੀ ਬਾਲਮੀਕ ਸੁਨਿ ਬਾਨੀ । ਤਬ ਬੋਲੇ ਪੁਨਿ ਰਾਮ  
 ਭਵਾਨੀ ॥ ੨੮ ॥ ਕਬਿੱਭੁ ॥ ਮੁਨੀ ਜਿਉਂ ਬਖਾਨੋ ਸਭ ਸਾਚ  
 ਉਰ ਜਾਨੋ ਮਮ ਭਈ ਪਰਤੀਤ ਤਵ ਵਾਕ ਸੁਨਿ ਪਾਇ ਹੈਂ ।  
 ਸੀਯ ਮੈ ਨ ਦੋਖ ਆਹਿ ਭਈ ਨਿਰਦੋਖ ਅਬ ਸੁਨ ਮੁਨਿਰਾਈ  
 ਸਭ ਲੋਕ ਪਤੀਆਇ ਹੈਂ । ਸਭ ਦੇਵਨ ਕੇ ਆਗੇ ਸੀਯ  
 ਲੋਕ ਮੈ ਪ੍ਰਤੀਤ ਦਈ ਯਾਹੀ ਤੇ ਮੁਨੀਸ਼ ਹਮ ਘਰ ਮਾਹਿ  
 ਲਿਆਇ ਹੈਂ । ਲੋਕ ਡਰ ਮਾਨ ਸੀਯ ਤਜੀ ਮੈ ਮਹਾਨ ਬਨ ਅਹੈ  
 ਨਿਰਪਾਪ ਦੋਖ ਰੰਚ ਨ ਛੁਹਾਇ ਹੈਂ ॥ ੨੯ ॥ ਚੌਪਈ ॥  
 ਲੋਕਨ ਕੇ ਡਰ ਕਰੈ ਅਕਾਜਾ । ਸੋ ਮੁਹਿ ਖਿਮਾ ਕਰੋ ਮੁਨਿ  
 ਰਾਜਾ । ਕੁਸ਼ ਲਵ ਨਾਮ ਬਾਲ ਵੈ ਜੋਈ । ਮੋਤੇ ਭਏ ਮੁਨੀ  
 ਵਰ ਤੇਈ ॥ ੩੦ ॥ ਸੁਧਿ ਸੀਯ ਮੈਂ ਜਾਨੀ ਚੀਤ । ਤਾਂ ਮੈਂ  
 ਰਹੇ ਸਦਾ ਮਮ ਪ੍ਰੀਤ । ਤਬ ਰਾਘਵ ਕੇ ਉਰ ਕੀ ਜਾਨ । ਸੁਰ  
 ਨਭੁ ਆਏ ਬੈਠ ਬਿਬਾਨ ॥ ੩੧ ॥ ਕਮਲਾਸਨ ਕੇ ਆਗੇ  
 ਧਾਰਾ । ਸੁਰਵਰ ਆਏ ਭੂਮਿ ਮਝਾਰਾ । ਪਰਜਾ ਸਗਲ ਰਾਮ  
 ਕੀ ਆਈ । ਯੱਗ ਭੂਮਿ ਜਹਿ ਬਨੀ ਸੁਹਾਈ ॥ ੩੨ ॥ ਸੀਤਾ



ਯਾਗ ਭੂਮਿ ਮੈਂ ਆਈ । ਪੱਟ ਬਸਨ ਤਨ ਮਾਹਿ ਸੁਹਾਈ ।  
 ਜੇਰ ਦੋਉ ਕਰ ਭੂਮਿ ਨਿਹਾਰ । ਸੀਤਾ ਮੁਖ ਤੇ ਕੀਨ ਉਚਾਰ ॥  
 ੩੩ ॥ ਦੋਹਰਾ ॥ ਰਾਮ ਅੰਨ ਜੋ ਨਾ ਚਹੈ ਮੈਂ ਧਰਨੀ ਉਰ  
 ਮਾਹਿ । ਤੋ ਦੇਵੀ ਅਸਥਾਨ ਤੂੰ ਦੇਹ ਸੁ ਆਪਨ ਮਾਹਿ ॥  
 ੩੪ ॥ ਚੌਪਈ ॥ ਐਸੇ ਸੀਤਾ ਸਪਥ ਉਚਾਰੀ । ਨਿਕਸੇ  
 ਦਿੱਬ ਸਿੰਘਾਸਨ ਭਾਰੀ । ਅਧਭੁਤਿ ਰੂਪ ਸਿੰਘਾਸਨ ਜੋਈ ।  
 ਭੂਮਿ ਵਿਵਰ ਤੇ ਉਪਜਯੋ ਸੋਈ ॥ ੩੫ ॥ ਰਵਿ ਸਮ ਅਹੈ  
 ਸਿੰਘਾਸਨ ਜੋਈ । ਨਾਰਿੰਦ੍ਰ ਨ ਸਿਰ ਧਾਰਯੋ ਸੋਈ । ਭੂਮੀ  
 ਦੇਵੀ ਭੁਜਾ ਪਸਾਰ । ਸੀਤਾ ਮਾਹਿ ਸਨੇਹ ਸੁ ਧਾਰ ॥ ੩੬ ॥  
 ਸ੍ਰਾਗਤ ਪ੍ਰਸਨ ਸੁ ਮੁਖੋ ਅਲਾਈ । ਲਈ ਸਿੰਘਾਸਨ ਮਾਹਿ  
 ਬੈਠਾਈ । ਸਿੰਘਾਸਨ ਬੈਠੀ ਸੀਯ ਜਬ ਹੀ । ਚਲੀ ਪਤਾਲਿ  
 ਵਿਵਰ ਕੇ ਤਬਹੀ ॥ ੩੭ ॥ ਸੀਤਾ ਸਿਰ ਸੁਰ ਫੂਲ ਵਸਾਏ ।  
 ਧੰਨਿ ਧੰਨਿ ਮੁਖਿ ਮਾਹਿ ਅਲਾਏ । ਅੰਤਰ ਰਿਖ ਸੁਰ ਕਰੇ  
 ਬਡਾਈ । ਸੀਤਾ ਸਤਿ ਬਰਨੋ ਨਹਿ ਜਾਈ ॥ ੩੮ ॥ ਥਾਵਰ  
 ਜੰਗਮ ਸਗਲੇ ਜੇਤੇ । ਧੰਨਿ ਧੰਨਿ ਭੂ ਭਾਖੇ ਤੇਤੇ । ਬਾਨਰ  
 ਆਹਿ ਜਗਤ ਮੈਂ ਜੇਤੇ । ਸੀ ਸੁਗੰਦ ਹਿਤ ਆਏ ਤੇਤੇ ॥ ੩੯ ॥  
 ਕੇਚਿਤ ਚਿੰਤਾ ਮੈ ਗਲਿਤਏ । ਕੇਚਿਤ ਧਿਆਨ ਪਰਾਇਣ ਭਏ ।  
 ਕੇਚਿਤ ਰਾਘਵ ਨੈਨ ਨਿਹਾਰੇ ॥ ਕੇਚਿਤ ਸੀਤਾ ਚੀਤ ਚਿਤਾਰੇ  
 ॥ ੪੦ ॥ ਏਕ ਮਹੂਰਤ ਆਏ ਜੇਤੇ । ਭਏ ਤੂਸਨੀ ਸਗਲੇ  
 ਤੇਤੇ । ਸੀਯ ਪ੍ਰਵੇਸ਼ ਹੇਰਿਯੋ ਜਬਹੀ । ਭਏ ਮੋਹ ਵੱਸ ਸਗਲੇ  
 ਤਬਹੀ ॥ ੪੧ ॥ ਭਵਿਖਯਤ ਕਾਰਯ ਗੌਰਵ ਜੋਈ । ਰਾਮ



ਜਾਨ ਸਭ ਉਰ ਮੈ ਸੋਈ । ਜਨੁ ਅਜਾਨੁ ਇਮ ਸੋਚੇ ਰਾਮ ।  
ਲੇਲੇ ਜਨਕ ਸੁਤਾ ਕੋ ਨਾਮ ॥ ੪੨ ॥ ਬ੍ਰਹਮਣ ਰਿਖ ਸਗਲੇ  
ਤਬ ਆਏ । ਰਘੁਨੰਦਨ ਕੋ ਬੋਧ ਉਪਾਏ । ਮਨੋ ਸੁਪਨ ਤੇ  
ਜਾਗੇ ਹਰੀ । ਰਾਮ ਅਨੰਤਰ ਕਿਰਿਆ ਕਰੀ ॥ ੪੩ ॥ ਰਿਤਕ  
ਰਿਖਿਜੇ ਮਖਮੈ ਆਏ । ਰਾਮ ਸਭਨ ਕੋ ਦਈ ਬਿਦਾਏ । ਧਨ  
ਅਰ ਰਤਨ ਸੁ ਬਹੁ ਬਿਧਿ ਦਯੋ । ਰਾਮ ਸੁ ਤੋਖ ਸਭਨ ਕੋ  
ਕਯੋ ॥ ੪੪ ॥ ਦੋਨੋ ਲਏ ਸੁ ਰਾਮ ਕੁਮਾਰ । ਆਇ ਅਯੋਧਯਾ  
ਭੋਨ ਮਝਾਰ । ਤਾਂ ਦਿਨਤੇ ਲੈ ਰਾਮ ਮੁਰਾਰੇ । ਵਿਖੈ ਭੋਗ ਸਭ  
ਦੂਰ ਨਿਵਾਰੇ ॥ ੪੫ ॥ ਆਤਮ ਧਿਆਨ ਸਦਾ ਉਰ ਧਾਰੇ ।  
ਬੈਠ ਇਕੰਤ ਸੁ ਤੱਤੁ ਬਿਚਾਰੇ । ਧਿਆਨ ਉਥਾਨ ਭਏ ਰਘੁਰਾਈ  
॥ ਏਕ ਸਮੇ ਕੋਸ਼ਲਯਾ ਆਈ ॥ ੪੬ ॥ ਪ੍ਰੇ ਬਾਣੀ ਕੋਸ਼ਲਯਾ  
ਮਾਤ । ਰਾਮ ਨਰਾਇਣ ਪਿਖ ਸਖਯਾਤ । ਭਗਤਿ ਭਾਇ  
ਹਰਿ ਕੀ ਢਿਗ ਆਈ । ਪਦ ਬੰਦਨ ਕਰ ਅਤਿ ਹਰਖਾਈ  
॥ ੪੭ ॥ ਰਾਮ ਆਦਿ ਤੂੰ ਜਗ ਕੀ ਹੱਯੇ । ਆਦਿ ਮੱਧ  
ਤਵ ਅੰਤ ਨ ਪੱਯੇ । ਪਰਮਾਨੰਦ ਪਰਾਤਮ ਦੇਵ । ਪੂਰਣ ਈਸ਼ਰ  
ਪੁਰਖ ਅਭੇਵ ॥ ੪੮ ॥ ਮੇਰੇ ਪੁੰਨ ਅਧਿਕ ਜਨ ਭਏ । ਤੈਂ  
ਮਮ ਗਰਭ ਵਿਖੈ ਭਵ ਲਏ । ਅੰਤ ਸਮੇ ਮੇਰੇ ਅਬ ਆਯੋ ।  
ਮੋਹ ਭਯੋ ਮੇ ਉਰ ਅਧਿਕਾਯੋ ॥ ੪੯ ॥ ਅਗਿਆਨ ਜੰਨ ਭਵ  
ਬੰਧਨ ਜੋਈ । ਅਬਲੋ ਨਾਹਿ ਬਿਨਾਸਯੋ ਸੋਈ । ਭਵ ਕੇ ਬੰਧ  
ਬਿਨਾਸਕ ਜੋਈ । ਕਿੰਹ ਬਿਧਿ ਮਮ ਅਬਗਿਆਨ ਸੁ ਹੋਈ ॥  
੫੦ ॥ ਕਰ ਸੰਖੇਪ ਗਿਆਨ ਮਮ ਕਹੋ । ਮੇਰੇ ਪੂਤ ਸੰਦੇਹ ਸੁ-



ਦਹੋ । ਅਤਿ ਸੁਭ ਜਰ ਜਰ ਦੇਹਿ ਪੁਰਾਨੀ । ਸੁਨ ਨਿਰਵੇਦ  
 ਮਾਇ ਕੀ ਬਾਨੀ ॥ ੫੧ ॥ ਧਰਮਾਤਮ ਵਹ ਰਾਮ ਦਯਾਲਾਕਹਤ  
 ਮਾਤ ਪ੍ਰਤਿ ਵਾਕ ਰਸਾਲ । ਮਾਰਗ ਤੀਨ ਪ੍ਰਥਮ ਮੈ ਗਾਏ ।  
 ਸਾਧਨ ਮੁਕਤਿ ਪਰਮ ਸੁਖਦਾਏ ॥ ੫੨ ॥ ਕਰਮ ਯੋਗ ਜਗ  
 ਏਕ ਭਨੀਜੇ । ਗਯਾਨ ਯੋਗ ਦੂਸਰ ਲਖ ਲੀਜੇ । ਭਗਤਿ  
 ਯੋਗ ਤੀਸਰ ਪਹਿਚਾਨ । ਤੀਨੋ ਸਾਧਨ ਕਰੇ ਬਖਾਨ ॥ ੫੩  
 ॥ ਭਗਤਿ ਪੰਥ ਤਿਨ ਤੀਨੋਂ ਮਾਹੀ । ਪਰਮ ਪੂਜ ਜਾਨੋ ਜਗ  
 ਮਾਹੀਂ । ਮਾਤਾ ਭਗਤਿ ਸੁ ਤੀਨ ਪ੍ਰਕਾਰ । ਗੁਣ ਕੇ ਭੇਦ  
 ਭਯੋ ਵਿਸਥਾਰ ॥ ੫੪ ॥ ਦੋਹਰਾ ॥ ਜੈਸੇ ਜਾਕੇ ਹੋਇ ਪੁਨ  
 ਯਾ ਜਗ ਮਾਹਿ ਸੁਭਾਇ । ਤੈਸੇ ਮੇਰੀ ਭਗਤਿ ਕੇ ਯਾ  
 ਜਗ ਮਾਹਿ ਕਮਾਇ ॥ ੫੫ ॥ ਚੌਪਈ ॥ ਜੋ ਹਿੰਸਾ ਕੇ ਮਨ  
 ਮਹਿ ਧਾਰੇ । ਦੰਭ ਮਾਨ ਮਤਸਰ ਵਿਸਤਾਰੇ । ਭੇਦ ਦ੍ਰਿਸ਼ਕਰ  
 ਮੋਕੋ ਧਿਆਵੇ । ਸੋ ਮਮ ਤਾਮਸ ਭਗਤਿ ਕਹਾਵੇ ॥ ੫੬ ॥  
 ਫਲ ਅਭਿ ਸੰਧਿ ਭੋਗ ਉਰ ਧਾਰੇ । ਧਨ ਹਿਤ ਮਮ ਪੂਜਾ  
 ਬਿਸਥਾਰੇ । ਭੇਦ ਦ੍ਰਿਸ਼ਿ ਕਰ ਪੂਜੇ ਜੋਈ । ਰਾਜਸ ਭਗਤਿ  
 ਕਹੀਜੇ ਸੋਈ ॥ ੫੭ ॥ ਕਰਮ ਬੰਧਨ ਕੇ ਨਾਸ ਨਮਿਤਾ ।  
 ਪਰਮਾਤਮ ਮੈਂ ਅਰਪੈ ਚਿਤਾ । ਕਰਤਬ ਜਾਨ ਵਾ ਮੋਕੋ  
 ਧਿਆਵੇ । ਭੇਦ ਬੁਧਿ ਵਹਿ ਸਾਂਤਕ ਗਾਵੇ ॥ ੫੮ ॥ ਮਮ ਗੁਨ  
 ਕਥਾ ਸੁਨਤ ਤਤਕਾਲਾ । ਮੋਮੈ ਉਪਜੈ ਭਗਤਿ ਬਿਸਾਲਾ ।  
 ਮਮ ਅਨੰਤ ਗੁਣ ਸਾਗਰ ਮਾਹੀਂ । ਬਿਰਤਿ ਨਿਰੰਤਰਿ ਅੰਤਰ  
 ਨਾਹੀਂ ॥ ੫੯ ॥ ਜਿਉਂ ਗੰਗਾ ਕੀ ਯਾ ਜਗ ਧਾਰਾ । ਚਲੇ



ਨਿਰੰਤਰ ਸਿੰਧੁ ਮਝਾਰਾ । ਨਿਰਗੁਨ ਭਗਤਿ ਯੋਗ ਹੈ ਸੋਈ ।  
 ਫਲ ਨਹਿ ਚਾਹੇ ਉਰ ਮੈਂ ਕੋਈ ॥ ੬੧ ॥ ਅਬ ਵਰਿਤੱਤ ਭਗਤਿ  
 ਮਮ ਜੋਈ । ਚਾਰ ਪ੍ਰਕਾਰ ਦਏ ਫਲ ਸੋਈ । ਸਾਲੋਕ  
 ਸਮੀਪ ਸਰੂਪ ਸੁ ਤੀਨ । ਸਾਯੁਜ ਮੁਕਤਿ ਚੌਥੇ ਪੁਨ ਚੀਨ ॥  
 ੬੨ ॥ ਪਰ ਮਮ ਭਗਤਿ ਨ ਫਲ ਕੇ ਚਹੇਂ । ਮੇਰੇ ਸੇਵਨ ਹੀ  
 ਉਰ ਗਹੇਂ । ਅਤੰਤ ਭਗਤ ਕੇ ਮਾਰਗ ਜੋਈ । ਮਾਤ ਪਛਾਨੇ  
 ਉਰ ਮੈਂ ਸੋਈ ॥ ੬੩ ॥ ਮੇਰੇ ਭਾਵ ਭਾਹਿ ਕਰ ਪਾਏ । ਗੁਣ ਤ੍ਰੈ  
 ਬੰਧਨ ਦੂਰਿ ਮਿਟਾਏ । ਮਨਮੇਂ ਨਹਿ ਕਛੁ ਇਛਾ ਧਰੇ । ਨਿਜ  
 ਧਰਮਨ ਕੇ ਨਿਸਦਿਨ ਕਰੇ ॥ ੬੪ ॥ ਉਤਮ ਧਰਮ ਯੋਗ  
 ਬਿਸਤਾਰੇ । ਅਰ ਹਿੰਸਾ ਕੇ ਦੂਰਿ ਨਿਵਾਰੇ । ਵਡਿਅਨ ਮੈਮਮ  
 ਦ੍ਰਿਸ਼ਿ ਨਿਹਾਰੇ । ਪੂਜਾ ਉਸਭਤਿ ਬੰਦਨ ਧਾਰੇ ॥ ੬੫ ॥ ਮਮ  
 ਦ੍ਰਿਸ਼ਿ ਕਰ ਭੂਤ ਨਿਹਾਰੇ । ਰਹੇ ਅਸੰਗ ਨ ਝੂਠ ਉਚਾਰੇ ।  
 ਮਹਤਨ ਕੇ ਅਤਿਮਾਨ ਸੁ ਕਰੇ । ਦੁਖਯਨਿ ਮਾਂਹਿ ਦਯਾ ਉਰ  
 ਧਰੇ ॥ ੬੬ ॥ ਸੁ ਸਮਾਨ ਮੈ ਮੈਤ੍ਰੀਅ ਧਾਰੇ । ਸਮ ਦਮਾਦਿ  
 ਸਾਧਨ ਬਿਸਤਾਰੇ । ਸੁਨੇ ਵੇਦਾਂਤਿ ਵਾਕ ਮਨ ਲਾਏ । ਮੇਰੇ  
 ਨਾਮ ਸਦਾ ਮੁਖ ਗਾਏ ॥ ੬੭ ॥ ਸਤ ਸੰਗਤਿ ਉਰ ਰਿਜੁਤਾ  
 ਭਜੇ । ਅਹੰਭਾਵ ਉਰਤੇ ਸਭ ਤਜੇ । ਮੇਰੇ ਧਰਮ ਸਦਾ ਉਰ  
 ਧਰੇ । ਮਨ ਕੀ ਸਗਲ ਮੈਲ ਪਰਹਰੇ ॥ ੬੮ ॥ ਮਮ ਗੁਣ  
 ਸੁਨੇ ਕਾਨ ਮੈ ਜਬਹੀ । ਮੋਕੋ ਪਾਇ ਬੇਗ ਨਰ ਤਬਹੀ । ਫੂਲ  
 ਗੰਧ ਜਜੋਂ ਵਾਯੁ ਅਧੀਨੈ । ਧਸੇ ਘ੍ਰਾਣ ਮੈ ਸਭ ਜਨ ਚੀਨੈ  
 ॥ ੬੯ ॥ ਤਜੋਂ ਸਭ ਭੂਤਨ ਮੈਂ ਸੁਨ ਮਾਇ । ਮੈ ਨਿਜ ਆਤਮ



ਰਹਿਯੋ ਸਮਾਇ ॥ ਮੂਢ ਬੁਧ ਨਹਿ ਤਾਂਹਿ ਪਛਾਨੈ । ਬਾਹਰ  
 ਬਹੁ ਪੂਜਾ ਬਿਧਿ ਠਾਨੈ ॥ ੬੮ ॥ ਕ੍ਰਿਯਾ ਬਹੁਤ ਪ੍ਰਕਾਰ ਸੁ ਕਰੇ ।  
 ਲਾਇ ਦਰਬ ਬਹੁ ਮਖ ਬਿਸਤਰੇ ॥ ਬਹੁਤ ਅਲੰਬਰ ਕਰੇ ਜੁ  
 ਕੋਈ । ਤਾਂ ਕਰ ਤੋਖ ਨ ਮੋਕੋ ਹੋਈ ॥ ੭੦ ॥ ਭੂਤਨ ਕੋ ਅਪ-  
 ਮਾਨ ਜੁ ਕਰੇ । ਮੇਰੀ ਪੂਜਾ ਅਤਿ ਬਿਸਤਰੇ । ਤਾਂਕਰ ਮੋਹਿ ਨ  
 ਪੂਜਨ ਹੋਈ । ਮੂੜ ਭਯੋ ਭਵ ਭੀਤਰ ਸੋਈ ॥ ੭੧ ॥ ਨਿਜ  
 ਕਰਮਨ ਕਰ ਪ੍ਰਤਮਾਂ ਮਾਂਹੀ । ਤਬ ਲਗ ਮਮ ਪੂਜੇ ਜਗ  
 ਮਾਂਹੀ ॥ ਜਬ ਲਗ ਸਭ ਭੂਤਨ ਕੇ ਮਾਂਹੀ । ਨਿਜ ਪਰਮਾਤਮ  
 ਹੇਰੇ ਨਾਹੀ ॥ ੭੨ ॥ ਆਤਮ ਔਰ ਪਰਾਤਮ ਮਾਂਹੀ । ਭੇਦ  
 ਨਿਹਾਰੇ ਜੋ ਉਰ ਮਾਂਹੀ । ਮ੍ਰਿਤੁ ਤਾਂਹਿ ਕੋ ਬਹੁਤ ਡਰਾਏ ।  
 ਬਾਰੰਬਾਰ ਦੂਖ ਬਹੁ ਪਾਏ ॥ ੭੩ ॥ ਤਾਂਤੇ ਭਿੰਨ ਭੂਤ ਹੈਂ ਜੇਤੇ ।  
 ਸਮਤਾ ਬੁੱਧਿ ਪਿਖੇ ਸਭ ਤੇਤੇ । ਐਸੇ ਗਯਾਨ ਸਦਾ ਉਰ ਭਜੇ ।  
 ਮੋਹਿ ਅਭਿੰਨ ਜਾਨ ਪੁਨ ਯਜੇ ॥ ੭੪ ॥ ਭੂਤ ਜਿਤੇ ਯਾ ਜਗਤ  
 ਮਝਾਰੇ ॥ ਮਨ ਕਰ ਸਭ ਕੇ ਬੰਦਨ ਧਾਰੇ । ਮੋਕੋ ਚੇਤਨ ਲਖੇ  
 ਅਨੂਪ ॥ ਸਭ ਭੂਤਨ ਮੈਂ ਜੀਵ ਸਰੂਪ ॥ ੭੫ ॥ ਤਾਂਤੇ ਭੇਦ  
 ਪਿਖੇ ਨਹਿ ਕੋਈ । ਜੀਵ ਪਰਾਤਮ ਏਕੋ ਦੋਈ । ਭਗਤਿ ਸੁ  
 ਗਯਾਨ ਜੋਗ ਹੈ ਜੋਈ । ਮਾਤਾ ਮੈਂ ਭਾਖਯੋ ਤਵ ਸੋਈ ॥ ੭੬ ॥  
 ਦੋਹਰਾ ॥ ਇਨ ਦੋਨੋ ਮੈ ਏਕਤਰ ਕਰੇ ਅਲੰਬਨ ਜੋਇ ।  
 ਮੁਕਤਿ ਹੋਇ ਨਰ ਜਗਤ ਮੈਂ ਪਾਇ ਪਰਮ ਪਦ ਸੋਇ ॥  
 ੭੭ ॥ ਚੌਪਈ ॥ ਮਾਤਾ ਮੈਂ ਸਭ ਕੇ ਰਿਦ ਮਾਂਹੀ । ਭਗਤਿ  
 ਯੋਗ ਕਰ ਮੇਰੇ ਮਾਂਹੀ । ਪੁਤ੍ਰ ਰੂਪ ਵਾ ਮੋਹਿ ਚਿਤਾਰ । ਸਾਂਤਿ



ਲਹੇ ਭਵ ਬੰਧ ਨਿਵਾਰ ॥ ੭੯ ॥ ਸੁਨਿ ਯਾ ਬਿਧ ਰਾਘਵ ਕੀ  
 ਬਾਨੀ । ਕੁਸ਼ਲਜਾ ਸਾਨੰਦ ਭਈ ਭਵਾਨੀ । ਸਦਾਰਾਮ ਉਰ ਮਾਂਹਿ  
 ਧਿਆਯੋ । ਜਗ ਬੰਧਨ ਤਿਨ ਦੂਰ ਮਿਟਾਯੋ ॥ ੭੯ ॥ ਤੀਨ  
 ਗਤੀ ਤਿਨ ਦੀਨੀ ਤਯਾਗ । ਪਰਮਾਤਮ ਪਾਈ ਵਡ ਭਾਗ ॥  
 ਰਘੁਪਤਿ ਪ੍ਰਿਥਮ ਬਖਾਨਯੋ ਜੋਈ । ਕੈਕਈ ਧਾਰ ਜੋਗ  
 ਉਰ ਸੋਈ ॥ ੮੦ ॥ ਸ਼ਰਧਾ ਭਗਤਿ ਸ਼ਾਂਤਿ ਉਰ ਨੀਤ । ਰਘੁ  
 ਕੁਲ ਤਿਲਕ ਭਜੋ ਤਿਨ ਚੀਤ । ਡਾਰ ਪ੍ਰਾਣ ਅਮਰਾ ਪੁਰਿ  
 ਗਈ ॥ ਦਸਰਥ ਸਹਿਤ ਮੋਦ ਮਨ ਭਈ ॥ ੮੧ ॥ ਸ੍ਰੀ  
 ਲਖਮਣ ਮਾਤਾ ਥੀ ਜੋਈ । ਅਤਿਸੈ ਵਿਮਲ ਮਤੀ ਉਰ ਸੋਈ ।  
 ਮ੍ਰਿਤੁਲੋਕ ਮੈ ਤਨਕੋ ਤਿਆਗ । ਭਰਤਾ ਪਾਸ ਗਈ ਵਡ ਭਾਗ  
 ॥ ੮੨ ॥ ਇਤਿ ਸ੍ਰੀਮਤਿ ਅਧਿਆਤਮ ਰਾਮਾਇਣੇ ਉਮਾ ਮਹੇਸ਼ੁਰ  
 ਸੰਬਾਦੇ ਉੱਤਰ ਕਾਂਡੇ ਸਪਤਮੇਂ ਧਿਆਇ ॥ ੭ ॥

॥ ਸ੍ਰੀ ਮਹਾਂ ਦੇਵ ਉਵਾਰ ॥ ਚੌਪਈ ॥

ਯਾ ਬਿਧ ਬੀਤਤ ਭਏ ਸੁ ਕਾਲ । ਭੀਮ ਪ੍ਰਾਕ੍ਰਮ ਭਰਤ  
 ਵਿਸਾਲ ॥ ਤਾਂਕੋ ਲੈਨ ਯੁਧਾਜਿਤ ਆਯੋ । ਸੈਨਾ ਸਹਿਤ ਸੁ ਬਹੁਤ  
 ਸੁਹਾਯੋ ॥ ੧ ॥ ਰਾਮਚੰਦ ਕੀ ਆਇਸ ਮਾਨ । ਗਯੋ ਭਰਤ  
 ਤਹਿ ਅਤਿ ਬਲਵਾਨ । ਤੀਨ ਕੋਟ ਗੰਧੂਬ ਸਿਰਦਾਰੇ ॥ ਭਰਤ  
 ਤਹਾਂ ਰਣ ਭੀਤਰ ਮਾਰੇ ॥ ੨ ॥ ਦੋਪੁਰ ਤਹਾਂ ਸੁ ਭਲੇ ਬਨਾਏ ।  
 ਤਾਮੈ ਨਿਜ ਸੁਤ ਤਾਂਹਿ ਬਸਾਏ । ਪੁਸ਼ਕਰ ਵਤੀ ਨਾਮ ਪੁਰਿ  
 ਜੋਈ । ਪੁਸ਼ਕਰ ਸੁਤ ਤਹਿ ਥਾਪਯੋ ਸੋਈ ॥ ੩ ॥ ਤੱਖਯਾ ਸਿਲਾ  
 ਪੁਰ ਔਰ ਬਨਾਯੋ । ਤੱਖਯ ਨਾਮ ਸੁਤ ਤਹਾਂ ਬਸਾਯੋ । ਤਹਿ



ਅਭਿਖੇਕ ਬਾਲ ਕੇ ਕੀਨੇ । ਧਨ ਅਰ ਧਾਮ ਸੰਗ ਭਟ ਦੀਨੇ  
 ॥੪॥ ਬਹੁਰ ਭਰਤ ਨਿਜ ਪੁਰਿ ਕੇ ਆਯੋ । ਰਘੁਵਰ ਸੇਵਾ ਮੈਂ  
 ਮਨਿ ਲਾਯੋ । ਬਹੁਰ ਪ੍ਰਸੰਨ ਰਾਮ ਅਤਿ ਭਏ । ਲਖਮਣ  
 ਪ੍ਰਤ ਯਹ ਬਚਨ ਅਲਏ ॥ ੫ ॥ ਦੋਉ ਕੁਮਾਰ ਸੰਗ ਅਬ  
 ਲੀਜੈ । ਪਸਰਮ ਦੇਸ ਪਯਾਨੋ ਕੀਜੈ । ਦੁਸ਼ਾਂਤਮ ਸਭ ਕੇ ਅਪ  
 ਕਾਰੀ । ਤਿਨ ਮੂਲਨ ਕੇ ਰਣ ਮੈਂ ਮਾਰੀ ॥ ੬ ॥ ਅੰਗਦ ਚੰਦ੍ਰ  
 ਕੇਤ ਸੁਤ ਜੇਈ । ਮਹਾਂ ਪ੍ਰਕ੍ਰਮ ਜਗ ਮੈ ਤੇਈ । ਦੋਨੋ ਕੈ ਦੋ  
 ਨਗਰ ਬਨੀਜੈ । ਗਜ ਤੁਰੰਗ ਧਨੁ ਰਤਨ ਸੁ ਦੀਜੈ ॥੭॥  
 ਰਾਜ ਤਿਲਕ ਬਾਲਕ ਦੇ ਭਾਲ । ਮੋ ਢਿਗ ਆਵੇ ਬੇਗ  
 ਬਿਸਾਲ । ਰਘੁਵਰ ਆਇਸੁ ਸਿਰਪਰ ਮਾਨ । ਗਜ ਤੁਰੰਗ  
 ਰਥ ਸੈਨ ਮਹਾਨ ॥ ੮ ॥ ਲੈਕਰ ਲਖਮਣ ਸੰਗ ਸਿਧਾਰੇ ।  
 ਅਰਿ ਸੰਬੂਹ ਸਬੈ ਤਹਿ ਮਾਰੇ । ਰਾਜ ਤਿਲਕ ਸੁਤ ਭਾਲ  
 ਕਰਾਏ । ਲਖਮਣ ਬਹੁਰ ਅਯੋਧਯਾ ਆਏ ॥੯॥ ਰਘੁਪਤਿ  
 ਪਾਦ ਕੰਜ ਹੈ ਜੋਈ । ਲਖਮਣ ਭਜੈ ਨਿਰੰਤਰ ਸੋਈ । ਬਹੁਤ  
 ਕਾਲ ਜਬ ਭਏ ਬਿਭੀਤ । ਰਾਮ ਧਰਮ ਪਥ ਦਿਢ ਅਤਿ  
 ਚੀਤ ॥ ੧੦ ॥ ਰਾਮ ਨਿਹਾਰਨ ਕਾਜ ਸੁ ਆਏ । ਕਾਲ  
 ਰਿਖੀਸੁਰ ਭੇਸ ਬਨਾਏ । ਲਖਮਣ ਕੋ ਮੁਖ ਏਹ ਅਲਾਏ । ਮੇਰੀ  
 ਸਾਰ ਕਹੋ ਨਿਪੁ ਜਾਏ ॥ ੧੧ ॥ ਦੋਹਰਾ ॥ ਅਤਿ ਬਲ ਕੇ  
 ਮੈਂ ਦੂਤ ਹੋਂ ਲਖਮਣ ਜਾਨੋ ਬੀਰ ॥ ਪੁਰਖੋਤਮ ਰਘੁ ਬੀਰ ਕੇ  
 ਬੇਗ ਦਿਖਾਵੇ ਧੀਰ ॥ ੧੨ ॥ ਮਹਾਂ ਰਿਖੀ ਪਰਧਾਨ ਕੇ ਬਡੇ  
 ਸੰਦੇਸੇ ਆਹਿ । ਜਾਹਿ ਕਹੋ ਕਰ ਬੇਨਤੀ ਰਾਮਚੰਦ ਨਰ ਨਾਹਿ



॥ ੧੩ ॥ ਸੁਨਕੈ ਤਾਂਕੇ ਬਚਨ ਕੇ ਲਖਮਨ ਗਯੋ ਸੁ ਧਾਇ ।  
 ਆਇ ਤਪੋਧਨ ਦੁਆਰ ਮੈਂ ਰਾਘਵ ਕਹਯੋ ਸੁਨਾਇ ॥ ੧੪ ॥  
 ਚੋਪਈ ॥ ਐਸੇ ਲਖਮਨ ਭਾਖਯੋ ਜਬ ਹੀ । ਰਾਮਚੰਦ ਬੋਲੇ  
 ਪੁਨ ਤਬਹੀ ॥ ਲਖਮਣ ਤਾਂਕੇ ਸੀਘ੍ਰ ਆਨ । ਬਹੁਤ ਕਰੋ ਤਿਨ  
 ਕੋ ਸਨਮਾਨ ॥ ੧੫ ॥ ਲਖਮਨ ਮੁਖ ਤੇ ਤਬਾ ਬਖਾਨ । ਗਯੋ  
 ਤਹਾਂ ਜਹਿ ਮੁਨੀ ਮਹਾਨ । ਮੁਨਿ ਤਾਪਸ ਕੇ ਭੋਨ ਲਿਆਏ ।  
 ਤੇਜ ਪ੍ਰਭਾ ਤਨ ਮੈ ਲਸਕਾਏ ॥ ੧੬ ॥ ਜੁਲਤ ਆਗ ਘ੍ਰਿਤ  
 ਡਾਰੇ ਜੈਸੇ । ਦੀਪਤ ਤੇਜ ਭਾਂਹਿ ਤਨ ਤੈਸੇ ॥ ਸਿੰਘਾਸਨ ਬੈਠੇ  
 ਸ੍ਰੀ ਰਾਮ । ਸੂਰਜ ਕੋਟ ਤੇਜ ਧਨ ਧਾਮ ॥ ੧੭ ॥ ਮੁਨਿਵਰ  
 ਰਾਮ ਸਮੀਪਹਿ ਗਯੋ । ਮਧੁਰ ਵਾਕ ਮੁਖ ਮਾਹਿ ਅਲਯੋ ।  
 ਵਰਧ ਸੁ ਰਾਮਚੰਦ ਨਰ ਰਾਈ । ਤੂੰ ਭੂਪਤਿ ਪਰਜਾ ਸੁਖ  
 ਦਾਈ ॥ ੧੮ ॥ ਰਾਮਚੰਦ ਮੁਨਿ ਪੂਜਨ ਕਰਿਯੋ । ਕੁਸਲ ਪ੍ਰਸੰਨ  
 ਮੁਖ ਮਾਹਿ ਉਚਰਿਯੋ । ਰਾਮਚੰਦ ਪੂਛਿਓ ਮੁਨਿਰਾਈ । ਕੁਸਲ  
 ਅਹੇ ਤੁਮਰੇ ਰਘੁਰਾਈ ॥ ੧੯ ॥ ਆਸਨ ਦਿੱਬ ਮੁਨੀਸ ਬੈਠਾਯੋ  
 । ਰਾਮ ਚੰਦ ਮੁਖਵਾਕ ਅਲਾਯੋ । ਜਾਹਿ ਨਮਿੱਤ ਮੁਨੀ ਤੁਮ  
 ਆਏ । ਮੋਕੋ ਕਹੋ ਸੁ ਕਾਜ ਸੁਨਾਏ ॥ ੨੦ ॥ ਰਾਮ ਵਾਕ ਸੁਨਯੋ  
 ਤੁਮ ਜਬਹੀ । ਬੋਲਯੋ ਭੂਪਤਿਕੋ ਮੁਨਿ ਤਬਹੀ । ਰਾਮ ਕਾਜ  
 ਮੈ ਕਰੋਂ ਬਖਾਨ । ਯਾਕੋ ਲਖੇ ਨ ਕੋ ਨਰ ਆਨ ॥ ੨੧ ॥ ਔਰ  
 ਨ ਸੁਨੇ ਸੁ ਕੋਈ ਕਾਨ । ਰਾਮ ਨ ਕਾਹੂ ਕਰੋ ਬਖਾਨ । ਜੇ  
 ਕਦਾਚਿਤ ਕੋ ਸੁਨੇ ਨਿਹਾਰੇ । ਰਾਮ ਤਾਂਹਿ ਤੁਮ ਡਾਰੋ ਮਾਰੇ ॥  
 ੨੨ ॥ ਰਾਮ ਪ੍ਰਤਗਯਾ ਤਬਾ ਅਲਾਇ । ਲਖਮਣ ਕੋ ਪੁਨਿ



ਕਹਯੋ ਸੁਨਾਇ । ਲਖਮਣ ਰਹੋ ਦੁਾਰੇ ਮਾਂਹੀ । ਹਮ ਇਕੰਤ ਕੋ  
 ਆਵੈ ਨਾਹੀ ॥ ੨੩ ॥ ਜੋਕੋ ਆਵੇਗੋ ਇਹ ਠਾਹੀ । ਬਿਨ  
 ਸੰਦੇਹ ਮੈਂ ਮਾਰੋ ਤਾਂਹੀ । ਰਾਮ ਕਹਯੋ ਪੁਨਿ ਮੁਨੀ ਸੁਨਾਏ ।  
 ਕਿਨਕੇ ਪਠੇ ਮੁਨੀ ਵਰ ਆਏ ॥ ੨੪ ॥ ਜੇ ਤੇਰੇ ਮਨ ਭੀਤਰ  
 ਬਾਤ । ਮੋਕੋ ਕਹੋ ਮੁਨੀ ਬਖਯਾਤ । ਐਸੇ ਸੁਨ ਰਘੁਵਰ ਕੀ  
 ਬਾਨੀ । ਆਪ ਮੁਨੀਸਰ ਕਹਯੋ ਭਵਾਨੀ ॥ ੨੫ ॥ ਸਾਚ ਬਖਾਨੋ  
 ਸੁਨੀਏ ਰਾਮ । ਮੋਹਿ ਪਠਾਯੋ ਬ੍ਰਹਮਾ ਕਾਮ । ਹੇ ਪ੍ਰਭ ਕੰਜਨੈਨ  
 ਸੁਖਕਾਰੇ । ਮੈ ਆਵੋਂ ਇਮ ਪਾਸ ਤੁਮਾਰੇ ॥ ੨੬ ॥ ਪੂਰਬ ਜੋ ਮੈ  
 ਪੂਤ ਤੁਮਾਰੇ । ਰਾਮ ਪਰੰਤਪ ਉਰਮੈਂ ਧਾਰੇ । ਮਾਯਾ ਸੰਗਮ ਤੇਮੈ  
 ਭਯੋ । ਕਾਲ ਨਾਮ ਮੇਰੇ ਨਿਰਮਯੋ ॥ ੨੭ ॥ ਮੈਂ ਸਭ ਜਗ ਕੋ  
 ਹਰਣੇ ਹਾਰਾ । ਕਾਲ ਨਾਮ ਮਮ ਬੇਦ ਉਚਾਰਾ । ਦੇਵ ਰਿਖੀ  
 ਜਿਨ ਪੂਜਨ ਧਾਰੇ । ਤਾਂ ਬ੍ਰਹਮਾ ਤਵ ਬੈਨ ਉਚਾਰੇ ॥ ੨੮ ॥  
 ਭਗਵਨ ਅਬ ਪਾਲੋ ਸੁਰ ਲੋਕ । ਹਮਰੇ ਪਾਵਨਕਰੇ ਸੁ ਓਕ ।  
 ਮਾਯਾ ਮੈਂ ਸਭ ਲੋਕ ਸੰਘਾਰ । ਪ੍ਰਿਥਮ ਏਕਤੁਮ ਰਹੇ ਮੁਰਾਰਿ  
 ॥ ੨੯ ॥ ਮਾਯਾ ਨਾਰਿ ਸਹਿਤ ਸੁਖ ਪਾਯੋ । ਪ੍ਰਿਥਮ ਪੂਤ ਮੋਕੋ  
 ਤਵ ਜਾਯੋ । ਸੇਸਨਾਗ ਦੂਸਰ ਸੁਤ ਭਏ । ਜਲਕੇ ਮਾਂਹਿ ਸੈਨ  
 ਜਿਨ ਕਏ ॥ ੩੦ ॥ ਮਾਯਾ ਕੈ ਦੋ ਸੁਤ ਉਪਜਾਏ । ਮਹਾ ਬਲੀ  
 ਜਗ ਮਾਂਹਿ ਸੁਹਾਏ । ਮਧ ਕੈਟਭ ਦੁਊ ਅਸੁਰ ਸੰਘਾਰਾ । ਮੇਦ  
 ਦਈ ਜਲ ਮੈਂ ਬਿਸਥਾਰਾ । ਪਰਬਤ ਸਹਿਤ ਮੇਦਨੀ ਜੋਈ ।  
 ਤਾਂਤੇ ਤੁਮ ਉਪਜਾਈ ਸੋਈ । ਹੇਮਕੰਜ ਧਰ ਮਾਂਹਿ ਸੁਹਾਯੋ ।  
 ਤਾਂਕੀ ਨਾਭ ਬਿਖੇ ਮਮ ਜਾਯੋ ॥ ੩੧ ॥ ਪ੍ਰਜਾਪਯਯ ਤਵ ਮੋਹਿ



ਪਠਾਯੋ । ਸਰਬ ਜਗਤ ਮਮ ਪਾਛੈ ਲਾਯੋ । ਜਬ ਮੋਤੇ ਨਹਿ  
 ਪਾਲਨ ਭਯੋ । ਮੈਂ ਤਬ ਨਾਥ ਸੁ ਤੋਹਿ ਅਲਯੋ ॥ ੩੩ ॥  
 ਪਾਲੋ ਵਿੱਸ ਹਨੋ ਪ੍ਰਭ ਤੇਈ । ਮਮ ਵੀਰਯ ਅਪਹਾਰਕ ਜੇਈ ।  
 ਕੱਸਪ ਕੇ ਘਰ ਜਬ ਤੂੰ ਜਯੋ । ਬਾਵਨ ਰੂਪ ਬਿਸਨ ਤਬ ਲਯੋ  
 ॥ ੩੩ ॥ ਭੂਕੋ ਭਾਰ ਸੁ ਨਿਖਲ ਉਤਾਰਜੋ । ਬਾਂਧ ਬਲੀ  
 ਰਾਖਸ਼ ਗਣ ਮਾਰਜੋ । ਧਰਨੀਧਰ ਤੁਮ ਈਸ ਨਰਾਇਣ ।  
 ਪਰਜਾ ਜਬੈ ਦੁਖਾਈ ਰਾਵਣ ॥ ੩੫ ॥ ਰਾਵਣ ਕੋ ਬਧ ਉਰ  
 ਮੈਂ ਧਾਰ । ਮਰਤ ਲੋਕ ਤੁਮ ਗਏ ਮੁਰਾਰ । ਦਸ ਹਜ਼ਾਰ ਬਰਖ  
 ਦਸ ਆਨ । ਤੈ ਦੇਵਨ ਮੈ ਕੀਨ ਬਖਾਨ ॥ ੩੬ ॥ ਸੋ ਅਬ  
 ਬਰਖ ਸਗਲ ਬਿਤਗਏ । ਸਗਲ ਮਨੋਰਥ ਤੇਰੇ ਭਏ । ਮਾਨਵ  
 ਲੋਕ ਆਯੁ ਹੈ ਜੇਤੀ । ਪੂਰਣ ਭਈ ਸਗਲ ਅਬ ਤੇਤੀ ॥  
 ੩੭ ॥ ਤਾਪ ਸਰੂਪ ਕਾਲ ਹੈ ਜੋਈ । ਤੁਮਰੇ ਪਾਸ ਪਠਾਯੋ  
 ਸੋਈ । ਭੂ ਮੰਡਲ ਮੈ ਰਾਜ ਕਮਾਵਨ । ਅਬਲੋ ਜੋ ਮਤਿਹੈ ਮਨ  
 ਭਾਵਨ ॥ ੩੮ ॥ ਤੈ ਤੁਮ ਰਾਜ ਕਰੋ ਧਰ ਮਾਹੀ । ਤਵ ਕਲਯਾਣ  
 ਰਮੋ ਸੁਖ ਮਾਂਹੀ । ਐਸੇ ਕਹਜੋ ਪਿਤਾ ਮਹਿ ਆਪ । ਸੁਨੋਰਾਮ  
 ਨਿਪ ਰਵ ਪਰਤਾਪ ॥ ੩੯ ॥ ਜੋ ਪੁਨ ਗਮਨ ਬਿਖੈ ਮਤ ਥਾਰੀ ।  
 ਦੇਵਲੋਕ ਮੈਂ ਰਾਮ ਮੁਰਾਰੀ । ਤੈ ਸਭ ਦੇਵਨ ਕੇ ਜੁਰ ਜਾਵੈ  
 । ਬਿਸ਼ਨ ਨਾਥ ਸੁਰਲੋਕ ਸੁਹਾਵੈ ॥ ੪੦ ॥ ਸੁਨਿ ਯਾ ਬਿਧ  
 ਚਤੁਰਾਨਨ ਬਾਨੀ । ਕਾਲ ਉਮਾ ਮੁਖ ਮਾਹਿ ਬਖਾਨੀ । ਹਸ  
 ਕਰ ਰਾਮ ਸੁ ਕੀਨ ਬਖਾਨ । ਸੁਨੋ ਸਰਬ ਹਰਿ ਕਾਲ ਮਹਾਨ  
 ॥ ੪੧ ॥ ਤੋਹਿ ਬਖਾਨਜੋ ਮੋਕੋ ਜੋਈ । ਅਹੇ ਇਸਟਤਰ ਮੋਕੋ



ਸੋਈ । ਅਤਿ ਸੰਤੋਖ ਮੇਂ ਉਰ ਨਿਰਮਯੋ । ਤੇਰੇ ਆਜ ਆਗ  
 ਮਨ ਭਯੋ ॥ ੪੧ ॥ ਤੀਨ ਲੋਕ ਜੇ ਜਗਤ ਮਝਾਰ । ਤਿਨ  
 ਪਾਲਨ ਹਿਤ ਮੇ ਅਵਤਾਰ । ਤਵ ਕਲਜਾਨ ਬਿਕੁੰਠਹਿ ਆਉਂ ।  
 ਦੇਵਨ ਕੇ ਸਭ ਤਾਪ ਮਿਟਾਉਂ ॥ ੪੨ ॥ ਤੁਮ ਅਤਿ ਆਏ  
 ਮੇਰੇ ਪਜਾਰੇ ॥ ਯਾ ਭੀਤਰ ਕਛੁ ਨਾਂਹਿ ਬਿਚਾਰੇ ॥ ਮਮ ਸੇਵਕ  
 ਸੁਰ ਕਾਰਯ ਜੇਤੇ ॥ ਪੂਤ ਸਵਾਰੋਂ ਮੈਂ ਸਭ ਤੇਤੇ ॥ ੪੩ ॥  
 ਬ੍ਰਹਮਾ ਜੋਜੋ ਕਰੇ ਬਖਾਨ । ਸੋ ਸੋ ਕਾਰਯ ਕਰੇ ਮਹਾਨ । ਕਾਲ  
 ਰਾਮ ਇਮ ਕਰਤ ਉਚਾਰ । ਦੁਰਬਾਸਾ ਰਿਖਿ ਆਏ ਦੁਆਰ  
 ॥ ੪੪ ॥ ਲਖਮਣ ਪ੍ਰਤਿ ਤਿਨ ਵਾਕ ਅਲਾਏ । ਸੀਘਰ ਰਾਮ  
 ਸੁ ਦੇਹੁ ਦਿਖਾਏ । ਕਾਰਯ ਏਕ ਬਡੇ ਹੈ ਮੇਰੇ । ਹੋਇ ਬੇਗ  
 ਨਹਿ ਲਗੇ ਅਬੇਰੇ ॥ ੪੫ ॥ ਦੋਹਰਾ ॥ ਲਖਮਣ ਸੁਨ  
 ਮੁਨਿ ਵਾਕ ਕੇ ਜੁਲਤ ਤੇਜ ਅਤਿ ਪੇਖ । ਰਾਮ ਸਾਥ ਕਯਾ  
 ਕਾਜ ਹੈ ਮੌਕੋ ਕਹੋ ਅਸੇਖ ॥ ੪੬ ॥ ਕਾਰਯ ਤੇਰੇ ਜੋ ਅਹੈ ਮੈਂ  
 ਸਬ ਕਰੋਂ ਬਤਾਇ । ਰਾਜਾ ਕਾਰਯਮੈਂ ਲਗੇ ਦੋਘਟਕਾ ਠੈਹਰਾ  
 ਇ ॥ ੪੭ ॥ ਸੁਨ ਲਖਮਣ ਕੇ ਵਾਕ ਕੋ ਕੋਪੇ ਮੁਨੀ ਬਿਸਾਲ ।  
 ਤਾਮਰ ਵਰਨ ਦੇਨੋ ਭਏ ਤਾਂਕੋ ਨੈਨ ਸੁ ਲਾਲ ॥ ੪੮ ॥ ਭੂਪਤਿ  
 ਕੇ ਯਾ ਖਿਨ ਬਿਖੇ ਲਛਮਣ ਜੈ ਨ ਦਿਖਾਹਿ । ਰਾਮਦੇਸ ਰਘੁ  
 ਵੰਸ ਕੋ ਭਸਮ ਕਰੋਂ ਖਿਨ ਮਾਂਹਿ ॥ ੪੯ ॥ ਦੋਪਈ ॥ ਯਾ  
 ਬਿਧਘੋਰ ਬਚਨ ਸੁਨਿ ਪਾਏ । ਮੁਨਿ ਦੁਰਵਾਸਾ ਕੋਪ ਅਲਾਏ ।  
 ਲਖਮਣ ਮਨਮੈਂ ਕੀਨ ਬਿਚਾਰਾ । ਵਚਨ ਅਹੇ ਮੁਨਿ ਵਰਕੋ  
 ਭਾਰਾ ॥ ੫੦ ॥ ਸਰਬ ਨਾਸ ਤੇ ਮੋ ਬਧ ਜੋਈ । ਸ੍ਰੇਸਟ ਹੈ ਜਗ



ਭੀਤਰ ਸੋਈ । ਐਸੇ ਲਖਮਣ ਮਨ ਮੈ ਧਾਰ । ਗਯੋ ਤਹਾਂ  
 ਜਹਿ ਰਾਮ ਮੁਰਾਰ ॥ ੫੨ ॥ ਦੁਬਾਸਾ ਆਯੋ ਮੁਨੀ ਮਹਾਨ ।  
 ਲਖਮਣ ਰਾਮ ਸੁ ਕੀਨ ਬਖਾਨ । ਸੁਨਕੈ ਰਾਮ ਵਚਨ ਉਰ  
 ਧਰਿਯੋ । ਤਪਸੀ ਕਾਲ ਬਿਸਰਜਨ ਕਰਿਯੋ ॥ ੫੩ ॥ ਸੀਘਰ  
 ਰਾਮ ਮਹੀਪਤਿ ਆਏ ॥ ਅੱਤ੍ਰੀ ਸੁਤ ਮੁਨਿ ਦਰਸਨ ਪਾਏ ।  
 ਰਾਮ ਜੋਰਕਰ ਬੰਦਨ ਧਾਰੀ । ਆਦਰਸਹਿਤ ਸੁਪ੍ਰਸਨ ਉਚਾਰੀ  
 ॥ ੫੪ ॥ ਕਾਰਯ ਅਹੇ ਤੁਮਾਰੇ ਜੋਈ । ਕਹੋ ਮੁਨੀਸਰ ਕੀਜੋ  
 ਸੋਈ । ਯਾ ਬਿਧ ਸੁਨ ਰਘੁਵਰ ਕੀ ਬਾਨੀ । ਦੁਰਬਾਸਾ ਪੁਨ  
 ਕਹਿਯੋ ਭਵਾਨੀ ॥ ੫੫ ॥ ਸਹਸ ਬਰਖ ਉਪਵਾਸ ਸੁ ਧਰਯੋ ।  
 ਆਜ ਸਮਾਪਤ ਚਾਹੋਂ ਕਰਿਯੋ । ਭੋਜਨ ਸਿੱਧ ਯਥੇਸ਼ੁ ਦੀਜੈ ।  
 ਰਾਮ ਯਹੀ ਮਮ ਕਾਰਯ ਕੀਜੈ ॥ ੫੬ ॥ ਸੁਨੀ ਰਾਮ ਮੁਨਿ  
 ਵਰ ਕੀ ਬਾਨੀ । ਪਰਮ ਸੰਤੋਖ ਸੁ ਭਯੋ ਭਵਾਨੀ । ਸਿੱਧ ਅੰਨ  
 ਬਹੁ ਰਾਮ ਮੰਗਾਯੋ । ਮੁਨਿਕੇ ਆਗੇ ਆਨ ਟਿਕਾਯੋ ॥ ੨੭ ॥  
 ਅੰਮ੍ਰਿਤ ਸਮ ਮੁਨ ਭੋਜਨ ਕਯੋ । ਬਹੁਰ ਮੁਨੀ ਨਿਜ ਆਸ੍ਰਮ  
 ਗਯੋ । ਕਾਲ ਕਹੀ ਪਰਤੱਗਯਾ ਜੋਈ । ਰਾਮ ਚਿਤਾਰੀ ਬਹੁਰੋ  
 ਸੋਈ ॥ ੫੮ ॥ ਸ਼ੋਕ ਦੂਖ ਆਰਤ ਮਨ ਰਾਮ । ਭਏ ਬਯਾਕੁਲ  
 ਪੂਰਨਕਾਮ । ਮਨ ਅਤਿ ਦੀਨ ਸੁਭੂਮ ਨਿਹਾਰੇ । ਮੁਖ ਭੇ ਰਾਮ ਨ  
 ਕਛੁ ਉਚਾਰੇ ॥ ੫੯ ॥ ਦੋਃ ॥ ਮਨਕਰ ਰਾਮ ਸੁ ਜਾਨਿਓ  
 ਲਖਮਣ ਹੈ ਹਤਰੂਪ । ਅਖਲੇਸੁਰ ਅਵਨੀ ਪਿਖੇ ਭਜੀ ਸੁ  
 ਮੈਨ ਅਨੂਪ ॥ ੬੦ ॥ ਲਖਮਣ ਰਾਮ ਨਿਹਾਰਿਓ ਭਏ ਸੁ  
 ਦੁਖੀ ਮਹਾਨ । ਮੈਨਭਜੀ ਚਿੰਤਾ ਕਰੇ ਸਨੇਹ ਫਾਸ ਗਲਤਾਨ ।



॥੬੧॥ ਲਖਮਣ ਕਹਿਓ ਸੁ ਮੋਹਿ ਹਤ ਭਜੋ ਤਾਪ ਰਘੁਬੀਰ ।  
 ਕਾਲ ਸੁ ਗਤਿ ਇਹੁ ਭਾਂਤ ਕੀ ਪੂਰਬ ਰਚੀ ਸੁ ਧੀਰ ॥ ੬੨॥  
 ਰਾਮ ਪ੍ਰਤਗਯਾ ਜੋ ਤਜੋ ਤੋ ਮੁਹਿ ਨਰਕ ਸੁ ਹੋਇ । ਜੋ ਮੋਮੈ ਤਵ  
 ਪ੍ਰੀਤਿ ਹੈ ਕਰੋ ਰਾਮ ਅਬ ਸੋਇ ॥ ੬੩ ॥ ਤਜ ਸੰਕਾ ਮੋਕੋ  
 ਹਨੋ ਧਰਮ ਧਰੋ ਉਰ ਮਾਹਿ । ਰਾਮ ਸੁਨਤ ਯਾ ਬਾਤ ਕੋ ਕਰ  
 ਬਿਚਾਰ ਮਨ ਮਾਂਹਿ ॥੬੪ ॥ ਮੰਤ੍ਰੀ ਸਰਬ ਦੁਲਾਇਕੈ ਰਾਮ  
 ਸੁ ਕਹਯੋ ਸੁਨਾਇ । ਮੁਨਿ ਆਵਨ ਬਚ ਕਾਲ ਕੇ ਸਗਲੇ  
 ਦਏ ਜਨਾਇ ॥ ੬੫ ॥ ਰਾਮ ਅਮਾਤਨ ਕੋ ਕਹੀ ਕਰੀ  
 ਪ੍ਰਤਿਗਯਾ ਜੋਇ । ਮੰਤ੍ਰੀ ਸਹਿਤ ਵਸਿਸ੍ਠ ਕੇ ਸੁਨੇ ਰਾਮ ਬਚ  
 ਸੋਇ ॥ ੬੬॥ ਮੰਤ੍ਰੀ ਸਭ ਕਰ ਜੋਰ ਕੈ ਕੀਨੋ ਰਾਮ ਬਖਾਨ ।  
 ਅਕਲਿਸ਼ ਕਰਮ ਭੂਭਾਰ ਹਰ ਸੁਨੋ ਰਾਮ ਦੈ ਕਾਨ ॥੬੭॥  
 ਪੂਰਬਹੀ ਯਹਿ ਨਿਰਮਯੋ ਲਖਮਣ ਸੰਗ ਵਿਯੋਗ । ਗਯਾਨ  
 ਚਖੁਯ ਕਰ ਜਾਨਿਓ ਰਾਮ ਨ ਕੀਜੈ ਸੋਗ ॥ ੬੮ ॥ ਨਹਿ  
 ਪ੍ਰਤਗਯਾ ਛੋਡਿਯੋ ਲਖਮਣ ਤਜ ਭਗਵਾਨ । ਤੋਹਿ ਪ੍ਰਤਗਯਾ ਜੋ  
 ਤਜੀ ਧਰਮ ਹੋਇ ਤਬ ਹਾਨ ॥੬੯ ॥ ਧਰਮ ਨਾਸ ਤੇ ਲੋਕ  
 ਤੈ ਹੋਵੈ ਨਾਸ ਸੁ ਧੀਰ । ਤੂੰ ਸਭ ਲੋਕਨਿ ਪਾਲ ਕੋ ਔਰ ਨ  
 ਕੋ ਰਘੁਬੀਰ ॥ ੭੦ ॥ ਲਖਮਣ ਏਕੋ ਕੋ ਤਜੋ ਸੁਨੋ ਰਾਮ ਦੈ  
 ਕਾਨ । ਤੀਨ ਲੋਕ ਪਾਲਨ ਕਰੋ ਤੁਮ ਭੂਪਤਿ ਮਤ ਮਾਨ ॥  
 ੭੧॥ ਅਨਿੰਦਤ ਧਰਮ ਸਮੇਤ ਬਚ ਸੁਨੇ ਰਾਮ ਤਿਨ ਕਾਨ ।  
 ਸਭਾ ਮੱਧ ਰਘੁਬੀਰ ਤਬ ਲਖਮਣ ਕੀਨ ਬਖਾਨ ॥ ੭੨॥  
 ਸ਼ੰਕਰ ਛੰਦ ॥ ਉਠ ਜਾਹੁ ਲਖਮਣ ਬੇਗ ਤੂੰ ਨਹਿ ਧਰਮ



ਹੋਵੈ ਹਾਨ । ਤਿਆਗ ਐ ਬਧ ਦੇਹ ਕੋ ਜਗ ਸੰਕ ਕਹਿਤ  
 ਮਹਾਨ । ਇਹ ਭਾਂਤਿ ਰਘੁਵਰ ਭਾਖਿਓ ਤਬ ਦੂਖ ਬਯਾਕੁਲ  
 ਹੋਇ । ਰਾਮ ਕੋ ਪਰਣਾਮ ਕਰ ਘਰ ਗਯੋ ਲਖਮਣ ਸੋਇ ॥  
 ੭੩ ॥ ਪੁਨਿ ਗਯੋ ਸਰਯੂ ਤੀਰ ਮੈ ਅਚੰਭ ਸਰਯੂ ਨੀਰ । ਨਵ  
 ਦੁਆਰ ਨੀਕੇ ਰੋਕਕੈ ਕਰ ਜੋਰਕਰ ਧਰ ਧੀਰ । ਸਿਰ ਮਾਹਿ  
 ਪ੍ਰਾਣ ਸੁ ਰੋਕ ਕੈ ਉਰ ਬ੍ਰਹਮ ਅਖਰ ਧਿਆਨ । ਵਾਸਦੇਵ  
 ਸਰੂਪ ਅਬਯੈ ਬੇਦ ਕਰਤ ਬਖਾਨ ॥ ੭੪ ॥ ਪ੍ਰਦ ਤਾਹਿ ਕੋ  
 ਪਰ ਧਾਮ ਜੋ ਵਹਿ ਚਿਤੇ ਚੀਤ ਮਝਾਰ । ਵਾਯੂ ਰੋਧ ਸੰਯੁਕਤਿ  
 ਲਖਮਣ ਸੇਸ ਧਰਤ ਅਧਾਰ । ਸਭ ਦੇਵ ਕਿੰਨਰ ਨਾਗ  
 ਬਨਤਾ ਨਿਤ ਮੰਗਲ ਗਾਂਹਿ । ਜਸ ਗਾਂਹਿ ਲਖਮਣ ਦੇਵ ਰਿਖ  
 ਪੁਨਿ ਸੀਸ ਫੂਲ ਵਸਾਂਹਿ ॥ ੭੫ ॥ ਦੋਹਰਾ ॥ ਦੇਵ ਅਗੋਚਰ  
 ਹੋਇਕਰ ਵਾਸਵ ਸਹਿਤ ਸਰੀਰ । ਲਖਮਣ ਲੇ ਸੁਰਪੁਰ ਗਯੋ  
 ਭਈ ਤਹਾਂ ਸੁਰ ਭੀਰ ॥ ੭੬ ॥ ਬਿਸਨ ਚੁਥਾਈ ਭਾਗ ਜੋ  
 ਲਖਮਣ ਅਏ ਪ੍ਰਬੀਨ । ਦੇਵ ਰਿਖੀਸੁਰ ਪੇਖ ਤਿਨ ਬਿਧ  
 ਸੋ ਪੂਜਨ ਕੀਨ ॥ ੭੭ ॥ ਚੌਪਈ ॥ ਲਖਮਣ ਦੇਵ ਲੋਕ ਮੈ  
 ਆਯੋ । ਸਮਾਚਾਰ ਸਗਲੋ ਸੁਨ ਪਾਯੋ । ਸਿੱਧ ਲੋਕ ਗਤ  
 ਯੋਗੀ ਜੇਈ । ਬ੍ਰਹਮਾ ਸਹਿਤ ਅਹੇ ਪੁਨਿ ਤੇਈ ॥ ੭੮ ॥  
 ਦੋਹਰਾ ॥ ਪ੍ਰੀਤ ਸਹਤ ਲਖਮਣ ਪਿਖੇ ਧਾਰੇ ਸੇਸ ਸਰੂਪ ॥  
 ਸੋਭਾ ਬਰਨਨ ਕੋ ਕਰੇ ਭਈ ਸੁਕ੍ਰਾਂਤ ਅਨੂਪ ॥ ੭੯ ॥ ਇਤਿ  
 ਸ੍ਰੀ ਮਤ ਅਧਿਆਤਮ ਰਾਮਾਇਣੇ ਉਮਾਂ ਮਹੇਸੁਰ ਸੰਬਾਦੇ ਉਤ੍ਰ  
 ਕਾਂਡੇ ਅਸ਼੍ਰਮੇ ਧਿਆਇ ॥ ੮ ॥



॥ ਸ੍ਰੀ ਮਹਾਂਦੇਵੋ ਵਾਚ ॥ ਕਬਿੱਤੁ ॥

ਲਖਮਣ ਤਜਾਗ ਵਡ ਭਾਗ ਰਾਮ ਦੁਖ ਭਏ ਲਖਮਣ ਰੂਪ  
 ਮਨ ਮਾਂਹਿ ਤਾਂ ਚਿਤਾਰਿਯੋ । ਨੈਗਮ ਅਮਾਤ ਜੇ ਬਸਿਸ੍ਰ ਗੁਰ  
 ਖਜਾਤ ਜਗ ਪੁਰ ਵਾਸਕੇ ਬੁਲਾਇ ਜਨ ਰਾਮ ਯੋ ਉਚਾਰਿਯੋ ।  
 ਭਰਤ ਕੋ ਰਾਜ ਅਬ ਦੇਤ ਮੈ ਸਮਾਜ ਸਭ ਮਹਾਂ ਮਤਿ ਭ੍ਰਾਤ  
 ਦੇਸ ਕਰੇ ਪ੍ਰਤਿ ਪਾਰਿਯੋ । ਬੇਗ ਮਮ ਜਾਂਉ ਨਹਿ ਪੁਰ ਮੈ  
 ਬਸਾਂਉਂ ਅਬ ਲਖਮਣ ਪਾਦ ਜਾਂਹਿ ਦੇਸ ਮੈਂ ਪਧਾਰਿਯੋ ॥੧॥  
 ਐਸੇ ਜਬ ਰਾਮਚੰਦ ਮੁਖਸੇ ਬਖਾਨ ਕੀਯੋ ਦੇਸ ਪੁਰਵਾਸੀ  
 ਜਨ ਸਭੈ ਡਹਿਕਾਏ ਹੈਂ । ਛਿੰਨ ਮੂਲ ਰੂਖਕੇ ਸਮਾਨ ਸੁ  
 ਮਲਾਨ ਭਏ ਗਿਰੇ ਧਰ ਮਾਂਹਿ ਉਰ ਮਾਂਹਿ ਦੁਖ ਪਾਏ ਹੈਂ । ਰਾਮ  
 ਕੀ ਸੁਬਾਨੀ ਸੁਨੀ ਕਾਨ ਮੈ ਭਵਾਨੀ ਜਬ ਭਰਤ ਉਦਾਰ ਧਰ  
 ਮਾਂਹਿ ਮੁਰਛਾਏ ਹੈਂ । ਪਾਇਕੈ ਸੰਭਾਰ ਤਿਨ ਕੀਨੋ ਹੈ ਉਚਾਰ  
 ਪੁਨ ਰਾਜ ਨਿੰਦ ਕਰੀ ਬਹੁ ਦੋਖ ਦਿਖਲਾਏ ਹੈਂ ॥ ੨ ॥  
 ਦੋਹਰਾ ॥ ਸਾਰ ਸੁਗੰਦ ਸੁ ਮੈ ਕਰੋਂ ਤੋ ਬਿਨ ਹੇ ਰਘੁਨੰਦ । ਸੂਰਗ  
 ਭੂਮ ਕੋ ਰਾਜ ਜੋ ਚਾਹੋਂ ਨਾ ਸੁਖ ਕੰਦ ॥ ੩ ॥ ਤਵ ਪਦਕੰਜ  
 ਸੁਗੰਦ ਹੈ ਰਾਜ ਨ ਚਾਹੋਂ ਧੀਰ । ਕੁਸ ਲਵ ਕੋ ਅਬ ਦੀਜੀਏ  
 ਰਾਜ ਸੁਨੋ ਰਘੁਬੀਰ ॥੪॥ ਕੋਸਲ ਮੈ ਕੁਸ ਟੀਕੀਯੋ ਉੱਤ੍ਰ  
 ਮੈਂ ਲਵ ਰਾਮ । ਸਤ੍ਰਘਨ ਲਜਾਵਨ ਹੇਤ ਅਬ ਦੂਤ ਪਠੋ  
 ਸੁਖ ਧਾਮ ॥ ੫ ॥ ਅੜਿਲ ॥ ਹਮ ਸਭਹਨ ਕੋ ਗਮਨ  
 ਸੁਨਾਵੈ ਜਾਇਕੈ । ਸੁਨ ਸਤ੍ਰਘਨ ਸੁ ਆਵੈ ਰਾਘਵ ਧਾਇਕੈ ।  
 ਭਰਤ ਬਖਾਨੇ ਬੈਨ ਪ੍ਰਜਾ ਸੁਨ ਪਾਇਆ । ਹੋਭਏ ਨਿਰਾਸ



ਸੁਚੀਤ ਪਰਮਡਰ ਪਾਇਆ ॥ ੬ ॥ ਸਵੈਯਾ ॥ ਰਾਮ  
 ਵਿਯੋਗ ਚਿਤਾਰ ਚਿਤੇ ਸਭ ਕਾਤਰ ਰੂਪ ਪ੍ਰਜਾ ਸੁ ਨਿਹਾਰੀ  
 । ਬਸਿੰਸ੍ਰ ਮੁਨੀ ਕਰਣਾ ਕਰਕੈ ਤਬ ਰਾਮ ਸੁਨਾਇਕੈ ਬਾਤ  
 ਉਚਾਰੀ । ਰਾਮ ਪਿਖ ਧਰ ਮਾਹਿ ਗਿਰੀ ਰਿਦ ਅੰਗਮ ਆਹਿ  
 ਪ੍ਰਜਾ ਸਭ ਬਾਰੀ । ਜੋ ਇਨਕੇ ਮਨ ਮਾਹਿ ਰੁਚੇ ਅਬ ਸੋਇ  
 ਪ੍ਰਸਾਦਿ ਕਰੇ ਸੁ ਮੁਰਾਰੀ ॥੭॥ ਮੁਨਿ ਪੁੰਗਵ ਕੇ ਯਹਿ ਵਾਕ  
 ਸੁਨੇ ਤਬ ਰਾਮ ਪ੍ਰਜਾ ਸਭ ਆਪ ਉਠਾਈ । ਕਹਿ ਕੋਨਹਿ  
 ਕਾਜ ਕਰੋਂ ਤੁਮਰੇ ਕਰ ਪ੍ਰੀਤ ਕਹਿਯੋ ਸਭ ਕੇ ਰਘੁਰਾਈ ।  
 ਤਬ ਜੋਰ ਪ੍ਰਜਾ ਨਿਜ ਹਾਬਨ ਕੇ ਰਘੁਨਾਇਕ ਕੇ ਯਹ ਬਾਤ  
 ਅਲਾਈ । ਜਹਿ ਆਪ ਚਲੇ ਰਘੁਨੰਦਨ ਜੂ ਹਮ ਸੰਗ ਚਲੇਂ  
 ਸਹਿ ਬਾਂਧਵ ਭਾਈ ॥੮॥ ਦੋਹਰਾ ॥ ਹਮਰੀ ਯਹੀ ਸੁ ਪ੍ਰੀਤਿ  
 ਹੈ ਧਰਮ ਅਖੈ ਪੁਨਿ ਆਹਿ । ਤਵ ਪਾਛੈ ਅਬ ਚਾਲਨੋ ਹਮਰੇ  
 ਦ੍ਰਿਢ ਮਨ ਮਾਹਿ ॥ ੯ ॥ ਸਵੈਯਾ ॥ ਸੁਤ ਦਾਰਨ ਬੰਧ ਪਸੂ  
 ਸਗਲੇ ਅਬ ਰਾਮ ਚਲੇਂ ਹਮ ਸੰਗ ਤਿਹਾਰੇ । ਸੁ ਤਪੋਬਨ  
 ਵਾ ਸੁਰ ਲੋਕ ਚਲੇ ਪੁਰ ਮਾਹਿ ਬਸੋ ਅਥਵਾ ਸੁਖਕਾਰੇ । ਤਿਨ  
 ਕੇ ਮਨਕੀ ਦ੍ਰਿਢ ਪ੍ਰੀਤਿ ਲਖੀ ਪੁਨਿ ਰਾਮ ਸੁ ਕਾਲਕੇ ਵਾਕ  
 ਚਿਤਾਰੇ । ਨਿਜ ਸੇਵਕ ਪੇਖ ਸੁ ਪੌਰਨ ਕੇ ਤਬ ਰਾਮ ਤਬਾ  
 ਮੁਖ ਮਾਹਿ ਉਚਾਰੇ ॥੧੦॥ ਨਿਸਚੇ ਕਰ ਤਾਹਿ ਦਿਨਾ ਗਿਰਜਾ  
 ਲਵ ਔਰ ਕੁਸੁ ਸੁਤ ਰਾਮ ਪਠਾਏ । ਰਬ ਆਠ ਹਜਾਰ  
 ਹਜਾਰ ਗਜਾ ਪੁਨਿ ਸਾਠਹਜਾਰ ਤੁਰੰਗ ਸੁਹਾਏ । ਸੁਤ ਏਕ  
 ਸੁ ਏਕਹਿ ਕੇ ਰਘੁਨੰਦਨ ਯਾ ਬਿਧ ਸੈਨ ਸੁ ਸੰਗ ਦਿਵਾਏ ।



ਰਤਨਾ ਧਨ ਪੁੰਜ ਸੁ ਰਾਮ ਦੇਏ ਪੁਨ ਔਰ ਮਹਾਂ ਜਨ ਸੰਗ  
 ਲਵਾਏ ॥ ੮੧ ॥ ਅਭਿ ਬੰਦਨਕੈ ਰਘੁਨੰਦਨ ਕੋ ਲਵ ਔਰ  
 ਕੁਸੁ ਨਿਜ ਦੇਸ ਪਧਾਰੇ । ਅਰਹਾ ਅਨਵਾਵਨ ਕਾਜ ਤਬੇ  
 ਪੁਨ ਦੂਤ ਪਠੇ ਰਘੁਨਾਥ ਮੁਰਾਰੇ । ਤਿਨ ਜਾਇ ਤਹਾਂ ਅਰਿ  
 ਨਾਸਨ ਕੋ ਰਘੁਨਾਇਕ ਕੋ ਬਿਰਤਾਂਤ ਉਚਾਰੇ । ਢਿਗ ਰਾਮ  
 ਅਏ ਪੁਰਕਾਲ ਬਲੀ ਮੁਨਿ ਭੇਸ ਭਲੇ ਤਨ ਮਾਂਹਿ ਸਵਾਰੇ ॥  
 ੯੨ ॥ ਅਝਿੱਲ ॥ ਅਤ੍ਰੀ ਪੁਤ੍ਰ ਸੁ ਬਹੁਰ ਪੁਰੀ ਮਹਿ ਆਇਯੋ ।  
 ਤਾਕੋ ਚੇਸਟਾ ਸਗਲ ਸਤ੍ਰਘਨ ਸੁਨਾਇਯੋ । ਲਖਮਣ ਕੋ  
 ਨਿਰਯਾਣੁ ਪ੍ਰਭੱਗਯਾ ਰਾਮ ਕੀ । ਹੋ ਰਾਮ ਭੂਮਿ ਸੁਤ ਟੀਕੇ  
 ਜਾਏ ਜਾਨਕੀ ॥ ੯੩ ॥ ਕਬਿੱਤ ॥ ਰਾਮ ਕਰੀ ਚਾਹੇ ਜੋਈ  
 ਦੂਤ ਬਾਤ ਕਹੀ ਸੋਈ ਸੁਨ ਸਤ੍ਰਘਨ ਮਨ ਮਾਂਹਿ ਬਿਲਖਾਏ  
 ਹੈਂ । ਧੀਰਜ ਕੋ ਧਾਰਤਿਨ ਪੂਤ ਕੋ ਬੁਲਾਇਲਏ ਮਥਰਾ ਮੈ ਰਾਜ  
 ਸੁ ਸੁਬਾਹ ਕੋ ਦਿਵਾਇ ਹੈਂ । ਯੂਪਕੇਤ ਨਾਮ ਸੁਤ ਨੀਕੋ ਮਤਿ  
 ਮਾਨ ਪੁਨਿ ਵਿਸੁਨਾਮ ਨਗਰ ਮੈ ਵੁਹੀ ਤੋ ਰਮਾਏ ਹੈਂ । ਰਾਮ  
 ਦੇਖ ਨੇ ਕੇ ਕਾਜ ਰਾਜ ਕੇ ਸਮਾਜ ਤਜਿ ਸਤ੍ਰਘਨ ਬੀਰ ਸੁ  
 ਅਯੋਧਯਾ ਮੈ ਆਏ ਹੈਂ ॥ ੯੪ ॥ ਪਿਖੇ ਰਾਮਚੰਦ ਸੁ ਮਹਾਤਮਾ  
 ਅਨੰਦ ਕੰਦ ਜੁਲੁਤੁ ਸੁ ਤੇਜ ਪੇਖ ਪਾਵਕ ਲਜਾਏ ਹੈਂ । ਯੁਗਮ  
 ਦੁਕੂਲਘਨ ਸਾਮ ਤਨ ਮਾਂਹਿ ਧਰੇ ਰਿਖ ਮੁਨਿ ਬ੍ਰਿੰਦ ਆਸ  
 ਪਾਸ ਮੈ ਸੁਹਾਏ ਹੈਂ । ਜਾਂਹਿ ਨਾਮ ਕੋ ਚਿਤਾਰ ਸਿੰਧ ਜਗ  
 ਪਾਰ ਪਰੇ ਸਨਤ ਕੁਮਾਰ ਮੁਨਿ ਜਾਂਕੇ ਜਸ ਗਾਏ ਹੈਂ । ਸਤ੍ਰ-  
 ਘਨ ਜਾਇ ਰਾਮਚੰਦ ਕੋ ਪ੍ਰਣਾਮ ਕਰੀ ਹਾਥ ਜੋਰ ਦੋਊ



ਪੁਨਿ ਵਾਕ ਸੁ ਅਲਾਏ ਹੈਂ ॥ ੧੫ ॥ ਵਾਰਜ ਸੁ ਨੈਨ ਬੈਨ  
 ਸੁਨੀਏ ਹਮਾਰੇ ਅਬ ਪੂਤਨ ਕੋ ਰਾਜ ਦੀਕ ਦਈ ਰਾਜ  
 ਧਾਨੀਆ। ਜਹਾਂ ਤੁਮ ਜਾਹੁ ਤਹਿ ਸੰਗ ਸੁ ਲਿਜਾਂਹੁ ਮਮ ਤੇਰੇ  
 ਪਾਛੇ ਜਾਉਂ ਮਤਿ ਯਹੀ ਮਮ ਠਾਨੀਆ। ਤਜਾਗਿਏ ਨ ਬੀਰ  
 ਦਾਸ ਤੇਰੇ ਹੋ ਬਿਸੇਖ ਧੀਰ ਸਤ੍ਰਘਨ ਸੇ ਮੁਖੀ ਸੁ ਰਾਮ ਦਿਢ  
 ਜਾਨੀਆ। ਕਰੀਯੇ ਪਿਯਾਨ ਸੁ ਮਧਯਾਨ ਦਿਨ ਆਵੇ ਜਬ  
 ਰਾਮ ਨਿਜ ਭ੍ਰਾਤ ਕੋ ਸੁ ਯਹੀ ਹੈ ਬਖਾਨੀਆ ॥ ੧੬ ॥ ਤਾਹੀ ਖਿਨ  
 ਮਾਹਿ ਪੁਨਿ ਬਾਨਰ ਅਨੇਕ ਆਏ ਕਾਮ ਰੂਪ ਵੰਤ ਬਲ ਜਾਹਿ  
 ਮੈ ਸੁਹਾਯੋ ਹੈ। ਰੀਛ ਪੁਨਿ ਰਾਖਸ ਲੰਗੂਰ ਤੇ ਹਜਾਰ ਆਏ  
 ਦੇਵ ਰਿਖ ਪੂਤ ਹਰਿ ਪਯਾਨ ਸੁਨ ਪਾਯੋ ਹੈ। ਬਾਨਰ ਸੁ ਰਾਖਸ  
 ਲੰਗੂਰ ਰਿਛ ਜੇਈ ਆਏ ਹਾਬ ਜੋਰਜੋਰ ਰਾਮਚੰਦ ਕੋ ਅਲਾਯੋ  
 ਹੈ। ਤੇਰੇ ਪਾਛੇ ਜਾਨੋ ਜਹਿ ਕਰਤ ਪਯਾਨੋ ਪ੍ਰਭ ਨੀਠ ਚੀਤ  
 ਮਾਂਹਿ ਹਮ ਯਹੀ ਤੋ ਠਰਾਯੋ ਹੈ ॥ ੧੭ ॥ ਤਾਹਿ ਖਿਨ ਆਏ  
 ਕਪ ਨਾਇਕ ਸੁਗ੍ਰੀਵ ਬੀਰ ਕਰੀ ਰਘੁਬੀਰ ਪਦ ਬੰਦਨਾ  
 ਬਨਾਇਕੈ। ਰਾਜਕੋ ਸਮਾਜ ਮਮ ਅਗਦ ਕੇ ਭਾਲਦਯੋ ਆਯੋ  
 ਤਵ ਪਾਸ ਇਮ ਭਾਖਿਯੋ ਸੁਨਾਇਕੈ। ਜਹਿ ਚਲੋ ਰਘੁਬੀਰ  
 ਤਹ ਸੰਗ ਹੀ ਸਿਧਾਉਂ ਧੀਰ ਯਹੀ ਦਿਢ ਚੀਤ ਮਾਹਿ ਆਯੋ  
 ਠਹਿਰਾਇਕੈ। ਬਾਨਰ ਲੰਗੂਰ ਰੀਛ ਰਾਖਸ ਬਖਾਨ ਕਰੇ  
 ਸੁਨੇ ਰਾਮਚੰਦ ਦਿਢ ਵਾਕ ਮਨ ਲਾਇਕੈ ॥ ੧੮ ॥ ਵਿਭੀਖਨ  
 ਕੋ ਸਾਦਰ ਬੁਲਾਇ ਰਾਮਚੰਦ ਕਹੀ ਰਾਖਸ ਕੇ ਰਾਜ ਅਬ  
 ਨੀਕੇ ਸੁਨ ਲੀਜਿਯੇ। ਆਇਸ ਕੋ ਮਾਨ ਜੋਲੋ ਭੂਮਿ ਬਲਵਾਨ



ਤੁਮ ਰਾਖਸ ਕੇ ਰਾਜ ਬੀਰ ਤਬ ਲਗ ਕੀਜੀਏ । ਮੇਰੀ ਹੈ  
 ਸੁਗੰਦ ਇਮ ਭਾਖਿਓ ਮੁਕੰਦ ਪੁਨਿ ਯਾਹਿ ਬੀਚ ਬੀਰ ਕਛੁ  
 ਉਤਰ ਨ ਦੀਜੀਏ । ਐਸੇ ਭਗਵਾਨ ਸੁ ਵਿਭੀਖਨ ਬਖਾਨ  
 ਕਰ ਹਨੂ ਕੇ ਬੁਲਾਯੋ ਜਾਹਿ ਨਾਮ ਭਜ ਜੀਜਿਯੇ ॥ ੧੯ ॥  
 ਅੰਜਨੀ ਕੁਮਾਰ ਚਿਰਜੀਓ ਬਲ ਧਾਰ ਜਗ ਭਈ ਮਮ  
 ਆਇਸੁ ਨ ਸੋਈ ਮੇਟਿ ਦੀਜੀਏ । ਫੇਰ ਭਗਵੰਤ ਜਾਮਾਵੰਤ  
 ਕੇ ਬੁਲਾਇ ਕਹਯੋ ਧਰਨ ਮਝਾਰ ਬੀਰ ਧਾਰ ਬਲ ਜੀਜੀਏ ।  
 ਦੁਆਪੁਰ ਮਝਾਰ ਇਕ ਕਾਰਣ ਉਦਾਰ ਹੋਇ ਮੋਹ ਸੇ  
 ਲਰਾਈ ਤਵ ਫੇਰ ਪੇਖ ਲੀਜੀਏ । ਕਰਣਾ ਉਦਾਰ ਕਪਿ  
 ਰਾਖਸ ਉਚਾਰ ਕੀਓ ਔਰ ਸੁਖ ਸੰਗ ਮੋਹਿ ਸੰਗਹੀ  
 ਚਲੀਜੀਏ ॥ ੨੦ ॥ ਵਾਰਜ ਸੁ ਨੈਨ ਸੁ ਬਿਸਾਲ ਵਖ ਮੈਨ  
 ਦੁਤ ਭਏ ਸੁ ਪ੍ਰਭਾਤ ਰਘੁਨਾਥ ਯੋ ਉਚਾਰਿਆ । ਕੁਲ ਕੇ ਜੁ  
 ਇਸੁ ਹੈ ਬਸਿਸੁ ਗੁਰ ਰਾਮ ਕਹਯੋ ਕੀਜੀਏ ਸੁ ਹੋਮ ਸੁਭੁ  
 ਪਾਵਕ ਮਝਾਰਿਆ । ਸੁਨਿਕੈ ਸੁ ਰਾਮ ਬਾਤ ਕਰੇ ਬਖਯਾਤ  
 ਹੋਮ ਪਯਾਨ ਕੇ ਬਿਧਾਨ ਤਾਂਹਿ ਭਲੇ ਹੀ ਸਵਾਰਿਆ । ਬਡੇ ਹੀ  
 ਪਯਾਨ ਹਿਤ ਰਾਮ ਮਤਿ ਮਾਨ ਤਬ ਧਾਰ ਕੁਸ਼ ਪਾਣ ਖੋਮ  
 ਅੰਬਰ ਸੁਧਾਰਿਆ ॥ ੨੧ ॥ ਸਵੈਯਾ ॥ ਨਿਕਸੇ ਪੁਰ ਤੇ ਰਘੁ  
 ਬੀਰ ਬਲੀ ਸਿਤ ਬਾਦਲ ਤੇ ਸਸਿ ਜਿਉਂ ਨਿਕਸਾਏ । ਸਸਿ  
 ਕੋਟ ਸਮਾਨ ਸੁ ਕਾਂਤ ਲਸੈ ਦ੍ਰਿਗ ਵਾਰਜ ਕੀ ਛਬ ਦੂਰ  
 ਮਿਟਾਏ । ਸਿਤ ਵਾਰਜ ਹਾਥ ਲਏ ਪਦਮਾ ਰਘੁਨਾਇਕ ਬਾਂਮ  
 ਸੁ ਭਾਗ ਸੁਹਾਏ । ਤਨ ਕਾਂਚਨ ਸੋ ਦ੍ਰਿਗ ਵਾਰਜ ਸੇ ਹਰਿਸੰਗ



ਚਲੀ ਛਬ ਕੋਨ ਬਤਾਏ ॥੨੨॥ ਕਬਿਭ ॥ ਦਾਹਨੇ ਸੁ ਭਾਗ  
 ਰਾਮ ਸਾਮ ਹੈ ਸੁਭਾਗ ਵਤੀ ਵਾਰਜ ਸੇ ਨੈਨ ਛਬਿ ਪਰਮ  
 ਸੁਹਾਇ ਹੈਂ । ਸਸਤ੍ਰ ਪੁਨ ਅਸਤ੍ਰ ਧਨੁ ਬਾਨ ਤਨੁ ਧਾਰ ਆਏ  
 ਬੇਦ ਧਰ ਦੇਹ ਹਰਿ ਆਗੇ ਜਸੁ ਗਾਇ ਹੈਂ । ਆਏ ਮੁਨ ਝਿੰਦ  
 ਪੁਨ ਰਿਖਨ ਕੇ ਝੰਡ ਧਰ ਨਭਿ ਕੇ ਨਿਵਾਸੀ ਨਾਹਿ ਜਾਤਿ  
 ਵੇ ਗਿਨਾਏ ਹੈਂ । ਬੇਦਨ ਕੀ ਮਾਤ ਤਬ ਪ੍ਰਣਵ ਸਮੇਤ ਆਈ  
 ਬਿਆਰਤੀ ਸਮੇਤ ਹਰਿ ਹੇਰ ਬਿਗਸਾਏ ਹੈਂ ॥੨੩॥ ਰਾਮਕੇ  
 ਸਮੇਤ ਚਲੇ ਤਯਾਗ ਕੇ ਨਕੇਤ ਜਨ ਨਾਰਿ ਸੁਤ ਬੰਧੁ ਝੰਡ  
 ਸੰਗਹੀ ਸਿਧਾਰਿਓ । ਮਨੋ ਮੋਖ ਦੁਾਰ ਰਾਮ ਖੋਲਹੀ ਵਿਕਾਰ ਦਏ  
 ਜਾਹਿ ਰਾਮ ਸੰਗ ਕੋਊ ਕਰੇ ਨ ਨਿਵਾਰਿਓ । ਸਾਂਤਹ ਪੁਰਬਾਸ  
 ਅਨੁਚਰ ਨਾਰਿ ਸੰਗਿ ਲਏ ਅਰਹਾਂ ਸਿਧਾਰੇ ਪੁਨਿ ਭਰਤ  
 ਕੁਮਾਰਿਓ । ਰਾਮ ਕੋ ਨਿਹਾਰ ਪੁਰਬਾਸੀ ਸਭ ਲਾਰ ਭਲੇ  
 ਪਦਮਾ ਸਮੇਤ ਜਬ ਰਾਮ ਹੀ ਪਧਾਰਿਓ ॥ ੨੪ ॥ ਬਾਲ ਐ  
 ਜੁਵਾਨ ਦਿਜ ਬ੍ਰਿਧ ਜੇ ਮਹਾਨ ਬੜੇ ਮੰਤ੍ਰੀ ਅਮਾਤ ਸਭ ਸੰਗ  
 ਹੀ ਸਿਧਾਏ ਹੈਂ । ਬਾਹੁਜ ਸੁਵੈਸ ਪੁਨਿ ਸੂਦਰ ਅਨੇਕ ਚਲੇ  
 ਅੰਤਜ ਸੁ ਭੀਲ ਨਹੀਂ ਜਾਤਿਵੈ ਗਿਨਾਏ ਹੈਂ । ਸੁਗ੍ਰੀਵ ਆਦਿ  
 ਬਾਨਰ ਭਲੂਕ ਐ ਲੰਗੂਰ ਚਲੇ ਭਏ ਸੁਧ ਰੂਪ ਸੁਭ ਸਬਦ  
 ਸੁਹਾਏ ਹੈਂ । ਭਏ ਦੁਖੀ ਦੀਨ ਮਨ ਕੋਊ ਨਾਹਿ ਭਯੋ ਜਨ  
 ਬਾਹਰ ਕੇ ਸੂਖ ਮੈ ਨ ਕਾਹੂ ਮਨ ਲਾਏ ਹੈਂ ॥ ੨੫ ॥ ਆਨੰਦ  
 ਸਰੂਪ ਸੁ ਵਿਰਕਤ ਅਨੂਪ ਭਏ ਰਾਮ ਸੰਗ ਚਲੇ ਪਸੁ ਭਿ-  
 ਤਨ ਮਿਲਾਇਕੈ । ਭੂਤ ਜੇ ਅਦ੍ਰਿਸ਼ਿ ਪਰ ਮਾਹਿ ਨਾਹਿ ਤੇਈ



ਰਹੇ ਚਲੇ ਤਰੁ ਜੰਗਮ ਕੋ ਸਕੇ ਨ ਗਿਨਾਇਕੈ । ਸਕਤਿ  
 ਅਨੰਤ ਜਬ ਰਾਮ ਭਗਵੰਤ ਚਲੇ ਚਲੇ ਸੰਗ ਲੋਕ ਜਗ  
 ਸੂਖਨ ਭੁਲਾਇਕੈ । ਰਹਯੋ ਨਾਹਿ ਜੰਤ ਕੋ ਅਯੁਧਯਾ ਮੈ ਤਾਹੀ  
 ਸਮੇ ਰਾਮ ਮਤਿ ਪਾਇ ਚਲੇ ਸੰਗ ਹੀ ਸਿਧਾਇ ਕੈ ॥ ੨੬ ॥  
 ਨਰਾਜਛੰਦ । ਭਈ ਪੁਰੀ ਸਮੱਸੁ ਸੂਨ ਰਾਮ ਭੂਪ ਜੋ ਚਲੇ ।  
 ਗਏ ਸੁ ਦੂਰਤਾਂਹਿ ਤੇ ਨਦੀ ਨਿਹਾਰਿਆ ਭਲੇ । ਭਈ ਪਰੇ ਸੁ  
 ਨੈਨ ਤੇਸੁ ਸਾਰਜੁ ਮਹਾਂ ਨਦੀ ॥ ਪ੍ਰਸੰਨ ਰਾਮ ਕੋ ਭਏ ਸੁਤੀਰ  
 ਮੈ ਗਏ ਜਦੀ ॥ ੨੭ ॥ ਚਿਤਾਰ ਜਾਂਹਿ ਰਾਮ ਕੋ ਸਮੱਸੁ ਹੋ  
 ਹਿ ਪਾਵਨਾ । ਅਸੇਖ ਵਿੱਸੁ ਆਪ ਮੈ ਸੁ ਪਿਖੀ ਰਾਮ ਭਾਵਨਾਂ ।  
 ਸਮੱਸੁ ਦੇਵ ਸੰਗ ਲੈ ਪਿਤਾ ਮਹਾਂ ਸੁ ਆਇਓ । ਰਿਖੀ ਸਮੱਸੁ  
 ਸਿੱਧ ਕੇ ਸੁ ਝੰਡ ਸੋਂ ਸੁਹਾਇਓ ॥ ੨੮ ॥ ਵਿਮਾਨ ਕੋਟਿ ਆਇਯੋ  
 ਅਕਾਸ ਮੈ ਲਸਾਇ ਹੈਂ । ਸੁ ਦੇਵਤਾ ਸਮੇਤ ਨਾਰਿ ਤਾਂਹਿ  
 ਮੈ ਸੁਹਾਇ ਹੈਂ । ਸੁਗੰਧਵੰਤ ਵਾਯੁ ਮੰਦ ਮੰਦ ਹੀ ਸੁ ਆਇ ਹੈਂ  
 । ਅਪਾਰ ਫੂਲ ਦੇਵਤਾ ਅਕਾਸ ਮੈ ਵਸਾਇ ਹੈਂ ॥ ੨੯ ॥ ਮਿੰਦੰਗ  
 ਦੇਵਤਾ ਵਜਾਂਹਿ ਗਾਂਹਿ ਵਿੱਦਯਾ ਧਰਾ । ਨਚੇ ਅਪੰਛਰਾ  
 ਘਨੀ ਸੁਹਾਂਹਿ ਸੰਗਕਿੰਨਰਾ । ਸੁ ਰਾਮ ਪਾਦਪਾਵਨੋ ਸੁ ਨੀਰ  
 ਮੈ ਛੁਹਾਇਓ । ਅਨੰਤ ਸਕਿ ਰਾਮਜੀ ਉਮਾ ਤਬੈ ਸੁਹਾਇਓ  
 ॥ ੩੦ ॥ ਪਿਤਾ ਮਹਾਂ ਸੁ ਜੋਰ ਹਾਥ ਰਾਮ ਕੋ ਬਖਾਨਿਓ ।  
 ਪਰਾਤਮਾ ਪਰੇਸ ਰਾਮ ਏਕ ਤੂੰ ਪਛਾਨਿਓ । ਸਦਾ ਅਨੰਦ  
 ਬਿੱਸੁ ਤੂੰ ਸਪੂਰਣੇ ਬਿਖਾਨਿਯੋ । ਲਖੇ ਸੁ ਤੱਤੁ ਆਪਨੋ ਅਜੇਕ ਤੂੰ  
 ਸੁ ਜਾਨਿਯੋ ॥ ੩੧ ॥ ਕਬਿੱਤ ॥ ਸੁ ਦਪ ਸੁ ਵਾਕ ਮੇਰੇ ਕੀਓ



ਹੈ ਬਨਾਇ ਤਵ ਭਗਤਿ ਅਧੀਨ ਰਾਮ ਤੁਹੀ ਤੋ ਨਿਹਾਰਿਆ।  
 ਭ੍ਰਾਤਨ ਸਮੇਤ ਧਾਰ ਪੂਰਬ ਸਰੂਪ ਤੁਮ ਧਾਰ ਭੁਜ ਚਾਰ ਸੁਰ ਕਰੋ  
 ਪ੍ਰਤ ਪਾਰਿਆ। ਦੇਵਨ ਅਧੀਸ ਹਰਿ ਤੁਹੀ ਜਗਦੀਸ ਪ੍ਰਭ  
 ਮੇ ਬਿਨਾ ਨ ਆਨ ਜਨ ਸਕੇ ਤੇ ਬਿਚਾਰਿਆ। ਬੰਦਨਾ ਹਜ਼ਾਰ  
 ਸੁ ਪ੍ਰਸੀਦ ਦੇਵ ਦੇਵ ਪ੍ਰਭ ਫੇਰ ਫੇਰ ਬੰਦਨਾ ਪਛਾਨਿਯੇ  
 ਹਮਾਰਿਆ ॥ ੩੨ ॥ ਸਵੈਯਾ ॥ ਬਿਨਤੀ ਚਤੁਰਾਨਨ ਕੀ ਸੁਨ  
 ਕੈ ਸਭ ਦੇਵਨ ਦੇਖਤ ਹੀ ਰਘੁਰਾਈ। ਤਨੁ ਭੂਰ ਪ੍ਰਕਾਸ ਸੁ ਨੈਨ  
 ਮੂੰਦੇ ਕਛ ਦੇਵਨ ਕੋ ਨਹਿ ਦੇਤ ਦਿਖਾਈ। ਧਰ ਚੱਕ੍ਰ ਗਦਾ  
 ਦਰ ਵਾਰਜ ਰਾਮ ਸੁ ਤਾਂਹਿ ਸਮੈ ਭੁਜ ਚਾਰ ਬਨਾਈ।  
 ਲਖਮੰਨ ਭਯੋ ਹਰਿ ਸੇਜ ਤਬ ਅਹਿ ਨਾਇਕ ਰੂਪ ਸੁ ਦੇਹ  
 ਸੁਹਾਈ ॥ ੩੩ ॥ ਦੋਹਰਾ ॥ ਭਰਤ ਸੰਖ ਵਪੁ ਧਾਰਿਯੋ ਹਰਿ  
 ਕੇ ਸੰਗ ਸੁਹਾਇ। ਚੱਕ੍ਰ ਭਯੋ ਤਬ ਸੱਤ੍ਰਘਨ ਮਹਿਮਾਂ ਕਹੀ  
 ਨ ਜਾਇ ॥ ੩੪ ॥ ਕਬਿੱਤੁ ॥ ਪਦਮਾ ਸੁ ਭਈ ਸੀਯ ਰਾਮ  
 ਭਏ ਬਿਸ਼ੂ ਪੀਯ ਪੁਰਖ ਪੁਰਾਤਨ ਜੁ ਬੇਦ ਮੈ ਬਖਾਨਿਯੇ।  
 ਅਨੁਜ ਸਮੇਤ ਧਾਰ ਪੂਰਬ ਸੁ ਦੇਹ ਹਰਿ ਭਏ ਤੇਜਵੰਤ ਦਿੱਬ  
 ਮੂਰਤਿ ਪਛਾਨਿਯੇ। ਬਿਸ਼ਨ ਕੋ ਪਾਇ ਕੈ ਸੁਰੇਸ ਦੇਵ ਸਿੱਧ  
 ਮੁਨਿ ਕਿੰਨਰ ਸੁ ਯੱਖ ਔਰ ਰਿਖੀ ਜੇ ਮਹਾਨਿਯੇ। ਪਿਤਰ ਸੁ  
 ਚਾਰ ਮੁਖ ਭਏ ਸੁਖ ਵੰਤ ਸਭ ਗਾਇ ਜਸੁ ਈਸ ਕੋ ਸੁ ਪੂਜਤ  
 ਭਵਾਨਿਯੇ ॥ ੩੫ ॥ ਮੋਦ ਧਾਰ ਪੂਰ ਮੈ ਗਰੂਰ ਮਨ ਭਏ ਸੁਰ  
 ਪਾਇ ਕੈ ਮਨੋਰਥ ਸੁ ਰਹੇ ਹਰਿ ਖਾਇਕੈ। ਬਿਸਨ ਸਨਾਤਨ  
 ਮਹਾਤਮ ਭਵਾਨੀ ਤਬ ਆਪ ਕਮਲਾਸਨ ਕੋ ਭਾਖਿਯੋ ਸੁਨਾਇ



ਕੈ । ਆਏ ਈਹਾਂ ਜੇਈ ਮਮ ਭਗਤ ਪਛਾਨੋ ਤੇਈ ਹੋਇ ਅਨੁ  
 ਗਾਮੀ ਮਨ ਹਰਖ ਬਢਾਇਕੈ । ਤਿਯਗ ਸਰੀਰ ਜੇਈ ਧੀਰ  
 ਪੁੰਨਵੰਤ ਤੇਈ ਬਿਕੁੰਠ ਸਮਲੋਕ ਮੈਸੁ ਦੇਹ ਪਹੁਚਾਇਕੈ ॥ ੩੬  
 ॥ ਸਵੈਯਾ ॥ ਸੁਨਕੈ ਹਰਿ ਆਇਸੁ ਯਾ ਬਿਧ ਕੀ ਚਤੁਰਾਨਨ  
 ਜੁ ਕਰ ਜੋਰ ਉਚਾਰੀ । ਸੰਤਾਨਿਕ ਨਾਮ ਸੁ ਲੋਕ ਬਡੇ ਮਮ  
 ਉਪਰ ਦੀਪਤ ਮਾਨ ਮੁਰਾਰੀ । ਕ੍ਰਿਤ ਪੁੰਨ ਸੰਬੁਹ ਸੁਤੇਜਨ  
 ਜੇ ਤਿਨ ਮਾਹਿ ਚਲੇ ਜਹਿ ਭੋਗ ਅਪਾਰੀ । ਸੁ ਬਿਕੁੰਠ ਸਮਾਨ  
 ਸਲੋਕਨ ਮੈ ਇਹ ਨੀਤਿ ਰਮੈਂ ਜਿਮ ਆਇਸੁ ਥਾਰੀ ॥ ੩੭ ॥  
 ਜੇ ਪੁਨ ਅੰਤ ਸਮੈ ਨਰ ਪਾਵਨ ਰਾਮ ਇਹੈ ਮੁਖਨਾਮ ਅਲਾਏ  
 । ਜਾਨਤ ਨਾਹਿ ਮਹਾਤਮ ਕੇ ਨਰ ਤੇ ਪੁਨਿ ਯਾ ਬਿਧ ਲੋਕ ਸੁ  
 ਪਾਏ । ਲਾਇ ਸਮਾਧਿ ਯੁਗੀਸੁਰ ਜੇ ਤਵ ਧਯਾਨ ਧਰੇ ਜਿਨ  
 ਲੋਕਨ ਜਾਏ । ਪਾਵਨ ਨਾਮ ਸੁ ਰਾਮ ਇਹੈ ਇਕ ਬਾਰ  
 ਕਹੈ ਜਨ ਪਾਪ ਮਿਟਾਏ ॥ ੩੮ ॥ ਕਬਿੱਤ ॥ ਸੁਨਿ ਬਿਧਿ  
 ਬਾਨੀ ਸੁ ਭਵਾਨੀ ਹਰਖਾਨੇ ਸਬ ਬਾਨਰ ਸੁ ਰਾਖਸ਼ ਸੁ ਨੀਰ  
 ਮਾਹਿ ਨ੍ਹਾਇ ਹੈ । ਡਾਰ ਯਹਿ ਦੇਹ ਕੇ ਸੁ ਜਾਹਿ ਸੁਰ ਅੰਸ  
 ਜਏ ਬਾਨਰ ਭਲੂਕ ਤਨ ਤੇਈ ਤੇਈ ਪਾਇ ਹੈ । ਬਾਨਰ  
 ਪ੍ਰਬੀਨ ਜੇ ਸੁਗ੍ਰੀਵ ਧੀਰਵੰਤ ਭਗਵੰਤ ਰਵ ਭਏ ਤੇਜ ਪਰਮ  
 ਸੁਹਾਇ ਹੈ । ਸੂਰਯ ਕੇ ਬੀਰਜ ਤੇ ਭਏ ਸੁਗ੍ਰੀਵ ਕਪਿ ਮਿਲੇ  
 ਪੁਨਿ ਤਾਹਿ ਸੁਰ ਬ੍ਰਿੰਦ ਜੱਸੁ ਗਾਇ ਹੈ ॥ ੩੯ ॥ ਸਵੈਯਾ ॥  
 ਔਰ ਸਭੈ ਸਰਯੁ ਜਲ ਮੈ ਨਰ ਨ੍ਹਾਇ ਸੁ ਮਾਨਵ ਦੇਹਨ  
 ਡਾਰੇ । ਬੈਠ ਬਿਮਾਨਨ ਭੂਖਨ ਧਾਰ ਸੰਤਾਨਿਕ ਲੋਕਨ



ਮਾਂਹਿ ਪਧਾਰੇ । ਜੇ ਪਸੁ ਕੀਟ ਪਤੰਗ ਸਬੈ ਜਲ ਨਾਇ ਗਏ  
 ਦਿਵ ਰਾਮ ਨਿਹਾਰੇ । ਰਾਮ ਨਿਹਾਰਤ ਜੇ ਜਨ ਸੰਗ ਗਏ  
 ਸੁਰ ਮੈ ਜਨ ਦੇਖਨ ਹਾਰੇ ॥੪੦॥ ਦੋਹਰਾ ॥ ਸਿਮਰ ਪਰੇਸੁਰ  
 ਲੋਕ ਗੁਰ ਰਾਮ ਹਰੀ ਭਗਵਾਨ । ਬੇਗ ਗਏ ਸੁਰ ਲੋਕ  
 ਮੈਂ ਲੋਕ ਸੁ ਬੈਠ ਬਿਬਾਨ ॥ ੪੧ ॥ ਸੂਤੇਵਾਰ ॥ ਸਵੈਯਾ ॥  
 ਇਹ ਪਾਰਬਤੀ ਪ੍ਰਤਿ ਹੇ ਮੁਨਿ ਮੰਡਲ ਉਤਰ ਆਪ ਮਹੇਸ  
 ਬਤਾਏ । ਔਰ ਕਥਾ ਬਿਸਤਾਰ ਘਨੋ ਕਛੁ ਅੰਤੁ ਨਹੀਂ ਕਵਿ  
 ਮੰਡਲ ਪਾਏ । ਇਕ ਪਾਦ ਪਢੇ ਇਨ ਮੈ ਕਰ ਜੋ ਵਹੁ ਜੋਨ  
 ਹਜ਼ਾਰ ਸੁ ਪਾਪ ਮਿਟਾਏ । ਮੁਨਿ ਲਾਇ ਸਮਾਧਿ ਸੁ ਜਾਹਿ  
 ਜਹਾਂ ਸੁਖ ਸੋਵਹਿ ਤਹ ਪਦ ਮਾਂਹਿ ਸਮਾਏ ॥ ੪੨ ॥ ਨਿਸ  
 ਬਾਸੁਰ ਪਾਪ ਅਨੇਕ ਕਰੇ ਪੁਨਿ ਏਕ ਸਲੋਕ ਪਢੇ ਮਨ ਲਾਈ  
 । ਨਰੁ ਸੋ ਇਹੁ ਰਾਮ ਸਾਲੋਕ ਲਹੇ ਸਭ ਪਾਪਨ ਕੇ ਜਗ  
 ਮਾਂਹਿ ਮਿਟਾਈ । ਯਹਿ ਰਾਮ ਕਥਾ ਸਿਵ ਆਪ ਕਹੀ ਰਘੁਨਾਥ  
 ਸੁ ਪ੍ਰੇਰਿਓ ਤਾਂ ਉਰ ਜਾਈ । ਸੁ ਭਵਿੱਖਤ ਭਾਵ ਕਹੀ ਚਰਯਾ  
 ਸੁਨ ਹੋਤ ਪ੍ਰਸੰਨ ਸੁ ਸ੍ਰੀ ਰਘੁਰਾਈ ॥ ੪੩ ॥ ਛਪੈ ਛੰਦ ॥  
 ਕਾਬਜ ਰਮਾਇਣ ਪੁੰਨ ਮਹਾਂ ਸਿਵ ਆਪ ਉਚਾਰਯੋ । ਪਾਰਬਤੀ  
 ਸੁਨਿ ਜਾਂਹਿ ਸੁ ਚੀਤ ਸੰਦੇਹ ਨਿਵਾਰਯੋ । ਪਢੇ ਭਗਤਿ ਸੋ ਯਾਂਹਿ  
 ਸੁਨੇ ਉਰ ਪ੍ਰੇਮ ਬਢਾਈ । ਸੈ ਜਨਮਨ ਕੇ ਪਾਪ ਦਏ ਖਿਣ  
 ਮਾਂਹਿ ਮਿਟਾਈ । ਜਗ ਪਢੇ ਸੁਨੇ ਅਤਿ ਭਗਤਿ ਸੋਂ ਲਿਖੇ ਸੁ  
 ਯਾਂਹਿ ਲਗਾਇ ਮਨ । ਅਤਿ ਪ੍ਰਸੰਨ ਸ੍ਰੀ ਰਾਮ ਸੀ ਸ੍ਰੇ ਬਿਸਬਾਰੇ  
 ਤਾਂਹਿ ਜਨਿ ॥ ੪੪ ॥ ਕਬਿੱਤੁ ॥ ਰਮਾਇਣ ਸੁ ਆਦਿ



ਕਾਬ ਬ੍ਰਹਮ ਲੋ ਸੁਰੇਸ ਕਰੇ ਜਾਹਿ ਕੀ ਬਡਾਈ ਸੁਨੋ ਚੀਤ  
 ਹਰੇ ਪ੍ਰਾਣੀਆਂ । ਸਰਧਾ ਸਮੇਤ ਪਢੇ ਸੁਨੇ ਕ੍ਰਿਤ ਸੁੱਧ ਦੇਹ  
 ਬਿਸ਼ਨ ਕੋ ਪਾਇ ਪਦੁ ਕਹੇ ਨਿਰਬਾਣੀਆਂ । ਰਾਮ ਅਵਤਾਰ  
 ਕੀ ਉਦਾਰ ਕਥਾਪੁੰਨ ਫਲ ਲੋਕ ਗੁਰ ਸੰਭੁ ਇਹਭਾਂਤਿ ਹੈ  
 ਬਖਾਣੀਆਂ । ਯਾਂਹਿ ਕੋ ਮਹਾਤਮ ਸੁ ਸੰਭੁਹੀ ਪਛਾਣੇ ਮੁਨਿ ਸੁ  
 ਨਤ ਮਿਟਾਇ ਪਾਪ ਪੁੰਜਨ ਕੀ ਘਾਣੀਆਂ ॥੪੫॥ ਕਵਿ ਵਾਚ  
 ਦੋਹਰਾ ॥ ਮਨ ਬਾਣੀ ਪ੍ਰੇਰਕ ਸਦਾ ਰਾਘਵ ਚੇਤਨ ਧਾਮ ।  
 ਬਾਲਕ ਬਚਨ ਸੁ ਫੂਲ ਪਦ ਬਿਗਸੇ ਸੀਤਾ ਰਾਮ ॥ ੪੬ ॥  
 ਛਪੈ ॥ ਗਉਰੀ ਥੀ ਸੁਭ ਮਾਤ ਪਿਤਾ ਜਗ ਰਾਇਆ ਨਾਮਾ ।  
 ਗੁਲਾਬ ਸਿੰਘ ਮਤਿ ਮਾਨ ਭਯੋ ਸੁਤ ਤਾਕੇ ਧਾਮਾ । ਪੁਰਸੇਖ  
 ਵ ਕੁਰਖੇਤ੍ਰ ਬਾਸ ਸੁਭ ਸੰਤ ਮਨਾਏ । ਪ੍ਰਾਚੀ ਕੁਲਸੁ ਤੀਰਥ  
 ਨੀਰ ਸਰਸ੍ਵਤੀ ਛਾਏ । ਤਹਾਂ ਬੈਠ ਭਾਖਾ ਕਰੀ ਤਿਨ ਕਥਾ  
 ਰਮਾਇਣ ਪਾਪ ਹਰਿ । ਮੈ ਸਰਬੰਗ ਨ ਭਈ ਭੂਲ ਕਛੁ ਸੰਤ  
 ਸੁਧਾਰੋ ਖਿਮਾ ਕਰ ॥ ੪੭ ॥ ਦੋਹਰਾ ॥ ਗੁਰ ਨਾਨਕ ਹਰਿ  
 ਰੂਪ ਜਗ ਨਿਜ ਤਪ ਪੁੰਜ ਅਪਾਰ । ਗੁਰ ਅੰਗਦ ਕੋ ਦਯੋ  
 ਤਿਨ ਦਯਾ ਪਰਮ ਉਰ ਧਾਰ ॥ ੪੮ ॥ ਛਪੈ ਛੰਦ ॥ ਗੁਰ  
 ਅੰਗਦ ਅਮਰ ਸੁ ਰਾਮਦਾਸ ਗੁਰ ਅਰਜਨ ਧੀਰਾ । ਹਰਿ  
 ਗੁਬੰਦ ਹਰਿ ਰਾਇ ਗੁਰੂ ਹਰਿਕ੍ਰਿਸਨ ਗਹੀਰਾ । ਗੁਰਤੇਗ  
 ਬਹਾਦਰ ਭਯੋ ਜਗਤਿ ਕਿਰਪਾਲ ਸਰੂਪਾ । ਗੋਬੰਦ ਸਿੰਘ  
 ਗੁਰ ਭਯੋ ਸੁ ਤਾਕੇ ਪੂਤ ਅਨੂਪਾ । ਸੁਭ ਤਾਂਹਿ ਚਲਾਯੋ ਪੰਥ  
 ਜਗ ਸਾਂਤਿ ਤੇਜ ਪਥਿ ਯੁਗਮ ਰਤਿ । ਇਹ ਸ਼ਾਂਤਿ ਅਨਿਗ



ਲਘੁ ਬਾਲ ਜਨ ਭਾਖਾ ਕਰੀ ਸੁ ਯਥਾਮਤਿ ॥ ੪੯ ॥ ਸਵੈਯਾ  
 ॥ ਪੱਛਮ ਉੱਤਰ ਪੂਰਬ ਐ ਜਨ ਦੱਖਨ ਜਾਂਹਿ ਪ੍ਰਭਾਵ ਨਿ  
 ਹਾਰੇ । ਸਿੱਖਭਏ ਪਦ ਪੰਕਜ ਕੇ ਪੁਨ ਨਾਮ ਸਭੈ ਮੁਖ ਮਾਂਹਿ  
 ਉਚਾਰੇ । ਬ੍ਰਹਮ ਸਨਾਤਨ ਦੇਹ ਧਰੇ ਸਭ ਸੇਵਕ ਜਾ ਭਵ  
 ਸਾਗਰ ਤਾਰੇ । ਤਾ ਗੁਰ ਨਾਨਕ ਕੇ ਪਦ ਪੰਕਜ ਅੰਜਲ ਕੈ  
 ਅਬਿ ਬੰਦ ਹਮਾਰੇ ॥੫੦॥ ਨਰਾਜਛੰਦ ॥ ਗੁਰੂ ਗੁਬੰਦ ਸਿੰਘ  
 ਕੇ ਪਦਾਰ ਬੰਦ ਮੰਜੁਲੇ । ਨਿਵਾਇ ਸੀਸ ਬੰਦਨਾ ਸੁ ਜੋਰ  
 ਪ੍ਰੇਮ ਅੰਜੁਲੇ । ਸਮੱਸੁ ਸੱਤ੍ਰੁ ਮਾਰ ਤੇਜ ਪੁੰਜ ਜਾਂ ਬਿਥਾਰਿਯੋ ।  
 ਅਨੇਕ ਦੂਖ ਟਾਰ ਸਿੱਖ ਪੁੰਜੁ ਜਾਂ ਉਬਾਰਿਯੋ ॥ ੫੧ ॥ ਦੋਹਰਾ  
 ॥ ਜਾਂਪਦ ਪੰਕਜ ਨੀਰ ਲਹਿ ਬੰਧਨ ਦਏ ਨਿਵਾਰ । ਮਾਨ  
 ਸਿੰਘ ਗੁਰ ਕੇ ਨਮੋ ਤਪੋ ਗਜਾਂਨ ਅਵਿਤਾਰ ॥ ੫੨ ॥  
 ਦੋਹਰਾ ॥ ਗ੍ਰਹਿ ਅਗਨੀ ਵਸੁ ਚੰਦ ਪੁਨਿ ਸੰਮਤ ਆਨੰਦ ਧਾਰ  
 ॥੧੮੯॥ ਦਸਮੀਕਾਤਕਸੁਦੀਸੁਭਸੁਰਾਧੀਸਗੁਰਵਾਰ ॥੫੩॥

ਇਤਿ ਸ੍ਰੀ ਮਤਿ ਅਧਯਾਤਮ ਰਾਮਾਇਣੇ ਉਮਾ ਮਹੇਸੁਰ  
 ਸੰਬਾਦੇ ਉੱਤਰਕਾਂਡੇ ਬੈਕੁੰਠ ਨਿਰਯਾਣੇ ਨਾਮ ਨਵਮੋ ਧਿਆ-  
 ਇ ॥ ੯ ॥ ਸੁਭੰ ॥ ਉੱਤ੍ਰਕਾਂਡ ਸੰਪੂਰਨੰ ॥

ਕੌਨ ਕੌਨ ਪਦਾਰਥ ਸ੍ਰੀ ਗੁਰ ਕਲਗੀ ਧਰ  
 ਦਸਮ ਪਾਤਿਸ਼ਾਹ ਜੀ ਸਿੰਘਾਂ ਕੇ ਬਖਸ਼ੇ ਹੈਨ ॥  
 ਕਬਿੱਤ ॥ ਪੰਡਤੋਂ ਕੀ ਪੰਡਤਾਈ ਪਾਂਧਨ ਕੀ ਪਾਂਧਤਾਈ  
 ਛੱਤ੍ਰਨ ਕੀ ਛੱਤ੍ਰਤਾਈ ਛੀਨੀ ਹੈ ਨ ਛੋਰੀ ਲੇਸ਼ । ਰਾਗਨ ਕੀ



ਰਾਗਤਾਈ ਕਵਤਾ ਕਵੀਸਨ ਕੀ ਸਾਧਨ ਕੀ ਸਾਧਤਾਈ  
 ਲੀਨੀ ਹੈ ਸਮੇਤ ਭੇਸ । ਮੀਰਨਕੀ ਮੀਰੀ ਐ ਬਜੀਰੋਂ ਕੀ  
 ਬਜੀਰੀ ਬ੍ਰਿੰਦ ਅਮੀਰੋਂਕੀ ਅਮੀਰੀ ਐਂਚ ਤੇਜ ਸੋ ਬਟੋਰੀ  
 ਪੇਸ਼ । ਸ੍ਰੀ ਗੁਰੂ ਗੁਬਿੰਦ ਸਿੰਘ ਸਾਜ ਕੈ ਸੁ ਪੰਥ ਪਿਆਰੇ  
 ਨਿਆਰੇ ਕੈ ਚੁਰਾਸੀ ਸੇਂ ਪ੍ਰਕਾਸ਼ੀ ਹੈ ਮੁਯਾਦਿ ਬੇਸ਼ ॥

ਭਾਸਾਯ ਚੰਦ ਏਹੀ ਏਲ ਓ ਚਿਲ ਮਾਯ ਸਿ ਚਿ ਭਾਯ ਲੇ  
 ਸਿ ਮਸੀਠਾਯਾਯ ਭਿਯ ਏਲਸਿ ਚੰਦਿ ਯ ਸਾਧੀ ਚਾਯ  
 ਏਸਿ ਯ ਚਸਏਮੀਯ ਸਿ ਨਿਆਯੀ ਚਯੁਕਮ (ਸਿਯਾਯ ਚੁਕ)  
 (ਨਯ ਚੰਦ ਨਿਆਯ ਚਿਯ ਚਿਯੁਕ ਚਸਿ ਸਿਯ ਨਿਯੀ) ਚਯ  
 ਚਾਯ ਚਿ ਚਾਯੀਯ ਚਯੀ ਚਿਯ ਚਿ ਚਾਯ ਚਿ ਚਾਯ ਚਿ ਚਾਯ  
 ਚਿਯ ਚਯ ਚਿਯੀ ਲਿਯੀਯ ਨਮੁ ਚਿਯ ਚਿ ਚਿਯ ਚਯ  
 ਚਯ ਚਿਯ ਚਿਯੀ ਚਯਾਯ ਚਯੀਯ ਚਾਯੀਯ ਚਿਯਾਯ  
 ਚਾਯਾਯ ਚਯ ਚਾਯ ਚਿਯ ਚਯ ਚਿਯ ਚਿਯ ਚਯੀ ਸਾਧੀ ਚਿ  
 ਚਿਯ ਨਯ ੪੪੪ ਨੰਪ ਚਾਯ ਚਯੀ ਚਿ ਚਯੀ ਚਯ ਚਯੀ  
 ਚਾਯ ਚਿ ਚਾਯੀਯ ਚਿ ॥ ਚਯ ਚਿਯ ਚਿਯ ਚਾਯ ਚਿ ਚਾਯ ਚਿਯ

ਰਾਮਾਯਣੀ

ਚੁਕਯ ਚਿ ਮਸੀਠਾਲਾਯ ਸਿਨਮੁ ਚਯੀਯਾਯਾਯ  
 ਚਯੀਯ ਸਯ ਮਾਯ ਚਯੀਯ ਚਯੀਯ



# ਆਸਾ ਦੀ ਵਾਰ ਸਟੀਕ

ਏਸ ਗਲ ਨੂੰ ਸਭ ਪ੍ਰੇਮੀ ਜਾਣਦੇ ਹਨ ਜੋ ਗੁਰੂ ਸਾਹਿਬਾਂ ਦੀ ਬਾਣੀ ਤਾਂ ਅਰਥ ਤੋਂ ਬਿਨਾ ਭੀ ਅੰਮ੍ਰਿਤ ਰੂਪ ਹੈ ਪਰ ਜਿਸ ਬਾਣੀ ਦਾ ਟੀਕਾ ਅਰਥਾਤ ਨਾਲ ਅਰਥ ਭੀ ਕੀਤੇ ਹੋਏ ਹੋਵਨ ਉਸਨੂੰ ਤਾਂ ਅਨਜਾਣ ਭੀ ਪੜ੍ਹਕੇ ਪੂਰਾ ੨ ਆਨੰਦ ਲੈ ਸਕਦਾ ਹੈ ਸੋ ਆਮ ਲੋਕਾਂ ਦੇ ਲਾਭ ਹਿਤ ਏਹ ਆਸਾ ਦੀ ਵਾਰ ਜਿਸ ਦਾ ਟੀਕਾ ਸ੍ਰੀਯੁਤ ਭਾਈ ਭਗਵਾਨ ਸਿੰਘ ਜੀ (ਸੂਰਗ ਬਾਸੀ) ਮਸ਼ਹੂਰ ਗਿਆਨੀ ਸ੍ਰੀ ਅੰਮ੍ਰਿਤ ਸਰ ਦਾ ਕੀਤਾ ਹੋਯਾ (ਜਿਨ੍ਹਾਂ ਪਾਸੋਂ ਸੰਥਾ ਪੜ੍ਹਕੇ ਕਈ ਗਿਆਨੀ ਹੋਏ ਹਨ) ਅਸਾਂ ਆਪਣੇ ਟਾਯਪ ਦੇ ਛਾਪੇ ਵਿਚ ਛਾਪਿਆ ਹੈ ਅਰ ਏਹ ਟੀਕਾ ਦੋ ਦੋ ਤੁਕਾਂ ਮੂਲ ਪਹਿਲੇ ਲਿਖਕੇ ਫੇਰ ਅਗੇ ਪ੍ਰਮਾਣਾਂ, ਸਾਖੀਆਂ ਸਹਿਤ ਅਰਥ ਲਿਖਕੇ ਕੀਤਾ ਹੋਯਾ ਹੈ ਜਿਸ ਵਿਚ ਕੋਈ ਔਖਾ ਪਦ ਨਹੀਂ ਪਾਯਾ ਹੋਯਾ । ਕਾਗਜ਼ ਇਸਦਾ ਬੜਾ ਮੋਟਾ ਤੇ ਚੰਗਾ ਅਰ ਪੰਨੇ ੪੩੪ ਹਨ ਮੋਖ ਪ੍ਰੇਮੀ ਜਨਾਂ ਦੇ ਲਾਭ ਲਈ ਕੇਵਲ ॥॥॥ ਹੀ ਰਖਿਆ ਹੈ ॥

ਵਿਗਿਆਪਕ

ਰਾਯ ਸਾਹਿਬ ਮੁਨਸੀ ਗੁਲਾਬ ਸਿੰਘ ਐਂਡ ਸੂਜ  
ਮਾਲਿਕ ਮੁਫੀਦ ਆਮ ਪ੍ਰੈਸ ਲਾਹੌਰ ।



